




《續修四庫全書》編纂委員會編

續修四庫全書



上海古籍出版社



五五六・史部・傳記類

德壯果公年譜三十二卷 [清]花沙納撰

2660/06

咸豐丙辰年鑄

德壯果公年譜

致遠堂藏板



德壯果公年譜

經筵講官吏部尚書鑲藍旗漢軍都統 次孫花沙納恭纂

勘定

前翰林院侍讀分發陝西候補知府 吉林鄂 恆

山東 試用州 同 附 貢 生 懷甯方 朔

校對

日講起居注官翰林院侍講 上書房行走教習庶吉士 新陽李德儀

詹事府右春坊右贊善教習庶吉士 宛平邵亨豫

不職名

附 生長白承 廕

增修

景山官學教習己酉拔貢辛亥舉人 蜀東王正璽

校梓

刑部主事丙辰進士 蜀東王方衡



德壯果公年譜序

松岑家宰編輯

壯果公年譜既成以稟本見示俾為之序竊藻竊惟

國家以武功靖天下一時名將帥壯猶偉績彪炳旗常鐘鼎間  
後先相望顧方略列傳藏之史館人間不恆觀家乘行狀  
誌銘掇拾刪削去取不盡當或年月官位多舛悖亦無以  
該舉其全嘉慶中那文毅為其祖阿文成公年譜迺始編  
載

綸言章奏年經月緯勒成一書聞其義例定於王蘭泉司寇繁而  
不蕪詳而有法洵紀述之善者也

序

壯果公勳名與文成相埒而家宰是編亦即規撫前例比  
而論之文成之譜詳於準部回疆緬甸金川之役茲譜則  
始於金川繼及石峰堡臺灣廓爾喀湖南貴州苗疆川陝  
楚教匪甯陝兵變諸大事首尾完具瞭若列眉學士大夫  
即不能徧細蘭臺祕笈得斯二譜而觀之知人論世其於  
史學裨益良多且使後之為將帥者亦得知當日馳驅邊  
徼衝冒鋒刃戰功之多

恩眷之厚皆由於忠勇清貞之識力其間風威奮接踵而起者皆  
將奉此編以為法豈特一家之紀載而已舊藻曩者視學  
湘中晤楊侯誠村故嘗隸公麾下談及川楚軍興公與經

略額公並稱名將額公果於用法公則切於救民每戰勝  
歸營或克復城堡輒命委員清理難民分別安置資贍俾  
令得所或對以是非急務公正色曰吾受

命專征將以出民水火此事豈容須臾緩耶公既身膺顯爵功在  
巖疆而累葉貴盛自世襲徹侯外文通武達代不乏人今  
公孫家宰學問經濟望重公輔其施益大而遠漢史有言  
有陰德者必饗其樂以及子孫豈不信哉豈不信哉舊藻  
與家宰昆弟昔皆同官又於公軼事略聞一二用敢濡毫  
紀實附名簡編亦足見立功必本於立德而仁人有後非  
偶然也

序

咸豐七年歲在丁巳十二月壽陽祁雋藻謹序

德壯果紫光圖像



蜀東王森榮恭摹圖

紫光閣十五功臣圖贊  
 奪橋毀柵克卡破圍  
 單騎獨注千人弋揮  
 仄徑螺旋大河鳧渡  
 颯爽英姿光流竹素

咸豐丁巳涂月龍眠汪卿設書

德壯果公年譜 序 像贊 卷一

德壯果公年譜卷首

次孫花沙納恭纂

公名德楞泰伍彌特氏字惇堂祖居察哈爾之崇庫爾地方蒙古正藍旗人後升隸正黃旗為正黃旗人曾祖名諾們達賚

誥贈建威將軍

晉贈太子太保領侍衛內大臣管理兵部事務管圍大臣西安將

軍三等繼勇公會祖妣韓佳氏

誥贈一品公太夫人祖名鄂奇爾

誥贈建威將軍

德壯果公年譜卷首

晉贈太子太保領侍衛內大臣管理兵部事務管圍大臣西安將

軍三等繼勇公祖妣黃佳氏

誥贈一品公太夫人考名琳親

誥贈建威將軍

晉贈太子太保領侍衛內大臣管理兵部事務管圍大臣西安將

軍三等繼勇公妣合佳氏

誥贈一品公太夫人

乾隆十年乙丑

十一月初十日亥時

公生於京



十一年丙寅

公二歲

十二年丁卯

公三歲

十三年戊辰

公四歲

十四年己巳

公五歲

是年設立健銳營舉家駐防香山某月第二弟德楞額生後封振威將軍

德世果八年譜卷首

一一

十五年庚午

公六歲

十六年辛未

公七歲始入學讀清漢書

五月第三弟德成額生後官至廣西提督以軍功 賜

斐禮巴圖魯名號 國史有傳

十七年壬申

公八歲學騎射

十八年癸酉

公九歲

十九年甲戌

公十歲

五月第四弟德克精額生後封振威將軍

二十年乙亥

公十一歲

二十一年丙子

公十二歲

二十二年丁丑

公十三歲

二十三年戊寅

德世果八年譜卷首

一二

公十四歲

二十四年己卯

公十五歲夫人白氏來歸時年十四

二十五年庚辰

公十六歲

二十六年辛巳

公十七歲

二十七年壬午

公十八歲

二十八年癸未

公十九歲

二十九年甲申

公二十歲

三十年乙酉

公二十一歲

三十一年丙戌

公二十二歲

三十二年丁亥

公二十三歲

三十三年戊子

德壯果公年譜卷首

公二十四歲

三十四年己丑

公二十五歲

三十五年庚寅

公二十六歲

七月二十一日由前鋒授藍翎長充本營官學教習

三十六年辛卯

公二十七歲

正月初十日公子蘇崇阿生

三十七年壬辰

公二十八歲

三十八年癸巳

公二十九歲

六月二十三日

海蘭察奏言六月初七日夜臣聞德爾森保等所守山梁

木柵已被賊踞所關甚要而登春本有劉秉恬防守即趕

回木果木大營將軍溫福以德爾森保等所守山梁若為

賊占由此而下甚有關於後路不若暫撤昔嶺附近木柵

之兵移防後路要緊之處即於初八日丑刻撤回乃緣旗

兵丁一聞此信俱已棄營私遁至初九日夜大營東北山

德壯果公年譜卷首

上木柵俱被賊番奪踞初十日黎明大營後面山上木柵

亦報為賊番所奪將軍溫福同臣海蘭察共議大營後路

既被賊番占斷若從山頂而下直犯大營急難退卻不若

乘賊占踞未定竭力擊退方為有益遂率大營所有綠旗

及滿洲兵於卯時出營衝擊後路賊番木柵綠旗兵見柵

內賊番出拒不肯前進紛紛散亂臣等正在禁止之際忽

高峯上有賊千餘來犯將軍溫福臣海蘭察等迎上塵戰

而溫福胸左著鎗打透墮馬而亡溫福之子侍讀永保左

腿亦著石傷滾山昏迷此時賊眾竟入大營放火臣海蘭

察見事已至此若再戀戰徒損官兵先令領隊大臣公福



興等帶領兵丁循達札克角山越過山溝而出臣等帶領滿洲兵殿後且戰且走初十日夜半始至功噶爾拉牛天界營內因令副都統阿爾素訥總兵張大經富伸等將彼處所有兵丁亦皆撤出又聞劉秉恬登春營盤亦被賊圍臣海蘭察率領功噶爾拉之兵於十一日卯時令額森特海祿領兵在前開路臣海蘭察福興普爾普牛天界殿後是日戌刻行至崇德前路已被賊占夜間收兵屯住崇德亥刻劉秉恬亦至十二日未刻行至美諾會見博清額五岱和隆武公同籌計一面開通將軍阿桂後路一面從美諾至巴朗拉添兵固守地方至臣海蘭察額森特普爾普

德壯果八年諸卷首

六

巴雅爾海祿福興請從重治罪臣等不勝惶懼

諭曰溫福等失事皆為綠旗兵所誤去年春朕已派定健銳等營精兵數千備調因溫福阿桂奏以京兵較綠旗兵費幾數倍朕為其說所游移遂爾中止今事已如此悔亦無及現降旨選派健銳火器營兵各一千黑龍江吉林兵各一千即日分撥起程令色布騰巴爾珠爾以固倫額駙為參贊大臣統領前往竟須另整規模迅圖進剿此時海蘭察已與劉秉恬富勒渾會合一處惟當示以鎮靜即將美諾至明郭宗一帶辦理周密其餘各緊要處應開通者迅速開通應勦殺者盡力勦殺總須占住小金川鄂克什地方整頓兵眾鼓勵士氣以期另辦阿桂聞賊勢

猖獗自必統領大兵撤回殺賊只須阿桂與海蘭察等會合大局即定至溫福軍營綠旗兵盡皆潰散實堪髮指若不將倡首及附和者正法多人軍律安在但現在軍營尚未甯定阿桂當留心查察此時且不必宣露至於宜喜一路留舒常帶兵駐守豐昇額即由該處徑往阿桂軍營會商安辦其丹壩一路仍令五福帶兵千餘在彼防守堵截在貴州續調之一千兵雲南續調之四千兵又今日續調之陝甘兵二千到川境後應赴何處或在何處暫住聽調即著阿桂通盤籌畫檄知帶兵將領遵照而行至文綬已授為頭等侍衛應即馳赴明郭宗妥為幫辦其富德現係三等侍衛著授為頭等侍衛領隊行走

德壯果八年諸卷首

七

又

諭曰現將健銳火器兩營兵二千名由京派赴四川軍營計每隊二百人分為十隊著色布騰巴爾珠爾帶領頭隊先行富德帶領末隊後行其餘八隊兵丁派乾清門侍衛保甯伊達里那木札珠爾格德同派出之該營章京等分隊帶領行走

朱金川自乾隆十四年上命大學士傅恆與提督岳鍾琪受降後原示大度包容冀于更新之意不謂狼子野心未經大創遂乃憑依險阻構扇致煩天威震怒一再興師先是聖識之燭於遠也亦欲調健銳等營精兵數千進剿而將軍溫福參贊阿桂乃以糜費過重止之至是果有木果木之敗上不得已重申前命並添派黑龍江吉林各兵前進嗣後每戰必克不獨滿兵趨健絕倫所向洞札即新舊營諸軍亦觀激奮發勇氣倍常故論者謂金川之事兼三難天時之多雨久雪也地勢之萬夫莫前也人心之同惡誓



死也而大兵所至神設鬼施伺間出奇九地九天運勞  
驟或七萃從石礮而出或千矛隨礮聲而入薙焉交林手  
足並行如燧循條如猿引臂所謂險萬陰平聚百石堡自  
蚩尤以來未有鑿凶裂罅賊目擊魂如斯之役也然非今  
日之亦斷不至是命

七月初七日

公由京起程從征金川

十一月十二日

明亮奏言竊臣等謹遵

欽定吉期西南兩路會同進剿茲於二十五日富德奎林等所帶  
官兵均從墨壟溝先後進發至二十九日子刻三寶所帶  
兵練亦齊抵沿河山下相次前進賊番施放槍石不絕臣

德壯果公年譜卷首

八

在河北思紐所帶三路官兵亦令分頭並進攻取得里並  
山梁礮卡賊番漸聚漸多皆於兩面山梁險要處竭力死  
守臣候至夜半督率各兵分路潛往猝然攀躡而上乘其  
倉皇失據時即將得里礮寨全行攻奪正當督兵前進而  
富德已攻得喇嘛寺日寨繞出得里之前兩軍同時會合  
勇氣倍加一路追殺直至策爾丹色木該處賊番旋即潰  
竄其得里最高山頂賊礮當日亦為奎林攻獲至三寶等  
往攻得布甲之兵原令牽綴為河北聲援使賊人不能隔  
河放槍維時望見河北快捷無不覓路而登漸至山半勢  
亦不能再退當即併力直前臣人自為戰又添派舒景安

帶兵合力賊番不能抵禦盡棄礮卡而逃統計河南之得  
布甲河北之喇嘛寺得里兩面山梁日寨策爾丹色木盡  
行攻克現當賊番潰敗之餘臣飛調夫糧接濟並將所得  
要隘派兵防範鼓勵官兵連夜前行即期掃穴

諭曰阿桂明亮等奏西南兩路官兵均於十月二十七八九等日  
分路進剿西路已盡克資哩南北山梁美美卡木蘭壩並收復  
鄂克什官寨南路已克得布甲喇嘛寺得里兩面山梁及日寨  
策爾丹色木現俱鼓勵官兵乘勝前進等語收復小金川其勢  
較易朕已久經料及但此次甫經進兵數日之間即連得賊酋  
險要礮卡殺賊甚眾覽奏深為嘉悅將軍參贊調度董率有方

德壯果公年譜卷首

九

西路領隊大臣額森特於攻勦資哩木蘭壩時較眾倍加奮勉  
南路之領隊大臣奎林攻克得里賊礮亦甚勇銳均著交部議  
敘其在事出力之將領弁兵並著阿桂明亮等查明咨部一併  
議敘其中有勇勉超羣者查確專摺奏聞候朕量加優獎

兵部發給一等功牌

正黃旗蒙古哈豐阿佐領下藍翎長德楞泰前往金川出  
兵乾隆三十八年十月二十九日因在喇嘛寺等地方  
打仗奮勇由定西將軍阿桂等列為頭等造冊咨送在案  
相應特給頭等功牌一軸作為將來執照  
三十九年甲午



公三十歲

四月十七日陞授前鋒校

六月公夫人白氏卒於京

四十年乙未

公三十一歲

五月二十二日

阿桂豐昇額海蘭察額森特奏言查第三條山腿將至平壩為赤布寨有戰礮七座回環互守必須攻克此寨則直下河干始無阻礙臣等於初八日寅刻派兵進攻至巳刻未能得手但赤布寨之北為得思古寨自高而下礮寨雖

德壯果公年譜卷首

十一

多若出其不意不難攻奪而既取得思古寨順溝下至瀕河則噶朗噶及噶爾丹寺亦俱攔截在內與從赤布寨而下形勢無殊當將官兵酌撤至申酉間沿溝潛進突然攻搶賊人放槍抵禦而官兵業已分頭搶入遂將得思古各寨均行占住其得思古寨迤西而北尚有寨落數處初九日乘勢攻獲而五福等亦從安吉山腿迤邐下攻克取大寨二座因思赤布寨在山腿盡處形勢甚陡今官兵既克得思古寨可以抄出其後因於初十日前後合攻將赤布寨即行攻獲是日各領隊等又即帶兵將噶爾丹寺南面寨落三處相繼攻克而五岱等又將噶爾丹寺東面寨落

並水礮一併攻得至戌刻風雨雪霰交作賊人黑夜奔逃官兵設伏防範賊為槍箭所斃者不少比至天明即將其寺焚燒以絕奔布爾邪教至遜克爾宗左手有舍圖枉卡山腿一條其上礮卡排列聯絡接應臣等於初七日派兵六路進攻該處山梁陡峻樹木叢深初八日丑刻各官兵潛密無聲分路進發章京巴彥泰等將最上三礮圍住分頭撲進儘力砍殺賊人無一得脫遊擊普吉保等攻中間第四礮並礮外木城亦立時摧破而李文英傅宗孔高瑛張顯揚分攻第二第三礮英林等攻了口上木城並平房二十餘間亦俱相繼克獲富興成德等又乘勢搶其大礮

德壯果公年譜卷首

十二

五座木城二座但此了口中間尚有礮卡三座為官兵下壓所必經一從了口而下則遜克爾宗之賊勢必望風奔潰官兵又添一進搗勒烏圍之路查噶爾丹寺本係金川著名地方而噶朗噶九賊人最大聚落今官兵竭三日四夜之力將噶朗噶一帶寨落一百十餘處戰礮三十餘座寨房二千餘間盡行奪獲掃除而噶爾丹寺亦不攻自潰前至勒烏圍不過數里現在趕緊添築木柵直至河沿即與明亮基木斯丹當噶新營隔河相對其榮噶爾博第八九峯賊雖死力拒守然山上山下皆可覓路進兵臣等相度機宜惟期迅速集事先掃勒烏圍巢穴以慰



宵旰殷懷

諭曰阿桂等此次攻克噶爾丹噶朗噶等碉寨將軍參贊調度有方領隊大臣奮勉出力甚屬可嘉俟卽日攻得勒烏圍後一併優敘至在事之將佐弁兵並著阿桂等查明咨部分別議敘

兵部發給超一等功牌超三等功牌

正黃旗蒙古哈豐阿佐領下前鋒校德楞泰前往金川出兵乾隆四十年五月初八初九初十等日因攻取噶爾丹寺噶朗噶等處碉樓苗寨奮勇由定西將軍阿桂列為超等造冊咨送在案相應給與超一等功牌一軸加給超三等功牌一軸作為將來執照

七月二十二日

德壯果公年譜卷首

三

阿桂豐昇額海蘭察額森特奏言拉枯喇嘛寺之下溝底斗里一寨有賊拒守成德帶兵自上壓下卽行攻克至攻剿章噶之兵派普爾普泰斐英阿從章噶山梁左邊繞截薩爾吉岱額爾特進攻相連之達瑪噶郎一碉瑚尼爾圖等分攻其下各碉卡其章噶一碉令官達色仁和海祿等帶兵左右分攻臣海蘭察攻其正面臣豐昇額親往督率初八日寅刻分隊前進賊番於章噶碉座之外已挖有深溝三道將樹枝茆草平鋪溝上蓋以薄土溝沿既挖有槍眼其外又豎木柵以為抵禦官兵一至溝前砍斷木柵卽

已覺其狡計隨拔起所砍木柵橫搭溝上乘之以過賊人

槍石交加且碉座高堅力攻良久緣碉角蟻附而上直至碉頂層層砍殺而下賊人驚惶竄出官兵合圍力剿殺賊數十人將章噶大碉克取並搶得碉旁木城其時普爾普等搶上舍爾都拉以後山梁四面攻打而瑚尼爾圖薩爾吉岱等又分道擁上山梁賊見我兵勢猛力不能支一面拒敵一面竄逃官兵衝躡其後槍箭齊發賊人傷斃甚多並擄獲男婦七名將兩山峯俱行占據乘勢克獲寨落二十餘處旋於初八九兩日將章噶上下十餘寨一併焚燒剿殺此次所得地面甚寬接續不易因又將額森特隊內

德壯果公年譜卷首

三

之兵撥往千餘並將附近後路營卡之兵竭力抽撤以供前進之用

諭曰此時章噶既得已拊勒烏圍之背或先截斷勒烏圍通噶拉依之路或自上下壓直搗勒烏圍均可計日而待設或賊眾自揣力不能支逃回噶拉依卽未能多殲賊眾而業已掃其一穴自益見窘蹙看來賊眾卽或聚守一隅而敗回之賊愈多口食愈形竭蹶其勢斷難久拒但恐賊人外竄未免又羈時日不可不多方設法廣為攔截

兵部發給一等功牌

正黃旗蒙古哈豐阿佐領下前鋒校德楞泰前往金川出



兵乾隆四十年七月初六日奪取斗里寨攻取棚噶喇樓苗寨初八初九等日奪取章噶等處喇樓苗寨奮勇由定西將軍阿桂列為頭等造冊咨送在案相應特給頭等功牌一軸作為將來執照

八月二十四日

阿桂豐昇額海蘭察額森特奏言勒烏圍喇寨高堅其南為轉經樓又過甲爾日磔橋而南為科布曲山腿與官寨互為犄角卡寨鱗櫛聯絡接應前阻大河後負高礮對河扎烏古阿爾古一帶之槍礮既能隔山救援而其後高礮層層均有卡棚礮座備禦甚嚴臣等自壓至勒烏圍之上

德壯果公年譜卷首

西

分兵攻繞用大礮轟推并擊棚橫截而下以斷其後路並令冷角寺一帶官兵由西北台轟官寨沿河向南擊棚以截賊人水路但賊番合力抗拒槍礮倍為緊密且高礮陡峭兵力難施因又令官兵砍伐樹枝作為柴捆攜牌並將口袋裝盛沙土令官兵匍匐地上頭頂柴捆土袋以手推轉而行一至礮沿層層堆起趕運木植連起三層高棚以擊礮下之賊並於地道中運往礮位轟擊從礮下挖溝抗拒之賊共計高礮八層均被官軍連日逐步搶占僅餘高礮一層小礮三層節次攻奪礮卡又殲賊無數至甲爾日磔橋臣等排列大礮轟摧漸多塌卸復於楚兵內募得善

於泗水者令其潛由水底縛巨索於橋柱之上合力扯拽是橋亦經坍塌自占據第八層高礮而下復即令額爾特岱森保等督率官兵一面仍刨地道以便接擊木棚但查自勒烏圍至轉經樓固皆卡棚層接而第三層小礮下賊人必益驚惶無措因於十五日申刻派兵先為埋伏預備攻搶勒烏圍而臣海蘭察同額爾特等從礮而下攻其近南木城烏什哈達等從河灘而上攻其近北木城維時轉經樓等處之賊攢集二百餘人前來拚死救援官兵奮迅迎擊殲戮過半而為滿洲索倫兵弓箭所斃者最多額爾特等遂乘勢又擊木棚二座已至所餘高礮一層之上是

德壯果公年譜卷首

三

夜亥刻額爾特烏什哈達等復夾攻近北木城先行攻克其預備攻打勒烏圍官寨之兵臣海蘭察率同那木扎格勒爾德自官寨東南進攻普爾普泰斐英阿自南進攻福康安特成額明仁自西北進攻而五岱攻其東北臣豐昇額帶兵為各處策應額爾特岱森保於攻得木城之後又併力前往攻打官兵四面合攻呼聲動地於十六日子刻將勒烏圍官寨攻克額爾特特成額福康安等即分兵占據而瑚尼爾圖亦已將末層礮上石礮攻獲其時轉經樓一處保甯官達色彰霽帶兵攻打一併克獲其逸出之賊我兵緊隨追殺直至甲爾日磔橋賊人不及過橋浮水竄



逸又因連夜大雨勒烏溝山水漲發賊人淹斃既多而官兵槍箭從後擊射得脫者無幾隨於甲爾日礮橋暨立營柵占據此次除攻克勒烏圍官寨轉經樓喇嘛寺外其餘所克碉房寨落木城石卡共六十餘座殺賊數百人查勒烏圍係賊人根本老官寨悉力死守歷時三旬實已不遺餘力今仰賴

皇上天威凡賊人所恃以抗拒之處一夕無不破遂得先掃其舊巢現在賊人心膽益寒臣等亟將兵力稍為整頓提兵直搗噶拉依以為迅速蕪功之局

諭曰據定西將軍阿桂等馳奏紅旗報捷於八月十六日已攻得

德壯果公年譜卷首

七

勒烏圍賊巢此實仰賴

上天眷佑成功迅速而將軍參贊實心宣力調度得宜將領弁兵各奮勇集事均屬可嘉所有將軍阿桂副將軍豐昇額參贊大臣海蘭察額森特及在事將弁等著交部從優議敘其出力之滿漢官兵屯土兵練俱各賞給一月錢糧以示獎勵

兵部發給一等功牌超一等功牌

正黃旗蒙古哈豐阿佐領下前鋒校德楞泰前往金川出兵乾隆四十年八月十五日夜間因衝破勒烏圍所有轉經樓喇嘛寺苗寨碉樓全行攻取奮勇由定西將軍阿桂列為超等造冊咨送在案相應照例從優議敘特給超一

等功牌二軸作為將來執照

四十一年丙申

公三十二歲

二月十二日

阿桂豐昇額明亮奏言臣等督率各路官兵將噶拉依賊寨四面設卡掘濠拳柵轟礮合力圍攻其官寨均經摧塌官寨外各寨落又經節次攻取惟餘扎木什克寨尚在死力拒守臣等督令官兵攻打益加緊急賊酋惶窘無計初三日令其心腹頭人拉布咱僧格來營乞命而拉布咱僧格亦自懇恩投降免死臣等令投番侍衛穆塔爾密諭以

德壯果公年譜卷首

七

汝等必當有自效出力之處方能免罪拉布咱僧格去後臣等旋令官兵預備候至未刻扎木什克及各卡賊眾情形稍覺散亂臣海蘭察額森特均即帶兵直下臣富德舒亮亦帶兵過河各寨賊人望見兵威壯盛出寨跪降其餘抗拒者皆被官兵殲獲所有扎木什克及山腿土卡座暨緊貼官寨西北一面散寨均經官兵占據並將官寨東山溝取水之處占住截斷是晚各領隊帶兵齊至官寨牆下四面圍定賊人仍於寨內徹夜叫稱索諾木明日出降至初四日早索諾木跪捧印信帶同伊兄弟莎羅奔甲爾瓦沃雜爾斯丹巴伊妻布拉克底土女章谷土女並大頭人



丹巴沃維爾阿木魯綽窩斯甲尼瑪噶喇克巴並都角喇  
嘛聶壘喇嘛及大小頭目男婦老幼二千餘人出寨乞免  
誅戮<sub>臣</sub>等派領隊大臣舒亮保甯官達色巴克坦布等將  
官寨嚴行看守另行派員查點外其帶出之番衆二千餘  
名亦派令幹練鎮將分別查明辦理伏查金川賊酋窮兇  
極惡久為西南邊外之患實屬神人共憤今其全家母子  
兄弟悉就俘擒而助惡著名之大頭人亦概行擒獲無一  
逋逃藏匿非但漢土官兵驚喜懽呼咸謂出於意外即<sub>臣</sub>  
等前此亦未敢必其全數生擒此皆仰賴  
皇上威福上邀

德莊果公年譜卷首

本

天佑是以戡功完善至於如此謹將攻克賊巢俘擒賊酋之處恭  
馳露布以

聞

十六日

諭曰金川全境蕩平逆酋黨惡並皆擒獲獻俘大功告成將軍阿  
桂及勞績出眾之參贊領隊大臣等業經降旨優加恩賚列爵  
策勳其隨同將軍奮勇立功之將士亦應各予錄敘以獎勤勞  
並著查明此次在事之人核實造冊咨部從優議敘

兵部發給二等功牌超四等功牌

正黃旗蒙古哈豐阿佐領下前鋒校德楞楞泰前往金川出

兵乾隆四十一年二月初四日攻破賊噶拉依巢穴將賊  
首從頭目等全行擒獲奮勇由定西將軍阿桂保舉二等  
造冊咨送在案奉

旨給從優議敘特給從優議敘二等功牌一軸加給超四等功牌  
一軸作為將來執照

四月二十六日

將軍阿桂副將軍豐昇額等振旅凱旋至黃新莊恭請

聖安

賜將軍以下至官兵膳於

行在所

德莊果公年譜卷首

九

二十七日

上幸良鄉城南行郊勞禮正南為壇壇上左右列纛

上龍袍衣服騎駕鹵簿導行將至壇軍士鳴螺鏡歌樂作將軍副

將軍暨參贊領隊侍衛官兵戎服跪迎

上登壇拜

天自將軍以下及在京王公大臣皆隨行禮

上升座將軍副將軍等率眾行禮畢復趨至

御座前跪行抱見禮

上撫勞之傳

旨賜座將軍以下坐西幄在京王公大臣坐東幄

賜茶畢馬上凱歌樂作

公於是日回京

二十八日

上御紫光閣行飲至禮將軍副將軍暨參贊領隊

乾清門侍衛等及奉

旨入宴之王公大臣列坐

閣內從征官員列坐階下左右幄內

上親賜阿桂豐昇額等卮酒奏凱宴樂各番人等以次歌舞畢退

是年公繼配博馬特夫人來歸

乾隆四十二年丁酉

德壯果公年譜卷首

三

公三十三歲

四十三年戊戌

公三十四歲

四十四年己亥

公三十五歲

四十五年庚子

公三十六歲

四十六年辛丑

公三十七歲

四十七年壬寅

公三十八歲

四十八年癸卯

公三十九歲

二月太夫人卒公丁憂

四十九年甲辰

公四十歲

五月十六日

諭曰據五岱等奏賊人復行竄逸且有石峯堡等處回民聚集滋擾之事並稱回匪頭人有馬阿不都馬之元沙之玉馬世雄四人都是三掌教頭目更有小頭人四名等語新教匪徒竟有三

德壯果公年譜卷首

三

掌教名目可見伊等掌教內已有等第層次是其蓄謀已久必非朝夕所能猝合李侍堯身為總督且從前剿除蘇四十三後所有斷除新教之事即責成該督專辦乃該督於新教回匪等公然自立掌教名目等次之事毫無覺察任其煽惑勾結以致釀成事端豈封疆大臣惟知厚享廉俸安坐衙齋而於地方此等重大事件全不知留心防範有是理乎福康安到後即查明此事如果係李侍堯平時漫不經心養癰貽患所致即據實嚴參具奏至賊人屢次逃逸糾合夥眾擾害地方揆度情形必須滿洲勁旅前往方能迅速肅事著傳諭阿桂於火器健銳兩營內挑選精兵一千名預備聽候諭旨再行帶領起程所有分隊



帶領之侍衛章京等並著酌量選派京兵聲勢壯盛經阿桂帶領前往尤足以壯軍勢而協人心阿桂所帶京兵一到自可合同調度剋期竣事也

案魏氏源聖武紀先是蘭州賊滅後李侍堯查治新教餘黨吏胥肆騷於是伏羌縣阿潭田五等藉詞為馬明心報復仍與新教四十六年冬葺通渭縣之石峯堡為巢穴次年聚謀禮拜寺造旗製械而吏不覺察四十八年四月復行殺掠乃徙其家屬於石峯堡而分屯伏羌縣之鹿盧山靜甯州之底店山潘隴山扼險號召五月甘肅提督剛塔等勦之擊賊伏羌城外略有斬獲首逆受創死李侍堯誅婦孺千餘賊黨馬四圭張文慶等流言官兵欲勦絕回衆乃復煽黨肆掠氣益熾上怒李侍堯之不職而剛塔之無方略也因於五岱奏明賊勢時即有此論

十八日

諭曰甘肅逆回滋事未能迅速勦滅已派福康安帶領巴圖魯侍

德壯果八年譜卷首

三

衛章京等前往勦辦著再派阿桂帶領侍衛章京兵一千名分作五起阿桂先率領頭起由驛起程從河南一路行走前往更足以壯軍威而速歲事其隨帶之軍機處司員並著一體馳驛如阿桂途次已得勦賊完結之信即行帶兵回京

二十三日

阿桂奏言 欽奉

諭旨令 臣將帶兵之侍衛章京酌量挑派 臣謹就所知選派頭等

侍衛額爾博克護軍參領星山保觀祥三等侍衛佛爾卿額德布星額定住塔爾爾善副護軍參領愛星阿永甯委護軍參領德成額等十員令其分起帶兵前往至應派之

兵丁一千名 臣阿桂於火器營內會同 臣蘇恩挑選於健

銳營內會同 臣復興等挑選將會經出兵及技藝精嫻者

每營挑派五百名共選派一千名除該兵等應得箭枝棉

甲火藥鉛丸俱令該處照例辦理即行給與外其應得銀

兩仍照十六年定例賞給查上屆各兵起程原係酌量車

輛間一日即令一隊起程以期迅速行走此次酌令分兵

四隊每隊二百五十名令侍衛章京等仍間一日一隊起

程已交兵部順天府遵照辦理

二十四日 公由京起程從征石峯堡

德壯果八年譜卷首

三

阿桂奏言 臣於五月二十四日帶領侍衛章京並京兵一千名由京起程按日分隊行走前往甘省辦理勦捕逆回事宜查賊匪煽聚新教勾通接應膽敢抗拒官兵戕害大員攻城搶庫實為罪惡貫盈其黨夥雖多看其打仗器械不過刀矛急則竄走乘勢劫掠前此各路徵調之兵尙未齊集是以領兵將弁僅能在後尾追不能繞道截殺圍堵未得迅就擒滅至石峯堡進勦時明善追擊陣亡在將賊擊敗之後因未悉該處地形急於逐利而失利其攻破通渭縣城之賊經該都司等帶兵前進所到官兵無多即行竄出是其草竊伎倆斷不能久肆鳴張指日兵力厚集四



路堵擒卽或再有回匪接應而

天兵迅掃無難剋期蒞事臣一到甘省當悉心竭力與福康安等

會同籌辦務期剿捕盡淨早日完竣卽可早日仰祈

聖懷

六月十二日

諭曰據福康安奏此時應將底店賊匪先行剿洗現與海蘭察卽由平涼前往隆德帶兵進剿直搗賊巢正與朕所降諭旨相合其慮賊由小路竄逸分兵防堵攻剿之處所辦亦皆中窾要頃已有旨傳諭福康安如兵力已足續到之京兵可卽行文停止著再傳諭阿桂沿途探聽甘省剿賊情形如底店及石峯堡之

德壯果公年譜卷首

五

賊經福康安剿洗完竣僅存伏羌竄逸餘賊阿桂止須帶頭二起京兵五百名前往幫同福康安搜捕并籌辦善後事宜其三

四起京兵及復興所帶之兵皆可令其撤回

七月初四日

阿桂福康安奏言臣等攻圍石峯堡賊巢安卡挑壕斷賊

水道現在公同商酌周視地勢賊人取水係在石峯堡西

北及東南崖下兩處河流貼近堡下山邊惟有將石峯堡

西北東南山腿占得卽可斷絕賊人水道並遵照

硃筆圈出指示之處選派官兵擊卡進逼周圍刨挖溝濠一道彼此接連再加一層堵圍愈益嚴密賊匪斷不致有一名免

脫但此係賊人性命所係必盡力守禦須整頓兵威乘勢

剿殺並多備鐵鑿人夫一面預備打仗一面探濠擊卡因

於二十五日寅刻發兵臣福康安與海蘭察五岳旺沁班

巴爾保甯成德三德蘇靈阿爾薩明法靈阿泰斐英阿福

甯明亮春甯等帶領巴圖魯侍衛章京率領京兵各營奮

勇官兵阿拉善兵屯練降番老教土兵分隊預備臣阿桂

督催策應卯刻我兵搶至堡前堡後遂將西南東北兩處

山腿占得賊匪並不敢出堡迎拒維時海蘭察帶同明亮

春甯巴圖魯侍衛各員等將所帶官兵埋伏兩旁溝壩之

下乘賊追壓遂出從中攔截卽可痛加剿殺因催令兵夫

德壯果公年譜卷首

五

立持鐵鑿刨溝濠逆料賊匪見創溝斷伊水道定形惶

急且止係人夫無兵保護自必乘間下壓希圖衝散我兵

卽可突出剿殺不但制賊死命亦誘賊之一法無如賊人

自恃有深壕數重諒官兵一時不能超越仍藏匿壕內放

槍投石始終不敢出迎我兵遂一面擊卡一面挖濠申刻

雷雨大作亦未少休並恐賊人乘雨下衝愈加嚴整自辰

至戌周圍石峯堡十餘里共擊卡二十餘座刨挖濠溝一

道深寬各一丈四面接連卽派奮勇官兵及川省屯練令

住各卡堵守又防賊人於夜間衝突鋌而走險海蘭察等

於京兵及阿拉善兵內選派好槍手數百名排列預備終



夕巡查稽察賊匪亦毫無動靜至賊人取水處所在官兵卡壕之外賊匪斷不能越過偷汲即遇天雨用器皿接取諒亦無多且山形陡凸並無溝坑不能存積斷難供數千人飲用數日之內定形渴憊此時派兵進撲亦可期得手但恐困獸猶鬪我兵轉有損傷惟有仰遵

訓諭倍加慎重計出萬全總期賊人不致一名逸出再查石峯堡四面並無石碇賊人欲將官兵誑入之語俱係傳聞毫無確據從前傅玉所駐鹿盧山係石峯堡南面相隔有二十餘里僅可以牽綴賊勢今<sub>臣</sub>等搶占山腿周圍挑挖溝濠孳立卡座逼近石峯堡賊人所挖溝濠不過一槍所及之地

德世果公年譜卷首

三

地現在石峯堡西北山包已派五岱阿爾薩朗帶同侍衛官員率兵嚴防其東南山腿海蘭察帶同巴圖魯侍衛同明亮等在彼駐守嚴防<sub>臣</sub>福康安復不時往來巡查統計四面卡座溝濠周圍不過十里每日可以稽查數次呼應實為迅速賊人實無從竄逸

十一日

阿桂福康安奏言查石峯堡賊人自斷水以來晴霽數日情形惶急屢於黑夜下礮盜水俱被我兵擒殺初三日有陸續投出賊回三十一名俱因渴極困憊私出山礮滾下至初四日投出男婦愈多自早至晚已有一千五百餘名

<sub>臣</sub>等密看情形其投出人數內婦女幼稚居多男丁內亦少精壯者且從石峯堡正門行走並未見賊人攔阻逆料賊人詭譎伎倆自知死在旦夕不能兼管多人任聽受渴困憊之老幼男婦紛紛投出既可節省飲食且希冀我兵見賊眾投出防範稍懈即乘勢撲出以圖竄逸亦未可定且時已日暮尤應戒備不虞<sub>臣</sub>阿桂等令各營卡施放槍礮將投出賊匪打回<sub>臣</sub>福康安同海蘭察泰斐英阿福甯

阿滿泰明亮春甯蘇靈及巴圖魯侍衛章京率領各營奮勇官兵阿拉善兵屯練降番於石峯堡周圍各卡要隘之外層層分布埋伏預備並恐投出之逆回五百名留在營中倉卒生變因設法於糧臺附近處所辦理沿路派兵彈壓將賊匪分作十人為一起陸續送至該處一面點名一面正法以絕他患至子刻賊首張阿渾果同楊填四帶領賊匪甚眾寂不作聲一至壕邊將婦女牲畜包裹堆入壕內向外直撲大通阿渾帶領賊人在後催促接應思欲捨命奪路竄逃其地正在奎興永鐸永安額爾登保一帶而

德世果公年譜卷首

三

舒亮三德阿爾薩朗處營卡亦有賊匪撲出我兵槍箭如雨盡力截殺維時海蘭察即帶同泰斐英阿福甯阿滿泰春甯巴圖魯侍衛及滿漢屯土各兵馳往該處自外層層圍裹痛加殲戮<sub>臣</sub>福康安於各路督催照料明亮保甯成



德圖桑阿額爾恒額法靈阿蘇靈各於防守處周密巡邏見賊截殺賊人撲下處所係石峯堡南面陡礮地本險峻我兵所挖溝壕又極寬深賊匪自相踐踏黑夜力戰直至寅刻殺賊共有千餘賊屍積滿壕內河灘山下徧地縱橫張阿渾被我兵射傷仍與大通阿渾等竄回堡內其時天色黎明臣福康安同海蘭察明亮等帶領各路官兵一擁而上復興旺沁班巴爾傅玉等亦督率官兵進堡搜捕擒殺將首逆張阿渾卽張文慶大通阿渾卽馬四娃及賊目楊填四黃阿渾卽黃明馬建成馬連茂馬金玉楊存義馬建機馬建業馬保全數擒獲此外又生擒餘賊七百餘名割取首級八百餘顆其壕內河中賊屍層積未及割取者尙多計兩日內打仗殲戮及生擒投出正法賊回共二千餘名拏獲首逆犯及各賊眷屬孩稚共三千餘口得獲牲畜糧食器械帳房無算此次勦滅賊巢滿漢官兵俱各振奮巴圖魯侍衛等皆倍加出力俟查明再行分晰具奏查逆回自其祖先以來食毛踐土蒙國家豢養深恩者已百數十年與民人同隸編氓毫無區別乃敢聚眾鳴張攻城掠堡傷害官兵雖寸磔不足蔽辜今悉數殲擒並眷口俱全行就縛此皆仰賴

皇上洪福

上天嘉佑故能成功如此之完善俟將首逆各要犯嚴切審訊再行分起派

乾清門侍衛巴圖魯侍衛章京等迅速解送熱河以備審訊再賊匪黃夜撲出官兵奮勇勦殺賊屍積滿溝壕難保無賊人自相踐踏乘機竄出者現在首逆各要犯雖已全數擒獲臣等不敢稍存大意派舒亮阿爾薩朗阿滿泰等帶同巴圖魯侍衛章京率領馬兵分路搜拏並飭從前派出之各帶兵將領及各該縣一體堵截緝拏務期淨盡不致一名漏網至底店降回千餘人臣等現擬設法辦理俟一面查辦一面卽將馬文嘉嚴加鎖鑰交法靈阿解送熱河再石峯堡內臣等派員逐細搜查除牲畜糧食破爛衣服外餘無別物其堡形勢實屬險峻但止有土牆一道溝壕三層並無別項備禦

諭曰覽奏實深欣慰國家愛養黎元凡直省編氓遇有水旱苗荒無不立時蠲賑至甘省回民久隸帡幪食毛踐土便與齊民無異該省地方饒瘠間有不登卽行蠲免賑濟較他省爲尤多回民等同在編氓之中仰沐膏澤家給人足伊等同有天良豈不當稍知感激且地方官並無苛求酷派激變事端乃逆回等敢於光天化日之下肆行逆謀實爲國法不容神人共憤而前此李侍堯剛塔等辦理不善致賊四處勾結蟻聚滋蔓猖獗鳴張



經朕特派大學士阿桂陝甘總督福康安先後帶領巴圖魯侍衛等前往督辦並諭以底店係賊匪門戶當先由該處以次進剿福康安先抵甘省數日之內即將底店賊匪辦淨盡肅清後路俾賊眾聞風膽落萌蘖潛消阿桂抵石峯堡後復會同福康安遵照朕硃筆圈示之處安營設卡將賊匪嚴密圍堵並斷水道辦理均為妥協且剿辦甫經一月即能將賊匪迅速殲除而賊首張文慶等俱悉數生擒並拏獲活口三千餘名不使有一人免脫此皆仰荷上天嘉佑是以軍士用命俾該犯等惡貫滿盈按名生致盡法懲治而諸臣之蔽功完善不可不特沛殊恩以昭懋賞

德壯果公年譜卷首

三

十二日

諭曰昨據阿桂等奏初五日黎明督率官兵進堡搜捕將首逆張阿渾即張文慶大通阿渾即馬四娃等全數擒獲等語張文慶等於黑夜之中思欲奪路遁逃經官兵截殺竄回堡內福康安等帶兵進堡搜捕時該犯等自知罪在不赦豈肯甘心束手就縛著傳諭阿桂福康安即將搜拏張文慶馬四娃各犯時該犯等曾否抗拒官兵等係何人擒捕何賊並該犯等詢取供詞後何日起解之處迅速覆奏至該處善後事宜全仗阿桂福康安會同在彼辦理其海蘭察等即帶同巴圖魯侍衛等由驛馳赴行在以備扈從

八月

公由石峯堡起程回京

詔封福康安嘉勇侯阿桂加一輕車都尉海蘭察加一騎都尉世職其餘將弁兵丁均議敘賞賚各有差

五十年乙巳

公四十一歲

二月十三日陞授空銜花翎

四月十一日陞授委前鋒參領

五十一年丙午

公四十二歲

德壯果公年譜卷首

三

五十二年丁未

公四十三歲

恭錄

御製詩

閱武

健銳營駐今將四十年雖安不忘耳得力則誠然戊辰歲於香山置健銳營訓練八旗兵丁素稱精銳從前平定詎獨驍騰捷所嘉心準夷回部大小金川屢經征調實為得力意堅不顧將脫逃之事茲臺灣逆匪林爽文等糾眾不法調兵進剿乃因黃仕簡任承恩二人觀望誤事以致賊勢鴟張總兵郝壯猷所帶兵丁遇賊潰散退回郡城其畏葸失律罪無可道若緣營弁兵俱能如八旗勁旅奮勇堅心間因示戎詰亦以寓埋根前進自當早獲渠魁撲滅蕪事矣



恩宣 香山地遠京城健銳營列伍萃處無外誘習氣故能操練精熟每駐蹕此地必親臨閱視分別頒賞其中技勇超眾者加倍恩賚以示鼓勵

實勝寺

實勝寺建山之陽置健銳營早有記 乾隆戊辰夏用兵金川以億敬觀 列朝實錄開國之初我旗人躡雲梯肉薄而登城者不可屈指數以此攻喇弗克因命於西山之陽設礮而簡狀飛之士習之未逾月得精其技者二千人命大學士公傅恆為經畧統之以行建平定金川後即就礮傍舊寺易其名曰實勝昔我 太宗破明兵十三萬於松山杏山之間歸而建實勝寺以紀勳茲仿其例合成功之旅立為健銳雲梯營並於寺之左右建屋居之詳見已 已歲御製實勝寺碑記 以遵

家法宣國威實賴八旗子弟平定西域及金川無不成功慶如志 自立健銳營後所習雲梯馬步射鳥槍諸技訓練精熟趨捷勇往嗣平定西陲及大小金川得其力居多 何意海

外邪教輩俾兩提臣誤軍事 上年十一月臺灣匪林爽文等逆兩路提督黃仕簡任承恩帶兵前往剿捕不一南一北自株守

與賊以暇賊生計緣營恒怯惡習成遇敵猖狂即退避以致莫延恣梟張三月待久捷未至 黃仕簡頓兵郡城任承恩株守鹿港一南一北遷延不進與賊以暇

致令莫延竊發甚至總兵郝壯猷恒怯無能 幸于慮早遣將臣遇賊奔潰已經三月有餘尚未殲滅蕪事

一新旗鼓申軍律 稍待調兵抵臺灣殲賊安民整吏治 賊匪於去年冬至月黃仕簡任承恩既到臺灣兩月未見奏至文勤

情形即慮彼二人必致誤事幸早見及此命李侍堯為浙閩總督往辦軍需而令常青飛渡臺灣授為將軍督兵剿賊並將失

律之郝壯猷於軍前正法以警將士常青到彼後查奏貽誤情形果不出朕所料其籌畫整頓兵力進剿諸務頗合機宜申明

紀律旗鼓一新惟以現有之兵因黃仕簡等調遣失宜未免氣餒奏請添調廣東浙江兵七千名俟到有三四千名即先行帶

領自南而北以期生致逆賊首犯其餘么膺小醜無難一鼓殲

戮淨盡綏靖海疆俾被難羣黎復安生業現在尚須厚集兵力不得不少遲時日盼望捷音殊深懸厯此事總由用黃仕簡任承恩二人不當所致而誤用 用人之失我實當畧敘其詳不勝愧 二人則朕之過實為慚憤耳

八月初二日

諭曰數月以來常青督率調度尚無過失但統領多兵駐守府城營盤雖屢有斬獲並未能痛加殲戮挪移尺寸之地相機進剿是常青雖屬無過亦不得為有功且該將軍年逾七旬究恐精神不能周到茲特命福康安前來行在面授機宜令其攜帶欽差關防馳赴臺灣更換常青督辦軍務即授福康安為將軍並授海蘭察為參贊大臣普爾普舒亮為領隊大臣其恆瑞藍元

枚柴大紀仍著照前參贊軍務並揀派曾經戰陣之巴圖魯侍衛章京一百餘人分起前往領兵征剿此諭

案聖武記先是漳民林爽文之起逆於臺灣大里杙也知府孫景燧曾趣縣令俞峻及副將赫生額遊擊耿世文率

兵役往捕不敢入諭村外大墩之民擒獻不能則焚之民遂應爽文赫耿俞皆死焉時在上年十一月二十七日繼

是陷彰化陷諸羅守文武均遇害鳳山有莊大田者亦即乘亂攻城賊官雖府城有柴大紀等固守而提督黃仕

簡任承恩皆不能剿賊徒觀望失機於是 上始命閩督常青為將軍督師粵浙及駐防滿兵亦前後調八千

至五月二十四日出戰甫交綏即退常青又請兵一萬徵檄遷延賊乃脅從至十餘萬莊大田驛以擾府城林爽文

驅以擾諸羅諸羅為南北之中賊志在必得自六月以後攻圍無少輟幸柴大紀率民戰守未卸然已飢疲莫能支

常青亦催恒瑞自府城赴援普吉保自鹿港赴援惟俱以賊勢過盛不得進為辭 上念諸羅瀕危而知常青

諸將之不足恃也因 諭陝督福康安赴 行在面授機宜更代之



是月公隨將軍陝督福康安由京起程赴臺灣  
上恐海道險阻風濤無定乃

命頒內庫所藏大吉祥利益右旋螺於師船以利其行其後往返  
卒賴順濟迨臺灣底定即

命藏於福建布政司庫嗣有將軍總督提督渡臺及  
册使封琉球則佩之以行

二十二日

福康安奏言二十八日風色漸轉即於申時與海蘭察同  
舟放洋二十九日申刻已至鹿仔港因潮退不能進口本  
月初一日清晨即行登岸舒亮普爾普及巴圖魯侍衛章

德壯具八年譜卷首

三

京船隻帶領廣西兵丁皆已隨至又鄂輝穆克登阿所帶  
屯練兵丁由蚶江配渡者亦於是日陸續到來船戶人等  
皆稱向來海船開駕行走參差總不能同時入港此次風  
順波恬揚帆齊至實為渡洋罕有之事鹿仔港居民遙見  
連檣並進聲勢壯盛互相傳說船隻約有一千餘號官兵  
當不下十萬有餘夾道擁觀無不同聲歡慶竊思臣等從  
前守風稽遲久未開行及廣西屯練兵丁到後風色轉順  
千里洋面一帆即達如此事機湊合皆仰賴

聖主洪福

天神默佑海若著靈滅賊先機於此可卜

十月十三日陞授副前鋒參領  
十二月十二日

諭曰旬日以來總未據福康安奏到捷音但揆度情形自斷可無  
意外之慮福康安海蘭察統兵進剿聲威壯盛所帶巴圖魯侍  
衛章京等俱趨健絕倫一以當百且川省屯練及貴州兵屢經  
徵調最為得力而廣西湖南兵亦俱係生力勁旅自可乘銳奮  
勦

十四日

福康安海蘭察鄂輝奏言初六日帶兵起程赴援諸羅途  
中分起行走防備賊人抄截初七日申刻行抵元長莊於

德壯具八年譜卷首

三

普吉保營前數里安營查閱該鎮所帶官兵內挑選可用  
者隨行計新舊兵丁共有六千餘名又挑義民千餘名一  
併帶往查元長以南處處皆賊匪屯聚攔截援兵之路而  
諸羅日被攻圍危在旦夕援救稍遲必有疎失必須不避  
艱險深入賊中直抵縣城方能得手即將各兵分為五隊  
臣福康安與海蘭察鄂輝普爾普穆克登阿普吉保額爾  
登額及巴圖魯侍衛章京等分隊帶領凡遇賊莊即行剿  
洗並預為約定各隊互相援應將義民分為兩翼躡探道  
路村莊如遇賊人抄出即可分投堵截部署已定遂於初  
八日寅刻發兵裹帶口糧前進黎明時行抵崙仔頂地方

一五十一 升 貴 參 日 年 合 書 第 二 卷 五 頁



賊匪多人潛於竹園內施放槍礮一齊擁出我兵屹立不動槍箭齊發臣福康安海蘭察帶巴圖魯侍衛衝入賊中賊匪抵敵不住退入竹林兩旁竹圍蔗田內及崙仔尾等處各莊賊匪或數百人或千餘人蜂擁前來抗拒並從中橫截官兵希圖斷我後路臣已預為布置調遣令鄂輝穆克登阿帶領屯練降番扼住右手東莊溪橋普爾普侍衛普甯參將吳宗茂等帶兵堵截左手各莊賊眾並遣義民分投焚斫竹圍蔗田及各處草寮當將崙仔頂莊崙仔尾莊打通維時已交巳刻恐被賊人攔阻不能迅抵諸羅臣等一面迎頭剿殺一面商令海蘭察酌帶巴圖魯侍衛總

德壯果公年譜卷首

美

兵普吉保及奮勇官兵長驅先進臣福康安以沿途賊匪甚多必須將各處賊莊盡力攻剿使其奔命不暇海蘭察方可直前無阻乘隙進行隨連攻埤長莊柴林腳新莊仔西勢潭莊游厝莊三塊莊舊莊本廳莊天錫莊灰碓雙溪口上崙莊海豐莊過溝仔莊等處賊莊無不克捷并將房屋全行燒燬以防賊人散而復聚其莊民耆老持衣出迎及丁壯情願隨行者分別酌加賞恤以廣招徠而海蘭察等沿途奮勇打仗殺賊所向披靡進至牛稠山地方距諸羅約有六七里賊匪阻溪自固在山梁屯劄山後數里即係圍賊竹柵賊見官兵將至四面圍裹不下萬餘海蘭察

帶同巴圖魯侍衛官兵直越溪河衝過賊陣我兵人人思奮東西攻擊無不一以當百搶上山梁攻克竹柵賊匪紛紛逃竄即於酉刻入城臣福康安所帶官兵處處攻戰天色向暮又值雷雨交作本應暫為歇息但兵機最貴神速未便稍有稽遲隨催兵連夜前進復攻克北社尾台斗坑牛稠莊等處賊莊痛殺賊眾城中義民踴躍出迎歡聲震地即帶兵入城撫慰獎賞守城義民頭目接見矜耆人等

宣諭

聖恩仍回牛稠山擇其形勝地方安營駐劄一面出示撫輯派員曉諭良民各安生業城中人被圍已久饑困情形極為可

德壯果公年譜卷首

美

憫現在賊莊所存糧石頗多足資接濟令民人儘數搬運入城現在米價頓減數倍民情歡慶附近一帶並無賊人踪迹初十日臣等出城搜剿賊莊至大崙地方適恆瑞亦帶兵打通半天厝等莊前來會合鹿仔草等處賊匪業已全行逃散此次日夜打仗共計殺死賊匪八百餘名槍斃騎馬賊目六名奪獲賊人槍礮器械旗幟等物無算生擒賊匪七十餘名訊非賊目即行正法伏查賊匪自滋事以來從未大加懲創經此次痛剿之後業已聞風膽落聞林爽文現已遁往大埔林或云至斗六門與賊目李七會合尚未得有確信臣等現派官兵各處搜莊不使賊匪潛行



誘聚一俟將村莊搜盡探明各路賊匪情形酌派官兵義民往通諸羅至郡城大路卽行相度機宜進搗賊巢跟蹤追捕且賊巢逼近內山深林密菁尤當計出萬全設法堵截以期安速蕞事再軍營糧餉最關緊要擬給臺灣餉銀五十萬兩鹿仔港餉銀五十萬兩淡水餉銀二十萬兩寬爲儲備卽賊匪尅日蕩平亦可留爲撫恤難民及修建城池之用臣已移咨李侍堯照數撥給迅委委員解送以應急需又十七日夜間聞賊目林棟黃孔等同賊夥三千餘名在大排竹一帶屯聚查大排竹地方距軍營四十餘里爲諸羅迤南山要路並有僻徑越過縣城直達斗六門

德壯果公年譜卷首

三

巢穴今逆匪潛匿該處與斗六門遙相響應恐不無窺伺縣城之意必須先行洗剿大軍北向方無後顧之虞十八日海蘭察恆瑞鄂輝帶領巴圖魯侍衛分路前往進攻臣福康安督催各隊官兵一同前往甫過馬稠後莊卽有賊匪若干排列旗幟見我兵將到一齊退據山梁於遠近竹圍內處處施放槍礮又欲如從前誑誘官兵希圖從中抄截臣等探明竹圍潛匿之賊俱係虛張聲勢商令海蘭察恆瑞自山梁進攻臣福康安鄂輝帶兵直前衝殺賊匪卽行敗竄追至大排竹地方該莊係賊匪屯聚之地預恐巴圖魯等馳馬衝突將莊外舊有溝礮刨挖寬深各處要路

俱搭蓋草寮安設賊卡拚死拒守並於溪河下流築堤壅水深及馬腹巴圖魯侍衛越過溝溪甚爲勇往卽一面決放溪水我兵得以同時並濟將賊寮全行燒燬殺死賊匪一百餘名擒拏活賊四十三名餘俱四散奔逸上山時已昏暮道路叢雜未便窮追卽行撤兵回營稍爲休息定於二十日赴斗六門進剿其諸羅至府城一帶屯聚賊匪前派普爾普等由茅港尾進剿十六日遇賊四五百人普爾普烏什哈達分爲兩路夾攻衝殺賊匪紛紛潰散我兵奮勇直前追趕二十餘里奪獲器械百餘件殺賊三百餘名擒拏活賊二十四名訊非要犯業經正法因天晚卽在灣

德壯果公年譜卷首

三

裏溪暫駐十七日帶兵沿途搜查村莊民人投出者甚多俱經妥爲撫慰行抵三坎店地方距府城十餘里知府楊廷理遵檄率領義民會合一處道路均已開通現在各處匪徒俱已聞風膽落逃竄入山臣等赴斗六門後自不敢復至諸羅滋擾但賊人素甚狡黠詭計最多亦不可不嚴行防範現在舊存之兵全數並未撤動令柴大紀在城外西南扼要之地劄營蔡攀龍在城駐守相爲犄角加意嚴防不可稍涉大意以固進兵後路再義民內素悉賊情之人有情願密購賊中黨羽接應官兵擒獻賊首者臣已許以重賞令其前往或可生致首逆但所言是否確信未必



可恃此時惟當整頓兵力奮勇進攻以期搗穴擒渠迅速  
蕙事再據鄭國卿稟稱義民首莊廷元等在鹽水港附近  
樹林頭朴仔腳等處村莊搜捕餘匪殺賊二十二名擒獲  
活賊二名業經正法等語並將奪獲賊匪槍礮鉛子繳送  
前來查鹽水港義民向稱出力前派莊廷元招撫村莊數  
十處甚爲妥協今復能殺賊奪械亦屬奮勉臣已酌加獎  
賞鼓勵至諸羅一帶地方距山不遠路徑叢雜竹林深密  
賊匪隨處可以藏匿亦隨在可以奔逃必須嚴搜餘孽以  
清後路臣等分帶官兵并熟悉路徑之義民首黃奠邦王  
得祿陳宗器等在賊人舊時屯聚之地詳加搜捕共搜獲

德壯果公年譜卷首

聖

賊匪一百餘名並據義民首千總藍應舉在水掘頭莊追  
殺餘匪焚燬草寮奪獲火藥十二桶攻城大車二輛其餘  
莊耆鄉民每日擒獻者紛紛不絕臣俱酌加獎賞並將送  
出賊匪審明正法其並非賊黨爲鄉民誤擊之人亦卽釋  
放以杜漳泉民人藉端報復之弊連日以來各莊投出者  
甚眾卽近賊莊等處亦來請示歸莊隨遣義民首陳大用  
楊梅等招出後壁苦棟腳等四十五莊妥爲安輯以離賊  
黨現在諸羅餘匪漸已搜盡軍營糧餉藥鉛等項派員自  
鹿仔港鹽水港運來均可源源接濟臣等卽日帶兵往斗  
六門進剿直搗賊巢其舒亮一路據稱十五日前往大肚

進剿有賊匪萬餘迎敵我兵過溪剿殺槍礮斃賊數百名  
牛罵頭義民由大肚山壓下襲擊賊後奮勇夾攻賊匪潰  
散攻破北大肚南大肚王田莊瀨清莊內灣中灣林仔莊  
渡船頭莊仔莊大肚社腳新莊仔鼻山囉嘶莊半山莊坑  
子莊等處十五莊已派兵駐劄北大肚要路卽日進攻烏  
日莊等語查舒亮打仗兩次所有派留巴圖魯章京二員  
及將備官兵義民等均屬奮勇現已酌加獎賞容查出力  
人員再行具奏

德壯果公年譜卷首

聖

諭曰官兵自抵縣城後屢戰得勝賊匪聞風膽落已成破竹之勢  
至賊匪潛匿大排竹地方與斗六門互相應台心存窺伺縣城  
今經福康安等先行剿洗從此大軍進攻斗六門可無後顧之  
虞所辦甚好而縣城至府城一帶屯聚賊匪亦經福康安派普  
爾普等由茅港尾進剿遇賊打仗奮勇衝殺賊匪奔潰已抵三  
坎店地方距府城不過十餘里知府楊廷理遵檄率領義民會  
合一處是縣城至府城道路均可開通其舒亮一路亦由大肚  
進剿攻破賊莊駐劄要路卽攻烏日莊看來官兵剿捕賊匪於  
南北道路要隘已經摧廓賊勢日就窮蹙而軍營糧餉火藥鉛  
彈等項已由鹿仔港等處源源接運又義民等奪獲賊匪火藥  
甚多並將賊人存貯糧食運入縣城是軍需民食均爲充裕現  
在貴州官兵昨據李侍堯奏於十一月二十二日已由蚶江放



洋自已早抵軍營湖南兵亦於本月初十日內可抵蚶江亦即日可到官兵聲勢更為壯盛福康安等統領進剿乘勢長驅諒此么膺草竊豈能久持時日

又

諭曰逆匪林爽文糾集賊黨滋擾嘉義縣城圍攻數月經常青等屢次派兵往援俱被賊匪阻截柴大紀在城內率領官兵義民悉力保護若援兵再遲十日縣城即難固守福康安海蘭察能督率將弁官兵鼓勇直進並不俟貴州湖南續調兵丁到齊即將現有兵民分為五隊派鄂輝等分隊帶領沿途剿殺賊匪俱能奮勇直進不避險阻越過溪河將各處村莊屯聚之賊匪痛

德壯果公年譜卷首

聖

加殲殺直抵縣城數月之圍應手而解城內數萬生靈均獲更生之慶並將賊人存貯糧米運入縣城軍精民食益資充裕此皆福康安等調度有方振作士氣用能克敵致果迅奏捷音自應優加寵錫福康安海蘭察俱現係侯爵著晉封公爵各賞紅寶石帽頂四團龍補褂以示優異其鄂輝舒亮普爾普等及巴圖魯侍衛章京在事出力之鎮將弁員等俱能率領兵民鼓勇奏績著查明咨部一併從優議敘

恭錄

御製詩

福康安奏大剿諸賊開通諸羅並進攻斗六門賊勢潰散

信至詩以誌慰因改賜諸羅縣名為嘉義用旌士民守城之善

笨港雖攻取諸羅仍艱進前據李侍堯奏據臺灣府知府楊廷道路打通之信不意竟屬傳訛據普吉保奏九月十三日收復笨港與恆瑞訂期前進旋以後路無繼不敢輕離為辭不知救兵如救火豈可少緩須臾乃柴大紀忍饑待援而普吉保等懦怯無能仍未直抵諸羅殺賊解圍幸早續發兵重臣威名震勇將選以百新兵強夙振渡海雖遲日以遲翻

成迅幸予燭於幾先於八月即命福康安海蘭察等帶領巴圖魯等百餘人先往又調四川屯練及貴州廣西湖南等省精銳之兵趨行前進福康安於十月十一日自大擔門開船被風打回十四日得風駛行半日風色又轉復在崇武澳停泊候風似覺稽滯然當此候風之際四川屯練兵二千及廣西兵三千先後到彼風色轉順遂於二十八日申刻放洋至二十九日申刻所有兵船齊抵鹿仔港于里洋面一帆即達為從來渡海罕有之事此實仰賴上天賜惠海神靈佑而福康安帶

德壯果公年譜卷首

聖

此新兵乘銳長驅即舊存兵丁及義民等亦有所倚恃踴躍爭先是渡海雖遲而事機轉為迅速也齊力遂剪滅一日風資順進由鹿仔港三朝倏臨陣大克崙仔頂一當百以奮蔗田及草寮蹂躪率稱盡叶即解諸羅圍資賊糧胥遁茲據安奏十一月初六日與海蘭察等帶兵赴援凡遇賊莊即行勦洗初八日黎明行抵崙仔頂賊匪多人潛伏竹圍施放槍礮一齊擁出官兵屹立不動衝入賊中所向披靡及崙仔尾等各莊賊匪前來抗拒福康安豫令扼其左右要路並焚研竹圍蔗田及各處草寮繼進至牛稠山地方賊匪阻溪自固屯割山梁待官兵將至四面圍裹不下萬餘海蘭察等直越溪河衝過賊陣勦殺無算官兵無不一當百於是賊匪紛紛逃竄福康安等即於酉刻入城中義民爭先出迎歡聲動地福康安入城慰諭並將賊莊所存糧石令民人盡數勞軍及義民懽呼追饑饉搬運米價頓減數倍民情無不歡慶全活數萬命旌功不吝彰善樹風聲嘉義名新晉諸羅被圍日久數日情形深堪憫惻福康安海蘭察等不俟貴州湖廣之兵到齊即先鼓勇突入立解重圍城中數萬生靈藉以全活因改賜諸羅



名爲嘉義以旌士民此皆由調度有方振作士氣用能克敵致勝自宜厚加寵錫福康安海蘭察俱卽晉封公爵各賞紅寶石帽頂四團龍補褂以示優異其鄂輝舒亮普爾普等及巴圖魯侍衛章京與在事出力之將弁等並令查明各部從優議敘至此次大加痛勦賊人膽落已成破竹之勢福康安等隨卽籌至斗六門一帶擒獲首逆林爽文等迅奏捷書慰予盼望不難指日以俟之速遞大捷信

德壯果公年譜卷首

五

德壯果公年譜卷二

次孫花沙納恭纂

乾隆五十三年戊申

公四十四歲

二月初一日

福康安海蘭察鄂輝奏言賊首逃入內山經<sub>臣</sub>等分派官兵堵截要隘令各番社生番在內山一體截擊茲據社卜杜敷報稱林爽文帶領匪眾六七千人在埔里社至埔尾沿溪山溝內逃走因東南一帶鑿鑿等社生番堵截嚴密不敢竄往南路現已向北逃去等語<sub>臣</sub>親往各處隘口沿

德壯果公年譜卷一

一

山搜查並催調糧餉雇夫背運入山以爲追賊官兵之用一面飛飭通事王松帶領獅子頭社番於要路迎頭堵截一面商令海蘭察鄂輝帶同舒亮普爾普恆瑞普吉保袁國璜穆克登阿許世亨及巴圖魯侍衛等由歸仔頭內木柵各隘口分路進山連夜追趕<sub>臣</sub>往來各路督催官兵何處緊要卽於何處帶兵策應於二十五日至麻著社一帶聞林爽文於二十四日夜間在東勢角地方被生番截殺四百餘人餘眾沿山北去查看賊人蹤跡係兩路逃走隨將官兵分爲兩路海蘭察舒亮恆瑞穆克登阿許世亨袁國璜由東勢角前進鄂輝普爾普普吉保由樸仔離東山



前進山徑險窄穿林越箐不能乘馬均屬徒步登陟官兵等沿山搜捕殺死賊匪二千餘名拏獲活賊四十餘名奪獲大小礮位及槍杆刀矛七百餘件二十七日行至獅子頭社見山溝內賊屍縱橫遍地數里不絕而河內淹斃之賊亦多據王松及生番等稟稱林爽文於二十五日到獅子頭地方賊匪等因日夜行走腿腳俱已發腫過河淹斃一千餘名社內生番堵截去路又殺死賊匪二千餘名止贖賊一二百人過山逃去大約從貓里社逃往三貂地方生番等不認得林爽文不知可曾殺死等語隨將各生番所獻首級並拏獲活賊逐一認識俱非林爽文仍即分路

德壯果八年諸卷一

二

帶兵馳往追捕查臺灣以東皆係大山越過太山數十重東面仍屬瀕海三貂社在淡水極北轉東逼近海岸與蛤仔欄社相近本係番界間有貧民前往租地耕墾今林爽文在內山逃往三貂必由蛤仔欄經過前經臣檄調副將徐鼎士同知徐夢麟帶領生熟番眾至蛤仔欄邀截徐夢麟已於本月二十五日同都司徐機至八堵地方屯劄查八堵至蛤仔欄不過二百餘里層巒疊嶂山徑陡峭步行前進約有三四日程途且該處均係生番居住必須熟悉情形之人方能前往前已訪明居住三貂之吳沙許天送及生番通事張光彩等最為熟悉復示以重賞令其徧

諭該處生番擒獻逆匪並即帶領官兵入山堵截查逆首鼠逸內山隨行賊匪尚有數千官兵追趕及生番邀截業已誅戮殆盡沿途餓斃者又有千餘名現在四路圍逼逆首已無存身鼠迹之地一經追及即可成擒惟獅子頭社所殺賊匪首級俱被生番割去其中不無有名頭目自應逐加識認而生番嗜殺人所得首級皆攜回巢內以誇武勇不肯全行獻出驗過者不過數百顆茲已將出力生番按名給賞諭令將首級呈驗認非賊目再行給還庶知賊目何人被殺何人逃逸按名緝獲以期盡絕根株不留遺孽又正月初一日至各仔社一帶內殺死奔逃賊匪二百餘名拏獲假扮林爽文之賴達一名活賊四十餘名訊據賴達供稱林爽文自獅子頭社痛剿之後隨行賊夥又被沿途官兵生番殺散所贖無多林爽文原欲向北逃竄見山內官兵圍截嚴密又聞三貂等處亦有兵番截拏不敢前往在打鐵寮一帶山溝樹林內藏匿向無一定去向等語官兵遂至打鐵寮追捕由蝦骨社合歡社直至炭窰地方又搜獲零星賊匪百餘名查炭窰與南港仔山口相通出山不遠即係海岸惟恐林爽文被山內官兵追急潛行出山向海口逃逸復派各營官兵由後壠至中港又自竹塹至桃仔園沿山密布臣福康安海蘭察鄂輝舒亮普

德壯果八年諸卷一

三

竹塹至桃仔園沿山密布臣福康安海蘭察鄂輝舒亮普



爾普恆瑞許世亨音吉保袁國黃穆克登阿特勒登徹六十七春甯及巴圖魯侍衛將弁人等各分隘口四路圍截該處草深樹密溝壑甚多大隊官兵恐難於隱僻地方逐處查剿致有遺漏兼恐逆首見官兵追至驚懼自戕不能生獲因揀派巴圖魯侍衛二十員貴州廣東屯練兵丁數百名改裝易服扮作民人同淡水義民差役及社丁通事等分投搜緝於初四日在老衢崎地方將逆首林爽文賊目何有志一同擒獲現在搜查逃竄餘匪又拏獲林琴陳傅吳萬宗賴其瓏等四名均係有名頭目一俟搜查淨盡並令入山各兵休息數日卽行統率大兵肅清南路至南

德壯果公年譜卷一

四

路賊匪情形現猶屯聚大武隴赤山保大穆降水底寮等處聞官兵蕩平北路心懷畏懼黨羽漸離特恐義民截殺不敢相率投誠而被脅村民亦以賊未解散不敢遽行倡義經臣分遣熟悉南路賊情之舉人郭廷機廩生王維清等齎示撫諭村民離間賊黨並以大武隴等處與諸羅接壤行知柴大紀及參將李隆張萬魁知縣陳良翼將投出之人妥爲安輯茲據柴大紀等報有賊目何北海一名賊匪魏振元等十六名自行投出內有蕭盛賴育三名拏獲賊匪林靴林旺贖罪陳良翼報有賊匪吳雲林歷等四十八名均已自行投出又舉人郭廷機帶出南路投誠賊目

許參陳送期陳吾春顏院林快士黃充永營並據賊目郭照高爲遣郭敬向來稟稱林爽文三弟林勇帶同賊夥在大武隴潛匿情愿設法擒獻再行投出臣俱已免究前罪令其拏賊自效看來南路賊匪黨羽漸已解散大兵一到無難剋日殲除

諭曰福康安等自鹿仔港進兵後督率將弁奮勇攻勦連坎克捷前於嘉義縣破賊解圍業經降旨將福康安海蘭察晉封公爵賞給紅寶石頂四團龍褂以示優獎今逆首林爽文經福康安等設法生擒辦理周妥實屬可嘉特親解御用佩囊二箇分賜福康安海蘭察用昭恩眷所有在事出力之將弁等著福康安

德壯果公年譜卷一

五

查明咨部議敘其隨征兵丁並著分別獎賞

又

諭曰此次福康安等統率官兵前往臺灣勦捕逆匪未及兩月卽將首逆林爽文生擒解京大功指日告竣固由福康安調度有方所向克捷而將弁兵丁等隨同勦捕亦俱爭先效命用能掃逆擒渠安速集事殊屬可嘉前已有旨令福康安查明咨部議敘本日據福康安奏請將出力之侍衛章京將弁等分別賞給巴圖魯名號加陞職銜翎頂均照所請行其餘將領等仍著福康安查明咨部一併議敘兵丁等優加賞資以示朕獎勵戎行至意



公因得

賜繼勇巴圖魯名號

兵部發給一等功牌

正黃旗蒙古哈豐阿佐領下健銳營副前鋒參領西朗阿  
巴圖魯德楞泰乾隆五十二年因勦斃臺灣逆匪攻破嘉

義縣奮勇列為超等由部照例從優議敘給與頭等功牌

二軸作為將來執照 按西朗阿巴圖魯即繼勇二字

二十七日

福康安海蘭察鄂輝奏言十九日殺散南潭大穆降賊匪  
擒拏活賊甚多逐加訊問俱稱莊大田向南奔竄鄂輝普

德壯果公年譜卷二

六

爾普拏獲賊匪所供亦屬相同隨將匪犯正法即帶領官

兵南下行至岡山之夫林莊鄂輝亦自大武隴山內新豐

里搜勦前來據普爾普報稱十九日夜間在大武隴隘口

駐劄有賊匪潛來劫營普爾普已早有準備帶兵衝出殺

賊一百餘名生擒七十餘名二十一日與鄂輝在東勢莊

相遇仍帶兵往北面山內搜查等語 臣等至下埤頭一帶

探知各處餘匪紛紛奔逃南下俱在枋寮聚集並據派往

水底寮安撫之副將張芝元知府楊廷理等稟稱官兵未

到水底寮之前有逃來賊匪數千人復將該處占據隨商

令海蘭察鄂輝恆瑞帶兵進勦 臣福康安沿途搜查賊莊

隨後接應二十六日海蘭察等遇賊二千餘人沿山抄截

官兵後路一面穆克登阿梁朝桂副將岱德參將張朝龍

防備南來賊匪一面令許世亨六十七烏什哈達帶兵迎

擊海蘭察等率領巴圖魯侍衛等由蔗園內出其不意橫

衝賊陣射死賊目陳建平曾大達及不知姓名騎馬賊目

十餘人奪獲賊馬三十餘匹殺死賊匪三百餘人乘勝追

趕匪眾多人俱在海岸排列因無船不能偷渡復來拚死

迎拒官兵奮勇直前殺賊一千餘名自行投海及擠入海

中淹斃者不計其數所棄槍礮器械甚多俱經官兵奪獲

所有臨陣生擒賊目藍九榮等十九名賊匪二百餘名業

德壯果公年譜卷二

七

經正法至海口一帶節經派兵防守並將大小船隻驅出

外港嚴行封禁常青復添派弁兵自鹿耳門直至東港梭

織巡查辦理極為嚴密再此次官兵奮勇殺賊帶傷陣亡

者甚少惟義民首鄭其仁引導先行遇賊陣亡殊堪憫惜

臣已將該義民首家屬給與銀兩以資收殮查鄭其仁係

恩賞守備職銜並令以實缺補用之員應請即照守備之例議卹

再查鳳山縣自賊匪復陷之後衙署義民房屋及荊竹圍

城皆被焚燬大兵進勦南路時該處並無賊人屯聚現已

分派官兵前往駐守再 臣等在枋寮打仗殺賊時探知賊

逃賊匪尚有數千人在極南之瑯嶠潛匿莊大田亦由山



內竄往該處路徑崎嶇樹木深密若不籌截去路大兵一  
到必致驚竄遠颺緝捕又稽時日查那嶠地方山內十八  
社皆係生番直通傀儡大山其山外之柴城隴巒等處逼  
近海岸亦有閩粵民人居住隨密諭該處民人務將逃來  
賊匪偽爲容留毋令聞風驚散一面傳出那嶠各社生番  
面加曉諭在沿山隘口處處嚴密堵截又有山豬毛義民  
首曾中立招集傀儡山生番一千名聽候調遣各處布置  
已定派令烏什哈達帶領福建水師及廣東兵丁乘舟由  
海道前往海蘭察鄂輝等帶領大兵由山路進發臣福康  
安督催各兵前進於二月初四日行抵風港據柴城民人

德壯果公年譜卷二

八

報稱莊大田帶同匪衆俱在柴城欲往竊率社經番衆極  
力抵禦復行退回現在居民等密相約會官兵到彼賊匪  
斷難逃逸等語初五日黎明由風港發兵越箐穿林道路  
極爲逼窄凡遇險要地方俱酌量留兵扼守以備接應約  
行二十餘里賊匪多人從樹林內突出前隊之侍衛博斌  
副將岱德參將張朝龍都司張占魁等帶兵迎擊海蘭察  
鄂輝率領巴圖魯侍衛奮勇齊攻殺賊二百餘名生擒一  
百四十三名追至柴城賊匪人數衆多惟恐我兵攻撲過  
急賊目莊大田或臨陣被殺匪夥等或乘間竄逸轉不能  
悉數成擒因派令穆克登阿帶領屯練降苗爲一隊許世

亨岱德帶領貴州官兵爲一隊梁朝桂張朝龍帶領廣東  
官兵爲一隊恆瑞王官帶領廣西官兵爲一隊山豬毛義  
民副理事劉繩祖帶領粵莊義民爲一隊都司莊錫舍北  
路義民首黃莫邦鄭天球張元勳藍應舉各帶所管義民  
共爲一隊自山梁挨次排下直抵海岸烏什哈達所帶水  
師兵丁適值順風連檣齊至將船隻沿海密布四面合圍  
水陸並進海蘭察鄂輝帶同六十七袁國黃及巴圖魯侍  
衛奮勇往來剿殺臣福康安照料督催令各隊層層圍逼  
自辰至午殺賊二千餘名賊匪情急相率投海被水師兵  
丁放槍擊斃及投海淹殺者屍浮海面不計其數賊目等

德壯果公年譜卷二

九

拚死衝突不能逸出重圍俱在樹林山溝內伏匿隨督令  
官兵義民等分投搜捕將莊大田及有名頭目莊大非許  
光來簡添德許尙等四十餘名全數擒獲並搜獲莊大田  
之母莊黃氏一口此外又生擒賊匪八百二十餘名柴城  
民人及各社生番縛獻賊匪三百餘名俱卽於軍前正法  
搜獲大小礮鳥槍刀矛藤牌旗幟無算查逆匪林爽文莊  
大田肆爲不法滋擾一載有餘茲首逆兇渠悉行俘獲卽  
日解京審辦盡法處治其餘零星逸匪並莊大田家屬臣  
等仍分派官兵各處搜查務期淨絕根株不留遺孽

諭曰賊目莊大田等於逆首林爽文就擒之後尙敢竄匿山林抵



死抗拒經官兵四路攻圍勢窮力蹙或竟情急自戕及投海斃命俱屬事之所有今乃負嶼死守被官兵義民層層圍逼將賊目莊大田及有名頭目悉數擒獲此皆由

上蒼眷佑將士用命而福康安等調度有方布置周密是以南北兩路賊首賊目悉就俘擒臺灣全郡平定實堪嘉獎特親解本日手帶漢玉搬指一箇小荷包一箇賜福康安又親佩小荷包

一箇賜海蘭察以示優眷福康安海蘭察鄂輝俱著交部從優議敘所有許世亨梁朝桂穆克登阿袁國璜及在事出力之大將弁等著福康安查明咨部從優議敘

恭錄

德壯果公年譜卷二

御製詩

福康安奏報生擒莊大田信至詩以誌喜

正殷捷信盼連朝忽接佳音至自遙鹿耳鯤身防海逸莊大田在鳳山

一帶距海甚近初慮該匪情急遁入海內追捕更難柴城瑯嶼得手轉不如林爽文竄至內山者尚覺人力可施也

獲山跳此大福康安多方籌辦令巴圖魯等各帶官兵分隊自山梁挨次排下而烏什哈達所帶水師兵丁適值順風

連檣齊至沿海密佈水陸並進四面合圍遂將莊大田及有名頭目四十餘名全數擒獲又殺賊二千餘名其餘逃入生番者

被柴城瑯嶼各番社縛獻三百餘名未及兩月一之為甚竟致南北二凶悉行俘獲全郡俱已平定實深嘉悅

再鳴旣成擒豈赦鴟永靖瀛壖揚國武益深兢業

具恩昭

閱武

輕輿清曉過南山閱武旌勞未可刪所媿躬倡平未乘騎閱武必乘馬至教場或親御孤矢示之身先之道固應如是近以年近八旬雖精力尚健亦宜節勞以從眾願遂乘輿以往究用自勉敢忘眾力近平蠻自立香山健銳營以來屢派出征屢有云八人前往領兵打仗後簡派巴圖魯百人隨福康安等進剿果能迅奏膚功實為奮勇出力然予心益深兢惕請戒之念未敢忘也益當克詰訓惟懋並視等差賞以頒莫謂例行託遊豫無非事也政胥關

實勝寺疊去歲韻

實勝寺每兆實勝蒙

天恩不可無記匪予始乃自

太宗松杏山攻率子弟敬述此事用此名崇德六年八月太宗以偏師破明穆督洪

德壯果公年譜卷一

御製詩

承勝兵十三萬於松山杏山歸而建實勝寺於盛京以紀功績予於己巳歲以金川凱旋亦就西山舊寺葺新之名曰實勝自是平定伊犁回部兩金川無不名副其

實遠紹前光即以前修武備也西域金川早如志以為是後應偃武與民休息可無事不意丙午歲之冬臺灣邪教萌

逆計兩提臣乃互觀望不敢首進更退避上年逆匪林爽文初滋事時黃任簡任承

思以兩提督率兵渡海若能奮勇剿殺不難立時撲滅不意黃任簡安坐郡城任承恩株守鹿仔港以致賊勢蔓延攻城擄社

日肆猖狂迨予繼命常青為將軍過臺灣籌剿而以此養癰賊賊眾日增已難措手非二人養癰之咎何以致此

蔓延攻城擄社猖獗至更命重臣徵勁兵百巴圖魯嫺師律各

夏子燭照事幾非遣重臣前往不能迅速嚴事於是命福康安海蘭察等於八月初率巴圖魯百餘人帶領領調川黔楚粵勁

旅萬人赴閩此百餘人素嫺師旅無不一以當百賊眾聞之已皆膽落屢戰屢勝擒二豎三月功

成亂反治福康安等於十月底自崇武澳放洋一晝夜間揚帆達鹿仔港軍威所至勢如振槁未及三月而二豎就



擒妖氛悉靖閩郡之民咸安祗席成功之速無以逾此茲于駐蹕香山嶺瞻寺額幸而無辱前名此皆仰賴 上蒼眷佑用是益深 敬畏耳 幸哉未致辱前名不然何以掩斯愧

三月二十一日陞授前鋒參領

四月十三日

諭曰此次勦捕臺灣逆匪所有派出帶兵之巴圖魯侍衛等打仗殺賊甚為奮勇雖止係內地奸民滋事非從前平定準噶爾回

部金川可比但數旬之間生擒南北兩路逆首臺灣全郡蕩平

辦理甚為迅速除軍營出力人員業經降旨加恩分別陞用外

今特爾敦徹雖已賞給副都統職銜但在途病故殊堪憫憫其

巴圖魯侍衛等著福康安詳悉查明如有似此實在出力勞績

懋著者據實具奏候朕降旨交部查明伊等所得功牌酌量議

給世職以示鼓勵

恭錄

御製詩

福康安奏報抵廈門登岸並巴圖魯侍衛等皆平安渡海

凱旋詩以誌慰

往征進旅遲成速 福康安於上年十月在惠安縣之崇武澳候

四川屯練二千廣西兵三所先後到彼而風亦旋利遂於二十

八日申刻放洋至二十九日申刻所有兵船已齊抵鹿仔港因

即乘銳長驅未及三月而全臺平定因 迴渡登舟危得安 茲又

運而轉以成速 神之佑助已為靈異 康安於回抵廈門後具奏渡海情形云於五月初十日獲有順

風揚帆行至日暮抵黑水洋距澎湖內澳僅二十餘里風息不

能前進礙索長至六七十丈猶未至底難以寄泊即在洋面往來騰蕩十二日午後風浪大作竟夜不止船隻雖覺欲側幸而安穩無虞十三日曉間即抵大擔門所有隨從巴圖魯侍衛等俱於十四日登岸此次用兵往來配渡船隻大槪俱各安順而福康安迴渡瀕危得安尤昭 神護要 可識臣忠 亦忠信之忱得遂 天佑為之感慶

天必佑益欽

神護眾胥歡除兇旋凱事全茂吁慮宵縈念始寬自顧何脩叨

助順持盈惟勵慎君難

六月十三日

諭曰博斌等隨福康安勦捕逆匪俱能奮勇出力或於北口堵截

擒殺匪眾或於南路搜拏首逆各著勞績甚屬可嘉博斌阿穆

勒塔哲克翁果爾海德楞泰薩克丹布塞凌額西津泰特爾敦

徹俱著加恩交該部查核伊等所得功牌酌予世職

七月

公回京

十六日

上賜凱旋將軍福康安參贊海蘭察等宴於避暑山莊公與焉

五十四年己酉

公四十五歲

五十五年庚戌

公四十六歲

五月初四日陞授委翼長番子佐領

德壯果公年譜 卷二



五十六年辛亥

公四十七歲

二月十一日陞授健銳營左翼翼長

十月二十七日公隨領兵大臣海蘭察台斐音阿岱森保

烏什哈達阿滿泰等由京起程征廓爾喀時兩廣總督嘉

勇公福康安奉

旨督辦軍務已由西甯一路赴藏矣

案魏氏源聖武紀云廓爾喀自古不通中國雍正九年乃  
奏金葉表文貢方物後其三部吞并為一遂與後藏鄰其  
與中國構兵者則自五十五年內犯西藏始蓋後藏班禪  
喇嘛以四十六年來朝祝 七旬萬壽中外施舍海  
益山積及班禪卒於京資送歸藏其財皆為其兄仲巴呼  
圖克圖所有於是其弟舍瑪爾巴憤懣廓爾喀以後藏之

德壯果八年諸卷一

西

封殖仲巴之專汰煽其入寇五十五年廓爾喀藉商稅增  
額食鹽糶土為詞與兵圍邊唐古特兵備不能閉而  
朝廷所遣援剿之侍衛巴忠將軍鄂輝成德等復調停  
和陰令西藏堪布等歲許私幣萬五千金遠以賊慶乞  
降飾奏而諷其酋入貢受封國王廓爾喀既悔蕪內地次  
年藏中歲幣復爽約於是責負為名再舉深入因大掠  
扎什倫布全藏大震兩喇嘛飛章告急時鄂輝為四川  
總督成德為四川將軍皆以罪委巴忠及奉 命赴  
藏勦禦又緩程以進 上知二人之不足恃也乃  
詔嘉勇公福康安為將軍超勇公海蘭察為參贊而  
調索倫滿兵及屯 練土兵進討之

十一月初二日

諭曰廓爾喀賊匪滋擾後藏現派福康安帶領巴圖魯侍衛章京  
等統領勁兵進剿以期迅奏膚功福康安著授為將軍海蘭察  
奎林著授為參贊其餘隨在軍營及派往各大員俱著在領隊

上行走庶軍行有所統攝以專任使

五十七年壬子

公四十八歲

五月初六日公隨將軍福康安等抵擦木即分隊進剿

六月公繼配博禹特夫人卒於京

初九日

福康安海蘭察惠齡奏言 福康安海蘭察於四月二十

七日自第哩浪古起程前往絨轄聶拉木察看地勢仍以  
濟隴為進兵正路因即兼程行走徑趨宗喀 惠齡亦由  
拉子前來 等帶兵前進自過宗喀之後道路遼遠里數

德壯果八年諸卷一

五

加倍該處至濟隴名為二百四十里即有五百餘里之遙  
途中山勢極為陡峻積雪甫消溪河水漲激石奔騰路徑  
在懸崖之上窄處不及尺許牽馬步行處處溜滑馬匹間  
有傾跌落崖者行過鄂穆暢拉扎薩拉孟底拉雜烏拉大  
山十餘重於五月初六日至轄布基地方該處至擦木僅  
數十里路更險峻若待各兵到齊始行進攻恐賊匪聞知  
據險抵禦未免費手且 等自到藏以來候兵多日晝夜  
籌思萬分焦急未便再有稽延應就現帶各兵先行進剿  
擦木濟隴大挫賊鋒使賊眾聞風膽落查擦木兩山夾峙  
中互山梁賊在山梁極高之處瞭望甚遠路徑逼仄必須



乘夜潛兵進攻方可立時奪據要隘初六日適值陰雨入夜勢甚懸密因即於雨夜發兵分爲五隊派哲森保翁果爾海等帶領兩隊由東西兩山進至擦木賊寨左右山梁堵截另派墨爾根保阿哈保等帶領兩隊亦由東西兩山梁繞至賊後截其去路臣海蘭察及阿滿泰額爾登保珠爾杭阿安祿桑吉斯塔爾等帶領一隊由正路直攻賊寨臣福康安督率台斐英阿德楞泰等往來截殺指示攻勦臣惠齡帶同總兵張芝元等在後路接應路中溪河數道勢甚洶湧各隊官兵涉水徑渡遇有石礮陡險之處亦皆攀援而上及抵擦木天甫黎明該處山甚高峻樹木茂密

德壯果八年譜卷一

六

山梁扼要之處前後有石礮兩座大河環繞山梁三面周圍砌築石牆即在臨河礮上約高二丈有餘向北留門祇有一徑可上臣等恐賊匪知覺仰攻更爲費力因即督令官兵疾速登山潛至賊寨牆外奮勇越進先開寨門官兵等一擁而入賊匪出礮抵死抗拒我兵槍箭如雨殺死賊匪一百餘名遂將前一座石礮奪據其後一座大礮在高礮之上裏外牆垣兩層用石塊堆砌上留槍眼密排木椿鹿角勢更險要賊匪見前面礮座已失東西山梁上四隊官兵亦已圍截嚴密無從逃逸因在礮內藏匿不出放槍投石併力固守臣等令官兵等進攻礮座四面賊匪俱撤

至西面抵拒隨即將東面牆脚石塊盡力撬開立時塌缺口官兵等奮勇先登短兵相接殺死賊目咱嗎達杜拉爾木等三名賊匪九十餘名賊俱退至裏層牆內潛匿我兵乘勝直上擊獲活賊十八名俱已身帶重傷即行正法臣等恭秉

睿謨由濟隴一路進剿大兵初次打仗將士等人人用命奮勇爭先仰賴

聖主天威將擦木要隘賊寨立時攻克全殲賊眾事機極爲順利可期迅速蕝事臣等現在乘勝直前進剿濟隴賊匪其轟拉木一路業已酌遣成德哲森保永德阿尼雅布穆克登

德壯果八年譜卷一

七

阿彥吉保楞格等領兵丁三千名作爲偏師牽綴賊勢成德打仗勇往經歷較多並令其酌量情形於臣等攻克濟隴進兵後亦可乘勝直前與大兵會於陽布至絨轄地方由窩朗卡前往山高路窄尤屬險遠卓木空山伯斯山及達克倉濟木籠袞巴等處巨石塞路竟難行走况自絨轄通往陽布原係僻徑並非正路不值發兵深入現在所有官兵亦不便派撥多路轉致兵分力薄窩朗卡爲絨轄要口不可無大員堵禦現已於該處留兵一千名酌派諸神保帶領防守斷無虞賊匪抄截後路即日邊界肅清之後絨轄賊匪勢孤亦可不攻自潰查諸神保現因委催後起



各兵尚未到來成德本在第哩浪古此時先令成德移至  
窩朗卡暫駐一俟諸神保趕到成德即赴聶拉木一路會  
同岱森保等進剿合併聲明

諭曰據福康安等奏官兵攻克擦木要隘全殲賊眾情形一摺首  
戰得勝實賴

上天之恩欣慰之餘倍深欽感擦木地方兩山夾峙中互山梁賊  
匪據險拒守拚死抵禦經福康安海蘭察惠齡等乘陰雨懸密  
連夜發兵將弁官兵等鼓勇先登奪獲碉座將賊眾全行殲戮  
實屬奮勇爭先勤勞倍至覽奏殊為心惻已另降諭旨將福康  
安等及帶兵將弁並出力兵丁等分別優加賞賚以示獎勵至

德世果八年諸卷一

六

福康安於攻克擦木後即乘勝直趨濟隴其聶拉木一路已遣  
成德帶兵作為偏師牽綴賊勢並於絨轄要口留兵一千名派  
諸神保帶領防守我兵後路無虞賊匪抄截所辦皆妥總之初  
次打仗即獲全勝大挫賊鋒賊匪自必聞風膽落事機極為順  
利

十二日

福康安海蘭察惠齡奏言 臣等進兵以來仰賴

天威連得勝仗賊匪富屢敗之餘業已聞風膽落陽布援兵不能  
趕到必須乘勝直前迅攻濟隴庶可一鼓克復不致久延  
時日五月初九日灑看道路形勢查得濟隴官寨高大寬

廣原在山崗上砌築石牆甚堅賊匪復週圍疊石為壘高  
及二丈密排鹿角椿木為守禦之計又在官寨西北臨河  
砌大碉一座直通官寨為取水之地官寨東北在石上砌  
大碉一座倚石為固官寨東南山梁甚陡另砌石碉一座  
賊匪分據險要負隅固守山下喇嘛寺與石碉斜對亦有  
賊占據 臣等屢奉

訓諭務令加意慎重斷不可越過濟隴別尋間道而官寨層碉高  
聳形勢險固各處碉卡賊匪又可互相援應共成犄角之  
勢 臣等再四籌思應於進攻官寨時分遣兵丁攻撲使之  
處處受敵彼此不能相顧將各碉卡賊匪殲除淨盡然後

德世果八年諸卷一

五

併注官寨一處賊匪勢孤自必立時潰散因令巴圖魯侍  
衛章京屯弁等各督官兵分路攻取派巴顏泰巴顏察薩  
甯阿長春等往攻臨河碉座桑吉斯塔爾克色保籌保巴  
哈張占魁等往攻石砌碉座哲森保墨爾根保翁果爾海  
阿哈保納丹保德勒克依雅爾哈善富永劉懷仁金川屯  
備散秩大臣銜木塔爾巴底土弁占布木巴旺土弁阿達  
革布什咱土弁索諾木敦珠等四面往攻山梁上碉座蒙  
興保綽爾渾額爾金保扎爾德甯等攻取喇嘛寺阿滿泰  
額爾登保珠爾杭阿吹扎布溫春哲克溫保張志林屯土  
備弁木泰爾色穆哩雍中等往攻官寨 臣福康安帶領烏



什哈達安祿定西爾穆克昇額永善張芝元達音泰巴塘副土司成勒春丕勒等相機調度督催各路攻取官寨臣惠齡帶兵往來策應其山麓稍平之地臣海蘭察率同台斐英阿德楞泰阿木爾塔阿納保鄂尼保巴津達爾等帶領索倫騎兵分爲兩翼以備截殺逸匪分派各隊已定惟查通往各礮卡之路皆距官寨不遠賊匪據高望見槍礮可及因潛於初十日丑刻發兵令各路同時並進哲森保等搶上東南山梁賊匪在礮內死守我兵奮勇攻圍爭先上礮賊始拚命撲出臣海蘭察率領台斐英阿等帶兵復往來衝擊殺賊甚多我兵即將山梁占據蒙興保等亦同

德壯果八年譜卷一

三

時攻得喇嘛寺巴顏泰等進至臨河礮下賊匪因係取水要隘恐官兵斷其水道抵禦甚堅槍斃賊匪多人尙敢抗拒隨將攻克山梁兵丁撤下添往協攻並用礮轟擊礮座塌去一角賊匪紛紛跳下大河淹斃登岸逃遁者俱被索倫騎兵截殺其石礮礮座距官寨較近桑吉斯塔爾等帶兵攻撲拋入火彈焚燬上兩層將賊焚斃惟下層週圍皆係整塊巨石高寬數丈官兵攀援登礮而石塊陡滑不能卽上賊匪猶藏匿礮座下層向外放槍實屬懸不畏死火力延燒直至日暮始行燒塌僅贖賊匪二名冒火竄出卽被擊獲其派攻官寨之阿滿泰等進撲數次未能得手隨

焚燒寨下房屋乘勢進攻官寨賊匪見我兵奮勇直前槍箭如雨在石壘踞立不定俱退至寨內放槍投石抵死守禦復令各路官兵全行撤至官寨併力進攻並於臨河礮座及賊匪礮礮大石上設礮對官寨礮眼並瞭望窗內兩面轟入另縛大木爲梯令屯兵蟻附而登將官寨外石壘拆毀而寨牆甚堅不能卽時摧破自丑刻進兵直至戌刻我兵攻戰一日人人鼓勇午後密雨半日官兵冒雨攻圍倍加振奮並未稍形疲乏天色向暮雨益傾注本應令各兵休息但當屢勝之後正應乘此銳氣將濟隴立時克復未便予賊以修備之暇因復催兵連夜進攻至亥刻將官

德壯果八年譜卷一

三

寨東北隅攻破西南一面俱係石崖賊匪滾山逃竄我兵盡力窮追痛加截殺此次打仗共殺賊六百四十七名呈驗首級內大小頭目七名其投河落崖及在礮寨內傷斃不及割取首級者尙不在此數內擊獲活賊一百二十三名派兵搜山又搜獲逃匿活賊七十五名訊非要緊之犯酌留五名備訊路徑其餘均卽正法伏查擦木至濟隴地方扼塞險要賊匪自上年占據屯聚備禦甚堅臣等帶兵前來察看情形勢須迅速進兵方可連奪要隘一舉收復不能待後起兵到來始行進剿是以就現帶索倫達呼爾屯土各兵奮勇直前於四日內痛殲賊衆連戰皆捷將擦



木至濟隴邊界克復此皆仰賴我

皇上先機指示以濟隴進兵為正路應將濟隴先行收復大兵直搗陽布方無後顧之虞

睿訓周詳臣得以欽遵辦理迅報捷音曷勝欽感欣幸之至再查

濟隴西南熱索橋相距八十里即係賊境臣等雖已克復

濟隴但尚係西藏地方現在查探道路整頓兵力即行設

法奪橋進攻賊境並嚴催後起德爾格綽斯甲三雜谷等

處兵丁迅速前來即行帶領進剿其軍火弓箭餉銀等項

雖不能待川省運來者應用亦須將臣福康安在藏購辦

鉛藥礮位糧石及帶來弓箭運到濟隴以資接濟

德壯果八年譜卷一

三

諭曰福康安等奏大兵克復濟隴痛殲賊匪一摺覽奏欣慰不禁以手加額叩謝

天恩福康安之摺係五月十一日所發距今計已一月濟隴為進

兵要路一得此處軍威大振必當勢如破竹此次官兵冒雨攻

圍人人鼓勇可憐可嘉而福康安等分兵攻撲使賊不能相顧

是行軍正策一切布置調度俱合機宜著賞福康安本日御製

攻克濟隴誌喜詩書扇一柄御用大荷包一對小荷包四箇鼻

煙壺一箇小刀一把火鑷袋一箇海蘭察惠齡各賞大小荷包

鼻煙壺小刀火鑷袋用示優眷其打仗出力將弁已另降諭旨

分別擢用加恩賞巴圖魯名號官兵賞給一月錢糧統俟大功

告藏凱旋宴勞再沛酬庸之典

十九日

福康安海蘭察惠齡奏言查濟隴西南山勢愈窄道路愈

險兩山之間有藏地流出大河一道各處溪河皆匯歸下

注水勢洶湧通往賊境之路唯熱索橋為扼要之地臣等

於克復濟隴之後整頓兵力五月十三日起程前進兩面

高山夾峙石崖壁立俯臨大河緣山一線窄徑亂石崎嶇

步步陡折並有大石直礮高至丈餘者其兩崖高峻不相

連屬處所橫架獨木備橋攀藤而過幾無置足之地是日

正值大雨泥溜溜滑尤屬難行人馬均有傾跌落崖者道

德壯果八年譜卷一

三

里甚長名為七八十里即有一百三四十里之遙步行三

晝夜於十四日黎明始至擺馬奈撤地方距熱索橋尚有

十餘里探得該處有大河一道自東來會注正河過河即

係賊境賊匪過河浮搭木板為橋並於北岸三四里外索

喇拉山上砌石卡一處南岸臨河砌大石卡二處據險拒

禦臣等帶領巴圖魯侍衛及索倫屯土兵丁至索喇拉山

直前攻撲賊匪抵敵不住棄卡奔逃我兵沿途追剿有逸

賊數名甫上熱索橋其南岸守橋賊匪見官兵追至不及

待其過橋倉猝撤去橋板俱即落河淹斃我兵一到即一

面伐木預備搭橋一面施放槍礮隔河擊賊無如河面寬



闊水深溜急賊匪阻河抗拒槍聲不斷而北岸山境極狹  
竟無多兵駐足之地若徑對賊卡進攻與賊相持徒費兵  
力急切不能得手因將各兵暫撤十五日寅刻派兵仍至  
河邊作爲欲進之勢密遣阿滿泰哲森保墨爾根保翁果  
爾海等帶領屯土兵丁令由東面峩緣大山繞至上流潛  
渡查峩緣山與濟隴熱索橋一帶大山連接峻嶺巉巖樹  
林茂密陡險之處有一線僻徑可上我兵越過兩重大山  
已至熱索橋上游距橋尚有六七里當即砍伐大樹紮爲  
木筏渡過南岸沿河疾行直撲賊卡賊匪祇在正路拒禦  
不知別尋間道一見官兵驟至出卡抵禦殺死賊匪數十

德壯果公年譜卷二

西

人隨即推倒頭層石卡所有正路官兵爭先乘勢搭橋一  
時並濟復將後層石卡奪據賊即紛紛潰亂拋棄槍刀倉  
惶奔竄而該處路徑險仄擁擠不開賊匪自相踐踏滾跌  
落河官兵復奮勇進剿直至賊境色達木地方已過熱索  
橋三十餘里沿途痛殲賊衆復擒獲活賊達爾拉木塔巴  
等八名詢以濟隴被官兵攻破後官寨賊匪於初十日夜  
間奔竄由熱索橋逃回者共有若干據供濟隴地方我們  
頭人兵丁甚多管兵的是三箇蘇必達初八日頭人們差  
兩箇兵趕回陽布從橋上經過說是大兵來了連夜回去  
請發救兵自初十日以後總沒見有逃回去的人大兵打

破濟隴官寨我們在橋上還不知道信息我們派來守橋  
已有三箇多月等語詳核賊匪所供是濟隴屯聚賊匪被  
官兵殲除淨盡茲又將熱索橋設法攻得已據賊境門戶  
從此相機深入定能迅搗賊巢唯是前途山路險仄更甚  
官兵魚貫而進併少割營之處而兩邊山上如塔木那等  
處又有旁出小徑通往賊中亦應酌量留兵嚴防賊匪抄  
截後路現在探明路徑妥爲布置慎重前進 臣等仰蒙

聖恩委以統兵重任敬惟

皇上宵旰焦勞廔籌軍務固不敢稍涉稽延又疊蒙

訓示諄諄

德壯果公年譜卷二

三

諭令加意慎重亦不敢因屢得勝仗輕率冒昧總期全師克捷戴  
事完善上慰

聖懷

諭曰福康安等奏攻克熱索橋進臨賊境一摺覽奏欣慰濟隴以  
外高山夾峙窄徑崎嶇較金川尤爲險阻賊匪恃險拒守放槍  
抵禦福康安等抵熱索橋時因與賊相持急切不能得手隨暫  
撤各兵繞越兩重大山在熱索橋上流潛渡乘其不備直前攻  
撲痛殲賊匪奪據石卡所辦深合機宜可嘉之至該處爲賊境  
門戶今已乘勝攻克統兵深入勢如破竹自早直搗賊巢著賞  
給福康安洋表一箇大荷包一對小荷包四箇海蘭察洋表一



箇大荷包一對小荷包二箇惠齡洋表一箇大荷包一對小荷包二箇用昭優眷並發去翎管十箇大小荷包各十對交與福康安等查明遇有帶兵出力之侍衛章京將領等酌量賞給所有此次帶兵繞道渡河殺賊之巴圖魯侍衛等實屬奮勇出力除阿滿泰已於上次打仗得勝加恩以副都統即補外前陞頭等侍衛之翁果爾海頭等侍衛哲森保俱著賞給副都統職銜墨爾根保著陞為二等侍衛兵丁等亦著查明共有幾人一體加賞以示獎勵其攀援獨木偏橋前進之兵丁如有跌斃者亦著查明咨部照陣亡例議卹至成德岱森保等前經福康安等派在聶拉木一路牽綴賊勢今經福康安等行知令其酌量進攻即於十二日分路前進占住德親鼎山攻克頭卡槍斃賊匪多人將二卡三卡俱行攻克焚燬木柵搭橋前進亦屬奮勇可嘉並著福康安等查奏打仗出力者酌加獎賞以示鼓勵

德光皇八年譜卷一

柔

三十日

福康安海蘭察惠齡奏言臣等帶兵於本月十五日奪據熱索橋已至賊境十七日進至密哩頂地方山徑愈覺逼仄陡巖高礮亂石叢積日越大山數重竟無路徑一面帶兵行走一面令烏什哈達張芝元督兵修路前進十八日行抵旺噶爾地方一路山勢險峻自藏流出瑪爾臧大河傍山南注人行大河之東緣山順河並無容足之地不能

劄管臣等帶領巴圖魯侍衛官兵俱在石巖下露宿賊匪亦因沿途無駐足據守之處故深入賊境一百六七十里未見一賊但恐賊匪於隱僻地方埋伏差人密加偵探查得旺噶爾西南協布魯一帶地方有賊匪砌卡屯聚隨於十九日五鼓前往察看形勢該處當路有橫河一道水深溜急自東來匯注瑪爾臧大河與熱索橋形勢相似而山險尤甚原有橋座業被賊匪拆燬河岸之北地名旺堆山坡低下河岸之南地名協布魯克瑪山坡極高賊匪在兩岸高礮上樹立木城城外圍築石牆堵截正路又於木城西南里許協布魯地方臨瑪爾臧河築卡據守隔河對岸亦砌賊卡又有賊寨數座名克堆寨在協布魯克瑪山東三十餘里高據橫河上游各寨內賊匪頗多臣等帶領兵丁至旺堆砍伐大樹試往搭橋賊匪居高臨下在木城內施放排槍橋座不能搭起隨派兵在山上用礮轟擊木城打死多人賊匪猶不敗退木城石牆隨破隨修拒守甚堅二十一日復往攻擊仍不能搭橋渡河臣等以賊匪所拒之處甚得地勢一時難以攻克必須先將克堆寨攻破奪據上游從東面山上壓下另派台斐英阿等帶兵回至旺噶爾塔橋渡過瑪爾臧大河由薩木那翻山行走直至協布魯對岸進攻賊卡夾擊西面則協布魯克瑪一

德壯皇八年譜卷一

毛



帶賊匪亦可不攻自潰二十二日酌令<sub>臣</sub>惠齡帶同額爾登保等仍由正路進攻牽綴賊勢<sub>臣</sub>福康安海蘭察即一面往攻克堆賊寨因沿橫河東上無路可通隨越過伯爾噶臧興三重大山攀陟險阻於二十三日黎明繞至橫河上游北岸其時克堆各寨內賊匪俱在隔河抵禦槍礮甚多該處河道寬深又因連日大雨山水漲發溜勢更急舊有橋座併兩岸搭橋基址均被賊匪拆燬無存適見南岸有極大枯樹一株倒入河中尙不能接至北岸相離幾及三丈因督令各兵另伐大木接於枯樹之杪借搭爲橋我兵奮勇直前無如賊匪槍聲不斷無暇繫縛堅固而河內

德壯果公年譜卷一

五

多係巨石橫亘中流漩渦急溜激石奔騰水力甚大甫將大木接上卽被漂去旋入石罅中折斷如此十餘次未能卽渡日暮大雨陽令各兵撤退伏於石礮樹林之內候至夜半賊匪俱各回寨卽趕緊接縛大木緣木過河遙望克堆寨在兩山中間石岡之上地勢頗高僅有一徑可上當路火光數處係賊匪瞭望卡隘<sub>臣</sub>恐仰攻徒費兵力因令桑吉斯塔爾守橋另分兵爲三路鄂尼保克昇額等繞上賊寨後山梁哲森保翁果爾海等前往接續阿滿泰珠爾杭阿達音泰定西廂順山進攻<sub>臣</sub>海蘭察帶領巴圖魯侍衛等潛過山溝繞上對面山梁<sub>臣</sub>福康安帶領安祿德楞

泰及巴圖魯侍衛等督催官兵於二十四日黎明併力壓下賊匪見我兵全已渡河出其不意抵禦不住紛紛潰亂各路官兵盡力追剿殺死賊匪三百餘名焚燬賊寨五座徑趨協布魯克瑪其台斐英阿阿甲等一路亦由薩木那翻山前來攻克賊寨從西面夾擊所有協布魯克瑪及協布魯屯聚賊匪見官兵各路壓下全據勝勢均棄木城石卡奔逸復被我兵邀截殺死賊匪二百餘名旺堆正路官兵亦卽乘勢搭橋過河占住賊卡追殺賊眾數十餘名此次進攻協布魯一帶地方極爲險要賊匪拒守甚堅若不設法出奇非數旬不能攻克<sub>臣</sub>等仰仗

德壯果公年譜卷一

五

聖主天威激勵將士巴圖魯侍衛官兵等爭先用命搭橋過河於峭壁懸崖深林密箐人迹不到之處黑夜冒雨攀援登陟衣履皆穿手足擦破並未稍形退怯實爲奮勇出力<sub>臣</sub>等惟有帶領勁兵直前攻剿迅掃賊巢以期早慰

聖懷

諭曰福康安等奏攻克協布魯一帶木城賊寨打仗得勝情形一摺官兵自過熱索橋後所經地方陡巖高礮亂石叢積無平地可以割營福康安等與所帶官兵至於露宿實甚勞苦至不忍觀其協布魯一帶極爲險要賊匪憑河阻抗撤橋固守福康安等復設法出奇乘其不意於雨夜迅速潛渡將賊匪痛加殲戮



焚燬卡寨巴圖魯侍衛官兵等俱爭先用命於人迹不到之處攀援登陟衣履皆穿手足胼胝並未稍形退卻用兵以來從無似此之難者欣覽之餘益加憐憫官兵深入賊境連次克捷福康安等調度督率悉合機宜今賞福康安御用大小荷包四喜搬指鑲嵌松石翎管海蘭察惠齡各賞給大小荷包四喜搬指鑲嵌松石翎管用昭優眷外發去四喜搬指六箇鑲嵌松石翎管十七箇著福康安等酌量帶兵大員內如台斐英阿等何人最為出力者傳旨分賞又鼻煙壺小刀各四十件並著福康安等遇有帶兵出力之侍衛章京將領等酌量賞給以示獎勵

七月十四日

德壯果六年譜卷二

三

福康安海蘭察奏言竊臣等攻克協布魯一帶地方業經

恭摺奏

聞查協布魯至東覺須由噶多前往噶多距協布魯約有百十里該處山徑叢雜處處相通大兵一過恐賊匪從中邀截即得東覺終有後顧之虞現在打仗官兵將及六千名勢不能再行留兵抵禦臣等察看情形密探路徑自噶多正路至作木古拉巴載山梁二十餘里山下又有橫河一道隔河對面大山即係東覺為賊境險要之地賊匪據險設備前後高下分布頗為聯絡自噶多東南越山至雅爾賽拉博爾東拉一帶大山亦有賊匪多人屯聚該處係屬間道

與正路互為犄角最關緊要臣等公同商酌所有雅爾賽拉博爾東拉一路海蘭察前往攻剿帶領巴圖魯侍衛章京索倫屯土官兵分作三隊桑吉斯塔爾翁果爾海鄂尼保阿哈保等為頭隊阿滿泰哲森保溫春富禮善溫保為二隊珠爾杭阿墨爾根保納丹保富僧額多爾濟達音泰為三隊金川屯備木塔爾等即派三隊之內因此路極為險遠將前隊官兵先行進發海蘭察於七月初三日起程督催前進其東覺一路福康安帶領巴圖魯侍衛章京索倫屯土官兵等前往攻剿亦於初三日起程福康安先至作木古拉巴載山梁望見隔河東覺山巔賊寨

德壯果六年譜卷一

三

賊營甚多半山以下俱有木城石卡臨河砌築堵截正路兩山南北夾峙壁立數千仞下視橫河僅如一線雖濟隴以外沿途山勢已極逼仄然賊匪據守卡寨及渡河處所尙畧有偏坡總未有如此地險峭高峻者若帶兵直下至山根渡河即有二十餘里之遙賊匪槍礮處處可及斷難從此徑渡探得上游噶多普大山係橫河來源其水稍淺山路亦稍曲折雖對面河岸亦多礮卡防守甚嚴而噶多普山上巨石林立樹木茂密尙可藏身徐下因留合斐英阿蒙與保圖爾岱薩甯阿巴彥泰巴哈等駐兵作木古拉巴載山梁暫緩下山進攻仍用大礮晝夜轟擊使賊匪抵



禦正路官兵不得稍息臣福康安即帶領額爾登保安蘇張芝元德楞泰克昇額五紹定西爾綽爾渾克色保諾托保雙福富永屯備色穆哩雍中朗爾結等由山嶺重疊之處潛往噶多普繞行兩日初五日黎明帶兵下至半山臨河石卡內賊匪一見官兵先行出卡放槍抵禦我兵且伏且行於初六日下至山麓浮水渡河礮內賊匪亦盡出抵禦當即督率官兵一面奮勇勦殺一面將近河各礮卡奪據而上面陡礮尙有木城層列石卡亦多賊匪見近河礮卡已失即從陡礮上繞來攻撲我兵奮力勦殺將帶領匪眾頭目臨陣擒獲餘眾始行敗回隨即催兵直趨頭座木城屯兵數人鼓勇先登被刀砍傷各兵並未稍卻攀援繼上立時攻克其二座木城賊匪俱即出至樹林內攢集吹號吶喊乘高而下而木城兩旁石卡內賊匪亦來邀截我兵毫不退卻分投接戰攪殺一處不及放槍惟用弓箭刀矛將賊匪殲戮殆盡山嶺營寨內賊匪聞知趕來援救行走捷速甫至半山復被官兵截殺其台斐英阿等在山梁上連日用礮轟擊打死紅衣綠衣賊目及賊兵多人探知大隊官兵已由噶多普渡河得勝亦即乘勢由正路下山搭橋過河將正路之木城石卡攻得前來鼓勇登山追奔二十餘里遂將賊寨賊營全行克獲共攻克大小賊寨十

德壯果公年譜卷二

三

一處賊營三處石礮四座木城五座石卡二十餘處殺死賊目蘇必達奈新一名蘇必達巴撒喀爾一名哈瓦達三名咱瑪達二名賊匪四百餘名滾崖落河者不計其數擊獲大賊目薩爾達爾巴載巴拉哩一名活賊七十六名臣海蘭察分路後繞行雅爾賽拉博爾東拉各山極爲高峻林深箐密毫無路徑連日潛伏步行冒雨登陟晝夜進行至博爾東拉前山遙見木城三座石卡七處當路砌築頗得地勢若即直前攻撲未免徒費兵力隨於初六日黎明徑登山巔繞至賊卡之上前隊之翁果爾海等正擬壓下賊匪已蜂湧前來勢甚潑猛竟敢迎頭衝突二隊之阿滿泰等三隊之珠爾杭阿等亦即接續前來臣海蘭察帶領巴圖魯侍衛及索倫屯土各兵奮勇勦殺槍箭並無虛發自卯至午往返追壓十餘次在前賊匪甫被擊退在後紛紛接應拚命競進短兵相接賊屍縱橫遍地殺死賊目蘇必達那塔新巴一名咱瑪達二名賊匪三百餘名始行敗竄當將木城石卡全行拆燬整隊前進行至瑪木拉復遇埋伏賊兵堵截去路臣海蘭察於高處望見即督率巴圖魯侍衛章京等直前迎擊又殺賊百餘名維時東覺餘賊業已敗竄臣海蘭察即由博爾東拉山梁趕下臣福康安會合一處帶兵盡力追勦賊匪繞山越嶺行走官兵跟蹤

德壯果公年譜卷二

三



搜捕沿途多有斬獲茲於初九日趕至雍鴉地方對面噶勒山梁上先有接應賊匪據險設防屯聚拒守本應即日進攻但各兵登山陟險打仗追賊晝夜辛勤已經八日履襪擦損跣足徒行為石稜擦傷螞蝗嗜嚙兩足多已腫痛且賊境天氣陰雨最多每日惟辰巳二時稍霽交午即雲霧四合大雨如注山巔氣寒入夜雨皆成雪兵丁昏夜登山遇有數丈石礮攀援樹枝始能跳越上下一經雨雪尤屬溜滑難行隨帶弓箭多致跌折鑼鍋帳房更不能攜往裹帶糲粃又已食完必須休息數日稍養兵力並嚴催糧石鉛藥弓箭到來分別給散方可整兵進剿查賊匪素恃

德壯果六年譜卷一

三

險遠滋擾各處頗請攻戰大兵直入賊境後屢次克捷賊匪尙思抗衡未形畏懼今進攻東覺博爾東拉險要之地各處礮卡營寨木城據險密布甚得地勢賊匪屯聚甚多據守甚固我兵共有數千名後路並無接應勢難剋期取勝是以<sub>臣</sub>等於發兵時宣諭我

皇上撫卹士卒

深恩加以激勵官兵等無不倍加感奮勇往爭先屢經賊匪迎撲我兵屹立不動槍箭如雨殲擒匪眾俱係壯大兇橫之人而各礮卡木城內賊匪並不藏匿死守悉皆空壁而出希圖抵禦竟得以派兵一面攻擊一面奪據不煩逐處攻圍

久延時日此皆仰賴

聖主洪福將士用命於萬難攻剿之時竟獲全勝<sub>臣</sub>等親在行間實深欣感

八月初九日

福康安海蘭察奏言<sub>臣</sub>等自濟甯進攻賊匪恃其山勢峻險河流洶湧徧處疊立戰礮木柵決斷橋梁盡力固守是以每逢打仗必由遠道遠進攀陟懸崖始可攻殺賊匪眾巴圖魯侍衛官兵等分路撥派冒雨登險奮勇爭先將熱索橋協布魯博爾東拉東覺等處克獲賊礮殲擒賊匪甚多此皆仰賴

德壯果六年譜卷一

三

天威洪福各巴圖魯侍衛官兵等感激聖恩竭力報效理合據實奏

聞懇乞

皇上加恩鼓勵謹將著有勞績人等分繕清單進

呈

諭日福康安等奏請將熱索橋協布魯博爾東拉東覺等處打仗奮勉弁兵加恩鼓勵一摺此次攻克熱索橋巴圖魯侍衛官兵冒雨陟險踰越山梁奪取礮卡實為奮勇可嘉護軍統領台斐英阿著賞給都統銜頭等侍衛額爾登保珠爾杭阿健銳營翼長德楞著賞給副都統銜其餘均賞資有差以示朕軫念戎



行普行施惠至意

二十一日

福康安海蘭察奏言查賊匪將從前裹去兵丁噶布倫等  
全行送出遣大頭人來營具稟乞降經<sub>臣</sub>等嚴檄飭駁當  
令朗穆幾爾幫哩等二人回巢諭知賊酋卽行親來並令  
將前途各山梁拒守賊眾全數撤回若稍有支吾仍卽統  
兵進剿茲距發檄之後又經數日各山上拒守賊眾尙未  
撤動賊酋等亦無親來之信自仍當相機進取官兵自到  
雍鴉以來已經兩旬後起川兵尙未到來亦未便稽延坐  
守况藏地邊界雪下最早如宗喀通拉山等處常年八九

德壯果公年譜卷二

美

月間卽已大雪封山今年節氣較早已交秋令十餘日總  
須趕封山之前蕪事撤兵不能久稽時日<sub>臣</sub>等再三籌畫  
察看形勢經過賊境地方數百里內大山皆係東西對峙  
中夾大河官兵屢次攻賊皆繞道上至東山之巔從上壓  
下勢若建瓴而自過雍鴉以南山勢皆南北相向如噶勒  
拉堆補木甲爾古拉集木集大山層疊橫互陡峻異常而  
堆補木與甲爾古拉兩山之間又有橫河一道我兵由山  
北徑上步步皆須仰攻若攻噶勒拉堆補木兩重大山  
須卽奪橋過河方能得勢<sub>臣</sub>等帶領桑吉斯塔爾墨爾根  
保張芝元德楞泰克昇額達爾精阿薛大烈屯備朗爾結

等擬由中路前進直至噶勒拉山麓作爲上山之勢誘賊

下壓另派額爾登保七十五額爾金保定西鼐五紹張志  
林等由左一路進攻珠爾杭阿阿哈保圖爾岱達音泰張  
占魁屯備色木哩雍中等由右一路進攻俱令乘夜進兵  
於樹林內潛身而上俟賊匪下至半山兩路官兵卽疾上  
山巔奪據賊卡分派已定<sub>臣</sub>等於初二日丑刻先將兩路  
官兵進發卽親督大隊於黎明越過雍鴉大山徑下山溝  
遙望噶勒拉山巔有木城兩座木城內賊匪尙未敢遽行  
迎敵<sub>臣</sub>等督率官兵分爲數隊陽欲覓路分上賊匪自恃  
山險徑從高處壓下勢甚潑猛而左右兩路官兵已於樹

德壯果公年譜卷二

美

林內繞出其上奮勇登山分趨東西賊卡賊匪不虞官兵  
驟至立時潰亂將石卡兩處全行奪據其中路迎來賊匪  
行至半山見山上山下俱有官兵不能進退<sub>臣</sub>等卽以鳥  
槍弓箭兵丁排列在前徑行撲上賊匪正在驚懼之際抵  
敵不住逃回木城我兵跟蹤追上又見先上之兩路官兵  
從左右夾擊賊匪在木城放槍投石迎拒甚力木城係大  
木豎立用竹篾藤條繫縛堅固  
乾清門侍衛墨爾根保侍衛圖爾岱參將張占魁攀援木城  
徑上中槍陣亡我兵並不退怯分投攻勦拋入火彈焚燒  
木城內草棚帳房自辰刻直至未刻攻克木城兩座又連



克石卡二處殲賊目五名賊匪三百餘名落崖者甚多  
隨將木城焚燬乘勝窮追數十里直至堆補木山口象巴  
宗地方該處有賊卡一處山上有木城兩座木城旁又有  
石卡三處大石卡一處敗逃餘賊未及全過象巴宗我兵  
趕及卡內賊匪棄卡奔逸眾兵齊上山巔木城賊匪俱出  
抗拒其木城旁石卡內賊匪拒守不出隨令桑吉斯塔爾  
袁國瓚英貴薩甯阿綽爾渾籌保達音泰等進衝賊陣阿  
木爾塔額爾金保綸布春索多爾海富蘭劉懷仁魏玉龍  
巴底大頭人松鼐巴塘副土司成勒春丕勒等分攻賊卡  
臨陣殺死賊匪一百餘名連奪賊卡復派屯兵等爬越大

德壯果八年譜卷一

三

石卡圍牆奮勇攻克餘眾奔潰惟巴圖魯二等侍衛索多  
爾海都司魏玉龍於奪卡時因槍傷落崖身故其時已及  
半夜本應稍為休息但堆補木山下帕朗古地方即係橫  
河現有賊匪據守橋座若不將橋奪據賊匪循河東上即  
可繞出我後况堆補木南面較北面山勢稍有偏坡阻河  
為固方可將堆補木守住隨連夜分兵兩路派珠爾杭阿  
安祿七十五蒙興保穆克登布富禮善榮義馬登榮屯備  
木泰爾朗爾結等由橫河上游進攻集木集阿滿泰額爾  
登保袁國瓚阿木爾塔達爾精阿定札永善棍德依雲保  
森伯鼐屯備木塔爾斯丹巴等由帕朗古攻橋進撲甲爾

古拉於初三日卯刻至橫河北岸<sub>臣</sub>等以該處橋座最關  
緊要當即帶兵前進督率攻取賊匪於橋座南北兩岸圍  
砌石卡過河即係甲爾古拉大山與集木集大山連屬山  
梁自東至西橫長七八十里木城礮卡據險排列不下數  
十處儘西山腿有木柵一座約長數里守禦極為險固<sub>臣</sub>  
等帶領官兵進攻橋座北岸卡內賊匪拚命抵禦我兵奮  
勇攻撲於高礮上用槍礮向下轟擊自辰刻攻至午刻卡  
內賊匪大半槍斃站立不住逃遁過橋南岸賊匪排槍數  
層連環不斷一面抵住我兵一面即欲拆橋已將橋板撤  
去數塊惟恐橋座拆斷過河愈難阿滿泰等直前爭奪兵

德壯果八年譜卷一

三

丁乘勢競進一擁過橋阿滿泰及屯備色丹巴在前行走  
適中槍傷落水身故其時兵已搶至南岸將賊卡攻得殺  
死賊目三名賊匪一百餘名沿河賊匪敗竄上山我兵即  
追躡賊蹤往攻甲爾吉拉其橫河上游一路珠爾杭阿安  
祿等見正路官兵已過亦乘勢搭橋渡河進攻集木集<sub>臣</sub>  
等即帶兵過橋督率兩路官兵奮勇前進適值大雨傾注  
山崖險滑直上二十餘里將近木城形勢更陡賊匪居高  
臨下槍礮甚多我兵仰攻又無大石密樹可以藏身不能  
立時攻克當將官兵撤至山下賊匪乘高撲來巴圖魯侍  
衛章京及官兵等人人奮勇趕上接戰攪殺一處殲殺甚



多集木集山梁上賊匪從旁抄下接應欲來奪橋而橫河歸入大河之處復有賊匪在大河隔岸放槍助勢三路之賊不下七八千人我兵往來攻擊賊匪仍不敗退臣等隨親率台斐英阿張芝元德楞泰七十五紹英貴克昇額札保富罕雙甯定西爾德清額屯備阿忠安普木等奮勇衝殺賊稍退卻台斐英阿等出隊直前射死紅衣賊目二人台斐英阿及二等侍衛英貴索倫佐領棍德依旋中槍陣亡因將各兵分隊排開四面圍截復殺死賊目三名賊匪一百六十餘名餘賊紛紛竄逸又拏獲活賊十七名我兵追至山麓始行撤回此次進攻接戰兩日一夜連克兩

德壯果公年譜卷一

四

重山大木城四座石卡十處大石卡一處奪據帕朗古大橋一座官兵並未稍為休息攀援險阻衝冒槍石奮不顧身殺死賊目十三人賊匪六百餘名拏獲活賊十七名訊明俱已正法賊匪當屢次敗衄之餘復經此次痛加戮戮自必更形畏懼伏思廓爾喀自恐滅亡處處負隅據險今官兵追逼更近已過帕朗古大橋與賊營對山駐劄較雍鴉地方復深入七十餘里賊匪備禦益加嚴密所謂困獸猶鬪自不肯束手待斃然賊匪震懾軍威僅能據險自守卽人衆較多亦不敢前來窺伺臣等再當酌量情形相機辦理至後路一帶因續調川兵未到祇於塔木那及協

布魯博爾東拉酌留兵丁防守今官兵又已深入自濟甯至軍營後路約有數百里道里懸長應於東覺雍鴉及清吉札喇果臧果橋上各要隘添安兵丁數十名至百餘名不等庶聲勢稍為聯絡沿途糧運軍火亦可藉資防護

諭曰福康安等奏攻克噶勒堆補木奪橋過河打仗殺賊情形一摺可嘉之至據稱藏地邊界雪下最早如宗喀通拉山等處常年八九月間卽已大雪封山今年節氣較早總須趕封山之前藏事撤兵不能久羈時日等語所見與朕同前恐藏內氣候驟冷若非及早竣事撤兵或為大雪所阻屢降旨令福康安等臨機應變安速藏功今福康安等摺內已籌計及此朕心轉為

德壯果公年譜卷一

四

稍慰前經福康安等遣朗穆幾爾幫哩等二人回巢諭知賊酋將各山梁拒守賊眾全數撤回乃發檄之後又經數日各山上拒守賊眾尙未撤動若福康安等仍按兵不動未免為賊所輕自以進攻為是各官兵分路攻勦攀援登陟雖見有中槍陣亡者並不退怯仍奮勇直前拋擲火彈痛殲賊眾將噶勒堆補木石卡木城全行占奪實屬可嘉可憫幾於不忍披閱此次阿滿泰墨爾根保等皆中槍陣亡尤堪軫惜嗣後與賊接仗所有得力之巴圖魯侍衛等不可復使冒險輕進致有傷損並著傳諭福康安等如此旨到時尙在相機進取則賊匪經官兵連次痛殲之後早已望風膽落必另差人赴營遞稟乞降福康安等



即可趁其畏懼哀懇傳旨允准現為節候所限亦不得不如此  
辦理福康安等受恩深重歷經委任定能籌畫萬全安速藏事  
至額爾登保珠爾杭阿德楞泰已賞給副都統銜此時帶兵之  
人額爾登保等即令作為領隊所有打仗之官兵士兵已明降  
諭旨賞給一月錢糧成德一路賞給半月錢糧以示獎勵

十月二十六日

福康安惠齡奏言臣等前奉撤兵

諭旨即遵

旨檄諭賊酋派委翼長德楞泰帶同普都爾幫哩乃爾興至熱索

橋邊界飭令回巢臣等即於十五日自濟甯帶兵起程旋

德壯果公年譜卷一 八 聖

據德楞泰帶送賊目前赴邊界飭令回巢訖該翼長於十

七日趕至工達地方臣等面稟據普都爾幫哩乃爾興

於途中稟稱此次廓爾喀誠心歸順已荷

大皇帝格外天恩准令頭人等進京瞻

覲頭人到京時仰蒙

大皇帝加恩必應具

表恭謝方可稍盡微忱隨

表貢物不敢似五十五年謝

恩貢物簡畧該翼長本未知有五十五年進

貢之事隨答以

天朝撫馭萬邦厚往薄來原不在此區區

貢品但爾部落既欲誠心效順感戴

聖恩在爾部落自當如此等語臣等查上次廓爾喀投誠並未呈

遞謝

恩貢物何以賊目復有此語因思前藏貿易之巴勒布商人巴淩

覺前經

奏明帶來現在軍營隨將此事密詢據稱五十五年多喇拉

木來藏曾齎謝

恩表貢聞得交存巴勒布買賣人處不知詳細等語臣等聽聞之

下不勝駭異伏查上次賊匪遣多喇拉木等來藏求

德壯果公年譜卷一 八 聖

賞俸祿地方未經普福倅習渾雅滿泰具奏已屬荒唐今復查出

廓爾喀曾有謝

恩表貢交存在藏事關邊界具表駐藏大臣竟敢匿不具奏其故

更不可解查普都爾幫哩等在營多日從未稟明此事茲

於回巢時間中提及以見其向來恭順又詢據巴淩覺亦

稱實有其事雖臣等從前研詢丹津班珠爾等時祇供有

賊匪求

賞俸祿地方差人來藏並未供出帶有謝

恩表貢然該犯等彼時正為噶布倫斷無不知之理解京訊問自

可水落石出况此項



表貢既在巴勒布貿易人處無難卽行查出臣當卽密寄和琳就近先將

表文貢物嚴密查出據實辦理復思鄂輝於五十五年曾經來藏自必深知其事鄂輝愿蒙

委任尤非俘習渾等可比若於此等外番交涉事件亦敢隱匿不

現在質證無人恐鄂輝尙思推卸不肯據實供明卽日經過宗喀令鄂輝隨赴前藏計至藏時和琳應已將此項

表貢查出再行提集俘習渾雅滿泰與鄂輝面加質證切實辦理嚴行

德壯果公年譜卷二

奏參治罪

二十九日

福康安孫士毅惠齡和琳奏言官兵由濟隴聶拉木撤回自應分定起數以便隨到隨行不致稽時糜餉東路至拉

里一帶臣和琳預爲辦理足敷支用拉里以東前經臣孫士毅將旋兵馬匹口糧事宜逐加籌辦臣惠齡於接印後

復飭行各臺站官員認真妥辦毋許臨時貽誤臣福康安復通飭各臺站妥爲料理並再三嚴飭帶兵各員約束各

兵安靜行走不許稍有擾累惟東路道里懸長山徑險窄現當冬令冰雪載途嶺高路滑應令各兵分路行走以免

擁擠查自藏至打箭爐係屬正路而三雜谷綽思甲巴底

巴旺瓦寺沃什黨壩等土兵由草地回至本處程途較爲捷近令按到藏前後酌定各兵起數除巴塘副土司成勒

春丕勒帶領土兵爲數無多前已遣令先回預備該處烏拉外其由正路行走者將先到前藏之索倫達呼爾兵丁

分爲五起令領隊大臣烏什哈達統領帶頭起在前行走乾清門侍衛阿尼雅布收後督查四川省標及建昌官兵分

爲五起令副將五十一參將扎爾杭阿管領又甘肅來藏安臺告請隨征官兵及降番屯練並川北等鎮官兵回藏

在後接續起程分爲八起令總兵彭承堯統領帶頭起在前行走總兵朱射斗收後督查其由草地行走者係三雜

谷孔薩綽斯甲巴底巴旺革布什咱瓦寺沃什黨壩等處土兵分爲六起令總兵諸神保統領帶頭起在前行走總

兵袁國瓊收後督查如此分路按程行走途中不虞擁擠應付亦可從容且各有統領收後大員管束不致稍有滋

事所有巴圖魯侍衛章京海蘭察已帶領一起回京茲復派副都統職銜翁果爾海

乾清門侍衛桑吉斯塔爾侍衛五紹等分帶兩起啟程現留翼長德楞泰侍衛克興額等八員以備差遣又患病之參

領額爾錦保等六員暫留在藏調養一俟調理稍愈卽令

德壯果公年譜卷二

望



回京至臺藏防戍兵丁已屆年滿者前經臣孫士毅已將更換之兵預行派出歸入征兵數內應急於征兵內挑選壯健者按數更換以凱旋後到藏到臺之日起扣滿年限再行更換

十一月初四日奉

旨補授鑲藍旗蒙古副都統

十二月二十七日

福康安孫士毅惠齡和琳奏言竊查乾隆五十五年廓爾喀遞到謝

恩表貢交存巴勒布商人巴特巴第處收貯未經具

奏一案臣等到藏後即將鄂輝俘習渾雅滿泰嚴切詢問先將大概情形恭摺奏

聞茲嚴廷良解到並傳齊案內人證隔別研究細加質對緣此項表貢實係嚴廷良自陽布帶來其時鄂輝尙在前藏因貢物只有四樣不堪呈進鄂輝先已發檄曉諭廓爾喀自必遵檄辦理又據嚴廷良面稟廓爾喀隨卽差頭人進京納貢是以鄂輝欲俟廓爾喀貢使到來再辦未便先行具奏與普

福商定後復向雅滿泰告知雅滿泰普福二人遂祇將嚴廷良到藏日期具奏並未以帶到

表貢之事奏

聞嗣俘習渾於十月二十九日到藏雅滿泰復將前後緣由告知

俘習渾亦復因循未奏其收存

表貢之多喇拉木原係來藏講諭銀錢之人因藏內不能照依行使先令阿幾堪噶回巢告知多喇拉木等候兩月仍未講明卽將帶來銀錢易換金子欲回陽布於十二月初三日赴駐藏大臣衙門稟辭並將貢物等件帶往嚴廷良亦一同進見俘習渾因貢品較少又未專差貢使前來將多喇拉木與嚴廷良一併面加諭飭多喇拉木隨將各物仍舊帶回寓所其時多喇拉木因金子業已換妥卽欲回巢此項

德世果公年譜卷一

表貢本非伊經手帶來因卽令巴勒布商頭巴特巴第之夥計

箕格哩從伊寓所取去送交巴特巴第家收存巴特巴第詢知廓爾喀進貢物件是以小心收存不敢拆動直至今年九月間將原封大小皮包共十五件按數呈出反復訊問並非嚴廷良交給亦非噶厦轉交衆供均屬確鑿又廓爾喀寄鄂輝各稟含混其詞俱稱有所許之語自係指許給銀兩而言臣等前向鄂輝研訊祇供上次曾經許將所鑄銀錢准其一箇當兩箇唐古或若與不和准其稟訴稟內所指想係此語實無許給元寶之事茲臣等復將鄂輝嚴訊堅不承認查此項



表貢關係外番交涉之事豈容因循日久匿不上

具

奏乃鄂輝於嚴廷良到藏輒因廓爾喀貢使未來不合體制不卽具奏顛倒督亂莫此爲甚至普福因指望貢使卽到輒聽鄂輝所言與雅滿泰未經奏出普福旋卽回京已屬不合而俘習渾亦卽扶同徇隱不奏不辦迨至上年廓爾喀滋事之時事隔半載有餘俘習渾雅滿泰俱在前藏鄂輝隨後又已到來均仍不據實奏

聞情罪俱屬重大今<sub>臣</sub>等業已詳悉詢明惟普福現在刑部監禁

德壯果公年譜卷一

奏

其中供詞間有未符之處必須質訊明確方成信讞相應將鄂輝鎖押解至刑部與普福質對確實從重治罪俘習渾雅滿泰扶同不奏均有應得重罪查伊二人係奉旨<sub>在藏</sub>永遠枷號示衆應否解到刑部從重治罪之處伏候

訓示

諭曰福康安等奏審訊壓擱廓爾喀表貢匿不具奏一摺鄂輝於許給廓爾喀銀兩一事或尙可諉爲不知至五十五年廓爾喀呈進表貢壓擱不奏現經福康安等面加詰訊鄂輝雖轉支飾而此事係其主見已屬百喙難辭今福康安等並未按律定擬請將鄂輝等解京治罪試思解到後卽交軍機大臣覆訊明

確亦不值卽將伊三人概行立寘重典若交刑部監禁是伊等身獲重譴轉藉此回京安坐罔圖殊不足以示儆計此時鄂輝起解在途亦距藏不遠著傳諭惠齡英善接奉此旨飛飭沿途不拘鄂輝解到何處卽於該處截留仍解回前藏交與和琳將伊永遠枷號與俘習渾雅滿泰同爲在藏辦事大臣不肯用心妥辦致藏地不靖者戒

數月以來自擦木邦杏濟噶熱索橋協布魯東覺堆補木等處七戰皆捷殲戮賊衆不下五千人指顧卽抵陽布而賊首望風膽落再三遣大頭目至軍營乞降并一切恪遵檄諭無敢抗違將軍福康安察其頌<sub>於至誠然後許</sub>

德壯果公年譜卷一

爲奏請

皇上體念好生之德不爲過甚亦卽允之於是拉特納巴都特遣噶箕第烏拉特塔巴等奉表入

朝於本月抵都而廓爾喀平

五十八年癸丑

公四十九歲

四月廓爾喀所貢象馬由青海至京各軍凱旋自將軍及在事文武諸功臣三十人第其勳績

命圖形紫光閣

御製贊者十五爲前功臣圖



命儒臣製贊者十五為後功臣圖公位列後十五功臣第四

恭錄

上命儒臣製贊

副都統西朗阿巴圖魯德楞泰

奪橋燬寨克卡破圍單騎百戰千人一揮仄徑螺旋大河鳧渡颯

爽英姿光留竹素

九月初三日奉

旨管理健銳營事務

是年公繼配鄒夫人來歸

五十九年甲寅

公五十歲

三月二十六日奉

旨補授正紅旗護軍統領

四月公繼配鄒夫人卒

七月二十二日奉

旨調補正白旗滿洲副都統

公繼配聶佳夫人來歸

德壯果公年譜卷三

次孫花沙納恭纂

乾隆六十年乙卯

公五十一歲

二月十九日

諭曰現在楚省官兵調派已及萬餘福康安自黔省前來亦必帶

領黔兵數千軍威已極壯盛又派巴圖魯侍衛章京令護軍統

領德楞泰帶領由驛馳往德楞泰前隨福康安當軍營翼長屢

經委用自可得力况福康安久歷戎行聲望素著諒此烏合之

眾無難一鼓殲擒

德壯果公年譜卷三

案先是貴州松桃廳大塘苗人石柳鄧楚省永綏廳屬之黃瓜寨苗人石三保聚眾為逆由黃土坡及鳳凰廳焚燒劫殺乾州城已被圍倉庫俱掠正月湖廣提督劉君輔帶兵往勦入告上猶以為苗民仇殺斤勿大其詞祇令雲貴總督福康安就近前往鎮察嗣據湖廣總督福甯湖南巡撫姜晟貴州巡撫馮光熊提督彭廷棟奏明乃悉苗逆叛官陷城焚掠各罪狀故准調宜昌鎮兵二千名澧州辰州兵四百名湖北兵三千名貴州兵四千名外續有命是

二十八日

荆州將軍興肇奏言近聞湖南鎮筵所屬苗匪滋事總

督福甯提督劉君輔俱帶兵前往臣等業經挑備滿兵並

札會福甯如需用時臣即行具

奏帶往



諭曰據興肇奏挑備荆州滿兵一千名懇請帶往協剿等語此等  
滿兵駐防日久未必能勝於綠營現在湖廣所謂之兵已有一  
萬數千餘名為數不少著諭福康安酌量情形如無須添調滿  
兵則已儻或必須添調興肇人本老實副都統二員皆已年老  
恐帶兵不能得力近令德楞泰由京前赴湖南必由荆州經過  
該處滿兵既經興肇挑備自已派有章京等領管德楞泰途次  
若接得福康安知會即行順路統領帶往自較為便捷也

三十日

福康安奏言黔省武職中曾經出兵之員甚少即滇省亦  
屬無多可否仰懇

德壯果公年譜卷三

聖恩諭令額爾登保德楞泰等帶領巴圖魯數十員星即前來帶  
領官兵剿捕黔逆苗可期得力

諭曰據福康安奏請派額爾登保德楞泰帶領巴圖魯數十員帶  
兵前往剿捕等語福康安未到之前早已派德楞泰帶領巴圖  
魯侍衛章京十餘員由驛即日起程徑赴黔省聽福康安派令  
帶兵其額爾登保應令徑赴鎮筵一帶幫同帶兵庶黔楚兩省  
有熟諳戎行之員剿捕自更為得力

閏二月二十二日

公奏言臣於閏二月十一日到鎮筵面見福甯等據云鎮  
筵續調各營兵丁原有六千八百餘名內除北路各隘口

駐防兵二千餘現守城卡兵三千餘名外祇有打仗兵一  
千五百餘名所有續調湖北兵尚未趕到等語臣視其地  
勢鎮筵城大山環繞城外東北二山梁雖有安設營卡兵  
二千餘名而四面大山俱有苗匪侵占鎮筵乃辰常二府  
要隘不可不嚴加防範臣同福甯劉君輔蘇靈等前赴山  
梁飭令官兵整固營卡福甯等急欲將現在兵一千餘名  
並駐守兵內酌量均挪共合兵二千餘名進攻但察看形  
勢尚須慎重辦理因向福甯等再四商酌若俟湖北奏調  
官兵到時會同進剿更為計出萬全

德壯果公年譜卷三

諭曰福甯等因在鎮筵日久毫無展布今見德楞泰到彼欲思抽  
撥兵丁攻打接仗以為塞責之計福甯等既因兵力未齊不能  
進取若輕於嘗試未能大加剿殺使賊匪等見欽差到彼亦未  
能大振兵威轉啟其輕視之心自莫若養精蓄銳俟福康安和  
琳前抵楚境會合攻擊可期一鼓集事

三月初二日

諭曰德楞泰係特派帶兵之員福康安處已有額爾登保帶同巴  
圖魯前往則德楞泰於劉君輔前赴保靖時自應帶兵同往乃  
留住鎮筵惟知坐待福康安檄調試思鎮筵已有福甯及蘇靈  
在彼防守豈尚不能堵禦猶待德楞泰幫同固守耶看來德楞  
泰見賊勢重未免心存取巧規避亦著福康安據實查奏



初五日

公偕福甯奏言本月二十三日探得苗匪窺伺永甯哨查永甯哨離鎮寧城二十餘里今年正月居民房屋已被逆苗焚燬近因各處山梁設卡堵禦農民漸次歸耕結有廬舍苗匪伺有糧糗什物復肆搶掠臣福甯臣德楞泰協同鎮臣蘇靈即日率領巴圖魯侍衛章京等帶戰兵一千名趨赴剿捕臣等一到苗匪五六百人肩負糧食衣物半已走上山梁臣等分作三路各帶兵弁追殺苗匪持械抵禦其在山頭者拋擲石塊撲下抗拒自午至申見官兵打仗益力始稍退卻臣德楞泰率領官兵施放槍箭殲斃苗匪

德莊果公年譜卷三

四

六十餘名賊眾紛紛四散奪得槍矛鐵叉七十一桿正在進剿突有苗匪七八百人從山後上據山梁放槍抵禦時天色漸近昏黑一帶皆深山密箐易逞詐謀不得不將兵分起撤回仍密遣人探聽虛實相機進剿

諭曰福甯等奏苗匪因見永甯哨農民漸次歸耕攜有糧糗什物復肆焚搶經官兵前往剿捕尙敢負險抗拒實為可恨但官兵所殺賊匪僅六十餘名又因黑夜撤回豈不被賊所笑現在福康安和琳肅清松桃秀山後路統領川黔勁兵前赴楚省會剿賊匪即可蕩平福甯等既已遷延於前此時亦祇可仍固守鎮寧待福康安和琳之至耳

初八日

福甯奏言臣於本月二十三日與德楞泰勦散永甯哨賊匪二十五日離高村二十餘里之新寨地延溪等處有賊焚劫德楞泰即先帶兵六百名前往堵剿臣正擬由旁路抄襲其後適二十七日未刻鎮城山後有苗匪窺伺臣等督率兵將趕過山梁苗匪蜂擁千餘直前迎拒我兵奮勇擊殺殲賊一百餘名復用火礮轟擊傷斃並落崖死者不計其數時已戌刻賊人追趕無蹤始收兵回營擒到苗匪訊非緊要之犯即行正法至高村一帶賊匪已經德楞泰殺退尙須布置周密方可回鎮

德莊果公年譜卷三

五

同日公奏言臣於本月二十五日率巴圖魯侍衛等帶兵於濫泥巖門一帶堵截苗匪痛加攻剿共殺斃一百餘名生擒賊苗二名奪得槍刀器械無數即於彼處屯兵暫守一面札知辰谿縣防守之副將陳大龍知縣陳錫綺等嚴加防守俟將餘賊剿捕淨盡即回鎮寧隨同福康安和琳帶兵進剿

十四日

諭曰據福康安和琳奏川黔兩省官兵剋期會合大獲全勝覽奏實深欣慰又據奏松桃秀山後路甚關緊要現趕緊將各處邊界滋擾楚苗分路剿盡立即赴楚相機辦理所辦甚合機宜今



石柳鄧既往依石三保若吳隴登亦與石三保聚在一處更屬易辦惟當察看賊情先至黃瓜寨或鴨保寨賊首屯聚緊要之處合兵攻勦使賊猝不及備爲一鼓殲擒之計轉不必亟赴鎮筴該處有福甯姜晟蘇靈等在彼斷不至有他虞卽德楞泰亦祇須在蘭里一帶巡查使糧道無虞梗阻福康安和琳更可專力進攻賊巢擒拏首惡剋日蕪功

十五日

福甯奏言鎮筴地方爲三廳咽喉門戶逆苗自竄伺以來全力悉注於此因守禦嚴密無隙可乘前月二十五日忽向後路之高村濫泥一帶滋擾冀欲搶糧道經德楞泰

德壯果公年譜卷三

六

帶兵六百名前往勦捕痛加殲戮始紛紛四竄臣查辰谿

濫泥高村等處爲軍餉文報要道經德楞泰帶兵勦殺賊匪布置一切極爲周妥臣在鎮城亦可遙相策應

諭曰福甯劉君輔此次所辦差強人意其鎮筴後路高村濫泥一帶帶有德楞泰帶兵在彼堵勦往來查察賊匪不敢侵擾驛道自可防範嚴密昨已有旨以鎮筴現有福甯蘇靈在彼儘可固守無虞令德楞泰不必回至鎮筴今高村一帶賊匪尙在窺伺德楞泰自應遵照昨旨在彼督率防禦

二十八日

福康安和琳奏言官兵攻克土空一帶苗寨連夜直赴永

綏解圍自巴圖魯侍衛以至漢屯將備黔川兩省兵丁打仗殺賊幾及三晝夜再查石柳鄧惡貫滿盈茲聞大塘汛爲伊巢穴石花寨有其墳墓卽派弁兵將其祖父墳墓發掘剝屍示衆俾知炯戒

諭曰福康安等統率大兵攻克土空打仗殺賊幾至三晝夜將弁兵丁人人奮勇爭先且派令花連布等帶兵分往永綏將八十餘日圍城立時解散實屬出力可嘉已明降諭旨將福康安和琳交部議敘著再賞給福康安和琳大荷包各一對小荷包各四箇額爾登保屢次帶兵分路勦賊德楞泰在鎮筴後路往來查察亦著各賞給大小荷包

德壯果公年譜卷三

七

四月初五日

福康安和琳奏言查鎮筴永綏一帶苗匪糾聚衆多極爲猖獗前此福甯德楞泰等屢次札商急欲帶兵出戰臣等因鎮筴爲三廳咽喉門戶賊匪出沒無常關係甚重諄囑福甯德楞泰等暫時固守不可輕動茲幸大兵已解永綏且進偏黃瓜寨巢穴賊匪自無暇復於鎮筴等處滋擾是以臣等現經札令德楞泰督率巴圖魯侍衛章京等酌帶兩湖官兵進勦迎赴臣等一路軍營所有鎮筴城內外卡隘仍屬福甯督同蘇靈嚴密防守查德楞泰自抵鎮筴分路設卡均屬妥協打仗數次亦能殺賊多名並非安坐鎮



城敢於取巧規避

二十七日

公偕福甯奏言據張廷彥稟報本月初六日有長潭芽扒  
谿窩插一帶各寨苗人攻燒擢馬卡等處順苗寨落欲圍  
繞襲花園當派遊擊王重品帶兵六百名於初七日前往  
勦捕至納馬車遇賊王重品衝上山梁殲賊數十名追至  
盤車有賊苗二千餘蜂擁抵拒王重品被圍衝突不出該  
鎮聞報率同遊擊馬愷帶兵往援內外夾攻殺上山梁合  
為一處奮力痛殲賊人四散逃走王重品已經陣亡弁兵  
亦有傷損等情查長潭苗匪如此猖獗現在古銅谿屯聚

德世果公年譜卷三

八

若該處稍有疎虞不特鴨保寨等處運道難通而花園隆  
團兩處糧運亦為可慮且附近保靖永順一帶在在兵單  
恐張廷彥在彼未足深恃臣等公同商酌鎮守係咽喉重  
地臣福甯難以擅離臣德楞泰在魏家莊山梁連次擊退  
賊苗近日不敢再來窺伺目下花園等處緊急不便稍事  
拘泥擬令副將岳逢堯前往巖門一帶更換鎮臣蘇靈駐  
劄營盤臣德楞泰即帶兵一百名星夜馳往催齊續撥兵  
丁酌量情形督同張廷彥將長潭一帶賊匪痛加勦殺以  
期廓清永綏後路運送軍糧儻急切不能開通即保護兩  
處糧臺嚴守保靖永順門戶另籌進剿

諭曰永綏後路因賊匪滋擾糧運致有梗塞德楞泰一接稟報即  
帶兵親往所辦差強人意川黔大兵現由榔木陀進剿黃瓜寨  
賊眾自必在彼抵死據守其分赴長潭之賊諒亦無多今經福  
甯畢沅先後派撥兵丁一千名前往應援德楞泰又馳往催齊  
各兵相機勦捕想永綏後路自無難廓清軍火軍糧即可源源  
前進

三十日

畢沅姜晟奏言據防守隆團副將富志那稟報十五日苗  
匪數百撲卡經遊擊馬天奇三格帶兵擊退追至獅子山  
腳下副將富志那恐其誘敵派兵分路接應賊苗果伏山

德世果公年譜卷三

九

劫一時齊出意欲抄截我兵後路我兵槍礮齊發殺賊數  
十人十六日賊復聚集數千人撲卡經副將等奮力攻擊  
始行潰散臣查自隆團至永綏四十里中間張坪鴨保董  
蕩三處一線山溝迂迴狹窄糧運行走已覺艱難苗賊負  
隅恃險憑高抗拒尤為可惡乃復乘間窺伺糧臺經兩次  
擊敗之後自當漸知畏懼適護軍統領德楞泰聞信由鎮  
馳赴隆團查看情形自保靖至隆團大路可以無虞隆團  
迤西尚有阻隔必須設法疏通俾軍儲轉運無滯最為緊  
要統俟德楞泰到彼相機酌辦

諭曰賊匪屢經勦殺之後尙敢於花園隆團一帶不時出沒窺伺



糧臺實為可惡現據德楞泰奏即馳赴花園隆圍帶兵勦殺疏通道路所辦甚是又據畢沅等奏富志那於賊匪前來撲卡率領弁兵分投追剿直上山梁奮力攻擊所辦尚好至此等滋擾賊匪自應奮力窮追悉數殲戮乃往往任其潰散即行收兵楚省將弁終覺不强人意著傳諭德楞泰等遇有賊匪滋擾務須督率官兵痛加殲戮毋僅以賊匪潰散即為完事

五月初七日

諭曰福康安和琳屢次董率官兵勦辦賊匪所向克捷連日天氣炎熱湖南想必更甚官兵觸暑進攻至於兩晝一夜不能安憩實在出力可嘉幾於不忍披視除將福康安和琳及在事出力

德先果公年譜卷三

十一

將弁交部議敘外並加賞福康安和琳小荷包各一箇香袋各三箇額爾登保德楞泰小荷包各一箇以示嘉獎

十三日

福康安和琳奏言首犯吳半生石三保等總在西梁附近及鴉西鴨保等寨併力拒守其花園隆圍等處賊苗出沒無常皆係餘黨張廷彥所帶之兵止足供保護糧臺之用復檄袁國璜前赴該處以期牽綴賊勢至德楞泰現在已到花園計算兵力不下三千餘人此時不便以有用之兵將僅捕此等餘黨且德楞泰於軍營諸事深堪倚仗已飛調德楞泰來至軍營以便等隨時督率調度或分投勦

捕或間道出奇設法攻圍於事較為有裨

二十一日

福康安和琳奏言等正在籌酌進兵適德楞泰接到札調檄文即由棚門小谿一路間道前來詢以該處賊勢據稱花園隆圍附近苗匪聚散無常德楞泰到彼後連次同袁國璜帶兵勦捕漸形斂跡惟董蕩地方與鴨保寨路徑毗連表裏相倚苗匪較眾且遮隔永綏大道現在袁國璜與張廷彥合兵一處足資防堵如此間首惡就擒則餘黨自必立時瓦解等語等於初四日分兵四起額爾登保德楞泰帶領巴圖魯將弁官兵往來督催各路均由雷

德壯果公年譜卷三

十二

公山西梁等寨分路進發殲戮無算

諭曰福康安等奏官兵分路進剿於重山驟雨之中將弁兵丁等無不爭先攀陟奮勇窮追連克大小苗寨六十餘處木城四座石卡三十五處殲斃賊苗不可勝計皆由福康安等調度得宜而官兵爭先效命奮勇出力覽奏之下均屬可嘉可憐著賞福康安和琳大小荷包並賞給額爾登保德楞泰小荷包各二箇

六月初三日

諭曰賊匪經官兵屢次勦殺之後尙敢分路肆擾實為可惡高村巖門前此德楞泰在彼往來巡查賊匪不敢窺伺德楞泰前赴花園一帶續經福康安等調赴軍營福甯即應派令蘇靈前往



德楞泰之地駐劄以便隨時稽察堵禦該督一味畏葸仍留蘇靈自衛遂使賊匪窺見高村一帶無大員彈壓肆行焚掠嗣後福甯惟當率同該鎮察看賊情隨時勦捕留心防範勿再貽誤干咎

初四日

福康安和琳奏言大烏草河地方兩山陡立勢極險峻賊匪於對面山梁分布木城石卡抵禦甚力臣等於十二日督同額爾登保德楞泰等帶領官兵自大樹坡下至河岸設法搭橋而河水漲發湍急倍常橋木均被水衝不能搭架隔河賊匪無數排立施放槍礮併力抵敵不能竟渡復

德壯果公年譜卷三

三

於十三十四十五等日帶領將備等分投督兵於上下游河岸併力攻擊晝夜相持賊匪於對岸懸崖亂石之中蛇行蟻伏對放槍礮並不少退正在攻擊之際適駐劄永綏提督劉君輔乞師討董蕩大山賊匪以護永綏隆圍要路當令花連布由葫蘆坪一帶相機策應去後嗣於十六日遙聞黃瓜山一路槍礮之聲遠近不絕旋據穆克登阿報稱各營卡忽有羣賊攻撲臣等當卽酌留德楞泰在大烏草河對敵親自督師馳往黃瓜山查看分投攻勦

十一日

福康安和琳奏言臣等在大烏草河與賊匪相持當經遣

人躡探查得大烏草河迤西有大山一道地勢險峻苗寨甚多所有鴨保鴉西天星寨等處遠近山勢約畧可見賊匪俱於沙兜寨聚集遂於二十四日丑刻密派額爾登保德楞泰等分兵兩路繞道前進額爾登保德楞泰等帶兵行至四路口地方該處山坡陡窄險峻異常見有賊匪無數築卡守禦官兵左右圍繞併力夾攻隨將盤喇寨多喜寨汲河寨獨蓋寨等處寨落石卡悉行攻克臣等帶兵由正路直抵沙兜寨殲斃不可勝計適額爾登保德楞泰等將盤喇等寨攻克之後旋即帶兵趕到賊衆大潰自午至酉計殺賊三四百名掣獲石老稞等二十七名官兵卽於

德壯果公年譜卷三

三

多喜寨山梁駐劄

諭曰此次官兵在大烏草河駐劄躡探賊匪俱於沙兜寨聚集密派額爾登保等分路繞道前進福康安等由正路進攻將沙兜盤喇多喜等處寨落悉行攻克殲斃苗匪無數擒獲活賊多名實屬出力可嘉德楞泰著交部議敘

又

諭曰此次福康安等布置一切悉協機宜而官兵分投攻撲無不奮勇爭先均屬可嘉已降諭旨交部議敘著再加賞額爾登保德楞泰大小荷包以示嘉獎

十七日



福康安和琳奏言沙兜寨對面有盤基坳大山賊匪糾眾  
據險撲營臣預派設伏督同額爾登保德楞泰嚴整兵力  
俟賊匪遇伏驚竄之次出其不意併力進攻賊匪四散驚  
逸滾崖落礮者不計其數將附近之科榮科受仍渥等寨  
一概焚勦

諭曰福康安等奏官兵攻克盤基坳山梁勦殺各寨苗匪福康安  
等密派官兵分投設伏誘賊前來出其不意併力進攻額爾登  
保德楞泰等分兵兩翼抄上山梁痛加勦殺將附近一帶屯聚  
接應逆苗概行焚勦甚屬可嘉

恭錄

德壯果公年譜卷二

御製詩

紀勝三十韻

紀勝非關紀勝遊紀我軍中勝功曩永綏解圍遂進攻蘭草

黃瓜 蘇麻 寨壘是均速克各誌詩福康安和琳自會合一路

捷痛穢賊匪奏報到時均卽有詩紀事抵楚解永綏圍後卽乘勝

皆生獲靖根葉待之以仲今季是五月至六月一月三捷茲已四嘉

我三軍敵愾美適日心神實弗甯正值望捷兼望雨叶然而早

作夜思間萬幾庶政救勦揣小捷雖曾四度聞分詠無與茲統

紀一爲克上下西梁首逆巢穴深藏委斷賊後路過前河超岡

焚穴奔羣先是時逆首受傷逃恨致傷輕未卽死此番逆苗滋

事初聞首惡

祇石柳鄧石三保吳龍登三人繼而福康安和琳自攻克黃瓜  
寨後擊獲苗匪龐老供龐老向訊知又有吳牛生自稱吳王現  
居蘇麻寨石柳鄧等皆服其管束福康安和琳隨卽密蹤路徑  
分兵四路沿途勦殺務將四逆全數擒獲及攻破蘇麻寨後吳  
牛生等復逃至上下西梁福康安和琳於四月二十八日先令  
額爾登保等帶兵由雷公山一路預斷賊匪救援之路達音泰  
等帶兵由山溝小路過小烏草河直上山梁連克賊卡數十處  
下至濫泥塘後有賊苗數千蜂擁趕到與我兵乘勢下壓賊匪抵  
死抗拒福康安和琳令達音泰等一面與賊對敵一面派令將  
弁分路抄上西梁及中西梁下西梁等處同時放火焚燒賊寨  
賊匪正在拒敵回顧巢穴被焚卽時潰散達音泰等督率弁兵  
尾追勦殺殲斃賊匪不可勝計額爾登保綸布春等帶兵分投  
設伏賊匪見官兵無多出卡迎擊官兵陽退賊匪追趕伏兵突  
起痛加殲戮額爾登保復帶兵由小路繞上山梁奪卡七座擊  
獲活賊三十餘名訊得吳牛生所聚黑苗屢被官兵打敗支持  
不住吳牛生受傷又重至猿猴寨現在傷而未死或其罪惡貫  
盈不能倖逃顯 二爲勦大烏草河山險巢多峰萃起四甄分路  
各進發兩督率眾相機使沿途破卡不計數槍礮聲聞數十里

德壯果公年譜卷三

五

木柴石城克及百惜逢大雨軍停止按卡字不見經典查字彙

兵立塘謂之守卡今征楚苗其字義恰合又清語卡倫亦分界  
之義卡讀若喀自係方言音各不同耳 四月二十九日攻克  
西梁寨後中間大山險峻苗寨極多賊匪或繞抄後路或分撲  
營卡甚爲詭譎福康安和琳於五月初四日三更派令侍衛色  
靈額等帶屯練降番爲一起總兵達音泰等帶貴州官兵並鄉  
勇降苗爲一起侍衛綸布春等帶四川官兵爲一起侍衛巴蘭  
等帶滇黔官兵爲一起額爾登保德楞泰帶巴圖魯將弁官兵  
往來督催福康安和琳帶兵相機策應於初五日各路官兵將  
沿途苗寨之賊痛加勦殺隨勦隨進數十里內槍礮之聲相聞  
不絕賊眾望風逃竄迨官兵追至懸崖陡壁之上將弁兵丁爭  
先攀陟奮勇窮追連克大新寨等大小苗寨共六十餘處木城  
四座石卡三十五處槍箭所到殲斃不可勝計其中豹子陀雷  
公寨赤河營一帶爲賊人藏貯火藥之地我兵放火焚燒烈燄  
衝天聲振山谷維時對岸聚集賊匪約有萬餘而大烏草河對  
岸山梁屯聚者更多福康安和琳復挑選勁勇直搶上大樹坡  
山梁殲斃無算並於田坪地方排立大礮轟擊賊匪不支紛紛  
潰散西戌之間大雨盆傾徧山霧氣昏黑 三爲剽取沙兜礮大  
不辨人馬因卽於大樹坡一帶擊卡駐劄



烏河西巖峻峙宿將分兵繞道前帥臣正路不旁諉巴圖魯侍衛超羣黔川勁旅率臂指併力奮勇一當百所剗盤喇獨蓋址直抵沙兜采入雄仍拒官兵聚賊匪二將繞至力夾攻利箭神槍賊難抵密林亂石分投竄隨克巢穴都焚燬有大山一道地勢險峻苗寨更多所有鴨保鴉西各寨遠近山勢約畧可見賊匪俱於沙兜寨聚集福康安和琳隨於二十四日丑刻酌留弁兵駐守大烏草河密派額爾登保等分兵兩路繞道前進而親率達音泰等帶領川黔勁旅由正路進攻額爾登保等至四路口地方該處山坡陡窄賊匪築卡守禦官兵左右圍繞併力夾攻隨將盤喇獨蓋等寨石卡悉行攻克福康安和琳直抵沙兜寨賊匪吶喊迎拒不下五六千人官兵無不奮勇爭先槍箭所及殲斃不可勝計適額爾登保等亦即趕至賊匪因見聲勢甚大不敢結隊抵敵猶在密林亂石之中分布放槍抵禦官兵用大礮擊斃無數餘匪始行潛遁此次約計殺賊三四百名擊獲活賊石老樛等二十七名審明後均即正法梟示其石老樛一犯石三保封為軍師亦即寸磔梟示是時花連布所駐之葫蘆

德世果公年譜卷三

二十六

坪亦有賊匪攻撲該鎮奮力追勦並將上竹排下竹排各寨悉行焚燬諸神保所駐之蘭草坪等處賊匪聞出滋擾亦即隨時擊四為攻得盤基劫逆卡固守注力此致復乘間去撲軍營分班設伏伺其至賊果蛇行曲徑來遇伏蟻散紛奔徒滾崖落礮數難窮火其五寨軍營啟獲俘訊是首逆姪親見受傷幸生耳二十六日攻勦沙兜寨後見對面又有盤基劫大山一座賊匪因大兵力注力此間據險設卡乘夜分投來撲福康安和琳嚴飭弁兵毋得輕動必須見賊匪相近看準放槍擊打並密探賊匪出沒往來路徑於六月初一日夜間派巴圖魯侍衛綸布春等各帶降番屯練分路設伏福康安和琳督同額爾登保等嚴整兵力俟賊匪遇伏驚竄出其不意併力進攻賊匪果於初二日丑刻成羣結隊由左右山溝蛇行曲折而來將及上礮我兵四出槍箭齊發賊匪彼此不能相顧紛紛逃竄額爾登保等分兵兩翼趨上山梁各卡賊匪正思背負器械糧食奔逸不料官兵三面驟至四散驚逃滾崖落礮者不可勝計巴圖魯侍衛將備等一面追捕一面將科榮科受仍滙俄載撤罕五寨概行焚燒官兵隨移營盤基劫山梁駐劄此次擊獲活賊吳老樛一

名訊係吳半生之姪供稱吳半生前在西梁地方打仗左膀右腿兩處受傷未死等語現在賊勢窮蹙大兵逼近巢穴賊匪諒亦無路可竄福康安和琳亦自急欲成功以慰懸念指顧將首逆四人一併生擒以正典刑而揚國威惟盼奏章飛遞喜音速至凡此四戰樹奇勳我兵勞甚休息擬又據福康安和琳奏官不思急圖進取惟日來雨水過大稍晴即蒸熱異常各兵於崇山峻嶺之上晝夜奔馳雨淋日曬甚為勞瘁宜令稍為休息並查兵丁帳房衣履因積雨日多亦須另製以資更換俟稍加整頓即當設法前進以期早獲渠魁殲除餘黨斷不至稍有遷延等語批覽之下方深切嘉分識合獎揚國威憐弗違肯催弗已掃穴捉生想近哉佇待飛箋報捷喜

七月初三日

諭曰現在賊匪黨與日孤福康安等正宜趁此進攻以為掃穴擒渠之計昨因德楞額泰前在濫泥高村一帶往來督察駐劄日久

德世果公年譜卷三

二十七

則情形較熟會諭福康安等或令德楞泰仍回鎮會同觀成等帶領滿兵追躡首逆吳半生由間道出其不意直抵賊巢知會福康安和琳兩路夾攻使賊腹背受敵尤易成擒出奇制勝之法朕意無過於此福康安等務宜多方設法熟籌速辦並鼓勵將弁兵丁使之共知敵愾齊心鼓勇以冀剋期集事不可株守日久以致師老氣怠此為最要

初九日

福康安和琳奏言臣等於十七日辰刻督率官兵向濫泥塘一路前進適據降苗百戶等報稱訪得吳半生前被官兵勦敗痛恨降苗報信現由雷公灘糾眾前來忿欲報仇



等情<sub>臣</sub>等當經督同額爾登保德楞泰常明及巴圖魯侍衛將備等帶兵迎擊甫抵濫泥塘對面山梁卽有逆苗數千分路迎撲而來我兵早已占住山梁奮力下壓施放槍箭斃賊無數<sub>臣</sub>等體察賊苗心性詭譎多端若非引誘官兵深入自必糾衆復來當卽密派常明酌帶奮勇兵丁及出力降苗於山坡左近設伏截其歸路陽將大隊官兵撤回令賊望見<sub>臣</sub>等整兵以待於十八日卯刻果有賊苗五六千人飛奔而來距濫泥塘數里有溪河一道賊匪正在過河之際當卽督兵星馳前往排槍轟擊賊匪一時擁擠不開頃刻之間著槍帶箭落河淹斃者不可勝計官兵趁

德壯果公年譜卷三

六

勢迫勦而常明所帶伏兵於隔河山坡突起截殺賊匪腹背受敵殲斃甚多乘勝窮追連奪賊卡五座直抵黑陀山梁查看山後坡礮曲折勢極險峻本爲雷公灘賊寨出入要路<sub>臣</sub>等連日督兵攻打賊匪守禦甚力二十一日晚間復整頓兵力派令額爾登保帶領綸布春巴爾常山塞音庫劉廷奇馬登朝施縉楊遇春等由盤黨南山梁進攻令常明同塞靈額阿哈保西津泰定扎勒扎隆阿額勒登賈斌程大韜等由地塘東山梁進攻<sub>臣</sub>等督率德楞泰定西鼐富蘭富僧德吉勒通阿張玉龍劉懷仁張永祺長春馬瑜應元寬等帶兵由正路前進直趨雷公灘大山賊苗望

見均各蜂擁前來捨命抗拒不下萬餘並有騎馬賊目五六人指揮衆苗往來抵敵維時三路官兵驟至將賊衝作數截內有騎紅馬執旗賊目一人猝被飛礮連馬打倒隨賊之苗匪十餘人一併轟斃賊衆驚慌均由雷公灘之東山梁一路紛紛竄去擒獲活賊毆老保等十七名逐加研訊愈稱吳半生前次潛來扳登寨糾約苗匪不意被吳清德等訪聞稟報幾被擒獲吳半生痛恨降苗本欲燒燬此一路苗寨希圖報復乃連日又被官兵打敗如今不知逃往何處吳半生前在西梁帶傷近日養好所以復從鎮筮一帶聚衆而來聽說大烏草河那邊尙有吳半生同夥頭

德壯果公年譜卷三

七

目隴添貴帶領苗匪在沿河一帶悉力守禦此次擊死騎馬賊目係大坪苗首吳老四等語

十七日  
福康安和琳奏言二十八日督率額爾登保德楞泰及巴圖魯侍衛將弁等由雷公灘進兵二十九日傍晚進抵隴河營哨探前途賊匪更衆<sub>臣</sub>等整頓兵力連夜疾趨賊匪退聚古哨營山梁勢極猖獗<sub>臣</sub>等屯兵對面山梁分兵三路奮力攻殺當將該處山頂奪據查由古哨營前進爲大烏草河下游係賊匪往來出沒處所應乘其不備設法竟渡隨於初二日四更預派德楞泰等多帶官兵於山坡一



帶徧點號火作為欲由此渡河之勢賊匪望見即聚眾抵禦臣等密督額爾登保等潛由數里外之誅苗坪伐木搭橋濟渡官兵遶出賊後奮勇截殺賊始逃竄德楞泰亦即督兵乘勢過河前後夾攻斃賊不計其數臣等復與福甯等面商於高村一帶添設營卡數處德楞泰於該處情形較熟自能布置周密即令德楞泰赴彼悉心籌畫俾後路往來無阻聲勢聯絡

諭曰此次連克賊寨奪過大烏草河皆由福康安和琳調度得宜而在事將弁兵丁亦俱奮勇出力且伊等當此炎風烈日之際不辭勞瘁觸暑進攻實堪嘉獎德楞泰等著各賞給荷包

德世果公年譜卷二

三

二十八日

福康安和琳奏言臣等督率德楞泰等統領大兵跟探首逆蹤跡相機並進甫抵長營哨擒獲麻老葉一名訊據供稱連日勦散苗匪均在爆木林地方聚集希圖搶奪糧石軍火等項並要偷拆誅苗坪河岸所搭橋座臣等整兵前進初八日行抵盛華哨地方查該處向為首逆吳半生等出沒處所上下俱係陡坡山半有木城一道我兵仰攻極為費力惟山坡左手有小路一條賊來取水絡繹不絕德楞泰等帶領弁兵乘夜於該處附近山包立築小石卡一座安設礮位斷賊汲路賊匪各形慌亂傍晚之際賊匪均

向德楞泰卡內放槍攻打德楞泰嚴飭各兵排槍抵敵毋許稍動臣等督率大隊直趨山頂奪據木城

諭曰福康安和琳督率將士併力會攻勞苦備嘗至於不忍披視看此情形成功似近著賞給福康安和琳舊玉搬指各一箇大荷包各一對小荷包各四箇賞給額爾登保德楞泰玉搬指各一箇大荷包各一對小荷包各二箇

八月初九日

福康安和琳奏言查前次獲賊研訊會據供稱吳半生有往來古丈坪等處糾聚苗眾抗拒官兵等語其說雖不足信但吳半生屢被官兵痛勦計無所出不過東奔西竄以

德世果公年譜卷三

三

圖苟延殘喘正應併力進攻務期速獲惟自盛華哨前進中間如黃毛坡貓頭狗腦坡猿猴寨等處逆苗寨落萬山層疊路徑迴環更非烏草河以西山勢可比懸兵采入梗阻之處極多但念兵行神速方能制勝且賊匪疊次敗北業已心膽俱寒我兵一據勝勢則前後左右逆苗自必望風震懾臣等督率額爾登保德楞泰花連布等帶領滿漢屯土官兵跟查首逆蹤跡並令貴東道常明等帶領老烏廠一路官兵會同總兵珠隆阿裕隆武等將大烏草河迤西一帶未勦苗寨全行掃蕩與大兵剋期會合臣等自發兵以後或分或合步步為營俱遠由懸崖絕壁之上晝夜



並進官兵奮勇直前自十五日後連克嗎蝗冲爆木樹蝦皮寨大馬柁貓頭黃毛坡猴子坪等處大小寨落五十餘處殲戮苗匪不可勝計二十日黎明進抵成光寨該處寨落櫛比抗拒苗匪不下萬餘臣等督兵四面攻圍鎗礮轟擊派令巴圖魯侍衛將備等分投攻撲奮勇勦殺自辰至午賊匪抵敵不住四散奔潰由成光寨以至下狗腦坡山勢愈險迎面悉係峭壁山巖之上滾木礮石堆積無數賊匪均於山頂憑高瞭望執旗賊目往來指揮嘯聚其眾臣等在對面山梁安設礮位併力轟打並派花連布帶領巴圖魯色靈額定西鼎參將劉廷奇長春遊擊施縉等作為

德世果公年譜卷三

三

一路額爾登保及綸布春帶領巴圖魯多隆武巴蘭西津泰遊擊阿林布馬登朝都司楊遇春葉華守備沙應龍等分兵兩路直抄上狗腦坡奮勇夾攻臣等督同德楞泰及巴圖魯阿哈保温春三音庫副將德勝遊擊張永祺劉國剛德清額宋延清都司德甯馬瑜等緊接花連布一路而進所有下狗腦坡山頂賊匪因大礮點放緊急每欲下坡迎敵一經露面即為礮火飛擊而去均潛藏於石礮之內二十一日五更花連布帶領屯番身冒賊槍扳藤附葛而上直至山頂我兵槍箭並發斃賊甚多隨將山頂奪據查該處兩山夾峙所有逆苗寨落悉在山坳花連布因見賊

勢漸卻即分兵下壓適額爾登保綸布春兩路官兵邁出賊後立將上狗腦坡一帶大小山包全行占住與花連布等兩面夾攻臣等督同德楞泰等疊次撲壓賊匪腹背受敵槍箭所到橫屍徧山澗水皆赤並將狗腦坡上下苗寨縱火焚燒凡有藏積硝磺一時延燒響徹山谷沿坡大小巖洞均有逆苗藏匿隨督同額爾登保德楞泰花連布等帶領巴圖魯侍衛將備等砍伐竹木隨處薰塞賊匪衝烟冒火惶駭爭逃當被官兵砍斃者十有七八而猿猴寨苗匪探知官兵已據狗腦坡山梁望風奔潰臣等督兵連夜掩襲而進復將猿猴寨一帶寨落全數攻克此次官兵連

德世果公年譜卷三

三

日窮追痛勦不分晝夜並無停歇道路又極險峻皆從山嶺層疊之間遠道進取聲東擊西往來跋涉不下二三百里之遙官兵人人奮勇攻堅奪險踴躍爭先軍威更覺大振其附近苗匪多有長跪山巔哀求乞命並有情願跟隨打仗守卡修理道路以圖贖罪者臣等因首逆等正在召囑固結之時不得不暫准降順以分賊勢當即准令投降仍留心察看密為防範現在星夜派兵設法圍捕將古丈坪四面山梁嚴密堵截務俾該首逆剋期就獲諭曰福康安和琳此次連日窮追痛勦不分晝夜且攀陟險阻於崇山峻嶺之間遠道進取往來跋涉不下二三百里之遙備嘗



勞勩幾不忍披閱特親解小荷包二箇分賜福康安和琳以示優眷仍各賞大荷包一對小荷包二對並賞額爾登保德楞泰花連布常明珠隆阿那丹珠豁隆武大小荷包其打仗兵丁及屯番等俱加賞一月錢糧用昭獎勵福康安和琳當督率將士倍加奮勉統俟大功告竣再沛恩綸同膺懋賞

十五日

福康安和琳奏言臣等自奪過大烏草河以後連克險要苗寨訪聞吳半生竄匿古丈坪一帶隨即跟蹤前進以冀速擒乃連日大雨滂沱道路泥濘官兵等不避沾體塗足一往直前該苗匪等一見官兵驟到自恃地方險隘悉力

德址果公年譜卷三

三

抗拒所有連次殺散賊匪俱竄集其間而古丈坪南面大山梁一道懸互不下一二十里峭壁懸崖非常險峻千百為羣凡有深林陡砌之內分布幾滿至二十七日臣等督率額爾登保德楞泰花連布那丹珠豁隆武常明等帶領巴圖魯侍衛將備分兵五路昌雨直搶山梁並於西北兩面劄營要隘安設礮位以防奔潰賊匪於層巒峻壁之上往來衝突捨命迎拒我兵奮勇勦殺自辰至未殲斃賊匪幾及千餘賊勢稍卻即督同額爾登保等帶兵占住山梁乘勢下壓雜時大雨傾盆風勢更大霧氣漫山咫尺不辨路徑而且山水陡發衝激而下竟難直抵攻撲當即暫時

擊卡駐劄直至二十九日傍晚雨勢稍止臣等帶領官兵分投攻撲甫近古丈坪苗寨查探賊匪寨落已空糧食器具各件拋棄滿地自係因官兵勦捕愈力即乘風雨昏夜之際潛行逃竄

諭曰福康安和琳奏官兵分路冒雨直搶山梁殲賊甚眾賊匪乘風雨昏夜之際潛行逃竄當此勢窮力蹙尙敢負隅抗拒乘間竄逸狡詐百出實在可恨可惡此時福康安和琳帶兵進捕或吳半生尙在山坳巖洞之內暫行藏匿立就生擒固屬甚善設竄入鴨保鴉西平隴一帶與吳隴登石柳鄒石三保聚集一處更可悉數擒擊一舉集事朕盼望捷音雖屬急切但念福康安

德址果公年譜卷三

三

和琳帶領官兵冒雨進攻不避艱險亦不忍加之催促而在事將弁兵丁等於崇山峻嶺之中雨夜奮攻備嘗勞勩並無傷損慰幸之餘倍深憐念福康安和琳與將弁兵丁等如此冒險奮攻實為出力可嘉特解親佩小荷包並加賞大荷包各一對小荷包各四箇火鏢各一箇白玉松石翎管各一箇翡翠搬指各一箇賞給額爾登保德楞泰花連布那丹珠豁隆武常明大荷包各一對小荷包各二箇火鏢玉搬指各一箇磁翎管各二箇

二十九日

福康安和琳奏言臣等自冒雨攻克古丈坪之後連日雨勢滂沱霧氣凝聚山坡上下泥深徑尺道路多有衝斷者



賊匪均於遠近山梁築卡嚴守官兵等實屬難於登陟直至初十一等日雨勢稍有間斷<sub>臣</sub>等一面趕緊發兵一面復遣降苗四處哨探務得首逆吳半生下落去後查由古丈坪前進附近之馬鞍山糯塘蝦蟆洞等處均係賊匪負嶠糾聚處所而迤南毛豆塘一帶之賊又緊躡我兵之後必須設法堵截當經派令額爾登保花連布等帶領官兵由貓頭一路直通黃毛坡山梁嚴密擊營設卡以分賊勢<sub>臣</sub>等督率德楞泰那丹珠豁隆武常明及巴圖魯侍衛將備等竟攻蝦蟆洞賊巢十二日辰刻進抵烏隴巖地方該處有逆苗寨落二三十處苗匪俱於石礮之上築卡守

德壯果公年譜卷三

表

禦一見官兵驟到即放槍抗拒<sub>臣</sub>等督兵直前奮勇勦殺正在攻撲之次倏有策應賊匪由山巖小路攀援石壁而來不下五六千人捨命迎敵<sub>臣</sub>等復飭各將備等分投迎擊我兵穿林跳澗趨捷倍常接戰三四時之久斃賊甚多內有騎馬執旗賊目一名屢次衝突勢甚兇悍適礮火飛擊連馬墜入深澗我兵併力爭先痛加追勦殲戮不可勝計賊匪力不能支旋即踉蹌奔潰當將烏隴巖等處大小苗寨全行攻克乘勢搶上山坡所有蝦蟆洞賊匪無不望風潰竄一時滾巖跌斃者無數官兵鼓勇前進直抵楊柳坪

諭曰福康安和琳此次督率將弁冒險進攻勞苦備至著賞給福康安和琳白玉四喜搬指各一箇並大小荷包用昭優眷額爾登保德楞泰花連布那丹珠豁隆武常明各賞給碧玉四喜搬指各一箇並大小荷包福甯固守鎮守分防後路尙爲妥協亦著賞給碧玉四喜搬指一箇並大小荷包以示嘉獎又發去餽餉二匣奶餅九匣交福康安和琳分賞帶兵打仗之巴圖魯侍衛章京及奮勇出力之鎮將弁兵一體分賞俾其益知勸勵其打仗奮勇之兵丁並著福康安和琳查明實在出力者賞給一月錢糧以示鼓勵

九月十一日

德壯果公年譜卷三

表

福康安和琳奏言<sub>臣</sub>等駐劄楊柳坪之後連日秋霖綿密重霧迷漫兼以山徑崎嶇逆苗處處守拒甚固直至二十三日天色漸晴氣候加爽重岡疊嶂方能辨識路徑惟<sub>臣</sub>等劄營處所附近左右環遶本悉係逆苗寨落而哨探茶它地方苗匪攢聚甚衆徧山石卡木城礮築無數其毛豆塘一路賊匪乘間糾約愈聚愈多與額爾登保等營卡緊接冀圖抵禦梗阻當經<sub>臣</sub>等密飭額爾登保花連布等一路趕緊發兵並派令德楞泰帶領阿哈保常山富僧德鄧英雄雙林等作爲一路豁隆武常明帶領定西甯溫春張玉龍劉國剛馬瑜等作爲一路直搶茶它山梁<sub>臣</sub>等督率



大兵隨後策應維時積雨初霽山坡尚極溼滑各兵攀援石角奮勇競上賊匪望見自恃人數眾多卽蜂擁出卡迎拒我兵分路勦殺連奪賊卡六處殲戮賊苗不可勝計各路官兵乘勢搶上山梁槍箭並發兼用大礮併力轟擊所有木城內賊匪立斃無數餘賊力不能支均各踉蹌奔潰我兵分投進剿賊匪帶槍著箭者積屍徧地餘衆鼠竄而逸額爾登保花連布等督率弁兵從黃毛坡進發甫下山坡卽有賊匪數千從對面大山沿坡接踵而下額爾登保當將各兵駐劄遠望賊匪將抵山溝卽飛催各兵奮勇下壓賊匪一時進退無路我兵連環放槍迎頭擊打花連布

德壯果公年譜卷二

三

等復帶兵繞出賊後悉力夾攻賊匪捨命衝突殲斃無算當將毛豆塘一帶苗寨悉行攻克臣等次日帶兵復從茶它進攻沿途山坳巖洞俱各分撥官兵逐加搜勦並將攻克各寨放火焚燒直抵柳旁地方臣等正在督兵打仗之時有各處苗寨陸續泥首軍前呈繳刀槍器械叩頭乞命兩三日間共有七十餘處內如栗林排若苟若兜思兩叉河均係著名緊要寨落亦俱相率前來可見首逆等勢力日孤黨援日散將來必更有紛紛續至者其中難保無心存觀望之徒臣等惟有加意防閑密爲查察此時不動聲色姑准降順以爲解散之計總之此刻該苗匪等大概情

形已日形窮感自此前進如隆蓬廓家天星寨等處山徑更加陡險逆匪等恃險負嶠屯聚正復不少臣等現在一面安頓降苗嚴密布置後路一面趕緊設法采入環攻務期隨勦隨撫乘間出奇卽日迅獲渠魁以副

聖主諄諄訓諭之至意

十八日

福康安和琳奏言苗匪經官兵節次痛加殲戮該首逆等伎倆日窮勢必竄入鴨保平隴一帶恃險負嶠而平隴地方本與乾州相近臣等此時統率大兵直撲鴨保平隴以冀擒渠掃穴收復乾州爲一鼓集事之計但查自此前進

德壯果公年譜卷二

三

逆苗寨落節節險峻非常賊匪蜂屯蟻聚必須厚集兵力逐節疏通各處後路旁徑均應布置嚴密以防其乘間繞截而杜其四出竄逃查毛豆塘一路最爲賊匪固結處所且緊躡大兵之後雖經節次勦殺但賊匪出沒無常必須將毛豆塘迤南各苗寨全數廓清方爲萬全無慮查現在所調粵西官兵由鎮筸前至軍營臣等卽令花連布前往從長坪齊集粵兵會同將軍興肇再行抽撥附近鎮城之滿漢官兵直從長坪一路前進務將毛豆塘等處賊匪悉力剪除然後會齊大兵全力直搗賊巢其平隴地方先經臣等檄令總兵袁敏從瀘溪帶兵進勦茲據該鎮稟報業



已進抵能灘步步安營設卡已極周而惟洗溪能灘各處俱係兩山夾峙道路亦極遼闊惟恐袁敏一人照應難周茲又酌派蘇靈前往協同堵剿不使逆匪稍有竄匿臣等連日正在調派整頓間適據降苗等報稱探得鴨保平隴各寨又添聚逆匪五六千人俟官兵前進欲從狗腦坡一路抄截我兵之後其馬鞍山一路亦有賊匪據險抗拒臣等查現在後路營卡層層安劄極爲周密斷無他慮惟苗匪既愍不畏死而來正應設法迎擊痛加剿殺以禡其魄當經飭令額爾登保那丹珠豁隆武常明及巴圖魯侍衛大小各營卡一體整兵預備遠望該苗匪等攀援爬越於

德壯果公年譜卷三

三

山溝石砌之中攢集如蟻三十日黎明分路搶撲各山寨官兵營盤遠近槍聲並發我兵俱用槍礮併力擊打相持兩三時之久賊勢漸卻臣等即督同德楞泰等帶兵衝截殲斃賊苗甚多餘衆踉蹌退去計料苗匪等心性詭譎雖暫時敗退晚間自必復來臣等又密派將領挑選奮勇勁兵查看日間賊匪遁去路徑分投埋伏將及三更其柳芬東北兩大山均有賊匪結隊而至意圖直撲大營喊聲甫起伏兵兩路排槍連環迎擊賊匪於昏黑之中不辨官兵多少立即紛紛潰竄維時那丹珠常明兩處營卡苗匪同時驟撲亦經預爲設備猝遇伏兵無不驚駭奔逸臣等隨

即督同德楞泰阿哈保溫春定西戴常山多隆武等統率大隊乘勝前進沿途剿殺苗匪屍傷遍地拋擲槍矛器械無算直抵巖碧大山該處苗寨林立我兵鼓勇競上連奪七處山包復又殲斃不計其數其馬鞍山一帶嘯聚之賊屢次攻撲營卡俱經官兵隨時擊退斃賊甚多

諭曰福康安和琳現籌會集官兵夾攻尙畧需時日然據奏永綏隆團小鳳凰營等處各寨陸續出降又據畢沅等奏稱乾州保靖永綏永順等屬二百二十七寨詣行署乞降連前已共有三百七十七寨現在妥爲安撫等語降苗投誠日衆賊勢愈孤况新調粵西兵丁俱已到營兵威壯盛此次賊匪糾衆撲營又連

德壯果公年譜卷三

三

被官兵大加殲戮其勢更形窮蹙看此情形賊首吳半生等指日即可成擒惟朕盼捷之懷益增榮望耳福康安和琳此次廓清後路調度得宜而在事將弁等俱各奮勇出力著加恩賞給福康安和琳碧霞壘帶各一副磁搬指套各一箇葫蘆大荷包各一對小荷包各四箇並賞給額爾登保德楞泰花連布袁敏蘇靈那丹珠豁隆武常明火鏢各一把磁搬指套各一箇大荷包各一對小荷包各兩箇以示嘉獎

恭錄

御製詩

福康安和琳等奏攻得茶它柳芬等處賊巢降苗愈衆進



圖鴨保廓家隴平賊生擒賊首吳半生等大功近成得

詩二律一韻

春夏雨來霄計苗師之正曲理原昭... 從未嘗與內外大小臣工等議論及之... 乃今年正月忽有逆苗吳半生吳隴登石三保...

後風雨至古長平苗寨糧食器械... 奮勇攻至古長平苗寨糧食器械... 夜之際潛行逃... 克烏龍巖一帶...

降苗嚴防後路一面設法深入環攻... 山紀勝亭無負... 所題句俱不過誌其勝概自壬辰以後...

天恩錫福孔之昭蓋臣念祖同內外... 且和琳即和坤之弟福康安即福長安之兄...

十年中大武遠揚如平準鳴兩二次平回部... 茲逆苗滋擾自取勦戮即藏大勳是予於十全大武之外...

十月初一日 福康安和琳奏言 臣等督兵進剿漸逼賊巢後路愈長...



徑益復叢雜而鴨保平隴各寨環山阻澗險峻異常逆苗糾聚負隅既須奪險采入直搗中堅尤須各路集堵預防紛竄自抵巖碧山梁以後連日派撥官兵分投搜捕自初六至十一等日共計燒燬巴溝寨札雞寨太平寨子母寨硝水寨古長灣等處苗寨二十餘處殲戮賊苗不可勝計十二日辰刻臣等督率那丹珠阿哈保等帶兵攻撲摩手寨山梁該處懸崖陡峻山頂有石城一道綿延數里實爲賊苗緊要門戶臣等察看形勢正面仰攻較爲費力隨於對面山坡安設大礮晝夜轟打一面密派德楞泰選帶綠營奮勇兵丁降番屯練及降苗等拔簾附葛繞由山僻小路進抵摩手寨之後間道用奇併力攻擊臣等整兵以待

德壯果公年譜卷三

三

十三日黎明德楞泰帶兵遶道前進維時積霧漫山賊匪俱向對面山坡瞭望不虞官兵從山後驟至德楞泰出其不意督兵直撲石城槍礮並發各兵一鼓齊上賊匪措手不及立時殲斃無算臣等帶領巴圖魯侍衛鎮將等甫抵山梁適聞槍聲驟發知德楞泰帶兵已到卽督率各官兵乘勝競上兩路合攻賊匪力不能支均各捨命逃竄我兵分投追剿斃賊又不下三二百名遂將山梁奪獲

諭曰賊匪屢經官兵剿殺之後勢已日見窮蹙今福康安和琳帶領官兵攻堅克險已逼賊巢所得大小寨落不下四十餘處而

瀘溪隆圍兩路亦同時大獲勝仗是官兵各路雲集已將賊匪四面圍困無從逃竄前經加恩晉封福康安貝子爵和琳伯爵計此旨到日業已擒獲渠魁捷報自當速至此次福康安和琳率領官兵奪險采入直搗中堅備嘗勞勩而額爾登保德楞泰分路攻剿殲賊甚多均爲出力福康安和琳著賞給上服貂尾袖各一件額爾登保德楞泰貂袖各一件以示嘉獎

初三日

福康安和琳奏言查苗匪首逆吳半生盤踞大烏草河一帶糾黨負隅狡悍已極臣等自本月十五日攻克摩手寨山梁各路安設營卡基布星羅倍加嚴密二十日訪得首

德壯果公年譜卷三

三

逆吳半生從鴨保寨來至高多寨糾聚衆苗希圖抗拒臣等一經聞信卽督同額爾登保德楞泰與肇觀成花連布珠隆阿那丹珠豁隆武常明巴圖魯侍衛滿漢將領綸布春塞靈額阿哈保温春定西爾巴蘭多隆武富蘭富僧德西津泰常山吉蘭泰富魁德勝扎隆阿張玉龍富志那趙得功張永祺王威甯楊遇春馬瑜施縉德甯阿林布姜敏功陳紹先程文韜雙林謝汝誠吉林泰魏攀舉方和應元寬王玉龍五十一緒大榮張明誠唐文高王雄黃世雄等督率滿漢屯土官兵分路競進直抵高多寨四面嚴密攻圍不遺餘力吳半生見四面攻擊竄遁無門帶同苗夥二



名直詣軍前自行投首臣即將各官兵分列隊伍大整軍容該犯匍匐馬前叩首乞命帶回大營令留質苗犯及降苗百戶等驗認屬實臣等當即嚴切訊問

諭曰福康安等奏生獲首逆吳半生覽奏之下敬叩

天恩倍深欣感吳半生從鴨保寨來至高多寨正在糾眾抗拒福康安和琳即同額爾登保德楞泰等率領滿漢屯土官兵分路競進攻圍不遺餘力首逆吳半生逃遁無門即帶同夥苗二名自詣軍前投首該犯罪惡貫盈係逆苗渠首今設法四面攻圍使之無所逃命得以生致已另降諭旨將福康安和琳並孫士毅畢沅姜晟馬光熊等交部分別優敘福甯惠齡交部議敘隨

德世果六年譜卷三

美

征及守卡兵丁分別賞給錢糧其在事出力之巴圖魯侍衛及帶兵將弁等亦交部分別議敘福康安之子德麟加恩賞給副都統職銜在御前侍衛上行走和琳著賞繫黃帶福康安和琳仍各賞葫蘆大荷包各一對小荷包各四箇洋表帶頭各一箇用昭優眷額爾登保德楞泰各賞給黃辦大荷包各一對小荷包各四箇火鑷各一箇興肇觀成花連布珠隆阿那丹珠裕隆武常明各賞繡花大荷包各一對小荷包各二箇以示嘉獎

又

諭曰福康安和琳訪得首逆吳半生從鴨保寨來至高多寨即四面攻圍不遺餘力將首逆吳半生擒獲現在乘勝長驅直攻鴨

保等處賊巢覽奏實深喜慰此次逆苗滋事福康安和琳統領大兵於崎嶇險阻蠻烟瘴雨之中有戰必克朕即知成功在即特沛恩綸福康安晉封貝子和琳封為一等宣勇伯甫及十日而福康安和琳已將首逆吳半生俘獲逆黨吳隴登等聞風膽落斷不能稍延殘喘奏凱厥功剋期可至福康安和琳著交部從優議敘福康安之子德麟前已承襲恩賞輕車都尉加恩賞給副都統職銜在御前侍衛上行走和琳賞繫黃帶以旌勞勩孫士毅畢沅姜晟馬光熊於辦理糧餉軍火等事均無貽誤亦交部分別從優議敘福甯雖未能督兵進剿而幫同籌辦亦俱無誤福甯惠齡著交部議敘其帶兵打仗奮勇額爾登保德楞泰花連布常明綸布春五人俱著從優議敘

德世果六年譜卷三

三

恭錄

御製詩

福康安和琳奏攻圍高多寨生獲逆首吳半生大功告成

詩以誌喜

成功知近沛恩施旬日擒兇喜報馳前於九月十一日駐香山靜宜園時據福康安和琳奏到大兵攻克茶它柳芬等處賊匪紛紛潰散將毛豆塘一帶寨落全行攻得各處苗匪投降乞命者七十餘寨賊勢窮蹙已極福康安和琳督兵進剿鴨保平隴等處逆首吳半生指日就擒大功十已近九因即降旨加恩將福康安封為貝子和琳錫封伯爵其餘出力將士優資以示鼓勵福康安封為貝子和琳錫日馳到生擒吳半生喜音乃九月二十日之事距前十一日加恩之旨恰屆旬而前次恩旨計至九月二十四五日方抵軍營正在擒兇數日之後是朕之加恩懋賞實叶幾先即此可見



大公至正 吳蒼助 中外一心

天賜佑始終九月績非遲 本日據福康安和琳奏官兵搜捕首逆

九月二十日探得逆首吳半生自鴨保逃至高多寨糾眾圖拒  
福康安和琳督率額爾登保德楞額等分路統漢土官兵競進  
直抵賊寨四面攻圍逆首無從竄逸即帶同夥苗二名備軍  
前投首隨令留質苗犯及降苗百戶等同認屬實訊供見官兵  
聲勢浩大自知不能抗拒是以冒死投首叩求一綫生路等語  
由六百里加緊加快馳報喜音自逆匪滋事以來予幾先籌畫  
夙夜殫心問軍書馳中旨多方指示而福康安和琳仰承克副  
彈力竭誠遂能生聚渠醜綏靖苗疆皆賴 天庥佑錫愈切  
惕承湖自仲春初旬聞信至今季秋月杪成功雖閱三時然地  
險雨多籌深路雜奏績並非遲緩師武臣力勞苦備嘗嘉憫兼  
集於懷因再頒恩命福康安之子德麟加二品頂帶授御前侍  
衛和琳賞繫黃帶併優加議敘在事文武諸臣分別議敘賞給  
出戰官兵一月錢糧防卡官兵半月錢糧逆首吳半生已俘其  
石三保石柳鄧吳隴登等三犯計此恩旨到日早就繳纏矣  
批艱冒險眾誠苦錫爵頒金我豈辭慚愧未曾舞干羽古今不

德比果八年譜卷三

三

逮審如斯

書大禹謨舞干羽於兩階七旬有苗格蓋史臣以形容舜文德  
之敷耳然歌風舞韶久矣苗甯不知必干羽而後格毋乃盡信  
書不如無書乎特是舜格苗以德今未能道之以德必待齊之  
以刑而後息事甯人是宜引以為愧所謂古今不相及亦無取  
相襲也

十五日

福康安和琳奏言 臣等生擒吳半生之後亟應乘此兵威  
勝勢直搗賊巢隨將後路旁路各營卡分別布置嚴密調  
集官兵合力進取於二十七日派令花連布豁隆武帶同

溫春姜敏功雙林褚大榮等由得勝寨地方繞至龍角洞

南面山梁額爾登保帶領綸布春朱射斗塞靈額西津泰

巴蘭定西爾宋延清沙應龍安如相等由高多寨地方繞

至龍角洞北面山梁德楞額與肇觀成那丹珠帶頭阿哈

保常山德勝三布爾和忻色布克通阿清志王威甯馬瑜

陳紹先程文錫等由正路進攻 臣等督率前進查龍角洞

一帶最為鴨保緊要門戶山巖層疊路徑陡險左近苗寨

環列不可勝計沿坡築有石城一道環山迴曲勢甚堅固

臣等督同德楞泰與肇觀成等帶領官兵隨剿隨進額爾

登保花連布等兩路分投剿殺一日之內三路大兵共計

德壯果公年譜卷三

三

攻克鷲洛下水壩重寨扣堡斗沙斗思科洞霧露等寨二

十餘處官兵所到苗匪等中槍中箭者橫屍遍地二十八

日黎明我兵齊集於龍角洞山梁密排槍礮迎面轟擊石

城內賊匪放槍抵禦相持甚久我兵攻勦愈力旋見賊苗

無數長跪乞降情形極為惶急 臣等查龍角洞恃連鴨保

天星平隴一帶為首夥逆苗負固之地且抗拒日久直至

官兵緊逼巢穴始行惶窘乞降斷不可輕於聽信是以 臣

等不往投降仍嚴督各兵悉力攻擊自辰至酉賊匪力不

能支漸形潰亂各路官兵鼓勇競上躍入石城殺賊無數

其附近未經被剿之黃茅坪蜡爾關鄧款臥黨構沙做基



大窩等十五處寨落俱即相率來投<sub>臣</sub>等當諭以如果誠心即挑選苗兵隨同打仗該降苗等一得生命無不歡躍爭先隨同官兵剿捕逆匪並有帶傷陣亡者

十八日

諭曰孫士毅奏賊苗至川省老溪鮑家坡等處滋擾當經督兵痛加剿殺已降旨交部優敘矣楊老倫等供稱石代噶本是貴州踏車人與石柳鄧石三保起事後該犯又各自糾合苗子另作一起要往洪安一路燒搶等語是石代噶乃分路為首滋事之犯其罪斷不可宥現在福康安等帶兵各員內額爾登保尚屬曉事常明此次隨營打仗亦為出力令伊二人酌帶順路應回

德壯果公年譜卷三

四

之官兵四五百名前往洪安一帶實力搜緝務將石代噶速擊務獲勿任漏網此外他處肆擾賊匪亦必有分路為首如石代噶者福康安和琳於隨營出力新陞之司道內酌量揀派於德楞泰穆克登阿花連布等內亦各派一人每處一文一武分路帶應回之兵前往訪查拏獲嚴辦並諭知各員等但須捕獲首犯又不可任聽弁兵等率行妄拏屠戮致有株連拖累總宜殲厥渠魁脅從罔治以示懲創而靖地方

十九日奉

旨陞授內大臣

二十七日

福康安和琳奏言<sub>臣</sub>等查自龍角洞以至鴨保中隔山梁數道路徑叢雜山勢散漫逆苗築卡防禦處處堅固<sub>臣</sub>等督飭官兵晝夜迎擊斃賊無算一面察看地勢設計攻圍旋據降苗等報稱龍角洞山梁之左有逆苗一二千人潛赴牛練塘一帶意欲構煽該處降苗阻奪糧餉<sub>臣</sub>等當即密飭各營卡將弁嚴加防禦並傳向來誠實可信之降苗百戶等諄切諭令遇有逆苗混跡到寨即行擒獻連日以來盤獲逆匪七十餘名審訊之後悉行正法<sub>臣</sub>等一面搜查後路一面分兵進攻自初七日以至十一日督率額爾登保德楞泰興肇觀成花連布綸布春那丹珠豁隆武常

德壯果公年譜卷三

四

明塞靈額阿哈保溫春西津泰定西甯常山多隆武巴蘭富蘭富魁全得勝富志那長春扎隆阿張玉龍德肅劉廷奇宋延清姜敏功張永祺楊遇春施縉馬瑜沙應龍吉林泰李應貴五十一陳大定陳天雲等分投剿殺各山梁賊匪捨命撻鋒抵死抗拒官兵逾山越嶺奮勇剿殺殲斃賊匪無數陸續攻克大坡腦得勝山雷達山磨水山大高巖小高巖喜鵲坡尖巖山清平山等處大小木城石卡三十餘座十二日大兵進奪鴨保山俯瞰附近前後左右苗寨極多並砌有木城石城沿坡開挖深濠負隅自固而乾州等處苗匪因聞大兵進逼亦各紛紛糾約夥黨併力固守



自應乘勝直前痛加勦洗

諭曰官兵自龍角洞進勦直抵鴨保山攻克木城石卡覽奏稍慰  
賊匪於官兵攻克龍角洞後尙敢糾聚抗拒並潛赴牛練塘一  
帶搆煽降苗希圖阻奪糧餉於事甚有關係經福康安和琳督  
率將弁嚴加防禦並曉諭降苗將潛行到寨逆匪卽行擒獻悉  
行正法一面搜查後路一面分兵設法擒拏吳隴登等籌辦一  
切均屬周妥實爲勞苦出力特賞福康安和琳嵌洋鑽帶板各  
四塊大荷包各一對小荷包各四箇額爾登保德楞泰嵌松石  
金盒各一箇花大荷包各一對小荷包各二箇花連布綸布春  
常明金絲火鐮各一箇花大荷包各一對小荷包各二箇興肇

德壯果公年譜卷三

三

觀成那丹珠豁隆武花大荷包各一對小荷包各二箇其餘將  
領三十員每人石青緞大荷包各一對小荷包各二箇其盤獲  
逆匪之降苗等並卽查明獎賞

二十八日奉

旨調補鑲黃旗護軍統領

德壯果公年譜卷四

次孫花沙納恭纂

乾隆六十年

十一月初十日

福康安和琳奏言<sub>臣</sub>等帶領官兵緊逼鴨保賊巢逆苗悉  
力負固且有平隴等苗匪亦復糾衆前來助惡抗拒各隘  
口砌築木城石卡賊匪攢集如蟻其鴨保之右卽係上下  
天星大寨向係著名險要山路陡窄如我兵竟撲鴨保恐  
各首逆由平隴一帶四散奔竄且慮天星寨之賊亦可繞  
出龍角洞抄襲我兵後路<sub>臣</sub>等再三籌畫莫如分兵先行

德壯果公年譜卷四

十一

攻撲天星寨山梁令鴨保寨堵禦之賊隄防稍懈卽乘勢  
進奪石卡木城再爲合勦環攻之計隨於十四五等日分  
兵由龍角洞之右直趨天星寨山坡對面連用大礮轟擊  
該苗匪等自恃地險黨多抵死守拒自十六日以後天氣  
驟寒雨雪交集山坡冰凌滑溢異常官兵頗艱跋涉各賊  
卡內搭蓋窩棚躲避雨雪至二十一日天氣晴霽<sub>臣</sub>等卽  
密派官兵分令額爾登保帶領綸布春阿哈保德勝長春  
劉廷奇德甯馬瑀方和等爲一路德楞泰帶領塞靈額多  
隆武富志那扎隆阿張永祺沙應龍等爲一路花連布等  
帶領溫春西津泰定西爾張玉龍姜敏功宋延清陳大定



等爲一路豁隆武那丹珠帶領巴蘭富蘭楊遇春吉林泰  
五十一陳天雲等爲一路臣等親加督率於二十二日四  
更由鴨保山直撲鴨保寨西南兩面挑選奮勇漢屯兵丁  
及降苗人等多帶火彈鼓勇競上是夜朔風大作徧山樹  
木震動兼之山溝路窄我兵俱從黑暗之中覓徑進發凡  
遇刨挖濠溝處所均各攀援跳越而上先抵西面山梁木  
城卽將火彈並力拋擲賊匪不虞官兵驟至正在持械抵  
禦而所蓋窩棚已經燒燬頃刻之間各山坳賊卡火光齊  
發槍聲絡繹維時風勢甚猛窩棚竹木等物著火俱飛各  
卡苗匪惶駭無措官兵立時撲開木城七座石卡五處巴

德世貞公年譜卷四

二

圖魯侍衛將備等帶兵直衝賊隊槍箭所到斃賊極多乘  
勝復將垂藤董羅等處苗寨全行攻克餘匪俱向山溝小  
路紛紛竄逃臣等分兵追趕賊匪心膽俱寒滾巖跌斃者  
積屍無數正在督兵前進而風力過大同雲密布四山雪  
片紛飛兼以重霧不辨路徑隨將官兵暫駐其天星寨賊  
苗因大兵連克垂藤各寨遠近木城石卡悉數焚燒情形  
震懾異常隨於次日冒雪詣營再三乞命臣等當卽妥爲  
安撫該苗匪等均各叩頭感激而去

十二月十一日

福康安和琳奏言二十日卯刻臣等督率額爾登保德楞

泰花連布及巴圖魯侍衛將備等挑選勁兵先撲小天星  
寨該處懸崖一線石角峻峭我兵扳援而上山頂賊苗望  
見滾木播石一時齊下相持竟日勢甚凶悍次日五更臣  
等復督率各將備兵丁由天星寨之後密尋間道奮勇向  
前排槍迎擊盤旋跳躍撲入賊卡賊苗一時措手不及旋  
用短兵相接刀矛並舉斃賊極多自辰至午卽將小天星  
寨攻克隨分兵圍勦中天星大天星各寨維時苗匪已知  
勢力不支紛紛奔竄我兵乘勝追勦當將大小賊寨縱火  
焚燒該苗匪等救死扶傷滾巖落澗者不計其數並查附  
近天星一帶山坳屯聚賊匪攢集如蟻當經整頓兵力復

德世貞公年譜卷四

三

從天星寨左右分兵繞道悉力進攻於二十三等日又  
連克黃沖口巖窠山騎馬上寨坡大地坡小峰山各處  
賊卡一十三處每處賊匪數百爲羣層層策應我兵晝夜  
接戰直抵得盤山梁殺賊無數餘衆均於燬木營蝦蟆地  
等處聚集希圖抵禦自鴨保以至平隴道路不下七八十  
里中間如地良坡萬浴江洞角等處山徑陡險爲進取平  
隴必由之路該苗匪等雖經連日勦散而夥黨衆多寨落  
紛錯勢必乘間復聚殊未便因屢勝之餘稍涉輕忽臣等  
現在惟有一面整頓兵力步步爲營攻取平隴痛勦吳八  
月賊黨一面駕馭降苗由廓家寨一路仍飭吳隴登搜尋



石三保蹤跡一得實在下落務卽併力前進設法擒捕

諭曰據福康安和琳奏賊匪在附近天星一帶山坳屯聚攢集經福康安和琳董率官兵將大小天星寨攻克復連克黃沖口賊卡十三處直抵得盤山梁可嘉之至務宜倍加奮勉迅奏成功現在年節已近所有例賞前已發往再賞給福康安和琳瑛瑯三鍼洋表各一箇黃辦大荷包各一對小荷包各四箇並賞給額爾登保德楞泰瑛瑯二鍼洋表各一箇黃辦大荷包各一箇小荷包各二箇花連布白玉搬指一箇黃辦大荷包一對小荷包二箇綸布春阿哈保塞靈額西津泰白玉搬指各一箇花大荷包各一對小荷包各二箇其滿漢屯土各兵再普賞一月錢

德壯果公年譜卷四

四

糧

二十二日

福康安和琳奏言本月初三日晚間齊集各兵次日黎明督率額爾登保德楞泰花連布那丹珠綸布春等分兵兩翼直撲爆木營山梁賊匪一見官兵兩路競上卽鳴鑼吶喊結隊而出分投迎拒我兵槍箭並發接戰三四時之久漸漸逼近山頂木城巴圖魯侍衛將備等帶領勁兵鼓勇躍入與賊匪攪殺一處殲斃甚多賊匪均向山後地良坡一帶踉蹌而遁維時天已傍晚適值雨雪紛霏官兵等頗艱跋涉但當賊匪甫經潰竄之次正應乘勝追趕痛加勦

殺隨經鼓勵將弁督率各兵不避風雪嚴寒連夜進發直

抵地良坡該苗匪等勦散之餘驚喘未定正竄入苗寨欲圖休息不虞官兵追蹤驟至一時措手不及隨經官兵將所有苗寨四面攻圍拋擲火彈斃賊不可勝計而附近寨落尙有藏匿匪苗復於初五六等日分派勁旅冒雪進攻隨將八荆寨桃花寨等處逆苗寨落全行攻克我兵聯絡競進勇往倍常賊匪望風奔竄極爲震懼旋有乾州所屬之鬼猴溪一帶苗匪來營乞降<sub>臣</sub>等諭令大兵一到平隴卽挑選苗兵隨同勦賊該降苗等叩頭聽命

二十八日

德壯果公年譜卷四

五

福康安和琳奏言查地良坡一帶爲進取平隴必由之地<sub>臣</sub>等督兵攻勦緣連日雨雪過大各官兵艱於登陟但當該苗匪等震懼軍威之際不便稍有遲緩查地良坡對面一帶山勢更爲重疊路徑叢雜其間橫峯側嶺層層均有苗寨處處隄防初十日五更<sub>臣</sub>等乘積雪未化之時卽督同德楞泰興肇帶領綸布春溫春定西爾德勝永安姜敏功施縉岳中秀田中桂母之恭等爲一路派花連布觀成阿哈保帶領多隆武長春劉廷奇張永祺楊遇春沙應龍安如洞官啓文等爲一路那丹珠富志那塞靈額帶領巴蘭西津泰張玉龍德甯馬瑜張騰霄游棟雲達自祥等



為一路先搶對面高斗山梁另派額爾登保帶領常山富  
蘭三音庫阿林布蒲益章岳廷極方和褚大樂李應貴等  
挑選勁兵由爆木營山坡之下由山溝小路繞出賊後  
等督率三路官兵扳援競上逆苗持械突出我兵槍箭齊  
發連斃數十名俱踉蹌而竄官兵跟蹤追趕漸近山梁其  
山後苗匪陸續至維時我兵已分占大小緊要山包奮  
勇截殺適額爾登保繞至賊後出其不意痛加殲殺賊匪  
抵敵不住官兵趁勢撲入苗寨縱火焚燒斃賊甚多將及  
申酉之間復值風雪交加暫於山頂駐劄次日黎明據斗  
思寨降苗隴老五等探報平隴各寨逆苗約有四五千人

德世果公年譜卷四

六

定於十三日早辰齊集普定寨立旗祭神計議抗拒為首  
賊目係廖老慕隴老西等廖老慕係吳八月外甥等語  
等一聞此信即於十二日晚間分派官兵帶領降苗密為  
預備次日黎明直抵普定寨併力圍攻該苗匪等甫經聚  
集一聞官兵冒雪驟至即肆出抗拒我兵愈逼愈緊槍箭  
所到斃賊極多並生擒賊匪四十餘名其廖老慕隴老西  
二犯即一併擒獲

諭曰現在盼望軍報喜音時深殷切本日據福康安和琳奏於積  
雪未化之時督率將弁等分路進攻將高斗山梁搶占奮勇追  
趕並即趁勢撲入苗寨縱火焚燒斃賊甚多將為首賊目廖老

慕隴老西二犯擒獲正法可嘉之至特賞福康安和琳大荷包  
各一對小荷包各四箇內貯金銀鏤各二箇金銀錢各二枚額  
爾登保德楞泰與肇觀成花連布大荷包各一對小荷包各四  
箇內貯金銀錢各一枚金銀鏤各一箇五錢重銀鏤各二箇綸  
布春阿哈保那丹珠富志那塞靈額大荷包各一對小荷包各  
二箇銀鏤各二箇銀錢各二枚滿漢屯土各兵俱再賞一月錢  
糧以示獎勵

十二月歲除日 誥贈公卒於京

嘉慶元年丙辰

公五十二歲在楚聞訃墨漚從軍

德世果公年譜卷四

七

正月初三日

福康安和琳奏言竊 等查高斗山迤北擒頭坡一帶更  
係懸崖陡險由擒頭坡前進則驟馬洞坡脚等處坡礮壁  
立窄不容足向為苗地最險處所平隴各苗匪正恃此為  
出入門戶據守甚力 等察看形勢欲抵平隴必須從此  
數十里要隘山梁出其不意奪險而入當令與肇觀成帶  
領巴克坦布富魁順德三音庫豐紳吉勒通阿陳元燮李  
之榮蒲益章張騰霄楊森王玉龍等於高斗山梁分擊營  
卡虛張聲勢牽制賊苗 等於十八日五更派令額爾登  
保帶領綸布春塞靈額西津泰温春多隆武吉蘭泰等作



爲一路德楞額泰帶領阿哈保定西蘇巴爾富僧德明阿施  
縉張永祺等作爲一路花連布豁隆武帶領三布爾富爾  
和忻布長春劉廷奇楊遇春等作爲一路那丹珠富志那  
帶領色克通阿常山格布慎清志德爾馬瑞沙應龍等作  
爲一路<sub>臣</sub>等督率各路將士併力進攻行抵距擒頭坡十  
餘里地方山路愈窄石城木卡愈多我兵攀援陡礮分隊  
魚貫盤旋競上賊苗自恃夥黨衆多蜂擁齊出山坳石角  
之間苗匪槍礮絡繹<sub>臣</sub>等督率將領等分投帶兵爭先迎  
擊賊匪往來衝突短兵相接並不稍退接戰數時額爾登  
保復帶同綸布春塞靈額西津泰等奮勇直前各隊將弁

德壯果公年譜卷四

八

兵丁亦踴躍並進殲賊甚多當將擒頭坡一帶木城石卡  
全行奪據旋即整頓兵力連夜進攻並查騾馬洞山勢較  
擒頭坡陡險更甚賊匪早經占距必須迅速設法攻剿又  
派額爾登保選帶巴圖魯侍衛將備等由坡腳山梁分兵  
前往遏其歸路<sub>臣</sub>等督率大兵隨剿隨進復將聚集賊匪  
悉力環攻直抵騾馬洞大山自辰至午斃賊六七百名餘  
衆正思奪路奔竄適額爾登保等帶兵由坡腳山一路追  
剿迎合加攻逼至懸崖陡礮賊匪逃遁無門著槍帶箭及  
奔竄不及紛紛滾跌者不計其數梟獲首級二百餘顆立  
將騾馬洞坡腳山及附近之兩岔河川洞等處各大山梁

全行奪據共燒燬苗寨二百餘戶奪獲賊匪大礮二箇及  
槍刀器械糧食衣物等件無算此次官兵仰仗

天威爭先奮勇兩日之內攻克險隘大山梁懸互三十餘里殲戮  
賊苗甚多人心無不稱快

諭曰現值元正連日盼望軍營捷音正深懸企本日福康安和琳  
奏攻克擒頭坡騾馬洞等處險要賊寨痛殲苗匪覽奏欣悅擒  
頭坡山路險窄賊匪木城石卡愈多福康安和琳密爲布置出  
其不意奪隘而入並令額爾登保分兵前往遏其歸路大加殲  
戮即將騾馬洞各大山梁全行奪據擒頭坡騾馬洞爲平隴乾  
州門戶門戶既破官兵乘勢長驅直抵平隴現值年節福康安

德壯果公年譜卷四

九

和琳遠在軍營懋著勞績嘉獎之餘深爲眷念親解佩帶小荷  
包四箇黃色珊瑚豆者賞給福康安和琳內貯金銀錢各二箇  
紅色綠豆者賞給額爾登保德楞額泰內貯金銀錢各一箇並賞  
給輿輦觀成花連布豁隆武那丹珠富志那綸布春塞靈額阿  
哈保小荷包各一箇內貯銀錢各一箇適有回子廓爾喀呈進  
細緞布疋等項分賞內廷王公大臣侍衛及蒙古王公等因福  
康安和琳額爾登保德楞額泰等俱在軍營出力一體頒賞

又

諭曰賊匪勢窮力蹙尙敢負隅抗拒經福康安和琳分兵突進攻  
撲焚燒並將賊目隴老三生擒正法所辦俱好著賞福康安和



琳乾果二匣鹿尾十箇又發去玉搬指十四箇內舊暈喜字玉搬指一對白玉喜字搬指五箇福康安和琳於此內自行揀擇二箇餘給額爾登保德楞泰花連布各一箇其餘於帶兵之巴圖魯侍衛鎮將內擇其尤為出力者每人賞給一箇所有滿漢屯土兵丁及打仗出力之新降苗再賞給一月錢糧其邀集眾苗生擒賊目之降苗隴二棵隴老柔二人深堪嘉獎賞給六品頂戴其餘亦厚加賞賚

二十日

福康安和琳奏言臣等於初二日辰刻行抵吉吉寨地方該處兩山夾河苗匪甚眾當經督率額爾登保德楞泰與

德世果公全譜卷四

十

肇觀成花連布那丹珠富志那及巴圖魯侍衛將備等分兵兩翼抄上左右山梁乘勢下壓該苗匪等亦搶上山坡分投迎拒我兵兩面夾攻奮勇勦殺斃賊極多滾跌溪溝者更不可勝計遂將吉吉寨兩面山梁奪據

二月初五日

福康安和琳奏言臣等於正月十四日督率額爾登保德楞泰花連布及巴圖魯侍衛鎮將等由吉吉寨山梁整兵前進查該處有夾溝一道兩面均係懸崖山溝之內因雨雪累月俱係積水淤泥甚艱跋涉兩旁山礮之下均有逆苗寨落臣等鼓勵將士併力進攻十五日黎明行抵溝口

先用大礮向前轟打抵住賊匪官兵即跳躍而下各寨苗匪一時猝不及防悉被官兵乘勢撲入縱火焚燒槍礮所到殲戮無數我兵奮勇疾馳直撲上連雲山甫經擊營該苗匪等復於是晚捨命攻撲我兵排槍抵敵相持徹夜次早賊苗始退臣等又即分兵進剿當將巖洞大寨三十餘戶賊匪全行攻克

諭曰福康安和琳奏官兵攻克連雲山巖洞寨等處打仗得勝此次福康安和琳及將弁兵丁等實在勞苦著賞給福康安嵌珊瑚帶頭一箇黃縹珊瑚豆大荷包一對小荷包四箇和琳洋瑛瑯帶頭一箇黃縹珊瑚豆大荷包一對小荷包四箇額爾登保

德世果公全譜卷四

二

德楞泰黃辦大荷包各一對小荷包各四箇火鑷各一箇穆克登阿花連布黃辦大荷包各一對小荷包各四箇火鑷各一箇珠隆阿達音泰常明綸布春永安安如洞大荷包各一對小荷包各二箇

十六日

福康安和琳奏言正月二十七八等日賊苗由連雲山附近之猴子山蛇退嶺等處攢集而至遠近山包分布幾滿當經臣等督率額爾登保德楞泰花連布那丹珠塞靈額阿哈保定西爾溫春西津泰常山德勝等帶領勁兵分投迎擊賊匪往來衝突被官兵痛加殲殺帶槍者前者山坳



迅勉成功

二十九日

福康安和琳奏言自初四五以至十一二等日臣等節次發兵分投攻擊該苗匪等悉於緊要山梁隘口集眾相持排放槍礮抵禦甚力稍退復來我兵躡蹤追剿賊匪復由旁徑肆出凶悍情形實深痛恨十三日黎明臣等督率額爾登保德楞泰花連布及巴圖魯侍衛將備挑選勁兵由連雲山前進繞過數道山梁沿坡上下苗寨均有賊匪屯聚我兵隨剿隨進殲戮無算直抵壁多大山該處峯巒峻削路徑更險下臨寬溝一道臣等督兵一上山梁即分占

德壯果公年譜卷四

三

山包趕緊擊卡賊匪乘勢捨命圍裹而來衝突十數次我兵槍礮競發賊匪不敢逼近將及申酉之間漸次退去查看賊匪伏匿不遠隨即分兵下壓痛加殲戮我兵連夜競進黑暗之中帶槍著箭及滾跌山溝者不計其數並擊獲活賊五十七名

三月初十日

福康安和琳奏言查龍角洞鴨保山一路直至大營地處萬山層疊之中晴霽日少自交春令更無日不雨霧迷漫山坡上下泥濘官兵既艱跋涉該苗匪等據險相持亦無由肆其豕突十九及二十一二等日霧雨稍止即督兵前

石角之間僵仆徧地幾及兩晝夜直至二十九日晚間適值風雨驟至始從霧雨迷漫之中乘間竄去臣等正在整

兵前進復據報地良坡桃花寨等處又有賊匪糾結計圖繞截後路當留花連布等將連雲山一帶營卡督兵嚴防

臣等復督率額爾登保德楞泰與肇觀成巴圖魯侍衛將

備等連夜疾馳及繞道迎擊於初一日黎明將抵騎馬山

遙見對面山梁屯聚賊匪不下五六千人一見官兵驟到

即使放排槍悉力對拒臣等分兵兩翼斃賊百餘賊勢稍

卻旋有紅衣賊目數人搖旗指揮復帶苗眾搶上山坡勢

甚凶悍自辰至午撲壓五六次巴圖魯侍衛將備等短兵

德壯果公年譜卷四

三

相接刀子並舉殲斃賊苗不可勝計隨乘勢直前連將騎

馬山火里坪一帶苗寨縱火焚燒將至傍晚餘眾始行紛

潰臣等現將前後左右各路營卡再加嚴密布置以圖進

取

十九日

諭曰今賞王公大臣等四團龍褂蟒袍等件更念軍前大臣等平

賊勞苦特頒賞福康安緙絲四團龍褂一件和琳緙絲蟒袍一

件以示優眷其帶兵出力之額爾登保德楞泰觀成與肇穆克

登阿花連布達音泰那丹珠田永桐劉惠蘇靈袁敏富志那諸

神保豁隆武綸布春阿哈保塞靈額蟒袍各一件俾益加鼓勵



進於鵠兒嶺等處甫與賊匪接仗槍礮並發賊苗正當被  
斃緊急死傷偏地乃未及數刻霧氣聚合密雨如注暫行  
收兵而永綏葫蘆坪龍角洞水田壩木樹汛等處亦有逆  
苗於早晚乘間攻撲二十四日晚間據報逆苗聚眾正在  
壁多山對面高吉陀地方意在窺伺大營臣等即督率額  
爾登保德楞泰興肇花連布綸布春及巴圖魯侍衛將備  
等挑選勁兵鼓勇進發直撲高吉陀該處偏山石角峻峭  
賊苗攢伏如蟻我兵扳援跳躍而上該苗匪等肆出放槍  
捨命衝突維時各隊官兵或奪占山梁或直衝賊隊殲戮  
賊苗不可勝計其餘較遠各山梁尚有救應賊匪無數臣

德壯果公年譜卷四

四

等即用大礮併力轟擊遙見賊人漸次潰亂所有高吉陀  
與官兵抗拒之賊自知力不能支亦即徧山爬越覓路奔  
竄我兵乘勝前進直抵巴金灣將該處逆苗寨落全行燒  
燬

二十五日

福康安和琳奏言初四日晚間據降苗稟報探訪廖家冲  
桿子坪久蘇坪瀑水新寨灣等處苗匪集眾數千因聞大  
兵采入欲從爆木營一帶抄襲後路等語臣等當即飛派  
額爾登保德楞泰帶領巴圖魯侍衛將備等挑選勁兵連  
夜迎擊初五日黎明甫過爆木營山梁即有賊苗三四千

人蜂擁而至我兵鼓勇直前槍箭並發該苗匪等捨命相  
持自辰至酉始行潰散殲戮賊匪無數額爾登保等隨將  
官兵撤回次日辰刻復據稱擒頭坡一路亦有賊苗集眾  
攻撲營卡臣等即帶領額爾登保德楞泰花連布那丹珠  
等督率將備兵丁分頭夾擊查該處賊匪攢集不下五六  
千人正在攻撲我兵防駐營卡臣等一到即令額爾登保  
德楞泰花連布等分兵三隊直撲賊羣賊匪因見官兵聲  
勢浩大旋即退入擒頭坡後面山梁臣等連用大礮併力  
轟擊相持一晝夜槍礮所到擊殺賊苗不可勝計臣等一  
面將該處營卡添派官兵嚴飭各將備等認真防守一面

德壯果公年譜卷四

五

跟探賊蹤乘勢搜剿於初九日進抵禾栗山該處亦係通  
往平隴小路賊苗於山頂築卡抵禦官兵甫欲進攻旋有  
賊苗結隊而來我兵占住山頂分投下壓賊苗衝突十餘  
次連被官兵悉力迎擊者槍帶箭及滾跌山溝者不計其  
數將及申酉之間均由龍草溪一帶踉蹌潰竄

四月十一日

福康安和琳奏言二十三日四鼓雨霧開霽督令各路官  
兵直取山梁賊卡賊匪聞官兵驟至捨命迎敵我兵扳援  
競上或直撲賊羣或繞出賊後官兵人人奮勇每路所殺  
賊匪自一二百至二三百名不等當將納共山緊要山梁



先行奪據趁勢連克貴道嶺七星坡苗家陀層石岡各處木城石卡四十餘座所有山下苗寨三百餘戶一概焚燒乃勦散各賊甫經潰竄而附近各寨陸續接應者又復結隊前來遠近山包攢集無數臣等一面趕緊擊立營卡一面連夜派撥各兵督同額爾登保德楞泰等乘勝攻勦不遺餘力約進二三十里直抵長吉山梁查該處有石城一道高約丈餘縣互數里密排鹿角外創深濠賊匪高據山嶺極爲得勢臣等嚴催各路官兵扳援陡礮先將石城左近大小山包零星木卡石卡次第奪據不下三十餘處漸漸逼近石城竟用槍礮併力轟擊賊匪因見官兵層層密

德壯果公年譜卷四

七

圍石城四面陸續轟塌勢已危急卽分投躍出與官兵抵死衝突臣等與額爾登保德楞泰帶領巴圖魯侍衛將備等督率勁兵直搶山梁鼓勇競上斃賊不可勝計復將茶山茨巖有名大山全行占據所有賊寨俱放火焚燒各路官兵分頭追勦復又搶占捷定坪筆架山勒兆坡瀑水源等處山梁十餘處共計連日擊獲活賊三十七名審明之後均卽於陣前正法與割獲首級一併徧山梟示所有攻克大山皆係平隴一帶緊要屏障現經官兵乘勢分駐兵威壯盛倍常

諭曰福康安和琳統率將弁兵丁等乘雨霧初霽之時分路前進

奮勇超登每路殲賊甚多由納共山直抵長吉山梁將茶山茨巖各有名大山全行占據實在出力可嘉著賞給福康安和琳金鑲松石盒各一箇黃辦珊瑚豆大荷包各一對小荷包各四箇額爾登保德楞泰珊瑚豆火鑱袋各一箇黃辦大荷包各一對小荷包各四箇興肇花連布珠隆阿綸布春阿哈保達音泰朱射斗那丹珠大荷包各一對小荷包各一箇以示鼓勵其打仗出力之旗營屯土各兵著賞給一月錢糧俾知鼓勵

二十四日

福康安和琳奏言查長吉山對面有結石岡大山梁一道賊苗攢集尤衆疊石爲城極爲堅固臣等連日已將旁路

德壯果公年譜卷四

七

賊卡次第勦除卽於初八日辰刻督率額爾登保德楞泰等及巴圖魯侍衛將備帶領勁兵直搶結石岡山梁凡有沿途挖斷道路俱令官兵預備口袋盛土填塞盤旋競進賊匪望見官兵乍到卽排槍抗拒我兵分開兩路圍撲石城並於石城之左先占住山包一處趕緊擊卡併力相持賊苗見官兵逼近槍礮甚猛尙復抵死迎敵臣等嚴督各兵悉力攻擊直至傍晚賊匪力不能支始行慌亂官兵乘勢奮勇搶入石城痛加殲殺該苗匪等捨命奔馳竄回甘露嶺石卡復經官兵趕上箭槍齊發斃賊不可勝計臣等逐加搜捕又將牧牛坪竹石坪等處大小寨落七十餘戶



全行燒燬

五月初一日

諭曰昨據福康安和琳奏官兵連日攻獲結石岡等處賊卡二十餘座殲賊甚多並將牧牛坪竹石坪等處大小寨落全數焚燒奪占甚為奮勇可嘉已降旨交部議敘現在該處距平隴賊巢不遠所有緊要屏障俱經官兵乘勝占取且首逆吳龍登業已到營乞命此時福康安和琳正當直搗平隴收復乾州捷音諒已在途朕心深為盼望現屆天中佳節福康安和琳著與在京軍機大臣一例賞給扇套香袋扇錠等物額爾登保德楞泰除與御前侍衛一例賞給葛紗曹扇香串香袋外額爾登保德楞

德壯果公年譜卷四

太

泰興肇觀成劉君輔仍各賞給扇套一箇香袋四箇小荷包一箇孫士毅勒保福甯馮光熊姜晟俱照內廷尚書侍郎之例各賞給香袋六箇小荷包一箇扇套一箇以示朕眷念勤勞至意

初六日

福康安和琳奏言連日粵東官兵分起趕到已有二千餘名因即趕緊派撥滿漢屯土官兵分投進剿乃該苗匪等因結石岡一帶石城石卡次第盡失又復到處糾約夥黨分布要路創濠砌卡以為苟延殘喘之計臣等於十四日與額爾登保德楞泰督率各兵分隊競進直抵官道溪山梁該處賊苗自恃地勢險峻卡隘堅固悉力抵禦相持兩

晝夜因官兵愈勦愈力自知勢不能支始行潰散我兵乘

勢直前當將官道溪上下苗寨放火焚燒共計百十餘戶

斃賊極多臣等一面占住山梁分兵擊卡一面探訪路徑

查問前火麻營一帶山勢更為重疊中間緊要地方有大

石卡四處山腰橫築石城一道高有七八尺徧豎賊旗賊

衆蟻伏以待臣等於十八日晚間分兵三路派令綸布春

西津泰等帶兵一路由管培坡進攻吉蘭泰墨爾歡保等

帶兵一路由吉土坡進攻珠隆阿達音泰等帶兵一路由

羊蹕山進攻並派朱射斗多隆武帶兵於新塞灣麻沖等

處堵截旁路牽綴賊匪以防抄襲臣等同額爾登保德楞

德壯果公年譜卷四

七

泰帶領巴圖魯侍衛將備等往來督催十九日黎明三路

官兵齊撲火麻營山梁所有石城內賊匪排列槍礮捨命

抗拒我兵援仰攻極為費力臣等當即留兵一路與賊

匪悉力相持作為欲進之勢另挑派奮勇勁兵分開兩翼

繞出賊後山巔之上併力下壓賊匪三面受敵不能抵禦

立形慌亂當將山腰石城一道乘勝撲開賊匪拋擲器械

捨命逃竄我兵分投追剿賊衆滾巖跌斃者不可勝計各

卡內賊匪望見爭先躍出互相救援悉經官兵衝截痛加

殲殺隨將火麻營一帶大山全行攻克次日辰刻復將附

近之息戟山望城坡得羅山豹盤山野牛坡等處山梁趕



緊奪占賊匪無不望風奔潰凡有山坳大小苗寨適製得  
火箭數百枝遠近齊發燒燬甚衆共計官兵連日進剿又  
深入二十餘里察看苗匪情形雖復節節抗禦然屢經痛  
加剿戮實已震懾倍常

諭曰福康安和琳攻克火麻營一帶險要山梁距平隴更近此時  
賊匪緊要屏障俱經官兵乘勝占奪而石三保石柳鄧吳廷禮  
等首惡俱聚集平隴正可悉數生擒一舉蕪功事機順利佇待  
捷音速至此次福康安和琳連得卡隘痛殲賊衆調度有方殊  
屬可嘉著賞給金嵌松石盒各一箇又珊瑚豆大荷包各一對  
小荷包各四箇用昭優眷其分路領兵打仗出力之額爾登保

德壯果公年譜卷四

三

德楞泰綸布春珠隆阿達音泰朱射斗俱著賞給大小荷包以  
示獎勵

二十日

福康安和琳奏言二十日以後大雨淋漓霧氣四合懸崖  
仄徑泥深尺餘山溝水勢驟長層層阻隔直至二十八日  
雨勢稍止卽分派將備將火麻營兩旁緊要隘口帶兵堵  
截<sub>臣</sub>等督同額爾登保德楞泰綸布春阿哈保花連布達  
音泰及巴圖魯侍衛等分隊進攻連克灣溪嶺紫泥山油  
麻灣茶坳等處賊卡八九座隨剿隨進直抵廖家冲山梁  
該處峰巒陡削路徑叢雜異常<sub>臣</sub>等督兵一到遙望山巔

橫有石卡一道約計屯聚賊匪不過數百人當經力催各

兵奮勇競上槍箭並發直撲山梁立將賊卡奪據賊苗紛  
紛潰散維時天色漸晚且積雨之後山路泥濘卽令各官  
兵暫行駐劄次日黎明<sub>臣</sub>等正在分兵進發適苗匪等糾  
集多人三面驟至蜂屯蟻聚捨死直撲我兵分投迎擊撲  
壓十餘次斃賊甚多察着賊匪往來竄伏要路上有山包  
一處名爲連峰坳必須將該處奪獲方足以遏賊勢隨卽  
挑選奮勇滿漢屯土各兵於初四日四鼓繞道密發並將  
各兵一半放槍拒賊一半用布袋盛土背負而上準備擊  
卡一抵連峯坳賊匪亦經預備對面放槍絡繹如雨額爾

德壯果公年譜卷四

三

登保德楞泰等鼓勇向前嚴督將備兵丁卽於槍礮之中  
趕緊擊卡占住山梁將賊匪要路截斷賊見我兵已據勝  
勢自知力不能支旋卽惶駭四散巴圖魯侍衛將備等登  
山越嶺分投冒雨追擊殲斃極多凡有潛伏溝內之賊逃  
走不及者大半帶槍著箭滾跌而斃共計由廖家冲而進  
又連占山梁七座

是月大學士貝子福康安卒於軍

六月十四日

和琳奏言二十七日積霧開散可辨路徑見賊苗百十爲  
羣在於遠近山梁屯劄瞭望<sub>臣</sub>隨卽躡探得路督同額爾





登保德楞泰等分撥各兵進攻得峰山一帶地方查該處係長嶺一道兩旁陡礮之下苗匪上下往來不絕如蟻必須攻守並用方能有濟當將官兵分為三隊令額爾登保阿哈保達音泰帶領西津泰三音庫烏爾呼納等為頭起德楞泰帶領格布慎和忻布薩克丹布等為二起臣帶領興肇托爾歡豐紳阿納保噶拉吉蘭泰汪熊姜敏功張倬等為三起魚貫競進二十八日黎明頭起官兵一上山坡左右潛匿苗匪即捨命躍出欲圖衝截維時額爾登保等已經帶兵搶上山梁排槍轟擊撲壓十餘次賊匪愈聚愈多臣隨督同德楞泰等先後趕緊接應分投痛加剿殺賊

德世果六年譜卷四

三

匪見官兵勢大不敢直前拒敵俱退伏於巖礮之下放槍抵禦而對面全壁嶺一帶亦有賊苗糾聚前來與我兵三面抗拒維時已經傍晚臣復督同額爾登保德楞泰巴圖魯侍衛鎮將等連夜於得峰山一面接聯擊卡七十餘處分拒兩旁賊苗一面即帶兵直撲全壁嶺賊卡賊苗蜂擁放槍肆出拒敵我兵人人奮勇併力爭先撲開賊卡一處即占住一處槍箭所到殲斃甚多其左右山溝內潛伏賊匪乘勢拔徑上分投救應臣又飛派花連布等帶領將弁等鼓勇截殺使賊不得撲上其時後隊官兵見賊勢慌亂乘勢壓下搶至兩旁山溝苗寨放火賊匪始俱紛紛潰

竄各路官兵往來追剿斃賊不可勝計

諭曰和琳此次分兵三路親至督率打仗連得險要山梁甚為可嘉惟軍營水土惡劣氣候鬱蒸不免疫癘特賞給和琳洋盒一箇內貯御用白玉佛頭伽楠手串一掛上拴漢玉玩五件又小荷包二箇內貯九合香最能解除邪穢此外小荷包三箇亦俱貯九合香著賞額爾登保德楞泰花連布各一箇現當溽暑之際和琳總須速行籌辦及早撤兵惟願此次所賞九合香到時業經撤兵奏捷無須藉此祛除瘴癘實所深望耳

二十三日

和琳奏言臣於初二日督同額爾登保德楞泰及巴圖魯

德世果六年譜卷四

三

侍衛鎮將等挑選勁兵先搶廖貢坡遠見山嶺賊匪攢集如蟻我兵甫至山坳即有穿紅衣塗面執旗賊目十餘人帶領匪徒千餘跳躍而下排槍抵敵當經額爾登保德楞泰等督兵迎擊攪殺良久殲斃賊匪無算尚不遽退臣復派令阿哈保達音泰等分兵兩翼潛從左右山坡拔援陡壁盤旋而上賊匪見我兵三路合攻抵禦不及旋即棄卡奔竄當將廖貢坡山梁奪據由廖貢坡前進山勢更形散漫兩旁橫峯側嶺處處均有苗匪築卡死守若不悉行奪據誠恐被賊抄襲隨即趕緊分兵布置聲東擊西自初三以至初六等日節次奪據水牛坡木里坪灰山萬拔坡等



處層層圍裹隨剿隨進賊匪退聚馬鞍山之上該處更爲  
乾州緊要門戶其下卽臨大河守禦更力臣乘將士銳氣  
於初七日晚間令額爾登保德楞泰達音泰等各帶巴圖  
魯侍衛將備官兵於次日五鼓分投進發並密行選派奮  
勇出力之屯土降苗備弁兵丁等先於三更時潛伏賊卡  
左近預先埋伏臣督率滿漢官兵隨後策應繼進天未黎  
明額爾登保等大隊甫抵山脚賊匪羣出放槍相拒侍衛  
將備等身冒矢石正在相持之際經前埋伏之兵從草坡  
石礮內一齊吶喊跳躍競上短兵相接賊匪等猝不及防  
慌亂無措額爾登保德楞泰指揮各路乘勢圍攔撲開賊

德壯果公年譜卷四

三

卡斃賊無數餘衆踉蹌逃遁官兵沿坡追剿直至河邊槍  
斃執旗賊目四人割獲首級一百五十餘顆餘賊均捨命  
赴水過河者傷淹斃者更不可勝計

諭曰和琳奏官兵攻抵馬鞍山卽行設法渡河進剿覽奏欣慰此  
次和琳調度布置悉合機宜可嘉之至現當溽暑之時正深塵  
念今和琳統領官兵等乘勝進剿人人奮勇殲賊甚多此皆仰  
荷

天佑事機順利欣慰之餘倍深欽感特解親佩有穗蒙古荷包一  
箇交和坤寄賞和琳以示嘉獎仍加賞漢玉搬指一箇金嵌松  
石火鐮包一箇珊瑚豆大荷包一對小荷包四箇額爾登保德

楞泰各賞翡翠玉搬指一箇繡火鐮包一箇大荷包一對小荷  
包四箇阿哈保奮勇受傷著賞白玉搬指一箇繡火鐮包一箇  
大荷包一對小荷包四箇綸布春西津泰達音泰各賞大荷包  
一對小荷包四箇用昭優眷

七月初一日

和琳奏言臣查捧風坳一帶山梁爲通平隴僻徑灣溪一  
帶爲桿子坪泡水等處賊匪來路均須防備隨派令巴蘭  
多隆武等帶兵搶據捧風坳以堵平隴賊匪衝突令花連  
布托爾歡墨爾歡保汪啟紀等帶兵搶據灣溪以防桿子  
坪泡水賊匪抄截臣督率額爾登保德楞泰等設法渡河

德壯果公年譜卷四

三

賊匪均於隔河可渡之處刨挖深濠潛伏其內排列槍礮  
與我兵相持至二十三等日河水稍落露出灘淺處所  
隨於十四日晚間派令達音泰西津泰三音庫阿達富蘭  
長春等帶兵爲左一路溫春富僧德格布慎劉廷奇朱大  
定陳紹先等帶兵爲右一路臣督同額爾登保德楞泰三  
布龔豐紳噶拉諾木齊和忻布噶達龔薩乘阿等爲中一  
路先令左右兩路於四更時直撲河岸賊匪望見官兵驟  
至糾衆抵禦臣督同額爾登保德楞泰等乘苗匪於上下  
游兩路官兵抵禦之際卽趕緊向前亂流竟渡額爾登保  
帶領巴圖魯屯土官兵等首先登岸槍箭並發賊匪措手



不及退上尖雲山梁維時左右兩路官兵亦乘勢過河三路官兵奮勇齊撲尖雲山梁賊卡賊匪槍子如雨我兵人思奮魚貫而上撲開賊卡十餘處殲斃不可勝計隨將尖雲山奪占維時遠近逆苗聞風至凡乾州附近周圍山梁分布幾滿臣同額爾登保德楞泰督率巴圖魯侍衛將備滿漢屯土官兵等復連夜分投派撥援登陟悉力進攻賊苗依山傍箐修築木城石卡官兵所到賊匪無不捨命相持幸仰仗

天威將士益加奮勇自十五以至十六日晝夜接戰連克黃連坡

曬谷坡窩灰坡田頭沖二礮臺等處木城石卡不下六七

德比果公年譜卷四

三

十處所有長灘村兩頭田平者野豬洞一帶本係民村均被苗匪焚搶糾夥盤踞我兵乘勝即將賊匪所搭窩棚逐加搜捕縱火焚燒苗匪紛紛潰竄我兵四面圍攏殲斃不下六七百人直抵二礮臺距城不過二三里賊匪見官兵勢大恐被圍困不敢入城旋即四散奔逸官兵即於二礮臺暫行駐劄當將周圍緊要山梁一律安營紮卡

諭曰和琳自督率剿捕苗匪以來運籌布置悉中窺要此次督兵進剿身先士卒乘勝直前尤為懋著勞績著加恩賞戴三眼花翎用昭優眷額爾登保屢次打仗奮勉曾加恩補授內大臣都統此次於渡河後帶領兵丁首先登岸實為奮勇可嘉亦著加

恩賞戴雙眼花翎保甯現任伊犁將軍所有領侍衛內大臣一缺即著額爾登保署理以示優獎和琳額爾登保德楞泰仍著交部從優議敘

初八日

和琳奏言查乾州一帶附近多係民田週圍苗寨環列地方甚廣所有各路節次剿散逆苗無不以此為遁逃之藪惟有先將此種散苗悉力搜除不致受其牽掣方能為分投剿洗之計隨於十八九等日督同額爾登保德楞泰與肇花連布達音泰西津泰及巴圖魯侍衛將備等帶領滿漢屯土官兵分路進剿如灣溪一帶長灘村兩頭田等處

德比果公年譜卷四

三

所有賊匪搭蓋窩棚雖經燒燬而附近之邑柳麥李坪平至樂坪平者等處餘眾依林傍箐百十為羣仍復晝夜窺伺不時滋擾幸連日以來次第搜捕殲斃於槍礮之下者不可勝計

二十六日

和琳奏言臣於初六七等日整頓兵力督同額爾登保德楞泰與肇花連布達音泰及巴圖魯侍衛將備等沿途搜捕而進中間節節均有逆苗屯聚並查大莊小莊一帶均係民村久為苗匪占踞耕種茲當收成之際均恐搶割田禾防禦甚力臣與額爾登保德楞泰等督率官兵自初七



以至初十等日連次將雅溪大坡壟黃茅田狗兒寨黎樹  
七方橋三世豬湯家寨吳家寨施金坪雙塘夯陀大壩坪  
等處民村苗寨逐加搜捕凡有抗拒逆苗無不大加殲戮  
十一日攻抵大莊袁敏帶兵雖已進至老巖屋而山路環  
曲相距尚遙臣即連夜立遣德楞泰帶領巴圖魯將備等  
奮勇向前勦散賊匪直抵袁敏營地方隨後分派官兵  
擊卡接應所有兩旁曾經投降各寨因爲逆苗阻隔者一  
聞官兵會合即絡繹前來均經臣分別駕馭俾令各回本  
寨該苗民等叩頭感激而乾州紳士人等逃避河溪一帶  
者亦扶老攜幼而來歡聲載道均欲即赴乾州各尋其業

德壯果公年譜卷四

天

八月初五日

和琳奏言臣於十八日晚間督同額爾登保德楞泰阿哈  
保西津泰達音泰等帶領官兵由三岔坪一路潛進並令  
該百戶吳廷試吳廷棟吳老計吳定義等帶領苗兵在前  
進發適平隴賊苗聞知三岔坪苗衆業已投降糾聚苗匪  
乘夜依山順溝前來欲燒三岔坪寨落不虞官兵正從三  
岔坪進剿在前降苗一與逆苗猝遇喊聲齊發賊苗自恃  
人衆捨命相持攪殺一處勢甚兇悍臣遂與額爾登保德  
楞泰等督飭官兵四面圍攏槍礮並發賊苗正與降苗抵  
敵之際驟經官兵堵殺無不惶駭失措四散奔逃我兵分

投追趕斃賊不可勝計生擒活賊六名內吳老二一名係  
吳八月胞姪並割獲首級四顆臣查三岔坪苗衆既能如  
此奮勇殺賊是其真心降順尙屬可嘉當將出力各苗重  
加獎賞准其降順現在平隴賊匪聚集既多且首逆石柳  
鄧亦在彼竄匿與吳廷義等狼狽爲奸正應乘此兵威勝  
勢直搗賊巢一鼓集事復於二十日督同額爾登保德楞  
泰等分率官兵及原派該處堵截之侍衛將備於三更時  
直撲捧風坳山前賊卡我兵一到賊苗卽於卡內排列放  
槍抵死守禦我兵援仰攻不遺餘力將及黎明我兵奮  
勇向前撲開賊卡殲斃無數隨將捧風坳山前賊卡全行  
奪據擊獲賊目吳老散一名活賊九名一併交遲梟示

德壯果公年譜卷四

三元

十二日

和琳奏言臣於二十七日先令西津泰阿哈保等兩路並  
發察探賊匪果於白蠟坡黃連坡分投迎抗隨令額爾登  
保德楞泰等帶兵由捧風坳正路分兵競進臣同豐紳殷  
德帶領巴圖魯侍衛將備及豐紳宜縣等往來督催策應  
捧風坳山前竹山坡一帶上有石卡一道爲平隴隘口賊  
匪屯聚甚多我兵陸續魚貫而上將至山坡賊匪衝突下  
拒騎馬執旗賊目不下二十餘人在前指揮極爲兇悍我  
兵人人思奮槍箭所到連斃賊目五六名其餘殲斃不可



勝計自辰至午賊眾紛紛向山後撤退勢漸潰亂我兵乘勝搶上山梁遂將竹山坡賊卡奪據而左手之都魯溪地方亦有大山一道勢極險峻復於次日四更令額爾登保德楞泰帶領巴圖魯侍衛將備等攻撲山梁該苗匪等因連日各路攻圍緊急被官兵擊敗之後喘息未定昏黑之中一聞槍聲驟發立形慌亂我兵兩路夾攻殺賊無算並擊獲活賊九名內有漢奸田應喬一名曾受吳廷禮偽封職官訊明之後即於軍前寸磔梟示現在大兵節次奪險采入漸近平隴賊巢

二十三日

德壯果公年譜卷四

三

和琳奏言查強虎哨相距數里有溪河一道賊苗沿坡築卡守禦甚堅臣自攻克竹山坡賊卡之後先將該處緊要隘口嚴兵堵截以杜賊苗潰竄隨於初五日晚間派令西津泰富僧德格布慎長春陳天雲等帶兵先由礮樓坡前進搶至河邊誘賊迎敵臣於初六日五更督同額爾登保德楞泰阿哈保達音泰等帶領巴圖魯侍衛將備由龍圖營分起進攻所有沿河抗拒苗匪見礮樓坡地方官兵驟至正在糾眾迎敵不意龍圖營大兵又至直逼河岸槍礮並發賊匪兩路受敵均各棄卡奔潰官兵乘勝渡河隨剿隨進斃賊不可勝計當將強虎哨左右兩面山梁分兵搶

據惟時平隴一帶遠近各寨因大兵攻剿緊急離巢穴不遠復糾聚苗眾依山順溝攢集而至乘官兵營卡未定之時捨命攻撲臣飭各將備等一面嚴兵以待止令輪流迎敵毋許追擊以疲其力而賊苗晝夜上撲悉被官兵槍箭擊殺察看賊勢漸怯臣即於初九日五更督同額爾登保德楞泰阿哈保西津泰達音泰及巴圖魯侍衛將備等分兵兩翼出其不意直攻強虎哨山梁該處山坡層疊草深樹密之間節節俱砌有石卡卡內窩棚櫛比官兵密從懸崖陡礮盤旋而上一近石卡即拋擲火彈拉雜焚燒賊苗肆出抵拒經官兵截住短兵相接斃賊三百餘名餘匪滾

德壯果公年譜卷四

三

崖竄逸隨即將強虎哨山梁奪據當有勞神寨地母村苗日吳老巖吳老季等詣營乞命僉稱官兵日夜攻打逼近平隴看來平隴斷不能守住是以相約來投如果能保全身命情願告知附近苗寨趕緊設法縛獻石柳鄧等以圖贖罪

二十六日

和琳奏言臣於十二三等日同額爾登保德楞泰興肇阿哈保西津泰花連布達音泰及巴圖魯侍衛將領等由強虎哨分兵進發連克後坡新寨麻里灣等處大小賊卡十餘處斃賊甚多



是月總督伯和琳卒於軍公仍偕額爾登保及姜晟督兵前進

九月十一日

公偕額爾登保奏言臣等於和琳病故之後即嚴飭領兵

各大臣侍衛官員等均同心合意照常安靜防守以期剿

淨賊匪斷不致稍涉張皇伏念臣等均由行伍疊蒙

聖恩用至領兵要職於攻卡期賊尙力所能爲若總統軍營一切

實難勝任懇請

皇上派出大臣前來湖南軍營總統辦事

諭曰據姜晟額爾登保等奏和琳因受瘴疫以致洩痢病逝覽奏

德壯果公年譜卷四

三

深爲震悼此時剿捕苗匪正在喫緊之際不可無人督率且聞

額爾登保亦因該處水土惡劣染患痢疫已覺勉強支持該處

現止有德楞泰一人湖北鍾祥竄逸餘匪易於搜捕有永保恆

瑞慶成舒亮富成等儘能辦理明亮鄂輝接奉此旨著卽就近

由驛加緊馳赴湖南接辦統理軍務劉君輔現在花園墜團一

帶防堵但伊已年老所有湖廣提督員缺已降旨將鄂輝補授

湖廣官兵皆其所轄呼應更靈易於集事劉君輔仍當在花園

一帶實力防堵俟事竣後另候簡用至勒保前因雲南黑裸滋

擾令其馳回雲南查辦但昨據江蘭奏已將該獍匪圍住卽日

瘴退可以帶兵進捕又有珠隆阿蘇爾相承甯在彼不乏大員

督率且此等化外野夷卽畏懼藏匿不妨緩捕可暫置之度外

勒保接奉此旨亦著卽加緊星馳回至楚南同明亮鄂輝籌辦

一切現在湖南軍營無人總統額爾登保又經患病德楞泰與

姜晟若能帶兵攻克平隴生擒石柳鄧吳廷義等解京正法此

則伊等之功尙因患疫人衆兵老力疲而和琳甫經病逝軍心

一時未能鎮定則德楞泰姜晟在彼惟當於要隘處所加意防

範勿使苗匪竄逸俟勒保明亮鄂輝等到齊後再行會商進剿

未遲額爾登保與阿哈保綸布春現俱患病自不便再駐該處

著卽先移往辰州以資調攝姜晟現在軍營幫同辦理稍慰朕

懷著卽賞給總督銜以資彈壓姜晟年過六旬亦不宜久駐該

德壯果公年譜卷四

三

處致有傳染或在辰州往來查察與德楞泰花連布等熟商妥

辦以副委任其兵丁人等儘有染患疫疾須行抽換之處並著

先行酌辦抽換以息兵力俟勒保明亮鄂輝到後再行會商進

剿亦無不可

十九日

公偕額爾登保姜晟奏言大兵剿捕苗匪自克復乾州以

後其緊要巢穴雖止平隴一隅而此外三廳所屬未降未

剿寨落爲數正多肅清較形費手蓋緣苗疆旣極叢歧苗

性又多反側勒旣不能盡殲其黨撫亦難以固結其心是

以前次和琳籌議善後章程曾將大局稍定後必須分投



搜剿及留兵彈壓情形奏蒙

聖鑒乃自前月下旬以來攻剿正當喫緊之際和琳一經染病猝致不起實出人意料之外兼之本年酷暑薰蒸自交秋令所有將領兵丁內沾染疫痢者更覺日久日多臣等目擊情形若僅顧攻剿平隴不將前後各路設法布置鎮定人心則關係實非淺鮮是以連日以來臣額爾登保德楞泰周歷各營卡嚴飭各帶兵將備務使軍威整肅不許稍露驚惶凡有陸續來投零星苗寨俱詳晰開導准其降順密察各路降苗守卡防禦均能照常出力惟吳隴登一犯近日因伊子吳老觀患病身死益覺自顧不遑亦不致有他

德壯果公年譜卷四

三

慮正在分投查辦間適鎮守臣富志那自湖北起身於初四日趕至軍營該鎮老成細緻鎮守是其本任臣等即令會同永綏協魁保及三廳文武嚴密稽查務將各路降苗駕馭妥協毋使稍有掣肘其永綏所屬之隆團花園一帶距大營較遠前經和琳欲令駐劄該處之鎮臣袁國瓚回赴重慶本任是以將提臣劉君輔調赴鎮守以鎮臣蘇靈調至隆團原因就各路情形調劑得宜起見今查重慶所屬毗連楚北處所教匪漸就甯貼則袁國瓚正應暫緩回任以便與蘇靈分駐隆團一帶並據袁國瓚於隆團地方擊獲賊目隴長受一名訊係上年秀山所獲賊目隴長

固之兄亦屬緊要重犯解營審訊後即行寸磔梟示至平隴賊匪因官兵相逼甚近無不悉力相持冀圖固守現在一面將前後各路官兵布置嚴密一面駕馭降苗於鎮溪所寨陽等處安設苗卡遏其逃竄一俟分撥定局霧雨晴霽即當整頓兵力設法進攻至臣姜晟自抵大營所有一切應辦事件悉與額爾登保等面加商榷並將善後章程內安插民苗各事照常認真料理而軍火糧餉各項供支尤屬緊要現仍飭令河溪瀘溪辰州一帶上緊轉輸並知會黔撫臣馮光熊分投接濟務期支應裕如不使絲毫短絀再臣額爾登保係因水土不服患病月餘趕緊調治漸就平復現仍照常帶兵辦事

德壯果公年譜卷四

三

公偕額爾登保姜晟又奏言湖南自剿辦苗匪以來其未經抗拒官兵真心投順者固多而其中先經糾結抗拒及見官兵攻剿緊急自知無路求生始行乞命並願縛獻賊首希圖免罪邀賞者不一而足此種先叛後降自與本來安分良苗原有區別惟緣人數眾多不得不隨時駕馭俾收以苗攻苗之用而其心究屬叵測誠如聖諭若令仍居原處不另妥為安置難保日久不復滋事端將來剿捕事竣除實在曾經打杖守卡或邀集眾苗擒獻賊目准其立功自贖外如始終觀望首鼠兩端之徒雖名為投



順將來自應酌量移徙以杜萌蘖復生至平隴爲匪徒聚集之所四面皆山距乾州不遠如駐以重兵自能得力因念前定善後章程內駐兵築堡地方原係核其大局形勢而定此外如有捍衛城池聯絡道路應官兵防守彈壓者統俟攻克平隴之後歸入善後案內熟籌妥辦俾資經久諭曰連日盼望湖南軍報正深繫念本日報到朕即加披閱摺內首列額爾登保之名喜出望外額爾登保久歷戎行領兵打仗實爲出力前因其染瘴泄痢廩念不置茲得伊平復之信實深欣慰軍營自和琳病逝後一時總統乏人將士等未免失所倚恃茲額爾登保德楞泰姜晟能處以鎮靜整頓軍威並不稍露

德壯果公年譜卷四

三

惶遽尙屬可嘉額爾登保著賞給金盒一件白玉四喜大吉佩一件大荷包一對小荷包四箇德楞泰姜晟並著各賞黃辦大荷包一對小荷包各四箇至臬司楊揆一手協理軍務條理秩如亦屬可嘉著賞給花大荷包一對小荷包四箇以示獎勵據奏現將前後各路官兵布置嚴密並駕馭降苗安設卡座卽設法進攻不敢稍失機宜等語所辦俱好計此旨到時該處霧雨早經晴霽氣候已正明亮鄂輝亦可到彼若能於明亮等未到之先攻克平隴或駕馭勞神寨降苗吳老巖等令其擒獻石柳鄧吳廷義等此卽額爾登保等之功朕必格外優獎尙平隴前後各路布置略需時日則明亮鄂輝一到額爾登保等當與之

會同熟商妥辦迅速歲功以副委任

二十八日

公偕額爾登保姜晟奏言臣等於本月初十日以後天氣漸晴各路大小苗寨畏懼聲威陸續投順者爲數甚眾均暫用好言安撫並詳詢情形知各苗寨內疫癘盛行各苗匪等無不心存悔懼除如平隴等處始終怙惡之外其餘情願投順各苗尙不至乘機勾結復萌反側自應整頓兵力趕緊直剿賊巢以定大局惟緣各官兵等疫病日久必須設法分撥是以臣額爾登保德楞泰等先將患病較重之兵分別遣回各營俾免傳染其患病稍輕者酌量於正

德壯果公年譜卷四

三

大松桃辰州等處令其認真調養用示體卹並查各兵帳房因雨溼薰蒸致多霉爛臣姜晟復飛飭局員趕緊添製給令更換不但使官兵稍避霧雨相侵而營卡軍容亦資整肅臣等通盤查辦之次卽順便將壯健可用之兵於後路各卡酌量抽撥移赴前敵於平隴南北兩面隘口扼要擊營十六七等日賊苗早晚均於山溝路蟻聚而來臣等整兵力擊隨時潰竄仍令各將領等暫緩窮追一俟布置定局以爲一鼓殲擒之計至永綏一路自提臣穆克登阿駐劄該處防範極嚴嗣復添派奏請來營之原任江西糧道陳蘭森前往料理安插等事該



道到彼後會同穆克登阿招集鄉勇二千餘名即給與所  
收降苗器械令隨官兵打仗各鄉勇等極為踴躍本月十  
三四等日提<sub>臣</sub>穆克登阿及該道帶領兵勇攻勦附近之  
補林等寨該苗匪等聞信亦糾集苗匪前來抗敵我兵爭  
先奮勇槍礮並發斃賊極多並經降苗隴長哥將手執紅  
旗賊目隴章三用槍打斃降苗隴老田復將為首賊苗石  
老賽戮傷擊獲解赴大營訊明正法現在知會該提<sub>臣</sub>一  
俟此間進取平隴永綏一路即查明各逆苗寨落相機攻  
勦以期得力

十月初四日

德壯果公年譜卷四

三

公偕額爾登保姜晟奏言查平隴賊巢山勢險峻官兵節  
次奪據要隘併力環攻而賊苗節節砌築木城石卡並於  
平田處所創溝放水以阻路徑極為可惡<sub>臣</sub>等連日將各  
官兵抽撥齊全察看形勢惟從東南兩山中間可以奪險  
而進而兩旁賊卡負嶠聯絡不下六七里之遙必須分路  
鼓勇痛加攻勦並查平隴迤西山後一帶本有間道可通  
擒頭坡金嶺冲廓家寨等處<sub>臣</sub>等先派都司徐洪相帶領  
隴登歐老觀龍老友等及該處各寨降苗分投堵截毋許  
繞出我兵後路至寨陽三岔坪等處降苗歷次真心出力  
<sub>臣</sub>等復檄令該百戶楊鼎心楊鼎貴吳廷試麻季保等隨

同官兵聽候調派以壯聲勢分撥既定即於二十一日先  
派總兵達音泰帶領豐紳阿達揚遇春等帶漢屯弁兵由  
勞神寨南面山溝繞至蒼茅坳設伏迎敵總兵朱射斗帶  
領多隆武富蘭德甯等直撲杜神堂總兵托爾歡帶領早  
保等直撲強虎寨副都統西津泰帶領墨爾歡保等直撲  
乾溪<sub>臣</sub>德楞泰帶領總兵富志那色克通阿等總統各路  
官兵在前督率<sub>臣</sub>額爾登保帶領三音庫巴彥諾木齊等  
往來督催<sub>臣</sub>姜晟同興肇帶領安慶那全等隨後繼進副  
都統阿哈保帶領溫春三布彙等帶騎馬滿漢弁兵預備  
賊匪奔竄四路追截二十一日初更之次各路官兵俱向

德壯果公年譜卷四

三

派定地方分路進發賊匪探知官兵層層圍裹而進亦即  
糾眾四出分投抗拒達音泰一路官兵在前遇賊匪立督  
弁兵鼓勇接仗槍礮競發<sub>臣</sub>德楞泰一聞槍聲星飛帶兵  
直由都魯溪大山搶至黃土坡地方與達音泰合兵夾擊  
圍住賊匪二百餘名殲戮殆盡連克黃土坡蒼茅坳大小  
木城石卡六處次日天甫黎明西津泰朱射斗托爾歡等  
三路官兵與賊匪力戰短兵相接攪殺一處<sub>臣</sub>德楞泰帶  
同達音泰於奪獲黃土坡賊卡後復帶兵向前分投策應  
<sub>臣</sub>額爾登保占住興隆坪山梁亦復分兵下壓賊匪一時  
四面受敵無不捨命櫻鋒左右山梁賊卡內槍矛如雨達



音泰右手小指帶傷衣襟上連著四槍幸俱未透各官兵  
爭先踴躍愈勦愈力已刻以後賊匪漸行退怯臣德楞泰  
督率三路官兵連將杜神堂乾溪強虎寨三處木城石卡  
全行攻克並將旁路磨子園等處賊卡乘勝占據臣額爾  
登保德楞泰及臣姜晟興肇合兵一處直從牛心地象心  
地至山家坳將平隴賊巢正面山口截住安設大礮併力  
轟擊共計各路官兵斃賊三百餘名拏獲帶傷活賊二十  
七名卽於軍前正法梟示現在官兵駐劄處所距平隴巢  
穴僅四五里惟緣寨落之前有橫河一道賊匪糾眾正在  
沿河守禦其左首有橫嶺一道險峻異常各路勦散之賊

德壯果公年譜卷四

平

復竄聚橫嶺之上我兵如轉過山坡竟攻賊寨苗匪於山  
巔排列槍礮甚多處處可及是以臣等現在商酌俟稍息  
兵力將此間橫嶺一道設法奪據卽可乘勝下壓惟有鼓  
勵將士相度機宜趕緊進取仍通傳後路降苗備該首逆  
等情急逃竄務須擒獻以邀

恩賞並乘賊情畏懼之際將計就計播散風聲如果吳廷義等能  
將石柳鄧縛獻亦准免其一死此刻臣等一面設法辦理  
一面整頓兵力隨後進攻

諭曰軍營自和琳病逝之後一時總統乏人額爾登保等處以鎮  
靜復能分路進兵攻奪緊要賊卡現距平隴巢穴僅四五里歲

功在卽所辦甚屬可嘉朕心深爲喜慰額爾登保德楞泰姜晟  
著加賞繡蟒袍料各一件興肇阿哈保西津泰達音泰朱射斗  
托爾歡富志那亦著賞織錦蟒袍料各一件其餘出力將弁著  
查明咨部議敘

十一日

公偕額爾登保姜晟奏言臣等前次進兵直至山家坳一  
帶距平隴巢穴僅四五里惟緣寨落之前有橫河阻隔左  
首復有橫嶺一道險峻異常賊苗距山傍河抵禦甚力當  
經臣等安設大礮並力轟擊其左首橫嶺地名巖人坡必  
須設法奪據方得勝勢隨於二十五日派令阿哈保達音

德壯果公年譜卷四

平

泰帶領三音庫阿林布等帶兵一路由山家坳進攻西津  
泰朱射斗帶領多隆武達桑阿等帶兵一路由象心地進  
攻臣額爾登保德楞泰督率托爾歡格布慎豐紳色克通  
阿等帶領奮勇備弁兵丁由磨子園繞道抄出巖人坡之  
後臣姜晟興肇綸布春帶領三布爾八十四巴克坦布等  
往來策應繼進所有阿哈保達音泰西津泰朱射斗等兩  
路官兵於黎明直撲巖人坡山梁山上賊匪持械抗拒往  
來衝突勢甚兇悍我兵鼓勇競進槍箭所到斃賊極多維  
時臣額爾登保等由磨子園一路帶兵趕到三面合攻賊  
匪驚惶無措紛紛潰散臣等一面分兵下壓一面趕緊擊



卡乃適值霧氣四合大雨淋漓後路強虎哨地方橋座已  
為山水冲塌平隴賊巢前面橫河及平田之內處處水發  
勢難竟進祇得暫住至二十八日晚間天氣漸晴復於次  
日分兵前進連克查口洞平頭梁下溪溝羅家灣等處大  
小山包聯絡擊卡三十餘座每卡駐兵二百餘名至數十  
名不等緊逼平隴賊匪到處出沒迎敵被官兵勦散三十  
日早辰據報賊匪復屯聚大壩角地方查大壩角即係平  
隴分出苗寨正扼進兵要路臣等一經得信出其不意立  
即進攻當將大壩角苗寨三十餘戶全行燒燬斃賊二百  
餘名其餘奔竄滾巖落水者不計其數惟查平隴吳八月

德北果公年譜卷四

聖

苗寨西南為莽車西北為孟水冲俱在隔河築砌石城左  
右挖有深溝兩道寨後有小路數道沿緣直上通往後山  
大壩角在平隴之南自上而下坡礮陡險坡下多係水田  
此時苗匪或在後山搭棚藏匿或在寨前溝壩之內埋伏  
相去道路雖近但官兵下撲賊巢凡前後及兩傍溝內賊  
苗均可乘間抄截未便稍涉冒昧現今降苗訪探賊情據  
稱吳廷義等畏懼兵威情願縛獻石柳鄧以圖贖罪只求  
暫免燒燬寨落省其一死似覺機有可乘而察看寨落前  
後屯聚賊匪守禦又仍嚴密如此狡詐伎倆所有情願縛  
獻首逆之說既未可信若攻勦過於急切復致首逆竄入

他處或我兵前後稍有不能照應亦非萬全之道臣等再  
三籌畫惟有一面暫行允准令縛獻首逆前來予以生路  
且俾首逆不致遠颺一面密為布置駕馭降苗整頓兵力  
步步擊卡而進相機勦洗一鼓集事

諭曰額爾登保等督率將弁分路進攻連奪巖人坡大壩角等處  
卡寨所辦尙好額爾登保德楞泰美晟著賞給黃辦大荷包一  
對小荷包各四箇其分路帶兵之阿哈保達音泰西津泰朱射  
斗著賞給花大荷包各一對小荷包各四箇以示獎勵

十七日

公借額爾登保美晟奏言平隴苗匪自經官兵節次攻勦

德北果公年譜卷四

聖

之後創溝築卡嚴護賊巢或於寨前埋伏或於山後屯聚  
並聲言縛獻石柳鄧以圖贖罪體察賊苗狡詐伎倆緩兵  
誘敵兩者兼之是以臣等整頓兵力逐步進攻前將大壩  
角苗寨攻克後該苗匪等因官兵愈逼愈近無不併力相  
持初三四等日臣等督同綸布春阿哈保達音泰朱射斗  
等由大壩角迤西山坡之下接連擊卡而進賊苗一經知  
覺即於溝壩內排列放槍臣等嚴督官兵均用槍礮對面  
相抵營卡甫立賊苗復於初四日徹夜往來攻撲直至黎  
明經官兵槍斃無數始行暫退臣等惟恐該苗匪負固守  
隅被勦緊急復圖他竄預飭各路降苗分投探聽適據降



苗吳隴登歐老觀麻老季吳廷試等報稱探訪平隴賊匪  
現在分股欲從馬鞍山捧風坳一路撲出邀約上下麻沖  
火麻營久蘇坪等處未降寨落以爲救援臣等得信立飭  
西津泰托爾歡等將馬鞍山捧風坳一帶大小路口嚴密  
隄防分兵堵禦乃該苗匪等一面與大兵對拒一面潛由  
馬鞍山地方奪路思竄節次糾夥而出連被官兵截回仍  
於平隴後山屯聚抗拒正在籌剿之次適明亮鄂輝於初  
五日馳抵軍營臣額爾登保德楞楞泰景復察看情形公  
同商酌惟緣平隴巢穴地處四山之中附近苗寨互相聯  
絡我兵止能遏其兩面山後一帶峭壁懸崖聚則負隅難

德壯果公年譜卷四

器

攻散則通逃可慮急須另籌剿捕以期計出萬全迅擒逆  
首

諭曰前因額爾登保等奏吳廷義聲言縛獻石柳鄧以圖贖罪當  
經降旨以苗匪等不過藉此爲緩兵之計不可聽信仍當上緊  
進攻今據奏體察苗情實係冀圖官兵緩於進攻果不出朕所  
料苗匪於大兵逼緊攻圍之際尙思潛由馬鞍山一帶奪路逃  
竄經官兵截其去路仍於平隴後山屯聚抗拒可惡已極自應  
設法進剿以爲搗穴擒渠之計現在明亮鄂輝已到軍營雖久  
歷戎行但甫抵該處於苗疆形勢尙未周知而額爾登保德楞  
泰在彼年餘較爲熟諳明亮鄂輝雖經朕派令前往接辦但不

能如前此福康安和琳之總統軍務軍營帶兵各大員俱受其  
管轄者可比而額爾登保德楞泰在彼熟悉情形亦必不肯因  
明亮等到彼稍存推諉伊等能和衷辦事甚屬可嘉明亮額爾  
登保德楞泰鄂輝泰景著賞喜字白玉搬指各一箇黃瓣大荷  
包各一對小荷包各四箇以示獎勵伊等益當同心協力通盤  
籌畫迅速進剿平隴擒獲首逆固不可冒昧深入亦不便日久  
相持前據畢沅奏請撤回苗寨官兵朕卽以平隴未得石柳鄧  
未獲所言尙非其時屢經降旨宣諭現在明亮鄂輝已抵軍營  
正當共持定見一意進取平隴既克賊首就獲其餘未降苗寨  
自必聞風震懾相率乞降卽有一二苗寨畏罪不敢投出者惟

德壯果公年譜卷四

豈

時勦撫兼施亦屬易辦方可照畢沅所奏徐議撤兵而此時斷  
無不辦之理伊等皆係久歷戎行經朕委任不可不倍加奮勇  
迅速蒞功至指內稱探訪平隴苗匪現欲從馬鞍山捧風坳一  
路撲出邀約上下麻沖等處未降苗寨以爲救援等語石柳鄧  
等如糾眾死守該處山高路窄進攻未免費力今據稱欲離巢  
他徙勾結何不將計就計故寬一面任其竄往他寨或於途次  
邀截擒擊或爲設法離間未降各寨並鼓勵降苗石柳鄧等逃  
至該寨立時擒獻豈不更爲省事此係朕偶想及此能否如此  
辦理並著明亮等酌量妥辦以期首逆速擒再辰溪一帶爲糧  
餉轉運總路亦不可無大員督率儻催湖南軍營現有明亮額



爾登保德楞泰鄂輝四人足資料理美晟應仍回辰州一帶照料更昭嚴密

同日公借明亮額爾登保鄂輝美晟又奏言臣等於十月初四日接准英善咨稱達州所屬亭子舖有教匪屯聚帶兵馳往勦辦查達州界連川楚該匪徒等竟於州城附近聚眾滋事必須趕緊勦捕但川兵半赴黔楚即提鎮將領等亦均帶兵在營英善馳往該處止帶省標兵五百誠恐不敷調派而此間將備兵丁臣等打仗及防守卡隘正關緊要又難抽撥惟有駐劄隆圍川兵鄉勇一千餘名係袁國璜帶領駐守近日該處苗情尙屬甯靜臣等再四酌

德北果公年譜卷四

案

商當飛飭袁國璜即就川省兵勇內或全數撤回或抽撥五六百名帶赴達州以資協助其隆圍地方即札飭總兵蘇靈張廷彥將袁國璜所駐營卡通融撥兵慎密防守自可無虞疎懈

十一月初一日

公借明亮額爾登保鄂輝美晟奏言查平隴一隅負固日久官兵節次擊卡前進止能遏其西南西北兩面而周圍山坡層疊附近苗寨互相聯絡賊匪抗拒甚堅其後山一帶峭壁懸崖本有賊匪占據必須於東南一面打狗坡山梁酌量添兵以分賊勢方可設法進剿臣等公同等酌惟

有再於後路各營卡內通融抽撥以壯聲援臣明亮額爾登保鄂輝於初十日起身馳赴後路直抵新寨黃毛坡等處於防守各兵內撤出二千餘名並通傳各寨降苗諭以即日攻克平隴倘首逆石柳鄧等情急竄逃務當併力擒獻以邀獎賞各降苗等均各歡欣踴躍沿途續行投順者不下二千餘戶臣明亮等一面於後路設法辦理臣德楞泰一面督率鎮將由大壩角迤西接連擊卡直通打狗坡山梁一俟後路撥兵到齊即為環攻合剿之計十二三等日平隴各寨苗匪因見官兵層層圍裹而進無不悉力相持經我兵槍礮轟擊並不稍退十四日辰刻該苗匪等乘

德北果公年譜卷四

案

我兵擊卡甫定復糾集夥黨直前攻撲適臣額爾登保由茨巖一路先行帶兵趕到即督率各卡槍礮並發痛加截殺賊匪始暫退回而兩旁奔車孟水冲等處苗匪創濠築卡防守愈嚴其平隴大寨之前及後山一帶屯聚藏匿者更不可勝計十五日晚間臣明亮鄂輝帶領後路所撤各兵陸續到齊當即分派巴圖魯侍衛將備等將東南一面打狗坡山梁連夜占住十七日丑刻鼓勵將士分兵四路臣額爾登保帶領綸布春達音泰三音庫等由獅子坡前進坡下橫有溪河一道河礮均被賊匪挖下數尺幸水勢已退不致過深有千堡土守備行營恭將阿拉首先帶領



屯兵躡水競過臣明亮帶領西津泰朱射斗溫春多隆武  
等由觀音坡前進為左兩路臣德楞泰帶領阿哈保薩克  
丹布色克通阿等由右路巖人坡下溝前進臣鄂輝帶領  
託爾歡安慶墨爾歡保等由甲式溝前進為右兩路臣興  
肇帶領富蘭阿納保富魁等排列大礮由石老巖一帶山  
梁併力轟擊臣姜晟隨後接應各路官兵先後進發所有  
平隴寨前正路賊匪處處創斷溝礮並於寨落周圍築立  
石牆密豎木柵賊眾藏匿其內捨死抗拒我兵奮勇競進  
預用口袋盛土遇有溝礮即填濠跳越而進前至石牆木  
柵一面放槍一面用火彈火箭拋入斃賊甚多遂將寨前  
一帶石牆木柵全行攻得餘賊驚惶逃竄官兵乘勢直入  
吳八月寨內縱火焚燒時已至午我兵正在搜擒首逆之  
際復有莽車孟水沖等處附從賊匪一二十人見平隴正  
寨已失均各捨命前來攔鋒救應並有平隴東北大山梁  
之貴魚坡一帶深林密箐內突出千餘人由平隴寨右蜂  
擁而至臣等即令阿哈保達音泰帶兵迎擊莽車孟水沖  
左右救應之賊綸布春三音庫即帶兵勦殺貴魚坡衝下  
之賊興肇帶兵由老石巖下山分投衝擊至申初賊匪不  
能抵禦紛紛逃竄俱向東北大山扳援石壁而上藏匿林  
箐排列放槍奔走趨捷我兵乘勝追擊直搶貴魚坡惟緣

德壯果公年譜卷四

吳

山勢陡險樹木叢深兼之大雨如注密霧四起我兵未便  
窮追隨將官兵撤至楓形地一帶暫行駐劄除官兵連日  
臨陣殺賊不計外所有攻克平隴四路官兵共計割獲首  
級四十五顆搶獲槍刀器械甚多查平隴地方四圍山勢  
環列苗寨櫛比無算賊苗抗拒逾時茲幸仰仗  
天威掃翠巢穴雖首逆石柳鄧等未及就擒而臣等詢問降苗據  
稱貴魚坡孟水沖莽車等寨俱與平隴親戚計算該首逆  
等勦散之後自必在東北一帶險山苗寨藏匿臣等察看  
情形如此刻薄險窮追限於地勢必至併力相持惟有先  
將附近勦散各苗相機招撫多方布置冀將該首逆設法  
生致完善厥功庶幾上慰  
聖慈廑注  
論曰平隴賊匪負固日久經明亮等督率鎮將弁兵分路進剿奪  
獲險隘直搗平隴賊巢燒燬賊寨所辦甚屬可嘉除姜晟已加  
賞總督銜外現又另降諭旨將額爾登保補放領侍衛內大臣  
德楞泰署理領侍衛內大臣仍賞明亮額爾登保德楞泰鄂輝  
姜晟珊瑚豆黃辦大荷包各一對小荷包各四箇其分路帶兵  
之興肇穆克登阿綸布春西津泰阿哈保達音泰朱射斗託爾  
歡均著各賞大荷包一對小荷包四箇以示獎勵  
又

德壯果公年譜卷四

吳



諭曰額爾登保德楞泰勦辦湖南逆苗節經攻戰甚屬奮勇近因和琳病逝深慮軍中總統乏人官兵不免心存觀望乃額爾登保等能處以鎮靜董率有方今復協同整兵攻克平隴直搗賊匪巢穴實屬可嘉現在阿桂年老其所管鑲黃旗領侍衛內大臣即著額爾登保補授額爾登保未回京之前仍著阿桂署理至額爾登保所署正黃旗領侍衛內大臣著德楞泰署理仍令在御前侍衛上行走以示鼓勵

恭錄

御製詩

署將軍明亮等奏官兵攻克平隴賊巢詩以誌慰

德世果六年讀卷四

五

蓋臣繼逝心如失上年二月間黔楚逆苗滋事福康安和琳二兵後由黔入楚屢次克獲險要殺賊無算不意今年五月內福康安積勞受瘴病故聞之已深悼惜幸尚有和琳在營接辦將士等咸遵約束用命以為即成功乃八月內和琳忽又染患時疫不起二臣殫心忠盡相繼溘逝不但深堪軫悼實於軍營大局關係非淺朕心兩將調停意少蘇自福康安和琳相繼病為之懸崖日夜不置兩將調停意少蘇自福康安和琳相繼病人官兵等或致心存觀望而額爾登保德楞泰竟能接手辦理督率鎮靜調度有方其時姜晟適在大營即命二人共相彈壓眾兵不特卡隘防守嚴密並設法攻剿命大員商進剿一切勦屢獲勝仗奏到後始為少釋體念

嘉同志竭佳謨

嘉同志竭佳謨 指揮獨擅而額爾登保德楞泰亦不以總統軍務自居等二人前來少存袖手旁觀之念深知以國事為重和衷共濟協力同心熟籌進剿之策前次奏摺列名次序已可概見即此

深堪嘉賞知其必乾州已獲仍前烈前此和琳獨當重任連克能相與以有成也 乾州已獲仍前烈前此和琳獨當重任連克首逆石三保後即進兵攻得三岔坪捧風劫強虎哨諸卡隘相距平隴僅止十餘里賊勢窮蹙萬分不過抵死支撐苟延殘喘而已平隴茲收續後誅 一路擊卡而進茲據奏平隴周圍山坡層疊苗寨互相聯絡抗拒甚堅必須設法進攻以分賊勢因於後路抽撥兵二千明亮額爾登保鄂輝帶兵由後路繞進德楞泰帶兵由打狗坡前進為環攻合剿之計自初十日至十三日悉力相持十四日額爾登保由茨巖先攻到官兵槍礮轟擊痛殺賊苗始暫退回其平隴大寨前後山屯聚藏匿之賊不可勝計十五日明亮鄂輝帶兵到齊遂連夜占據山梁分撥調度十七日分兵四路額爾登保等由獅子坡而進明亮等由觀音坡而進德楞泰等由巖人坡下溝而進鄂輝等由甲式溝而進與肇等排前大路處處創斷周圍築立石牆密樹木柵賊人藏匿捨死抵拒我兵奮勇百倍填壕越進將石牆木柵全行攻得賊人驚竄官兵乘勝直入寨內焚燒其前來救應之莽車孟水沖貴源坡等處逆苗俱為兵殺散叛援石壁而上奔走趨捷官兵正在追擊因山險箐密大雨如注濃霧四起未便深入因撤兵至楓

德世果六年讀卷四

五

形地方駐劄連日殺賊不可勝計賊巢全已掃蕩無餘矣平隴賊眾資固日久此番全行殲滅明亮等諸人深堪嘉獎除分別賞資外念額爾登保德楞泰二人尤為可嘉將額爾登保實授為領侍衛內大臣德楞泰亦令署理領侍衛內大臣其在事出力將弁等亦分別 速待生擒致二豎 平隴賊巢既破苗匪失所加恩以示獎勵 吳廷義二人雖逃竄未獲據明亮等詢之降苗僉稱該逆匪散之後在東北一帶險山苗寨藏匿不捕設法生致或曉諭降苗縛獻將附近勦散各苗相機招撫妥為布置完善厥功自當加恩懋賞此大功已成十分之九速望擒渠捷奏則予十全武功之外又贏一續惟敬待 吳蒼

十全功外一功符

鴻佑喜音 十全功外一功符 吳蒼



德壯果公年譜卷五

次孫花沙納恭纂

嘉慶元年丙辰

十一月十五日

公偕明亮額爾登保鄂輝姜晟奏言臣等悉心偵探首逆石柳鄧等糾合餘匪在山後各險要處所併力拒守並聲言凡有附近苗寨如敢投順官兵即行糾眾燒搶內查勞神寨地方與平隴相去更近而石柳鄧等復於平隴東面勞神寨之上養牛塘山梁修砌石卡不但抗禦官兵兼圖迫脅降苗入夥情形極為可恨臣等公同商酌惟有將養

德壯果公年譜卷五

十一

牛塘賊卡設法奪據俾附近降苗人心堅固不致首鼠兩端方可力擒首逆第緣前月二十五六日以後天氣驟寒霧雨綿密及至二十八九等日大雪紛霏山坡高阜積至五六寸不能辨識路徑直至本月初二日晚間天氣稍晴積雪漸化初三日辰刻督率巴圖魯侍衛鎮將等分兵兩翼搶占養牛塘山梁該處山高路窄接連貴魚坡一帶賊苗屯聚極多我兵一到山坡賊匪無不捨命迎拒臣等因地險受敵傳令各鎮將等占住山包一處即擊卡一處俾官兵可以藏身聯絡而進自辰至未共計擊卡七處直逼山頂賊卡復嚴督各兵槍礮並發奮勇直前賊匪不能抵

禦均各棄卡奔竄殲賊苗不可勝計當將山梁占住現查此間山勢險峻所有賊苗屯聚之貴魚坡麻狗坡等處卡隘堵禦尙嚴臣等節次恭奉

諭旨令駕馭勞神寨苗目吳老巖等擒捕首逆洵為以苗攻苗之計惟緣勞神寨逼近平隴未免迫於賊勢觀望不前茲據攻克養牛塘險要山梁庶可得為我用兼自攻克平隴之後凡有三廳未降苗寨陸續投出者旬餘以來共計不下二千餘戶均經妥為安撫臣等察看形勢現在一面整頓兵力務將屯聚賊匪設法殲除一面駕馭降苗探查首逆蹤迹如敢離巢他徙即行邀截擒拏如附近寨落內尚有

德壯果公年譜卷五

十一

心存觀望各苗即出其不意痛加剿辦懾以兵威以期一鼓集事俟周圍營卡布置定局首逆不致遠颺臣等並當酌量撤分官兵或由得勝營疏通鎮寧或先由鎮溪所直通保靖永綏肅清大路扼要留防庶蕙功更能迅速  
諭曰明亮等奏攻克養牛塘一帶險要賊卡一摺較之前次所奏意在遷就撤兵了事者尙覺差強人意明亮等自係接奉前降諭旨令恆瑞等於搜捕教匪完竣帶兵赴楚南協剿是以伊等知事不可止稍覺愧奮鼓勇進攻方有此次克捷據稱分兵兩翼搶占養牛塘山梁該處地勢險要令各鎮將等占住山包一處即擊卡一處直逼山頂槍礮並發殲賊苗不可勝計當將



山梁奪獲等語所辦可嘉但據奏情形雖係明亮額爾登保等  
 公同酌籌辦理而帶兵打仗自係額爾登保德楞泰二人親赴  
 前敵督率進剿明亮等前次奏到之摺附和畢沅之意亦主撤  
 兵雖前摺係明亮額爾登保等一同列銜但明亮鄂輝未到以  
 前額爾登保德楞泰二人並無此議可見撤兵之說自係明亮  
 鄂輝二人主見此次攻克養牛塘一帶山梁豈可同邀恩賞額  
 爾登保德楞泰著各賞銀一千兩以示獎勵伊二人現在軍營  
 一切分例俱係官為支給自可無需此項銀兩已飭廣儲司照  
 數給發傳令伊二人家屬收領額爾登保德楞泰務須倍加感  
 奮上緊勦辦現據奏攻克山梁後即當整頓兵力將屯聚賊匪  
 設法殲除並駕馭降苗探查首逆蹤迹如敢離巢他徙即行邀  
 截擒拏等語是一好機會額爾登保德楞泰尤當悉心籌辦速  
 將石柳鄧吳廷義設法擒獲殲除屯聚賊匪其附和寨落內如  
 有心存觀望苗匪即出其不意痛加殲殺以期一鼓集事俟奏  
 到捷音再加懋賞明亮鄂輝雖因其前此所奏意存遷就足以  
 此次未經加賞伊二人如果自知愧勵奮勇進剿能將首逆擊  
 獲迅速肅事仍當一體共邀恩賞也

恭錄

御製詩

捷來

平隴驅巢守養牛復克捷音稠明亮等前次奏大兵攻克  
 貴魚坡一帶糾眾抗拒設法勦辦茲奏稱石柳鄧等在平隴東  
 而勞神寨之上養牛塘山梁修築石卡以圖抗禦並迫脅降苗  
 入夥該處自十月二十八九日大雪連日積五六寸不辨路徑  
 至初二日晚始晴明亮等督率巴圖魯侍衛鎮將等分兵兩  
 翼搶占養牛塘山梁槍斃雖然屢勝亦足喜未得兇首那解憂  
 並發殲斃賊苗不可勝計雖然屢勝亦足喜未得兇首那解憂  
 今日明亮等奏攻克養牛塘一帶險要占據山梁較之前次所  
 奏思欲遷就撤兵了事尚覺差強人意亦屬可喜然首逆石柳  
 鄧尚未生擒現於麻狗坡等處屯守抗拒明亮等一面設法勦  
 捕一面駕馭降苗探查如石柳鄧離巢他竄即行邀截擒拏不  
 使遠颺佇盼擒拿喜督率由來在志定重輕豈可視陽投  
 首領至以慰馳念鄂輝未到軍營以前額爾登保德楞泰並無將就了事之意可  
 軍務雖明亮額爾登保等公同酌辦依次列名具奏但明亮  
 鄂輝未到軍營以前額爾登保德楞泰並無將就了事之意可  
 見撤兵一說顯係明亮鄂輝二人附和畢沅之意朕之本心原  
 不欲窮兵黷武此中外所共知者實因審度目前事勢斷難將  
 就完局必得將首逆石柳鄧及吳廷義擒獲其附近預固不服  
 或陽為投順而心存觀望者痛加勦辦一二處俾苗眾實知十

德莊果六年譜卷五

三

德莊果六年譜卷五

四

分畏懼兵威不敢復生反側之念方可撤兵再合畢沅姜晟等  
 籌辦善後事宜始得地方甯靜一勞永逸此中輕重機宜全在  
 定志不移督率辦理至從前節次降旨俟勦盡湖北鄂教賊匪  
 擒獲首逆劉之協姚之富之後儻明亮等尚未辦竣苗疆之事  
 即令恆瑞等帶領京營滿兵前往相助先使播告軍營人眾以  
 壯聲威而備苗逆此時明亮等遠請停止毋庸前往又為不解  
 事體已詳悉諭知不可因現有投苗人二千餘戶即存將就  
 之見急於收局務當堅持定志擒渠蕪績斯為完善朕仰蒙  
 天恩十全武功功何莫非臨事而懼慎思審處得用兵久矣懼  
 以動協事機所向如志明亮等何竟見不及此耶

二十五日

公偕明亮額爾登保鄂輝姜晟奏言自官兵進占養牛塘

賊苗晝夜糾眾捨命攻撲並於湖耳坳土貫坡菜冲剛息

冲等處險要路口壘築石卡相持甚力其附近平隴地方



如雀兒寨麻里灣粟口嘴十八灣等處苗寨因我兵威震  
懾陸續繞道出投而該逆苗一經探得每於要路乘間攔  
截極為可恨臣等整頓兵力設法攻圍於初八日起復由  
養牛塘山梁接連擊卡而進賊苗節節抗禦經官兵勦殺  
甚多至十一日直抵剛息沖對面山梁路徑更形陡險於  
十二日寅刻臣明亮額爾登保督率阿哈保綸布春達音  
泰豐紳格布慎等為左一路臣德楞泰鄂輝督率西津泰  
託爾歡多隆武富僧德等為右一路臣興肇帶領朱射斗  
富蘭安慶富奎等由養牛塘策應繼進並安設礮位密防  
山溝賊匪抄截臣明亮額爾登保德楞泰鄂輝兩路官兵

德壯果公年譜卷五

五

乘密霧未散扳援窄徑鼓勇競上直撲剛息沖賊卡賊苗  
見官兵大隊躡險而至卽糾聚肆出排槍迎敵相持三四  
時之久我兵盤旋跳躍撲入賊卡一時槍箭並發斃賊極  
多賊苗紛紛潰竄乘勢立將菜沖土貫坡湖耳切等處石  
卡次第攻克進逼麻狗坡山梁傍晚正在擊卡駐劄復有  
賊苗數十人從貴魚坡山頂衝突直前官兵排槍迎擊連  
斃十餘人餘衆踉蹌卻退擒獲活賊一名詢據降苗指認  
係平隴賊首吳喬四之子吳老華本屬兇悍癩苗當將該  
犯寸磔梟示現在官兵層層圍裹直接平隴後山並查鎮  
溪所地方為通往保靖永綏緊要大路向來民村場市烟

戶甚繁旁有亂石灘一帶又為平隴僻徑先經臣等安設  
苗卡以資防範茲當賊巢既克該處大路正應設法疏通  
儻有散竄逆苗亦須堵禦是以連日以來一面督兵搜剿  
首逆一面另派將領帶領官兵由鴉溪鎮溪所一路逐節  
安營前進疏通三十餘里臣姜晟復督率地方文武將該  
處被難民人招徠復業並酌量地勢尙須添築城堡以衛  
民廬卽日鳩工興作俾資守望凡有乾州永綏所屬未降  
各苗計自初四日以後接踵投順者又不下五千餘戶均  
經傳見剴切曉諭察看該降苗等均各歡欣踴躍並聞事  
竣之後有設立苗守備千把等官該降苗等到營之時無

德壯果公年譜卷五

六

不爭先探聽其心甚為欣羨現將鎮軍四營永綏一協分  
別界址將先後出力降苗逐加遴選擇其實在結實可靠  
者先行點放二十餘員繕給劄付以鼓其歸誠向化之志  
統俟三廳應設苗弁全數點竣後另行開單具

奏

諭曰前此明亮等初到平隴所奏之摺未免心存遷就幸朕節次  
降旨詳悉訓飭令其堅持定見上緊進攻伊等始能專心勦辦  
屢有克捷將賊匪緊要石卡次第奪獲現在官兵層層圍裹直  
接平隴後山賊情倍加震懾並經明亮等一面督兵搜剿一面  
另派將弁由鴉溪鎮溪所疏通道路所辦可嘉明亮額爾登保



德楞泰鄂輝美晟著各賞嵌瑪瑙盒一箇瑛瑯鼻煙壺一箇以示嘉獎其打仗得受槍傷之守備王蓋臣尙爲奮勉卽以都司陞用並賞戴花翎所有此次打仗出力官兵並著加恩賞給一月錢糧

十二月初三日

公偕明亮額爾登保鄂輝奏言查首逆石柳鄧吳廷義等自經官兵節次攻剿窮蹙萬分惟綠各處勒散無業窮苗及兇悍裝癩賊目自知罪在不赦相隨附和固結一隅是以抗拒甚力臣等連日分兵布置聲東擊西設法進取該苗匪等復分遣賊目於永綬等處未降苗寨糾約夥黨臣

德世果六年譜卷五

等先已嚴飭各路實力防範嗣疊據駐劄隆園花園之總兵蘇靈張廷彥等分遣備弁於馬尾坡拏獲賊目李老二鼎罐寨拏獲賊目石十月洞溪寨拏獲賊目劉七官先後解營審訊俱係爲石柳鄧等執旗邀約緣近日永綬各苗陸續投順漸多不敢救應旋爲官兵擒獲臣等嚴訊屬實卽將該犯等凌遲梟示賊苗探聞益形震懾並查貴魚坡麻狗坡一帶爲平隴後山官兵層層進逼已過其西南西北東南三面其東北一面之馬頭山等處遠望山勢陡立一縷延緣路如魚脊迤北有餘錦坡山梁一道高峻與馬頭山相等均爲向來人迹罕到之地現經賊匪修砌石卡

以爲後路臣等體察情形如此刻官兵竟攻貴魚坡一帶賊卡而該首逆等復走險相持更爲費力不如先將東北一面馬頭山等處險要奮勇奪據庶勒捕可期得手惟是官兵踰山越嶺繞道仰攻中間山徑叢雜必須步步慎重而進先派朱射斗帶領墨爾歡保富蘭長春李應貴蒲尙佐等督兵一路由莽車攻貴魚坡之西與肇托爾歡帶領烏勒呼納鄂爾德巴圖什里等督兵一路由楓形地攻貴魚坡之南晝夜宵用槍礮併力轟擊牽制賊勢二十二日子刻臣明亮額爾登保帶領阿哈保達音泰豐紳三布飛三音庫陳天雲宋延清等由剛息沖左手下溝進發而馬

德世果六年譜卷五

八

頭沖山梁險窄之處已爲賊挖斷路徑官兵復繞由北面斜坡而上臣德楞泰鄂輝帶領綸布春多隆武格布慎色克通阿楊遇春等由剛息沖右手直搶餘錦坡兩路官兵扳扶石角盤旋競上未及黎明卽撲近賊卡賊苗放槍抵禦臣等嚴督各兵不許稍退賊槍所到連傷在前官兵數名各將士等恨賊切齒勇氣百倍俱各身冒賊槍扳卡而入刀矛並舉斃賊不可勝計同時將馬頭山餘錦坡兩處險要賊卡立行奪據正在分兵下壓復有賊苗無數從巖坳壘腊靄寨散嚴沖等處分投肆出愈聚愈多我兵已經占據勝勢賊匪轉係仰攻自辰至午撲壓千餘次著槍帶



箭之賊滾跌山溝者不下六七百名共計兩路官兵攻克賊卡大小二十餘處遂將賊匪東北一面山梁全行奪據

割獲首級五十餘顆餘眾仍竄回平隴後山

諭曰此次明亮等打仗得勝自因接奉節降諭旨令其專意勦辦不可稍存遷就是以能鼓勇進攻得此大捷其從前所奏未能堅持定見之處皆可不問明亮額爾登保德楞泰鄂輝著各賞給二鍼洋表一箇嵌瑪瑙盒一箇大荷包一對小荷包四箇以示嘉獎其打仗出力人員已照所請分別加恩兵丁等除防守要隘外所有此次打仗殺賊各兵俱著賞給一月錢糧俾益加鼓勵

德壯果公年譜卷五

九

十五日

公偕明亮額爾登保鄂輝奏言貴魚坡一帶為平隴後山屏障山勢極高溝壑層疊察看賊匪俱屯聚於山頂大木城之內前後左右零星賊卡不計其數臣等公同商酌惟有先將山頂木城設法占據方得勝勢隨於初二日三更臣明亮帶領朱射斗富蘭墨爾歡保長春關聯陞等由貴魚坡西南一路前進臣鄂輝帶領托爾歡溫春烏爾呼納等由貴魚坡西北一路前進臣額爾登保帶領阿哈保西津泰格布慎三音庫三布鼐等由馬頭山直搶貴魚坡山頂木城臣德楞泰帶領綸布春達音泰豐紳色克通阿等

德壯果公年譜 卷五

由散巖沖山溝繞出賊後併力夾擊臣額爾登保帶兵進發之次沿途均有賊匪所挖暗溝預令各兵砍伐木植搭架而過天甫黎明將至木城左邊賊匪竄匿溝內排槍齊發我兵奮勇搶至濠邊拔開鹿角競燃火彈拋入溝內轟斃賊匪無數立時退入木城阿哈保等帶領勁兵拔援木城而上賊匪惶急爭用短刀相砍官兵全不退怯均各冒刃躍入正在攪殺一處臣德楞泰已帶兵繞至貴魚坡之後綸布春達音泰分兵兩翼在前督率而進速撲賊卡七處奪過深溝四道直逼木城臣額爾登保德楞泰親督各兵前後合力連搶兩又灣觀音山等處賊卡分占南北兩

德壯果公年譜卷五

十

面山包乘勝會合凡有山坡上下賊匪窩棚寨落一概縱火焚燒其附近孟水冲莽車等處苗寨悉率領男婦人等逃跪山巔叩頭乞命臣等當經諭令各寨苗眾如果誠心投順即隨同官兵出力打仗擒捕首逆方准投順各苗聞言之下無不踴躍向前爭先用命當於貴魚坡一帶山梁擊卡暫駐哨探前路復有大頂坡地方賊匪屯聚極眾與官兵對面相拒臣等恐首逆稍有竄延復連夜分兵進發而賊匪自恃地險人數尚多無不捨命四出併力迎敵我兵隨勦隨進自卯辰以至午未之間殲斃賊匪不下七八百名槍礮所到滾巖落澗者不計其數臣額爾登保督率

一〇一



巴圖魯侍衛鎮將等分投勦捕凡有騎馬執旗之賊俱令  
降苗留心指認如係首逆賊目以便奮勇擒捕賊匪將及  
傍晚均零星分布山巖石角之間冀圖竄遁臣等嚴督官  
兵逐處搜勦復將大頂坡地方賊寨及所搭窩棚燒燬四  
百餘間賊匪惶急無措多乘烟霧昏黑之中潛由山溝小  
路捨死奔逸共計兩日內攻克木城石卡三十餘處除臨  
陣殺賊不計外割獲首級一百五十三顆擒獲活賊吳老  
化等四十九名當將受傷較重之石八祿等三十八名先  
行正法梟示嚴訊吳老化等以首逆石柳鄧吳廷義下落  
據供該首逆等連日與官兵打仗俱被打敗手下苗子殺

德壯果公年譜卷五

十一

傷過半我等都各自逃生如今石柳鄧吳廷義等想來無  
處逃竄不過在平隴附近苗寨或山洞內藏躲

諭曰明亮等奏官兵連日攻勦貴魚坡木城石卡打仗殺賊連克  
險要明亮等布置得宜將領官兵及降苗等均屬奮勇可嘉而  
額爾登保德楞泰親督各兵前往合擊額爾登保又督率巴圖  
魯侍衛鎮將等分投勦捕凡有騎馬執旗之賊令降苗留心指  
認即行奮勇擒捕伊二人出力之處尤多明亮額爾登保德楞  
泰鄂輝等各賞洋表一箇黃辦大荷包一對小荷包四箇阿哈  
保綸布春西津泰達音泰朱射斗托爾歡著各賞花大荷包一  
對小荷包四箇所有此次打仗官兵俱著賞給一月錢糧

御製詩

是日大學士贈郡王福康安總督贈一等公和琳樞至京  
恭錄

大學士贈郡王福康安總督贈一等公和琳靈樞至京親  
臨賜奠卽事成什

雙忠烈樞返京都違眾議臨賜奠殊福康安和琳以勦辦苗疆  
在軍營病逝其宜勞忠蓋  
盡瘁瘳鄉功屆垂成齋志以歿實堪悼惜既優加贈卹各建專  
祠祀之並命配享 太廟以示眷異茲二臣靈樞至京復親  
臨奠醴雖和神福長安再四懇辭而朕  
心有所弗忍甯違其請而必申余志焉左右手如失我已併嶮  
恩尚賴

天乎福康安和琳深堪倚任如左右手二人無恙苗疆之事定當  
久已成功卽一人尚在亦必早可蕪事乃均不及親見功成

德壯果公年譜卷五

十一

豈真氣數有定殊不可解當和琳既逝之後軍營總統乏人甚  
為慮念幸額爾登保德楞泰二人不敢有將就了事之見督率  
鎮定彈壓眾兵並設法進攻屢獲勝仗是以加恩從優獎賞今  
平隴賊巢全已攻克石柳鄧吳廷義二逆雖暫時在附近苗寨  
潛匿苟延殘喘而各苗寨歸降者已不下數千百戶賊黨已成  
瓦解之勢諒此時石柳鄧吳廷義二逆定可就擒大功全竣喜  
首已在途次二臣有知亦必同深伏慰也深憐未得成功見細筆惟思善後謨永靖  
苗疆非易事願今皇帝聽聰圖

十七日

公偕明亮額爾登保鄂輝奏言臣等嚴督各兵搜擒首逆  
所有貴魚坡一帶負固苗匪業已殲斃過半惟首逆石柳  
鄧等尚在延喘稽誅當經傳集前營降苗歐老觀左營降  
苗隴老又麻老貴石營降苗吳老季吳老四洪啟望等交



都司傅朝林守備鄭朝柱等帶領派入官兵大隊以便指  
認賊首蹤跡另派右營降苗吳隴登前營降苗吳寶良吳  
顯科隴秀彩等各派所管苗兵交參將仙鶴林都司徐洪  
相守備石聯科等帶領分撥於扼要路徑互相堵禦以防  
竄逸<sub>臣</sub>等卽於初五日五更各帶原路官兵督率巴圖魯  
侍衛將領等由貴魚坡大頂坡等處分投勦捕而進該苗  
匪等自經官兵將各路木城石卡層層奪據無險可憑一  
見官兵跟蹤進勦均各分占山梁捨命迎敵<sub>臣</sub>等嚴督各  
兵四面夾擊援險阻併力窮追槍礮所到斃賊不可勝  
計<sub>臣</sub>等留心察看該苗匪出沒路徑俱從貴魚坡陡礮之

德壯果公年譜卷五

三

下往來奔竄查該處緊接平隴後山周圍山勢環峙地名  
石隆寨落甚眾茲各路苗匪既敢竄跡其間自爲首逆巢  
穴<sub>臣</sub>額爾登保帶領綸布春朱射斗烏爾呼納豐紳富蘭  
薩克丹布楊遇春蒲益章宋延清等督率奮勇官兵直從  
貴魚坡下溝采入先斷要路<sub>臣</sub>明亮帶領阿哈保富僧德  
鄂爾穆墨爾歡保等由兩又灣繞出石隆左手山梁<sub>臣</sub>德  
楞泰同興肇帶領西津泰達音泰格布慎巴克坦布何之  
璞李應貴陳天雲蒲尙佐等由大頂坡繞出石隆右手山  
梁<sub>臣</sub>鄂輝帶領托爾歡溫春三布飛劉廷奇關聯陞張成  
等繞出石隆山後嚴密堵截各路官兵均於初更進發層

層扼要圍裏將近三更大兵四面齊集槍礮競發賊苗藏  
伏礮下自知無路求生節次向上攻撲希圖奪路奔竄俱  
被官兵奮勇擊退將及黎明復有大夥賊匪從貴魚坡山  
溝衝突而出<sub>臣</sub>額爾登保督率總兵朱射斗等痛加截殺  
立時殲戮無算維時我兵四面兜擒愈近寨內苗匪尙復  
排列放槍抵死抗拒守備王泰和把總康恆彩帶兵先撲  
賊寨連刃數賊旋被賊苗裹住均卽中傷陣亡同時帶兵  
之巴圖魯侍衛將領等鼓勇競入立斃苗匪多名割獲首  
級無數生擒苗匪一百餘人賊勢益形窮蹙當有莽車降  
苗吳老貴吳老亥等情願入寨跟查首逆下落經<sub>臣</sub>等鼓

德壯果公年譜卷五

四

勵而去旋據擒獲石老喬一名訊係石柳鄧胞姪自幼養  
爲己子據供石柳鄧先已頭著槍傷竄至寨後當被官兵  
梟取首級等語<sub>臣</sub>等隨將各路兵勇所獻首級令其辨識  
經石老喬指認甚確<sub>臣</sub>等又傳素日熟識石柳鄧之莽車  
降苗吳老貴孟水冲降苗吳老亥三岔坪降苗吳老遜等  
一一公同辨別均屬符合其爲臨陣斬梟已無疑義<sub>臣</sub>等  
一面派兵搜獲該首逆屍身寸磔示眾一面將所據寨落  
概行縱火焚燒蕩爲平地所有竄伏苗匪搜勦無遺擒獲  
活賊一百三十九名內有癩苗石老把等三名一併於軍  
前正法梟示徧懸平隴一帶以昭炯戒奪獲大小槍礮九



位大小賊旗十八桿火藥鉛子糧食無數至吳廷義等究  
係吳八月餘孽茲雖暫行逃遁而勢力已孤附近苗寨或  
降或勦羽翼盡散並據吳老喬供稱吳廷義於初三日抗  
拒官兵之次已經身帶槍傷其蹤跡更當不遠惟有趕緊  
整頓兵力駕馭降苗設法就獲以期肅清苗境其石柳鄧  
首級現經<sub>臣</sub>等派員傳示黔楚苗疆俾各苗民目擊心驚  
咸知畏懼再行函送

京師以彰

國憲

諭曰明亮等奏官兵連日奮勇殺賊斬梟首逆石柳鄧並生擒石

德壯果公年譜卷五

五

柳鄧之子石老喬賊功獻賊情形此次官兵由貴魚坡大頂坡  
等處分路進剿將賊苗各處木城石卡層層奪據官兵跟蹤剿  
殺四路搜捕首逆石柳鄧頭著槍傷甚重當經梟取首級並生  
獲伊子石老喬並將前獲監禁之伊子石老觀一併解京治罪  
綏靖苗疆賊功完善覽奏深為嘉悅湖南軍務當功屆垂成之  
時明亮鄂輝馳抵軍營後與額爾登保德楞泰遵照指示機宜  
督率有方所向克捷而額爾登保自用兵以來駐劄前敵節次  
首先帶兵殺賊此次賊匪從山溝衝突而出復經額爾登保痛  
加截殺殲戮無算尤為奮勇可嘉德楞泰鄂輝分路領兵亦屬  
奮勉出力現在大功告竣苗境肅清允宜各加懋賞用示酬庸

明亮著封為襄勇伯額爾登保著封為威勇侯德楞泰著賞給  
子爵鄂輝著賞給男爵額爾登保著賞銀一萬兩德楞泰著賞  
銀五千兩即交伊等家屬收領以示優獎勳勞至意所有此次  
打仗滿漢屯土官兵俱著加恩賞給兩月錢糧其在事出力大  
小員弁並著明亮等查明咨部從優議敘用昭獎勵

恭錄

御製詩

明亮等奏報攻克石隆苗寨陣斬石柳鄧大功告成詩以

誌喜

歷歲捷音盼

自上年二月間黔楚逆苗石柳鄧石三保吳半生吳八月等先後勾結滋事福康安和琳等各即總

德壯果公年譜卷五

六

統大兵進剿節次收復永綏鳳凰乾州三廳地方攻克險要寨  
落不可勝計擒獲石三保吳半生吳八月等首逆正法惟石柳  
鄧一犯屢次竄逸負隅抗拒大功未 詰朝露布觀七旬甯祇格  
得卽歲盼望捷音至今已閱兩歲 苗寨久安耕鑿與內地百姓無異朕  
一首正誅完毋已行殲戮 苗寨久安耕鑿與內地百姓無異朕  
從未與內外大小臣工等議及苗疆之事不意逆苗等自作不  
靖將眾焚掠地方甚至抗拒官兵負隅鳴嘯不得不調兵討  
以申國憲而安善民並非予有窮兵黷武之心亦非福康安和  
琳二人有生事貪功之念曲直之理 天鑒昭然予之不得  
已而用兵諒亦可 有慙舞羽千兩臣規畫定 福康安和琳自  
楚屢次克捷苗寨大功已屆垂成乃今歲夏秋二人俱以積勞  
受瘴先後不治實出意外幸賴軍營勦辦機宜及撫馭降苗並  
成功後一切善後章程井井有條規畫已定是以雖兩經事故  
而軍營屹然安整額爾登保德楞泰接辦有所遵循得以肅事  
二將鎮持安 觀望者關係甚要深切馳懷而額爾登保德楞泰  
二人竟能同心鎮定接手辦理不特卡隘防守謹嚴且相機設  
法進攻連次得勝速明亮鄂輝奉命馳赴軍營而額爾登保德



榜泰並不因特派總統有人送爾少存推諉之  
見可謂有勇知方能以國事為重深堪嘉尚  
更復圖環擊仍  
增贊大端 鄂輝曾出師兩金川時明亮為副將軍頗知用兵之道  
事即命彼二人前往統率辦理一切大端固賴其主持調度費  
襄至於奮勇無前鼓勵將士摧堅破敵則額爾登保德勝泰三  
人尤為福康安和琳二人所用隊長熱手出力是以攻克大場  
角茨巖等寨及平隴賊巢又連破養牛塘馬頭山貴魚波諸處  
皆伊二人率先 用長各努力無貳合陳丹鼓勇率羣旅同心協  
眾官險峰如翼上深穴那容盤平隴據前窟貴魚襲後嶺 官兵  
貴魚波苗匪已殲戮過半惟首逆石柳鄧尚在藏匿平隴後山  
相近之石隴寨內額爾登保等連日帶兵由貴魚波大頂坡等  
處剿捕殺 分投進四路采入獨先殲 圍使無逃竄之路方可一  
賊甚多 鼓蕞事定期十二月初五日額爾登保帶兵 左右循頭壓 明亮  
從貴魚波下溝獨先采入賊巢斷其要路 繞圍從尾刊 鄂輝等  
兵由兩又灣繞出石隴左手山梁德榜泰 帶兵繞

德壯果八年譜卷五

出石隴山後四路大兵均於初更時進發所有抗拒官兵之賊  
盡已擊退復有大夥賊匪從貴魚波山溝衝出經額爾登保等  
痛加截 渠思冒險出 石隴寨被後石柳鄧猶思冒險逃出因官  
殺無遺 渠思冒險出 兵四面兜圍愈逼愈近無路可走老幼婦  
子僵仆於山溝田壩之下者不可勝計其時帶兵之巴圖 子乃  
魯侍衛將弁等鼓勇馳入立將石柳鄧砍斃梟首級 子乃  
被生攔 據隨同打仗降苗吳老貴吳老亥生擒石柳鄧之子石  
認明確復派兵搜獲石柳鄧屍身寸磔示眾現將石柳鄧首級  
傳示黔楚苗疆俾咸知畏懼再行函送京師並將石老喬及從  
前所獲石柳鄧之子石 次第視功資 額爾登保德勝泰遵照指  
老觀一併解京正法 示機宜悉心勦辦所向克捷自用兵以來額爾登保德勝泰  
目前敵身先將士二人尤為可嘉而首勇進額爾登保出力  
為多現在大功告竣苗境肅清尤宜各加懋賞以酬勳績因封  
明亮為襄勇伯額爾登保為威勇侯德勝泰為一等子鄂輝男  
爵並加賞額爾登保銀一萬兩德勝泰銀五千兩其打仗滿漢  
屯土官兵俱賞兩月錢糧凡在事出力員弁仍交部優敘以示  
鼓勵欣敢志寬亦由袁素定 前此早沅見辦理苗疆將兩

務思欲將就了事實為失當因剴切諭彼亦自知其非即明  
亮鄂輝初抵軍營亦未嘗無附和卑沅之意在朕之本心原出  
於不得已而用兵惟度事勢斷難於未獲石柳鄧之前即行撤  
兵完局因再四明白宣示令其堅持定志迅速進剿今乃得完  
善厥功此皆 天恩啟牖俾 誠喜眾爭搏本類度之懇 額爾  
朕志有定得以籌策萬全耳 德榜泰二人屢經出兵曉暢軍務自上年臨福康安和琳剿辦  
苗匪以來於一切進止機宜尤為嫻習且能奮勉先登謀勇兼  
備較之斐度之有李 真成項遇韓雙忠悲已渺未得此功看  
慈賞過之無不及也

二十六日

公偕明亮額爾登保鄂輝奏言吳廷義一犯據石老喬供  
稱於大兵攻克貴魚波之次帶傷脫逃偵探蹤跡雖不致  
遠颺第該犯係吳八月之子踞守平隴妄稱吳王與石柳  
鄧均係緊要首逆必須趕緊搜捕立正刑誅隨於十一二

德壯果八年譜卷五

等日分派巴圖魯侍衛鎮將等帶領各兵分投勦捕並通  
傳平隴附近新投苗寨諭以官兵所到如在爾等寨落左  
近查出吳廷義下落立將該寨剿洗蕩平如爾等能將吳  
廷義縛獻亦必重加獎賞旋據三岔坪吳老季吳老生勞  
神寨吳老九吳學貴隴齋公地女村石五保等帶領龍牙  
寨吳老上半冲寨石八總兩又河隴老龍草溪吳老向  
兩岔溪隴五勛票口嘴吳隴首鬼猴溪吳老散莽車吳老  
賈孟水冲廖老黑十八灣麻老二九十九洞吳老四麻里  
灣吳老冬等環跪營門據稱小的等均係平隴附近寨落  
先後投降從前均為石柳鄧吳廷義等挾制不能出力如



今大兵攻克平隴石隆等處石柳鄧已經伏法惟吳廷義帶傷竄逃如搜查過緊惟恐吳廷義情急自斃現有吳八月之姪吳廷梁在小的們寨內如格外施恩准令吳廷梁到來貨其一死吳廷梁即可將吳廷義擒獻等語臣等察看該降苗等言詞真切畏懼萬分情形似無虛捏當即准其所請並將各路官兵暫緩進發悉屯駐遠近山梁備以聲勢十三日午後各降苗等復帶領吳廷梁匍匐來營臣等公同傳見訊以吳廷義下落該犯伏地戰慄據供吳廷義於初三日帶傷逃竄現在藏匿老虎洞地方小的再三勸令回來吳廷義自知造罪重大不敢投出如蒙恩典寬

德世果公年譜卷五

十九

小的一綫生路放令回去不但將吳廷義帶領前來情願同吳廷義將石柳鄧勦散家口一併縛獻以圖贖罪等語臣等當令各降苗公同具保勒限兩日如果將吳廷義及石柳鄧家屬全數擒來准予寬典如有遲逾復經大兵擊獲定將該犯寸磔示眾吳廷梁叩頭應允而去茲於十五日據各降苗等將吳廷義縛送來營吳廷梁隨後復將石柳鄧次子石老二並石老喬之妻隴也三石老二之妻吳喬女石老觀之妻隴也八石老觀之子石隴保一併擒獲前來查吳廷義自吳八月被擒之後盤踞平隴與石柳鄧糾集苗匪抗拒官兵稽誅日久實屬罪大惡極茲幸仰仗

聖主洪福先將首逆石柳鄧臨陣斬梟眾苗震懼吳廷義勢窮力竭竄遁無門旋經生獲洵堪稱快現將吳廷義右膀槍傷撥醫敷治一俟傷痕稍愈即派委文武將該犯同石柳鄧首級一併送京以期俘馘同陳用申國憲惟吳廷梁一犯臣等徧訊降苗均稱向來安分且究係吳八月之姪茲因大兵搜查首逆該犯竟能將吳廷義及石柳鄧眷屬縛獻軍門尙知大義相應恭懇聖恩網開一面不但在吳廷梁功罪足以相贖亦且足令各降苗內反側自安於事似爲有益

德世果公年譜卷五

二十

同日公偕明亮額爾登保鄂輝又奏言竊照平定金川寨內四川各土司名下均有分賞降番向與土兵一律調派本年三月內因楚北教匪滋事經孫士毅將此項土兵奏明檄調嗣因苗疆軍務緊要酌留先到土兵一百五十三名其餘九百餘名即檄赴苗疆隨同進剿所有此項土兵節次打仗殺賊極爲勇往惟緣苗疆山深路險瘴癘薰蒸該土兵等不慣炎熱患病較多現在核計各土弁兵丁除傷亡病故外實存止有一百二十七員名茲當大功告竣自應先行撤回現經酌派將備帶同原來之土舍頭人等分別帶領令其各回本處以示體恤至各土司等屢蒙聖主逾格恩施淪肌髓凡遇征調無不踴躍向前此次該土司



等奉檄之次因原有降番爲數不敷復將土兵挑派足數其瓦寺土司索諾木雍忠派添土兵告請隨征洵爲恭順茲<sub>臣</sub>等因該土舍頭人等旋兵之便即酌備銀牌綢匹等件令其帶回分給各土司以慰其急公誠悃查瓦寺土司索諾木雍忠本係安撫司之職竊竊長官司更噶思丹增甲木楚未經得有花翎如蒙

聖恩俯准將瓦寺土司加給宣撫司職銜竊竊土司

賞戴花翎不特該土司等身受

榮施倍深感戴凡各部落聞之亦必益加鼓舞<sub>臣</sub>明亮額爾登保

德楞泰一俟分兵布置大局稍定即酌分一兩人帶領應

德壯果公年譜卷五

三

撤漢屯官兵馳赴達州一帶剿辦將該處教匪趕緊撲滅

論曰明亮等奏生擒首逆吳廷義及石柳鄧之子石老二石老九

並逆犯家屬全數就獲所辦可嘉之至除額爾登保前已賞戴

雙眼花翎外明亮德楞泰俱著賞戴雙眼花翎並加賞伊等四

人金盒各一箇黃瓣珊瑚豆大荷包各一對小荷包各四箇以

示優獎所有官兵著普賞一月錢糧吳廷梁自知悔罪將吳廷

義及石柳鄧家屬縛獻不但免其治罪並著加恩賞給六品頂

帶花翎仍傳旨賞緞二匹其首先詣營乞降隨同出力擊獲吳

廷義之吳老季吳老生吳老九吳學貴龐齋公石五保石老土

石八總隴老化吳老向隴五勛吳隴首吳老散吳老貴廖老黑

麻老二吳老四吳老冬等俱著傳旨各賞緞一匹俾知鼓勵庶各苗寨知抗拒者法所必加而投順出力者皆蒙恩賚自必望風投款隆圍永殺一路未降苗寨更可不煩兵力相率投誠厥功尤爲安速

嘉慶二年丁巳

公五十三歲

正月初四日

公偕明亮額爾登保鄂輝奏言此次逆苗不法石柳鄧與

石三保首先糾結實爲兇惡渠魁現在石柳鄧家口人等

已經全數被擒而石三保餘孽前據該犯供稱竄匿龍牙

德壯果公年譜卷五

三

半冲地方正當趁此兵威搜查淨盡方足以肅清苗境<sub>臣</sub>

等當經傳集前此擒擊吳廷義之出力降苗令將石三保

家屬查明縛送並曉諭各該苗以爾等兩年以來妄作不

靖悉爲各寨癩苗煽惑所致現在各首逆已經次第殲擒

爾等幸蒙

聖主格外恩施准予投順正應知感知畏從此悔過自新如有餘

贖癩苗務各併力擒獻勿致再遺後患該苗等一經開導

咸能悔悟據稱情願公同出力將首逆家屬並勦散癩苗

賊目人等查拏獻出以圖自贖<sub>臣</sub>等勒限飭辦去後隨

據平隴吳廷梁莽車吳老貴勞神寨吳學貴協同龍牙寨



吳老上半冲寨石八總等將石三保之妻吳老妹長子石滿宜次子石老有幼女五妹一併縛送到營其石三保幼子石老五因竄匿金龍冲地方復經吳隴登帶領降苗將該犯擒住隨後趕送前來 臣等即提齊各犯親加研鞠據石滿宜等所供情節均與石三保原詞一一符合審明之後當將逆犯石滿宜石老有正法梟示以彰

國憲所有苗婦吳老妹及年未及歲之石老五石五妹二名口仍委員押解辰州暫行監禁與石柳鄧家屬一併照例辦理連日以來 臣等復分派將領督率各降苗陸續查獲苗匪隴得保石老三吳老養吳老那石老季石九生石黑

德世果公年譜卷五

三

石把望石把生隴貴隴把總石添才石喬生隴拐雲隴把那隴把七隴老姚石把二楊老溪等十九名均係各路勦散癩苗賊目隨同各首逆糾夥打仗情罪俱極重大一經嚴訊明確即將該犯等處以極刑用示懲儆其吳廷英吳廷玉是否已經勦斃或向在他處潛匿及吳八月家屬人等現在何處 臣等仍駕馭降苗確查下落務期按名就獲不使稍有疎縱致逃法網

同日公偕明亮額爾登保鄂輝姜晟又奏言現在石柳鄧吳廷義等次第殲擒各首逆家屬亦經陸續就獲不但平隴附近苗寨震懾軍威傾心歸順即如永綏鎮筇等處未

降未勦苗寨亦已勢同瓦解 臣等公同商酌自應乘此勝勢趕緊將大路設法疏通如尚有梗阻餘匪再行勦辦數處庶更足以昭懲創隨於十九二十等日一面駕馭平隴一帶苗寨搜拏首逆家屬一面諭以撤退大兵俾令各安生業該降苗等鼓舞歡欣形於辭色 臣等隨察看形勢暫將強虎哨捧風坳等處營卡照常安設分撥鎮將彈壓巡防以為乾城捍衛其餘各營卡先行抽撤官兵六千餘名另供調遣查三廳地方遼闊苗寨眾多自進兵以來除歷次攻勦各寨不計外所有陸續投順各苗其鎮筇四營所屬共計九百二十餘寨約四萬二千九百餘戶永綏協所

德世果公年譜卷五

五

屬共計一千一百餘寨約四萬六千四百餘戶保靖永順所屬共計四百七十八寨約一萬零七百餘戶此項降苗有本來未敢從逆者亦有迫脅附和者亦有先經投順而心存觀望者茲自平隴石隆既克首逆先後殲擒眾心實深震懼可不致再生反側其未降各寨內現惟鎮筇前營所屬香爐山一帶及永綏以至隆團中間之張坪馬一帶苗匪較多正須懾以兵威次第辦理 臣等悉心商酌現在乾州附近苗匪甫經勦定如撫馭降苗搜查餘孽在在均關緊要是以 臣明亮即擬駐劄乾州以資控禦適 臣姜晟於本月二十日自辰州前抵軍營正可將一切撫綏事宜



與明亮會同商辦臣額爾登保德楞泰鄂輝即將前項撤  
出官兵分起帶領由灣溪一路先行疏通鎮筰大道務將  
未降苗寨一律肅清俾被難民人早歸本業凡有應行安  
兵築堡之處隨到隨酌定以便知會臣姜晟分派幹員  
趕緊承辦其永綏一路提臣穆克登阿節次拏營前進已  
過蜡夷坪地方惟緣兵力本單恐後路不能接應臣等因  
查小竹山教匪事竣該處官兵除勒保帶赴川省外尚有  
六百餘名如由銅仁直至永綏甚為近便隨即知會提臣  
珠隆阿剋日帶領此項官兵與穆克登阿會合一處先行  
相機勦辦一俟臣額爾登保等疏通鎮筰之後再由鎮溪  
所一路酌量進兵從永綏保靖邊界直赴花園隆圍沿途  
搜勦如此分投辦理於全局庶為完善

德壯果公年譜卷五

五

諭曰明亮等拏獲首逆石三保家屬並查拏賊目隴得保等分別  
辦理所奏甚是現在祇有吳廷英吳廷玉及吳八月家屬尙無  
下落想亦易於查拏所有擒獲石三保家屬之降苗吳廷梁等  
著明亮等傳旨每人各賞大緞二匹即在軍需項下發給吳隴  
登前已賞給五品頂戴花翎茲又將石三保幼子擒送著加一  
等賞給四品頂戴都司銜亦於軍需項下賞給蟒緞二匹以示  
獎勵所有拏獲石三保之妻及子女等一併解京此時賊首已  
就殲擒所有未降各苗寨無不震懾兵威投款恐後可以無須

攻勦計此旨到時疏通大路各事宜辦理已竣而畢沅亦可到  
彼姜晟現抵乾州明亮等即可將後路各事交與畢沅鄂輝姜  
晟查照和琳奏定章程以次妥辦綏靖苗疆明亮仍酌帶應撤  
川兵迅往太平東鄉一帶督率勦辦額爾登保德楞泰探聽湖  
北黃柏山及鍾祥等處之賊何處亟須添兵協勦即迅往該處  
或分赴長陽鍾祥上緊勦辦

十二日

公偕明亮額爾登保鄂輝姜晟奏言自乾州以至鎮筰大  
路兩旁均係民苗錯處舊有民村塘汎早經苗匪蹂躪焚  
燒及至大兵攻克平隴殲除首逆遠近寨落聞風震懼雖

德壯果公年譜卷五

五

俱陸續投誠而各路無業窮苗及勦散餘匪尙仍盤踞村  
莊希圖占種民田以資餬口其香爐山一帶花苗數十寨  
因有癩苗數人從中煽惑並未投出當此蕞功之次正須  
分別勦撫懾以兵威方使道路肅清民苗安業隨於二十  
五日臣額爾登保德楞泰鄂輝帶領官兵由灣溪一路進  
發歷經茶溪口桿子坪九蘇坪曬金塘三腳巖武定營得  
勝營老蒲壇高樓哨等處沿途拏卡而進逐節分派巴圖  
魯侍衛鎮將等分投搜捕查自茶溪口起直達鎮筰東南  
一帶本來民村極多兩年以來均為苗匪搭蓋草葢占踞  
耕種茲見官兵大至該苗匪等雖不敢併力搜鋒惟緣保



護積藏糧食等件尙復到處放槍抵禦當經督率各兵鼓勇前進槍箭競發凡有首先抗拒之賊無不立時殲斃其餘苗匪俱各拋棄器械長跪號呼叩頭乞命男女不下五六千人<sub>臣</sub>等察看此項散苗誅之既不可勝誅且該苗匪等因各路勦散無歸竄聚於此若一時驅除過急又恐復滋事端當即准令投誠剴切曉諭並令隨營新點苗弁及附近降苗徧加開導如果伊等誠心投順不敢為匪限於三日內各將糧食器具等件聽其撤回原住寨落毋許在外滋事其中如有實在窮無可歸之人即將苗地內查出之漢民所占地畝給予安插各苗聞信之下無不感激

德莊果公年譜卷五

五

歡欣扶老攜幼各歸原寨者晝夜不絕所有香爐山附近未降花苗因聞官兵已到得勝營高樓哨一帶自知力不能支即邀約釀水沱司門前等處四十餘寨相率全投<sub>臣</sub>等亦用好言安撫並令將各寨現有癩苗按名縛送以憑懲治該苗等俱各叩頭應允情形極為畏服<sub>臣</sub>等辦理甫定即由高樓哨進抵靖疆營距鎮筸三十餘里惟時總兵富志那同知傅鼐帶領官兵先於花溝田駐劄一經得信即從花溝田直抵靖疆營擊卡會合<sub>臣</sub>鄂輝復帶領同知傅鼐連夜從高樓哨前赴小鳳凰營沿途查勘地方均屬甯靜三十日回抵得勝營<sub>臣</sub>等公同商酌即將大路應設

營卡適中布置以聯聲勢所有占居民地各苗俱經如限搬移並無潛匿<sub>臣</sub>明亮同<sub>臣</sub>姜晟於大兵肅清一處隨即分派文武將乾州附近搭棚樓止難民令其乘間復業兩三日來已不下二千戶並派委辰沅道成甯督率委員認真安撫其前項散苗亦令該道責成各苗弁一併查明妥為安插務期各謀廬井無誤春耕

德莊果公年譜卷五

五

諭曰明亮等奏官兵連日捕勦餘匪鎮筸大路一律疏通一摺所辦俱好總之攻克平隴俘擒首逆苗眾失所倚恃無不震懾聲威投款恐後鎮筸既已疏通其永綏隆團一路未降苗寨自必相率乞降無須攻勦苗疆大局已定計此時明亮等早已辦竣畢沅亦已到彼一切安撫綏輯善後事宜交與畢沅姜晟鄂輝照和琳奏定章程會同妥辦以期永靖苗疆  
同日公偕明亮額爾登保鄂輝姜晟又奏言查吳廷義就獲之後該犯右膀帶有槍傷當經撥醫敷治茲受傷處所業已漸痊似此緊要兇渠未便令久延殘喘自應遵照前旨將該犯解京處治以快人心至石老喬石老二石老觀石老九四犯均係首逆石柳鄧之子<sub>臣</sub>等現在派委乾清門侍衛副都統阿哈保等酌帶文武員弁將吳廷義暨石老喬等共五犯一同管解進京其石柳鄧首級現在傳示已徧亦即一併函送



十四日

諭曰英善等現在達州勦賊宜縣甫至太平東鄉賊匪因無兵駐守乘間搶占縣城實爲可惡現在宜縣先將太平之通天觀等處之賊勦除廓清後路再行收復東鄉並以達州距該處甚近兵力較單飛飭索費英阿繞道前往與觀成英善兩面夾攻所辦尙好至延綏及甘洮各營內酌調官兵二千名赴川會勦一節陝甘地方關係緊要亦未便多有調撥現在湖南苗疆已定前曾降旨令明亮帶兵赴川額爾登保德楞泰帶兵分赴長陽鍾宜一帶今思黃柏山一路已有勒保帶領貴州之兵到彼與福甯等會合足敷搜捕而鍾宜一路惠齡到彼連得勝仗痛殲

德壯果公年譜卷五

五

賊匪此時川省正關緊要著明亮等酌量如此旨到時湖南永綏隆圍一帶道路一律疏通祇須酌留官兵駐守明亮額爾登保德楞泰三人竟帶領得勝之兵取道速赴東鄉併力勦賊如湖南尙須兵力彈壓則明亮額爾登保德楞泰三人內酌留一人帶兵駐彼其二人卽帶應撤各兵赴川會勦又惠齡乘得勝之勢四面兜截能將姚之富等拏獲則卽有一二逸匪易於搜捕該處帶兵大員甚多不妨酌留一二人與汪新等查拏餘匪惠齡亦卽同帶兵各員率領得勝勁兵就近由鄖陽赴川協勦但明亮等到彼尙須時日宜縣現在太平將通天觀等處賊匪撲滅卽可速赴東鄉先行籌辦諒不肯坐待明亮等到彼始行

會勦至所謂陝甘各兵一時未必卽能到齊明亮等帶兵由湖南取道西陽涪州前往自必迅速著宜縣接奉此旨酌量情形如所調陝甘兵丁不便停止卽當聽其來營協勦嗣後再不可另有添調若明亮等到彼兵力已敷卽當將續調陝甘各兵就近先令歸伍以重地方

十八日

諭曰觀成等奏賊匪復犯東鄉官兵眾寡不敵致被搶占並戕害文武各員竟不成事前據宜縣奏將太平通天觀等處賊匪勦除卽行收復東鄉此時自己早抵該處今據觀成等奏到情形賊匪人數眾多勢較猖獗英善等此時兵力既不敷調撥惟當

德壯果公年譜卷五

三

加意固守轉不得冒昧輕進致有損失卽宜縣所帶兵力亦屬無多仍須留心慎重不可稍涉大意前所謂陝甘兵丁應卽催令迅速前赴該處以便併力攻勦昨已諭令明亮額爾登保德楞泰三人卽帶苗疆軍營撤回湖北之兵前赴襄陽一帶會勦今東鄉尤爲緊要亟須剋期撲滅該處帶兵大員本少而英善等又未經軍旅之事著明亮德楞泰二人接奉此旨將四川應行撤回駐防綠營屯土各兵先帶數百名馳赴東鄉其餘應撤各兵另派將領亦卽隨後分起迅速續往明亮等到彼務須會同宜縣觀成英善等痛加勦洗將賊眾悉數殲除至惠齡一路卽著額爾登保帶領撤回湖北兵丁速赴襄陽會同兜勦庶兩



處皆有多兵合擊可期迅速集事

二十一日

公偕明亮額爾登保鄂輝姜晟奏言查永綏一廳四面皆苗地方遼闊較之乾鳳兩屬寨落更多自廳城迤北以至隆團數十里內節節均有逆苗梗阻殲除本為費手其自乾州以至永綏從前和琳所奏善後章程本擬於軌者一路築堡安兵以資聯絡臣等查核形勢惟軌者地方向在邊牆舊址以內將來事竣後如於該處築堡留防情形殊有不便而往來舊路亦不可任令阻滯正須通融辦理是臣等再三籌議先經傳集該處降苗令由仙鎮營寨陽

德杜果公年譜卷五

三

軌者黃腦寨等處沿途安設苗卡進抵高巖提臣穆克登阿亦分派降苗由高巖擊卡會合現在軌者一路業已來往相通自毋庸駐兵苗地之內以致苗民疑懼惟自鎮溪所起由喜鵲營以至保靖實為苗疆沿邊大路在軌者之外如於喜鵲營一帶酌量築堡安兵頗為扼要臣等連日以來分派將弁帶領官兵先由鎮溪所起疏通五十餘里進至喜鵲營均經安設營卡臣額爾登保德楞泰即日添帶官兵由喜鵲營前赴保靖直抵花園隆團將所有未降未剿餘匪懾以聲威逐加搜捕使永綏大路苗民歸束有方而保靖所屬土苗亦可順道查察庶辦理更為周匝至

由永綏以至隆團一路現在據報提臣穆克登阿珠隆阿

等已從蜡夷坪整兵前進攻剿大小排吾所有抗拒逆苗殲斃甚眾苗目麻季三麻滿東等畏懼兵威節次帶領椿木寨麻腊寨章口寨廣車寨油麻寨董馬寨龍門寨等三十一寨苗民叩頭乞命經該提督等一面妥為駕馭一面擊卡進發計算隆團道路可期剋日廓清惟念該處逆苗屯聚日久茲當蕩功之際不但疏通道路不便稍遲且其中所有滋事為首逆苗寨落必須再加剿辦數處方足以永靖苗疆並查補抽夯尙等處均係永綏著名大寨與鴨保一帶苗寨毗連自進兵以來緣各該寨相率投誠未加

德杜果公年譜卷五

三

兵力茲臣等復另派巴圖魯侍衛西津泰總兵達音泰帶領官兵分由補抽一路前進務將沿途已降各寨實力撫馭庶各苗民知感知畏不致再行滋事凡有應行安兵防守地方及應剿撫事宜統俟臣額爾登保德楞泰到彼與穆克登阿等會合後隨時相度情形認真籌辦至臣額爾登保德楞泰等既已分兵前進所需糧餉軍火等項臣姜晟惟有揀派幹員分投料理以資接應並將一切善後事件實力經籌不敢稍有遲誤其得勝營一路營卡甫經安設定局而所屬花苗內尙有從前滋事癩苗必須設法搜捕是以臣明亮鄂輝酌量留駐乾州以便督飭官兵降



苗將應行查辦餘匪乘此兵威嚴行搜捕務期根株淨盡至各路官兵除留防之外本應次第抽撤而四川湖北兩省本地均有教匪滋事尤應趕緊撤回臣等公同商酌現將已經撤出之川兵二千名先派川北鎮總兵朱射斗副將長春等督率將備分起帶領回川用資協剿臣明亮一俟永綏道路疏通川兵全數撤出再行親自帶領前赴達州亦不致有稽時日臣額爾登保德楞額泰侯永綏事竣自當遵

旨探聽湖北教匪情形或分赴長陽襄陽或同赴一處肅清一路再赴一路

德壯果公年譜卷五

三

同日公偕明亮額爾登保鄂輝姜晟又奏言查官兵自攻克平隴石隆節次殲擒渠逆惟吳廷玉兄弟為平隴著名緊要逆犯未便久令稽誅必須一併嚴查務獲以清苗境是以臣等於疏通鎮筵之後回駐乾州復通傳附近降苗嚴切曉諭並酌派副將德甯帶領熟悉苗情之都司傅朝林等及新放苗弁吳老貴吳廷梁等以安撫苗民為詞到處密加搜捕並令其沿途善為撫馭止在搜拏要犯毋許令已降各寨致啟驚疑嗣該員等行抵半冲據吳老貴等探明吳廷玉吳廷英兄弟均在該處巖洞內藏匿當經官兵苗弁一併上前拏獲於初八日縛解前來臣等研訊後

隨將吳廷玉吳廷英二犯押赴平隴起事地方凌遲梟示以示炯戒又據戈乍交地方降苗楊長才送到石老五一臣名訊係石柳鄧之孫石老觀之次子現年十一歲臣姜晟即派員押送辰州交臬司清安泰暫行監禁與前獲各首逆緣坐家屬一併詳請解部辦理

諭曰此次額爾登保德楞額泰帶兵由喜鵲營前赴保靖直抵花園隆團將未降未剿餘匪懾以聲威自必相率投誠道路可以一律疏通而穆克登阿等從蜡夷坪整兵前進將大小排吾抗拒逆苗殲斃甚眾其餘苗寨紛紛投出乞降苗疆剋日廓清至明亮等奏擒獲逆匪吳廷玉吳廷英等審明辦理一摺所辦亦好其送信降苗吳老貴率獻石柳鄧幼孫石老五之降苗楊長才均著優加獎賞以示鼓勵

二月初四日

德壯果公年譜卷五

三

諭曰惠齡等帶領官兵分路截剿殲賊二千餘人生擒二百餘人現據獲犯供稱強壯賊匪尚有五六千人姚之富劉起榮張富國等想逃入河南陝西境內等語該處賊匪屢經官兵剿殺尙有五六千人必當速將首逆姚之富等生擒則餘匪自可解散此時西北一路經惠齡等分派弁兵截殺賊匪俱向東南逃竄不能闖入豫境但總須嚴密防範不可稍存大意再前經降旨令額爾登保帶領湖北應撤各兵即赴惠齡一路協剿嗣據奏



行抵保靖因雪大暫駐花園此時想已晴霽如此旨到時苗疆諸事全竣額爾登保當速赴襄陽一帶協剿若額爾登保一時不能分身不妨先派鎮將帶領湖北之兵北旋正可迎頭截殺再明亮等駐劄乾州督拏滋事癩苗此時諒已辦竣所有善後事宜有畢沅姜晟鄂輝三人足資料理明亮德楞泰帶領應撤之兵速赴東鄉達州自更得力至黃柏山賊匪久經圍困著傳諭福甯務宜相機設法擒獲林之華覃加耀穢淨餘匪即帶得勝之兵迎赴襄陽一帶協同剿辦

初七日

公偕額爾登保奏言臣等帶兵疏通保靖永綏道路由花

德壯果公年譜卷五

五

園行抵隆團苗匪投出甚多其先經隨從總兵蘇靈張廷彥之降苗亦俱會合臣等曉以利害皆知畏懼當即賞給銀牌仍令各回原處查路通永綏之兩旁山梁賊匪俱築立木城石礮以為抗拒之計其路左河邊有大寨一座詢係永綏廳屬之張坪馬寨現因賊目麻普六隴長受等將定牛等二十餘寨未行投出苗匪併各處勦散窮苗勒令屯聚各山梁抗拒大兵查臣等自擒殲石柳鄧後鎮守所屬苗人各知感激向化安靜無事現在永綏逆匪黨類若不加以勦殺無所懼二十四日寅刻先派綸布春豐紳蘇靈帶領巴圖魯侍衛等帶兵由定家坡渡河扼其逸路

臣額爾登保等帶同張廷彥楊遇春宋延清等兩路分進賊匪俱近至河邊對岸施放槍礮我兵及鄉勇降苗奮勇爭先槍箭齊發一面進剿一面渡河賊匪力不能支俱向定牛等寨奔竄綸布春蘇靈等乘勝追趕斃賊三十餘名臣等帶領兩路兵丁將張坪馬賊寨圍住接戰一晝夜賊匪抵死抗拒至次日已刻官兵奮力前進拋擲火彈焚燬寨落將賊匪全行燒斃查該處屯聚之賊雖有二千餘名若永綏道路一經疏通此等賊匪自易於辦理隨飛咨穆克登阿等令其整齊兵丁由永綏之董馬地方前進兜剿十五日

德壯果公年譜卷五

五

公偕額爾登保奏言二月初二日臣等分兵兩路由張坪馬左右進發兩邊山坡之上均有賊匪築卡守禦排列放槍我兵鼓勇競進連克賊卡八九處槍箭所到斃賊極多並將巖料寨沙子坳塘口寨古老橋等處苗匪痛加勦戮直抵鴨保寨地方查鴨保寨之前復有橫河一道臣等兩路官兵甫抵河岸即聞隔河槍聲絡繹維時穆克登阿與西津泰達音泰等帶領官兵由董馬進發連將牛坡寨旁彩寨等處苗匪痛加勦殺逼至河壩臣等復分兵堵截斃斃無數並督率官兵伐木搭橋與穆克登阿等合兵一處隨有鴨保寨苗石季三丁牛寨苗石總四雞彩寨苗隴添



生等率領該寨苗眾前來乞降據稱我等自聞大兵攻克平隴就想出來投降因爲麻普六隴長受等來到鳴保寨一帶迫脅我們幫阻道路所以不能投出如今麻普六隴長受等因見官兵前日燒了張坪馬心裏害怕連夜逃走我們今日才敢出來等語臣等當將石季三剴切曉諭並令查明如有附近未降寨落一概帶出准其投誠該苗等更加感激悅服而去次日午後復據石季三等將柳斗等處二十餘寨一併帶至營盤臣等各加安撫情形均極感畏惟查自隆團以至永綏萬山層疊苗寨眾多此刻道路初通苗情甫定必須酌量留兵以資防範臣等現因穆克

德壯果公年譜卷五

三

登阿於董馬寨一帶山梁暫行駐劄其張坪馬地方卽令永州鎮蘇靈帶兵移駐凡有中間相去十數里或四五里緊要山梁每處另行分派將備接擊營卡以聯聲勢現在三廳道路一律疏通遠近觀望苗眾無不立形瓦解所有應設苗弁臣等現今辰沅道成甯永綏廳王廷瑛等趕緊傳喚齊全擇其向隨官兵打仗守卡出力者次第點放如尚有散竄窮苗仍責成該苗弁等分投查辦俾知約束同日公偕額爾登保又奏言自鎮寧乾州兩路次第勦辦之後凡有不法匪苗均借永綏一隅爲遁逃淵藪並思抗拒官兵以延殘喘嗣臣等移兵永綏恐該苗匪等復於黔

楚交界處所肆行紛竄節次札飭駐劄松桃總理道員承勦駐劄木樹知府吳桂等如有勦散緊要賊目一體嚴密查拏茲查有米羅汎賊目石花延石花保二名係幫同石柳鄧首先起事節次糾眾燒搶松桃秀山等處最爲兇悍茲據知府吳桂訪查該犯於前月內潛回米羅本寨卽帶領守備馬占魁督率新放苗守備隴巖二等出其不意帶兵過河將該二犯及白果樹苗匪石保四巴茅坪癩苗隴五月寄草溝苗匪隴老四隴老滿同時拏獲押解到營訊據石花延石花保供認從逆起事各情節不諱其麻普六隴長受二名經官兵將張坪馬苗寨攻克竄至永綏五里

德壯果公年譜卷五

三

地方知府吳桂聞信卽帶領文武各員跟蹤擒捕當將麻普六隴長受及麻普六胞弟麻添保堂弟麻老養一併拏獲親自押解送至永綏經各降苗指認屬實查以上石花延石花保麻普六隴長受四犯均係著名爲首賊目臣等審明後卽將各犯正法示眾又吳廷禮之子吳有富日久在逃經臣等各路遣人躡緝茲於半沖地方與石三保胞兄石老晚一併爲降苗縛獻查該犯爲吳八月長孫附近苗匪因該犯年輕剽悍頗爲歸附今旣擒獲卽令押赴平隴與石老晚一同正法示眾以期根株淨盡諭曰額爾登保等奏疏通道路及酌撤官兵所辦均合機宜其另



奏擊獲賊目一摺所辦亦好所有搜獲出力之苗守備隴老觀苗千總田大同俱著優加獎賞其縛獻石老晚之降苗亦著查明獎賞

同日公偕額爾登保又奏言查楚北襄陽教匪於屢經剿殺之後尙敢四路奔竄前接惠齡等咨會當將乾州鎮守附近分駐之荆州滿兵一千七百餘名及陸續撤出之綠營官兵二千餘名令將軍興肇及副將劉廷基等分起由水路前赴襄陽以資分派臣額爾登保即行起程速赴楚北如尙有應行添帶官兵之處俟路過乾州再於廣東廣西兵丁內酌撤一二千名隨帶前去以期得力至黃柏山

德壯果公年譜卷五

聖

一路已有勒保帶領貴州之兵到彼與福甯會同足數剿捕惟聞該處山路亦極險峻恐尙須添兵力茲查有原駐花園後路之宜昌施南等處官兵應行撤回者約計尙有二千餘名現令宜昌鎮總兵張廷彥帶回本處並知會福甯等如果需用即可就近酌調臣德楞泰遵

旨與明亮同赴達州協力剿辦所有川省官兵除前派川北鎮參射斗副將長春等帶回二千餘名外現在苗疆尙有三千餘名已全數撤出即日統交提臣穆克登阿總兵達音泰等督率將領分起行走並於原調之五寨屯兵內挑出五百名兩金川降番內挑出一百名一併帶往其餘病弱殘

廢者悉行遣回以示體恤

二十二日

公偕明亮鄂輝奏言官兵自本月初四日疏通永綏道路以後即起緊將張坪馬沙子坳董馬等處營卡安設齊全臣額爾登保因大局布置已定而襄陽一帶剿辦教匪正當緊要之時未便稍爲耽擱隨於初八日自永綏起程取道鎮守順便再將該處所屬苗匪妥爲駕馭一俟應行帶赴湖北官兵全數撤出即由鎮守辰州馳赴襄陽臣德楞泰駐劄永綏連日各路苗眾接踵來見者每日不下二千計臣德楞泰會同穆克登阿傳集各百戶寨長等曉以

德壯果公年譜卷五

聖

利害該苗等無不叩頭感服其中凡有辦事出力之人卽令辰沅道成甯詳細查核將應放苗弁層次拔補情形更爲踴躍至苗民本來窮苦生計無多今蒙

聖恩准將苗地內漢民所占田產仍給苗民耕種自可漸臻充裕然兩年以來廢時失業目下大兵甫撤尙未能遽盼秋成從前該降苗等全仗隨同官兵打仗及分守卡隘得有鹽糧以資餬口計自福康安和琳等進兵後情願出力降苗不下三四萬各路分布實因收此散苗免爲賊黨在攻剿喫緊之際不得不權宜辦理嗣經臣等逐漸裁撤而實在緊要地方尙與官兵相間安卡藉爲防範茲當大功甫竣



未便全數撤裁現擬將三廳大路及苗地內應設苗兵塘  
汎之處仍行留防統俟各苗民等漸歸耕作棲止有資再  
爲次第安插現在達州一路教匪滋擾必須厚集兵力剋  
日剿除臣明亮德楞泰自應仍遵前

旨帶兵赴川以期迅速集事是以現將應撤川兵三千餘名分起  
間日進發臣明亮卽帶頭起官兵定於十三日自永綏起  
程臣德楞泰俟川兵全撤隨後督催前進並於撤回滇兵  
內擇其與川省較近營分挑出三千名一併帶往臣鄂輝  
前接額爾登保等知會卽於初八日自乾州起程由鳳凰  
營一帶順道查閱營卡於十一日來抵永綏所有應辦善

德壯果公年譜卷五

聖

後事宜務期與德楞泰趕緊商推以便接手經理

諭曰明亮等奏撫集永綏一路苗眾並料理分撤官兵所辦各合  
機宜明亮將應撤川兵三千餘名分起間日進發自永綏起程  
德楞泰俟川兵全撤隨後督催前進並於撤回滇兵之內挑出  
三千名一併帶往著傳諭明亮德楞泰務須加緊行走迅速到  
川勿稍遲延再前據額爾登保等奏苗疆各汎應留兵二萬名  
分別駐劄除湖南本省現有八千名外於兩廣雲貴等省酌留  
兵一萬二千名以足二萬之數等語苗疆甫經戡定雖應留兵  
彈壓但首逆俱已就擒餘匪亦經搜獲苗眾畏懼道路疏通况  
提督現已移駐辰州聲勢聯絡所有雲貴兩廣之兵在彼久戍

恐多未便著傳諭畢汎等務隨時察看情形若能將此項留駐  
兵丁早撤一日俾得早歸營伍更爲妥善

同日公偕明亮又奏言四川西陽州屬秀山一縣界連黔  
楚苗疆道路叢歧幅員遼闊自前年苗匪滋事前督臣和  
琳統兵征剿進抵松桃與福康安會合所有秀山之沿邊  
一帶如濫橋巴家汎邑梅晏農迓架場洪安峨容等處均  
經留駐官兵並招募鄉勇以資堵禦茲當苗疆已經戡定  
雖非如楚省三廳及貴州松桃所屬尙須重兵彈壓者可  
比第查秀山爲川省門戶凡有被擾民村復業未久亦必  
酌量留兵捍衛是以臣等除現將各營分留駐秀山之兵

德壯果公年譜卷五

聖

概行撤赴達州外其綏甯本營兵丁六百餘名卽令參將  
王楷照常駐守並於原募鄉勇內再挑選一千餘名按給  
鹽糧均勻安設並留派遊擊周榮廷守備王朝伸千總楊  
勝傑等帶領駐劄各卡庶撤兵之際不致邊境驟覺空虛  
惟是綏甯額兵祇有六百一十一名分防西陽秀山兩處  
原設參將一員駐劄秀山守備一員駐劄西陽其餘千總  
二員把總四員外委六員額外委一員存城分汎一併  
在內不但兵力無多且該管將備亦有鞭長莫及之勢相  
應請

旨將綏甯營參將改設副將一員作爲綏甯協分左右兩營添設



協標中軍都司一員帶領千總把總各一員外委二員額  
外外委二員兵三百五十名駐劄縣城其中軍都司即兼  
管左營事管轄兩汛內平塊汛請設把總一員駐兵五十  
名平茶汛仍設外委一員駐兵三十名其迤架場一處在  
縣城東南為通往黔楚要路應請於該處添設守備一員  
把總一員外委二員額外外委一員兵一百五十名作為  
右營管轄四汛內洪安汛改設千總一員駐兵五十名峨  
容汛添設千總一員駐兵六十名石堤汛仍設外委一員  
駐兵三十名石耶汛請設把總一員駐兵四十名又邑梅  
一處在縣城西南亦與苗疆接壤距城六十餘里請添設

德壯果公年譜卷五

聖

守備一員把總一員外委一員額外外委一員兵一百二  
十名作為分防邑梅營管轄三汛內晏農請設千總一員  
駐兵五十名巴家汛改設把總一員駐兵五十名濫橋汛  
請設外委一員駐兵三十名如此均勻布置則秀山沿邊  
一帶自西南之濫橋地方起至東南之峨容地方止縣長  
一百數十里聲勢較形聯絡至酉陽州屬不但逼近苗疆  
兼與湖北之施南府屬壤地相接山深路雜最虞匪類潛  
蹤稽查亦殊緊要原設守備一員不足以資彈壓應請添  
設遊擊一員帶領千總一員把總一員外委一員額外外  
委一員兵二百五十名駐劄州城作為酉陽營管轄四汛

內大溪一處界連楚北應請將原駐酉陽守備移駐大溪  
添設外委一員駐兵一百名興隆坪請設千總一員駐兵  
六十名龍潭改設把總一員駐兵四十名龔灘仍設外委  
一員駐兵二十名以上共計將備各官除原設額缺之外  
現在請改設副將一員添設遊擊一員都司一員移駐守  
備一員添設守備二員千總外委各官除移改外添設千  
總四員把總四員外委五員額外外委四員比較原額兵  
丁新添八百六十九名共兵一千四百八十名此項應募  
之兵請即於現有鄉勇內擇其槍箭嫻習年力精壯者如  
數挑補統俟挑選足額察看黔楚苗地日漸收甯即將挑

德壯果公年譜卷五

聖

定額兵按照營汛安設防範其現留之鄉勇一項即令裁  
撤以歸節省奏入  
上命軍機大臣會該部詳議速奏旋經軍機大臣等議覆如所奏  
辦理

上從之

同日公偕明亮又奏言查黃柏山教匪已經官兵連奪賊  
卡嚴密攻圍茲又將隨征苗疆之宜昌施南等處官兵酌  
派二千餘名交總兵張廷彥帶回聽候福甯酌量調用想  
該處賊匪可期剋日殲除惟達州一路教匪節據觀成英  
善等知會自東鄉失陷賊勢較張近日又與巴州屬之方



山坪王家寨土壩營教匪勾連起事自達州以至太平大路亦有梗塞查川省民情向來喜事遊惰之輩亦多而巴州等處界連楚陝地方遼闊尤爲藏奸淵藪若非厚集兵力剋日剿除設再有蔓延關係甚重臣等權宜緩急自應帶兵赴川以期迅速集事是以現將應撤川兵三千餘名分起間日進發臣明亮卽帶頭起官兵定於十三日自永綏起程臣德楞泰俟川兵全撤隨後督催前進並查此次苗疆所調滇省官兵幾及二萬除現在酌留二千名外其餘概應撤回臣等公同商酌因達州大路教匪旣形猖獗應於撤回滇兵內擇其與川省較近營分挑出三千名一

併帶往實爲便捷

諭曰明亮等奏將應撤川兵三千餘名分起間日進發於十三日自永綏起程德楞泰俟川兵全撤隨後督催前進並於撤回滇兵之內挑出三千名帶往務須加緊行走迅速到川額爾登保先經起程前赴楚北亦應加緊進行本日據景安奏賊匪分爲兩股一由山路奔往東南一帶慶成等帶兵前往抄擊一向南竄惠齡恆瑞帶兵壓追此股向南奔竄之賊諒姚之富等自必在內是以惠齡親往壓追惠齡等惟當倍加奮勉務獲首逆迅奏成功

德壯果公年譜卷五

聖

德壯果公年譜卷六

次孫花沙納恭纂

時苗疆戡定而達州賊氛甚熾公旣奉

命偕明亮迅速起程遂一意赴川勦辦邪匪矣

嘉慶二年丁巳

二月二十四日

公奏言臣於二月初八日行至新甯接據觀成英善飛札

內稱張家觀賊巢業已攻克東鄉縣治亦經收復賊匪現

據金莪寺勢仍猖獗令臣將現領川兵卽赴金莪寺之西

勦堵臣卽同提臣穆克登阿鎮臣達音泰於初九日馳抵

德壯果公年譜卷六

十一

楊柳坪軍營面晤宜縣觀成英善會商進勦事宜適接明亮札知現在賊匪在金莪寺負隅抗拒詢之士人均稱東鄉祇須嚴密堵禦並無鄰近賊巢路徑可以進攻現查馬伏山緊臨金莪寺之上如在彼紮營安兵向下壓攻最爲扼要臣所帶川兵三千名先因金莪寺之南兵力不敷卽經派撥五百名交遊擊沈宗文帶領在白瓦溝添防又查達州兵力甚單東鄉所屬之羅江口在金莪寺之西亦係達州緊要隘口亦派留五百名交參將胡尙賢帶赴添防所餘川兵二千名臣卽帶領於十三日前赴馬伏山軍營會同籌勦其後到之滇兵現已飛催迅速行走臣惟與明



亮宜縣等和衷熟籌趕緊辦理

三月二十五日奉

旨陞授鑲黃旗漢軍都統

四月初七日

公偕明亮宜縣奏言查雞爪嶺爲賊巢正東一帶門戶自經官兵奪據扼其咽喉料賊匪定來攻撲當飭鎮<sub>臣</sub>朱射斗艾如文等率川陝官兵及綽斯甲並五寨土兵於雞爪嶺之上連營分駐又撥鎮<sub>臣</sub>索費英阿所帶之兵於碁盤石拏卡二處聯絡聲勢適<sub>臣</sub>德楞泰已自楊柳坪一路察看地勢於十八日馳抵馬耳峯軍營與<sub>臣</sub>明亮宜縣會同

德壯果公年譜卷六

親履各處查閱營卡二十一日丑刻賊匪率眾分路前來每路約千餘人由大冉家堙口陳家坪龔家灣四處直撲雞爪嶺各營另一路直衝碁盤石卡座<sub>臣</sub>等督率將弁帶兵分投進剿因時在昏夜恐雞爪嶺山徑溝壑難辨飛飭艾如文朱射斗等先用大小礮轟擊誘賊上嶺然後突出勦殺比賊匪行至嶺下見官兵不卽出敵以爲得計分燃火炬一擁上嶺該二鎮率將弁及屯土各兵同聲吶喊衝出營盤槍箭刀矛奮力攪殺當將四路前隊賊匪二百餘人盡行殲斃後隊之賊卽回身捷走時天色將曉官兵乘勢下壓賊眾益形錯亂拋棄器械及追至嶺下副將長春

曾於十三日殺賊時得受槍傷猶復率千總何化龍等催兵追擊沿途又殺傷數十人其衝撲碁盤石一路之賊經達音泰索費英阿等領兵緊對賊人來路用槍礮轟打擊斃甚多賊匪始退該二鎮仍帶兵衝殺下山賊從寨內擁出多人接應抗拒迨見攻撲雞爪嶺四路之賊俱各狂奔敗回眾賊始奪路亂逃敗入寨去計殺斃五百餘人割獲首級七十一顆生擒王作虎吳國良庾有才黃添佑等四十四名奪獲槍矛器械九十二件大小礮三位<sub>臣</sub>等當將出力弁兵逐一獎賞仍令各營卡兵勇嚴密守禦次日巳刻賊匪復率二四千人直撲萬古樓鄉勇卡座查該處在

德壯果公年譜卷八

三

賊巢東北因官兵不敷分駐<sub>臣</sub>等於鄉勇中挑取奮勇者三千人訓練鼓勵派外委劉邦華鄉勇頭羅恩舉王道益等管領設營堵禦賊匪不能東竄希圖西擊該鄉勇等在卡望見卽分隊排列山腰併力轟擊賊始稍退又分一股欲從山溝繞至山後衝撲經<sub>臣</sub>等派侍衛溫春富僧德都司蒲尙佐等帶領策應之兵勇由馬耳峰溝底迎頭截殺鄉勇等亦自上下壓首尾夾擊賊人情急穿林越澗四處奔逃除兵勇分投追殺五十餘名之外所有攔截溝內之賊痛加殲戮所餘無幾並生擒符士貴王登明李有貴等十七名<sub>臣</sub>等逐一研訊據供該首逆等欲命執旗頭人於



附近村莊焚掠糧食何處營卡可以衝開卽向何處搶掠又聽得首逆等計議以金莪寺山勢陡險可以屯聚又欲派人暗從西南山陰取道往明月場羅江口搬搶糧食並欲邀合王家寨方山坪兩處屯聚之賊入夥可以固守拒敵官兵等語臣等核其情辭似屬可信羅江口一帶現因兵力短少分駐鄉兵雖多究不足恃自須急爲籌畫適後起川滇各兵俱已行抵達州因卽令提臣穆克登阿副都統銜巴圖魯西津泰等前往率領相地分布以堵賊人西竄並飛飭該處守營將弁留心防範茲於二十四日據參將增順遊擊王霖等稟報二十二日有賊匪二三千人至

德壯果公年譜卷六

四

重石子地方焚掠該參將卽率兵勦堵截殺多人賊人退據重石子山顛屯劄遊擊托克托布因奮勇殺賊臨陣捐軀遊擊薛大烈亦殺賊受傷尙不甚重臣等伏查金莪寺賊巢四面山巒綿亘南至新甯一百四十里東至開縣二百六十餘里北至太平縣二百五十里西至達州一百四十里方山坪王家寨一百八十里賊人情急分竄在所不免萬一進攻太急致賊人向山間小道奔逃恐未經被擾村莊復被蹂躪總須先將四面隘口一一分防妥帖使賊匪驅歸一處無路潛逃然後將各營卡向前挪移漸逼漸緊以期一鼓殲擒至連日各路打仗受傷陣亡兵丁容俟

查明咨部其生擒之王作虎符士貴等六十一名卽行正法梟示再現在圍剿賊匪四路安兵周圍道路遙遠各路軍火軍糧最關緊要查達州爲糧餉總彙運撥之所不可無大員督率運籌臣等公同商酌臣英善應在達州駐劄督催分運臣觀成奎舒勒禮善分駐達州東鄉緊要隘口稽查後路遇有急需堵剿之事卽可就近派撥臣明亮宜繇德楞泰駐劄前敵相機籌剿又查王家寨方山坪二處賊匪經總兵百祥署遊擊羅維定國等分投堵剿茲據百祥稟稱王家寨西北之鮮家坪鷹背嘴一帶係通方山坪大路賊匪屢思竄合經都司李洲守備蘇維龍千總馬國柱等分帶兵勇連營扼要已有圍攻之勢又據羅維定國稟稱賊匪連日出擾附近方山坪之觀紫寨等處經該都司率領兵勇極力堵截賊匪不敢復出惟該二處兵力尙單未便冒昧進剿臣等趕緊籌商俟四路營卡分設妥密卽當酌量抽撥分往協剿

德壯果公年譜卷六

五

二十一日  
公偕宜繇明亮奏言查金莪寺清溪場兩路賊巢地勢雖俱陡峻而清溪場局面較小屯賊不過四五千入若金莪寺則南北西三面皆係危崖峭壁惟東面冉家垭口稍覺平衍稻田環繞水深沒膝由小路盤旋而上山頂寬廣約



三十餘里周圍樹立木城木城之內又有土牆一道高有丈餘包絡山峰十一座寨勢甚爲險固屯賊二萬餘人二十七日大霧瀾漫清溪場之賊來撲清溪口營盤經柯藩明興督率參將王清弼等帶領兵勇出營截殺殲斃甚多金莪寺賊眾亦撲中山頭大卡經守備張東林竹谿縣典史道玉岷督率兵勇竭力堵禦賊匪恃其人眾不肯卽退臣等卽派總兵達音泰巴圖魯侍衛溫春阿那保等帶兵馳赴中山頭助剿賊眾見我兵繞出其後始行退卻張東林等帶兵乘勢壓下達音泰等迎頭截殺共殺賊二百餘名生擒張順等二十三名奪獲大礮鳥槍刀矛等件餘賊

德壯果公年譜卷六

六

卽翻山逃至重石子嗣後霧雨不時賊匪分撲各路營盤均被官兵剿退臣等密相計議賊匪見官兵圍逼漸緊糧食將盡不能出外擄掠自分必死是以屢次恃眾衝突但兩處賊巢附近周圍二百餘里若必步步設卡圍堵始行攻剿兵勇不敷派撥且亦耽延時日莫若趁我兵屢勝分投攻取巢穴使之進退失據剿辦似易爲力因密行知會各路約期並舉四月初三日天色稍霽柯藩明興等自清溪口攻清溪場之西觀成等自東鄉攻清溪場之南奎舒等自姚家壩攻其東臣等復派達音泰等帶兵自馬耳峰攻其北賊匪毫不畏懼經守備楊萬年等率領奮勇兵丁

鄉勇李子清羅思舉李子秀等首先躍上木城砍開寨門兵勇一擁而入賊人捨命抵禦楊萬年及千總陳尙賢外委和紹堯古萬龍皆身受重傷殞命都司達自祥土遊擊安朋鄉勇李子秀亦經身受槍傷殺斃賊人一千餘名生擒賊首王學禮奪獲槍礮軍器無數遂奪清溪場賊寨其攻打金莪寺之索費英阿等由雞爪嶺進兵艾如文等由張家碾進兵穆克登阿等由余家巖進兵副都統銜西津泰等由姚家寨進兵五路會攻冉家壩口賊卡臣明亮德楞泰帶領侍衛巴圖魯等繼進查冉家壩口爲金莪寺門戶賊人拒守甚堅千總郭德元王大倫把總馬玉成外委

德壯果公年譜卷六

七

胡德貴余正明從九品職員熊鈞衡等奮力奪卡皆被礮傷陣亡我兵人人憤怒奮勇齊進賊匪不能抵拒棄卡而逃我兵占住冉家壩口距賊巢尚有五里皆自下仰攻臣等因該處離大營稍遠恐兵丁心志不固一面用大礮轟打賊寨一面自馬耳峰往下連紫木城十四座直接冉家壩口時天已昏黑金莪寺賊匪見官兵扼其咽喉賊巢諒不能保賊首王三槐等帶領強悍賊匪數千人下山攻撲木城賊首徐添德等潛率老弱婦女由山後僻處滾崖而下偷赴重石子初四日五鼓我兵正在上山攻打賊巢王三槐等自高壓下勢甚洶湧我兵無不以一當百刀矛亂



下賊眾大潰除殺斃不計外生擒一百三十五名所得糧食什物分賞出力兵勇搶獲大礮三十六位鳥槍二百餘桿刀矛軍械五百餘件存貯備用當將金莪寺賊寨燒燬等酌留索費英阿暫住搜山臣德楞泰督同西津泰朱射斗艾如文等分路追剿徐添德等逃竄之賊沿途擒殺七百餘人柯藩明興亦自清溪場帶兵邀之陰洞殺死賊匪三百餘人搶獲大礮八位軍器一百餘件觀成帶兵邀之淺灘子亦殺死二百餘人王三槐等欲由羊烈子過河竄往新甯穆克登阿督同副將達桑阿帶兵邀截於鹽店子殲斃及落水者約數百人王三槐等竄入重石子賊營

德壯果公年譜卷六

八

查該處及香鑪坪賊黨尚不下二萬餘人臣等現在四面

圍逼務期設法擒拏首惡仰紓

聖塵至王學禮一犯訊係與徐添德同時起事偽封軍師現擬暫

行羈押俟拏獲徐添德等一同解京連次出力文武員弁

查明開單請

旨加恩其陣亡受傷兵勇另行造冊咨部賞卹

諭曰金莪寺等處賊匪負隅固守經宜縣等督率將領分路進兵先將清溪場賊寨攻克隨將金莪寺賊巢燒燬拏獲賊目一名殲斃多賊所辦可嘉此次宜縣與明亮和衷商辦而分路帶兵各員打仗殺賊均屬奮勉宜縣明亮著各賞給金盒白玉搬指

大小荷包德楞泰柯藩各賞銀絲盒玉搬指大小荷包觀成穆克登阿各賞碧玉搬指大小荷包奎舒達音泰索費英阿朱射斗艾如文西津泰各賞搬指大小荷包以示獎勵其餘文武各員俱著咨部議敘所有躍入木城砍開寨門之兵丁等著查明首先奮勇出力者即起補千總餘俱以把總外委酌量拔補其陣亡之守備楊萬年千總陳尙賢郭德元王大倫把總馬玉成外委祁紹堯古萬龍胡德貴余正明從九品職員熊鈞衡俱著咨部加二等議卹打仗兵丁俱著賞給一月錢糧其受槍傷之都司達自祥土遊擊安朋等想已調治平復如能始終奮勉亦著以應陞之缺陞用

德壯果公年譜卷六

九

二十九日

公偕宜縣明亮奏言伏查賊匪分屯重石子香鑪坪互相首尾其東茨菇梁其西富成寨兩處據險設卡以爲障蔽臣等細加籌酌若賊匪復與王家寨方山坪之賊勾結勢更鴟張必須嚴密防範分投撲奪庶不致曠日持久遂派參將增順等帶領兵勇駐劄大羅坪參將雷仁等帶領兵勇駐劄古隘口都司三格等分帶兵勇駐劄瓦窩壩雙河場等處防其竄入王家寨提臣穆克登阿副都統職銜西津泰駐劄羅江口防其窺伺達州副將達桑阿等駐劄羊烈子副將王承勳等駐劄江口梁參將瑪靈阿駐劄金莪



寺防其南入新甯東回故巢臣明亮率索費英阿侍衛巴圖魯等連攻富成寨賊卡穆克登阿西津泰由羅江口抽撤兵勇前往協剿臣德楞泰率達音泰朱射斗巴圖魯侍衛等進攻茨菇梁賊卡觀成奎舒明興率遊擊李逢春等由鐵丁亞帶領兵勇前往協剿並飭鎮臣百祥等速行相機攻取王家寨十二日方山坪賊匪四五百人欲赴重石子合夥直撲大羅坪經增順及遊擊圖興阿典史余永甯等竭力擊退其同時往劫古隘口營盤之賊經雷仁及都司李如等督率兵勇奮勇剿殺相持一晝夜賊匪始行敗退其瓦密壩雙河場一處賊匪亦分隊衝突經都司三格

德壯果公年譜卷六

十一

等截殺而退十二日方山坪賊匪來撲王家寨之鷹背嘴頭卡遊擊謝開先率鄉勇堵禦而王家寨之賊二千餘人下山從後湧至義首武舉邢彪監生王選力戰陣亡勢甚危急百祥及知府李杭等密計王家寨賊率眾下山其巢必虛當派遊擊哈三泰等帶領兵勇由東水卡潛進遊擊王相龍等帶領兵勇暗取板橋子要卡守備李廷臣等帶領鄉勇由白罐子進攻百祥李杭率都司蘇維龍等帶兵急援鷹背嘴賊匪分投抗拒正在酣戰之際千總拜登鼇把總陳子現外委楊必著撲上水卡拜登鼇陳子現皆受傷陣亡楊必著拋擲火彈將草房燃著哈三泰等併力奪

卡守寨之賊尚有千餘人急往救援王相龍及守備李廷臣知縣王駿猷席世綱兩路俱至遂入賊巢放火燒寨賊眾在鷹背嘴望見火光知巢穴有失無心戀戰趕回搶救百祥等乘勢追殺哈三泰王相龍等亦自上壓下兩面夾攻賊眾大潰殺死賊匪五百餘名生擒陳有才等二十一名落崖跌死者無算餘匪逃回方山坪奪獲大礮過山鳥鳥槍刀矛共三百餘件留貯備用糧食牛馬除分賞出力兵勇外尚餘穀一千二百石撥交糧臺碾米備用其日重石子香壩坪之賊亦分路來撲我兵營卡欲為王家寨方山坪應援俱經臣等督率兵弁施放槍礮擊敗而去十四

德壯果公年譜卷六

十一

日霧雨交作臣等議計茨菇梁富成寨兩處賊人正在設卡天雨必不準備我兵掩至可望得手遂派副將德甯等帶領官兵分路前進已午間雨勢更大我兵皆在泥水中攀援而上賊人始猶滾木擲石捨死抗拒千總馬彪秦廷玉受傷殞命賊人究因寨柵初立尙未完固且我兵奮勇異常賊人力不能支棄卡而逃互相踐踏殺斃及墮崖者不計其數生擒一百一十三名同王家寨解到之陳有才等二十一名訊無要供立予駢誅臣明亮等進據富成寨臣德楞泰進據茨菇梁距賊巢甚近並據百祥報稱移駐大羅坪為進攻方山坪之計其路通巴州之江口臣等另



派守備楊東林協同巡檢余廷勳帶領兵勇在對河嚴密  
防守一俟天氣晴明<sub>臣</sub>等卽親率將弁兵勇分投攻擊務  
期一鼓蕩平肅清川境此次出力文武員弁俟查明同前  
奪獲賊卡攻破賊寨連次出力員弁統行開單請

旨加恩並陣亡兵勇造冊咨部賞卹

諭曰宜縣等奏督率官兵攻克王家寨賊巢並茨菇梁富成寨兩  
處賊卡乘天雨無備之時分投奪獲所辦可嘉宜縣明亮德榜  
泰著各賞金盒大小荷包觀成穆克登阿著各賞銀玲瓏盒大  
小荷包奎舒百祥索費英阿達音泰朱射斗西津泰明興著各  
賞青玉搬指大小荷包百祥乘機攻取王家寨賊巢尤爲出力

德壯果公年譜卷六

三

該鎮前在孝感帶兵打仗業經賞戴花翎著加恩賞提督銜其  
出力文武員弁俱著咨部議敘此次官兵能冒雨進攻均屬奮  
勉著查明加恩各賞給一月錢糧以示鼓勵其陣亡之千總拜  
登鼇馬彪秦廷玉把總陳子現武舉邢彪監生王選俱著咨部  
加等優卹

五月初九日

公偕宜縣明亮奏言<sub>臣</sub>等攻克巴州王家寨後明亮自富  
成寨擊卡至馬市口德榜泰自茨菇梁率領鎮將巴圖魯  
侍衛至田家山之西合洲坪黃馬村一帶擊卡五處田家  
山之東李家山土寺坪一帶擊卡四處均係樹立木柵逼

近賊巢賊人無分晝夜或千餘人或數百人連次分撲各  
營卡經<sub>臣</sub>宜縣先期傳令加意巡防各兵勇均有准備俱  
隨時擊退擒斬多人四月二十日黎明賊匪竟欲攻撲羅

江口窺伺達州潛出四千餘人攀崖援磴分爲三路直抵  
鐵丁埡頭卡遊擊魏攀舉鼓勵兵勇槍箭並施賊不得過  
猶敢恃其人衆相持逾時終不肯退穆克登阿一面用大  
礮轟擊使賊知有策應一面密派參將姜敏功遊擊陳大  
定等帶兵分往埋伏截其後路副都統銜西津泰督率遊  
擊陳天雲候補知縣劉大經等帶領兵勇赴鐵丁埡助剿  
賊匪見官兵漸近捨命衝突魏攀舉親率奮勇兵丁出卡

德壯果公年譜卷六

三

衝擊西津泰等亦合力槍上山梁賊匪不能抵抗始紛紛  
退下我兵乘勢追逐觀成派佐領努赫稜自達州後山帶  
領滿兵由鳳凰嘴壓下三面截殺賊衆大潰姜敏功陳大  
定等埋伏之兵先後衝出沿途邀截賊匪首尾不能相顧  
擒斬甚多其時<sub>臣</sub>宜縣明亮亦派副將玉柱遊擊王霖等  
帶領兵勇邀擊於楊家坪斬獲無數賊匪四散竄歸巢穴  
兵勇分路追殺賊匪自相踐踏及跌死者不計其數統計  
殺賊三百餘名割取首級一百二十一顆生擒二十四名  
搶獲槍矛一百三十五件二十二日天氣陰雨重石子賊  
匪潛出一千餘名分爲三股來撲李家山新卡<sub>臣</sub>德榜泰



督同鎮臣達音泰巴圖魯侍衛阿納保帶領漢土官兵分爲三隊迎頭截殺而香爐坪賊匪復分二千餘人抄襲合洲坪黃馬村新卡臣德楞泰飛派鎮臣朱射斗巴圖魯侍衛溫春等帶領漢土兵丁及鄉勇迎至黃金坪搶上山梁賊分四路撲拒相持兩時之久我兵奮勇攻擊賊匪不能抵禦始行竄散斃賊四百餘名生擒十一名搶獲槍矛七十餘件所有兩次生擒賊匪余祥榮等訊無要供當即梟斬臣明亮德楞泰正在乘勝督催鎮臣索費英阿巴圖魯侍衛等分路進攻重石子香爐坪賊寨無如雨水盛大槍礮不能施放賊人等滾木擗石一齊壓下兵勇皆在泥水

德楞泰公年譜卷六

丙

中站脚不住傳令暫退俟雨勢畧止即當督率將弁分投攻剿務期擒拏首逆其出力文武員弁及陣亡受傷兵勇統俟查明咨部辦理

諭曰重石子香爐坪等處賊匪因官兵擊卡進逼分路攻撲經宜縣等督率將領擊退並伏兵邀擊殲斃賊匪所辦尙好惟當乘勢進攻上緊會剿

十八日

公偕宜縣明亮奏言查賊匪分屯重石子香爐坪二處其地固不若金峩寺之險峻而四面亦係陡岸惟有綫路可上賊匪將路逐節挖斷連設木卡四道以爲障蔽臣明亮

德楞泰前經分路擊卡東南自田家山至黃馬坪土寺坪西南自富成寨至馬市口雖已逼近賊巢山頂瞭望棚帳了然而深溝曲折環繞相距尙有十餘里及七八里不等路徑處處可通賊人屢思乘間逃竄臣宜縣等連日細察情形若不嚴密防堵遽爾進剿不惟仰攻爲難兼恐賊人情急四竄追擊更爲棘手因查黃馬村之前有分水嶺一道土寺坪之前有火石嶺一道賊人設卡甚多不可不先行搶占臣德楞泰奎舒明興於初二日率同巴圖魯侍衛墨爾津保鄂爾綏副將德甯等由黃馬村進攻分水嶺頭卡賊匪抵死抗拒官兵奮勇齊上卡內滾木擗石紛下如

德楞泰公年譜卷六

丁

雨千總冶正華把總馬德元外委高進保張廷迥等首先躍入砍斃數賊賊人力不能支棄卡奔竄後卡之賊見前卡已失不敢抵拒官兵乘勝追擊連奪數卡殺賊二百餘名生擒陳必倫等二十六名其冶正華等四人均受傷陣亡當將分水嶺一道盡行奪獲即分派將弁兵勇設卡駐守初三日臣明亮觀成率同總兵朱射斗巴圖魯侍衛阿納保等爲一路臣德楞泰奎舒明興率同總兵達音泰侍衛安慶等爲一路分撲火石嶺同時並進左右夾擊賊人出卡排立嶺上分投抵禦官兵進至山嶺之半賊人施放槍礮兼用木石擗擊我兵用擋牌抵住吶喊爭先一擁而



上刀砍槍擊斃賊甚多守備常萬青千總余海把總楊崑戴福皆身受重傷陣亡屯都司根登太土守備格宗扎什將執旗頭人砍死一名生擒廖繼賢一名賊眾慌亂兩路官兵合圍將火彈拋入卡內草棚火起賊人自相踐踏及燒斃者不計其數生擒汪訓等十五名餘賊竄歸巢穴臣等一面督率將弁追擊一面分派兵勇趕擊卡座自午至酉擊定十五卡因時已薄暮尙有數卡未擊香爐坪重石子賊匪於是夜亥刻傾巢而出分撲各卡幸溝壘已挖築齊備官兵槍礮齊施賊人連撲數次傷斃無數後隊不敢前進潛回賊寨提訊廖繼賢供稱係徐添德大徒弟西營

德壯果六年譜卷六

去

總領頭目與陳必倫汪訓等四十一名概予駢誅初四日天明督率將弁於緊要處所連擊九卡直達河邊與東面東琳河副將王承勳南面羊烈子遊擊沈宗文西南面羅江口副都統銜西津泰提督穆克登阿營卡相接東南北三面已漸逼緊惟西面自富成寨南至羅江口北至瓦窩壩都司三格營卡中間相隔二十餘里尙須設卡防堵又由馬市口前進地名南子山尖山二處緊臨賊巢必須占據擊卡使賊人無處躲避方可得手現在兵丁不敷分駐未便輕進臣英善續調梁山等屬鄉勇甫據具報起程臣明亮德楞泰抵川時因東鄉賊匪數萬巴州亦有賊匪屯

聚大甯縣屬九龍池等處復有蠢動之事兵力實不敷用查苗疆尙有未經撤回粵兵四千餘名皆係屢經打仗得勝之師如由永綬秀山來至川省行走尙捷當卽札詢畢沅等撤出粵兵曾否回省可否截留茲據畢沅等咨稱粵兵行抵辰州適接臣等前札卽令取道由水路入川伏思川省賊匪刻下情形與臣明亮德楞泰初到時稍有不同但粵兵既已入川未便令其轉回現在重石子香爐坪尙有賊匪二萬餘人巴州大甯之賊均未殲除且商鄖一帶竄匪未淨臣宜縣已於隨來陝甘官兵內撥一千五百名交柯藩艾如文先帶回陝是川省多帶一兵卽多一兵之

德壯果六年譜卷六

去

益現在粵兵尙無到營信息除飛催趕到聽調一俟到時卽將羅江口至瓦窩壩一帶布置嚴密併力攻剿論曰此次宜縣等督兵奪占梁山痛殲賊匪實爲出力可嘉現在東南北三面均已擊卡緊逼賊巢籌畫尤爲得宜宜縣明亮德楞泰著各賞玉喜字牌大小荷包觀成奎舒朱射斗達音泰著各賞大小荷包其因剿賊受傷陣亡之守備常萬清千總冶正華余海把總馬德元楊崑戴福外委高進保張廷迺俱著各部加一等議卹

二十六日

公借宜縣明亮奏言臣等奪占分水嶺火石嶺兩處山梁



賊匪被圍緊急連次來撲營卡俱被兵勇擊退亟圖分路逃竄查賊巢東南北三面官兵營卡較密而西面自羅江口至瓦窩壩二十餘里稍覺空虛賊匪若乘虛西竄方山坪或折而北入陝境與楚匪彼此接應均為可慮臣等隨趕緊招募本地鄉勇四千五百名派參將瑪靈阿帶領配以官兵分安上下毛坪及各要隘口嚴密巡查設卡把截臣宜縣移駐大成寨係中西兩路適中之地以便往來策應臣明亮仍駐富成寨臣德楞泰仍駐茨菇梁探明賊匪從何路竄逸即就近派兵截殺初八日賊匪二三千人潛赴花潭子欲由彼處過渡竄入新甯經防守東琳河副將

德莊果六年譜卷六

六

王承勳帶領兵勇追擊穆克登阿西津泰聞槍礮之聲隨即帶兵截回殺斃賊匪多名臣等思賊匪聲言南竄更不可不注意西北遂傳令西北各卡加意防守十三日五鼓賊首王三槐果率眾四五百人分為五路直撲北路毛坪一帶營卡臣德楞泰即帶領巴圖魯侍衛溫春副將德甯等帶領漢土官兵由萬古樓前往接應又令總兵達音泰同巴圖魯侍衛安慶等帶領兵勇由張家山從旁截殺總兵朱射斗同巴圖魯侍衛墨爾歡保等帶領兵勇由黃家山赴觀音坪從後抄截觀成奎舒明興即分投在各營卡往來督兵堵禦臣宜縣明亮聞報即督率總兵索費英阿

等馳往督戰賊匪衝入毛坪鄉勇頭卡瑪靈阿帶兵二百名從高壓下守備樊模王玉龍等帶領鄉勇分兩翼繞出其後奮勇攻擊賊匪力不能支而達音泰朱射斗溫春等亦帶兵趕到併力截殺賊匪大敗王三槐中槍落馬賊目鄭文禮即將自己所乘之馬給王三槐乘騎而逸兵勇趕上將鄭文禮擊住又有王三槐之義父賀宗盛中槍倒地一併擒獲此次獲賊十一名共計斃賊三百餘名奪獲各器械收存備用隨將賀宗盛鄭文禮二犯及所獲餘匪分別磔梟示眾臣等思賊勢日就窮蹙若就現有之兵直撲賊巢似亦無難攻克但重石子香爐坪兩處有名賊首俱

德莊果六年譜卷六

七

在其中設令衝出追捕反為費力現在粵兵及各屬鄉勇陸續可到臣等即分投帶領攻取香爐坪重石子兩處賊巢一面督飭各營卡四面截殺賊匪既不能堅守本寨又無路可以逃生定可一戰成功至方山坪之賊於本月初六七等日連次下寨搶割麥豆俱經總兵百祥督率參將雷仁增順等分帶兵勇奮力截殺斬獲甚多查方山坪地面遼闊山勢險固百祥帶兵僅止二千未能蒞事現駐劄大羅扼其要害匪徒不敢大肆鴟張俟勦辦東鄉賊匪竣事後臣等即酌量情形分帶弁兵進剿以期迅速蒞事諭曰此次賊匪潛逃花潭子地方欲圖竄逸經宜縣等派兵分路



截殺殲斃多人所辦俱屬可嘉宜縣明亮德楞泰著各賞鑲寶  
石帶環喜字牌玉搬指大小荷包觀成穆克登阿奎舒著各賞  
金盒密蠟喜字牌大小荷包達音泰索費英阿百祥朱射斗西  
津泰明興著各賞玉搬指洋玻璃盒大小荷包以示優獎

六月十二日

公偕宜縣明亮奏言查重石子香爐坪屯聚賊匪經臣等  
節次剿殺嗣粵兵及各州縣鄉勇陸續到營隨將周圍營  
卡布置完妥臣等猶恐賊眾衝突又於峩城山七里峽等  
處各要口分布兵勇豎立營柵以為外層防堵二十六日  
天色稍霽臣德楞泰率同總兵朱射斗達音泰巴圖魯侍

德壯果公年譜卷六

三

衛等由田家山前進攻重石子臣明亮率同提臣穆克登  
阿副都統銜西津泰總兵木騰額巴圖魯侍衛等由黃家  
寨前進攻香爐坪臣宜縣明亮與督同索費英阿等在兩路  
之中策應黎明各抵山下臣德楞泰等令兵勇分班輪番  
攻打賊寨自寅至午寨上滾木插石將盡都司尤漢玉等  
首先搶上寨門我兵一擁而進火焚草棚延燒殆徧寨內  
賊匪二千餘人概被燒斃賊眾慌亂我兵刀砍矛刺餘賊  
冒烟衝出其香爐坪之賊倚恃高險抗拒甚力率眾壓下  
三次臣明亮等督率兵勇仍復撲上相持半日賊匪見重  
石子火起驚慌無措四散衝突我兵迎頭截殺賊匪退回

德壯果公年譜卷六

三

上山者約二千餘人兵勇四面密圍射入火箭風急火烈  
寨內之賊無一倖免其兩處逃出之賊藏匿溝內是夜大  
雨如注兵勇皆露立困守凡東西北三面賊匪竄逃之處  
俱經兵勇截殺折回惟迤南一帶山勢重疊雖經設有營  
卡而延長三十餘里路途散漫賊匪連夜翻山滾巖紛紛  
遁逸其時副將德甯玉柱帶兵趕至截住後起之賊臣明  
亮德楞泰亦經追至兩路夾擊復殲斃二千餘人餘眾俱  
上蔣家山至陳家壩屯紮臣等督率官兵圍住山腳二十  
七日賊匪四面衝突經臣德楞泰督令副將扎勒杭阿王  
承勳分投堵剿殺死三百餘人生擒劉體全等三十二名  
隨提同二十六日所獲賊匪楊升元等四百八十七名逐  
一研訊據供徐添德等因官兵四面逼緊正想衝出重圍  
投奔巴州方山坪合夥不料官兵夾攻措手不及是以各  
自逃竄求生又據劉體全供係徐添德大徒弟劉學仙之  
父徐添德等逃出後本要直奔新甯無如官兵各路追趕  
而峩城山七里峽一帶又有營卡攔阻未敢衝出祇有暫  
住陳家壩再看機會等語當即分別磔梟所獲馬騾分賞  
兵勇大礮十五位鳥槍刀矛八百餘件收貯備用各路割  
獻首級二千餘顆及槍斃落河屍軀分委員弁帶領眼目  
查認有無逆首賊目在內再行稟報查此次斃賊不下萬



人賊中夙稱戰手者被殺過半且我城山等處營卡周密賊勢較前更為窮蹙臣等現在上緊攻剿斷不敢絲毫疎懈至楚省逆匪頭起已由興安竄至川省太平之大竹河前會派委川北道李鈺遊擊謝開先等督率鄉勇堵禦彼時正在四面兜圍之際不能分撥兵力臣恐該處民心驚惶先發傳牌聲言兩廣官兵四千名全赴太平迎剿民心稍定今此間兵數已可稍省臣宜絲酌量緩急現復抽派二千名交朱射斗統領趕至太平如楚匪已全夥入境即將各隘口分布堵禦俟惠齡等帶兵到日前後夾攻二三起尚未入川即先將頭起之賊殲除趕赴西鄉紫陽一帶

德世果公年譜卷六

三

與惠齡等會剿二三起之賊

諭曰據宜縣奏報攻克重石子香爐坪賊巢一摺覽奏欣悅此次官兵兩路進攻雖未擒獲賊首而各路殲賊不下萬餘強悍者已殺斃過半所辦尚屬可嘉宜縣著賞給嵌珠帶板帶環蜜蠟喜字牌大小荷包明亮德楞泰著賞給鑲寶石帶頭帶環蜜蠟喜字牌大小荷包穆克登阿西津泰朱射斗達音泰木騰額索費英阿明興著賞給嵌松石金盒大小荷包都司尤漢玉首先搶上寨門得受槍傷甚為奮勇如果始終出力著超陞參將其打仗陣亡之千總陳裕後等均著咨部加等優卹打仗出力之兵著酌賞以示鼓勵

二十二日

公偕宜縣明亮奏言查賊匪竄至陳家壩後並於附近之苦草壩安子坪冉家壩汪家山分隊屯紮臣等當將各營卡兵勇酌量抽調分布堵剿自陳家壩移營前進初三日臣德楞泰督率總兵達音泰等由天星橋之南臣明興率同副將德甯長春等帶領兵勇由天星橋之北直搶冉家壩生擒賊目王德貴等三十一名臣明亮穆克登阿西津泰督率巴圖魯侍衛等帶領兵勇由蘇家坪直搶安子坪生擒賊目陳明彩等二十七名兩路官兵乘勢追剿賊匪跟踉奔竄帳房器械沿途拋棄初四日進抵苦草壩汪家

德世果公年譜卷六

三

山賊眾自知不能抵禦復退屯精忠寺山包臣明亮穆克登阿紮營其南臣德楞泰達音泰紮營其北另派副將扎勒杭阿等帶領官兵由七里峽赴觀音山協同原派將弁截其東竄新甯之路又派守備樊模等帶領鄉勇在山坡埋伏是日夜半賊匪欲由觀音山梁竄走潛至半山兵勇槍礮齊發殺死賊匪四百餘人餘眾不能竄出始行退去守備樊模因黑夜撲入賊羣身受矛傷殞命初五日賊匪復糾集醜類覓路逃生臣德楞泰急率達音泰等帶兵前往截殺賊匪相持不退達音泰射死執旗賊目二名侍衛等亦各射死賊匪數名乘勢壓下漢土各兵奮勇攻擊賊



始暫退旋又傾巢而出與官兵接仗兇悍直前不避槍礮  
西津泰首先衝入賊隊手刃十餘名賊眾披靡其勢稍卻  
遊擊陳天雲陳大定繼之兵勇一擁而進賊匪力不能支  
始行敗退西津泰及陳天雲皆身受重傷陣亡臣明亮德  
楞泰穆克登阿督率各兵乘勢剿殺其時千總陳華領帶  
鄉勇羅思舉等從山後撲入賊營賊眾紛紛奔竄三面官  
兵槍礮並施極力殲戮自寅至午凡殺賊二千餘人生擒  
男婦三百餘人內熊泳明係熊泳霞之弟與亢作倖均係  
偽總兵徐王氏係徐添德之母徐大才係徐添德之姪王  
楊氏係王三槐之母熊泳明受傷甚重與餘賊先行分磔

德壯果公年譜卷六

三

梟示並訊據亢作倖等供稱賊匪分爲兩股徐添德王三  
槐等帶領一股向西奔竄孫老五現帶一股尙在精忠寺  
附近之磨子壩山溝內屯紮等語初六日黎明臣明亮穆  
克登阿卽帶兵勇往西剿殺徐添德等一股臣德楞泰查  
看磨子壩一帶松林茂密延長十餘里下皆稻田路徑紆  
仄遠望炊煙騰起臣宜絲等在精忠寺山梁催趨各兵勇  
預備策應臣德楞泰率同達音泰等步行聯絡而進將抵  
磨子壩副將玉柱見前面高嶺上有騎馬賊目身穿綾襖  
正在率眾指揮該副將趕上用槍擊中賊目滾跌下礮賊  
眾敗退玉柱等壓下山坡適有賊數人帶領夥黨從旁趕

到捨命格鬪以致玉柱及都司安如洞守備蕭文印受傷  
陣亡臣德楞泰率領巴圖魯侍衛等與賊匪奮力抵敵撲  
壓數十次賊眾潰散我兵分投追趕當將賊匪一千餘人  
殲戮淨盡並拏獲胡成榜等七十一名訊據胡成榜供稱  
中槍落馬之賊係教首孫老五訊之餘賊眾供確鑿查首  
逆孫老五卽孫嗣鳳在教匪中輩分最高賊眾均稱孫老  
師父卽徐添德等無不拱手聽命凡陝西之興安四川之  
達州巴州湖北之來鳳等處該犯傳徒甚眾實爲三省傳  
教首惡去歲從太平起事旋又竄至東鄉數月以來倖逃  
顯戮此番雖未能生擒正法而臨陣殺斃亦足以快人心

德壯果公年譜卷六

三

徐添德王三槐等雖一時兔脫然窮蹙之餘其勢諒不能  
遠竄臣德楞泰現在星夜整兵會同臣明亮等竭力圍剿  
臣宜絲飛飭迤西各卡加意嚴密相機截殺此次陣亡受  
傷弁兵鄉勇查明分別咨部其節次打仗尤爲出力之文  
武員弁開單呈

覽

諭曰宜絲等奏官兵連日殲戮賊匪槍斃首逆孫老五並擒獲各  
首逆家屬所辦俱好奮勇可嘉惟西津泰殺賊陣亡深爲可惜  
著咨部照副都統例議卹玉柱陳天雲安如洞蕭文印樊模均  
著加等議卹所有出力文武員弁均著照所請加恩此次打仗



兵勇著賞給一月錢糧以示鼓勵現在賊勢已形窮蹙但楚匪兩股竄入太平一股竄入通江俱與方山坪近而徐添德王三槐西竄勢亦欲與方山坪之賊合夥雖經宜縣派令朱射斗穆克登阿先後帶兵前往太平一帶截剿但所帶兵僅二千八百名未免稍單而楚匪全夥竄入恐不足以資堵禦惟望宜縣與明亮德楞泰上緊追捕迅擒首逆移師前往幫同截剿而惠齡彼時亦可由北夾擊則姚之富李全王廷詔齊王氏等自難逃

二十七日

公偕宜縣明亮奏言據川北道李鉉等稟報賊匪三起先

德壯果公年譜卷六

三

後竄入太平之城口及魚渡壩等處城口主簿蔣日紀帶領鄉勇向前堵禦連次殺賊二百餘人因眾寡不敵遂被戕害並有一股在通江之竹谿關到處焚掠是以復酌派穆克登阿帶兵前赴通江預備迎擊茲以楚北賊匪由陝偷渡漢江竄入川界奉

旨命宜縣總統一切軍務跪誦之下惴懼萬分就目下情形而論太平一帶地方極關緊要等三人自應酌量分兵力籌兼顧第現在川省賊匪自經官兵攻克重石子香爐坪等處雖殲斃已逾萬餘而首逆徐添德等尚未全擒等自十一日以後分兵追剿賊匪復由蓮花庵折至徐家山

臣明亮德楞泰督率提鎮侍衛將備等晝夜追逼斃賊復不下千名並生擒王三槐之妻王陳氏及幼女一口賊匪爭棄眷屬踉蹌奔逸現在大兵均於峽城山東北兩面及七里峽一帶併力圍捕近日由陝境竄入通江之賊復分兩股一由爛池子竄至巴州之黑山子欲與方山坪合夥一由王家壩翻山至東鄉中河之赫石寨為糧道攸關與此刻徐添德等竄聚之徐家山地方相去不過一百餘里其勢益形牽掣伏誦

聖諭以為官兵宜合不宜分賊匪利分不利合機宜所示

德壯果公年譜卷六

三

洞燭靡遺是以等再三籌酌如將現有兵力一時分顧太平則此間兵力實單萬一偶有疎忽致令將次就盡之賊匪徐添德等復肆鴟張正所謂顧彼失此萬萬不敢幸連日以來節據太平一路文武稟報竄至城口之賊本揚言欲入大甯經飭令都司李廷臣督率鄉勇迎擊於後園山一帶堵禦甚嚴未能竄合仍退入修溪壩等處屯紮其竄至漁渡壩者經李鉉謝開先等帶領鄉勇先於鹽廠關地方堵禦未能過界又竄至秋波梁適派往之朱射斗到彼迎頭截殺斃賊數百人現經該鎮督率參將王清弼遊擊王威甯於清化溪蔡家溝長壩石岸口分布堵剿兵勇頗



為得力其竄至竹峪關之賊亦經署通江縣知縣徐陳策署守備馬國柱團練鄉勇於響塘坡洪山塘一帶嚴行防範不敢窺伺縣治以上各路情形辦理尙屬鎮靜但撥去官兵及所募鄉勇堵禦則尙可支持剿辦則究屬不足且該處地方遼闊查惠齡等所帶官兵自己早抵陝蜀交界臣已飛咨惠齡等酌留官兵五六千名預防賊匪折回與安之路其餘官兵惠齡自必察看形勢或另覓道路繞出賊前或從賊後衝擊而出一抵川境合之朱射斗等所帶官兵相機剿辦又恐後路兵丁力量稍疲計算前調撤拉爾回兵正可趕到應一併檄令來至太平以供調派如此

德壯果公年譜卷六

天

辦理此一路既無兵分力薄之虞而太平一帶仍可收前後夾擊之效所有自通江分竄之賊其既到黑山子者如果竄入方山坪正屬自投陷穽可為一鼓殲擒之舉惟繞至東鄉中河赫石寨之賊現與徐添德等相距不遠而中河後一帶均係達州東鄉太平往來糧餉要道臣等此刻一面設法擒捕首逆一面知會穆克登阿毋庸前赴通江卽帶兵前赴赫石寨務將此股賊匪全數殲除不得任其滋蔓至大甯賊匪前已遵

旨令觀成到彼督辦刻下正在設法進兵該處距城口路徑或八九百里或六七百里不等其勢未能聯絡惟於竹山竹谿

相去較近臣現在飛咨劉君輔馬瑀徐昭德等於川楚邊界認真防範如果該處地方甯謐並令該提鎮內酌派一員帶兵馳赴大甯協同觀成攻剿於事當更為有裨總之刻下賊匪既已竄入川省則較之蔓延各省之時自覺易於剿辦但賊匪狡詐伊等雖名為同教而勢力各有不同察其形跡自必欲各據一處以為牽制官兵之計臣體察大局在各路之布置固不可不周而重兵所在仍當以首逆為重惟有仰仗

天威肅清一起再辦一起庶幾根株淨盡餘孽不致復萌諭曰連日盼望宜絲等捷報幾於宵旰靡甯本日奏到之摺尙係

德壯果公年譜卷六

天

分兵布置堵剿各路竄入楚匪情形未為滿意然調度尙為得宜所有防堵之道員李鉉等如果始終出力著查明咨部議叙主簿蔣曰紀剿賊陣亡著咨部加等議卹

閏六月初四日

公偕宜絲明亮奏言臣等於十六日督率巴圖魯侍衛將弁兵勇人等搶占小峩城山徐添德等捨死抗拒兵勇奮力上撲殺死賊目劉學仙林潤二名賊匪五百餘人生擒賊目王敬張大壽二名參將齊齊克遊擊陳大定千總段大龍李春和外委劉國榮受傷陣亡我兵遂據小峩城山梁與賊所屯大峩城山相對賊匪自知力不能支十七日



五更乘霧雨潛竄我兵亟行追趕賊匪沿途將軍械什物盡行拋棄又殺賊六百餘人及賊目熊泳霞雷思榜二名生擒賊目湯思淳湯國武二名賊匪狡狴性成一見官兵即翻山爬嶺繞道奔走我兵皆攜帶乾糧竭兩晝夜之力於十九日追至豐城場復行圍住查熊泳霞係亭子舖首先起事之犯劉學仙訊據眾供係攻陷東鄉時領眾戕害副都統佛住知縣張宁陽之犯王敬湯國武係去歲打仗先後戕害總兵袁國璜參將尙維岳之犯臣等隨分別將該匪等梟首剝屍凌遲處死其楚匪竄至黑山子者經知州常發祥帶領鄉勇截殺退屯秦家溝竄至中河者為鄉

德壯果公年譜卷六

三

勇王道益截殺適提臣穆克登阿帶兵趕至奮勇追擊賊匪遂逃至太平之固軍壩據險屯紮其在漁渡壩者亦由竹峪關竄至後河羅文壩一帶焚掠柯藩帶兵自陝趕至沿途剿殺甚多追至官渡場臣前派往迎剿之總兵朱射斗亦自太平趕至兩面夾擊臣等查現在所存匪黨不過二千餘人而逆首未獲臣等未便聚守一處復公同商酌臣德楞泰酌留兵三千名督同鎮臣達音泰木騰額剿辦徐添德等餘黨臣宜絲率明興等臣明亮率索費英阿等酌帶兵勇趕赴中河後河會同穆克登阿柯藩將固軍壩官渡場賊匪剿盡即馳赴太平城口計惠齡等已由竹峪

關入川自西而至其防守即陽邊界之劉君輔馬瑀等自已遵

旨酌派一人帶兵至大甯幫同觀成攻剿九龍池賊匪不日可以蕪事自東而至三面會合所有竄至太平各股賊匪無難以次削平惟北面陝西連界自安康至南鄭沿邊千有餘里不可無兵防守柯藩已入川境未便復令轉回臣前咨惠齡酌留兵四千名交秦承恩嚴密防堵尙有總兵富爾賽署總兵田有成足資彈壓如此布置四面皆有重兵以次收攏賊若分股竄逸即可分投撲滅若合併一處更可一鼓聚殲即防守之兵亦可步步進逼以剿為堵庶幾易

德壯果公年譜卷六

三

於蕪事

諭日宜絲等搶占小峩城山十七日五更賊又乘霧雨瀰漫之際潛行逃竄實屬可惡看此情形必是兵圍不固又令賊匪竄逸宜絲明亮德楞泰均著傳旨申飭現在賊匪竄往豐城場復經官兵追及圍住據稱酌留德楞泰與達音泰等帶兵三千名在彼剿辦此事即責成德楞泰上緊搜捕不可不倍加奮勉以副委任所有殺賊陣亡之參將齊齊克遊擊陳大定千總段大龍李春和外委劉國榮俱著咨部加等優卹

十二日

公偕宜絲明亮奏言查楚匪三股入川一股屯聚太平之



城口其兩股先後由竹峪關至通江境內一股翻山至東鄉中河一股至東鄉後河一帶在中河者經臣等派穆克登阿帶兵堵禦追至固軍壩在後河者經柯藩艾如文沿途截殺追至官渡壩與前此派往太平之朱射斗兩面夾擊詎賊匪詭譎異常每股又各分爲數起後隊牽綴官兵且戰且走以便前隊得以晝夜狂奔二十二日臣宜絲明亮帶兵自普光寺起程其固軍壩之賊一見官兵並不接仗卽翻山思竄穆克登阿正隨後趕殺臣明亮適帶兵趕至將後隊之賊截住去路全行殲斃其官渡口之賊見柯藩艾如文與朱射斗兩面兵至亦不接仗分爲數隊由山

德壯果公年譜卷六

三

僻小路陸續奔逃散則藏匿樹林聚則扼據險隘一日之間遷徙無定時惠齡帶兵已至後河慶成德齡帶領馬隊先行趕到柯藩等知後起官兵已到遂星夜繞出賊前截住一股擊殺賊匪四百餘人惠齡等率兵趕到亦將後隊賊匪殲斃甚眾餘賊均從旁路奔至東鄉前河一帶屯劄臣宜絲明亮正督率將弁前進間途次接臣德楞泰來信知於是日帶兵剿殺徐添德等自豐城場至白馬廟沿途擒殺七八百人惟聞城口之賊爲太平兵勇所堵不能竄合大甯遂率眾南奔分爲兩股一至前河將竄南壩場一至開縣之溫湯并距縣甚近派守備何峻佐石鼎成帶兵

五百名並調副將王承勳帶兵五百名赴開縣防守其南壩場一路實爲東鄉新甯開縣總匯隘口需兵堵禦亟請分兵前來臣宜絲思白馬廟亦係前河地方徐添德等既竄往該處而中河後河兩股楚匪及城口之賊又俱至前河一帶自必欲與徐添德等勾合雖徐添德等餘黨現在不過千餘而楚匪人數不下二萬有餘到處奔突急應分投截殺當派穆克登阿星夜帶兵由間道繞至南壩場屯劄與臣德楞泰聲勢相倚二十三日臣德楞泰督率達音泰巴圖魯侍衛將弁等帶領漢土官兵鄉勇頭羅思舉李子秀等帶領鄉勇分路勦殺徐添德等不敢抵敵卽捨命

德壯果公年譜卷六

三

奔逃官兵追至半頭山白秀山一帶正在掩殺之際其中河後河及城口竄來之楚匪業已會合於山溝樹林內突出數股號衣分青白藍三色步行在前騎馬在後我兵猝然相遇向前接仗槍礮並發賊匪恃其人眾相持一二時不肯稍退官兵奮勇前進殺死賊匪二百餘人生擒七名賊始退卻分屯土黃壩至五保頂延長三十餘里時天色已晚我兵遂在環子山屯紮其夜臣宜絲明亮與慶成柯藩艾如文德齡等先後趕上二十四日臣明亮德楞泰等分路進攻土黃壩五保頂等處馬步賊眾蜂擁前來經官兵奮勇進撲槍礮並放擊斃騎馬執旗賊目三名奪獲賊



旗一桿上書新營總鎮葉發祥七字殺死賊匪五百餘人  
槍獲刀矛九十餘件賊眾連夜奔竄我兵盡力追趕殺斃  
四百餘人賊匪又分為兩股一股千餘人竄至開縣之温  
湯井與城口之賊合夥一股萬餘人竄屯開縣之南天洞  
火焰壩白巖洞一帶而徐添德王三槐等即附此股之內  
臣等公同商酌温湯井距開縣六十里王承勳等帶兵數  
百名以之防守則有餘以之剿殺則不足今又添賊一千  
餘人必須添兵勦堵因派副將長春遊擊王霖宋浩修等  
帶兵一千名鄉勇二千名迅往勦辦其南天洞火焰壩白  
巖洞數處賊數既多且首逆多在其內 臣明亮德楞泰穆

德壯果六年譜卷六

書

克登阿帶兵由南壩場繞赴賊前慶成柯藩艾如文德齡  
由五保頂追擊其後惠齡舒亮於後河一帶搜捕清楚已  
抵大堰壩即日可以趕到恆瑞前經赴城口勦賊今城口  
之賊南竄恆瑞亦自太平官渡一路趕來三面會剿賊匪  
自無從遁逃至南壩場一路未便空虛留遊擊沈宗文帶  
兵一千名鄉勇二千名駐守以防賊匪折回 臣宜絲率同  
明興索費英阿等亦駐南壩場為各路策應惟查開縣之  
臨江市其地為水陸衝途屢獲賊犯俱供賊目等欲仍回  
湖北滋擾 臣等嚴飭該縣實力防範一面委通判英貴將  
臨江市沿河船隻盡行撤赴上流多募鄉勇於沿河一帶

晝夜防禦又飭夔州府雲陽萬縣一體嚴加堵禦所有大  
江停泊船隻亦令撤回上流以絕賊匪奔竄之路並移行  
觀成劉君輔馬瑀徐昭德等加緊堵截以免竄合大甯賊  
夥查楚匪雖有二萬餘人不過與前此重石子香爐坪賊  
數相等加以惠齡等帶來之兵已倍於從前 臣等惟有趕  
緊分途勦殺以期擒獲首逆掃淨餘氛  
諭曰宜絲等奏官兵截剿賊匪情形所辦俱好賊匪雖尚有一萬  
餘人經大兵四面合圍想賊首聚集一處較易圍擒宜絲當趁  
此併力攻勦悉數擒縛勿使再有竄逸  
二十一日

德壯果六年譜卷六

書

公偕宜絲明亮奏言查楚匪竄入開縣等處 臣等同惠齡  
慶成柯藩艾如文德齡於初一初二等日各帶兵勇分路  
馳擊南天洞火焰壩白巖洞屯聚賊匪殲斃一千餘人生  
擒陳一禮等四十三名其温湯井之賊亦經穆克登阿率  
同副將王承勳長春等進剿擒斬二百餘人餘俱翻山拚  
命狂奔隨提陳一禮等嚴訊僉供匪眾欲往大甯合夥又  
有一股欲到雲陽如遇官兵堵截即仍走回開縣等語餘  
無要供當即正法 臣等思該匪等現仍分股竄逃十分詭  
詐或於密箐潛伏或即盤踞險要牽綴官兵 臣明亮德楞  
泰由九子嶺一路追擊惠齡慶成柯藩由石筍溝一路追



擊臣宜縣率同明興索費英阿由三匯口前進爲各路策應並派穆克登阿艾如文田有成各帶兵勇繞赴雲陽萬縣一帶分投堵剿副將王承勳等在溫湯井一路堵截恒瑞舒亮由太平一路將落後賊匪逐一搜剿趕赴穆克登阿一路會兵合辦初五日臣明亮德楞泰行至路陽壩惠齡慶成柯藩行至陸家坪適值賊匪在燈蓋窩阮家溝一帶焚掠經兩路官兵分頭截殺慶成會同副都統銜六十七二等侍衛額爾金泰三等侍衛莫新都司岳甯阿及馬隊官兵首先衝擊賊人放槍抵禦官兵冒烟直入賊人慌亂奔逃殺斃賊匪二百餘人生擒劉爲正等三十七名惠

德壯果公年譜卷六

奏

齡柯藩督率三等侍衛江鼎副將觀祥參將馬斌遊擊吳三泰等帶領官兵奮力追殺斃斃一百餘人臣明亮德楞泰率同達音泰及巴圖魯侍衛等繞至山溝橫衝擊殺賊匪彼此不能相顧分投亂竄官兵箭射矛截斃賊三百餘人生擒賊匪二十六名內有李榮貴一名訊係賊目又據同供徐添德王三槐等節經官兵追殺祇贖一千餘人東奔西竄因到處多有兵勇堵截總不能逃出東鄉縣界迨後陝西過來幾股湖北同教之人會合一處都說陝西四川交界地方今年八九月內還有起事之人日來又被官兵殺了許多現在分作數起到處焚掠想往大甯雲陽萬

縣一帶逃走沿途多擄掠人口糧食亦是沿途搶奪等語該犯等均受重傷俱卽梟示餘賊向雲安場一帶竄逃臣明亮德楞泰同惠齡等仍卽分路趕緊追擊臣宜縣因方山坪一路賊匪僅止百祥帶兵二千名駐劄大羅坪堵剿未免稍單賊匪等若因大兵俱赴東南乘虛出巢滋擾達州東鄉一帶該處爲轉運軍火糧餉總匯之區不可不預爲籌備隨派朱射斗帶兵二千餘名馳赴大羅坪會同百祥督率該處兵勇務將方山坪賊匪迅速殲除以免牽制論曰據宜縣奏籌辦糧運事宜諸凡妥協明亮德楞泰久歷戎行且與宜縣在達州共事日久著實成勳同上緊剿辦

德壯果公年譜卷六

奏

二十六日  
公借宜縣明亮惠齡奏言川楚賊匪現在合夥狂奔已至雲陽萬縣地方臣等沿途嚴密查察初十日據探弁報稱初九日自南天洞竄逃賊匪有一股直撲萬縣一股直撲雲陽經提督穆克登阿及總兵艾如文副將王承勳等督率兵勇分投截擊賊匪不能衝突過境旋即折回由分水嶺落花坪等處奔竄臣明亮德楞泰率領官兵卽向分水嶺追擊惠齡恆瑞慶成舒亮柯藩率領官兵向落花坪追截臣宜縣率同明興索費英阿由三匯口至朱家壩一帶策應並查興肇已抵溫湯井卽囑由開縣一路前進以防



賊匪竄逸十一日黎明各路官兵俱抵大涼山下該處係雲陽萬縣接壤之地山梁袤長三十餘里賊匪竄踞山巔若乘官兵經過之時從上壓下橫截去路所關非細臣等察看形勢自須將各隊逐一分開繞路齊上使賊匪前後左右四面受敵庶易得手隨即公同商定臣明亮德楞泰惠齡慶成恆瑞舒亮柯藩帶同總兵木騰額達音泰等分兵五路並飭總兵富成德齡等督同將弁分布山腰埋伏相機剿捕當即鼓勇齊登賊匪懸不畏死槍礮亂發擗石齊下官兵蜂擁直前守備趙猶龍把總劉國興行營千總楊存福首先搶上山巔殺死執旗賊目二人趙猶龍受傷

德壯果公年譜卷六

三

陣亡各兵四圍競上登時殺死賊匪一千餘人賊眾慌亂於懸巖密箐之中覓路逃竄我兵勇氣百倍跟蹤追捕往來截殺餘賊逃至半山均經伏兵突起殲戮無遺擒獲李添德等四十餘名訊據供稱徐添德王三槐與李全王廷詔姚之富等昨在燈蓋窩阮家溝被官兵殺敗分路奔逃因前面陳家山八角坪石崖壩等處有高方朱三姓係川省邪教首犯探聞楚匪將到糾聚同教數千人內有方正潮一犯領夥黨二三千人先入賊隊留高名貴等帶領四五千人在陳家山八角坪屯聚阻截官兵並因陳家山等處均係要道各遣小頭目再往附近糾約匪夥一二日內

即可到齊俟官兵追到或據高拒守或讓過一半衝截後路等語隨將該犯等概行梟示適柯藩途次仄口子擒殺哨探賊匪四五十人拏獲騎馬執旗賊目方正宗一名訊與李添德等所供相符臣等復悉心商議陳家山八角坪石崖壩等處均為進兵必由之路若不將此新起賊匪悉行掃除勢必前後受敵因即挑派得力鄉勇頭羅思舉帶精幹鄉勇數百名並令都司張朋酌帶兵丁攙雜其間假稱邪教夥黨已將官兵截退大師傅現在後面即刻可到令招頭目前去接見一同趕上大夥行走等語臣等一面各帶原領官兵臣明亮由黃茅嶺進發臣德楞泰由龍潭

德壯果公年譜卷六

三

子進發惠齡慶成由西堂寺進發恆瑞舒亮柯藩由走馬坪進發約定十三日子刻在陳家山八角坪附近地方分路埋伏凡可竄逸之路一體安兵防堵是日黎明張朋所帶鄉勇已至八角坪將擒獲大涼山賊匪之旗站立山巔招展並吹動海螺果見山下四圍匪夥紛紛而出齊來山上探問羅思舉等即如臣等所教向該犯等逐一告知並令伊等有名頭目前來見面隨有高名貴及方正潮之兄弟方正秀方正爵及朱添壽等率其徒眾四百餘人欣然前來張朋同羅思舉等將該匪等誘至臣等營前我兵四圍齊出將各犯悉數擒下尚有後來匪夥見高名貴等均



已被縛知爲官兵所誘當卽鳴鑼號召一時聚集三千餘人各執器械烏鎗如飛而至欲將高名貴等搶回我兵號礮一響各路伏兵齊出層層圍裹柯藩帶領撒拉爾回兵翻越山梁二道抄至賊寨之後達音泰觀祥帶兵從山窪抄至賊寨之前其餘官兵分隊迎擊賊匪捨命抗拒兇悍異常臣等隨將首逆高名貴等押送大營並將賊眾四百餘人駢斬一面鼓勵官兵奮勇圍殺直至酉刻將抗拒賊匪三千餘人殺盡分兵於山溝樹林之內生擒老幼一千餘名直至十四日申刻搜獲罄淨賊匪房屋悉行燒燬奪獲烏槍刀矛一千三百九十餘件存留備用牛馬二百餘

德壯果公年譜卷六

聖

匹頭米穀百餘石分賞滿漢屯土撒拉爾兵丁及各鄉勇臣宜縣飭委川東道李憲宜等將生擒賊匪悉心研鞫除從教各逆隨卽正法被擄上山者酌量保釋外其高名貴一犯臣宜縣復親加提訊該犯首先傳教自雲陽以及附近州縣輾轉傳授男婦已有萬人卽非該犯所傳習者亦皆聽其號召賊黨俱稱爲老師傅此次該犯倡議糾眾於陳家山一帶分立前後中左右五營實爲川省傳教首逆其方正秀等俱各帶管數百人及千餘人不等亦屬緊要頭目同惡共濟現在嚴行監禁臣等查該犯所供雲陽一帶輾轉傳授人數多至萬人之語未便遽信而川東地方

伏而未動之賊自必不少亟須辦盡以期弭患未萌雲陽萬縣雖有穆克登阿等督率將弁兵勇分投截剿第沿江上下地方遼闊路徑叢雜恐尙不敷堵禦復令阿克坦布訥音帶領官兵前往幫辦臣明亮等分路抄繞賊前臣宜縣率同明興索費英阿等由臨江市前進搜捕餘匪並派委委員馳赴雲陽會同地方官將高名貴所供各教匪密速查拏以期盡絕根株

諭曰此次宜縣分路剿殺並生擒川省另股賊匪閱摺內前幅鋪叙情形竟似已將由楚竄入各匪殲盡及閱至摺尾現在各逆仍未拏獲一人不爲滿意不值優加懋賞念其已將另起之賊殲盡翦其羽翼辦理尙好宜縣明亮德楞楞著各賞金盒玉喜

德壯果公年譜卷六

聖

字牌大小荷包惠齡慶成恆瑞舒亮柯藩著各賞玉喜字牌大小荷包木騰額達音泰富成德齡著各賞玉搬指大小荷包柯藩拏獲賊目方正宗又帶領撒拉爾回兵翻越山梁抄至賊寨之後尤爲出力柯藩着加恩賞還花翎都司張朋豎旗誘賊著以遊擊陞用鄉勇羅思舉帶領鄉勇往誘賊匪亦屬可嘉著以千總卽補以示鼓勵

七月初六日

公偕宜縣明亮惠齡奏言川楚賊匪向雲陽一帶奔逃該處逼近川江意在搶船竄楚因水路防範周密從山路陸



續竄逃我兵分投前進並趕派將領繞道兜截臣明亮德楞泰於十六日行至長壩見對面山梁屯賊三四百人當即鼓勵弁兵趕上攻擊賊匪並不接仗奪路竄逃俱經官兵剿殺無遺據探事兵丁報稱十五日有賊匪四五百人直撲雲陽縣城適副將長春督率兵勇趕到竭力剿殺賊匪退屯洞上西坪一帶又萬縣高陽壩地方亦有賊匪數千人並經穆克登阿克坦布訥音艾如文等分兵截殺臣明亮德楞泰當即趕赴雲陽與惠齡等相機援剿臣宜縣率同明興索費英阿由臨江市進發以為各路策應竊思前此獲犯高名貴供稱雲陽萬縣等處輾轉傳授多

德壯果公年譜卷六

聖

至萬餘人若大兵併力向前追剿萬一各處新起賊匪截我後路或與方山坪之賊勾結蔓延更難辦理當即知會穆克登阿等將高陽壩屯聚之賊趕緊剿洗即在萬縣一帶防堵並派副將王承勳前往探視適侍衛烏什哈達帶領江西兵二百由襄陽前來即令其隨營聽調維時興肇亦由溫湯井趕到亦囑速赴前敵十七日賊匪復由洞上西坪率眾進逼雲陽縣城千總蘇國棟把總馬琰帶領兵勇四百名悉力抵禦賊眾捨命攻撲臣明亮德楞泰惠齡恆瑞舒亮慶成柯藩等帶領巴圖魯侍衛鎮將等分路趕到蘇國棟等見大兵已集鼓勵兵勇槍箭齊發賊匪始行

奔潰我兵內外夾擊殲戮賊匪六七百人奪獲刀矛三百六十四件餘匪即由香坪桂壩一帶逃竄該處路徑險峻為赴夔州大甯兩處要路賊眾既不能進犯雲陽勢必東竄夔州或勾結大甯老木園之賊計圖就近奔逃湖北自應趕緊截剿遏其去路隨即飛咨觀成酌分官兵交劉君輔等於要隘嚴密防堵臣明亮德楞泰即由夔州大甯一路繞出賊前惠齡等由香坪桂壩一路追擊十八日行抵梅子壩擊獲哨探賊匪訊悉賊眾分屯雙河口洞裏壩一帶隨經帶兵分路進攻詎賊匪詭譎異常已於五更時埋伏前面深溝密箐之內止留二百餘人在彼放火當即擒

德壯果公年譜卷六

聖

殺殆盡惠齡恆瑞帶兵占住北面山梁柯藩帶兵於南面山梁排列慶成富成繞上東面山梁忽聞施放號槍匪眾一擁而出執持紅黃白三色大旗分撲官兵慶成富成同巴圖魯侍衛等奮勇迎擊千總安慶把總張奇行營千總閻俊烈徐有山司天貴馬兵劉發元等首先衝入黃旗賊隊殺斃十餘名官兵一齊趕攏賊向東南敗竄惠齡恆瑞柯藩督兵乘勢壓下斃賊五百餘名生擒賊匪唐之英等八十餘名訊無要供當即正法餘匪翻山越嶺逃至馬鞍山七星壩一帶屯紮現在設法兜圍趕緊剿洗臣宜縣亦於十八日接據副將王承勳稟報十七日帶兵至雲陽網



鹿溪因相距十餘里之椒子塘地方有新起賊匪千餘人該副將督兵勦殺一百五十六人搶獲令旗十桿餘匪棄寨奔逃並據川東道李憲宜稟報萬縣之董家營等處開縣之水田壩白巖山一帶均有新起賊匪自千餘人至二三千人不等四出滋擾運道梗塞等語查開萬雲陽一帶邪匪紛紛響應卽當乘其初起急圖撲滅臣宜縣隨飛咨舒亮由水田壩白巖山一帶進攻穆克登阿等由高陽壩董家營等處截擊臣宜縣卽在開縣之蒲溪口地方紮營務將各處新起之賊悉數殲除廓清後路仍卽馳赴前途合力擒拏首逆此次各路打仗陣亡千總袁得亮李林書

德壯果公年譜卷六

四

把總王正剛馬沛應同陣亡受傷兵勇咨部分別卹賞再大兵現由開縣雲陽一路前進夔州道遠站長兵行無定所須軍火糧餉最關緊要藩司楊揆道員李憲宜等均分在新開一帶設法籌運而前敵已及數百里明興歷任封圻自到營以來辦理軍務諸凡認真茲當糧餉轉輸喫緊之際是以商令由雲陽直赴夔州督率夔州府張至幹等稽查催趨務期妥速供支以資得力並查夔州所屬雲萬等處居民驚避人夫雇募維艱臣現令楊揆於後路趕派民夫三千名長騾數百頭星夜前往接濟

諭曰此次賊匪等由山路陸續奔竄節經官兵沿途截勦復從香

坪桂壩一帶竄逸經明亮惠齡等分路抄截賊眾又逸至馬鞍山七星壩一帶屯聚現在設法兜圍而水田壩等處新起之賊已派舒亮穆克登阿等分投截擊亦祇可如此辦理所有陣亡之袁得亮李林書王正剛馬沛均著咨部加等優卹現在賊勢總欲竄楚且各處新起之賊恐擾官兵後路自應亟添勁兵現已降旨傳諭吉林黑龍江將軍等速挑勁旅三千名由驛起程前來並令東三省豫備木蘭之兵一百餘名先著惠倫阿哈保帶往襄陽一帶以備攻勦此項吉林索倫兵丁槍箭嫻熟先聲所至足壯軍威

德壯果公年譜卷六

四



德壯果公年譜卷七

次孫花沙納恭纂

嘉慶二年丁巳

七月十四日

公偕明亮奏言巫山賊眾經官兵剿敗之後退屯官坪鋪一帶臣率兵追擊該匪等向三溪河等處奔逃官兵隨剿隨進沿途截殺五百餘名生擒龔文炳等一百八十二名飭委道員陳蘭森等隔別嚴訊據供該匪等自上月攻撲雲陽縣城被官兵殺傷甚多一股被官兵衝殺已奔往大甯縣一股到夔州巫山想攻城池不得齊王氏姚之富等

德壯果公年譜卷七

商量逃過界嶺若搶占巴東歸州可以與芭葉山同教會合再作計議等語臣等查賊匪指東竄西似難深信復加哨探賊匪竟向界嶺一帶竄逃該處與湖北巴東歸州相聯道路叢歧東北界連襄鄖東南近接荆宜各郡亟須設法趕赴賊前相機攔截當留參將吉林泰都司徐朝綱帶兵八百餘名在巫山防護縣城臣等聲言由陸路追剿一面調集南岸現有船隻於初三日黎明帶兵順江而下初四日辰刻趕到巴東詢知賊人在巴東北岸之平陽上壩下壩一帶屯聚距縣治皆在百里外當將各渡口卡座酌量增減并獎賞出力鄉勇察看民情尙屬安恬因思歸州

本無城垣且在江北較巴東情形更急當飭鎮臣木騰額等帶兵一千名留守巴東並將防堵事宜飭令妥辦臣等即於初四日亥刻趕到歸州該州經汪新派遊擊俞國智帶兵二百名防守但兵數尙單客民百姓因賊匪已至巴歸交界之龔家橋地方俱已紛紛逃避臣等連夜於州治北面山梁分兵設卡民心鎮定隨查龔家橋係入歸州要隘現據差派各路探報巴東北岸口門等處均有賊散處直至龔家橋人數甚眾幸臣等繞出賊前易於迎擊自不至與額爾登保勦辦之賊會合初五日派令巴圖魯侍衛溫春富僧德總兵達音泰副將德甯遊擊馬瑜等前往迎

德壯果公年譜卷七

探至土地嶺地方遇騎馬探信賊目二十七人該侍衛等飛即趕上殲斃多名臣等現於龔家橋之東紅土巖紮營其界連歸州之興山房縣以及竹山竹谿等處山僻徑幽難保無藏匿餘匪臣等兩次扎致汪新分飭各屬添撥兵勇嚴密堵禦臣等惟有上緊勦辦總期賊匪不致散竄早就駢誅至川省竄屯各路之賊及新起匪眾大甯一路有惠齡恆瑞慶成富成等帶兵由黑樓門紅巖青莊坪等處進剿又有劉君輔馬瑀及參將胡尙賢各帶兵分堵其萬縣開縣交界處所有新起賊人屯聚羅家巖陳家山一帶臣等於所帶兵內抽出四千五百餘名交穆克登阿副將



王承勳會同舒亮勦辦雲陽縣城飭遊擊李芝榮等帶兵五百餘名駐守萬縣城飭總兵艾如文帶兵一千二百餘名駐守開縣城令都統巴克坦布訥音帶兵八百餘名駐守夔州府城令總兵德齡副將富明阿帶兵一千餘名駐守其餘如開縣之臨江市雲陽之雲安城夔州之白帝城巫山之高唐觀梁山之黑天池東鄉之普光寺新甯之聖登寺等處或防堵奔竄之賊或查辦蠢動之匪或搜捕餘孽俱經宜絲與<sub>臣</sub>相商逐漸安設官兵共計二萬有餘自可以次肅清正在繕摺聞又聞一股賊匪至巴東縣對岸之石門牛口大葉等處焚掠居民渡江避徙該縣飛稟告

德壯果公年譜卷七

王

急當派鎮<sub>臣</sub>達音泰先領兵千餘由水路星往<sub>臣</sub>等酌留弁兵固守歸州將所餘官兵刻即由陸路帶領至石門一帶勦洗惟現聞興山保康房縣地方尚有伏而未起賊匪惟有儘此兵力先將歸巴一帶現有賊匪趕緊擒掃再將奔竄各匪以次勦辦

諭曰此次明亮等拏獲賊匪訊出齊王氏姚之富等欲往歸州巴東與長陽賊匪合夥明亮等現在繞出賊前相機迎擊若能乘此機會將該二犯先行擒獲則餘黨自必瓦解著汪新酌帶兵勇迅往緊要處幫同堵拏其界連歸州之竹山竹谿等業經明亮等派令臬司先福等前往汪新亦當飭屬添兵嚴堵勿使勾

結至開萬雲陽新起之賊業經宜絲派員分投兜捕此時明亮德楞泰前往堵拏自不致與前起之賊合夥即使歸併一處更可聚而殲洗現在阿哈保所帶頭起盛京吉林官兵五十餘員名已諭令迅速行走其惠倫所帶後起黑龍江兵均著趕赴明亮一路協勦明亮等務當將歸巴一帶趕緊勦淨

十六日

公偕宜絲明亮惠齡奏言<sub>臣</sub>等督同官兵勦辦開縣一帶新起賊匪閏六月二十二日穆克登阿由萬縣進攻行抵高坪山地方拏獲奸細王泳澂等五名訊知賊眾屯聚白陽灣一帶當經該提督率同參將姜敏功等於二十三日

德壯果公年譜卷七

四

分隊攻擊高陽壩白楊灣石灰槽董家營等處賊卡我兵奮勇撲壓匪眾相持兩時之久力不能支陸續奔回我兵儘力追趕殲斃二三百名生擒四十四名內有唐泳富鍾開景吳漢義等三名訊係賊目據供此股賊匪係林亮功為首餘無要供即行正法其水田壩白巖山一帶之賊亦經舒亮督兵勦殺一百餘名各處賊匪俱竄至雲陽開縣交界之筆架山鹿頭山燕子山一帶分股盤踞該處山形險峻袤延三十餘里舒亮帶兵進至韓彭坳穆克登阿占據尖梁山正在訂期夾攻二十五日有賊匪二三千人直撲穆克登阿營卡副將王承勳帶領兵勇奮力勦擊賊匪



暫退午後復率六七千人分作五路前來穆克登阿率同  
姜敏功等分投截殺並經臣宜縣派令總兵索費英阿等  
帶兵趕赴援剿賊匪紛紛敗逃約計殺賊五六百人匪  
眾奔回燕子山等處屯據竊思新起賊匪俱在開萬雲陽  
境內滋擾其大江南岸之石砭廳地方路通湖北施南一  
帶該處並無防兵當即派令烏什哈達帶兵一千名馳往  
添募鄉勇扼要據守至川楚竄匪逃至馬鞍山七星壩分  
赴蓮花山象鼻子九盤子白水池龍潭乾溪口等處焚掠  
臣明亮德楞泰於二十日趕到夔州府親率巴圖魯侍衛  
鎮將等分投迎擊副將長春遊擊劉維馨伯明宋浩修都

德世果公年譜卷七

五

司應元寬守備馬金瑞何君佐等奮勇直前殺斃賊匪二  
百餘人生擒黃福基等二十六名匪眾仍退七星壩馬鞍  
山一帶屯聚當提獲犯審訊據供賊匪以夔州為蜀省水  
陸門戶希圖占據現在商議欲暗分一股由山後溝內小  
道潛繞郡城正東先占白帝城一帶窺伺郡城等語查白  
帝城下關城一帶下臨瞿塘峽口實為水陸扼要臣明亮  
德楞泰當於柳家灣卧龍岡擊卡以護郡城並飛飭總兵  
達音泰侍衛溫春等馳赴白帝城等處分擊卡座二十二  
日早果有騎馬賊匪三百餘人由草堂河蜂擁而來搶上  
白帝城山梁直撲營卡官兵用槍礮轟擊忽於火風坵巖

洞內擁出伏賊四五千人各路衝突官兵奮力下壓賊匪  
潰敗退屯草堂河一帶至三更時匪眾分然火炬勇猛直  
前計圖兜裏官兵經達音泰溫春等督率兵勇排列山梁  
槍擊箭射斃賊三四百人臣明亮德楞泰帶兵趕往賊始  
敗逃次日已刻復有賊眾分為三隊前來勢甚兇猛當率  
巴圖魯鎮將等奮勇堵剿槍箭所及賊人均執木板抵護  
連用礮擊賊人不能抵敵官兵乘勢壓下短兵相接殺斃  
四五百名餘賊合併一處復撲白帝城營卡我兵人人切  
齒將賊匪前隊五百餘名兜圍殲戮生擒韋五等一百三  
十名時已薄暮後隊賊匪三千餘人是夜復然火炬作撲

德世果公年譜卷七

六

卡之勢臣等鼓勵兵勇輪番更進至四更時陡然壓下斃  
斃醜類甚多匪眾捨命狂奔跌傷觸石死者不下二三百  
人此次陣亡千總包成功把總謝天保兵勇亦間有受傷  
計自二十二日起官兵剿殺賊匪一千四五百名始將白  
帝城一帶保護惟查夔州下接巫山大甯路徑叢雜難保  
無乘間潛竄之賊必須趕緊攔截且大甯地方因有老木  
園之賊牽制縣城防兵既單巫山又有新起之賊翼圖響  
應當派達音泰等先後趕赴巫山堵剿參將胡尙賢帶兵  
馳往大甯縣城防守維時臣惠齡同恆瑞慶成柯藩等由  
雙河口洞里壩一帶進剿賊匪該處有山澗一道因值山



水陡發隨營糧員州判印萬全立督夫役搶搭浮橋猝被  
淹斃二十三日臣惠齡等行至五里峽地方探有賊匪三  
四百人暗伏深林密箐之內我兵奮勇搜剿生擒宋長達  
等三十四人餘俱殲戮殆盡適聞賊匪攻撲白帝城隨督  
兵趕赴夔州興肇亦即繼至正擬分投帶兵前進又接觀  
成知會奉節大甯連界之甌子溝突有新起賊匪三四十  
人在黑樓門一帶焚掠勾結川楚竄匪擾至涼水井一盪  
水大壩口等處道路梗塞觀成現與劉君輔徐昭德圍剿  
老木園賊匪急切不能移剿因酌派馬瑀帶兵馳往添募  
鄉勇堵截等語查觀成及劉君輔等一路官兵不過二千

德壯果公年譜卷一

七

餘人茲賊匪兩面牽制辦實覺不敷臣惠齡等即由乾  
溪口一路前往大甯以期與觀成等乘勢夾擊復接達音  
泰具報該鎮等於二十五日行抵巫山正在城外苟家坪  
官家山一帶擊卡即有賊匪三四人由馬家口前來分  
路攻撲另有一起賊眾進逼縣城官兵併力剿殺賊匪退  
而復前者三次愈聚愈多經達音泰與溫春長春劉廷基  
參將岳廷極吉林泰等分投迎截殺賊二百餘人生擒二  
十四名匪眾退回二十里屯劄等語因念巫山緊要恐達  
音泰等兵力不敷當留興肇會同明興駐守夔州臣宜縣  
督同舒亮穆克登阿等現在開萬剿辦新起之賊臣明亮

德楞泰惠齡等趕赴巫山大甯截殺賊匪務期迅速廓清  
不敢稍有稽滯

諭曰明亮等現由水路前赴歸州去巫山已遠所有夔州一帶賊  
匪即專交宜縣督同各路官兵上緊剿辦現在各首逆內齊王  
氏姚之富已竄至歸州明亮德楞泰前已自歸州迎至牛口石  
門一帶截剿該處地勢阨塞有險可據若將齊王氏姚之富擒  
獲賊黨自可不攻而潰現有惠倫阿哈保帶領東三省官兵趕  
赴協剿明亮等務即趕緊剿盡不可稽緩此次打仗陣亡之千  
總包成功等俱著加等優卹

十九日

德壯果公年譜卷一

八

諭曰汪新奏川楚竄匪直趨歸州明亮德楞泰聞信即從水路趕  
至兜剿所辦尚合機宜今賊匪復向興山一帶奔竄明亮等若  
能迎頭兜剿擒獲首逆固屬甚善即賊匪尚在奔竄明亮等當  
緊攝賊蹤使之無暇焚搶奔走疲乏自可易於剿洗

二十二日

諭曰前次明亮德楞泰因截剿後股石門牛口賊匪以致頭股乘  
間東竄現惟當將後股賊匪剿淨趕赴南漳緊躡賊蹤奮力截  
剿其大甯新起賊匪欲與老木園合夥前經劉君輔馬瑀等擊  
退惠齡恆瑞慶成等又由乾溪口一路前往夾擊務當上緊兜  
剿不可再令東竄擾及二竹爲要



二十五日

公偕明亮奏言楚境巴歸一帶被賊匪竄入焚搶忽分忽合臣等於初四日就現有船隻先帶兵二千餘名趕抵歸州卽於紅土巖紮營兜截賊匪直奔巴東之石門大葉牛口等處焚掠勢欲搶渡南岸占據縣治先經派令總兵達音泰木騰額由葉灘追擊兩次接仗擊斃三百餘人賊始向龔家橋奪路竄回臣等正慮官兵稍單適明興在夔巫督辦軍需趕雇船隻將後起官兵二千餘名全數送到初八日早探得賊匪合爲大隊移屯歸州之白馬灘歸坪黑石坂涼風埡等處連接二十餘里均距州治甚近人數不

德壯果公年譜卷七

九

過萬餘臣等當卽移營白家山地方初九日臣等率領侍衛將弁等帶兵進攻白馬灘賊匪蜂擁出迎經官兵轟斃騎馬賊目七人乘勢衝突自辰至申攻克賊營二座殺賊三百餘人該匪俱向歸坪黑石坂奔竄初十日官兵移營香溪逼近孛卡十二日黎明臣等復帶官兵由黑石坂大路進攻派令達音泰同侍衛西拉布等帶兵攻黑石坂東首木騰額同侍衛法依當阿等帶領鄉勇一千名出小路抄上黑石坂後山暗伏同知陳桂生等帶領鄉勇八百名在黑石坂涼風埡適中之地設伏以截賊人接應臣等三路並進賊人搖旗吶喊分投迎拒官兵三面兜剿攪殺一

處賊人欲思翻山逃逸經道員陳蘭森同知德廉州同符元魁典史鈕正綱等率領鄉勇自山後壓下槍礮並發賊人不能衝突官兵乘勝圍剿斃賊約五百餘人割獲首級一百七十三顆生擒傅長彩彭正宗等十三名正在剿殺之際涼風埡賊人由王家山一路前來接應該匪行至王家山半坡同知陳桂生知縣胡密鹽大使鄒瀚從九職員周以燦等督率鄉勇從山頂林內突出壓斃矢石俱下斃賊七八十人生擒王大發等九名當將接應之賊截回黑石坂賊人退至山半將沙土乘風簸揚並分然草把濃烟散布使官兵莫辨其所在臣等察其詭計知該匪等必乘

德壯果公年譜卷七

十

間奔竄飭令官兵分路攔截賊人俱由山腰曲徑及溝壑內紛紛竄逸官兵趕上截殺復斃賊百數十人其先遁之賊俱歸入涼風埡一處臣急欲乘勝圍剿詎十四日進攻該匪等出而接仗者僅一千餘人據獲賊供稱眾賊目等連日於夜間潛分數股翻山越嶺至大峽會城一股衝開鄉勇卡隘前去僅留此股賊匪在後臣等當飭官兵向前剿殺該匪一見卽行敗竄竊思隨後追擊卽將此股賊人勦盡而前遁之賊已遠反墮賊人奸計並據宜昌府王春煦稟稱另有一股賊匪奔入興山該處亦無城垣鄉勇堵禦不住是賊匪時分時合前竄者乘虛四出留後者牽綴



官兵實為狡詐官兵總須抄出賊前方可攔截制勝連日

擊獲賊匪供稱兩路之賊約在宜昌荊州等處會合總要

同赴襄陽臣等莫若帶兵仍由水路徑抵宜昌無論何路

賊匪向何處奔逃均可兜截若日內該匪奔過宜昌府城

臣等竟順流而下直至荆襄一帶迎勦可以遏賊人去路

已飭令知府嚴士鉉趕辦船隻三百餘號即儘此裝載官

兵相機兜截又查歸州州治背依山麓前臨大江既無城

垣又無險可守且聞川省燕子山等處新起賊匪雖有舒

亮穆克登阿截勦亦有入楚會合之語查興肇所帶駐守

白帝城之滿兵一千名先經飛札抽調來營現已趕到即

將此兵暫駐歸州州治以資鎮壓

諭曰明亮等仍由水路趕赴宜昌兜勦所辦尚合機宜但摺內止

稱賊匪擾及興山而汪新昨奏前股賊首齊王氏等已竄至保

康南漳之後界坪明亮等探明賊蹤自當由宜昌登陸徑赴南

漳一帶緊躡追勦此時王文雄帶兵踵至汪新現駐襄陽郡城

而湖南撤回之兵由辰州順流而下計已可到襄陽賊匪自不

敢竄入若即折回南道則明亮等自宜昌而來正可迎頭截勦

二十八日

諭曰汪新奏稱賊匪滋擾保康之張飛埡該處逼近南漳自即係

由南漳竄往房縣之賊其由興山衝過霧渡河賊匪想必另係

一股明亮已統兵前赴宜昌德楞泰帶兵已抵荊州即日赴當

陽截勦有此兩路大兵前後夾擊當乘此機會速勦完竣

八月初四日

公奏言查霧渡河賊匪肆行侵擾衝突卡隘臣等正擬督

兵進勦適接汪新札稱賊匪又分竄至當陽一帶勢甚猖

獗官兵如由大江直下即可迎頭截殺等語查楚北州縣

兵守空虛賊眾如至當陽遠安則荊州即屬可虞如至南

漳則襄陽又受其蹂躪分兵進勦則力愈單薄若一處合

擊又恐不能兼顧隨商之明亮留兵二千有餘於宜昌設

法勦辦臣即於十七日帶兵三千餘名由水程漏夜趕至

荊州可以繞赴賊前迎擊十九日辰刻到荆與汪新會晤

二十日早帶兵前赴當陽探聞賊匪離當陽之宋家埡地

方僅四十餘里山勢險要先經汪新派協領富清帶滿兵

四百名并該縣汪雲銘帶鄉勇千餘名駐彼防守臣於次

日督兵前進並派守備馬應國帶奮勇兵三十名前往探

哨見賊匪已向東北遠安一帶奔竄追擊活賊阮思宇訊

係賊匪遣來探信之人知遠安無兵現在賊匪已分赴該

縣圖據縣城即可進撲當陽當將該犯正法又據遠安縣

石壘稟報賊匪已擾至縣境四十餘里之楊家坪為數甚

眾城內無兵守禦請即派兵分勦即將宋家埡卡隘交協

德壯果公年譜卷七



領富清并該縣督率兵勇防守當飭副將長春扎爾杭阿等先帶官兵一千名並派巴圖魯侍衛阿納保等帶馬兵三十名飛赴遠安城內彈壓堵剿臣同鎮臣達音泰等星夜帶兵馳往二十四日黎明抵縣賊匪正在楊家坪一帶焚燒直衝縣城臣督令達音泰巴圖魯侍衛溫春等帶兵分兩路迎擊槍礮並發相持數時之久賊匪抵死抗拒擊斃賊匪百餘名賊始退據楊家坪並於沿山擊卡懸長二十餘里時天已晚官兵暫於蘆溪嶺駐紮各兵到齊即行趕緊進攻務期擒獲首逆再臣沿途見遠安居民扶老挈幼紛紛逃徙情殊可憫現飭隨營道府等逐加安撫并諭

德壯果公年譜卷七

十一

以大兵即日到來小醜立可殲除爾等正當收穫之時毋得驚惶失業如此時將已熟禾豆拋棄轉使賊人得計並繕示各處貼掛該縣民人聞信欣然現在陸續復歸故土至南漳兵守亦單現在王文雄帶領豫兵取道襄陽似可即令徑赴南漳防堵並可邊賊匪前赴襄陽之路俟臣將遠安賊匪殲除即行合擊更為得力

諭曰德楞泰於賊匪在楊家坪焚殺時即督兵分路迎擊所辦俱妥遠安無兵防守賊匪乘間竄入幸官兵繞赴賊前迎頭截剿得以保護實為可嘉德楞泰著賞玉喜字牌大小荷包仍速將楊家坪賊匪上緊攻剿並著明亮由宜昌一帶迅速剿辦即行

馳赴遠安與德楞泰兩面夾擊

初六日

諭曰汪新奏當陽遠安一帶賊匪紛突無常有明亮德楞泰兩面夾擊賊匪不敢前往荊州恐其竄至荊門州一帶汪新不敢拘泥即赴襄陽所見俱是至所稱賊匪從洋坪繞入縣境之呼兒總地方焚掠一節洋坪在德楞泰駐劄之蘆溪嶺對面而明亮現在宋家埡互相犄角相距均屬不遠想賊匪因聞官兵進剿又竄往呼兒總地方未必果係繞至官兵之後明亮德楞泰一得此信自己追往兜剿不使賊至當陽滋擾德楞泰總當設法夾擊擒獲首逆為要

德壯果公年譜卷七

十四

初十日

公偕明亮奏言臣德楞泰於遠安楊家坪地方獲有勝仗二十五日各兵到齊次日黎明由舊縣茅坪西風埡進攻賊人吶喊迎前臣帶兵搶上山梁併力轟擊將賊人頭二卡衝開殺賊一百二三十名生擒陳名揚劉秀坤等十七名奪獲槍矛木礮餘賊棄卡逃遁始向西北一路狂奔官兵緊跟追擊復折向東北面洋坪土地埡等處四竄臣德楞泰即督兵由大小巷口跟蹤進擊一面飭將弁兵勇分投搜捕一面飛咨明亮繞道向東兜截臣明亮是日同興擊自宋家埡由遠安西面綠豆埡一路剿捕前進沿途山

一第丁丁 冊黃參日車全書第 0 三三



溝林內搜獲匪賊劉會仁等四十六名盤獲冒充鄉勇之奸細王文選等七名均係潛探卡隘虛實之犯即行正法行至大垵口地方接德楞泰來信知遠安包巾寨楊家坪等處俱經廓清賊人勦敗後向東北竄逸查遠安北面洋坪土地垵緊連當陽呼兒總且與荊門州接壤荊門爲荊襄適中之地關係緊要當即取道當陽小烟墩等處星夜遣發二十八日午刻臣明亮行至溝溪河地方適臣德楞泰亦由武雁山追趕到來兩路會合二十九日併力並進於腰亭地方擊獲哨探賊匪甘廷秀等三名訊據有欲折回當陽進窺荊州之語臣等以賊匪屢經勦敗希圖往復

德壯果公年譜卷七

五

竄擾不可不乘勝兜截八月初一日官兵進至觀音寺賊人聞風退屯當陽荊門州南漳交界之施家河東鞏一帶查南漳現有王文雄帶兵堵剿荊門州雖設有鄉勇究不足恃臣等現已繞赴荊門州之西迎頭攔截不獨該州可以保障即當陽荊郡均能捍衛若賊人繞出南漳北竄襄陽臣等亦得趕上兜截斷不與賊以暇再查歸州爲楚蜀水陸門戶誠恐川省雲萬一帶賊匪被勦情急復乘間入楚是以前在歸州起行時曾商留興肇帶滿兵八百名駐守嗣因前敵兵丁不敷興肇趕赴宜昌協剿臣等酌商將後起滿兵五百名札飭協領喜格管帶由夔巫趕赴歸州

會同遊擊命國智所帶兵二百名設卡防堵

諭曰據奏分投攻剿各得勝仗但殺賊無多而賊匪仍向東北竄逸未能截住乃猶靦顏爲此虛詞具奏實爲伊等恥之至興肇既抵明亮軍營斷無復回歸州之理明亮等現令協領喜格將後起官兵五百名留歸州防守亦足以資堵禦再施家河一帶與南漳交界前因興山賊匪分向南漳房縣一帶竄聚令王文雄帶兵往勦並令景安前往調度設施家河之賊亦竄至南漳明亮德楞泰正可會同景安王文雄等夾擊迅速肅事

十一日

諭曰惠倫阿哈保所帶東三省官兵已到景安復將所調兵一千

德壯果公年譜卷七

六

名交與惠倫等帶領前往南漳會合王文雄截剿其山東山西官兵陸續亦可到來是北面一帶已有官兵堵截而明亮德楞泰復自遠安荊門州追剿而來兩面夾擊賊匪雖多亦無難悉數殲除但此時賊匪分股奔竄首犯齊王氏姚之富是否在明亮德楞泰所追賊匪之內抑或在王文雄所追賊股之內總當探明首逆蹤跡併力擒獲

十五日

公偕明亮奏言臣等於初二日自荊門觀音寺率兵進攻賊眾聞風由東鞏竄向陸坪辛家坪七邱田腰盤寨等處查陸坪辛家坪距荊門石橋驛甚近七邱田與鍾祥接壤



腰盤寨又離宜城不遠臣等察探賊情自宜昌遠安勦敗之後一聞官兵信息即行遁去欲使官兵兼顧不暇以便乘間竄出萬一賊人擾及石橋驛宜城等處不特驛站梗塞且大路平坦堵剿更覺掣肘隨飭巴圖魯侍衛阿納保溫春等帶領兵勇一千餘名繞道馳赴宜城縣守禦一面親率兵丁由姚家河仙居鄉留厚集一帶前進以絕賊人竄往石橋驛來路詎賊人知石橋驛一帶備有備即由腰盤寨武安堰直竄宜城臣等探知星夜前進行至徐家集地方接據副將劉廷基及該縣等稟稱初五日賊匪自腰盤寨撲卡直入勢甚兇悍現離縣城約十餘里等語臣等即

德壯果八年譜卷七

七

率同興肇達音泰等先帶馬隊兵丁加緊進發為掩襲之計遂由石灰窰小道繞至江岸抄出縣城東北迎頭兜截其時賊人進逼縣城相去祇五六里臣等趕上直前衝殺賊人恃地勢平行四路排列蜂擁前來希圖兜裏經馬隊官兵擊射賊不敢進猶復施放槍礮抵拒相持一時之久後隊官兵趕到併力攬殺斃賊三百餘名生擒李成貴等八名賊人狂奔敗走官兵乘勝趕殺追至襄陽小河口幸張文奇先將沿河船隻提赴對岸賊匪不能竄渡臣等帶兵趕到時已向晚與賊人對面紮住連用槍礮轟擊擊斃甚多臣等正在運取火炬乘夜圍剿三更時賊匪向北竄

走官兵立即追擊至獨樹塘地方天已將明適景安會同惠倫阿哈保等帶領東三省勁旅前來合兵夾剿賊人志在直奔襄郡經景安等自北而南攔截去路臣等在南面擊殺賊人首尾不能相顧折向西南竄走該處地勢四通八達惠倫阿哈保率領勁旅分投抄擊賊眾披靡四竄捨命狂奔官兵益形趨健追殺二十餘里殲戮賊匪五百餘名生擒周明模李秀等二十一名餘賊向仙女山丁家集一帶竄遁臣等因恐山徑崎嶇東三省兵丁不便馳驟當令撤回此次兩面夾攻不獨荆門宜城可保無虞亦不能衝犯襄陽再行北竄皆賴

德壯果八年譜卷七

六

聖明先事豫籌實足壯軍威而寒賊膽再查賊匪自川省竄至歸巴一帶其初時分時合亦不能定其股數臣等先經獲賊訊據供齊王氏姚之富即在屯聚歸州一股賊內是以臣等即由歸州宜昌遠安前來跟蹤兜剿適日賊人分竄之路雖有三股其實相隔皆不過百里內外連日獲賊訊供仍僉稱齊王氏姚之富皆在此股賊內但據保康房縣二處所獲賊供亦稱姚之富齊王氏為首三股賊匪所供逆首相同明係賊人狡詐希欲惑亂官兵並有齊王氏尚在川省之說其供詞均不足深信臣等細察情形知賊人總思各回本處自川省竄回一股定係齊王氏姚之富等而



惠齡等在川省勦辦一股定係王三槐徐添德等現已分飭各路確實查明再行具奏

諭曰此次賊匪自荆門直犯宜城若明亮德楞泰不能緊躡賊蹤或致乘間紛擾宜城稍有疎虞則賊勢漸張今明亮德楞泰並不予賊以暇自荆門星夜前進當賊匪將至宜城之時繞道兜截得以痛加殲戮而景安初抵襄陽時兵力稍單若遽行輕進轉恐賊匪窺知虛實是以持之鎮靜一聞明亮德楞泰帶兵兜截卽率同惠倫阿哈保由北面奮擊輕重緩急均合機宜賊匪經此番官兵兩面夾擊之後紛紛潰敗不獨宜城已保無虞卽襄陽亦可安堵所辦實屬可嘉明亮著賞給嵌珊瑚松石帶扣

德壯果公年譜卷七

九

德楞泰著賞給雕象牙帶扣景安著賞給嵌松石帶扣並各賞玉搬指大小荷包與肇惠倫阿哈保王文雄均爲出力著各賞玉搬指大小荷包達音泰木騰額張文奇胡齊崙著各賞大小荷包以示獎勵現在賊匪入山竄逸扼險圍剿較平地尤易爲力明亮德楞泰等總當督率官兵整隊進剿併力圍截務將首逆擊獲則大局已定其餘分竄零星賊匪自可不攻而潰矣

十七日

公偕明亮景安奏言伏查教匪自上年至今竄及數省雖各路勦殺爲數以千萬計而首逆尙未成擒餘黨不形減少實緣該匪等始尙據險屯聚猶得合圍進搗近日則東

奔西竄無久占之地無一定之所以劫掠爲生行不必裹糧住不藉棚帳所過村莊市鎮人民多被逼脅以致夥黨

日多分股竄擾使官兵應接不暇而楚北襄鄖荆宜各屬犬牙相錯道路叢歧難以一一堵截至於官兵勦捕之法迎擊勝於尾追兜擒勝於散逐臣明亮德楞泰前自巴歸一帶前來如歸州宜昌遠安當陽宜城襄陽各郡縣未嘗不繞赴賊前抄截但兵力以保城爲急則村市已被焚掠以保荆襄爲急則保康房縣各股已難兼顧更可恨者官兵探賊所向窮日夜之力趕赴賊前而賊匪一見官兵非折回返走亦必橫衝旁竄往往迎頭轉成擊尾官兵若由

德壯果公年譜卷七

十

後追殺則任其所之不能攔截若再欲繞道抄殺則路遠兵疲卽幸而趕上難保賊人不又他竄且官兵行走口糧軍火鍋帳器械均須量爲裹帶逐日設卡拏營此皆賊人所無類此情形勦辦驟難得手今計三股賊衆共二萬有餘其中騎馬賊不下三四千臣等現帶各兵內馬隊不過六七百名其餘悉屬步兵今蒙

聖明洞察調撥吉林索倫兵三千名又發馬八千匹竊思東三省勁旅若與尋常漢兵爲伍行走未能迅速無以逞其驍勇徒致兵乏馬疲莫若俟該兵丁到營後臣等再於健銳滿兵各省綠營官兵內挑出千名合之共得精銳馬隊四千



餘名其屯土撒拉爾兵丁行走較捷亦酌量挑派以為後隊接應分作四路臣等分投管帶晝夜進擊且額爾登保勦辦成子口賊匪即日竣事可趕抵臣等軍營將此項官兵交其帶領尤為得力該兵丁等壯健趨捷不獨慣於馳騁嫻習槍箭且能藉草為宿炙肉為飼可以不帶鍋帳不待糧運實為綠營漢兵所不能至現在各省綠營兵及調到直隸山東山西兵丁分設四面要隘以為外圍更番戰守則各路不致空虛實於堵剿大為有裨臣景安現在籌辦肉乾炒米等物以備進剿時分給裹帶計每兵每十日給以所需米肉攜帶亦不累重並令襄陽道府等照樣寬

德壯果公生譜卷七

三

為備辦源源接濟俾糧足馬強以便晝夜緊追截殺使賊匪眠食無暇定可次第掃除以收實效現在竄往南漳保康房縣等處之賊臣等鼓勵兵丁趕緊籌剿亦斷不敢稍有延挨再查原任廣西宣化縣知縣梁友穀係襄陽人告病在籍因賊匪滋擾率同伊子文童梁印文在程梢渡修築土堡收養男婦老幼鄉民十餘萬並團聚鄉勇設卡防堵賊匪竄至該處梁友穀父子率勇堵禦附近村莊未致被賊蹂躪洵屬急公向義出力可嘉又襄陽武生梁大烈蔡運升武童蔡正升張鳴來上年隨營出力經湖廣督臣分別給與行營千把總外委頂戴該弁等此次在程梢渡

隨同梁印文堵禦賊匪亦屬出力又鄧州文生彭騰蛟自上年以來帶領鄉勇隨同堵剿實屬奮勉此次派防守江岸亦能不辭勞瘁又探得房縣另股賊匪已由竹山向西奔竄距陝西紫陽平利一帶較近紫陽地方原派總兵富爾賽帶兵二千名駐劄防堵嗣經宜縣調赴川省協剿臣等因宜縣現調甘肅官兵日內可到陝境已飛咨秦承恩於此次官兵內酌留一二千名在陝楚邊境擇要堵截其餘先令馳赴宜縣軍營聽候調遣

德壯果公生譜卷七

三

諭曰明亮等奏籌剿事宜所見亦是但明亮德楞泰前在四川帶兵追賊至楚此次賊匪本起自湖北明亮彼時亦在襄陽一帶與景安統兵剿辦迄今年餘任賊東奔西竄兵疲追捕墮其奸計是誰之咎今為此奏未免已遲現在各省兵丁早入豫境東三省勁旅計日亦可到楚明亮德楞泰即照所奏機宜悉心布置務於一兩月間剋期肅事

又

諭曰明亮等奏原任宣化令梁友穀團聚鄉勇奮力捍禦等語梁友穀告病在籍因賊肆擾率同伊子悉力堵禦附近村莊得以保全洵屬急公好義該員現已年老著加恩將伊子梁印文賞給八品頂戴以縣丞即用武生梁大烈等前經給予行營千總等銜著各該撫遇有缺出即分別拔補生員彭騰蛟並著賞給



八品職銜以示鼓勵

二十三日

公偕明亮奏言賊匪前在獨樹塘地方經官兵擊敗折回西南仙女山丁家集一帶竄走臣等察其路徑似欲竄往南漳但據屢次獲犯僉稱賊人總思北渡襄江竄入豫省是折赴南漳形跡竟欲將官兵誘入山內以便乘間出山赴江岸搶渡奔竄臣等再四熟籌此時賊眾路歧與其竄越江岸不如逼向西南山內可以扼險截剿况賊人狡詐異常萬一官兵跟蹤緊擊其前隊之賊或又分股折竄江岸躡淺偷渡轉墮賊人奸計臣當飭守備馬應國等自丁

德壯果公年譜卷七

七

家集緊跟賊匪前進躡看趨向一面令鎮臣長春副將劉廷基等帶兵二千名先由襄江南岸進發以安沿江各市鎮民心卽一路馳赴穀城幫同原任總兵彭之年扼要防堵臣等卽由隆中石牌嶺前進途中據馬應國稟報並據拏獲哨探賊人供稱賊匪自丁家集西竄後果卽由石廟等處北走欲焚擾茨河鎮搶船直渡襄樊上游商民殷庶臣等聞信後連夜前進十二日午刻行至茨河鎮正值賊人自西南一帶焚擾出山該處居民甚形惶恐臣等當將兵丁在市鎮前山梁紮住察看地勢東面楓樹壩一處爲達茨河鎮後路要隘西面耗子溝一處爲達石井冲江岸

德壯果公年譜 卷七

要隘官兵由此兩路進發則可絕其北竄並可兩面夾擊

臣明亮同興肇副都統阿哈保帶領巴圖魯侍衛將弁等由楓樹壩一路進剿臣德楞泰同惠倫達音泰帶領巴圖魯侍衛將弁等由耗子溝一路進剿其時賊匪已由南子山直衝楓樹壩前來約六七千人內衝先騎馬之賊約七八百名吶喊搖旗肆無忌憚臣明亮當同興肇將壩口左右山頭紮住賊人捨命撲上三次官兵礮擊箭射奮力壓剿擊斃賊匪甚多西面耗子溝一路亦有賊六七千人衝撲臣德楞泰同惠倫達音泰率兵排列山頭賊人撲上山礮達音泰手射二賊賊勢稍卻惠倫同巴圖魯侍衛率領

德壯果公年譜卷七

七

滿漢馬兵首先下壓眾兵並進臣明亮興肇又自楓樹壩追擊前來兩面夾攻痛加剿殺惠倫阿哈保達音泰率領三省墨爾根官兵衝進賊隊各射賊一二名二三名不等共殺賊七八百名生擒劉登發等二十九名賊人捨命逃向金牛寺時天色已晚官兵紮住石井冲次日臣等復率兵進剿賊又向枯樹溝屏風寨一帶奔往穀城廟灘該處亦屬臨江市鎮一面飭長春率兵移駐一面飭步隊兵丁自石井冲沿江進發臣等帶領馬隊兵丁跟蹤追殺沿途殺斃多賊追至茅坪村前隊賊人正在炊食官兵從林內抄出截殺攻其不備賊人潰亂奔逃官兵分投擊斃賊

一五二



四百餘人生擒袁萬相等二十七名搜出被擄男婦一百七十三名口訊係逼脅入夥均發交地方官管押保釋至袁萬相等犯逐加研訊據供均係從教多時隨同焚掠袁萬相劉登發二犯係偽封副帥首先臨陣指揮尤為可惡即分別斬梟戮割查此股賊匪總思搶越襄江前入豫境現屯穀城之南新店子等處臣等因沿江一帶最關至要恐其乘虛竄渡必須自北攔截現在所帶官兵已抵花石嶺地方並恐該匪竟奔均州竹山竹谿一帶希圖闖入陝境前已咨明秦承恩截留官兵在陝省邊界防堵臣等日內連得勝仗士氣倍增即當乘勝截擊務使逼向一處並力圍勦以期先擒首逆早慰

德壯與公年譜卷七

三

聖心

諭曰明亮等奏迎擊北竄賊匪情形所辨深為可嘉昨據景安奏穀城一帶竄聚賊匪經明亮德楞泰帶兵追勦殲賊甚多而未據明亮等奏報正切懸盼今據奏到兩次殺賊共有千餘官兵大得勝仗賊匪竄至穀城南新店子等處屯聚明亮等自北攔截扼要防禦並於沿江一帶派兵防堵不能偷渡北岸竄入豫境調度俱合機宜明亮德楞泰俱著加恩賞用紫韁以示優獎仍各賞給洋鑲盒松石鼻烟壺大小荷包與筆惠倫阿哈保達音泰長春著各賞瑪瑙鼻烟壺大小荷包以示獎勵其探聽賊

信之守備馬應國馳探迅速官兵得以預行截勦著以應陞之缺陞用

恭錄

聖製詩

避暑山莊回蹕至喀喇河屯行宮作疊去歲韻

周歲光陰瞥眼期行宮秋景未殊斯閱豐有象誠幸矣今歲各

豐稔蹕路所經崇鼎比嶺誠堪欣幸望捷依然實愧之川竄

楚逃賊氛盡陽遠安宜城地方經明亮德楞泰帶兵獲至賊前

截勦屢殲賊眾近據奏報於穀城耗子溝楓樹壩復連得勝仗

殺賊千餘賊勢日蹙而額爾登保圍勦帽子山賊已層層緊逼

無路可逃其方山坪老木園之賊經雄兵強將眾威滋近因勦

官緝及觀成等圍勦已各辦理得手德壯與公年譜卷七

賊匪官兵日久未免疲乏因發吉林索倫勁旅三千令惠倫阿

哈保愛星阿帶往此項官兵一以當百又調直隸山西兵共五

千名合之原有官兵已及數萬聲威壯盛以七凶佇待生擒首

之勦捕竄匪直如摧枯拉朽成功定在旦夕襄陽鄭陽一路教匪滋事係姚之富齊王氏李全為首犯長陽

一路係林之華覃嘉耀為首犯東鄭則係王三槐遂州則係徐

添德賊匪么麼烏合總因首逆未獲是以東奔西竄到處勾結

屢飭帶兵大員惟當將此七凶設法生擒其餘黨自必潰散易

於搜捕淨盡連日川楚各路俱屢經奏報歸蹕迎看露布馳

得勝惟首逆尚未成擒不能不切懸盼耳九月初三日

諭曰現在前股竄匪已至白河洵陽而後股竄匪仍在均州明亮

德楞泰二人內應酌分一人速帶新到勁兵迅赴陝境幫同恆

瑞秦承恩分投堵勦

十一日



公偕明亮奏言查賊匪經官兵連次勦敗之後由孫家灣石堰花果園一帶向西奔竄臣等察看賊情若不分頭攔截徒事追擊賊匪或北渡漢江或西竄陝境皆費周章必須將西北兩面賊人奔竄之路堵截使賊人前無去路勢必折回官兵由石堰花果園前進不惟可為東北穀城均州一帶捍衛且正可迎頭截擊一面飭副將劉廷基都司張朋帶領兵勇由鄖陽江岸相機進發自北兜襲一面飭守備馬應國帶領兵勇堵截臣等率兵由石堰等處自東而西二十九日行至花果園時值霧雨交作探知賊人竄及黃龍灘意欲北犯鄖郡西擾斗河俱聞設有兵勇且漢

德壯果公年譜卷七

三

江斗河內船隻俱經無臣景安派員押赴對岸賊人不能前進果向東南一路折回臣等連夜冒雨趕至草甸地方正遇賊匪分馬步五路前來臣等探明路徑亦飭官兵分五路進剿臣明亮率領巴圖魯侍衛阿那保鎮臣長春等帶兵搶上迎面左手山包臣德楞泰率領巴圖魯侍衛西拉布鎮臣木騰額等帶兵搶上迎面右手山包惠倫阿哈保温春等帶東三省墨爾根官兵及滿漢馬隊兵丁向山麓大路進擊興肇率領巴克坦布等帶滿營馬步兵丁由左手吳家灣山梁進擊達音泰同副將李文蔚等率領屯土官兵由右手王家場山梁進擊飭令遊擊蕭福祿等帶

領撤拉爾回兵設伏王家場山後截擊臣等排列甫定賊人蜂擁猝至其左右山梁之賊先進犯興肇達音泰兩路官兵希圖搶占山梁經興肇達音泰率兵站定山頂奮力擊殺賊人見山頂兩路官兵奮勇左右山溝內又抄出兩股賊眾直撲臣明亮德楞泰所占山包希圖兜裏官兵後路經臣等督率將弁官兵分投壓剿槍礮矢石並下賊人連撲三次被官兵擊殺無數賊人竄走臣等趁勢下壓追擊西面山坳林內突出騎馬賊六七百人向大路飛奔接應經惠倫阿哈保温春率領勁旅馳擊賊人膽敢搜鋒前進被官兵槍擊箭射人馬俱斃賊匪策馬四竄惠倫阿哈

德壯果公年譜卷七

天

保温春首先追擊眾兵勇氣倍增箭無虛發賊眾披靡向西急逃而臣等所擊兩路匪眾見騎馬接應之賊窮蹙狂奔亦捨命竄走經惠倫阿哈保温春等帶兵追殺并飛馬抄向賊前兜截與臣等兩面夾擊當痛加殲戮之際其左右山梁兩股賊眾又經興肇達音泰壓剿下山五路官兵追擊兜殺將賊匪逼向九鋪灣楊溝口等處刀砍矛扎及槍箭所斃共計一千三四百人生擒活賊一百二十三名婦女一百八九十名賊人情急向西南山澗自投官兵併力轟打擊斃及投澗死者不下二三百人後隊賊人亡命奔逸即從澗內積屍之上倉惶逃遁竄上陳家山梁惠倫



阿哈保温春達音泰等率領滿漢馬隊屯土兵丁渡澗追殺遊擊蕭福祿都司馬良棟率撤拉爾回兵槍上山梁截擊騎馬賊人乘山霧迷漫翻山飛竄惠齡阿哈保温春達音泰率馬兵追擊阿哈保所騎之馬忽被槍傷遂換騎跟役之馬進追馬復被槍不能前進協領傅德防禦五十七及該副都統跟役二名趕上抵殺俱受矛傷陣亡惠倫達音泰見阿哈保連傷一馬并見賊隊內有執紅白旗指揮衆匪者三四人料係首逆恐其遠遁飛馬進追至長坪地方將一執旗頭人之馬射倒正欲趕上生擒詎餘匪捨命搶護直前格鬪惠倫奮力擊射立斃數賊猝爲賊槍所中

德壯東公年譜卷七

无

墜馬復受矛傷一處竟至陣亡佐領福蘇及親隨護軍校舒靈呢馬訥藍翎長雙靈保等直前救護亦被槍傷同時陣亡阿哈保達音泰温春帶兵槍上竭力攻擊將賊壓下蕭福祿馬良棟亦帶撤拉爾回兵趕至抵勦連斃十餘賊賊始敗逃從陳家山內大堖口竄走官兵復追過兩座山包賊人俱竄屯大堖口後山大梁該處山高林密官兵自卯至未力戰多時又值山霧愈大前進恐不得力當令於大堖口暫行休息自此前進重山層疊可以扼要堵勦臣等卽日率兵緊躡進勦相機兜截總不與賊以暇賊匪自難肆逸再惠倫自抵軍營奮勇殺賊今臨陣捐軀臣等不

勝悵悼愧憤當經購備一切卽日委四川都司楊森及千總等員就近護送至鄖陽由水路先至襄陽俟吉林索倫及各起官兵到齊再令委員楊森及該家丁護送遄歸現已咨明撫臣汪新查照辦理

諭曰明亮等兜截孫家灣一帶賊匪沿途截殺一千七八百名所辦皆好但惠倫因射倒執旗賊目正欲趕上生擒猝中賊槍墜馬復受矛傷陣亡可惜之至惠倫係明瑞繼子念伊父子均屬陣亡已另降諭旨格外加恩矣所有督率打仗分路帶兵各員自當加之獎賞以作其氣明亮德楞著俱賞欵玉帶頭帶環玉搬指大小荷包與肇阿哈保達音泰木騰額長春温春著賞

德壯東公年譜卷一

三

玉搬指大小荷包其打仗陣亡之協領傅德佐領福蘇防禦五十七護軍校舒靈呢馬訥藍翎長雙靈保俱著咨部加一等優卹此時賊匪雖不能向西北奔逃但現由大堖口竄入山內該處重山層疊無難扼要堵禦總在明亮等設法擇險堵截將賊匪圍住山內立卽生擒不可再令突圍而出竄至房縣保康竹山竹谿一帶

十六日

諭曰現在明亮德楞著屢殲賊衆軍威已振又調往之吉林官兵俱已到彼其黑龍江官兵及察哈爾馬匹日內亦可陸續到齊明亮等正可馳驟殺賊惟是賊匪見官兵聲勢浩大自必分竄



狂奔若前路無兵堵截則賊匪四散逃逸必致仍前尾追使生力勁兵又形疲乏宜縣惠齡恆瑞等即不能痛殲賊匪豈亦不能堵截其竄走之路乎著該督等務須探聽賊蹤設法布置預行堵截使賊匪無從乘間奔竄明亮等得以盡力勦殺而明亮等亦當察看情形或於新到官兵內派令得力將領酌量分帶勁兵覓道繞出賊前首尾合擊自更可事半功倍也又汪新料理吉林官兵起程前赴軍營並調備馬匹等事所辦尙好道員保定節次堵禦賊匪幫辦軍需勉奮出力著加恩賞戴花翎以示鼓勵

二十日

德壯果公年譜卷七

三

公偕明亮奏言臣等帶兵緊躡賊蹤行至高賢川地方擊獲隱伏山坳探望官兵之賊六名訊據供稱自到湖北以來被官兵處處繞道抄殺傷折數千人今被官兵逼到房縣從房縣翻山出去可以由竹山竹谿逃到陝西或者山路幽僻可以覓路前去與前竄往陝西白河一股合夥好敵官兵等語臣等查房縣竹山竹谿鄉勇頗稱勇往當飭該處府縣及各卡鄉勇嚴加防堵一面飭副將劉廷基都司張朋帶領兵勇繞赴揚圩口堵截使賊人不得進擾房縣臣等率兵由馬家洞太山鋪一路前進賊匪初由羊子山西竄汪家河經該處鄉勇截殺不能衝越遂東竄地丁

鋪思欲進擾房縣又經劉廷基等迎擊復向西南毛坪軍馬鋪一帶奔逸臣等進至汪家河察探賊人連日奔突一聞前有官兵即行他竄非出其不意兩路兜剿不能截殺查軍馬鋪以西即入竹山縣境復飛飭劉廷基等帶領兵勇跟蹤進追以堵賊人折回房縣之路臣等率兵由馬尾三家塘抄向賊前攔截初六日官兵進至界山塘正值賊人自芹口前來衝突鄉勇卡座臣等當派巴圖魯侍衛溫春鎮臣木騰額等帶兵分隊於山頂林內設伏待賊大隊行至山前突出勦殺賊匪倉卒不能抗拒即亡命狂奔被官兵橫衝兜截斃賊二百餘名其後隊賊人即竄上西南

德壯果公年譜卷七

三

山梁思通臣等同興肇率阿哈保等帶馬隊及屯土兵丁飛追進擊復斃賊百餘人餘賊翻山由東河西竄臣等察看路徑東河之西即爲小深河田家壩離竹山縣城二十餘里該處鄉勇現在有赴陝西白河一帶協剿者有在斗河一帶防堵者萬一賊人竄至彼處恐近城一帶村莊不無驚恐遂由霍山繞出竹山縣城南馳赴小深河初九日午刻至北岸老虎集聞前面槍礮之聲催促官兵趕緊進發適賊人衝撲田家壩鄉勇卡座將欲搶渡小深河臣等督兵渡河衝上山梁兩路擊剿詎賊人自上下撲拋擲石塊併力抗拒阿哈保達音泰等率馬兵首先衝殺佐領永



恪布驍騎校額勒錦藍翎領催連陞皆力戰被傷陣亡達音泰所騎之馬被槍打傷該鎮復換馬趕上衆兵亦怒不可遏一擁而進斃騎馬賊五名步賊十餘名賊人稍退劉廷基張朋等亦帶兵追至前後夾攻殺賊百餘人生擒十三名賊人向前敗走時已向晚不便窮追當令官兵在小深河山梁暫駐以定縣城內外民心一面派守備馬應國帶兵勇三百名緊跟賊蹤察看竄向何所相機進剿

論曰明亮等所奏情形祇係截剿賊匪殲獲不過三百餘名賊匪又向南敗走殊不滿意此次打仗時計吉林黑龍江勁兵尙未到彼明亮等僅就原帶之兵分投截剿是以不加深責現在賊

德莊果八年譜卷七

三

匪由竹山小深河山梁向南敗走官兵是否可以兜截不致竄入竹谿一帶未據聲敘且姚之富等欲從幽僻小路竄往陝西白河是賊匪欲與前股楚匪合夥則官兵又成尾追之勢明亮等探明賊蹤務須逼向東趨歸入房縣山內以便擇要圍剿所有陣亡之佐領永恪布等俱著咨部加等議卹

二十七日

公偕明亮奏言賊匪自小深河敗竄後由麻家渡保豐一帶向西南奔突等沿途獲賊訊知賊人欲攻撲竹谿縣城奔入陝省十三日已竄至竹谿之水坪地方離縣治三十餘里而八月初間從竹山竹谿竄入陝境之另股賊匪

近復自白土關折回竹谿之西小河口一帶焚掠將欲竄合夾攻縣城查竹谿縣治係新修土城雖有守兵三百餘名鄉勇千餘名並無大員彈壓隨飛飭巴圖魯侍衛溫春阿納保等帶領馬隊兵丁繞道馳赴縣城防護安撫居民等漏夜帶兵由南山後趕進以期與阿納保等內外夾擊十四日五鼓行至漫液塘該處東離水坪十五里西距小河口三十里北至縣城十五里天明集兵等從黃龍寨青草坪分投迎擊適賊匪正由東西兩路分擾前來一見官兵西路小河口賊匪即折回小關塘一帶奔逃東路水坪賊匪亦折向秦家坪寬坪一帶竄走官兵分投剿殺

德莊果八年譜卷七

三

賊匪越澗翻山狂奔亂竄西路之賊被副都統阿哈保副將扎勒杭阿等領兵追至敖家寨截殺百數十人生擒五名餘衆向關壩一帶疾竄東路之賊被興肇同達音泰等領兵追至椒嶺岡賊匪由鼓兒寺西逸等率鎮木騰額等帶兵繞出獨松寺山前橫衝截擊賊匪拋棄行李騾馱捨命遁逃官兵擊殺二百餘人生擒十四名奪獲馬騾器械甚多餘衆逃向店坪一帶查關壩以西係竹谿與陝西平利交界之地店坪以北係往陝省白河大路兩股賊匪今被官兵分投追剿雖已不能會合亦是牽綴官兵現在滿漢兵丁六千餘名不敷分路追剿竊計關壩一股之



賊有提督柯藩在平利八角廟堵截又有秦承恩截留新到之甘肅兵丁及恆瑞帶兵前來足資截剿其北面白河一帶經景安派王文雄帶兵一千名自北兜擊亦可無虞闌入惟該匪折向連線河北竄或店坪一股賊匪折向七里關大金河西竄則兩股賊匪仍得會合現在竄向店坪之賊尙在彼處屯聚臣等昨已趕到沈家營相離十餘里卽日整隊前進於兩股賊匪前竄必經之路扼要截殺務期以次遞剿至竹谿縣治周圍新築土城頗爲高厚城外有龍堰河廖家河兩道環衛所設兵勇逐加獎賞俱極奮勇向義居民亦已安堵

德皇果公全譜卷一

三

諭曰明亮等所奏擊退分擾竹谿賊匪情形所辦尙好但祇係沿途追剿並未獲一賊首而所獲賊匪亦不過二三百人未爲滿意賊匪東西奔竄忽分忽合意欲牽綴官兵冀圖他竄明亮等不可墮其奸計總當併力兜剿一股再辦一股以次肅清

二十八日

諭曰昨已有旨令勒保馳赴湖廣新任該督到彼楚省軍務自當令其董率辦理宜蘇亦本係總統但現在勁兵健馬俱在明亮等一路且姚之富齊王氏尤爲賊首中緊要之犯此時所盼者惟明亮德楞泰二人捷報宜蘇勒保雖係川楚總督亦斷不肯掣明亮德楞泰之肘伊二人不得因聞勒保現有到楚之信稍

存觀望儻不能卽將齊王氏姚之富拏獲而轉被他處殲擒則又將何顏對朕耶明亮德楞泰總當確探二首犯蹤跡專意設法擒獲不必分心他處爲要

十月初四日

公偕明亮奏言店坪一股竄匪聞官兵緊躡其後無處屯紮卽行前遁臣明亮同興肇等由西面前進臣德楞泰率侍衛溫春等由東面前進追至銅錢關地方適賊匪已將鄉勇卡座衝開其前隊之賊竄越陝境七里營一帶後隊之賊尙在該處焚掠臣等飭兵並進賊匪卽狂奔當令巴圖魯侍衛等飛騎由山後溝內抄上前面山坳攔截官

德皇果公全譜卷一

三

兵由東西兩面山梁壓下剿殺將留後賊人二百數十名截住該匪猶捨命衝突官兵痛加圍剿殲戮無遺將被焚房屋趕緊撲滅其前進之賊由七里關火金河向洵陽境內疾竄臣等當卽率兵追殺該匪於山溝內曲折肆竄並於東西四山焚燒多至一二十處意將牽制官兵不能定其所向臣等詢明路徑專向賊人去路追擊其不通大路處所令一二弁兵分帶鄉勇前往勦捕臣等追至董家營大張溝賊匪復由洵陽邊界西竄將擾及興安聞惠齡恆瑞慶成等自西鄉紫陽一路兜剿正期兩面夾擊詎官兵行至四股坵此股賊匪已經恆瑞慶成等擊退翻山折竄



平利<sub>臣</sub>等一面派侍衛溫春阿納保達爾精阿等帶兵四百名繞道抄赴平利縣城防護一面率兵取道高望廟星夜追剿二十二日該侍衛等馳抵縣城賊匪又竄至外西關焚掠該侍衛會同在城防守之佐領七十六督率兵勇排列槍礮轟擊斃數十人賊匪稍退西刻復又結隊前來大肆焚劫搶近城濠溫春正在奮擊<sub>臣</sub>等趕至由後進攻賊始敗竄計斃賊三百餘人餘賊向西南逃遁時已夜深當在木瓜山停息片時一面將縣城內外人民招集安撫<sub>臣</sub>亦即探明所向滿夜追擊不與以暇查此股賊匪大半籍隸襄樊屢思竄回舊地今<sub>臣</sub>等一路追剿又有賽沖

德壯果公年譜卷七

三

阿所帶吉林兵丁及景安所帶後起各兵自均州鄖陽一路前來該匪斷不能折回東竄楚境業已肅清獲賊方為章等十三名俱係從賊打仗放火之賊訊明後當即正法連日打仗傷亡兵丁另行查明咨部再查興安郡城為漢江上下游總匯人民蕃庶江岸懸互渡口亦多雖有秦承恩在郡彈壓兵力無多署鎮田有成亦祇帶兵四百名當此數股賊匪奔竄無定之時不可不留大員帶兵守禦柯藩係固原提督興郡是其所轄<sub>臣</sub>等擬令原帶兵一千五百名在興郡防護以鎮民心其自紫陽以至興安沿江口岸俱責成該提<sub>臣</sub>同署鎮田有成督率兵勇往來巡查嚴

密防堵

諭曰明亮德楞泰已至洵陽七里關由東面會剿四路俱有官兵而賊匪又竄聚一處實屬極好機會現在吉林黑龍江官兵及察哈爾馬匹自已陸續到齊正當四面合擊將首逆悉數生擒明亮德楞泰務須倍加奮勉悉心布置

同日公偕明亮又奏言<sub>臣</sub>等追賊自楚入陝經過被擾之區村莊皆已焚燬蓋藏皆已劫搜男婦皆已擄脅情形可矜目不忍視此時已擾者急須撫卹未擾者尤宜隄防查各州縣在城之民城池足為保障是以賊匪均不攻城其村落市鎮本屬散處僅恃一二隘口鄉勇防護或守望者

德壯果公年譜卷七

三

相離較遠猝然遇警不及應援或山路分歧有一二處設堵未徧賊已闖入年餘以來百姓往往一聞賊至倉惶躲避糧食衣物即為賊有其稍後者該匪既劫其物并擄其人甚至備衛之火藥器械反以濟賊而該匪每到一處有房屋以棲止有衣食以接濟有勾結通脅之人為之引道路而供負載是以自用兵以來所殺無慮千萬而賊不加少為今之計欲卹難民而困賊匪莫若飭有賊州縣於大市鎮處所勸民修築土堡環以深濠其餘散處村落酌量戶口多寡以一堡集居民三四萬為率因地之宜就民之便或十餘村聯為一堡或數十村聯為一堡更有山村竄



遠不能合併作堡者即移入附近堡內所有糧食牛豕什物一併收入被難民人即於其中安置搭蓋草棚賊近則令各戶壯丁更番守禦賊遠則仍不禁其出入俾得無誤耕作在民各保身家巡防自必奮勇壯丁不足更於難民中擇其驍健者充當鄉勇酌給口糧即以代賑每堡派文武委員二三人紳士耆老七八人為之董率彈壓如此防範未被難之戶得有捍禦已被難之民得謀食息且收養堡內之人戶口有積不特可免流離抑且賑無冒濫又其中有一二小人曾經入教首鼠兩端者亦皆有所拘束不致附和勾結設賊匪竄至溝壘森嚴難以衝突矧各堡以逸待勞併力抵禦賊匪處處受敵而人民不為逼擄糧食牲畜不為搶奪火藥器械不為掠取該匪將必飢餓窮蹙料難仍前肆竄加以勁兵雲集併力兜擒定能按股殲除臣等前在襄陽該處紳士梁友毅等亦築堡防堵賊匪屢次攻撲不能進擾實有明驗是以現在飭令湖北之鄖陽房縣竹山竹谿陝西之興安白河洵陽平利安康石泉等處一律相地修築並移咨汪新秦承恩選派委員上緊妥辦此外或有須籌防修築之處亦囑該撫臣暨地方官隨時酌量情形一體辦理至於川省川東一帶每多險峻山寨祇須令有賊處所居民移住山寨一如守堡之法共相

德壯果公年譜卷七

五

保護其大村鎮市不便挪移者則令仿照築堡似於禦賊安民之道均有裨益

案此即堅壁清野之始議也 上以築堡煩民不如專商首逆遂未議發至六年始奉 旨通諭於是勸保行之於川東川北那彥成松筠台布長麟行之於陝甘書麟吳熊光行之於湖北先後三四載堡寨告成而賊亦滅云

初八日

公偕明亮奏言查勦辦賊匪官兵本宜合併但現在賊匪流竄無定官兵繞近旋即折竄若一處布置不嚴即為匪徒衝越兇截轉為費力陝省平利安康紫陽一帶大山層疊與川東各郡縣無異賊匪現向山內竄匿官兵跟蹤搜勦山崖險仄接踵以行若合兵一路進攻不但途中反為擁滯儻賊匪西竄陝省一時已無可調之兵實難堵禦臣等體察情形現在臣等追擊一股竄匪已與前在白土關柯藩擊退之賊會合雖人數較增於前但連日以來臣等緊躡兜擊於小豐堽左落河等處屢有殺獲賊匪實已膽落現由八卦廟向西南山徑前竄以臣等原帶各兵合之賽冲阿帶到吉林直隸山西各兵及續後到來索倫等官兵已敷勦辦其自甄坪竄往苦竹關一股匪眾非折回川省大甯太平即折回紫陽西鄉恆瑞慶成現在帶兵由川陝一帶邊界迎前截擊自可得手惠齡秦承恩將窺伺與

德壯果公年譜卷七

六



郡賊匪擊退後秦承恩仍赴郡城彈壓惠齡已帶兵由西北托木溝一帶前進正可與臣等及恆瑞等合力兜剿但三路跟蹤追擊前無攔截難保不又肆竄且查漢中一郡東界西鄉紫陽西與川省保甯廣元等處接壤為川陝門戶又聞方山坪期散竄匪擾及通江近臨保甯萬一北竄漢中或闖入棧道所關匪細莫若令惠齡率同富成帶領原帶兵三千餘名迅速赴漢中甯羌一帶堵剿則不獨巴通之賊北竄陝省得以迎頭截殺即臣等與恆瑞等所剿兩股竄匪或向前肆逸亦可由西面兜剿且就此時陝楚蜀有賊地方情形而論漢江一帶為陝楚豫三省保障今

德壯果公年譜卷七

望

自漢中以至襄樊楚有李奉翰張文奇陝有柯藩田有成帶兵堵截又有秦承恩在興郡防守往來策應江防已可放心惟漢中以西多與川省毗連堵剿未嚴恐賊匪將乘間竄入有惠齡帶兵前往扼要則東與柯藩一路西面與宜縣通巴一路皆可聯絡其通巴東南新開雲萬一帶則有舒亮木騰額穆克登阿等所帶官兵相應雲陽之東夔巫一帶則有觀成德齡等官兵相應接續夔巫巴歸一路又有額爾登保所帶之兵歸州東北則景安現由房縣竹山一帶前來聲援亦壯外圍周密賊匪不得乘虛肆竄臣等率領勁旅緊跟剿殺處處有兵攔截可無顧慮肅清一

處再行酌量情形將各路官兵緊逼移前次第圍剿似易得手再賽沖阿所帶吉林頭二起官兵並直隸山西兵一千名自襄陽均州竹谿一帶前來於二十七日已到軍營臣等得此生力勁兵惟有上緊籌剿

諭曰宜縣奏到賊匪滋擾巴州通江情形賊勢未免稍張及閱明亮等摺已令惠齡同富成帶兵三千名迅速赴漢中甯羌一帶堵剿不獨巴通之賊北竄陝省得以迎頭截殺而明亮等所剿平利竄匪向西奔逸亦可兜剿稍釋塵懷明亮等運籌布置尙為妥協

二十日

德壯果公年譜卷七

望

公偕明亮恆瑞慶成奏言查安康平利一帶數股竄匪先後由東西兩路分竄前來總思牽制官兵乘間北竄江岸經臣等分投截擊賊匪俱在西南一帶往返逃竄臣明亮德楞泰所追一股由八卦廟向曾家壩逃遁該處路徑紛歧初二日臣明亮同興肇等帶兵由西北山後抄出擊剿臣德楞泰同賽沖阿等帶兵由東北山後抄出截殺約定兩路官兵行至該處先在山後紮住察探賊人炊食歇息之時出其不意同時並進已刻官兵甫到旋據哨望兵丁稟報賊人分數股排列山前路口其餘俱在山田民房內或搜採包穀或揀柴炊爨並未聚集一處臣等各放號礮



從山後歷下賊人慌忙失措被戮二百餘名其排列路口之賊直前抗拒經吉林兵丁奮力擊射賊人抵敵不住反身疾走官兵追殺十餘里賊人俱向深林內竄逸該處林密山高路徑不甚可辨暫將官兵紮住次早會值雨雪遂獎勵各兵冒雪追至竹峪關地方斃賊三百餘人生擒四十一名訊係賊人戰手當即分別斬梟餘匪俱向西南唐家坪竄走臣恒瑞慶成等所勦一股自蔣家坪敗竄後追向平利西南一帶官兵由蔣家坪取道東河女仙山一帶緊跟兜擊初三日行至金竹園地方探知賊人因雨雪在全山地方屯紮即率領巴圖魯侍衛等帶兵繞道抄出賊前攔頭進剿並於兩面溝內選派槍手設伏賊匪捨死衝突官兵奮勇異常斃賊三百餘名該匪即翻山旁竄臣恒瑞等仍率兵力追賊人由百仞溝一帶奔逸初五日竄至唐家坪地方與前股賊匪會合適兩路官兵先後趕至賊匪狂奔向豐溪一路逃遁該處爲陝楚川三省交匯之所臣等惟有趁此機會趕緊兜剿再臣等接宜縣來信稱方山坪賊首冉文儔等率其餘黨竄入巴通境內與前由太平敗回之徐添德等合夥以致巴州失守賊匪屯聚州城復分股奔逃保甯廣元一帶囑臣等抽撥兵二三千名前往協剿查保甯爲郡城重地廣元係入棧要道自應撥兵

德壯果公年譜卷二

聖

速往應援前因方山坪賊匪竄近巴州與漢中甯羌接壤曾經奏令惠齡率同富成帶兵馳赴堵剿今惠齡一路官兵正在擊剿喫緊之際未便移兵臣明亮德楞泰一路官兵亦難分往若僅令將領等官帶兵二三千名往援又恐不能得力因思臣恒瑞慶成所勦股匪現已歸併一處毋庸分路擊剿臣明亮德楞泰有兵九千餘名尙敷勦辦索倫山東各兵猶可催調前進臣恒瑞慶成原帶兵四千餘名擬即由漢中一路前進與宜縣兩面夾擊又派撥新到直隸兵五百名令副將德忠隨同馳往惟查程途不下二十餘站行走未能十分迅速臣等因先傳知沿途聲言派撥數萬勁兵漏夜進發以安漢中一帶民心俾賊匪聞風震懾至索倫各兵已自襄陽啟行來營業經知會景安會同烏爾圖那遜等督率由竹谿關坳一帶前來惟索倫各兵全資馬力賊匪現竄路徑皆係崇山峻嶺羊腸小道馬力殊難深恃且山深早寒現已雨雪交作路窄泥淤不能乘騎如以有用勁旅置之不得力之地陟險穿山致令疲乏轉爲非計計該官兵等此時不過至均房一帶莫若暫令在竹谿之保豐場地方駐紮以壯後路聲威預防賊匪折回楚省北竄江岸之路俟臣等緊追賊匪逼入一定去向即行飛調前來則前後緩急皆有所恃

德壯果公年譜卷七

聖



諭曰明亮等奏兩路官兵連日擊剿竄匪逼令併歸一夥及分兵  
應援川省籌布各路情形所辦尚合機宜又據奏恆瑞慶成帶  
兵前往漢中一路所辦亦好漢中甯羌廣元一帶已有英善保  
興赴彼今恆瑞等又帶兵四千名接續前往聲威更極壯盛

二十一日

諭曰昨明亮等奏因各兵俱到軍營楚北後路較單令黑龍江官  
兵暫留竹谿之保豐場駐劄固為預防賊匪折回起見但賊匪  
既向西南山內奔竄自係探聞勁兵接續到彼心懷畏懼未必  
敢再折回湖北即令折回亦必由明亮左右經過且此項黑龍  
江勁旅素為驍勇乃不以之打仗殺賊轉在後路閒駐豈非以

德莊果公年譜卷七

聖

有用之兵置之無用之地究屬非策自應仍調赴軍前及鋒而  
用即使湖北邊界有需防守亦祇須酌量留駐儘足為後路聲  
援不可以新調勁兵全置閒地著烏爾圖那遜等即行帶領迅  
往軍營剿賊

二十六日

公偕明亮奏言賊匪自豐溪前遁後由界嶺鎮坪一路日  
夜狂奔臣等進至界嶺擒獲留後放火賊匪廖開梅等十  
七名審訊賊人所向知該匪欲由雞心嶺竄入大甯老木  
園合夥臣竊計雞心嶺之南即入大甯地界飛飭該處鄉  
勇民人速將嶺北路徑一一挖斷使該匪勢必折回鎮坪

得以迎頭截剿遂率官兵趕緊進發初十日午刻行抵鎮  
坪隨據探報賊匪已自雞心嶺折回在黑虎廟地方焚掠  
臣正在發兵進攻未刻賊人衝突前來臣等同興肇賽冲  
阿率巴圖魯侍衛帶吉林勁旅健銳營兵丁荆州滿兵隱  
伏峽口對面山林迎擊派阿哈保溫春達音泰等分伏峽  
口左右兩山夾攻賊人蜂擁而至臣等率兵迎頭衝下殺  
賊甚多賊人勢將卻退復有穿紅掛一人飛馬趕上喝令  
賊眾上前抗拒欲衝向西北一路前竄吉林兵勇氣倍增  
槍箭連發該逆落馬墜崖人馬俱斃餘匪反身亂竄又經  
達音泰等兩路截殺後隊之賊不敢救應前隊之賊不能

德莊果公年譜卷七

吳

竄走自未至酉斃賊一千二百名生擒七十一名餘匪  
仍向黑虎廟逃竄察看賊情非東向西溝一路竄回竹谿  
即西向甘溝竄至安康紫陽當派侍衛墨爾歡保總兵長  
春副將劉廷基等帶兵赴西溝截剿派侍衛阿納保西拉  
布副將扎爾杭阿等帶兵赴甘溝截剿連夜抄道分往並  
扮為鄉勇誘賊前至十一日巳刻賊果奔往西溝直撲鄉  
勇卡座墨爾歡保等率兵自卡內躍出奮勇攪殺殺斃三  
四百人賊人敗退即由西溝竄至甘溝時天色將暮該匪  
欲行遁竄幸派往官兵早已伏列路口衝下撲剿斃賊二  
百餘人賊人敗走是夜賊屯金竹壩臣等先因金竹壩西



南小樹河一路河水淺可以淌渡派令總兵木騰額協領德明泰明保等率吉林官兵撒拉爾回兵馳赴小樹河及暨旗山扼勒午刻賊人果由金竹壩西奔一股撲犯暨旗山兵隊一股向小深河逃竄木騰額等率兵分擊該匪退而復上者四次經官兵壓勒斃及滾山落河者不下五六百人至晚賊人退紮小深河西大樹河垭口該處兩山壁立河岸偏窄進勒不得地勢不如逼向樹河口山溝前後堵勒遂飭西溝甘溝兩路官兵追逼而進衆兵由樹河口至暨旗山一帶分段設伏臣明亮率同阿哈保等帶兵至石坂山爲一路臣德楞泰率同溫春等帶兵至樹河

德壯果公年譜卷七

七

口爲一路與肇賽沖阿達音泰木騰額長春各帶官兵在三溪子一帶互爲聯絡十三日寅刻同時並進辰刻該匪在大樹河垭口經西溝甘溝兩路官兵進勒前來直向樹河口蜂擁竄突臣明亮率兵衝下擊其中堅臣德楞泰迎頭攔截擊其首隊與肇賽沖阿達音泰等繼進將萬餘賊匪截爲五股賊人彼此不能相顧官兵益形勇銳併力攬殺積屍遍野賊人拋棄器械馬匹爬山思遁官兵矢石並進擊墜多賊其滾坡逃出者約二千餘人涉水過河竄入箐林者千餘人計自初十至十三日斃賊五六千人生擒三百六十五名婦女幼孩一百八十六名口器械無數訊

據獲犯僉稱擊斃穿紅褂之賊係大頭人張士虎斃斃執旗賊匪係大頭人李潮又刃斃偽副帥李得思俱令該犯等指認確鑿至逃竄四千餘窮蹙之賊已星夜派委鎮將分投搜捕臣等亦即日帶兵追勒前進沿途掃蕩務期將首逆各犯全獲其生擒各犯發縣審訊實係習教從逆抗拒官兵者卽行正法其逼脅入夥及被擄日淺者分別保釋撫卹官兵連勒四晝夜奮勇爭先實爲出力

諭曰明亮等奏到官兵圍逼竄匪情形此次截賊共五六千人生擒三百餘名並擊斃頭人張士虎等三名所辦甚好明亮德楞泰著各賞給鑲嵌寶石白玉帶板大小荷包與肇賽沖阿哈保達音泰木騰額長春溫春著各賞給玉搬指大小荷包

德壯果公年譜卷七

七

十一月初五日  
公偕明亮奏言賊匪在樹河口經官兵截殺捨命逃竄分三路狂奔欲使官兵不能併路追勒且皆山谷小道叢密深林據探路弁兵報稱賊人竄過後多於路口堆積木石攔塞復將澗道橋梁概行焚拆臣等察看路徑飭令將弁兵丁分路窮追并派餘丁三四十名在前開除道路搭蓋浮橋俾不致有阻滯自十四日以後賽沖阿長春扎爾杭阿等追勒由樹河口竄渡顯子城一股十五日追至平溪河賊人聞信急竄賽沖阿等復由嵐河老林至關江山跟



蹤截殺一百餘名搜獲三十七名將賊人逼向白沙河繖子坪一帶鎮臣木騰額副將明善李文蔚等追剿由二溪子翻山竄逃一股十七日追至魚洞子賊人見有官兵追入避匿山溝林內幸其時積雪未融蹤跡可辨該鎮等認明所在因山溝窄狹不便進攻當將兵丁分堵前後用槍礮轟擊斃賊四五十名次日餘賊捨命衝出經該鎮等截擊計斃賊一百數十名賊俱由日曬溪逼向繖子坪西遁臣等同興肇達音泰副將德甯侍衛富僧德等先於樹河口大樹河一帶逐一搜捕孳獲藏匿林洞內賊匪郭長志等九十二名婦女幼孩二百四十六名口遂於十五日早

德莊果公年譜卷一

兗

率兵追擊自打熊溪山頂竄走一股十七日追至華龍山探知賊人因山口陡窄兼多冰凌互相扶掖以行不能疾竄當於各營內選派奮勇官兵及屯土兵丁五百餘名各著草履多帶槍箭前驅追捕其餘官兵繼進策應該兵等連步直前自上壓勦斃賊百餘名傾跌墮崖者亦多官兵於十九日追至繖子坪正值賽冲阿木騰額等兩路先後兜擊前來賊匪卽併一處前竄三路官兵亦卽會合臣等察量該匪行蹤飄忽官兵正恐轉落賊後且紫陽接壤川境不可不熟籌截擊先經知會烏爾圖那遜圖桑阿帶領勁兵由興安大路前赴紫陽一帶此時若能趕到正可迎

擊臣等由小鎮銀硃壩一路趕緊躡剿因恐大隊驟馱帳房經行山僻窄徑未免遲滯概令留後惟裹帶餼糧窮日前進以期迅速趕上痛加殲戮

諭曰明亮等於樹河口等處打仗得勝之後僅分路搜剿敗逃餘匪其賊首姚之富李全齊王氏究竟是分是合或已竄往何處摺內均未提及現在勁兵健馬俱在明亮等一路非如他處兵力較單尙可藉口全望伊二人直前進擊迅擒賊首若似此漫無主見惟事追剿餘賊使有用勁兵又致奔走疲乏豈不可惜明亮等屢次尙爲出力是以疊加恩獎今乃置正賊首於不問舍其所急圖其所緩處處爲賊人牽綴惟知隔數日以一奏塞

德莊果公年譜卷七

李

責大非朕屬望之意著傳旨嚴行申飭



德壯果公年譜卷八

次孫花沙納恭纂

嘉慶二年丁巳

十一月十四日

公偕明亮惠齡奏言臣明亮德楞泰自在華龍山繳子坪等處擊殺竄匪以後敗逃之賊日夜狂奔臣等飭將官兵驟馱鍋帳概行留後親率鎮將帶領奮勇兵丁裹帶餼糧由銀珠壩一路漏夜進發十月二十八日趕至周家壩追及賊蹤察看該處岡嶺重疊蹊徑交錯因與興肇賽沖阿率領鎮將兵丁酌分四路以兩路繞道抄出賊前兜擊以

德壯果公年譜卷八

兩路自後追剿該匪分據山梁捨命抗拒官兵爭先競進殲賊四五百人生擒六十三名該匪力不能支俱由瓦房店一路狂奔臣明亮德楞泰即乘勝追至瓦房店於空屋內搜獲冒充難民之劉宗梅等十七名當飭隨營道府研訊據供賊人連被官兵勦急聞前股賊匪由五郎壩一帶西竄急欲趕上合夥今日至五房店將人數畧為齊集即分兩股由長嶺蜡溪壩等處奔竄等語當即分別正法一面派撥弁兵搜捕一面率兵進追初一日追至上高川探知惠齡等已帶兵馳抵西鄉其前竄一股業經攔頭截殺餘匪向西北敗竄因思此股賊匪被勦前竄正可與惠齡

兩面夾擊臣等由撈魚壩連夜追剿當即飛咨惠齡由黃草坡迎擊初三日未刻臣明亮德楞泰由板廟子將賊匪追殺至白沔峽正值臣惠齡同提臣富成帶兵已自三郎鋪一路迎剿前進賊匪後被追擊前被截殺捨命衝撲其時臣明亮率同阿哈保等由後緊剿絕其退路臣德楞泰率同賽沖阿等繞出山後擊其中堅臣惠齡富成率領六十七等迎頭勦殺攔截去路該匪前後衝突官兵槍擊箭射四面圍剿賊匪首尾不能相顧官兵自未至酉愈勦愈力計斃賊一千餘名生擒周仕登等二百餘名其時天色已晚餘匪乘山霧四合之際穿匿深林臣等三路官兵分

德壯果公年譜卷八

投剿捕復搜獲王瑤等七十一名婦女幼孩四十六名口其穿林逃遁餘匪約有數百名向西南大山一帶分投亂竄臣等訊據活犯供稱此股首逆齊王氏張漢潮等因見官兵連日擊斃頭人甚多已先後逃入前股賊內俱向漢中一路奔逃臣等因恐首逆正犯或乘間竄逸不可不細加根究將該犯等隔別嚴鞫僉供大頭目等均已會合前竄等語查此時東路安康紫陽石泉一帶均已廓清各首逆俱歸入前股賊內由西鄉向漢中一路竄走該處現有恆瑞慶成帶兵堵剿兵力不充臣明亮德楞泰即日由西鄉司渡河一路進發臣惠齡富成即日由西鄉沿江一路



進發其逃往南山等處餘匪已飛飭太平防守之道員李  
銓遊擊劉大魁都司陳弼等將現帶分防兵勇一千七百  
餘名分布要隘加意截擊并飭分防茶鎮一帶之署總兵  
田有成帶同參將槐他哈移兵前赴南山及川省連界一  
帶逐一搜捕以冀一律俘擒

諭曰摺內所稱首逆齊王氏張漢潮等大頭目均已會合前竄是  
首逆數人已有實在下落覽奏曷慰明亮德楞泰著各賞玉喜  
字牌大小荷包惠齡恆瑞興肇富成慶成著各賞玉煙壺大小  
荷包賽沖阿阿哈保達音泰觀祥著各賞玉搬指大小荷包以  
示鼓勵至漢江上游冬令水涸而甯羌沔縣等處並無江水阻

德壯果公年譜卷八

三

隔恐賊匪被剿緊急向該處奔竄亦不可不豫為防範明亮等  
已知會柯藩速將下游防守官兵撤赴上游節節防堵而甯羌  
沔縣等處又有英善在扼要地方相機策應想賊匪等無從他  
逸明亮等不可不倍加奮勉迅速會合兜截擒渠以副委任

二十日

諭曰此時首逆歸併一股向西鄉漢中一帶奔竄明亮德楞泰與  
惠齡會合後即分路進發自己趕上賊匪正可與恆瑞慶成兩  
面夾攻何以未據馳奏朕亦不忍加之催促但勁兵健馬俱在  
明亮等軍營而黑龍江官兵月半前亦已早到且朕所屬望者  
惟此一路聲勢浩大足以兜圍賊匪為一鼓殲擒之舉勉之望

之

二十二日

公偕明亮惠齡恆瑞慶成奏言查首逆姚之富李全齊王  
氏高均德等合夥西奔逼入漢中南岸山內自黃官嶺至  
新集連營二十餘里漢中以西至沔縣甯羌一帶為漢江  
發源之所江面不寬現屆冬令水勢日涸可以洶渡之處  
甚多該匪逐日在沿江窺伺總思乘間北渡而北岸長寨  
新街子黃沙舖舊州舖各隘口近接郡城北達褒城均關  
緊要臣恆瑞慶成先帶兵在黃沙舖扼要堵截臣明亮德  
楞泰惠齡因追捕首逆將鍋帳騾馱留後星夜遊行初八

德壯果公年譜卷八

四

日亦抵漢中察探情形公同商酌必須將官兵由南北岸  
兩路前進庶夾攻截剿均為得力是以臣惠齡同臣富成  
當即帶兵渡過北岸於長寨地方堵截與臣恆瑞慶成等  
互為聲援臣明亮德楞泰帶兵於南岸油防街一帶相機  
進發正在會商剿辦賊人益加情急思竄初十日乘天色  
未明大夥由元子山衝出江岸一股向新街子一路撲渡  
一股向長寨一路撲渡臣等彼此接據探報遂各路整兵  
進擊臣恆瑞慶成率領官兵在新街子沿江一帶路口設  
伏賊人騎馬者先行偷渡步賊隨後官兵誘賊將至半渡  
臣恆瑞慶成率同觀祥等帶領馬兵衝至江岸奮勇壓擊



斃賊無數侍衛保邦首先迎住賊隊射殺戴紅頂花翎賊目一名驍騎校承書干總祝成龍把總温起龍俱奮勇涉水爭先手刃數賊生擒十數人奪獲馬數十匹後隊步賊復蜂擁而至有執刀矛直前抗拒者有背負行李互相牽掖四處奔渡者臣恆瑞慶成飭步兵排列岸口截殺施放連環轟擊賊人退而復上者數次俱被官兵擊退共又殲戮賊匪七八百名生擒龔玉等六十一名其搶渡長寨一股賊匪以該處江狹水淺一擁直前臣惠齡先已飭令眾兵斫削尖利竹籤於江岸水底層密排插該匪人馬猛進俱為竹籤所傷斃斃百餘名生擒數十名後隊之賊仍分

德壯果公年譜卷八

五

股兩旁奔渡臣惠齡同富成穆維等率領兵勇競進剿殺復斃賊二百餘名生擒劉復等二十九名其時臣明亮率同阿哈保達音泰長春巴圖魯侍衛富僧德等帶兵由南岸高臺寺葛家灘沿江一路兜擊臣德楞泰率同興肇賽冲阿巴圖魯侍衛達爾精阿等由南岸沿江上水渡一路進剿賊人狡詐異常分股向新街子長寨等處搶渡尙留數股在新集黃官嶺屯聚欲俟臣等官兵追剿渡過北岸該匪再由山內衝出撲官兵後隊以為乘間竄渡之計臣明亮德楞泰途中探知賊情並知惠齡恆瑞慶成等兩路擊剿江北可保無虞竊計賊人志在偷渡前竄不防後擊

正可因其詭計制勝臣明亮德楞泰當即繞道翻山仍分兩路抄出賊後出其不意自上壓剿官兵將至黃官嶺山下賊人膽敢率眾迎敵官兵分投併力截剿殺賊三四百名賊人退向西南翻山逃竄臣明亮德楞泰帶領馬兵趕擊追至李家集地方適臣惠齡恆瑞慶成兩路將搶渡賊眾擊敗俱由北岸追剿前來三面合擊復斃賊四五百名餘匪亡命肆逸官兵分投追殺二十餘里沿途殺斃甚多時已將暮因各路沿江營卡緊要恐賊詭譎將臣等三路官兵俱牽引南岸趁北岸防兵不足之時別覓山僻小徑乘間偷渡所關匪細是以將各路官兵撤回原營計是日

德壯果公年譜卷八

六

各路所殺賊匪二千餘名生擒一百三十五名奪獲馬騾器械衣物無數臣等細心會籌各首逆等皆籍隸襄樊南鄧等處是以總思北竄漢江逃回本地萬一賊人竄過北岸仍由商雒一帶奔逃致甫經安集之地復被蹂躪更覺不成事體而當此官兵緊逼之時賊人拚命攫鋒毫無忌憚沿江一路隘口仍須加意防備况察賊奔竄路徑西北可達甯沔地界查甯沔以上江流益窄偷渡益易現在臣惠齡恆瑞慶成仍由北岸繞道抄截臣明亮德楞泰自南岸緊躡兜截如賊人直向西南山內前竄則臣明亮德楞泰總視首逆所在緊跟剿捕若南竄川省廣元通江等處



正可與英善等兩面夾擊臣惠齡一路亦接續迎前惟當  
察看賊蹤相機會勦至漢中郡城地關緊要現有漢興道  
文需署副將瑪靈阿督率分防兵勇稽查周安漢郡以下  
江面柯藩已將前設紫陽一帶防兵捲撤前進逐節安卡  
並親在郡城左近往來梭巡紫陽以東下游岸口有秦承  
恩王文雄督兵防範數百里江岸布置已極為嚴密可紓  
聖座

十二月初二日

公偕明亮惠齡恆瑞慶成奏言賊匪自在漢中新街子長  
寨黃官嶺等處被官兵分股截殺向西南山內逃遁臣等

德莊果公年譜卷八

七

當即分路兜勦該匪竄至新集地方復分前後兩隊奔逃  
前隊係高均德一股經臣恆瑞慶成在桑樹灣擊退後折  
回燕兒溝胡家壩一路東竄後隊係首逆齊王氏李全姚  
之富王廷詔張漢潮等數股經臣明亮德楞泰跟蹤兜擊  
十四日探知該匪尙在唐家壩屯紮遂酌派步兵分布各  
山親率與肇賽沖河河哈保達音泰長春木騰額侍衛阿  
納保富僧德等帶領馬兵直前撲勦斃賊二三百名該匪  
肆行衝突復經步兵圍擊奮勇攪殺其時臣惠齡正由銅  
錢壩馳赴青羊驛堵剿途中聞槍礮聲即率兵向南迎勦  
沿途殲獲竄匪數十名帶領馬隊趕至唐家壩併力勦殺

該匪益形情急即竄上山頂將漫山枯草木植分燃思拒  
官兵以便即從山後竄走官兵衝冒烟焰一擁而上追殺  
十餘里復斃賊百餘名臣惠齡因恐該匪竄及江岸仍帶  
兵抄回青羊驛兜截臣明亮德楞泰乘勝由涼垭子鐵鎖  
關一路緊追十八日至離甯羌州治二十里之羅村壩地  
方賊匪正在焚掠勢將進逼州城臣明亮即同興肇賽沖  
阿侍衛達爾精阿等搶上右手露風垭山梁臣德楞泰同  
阿哈保侍衛墨爾歡保等搶上左手楊巖頂山梁該匪反  
身迎敵臣明亮德楞泰飭步兵排列於前將大礮槍手排  
設於後暗令各兵誘賊匪結隊撲近然後前列步兵閃開

德莊果公年譜卷八

八

槍礮並發該匪竟敢不畏死蜂擁來撲離前列步兵一箭  
之地我兵分閃兩旁立將槍礮施放匪眾猝不及避擊斃  
無數後隊賊人正欲退走臣明亮德楞泰復率同遊擊蒲  
尙佐蕭福祿守備馬應國帶領滿漢屯土撒拉爾回兵壓  
下賽沖阿率同協領明保等帶領吉林馬隊往來擊射斃  
戮尤多又附近羅村壩之楊家山有避難男婦一千餘名  
楊巖洞有避難男婦二千餘名賊人分股在彼掠取糧食  
擄脅民人當派副將劉廷基遊擊達自祥都司應元寬等  
分往衝擊派知府嚴士鉉州同徐如瀨等分往收卹賊人  
見官兵馳至慌忙潰散全活男婦三千餘人適臣惠齡由



北面抄截前來臣 區瑞慶成因追擊桑樹灣敗竄之賊取道甯羌亦即帶兵趕到併力夾攻官兵歡呼奮勇該匪奪路亂竄臣 明亮德楞泰由甯羌城東北古城一路追擊跟剿三十餘里前至二郎壩臣 惠齡恆瑞慶成由甯羌西南高寨子一路追擊跟剿二十餘里復殺獲二三百人一面令遊擊馬瑜至州城安撫計此次打仗殺賊一千五六百名生擒頭目石貴等五名餘匪李元德等二百餘名齊王氏甥女許女子一口持械女賊魯何氏等十三口其餘婦女張吳氏等一百二十三口幼孩七十九名口均經分別辦理該匪由二郎壩西流河折向東北仍合一處飛遁官兵

德壯果公年譜卷八

九

兵追至三更暫行駐紮查二郎壩東北即為楊家河向北可至新集又離漢中不遠審訊獲犯據供各首犯總要渡過漢江往河南去前在漢中被官兵打敗各頭人商量要進攻甯羌州擄掠衣食就往廣元將棧道擋住使川陝兩省大路隔斷官兵信息不通彼時或往四川或由寶雞等處北去今又被官兵截住各頭人仍由原路折回要趕上高均德一股同回漢中趁官兵都在西面正好由漢中過江等語臣 等若合兵追擊反恐逼令前竄江岸是以臣 明亮德楞泰仍由鐵鎖關一路向東兜截臣 惠齡趕赴沔縣北岸向南迎剿飛咨烏爾圖那遜圖桑阿等帶領索倫勁

旅自漢中相機前進或在南岸迎擊或由北岸截殺併知會柯藩察探賊蹤沿江密堵臣 恆瑞慶成現奉

諭旨速赴川省協同宜縣剿賊即於二十一日由甯羌入川從廣元前進

初六日

公偕明亮惠齡奏言臣 等前將甯羌賊匪擊敗後該匪復由新集黃官嶺等處折竄漢中仍圖渡江北遁正值烏爾圖那遜圖桑阿等帶領索倫官兵於二十一二十二兩日全馳抵漢中南岸二十四日該匪等乘早霧迷漫之際由黃官嶺向長寨一路偷渡經防江兵丁探知分投稟報臣

德壯果公年譜卷八

十

明亮德楞泰已馳至南岸高臺寺臣 惠齡已馳至北岸黃沙驛當即督兵進擊烏爾圖那遜圖桑阿副都統銜溫春亦帶索倫勁旅自東迎剿柯藩帶領防江兵丁在北岸轟打四路官兵併集其時賊人已奔到江岸淺處搶渡烏爾圖那遜帶兵馳馬衝入江心抄殺臣 惠齡亦自北岸渡過南岸迎擊臣 明亮德楞泰將官兵分為兩隊自西而東橫衝截殺將賊匪分為兩截自辰至午截住賊匪一千餘人盡行殲斃後隊賊眾即向東南山內亡命肆竄臣 等即分投追擊該匪狡詐已極穿林越嶺俱向極窄之路竄逃欲使馬隊官兵不能追擊臣 等當派驍健步兵及屯土撒拉



爾回兵進追吉林索倫官兵亦多棄馬奔上隨勦隨進追殺三十餘里沿途殺賊無數餘匪隨山徑曲折前竄均被官兵從青石關梅子壩一帶逼入川省通江境內該處係曾經蹂躪之區焚掠既空茲復闖入勢益窮蹙正當趁此機會四面布置漸次逼勦查此時西面廣元昭化一帶已有恆瑞慶成帶兵四千餘名前往又有英善帶兵於保甯堵截南面渠縣達州一帶亦有宜縣一路官兵東南則有舒亮穆克登阿一路官兵惟東面大甯夔巫一帶僅有觀成德齡兩路官兵臣惠齡現帶兵三千五百名由西鄉太平前赴大甯夔巫一帶密探賊蹤兜勦臣明亮德楞泰率

德壯果公年譜卷八

十一

領原兵併同烏爾圖那遜等帶領勁旅三千名由青石關跟蹤擊勦至北面川陝交界處所現在賊人既入川境離江岸已遠防江各兵無須照前安設業經咨照柯藩率同愛星阿田有成各領原帶官兵共五千餘名於川北與陝省交界處所相機堵截總兵王文雄所帶兵二千名已咨會秦承恩於興安左近相度地勢防堵併飭該鎮暫行駐守以備調用

諭曰此次賊匪因官兵截勦緊急搶渡漢江經烏爾圖那遜等帶領黑龍江官兵馳馬衝入江心抄殺而明亮德楞泰惠齡等率領鎮將官兵分投迎擊殲斃賊匪一千餘人追殺三十餘里賊

人無路可逃均被官兵逼入川省通江境內現在分路兜勦所辦俱好明亮德楞泰惠齡烏爾圖那遜與肇慶阿阿哈保溫春富成圖桑阿著各賞給玉喜字搬指併大小荷包等件圖桑阿並著賞還侯爵仍著明亮等將騎馬衝入江心殺賊之黑龍江官兵共有若干名查明覆奏加恩獎賞

二十七日

公偕明亮奏言賊首齊王氏姚之富等前在陝省經官兵處處截殺即乘勝追勦入蜀該匪等復思牽制官兵分股奔竄齊王氏姚之富李全等由青石關回軍壩一帶前遁勢將擾及通江縣治高均德等由青石關西河口一帶狂

德壯果公年譜卷八

十二

奔欲仍由小道折回陝省甯羌地界臣等酌量情形兩路均關緊要是以臣德楞泰帶兵由通江回軍壩一路兜勦臣明亮帶兵由南江西河口一路抄截齊王氏等竄至通江貴仁關適遇臣德楞泰一路官兵抄前截殺該匪不能進撲縣治即翻山向西沙壩等處旁竄其高均德一股自西河口由北面山徑奔逃臣明亮察探路徑逐日緊躡抄擊該匪畏避南奔臣等彼此知會兩路夾攻追逼初二日追勦至麻柳灣地方殲殺無算將兩股分竄之賊仍逼歸一路詎該匪不能分股折竄並因川匪冉文儒一股自焚擾南江之後竄及廣元百丈關齊王氏等遂合夥由流溪



羅家壩等處奔竄冀與會合臣等一面漏夜追擊一面派  
賽沖阿阿哈保阿穆勒塔達音泰長春遊擊馬瑜等繞道  
向前與臣等兜截夾攻初三四等日視賊人所向隨勦隨  
進該匪未能趕上冉文儔合夥窮蹙之餘復生詭計欲將  
官兵誘向東南以便北竄入陝遂自橋壩五郎廟四方坡  
一帶直趨西北廣元大道臣等鼓勵兵勇不帶鍋帳冒雪  
履冰黑夜進至分水嶺四方坡二處扼要攔截該匪膽敢  
捨命直前衝撲被兩處官兵截殺賊眾踉蹌遁走復由四  
方坡北面折回在大蘭會白果樹等處屯紮臣等乘勢亦  
折回追擊臣德楞泰率同賽沖阿阿哈保等抄向五郎廟  
穩木壩一帶絕其折回之路臣明亮率同興肇烏爾圖那  
遜圖桑阿溫春等在溪口一路兜勦臣德楞泰率兵趕到  
五郎廟已值深夜遂分派官兵在東面一帶山林溝內埋  
伏至初七日丑刻賊人分遣探馬或二三十人或七八十  
人赴各山探望路徑是夜正值大雪官兵在設伏處所借  
雪光瞭望明白不出聲息誘賊近前突出擊殺所有偵探  
賊人三百餘名一律殲擒初八日早臣明亮德楞泰各帶  
官兵前後進擊賊人恃人數眾多竟向五郎廟山頭衝突  
臣德楞泰同賽沖阿等分據山包槍擊箭射賊人撲上三  
次被官兵併力壓勦殲賊多人賊始敗退又值臣明亮等

德壯果公年譜卷八

三

德壯果公年譜卷八

四

由後兜擊前來首尾截殺該匪因而猶關分投抗拒官兵  
吶喊爭先殲斃甚多生擒執旗頭人四名餘賊始紛紛潰  
逃官兵乘勝追殺共計擊斃七百餘名生擒劉永興等二  
百十八名餘賊俱向北面獨山一路狂奔該處山徑幽仄  
馬兵不能進追恐墮賊人奸計當將官兵在對面山梁紮  
住遂提集獲犯嚴訊據供首逆齊王氏等幾股會合後總  
要渡過漢江前往河南因在陝西被官兵處處攔截前月  
二十四五等日又被殺敗齊王氏姚之富等要想將官兵  
誘入四川我們仍由通江南江邊界分起回陝前日因官  
兵緊跟姚之富說不如竄往百丈關會上冉文儔一股可  
以抵敵官兵一面攻打廣元一面由棧道回陝及到四方  
坡又遇官兵打敗齊王氏又說且折回五郎廟一帶如過  
得去即仍由原路回陝若再遇官兵即入獨山一帶山內  
小路甚多大半與陝西交界官兵總不能路路擋住就仍  
折回陝西等語當將該犯等正法梟示查獨山以北係達  
野人村竹壩子等處可通陝省甯羌官兵若徒事追勦恐  
反逼令折回陝境因查東北有黃柏埡可以扼要堵截臣  
等當即率兵前進抄截並接惠齡來咨已由西鄉馳赴太  
平臣等即飛咨惠齡在太平一帶暫劄毋庸前赴夔巫如  
該匪果折回陝境即帶兵仍至西鄉自東堵截並囑柯藩



愛星阿在北面川陝交界一帶嚴堵不使再入陝省窺伺

漢江

諭曰賊匪遁入川省之後復分股奔竄首逆等由青石關一帶冀欲滋擾通江又有一股欲由小道折回陝省其詭詐情形實為可惡可恨但明亮等果能設法前兜後圍將首逆速行擒獲則餘匪自必解散乃惟知跟蹤追剿以致賊匪東奔西竄分股逃逸似此遷延日久本不應加之恩賚姑念時屆歲除仍頒年賞以期其迂春禧明亮德楞泰興肇烏爾圖那遜圖桑阿賽沖阿阿哈保阿穆勒塔溫春達音泰長春木騰額著各賞給大小荷包俾伊等同沾喜慶迅勉成功現在各股首逆俱會在一處明亮等務須上緊籌辦趁此賊匪窮竄之時易於集事

德壯果八年譜卷八

五

二十八日

公偕明亮奏言首逆齊王氏等在五郎廟勦敗後向獨山一路奔逃臣等查明路徑獨山之北係野人村竹壩子等處該處東北黃柏埡地方為通陝省要隘兩山壁立路通一線可以扼要迎擊當飭將弁酌帶兵勇將鍋帳等物由獨山一路前進使賊人祇防官兵在後追擊臣等挑帶滿漢勁兵於初八日夜即由五郎廟抄向黃柏埡兜勦初九日未刻趕至該處派漢兵數百名於埡口南面扮作鄉勇堵守臣等率同賽沖阿阿哈保巴圖魯侍衛等分帶各兵

於埡口北面山梁駐伏使賊人自南而北不見官兵可以誘賊近前痛加擊殺十二日已刻賊人果由野人村一帶前來見埡口北面所設卡座無多信為鄉勇即搖旗吶喊蜂擁撲上各兵畧放數槍抵禦即故作退卻之勢避至埡口北面臣等率設伏各兵從左右兩路突出擊勦賊人驚駭錯亂即欲退遁臣明亮率同興肇阿哈保等由左山梁德楞泰率同賽沖阿達音泰等由右山梁各壓下抄殺自己至未共斃賊七八百名生擒二百餘名賊匪翻山溜坡紛紛旁竄臣等分投追殺至二十餘里之寬灘河敗逃各匪分為兩股一由橫擔梁向香爐山竄走探係齊王氏等一向船頭嶺竄走探係高均德等查該二處俱北通陝境甯羌一帶山高澗闊道徑險仄賊人詭計欲將官兵誘入深山使馬匹不能追逐糧食難以接濟臣德楞泰率同賽沖阿等不帶鍋帳挑帶壯健馬步勁兵裹帶乾糧由香爐山緊躡進剿不與以暇又恐該匪等或經官兵追勦緊急折竄西北勢將復擾廣元由棧道大路入陝臣明亮即同興肇烏爾圖那遜阿哈保圖桑阿巴圖魯侍衛等亦酌帶官兵兼程進發由廣元向北抄擊兩面夾攻並飛咨愛星阿柯藩等帶兵在川陝交界一帶迎截咨會惠齡在太平暫駐相機策應所有連日生擒之犯內有廖邦會何萬

德壯果八年譜卷八

五



仁何化隆楊升全何文舉等五名訊係頭目卽行凌遲梟  
示其餘二百十二名係久經從逆戰手卽行正法餘犯大  
十三名係脅擄入營卽行保釋

諭曰明亮等一路兵多將廣賊勢日蹙本日奏到之摺仍係分路  
抄截卽所殺賊匪不過七八百名仍未擒獲一二賊首猶不滿  
意至香爐山船頭嶺等處賊匪旣能由此竄逸豈有官兵轉不  
能行走之理明亮等惟當趁此賊匪窮蹙分竄之時圍逼兜剿  
使賊匪驅歸一路將首逆按名擒獲儻令賊匪北竄偷渡漢江  
闖入棧道則伊等獲罪更重懷之慎之

三年戊午

德壯果公年譜卷八

七

公五十四歲

正月初五日

公偕明亮奏言首逆齊王氏等自寬灘河剿敗後分股逃  
竄<sub>臣</sub>等查各首逆中惟齊王氏最爲狡詐夥黨較多自宜  
先籌剿蕩<sub>臣</sub>德楞泰率兵緊躡齊王氏捨命狂奔從大紫  
壩溫家坪等處折竄俱係幽僻山道當卽鼓勵將弁星夜  
急追於八廟河抄前襲殺十七八等日連接四仗殺賊千  
餘名生擒李發祥等一百五十七名黑龍江藍翎甲兵富  
明阿尤爲驍勇出力因與賊攪殺左手二指被刀傷斷猶  
能手刃二賊外委陳啟林頭帶石傷<sub>臣</sub>明亮因恐齊王氏

等被迫緊急竄及西北棧道大路遂率兵由廣元一路抄  
截行至九曲坡探知齊王氏等分遣夥黨於廣元境內滋  
擾牽制官兵十七日李全一股竄至旺倉壩焚掠<sub>臣</sub>明亮

率兵迎頭截殺殲獲二百餘名該匪踉蹌奔逸官兵追剿  
前進至元壩子地方又遇張漢潮阮學明一股從該處竄  
出將撲廣元縣治闖入棧道<sub>臣</sub>明亮同興肇圖桑阿等分  
帶官兵抄擊自己至未殺賊二千數百名生擒王先等二  
百十七名搜獲南江縣儒學印信一顆餘匪乘山徑曲折  
分向西南山內逃遁縣治得以保護查元壩子地方離廣  
元棧道不遠且聞齊王氏一股大隊復由會家河一路西

德壯果公年譜卷八

六

竄逼近棧道<sub>臣</sub>明亮遂僭由廣元抄入棧道圍截二十二  
日馳抵神宣驛正值齊王氏等竄入茅壩一帶欲由轉斗  
鋪衝入棧道當飭將弁扼住神宣驛要道親帶鎮將兵丁  
馳至轉斗鋪迎擊其時<sub>臣</sub>德楞泰已率同賽沖阿溫春等  
由會家河前至黃壩驛兩面並進首尾夾攻該匪分投抵  
禦弁超上四面山梁吶喊衝突<sub>臣</sub>等分飭官兵四下擊射  
斃賊六七百名生擒張能舉等二百餘名該匪力不能支  
俱逃入山內官兵乘銳追擊復斃賊二三百人仍將官兵  
在青樹灣暫紮棧道得以疏通查賊匪現竄之處山南係  
廣元所屬山北卽甯羌地界訊據活賊等供稱齊王氏等



因到處經官兵攔截不能與川省同教會合商量分股將官兵引入西南仍乘間折回北面陝省地界希冀搶渡漢江等語<sup>臣</sup>等商定仍自西北從甯羌一帶沿途偵探若該匪竟狂奔陝境即從沔縣馳赴漢中一帶迎擊務當乘賊窮蹙之時令其無路可逃自當不攻而潰

諭曰齊王氏分投逃竄德榜率兵追剿明亮由廣元抄截並迎擊李全張漢潮等廣元縣治得以保護齊王氏等欲衝棧道復經兩面夾攻痛加殲殺所辦尙好藍翎甲兵富明阿外委陳啟林均爲出力著以應陞之缺陞用

初八日

德壯果公年譜卷八

九

公偕明亮奏言<sup>臣</sup>等前在轉斗鋪將齊王氏姚之富等股匪夾攻截殺該匪敗向山內逃竄恐徒事尾追不能得力二十四日即取道甯羌由西北前進兜剿該匪折竄廣元甯羌交界二郎壩一帶<sup>臣</sup>等正在繞道進攻二十七日接據漢興道文需稟報高均德一股賊匪由南江折回南鄭縣屬之紅廟塘二十四日竄至周家坪從兩卡之中繞小道北竄過江其時柯藩在甯羌堵禦惟愛星阿在郡城防江聞信即先遣副將官信參將達桑阿帶兵二百名馳赴江北萬壽寺堵截復親帶兵三百名繼進截剿斃賊二百餘名生擒六名賊匪由猴子嶺沙園子繞赴郡城愛星阿

馳回郡城督率兵勇竭力擊禦賊匪敗向東北洋縣一帶逃遁以目下賊情而論齊王氏爲各逆之魁自宜先籌剿蕩以地勢而論高均德既已渡江如東竄與安則與西安省會甚近且界連豫楚秦承恩景安及王文雄等所帶防堵之兵無多恐難逐處嚴布即愛星阿聞信緊追前往柯藩亦自甯羌挑撤兵勇跟剿已由城固前至洋縣兵力均單且所帶皆係步兵追剿未能捷速是以<sup>臣</sup>等即連夜帶兵由沔縣襄城馳抵漢中將防堵江岸事宜布置妥協即日前進趕緊截擊但齊王氏等匪現於川陝交界滋擾亦須防其北竄漢江絲互千餘里水又淺涸處處皆可偷渡

德壯果公年譜卷八

十

因酌留烏爾圖那遜帶領山西兵五百名於甯羌要道防堵又酌留荆州協領喜卜產帶領荆州滿兵三百名於沔縣防堵至漢中爲郡城重地已酌留興肇帶領荆州滿兵五百名督同文需帶該處兵勇防禦柯藩爲本省提督呼應較靈且於江岸情形熟悉應仍同愛星阿各帶原兵四千於川陝交界及江岸一帶分布嚴堵不特防守江岸正可截斷賊勢如該匪竟東竄西鄉一帶即飛咨惠齡帶兵由太平趕赴西鄉防剿如齊王氏等竄川省計川省除向有各兵外現經勒保帶到勝兵三千名又額爾登保剿賊完竣亦即帶兵赴川又有恆瑞慶成帶兵四千餘名協剿



足資分布臣等原帶官兵除添安各處防守並前經添撥  
惠齡恆瑞慶成兩路外現帶勁旅及滿漢各兵八千名臣  
等仍合兵一路星夜前進跟蹤抄截速冀擒渠

按是時 上以明亮及公舍大股賊匪於不問輒帶  
前隊勁兵追剿高均德僅留弁兵數百名在後防堵茫無  
主見調度失宜 命拔去花翎嗣復革  
退世職紫羅並追前所賞銀五千兩入官

十八日

公偕明亮奏言高均德股匪竄及城固洋縣一帶臣等在  
甯羌聞信當卽星夜帶兵趕至洋縣囑柯藩帶領原兵並  
愛星阿所帶之兵仍回漢中一帶防堵江岸臣等卽率兵  
探蹤加緊前進初三日亥刻馳抵洋縣龍泉鋪時值大雪

德壯果公年譜卷八

三

知賊人尙在金水鋪暫紮卽乘雪夜猝進攻擊臣德楞泰  
同賽沖阿等帶領馬隊勁兵先行臣明亮同圖桑阿等帶  
步隊繼進初五日五鼓行至金水鋪左右山梁時賊人因  
雪阻未前臣等驟從兩面山梁壓下槍擊箭射賊人勢不  
能支卽成隊攀越北面山梁官兵併力趕上勦擊殲賊三  
四百名餘賊翻山而走官兵追至大河壩賊人分向山林  
莊屋內藏匿意欲誘官兵四下搜捕該匪得以分投肆竄  
臣等當令賽沖阿阿穆勒塔帶領官兵繞出賊前設伏遊  
擊蒲尙佐都司達自祥應元寬守備李東山等各帶官兵  
及墨爾根勁兵向村中莊屋搜擊擒賊百餘名逾時賊衆

果從林內衝出伏兵齊起擊射並用大礮轟打殺賊四五  
百名賊人衝河北遁官兵亦踰水追殺初六日辰刻追至  
三河口正飭官兵炊食賊人竟敢反身迎敵分數路蜂擁  
而來兇悍已極臣察明路徑亦卽分路追殺賊人抵死撲  
鬪憑高飛擲槍石臣明亮同圖桑阿副將劉廷基抄上右  
路梅子坡山梁絕其來路賊人連撲兩次被官兵迎頭截  
殺槍箭具舉斃賊二百數十名賊始敗退臣德楞泰同達  
音泰副將扎爾杭阿搶上左路二郎礪山梁進擊將左一  
路賊匪截爲兩段痛加攪殺其中路四方山及溝內衝出  
兩股匪衆又經阿哈保溫春副將德甯遊擊蒲尙佐等擊

德壯果公年譜卷八

三

敗賊人披靡潰亂踉蹌逃遁行李馬匹棄滿山溝臣德楞  
泰同賽沖阿達音泰等隨勦隨進三十餘里自辰至酉各  
路官兵共計殺賊六七百名生擒劉元義余一貴等二百  
餘名其被擄民人有拋棄器械投出者有分投逃避藏匿  
山林覓路回歸者共計一千四百三十名口現飭隨營道  
員陳蘭森溫承惠等審訊核辦是日該匪敗遁後向交溪  
河金子山一路四竄東達五郎關北通秦嶺均與西安興  
安切近若徒事追勦反恐驅令前奔臣德楞泰由袁家莊  
一路兜勦防其北竄沿途搜擒散出之賊六七十名臣明  
亮由青草關一路迎擊防其東遁沿途搜獲九十三名口



均經飭委道員逐加研訊其被脅良民卽令妥爲安撫連日打仗遊擊蒲尙佐布特哈委署參領杜爾圖把總賀廷印委驍騎校趕品班達爾什均有受傷其受傷陣亡兵丁咨部辦理再頭起調到之撒拉爾回兵一千八百名自上年六月間隨<sub>臣</sub>等軍營勦賊頗爲奮勉出力緣在川省水土不服病亡至四百餘名嗣卽帶赴湖北陝西仍復勇往打仗自賊匪折入川境該回兵以時屆春耕就陝省回歸較近呈請暫行回籍<sub>臣</sub>等查此項回兵籍隸邊徼本與各營官兵有別素以種地爲業今隨征一載家口無資未免心懷顧慮現在勁兵齊集足敷勦匪自應仰體

德壯果公年譜卷八

三

聖慈於卹外番至意卽令回籍以順夷情現飭副將李文蔚帶領沿途約束仍傳集頭人賞給銀袖按名獎勞該回兵均各歡欣感誦

天恩業已遣令回籍訖

二十七日

公偕明亮奏言<sub>臣</sub>等前因賊匪向交溪河一帶敗竄細察賊情不能北竄秦嶺卽慮東擾五郎該匪在城固洋縣界逼據多人夥黨較衆是以分帶官兵由袁家莊青草關兩路前進沿途搜獲匪共二百餘名<sub>臣</sub>德楞泰行至獅子壩探知竄往東岳甸賊匪欲向龐家溝前進卽飛率滿漢

官兵進勦斃賊三百餘名生擒張廷魁王興貴等一百一十一名復派兵三路追擊其時寶冲阿率領吉林協領明保等帶領馬兵鎮<sub>臣</sub>長春率遊擊伯明等帶領雲南廣西兵搶上左手王家山乘勝壓勦直衝賊隊生擒劉有才等二百三十四名斃斃滾崖者無數達音泰率遊擊達自祥等帶領漢屯川兵副都統阿穆勒塔率總管色爾滾等帶領索倫馬兵由右手大擁溝抄截橫衝斃賊甚多生擒王老五等一百九十二名<sub>臣</sub>德楞泰率同巴圖魯侍衛等帶領墨爾根兵丁漢屯奮勇官兵由中路周家坪馳勦前衝後擊攪殺多時進追三十餘里殺賊千餘名是日計三路

德壯果公年譜卷八

三

官兵共殺賊二千有餘生擒賊匪五百四十七名內有賊目劉明貴一名割獲首級七百六十三顆並有被擄民人謝成富等男女二百九十餘名口從賊隊內逃出拋棄器械跪求投誠訊係城固洋縣一帶民人當卽收撫官兵進至安子溝因時已三更暫行紮住詎賊匪復連夜折回衝撲官兵營卡據哨兵稟報卽密飭各兵準備誘賊近前槍箭並發賊人擁衆往來衝突連撲三次勢甚兇悍經賽冲阿達音泰阿穆勒塔各帶官兵陡從卡內跳出身先士卒併力壓下斃賊千餘賊始敗退號叫狂奔臨陣投出者又有南鄭褒城等縣被擄民人張文學等男婦一千二百三



十餘名口交與該地方官妥為撫卹官兵仍乘勝窮追於南田溝截殺賊人二百餘名於魚洞子截殺賊人三四百名於九貫溝紅巖溝四畝地等處截殺賊人七八百名生擒頭目朱其貴趙文科二名訊係賊營副元帥均無要供即於軍前梟示槍斃偽先鋒楊從慶其昌二名其餘臨陣擒獲及山溝林內搜捕者連日共得千餘名沿途投出者每日或數十名數名不等該匪本欲由金雞河北竄江口經官兵緊躡截剿遂由旁路翻山敗向甘家礪一帶東竄五郎進擾廳治該處為邪匪聚集之所雖經投誠改悔猶恐乘機蠢動適臣明亮一路官兵先已由五郎進發該匪竄及甘家礪之時正值臣明亮派阿哈保帶領索倫馬兵遊擊張朋帶領綠營兵勇前往拏卡阿哈保等當即率兵迎頭截擊臣明亮亦同圖桑阿等繼進殲賊四百餘名生擒張奉林等一百二十七名該匪遁入深林由小道竄向五里六里七里各溝臣明亮星夜追擊於喬家溝貓兒嶺砂坪三道梁竹山溝等處連接五仗殲賊二千餘名生擒大頭目陳有賢何啟昌等並餘賊二百十五名官兵復進追至廟丫子該處左右兩山皆係深林密箐該匪乘月夜隱匿兩山林內欲待官兵追過該處折回抄截當經阿哈保張朋於途中拏獲探信之賊訊出賊情臣明亮遂因其

德壯果公年譜卷八

三

詭計派阿哈保副將劉廷基侍衛達爾精阿等帶兵由左手山後抄出臣明亮等直前撲剿阿哈保等暗從山後搶上山頭出其不意陡用連環轟擊兩山賊匪登時驚亂阿哈保等率兵穿出深林壓下痛剿殲賊七八百名生擒黃世榮等二百七十四名頭目徐大元胡大益二名官兵一鼓作氣追至樓房溝沿途投出者四百六十七名餘匪亡命前奔官兵追至西川東川適臣德楞泰在十八丈龍王廟一帶聞信偕賽沖阿達音泰長春率領馬步各兵趕到會合併剿斃賊一千三四百名生擒男婦七百四十七名各山搜出男婦二百八十三名查賊匪北竄漢江後本有萬餘人又於襄城南鄭城固洋縣沿途逼擄者不下四五千入自經官兵趕上日夜抄擊旬日以來剿除業已過半在逃之賊勢甚窮感恐情急假裝難民偷竄臣等已飛札秦承恩嚴飭各營卡留心查拏臣德楞泰仍率領輕騎勁旅星夜跟蹤緊剿臣明亮接續前進不與以暇務將首逆高均德等刻日就擒至連日打仗頭等侍衛阿那保委署參領富新西爾遜西靈阿哈勒章扣驍騎校巴彥保守備何君佐馬元把總彭家棟均經受傷此外傷亡各兵俟查明另行咨部再前奉

諭旨令將騎馬衝入江心殺賊之黑龍江官兵共有若干名查明

德壯果公年譜卷八

三



覆奏查其時派列前隊擊賊者係黑龍江官兵一千名該弁兵因賊匪撲近江岸即衝入江心擊殺實為出色奮勇且邇來日夜追剿竄匪因馬力迅速仍用該弁兵為前列每遇接仗無不爭先競進其中有屢衝賊隊殲賊多名者有馳擊逸匪不遺餘力者有當賊亡命衝撲奮力抵剿者均屬分外驍健謹開單恭呈

睿覽

諭曰明亮等所奏仍不過在五郎一帶分路剿賊雖摺內稱殺賊六七千名俱係高均德等在漢中一路逼脅裹掠之人即生擒投出者大半皆係該處難民婦女幼孩并未能擒一首逆殊不

德壯果公年譜卷八

七

愜意向聞賊匪詭計將邪教同夥之人悉行帶往向前奔竄將裹脅難民等留於後路牽綴官兵趕到僅將此等在後之人殲戮虛報功級而大夥匪徒轉得愈竄愈遠每次殺賊大率如此今明亮等此奏仍係復蹈前轍且據稱德楞楞督率勁旅跟蹤進剿明亮接續前進等語尤不成話賊匪既向東奔竄明亮德楞楞自應設法抄向賊前截擊乃德楞楞已落賊後而明亮俟德楞楞帶兵去後始行接續前進豈不更落賊後明亮德楞楞著傳旨嚴行申飭

二月初三日

諭曰前次明亮德楞楞追剿高均德股匪將吉林黑龍江勁旅全

數帶赴陝省竟置姚之富齊王氏等大股賊匪於不顧節經降旨嚴飭並以後股賊匪若接踵而來陝省無大兵堵截則姚之富齊王氏等必思趕上高均德一股合夥今秦承恩所奏果不出朕所料若明亮德楞楞前此分一人酌帶勁兵在南岸堵剿則齊王氏王廷詔等豈能闖入陝境是伊一人調度乖謬之罪更無可辭伊等若能速將高均德等擒獲殲盡餘匪合兵向南迎剿後股賊匪尚可勉自湔贖儻高均德尚在奔逸所餘賊匪無多明亮德楞楞一人內即分一人酌帶勁兵同向西鄉一帶迎剿如伊二人實有不能分身之處即於巴圖魯侍衛及總兵內派令二三人帶兵即赴西鄉等處幫同柯藩等夾擊亦可得力著明亮等酌量而行不可稍存觀望致有貽誤

德壯果公年譜卷八

七

初十日

諭曰秦承恩奏高均德股匪經官兵分路兜截折竄鎮安此股賊匪前竄入陝境時為數本屬無多即或有脅從之人節經明亮等剿殺據奏殺賊六七千名所餘諒屬無幾乃明亮自前次奏到後距今已逾旬餘未據續有奏報或現在緊躡賊蹤無暇具摺此時賊匪已折竄鎮安秦承恩與王文雄馳赴山陽一帶探蹤迎擊明亮等務須趕緊追剿會同夾擊儻與賊以暇再稽時日或賊匪復有南竄與齊王氏等合夥之事則舒亮穆克登阿即前車之鑒況此時高均德股匪在漢江之北而齊王氏等屯

五十二 丹黃參日年全書第 2 卷 頁 3



聚西鄉一帶在漢江之南相距尚遠賊勢未能遽合明亮等尤須奮力追剿擒獲高均德再赴西鄉協剿後股竄匪以期立功自贖

十三日

公偕明亮奏言賊匪前經官兵分投兜剿捨命奔逃<sub>臣</sub>等帶領官兵於十九二十兩日在太白廟風巖溝雲蓋寺等處或繞出其前攔頭痛剿或設伏路口突擊橫衝斃賊一千餘名生擒男婦五百六十一名口各兵丁亦各勇往用命陟險攀山不遺餘力該匪肆竄狂奔<sub>臣</sub>等又分路前進明亮追至三官廟探知左右四山竄匪甚多當同圖桑

德壯果公年譜卷八

三

阿等帶兵搜捕該匪等初猶冒充難民散處樹林巖洞之內及官兵臨近竟敢施放號槍四山奔聚併力抗拒官兵分路搶上山包奮力剿殺斃賊四百餘名追殺逃出者百餘名又於各山搜殺一百十三名生擒一百三十七名驍騎校趕森保前鋒瑚福因首先衝入賊隊猝被矛傷陣亡官兵盡一日之力將三官廟一帶藏匿留後牽制之賊盡行殲擒<sub>臣</sub>德楞泰追至沙河溝口賊匪正在溝內我兵分兩路從上壓下斃賊一百餘名又於界牌石場殺賊不計其數生擒頭人魏順鄭冠羣二名賊匪裴從科等四十二名賊從廟峽子竄逃時已深夜官兵又乘夜追至曹家河

馬家溝殺賊三百餘名追至文家塢生擒何美等三十一名隨馳至東毛坪紅巖一帶督剿生擒七十三名訊供高均德已竄入湖北鄖西境內廟川地方意欲逃奔河南等語<sub>臣</sub>德楞泰當即趕赴廟川痛加截殺並經該處鄉勇堵截該匪仍折回陝省歐家川地方<sub>臣</sub>德楞泰派官兵進剿賊匪占據山包施放槍礮並用擗石擲打抗拒官兵分三路截殺左一路係賽沖阿達音泰帶領滿漢官兵由東家坪廟川追剿右一路係阿哈保長春帶領滿漢官兵由石板溝董家川截剿<sub>臣</sub>德楞泰率同阿穆勒塔巴圖魯侍衛遊擊馬瑜等帶領兵勇由太平橋進攻各官兵一鼓擁

德壯果公年譜卷八

三

上攪殺多時箭射頭人王文貴一名擊斃騎馬賊匪甚多殲斃步賊七百餘名割獻首級九十五顆搶獲劈山礮五位生擒李文宗陳國等有男女五百七十一名口官兵內防禦西凌阿副將劉廷基遊擊劉惟馨均各受傷該匪被剿情急奔上三十六歲是日風雨交作山石冰凌官兵愈攻愈力賊匪皆滾坡逃逸其時<sub>臣</sub>明亮由康家坪一路兜剿前進探知賊匪欲由羅家河康家坪向北竄遁當遣溫春愛星阿帶領索倫官兵馳至羅家河迎擊溫春等率兵趕往正值賊匪在該處村莊擄掠經官兵自上下擊該匪奔上山梁抵禦溫春愛星阿亦即率兵搶上擊射繼以短



兵相接斃賊二百餘名賊衆翻山四逸官兵乘勝追擊生擒周正才等五十八名協領克什保因追殺騎馬賊隊猝被矛傷陣亡賊匪敗逃後俱向青銅關一路南竄查青銅關路徑分歧東面可達山陽西面可達鎮安西北可折回五郎臣德楞泰擊獲鍾文貴等據供賊匪要由米糧川秋梁川逃往山陽前入豫境又查米糧川爲赴山陽要口一經堵剿賊匪自難由此路竄走當卽率兵由曹家川抄出米糧川一路兜截該匪望風畏避又從洵河一帶南竄山陽等處得保無虞臣明亮已由柴家坪躡剿前進仍彼此知會於長坪地方會合緊追剿擊總期併力通歸南面迅

德壯果公年譜卷八

三

速擒掃惟昨接秦承恩來札並道員溫承惠稟報齊王氏一股於正月二十四日由川省南江竄入西鄉簡池壩一帶臣等商酌此時剿辦高均德一股正在喫緊得手之際必須旁抄後擊而齊王氏一股亦急須截剿因飛咨柯藩酌帶官兵馳赴西鄉在漢江北岸相機迎擊飭署鎮田有成在附近西鄉東面一帶堵剿並飭道員溫承惠在興安郡城率領兵勇防守旋據漢中府知府趙洵稟報探得後股賊匪於正月二十八日由石泉縣黑石頭地方躡水渡江臣等愈形焦急伏查齊王氏姚之富李全王廷詔高均德張漢潮等各逆上年本分四股滋擾繼又合爲三股由

川楚竄入陝境臣等疊加痛剿其時有惠齡富成恆瑞慶成柯藩王文雄等各路官兵合計二萬餘名兵力本充分股堵剿得以逼歸一處入川詎該匪等復分起折回陝境偷渡江北高均德一股原有萬餘人臣等連次剿殺現在夥黨不過二三千人今後股賊人復又自南而北齊王氏李全王廷詔等是否俱在其內尙未可定高均德勢必竄往會合未免人數驟增臣等一路官兵除分撥惠齡富成恆瑞慶成帶赴川省外現僅存滿漢官兵八千餘名如該匪全數渡江仍分股肆竄臣等以次遞剿恐另股之賊乘間蔓延若分投剿辦又恐不敷分布惟有儘此兵力合力

德壯果公年譜卷八

三

併剿斷不敢稍有遷延但恐賊匪被剿回竄東北此時豫省有景安帶領兵勇在邊界防堵惟楚省襄樊一帶兵守未免空虛又無大員彈壓現在惠齡恆瑞慶成兩路官兵已在川省剿賊難以抽撤前來竊計額爾登保剿辦朱里寨餘匪想卽日可以擒渠蕪績若令就近帶領勝兵馳赴襄樊一帶迎剿較爲周密

論曰明亮等所奏情形仍不過在三官廟等處地方剿賊所殲賊匪亦祇脅從夥黨並未擒一賊首且摺內稱三官廟一帶藏匿留後之賊悉行殲除可見伊等仍前墮賊牽綴官兵奸計僅將襄督留後老弱之賊剿殺充數而首逆等轉得乘間折回鎮安



其勢必與後股賊首齊王氏等合夥豈伊等毫無懼耶明亮  
德楞泰著再傳旨嚴行申飭

十五日

諭曰西鄉罐子山股匪在城固地方竄過漢江賊首李全張添文  
又分出一股西竄南鄭之西壩等處而齊王氏高均德兩股又  
俱竄至漢陰地方此皆由明亮德楞泰辦理遲緩剿捕不力所  
致厥罪維均然德楞泰打仗數次尙能向前殺賊明亮則屢次  
落後惟事尾追伊等原摺具在非朕任意軒輊明亮種種疎縱  
玩誤之罪較德楞泰爲尤重現在李全等在後尙未竄合明亮  
德楞泰惟當知愧知懼速將齊王氏高均德等合夥賊匪趕緊  
辦竣再將李全一股截剿猶可稍贖重罪

德壯果公年譜卷八

謹

又

諭曰現在川省賊匪正需勒保在彼督率剿辦一時未能到陝宜  
縣則早經諭令速回興漢一帶駐劄計此時自應到陝今明亮  
既不可恃宜縣竟當速赴明亮等一路軍營將所帶官兵悉行  
統領督率德楞泰等實力剿辦振奮士氣

二十三日

公偕明亮奏言臣等前將高均德一股賊匪連次殲殺該  
匪折向南竄正在乘勝逼剿詎後股賊匪復渡江而北前  
至鐵爐壩與高均德會合沿途捕獲賊匪王國相等訊據

供稱續來之賊係齊王氏一股齊王氏因高均德一股屢  
被官兵擊敗人數無多分給二千人幫同抗拒官兵等  
語數日以來該匪等時分時合擾至安康界內兩河關趙

家灣一帶臣等查該處係四達之區東北可通鎮安山陽

商州東南可通洵陽及湖北鄖西等處官兵必須分路兜

截臣明亮當卽率同圖桑阿賽沖阿溫春長春等帶領官

兵由譚家壩松樹壩一路抄至蘭草坪臣德楞泰率同阿

哈保阿穆勒塔達音泰木騰額愛星阿等帶領官兵由大

橋老樹嘴一路抄至張家坪該匪聞兩路官兵前來退至

判官嶺該處山深林密溝澗幽深既可據險埋伏抄截官

德壯果公年譜卷八

謹

兵並易從小道奔竄臣等彼此知會星夜前進十一日臣

明亮等率兵抄出判官嶺之西北截擊臣德楞泰等率兵

抄出東北夾剿令圖桑阿達音泰木騰額長春愛星阿各

帶官兵由判官嶺南面左右山梁兩路並進該匪等於溝

內排列四五百人誘官兵進溝勒殺山林內復擁出伏賊

數千人併力抗拒賽沖阿溫春阿穆勒塔達音泰愛星阿

等首先從兩山壓下賊衆見兵勢勇猛仍穿入深林臣等

飛飭四面用槍礮轟擊約半時之久賊衆站立不住成隊

衝出捨命力鬪官兵斃賊甚多有穿紅衣賊目在後指揮

率黨死拒賊人有退卻欲逃者該匪呵叱使前官兵奮力



殲殺擒獲騎馬賊目馮大申朱錫二名並射死穿紅衣賊目二名殲斃三百餘名賊人仍逃入深林紛紛狂竄等分投追剿殲擒二百餘名該匪等俱由兩旁高山林內肆逸官兵自未至申攢殺三時共殲戮五六百名生擒七十

德壯果公年譜卷八

美

當將該犯等凌遲正法等查賊志總要前竄東北被官兵分路抄擊復又南奔恐賊人詭計往往東擊西竄惟有乘勝擊剿隨時相機兜截總不使賊匪肆竄東北亦不墮賊奸計為其牽制等現由東北向南逼剿昨准興肇來札漢江南岸已無賊匪興肇已帶領荆州滿兵會同柯藩前進協剿等飛咨令其各帶官兵探明賊蹤與等兩面夾擊

案是時上適張明亮職命解京治罪逮此奏入旋以追剿賊匪正在喫緊軍營乏人軍營作為領隊帶兵而公借宜縣趕緊剿辦

三月初三日

公偕明亮額爾登保奏言明亮德楞泰前將高均德齊王氏兩股賊眾逼剿至判官嶺地方痛加截擊該匪折向西南蘭草坪一帶竄擾當率將弁抄至該處帶領馬步兵丁兩面衝擊將賊人中一隊二百餘人截住殲殺無遺其前後各隊復向西南漫山四竄阿穆勒塔等帶兵分投追殺斃賊百餘生擒二十八名內陳德饒王國用二犯係齊王氏營領兵頭目據供賊意總要向東北奔竄逃回河南湖北因屢被官兵截殺暫時折回西南俟將官兵誘入西山內再從小道繞出鎮安山陽一帶前去當將該犯凌遲正法查兩河關地方為數州縣交界之所係東北面要

德壯果公年譜卷八

美

路當即率兵馳赴扼要截剿並派副將扎爾杭阿帶兵躡剿派守備馬應國酌帶兵勇扮作教匪尾隨前進額爾登保亦於是日趕到旋據馬應國稟報賊匪由廟溝等處繞道竄及鎮安西北境內勢將由野竹坪舊縣關直趨東北額爾登保率領鎮長春協領德明泰等共帶滿漢兵四千餘名於是夜二鼓由柴溝口屹塔寺一帶進剿明亮德楞泰帶兵六千名由石板溝雲蓋寺一帶兜剿二十二日午刻額爾登保行至野竹坪賊匪正竄至該處焚掠當即奮力轟擊賊匪捨死攔鋒分三路抗拒隨率同綸布春等亦分三路奮剿斃賊三四百名生擒八十餘名



賊匪始向西南山梁敗退其時臣明亮德楞泰正由小廟嶺前進行至野竹坪西面聞槍礮聲即親率馬兵翻山壓下兩面夾剿賊匪惶急狂奔又經官兵擊斃二百名餘賊皆翻山越澗疾竄臣等率兵乘勝追殺至舊縣關沿途殲戮甚多察看賊人敗竄道路一為黑虎廟一為紙房溝均可達商州山陽兩處地界並訊據獲賊劉與得等僉供齊王氏高均德等現俱逃往黑虎廟一帶還要向東北去等語查山陽商州與商雒鄖陽接壤臣明亮德楞泰即日由舊縣關左首採玉窰一帶抄赴商州迎頭擊剿此次打仗官兵間有受傷陣亡另行查明咨部

德壯果公年譜卷八

三

諭曰齊王氏高均德等欲將官兵誘入西南山內即從小道繞出鎮安山陽一帶竄入楚豫狡計可惡明亮等遲逾多日此次所奏仍不過追剿竄匪殺賊亦屬有限所辦何事明亮德楞泰著傳旨嚴行申飭現在宜絲馳抵陝境當速赴鎮安一帶督兵進剿此時額爾登保已抵該處宜絲務須大加振作督同趕緊剿辦祇須將首逆拏獲匪黨無難殲淨

初六日

公偕明亮額爾登保奏言臣額爾登保星夜馳赴商州一路臣明亮德楞泰星夜馳赴山陽一路各扼要隘以便截擊詎賊人狡詐異常分向西南狂遁齊王氏直趨商州高

均德直趨山陽行走甚速臣明亮德楞泰於二十六日兜至山陽峒峪河正值賊匪竄近該處當即率兵進剿將前隊迎頭截殺殲擒百餘名賊人敗退後竄擾下關坊隘口離山陽縣城二十餘里該縣居民聞風驚避當飭隨營道府安撫彈壓一面親率巴圖魯侍衛鎮將官兵等抄馳迎截該匪分占左右山梁施放火槍拋擲石塊臣明亮同賽沖阿等搶上右手山包臣德楞泰同溫春等搶上左手山包不避矢石一擁競上將兩山賊眾壓下併力攬殺賽沖阿同阿穆勒塔首先衝入奮勇擊射殲殺尤多佐領噶塔保章果保當被矛傷陣亡官兵儘力追剿超越四五重山

德壯果公年譜卷八

三

包共殲賊四百餘名生擒田賜福等六十二名內曹先配熊朋鳴羅崇發鄭自順四犯係戕害噶塔保等之賊當予戮割斬梟士卒稱快餘賊向商州一路狂奔官兵乘勝兜剿臣額爾登保於二十六日馳抵商州據報齊王氏一股將至九間房離州甚近即親率官兵同綸布春等進擊至九間房正遇賊匪結隊前來當飭各兵分伏山後民村迨賊臨近施放號槍一鼓並進賊人情急亡命力拒綸布春德明泰格布舍等帶領馬隊搶入撲剿慶溥長春等率步隊兵丁在外圍剿左馳右擊殲賊六百餘名生擒曹如松等九十三名當即駢戮佐領胡世訥猝被矛傷陣亡餘賊



向西北敗逃我兵追殺二十餘里沿途復斃賊八十餘名  
適據商州知州馳報高均德一股經明亮等截剿不能奔  
出山陽竄及該州東境臣額爾登保復由寬坪一路抄出  
上關坊迎遇高均德一股正在率兵攔擊維時臣明亮德  
楞泰已由下關坊疾馳兜剿前來遂率兵兩面夾攻殲賊  
三百餘名生擒劉性賢等五十八名賊匪從旁翻山向西  
南狂遁時已深夜暫行紮駐臣額爾登保察看齊王氏一  
股自九間房西竄勢必侵入藍田卽由吳家莊抄越兜截  
高均德一股自上關坊東奔勢必折回黑山及九里坪等  
處希圖繞赴臣西明亮德楞泰亦卽率兵馳赴黑山並

德壯果公年譜卷八

三

派賽冲阿達音泰帶兵趕赴九里坪截殺次日高均德一  
股果先竄及九里坪經賽冲阿等抄前截殺賊復奔至小  
河口一帶復經臣明亮德楞泰率兵截擊該匪折回犀牛  
槽逃遁該處北通藍田該匪自必直前奔竄仍與齊王氏  
會合惟當緊躡賊蹤將兩股逼歸一處以便夾攻得力連  
日打仗傷亡兵丁另行查明咨部

諭曰齊王氏一股自九間房敗竄意欲侵入藍田而高均德一股  
折回犀牛槽亦欲北竄藍田是兩股賊匪又將合併額爾登保  
現已先往藍田明亮德楞泰緊躡高均德一股賊蹤若能兩面  
夾擊將首逆一併拏獲固屬甚善否則視何股賊首緊要卽併

力先將一股賊首擒獲後再行剿辦一股庶兵力得以整隊兜  
剿而賊勢漸孤易於搜捕明亮等務須各加愧勵以期稍贖前  
罪其殺賊陣亡之佐領噶塔保章果保胡世訥俱著咨部加等  
議卹

初八日

諭曰此時額爾登保自早抵藍田迎擊齊王氏一股而明亮德楞  
泰又緊躡高均德一股且李全一股如果由整屋奔竄藍田亦  
係必經之路若三股合爲一夥泰承恩王文雄興肇柯藩自西  
而東德楞泰額爾登保明亮自東而西前後夾攻正是極好機  
會如賊首仍分股竄逸則當遵照昨旨視何股賊首緊要卽合  
力先將一股賊首擒獲後再行剿辦一股斷不可任令闖入楚  
豫邊界爲要

德壯果公年譜卷八

四

十三日

公奏言查楚匪滋事以來蔓延數省皆由齊王氏姚之富  
二犯朋比爲奸首先集衆焚劫同教匪犯妄稱爲總教師  
到處蜂起附和聽其號令是該二犯尤爲衆惡渠魁屢奉  
聖明訓飭先令剿辦此股日前齊王氏姚之富與高均德分擾山  
陽商州經臣等分兵抄擊該匪相繼竄入藍田又經官兵  
繞前截殺高均德折回山陽鎮安一帶南竄齊王氏姚之  
富折向山陽石河舖東竄其時額爾登保因張添文李全



等賊匪自整屋竄及藍田正在迎頭截擊不及帶兵協勦  
臣一路官兵不敷兜擊是宜酌量緩急先勦齊逆查石河  
鋪路徑歧出可由漫川關高壩店前入豫省又可由上津  
堡前入楚北當派賽沖阿帶兵一千漏夜馳至高壩店派  
溫春愛星阿等帶兵一千馳至漫川關分投堵截 臣同明  
亮帶兵四千餘名由黃隴鋪寬坪向漫川關兜勦並可與  
賽沖阿等三面夾擊初五日子刻自黃隴鋪發兵辰刻抄  
至寬坪正值賊分三路向蓮花池一路竄走 臣等帶兵亦  
分三路並進賊人排列左右分投抗拒 臣親率阿穆勒塔  
木騰額副將德甯巴圖魯侍衛等帶兵從大路截殺明亮

德壯果公年譜卷八

三

同阿哈保副將扎爾杭阿等帶兵搶上左手山梁壓擊圖  
桑阿率領步隊官兵接續前進賊眾膽敢施放火槍 臣率  
領馬兵直前衝殺左山梁之賊經明亮等率領勁旅擁上  
壓勦右山梁之賊亦被達音泰等抄上擊殺共殲獲賊匪  
一千餘名賊人力不能支分投狂竄 臣由大路乘勝追殺  
明亮同阿哈保達音泰由山梁馳擊該匪奔至尖河口合  
為兩隊一股竄往漫山關經溫春愛星阿等帶兵截殺該匪  
迎擊一股竄往漫山關經溫春愛星阿等帶兵截殺該匪  
仍復折回 臣趕緊前進與賽沖阿等三面夾攻賊人又折  
向西南甘溝一路逃遁是日官兵自子亥追擊一百七

十餘里斃賊一千四百餘名又由寬坪追殺復斃賊八百  
餘名生擒朱孟祥等五百四十三名奪獲騾馬七百餘頭  
器械無算賊勢已靡惟首逆尙在竄逃急當乘勝力捕因  
兵丁尙有未經趕到者連夜催齊查甘溝西北即為楚北  
郎西地界聞郎西各要隘經汪新飭令郎陽府王正常該  
縣孔繼榘募設鄉勇防禦周密隨飛飭該府縣等督率防  
堵 臣分兵兩路與明亮等於初六日五鼓帶領滿漢屯土  
馬步官兵由上津堡槐樹溝兜勦隨進未刻將賊匪  
追逼至三岔河賊眾男女尙有八九千人猶敢捨死衝撲  
占住山梁奔突溝口 臣等親率官兵路路截殺正在圍攻

德壯果公年譜卷八

三

喫緊之際有湖北把總修永宏帶領鄉勇堵勦前來併力  
截殺 臣恐首逆復又遁逸當將獲賊審訊據供左山梁一  
路賊人齊王氏姚之富皆在其內遂將該二犯年歲服色  
訊問明確一面飛派兵勇分投將餘賊堵勦一面親同明  
亮賽沖阿阿哈保溫春達音泰阿穆勒塔德甯等帶領奮  
勇兵丁將左山梁四面圍住該逆尙率男婦三千餘人滾  
石放槍力拒官兵四面一擁直上該二逆率眾奔逃至險  
峻之處棄馬爬越吉林索倫官兵亦皆下馬同步兵一齊  
趕擒 臣當即傳令眾官兵必須生擒首逆解京毋得槍箭  
致斃該逆等惶急萬狀齊王氏率婦女十餘人從西南投



落陡崖姚之富亦向懸崖跳下臣飛飭擒捕姚之富已跌傷心坎立時斃命齊王氏尙存殘喘臣同明亮親督官兵將夥黨三千餘眾盡行殲斃其各山梁溝內賊匪分派鎮將率兵剿捕殲斃四千餘名生擒一千三百餘名內大頭目王如美訊係自襄陽與姚之富幫同齊王氏起事之人偽稱大丞相又獲小頭目朱正聲等二十三名均即凌遲梟首餘賊概予駢誅初七日黎明剿殺淨盡至齊王氏一犯初被擒時氣尙未絕當即訊問業已不能詳供惟自認齊王氏不諱并提集活犯張成美劉朱氏等令其認識俱指稱實係首逆齊王氏并稱該逆頭髮剪後復蓄長不盈

德壯果公年譜卷八

聖

尺并身穿繡衣耳戴金環可據姚之富一犯查訊各犯所稱面貌服色指對相符確鑿無疑當即傳集各營兵勇及附近人民將齊姚二逆臠割斬梟復將屍骨到揚軍民目覩無不歡呼稱快並將首級傳示湖北本籍及川陝滋事地方徧行曉諭再當委員解京此股賊匪為眾逆之魁既經剿淨省出一路得勝之兵別股賊匪自必聞風震懼臣乘此機會不肯少有遲緩計現在張添文李全一股經秦承恩等痛剿定易得手臣即日帶兵馳赴山陽剿辦高均德一股總當以東北面為重即遇他股賊匪竄近亦即隨時相機剿辦至此股賊內或有零匪竄匿山林者已飛咨

秦承恩汪新飭令該地方官督率鄉勇搜辦並將被擄未久民人確查省釋連日打仗索倫委防禦領催福珠里委驍騎校領催圖明阿委驍騎校領催阿里均因殺賊陣亡協領色爾滾等亦俱受傷其餘陣亡受傷兵丁另行查明咨部至鎮臣木騰額在苗疆出力年餘現在隨同剿賊日在前敵尙為奮勇所帶廣東兵丁實屬得力又隨征滿漢屯土官兵及隨營辦理軍務各員晝夜跟隨不辭勞瘁容俟查明覈實再行分別奏請加

恩

諭曰連日盼望捷報正在宵旰莫釋本日已刻遞到德楞額奏報

德壯果公年譜卷八

聖

殲除首逆齊王氏姚之富並將此股賊匪全行剿蕩覽奏欣悅但兩首逆均係情急投崖垂斃雖臠割示眾究經未能生擒解京盡法處治不為滿意前因明亮係首先領兵之人任聽賊匪往來奔竄特將伊革職鞫問本欲解京治罪嗣復加恩暫留軍營作為領隊茲德楞額奏戴罪首先領兵得此勝仗殲斃二逆若非朕加之懲創則將弁等安能人人用命一鼓直前耶明亮此次因人成事尙不足抵前此遲誤之咎姑念全股賊匪業經殲淨無遺伊等尙知悔過自新德楞額著賞給金鑲寶石帶鈎金鑲松石盒玉喜字搬指大小荷包賽沖阿阿哈保温春阿穆勒塔達音泰木騰額德甯明亮並著各賞給金鑲松石盒玉喜字



搬指火鑷包大小荷包木騰額帶領廣東兵丁尙爲得力並著賞戴花翎至湖北把總修永宏聞聲馳赴堵剿尙屬奮勉卽著超陞守備其隨征滿漢屯土官兵及辦理營務帶領鄉勇等項出力各員俟德楞泰查明核奏再行酌量加恩所有殺賊陣亡之福珠里圖明阿阿里俱著咨部加等議卹現在德楞泰等率領勝兵馳赴山陽計此時陝省竄匪中緊要首逆係高均德李全其次卽張添文阮正通務須按名設法生擒解京處治斷不可再令情急自斃倖逃顯戮俟陝境賊匪全數肅清後德楞泰等酌量情形所有各處勝兵以十分之六赴川幫同勒保剿辦川北賊夥以十分之四就近由鄖西取道速赴歸宜一帶幫同

德壯果公年譜卷八

景安等剿辦川東竄匪以期一律甯謐

恭錄

聖製詩

鑑遠堂得句在廣潤祠旁

乙卯曾斯披捷音乙卯四月

廣潤祠新兩後在茲堂傳餐  
視事適接福康安和琳奏報官軍征剿逆苗  
攻克蘭草坪後直抵榔木柁用奇兵搗其巢穴分兵五路乘夜  
齊進分撲賊卡官軍先斃賊無算遂將黃瓜寨攻克搶占山  
梁焚燒賊寨五十六處賊勢大蹙曾有誌事之作書懸此堂壁  
間今早詣祠祈雨後仍至此堂視事而論軍機大臣等前歲  
會在此披閱捷章或今日亦有喜音馳到庶慰企懷辰刻同至  
御園而德楞泰奏報殲滅逆首逆齊王氏姚之富六百里加  
緊之措溪窗虛俯遠開襟不無望幸今如昔果接飛章報勝吟  
是日憩坐之際適接德楞泰奏到捷章楚匪滋事以來蔓延日

久皆由齊王氏姚之富二犯首先集衆焚劫到處逼脅良民抗拒官軍實爲禍首罪魁今日殲除雖未得生擒解京而首逆均已伏法餘匪自必喪膽亡魂此時陝境之賊惟高均德李全張添文兩股奔竄稽誅經德楞泰等帶領勝兵及額爾登保奏承恩王文雄等分路兜捕不日卽可擒渠蕝事其在川境者如徐添德王三槐冉文儻羅其清諸首逆自皆聞風震懼剋日亦可成擒剿捕教匪大功已不啻過半矣披閱捷章因成是什并識如右

德壯果公年譜卷八

閱歷既深或遇持重且德楞泰年力較壯聞賊卽行當此用兵孔急正當驅策羣力以期速奏膚功未幾而殲姚齊

捷音至

十九日

公偕額爾登保奏言 德楞泰於初八日由鄖西領兵進發十一日馳抵山陽屬之九里坪先是 額爾登保於初一日抵湯峪口擊獲賊匪探馬溫智仁等據供張添文李全等合夥欲往藍田縣城滋擾並欲與高均德齊王氏合夥當將該犯等凌遲處死官兵趕至小廟口賊匪蜂擁而來當令綸布春等分爲兩路迎擊 額爾登保率領將弁由中路衝殺自未及西殲賊二千餘名餘賊向秦嶺奔逃



初四日追至金井口探知李全張添文等近在小河口即率兵分路截擊緊躡賊蹤該匪等輾轉奔逃沿途殲戮一千餘人賊眾復從板巖石梯子等處西竄勢將趕上高均德合夥臣額爾登保於初九初十日由峒峪口抄出九里坪適臣德楞泰同明亮從鄖西抄道前來遂會晤公同籌酌現在節據探報賊首阮正通冉文儔冷添祿等分股由川入陝在五郎鎮安山陽等廳縣一帶滋擾均可前竄西安省城潼關大道並可闖入楚豫股數既多人數亦眾自宜先以東北為重查東面一帶漫川關業經總兵路超吉帶領兵勇駐守堵截其北面近省一帶已有秦承恩王文

德莊果公年譜卷八

望

雄在整屋郿縣適中之地扼要防堵臣等帶領勝兵務擇賊匪奔竄緊要道路按股進剿惟有隨時相度機宜上緊籌辦再臣德楞泰於十二日接准宜縣來咨飛調明亮抽帶兵二千名速赴興安一帶剿辦當於前敵抽派索倫兵五百名交圖桑阿管帶廣東兵一千五百名交鎮臣木騰額管帶明亮即於十三日由山陽黑山口統率起程星夜前往

諭曰陝省竄匪齊王氏姚之富俱已殲斃高均德祇係潰散窮蹙之賊無難一鼓掃蕩乃德楞泰等以現有興肇柯藩帶兵截擊伊等轉向東北一路截剿阮正通等竄匪豈非緩急失當此時

興安一路本有宜縣在彼明亮又帶兵前往足資協剿德楞泰額爾登保各有勝兵四千名秦承恩與王文雄追剿賊匪屢得勝仗今又添山西生力兵二千名各路聲威均極壯盛惟當乘勝兜圍將高均德李全張添文阮正通冉文儔冷添祿張漢潮等悉行擒獲肅清陝境

二十七日

公偕額爾登保奏言臣等在山陽九里坪會合酌定後臣

德楞泰由黑山口一路臣額爾登保由界河一路分投進

剿其時明亮因准宜縣調赴興安行至二峪河探知高均

德等賊匪經額爾登保在鳳凰嘴痛剿該匪又竄至軍嶺

德莊果公年譜卷八

吳

川一帶明亮相離甚近即親帶索倫馬兵及廣東漢兵就近馳擊該匪一見官兵即搶據山包併力抗拒明亮潛帶勁旅繞至賊人山後衝上撲殺將賊人壓下山包臣德楞泰額爾登保亦跟蹤匯集三面夾攻殲賊五百餘名生擒四十五名餘匪翻山疾竄審據獲賊供稱賊首高均德由界河折回欲由雒南竄往豫省查軍鎮川前至商雒路徑分歧臣德楞泰隨率同賽沖阿阿穆勒塔達音泰圖桑阿扎勒杭阿愛星阿巴圖魯侍衛等由右一路雒南紅口河寶安街抄擊臣額爾登保率同綸布春長春慶溥豐紳楊遇春汪啟等由左一路藍田牧護關躡明亮率同阿哈



保溫春木騰額德甯巴圖魯侍衛等由中一路商州黑峪口鐵爐子橫衝腰截該匪星夜奔竄十七日由寶安街前竄雒南經臣德楞泰率同賽沖阿等迎頭將賊人前隊擊敗該匪退屯大鹿寺十八日黎明臣額爾登保已趕抵該處賊匪由楊家河一帶敗竄時臣德楞泰正由張家灣繞出迎截該匪欲折向老林山竄走經明亮率兵由東桃坪衝出擊殺將賊匪逼剿至雒南兩岔河一帶該匪情急搶據山頭將矛排列於前併力抗拒揚言欲為齊王氏等復仇相誓死鬪情形極為兇悍臣等激勵官兵分路殲剿不遺餘力賊人東突西奔亡命衝撲四次被官兵東西截殺將衝先賊匪殲擒過半積屍滿山谷計殺賊二千三四百名生擒三百八十一名敗殘之賊慌忙竄入秦嶺深林臣等見擊斃賊內有臨陣號召夥黨儘力抗拒者必係頭目當將首級令活賊識認內有白號偽元帥高大偽總管高二俱係高均德胞兄又有藍號偽元帥宋大宋三嚴姓偽先鋒崔德友黃號偽元帥王林高等七犯均係襄陽人卽將高大等首級梟示復就餘犯審訊高均德下落僉供因見官兵勇銳高均德先從山後逃走想必逃入老林官將該犯等駢戮查高均德一股此時勢亦窮蹙臣等乘勝帶兵仍分左右兩路併力勦辦務將首逆生擒

德壯果公年譜卷八

諭曰高均德一股竄匪經德楞泰額爾登保分路兜擊而明亮行至二峪河探知賊蹤不卽馳赴興安卽與德楞泰等合勦所見尙是此次殺斃二千餘名又殲其頭目多人勢益窮蹙現在該逆逃入秦嶺深林德楞泰額爾登保等已帶兵兩路兜勦務期生獲解京高均德就獲後卽當酌量情形或明亮前赴宜縣一路協勦阮正通或德楞泰等同帶勝兵前往更可得力惟在察看緩急機宜妥爲籌辦

同日公又奏言臣欽奉

諭旨以殲斃齊姚二逆令將隨征滿漢帶兵及辦理營務帶領鄉勇等項出力各員查明核奏當同明亮等秉公確查謹就武員中殺賊最多及首先衝入賊隊殺賊者文員內帶領鄉勇協勦及辦理營務出力催餉糧餉無誤者核實開單

德壯果公年譜卷八

懇恩俯准獎勵再齊姚二首逆昨由沙狐嶺折向東北竄逃委係遊擊馬瑜詳探稟報官兵得以分路截勦迅速厥功可否將該遊擊

量加鼓勵之處出自天恩奏入奉旨遊擊馬瑜著加恩以參將陞補其餘均獎擢有差

旨遊擊馬瑜著加恩以參將陞補其餘均獎擢有差



德壯果公年譜卷九

次孫花沙納恭纂

嘉慶三年戊午

四月初九日

公偕額爾登保奏言首逆高均德等股匪經臣等分路邀擊於維南兩岔河地方痛加剿殺該匪情急向秦嶺老林爬越該嶺延袤八百餘里道通渭南華州等處與潼關相近所關至要隨派鎮臣達音泰巴圖魯侍衛富僧德協領明保副將德甯遊擊馬瑜張朋等帶領滿漢步兵二千名由老林跟蹤前進臣德楞泰同明亮賽冲阿圖桑阿阿穆

德壯果公年譜卷九

勒塔巴圖魯侍衛阿納保等帶兵由秦嶺繞出華州高塘截剿臣額爾登保帶領綸布春鎮臣長春慶溥巴圖魯侍衛烏爾呼納副將楊遇春汪啟等帶兵繞至秦嶺之西截剿又令阿哈保溫春鎮臣木騰額愛星阿帶兵二千在大鹿廟一帶堵截十九日高均德自秦嶺竄奔高塘正與官兵迎頭相遇臣等帶兵奮勇馳擊殺斃三百餘人生擒李大閑等四十三名該匪一見官兵即仍向秦嶺老林中翻山逃竄達音泰等督兵邀截互相攪殺殲斃一百餘名跌斃二十餘人餘賊向前竄走臣額爾登保帶兵於二十二日馳至西青岡坪迎截殺賊二百餘人該匪驚惶官兵趕

緊分投剿殺賊匪中槍箭死者甚眾並有賊匪在深林自戕者生擒焦受富高新德等一百五十餘人高新德即係高均德堂弟當俱凌遲處死又擊獲林材生等二十三名訊係附近被擄並未從逆即予省釋該匪復折向東南竄走阿哈保溫春愛星阿等由大鹿廟截擊殺賊一百餘名二十六日追至鎮安所屬之藥廠子又經臣等兩路官兵痛剿殺斃賊匪四百餘人生擒丁克瑞等十四名訊供連日屢被官兵邀擊不敢打仗初意要回河南今思由鎮安五郎一帶希與李全合夥或逃入四川與王三槐合夥等語當將該犯等正法臣等復分兵三路星夜由鎮安一帶

德壯果公年譜卷九

截擊現值連日大雨之後山水漲發趁此賊匪奔疲圍剿夾擊務在生擒再明亮原令帶兵二千馳赴宜縣處協剿嗣因途遇高均德股匪又與臣等分路截剿現在高均德已折向南竄如與李全阮正通等合夥則官兵正需併力圍剿自無庸再行分兵赴興倘該匪仍復彼此分竄自應酌量緩急迅赴宜縣一路協剿

諭曰高均德一股賊匪竄入老林德楞泰跟蹤追剿仍任該匪翻山逃竄沿途殲斃之賊不過六七百名所獲亦非緊要頭目無能已極大負朕節次宥過施恩之意德楞泰明亮額爾登保著嚴行申飭現在該匪既由鎮安五郎一帶奔竄必與李全阮正



通合夥宜縣已令興肇柯藩帶兵馳赴池河兜剿宜縣又由興安帶兵進攻正可乘各首逆竄聚併力截擊

二十一日

公偕宜縣明亮額爾登保奏言臣德楞泰等在秦嶺截回高均德股匪不令竄向華州渭南等處賊遂南竄商州鎮安一帶俱由深林密箐行走當經分兵抄擊連日斬獲約計一千餘人賊匪晝夜狂奔西向五郎竄逸臣額爾登保同綸布春長春前往江口截其北入西安之路臣德楞泰同阿哈保溫春等由小仁河四海坪緊躡賊蹤臣明亮等由大仁河馳向長坪夾擊行抵半途忽有另股賊匪望北

德壯果公年譜卷九

三

奔竄正在過河因急麾兵趕殺槍礮齊放擊斃七百餘人淹斃者亦復不少賊遂折回穆王坪其時高均德等賊匪經臣額爾登保等追擊沿途又斬獲四百餘人捨命奔逃正抵該處遂與合夥南奔漢陰界內據獲犯供稱此起賊匪係李全張添倫二股一從賈家營竄來一從孝義廳竄來本欲由大仁河向鎮安北竄被官兵截住想從漢陰石泉過江到西鄉或由漢中搶渡回川與王三槐等合夥等語當將該犯正法臣等查阮正通一股賊匪現在洋縣石泉之間興肇柯藩在洋縣堵截兵力尙單今高均德等與李全張添倫合夥人數已不爲少若再與阮正通合夥全

力衝出勢難抵禦必須繞道截其合併之路臣德楞泰遂帶兵由王家莊臣明亮由觀音河臣額爾登保由小石門趕至泰山廟迎截賊匪知各路有兵不敢西去遂折回漢陰之鳳凰山梅子鋪一帶林箐深密處藏匿臣宜縣先由越嶺關督同關騰烏爾圖那遜等馳抵該處賊匪見我兵止有一千餘人竟敢直撲前來關騰等率兵衝擊自午至未斃賊四百餘名生擒戴文臣等十三名搶獲劈山礮四位烏槍四十餘桿臣德楞泰明亮額爾登保等亦帶兵趕至兩面夾擊又殺賊八百餘人時已昏暮賊匪乘夜竄入山溝老林內未便窮追臣等隨合兵一處細加商酌查得

德壯果公年譜卷九

四

漢陰爲賊匪往來之衝臣宜縣督同明亮帶兵二千名卽在漢陰山內搜剿並策應東西兩路臣德楞泰由興安大道馳赴老樹嘴山口迎頭截殺臣額爾登保由北山古木嶺二郎廟一帶抄擊務期擒拿首逆至阮正通等賊匪經興肇柯藩等帶兵兼程趕抵洋縣抄出賊前遏其去路擒斬多人遂退回洋縣東北之槐樹關屯紮臣宜縣復派總兵長春帶兵千名前赴木梓河與興肇柯藩夾擊

二十九日

諭曰高均德一股前與李全張添倫合夥後竄入老林藏匿勢已窮蹙宜縣等自宜乘賊首竄聚一處之時一面扼要堵截一面



入山搜捕德榜泰所帶吉林黑龍江勁旅俱係生長山野陟險上樹是其所長賊匪藏匿深林何難深入窮追況李全阮正通俱已折竄入川則高均德賊勢更孤宜縣德榜泰等併力勦此敗竄之賊豈尙不能擒獲何以又任其竄入陝省腹地耶

五月初二日

公偕宜縣明亮額爾登保奏言阮正通等賊匪退回槐樹關屯紮經興肇柯藩帶兵追勦遂分竄於范家坪彌勒院等處其勢直趨西北興肇等恐賊匪竄入棧道派兵五百名繞入襄城防守與駐守雞頭關之鎮臣索費英阿相為犄角保護北棧又派遊擊額爾畢濟呼帶兵七百名防守

德壯果八年譜卷九

五

沔縣大安驛過其竄入南棧之路興肇柯藩各帶兵一千名南赴漢中江岸分投埋伏以為半渡掩擊之計另派兵數百名多張旗幟虛作尾追聲勢賊匪前隊果於十二日夜間潛至棧城窺伺經署知縣汪銓早為準備城上連放槍礮四面伏兵齊起追殺賊匪二百餘人生擒九名餘匪由景家塘南竄南鄭縣知縣何振權帶鄉勇五百名攔頭堵截殺賊甚多其時大夥賊匪俱向長寨奔竄守卡外委王忠帶領兵勇迎敵道員文需參將瑪靈阿帶鄉勇二千名自府城趕到何振權亦追賊踵至三面夾攻殺賊六百餘人救出城固洋縣被擄難民男婦五百餘名口賊匪遂

竄至新街江邊在上流淺處泅水過江興肇柯藩所伏之兵齊出前後夾擊詎賊匪一面拒戰一面仍復泅渡其善泅者皆牽帶多人捨死搶渡官兵遠用槍礮近用箭射雖淹斃賊匪甚多而過江者仍復不少把總顧林首先衝入賊陣受傷陣亡兵勇繼之賊匪始各潰竄我兵正在痛勦北面忽有賊匪二千餘人向南直撲文需瑪靈阿急率鄉勇回城防堵賊匪恃有接應復聚向江岸我兵奮殺益力屍橫遍野生擒賊目何仲茂等一百二十七名賊匪乃合夥折回東竄興肇柯藩急率官兵躡蹤追擊兩晝夜直抵石泉臣宜縣前派鎮臣長春由木子河順江岸西去臣明

德壯果八年譜卷九

六

亮同圖桑阿帶索倫兵五百名由大道迎擊臣宜縣督率關騰烏爾圖那遜等由北山抄截三路兜圍正與賊遇當將二千餘賊殲戮無遺把總顏希章外委金海宋福皆以力戰陣亡其在新街渡江之賊亦約有二千餘人十三日竄至周家坪知縣何振權帶領鄉勇追擊殺死騎馬賊目一名賊匪二百餘人又調青石關千旗山兩路鄉勇於馬仙壩等處埋伏十四日賊匪從周家坪南竄伏勇齊起殺死後股賊匪一百餘名餘匪翻孫家嶺竄至紅廟塘牟家壩一帶入四川之通江南江二縣境內至高均德等一股賊匪自與李全張添倫合夥之後經臣宜縣等在漢陰截



擊折回東竄臣額爾登保由古木嶺二郎廟馳抵獅子溝  
臣德楞泰由興安大道馳抵兩河關探知賊匪在大仁河  
一帶欲出茅坪東竄經臣德楞泰帶兵迎截斬獲四百餘  
名賊遂由大仁河上流翻山向蔡家坪而去擒獲張九銀  
等四十二名訊問此股賊匪係高均德張添倫尙有八九  
千人次日臣德楞泰復由青銅關松樹埡進剿賊匪占據  
蔡家坪右山包臣德楞泰督同賽沖阿阿哈保等帶兵搶  
上該匪捨命奔逃我兵乘勢壓下殺賊一千五百餘人臣  
額爾登保偵得一股賊匪在大仁河紫溪嶺等處藏伏隨  
督同綸布春慶溥楊遇春等由獅子溝至紫溪嶺賊匪正  
冒雨翻嶺我兵奮力趕擊賊匪亡命下嶺滾馬跌斃者甚  
多餘賊分竄蔡家坪等處十六日分兵一股從紙坊溝出  
蔡家坪因見溝內偏隘恐爲賊人所阻臣額爾登保帶兵  
徑上左手大山衝下該匪等當時潰亂溝內之兵亦到共  
斬戮一千餘人生擒許得信等六十三名內楊鳳一名係  
執旗頭目據供高均德等一股經官兵在青銅關剿敗已  
向茅坪等處竄逸此股係李全所帶約有五千餘人當將  
該犯等分別凌遲正法臣德楞泰額爾登保於十七日晚  
均至茅坪會合查阮正通等股匪過江者尙有二千餘人  
已入川境興肇柯藩卽將折回東竄一股勦淨自應趕回

德壯果公年譜卷九

七

漢中渡江追殺緣現奉

諭旨令臣額爾登保興肇帶兵趕赴湖北協同景安勦辦川匪伏  
思湖北現在需兵緊急官兵等應從漢江順流而下卽可  
速抵襄陽但江流迅駛馬匹不能載渡今臣額爾登保酌  
帶索倫吉林兵四百名漢兵六百餘名興肇所帶馬兵一  
千名內有分令綸布春等帶領由平利竹谿一帶趕至房  
縣均州等處其餘滿漢步兵臣額爾登保興肇卽於二十  
三四兩日由興安坐船而下計可到在馬兵之前沿途當  
偵探賊蹤相機籌辦惟是柯藩所帶兵丁除分防襄城及  
沔縣外所餘僅一千名若令入川追剿阮正通等未免單  
弱而高均德等股賊匪又皆河南湖北之人每欲乘隙逃  
往楚豫因截殺緊急未得渡洵陽大河今臣額爾登保分  
兵赴楚東面稍覺空虛臣宜縣卽飭柯藩將原帶之兵趕  
赴茅坪軍營聽臣德楞泰調遣臣宜縣明亮等由漢陰入  
五郎從西夾擊秦承恩王文雄在北路嚴加堵禦其阮正  
通一股賊匪已飛咨勒保派撥鎮將截剿並咨調承德將  
防守北棧之兵移駐漢中督同文需等嚴密防堵勿令竄  
逸  
諭曰宜縣等連日打仗在景家塘長寨新街等處殲賊不下三千  
餘名惟首逆仍未擒獲不足爲功且阮正通一股本由川省竄

德壯果公年譜卷九

八



入陝境今復任其折竄回川亦難猝防之咎宜縣等均著傳旨嚴行申飭此次陣亡之把總顧林顏希章外委金海朱福俱著咨部加等議卹至高均德股匪與李全張添倫合夥經官兵分路截剿賊首又復東竄茅坪地方現在德楞泰帶領勁旅馳擊而東南兩面已派柯藩在彼防堵北面有秦承恩等帶兵迎擊宜縣又由五郎一路進剿正可四面兜圍務將此數股賊首按名擒獲再行赴川幫同勒保協剿以期稍贖前愆

十二日

公偕宜縣明亮奏言查額爾登保遵

旨帶兵馳赴湖北臣德楞泰親率巴圖魯侍衛等由梅花舖溝口

德先果六年請卷九

九

直入剿賊另派溫春慶溥等由左手山梁壓下賊匪埋伏齊起悉力抗拒臣德楞泰策馬先進滿漢兵丁奮勇爭先溫春等又從高壓下殺賊八百餘人賊不能支亟翻南面山梁欲由兩河關竄至湖北當派溫春等繞赴該處堵截臣宜縣派柯藩帶兵一千名前來協剿亦抵該處賊匪探知前有官兵又以臣德楞泰等緊躡其後遂改道由越河竄至五郎之兩河口臣宜縣明亮由漢陰帶兵適至迎頭截擊殺死前股賊匪四百餘名賊匪奔回官兵乘勝追擊趕至周家礮臣明亮射死執旗賊目一名兵弁吶喊齊進又殺賊三百餘名其後股賊匪遂改由文家廟四海坪

一帶竄至江口臣德楞泰帶兵繞至五郎城遏其北竄之路派阿哈保達音泰等由東川至小川躡蹤緊追賊匪一見官兵四散奔逸臣明亮自周家礮趕至三面夾擊殲斃賊匪九百餘人餘匪向四畝地三河口一帶分竄拏獲賊犯供稱高均德等總要引官兵西來乘空竄入楚豫今被剿緊急不能折回東竄想即由洋縣漢中一帶回川臣等查夾嶺秦嶺等處經秦承恩派令兵勇嚴堵賊匪不能北竄必由焦溪河南至洋縣臣明亮即趕至兩河口同臣宜縣帶兵翻山由大河壩前至洋縣遏其去路臣德楞泰仍分兵兩路一由琵琶嶺金雞河一由廟溝進剿伏思高均

德世果六年請卷九

十

德李全張添倫等皆河南湖北人本處從逆者固多而襄陽川陝之人亦不為少新舊互疑漸不相安臣宜縣前入陝境偵知其情即多寫簡明告示徧為曉諭並於所獲賊匪內察其真心悔罪人尙明白者厚加賞賚即令持入賊夥中密為反間旬日以來投首者無數皆經慰諭犒賞飭令回籍亦有投棄器械自行散歸經卡隘盤獲送案者訊問確實亦俱釋放約計解散賊黨不下二千餘人惟原帶河南湖北之人同惡既久自知必死合力抗拒現在高均德一股不過二千餘人李全張添倫等亦不過六七千人總欲乘官兵偶有不備即分投折回楚豫臣等分兵布置



惟有隨時隨地相機截剿一經得手即可合圍聚擊

諭曰高均德李全等兩股賊匪其沿途裹脅川陝民人業經紛紛投出是真正匪眾計祇不滿萬人而官兵現有數萬加以吉林黑龍江勁旅數倍於賊豈尙不敷剿辦但賊首雖分而官兵正須併力一處或先將高均德擊獲再行剿辦李全等如官兵追捕所到適值李全等一股即先將李全張添倫等擊獲再剿高均德一股以期兵力厚集一處迅速肅功

二十三日

公偕宜縣明亮奏言高均德李全張添倫等三股賊匪由五郎分竄四畝地等處其勢仍欲渡江臣明亮自兩河口

德壯果公年譜卷九

十一

趕至洋縣城固一帶繞出賊前迎頭截擊臣德楞泰同賽冲阿等分兵兩路於初一初二兩日在洋縣所屬之茅坪華陽壩地方連次殺賊一千餘名生擒三百餘名其時臣明亮帶兵已抵城固賊匪不敢南竄遂由城固之小河口西奔褒城界內查褒城西南百餘里即抵長寨而長寨以西一帶褒漢未經合流其水面淺狹之處竟可踰渡若任賊匪竄渡漢江即致透入川省不可不急為防備臣明亮於初四日同圖桑阿關騰長春等帶兵趕抵長寨密為布置賊匪已出南鄭天台山偵知我兵有備遂折回西北逃竄連日大雨各處溪河俱漲水五六尺不等賊復分爲數

十股四下竄渡約淹斃四五百人臣德楞泰率領大隊繞

出文川至五道梁另派阿哈保阿穆勒塔等帶兵分路追截馬兵騎馬徑涉步兵即拽馬尾隨渡官兵踴躍爭先斬獲甚眾其一股賊匪在虎跳巖約有四五百人遊擊張朋首先奮勇衝入賊隊殲戮無遺又有賊匪一股竄至燕子礮欲渡小河入馬道驛經索費英阿派守備蔣福楊伏國帶兵二百名知縣汪銓帶領鄉勇趕赴河岸堵禦殺賊一百餘人餘眾不能過河俱向武關一帶分竄臣宜縣前調柯藩帶兵一千名自兩河關趕來長寨臣明亮將防江一切事宜交與柯藩即於初八日帶原兵馳赴馬道驛賊匪

德壯果公年譜卷九

三

後隊正在鐵佛寺焚掠見官兵猝至反身迎拒副將官信參將達桑阿等督兵奮勦殺賊三百餘人生擒劉文宗等四十七名又有一股賊匪在武勝河洶渡並有拆毀民房焚筏者臣明亮馳至該處令官兵排列施放槍礮並向筏上轟打登時中傷落水及筏散淹沒者約有七八百人廣東兵丁臬水生擒翟椿林等九十六名奪獲騾馬器械甚多其北竄之賊經秦承恩王文雄帶兵搜捕無難淨盡其陸續竄入武關之西溝者人數較多且路過沔縣黃沙等處現有柯藩在長寨地方防守臣德楞泰明亮亦帶兵分投躡擊伏查高均德等數股賊匪所餘不過六七千人然



皆兇悍亡命之徒至李全並未入川與高均德狼狽相依  
 時或聚於一處現在臣德楞泰自五道梁追擊臣明亮在  
 黃沙一帶迎截秦承恩王文雄亦帶兵自北而來四面兜  
 圍賊匪無從竄逸可冀於旬日之內擒拏首逆再臣宜縣  
 前據平利縣稟報川省老木園賊匪竄至湯家壩距陝境  
 平利安康邊界不遠當派烏爾圖那遜道員溫承惠等帶  
 兵赴各隘口防堵臣宜縣亦督兵繼進行抵平利接據溫  
 承惠稟報老木園賊匪業經觀成劉君輔剿滅淨盡其零  
 星竄入陝境者俱經各卡隘盤獲正法陝省邊界已無他  
 虞臣宜縣即於十一日仍趕赴軍營合剿

德壯果公年譜卷九

三

諭曰此次賊首高均德等欲由五郎南竄經宜縣等督率官兵統  
 道截擊斃賊二千餘人所辦較為振作然賊匪仍向武關奔竄  
 迄未拏獲首逆尚不愜意其李全一股雖據稱並未入川仍與  
 高均德互為狼狽但經此番截殺之後賊夥不過六七千人現  
 在德楞泰由東面追捕明亮柯藩由南面沿江攔截宜縣亦自  
 興安前來會剿其北面有秦承恩與王文雄扼住棧道探蹤迎  
 剿賊匪自無從竄逸宜縣等務須倍加奮勉趁賊首竄聚一處  
 之時四面兜圍將高均德李全等速於旬日內擒獲肅清陝境  
 以便德楞泰明亮等速赴川省協剿

恭錄

聖製詩

西峪

駐蹕仙莊過淡旬今朝西峪路初循雖云二豎縛將近陝境逆  
 高均德二犯以敗竄之餘經德楞泰明亮等於洋縣城固褒城  
 等處疊次截剿殲斃數千名賊勢已極窮蹙此二逆首自可剋  
 日就擒臣卻已三年凱未臻敵愾勞哉我軍眾竄幽詭矣彼狂倫全  
 高均德等自齊王氏姚之富賊被後四路奔竄官軍緊躡賊蹤  
 悉力兜剿而賊情詭譎忽合忽分李全高均德二逆首於打仗  
 時或在山遠望或潛匿別隊一經官軍擊敗即覓徑先逃我軍  
 隨剿隨截以致有稽時日逆匪等現由武關一路竄至鳳縣地  
 方距甘肅兩當縣境不遠總兵吉蘭泰署布政使廣厚等  
 現已帶兵堵截賊匪無路可逃諒亦不能更延殘喘矣臣聞  
 獲醜期昨定臣前據宜縣等稟賊匪由武關奔竄後聚於一處其  
 勢益蹙現任德楞泰自五道梁追擊明亮在黃沙  
 一帶迎截秦承恩王文雄亦帶兵自北面兜圍旬日之內諒  
 可擒拏首逆等語此摺於廿三日奏到今又隔六日計此時捷

德壯果公年譜卷九

西

音當早在途盼  
 望彌殷宵叶 何事飛章尚待陳

六月初三日

公偕宜縣明亮奏言賊匪高均德等經官兵在虎跳巖武  
 勝河剿殺截為兩股後股北竄鳳縣界內前股人數較多  
 首逆皆在其內奔入武關之西溝又分為十數股向長寨  
 黃沙沔縣沿江一帶狂竄總欲搶渡過江經臣德楞泰等  
 從五道梁帶兵緊追臣明亮等從大道折回沔縣分投截  
 剿殺賊五百餘名生擒首逆張添倫之子張建國及餘賊  
 七十八名柯藩同參將韓加業等亦在長寨黃沙分路迎  
 擊斃賊三百餘名賊匪仍退向西北奔竄欲自畧陽與後



股北竄之賊會合臣德楞泰派溫春達音泰等帶領步隊沿途追殺約有二三百人復同阿哈保阿穆勒塔等帶領馬隊繞道馳至接官亭出其不意殺賊四百餘名餘匪遂南出道林溝至大安驛適臣明亮自青陽驛帶兵東來兩面夾擊又殺賊六百餘名賊匪向西南奔竄直趨棧道臣德楞泰等急帶兵至平陽關臣明亮等急帶兵至五丁關截其入川之路詎賊匪由白巖河胡家關一帶又向鐵鎖關東南大山竄去臣德楞泰明亮亦趕至鐵鎖關進兵其後股北竄之賊前經臣宜縣飛咨秦承恩王文雄帶兵勦捕詎賊匪探知北路有兵復自鳳縣竄入甘省之兩當縣

德莊果公年譜卷九

五

境內經副將李文蔚帶兵在劉官店截殺遂由楊家店小路竄至徽縣城下知縣牛中泮縣丞張伯魁等督率鄉勇竭力堵禦賊匪退屯王家坪臣宜縣途次飛札索費英阿急帶駐守雞頭關之兵由鳳縣跟蹤追殺另調知府朱爾漢遊擊范濬帶領防守白馬關之兵迎頭截擊賊匪遂由楊家河分投竄出畧陽其時甘肅協濟川省軍糧運至畧陽者已有一萬餘石委員知縣馬允剛等急將糧石搬移城內知縣崔五峯縣丞丁貴輿把總張從周等帶領兵勇設伏夾門溝伺賊匪將近施放槍礮人馬驚逸步行之賊自相擁擠及跌入嘉陵江中者約共三百餘人餘匪不敢

近城盡行南竄臣宜縣復派烏爾圖那遜帶兵五百名前往協勦臣等伏查此股竄出畧陽之賊人數無多現有索費英阿范濬烏爾圖那遜等三面夾擊諒不難於殲滅惟竄入東南大山之賊地方懸互千里路徑叢雜處處可通賊首高均德李全張添倫籍隸河南湖北無日不思竄歸經臣等多方截殺不能南渡漢江遂竭力西奔暫於川陝交界處所藏匿希圖官兵追擊即乘間復出南鄭西鄉各隘口竄入楚豫兩省臣等節次追捕雖已將數萬之賊殲戮大半祇因路徑紛歧兵力不敷布置致令闖入川界悚惶愧赧無地自容若復令竄入陝境與湖北之賊會合臣

德莊果公年譜卷九

五

等罪更難道惟有於南鄭西鄉各隘口嚴密防堵使賊匪不能折回臣宜縣即帶柯藩關騰之兵馳至西鄉紫陽一帶分派鎮將在罐子山漁渡壩等隘口嚴防一面飛咨秦承恩王文雄帶兵趕來漢中於毛狗洞等處隘口防守各分段落以專責成臣明亮暫任鐵鎖關防其折回並堵後股竄出畧陽之賊臣德楞泰仍帶原兵入山偵賊所在分路追截務期擒拏首逆上紓

聖廑

諭曰前據宜縣等奏稱旬日之內可以擒拏首逆勦辦自當得有把握方計日以待捷音乃此次奏到之摺仍不過分路追剿情



形且復任賊匪分路竄入川陝交界是前奏竟係支吾搪塞藉  
此延挨時日伊等疊經嚴旨飭催豈全不知愧恥必欲自蹈重  
罪耶現在張添倫之子張建國已經拏獲而首逆尙在輾轉奔  
逃是誰之過宜縣等務須倍加愧懼奮力兜擒速將高均德李  
全張添倫等按名拏獲以便德楞泰明亮即赴川省協勦勿再  
仍前貽誤並著將張建國一犯解京訊辦不得稍有疎虞

初九日

諭曰現在賊匪既由甯羌翻山入川自應躡蹤追勦設法繞截屢  
降諭旨令德楞泰明亮於陝匪辦竣後即行赴川協勦伊二人  
此時竟當帶兵馳赴廣元一帶繞出賊前迎擊並著勒派派兵

德楞泰奏

卷九

堵截與德楞泰兩面夾擊此股賊匪本由陝入川經官兵截回  
陝省今又由陝竄入川境實屬不成事體德楞泰明亮務即奮  
力截勦將此股賊首一律殲擒宜縣仍當駐劄陝境嚴行防堵

十七日

公奏言高均德等賊匪屢經官兵在陝截殺遂由鐵鎖關  
一帶竄入川境臣於五月二十六日帶兵六千餘名由黃  
壩驛跟蹤追勦又恐南山內道路紛歧賊匪或乘間仍由  
別路竄回陝境當督同阿哈保賽沖阿溫春總兵達音泰  
巴圖魯侍衛等率領兵丁分道截擊該匪等一路狂奔不  
能回顧六月初二日追至廣元之木門壩我兵乘勢掩殺

當斃六百餘人賊眾望前奔逸又竄至南江之長池壩地  
方時有阮正通等各股賊匪在彼屯踞該匪等遂與合夥  
臣等初三日酉刻會齊數路官兵冒雨趕抵該處見賊眾  
占據恩陽河大山臣即於對面山梁紮住時已天晚未便  
進攻復恐該匪等乘夜偷襲我營起更後密派阿哈保德  
甯等於賊巢左邊山礮下埋伏又派賽沖阿達音泰等於  
右邊樹林內埋伏如賊撲營即令兩邊齊出夾擊一面暗  
傳號令營內各將士俱在卡牆排列火槍潛行偵伺至四  
更後果有賊人率領匪黨直撲前來我兵當即施放排槍  
擊斃賊匪二百餘人賊眾即行撤退我兵從後掩擊又殲

德楞泰奏

卷九

斃一百餘人賊匪紛紛奔竄復被阿哈保賽沖阿等兩路  
伏兵迎頭攔截殺死四百餘人擒張先等三十餘人賊  
眾捨命分逃俱向東南一帶竄去提訊張先等供稱高均  
德等在長池壩地方始與阮正通會合聞龍紹周王正潮  
等幾股已向前去高均德說要探聽龍紹周等如已與羅  
其清冉文儔合夥即便逃至該處再作算計今被官兵殺  
散阮正通先已逃去高均德亦隨後跑走等語當將該犯  
等正法臣伏思高均德等既已竄往前途不惟可與龍紹  
周等互相聯絡且可與羅其清冉文儔等一氣勾通現在  
督率將弁趕緊窮追一面飛咨惠齡恆瑞帶兵迎截惟期



併力圍剿不使折向北竄如賊匪被剿情急向東奔逃臣  
卽飛咨勒保派兵迎擊以冀速行肅事所有連日傷亡弁  
兵查明另行咨部

諭曰德楞泰縱賊入川合夥迄未擒獲一名種種遲緩罪竟與明  
亮埒著革去御前侍衛署領侍衛內大臣都統仍留副都統職  
銜以觀後效

二十九日

公偕惠齡恆瑞奏言臣德楞泰截殺高均德等賊匪因該  
匪等向東南竄逸卽飛咨臣惠齡等帶兵迎頭攔剿臣德  
楞泰卽督率官兵緊躡賊蹤於初六日追至石人河地方

德壯果公年譜卷九

九

時臣惠齡恆瑞早已帶兵於要隘堵遏見匪衆竄至遂各  
奮力迎擊賊猶抵死抗拒適臣德楞泰督領溫春阿穆勒  
塔等從後追殺而至當斃六百餘人賊始慌亂狂奔臣惠  
齡督率副將銜穆克登布等臣恆瑞督率總兵觀祥副將  
德忠等各於要路迎頭截殺又斃五百餘人賊匪不敢拒  
敵俱向東南玉山一帶四散分逃統計此次殺賊一千餘  
人生擒蘇巧等五十餘人臣德楞泰與臣惠齡恆瑞會合  
當提蘇巧等嚴訊據供高均德連被官兵剿殺原想與羅  
其清冉文傳等合夥先令阮正通黑夜偷從僻徑另走希  
圖牽綴官兵高均德卻從此路竄逸不想又被官兵殺散

聞得冉文傳龍紹周等要往巖峯灘今高均德等想是仍  
尋冉文傳等前去等語當將該犯等正法臣等思高均德  
等窮竄餘生恐復折回陝境而羅其清現在屯聚箕山若  
任冉文傳奔赴巖峯灘一帶難免不與羅其清歸併必須  
分投剿辦當卽公同商酌臣德楞泰帶兵由玉山一帶兜  
剿高均德等臣惠齡恆瑞由立山一帶截剿冉文傳等卽

於初七日分路進兵臣惠齡恆瑞於初九日馳抵黑馬山  
據報冉文傳龍紹周等股匪逃至老林場山梁屯踞臣等  
卽抄赴該處西北山梁紮駐遙望賊踞之山前面均係危  
崖峭壁不能進攻山左有一小徑山右乃係上山之路搶

德壯果公年譜卷九

三

至山腰方可會聚臣惠齡於初十日五鼓帶兵由山左小  
路攀援而上黎明行至山腰見有賊卡我兵連拋火彈將  
賊人卡柵焚燒賊匪猝不及防驚慌逃走被我兵截殺一  
百餘人乘勢直上半山時臣恆瑞帶兵由山右搶上連撲  
賊卡三座殺斃二百餘人餘衆竄上半山適臣惠齡督兵  
堵截又斃斃一百多人遂與恆瑞合兵奮力仰攻擊破半  
山賊卡殺賊無數賊匪俱奔赴山梁我兵乘勝直上賊人  
蜂擁下壓我兵槍礮並發又斃賊八九十名並連將賊卡  
焚燒一時煙焰蔽山賊衆四處奔竄被我兵分投擊殺並  
滾崖落澗者不計其數賊由密箐山溝內紛竄東南而去



生擒趙連等七十餘人奪獲刀矛三百餘件賊旗十二桿牛馬五十餘頭提訊獲犯趙連等據供前日龍紹周與王正潮冉文儔合夥之後即從關口梁逃至老林場山梁原想奔赴羅其清一處地險人多冀與官兵對敵不料官兵由西北殺來不能逃往箕山祇可仍由東南奔竄等語當將該犯等正法臣等伏思該匪蹤跡無常必須急為兜剿並即遏其竄往箕山之路隨率領將士悉力窮追沿途均有殲獲十四日逼至渠縣之大神山一帶賊復拒險屯聚已離箕山甚遠臣德楞泰追躡高均德等賊匪於初七日由玉山一帶趕至九股青岡聞該匪等擾至張家寨石橋

德楞泰本年譜卷九

三

河等處臣德楞泰恐該匪偷渡東竄擾至達州當派副都統賽沖阿等帶領索倫吉林兵丁星馳往剿該匪等一見官兵即向永興場逃走賽沖阿等帶兵掩殺殲斃二百餘人餘俱折回南竄臣德楞泰督率將領分路前進據總兵達音泰遊擊馬瑜等於鐵釘埡追及賊匪奮力擊斃二百餘人又據阿哈保副將德甯於西河山一帶遇見賊匪一百餘人當即殲斃淨盡臣德楞泰趕至石橋河正遇高均德等一股賊匪向北奔竄即督兵奮力截殺立斃三百餘人該匪等遠向大神山一帶奔逃臣德楞泰於十四日趕至黃泥坪與臣惠齡恆瑞會晤現在川陝各賊黨均在一

處正可聚而殲除臣等兵力既會不慮勢單自當設法先將冉文儔等會同剿滅以冀次第掃除但查大神山之南正通渠縣該處有大河一道係巴河達河彙合之處舟楫可通恐該匪被剿情急又思偷渡臣等現已飛飭渠縣先將北岸船隻盡數撤赴南岸並飭該令督率鄉勇等於河之南岸設卡嚴防勿任偷越所有連日傷亡弁兵查明另行咨部

德楞泰本年譜卷九

三

諭曰德楞泰等奏截剿賊匪一摺祇不過分路追擊情形並未擊獲李全高均德仍任與冉文儔竄合一處而李全下落又未提及實屬無能已極惠齡恆瑞德楞泰俱著傳旨嚴行申飭昨日有旨責成伊三人作為一路併力剿辦此股賊匪務須各知愧奮趁賊首在大神山竄聚之時會合兜圍將各首逆按名拏獲剿淨餘匪再將羅其清股匪一併殲除勿稍延緩再前聞各省賊匪竄入川境後川匪以伊等桑梓地方不容他省教匪前來擾害是以齊王氏姚之富高均德等仍由川折回陝省而劉成棟等亦由川東竄回湖北今高均德等在陝被剿情急又復闖入川省若川匪仍前與之為難則該首逆等前有川匪阻擋後有官兵追擊而甯沔一帶又有秦承恩王文雄等帶兵防堵無從竄入正是極好機會卽此時陝匪已與川匪勾合惠齡等何不設計離間俾其疑忌內潰既以賊攻賊而官兵搜剿更當



事半功倍以視東竄西擊惟事尾追豈不難易懸殊惠齡等於此等機宜豈竟全未想及一籌莫展耶特此詳悉指示著惠齡等接奉此旨務須相機妥辦勿得坐失機宜爲要

七月初十日

公偕惠齡恆瑞奏言臣等前將冉文傳等各股匪並陝匪高均德等兩面夾擊逼至大神山屯踞以冀次第掃除惟查各股匪衆二萬餘人互相結寨絲互五六十里復於山腰設立木城深挖濠塹並於上山要路處處挖斷而山前之打石坡喻家壩等處又令夥匪設卡把守必須將此兩處賊卡先行攻克方可相機進剿當於十六日五鼓臣惠

德壯果公年譜卷九

三

齡督率總兵李紹祖副將關聯陞副將銜穆克登布參將增德帶兵進取打石坡賊卡臣恆瑞督率總兵觀祥副將馬兆瑞遊擊岳甯阿李天林佐領祿成帶兵追擊喻家壩賊卡臣德楞泰督率領隊賽沖阿阿哈保阿穆勒塔達音泰侍衛墨爾歡保副將德甯許文謨遊擊張朋等帶兵由中路緊扼大神山賊匪奔竄之路并爲四路接應臣惠齡行至打石坡隨督李紹祖等率兵直撲賊卡候補千總武舉洪殿魁首先跳入卡內拋擲火彈將茅棚焚燒我兵一擁而進刀槍並舉連斃一百餘人賊衆慌亂奔逸我兵奮力掩殺又斃三百餘人洪殿魁受傷陣亡餘匪俱望大神

山竄去臣恆瑞帶兵齊抵喻家壩山梁乘其不備鼓勵將士砍開賊柵奮勇殺入殲斃二百餘人其零星逃逸者不及百人惟時天已黎明大神山賊匪約有千餘前來救應臣德楞泰飭令賽沖阿等奮力迎擊連斃賊匪數十人該匪不敢迎敵又見兩處賊卡已被驚慌回竄我兵攀援追殺又擊斃四百餘人餘衆俱各退回山上時已未刻該處俱無水道連日酷熱異常官兵奮力仰攻受暑甚衆祇可撤回因恐賊匪乘夜劫營當即傳知各營將士嚴行偵伺互相援應至四鼓後果有賊衆千餘人直撲臣德楞泰營盤我兵待賊將近施放槍礮擊斃數十人賊即退竄臣

德壯果公年譜卷九

三

德楞泰帶兵掩殺殲斃四百餘人正遇臣惠齡恆瑞接應前來兩面夾擊又殺死二百餘人生擒魏高等九人餘衆紛紛竄逸時向昏夜未便窮追當提魏高等研訊據供冉文傳等因官兵攻破打石坡等兩處卡子意欲乘夜撲營以圖報復等語餘無要供當將該犯等正法正在設法進攻間探聞高均德等有從土溪偷渡之信臣惠齡雖前經嚴飭渠縣督率鄉勇防堵河岸究恐賊衆勇單臣德楞泰當派都司馬應國帶兵前赴土溪一帶防守並督率三匯口鄉勇頭張鵬羽冉紹新等沿河堵截以遏賊匪東竄之路猶恐大神山賊匪故智復萌思來劫營以圖牽綴隨各



派將弁帶兵於大營數里外擇要埋伏以備截剿十七日  
三鼓竟有賊匪一股來撲臣恆瑞營盤經我兵鼓勇迎殺  
擊斃二百餘人賊急回竄臣恆瑞隨後追殺間臣德楞泰  
惠齡帶兵接應而來又經穆克登布岳甯阿等伏兵齊起  
三路截殺餘匪殆盡所贖二三十人乘夜逃竄適於二十  
日午後雷雨交加風勢猛烈遙望賊巢昏黑莫辨臣等料  
賊必無準備當於是晚分兵三路進取臣惠齡督兵甫行  
十餘里聞樹林內似有往來行走之人當即派兵搜捕詎  
有千餘賊匪突然撲出當即帶兵截殺殲賊三百餘人生  
擒何良等三十餘人臣恆瑞一聞槍礮之聲趕來接應兩  
德世果公年譜卷九  
面夾擊又殺賊四五百人餘皆乘夜分竄臣德楞泰帶兵  
至山下見賊約二千餘人潛行下山料係救援之賊當即  
督兵迎頭剿殺該匪等先自驚惶又經達音泰箭斃執旗  
賊目一人手殺二人益形潰亂我兵奮勇掩擊斃賊三百  
餘人賊匪潰散臣等方欲接應惠齡一路正遇惠齡剿敗  
之賊竄來又復前後夾擊殲戮淨盡旋據馬應國等稟報  
連日會同候補知府署渠縣事倪鼎銓等截擊土溪之賊  
斬獲甚衆該匪等不能竄越均已折回此時三匯口運道  
並無梗塞等語查賊匪等不能偷渡渠河冉文儔等各股  
自必踞住大神山死守勢須誘賊下山設伏截剿當於二

十三日晚間密派賽沖阿達音泰穆克登布岳甯阿等帶  
兵潛赴賊巢附近林箐埋伏二十四日清晨將各營撤退  
揚言迎剿北來陝匪是日微雨該匪等見我兵移動公然  
率衆下山竟襲我兵之後官兵回身截殺當有行營千總  
勤勇巴圖魯徐有山箭斃執旗賊目一人連殺三人復有  
把總武文玉槍斃賊人二名賊匪捨命抗拒徐有山武文  
玉俱各中槍陣亡我兵憤恨之極奮力掩殺殲賊三百餘  
人賊慌急回奔我兵隨後追擊又斃賊四百餘人時賽沖  
阿達音泰穆克登布岳甯阿等伏兵齊出迎頭攔擊斃賊  
六百餘人餘衆亡命狂奔分投潰逸此次誘殺賊匪一千  
四百餘人生擒雷寬等一百餘人訊據供稱冉文儔與高  
均德等見官兵移動趕派二千人從後抄襲搶掠物件至  
冉文儔及陝省各頭人並未下山等語當將雷寬等即行  
正法臣等思此番誘賊下山冀圖掩擒賊首乃該匪等止  
遣夥黨前來未能獲一首逆現在三路合兵仍即趕緊逼  
剿務期迅掃賊巢生擒首逆  
德世果公年譜卷九  
諭曰據惠齡等奏稱賊匪互相結寨餘互數十里賊衆祇有二萬  
餘人又經官兵分路擊剿據稱先後殲賊三千餘人則現在賊  
匪不過萬餘何能連營如許之長且遠中間豈竟無隙可乘自  
當相度機宜或擇其疎空之處破其一二營寨則其餘即可迎



刃而解茲聞來奏乃轉爲賊匪虛張聲勢尤屬可笑卽所稱酷熱異常官兵受暑甚衆豈官兵受暑而賊匪獨能耐熱乎惠齡係那延泰之子在軍機章京上行走有年於軍務較爲熟悉此路軍務著責成惠齡專辦不可心存觀望仍著恆瑞德楞泰實心幫同協力勦辦亦不得稍存推諉所有此次打仗陣亡之行營千總徐有山候補千總武舉洪殿魁把總武文玉俱著各部加等議卹

二十二日

公偕惠齡恆瑞奏言查再文儔等各股賊匪屢經被殲惟恐官兵進逼每日添卡挖濠搬運木石而於土溪一帶又

德壯果公年譜卷九

三

遣賊人砍木紮筏思欲偷渡渠河以爲緩則固守急則奔逃之計臣德楞泰於七月初四日由土溪三路進兵攻至望生坡獲賊一百餘名一面復派遊擊伯明都司馬應國帶領兵勇八百名夜半由李福溪林壩溪過河於西山後林內埋伏並令林壩溪河東鄉勇暫撤至福長寨預爲伺備示以東岸無人該匪等必來探水偷渡以期截殺臣惠齡恆瑞探得香安坪土門壩一帶山梁爲賊人出入路徑當卽知會德楞泰從賊巢東面鷹嘴巖進攻以牽其勢臣惠齡恆瑞從賊巢西面玉皇寨一帶山梁分攻香安坪土門壩賊卡並派總兵觀祥副將凝德德忠穆克登布等各

帶兵丁四周埋伏以爲接應七月初五日五鼓同時進發

臣惠齡督率總兵李紹祖副將關聯陞佟世徵參將增德

等帶兵進攻香安坪賊卡賊人率衆抗拒我兵奮力進撲

卽時將卡牆打破殲賊三百餘人賊衆奔潰生擒周貴等

二十餘人奪獲刀矛一百五十餘件臣恆瑞督率副將馬

兆瑞遊擊岳甯阿李天林佐領祿成等帶兵進抵土門壩

督令併力攻撲相持未久當將賊卡打開殲斃二百餘人

賊始驚竄臣惠齡恆瑞合兵一處正在擊卡詎該匪狡詐

百出鳴鑼擊鼓約二千餘人從三板場鼓噪而來欲撲官

兵又有一股賊匪約一千餘人從金家場撲來在官兵北

德壯果公年譜卷九

三

面吶喊而東西兩面各有賊匪一二千人冀圖邀截官兵

臣惠齡恆瑞督令李紹祖關聯陞馬兆瑞岳甯阿等分頭

迎勦當有疑德德忠各領兵丁從外奮勇殺入斃賊一百

餘人我兵見有接應人人用命兩面夾擊又斃賊六七百

人生擒一百餘人是時三板場賊匪正在紛紛上山適觀

祥帶兵趕到趁勢下壓斃賊八九十人賊匪折回逃竄官

兵從後掩殺又斃賊四百餘名賊衆驚慌無措滾崖墮澗

惟時金家場一股賊匪搶上山包正來攻撲副將銜穆克

登布帶兵迎擊首先斃賊二人我兵奮勇截殺當斃賊三

百餘人賊衆驚惶奔逸我兵乘勝掩擊又斃賊二百餘人



餘匪各從坡礮竄逃臣惠齡恆瑞聚集各兵當將香安坪土門埡山梁占踞並乘勝奪獲山坡下賊營三處臣德楞泰督率領隊賽冲阿温春阿哈保阿穆勒塔達音泰副將德甯遊擊馬瑜等帶兵進至鷹嘴巖據報李福溪一帶有一千餘人潛至河邊思欲搶渡臣德楞泰即帶兵趕至李福溪已經前派之伯明馬應國帶領伏兵迎頭截擊賊二百餘名臣德楞泰從後抄殺又斃四百餘人割獲首級一百餘顆淹斃者約六七百人生擒周德勝等四十九名訊據供稱我等係高均德手下人高均德龍紹周派令頭目宋金祿等帶領夥匪二千人因見東岸無兵把守思

德壯果公年譜卷九

五

量偷渡過河高均德等隨後亦要逃走今被官兵截殺殆盡宋金祿又被射死等語餘無要供當將該犯等正法臣等此次三路官兵統計殲賊三千餘人而首逆未擒實深憤憾查各股賊匪聚於一處臣等自北兜勦勢不能折回北竄而渠河一帶屢被我兵截殺偷渡無方此時屯踞大神山不過恃眾據險正可聚而殲擒臣等飭令三匯口嶺蟲溪各河口地方多撥兵勇嚴加防堵臣等三面環攻逐層進逼以期掃除各逆

諭曰此次惠齡等分兵三路設法攻擊雖將香安坪土門埡賊卡占據各路殲賊三千餘人畧形振作但前據惠齡等奏大神山

之打石坡喻家埡為賊匪要隘業經攻克自可乘勢直前擒擊首逆今又未能直搗巢穴僅攻克賊卡二處是所奏情形仍不過藉詞展緩一奏塞責惠齡恆瑞德楞泰仍著嚴行申飭現在攻克之地係附近賊巢為賊人出入必由路徑惠齡等已合兵一處擊卡圍逼是其要隘已失無可拒守而渠河一帶偷渡之賊又屢經官兵截殺無虞東竄且據奏此次賊匪分路攻撲營盤不過四五百人而惠齡德楞泰等兩路所帶官兵共有萬餘務須督率將士三面環攻直搗賊巢速將各賊首按名拏獲總之打仗殺賊全在統兵大員親臨行陣身先督率將士方能用命凡兵丁可到之處惠齡等亦必當身臨其境督兵奮擊毋得僅在後隊以致將領兵丁羣相觀望

德壯果公年譜卷九

五

二十九日

公偕惠齡恆瑞奏言竊照再文傳與陔匪高均德等各股賊匪屯聚大神山經臣等將香安坪土門埡賊卡奪占並截殺李福溪偷渡各匪賊人勢甚驚惶刻思逃遁而三匯一帶又經臣德楞泰派遊擊伯明都司馬應國帶兵二千名會同署渠縣事倪鼎銓派撥鄉勇日夜沿河堵禦不致竄越自應乘勢進剿查賊巢南面距三匯大河不遠而沿坡賊卡林立未易進兵須東西北三面潛行襲剿如能打破賊巢即有竄逸賊匪前阻大河正可從後掩殺逼剿入



水<sub>臣</sub>等當於七月初十日分兵三路同時進攻<sub>臣</sub>惠齡督率總兵李紹祖副將關聯陞副將銜穆克登布馬國銳攻取西面<sub>臣</sub>恆瑞督率總兵觀祥副將馬兆瑞德忠遊擊岳甯阿帶兵從北面進攻<sub>臣</sub>德楞泰督率領隊賽沖阿阿哈保達音泰副將德齡遊擊馬瑜帶兵由東面進剿均於四鼓起行攀崖陟嶺而上<sub>臣</sub>惠齡鼓勵將士當將賊巢西面一帶木柵打開一擁而入連拋火彈立將賊人茅柵焚燒賊匪從睡夢中驚醒冒烟衝出者約三四百人俱被官兵殲斃<sub>臣</sub>恆瑞督率官兵奮勇搶上山梁直隸把總張奇首將北面賊卡砍開拋擲火彈各處焚燒殺斃二百餘人張奇中槍陣亡其東面賊卡<sub>臣</sub>德楞泰督令官兵奮勇搶撲賊匪猝不及防都司李東山跳上卡牆砍死賊匪數人我兵相繼競進遂將賊卡攻破槍箭並發殺賊四百餘人<sub>臣</sub>等遂合兵攻撲賊巢正在短刃相接忽有賊匪二千餘人從官兵後面趕上抵死衝突以為牽綴而火光中遙見賊眾均向西南大山一帶紛紛竄逸<sub>臣</sub>等料其不能由三匯口渡河第恐折往靜邊寺一帶竄赴箕山與羅其清一股勾合<sub>臣</sub>德楞泰即帶領巴圖魯侍衛富僧德等率領索倫吉林官兵抄至黃渡河迎頭截勦並派領隊賽沖阿溫春等帶兵前赴駱市橋一帶截勦又派副都統阿哈保阿穆

德壯果公年譜卷九

三

勒塔帶兵前赴小山寨一帶埋伏<sub>臣</sub>惠齡恆瑞分督官兵將抗拒之賊奮力勦殺當斃六百餘名餘賊四散奔逃我兵分投掩殺又斃二百餘人<sub>臣</sub>惠齡恆瑞隨即帶兵追殺兩日一夜十二日辰刻趕至靜邊寺又殺賊三百餘人聞前路槍礮之聲甚緊<sub>臣</sub>惠齡恆瑞催督鎮將弁兵馳抵黃渡河時<sub>臣</sub>德楞泰正在河口截殺斃賊一千餘名賊眾沿河亂竄捨命搶渡<sub>臣</sub>惠齡恆瑞由左手抄擊<sub>臣</sub>德楞泰仍帶索倫吉林官兵由右手截勦殺死及淹斃者約一千餘人人生擒邵宗文等五百餘名<sub>臣</sub>等正在帶兵渡河忽見對岸騎馬賊匪數百人蜂擁而至<sub>臣</sub>德楞泰即帶馬隊官兵先行渡河<sub>臣</sub>惠齡恆瑞帶領步隊官兵踴躍急渡該匪等直撲步隊勢甚猖獗我兵半渡之際毫不慌亂俟賊臨近槍箭齊發連斃三三十人賊匪愈聚愈眾<sub>臣</sub>德楞泰帶領馬隊由賊後奮力掩擊見有手持大旗賊目四五名來往指揮當有索倫佐領世襲輕車都尉阿勒唐古爾衝入賊隊箭斃賊匪十餘人中槍陣亡我兵人人憤慨一擁前進侍衛富僧德箭射執旗賊目左膀帶箭脫逃又有索倫委驍騎校五十五槍斃執旗賊目一名遊擊張朋射死身穿蟒袍賊目一名賊始慌亂<sub>臣</sub>惠齡等帶兵上岸督率官兵兩面合擊斃賊四百餘名餘匪紛紛竄適有賽沖阿阿哈

德壯果公年譜卷九

三



保等兩路官兵追殺各處埋伏接應賊匪四散奔逃臣等隨卽迎頭截擊又斃賊六百餘人生擒黃仕焜等二百餘名餘匪俱竄向龍鳳坪大包山一帶時已天黑暫行紮住臣等當提鄧宗文黃仕焜研訊據供冉文儔與高均德龍

紹周禹斯珍龔建王正潮等六姓賊首共有一萬數千人屯踞大神山一帶初十日官兵半夜進攻打破卡寨頭人等分路逃走不能偷渡渠河卽從靜邊寺河邊逃走想到箕山與羅其清合夥又被官兵趕至黃渡河殺死幾千人陝西大頭目禹斯珍中槍身死高均德左膀帶箭脫逃穿蟒袍者是冉文儔之弟冉文字又被射死等語餘無要供

德壯果公年譜卷九

三

當將該犯正法查此次各路殺賊共四千餘人又自行投首馮秉鈞楊示祥等四百二十六名當卽訊明委係營山縣地方被擄百姓逐一分別釋放惟冉文儔等仍未生擒臣等寔深憤懣慚惶現在該匪等竄往龍鳳坪一帶自當竭盡心力分兵抄賊之北相機兜剿以期生擒元惡掃盡餘氛

諭曰此次惠齡等分路乘夜進攻打破賊卡痛殲賊衆四千餘人所辦較爲振作但賊目禹斯珍之名從未奏過而且並未生獲雖經槍斃不足爲功然賊匪經此痛剿已有潰散之勢惠齡等惟當趁此時督臣官兵緊躡賊蹤或繞前抄截或分路兜擒或

用間計誘況高均德業被箭傷自不能遠竄務須乘此勝勢卽行擒獲而冉文儔等之勢更孤亦卽可迅就殲擒一俟肅清此股賊匪卽可移師擇要會剿其陣亡之索倫佐領阿勒唐古爾把總張奇俱著咨部加等議卹

八月初八日

公偕惠齡恆瑞奏言高均德冉文儔等各股賊匪經大神山黃渡河截殺敗散之後竄至龍鳳坪一帶負隅據守臣等當卽帶領官兵分路繞道抄至賊巢北面扼要堵截連日細加察探冉文儔龍紹周龔建等俱屯聚龍鳳坪距箕山三十餘里該處山勢險峻中有鑼鼓頂一峯特起下有

德壯果公年譜卷九

三

薄道嶺一道僅容一人行走徑極窄狹前通馬鞍山亦甚陡削該匪等於馬鞍山設卡二座扼我官兵其箕山東北廖家礮係阮正通等屯守箕山西北大廟場係高均德王正潮等盤踞均在龍鳳坪之南互爲聲援臣等公同商議必須先將馬鞍山賊卡攻占方可進逼賊巢又緣賊股衆多山路叢雜恐賊匪等從馬腳跡山梁襲我之後尤應分路預防當於二十四日四鼓分路進攻臣惠齡督率總兵李紹祖副將關聯陞副將銜穆克登布前鋒參領佛甯臣恆瑞督率總兵觀祥副將馬兆瑞遊擊岳甯阿佐領祿成各帶官兵進撲馬鞍山賊寨臣德楞泰督率副都統阿哈



保總兵達音泰巴圖魯侍衛富僧德墨爾歡保副將德寶  
許文謨扎勒杭阿遊擊馬瑜帶領滿漢官兵由硝水河至  
馬腳跡山梁擬由中壩過河會搶馬鞍山頭寨適石花溪  
寨長報稱茶房坪現有賊匪約千餘人欲搶馬腳跡山梁  
等語臣德楞泰當即帶兵紮住團土包嶺該匪等蜂擁前  
來搶撲我兵槍箭齊發並用大礮轟擊斃賊六七十人該  
匪等始行敗退官兵乘勢下壓又殲三百餘名賊眾四散  
潰逸當留官兵暫紮山包控扼臣德楞泰即帶兵抄出叢  
草嶺中壩過河督兵齊至馬鞍山西面進攻惟時臣惠齡  
恆瑞帶兵進發距馬鞍山約五里見有賊匪四五百人自  
南而來臣等督兵截殺殲戮殆盡據獲賊供稱係冉文傳  
差赴老林場欲搶奪糧臺不意正遇官兵截殺現在馬鞍  
山有兩箇寨子共有二千餘人是冉文傳之姪再添元率  
眾把守等語當將該犯等正法臣等鼓勵將士趕至馬鞍  
山併力搶撲該匪捨命迎敵矢石亂下相持兩時之久當  
有遊擊張朋手執鷹牌跳上卡牆砍開寨柵我兵一擁而  
進齊上山梁奮勇勦殺斃賊二百餘人張朋及千總馬光  
宇外委楊志正均經受傷時已天明見有戴翎賊目二人  
騎馬指揮抵死相拒並招呼一寨賊眾盡數前來接應適  
臣德楞泰帶兵從西南首先搶上有黑龍江領糧署防禦

德壯果公年譜卷九

三

圖敏箭斃戴翎賊目一人賊始慌亂其一人率眾奔逃臣  
等合兵追殺殲戮七百餘人其戴翎賊目正在驚竄之際  
又為吉林甲兵法金保箭斃餘匪捨命奔潰俱向龍鳳坪  
一帶竄去臣等隨將馬鞍山頭寨一寨奪占計此次殺賊  
一千餘人生擒唐義等四十餘名臣等提訊唐義等據供  
戴翎頭人係冉文傳堂弟冉文富胞姪冉添元均係起事  
時主謀之人冉文傳年逾五十並無主張專恃一人籌畫  
凡遇打仗二人率領匪黨無不聽其指揮今俱被官兵射  
死餘無要供當將該犯等概行梟示臣等隨即乘勝攻撲  
龍鳳坪臣德楞泰帶領各兵先將大垵口搶占連破賊營  
四處大垵口距薄道嶺不遠而薄道嶺為龍鳳坪賊巢門  
戶臣惠齡恆瑞即督官兵分為兩翼極力攻撲賽冲阿阿  
穆勒塔温春帶領黑龍江吉林佐領西靈阿明德等連射  
賊匪數十人應弦而倒賊匪拒守不住紛紛退散我兵力  
砍矛截連斃二百餘人佐領蘇清阿委驍騎校額書雲騎  
尉瑪達奈藍翎前鋒委署章京額爾京額均經受傷餘賊  
捨命竄上鑼鍋頂我兵從後追躡又連破賊營二處而龍  
鳳坪賊匪向觀音巖奔竄我兵趕緊追擊又斃賊五百餘  
人搶獲鍋帳米糧無算生擒張舉等男婦二百四十六名  
口訊無要供當即分別辦理查觀音巖前係黃土河河南

德壯果公年譜卷九

三



即係箕山此時若即窮追恐廖家礪大廟場各股賊匪兩路邀截必致前後受敵現在冉文儔等亦俱竄往箕山附近一帶屯聚臣等惟有竭盡心力趕緊進攻

諭曰據稱冉文儔全賴冉文富冉添元為之主謀今該二犯業經射斃冉文儔失所倚恃更易擒獲惠齡等所帶官兵約計一萬有餘際此秋高氣肅尤為百倍驍騰亟宜擒縛渠魁殲盡黨夥設再不知愧奮迅速進攻復任賊匪往來勾結聯為一氣以致勦辦需時必當重治惠齡等之罪懷之

十一日

諭曰川北賊匪與川東聲息相通今聞王三槐就擒總統帶領大

德壯果公年譜卷九

三

兵將到自必聞風潰散惠齡明亮等正當趁賊匪懼之時或曉以禍福解散黨夥或鼓勇進攻伏兵截擊將高均德冉文儔羅其清徐添德阮正通張漢潮劉成棟牟登元等按名擒獲尙可稍贖重愆若得勒保擒渠奏捷之信竟毫無愧怍仍復遷延時日必待勒保到彼方能竣事則伊等玩誤之罪更無可曲宥矣

二十四日

諭曰箕山賊匪自前次惠齡等攻克馬鞍山龍鳳坪營寨後敗逃之賊又復分股奔竄逼近陝境總由伊等不能乘賊匪屯聚之時設法攻圍繞道兜截以致各股賊首分路竄出惠齡恆瑞德

楞泰俱著傳旨再行申飭仍俱革去花翎令其戴罪圖功自贖

二十八日

公偕惠齡恆瑞奏言竊照高均德冉文儔等賊股衆多分駐箕山南北若專擊一股則各股接應且恐羅其清乘機抄襲尤與我兵不便查羅其清負嵎據險聚衆二萬餘人各賊藉其聲勢結寨相依如將羅其清一股挫其兇鋒則各股易於勦辦但箕山陞險未易仰攻計惟誘其下山以圖截殺當於七月二十八日三更臣惠齡密派總兵李紹祖副將關聯陞穆克登布前鋒參領佛甯臣恆瑞密派副將九十遊擊岳甯阿佐領佛爾清額祿成各帶官兵前赴

德壯果公年譜卷九

三

龍鳳坪前面埋伏臣德楞泰密派賽冲阿阿哈保總兵達三泰侍衛富僧德副將德甯遊擊馬瑜等帶領兵丁潛赴石花寨下埋伏接應次日巳刻臣等各將官兵撤退放礮移營陸續下山之際見箕山有白旗十數桿蜂擁而來忽分兩股一抄臣惠齡恆瑞營盤一撲臣德楞泰官兵後尾當有兩路設伏官兵從後掩殺臣等帶領阿穆勒塔温春觀祥等折回迎擊兩面合攻殺斃賊匪二千餘人奪獲刀矛器械八百餘件生擒何世官等一百二十四名訊據供稱羅其清與陝匪各股俱曾會過惟與冉文儔有隙不許上山冉文儔遂約陝匪等分屯箕山坡下仍思借其聲援



羅其清今早見官兵移營隨撥五千人下山抄襲今被官兵勦殺大半掌旗頭人王正奉亦被射死等語當即概行正法臣等欲乘勢攻勦旋據差弁探報高均德翼建龍紹周徐萬福唐大信等各股陝匪見箕山賊匪被殺甚多同時分往西北奔竄又據報稱將軍富成追勦徐添德一股從營山趕往水東寺一帶臣等恐陝省各匪勾合徐添德竄回陝境且富成一路兵力稍單臣德楞泰自應帶領官兵前往兜勦臣惠齡恆瑞查陝匪股數眾多設有分竄德楞泰之兵亦恐不敷分布是以不敢拘泥專辦羅再二逆當即分路兜截臣德楞泰挑帶馬兵從柳林舖抄擊臣恆瑞從萬安場抄截不使竄越陝境並飛咨富成併力環攻時富成追勦徐添德樊人傑至觀紫場已與高均德等會合查觀紫場西北可通蒼溪巴州臣德楞泰即督兵從北面勦殺斃賊四百人又經索倫吉林官兵射斃賊匪二百餘人臣恆瑞從右面兜勦殺賊二百餘人適臣惠齡帶兵由雞公嶺抄來正遇竄回各匪迎頭截殺又斃二百餘人該匪等竄至壁山廟土門舖一帶又探得復興場二道河一帶亦有賊匪擾我後路臣惠齡隨即帶兵前往該處勦捕臣恆瑞德楞泰星夜分為兩路一攻壁山廟一攻土門舖天甫黎明賊匪正在炊爨官兵齊集壓擊賊匪驚惶無

德北果公年譜卷九

三

措又被殺死六百餘名生擒周從忠等二百七十餘名富成從走馬梁壓下斃賊二百餘名該匪等拋棄牛馬衣物糧食捨命竄往觀音寺山梁負險抗拒當有黑龍江委驍騎校哈新查吉林委佐領巴彥保四川外委周志林等奮不顧身首先搶上山梁殺散賊匪哈新查等均受多傷臣恆瑞德楞泰帶兵追殺一百八十餘里沿途斃賊一千餘名生擒唐正耀等一百二十餘名官兵晝夜分馳實皆奮勉出力復探得賊匪竄入雙河場臣德楞泰帶領馬隊乘夜追至該處衝入賊隊斃賊五百餘名臣惠齡將復興場二道河竄匪勦盡後從天池寺帶兵趕到又斃賊二百餘名餘賊紛紛敗竄我兵追至徐家場稍歇馬力隨探聞賊匪竄至集龍場臣等即督兵追往官兵一擁壓下斃賊四百餘名生擒李道前等四百餘名賊又狂奔定汎寺山梁屯紮臣等督兵搶撲賊膽敢連壓三次臣德楞泰帶同阿哈保阿穆勒塔侍衛墨爾歡保富僧德各領官兵分路搶上又殺賊五百餘名生擒張國治等二百四十餘名戊刻將山梁盡行奪占委參領桂保委防禦穆騰額長德委驍騎校尚諾爾守備鄭振貴均各受傷徐添德一股奔逃周口富成率兵追往臣惠齡當即飛札蓬州牧督率兵勇嚴加堵截並將船隻收回對岸以防搶渡其餘各股均竄赴

德北果公年譜卷九

四



豐登舖一帶臣德楞泰帶領索倫吉林馬隊抄出賊前賊匪見即奔潰我兵分投趕殺臣惠齡恆瑞帶兵截勦直至豐登舖沿途殺獲二百餘人偵探賊蹤分由倒流河青山溝竄至郭家溝一帶仍依羅其清屯聚臣等即日分路勦捕務須乘勢殲除計此次截勦四晝夜殺賊四千餘名擒獲千餘名訊據唐正耀等俱無要供概行正法

諭曰惠齡等株守多時迨羅其清被官兵誘令下山勦殺高均德等各股賊匪聞風驚竄富成追勦之徐添德等一股又自營山前來合夥惠齡等不能預籌堵截徒使將士晝夜奔馳分投追勦雖斬獲多名而餘匪仍折回與羅其清屯聚各股著名首逆並未擒獲一名不足為功其勦殺之賊匪諒不過裹脅附和之眾摺內張大其辭未可深信惠齡等帶如許勁兵勦此敗竄無能之賊日久總未蕪事每遇勦賊打仗猶復視顏鋪敘惠齡恆

德壯果公年譜卷九

聖

瑞富成德楞泰著再傳旨嚴行申飭現在各股賊匪仍折竄郭家溝一帶與羅其清株守之箕山相近而羅其清又分遣夥黨攻撲營山縣城徐添德一股又復奔逃周口可見賊匪來去自如毫無攔阻惠齡等務須親率官兵嚴密攻圍或於要隘地方設伏邀擊或乘首逆猜忌之時設計辦理將各首逆按名擒獲稍贖前愆

九月初一日

諭曰近聞川省賊匪有自相攻擊之語想即係前此惠齡等所奏羅其清與冉文儔有隙不許上山冉文儔遂約陝匪分屯箕山坡下等事若果如此賊黨業已內離勒保到彼或設法用計救冉文儔之罪令其為官兵前驅進攻羅其清更可收以賊攻賊之益是亦一法勒保當密為留意相機速辦至惠齡等在彼勦辦多時何計不及此徒事株守尾追並著惠齡等一體留心設法為要

初九日

公偕惠齡恆瑞奏言前因各股陝匪分屯西北隨即分股截勦追回附近箕山之郭家溝屯踞惟徐添德一股竄往

德壯果公年譜卷九

聖

周口富成跟蹤追捕旋據札稱徐添德與樊人傑王登廷等一見官兵即竄回營山之插旗山古戰坪鳳凰寺等處分屯拒守請再帶兵圍勦臣等查冉文儔等依附羅其清屯踞未必即行分竄而徐添德各股現踞鳳凰寺一帶勢欲阻扼營山渠縣運道並與羅其清相為掎角使官兵前後受敵必須先將此股賊匪設法攻勦方不致被其牽綴隨一面知會富成從玉鼎山一路堵截臣等即帶官兵分為兩路抄赴走馬嶺一帶進攻行至駱市橋遇見賊匪三千人前來邀截我兵分隊迎殺斃賊七百餘名賊始退去訊據獲賊供稱徐添德現在鳳凰寺等處聚寨羅其清



等派出三千餘人前往幫助不料被官兵堵殺等語當即  
正法是日趕至走馬嶺紮營該處前後均有徐添德匪黨  
盤踞臣德楞泰督率賽冲阿阿哈保温春阿穆勒塔達三  
泰副將德甯等帶領官兵直攻插旗山賊卡臣惠齡恆瑞  
督率總兵李紹祖觀祥副將德忠馬兆瑞等帶兵從插旗  
山右手抄擊臣德楞泰鼓勵將士奮勇搶撲賊匪抵死拒  
敵我兵槍箭並發擊斃二百餘人賊眾稍退我兵乘勢進  
攻砍開寨柵一擁而入又斃賊二百餘人時臣惠齡恆瑞  
督兵從賊寨之右分投截勦當將餘匪殲戮淨盡與德楞  
泰會合即將插旗山奪占隨勦隨進逼入古戰坪我兵奮  
力掩殺又斃賊匪五百餘人乘勝直抵鳳凰寺山下該處  
山勢險峻賊匪業已築就木城為負隅之計是時天已昏  
黑兼值大雨隨督策弁兵分投撲上賊匪擲石放槍抗拒  
甚力臣德楞泰同阿穆勒塔分帶官兵繞赴賊寨之後扳  
援直上阿穆勒塔首先砍破木城官兵從後擁入拋擲火  
彈立將草棚焚燒賊匪慌亂火光中見有帶翎賊目一人  
執旗奔竄當被都司李東山殺死我兵乘勝掩擊殲賊一  
千餘人遂將鳳凰寺賊巢攻克生擒張貴等二百餘名該  
匪等紛紛潰敗仍向箕山一路奔逸適遇富成帶兵迎擊  
又斃賊一百餘人生擒樊人仲等二十餘人賊匪捨命分

德壯果公年譜卷九

三

竄該將軍帶兵追往富提張貴等嚴訊據供徐添德樊人  
傑王登廷等三人逃至鳳凰寺見山險可以拒守當有冉  
文傳龍紹周龔建唐大信等各派匪黨共二千餘人幫同  
各處守卡徐添德說築就木城再約冉文傳來此屯紮不  
料官兵就到連破寨子徐添德樊人傑先已逃去王登廷  
已被官兵殺死等語又據樊人仲供係樊人傑之弟前日  
見高均德與樊人傑商量要逃往巴州通江一帶樊人傑  
不允聞得還走箕山同龍紹周等一處住紮餘無要供當  
將該犯概行正法現在徐添德樊人傑竄赴箕山是各股  
賊匪均歸一處正當聚而殲除但賊股較眾道路紛歧易  
於分竄官兵四面兜圍不敷分布查各該州縣均有團練  
鄉勇如調赴各隘口嚴密堵截官兵從正路進攻自更易  
於集事現飭各該州縣督率鄉勇隨同官兵分投擊卡以  
遏賊匪奔竄之路再據蒼溪縣知縣張安軒稟報高均德  
一股賊匪於初九日竄入縣屬之高坡場黎家場屯紮臣  
等查高均德一股屢據獲犯供稱現在箕山一帶何以復  
有竄入蒼溪之說總緣賊股既多各該縣不加細訪或賊  
匪狡詐妄託賊首名目為牽綴官兵之計臣德楞泰一聞  
此信恐該匪竄入陝境即擬帶兵飛馳往勦臣惠齡酌量  
情形現在冉文傳徐添德阮正通龍紹周龔建唐大信王

德壯果公年譜卷九

四



正湖等各股賊匪逼歸一處正當喫緊之時如德榜泰分兵前去益覺兵單似應仍留德榜泰在此一同勦辦至明亮等現將張漢潮股匪逼入南江一帶乘勢追擊設高均德果與會合正可一併勦捕則北面亦可無虞

諭曰惠齡等雖將鳳凰寺攻克殲斃賊目而首逆仍未擒獲玩誤已極著傳旨嚴行申飭至高均德一股明亮等奏已竄至廣元而惠齡等又稱接據蒼溪縣稟報已竄入該縣地方所奏互異查明亮等奏摺在惠齡等發摺之後三日自係高均德等已由蒼溪復竄廣元現在額爾登保業經帶兵抄赴甯羌一帶迎擊惠齡等自當酌量分兵自南而北兩面夾擊何得專辦徐添德

德化果公年譜卷九

聖

而置高均德等一股於不問此時惠齡等如已將徐添德勦盡馳赴廣元固所深望若尙在箕山則伊等三人內即當酌分一人帶領勁兵速赴廣元截擊高均德等一股方不致顧此失彼惠齡等於此等機宜竟不知權其緩急豈一味株守與賊相持耶

二十二日

公偕惠齡恆瑞奏言<sub>臣</sub>等合兵勦賊三月有餘未能擒獲首逆萬分愧懼緣賊股較衆當將箕山賊匪設計誘殺詎陝匪各股聞風奔竄官兵由土門鋪壁山廟分路兜圍四晝夜盡力趕殺殲戮至四千餘人賊勢甚為窮蹙始得折

回箕山首逆仍未成擒昨又將徐添德樊人傑等屯紮之鳳凰寺賊巢攻破逼歸一處於初九日具奏後正擬設法圍剿而前調各該州縣鄉勇因兼旬陰雨道路泥濘尙未到齊<sub>臣</sub>等心急如焚探報箕山西北攔路坵十二灣並南面白巖寨駱市橋一帶俱有賊匪屯踞<sub>臣</sub>等當即知會將軍富成並派總兵觀祥前往堵剿業將攔路坵十二灣兩路賊匪殲斃四五百名餘衆竄回箕山一帶<sub>臣</sub>等復將白巖寨駱市橋等處賊卡連次攻克殺賊一千餘名殲戮殆盡<sub>臣</sub>等俱係受

恩深重之人不能迅速擒渠頻勞

德化果公年譜卷九

聖

宸廑憤愧交深現俟各處團勇齊集當即派撥各隘口隨同官兵分投擊卡四面合圍<sub>臣</sub>等帶領官兵從正路進攻奮力勦辦倘能仰賴

天威於九月內擒獲首逆二三人隨即次第勦辦可冀迅速蕩事至<sub>臣</sub>等每遇打仗俱係親臨行陣從未僅派鎮將稍自偷安緣行陣必須督率指揮各兵方肯用命而<sub>臣</sub>等亦可察將卒之出力與否以示勸懲此亦<sub>臣</sub>等職分當然並不敢稍有支飾

同日公又奏言<sub>臣</sub>仰蒙

天恩畀以軍旅重寄在楚在川已歷四載此次賊匪奔竄無定官



兵追勦日須移營夫驟各項又不能不酌量領用惟是所帶官兵七千有餘鹽糧各項均係照例支領且係該省派令地方官隨營辦理各營分自具印鈐支領該糧員按領核給今自秦入川川省先派漢州知州覃光典赴營管理糧務一切應支悉屬該糧員自行經理今覃光典以營中每月約需銀九萬餘兩具稟英善等咨詢查一路領隊副都統巴圖魯侍衛及滿洲吉林索倫官兵應得分例較之綠營官兵為數較優通計滿漢屯土官兵共七千餘名按照奏定條款每月鹽糧及夫驟各價須銀五萬四千餘兩計帶領官兵於五月二十一日追賊入川截至八月二十日鹽糧各項實應支銀十六萬二千餘兩除支過銀十四萬餘兩外尙未領銀二萬餘兩營員並無浮濫之項有款可查何敢捏飾合將支用銀數清單恭呈

御覽

諭曰惠齡等於初九日奏到攻克鳳凰寺賊巢後未據續有奏報方以為伊等或俟首逆就縛一併馳奏及閱本日奏摺祇係覆奏節次飭諭空言搪塞並未設法進攻箕山一帶屯聚賊匪復稱前調鄉勇因兼旬陰雨尙未到齊豈兵勇雨淋而賊匪獨不被淋乎實屬藉詞支飾惠齡恆瑞富成德楞額著再傳旨申飭惠齡等自定期限冀於九月內擒獲首逆一二人次第勦辦今

九月上有七日惠齡等果能上緊勦辦於限內將各首逆全行拏獲不但免其治罪且可仍邀獎賞否則或如伊等所奏拏獲一二人亦可將功抵罪儻仍前延緩自逾期又成虛望則是罪上加罪斷不能再邀曲貸也又軍營支用錢糧自有一定分例豈容絲毫浮冒今德楞額奏稱每月支銀五萬四千餘兩而糧員稟報月需九萬餘兩多寡懸殊著福甯據實查核毋任藉詞浮冒

十月初七日

公借惠齡恆瑞奏言連日接奉

諭旨以羅其清黨與尙多飭令等先行勦辦伏思冉文傳徐添

德壯果公年譜卷九

德等各股賊匪俱在箕山附近屯聚借羅其清以為聲援誠如

聖諭先將羅其清一股勦除則各股賊匪失所倚恃即被勦遁逃而陝省邊界堵禦甚嚴其勢亦難竄越惟查箕山周圍一百餘里羅其清賊黨實有二萬餘人負隅拒守山勢險峻東西北三面俱甚陡削不能仰攻惟東南有路可通均為各股賊匪占踞必須先破各匪卡寨始可直逼箕山但西北一帶雖有將軍富成駐兵防堵而兵力稍單恐其不敷截勦等當飛調總兵觀祥就近帶兵協助並飛咨宜縣秦承恩預於川陝交界地方嚴密堵截等分兵兩路同



時進發臣 惠齡恆瑞帶兵進至黃泥坪見該處山梁均有賊卡卽鼓勵將士奮力搶撲賊匪抵死抗拒我兵連破賊卡三座殺賊四百餘名生擒李興相等四十餘名將黃泥坪搶占臣 德楞泰帶兵行抵順水寺將賊卡四座攻破殺賊六百餘人生擒方朝良等五十餘人臣 等提訊李興相供稱冉文儒派令賊黨五百人把守黃泥坪大夥紮在王家梁陡嘴子一帶又據方朝良供稱樊人傑龍紹周龔建等俱屯在郭家廟廖家碛等處徐添德等屯踞陳家壩小蓬寺等語餘無要供概行正法查各股賊匪分屯要隘均有長河間隔況值霖雨經月河水甚漲自應設法急渡以

德壯身六年譜卷九

吳

圖進取臣 惠齡督率總兵李紹祖副將關聯陞副將銜穆克登布參領佛甯帶兵進攻王家梁等寨臣 恆瑞督率副將德忠凝德佐領佛爾卿額祿成等帶兵進攻陳家壩等寨臣 德楞泰督率賽沖阿阿哈保溫春阿穆勒塔達三泰副將德甯遊擊馬瑜等帶兵進攻郭家廟廖家碛等寨三路均於五更時冒雨前進或騎馬競渡或覓水徑涉臣 德楞泰由沙灘河躡水搶上五塊石賊已占據廖家碛東西二溝拚死抗拒官兵槍箭齊發賊匪連撲三次四川外委盧一得直前拒敵身受槍傷官兵人人痛憾奮勇進攻搶占廖家碛山梁殺賊三百餘人生擒蘇應江等二十一名

我兵乘勝壓下將東西溝賊巢窩棚全行燒燬殺斃五百餘名搶獲賊旗刀矛牛馬甚多正在督兵搜剿忽箕山賊匪四五千入分股前來勢甚兇悍臣 德楞泰當派阿哈保帶領侍衛墨爾歡保營總達斯呼爾岱副將扎勒杭阿遊擊劉維馨都司馬應國等帶兵由左手抄下賽沖阿帶領侍衛富僧德吉林佐領明德穆騰額參將李錫命遊擊蒲尙佐屯副將銜坤朋等帶領滿漢屯土各兵由右手抄下臣 德楞泰親帶溫春阿穆勒塔侍衛阿納保達勒精阿鄂爾綬索倫總管色爾凌遜多保等帶兵由馬鞍山郭家山冉家洲往來截殺賊六百餘名生擒郭彥榜等三十三

德壯果六年譜卷九

辛

名賊衆大敗退據尖山子等處吉林委官西蒙額哈郎阿身受槍傷維時臣 惠齡督兵進攻王家梁搶上山梁將賊寨攻破殺賊四百餘名生擒周添翰等五十餘人適陡嘴子賊匪前來接應臣 德楞泰又帶吉林黑龍江官兵迎頭截殺連斃賊匪三百餘人餘匪紛紛退回我兵從後掩擊追上陡嘴子山梁賊匪慌急無措棄卡奔逃我兵四處截殺又斃賊二百餘人餘衆俱向後山逃竄至臣 恆瑞帶兵攻搶陳家壩賊卡擲石放槍抗拒甚力當有直隸千總劉太奮不顧身扳開木柵拋擲火彈燒燃卡內草棚我兵乘勢搶入劉太中槍陣亡我兵槍箭並施斃賊匪三百餘



人將陳家壩山梁占據復帶兵進攻小蓬寺賊寨見賊匪甚形慌亂卽乘勢攻撲立將賊寨打破殺賊二百餘人生擒陳藍亭等五十餘名臣等合兵一處通計三路進兵殺賊三千餘人奪占賊卡七座賊寨六處刀矛器械八百餘件賊旗五十餘桿訊據活賊供稱六處賊寨係冉文傳龍紹周龔建徐添德樊人傑分起屯紮今被官兵打破各賊首已先逃遁等語臣等深爲憤憾當將該犯等立行正法旋據將軍富成札稱二十一日辰刻有賊匪數千從龍頭寨山梁直奔前來卽督兵迎頭截擊施放槍礮斃賊三百餘名忽有天池子十二灣兩股賊匪順溝而來翻向大梁

德壯果公年譜卷九

至

逃竄當派參將郭承緒遊擊扎克丹傅雲巴圖魯馬昌傑等分兵截剿富成往來策應均有殺獲各匪未能北竄又總兵朱射斗由史家坪截剿西竄賊匪設伏擊散對河又有一股賊匪由羅家嘴直衝官兵營盤經該鎮帶兵殺退是晚賊匪渡河劫營富卽奮力掩殺殲賊四百餘人賊始奔竄伏查富成朱射斗截退各匪卽係臣等攻剿敗逃之賊今復折回正可聚而殲洗惟臣等亟圖進剿羅其清大股未暇他顧雖各股賊寨均經奪占而羅其清賊卡林立各道山梁絡驛不斷臣等當於二十二日清晨進兵臣德楞泰搶占雙柏樹山梁臣惠齡恆瑞搶占仰天壩山梁俱

距箕山十有餘里草棚布帳歷歷在目現在進攻之路俱爲賊匪挖斷並於山腰築設木城守禦情形極爲可憾臣等悉心籌議箕山地廣賊多勢難圍剿前次飭調各州縣團勇多緣保護城池鄕堡至今未到一名惟就現有兵力設法攻剿趕緊逐層進逼以冀剋日殲除

諭曰惠齡等奏攻克箕山附近卡寨亦未擊一賊首卽所稱殺賊三千餘名恐亦不足深信惠齡等在箕山剿賊每次奏摺僅係殺賊若干名奪卡若干座卽爲出力而各股賊首一任其負固稽誅實爲伊等恥之惠齡恆瑞富成德楞泰著再傳旨嚴行申飭今據奏稱已分占山梁距箕山祇十餘里是官兵已緊逼賊巢更無難直前進搗黨仍前支吾觀望竟欲以身試法乎所有陣亡之千總劉太著咨部加等優卹

德壯果公年譜卷九

至

又  
諭曰本日王三槐解到經軍機大臣審訊據供聞徐添德已被大殲盡斃羅其清冉文傳俱心生懊悔因畏懼王法不敢出來若知伊投順得生必皆投出並稱從前知縣劉清曾經前往伊等寨內曉諭出降王三槐當卽親自投赴宜縣軍營其時被營內官員攔住不准謁見宜縣以致徐添德懷疑不肯投出如果所供屬實則王三槐徐添德早有投順之事至羅其清冉文傳等果被官兵剿急或探聽王三槐信息希圖免死竟行投出亦未



可定著勒保惠齡等察看賊情一面仍鼓勵兵勇上緊進剿總以擒獲首犯為正辦設各首犯等有真心棄械自縛投誠者亦不妨酌量寬其一線予以生路亦可藉此解散餘黨稍省兵力然祇可帶兵大員數人存之於心密為酌辦不但不可令兵弁等聞知即將領等亦不可稍有宣露以致心生懈弛此為至要十五日

公借惠齡恆瑞額爾登保奏言臣等自攻得雙柏樹仰天臣 亞後已逼近箕山賊巢臣 德楞泰督率賽冲阿温春阿穆勒塔等帶兵由山左尖山一路進攻臣 恆瑞督率副將德忠凝德佐領祿成等從山右斷山一路進攻臣 惠齡督率

德楞泰奏言

奏

總兵李紹祖副將關聯世穆克登布馬國銳等從板廟子一路正面直上均於四更發兵臣 德楞泰抵小箕山天甫黎明賊匪竟敢聚眾迎拒官兵槍箭齊發斃賊二百餘人遊擊趙永城吉林防禦倭新保雲騎尉烏勒興額奮勇突入賊卡木柵拋擲火彈將賊人柵卡延燒烟焰四起賊匪拚命相持趙永成等三員均中槍陣亡黑龍江副總管福僧額委防禦福勒登守備何化龍五寨土副將銜坤朋均經受傷我兵人人忿憾一擁前進砍殺五百餘人生擒一百餘人詢係冉文儔龍紹周等股賊匪當即督兵攻破箕山卡柵維時臣 恆瑞帶兵從右手一路將高均德阮正

澧唐大信等賊寨攻破殺賊四百餘人亦即搶上山梁其箕山正面賊匪聚有木卡三層路徑逼仄我兵正在仰攻時臣 惠齡業將賊匪頭卡二卡攻破帶兵趕到相度情形一面搶撲一面密派官兵從木柵之旁攀援而上連擲火彈將賊柵燒然賊匪見箕山左右俱經火發而木柵內又復延燒紛紛潰散官兵奮力連破木柵而進斃賊七百餘人其箕山之後二十餘里尚有賊卡林立臣 等乘勢掩擊又斃賊男婦約千餘人追至賊卡賊匪業經先竄盡力窮追又斃賊三百餘人生擒焦應南等三百八十一名訊據該犯等供稱箕山係羅其清大股賊匪占據其餘各股賊

德楞泰奏言

奏

匪本在山之左右屯劄官兵攻破箕山各股賊匪均已分路逃竄羅其清見箕山左右火起即帶人由樹林內逃竄前去等語當將該犯等概行正法臣 等仍即分兵趕擊適臣 額爾登保先自廣元蒼溪一帶剿辦高均德黨與及李全一股竄匪連日於闔中儀隴邊界殺賊六百餘人黑龍江委防禦固哲德依中槍陣亡行至罐子場探得張公橋一路又有賊匪橫出初疑李全等折回希圖截我後路當即分兵從罐子場截剿臣 額爾登保親帶官兵由張公橋迎擊賊匪正在下山我兵分頭截其首尾賊匪無路可逃綸布春格布舍楊遇春等率領馬步官兵馳突衝殺斃賊



五百餘人滾跌死者不計其數生擒劉朝佐等一百二十餘人並擒騎馬賊目一名甚形兇悍詢係張漢潮之子張正澹於上年與張漢潮分股同王廷詔阮正澹來至箕山依附羅其清此股賊匪即係該犯所領共有一千餘人額爾登保因此股賊匪除殲擒外潰散無幾遂令該處鄉勇搜拏仍即率兵從二道河高粱寺等處追剿李全等賊匪於王老山一帶斃賊二百餘人與惠齡等先後會合隨即連夜分頭兜剿臣惠齡額爾登保帶兵抄向西北一路臣恆瑞德楞泰帶兵抄向東北一路迎頭截殺賊匪竄上太鵬山寨屯踞坡下四面尚有餘匪攢集我兵分路剿殺斃賊一千二百餘人生擒康現鳳等三十四人臣等查看太鵬山寨寬廣一百餘里半屬懸巖本係團勇結寨之所因逼近箕山久經遷避而山上有大廟一所係川北居民香火寺頗有積貯不能遽離此番賊至始各奔逃當有僧人靜修赴營詢稱寺內有糧食七百餘石並民人寄存亦有四千餘石山上水泉堰塘甚多並嚴訊活賊康現鳳等僉供羅其清王廷詔李全等俱已上山其餘冉文儔高均德阮正澹龍紹周樊人傑徐添德馬朝禮等聞打破箕山時均已分竄等語當將該犯等正法臣等伏查各股賊匪俱倚恃羅其清以為聲援今羅其清又復屯劄此山未

德壯果公年譜卷九

三

即擒獲實堪憤憾自應併力先將羅其清剿辦

諭曰此次惠齡等分兵進擊殺賊多名並將張漢潮之子張正澹擊獲差強人意但既經攻破賊巢不能設法堵截又任首逆竄入太鵬山據險屯聚仍屬無能不足為功所有陣亡之遊擊趙永成等俱著咨部加等議卹現在額爾登保已與惠齡等會合正當乘賊匪潰敗窮蹙之時迅速殲除儻因得有勝仗即心存懈緩又復因循貽誤則是伊等甘蹈重譴欲再留前贖之地不可得矣再閱張正澹供詞年已五十七歲則該犯之父張漢潮總在七十以外年已衰老惠齡等若能乘勝進取業將羅其清張漢潮擊獲固屬甚善儻尙未就獲張正澹現經留禁在營張漢潮豈不顧念伊子或即令張正澹誘致伊父出投使此股賊匪先行肅清亦是一法其羅其清冉文儔等若能一併招出省我兵力則多得一名賊首大功早一日告蕝更為事半功倍但軍營帶兵大臣不可專恃此策稍存懈弛仍當以帶兵進攻擒擊首逆為正辦也

德壯果公年譜卷九

三



德壯果公年譜卷十

次孫花沙納恭纂

嘉慶三年戊午

十月二十九日

公偕惠齡恆瑞富成額爾登保奏言臣等前將箕山賊巢攻破分路兜剿羅其清率眾竄上太鵬山寨屯踞因恐各股賊匪分路潰逃闖入陝境當即公同商酌臣恆瑞酌帶官兵前赴富羌一帶會同堵截正在啟行之際聞有賊匪數千人在營山九嶺子方家廟一帶滋擾運道並有窺伺營山縣城之意查陝界現有督撫提鎮嚴防臣恆瑞際此

德壯果公年譜卷十

賊勢鳴張未敢拘泥原奏率行前往當即會同飛咨該督撫外一面派令副都統銜阿穆勒塔副將汪啟帶兵二千名前往營山截剿臣等會剿羅其清大股以冀及早殲除但查太鵬山險陡異常向係民人紮寨木柵石牆極為堅固且西北一帶又有觀紫山龍臺山馬山溪三層山梁均有賊人紮卡把守東南一帶又有鄭家山梁遮蔽中隔溝溝為寶珠寺山其東北雙山子等處亦極高峻各有賊卡多設礮石嚴防臣等再四熟商必須將四面各賊卡攻克方能進逼賊巢當即分路進剿臣惠齡額爾登保由西北一面進兵臣恆瑞德楞泰由東南進兵同時並發臣額爾登

保督同綸布春阿哈保格布舍揚遇春等帶兵由觀音坪直進賊先已占踞驕頂山煙墩山等處紮卡據守我兵攻打數次殺賊二百餘人該匪等施放槍石從上壓下我兵槍箭並發連斃賊匪三百餘人詎賊匪詭詐異常由林內突出數百人繞在我兵之後當有吉林委署參領巴彥保委官額勒京額恆泰等翻身迎殺手刃賊匪十餘人巴彥保等三人中槍陣亡千總馬文貞土守備銜桑吉均經受傷適臣惠齡帶領總兵朱射斗副將關聯陞副將銜穆克登布參領佛甯等由獠牙寨過深溝上滴水崖搶占西面龍臺山賊卡殺賊五百餘人從旁抄襲前來始將賊匪截

德壯果公年譜卷十

住臣等兩路併力剿殺兩晝夜由洞庭觀周家嶺將馬山溪及觀紫山兩處賊人大卡攻克殺賊七百餘人復將林內各賊擊退殺斃三百餘人賊眾均向太鵬寨北門竄去維時臣德楞泰督率賽冲阿溫春達三泰副將德甯扎勒杭阿等帶兵從東南硝水溪搶占馬鬃磯攻奪賊卡三處賊人撲壓數次抵死抗拒富有吉林委官誇德恩特和默蒙果勒首先跳入卡牆連拋火彈立將賊棚焚燒賊眾慌亂委官富昌阿乘勢砍開木柵我兵一擁而進槍箭並施殲賊三百餘人誇德恩特和默蒙果勒富昌阿俱中槍石陣亡黑龍江防禦富楚那吉林委官八十六沙爾呼五十



五舒隆阿均受石矛各傷官兵人人憤恨遂由溜草坡過鄭家山梁並尖山子兩路奮力掩殺殲斃殆盡臣德楞泰遂攻克寶珠寺大卡一座搶占該處山梁臣恆瑞督率總兵觀祥副將德忠佐領佛爾爾額祿成等帶兵由東北王家河一帶遶到小鵬寨徑搶雙山子賊卡正在攻撲之際適臣富成由天池子帶兵前來兩路夾擊當將青山子賊卡打破次日乘勝進占雙山子賊卡殲斃賊匪四百餘人餘俱竄逸統計四路官兵搶占賊卡八座殺賊二千餘人生擒劉士序等二百餘人當提嚴訊據供羅其清現住太鵬山寨寺內積有糧食甚多山寨四門俱極險陡羅其清分令夥黨死守聞有王廷詔李全亦在寨內羅其清由箕山逃竄時乘夜令伊弟羅五同頭目蘇應品魏官各帶領三千餘人先往營山搶城劫糧又令伊堂弟羅八頭目苟倖如黎兆濛帶一千餘人前往渠縣一帶堵截運道又令頭目蘇應從魏中孚帶二千餘人分往儀隴巴州一帶劫奪軍火糧餉聞得羅其清說能斷官兵糧草使內外受敵自然不能久駐等語餘無要供當卽概行正法查羅其清恃眾負隅狡詐百出亟應趕緊圍攻正在設法進剿據各路探報馬鞍場柳埡場等處有賊匪二千餘人往來遊奕阻截巴州儀隴運道新寺場王家寨一帶亦有賊匪三千

德壯果公年譜卷十

三

餘人截斷營山來路李家場老林場亦有千餘賊匪滋擾渠縣糧道各路不通臣等萬分焦灼自應亟與疏通庶不受賊匪牽綴除營山一路已有阿穆勒塔勦辦外臣恆瑞額爾登保卽抽帶官兵前往儀隴巴州一帶疏通運道勦滅一處再赴渠縣帶兵趕緊勦辦以冀次第肅清併力會勦羅其清大股臣惠齡在太鵬寨西北觀紫山一帶山梁臣富成在東路青山子山梁臣德楞泰在東南寶珠寺一帶山梁扼要兜圍雖兵力尙覺不敷惟有殫竭血誠設法趕緊攻勦斷不敢以山險賊眾稍失機宜諭曰現在賊首俱竄聚一處惠齡等惟當奮力進擊將羅其清等各賊首速行擒獲而額爾登保德楞泰等久歷戎行較爲熟習尤應同心併力乘勢會勦肅清運道以期稍贖前愆其殺賊陣亡之吉林委署參領巴彥保等俱著咨部加等議卹

德壯果公年譜卷十

四

十一月初八日

諭曰竹谿等處賊匪係由箕山竄往總因惠齡等不能將首逆速擒致各股餘匪復又乘虛奔突而恆瑞明亮等帶兵分投追勦亦不能設法繞截任其來往自如無能已極俱著傳旨嚴行申飭現在陝楚邊境均已派兵防堵若再不趁賊匪窮竄之時併力截擊速擒賊首又任蔓延滋擾伊等自思當得何罪現已十月中旬朕盼望捷音日深日切而各路勦辦賊匪迄未肅清一



股似此輾轉遷延儻再不知愧懼同心合力於年內依限辦竣則是天良漸盡罪不可逭各宜慎慎勿仍前世也

十四日

公偕惠齡恆瑞富成額爾登保奏言竊臣惠齡等前將罐子山等八處賊卡攻克因羅其清分遣夥黨於營渠巴儀一帶希冀斷我糧運臣恆瑞額爾登保當即帶兵前往儀巴等處截剿先於王家寨遇賊我兵奮力進擊殲賊多人乃另有一股從王家寨山後潛來抄在官兵之後臣額爾登保督率迎剿斃賊二百餘人遊擊靳文銓馳馬衝入賊中連射數賊中槍陣亡嗣又率兵於羅家壩抄擊賊匪正在擄掠一見官兵四路奔逃適臣恆瑞於羅家壩之左擊賊前來併力夾擊賊之滾崖跌斃及殲殺者三百餘人遂酌留官兵一面搜剿餘孽並於要隘處所堵截其糧石軍火甫得於儀隴營山兩處運到以資接濟臣恆瑞額爾登保仍即帶兵回至罐子山與臣惠齡等公同籌酌查羅其清等竊據太鵬寨恃險負隅又復分出賊眾滋擾內外勾連狡詭已極若不將太鵬寨攻克速獲羅其清餘匪出沒無常轉致被其牽綴察着太鵬寨共有四門均築木城外有石牆牆外山路陡窄仰攻不易惟南門一面鯉魚背地勢稍寬其西門一面向為賊人出入之徑有河一道俱係

德莊果公年譜卷十

五

涉淺而渡先經臣惠齡派委縣丞張世維築壩蓄水現已深至丈餘可遏賊人竄路自應先攻南門其各門亦即分布官兵牽綴賊勢臣額爾登保德楞泰督同綸布春阿哈保賽沖阿溫春達三泰德甯等帶兵進撲南門臣惠齡恆瑞富成帶兵分赴東西北三面互相聲援臣惠齡督率總兵李紹祖副將關聯陞副將銜穆克登布等帶領官兵從罐子山下溝繞道前進行抵河邊見對河有賊三四百人阻截渡口當用大礮轟擊斃賊一百餘人賊匪驚潰即派穆克登布帶兵從壩上過河追擊又殺斃一百餘人並派關聯陞帶兵在該處埋伏以便遇賊掩擊臣富成由青山子一路率同總兵觀祥副將扎勒杭阿參將郭承緒等帶領兵勇攻勦東門該匪等竟敢分股前來抵死抗拒郭承緒及藍翎長富德守備馬昌傑均經受傷官兵人人切齒刀砍矛戳斃賊二百餘人餘俱竄回寨內臣恆瑞督率總兵朱射斗副將德忠等帶兵攻打北門當將北門外一帶賊棚焚燒殺賊一百餘人賊匪俱入寨門抵死拒守時臣額爾登保德楞泰帶兵由寶珠寺山梁躡路前進甫抵鯉魚背距賊寨南門不遠僅有陡路一線依山為門上又疊石砌蓋臣等督兵一齊進發寨內賊匪率眾放槍抵拒官兵鼓勇向前亦用槍礮轟擊當有吉林委參領扎克丹保

德莊果公年譜卷十

六

兵鼓勇向前亦用槍礮轟擊當有吉林委參領扎克丹保



委官科卜通武首先馳擊箭斃賊匪二名賊人羣聚用矛  
撲拒該參領等直前手刃賊匪四名賊人復從寨上用槍  
打下科卜通武中槍陣亡扎克丹保亦受槍傷兵勇憤恨  
競進立將該卡草棚焚燒殺賊三百餘名生擒易大輝等  
二十一名餘賊向寨退奔我兵趕追前進又殺賊二百餘  
名該匪即將寨門緊閉尙餘賊二百餘人不能入寨關聯  
陞伏兵忽起截殺將各賊殲盡賊匪在寨用槍礮下擊我  
兵直逼寨門都司馬應國李東山帶領兵勇等連拋火彈  
數次賊人用水澆熄千總汪濤張應貴又用鐵撬拆其寨  
門被賊匪矢石飛擊千總會壽屯守備阿庫魯均受有傷

德壯果公年譜卷十

七

我兵仍用大礮轟打兩日夜寨樓均各損壞賊匪堅守卡  
門其被礮打斃者亦約有二百餘名當提易大輝等嚴訊  
據供羅其清因太鵬山寨險峻有現成石牆木柵派人日  
日添修堅固四門均安大礮一位各設插石防守聽說此  
寨勝於箕山官兵一時斷不能攻破儻攻打緊急西門一  
路有河阻隔即可乘隙逃竄等語餘無要供當卽概行正  
法等恐羅其清情急奔逃或由西門竄逸自應於河邊  
分擊營卡以防偷渡當將雙山子各兵挪撤卽於河邊安  
卡臣富成所紮青山子營盤移至雙山子一帶駐紮設羅  
其清連夜逃遁則既可帶兵掩擊且有河邊各卡盡可截

擒設該匪仍然拒守卽於西門一面併力進攻察探賊情  
公然恃眾據險並遣夥匪五百餘人潛至河邊樹林以爲  
埋伏拒守之計臣等復卽分兵三路進撲西門臣德楞泰  
仍帶兵攻打南門臣恆瑞富成俱於東北兩路率兵牽綴  
臣惠齡督兵從正路前進臣額爾登保帶兵由左手抄上  
並令綸布春阿哈保等從右手潛上先將樹林埋伏賊匪  
殲殺淨盡臣惠齡帶兵搶上三節梁見有賊卡當卽鼓勵  
將士奮力攻撲賊匪攢集三四百人迎拒當有參將增德  
帶兵同外委張占鼇楊如彪拋擲火彈卽將賊棚焚燒賊  
匪慌亂適臣額爾登保帶兵由左手抄上合兵掩殺斃賊

德壯果公年譜卷十

八

二百餘人生擒熊一亨等十四人乘勢直逼西門詎賊匪  
施放滾木插石抵拒益力增德張占鼇俱中槍陣亡楊如  
彪受傷我兵連撲十餘次又斃賊三百餘人因自下仰攻  
未能得手隨將三節梁占住紮營時臣德楞泰進攻南門  
殺賊二百餘人亦將鯉魚背山包搶占安設營卡直逼寨  
門已與西面三節梁聲勢聯絡臣等此次疊經攻剿未能  
搗破賊巢擒擊首逆實屬愧恨焦急惟現已進逼寨門斷  
其樵採之道臣等再行策勵兵勇趕緊相機剿辦一俟兵  
力可分臣恆瑞卽帶兵馳往甯羌一帶堵剿  
諭曰惠齡等在川北剿賊爲日已久此次既將太鵬寨四面圍



乃僅殺賊二千餘名仍未擒獲首逆猶以賊匪恃險抗拒仰攻不能得力為辭藉以掩飾遲延之咎實屬無能著再傳旨嚴行申飭現在官兵進逼賊寨斷其樵採之路賊勢已極窮蹙惠齡等若不乘此時奮力進攻將羅其清等速行拏獲復任餘匪分竄滋擾伊等自思當得何罪所有殺賊陣亡之參將增德遊擊靳文銓外委張占鼈委官科布通武俱著咨部加等議卹

二十日

公偕惠齡恆瑞富成額爾登保奏言臣等前將運道疏通後合兵圍剿大鵬山寨當已逐層進逼連夜分路進攻疊次殺賊一千餘人該匪等捨命抗拒憑高施放槍石我兵

德壯果公年譜卷十

九

自下仰攻且道路均被挖斷未能得手而該匪等狡詐百出其滋擾運道賊匪於十一月初二三兩夜連撲山東貴州官兵營卡希冀送糧入寨俱經臣等督兵擊退斬獲頗多詎初五日復從溝底潛來直撲廣西官兵營卡而寨上賊匪亦率眾下山接應竟有內應外合之勢經臣額爾登保帶兵從西面截殺臣德楞泰帶兵從南面截殺當將外來賊匪擊退殺斃三百餘人拋棄器械米麩甚多臣惠齡帶兵接剿寨內接應之賊殺斃一百餘人賊匪不能會合均各折竄臣等查賊寨四門坡礮陡險屢次仰攻徒傷兵力正可趁賊匪圖竄之機暗籌截剿竊料內外賊匪黑夜

偷營是其長技當飭各營卡預為防範並分遣官兵四圍埋伏俟外賊撲營即行迎殺設內賊出寨我兵即乘勢搶撲寨門以為掃犁之計初七日傍晚大雨如注三鼓時有外來賊匪四五百人從北面直撲總兵朱射斗營卡我兵早有準備當即施放槍礮賊匪抗拒不退寨上賊匪從東門偷出約四千餘人衝下山坡前往接應時臣德楞泰督同賽沖阿溫春阿穆勒塔德甯馬瑜等帶兵潛至賊寨南門四布雲梯從小路迤邐而上奮力搶撲該匪等猝不及防我兵拋擲火彈該匪守門者驚潰當將南門打破官兵一擁而入時火彈延燒賊人草棚茅屋頃刻煙焰衝突賊

德壯果公年譜卷十

十

匪慌亂官兵刀砍矛戳斃賊匪及滾崖者二千餘人寨內遺存馬騾帳房甚多首先入寨者有遊擊李應貴都司馬應國千總吳宗明均極奮勇吳宗明身受矛傷陣亡臣惠齡額爾登保督率綸布春阿哈保楊遇春關聯陞穆克登布等帶兵襲破西門賊人擲石放槍抵死抗拒我兵槍箭並發斃賊四百餘人賊人潰散我兵從後掩殺又斃賊三百餘人臣惠齡額爾登保德楞泰分路剿捕又斃賊二千餘人其滾崖落礮者又有五六百人至東北兩門經臣恆瑞富成分投督兵截剿均各殲斃二三百人前來會合當將大鵬山寨剿洗無遺計此次攻克賊寨殺賊男婦五



千餘人生擒鄧朝陽等四百餘人奪獲騾馬四百餘匹賊礮十四位鳥槍一百三十一桿米麩鍋帳無數當提鄧朝陽等研訊據供羅其清被困情急久欲逃竄原候外面夥匪接應今夜二更時羅其清令我等把守四門他帶頭目苟彬等四千餘人說要乘雨衝撲官兵營卡先從東門下寨後來聞得槍礮之聲想是外面救應前來不防官兵就來攻破寨子羅其清父親羅從國把守西門我等見伊已破官兵打死餘無要供當將該匪等概行正法臣等一面酌留官兵搜除餘匪隨即帶兵下寨截殺竄匪時已黎明經朱射斗帶領官兵兩面夾攻該匪等竄伏溝底者尚有

德壯果公年譜卷十

五

七八百人悉行殲戮生擒楊正富等男婦三百餘人訊據供稱羅其清於二鼓時帶我等四千餘人下寨伏於坡側後聞官兵營裏施放槍礮知是外面夥匪劫營羅其清派頭目苟彬帶我等八百人前去接應他帶三千餘人由東北溝內小道逃去苟彬現被拏獲等語隨提苟彬嚴訊該犯帶傷甚重不能言語當即鬻割並將楊正富等即行正法臣等查羅其清尚有餘黨數千屯踞青觀山一帶自必前往合併爲苟延殘喘之計臣額爾登保德楞泰當即帶同賽沖阿阿哈保温春綸布春帶兵分路躡蹤追剿至七十餘里見有賊匪五六百人冒雨狂奔當即截殺三百餘

人賊匪捨命紛逃臣等會同商議自應趁賊匪窮蹙乘此雨夜趕緊進剿不使稍暇一面躡探蹤跡一面分帶官兵前往掩捕務期迅擒元惡掃蕩餘氛至臣恆瑞原擬帶兵二千餘名赴陝今臣惠齡又將固原兵一千餘名交鎮臣觀祥帶往隨臣惠齡會同宜縣秦承恩截剿北竄賊匪臣富成前因攻剿太鵬寨賊巢正在吃緊是以留此協攻今太鵬寨已破臣亦即帶兵前往大竹一帶剿辦徐添德一股臣惠齡額爾登保德楞泰剿滅此股賊匪探係何路緊要即往何路剿辦以期逐股殲除再昨接勒保來咨飭調總兵達三泰前赴川東軍營已經轉飭前往

德壯果公年譜卷十

五

論曰惠齡等在川北剿賊爲日已久此次冒雨進攻將太鵬山賊寨攻克並槍斃羅其清之父羅從國殲戮多名所辦差強人意但首逆羅其清仍任其乘間脫逃未能即時擒獲不足爲功現在羅其清黨與剿除大半勢已十分窮蹙惠齡等若能趁賊匪潰敗之餘奮力兜擊速擒首逆辦完此股再將他股以次肅清尚可將功折罪其陣亡之千總吳宗明著咨部加等議卹

十二月初二日

公偕惠齡額爾登保奏言臣等前將賊匪羅其清所據之大鵬寨攻克該匪分作三四股乘隙逃竄臣等分路兜剿東追西擊至雙山子地方賊匪各股會集卽在山梁抵拒



綸布春阿哈保賽沖阿阿穆勒塔温春李紹祖德甯楊遇春穆克登布等各帶兵勇槍上山梁殺賊約五百餘人賊匪潰散四竄我兵兜剿兩晝夜因賊匪散漫山路叢雜隨覓土人查詢道路是夜四鼓仍即帶兵緊剿又追殺一日隨處俱有殲擒行抵距雙山子百餘里之青觀山本有羅其清前遣夥匪數千名在彼屯踞羅其清被剿情急連夜竄上青觀山其賊眾分占山梁三處周圍約有四十餘里臣等是夜於附近分紮營卡該匪等竟敢前來搶撲疊經擊退臣惠齡額爾登保帶兵攻其前臣德楞泰帶兵扼其後均於五更進擊臣額爾登保鼓勵將士當將飯瓢梁賊

德壯果公年譜卷十

七

卡打破殺賊四百餘人進逼賊巢臣惠齡帶兵攻克太公石賊卡殺賊三百餘人臣德楞泰帶兵分搶老竹山洞坪寨賊卡均經奮力搶占殺賊五百餘人即合兵一處攻撲賊巢因山勢過陡我兵俱係仰攻賊匪槍礮插石俱下並敢集眾出寨抗拒把總胡勝賢外委楊泰俱受礮傷陣亡臣參將劉邦直千總周學光把總馬濟勝均經受傷我兵竭力搶撲當殲賊匪三百餘人臣德楞泰一路官兵搶近青觀山右手山梁拋擲火彈當將草棚焚燒並即砍破木城賊匪尚敢捨死抗拒官兵刀砍矛戳殲斃四百餘人始將右手山梁占踞即帶兵抄來臣惠齡額爾登保督兵由前

路槍上將至山頂猝有賊匪四五百人從上下壓當即分派官兵將賊截斷追至坡下槍箭所斃及滾崖跌死者共四百餘人乘勢將賊寨打破時總兵朱射斗同參領佛甯攻賊左面山梁賊擲石放槍拒守甚力都司常祿守備劉秉揚何化龍把總史可選俱受槍傷官兵奮勇衝殺斃賊三百餘人時已深夜臣等分投剿殺悉將賊寨焚燒青觀山賊巢全行攻克生擒吳士雄等二百餘人據供羅其清見官兵破寨留人抵禦即乘夜率眾潰逃等語臣等一面分兵攔截並令官兵搜捕殺賊男婦八百餘名獲有賊礮槍矛等件探得羅其清潰逃之後又作數股分竄隨會同

德壯果公年譜卷十

四

商議臣德楞泰督兵從東面抄擊並令朱射斗帶兵由西路兜截臣惠齡額爾登保督兵由中路追剿仍派兵勇各處搜捕並彼此策應三路抄殺約斃賊匪七百餘名先後生擒及巖洞搜出竄散賊匪共四百五十七名口內訊出頭目苟文如魏應聘二名並係久經打仗之賊俱凌遲正法外其餘男婦三百五十一名訊係逼脅隨從在賊營未久當即曉諭概行釋放令其各歸本處臣等現仍分路截剿查賊眾俱在巴州地界羅其清亡命狂奔並無一定處所但屢次圍截既不使片刻停留而又將其逼脅竄散之人予以釋放則其黨與聞風自必陸續解散該逆勢孤力



竭諒難久延殘喘

諭曰此次惠齡等雖將青觀山賊巢攻克而首逆仍任奔竄迄未就獲且額爾登保德楞泰兩路俱稱殺賊四百餘人而惠齡與德楞泰前後又稱各殺賊三百餘人數目相同顯係所殺賊匪不過三四百名而各路彼此影射重複虛報若果如所奏節次所殺之賊為數不少賊匪早應殲盡何得尚有如許之多此等

十六日

公偕惠齡額爾登保奏言查羅其清為川中著名首逆各

德壯果公年譜卷十

去

匪藉為警援前經臣等疊次痛勦由青觀山奔竄尚有一萬四五百人忽分忽合希圖牽綴官兵十一月二十六日賊匪竄至官山等當分兵兩路惠齡額爾登保率領阿哈保綸布春李紹祖豐紳格布舍三布飛噶達龍德明泰敷森額達斯呼爾岱楊遇春穆克登布關聯世等帶領兵勇由右山梁搶撲臣德楞泰督領賽沖阿阿穆勒塔温春達勒精阿阿納保默爾歡保僧多保色爾滾穆騰額扎勒杭阿達自祥李應貴閔懷希劉維馨屯副將銜阿噶昆明屯參將銜耶卡耳結等由左山梁搶上槍箭並施斃賊五百餘人二十七日逼至巴河賊匪息水而過官兵乘勢擊

殺賊之淹斃并被殲戮者甚多賊又竄上南北山等督

兵連夜渡河前進於黑暗中與賊攪殺黑龍江委防禦舍

通阿吉林委官色楞保中槍陣亡二十八日相持一日賊

匪力不能支二十九日竄至老鴉城屯踞臣惠齡額爾登

保督兵由麻布石三官堂梅子灘兜擊臣德楞泰帶兵由

關子嶺麻石口進攻查麻石口有通老鴉城岔道恐賊匪

由此奔逃復派總兵朱射斗副將許文謨參領佛甯參將

李錫命遊擊喜明都司楊森等帶兵分投防堵臣等督令

官兵盡力攻擊殺賊一千餘人該匪由柘口河土門一帶

逃逸臣惠齡額爾登保緊躡賊蹤臣德楞泰由雙山子土

德壯果公年譜卷十

去

地堡抄襲三十日未刻賊匪正在邱家堡擄糧炊飯適官兵兩路趕至前後合擊朱射斗等帶兵亦已前來當斃賊匪八百餘人賊匪倉惶而遁竄上虛空寨擲石放槍抗我頭行官兵仍分路搶撲復用大礮轟擊賊之死者不計其數該匪捨命滾崖四竄臣等趕緊掩擊屍橫徧地而未得羅其清下落中心焦急十二月初一日趕至白垆子地方拏獲活賊訊知羅其清弟兄帶二千餘人在蔡家梁下溝藏匿隨派賽沖阿德甯李錫命馬瑜喜明蒲尙佐等帶領兵勇先於溝之南北堵截臣惠齡額爾登保德楞泰立時督兵趕至從蔡家梁兩面下壓官兵恨賊已極知羅其清



逼在溝內無不奮勇爭先追殺一日夜之久於初二日將賊眾殲洗無遺羅其清等數百人潛匿濠子灘洞中遊擊喜明馬瑜守備馬萬年楊芳等由手爬崖進洞搜捕餘匪衝出悉被官兵斬戮羅其清尙敢持刀抵敵守備馬萬年受傷眾兵憤激欲將該匪鬻割羅其清急欲自刎副將德甯等大聲曉諭兵丁不得亂殺令將羅其清所持之刀奪獲及伊堂弟羅其秀伊子羅泳福一併生擒其胞弟羅其書衝出投河被四川兵安連陞周文炳趕擒用矛戳傷其足捆送前來伏查羅其清在川北一帶聚眾起事到處焚掠至二年之久罪惡貫盈羅其書即羅老五賊稱為二元帥曾在營山一帶阻截糧道與羅其清朋比作奸亦屬兇悍異常等分路兜剿七晝夜滿漢屯土兵勇無不出力今仰仗

聖主威福將該首逆父子兄弟臨陣生擒實足以快人心而申國憲統計此次殺賊共五千餘人生擒魏中孚等一千餘人首逆羅其清及其胞弟羅其書另行委員押解赴京其餘概行正法內有訊明實係被脅之李士得等二百一十一名均經釋放至該處山路紛錯恐尙有逃竄餘孽一面交地方官率領團勇分行搜捕淨盡現查賊匪冉文儔在通江之麻壩寨屯踞等已派令朱射斗馳往竹峪關會同德

齡帶兵先杜其入陝之路等剋日整兵前往剿辦想冉文儔聞羅其清業已生擒自必膽落等俟辦此股後探係何路緊要再辦何股以期次第掃除所有疊次打仗受傷官員開單呈

覽其傷亡兵勇查明咨部辦理

諭曰惠齡等奏生擒首逆羅其清等痛殲賊眾覽奏稍慰惠齡等統領吉林黑龍江勁旅剿辦此股賊匪任其輾轉奔逃久稽時日至至此時始將羅其清等擒獲原屬有過無功但念各路帶兵大臣老師糜餉無毫末之功足紀今惠齡等尙能愧奮自勵擒獲賊首較之勒保明亮等差強人意惠齡額爾登保德楞泰

德壯果公年譜卷十

六

俱著賞戴花翎以示鼓勵現在軍聲已振即當激勵將士乘勝直前進剿冉文儔一股冉文儔當潰敗之餘聞知羅其清業已生擒自更喪膽官兵到後無難一鼓成擒惠齡等不可不勗勉成功力圖自贖也羅其清羅其書二犯著即派委委員迅速解京不得稍有疎虞所有打仗陣亡之黑龍江委防禦舍通阿等著咨部加等議卹

恭錄

聖製詩

惠齡等奏生擒川北首逆羅其清報至詩以誌慰  
強兵雄將四三千剿逆鋤兇逮二年川省教匪不過內地奸民並無長技上年秋間會簡



發吉林黑龍江精兵三千名益以所帶餘丁不下四千名此項官兵最為驍健一以當百加之該省原調之兵又不下數萬名以之剿捕內地匪徒理應即時殲淨乃自簡發精兵以後迄今幾及二年尚未肅事此則帶兵大員等辦理不善所致咎無可辭也惟事尾追致留滯屢行飭督戒俄延其清今日報擒逆

爾登保德楞泰奏川北逆首羅其清經官兵痛剿後帶有二千餘人在蔡家梁下溝藏匿惠齡等先派兵勇於溝之南北堵截隨親督弁兵於蔡家梁兩面下壓其溝內藏匿之賊殲洗無遺遂將首逆羅其清及伊弟羅其書羅其秀伊子羅永福一併生擒於嘉平十六日喜音馳

川北斯平靖燹煙名首逆且各股賊匪倚恃聲援實屬可惡此次惠齡分路兜剿七晝夜殺賊五千餘人將羅其清父子兄弟悉數生擒並擒獲賊夥一千餘人軍聲大振各路賊匪自己聞風膽落惠齡等現帶兵前赴通江剿辦冉文傳一股賊匪此股剿淨川北即可肅清

督以蠶株要全淨旁枝剔去繼根牽

恭錄

德壯果公年譜卷十

九

御製詩

望信

川北已擒逆亟應掃眾邪川北逆首最著者羅其清冉文傳他實可惡今據奏報羅其清業已擒獲賊勢聞風膽落大兵併力專攻更當續有擒獲掃蕩成功且夕疑盼捷音真無刻稍釋耳

天恩祈疊降

帝澤沐頰加餘孽一隅伏雄師四面遮初韶聞喜信露布定三巴

二十二日

公偕惠齡額爾登保奏言連日據阿哈保温春帶兵於蔡家山溝內拏獲蘇文遠黨人傑八十餘人又據賽冲阿等帶兵分路搜捕及各鄉勇先後拏送賊匪約共二百餘人

巴州附近百餘里內均已搜剿無遺所獲賊匪內訊出魏冠儒係偽副元帥又蘇文遠沈士清苟文宰苟文相等係羅其清大頭目訊無要供均經凌遲處死其餘審明實係逆犯亦即正法又據鄉勇拏送夏達恩到營訊明係羅其清親表弟同習白蓮教謀逆起事附錄供詞呈

覽該犯罪應凌遲因據供冉文傳等俱係熟識隨將該犯暫禁軍營以便拏獲冉文傳等質認臣等帶領勝兵馳往通江之麻壩寨剿辦冉文傳一股賊匪本日行次鷹背地方接准勒保來咨以合州一帶賊匪滋蔓該處為重慶上游恐賊偷渡河西所關甚鉅令臣額爾登保帶兵前往相機剿捕

德壯果公年譜卷十

三

並令臣德楞泰酌分兵力等因臣等公同商議除臣額爾登保原帶兵一千餘名外臣德楞泰酌分給

乾清門副都統阿哈保所帶索倫兵六百餘名副將許文謨所帶廣東兵一千二百名併交帶往即取道達州前赴合州一帶剿辦臣惠齡德楞泰帶領現有之兵前赴通江之麻壩寨趕緊將冉文傳一股設法剿辦

諭曰惠齡等奏搜捕餘匪淨盡即移師剿辦冉文傳一股覽奏具悉羅其清為著名首逆既已生擒解京軍威已振惠齡等自應乘勝速赴通江攻剿冉文傳一股其搜捕餘匪審訊賊供等事有何緊要祇須酌留鎮將司道等員在彼儘可辦理乃惠齡轉



舍所急而事所緩延多日逗留不進今始移師往剿冉文儔又致與賊以暇任其滋擾殊失機宜惠齡等仍著傳旨嚴行申飭

四年己未

公五十五歲

正月初三日

公偕惠齡奏言冉文儔一股賊匪前自箕山敗竄逃至通江之麻壩寨附進一帶山梁全被占踞臣等帶領現有官兵趕向通江進發一路雪飛冰凍官兵踴躍前行馳抵通江之東會山梁察看麻壩寨地勢險峻周圍亦極寬廣前

德化果公年譜卷十

三

為牛石礮後為二郎廟南通梨樹坡北達木通垵均屬深溝峭壁其外九子坡黃包砦石坡山三角灘謝家坪亦係要隘處所該匪等均令匪黨編處紮卡把守而於馬鞍山坳盤寨大鐘寨等處築有木柵石牆扼我進兵道路且冉文儔狡詐異常乘夜劫營是其常技臣等當飭各營卡嚴行準備安置槍礮而於營之左右分派達勒精阿色爾滾帶領吉林索倫官兵埋伏賊匪果於是夜三更時涉淺渡河約有千餘人直撲官兵營盤我兵施放連環用礮轟擊斃賊約二三百人賊即潰散又經吉林索倫伏兵箭斃一百餘人餘匪竄回山梁我兵趕至茨巴河邊殲賊又有百

餘人次日黎明臣等即帶兵渡河乘勢進逼見坳盤寨一帶賊卡嚴密山腰設有木城勢難徑上當即設法躡探該寨後有山梁一道路甚巖削而樹木叢雜尚可攀援而上當派令溫春阿納保蘇清阿扎勒杭阿馬瑜馬應國等帶兵乘夜前往該處埋伏俟官兵攻打賊卡即行潛上臣等督率賽沖阿阿穆勒塔李紹祖德甯穆克登布李應貴等即於四更潛進時風雪交作該匪等猝不及防我兵搶上賊卡賊始驚覺仍擲石放槍抵拒維時溫春等已從賊寨後攀陟而上拋擲火彈立將草柵焚燒賊人慌亂臣等督兵奮勇進攻即將賊卡擊破一擁而入殲賊四百餘人生擒向世榮等據供冉文儔手下有萬餘人前聞官兵擊獲羅其清心甚畏懼恐官兵來剿預將各處卡子築設木城現在四面俱有寨子而大鐘寨坳盤寨馬鞍山尤為緊要遣令多人嚴加拒守此時擄得糧食甚多聞冉文儔說若守得住即在麻壩寨過年若守不住再行逃走至冉文儔逐日移動並無一定處所等語餘無要供概行正法臣等當即分為兩路臣德楞泰率同賽沖阿阿穆勒塔等進剿大鐘寨賊卡臣惠齡督率李紹祖關聯陞馬國銳穆克登布等帶兵進剿馬鞍山賊卡均於五鼓進發臣德楞泰帶兵行抵大鐘寨下見山梁陡險頗難仰攻當即督飭官兵

德化果公年譜卷十

三



由旁道而上齊抵寨門槍箭並發殲斃百餘人賊匪施放  
擲石捨命拒守黑龍江委防禦牛呢木保左乳受槍直上  
卡牆連拋火彈延燒賊棚並即砍開棚門手殺數人我兵  
奮勇競進刀槍併舉殲賊四百餘人餘眾驚潰我兵隨後  
掩擊生擒夏達誓等二十餘人當將大鐘寨占住時臣惠  
齡帶兵行至馬鞍山見賊卡之前有橫梁一道必須搶占  
方能進撲賊卡當即督飭官兵攀越而上施放槍箭賊匪  
極力抵禦臣復派令穆克登布帶兵由橫梁抄上從旁掩  
殺斃賊數十人賊匪潰亂我兵乘勢攻破卡門短刃相接  
殲賊三百餘人生擒苟潤等二十餘人餘匪悉向後山竄

德壯果公年譜卷十

三

逸當將馬鞍山搶占所有擒獲之夏達誓等訊無要供俱  
卽正法統計連次殺賊將及二千餘人現在麻壩寨四面  
賊卡林立而冉文傳詭詐百出並無一定賊巢臣等現有  
之兵不敷圍剿一面知會朱射斗由西北馬鞍寨一帶堵  
截一面逐層進逼以冀掃穴擒渠設該匪情急竄逃更當  
不遺餘力設法兜剿奏入是日

太上皇帝龍馭上賓奉

御批朕不孝遭

皇考大事五內昏亂祇要汝等各具天理良心迅速成功仰慰  
在天之靈朕亦不能多諭矣

十三日

公偕惠齡奏言冉文傳一股賊匪與羅其清同時起事實  
爲川北著名首逆臣等前次連奪賊卡逐層進逼於十二  
月二十二三四五等日將九子坡黃包袱石坡山三角灘  
各處要隘地方全行搶占隨於二十六七八等日復將麻  
壩寨附近之牛石礮二即廟梨樹坡木通壩各賊卡次第  
攻克漸逼賊巢總計殺賊二千餘人麻壩寨北面俱係懸  
崖峭壁無路可攀而東西南三面路徑險仄賊匪築有寨  
門其門外各設木城三層俱令夥匪多人拒守臣等分兵  
三路臣惠齡督率李紹祖關聯陞馬國銳穆克登布等帶

德壯果公年譜卷十

三

兵扼其西臣德楞泰督同賽沖阿溫春達勒精阿明德德  
甯扎勒杭阿馬瑜達自祥閱懷希等帶兵扼其東並令阿  
穆勒塔朱射斗阿納保遜多保色爾滾蘇清阿西凌阿佛  
甯帶兵在南面嚴圍三十日直逼寨下斷其樵汲之路因  
思時屆歲底賊諒官兵未必進剿恐其乘夜下寨潛爲砍  
柴偷水之計豫爲設伏乘機掩擊是夜三更後賊果分三  
股前來直撲官兵營盤另有一股賊匪約二百餘人潛往  
山溝汲水經理伏官兵突出將汲水賊人殲斃殆盡其三  
股撲營賊眾又經官兵槍擊箭射殺斃多人俱行潰散回  
寨臣等於元旦五更仍分三路進剿臣德楞泰帶兵攻撲



東門察看木城內茅棚甚多當有都司李東山外委董榮兵丁度貴拋擲火彈立將茅棚延燒賊人慌亂我兵即將木城打破一擁而進斃賊四百餘人餘賊潰竄董榮身受槍傷陣亡官兵乘勝掩殺又斃三百餘人槍上山岡惟時

臣惠齡帶兵直抵西門向上搶撲賊匪竟敢放槍擲石我兵奮勇異常當有遊擊段逢春外委蔣芳李大盈等砍開木城手刃數賊官兵同時並進短刃相接斃賊二百餘名段逢春等三人俱受傷陣亡我兵人人憤恨衝入賊巢與臣德楞泰一路官兵會合遙見火光中賊人傾巢而出分投抗拒正在奮力迎殺適朱射斗阿穆勒塔攻克南門帶

德楞泰公年譜卷十

三

兵抄截前來合兵掩擊槍箭所到無不紛紛立斃約殲賊三千餘人惟時賊中大小男婦哭聲震地赴火滾崖自相踐踏者不計其數忽見一賊手執大旗率領餘匪二千餘人捨命衝出勢甚兇悍經阿穆勒塔朱射斗等帶兵迎截臣等帶同賽冲阿温春李紹祖等從後兜殺斃賊八百餘人該匪等捨死相持四川守備何勝華受傷陣亡當有吉林甲兵德楞額川北鎮兵陳在朝李正瓏鄉勇首周應瓏等奮不顧身衝入賊隊立將執旗之賊用槍擊傷倒地即行擒縛餘匪登時潰亂官兵前後截殺斬獲殆盡臣等隨派官兵分投搜捕生擒冉文儔之子冉添受及苟文玉等

男婦一千餘人奪獲偽造旗幟大小一百六十三桿並將賊寨焚燬洗蕩共搜獲牛馬八百餘匹頭並米糧等物俱賞給出力兵勇槍礮刀矛四千餘件留營備用臣等當提執旗之賊研訊該匪身受重傷不能言語隨令留營逆犯夏達恩指認據稱即係冉文儔復提冉添受研訊據供伊父冉文儔現已被擒苟文玉等供亦相同惟該逆受傷甚重業將垂斃未便俾稽顯戮臣等當即傳集附近村民將冉文儔鬻割凌遲復將屍身剝揚軍民無不歡呼稱快但此股賊匪雖經掃穴擒渠猶恐黑夜中或有竄逸零星餘匪當飭地方官率領各寨團勇實力搜捕務使不留餘孽

德楞泰公年譜卷十

三

以靖川北地方現在臣等移此勝兵探明何路緊要即赴何路勦辦再此次十晝夜攻勦賊匪分外出力及受傷員弁分繕清單恭呈御覽

諭曰川北賊首冉文儔與羅其清同時起事到處焚掠擄害良民實屬罪大惡極羅其清前已生縛解京此次擒獲冉文儔掃蕩賊巢適當元日仰荷

上天垂眷

皇考默佑嘉慰之餘叩感不盡惠齡德楞泰殊為奮勉現已降旨分別加恩所有砍開木城手殺賊匪受傷陣亡之遊擊段逢春



外委蔣芳李大盈著咨部加倍恩卹打仗陣亡之守備何勝華  
外委董榮著咨部議卹至冉文儔首級著卹於該首逆滋擾地  
方每處傳示懸掛數日俾受害良民快心洩恨而不逞之徒亦  
共知儆惕再冉文儔之子冉添受擒獲後曾否正法摺內未經  
敘明如業經正法則已若已起解著於途次截回卽行凌遲梟  
示至惠齡等前次拏獲羅其清所有出力員弁於報便開單進  
呈候朕酌加恩賞此時兵威已振事機順利尤當鼓舞直前探  
明何路緊要卽向何路剿辦以次肅清餘孽綏靖地方近來各  
路領兵大員皆以專擒首逆爲事竟置餘匪於不問是以王三  
槐羅其清拏獲後餘黨仍四出焚掠未見廓清今首逆冉文儔

德壯果公年譜卷十

七

又經擒獲必當將各股竄匪一律剿盡方爲著有成效又聞各  
路剿賊名爲遠截其實畏賊遠避民間有賊至兵無影兵來賊  
沒蹤可憐兵與賊何日得相逢之謠又聞賊來不見官兵面賊  
去官兵纔出現二語此等積弊已非一日朕所深知嗣後各路  
帶兵大員務當痛加峻改實心實力奮勇立功迅速賊事不得  
仍蹈故轍致干重譴此一節著傳諭各路軍營一體敬遵

又

諭曰此次官兵進剿麻壩寨分路環攻殲賊多名生擒逆首冉文  
儔掃蕩巢穴甚爲奮勉可嘉惠齡德楞泰俱著加恩賞給頭等  
輕車都尉世職

其餘亦各  
陞賞有差

二十四日

公偕惠齡奏言臣等仰仗

天威於元日擒渠掃穴因探聞太平一帶尚有賊匪當卽帶兵起  
程行抵太平之王家壩接據署太平令鍾蟠雲稟稱正月  
初三四等日探聞樊人傑各匪在陝省西鄉長嶺梨壩一  
帶游奕川省太平地方現無賊蹤並聞宜縣恆瑞秦承恩  
王文雄關騰慶溥柯藩俱在邊界帶兵分投剿捕等語看  
來自易得手臣等相隔甚遠勢難兼顧且川東賊股甚多  
尤應就近移師相機剿辦適接勒保來札據稱徐添德王  
光祖張映祥包正洪冷添祿等分路四竄均在忠州萬縣

德壯果公年譜卷十

七

梁山墊江廣安大竹一帶地方遼闊賊股衆多囑令臣等  
帶兵竟赴梁山一路會合剿辦伏查陝界賊匪既有宜縣  
等多人在彼截剿諒可殲除現在川東情形甚屬緊要自  
當趕緊前往卽於十四日由達州一帶前赴梁山墊江等  
處合力剿辦

諭曰樊人傑等不過內地亂民宜縣等督撫提鎮多人不能擒獲  
一賊能無羞愧而惠齡等又以陝界賊匪已有宜縣等在彼截  
剿不復兼顧此等互相推諉惡習相沿日久竟屬牢不可破今  
惠齡等因接勒保札稱川東情形緊要卽就近移師梁山墊江  
等處剿捕自亦是一辦法但惠齡既至川東以後若又不能擒



獲徐添德冷添祿等則又將以何辭塞責耶朕素聞各處情形湖北則教匪多而脅從少川陝則教匪少而脅從多此等匪徒誅之不可勝誅除著名各首逆自當悉數殲擒斷難寬貸外其餘逼迫附和之眾若有臨陣投降悔罪乞命者不妨勦撫兼施以期解散賊黨前因惠齡等拏獲賊首羅其清冉文傳著有微勞疊經加恩豈竟全無良心不知激發且以各路軍營帶兵打仗而論眾人已不出力而惠齡在眾人中尤為最不出力之人惟專以擒一賊首希藉邀功卽有另股賊匪經過伊亦置之不顧此等情形朕知之甚悉今勒保已授為經略惠齡等俱受其節制所有徐添德冷添祿王光祖等各股竄匪應如何率領官兵相機截擊皆係惠齡分內之事儻遇有檄調或藉口稽遲或從中掣肘則是有心玩誤必當按律治罪懍之慎之

德壯果公年譜卷十

三

二月十七日

諭曰惠齡已知伊母身故之信不必再留軍營著卽回京守制此一路官兵卽著德楞泰統領並著勒保於將領內酌派一員幫同德楞泰勦辦

又

諭曰據惠齡等將生擒首逆羅其清出力各員開單具奏著照所請以示鼓勵

侍衛弁兵文職各員均陞賞有差

二十六日

勒保奏言徐添德冷添祿等股賊匪自經官兵於童家場觀音橋沙平關等處截勦之後該匪等情急狂奔均從墊江鄰水交界分起竄逸當經額爾登保帶兵一路由鄰水直趨長壽邊界繞出賊前德楞泰帶兵一路由墊江跟蹤追擊不予以暇詎賊匪行蹤狡詐因四面均有官兵卽乘間竄入涪州境內該處有鶴遊坪地方為難民紮寨處所人戶極多賊匪先遣黨與數十人到彼詭稱墊江百姓被賊追逼懇求收留寨民不辨真偽容留進寨不意大夥賊匪隨後踵至進寨之賊卽在內放火應合正在惶急之際適額爾登保帶兵趕到立時擊散德楞泰亦督兵繼至圍寨得以保全匪眾復從墊江長壽交界折竄額爾登保德楞泰等仍分兵兩翼星夜窮追初九日追至雲臺鋪哨探賊匪均於遠近山溝樹林內埋伏戰手預備迎敵額爾登保德楞泰督率巴圖魯侍衛鎮將等左右環攻賊匪俱執槍矛蜂擁四出勢甚兇悍我兵槍箭並發自辰至未斃賊七百餘名生擒周士謨等一百六十三名訊據供稱徐添德冷添祿等合夥之後因官兵追勦緊急先將婦女老弱屯紮海棠鋪雞公嶺等處自帶戰手在雲臺鋪拒敵又被官兵打敗恐亦從雞公嶺翻山逃命等語當將該犯等正法官兵連夜追至陳家山又斃賊二百餘名沿途散出被

德壯果公年譜卷一

三



擄難民不計其數當交地方官訊明釋放妥為安插臣一面知會額爾登保等就近偵探賊蹤相機追擊一面令惠齡帶領百祥穆克登布馳赴元壩驛柏林槽一帶以防賊匪由大竹折竄達州十一日早間官兵甫到元壩驛即有騎馬賊匪數十人突至該處詭稱官兵採買糧食欲圖焚掠後面步行賊匪亦陸續至經惠齡督同百祥穆克登布帶領馬隊直前衝擊殲斃二百餘名該匪踉蹌退遁生擒張伏才等四十三名訊據供稱徐添德冷添祿王登廷等自雲臺舖被官兵剿殺晝夜奔逃未定去向因探得大竹到達州一面並無官兵所以分出戰手千餘名由元壩驛取路不意又被截回等語當經解赴臣營詳細審訊核與額爾登保等各路所報相同隨將該匪等正法臣惟有督率額爾登保惠齡德楞泰等分兵迅剿以期趕緊掃除諭曰朕細閱所奏此次打仗情形徐添德冷添祿等股賊匪竄入涪州境內詐稱良民投入難民寨內幸額爾登保德楞泰先後帶兵趕到闔寨得以保全此實係額爾登保等二人之功其奔竄賊匪經各路帶兵截剿並將被擄難民釋放安插所辦亦好至另摺所稱勒保督率額爾登保等為正路以七十五等一路及富成一路為偏師勒保在川省梁山一帶適中之地駐劄督辦布置亦為合宜看來不似從前之一味粉飾

德壯果公年譜卷十

三

案經略勒保先奉命總統時會奏言各路帶兵大員中惟額爾登保德楞泰尤為知兵曉事因檄公專剿徐添德大股尋途徐逆於開縣之大梁城擒賊目李士貴趙典宗等三月十八日勒保奏言查徐添德一股賊匪自從大梁剿殺之後由路陽壩一路竄遁德楞泰於前月二十九日趕至白橋山頂突遇賊匪衝撲德楞泰分兵兩路迎擊追至蘆花嶺地方斃賊二百餘名生擒劉顯奇等二十一名正在剿洗之際其大夥匪眾從兩旁山溝接應前來抗拒竟日即分股向雲安場大水田等處連夜奔竄德楞泰當與阿哈保等率領馬隊星馳追躡又於團壩子一帶趕上賊匪殺斃八九十名生擒王占文等四十三名因恐該匪等竄至夔州與卜三聘等股勾合闖入楚疆德楞泰即由雲陽馳赴夔州迎頭截剿遏其東竄之路四月十一日勒保奏言德楞泰於初十三四等日在羊橋壩一盤水九灣子土地垵等處四次殺賊數十名至二百餘名不等共擊獲活賊李貴會祖得等一百四十三名訊係卜三聘王光祖夥內之賊又於十八日在高龍河殺賊四百餘名生擒向正賢等一百三十一名訊係李樹夥內之賊直至十九日在太平之修基壩始將徐添德及該匪正與

德壯果公年譜卷十

三



李樹一路屯聚一見官兵即率眾前來迎拒我兵馬步並進痛勦賊匪五百餘名由迴龍觀追至雞籠溪沿途又殺死四百餘名生擒鄧時顯等二百十七名訊知李樹龍紹周唐大信等俱由陝西紫陽竄入太平縣境李樹與徐添德商量仍欲由城口竄入陝西今被官兵截殺已向太平屬之明通井一帶折竄而龍紹周唐大信尙在修基壩相近之渡口場屯踞德楞泰恐其抄我後路二十一日又督兵進擊斃賊二百餘名生擒劉興茂等四百三十八名又投出被脅附近良民男婦二千三百餘名口據供龍紹周等亦翻山繞路向明通井竄去德楞泰即帶兵由大唐壩

德楞泰公年譜卷十

三

一帶進剿所有節次擒獲並投出之人均經訊明將真正賊匪立時正法其餘難民俱酌給銀米釋放回籍

諭曰德楞泰一路追剿徐添德至太平縣境正值徐添德與李樹合夥欲商同竄赴陝西經德楞泰奮力截擊賊匪始行折回設非伊趕到截住則彼時張漢潮正在鎮安一帶徐添德復自南而北明亮一路官兵豈不腹背受敵今幸未入陝境已向太平之明通井竄去雖賊首未獲殺賊亦不為多而德楞泰勦賊得力之處亦屬可嘉皆勒保調度合宜之明驗

二十一日

諭曰前據勒保奏到額爾登保德楞泰兩路官兵屢得勝仗惟賊

首輒轉奔逃迄未就獲今已逾旬尙未續行奏報實股盼望現在賊匪竄至何地官兵曾否追及如何痛加勦殺之處即著勒保查明迅速具奏毋稍延緩

二十八日

勒保奏言查徐添德一股自大甯竄至太平祇藉別股賊匪擋路以圖免脫經德楞泰於修基壩截殺與李樹等同竄明通井迨官兵進抵該處又復分投奔逸總在萬山之中輾轉潛逃欲思疲我兵力德楞泰連日於雞鳴寺紅花梁山溪子等處又遇龍紹周李樹等股督兵分勦殲獲三四百名各匪俱竄高觀寺而徐添德一股被官兵在山溪

德壯果公年譜卷十

三

子截斷即退屯鄧家山德楞泰於本月初二日督兵攻擊殺賊五十餘名擒獲廖祖德等二十一名賊眾連夜奔逃當派賽冲阿李紹祖帶兵由王家壩抄截德楞泰統率大隊由木坪進發查探賊匪現屯甕坪初四日行抵旗桿山半坡見對面山坡有白旗十數桿一見官兵竟敢率眾衝撲德楞泰即分兵三路兜圍立斃賊匪三四十人該匪左衝右突毫不畏懼適賽冲阿等亦從寒溪河踵至四面夾擊殺賊五百餘名擒獲楊載貴等一百五名餘匪旋即奔竄初五六七等日我兵晝夜窮追並無片刻停歇在古佛庵殺賊三百餘名生擒魏芳等三十四名投出難民李仕



祥等八十四名口直追至斗背子地方該匪等沿途自相踐踏滾崖跌死又有七八百人投出馮茂義等一百八十三名口初八日由雞鳴寺過河正值大雨河水漲發賊匪撲河奔竄淹斃亦多我兵皆躡水而過亦有被急溜衝淹者殊覺可憫此股匪眾連日追殺所贖不過千餘人滿擬即可辦完詎初九日至黃虎坪忽有賊匪多人放槍抵敵德楞泰即催兵迎擊殺賊一百餘名擒獲黃三文等三十七名訊係樊人傑龔建等股被阿哈保等勦敗之後逃至此間昨日徐添德先與張子聰合夥今日又遇樊人傑商量先到榨井壩探明何處無兵即往何處約會同走不料

德壯果公年譜卷十

三

又遇官兵截殺想來已同往榨井壩去等語德楞泰即催兵追至榨井壩而賊匪已向譚家壩竄去因連日追勦緊急後隊官兵及銅帳軍裝大半落後俱未趕上又值霧雨不止不得不略為停待十二日帶兵由譚家壩一路追勦前進再大甯太平兩縣地方幅員遼廓均係重山密箐德楞泰追勦采入因賊股較多糧運時通時塞經福甯設法籌運並經臣抽撥官兵分起護解糧餉前進有已經送到者亦有輾轉繞道未經運到者兵糧不免缺乏德楞泰令官兵隨時向寨洞居民採買包穀雜糧分食稍資接濟數旬以來官兵已形艱苦又因深山多雨登涉維艱以致人

多跣足馬多跌斃更覺倍常况瘁臣已於附近州縣購買鞋一萬餘雙解往分給其馬匹一項索倫吉林官兵均所必需因川省不能多備前此臣已札商陝甘湖廣督撫每省酌調馬四百匹現據覆到已經趕解一俟解到即當酌量分給以供馳驟現在德楞泰一路官兵已追賊至開縣一帶各州縣臺站均可將糧餉等項源源運供不致貽誤諭曰德楞泰於雞鳴寺木坪等處分兵三路兜圍並於黃虎坪將樊人傑等股勦敗之賊迎頭截擊現由譚家壩一路追勦前進德楞泰雖不若額爾登保之加倍奮勇而此次逼勦各股賊匪晝夜窮追亦尚認真出力其官兵追勦賊匪由雞鳴寺蹠水而

德壯果公年譜卷十

三

過適值雨水漲發有被急溜衝淹者著德楞泰查明一體咨部俱照陣亡例議卹至馬步官兵等追勦賊匪因深山多雨登涉維艱以致人多跣足馬多跌斃此等情節朕亦聞知自屬實情勒保現今附近州縣買鞋解往並於楚省酌調馬四百匹所辦俱好

五月十二日

勒保奏言德楞泰一路於十二日自譚家壩進發十五日在三教寺地方趕上樊人傑一股殲賊七十餘名生擒周登雲等十二名知徐添德龔建均屯大旺山及趕抵該處匪眾又分股散竄我軍即由鐘草壩南壩場一路追勦二



十三日至樊噲店適徐添德後隊賊匪數百人在彼造飯  
德楞泰卽催兵掩殺該匪猝不及防殲斃一百餘名生擒  
騎馬賊目蔣尚銘並矛手郭延奇等二十六名投出難民  
徐仁等八十五名訊知徐添德與樊人傑龔建在舊縣壩  
前後竄入千江河仍欲折回渡口場因徐添德不肯赴陝  
在馬家嶺爭鬧令樊人傑往尋龍紹周合夥徐添德龔建  
仍欲在太平大甯交界箐林內躲避德楞泰卽由太平裹  
帶數日口糧由官渡溪倍道抄出賊前截其竄陝之路  
二十八日

勒保奏言德楞泰一路自太平由官渡溪裹糧前進截賊

德壯果公年譜卷一

三

竄陝之路詎徐添德龔建等祇在老山林內避兵而行輾  
轉奔逃欲思疲我兵力旬日來我兵逐日探追未得遇賊  
接仗德楞泰至老鴉口地方探得龍紹周唐大信等尚在  
界嶺屯聚相距較近卽於初五日由倉坪口馳抵界嶺賊  
已聞風竄出陝境斬獲落後賊匪二十餘人搜出難民四  
十五名口訊知該匪等由安康之滄水河向麻柳壩竄去  
德楞泰卽帶兵追躡初六日抵滄水河忽據探報又有一  
股賊匪千餘人由平利之白土關竄來現紮泥坪在我兵  
之後德楞泰恐腹背受敵卽在滄水河紮營連夜派兵分  
爲三路先剿泥坪之賊初七日巳刻至花石壩正遇賊匪

峰擁上山我兵迎剿殺斃數十人將匪眾壓下溝底立形  
慌亂四散奔逃官兵乘勢抄殺斃賊三百餘名生擒賊目  
伍世明賊匪李應龍等三百八十一名口訊據伍世明供  
係王光祖之徒與張添倫夥內分出賊目宋大志共領戰  
手一千餘人在竹谿平利境內被兵勇截回欲竄太平今  
遇官兵被擒宋大志不知下落德楞泰正在督兵搜捕又  
據探有賊匪潛來窺伺滄水河營盤槍礮聲緊卽帶兵回  
營策應賊匪一見官兵旋即退遁因天晚不及窮追擒獲  
賊匪甚彼良訊係龍紹周一股在麻柳壩探知官兵已赴  
泥坪是以派人前來劫營德楞泰現赴麻柳壩進剿臣查

德壯果公年譜卷十

三

德楞泰一路兵勇共有一萬二千餘名較各路爲最重勁  
旅亦多前因各股賊匪均在老山林內被其牽掣未得痛  
加剿戮今追剿龍紹周赴陝而徐添德龔建等均在川境  
未便專剿龍紹周而置徐添德等股於不顧且宋大志等  
勦散餘匪現又逃竄入川已札囑德楞泰酌留兵勇六千  
餘名勦辦龍紹周夥匪務須迅速殲除並卽分兵一半派  
賽冲阿李紹祖等各帶馬步隊分剿川境之賊庶不致顧  
彼失此

同日勒保又奏言查德楞泰一路官兵先經英善等具奏  
據糧員稟報每月需銀九萬兩嗣據德楞泰自行查奏每



月需用鹽糧夫騾各價五萬四千五百餘兩其中鄉勇雇價及糧員隨帶之夫騾等項均未列入旋經部議祇准銷官兵鹽菜銀一萬三千九百餘兩此外與例不符之夫騾等項一併著落德楞泰名下賠補其勢本屬難行臣查此次教匪滋事之始各路官兵在陝楚時應付夫騾各項本未照例辦理大屬浮多迨入川以後帶兵各員因應付在前不肯稍減宜絲亦即因循支給嗣與福甯先後到川已將浮費全數刪除其與例不符而勢所必需各款議定章程會奏乃經和珅等逐條議駁其中有萬難遵辦之處昨又詳細臚陳已邀

德壯果公年譜卷十

奏

睿鑒以現在所定章程而論均係實用較之從前大為節省斷難再減德楞泰一路自應照此核算庶足以折服其心查德楞泰自去年五月間帶兵入川本有滿漢屯土官兵九千零三十五員名九月以來除寄留各處傷病兵丁外實有存營兵七千餘名官弁六百餘員迨至本年正月與會合之後又陸續添撥兵勇共有一萬二千餘員名核計每月官兵鄉勇照現定章程分例需銀將及六萬兩而隨營糧員所需馱運軍火礮位糧餉之夫騾等項尚不在內德楞泰自去年五月杪入川截至本年四月底止前後在達州保甯兩局共領過餉銀五十三萬五千兩通盤核算有

缺無贏且糧員經手支放皆有兵勇數目可稽非德楞泰所能捏款浮冒一俟前奏章程奉部覆准即可通行遵照所有前此浮用各款再當逐一查明於濫支濫應各員名下分別追賠以歸核實再各州縣起運米石因官兵追剿賊匪愈進愈遠夫騾負重過行不能兼程前進並有後路或被賊阻之時又須繞道運米未得一時解到者而統領各員不問輓運之難易惟知糧餉必須充裕稍有短缺遂噴有煩言甚至打仗不能得手即歸咎於辦理糧餉之員德楞泰之與福甯彼此齟齬皆由於此而福甯籌辦軍需失之過刻又恐各路領隊諸臣退有後言遂爾形之奏

德壯果公年譜卷十

聖

牘欲為預占地步即如前奏德楞泰一路正二兩月撥過銀二十萬兩原屬含糊其詞迨奉諭旨飭查不得不將截長補短之處據實具奏又致自相矛盾非核實辦公之道蒙

聖慈畀以經略重任如將領任意濫支或糧餉辦理不善自當據實核參斷不敢意涉偏私亦不敢心存瞻顧祇期和衷籌畫無誤師行庶幾及早蒞功上紆

宸廑

案公前呈奏銀數清單上交軍機大臣查核據奏與軍需則例大半不符每月約濫支銀四萬餘兩曾有旨命勒保遵照例案將浮支各款核明確數著公體補而福甯疊次奏報軍糧情形於公時有微詞至四月遂



以公一路兵計日需用糧餉較多正二兩月已發過銀二

十萬兩等語含糊入告 上以每月需銀竟至十萬  
即所帶兵多係吉林黑龍江分例多於綠營而額爾登保  
一路豈無此項官兵且兵數之多莫如勒保一路何以英  
善福甯從未議及勒保額爾登保兩處需銀浩繁而於公  
獨噴有煩言必有別項情節著勒保密行確查故有是奏

諭曰德楞泰所追龍紹周一股總未得與賊接仗雖在泥坪地方

將另股之賊剿退又令龍紹周逸入陝境德楞泰並未截住所

辦何事德楞泰統領兵勇一萬二千餘名較之他路兵力尤為

壯盛且多吉林黑龍江勁旅乃伊自分路剿賊以來總未撲滅

一股賊匪擒獲一名首逆以如此重兵專剿龍紹周敗逃餘匪

置徐添德龔建於不顧復任龍紹周由川入陝來往自如勒保

摺內微露不滿德楞泰之意並未據實奏參伊係經略大臣統

攝各路軍律不可不嚴既有過失即應嚴劾何必隱躍其詞耶

至德楞泰現帶官兵內勒保撥出六千名交賽冲阿李紹祖分

剿徐添德龔建一股賊匪其餘兵丁如德楞泰果應參革即可

令阿哈保楊遇春管帶專剿龍紹周現在勒爾登保一路兵力

略單或將此項兵丁酌量分撥以資得力又據奏查明德楞泰

一路支用餉項一節據稱前經和珅等逐條議駁其中有萬難

遵辦之處其意以例外支應各款若部中概予准行則德楞泰

通盤核算便無浮冒殊不知從前和珅意為准駁不合例之事

此時悉改歸舊制若果據例准駁即今之部臣亦不能違例准

行也前摺已交部核議俟議定分別准駁再交勒保按照條款

另行查辦

六月十六日

勒保奏言德楞泰自五月初七日在陝西泥坪將宋大志

一股擊敗之後即帶兵赴麻柳壩剿辦龍紹周唐大信等

匪初九日進抵該處賊匪竟敢率眾抗拒我兵奮勇直前

吉林協領穆騰額首先衝入賊隊射死騎馬賊目一名賊

即奔潰官兵乘勝追殺斃賊八九十名生擒楊延佐等二

十八名投出難民王士民等六十五名訊知射死賊目名

李繩英即係前此龍紹周派赴滄水河劫營之人德楞泰

連夜督兵追躡十一日已刻兵至雙合塘正值該匪等欲

向西土木岬奔竄路通紫陽官兵即由右手順山搶占西

土木岬山梁自上壓下剿殺一百五六十名生擒周鮮民

等五十七名賊眾即由六道河折竄十四十五等日又於

老虎溝界嶺兩處趕殺賊尾九十餘名生擒李文賢等二

十一名將前此竄陝之賊全數攔回川境訊據活賊供稱

樊人傑張添倫先已竄回四川是以龍紹周亦即折回官

兵連日追剿二十日師次觀音洞忽聞前途火石寨老鷹

寨一帶槍礮之聲德楞泰即催兵馳抵蒲家壩山梁遙望

賊匪正在圍攻兩處民寨隨督率阿穆勒塔賽冲阿温春

穆克登阿各帶馬步官兵分投抄截該匪等猝不及防所



有攻寨之賊卽紛紛退占安寺坪山梁我兵鼓勇競上斃賊二百餘名餘衆潰散復經官兵追壓殲斃及滾巖落澗者又有五六百名生擒李朝吉等三百四十一名口賊目扈一全趙經武二名並張添倫之媳郭氏訊知張添倫自湖北竹谿打敗之後與樊人傑合夥同回四川正欲攻破火石老鷹兩寨屯紮過夏不想官兵到來殺死多人今張添倫不知逃往何處等語德楞泰探知該匪等均由關口岷先後竄至高頭壩羊耳壩一帶潛匿因連日大雨水漲不能進兵刻下天氣放晴正可卽時痛剿

諭曰德楞泰此次亦差強人意但張添倫既與樊人傑合夥回川

德壯果公年譜卷十

望

何以又稱不知逃往何處至前次高均德與張添倫同在一處何以此次未經提及務當探明賊蹤速爲擒捕

七月初六日

勒保奏言德楞泰一路官兵自安寺坪將張添倫等股匪眾剿敗後因連日大雨溪漲將偏橋衝塌糧米不能運送幸於二十六日搭起偏橋移至大竹河該處並無船隻直至初一日水勢稍退始得躡淺過河兵勇騾馬間有鳧水被衝者探知龍紹周樊人傑徐添德等俱由高坪黃墩一路竄入大甯老林山內而張添倫尙在修溪壩一帶游奕卽可就近剿辦德楞泰於初四日整隊前進初六日遇賊

於拖板嶺地方阿穆勒塔賽沖阿帶領馬兵首先衝入賊隊殲斃騎馬賊匪六人步賊五六十人步兵繼進追殺二十餘里又斃賊一百餘人生擒劉敏等三十八名投出難民八十六名賊衆由花椒壩一路奔竄經派防該處義勇首葺愈煥等率勇截剿又槍斃賊目劉道新並賊匪二三百名餘匪向渡口場折竄官兵跟蹤追躡初十日行抵柏枝山探報張添倫亦竄入老林而附近八台山又有賊匪屯踞乃係辛聰顏中考等股隨於十一日五更分兵兩路進剿該匪等一聞兵到率衆數千直前抗拒德楞泰督催官兵奮勇衝撲衆賊奔潰沿途追殺二百五六十人生擒

德壯果公年譜卷十

望

汪長壽等六十一名時值大雨未得窮追德楞泰以此股賊匪較眾卽分兵由榨井壩温湯井一路兜截

諭曰德楞泰剿辦張添倫等股匪衆因大雨溪漲糧運不繼官兵必致受餓實爲可憫德楞泰帶兵追剿多日雖先後殲賊數百名而賊匪仍輾轉奔竄況此時已縱放徐添德等由西溝闌入楚省將逼竹谿而摺內猶稱竄入大甯老林山內豈賊匪奔竄蹤跡尙未之知此皆德楞泰之罪現在正當剿賊緊要之時惟以殄平賊匪爲重卽福甯與德楞泰互有嫌隙此時朕亦姑置不問俟成功後伊二人功過具在無難據實核辦也

案先是福甯奏辦前此未將勒保額爾登保兩路餉項具奏者緣勒保前係總統繼膺經略儲備是所兼管額爾登



保湖北共事信之有素無庸過為稽查項肩實陳至公一路供支仍未能悉照分例實無別項侵冒情弊特因公追賊深入老林運道不繼見公寄勒保清字書有缺餉貽誤之意復聞公所帶兵馬多跌斃人多既足極為狼狽恐有不測難當重咎故將正二兩月發過銀數奏明至是勒保復另摺奏稱公之剿賊並無怠玩情事緣大甯老林往往追剿此股即遇彼賊竄來輾轉牽綴總不能辦完一股所以未即奏參而福甯與公屢次齟齬者由兩人素有嫌隙且重申前奏謂福甯預占地步將撥解銀數率爾竄陳於給發銀二十萬兩有找補去年欠項緣由又不明白聲敘以致奉 旨飭查不能指出實據 諭旨及之徒煩 聖心故

十九日

勒保奏言德楞泰由開縣之温湯井一路追躡張添倫辛聰等股至大甯縣境於六月十九日在沙陀子地方追上張添倫賊眾殲獲八九十人餘向老林奔竄因辛聰顏中

德壯果公年譜卷十

聖

考折回後路遊奕復移師至毛壩截擊詎該匪等探知官兵轉來又向小水田奔逸二十五日至馬槽壩趕上辛聰賊尾殲斃三十餘名生擒段維青等十四名我兵連日追躡二十八日在雲陽之瓦屋嶺地方忽遇一股賊匪有四五百人由南溪橫道衝出德楞泰即督同賽冲阿温春等分兵三面兜擊賊匪始猶抗拒繼見我兵層層圍逼均即四散奔逃我兵乘勢掩殺當斃賊匪一百五六十名生擒張起新等三十三名訊知此股係包正洪之弟包三自包正洪槍斃後即隨同林亮功之姪孫林添祥帶領敗殘夥黨五百六十餘人竄出欲往大甯與樊人傑徐添德等合

夥因被朱射斗分兵追截不能竄去旋又折回德楞泰即分兵搜捕朱射斗亦於是晚趕到復於二十九初一日日在箭頭溪吉慶寨等處搜獲活賊一百七十七名逆犯林添祥假充難民欲圖漏網經吉慶寨鄉約蔣朝貴認出一併拏獲訊知該犯自林亮功被殺後伊即自稱元帥與包正洪一路搶掠昨因包正洪槍斃包三本不管事即隨林添祥率眾同竄此次在瓦屋嶺遇兵剿散各自奔逃包三尚無下落德楞泰一面委員將林添祥解赴 營一面暫留朱射斗在後搜捕隨統領全隊官兵由奉節一路追賊前進

德壯果公年譜卷十

聖

諭曰朕聞勒保奏川省各路官兵剿賊情形額爾登保在大竹鄰水境內冒雨進兵出奇制勝德楞泰在開縣大甯境內往來截剿乘勢掩擊皆係此兩路官兵奮勇出力並非由勒保指示調度始獲勝仗至朱射斗一路前在小毛坪槍斃首逆包正洪此次打仗殲除餘黨亦係該鎮之功與勒保無涉今摺內敘述功績意欲攘為已有將誰欺耶勒保安坐達州於各路賊情惟據咨稟轉報此時李淑徐添德羅半年等匪均已竄入楚疆咨會未到伊即憤然安能望其相度機宜預行調度

八月初三日

勒保奏言德楞泰自雲陽之瓦屋嶺地方掃蕩包正洪餘



匪後卽帶兵馳赴奉節探知卜三聘龔建張添倫辛聰等均在大甯巫山交界之八石坪地方屯踞卽知會朱射斗與賽沖阿由大昌進兵德楞泰由寶塔直至大甯訂期兩面夾擊初八日甫抵大甯據報該匪等分出夥黨在鹽場附近之爛木灣鐵爐壩一帶掠食直逼鹽場德楞泰卽帶兵二千名先往剿捕初九日午刻行抵該處賊匪驟聞兵至卽將旗械食物拋棄奔逃我兵追殺至石門壩殺賊一百四十餘名生擒杜學瑚等三十七名餘眾遁回德楞泰因此路馬隊難行遂留兵堵禦石門壩卽轉至楊溪河一路進發適朱射斗等已抵大昌約定於十三日五鼓進兵

德世果公年譜卷一

覽

十二日三更忽有賊匪潛來撲營經遊擊馬元督兵擊退斃賊二十餘名並據獲賊供稱卜三聘等因探聞此路有兵所以連夜派出戰手五百名前來探聽德楞泰旋卽率同阿穆勒塔溫春穆克登阿李紹祖等帶領馬步官兵於寅刻至川壩子山下時有賊匪一二千名在山上搖旗吶喊捨死下壓我兵仰攻二次未能得手德楞泰親自督兵併力競進搶上山梁該匪等退回豹子背官兵亦卽乘勢搶占共殺賊二百餘名至黑虎廟山頂俯視八石坪賊寨男婦大小數千人極形慌亂適賽沖阿朱射斗帶兵由史家河搶上三义壩山梁殺賊七八十名兩路官兵齊至八

石坪併力圍剿卽時攻破寨門拋擲火彈焚燒草棚該匪等紛紛四竄經我兵殺斃四百餘名生擒徐正明等二百四十九名口搶獲槍礮刀矛旗幟牛馬等物無算我兵分路追剿阿穆勒塔追趕一戴翎頂賊目至石滾坪正欲生擒被旁出之賊截傷右膀阿穆勒塔仍帶傷力戰催兵鼓勇直前適賽沖阿朱射斗帶兵踵至協力剿殺該匪等復分三路欲向陰條嶺衝出房竹境內我兵又分五路疾追截回西竄未至入楚沿途又殺賊三四百人滾巖落澗者七八百人生擒雷清盛等四百一十三名口並擒獲賊目梁方鎰及卜三聘龔建之師李谷青二名訊知各匪非竄

德世果公年譜卷一

覽

鹽場卽奔徐家壩德楞泰委員將現獲各犯分別審辦一面與朱射斗李紹祖等分兵追躡以期全行殲洗勒保又奏言七月十二日接倭什布來咨知李淑等於六月二十二日衝撲高子河營卡闌入楚疆卽於是日飛行德楞泰帶兵速赴竹谿進剿并咨覆倭什布一體協剿臣前奏情形因相距較遠中有賊阻以致得信稍遲維時正值德楞泰剿辦八石坪之卜三聘等股賊眾計二十日以前德楞泰必已接到便可由陰條嶺入楚現據探報賊匪在竹谿竹山之官渡西河口一帶奔竄仍有折回川境之勢臣又飛催德楞泰務須星夜進兵會同倭什布將



楚境之賊盡力勦捕即不能一鼓掃除亦當全數截回川境查德楞泰現帶赴楚之兵六千餘名均係勁旅至賽沖阿李紹祖等本在德楞泰一路勦賊前此因德楞泰追賊至平利境內是以奏明酌留賽沖阿李紹祖等在太平分勦迨德楞泰截賊回川賽沖阿等亦即仍歸伊隊現在德楞泰赴楚賽沖阿亦即隨同前進留李紹祖帶兵與朱射斗協勦大甯巫山之賊亦已足資辦理

諭曰德楞泰探知卜三聘龔建等在八石坪屯聚即知會朱射斗等協勦將賊寨攻破俱屬出力而阿穆勒塔因追趕賊目被旁出之賊戳傷左膀仍帶傷力戰可嘉之至並分兵五路疾追將

德世果公年譜卷十

五

賊匪截回西竄不至又入楚境覽之欣慰至所稱聞知李淑等股闖入楚界即飛行德楞泰速帶原領官兵赴楚追截所辦原無不是但此時方知惜乎遲矣勒保於勦賊機宜漫無調度此時惟當札飭德楞泰將竹山竹谿之賊迅速殲除尚可稍贖前愆

恭錄

御製詩

勒保奏報德楞泰朱射斗兩路官兵併力攻克八石坪賊寨痛勦匪眾各情形詩以誌慰

始於川北蔓川東往返奔馳萬嶺中路合兩軍士氣壯坪摧八

石賊途窮 據勒保奏德楞泰探知卜三聘等均在八石坪屯聚即與朱射斗訂期進兵夾擊攻破賊寨焚殺甚力計殺賊六百餘名生擒賊目徐正明等六百六十五名口餘眾逃散德楞泰現命朱射斗李紹祖等分兵追躡以期全殲邪消教自終歸正撫固威由先用攻亟盼移師靖房竹李 徐添掃蕩息兵戎 李淑徐添德現在竹山房縣等處竄伏勒保什布即可夾攻淨掃川楚邪氛是所殷盼

初九日

勒保奏言查德楞泰朱射斗兩路官兵於十三日攻克八石坪賊寨之後探得張添倫辛聰率領千餘人向黃草坪一路欲由巫山竄赴巴東朱射斗即帶兵馳往追勦卜三聘率其妻子數人向後窖老林內潛逸當派都司馬文斌

德世果公年譜卷十

五

等分路搜擒並有偽先峰姚先廷探馬頭張宗泰率其黨與男婦一百十九名在通城途次棄械跪道哀懇投誠德楞泰以現當設法解散之時未便阻其向善之路當即允准將姚先廷等派員解往夔州安插而張宗泰懇請隨營效力意甚真切亦即准行訊知此股賊匪名為線字號實係龔文玉為首在夔州一路為傳教總師封其弟龔其位為元師卜三聘為先鋒並無龔建其人亦非與卜三聘各自為股其始已糾約七八千人迨五六月間節次散出並於八石坪被官兵勦敗後惟龔文玉收集二千餘人往徐家壩竄去欲跟尋徐添德等入夥德楞泰一面留兵搜捕

一第丁下 子 貴 參 日 庫 入 字 第 6 反 E 4



一面卽督兵馳赴徐家壩沿途又搜獲餘匪並投出難民許星如等二百十六名二十日師次倒座子地方探得龔文玉等已竄至竹谿所屬之大禾田遂連夜分兵兩路發衝阿溫春扎勒杭阿由雙橋進發德楞泰率同阿穆勒塔穆克登阿達勒精阿等由老木孔小道繞出大禾田山頂截其竄楚之路適匪衆正在該處造飯我兵驟至當經馬隊衝入斃賊六七十名賊匪立形慌亂棄械跪投者二百名餘衆悉奔串虎灣山梁擲石放槍抗拒我兵人人奮勇分路搶上槍箭並發該逆等力不能支退遁瓦房灣官兵乘勢下壓斃賊二百四五十名生擒首逆龔文玉探馬

德壯果公年譜卷一

三

頭張尙國等五名賊黨宋天富等二百八十一名口復追至徐家壩東溪河邊適值賽冲阿所領馬隊繞出賊前迎頭截住該匪等又旁竄筆架山滾巖落澗者甚多又擒獲龔其位之妻龔李氏並伊子三乙龔文玉之女月英賊夥周其位等一百二十三名投出難民李興才等八十九名據供龔其位因見前後均有官兵卽棄其騎驟隻身跳下巖去不知生死統計此次先後斬獲共一千四百餘名實已殲戮殆盡德楞泰現將首逆龔文玉等各要犯委員解赴營並將現獲各犯訊明從逆久暫並實在被脅難民俱令先經投出之張宗泰指認歷歷不爽均各分別正法

並撫卹釋放臣查此股起事之初先據夔州等處稟報稱係龔建卜三聘爲首嗣後亦有報稱龔文玉卜三聘爲首並稱龔文玉卽係龔建者嗣准倭什布咨亦云八石坪賊首係龔文玉卜三聘二人是龔文玉實係此股首逆今德楞泰訊供並無龔建其人卽現據各處具報賊股亦久無龔建之名自係從前所報之訛茲幸將線字號一股殲除雖卜三聘龔其位尙未查明實在下落而首逆就擒黨與殄盡辦理尙稱妥善並據德楞泰呈稱此次官兵打仗甚爲勇往傷亡不過數名另行查明咨部現在德楞泰已於二十一日接到臣知會因李叔徐添德等竄入楚境卽帶

德壯果公年譜卷十

三

兵馳往房竹偵探賊蹤相機截剿一面催令德楞泰迅速進兵一面咨行陝楚各要監實力堵剿仍查明此次打仗出力之員弁兵丁另行保奏

諭曰線字號首逆龔文玉在夔州一路爲傳教總師經官兵節次剿敗竄至竹谿所屬之大禾田德楞泰連夜分兵由雙橋進發繞出大禾田山頂截其奔竄之路併力攻圍生擒首逆龔文玉殲斃賊匪甚多實屬奮勇出力德楞泰著加賞騎都尉世職德楞泰一路所帶兵丁著賞給一月錢糧以示鼓勵

又

諭曰賊匪龔文玉在夔州一路爲傳教總師自係李叔等預先糾



約到楚滋擾故李淑一股首先衝入楚境邊卡第二股辛聰張添倫接踵而至第三股高均德樊人傑第四股龔文玉卜三聘又相繼而來今德楞泰分兵兩路截剿將龔文玉生擒先後斬獲共有一千四百餘名所辦甚好不但湖北房竹一帶少一股賊匪竄入而李淑辛聰等亦必聞之喪膽此時德楞泰已帶勝兵馳往房竹賊匪自不敢折回西南探知楚省空虛必思東竄是德楞泰由西南而至東北尚在李淑等之後若能於賊匪畏懼之時乘此勝勢鼓勵官兵從捷徑抄向賊前自東北通往西南仍令折回川境大甯一帶該處屢經蹂躪村民逃避無可掠食自必益加窮蹙捕更易為力

德壯果公年譜卷一

三

恭錄

御製詩

勒保奏報德楞泰一路官兵生擒夔州傳教首逆龔文玉痛殲匪眾各情形詩以誌慰

教匪脅良民蜂屯盈萬億三載疲官軍隨處皆掠食川東屢次殲相率奔湖北二竹邪眾紛即房氛四塞賊目李淑徐添德等縣一帶屯聚其餘黨糾紛多有假托著名之賊以張所幸兵續聲勢者現飭倭什布相機截剿不致重入襄陽境內來追及後隊賊妄稱傳教師弟兄作螟蟻蹂躪大禾田雄師直前逼槍箭威並施肯令暫喘息下壓瓦房灣首逆生擒得整旅入楚疆李淑徐添德漫潛匿德楞泰朱射斗於八石坪剿賊後即帶兵追剿卜三聘等旋察知此股賊


名線字號實係龔文玉為首在夔州一路為傳教總師封其弟龔其位為帥卜三聘為先鋒並無龔建其人亦非與卜三聘各自為股本有七八千人於八石坪被剿後收集二千餘人至竹谿之大禾田欲與徐添德合股德楞泰督兵進擊賊遁瓦房灣官兵乘勢下壓生擒龔文玉並張尚國等數百名餘黨因賽沖阿夾擊旁竄筆架山盡落巖澗而死此次擒獲傳教逆首先後斬獲一千四百餘匪名殲戮殆盡稍慰籌筆之思仍飛飭德楞泰乘勝赴楚與倭什布夾剿李淑徐添德等以期全靖楚疆敬祈

上天恩消劫福中國揮淚告

几筵拈毫紀其實

德壯果公年譜卷十

三





德壯果公年譜卷十一

次孫花沙納恭纂

嘉慶四年己未

八月十九日

公奏言臣於前月十三日將龔文玉卜三聘等逆賊巢攻破乘勝窮追直至二十二三四等日先後擒獲首逆龔文玉龔其位父子兄弟妻女並頭目李谷青等餘黨勦捕罄盡惟卜三聘一犯節據各首逆及黨匪僉供攜眷潛逃後審一帶當派幹練弁兵前往搜擒先是二十一日接准勒保來咨內開准倭什布咨稱張起貴宋慶子並李淑徐添

德壯果公年譜卷十一

德等匪先後由西溝竄入竹谿所屬之竹溪河一帶焚掠令臣就近由陰條嶺馳往截勦其卜龔等逆交朱射斗等勦辦臣即於二十六日由徐家壩移師入楚取道竹谿所屬之巴斗園蕭家坡探蹤前進二十九日遇賊於竹山之紅坪羅漢洞等處經臣分路截擊沿途殲戮生擒並逃散投首者不計其數追殺一百四十餘里將賊匪截入川境由大甯越過界嶺一帶遁去生擒逆首張世達供係樊人傑劉維杞龔建及該逆四人為首謀逆八月初一日又准勒保二十二三日來咨以李淑徐添德等竄至房縣黃龍灘截入西南陽岔河羅半年一股人數眾多已至石板河

等處李淑後股尚在泉河恐延及荆襄令將李紹祖原帶山東兵一千六百名倭星額原帶雲南兵一千名及桂涵所帶鄉勇俱撥歸提臣七十五隊內勦辦川匪令臣即帶原兵六千餘員名赴房縣截勦肅清楚疆適臣已將樊逆痛勦祇贖二三千人遁入大甯界嶺勢已狼狽而房縣賊情緊要且兵力較單自宜先其所急且樊逆入川現有七十五及朱射斗等勦辦臣即擬起程隨據都司馬文斌稟報已於二十八日在後審老莊子巖內將卜三聘並子姪兒媳五名口全家擒獲解至大甯聽候查辦臣入楚已遠首逆既獲未便往返稽滯隨令該員帶同投出之張宗泰

德壯果公年譜卷十一

前往認實即解勒保軍營查辦遂於初二日由梨子坪取道紅坪界嶺獅子巖前進沿途各處哨探已無賊匪初七日途次房縣之上灘河接倭什布初三日來信現在李淑徐添德宋慶子等逆竄屯南漳之馬良坪歇馬河一帶屢經勦擊惟辛張二逆竄入三層河公祖河等處羅半年分出樊姓一股由九道梁至薛家坪又另有不知姓名一股賊匪在官口山小河田等處令臣即由徐家壩就近前來抄擊將竹房肅清再行東下為兩面夾攻之舉查樊人傑等逆即係由平利竄入二竹分擾之賊已經臣截勦入川其辛張各逆係由九道梁竄來聞官兵過楚俱不敢分投



肆擾即已東竄臣初八日行抵房縣聞倭什布屢獲勝仗  
已帶兵東下該逆等現竄興山一帶臣即於初九日帶兵  
由保康一路趕緊前進務期將楚境各逆肅清仰紓  
聖懷茲因采入楚疆距勒保軍營千數百里臣一路情形自行奏  
報較為近捷

此是

諭曰此次德楞泰帶兵赴楚肅清竹山竹谿一帶竄匪乘勝窮追  
將首逆卜三聘及該逆子姪兒媳等一併擊獲並將龔其位及  
龔文玉父子兄弟妻女全家擒獲餘黨剿捕罄盡所辦甚屬可  
嘉從前帶兵各員祇顧查拏首逆置餘匪於不問以致遺孽未  
淨日久蔓延德楞泰嗣後務當將賊首家屬及黨與盡數搜除

德壯果公年譜卷十一

三

不可專擒首犯以致復留遺孽現在楚省竄匪李淑等股業經  
倭什布截剿折回西南興山一帶今德楞泰帶兵趕赴該處正  
可與倭什布兩面夾攻乘勢將各股竄匪奮力殲擒肅清楚境  
勒保調度乖方總在軍營安坐不過得有各路稟報彙奏一次  
塞責實屬貽誤國事昨已降旨將額爾登保授為經畧德楞泰  
務須同心協力上緊剿辦以期迅速肅功現在如未與額爾登  
保會合該處軍營情形朕盼望甚切仍應自行隨時具摺奏報  
如已與額爾登保見面德楞泰自應將一切應奏之事報明額  
爾登保具奏也

二十八日

勒保奏言德楞泰自剿滅線字號股匪並生擒逆首卜三  
聘龔其位等之後探得樊人傑等逆已由楚省竹谿之陽  
岔河折回川境即帶兵取道界嶺馳往截擊迨抵蕭家坡  
探明該匪等現屯房竹交界之長村壩地方德楞泰即分  
派兵勇在大禾田等處分安營卡截其入陝之路親率將  
領由紅坪進剿七月二十九日晚間行抵黃龍洞察看賊  
匪尚在長村壩一帶屯踞即連夜發兵出其不意先將郭  
家山頭卡搶占殺賊四十餘名我兵乘勝下壓直至長村  
壩賊眾慌亂盡棄牛馬食物而逃追殺一百二三十里於  
青龍坡梨子坪張公橋連打三仗除滾巖落澗及逃散不

德壯果公年譜卷十一

四

計外共殺賊九百餘名生擒賊目張世達一名廖其元等  
五百十一名投出難民龔永順陳宋氏等七百二十三名  
口據張世達供稱此股係樊人傑與該犯二人為老掌櫃  
在陝西地方合營後派令禹斯仁徐萬富為元帥數月來  
在西鄉平利太平大甯等處邊界往來奔竄商量要回襄  
陽近日在竹谿房縣地方與兵勇打過幾仗即在長村壩  
暫紮不想忽有大兵從黃龍洞殺來我等連次潰散人馬  
損折大半樊人傑等現已逃回大甯徐添德李淑實不在  
此夥內等供德楞泰因張世達係此股緊要頭目當即派  
員押赴臣營將臨陣投出及訊明被脅民人九百五十八



名口給與銀米釋放回籍安插其餘真正逆匪概行正法  
德楞泰探明樊人傑餘匪尙有一千餘名已折回川省大  
甯境內因准臣札催必須將楚境匪徒全數肅清再回川  
境當即遵照撥出總兵李紹祖副將倭星額所帶原兵二  
千餘名追剿樊人傑一股並探聞竹谿竹山一帶已無賊  
蹤德楞泰即於八月初二日由竹谿之巴斗圍取道直赴  
房縣與倭什布會商探剿徐添德等股匪至樊人傑等經  
此次痛剿之後晝夜由大昌西竄直逼夔城適值副將七  
格帶領廣東兵丁赴七十五一路該副將聞信即往迎截  
於七星壩地方殺賊一百二十餘名生擒黃光盈等十三  
名賊即驚竄雲陽境內臣已飛飭七十五率同李紹祖倭  
星額七格等趁此賊勢潰散之際盡力窮追以期及早殄  
滅至竄楚賊匪據報徐添德李淑由保康擾及南漳邊界  
倭什布已帶兵在彼堵截德楞泰業由房縣前進正可兩  
面夾擊其羅半年一股細訊各路活賊咸稱並無其人又  
張添倫辛聰一股先經臣派令總兵德英額王凱馳赴興  
山協剿頃據探報巴東屬之石門子地方有賊欲由火峯  
衝至界嶺仍回川境而王凱來稟又云李淑等股已由興  
山竄至歸屬白馬灘地方是否李淑等因聞德楞泰兵至  
復欲由興山折竄回川臣已飛飭德楞泰並王凱等無論

德壯果公年譜卷十一

五

何股賊匪均當併力痛殲逼歸川境期辦斷不可縱入下  
游臣因竹谿竹山一帶業已無賊現在額爾登保在通巴  
一路七十五在雲萬一路朱射斗在太平大甯一路許文  
謨在開縣東鄉一路均須就近調度是以仍在白塔壩地  
方駐劄惟有懍遵  
諭旨札飭德楞泰將楚境之賊迅速剿除並督飭各路策勵將士  
上緊殺賊成功  
九月初一日  
公偕倭什布奏言竊臣德楞泰督率官兵由界牌嶺向西  
進發十五日行抵長坪探聞有賊一股二千餘人在風玉  
坪攢聚察看該處山勢稍平中道最險若一路進剿勢難  
得手隨令副都統賽冲阿侍衛車森保等帶兵由左手前  
進又派副都統阿哈保侍衛達勒精阿等帶兵由右手搶  
上山梁臣德楞泰親督副都統溫春遊擊達自祥等帶領  
馬步兵由中路直進該匪亦分三路而上搖旗吶喊並放  
槍石抵拒連壓二次我兵不避槍石奮力搶上山頂短刃  
相接斃賊八九十名生擒周禮書譚楊氏等一百一十名  
口該匪等驚惶無措拚死竄至龍溪河臣德楞泰即令三  
路官兵奮力追殺又殲賊一百餘名餘匪情急奔下龍溪  
河溝底官兵儘力跟追由龍溪河三岔河韓水河等處直

德壯果公年譜卷十一

六



至跟溝計程已有七十餘里斃賊四五百名生擒蔡應新等二百二十九名沿途溝河內淹斃男婦大小約二三百名兵勇割獻耳級四百六十八副餘匪四散向房縣九道梁一帶逃去時已昏黑將兵撤回此次打仗共擒獲賊匪三百九名口訊據供稱賊中首逆即係宋慶子尙有趙建王添成二人偽稱將軍李淑等因見官兵追剿緊急商留此股在後等候官兵前來即從後尾抄截以便前後牽掣當將該犯發交隨營道府研審內從逆已久並殺人放火者共四十九名立予正法其餘二百九十名俱係被裹良民當各咨送回籍臣德楞泰伏查此股業經剿敗現在情

德莊與公全譜卷十一

七

形自以李淑等股爲重當即移知臣倭什布札飭防守房縣之副將樊雄楚等帶領兵勇就地搜捕臣等隨會晤熟商適接將軍成德札稱李淑徐添德兩股賊匪被官兵剿殺情急於十二日竄至巴東羅坪地方經總兵王凱帶領將弁兵勇向前迎擊殺賊甚多該匪等蜂擁力撲遊擊馬愷突入賊陣往來衝擊手刃數賊力竭陣亡王凱被賊戮傷馬腿滾落山巖受傷尙輕惟時賊匪先已分出一股經該將軍督率兵勇施放槍礮奮力打退賊匪隨由羅坪竄出楚省邊界折回川省巫山境內並據副將孫清元稟報日前分竄東湖一股係屬辛聰及張姓爲首該副將先由

界嶺觀音堂抄赴東北截剿賊匪旋竄高龍寺隨分出一股約數百人前往霧渡河焚掠經該副將派令守備王占鰲吳純俊等帶兵迎前截剿斃賊十餘名賊仍退回高龍寺十四日賊復竄至大林垭經該副將督率都司備弁等搶上前面山梁參將全祿由賊後進攻賊即潰奔官兵追殺二十餘里沿途斃賊一百餘名生擒四名奪獲驃馬器械甚多賊匪遂由紫草河竄往店子垭似有西人保康之勢查李淑徐添德兩股現俱竄回川省此時在楚者止有辛聰張姓一股易於剿辦惟巴東羅坪一卡被賊衝出之後恐其乘隙折竄臣等公同商酌派令參將李芝榮都司

德莊與公全譜卷十一

八

鄭宗寶帶領山西官兵一千名馳赴巴東交與成德王凱統率協同堵禦臣德楞泰帶兵由黃連坪殷家店等處馳赴店子垭截剿辛聰賊眾臣倭什布由蝦蟆垭抄往板廟子以遏賊匪南竄之路並令孫清元仍於北面一帶相機攔截似此三面合圍可期迅速撲滅

諭曰李淑徐添德等股竄至興山後經官兵連次剿殺現俱竄回川省其在楚省者止有辛聰張姓一股易於剿辦張姓想即係張添倫此時若能即將辛聰等迅速殲擒最爲盡善若賊匪被剿緊急復竄回川境則楚境必當防堵嚴密倭什布不必赴川仍在巴東邊界實力守禦毋使賊匪復行闖入至辛聰等未經



擒獲之前德楞泰自應仍在楚省幫剿若已辦竣德楞泰係專派剿賊並非湖北守土之官不可藉詞防堵在楚逗留務須帶兵速赴川東緊躡李淑徐添德等賊蹤向西追剿現又降旨令額爾登保自西而東迎頭截擊正可與德楞泰兩面夾攻將李淑等迅就殲除所有此次打仗陣亡之遊擊馬凱著咨部議卹王凱被賊戮傷現在曾否平復並著遇便覆奏

案先是上因領兵各員玩愒因循餉廉師老曾飭陝督松筠查訪各員優劣據實密奏至是奏稱額爾登保英勇出眾其次惟公打仗殺賊稱為奮勇旋奉旨以松筠奏論諸臣罪狀輕重甚屬公允其稱額爾登保及公處俱係詳論得當不虛延訪

十七日

德壯果公年譜卷十一

九

諭曰現已授額爾登保為經略各路皆其統領惟伊於漢文不甚諳曉此後額爾登保惟當將伊一路剿賊情形隨時速奏其餘各路如那彥成明亮魁倫德楞泰倭什布等皆自行陳奏並可無須額爾登保代為奏報若當剿賊喫緊之時又復繕辦各路軍情漢字奏摺轉恐因此耽延於剿辦機宜殊屬無益

二十日

公偕倭什布奏言倭什布於途次接據副將孫清元稟報辛聰等一股賊匪前由東湖紫草河竄至店子壩當即率領兵勇緊躡追襲賊即旁竄南漳馬良坪地方屯伏山溝內經該副將會同參將全祿督兵由北面山溝進剿殺

斃騎馬賊匪三名步賊二十餘名生擒賊目張克成阮學貴二名詎前隊賊匪由河灘轉回迎敵該副將復分路衝殺斃騎馬賊十餘名步賊二百餘名生擒賊目黃金國一名散賊十二名臨陣投出者一百餘名餘賊不敢北奔向保康之歇馬河一帶竄逃據將所獲賊目張克成阮學貴黃金國等解赴倭什布軍營訊明張克成阮學貴均係張添倫之徒於嘉慶二年隨同嘯聚起事黃金國係辛聰弟辛斗之徒俱充賊中頭目并據供稱此股首逆係辛聰張添倫顏中考陳光俊四人俱偽稱元帥從前在川每人有二千餘人各自為股後被官兵剿散每人止贖數百名因人數單薄是以四人合為一股共有三千餘人由湘泗嶺陸續竄入楚境今在東湖霧渡河紫草河并南漳馬良坪等處節節被官兵殲擒投出者共八九百人現在止贖二千餘人仍想逃回川陝與別股合夥當即分別殲死正法

德壯果公年譜卷十一

十

德楞泰正行至店子壩探聞賊匪已由馬良坪折竄歇馬河遂取捷徑倍道迎剿詎賊匪先已竄往歐家店當令副將孫清元帶領兵勇由北首大道抄截以遏北竄塔州穀城之路並即親督官兵緊躡追剿時賊匪竄至歐家店值倭什布由板廟子三岔口一帶迎截而進賊匪探知南路有兵不敢前竄與山即由壽陽坪遁入房縣南山



老林一帶適臣德楞泰前次勦散之宋慶子趙建王添成等復集匪眾數百人伏匿老林遂與辛聰等合夥向西狂奔臣等帶領兵勇星夜緊追途中接竹谿縣文武稟報有賊匪一股自稱高家營由陝西平利縣繞出各卡竄至該縣竹谿河地方臣倭什布恐辛聰等股竄往合夥當即飛飭總兵路超吉迅帶兵勇前往勦截其時正直派往竹谿防堵之山西官兵二千名由竹山陸續進發高逆等不敢東奔即由廖家嶺紅廟等處竄入陝省洵陽縣境內而辛聰等一股被追情急由房縣上龕及竹山紅坪一帶亡命奔逃沿途老林中尚有零星藏匿之賊臣德楞泰帶兵直

德楞泰公年譜卷十一

二

前追擊沿途頗有斬獲臣倭什布隨進隨捕所獲之犯當即分別正法省釋茲辛聰等於初四日竄至竹谿古墳嶺風溪鍋邊河等處已逼近陝西平利邊界臣德楞泰當即督率將弁分路進擊賊匪一間官兵驟至即四散翻山逃入平利之鎮平小樹河地方此時楚境已就肅清臣德楞泰惟有竭力趕辦此股賊匪能於陝境勦除固善否則截逼入川斷不任其蔓延秦楚臣倭什布將藏匿餘匪搜捕淨盡即將邊防各事宜妥為安設

諭曰倭什布德楞泰於九月初一日奏稱楚省止有辛聰張姓一股人數不過二三千現在合圍攻勦可望殲除今據奏到情形

辛聰等由竹谿逃入陝西平利地方非倭什布等截勦不力縱賊他竄即係賊匪潰圍而出現在德楞泰追勦辛聰等賊匪入陝自應如此務須抄前截擊上緊勦除不可令與張漢潮合夥  
十月初二日

公奏言竊臣於九月十二日趕至平利之平溪河地方探得張添倫等餘匪不過千餘人由八仙河竄赴紫陽之麻柳壩一帶宋慶子等餘匪不過數百人由毛壩翻山竄入太平之黃墩一帶即應趕追前進適據哨探並本處土人稟報附近之文彩溝謝家灣洪家營乾坪等處有由白河竄來高家營大股賊匪人眾萬餘勢極兇悍分投焚掠查

德楞泰公年譜卷十一

三

文彩溝謝家灣距鎮坪甚近而鎮坪左通竹谿之風溪石通大甯之徐家壩又據逃出難民供稱此處賊匪先已竄至白河等處經陝省兵勇截回現欲入楚伏思楚境甫經肅清三省勁旅現尚未到倘經竄入所關非細且張添倫等股勢已窮蹙斷不能復折入楚臣酌量緩急情形應將高家營賊匪截勦勿使復入楚疆較為緊要十三日由平溪河躡得捷徑星夜趕回鎮坪為迎頭截擊之舉旋由紅河溪馬鞍山一帶迎往十六日五鼓帶兵由石滓河大廟前進正值賊匪移營而來該逆一見官兵即上山巒踞險抗拒臣當令賽冲阿穆克登阿等帶馬步兵勇由左手而



進令阿穆勒塔扎勒杭阿等帶馬步兵由中衝擊臣督  
同溫春達勒精阿等由右手順河前進該匪膽敢在山  
喊搖旗施放槍礮衝撲下壓三路官兵奮勇直前槍箭齊  
發立殺賊匪一百五六十名槍斃騎馬賊目一名逆眾始  
行慌亂臣等乘勢攻撲搶上山頂賊遂敗向玳瑁溝撲河  
過八百溪而逃因連日陰雨河水漲發亂石急溜官兵馬  
隊洶渡緊追賊眾愈加潰亂殺斃及淹斃者約有百餘名  
兵勇拽馬尾而過亦被淹五六名賊眾見馬步兵蜂擁  
過河奔上東山路徑稍陡兵勇搶上賊復下壓官兵力敵  
仰攻斃賊十數名左邊溝內忽有賊匪二百餘人突出經

德壯果公年譜卷十一

三

馬隊進溝衝殺賊俱上東山梁而去遠望山高二十餘里  
山頂林木箐密臣親率將弁兵勇直上步步進逼將至半  
山平坡處聚賊二千餘人飛石如雨我兵巖然不動有騎  
馬賊目往來指揮賊眾下壓四次當即令吉林索倫各兵  
下馬身藏馬後箭射槍擊共殺賊五六十名並將騎馬賊  
目擊倒眾皆敗竄官兵乘勝搶上平坡馬步疾馳追入老  
林賊匪槍礮刀矛牛馬驟駭銅帳衣物棄填滿道馬不能  
前臣一面派兵收拾一面先帶步兵緊追直至鎮溝已及  
二更該匪連夜由漁洞子老鴉坂華龍山逃走前途樹林  
茂鬱路徑難辨祇可露處暫整兵馬沿途又殺賊四百餘臣

名生擒石在洪黃李氏等男婦四百七十八名口所得槍  
礮鳥槍旗幟騾馬無數訊據擒獲賊目楊遠華王兆鳳等  
僉供此股賊匪稱為高家營逆首大掌櫃高二即高成工  
係高均德之堂兄總元帥馬五即馬朝禮又有三箇偽元  
帥是曹明魁賈世祿王臨高分黃白藍三色旗號輪流前  
走打仗男婦約有萬餘人戰手不過四五千前到白河被  
兵截回探得川省大兵已將張添倫等賊匪追過川境要  
由文彩溝馬鞍山到鎮坪過風溪前往湖北地方不想遇  
著官兵迎頭截殺死被擒者甚多今日半山坡上是藍  
號元帥曹明魁帶領三千戰手堵禦因帶槍傷敗走隨將

德壯果公年譜卷十一

四

該二犯嚮割臬示其所獲匪犯內有臉上各刺黃白藍一  
字者有刺自來投營四字者訊明均係附近州縣甫經被  
擄難民余漢卿黃李氏等三百四十三名口俱已照例給  
發銀米路票令其回籍真正教匪石在洪及被擄日久殺  
人焚掠之江文高等一百三十五名臣概行正法臣於十七  
日即跟蹤賊蹤由老鴉坂翻華龍山太平橋進追該逆至  
織子坪又遇卡隘鄉勇首把總王英率眾截剿擒殺甚多  
而該匪等遂由左手旁竄礮溪溝翻老林而遁臣恐其繞  
出北面當令王英帶領鄉勇二千名尾追臣由江西街霸  
王廟直至八仙河截其北竄之路十九日趕至油榨坪追



殊世好殺賊匪二百餘名擒獲劉登福楊劉氏等一百七十六名

賊即竄入老林翻界嶺過兩扇門逃入川境太平界內所

獲各匪亦已訊明除難民余學魁等一百零五名照例省

釋其劉登福等七十一名實係逆匪亦即正法此時殘匪

不過三四千人馬騾數十匹頭由南溪老鴉口一帶逃竄

臣趕緊入川勦辦務期盡絕根株至連日打仗外委胡貴

陣亡王福受有矛傷其餘傷亡不過兵勇數名另行查明

咨部

諭曰德楞泰本係追剿辛聰張添倫一股賊匪入陝由平利而至

紫陽又因高家營一股數有萬餘復捨張添倫宋慶子等餘匪

《德壯果公年譜卷十一》

去

專剿此股賊眾追躡入川以見其捨易就難現在平利業經肅

清所辦固好但張添倫等在紫陽游奕德楞泰並未派人在彼

搜捕將伊統領之鎮將等一併帶往川省豈有任賊匪自斃之

理現在德楞泰既入川境若不能速將高家營一股殲除致令

與川匪合夥德楞泰豈竟隨同川省帶兵各員勦辦遂謂了事

耶此時高家營一股及宋慶子俱在太平德楞泰趁此一併勦

捕不可再有怠玩所有陣亡之外委胡貴著咨部賜卹

十七日

公奏言竊賊匪高成工馬朝禮等率領敗殘餘匪三四千

人由老鴉口翻老林向猿猴溪白果壩一路晝夜狂奔日

行百里有餘臣跟蹤尾擊沿途斬擒及渙散投出者共有

殊世好一千餘人二十六日探報另有一股黃藍號賊匪約有千

餘人由小南溪冉家壩竄來二十七日臣帶兵由黃溪河

渣口石繞赴勦捕詎賊匪知官兵來勦先行折竄高頭壩

羊耳壩逃去已遠而高二馬五又由白果壩折回萬壽坪

稱桿壩而逃正擬追捕間又據土人稟報附近劉家灣沙

溝一帶黃號一股賊匪約二三千人在彼滋擾焚掠臣

當即帶兵過大竹河翻漆樹亞老山至黃連坪賊匪聞官

兵前來遂由鞍子坪遁入開縣境內旋探得高二馬五等

賊由蒿壩子及皮貨舖有竄陝省紫陽西鄉之勢查皮貨

《德壯果公年譜卷十一》

去

舖前途之中壩子即係川陝界嶺且黃藍兩股賊匪究在

川省界內權其緩急自應以勦截竄陝之賊為要初三日

由六尺壩趕抵楊家壩偵得高二馬五與龍紹周冉添元

及齊家營並李淑阮正澄等各股餘黨或二三千人或千

餘人或數百人不等俱屯於白河楚河一帶復有一股賊

匪二千餘人自太平之鹽井壩跟隨官兵之後臣欲行回

剿又恐前股賊匪遠竄蔓延若置之不問又慮後營稍有

疏虞查賊匪大小五六股前後奔突狡詐異常且萬山之

中道路叢雜擊前則後忽至剿此而彼復來必須顧及前

後庶無腹背之患隨令總兵扎勒杭阿分帶兵勇一千五



百名殿後行走儻後起之賊跟來即行迎頭截勦又據獲犯楊在理供稱再添元等匪翻小星子山至放馬廠係走紫陽之路高二馬五等股餘匪翻大星子山分兩路至八廟河五塊石係走西鄉亦通紫陽等處臣現有兵五六千名若分爲三路進勦恐賊眾兵單必受牽綴轉難制勝而八廟河五塊石等處山高地險不若放馬廠地勢稍平較易得手且再添元又居其後隨派步兵一千名乘夜繞出觀音堂之前截住高二等逆來路臣帶兵由小星子山趕至翻天窩下視放馬廠賊匪正在起營隨令賽冲阿車森保等帶兵由左手而下阿穆勒塔薩甯阿等帶兵由右手

德壯果公年譜卷十一

七

而下臣督率温春富登額等由中路前進其時忽然雨霧大作三路官兵乘雨霧瀰漫憑高齊下衝入賊營槍箭齊發立殺賊匪一百二十餘名生擒劉元蛟向周氏等男婦四十一名口賊眾驚惶潰亂竄赴斯溪河母豬坪翻山而逃官兵跟擊追殺沿途又斃賊一百二十餘名生擒游云得等八十六名因雨勢較大山高路窄馬不能上該匪盡棄騾馬爬上山頂飛石下滾步兵追至半山難以搶上急行撤回所獲騾馬旗幟刀槍等件甚多訊據獲犯蕭易之等供稱再添元與高家營之郝以智龍紹周等大衆商量合夥要往西鄉窺伺漢江詰以郝以智素無其人且既係

姓郝何以又稱高家營再三盤問始稱郝以智即係高均德他因處處官兵嚴拏故改姓名所供年貌鑿鑿可信當將各犯訊明內有教匪及日久焚殺之劉元蛟等八十一名概予正法其餘難民向正湖等四十六名照例撫卹回籍查高均德爲襄陽起事著名首逆在賊中最高爲狡悍平來忽無蹤影今既查明在此亟宜先行勦除臣即帶兵至濫草坪拏獲逃出難民劉邁五等訊稱龍紹周等股由左手五塊石而去高家營由右手翻盤頭山逃竄與探報無異隨趕至山腰該匪等即放排槍並推擲亂石捨命抗拒連壓數次官兵仰攻益力臣親率奮勇官兵冒石分投並

德壯果公年譜卷十一

六

進賊匪不能處處兼顧乘其慌亂搶上山頂勢如破竹由心子溪直殺至大市川計程一百二十餘里沿途殺賊一千餘名屍橫遍野生擒首逆高均德並其胞叔高一即高成傑又獲黃號偽元帥王臨高偽先鋒閻慎卿閻慎雄秦學順並馬五之妻馬李氏斬戮藍號偽元帥曹明魁生擒賊匪謝云祿伍劉氏等男婦五百一十七名口槍獲槍斃旗幟刀矛騾馬無數餘匪不過數百人由五峯包焦盤河一帶奔逃研鞫高均德堅供係郝以智隨令伊叔高成傑等面質該逆俯首無辭始據供出改易姓名給徒弟馬五即馬朝禮掛帥胞叔高一即高成傑出名其實營裏一切



事體還是我作主張詢以馬朝禮下落又供我見馬朝禮  
棄驟步行逃走生死實在不知查馬朝禮亦係要犯是否  
殺死抑或竄赴再添元龍紹周股內容俟確探搜緝所獲  
王臨高閻慎卿閻慎雄秦學順並曹明魁首級俱令各逆  
互相指認確實後將王臨高此是等四逆斃割梟示其餘各犯  
並搜捕男婦大小七百八十七名口訊出實在難民有安  
天富余周氏等二百六十五名口其馬五之妻馬李氏並  
餘匪葛明等五百二十二名口係襄陽等處教匪及從賊  
日久打仗戰手俱已分別正法此次打仗惟副都統銜溫  
春總管遜多保色爾滾首先衝上山頂三人騎馬俱被搗

德世長六年請卷十一

二十九

石擊倒復乘跟役之馬擒殺實多其帶傷員弁兵勇不過  
數人所有首逆高均德高成傑應檻送額爾登保軍營查  
訊後再行解京現因相隔寫遠道路梗阻擬俟軍行就近  
何縣寄留監禁候

旨解辦再陝省現有龍紹周冉添元張士龍王光祖之徒伍金柱  
四股賊匪並齊家營李淑阮正濼等各股餘黨其中尚有  
未經查出者俱在前後左右牽掣臣惟有乘勝竭力籌辦  
遇賊即勦或能掃除或逼入川總期迅速肅事再查高均  
德等供龍紹周冉添元各股匪犯因川省官兵緊蹙勦殺  
洞寨又難掠食商議合夥搶渡漢江欲與張漢潮會合臣

細察賊情現在俱竄西鄉紫陽似非無因而各逆內惟高  
均德張士龍二逆並李淑齊家營各餘黨均多籍隸樊襄  
冉添元龍紹周伍金柱三逆及王三槐冷添德各餘黨又  
多川省之人現據所供約計人數不過一萬數千人高均  
德於各逆中最為詭譎過江之議必係該逆主持各逆因  
而附和今已將高均德生擒餘黨殲除殆盡又將冉添元  
痛加勦殺其餘各股賊匪自必聞風喪膽各思逃竄萬難  
齊集搶渡但既有此供不可不預為防範臣飛咨明亮恆  
瑞慶成松筠台布暨防守漢江各提鎮等嚴密堵禦如臣  
日內再行趕緊痛勦一二股即乘勝先行繞出漢江自北

德世長六年請卷十一

三十一

而南相機勦辦再前奉  
諭旨令倭什布將山西兵丁二千名撥赴臣處進勦臣一路再添  
此項生力官兵軍威愈加壯盛當即移咨倭什布令其由  
竹谿取道平利紫陽西鄉而來刻下諒已啟行在途現在  
各逆距漢江二三百里不等臣竭力籌辦惟冀悉數勦除  
斷不令各逆與張漢潮會合

諭曰德楞泰奏生擒首逆高均德及高一即高成傑並擒珍偽元  
帥王臨高曹明魁等勦除高家營賊匪暨奏感叩  
天恩益深寅畏高均德為襄陽起事著名首逆輾轉奔逃最為狡  
黠今因官兵追勦緊急改名郝以智希圖乘間脫逃經德楞泰



向獲犯訊出根由並探知該逆在五塊石地方翻盤頭山逃竄  
德楞泰即帶兵趕至山腰直前進剿該匪等擲石抗拒連壓數  
次官兵仰攻益力德楞泰親率奮勇兵弁一齊冒石分投並進  
搶上山頂由心子溪直殺至大市川計程一百二十餘里沿途  
殺賊一千餘名生擒首逆高均德並其胞叔高二即高成傑又  
獲黃號偽元帥王臨高偽先鋒閻慎卿閻慎雄秦學順並馬五  
之妻馬李氏斬戮藍號偽元帥曹明魁等餘匪不過數百人四  
散奔逃所辦深為可嘉德楞泰前因拏獲冉文傷賞給頭等輕  
車都尉世職嗣又因生擒線字號首逆龔文玉加賞騎都尉世  
職例應併作三等男爵今著加一等賞給二等男爵並授為參

德壯果公年譜卷十一

主

贊大臣仍著賞給玉搬指大小荷包銀絲盒小刀等物其副都  
統銜溫春總管遜多保色爾滾首先衝上山頂所乘馬匹俱被  
搗石擊倒復乘跟役之馬殺賊甚多亦屬出力可嘉溫春遜多  
保色爾滾俱著交部議敘並著賞給溫春玉搬指大小荷包銀  
絲盒小刀等物遜多保色爾滾著各賞大小荷包小刀銀絲盒  
等物所有此次打仗殺賊擒獲首逆之兵丁等並著德楞泰咨  
明額爾登保各賞給一月錢糧其首逆高均德著德楞泰派委  
委員解京盡法處治

又

諭曰德楞泰現已授為參贊大臣尤賞奮力自效效法額爾登保

前為參贊之奮勇出力不可如明亮之延玩欺飾方為不負委  
任此時高逆餘匪紛紛潰散雖不過數百人然亦不可輕縱德  
楞泰處現在添山西生力官兵務須乘此勝勢兵威搜剿淨盡  
再將各股賊匪迅速掃除於年內一律蕪功受朕恩賞者額爾  
登保之次即屬德楞泰不可不倍加勉勵也又據奏高逆現已  
生擒冉添元亦經痛加剿殺餘匪因無食可掠有欲分路偷渡  
漢江會合張漢潮之供張漢潮業經殲斃各處賊匪無可投奔  
自無慮其潛往陝境勾結合夥但龍紹周等既商議搶渡漢江  
自應嚴密防範已諭知松筠令其督率所屬實力堵禦德楞泰  
等在川境截剿自更得力也

德壯果公年譜卷十一

主

恭錄

御製詩

德楞泰奏報生擒首逆高均德剿除高家營賊匪捷音至  
都詩以誌事

邪教始楚襄滋蔓川陝地雄師雖屢殲奏報有真偽偶擒一賊  
渠餘黨皆棄置虛誑盡遊思欺詐敢嘗試四年未蕪功實由債  
輟累眇躬親政初延訪資眾議此弊已深知乘時選良帥壁壘  
喜煥然非敢輕更易易將古所慎重然積久玩弛不能振作豈  
可聽其因循貽誤生事機是以將經界  
更授額爾登保四川總督將軍易以魁倫阿迪斯其勒保明亮  
永保慶成等俱先後速調更命那彥成以欽差督理陝省軍務  
台布授陝西巡撫諸路悉加整飭以期壁壘畢新偏師自楚來追賊越平利大破高家



營剋期縛高逆叶詭譎久稽誅更名郝以智悔過情可原卽命加恩賜特授參贊銜併予以世職叶果同此一心何慮不集事德榜奏報高家營大股賊匪經分兵堵剿先後殲斃投首共一千餘人並向獲犯訊出襄陽起事著名首逆高均德改名郝以智在五塊石地方翻盤頭山逃竄德榜率親率將弁等冒石分投並進擒上山頂由心子溪殺至大市川計程一百二十餘里賊賊一千餘名生擒首逆高均德等斬戮盡餘元帥曹明魁等此股賊匪勢最詭譎高均德尤為狡惡日久稽誅今經德榜奏等擒剿渠黨幾盡深為可嘉特授德榜奏為參贊大臣並賞給二等男爵以示優獎溫春及將弁等分別賞賚議敘各將帥皆能一心合力則成功計日可待惟有仰觀一聆吳眷慈恩默垂鴻佑亟蘇蒼黎劫運共享太平也

訓衷敬遵懷若居君位勉籌制勝機收功庶冬季萬民劫消除飽煖霑

遺惠揮淚告

德壯果公年譜卷十一

三

裕陵正值週年祭仰

天乞鑒誠繼

父未了志昇平或可希拈筆甘韻誌

二十二日

公奏言竊臣帶兵由大市川山溝前進甫行十餘里據哨探兵勇擊送賊匪賀顯達前來訊稱是藍號阮正濬營內大掌櫃張什與李淑營內王姓合夥割在木竹關令其前來探聽高二師父信息當將該犯斬訖臣隨督率官兵飛速取道由五侯壩右手向木竹關前進探得該匪率眾起營已向五侯壩一路分竄當令賽冲阿阿穆勒塔等帶兵

由大路迎頭剿殺臣督率溫春車森保等帶兵向右手小路繞出賊旁該匪等一見馬隊迎面而來卽退據關前險要山包施放槍礮抗拒山勢陡聳路徑窄狹並擲石下擊適臣一路官兵繞出木竹關之右手山梁壓下該匪不防官兵突出立形潰亂殺賊七八十名賽冲阿阿穆勒塔等亦率馬步兵丁並進兩面夾攻該匪進退無路拚命向山礮石崖紛紛溜下十四道河奔黑風山翻老林而遁乘勝追殺賊一百五六十名除滾崖跌斃大小男婦及渙散者不計外生擒南路偽總兵李兆探馬頭李必富二名擊獲胡心中陳劉氏等三百五十四名口當令兵勇跟探訊據李兆李必富等供稱係藍號阮正濬營裏人因阮正濬被官兵打死有徒弟張什尚有千餘人自行掛帥現在與李淑徒弟王姓合夥聽得高二馬五再添元張添倫辛聰龍紹周張士龍等前後都來西鄉一帶要過漢江是以趕來不想遇見官兵剿殺就被擊獲隨將該匪等戮割並訊明所獲匪犯胡心中等二百八十七名難民李應王任氏等六十七名分別辦理旋據差探回報該逆翻黑風山老林連夜向筒車壩一路折回查該處係通太平紫陽之路又另探稟報距營七八十里西鄉上高川紅廟子等處亦有賊匪約二三千人在彼屯聚焚掠查張什與王姓等餘賊

德壯果公年譜卷十一

三



折回向南逃遁而上高川紅廟子又在我軍之東遂由毛  
垭子趕抵下高川與上高川相距三十餘里中隔一大山  
灣遙見該處地勢稍平賊匪有住場市房屋者有搭葢草  
棚者並有舂米摘菜者零星徧野處處烟火正當午爨即  
令扎勒杭阿蒲尙佐等帶領步隊暗從左右山梁分路而  
進臣督率賽冲阿阿穆勒塔等帶領馬步隊由山灣大路  
跟溝直衝賊匪見馬隊奔至驚慌亂逃左右山梁兩路步  
兵趕到殺斃賊匪二百餘名生擒大頭目周吉鼈等一百  
二十三名時場上溝莊又有老幼男婦關吉英張周氏等  
跪哭投順者二百八十七名口兩路兵馬直趨紅廟子該  
處所屯之賊聞上高川被勦即紛紛向九道拐山梁而逃  
迨官兵趕至賊已上山放槍抵敵並推亂石下擊官兵冒  
石直上遠者槍擊近者箭射賊愈慌急擁擠落崖死者甚  
多賊眾見官兵徧地一由九道拐左手溜崖下山向羊溪  
河逃至老魚壩一由落拐溝走附子關而去官兵亦分三  
路追殺約又斃賊一百餘人生擒首逆唐大信之妻邱氏  
並黃有得等九十四名口搶獲旗幟鳥槍刀矛馬騾甚多  
訊據周吉鼈等供稱樊人傑唐大信合夥要過漢江前到  
黃官嶺被官兵截回要我高均德商量隨將該逆周吉鼈  
凌遲並將黃有得等分別辦理其投出難民男婦關吉英

德壯果公年譜卷十一

三

等照例撫卹歸業臣趕至江邊茶鎮劄營據哨探報稱防  
堵堰口提臣王文雄營盤及西鄉縣城附近已有數起賊  
匪到處焚掠官兵連日勦擊未退臣恐王文雄兵單且縣  
城離江不遠稍有疎虞所關非細是夜輕騎趕赴接應適  
慶成帶兵亦至賊見兩路官兵即翻南山而遁其時附近  
鄉村難民老幼大小二三千人逃聚城外當令都司王玉  
龍守備劉彪前往曉諭以臣帶兵數萬前來已將高均德  
等生擒痛勦各股賊已遁入南山爾等毋庸驚惶令各回  
家民心稍定查逆匪大小股數雖多俱經各路官兵屢次  
勦敗見臣兵至遁入南山分東西而逃當派幹練兵勇跟  
蹤探嗣據拏獲落後賊匪周魁萬等四名逃出難民竄  
文輝等二名僉供是張添倫辛聰龍紹周張士龍等股賊  
匪前來滋掠伊等畏懼大兵商量要回四川查漢中以東  
之江水非船莫渡惟長寨迤西至沔縣源頭一帶現值冬  
令水勢淺涸業經督臣松筠布置嚴密而臣帶兵又在沿  
江一帶截勦各逆聞風斷不敢前來窺伺現在賊蹤未定  
西鄉堰口亦關緊要慶成帶兵協同王文雄暫行分駐扼  
其東竄之路臣即帶兵西向柳樹店一路隨時偵探俟各  
逆去向已定即趕緊勦辦必不致受其牽綴

德壯果公年譜卷十一

三

諭曰德楞泰自擒獲高均德後即督率官兵趕赴木竹關攻勦張



什及李淑徒弟王姓一股賊匪皆有斬獲又親率鎮將截擊西  
鄉上高川等處匪徒並因賊蹤未定恐王文雄兵單德楞泰又  
趕赴應援所辦俱好至摺內稱既止澁被官兵打死後又有徒  
弟張什千餘人與李淑徒弟王姓合夥可見首逆雖除餘黨未  
淨仍復互相勾結此即從前帶兵各員惟知注意首逆即可邀  
功不將餘匪辦淨之流弊又所稱下高川一帶山灣地勢稍平  
賊匪有住場市房屋者有搭蓋草棚並有春米摘菜正當午爨  
者賊匪如果被官兵緊躡安能從容棲止謀及春爨等事是從  
前帶兵大員等所奏不予賊以暇之語全不足信此時有名賊  
首已漸次殲除總須擒一賊首即將此股之賊全數殄滅方可

德皇果公年譜卷十一

三

云勦淨一股不可因首逆既擒即置餘黨於不問現在各股賊  
勢俱已窮蹙自應於年內一律辦竣但不得因有年內成功之  
諭惟將各賊首擒獲即為蕩事如有零星餘匪四散逃匿必當  
逐一搜捕淨盡不可稍留餘孽即稍緩一兩月全行肅清亦不  
為遲也再張添倫等股現俱欲回川境德楞泰非陝西守土之  
臣當隨賊所向上緊追剿其漢江一帶上游現當水涸之時恐  
賊偷渡交王文雄柯藩慶溥在彼防守以專責成

十一月初七日

公奏言竊堰口一帶賊匪竄向南面老林恐其繞出江岸  
當令王文雄慶成分駐堰口等處嚴行防堵臣帶兵由柳

樹店麻柳灣司渡河沿江上游遇其竄出江岸之路隨據  
探報唐大信樊人傑龍紹周等逆知我兵沿江防截聲勢  
聯絡即由龍池場簡池壩一帶向川省之通江南江地界  
逸去又據探報川省太平山內賊股較眾而西鄉之五塊  
石大小星子山等處賊匪亦多自應取道西鄉先將陝境  
肅清再赴太平勦辦並面晤額爾登保會商勦賊事宜當  
由司渡河移營向西鄉進發甫行十餘里途次接據探報  
巴山老林並舊司河大壩關一帶賊匪數股屯踞其勢  
似欲北竄臣即撤回由五間房催兵前進行抵鍾家溝見  
有賊匪五六千人從大壩關而來一見官兵趕到即由鍾

德皇果公年譜卷十一

三

家溝左之大安邦羅家壩奔逃係通褒城黃官嶺之路因  
令賽冲阿富僧德等帶兵由舊司河直趨大安邦令阿穆  
勒塔達勒精阿等帶兵由紗帽寨七盤子直趨大壩關臣  
督率溫春車森保等帶兵由左邊尖塚子抄出羅家壩迎  
頭截住免致西竄是日官兵分投兜剿斃賊八九十名生  
擒劉文士等三十七名該逆等被剿情急即向大安邦撲  
過牧馬河官兵緊跟追殺賊匪愈形慌亂過河淹斃數十  
名匪眾屯踞大爺廟山集復敢持眾抗拒我兵奮勇勦殺  
槍箭如雨一齊搶上疎賊二百餘名內有一賊自稱張士  
虎手持長矛力敵極為凶悍被我兵亂箭射斃割取首級



衆見此賊已死不敢抵拒紛紛竄入巴山老林擁擠滾跌死者數十名官兵乘勝追殺又斃賊一百四五十名生擒傳教首逆劉學仁卽劉二掌櫃並匪犯羅德新楊劉氏等男婦二百二十五名口槍獲驟馬旗幟槍矛甚多時王文雄慶成亦帶兵及撒拉爾回兵由東而來沿途又截殺賊匪四五十名生擒數名天色已晚老林深邃未便窮追當提獲犯逐加研審據劉學仁供稱係河南新野縣人人人都呼二掌櫃我傳徒弟張士龍張士虎我與齊王氏姚之富王廷詔高均德張添倫都是同時起事張添倫王廷詔王添成宋慶子前由堰口到平利紫陽要想回川衆人因無

德壯果公年譜卷十一

三

可掠食又繞到西鄉龍池場與龍紹周等商量要乘空走柳樹店司渡河渡過漢江如司渡河有兵就走羅家壩到黃官嶺一帶過去今日張添倫張士龍張士虎王廷詔王添成等先來還有龍紹周樊人傑唐大信宋慶子張金魁率領王三槐餘黨在彼聽信當將張士虎首級令其認識據供屬實復令所獲各犯指認據陳鵬萬所供張士虎服色面貌與打仗時所見無異但恐尙有不實現在高均德等已解送漢中臣卽派弁將劉學仁陳鵬萬二犯並張士虎首級解交松筠再加辨認此外從賊焚掠者概予駢誅其被裹難民給予路票盤費令其散歸

諭曰此次德楞泰由司渡河移營西鄉探知賊匪在巴山老林及大爺廟一帶屯聚德楞泰卽督率將弁分路進剿共殺賊四百餘名將首逆張士虎殲斃生擒傳教首劉學仁使賊匪等不敢北竄偷渡漢江打仗甚爲出力但據獲賊供稱張添倫張士龍王廷詔王添成龍紹周樊人傑唐大信宋慶子張金魁等股賊匪欲由司渡河及黃官嶺一帶奔竄德楞泰務當截其去路勿令偷渡漢江並乘此勝勢趕緊截擊將著名首逆一一殲除擒一賊首必須將餘黨概行殄滅方可謂肅清一股不可因首逆已擒置餘黨於不問以致四散竄逃別滋勾結此爲最要德楞泰久歷戎行現爲參贊尤應倍加奮勉務於年內將以上指出各

德壯果公年譜卷十一

三

股首逆餘匪一律蕩平俟陝省邊界肅清再赴四川太平一帶與額爾登保剿辦川匪迅速蕩功再王廷詔一犯爲湖北首逆近來軍營奏報久未敘及該犯姓名今摺內稱現與張添倫等同夥係又從何處前來竄合並著查明附奏

案此大解送漢中之劉學仁陳鵬萬二犯及張士虎首級嗣經松筠奏稱據監提高均德辨認屬實有旨著松筠分別正法並卽在漢中地方梟示

二十三日

公奏言竊查龍紹周張士龍等匪由龍池場七寨子折回通江太平惟張添倫張金魁王添成並王三槐餘黨符曰明度向瑤等約共四五百人合夥西行其龍逆等賊當經



札致額爾登保就近分兵剿辦臣願其西北即帶兵緊蹙賊蹤翻越界嶺由通江南江交界之空山壩漆樹坵桂花園一路前進沿途頗有斬獲初四日兵抵嚴灘探得張添倫張金魁符日明度向瑤宋應子王添成等分屯於平河空木河等處又據獲犯供稱聞該逆等欲至廣元甯沔繞過漢江是各逆總欲過江北竄實堪痛恨初五日督率阿穆勒塔並侍衛將弁等帶領馬步兵由土地壩直取平河進剿令賽沖阿溫春扎勒杭阿等帶領馬步兵繞出空木河抄截迨臣兵抵平河詎該逆已知官兵前來先於箐林中設伏突出迎拒幸官兵奮勇槍箭齊發立殺賊二

德世果公年譜卷十一

三

十餘人登時潰敗而逃官兵乘勝追殺而空木河之賊亦經賽沖阿等剿敗兩處賊匪俱由大壩旁回身捨命抗拒兩路官兵併力兜剿又殺賊百餘名賊始披靡亡命奔逃官兵追殺直至金廠嶺賊即丟棄馬騾翻入箐林老山遁去此次除棄械逃散外約殺賊五百餘人殄斃王三槐之偽元帥呂其仁生擒蔣正朝駱毛氏等男婦二百一十一名口搶獲馬騾槍礮器械衣物極多所獲各犯分別辦理復據差探稟報張添倫王添成等股賊匪連夜由岳溪河翻老山向寬灘河一路奔逃張金魁符日明等股賊匪由黃柏壩竄至野人村屯紮查寬灘順河而上即可直達廣

元甯沔大道過河則通七眼洞又可直奔黃官嶺臣帶兵由觀音壩繞至寬灘河截住賊頭官兵突出極力痛剿又殺賊三百餘名擒獲魏佳義等二十二名滾嚴落河者甚多該逆等祇贖千餘人馬十數匹即折回老林仍由岳溪河翻金廠嶺箐林向南而遁惟符日明等雖係餘黨又有張金魁合夥人數尚有二千餘名而野人村係廣元所屬亦可徑通甯沔臣由寬灘河取道橫擔梁繞出西北次日

德世果公年譜卷十一

三

至野人村後山賊匪毫不知覺我兵分路殺入賊眾驚慌亂竄維時對面山腰坵子屯紮之賊見官兵剿殺竟敢傾巢下山前來救援臣俟其盡下時急令我兵分投抄出賊後三面兜剿鏖戰良久殄斃極多賊眾不能抵敵分兩股敗竄一由野人村竄入西山老林約二千餘人當令溫春扎勒杭阿等帶領步隊進林跟追一由順溝而逃者四百餘人臣督率賽沖阿阿穆勒塔等帶領吉林索倫馬隊趕追二十餘里全行剿盡其竄入老林賊匪因路徑偏窄羊腸一線擁擠不開不但馬騾什物盡行丟棄竟有後賊戮殺前賊奪路奔逃者官兵追殺四十餘里除沿途斬殺滾巖擒獲外約贖賊匪六七百人竄至鷹嘴崖詎該處崖高十餘丈絕無路徑後面官兵緊跟追殺逆眾遂棄械徒手盡皆墜崖而下經兵勇繞出崖下殺斃甚多其生逃者不



過三百餘人當即派兵跟追並差弁遞傳遠近各寨一併  
嚴查福山搜捕查兩股賊匪統眾三千餘人官兵追剿痛  
殺共有一千六七百名生擒賊匪男婦八百六十四名口  
復派兵四處搜捕又獲賊匪三十一名生擒王三槐之偽  
總帥符曰明並其妻王氏張金魁之偽元帥王佐銀耿均  
榮冷添祿之妻楊氏惟在逃之張金魁一犯據符曰明等  
僉供於空木河被剿情急是夜帶二三人翻金廠嶺箐林  
潛逃臣隨派幹練弁兵星夜前去督同各寨首細加搜查  
務期必獲其庚向瑤一犯據各犯僉供年逾六旬實不管  
事生死不知查該逆係出名首逆亦派兵於鷹嘴崖一帶

德壯果公年譜卷十一

三

逐加搜查再近來所獲各賊俱多赤足蓬頭形如菜色勢  
實萬分窮蹙故必合夥數股之眾竄走無兵之處以冀苟  
延殘喘而臨陣投出者究屬寥寥每訊獲犯咸知投順概  
准免死並酌給銀米路票歸業無如該逆等頑梗性成猶  
復嘯聚滋擾執迷不悟實屬罪惡貫盈自取誅戮至現在  
川省地方洞寨聯絡險固可恃而又盤查嚴緊賊匪往來  
不但無人可擄味此所奏皆實一切糧食牛馬無不屯養寨內當此嚴  
冬交迫賊數日漸滅亡官兵益覺驍勇趁此機會多殺一  
賊即少一害掃除一股即去一孽臣擬即帶領得勝全師  
自北而南逐一搜捕並探剿張添倫等股賊匪且通江南

江一帶相距太平不遠如或與額爾登保兩軍相近即可  
面商熟籌趕緊剿辦至首逆符曰明係東鄉首先謀逆之  
犯與王三槐冷添祿等同惡相濟茲幸生擒應檻解達州  
交魁倫盡法處治凌遲示眾其楊氏王氏俱應緣坐亦應  
一併解送查辦俟軍行就近何縣即飭交該縣小心管解  
偽元帥王佐銀耿均榮俱係襄陽首先謀逆之犯臣於訊  
明後即嚮割處死所獲各犯訊出實在難民男婦張元中  
李王氏等二百五十二名口照例省釋外其夏可彥潘國  
明等六百四十二名俱係從逆起事及焚掠戰手一概駢  
誅

德壯果公年譜卷十一

三

諭曰各股賊匪總思由甯河一帶偷渡漢江經德榜泰等痛加剿  
殺不令北竄並生擒賊首多名所辦甚好德榜泰著賞給玉璽  
指帶環大小荷包溫春阿穆勒塔著各賞玉搬指環藥葫蘆大  
小荷包扎勒杭阿賽沖阿各賞給玉搬指環環盒大小荷包以  
示獎勵

二十四日

諭曰現在川陝追剿賊匪屢有斬獲賊勢已極窮蹙大功將次告  
竣因思鄉勇一項其民間自為團練者聚則為兵散則為農事  
竣後自可無庸另行安插惟雇募鄉勇俱係外府州縣之人其  
中良莠不一俱係應募充當將來事竣之後若不妥為安頓則



此等無業民人仰食無資或有不安本分之徒又復乘間滋事若俱籍為兵丁又安得有如許兵缺現在鄖陽五郎等處正議添設營分駐劄彈壓其額設兵丁應須召募或即將此等雇募鄉勇令其入營充伍亦安插之一法著交該督等入於善後事宜妥為籌辦務令人人得所綏靖地方再前據那彥成奏富成所帶兵丁皆被褐無禪此等兵丁均係為國敵愾之人全在士飽馬騰方能奮勇殺賊若任其衣被襤褸豈能用命前已有旨賞給那彥成銀六千兩俾作為賞需之用今著再賞額爾登保銀一萬兩德楞泰銀五千兩以充賞項但額爾登保等總須留心察看擇弁兵中打仗最為出力及實在貧乏者酌加獎賞不

《德世具公年譜卷十一》

姜

可因有此賞項即行濫賞遇有格外出力者轉無可酬其勞績從前辦理軍務本無賞需一項即有官兵打仗出力者亦皆由特旨酌量賞給錢糧等項自福康安承辦軍務始開賞號之端任意於所過省分及鹽政關差等濫行支用供其揮霍以致兵丁等竟視為常例長其驕志而此次明亮永保等皆藉詞賞需任意支領甚至借端肥己多有浮冒但此項賞需相沿已非一日若遽行裁去又恐帶兵大員辦理周章然竟漫無節制又豈核實辦公之道總之軍務現已垂成固不必存愛惜小費之見亦不得濫行賞用虛糜不繼也所有額爾登保德楞泰應支賞項亦著於四川藩庫給發不必入於軍需項下支銷

十二月初五日

額爾登保奏言臣分兵趕擊賊匪出南江官路口一帶二十日途次觀山接德楞泰來信在廣元野人村一帶剿賊二千餘名將符日明等生擒取道新店子前來十六日在塘房壩地方探得徐添德樊人傑鮮大川楊開甲等股賊匪由官路口過河竄入通江之平溪壩鐵廠河一帶業已帶兵往追此後德楞泰自西而東道路儻復相近更當併力合剿現仍彼此札商相機辦理

《德世具公年譜卷十一》

姜

諭曰德楞泰所追之徐添德等已竄入通江地方與麻柳灣賊匪合夥竄往羅家壩額爾登保帶兵跟蹤前進正當乘其潰竄之時痛加剿殺至與德楞泰自因彼此剿賊緊要未能會晤其應辦機宜朕亦不為遙制額爾登保惟當與德楞泰會商妥辦

案額爾登保尋又奏稱公由平溪壩追剿徐鮮等股賊匪至陝之西鄉在鞍子溝等處頗有新獲該匪折回四川之太平公現由城口一路剿辦并稱與公相距雖遠信息常通儻於此數日內兩人再能痛殲一二股匪則賊事即有可望

二十六日

公奏言臣前於西鄉鞍子溝將鮮大川苟文明等股賊匪截剿未能北竄各緣由當因附近通江即行詳晰寄呈經略額爾登保奏報在案嗣該逆被剿折而東奔臣躡蹤前進沿途日有擒獲據獲犯僉供該逆欲赴川東無兵處所



冀延殘喘查川東一帶甫經安撫且大兵盡在西北再經  
邊掠賊勢又必復熾該匪惟恃狂奔日行百里以外臣緊  
跟賊蹤旋轉於深山箐林之內茲於十一日趕抵雞鳴寺  
正值大雪該逆等見官兵已至即竄上大面坡老山之一  
窩絲油榨坪等處臣於是夜四鼓帶兵冒雪步行而進路  
徑險窄冰凌滑溜馬匹間有跌斃者十二日已刻行抵一  
窩絲趕上賊尾我兵奮力勦殺立斃賊匪三十餘人匪眾  
膽敢下壓官兵併力攻撲即時將油榨坪搶上又殺賊一  
百餘人生擒張成有等二十四名逆匪敗上貓兒梁箐林  
道路愈窄冰雪愈大更有橫木欄架兵力不能施展臣與  
賽沖阿溫春並各領隊鎮將等親率步兵追出箐林之馬  
家營又殺賊二十餘人賊匪即由關口坪炸金壩漏夜奔  
逃所獲各犯當即分別辦理旋據哨探度向瑤帶餘匪三  
百餘人由右手桐油坪遁入東鄉界內提臣七十五現已  
追賊在東開一帶即飛咨令其就近迎勦而鮮苟二逆現  
竄雲陽之謝家壩一路或入雲萬或赴奉大均未可定臣  
擬即選兵輕騎窮追鮮苟二逆以冀迅速擒掃再川陝邊  
界一帶尚有賊匪游奕查西鄉堰口等處有王文雄駐彼  
防堵近復添派山西兵丁二千聲勢壯盛紫陽等處有總  
兵柯藩近又有額勒亨額帶

德壯果公年譜卷十一

三

盛京勁旅一千在彼防堵更為得力平利一帶慶溥溫承  
惠帶領兵勇扼要堵截松筠現又親帶官兵在漢陰防禦  
尤為妥協似此布置嚴緊江岸實可無虞臣俟將鮮苟二  
逆擒掃後察看賊匪情形何處緊要即移師前往勦辦至  
此次打仗陣亡受傷兵勇十數名容俟查明咨部辦理再  
遵查王廷詔一犯籍隸襄陽又名王大淑與齊王氏姚之  
富李淑高均德等同時起事迨齊姚伏誅該逆遂率夥黨  
數百人周流於川楚陝各股賊營之內而各首逆無不俯  
首奉教待以父師之禮蓋緣已死逆兄王廷章首先捏創  
邪教自齊姚二逆以及三省各股首逆半屬徒輩是以該  
逆名分最大如傳授羅其清經圖代為高均德改名皆係  
聽其指使其蠱惑人心又為各首逆中之渠魁臣前於箕  
山勦辦羅其清及麻壩寨殲除冉文傳時該逆俱附其黨  
迨後進勦各逆臣留心查訊並未供出王廷詔之人茲  
於舊司河大壩關截勦張添倫張士龍等擒獲傳教首逆  
劉學仁訊據該犯稱王廷詔現帶不過百餘人附合張士  
龍張士虎夥內是以將王廷詔一併敘入摺內嗣後平河  
空木河及寬灘河野人村等處連次勦除各股所擒活賊  
千數百人其中並無該逆匪黨亦未有供稱者諒彼時經  
官兵痛勦不能北竄或仍附張士龍股內或又遁入另股

德壯果公年譜卷十一

六



遠屬均未可定第該逆逃竄總不出現在各股之中臣帶兵遇賊即剿無論首逆夥黨惟期盡絕根株諒該逆斷難漏網

諭曰德楞泰一路軍營打仗情形久未據伊奏報朕盼望已有月餘時深慮念乃本日奏到之摺並未痛剿賊匪止將官兵追逐情形摘入聲敘而殲賊又不過一百餘人閱之殊不愜意想德楞泰因具摺恭賀元旦不得不將軍務情形附奏塞責殊不知朕因軍務未竣宵旰焦勞更有何心披閱元旦賀摺現在

皇考大事二十七月以內一切慶賀典禮俱經停止德楞泰惟知具摺稱賀並無軍營捷音何不曉事若此前次德楞泰本在川

德壯果公年譜卷十一

三

北剿辦賊匪今又稱鮮苟二逆竄往川東伊即馳往窮追顯有避重就輕之意仍蹈從前軍營奏報粉飾惡習昨據松筠奏川省賊匪約有七八千人竄入陝西西鄉境內自即係德楞泰前次所剿之賊德楞泰並不跟蹤至陝舍之東去非避賊而何昨因此股賊匪竄近甘境諭令那彥成帶兵速赴徽縣一帶堵剿著德楞泰即迅速馳往徽縣與那彥成併力截剿若能一鼓殲除固屬甚善否則仍當逼回川境以便官兵會合剿辦斷不可令其深入甘境

二十七日

諭曰現因賊匪竄入陝境有前往甘境之勢已令那彥成速赴徽

縣一帶堵剿並令德楞泰馳往會同截擊但昨旨到後恐賊情又有不同或此股賊匪已截回川省則德楞泰又可無須前往不可稍存拘泥若德楞泰必須前赴徽縣協剿其原追之各股賊匪即當另派委員速往接辦不可又任賊匪因無人追剿復致他竄總在額爾登保斟酌機宜朕亦不為遙制

三十日

諭曰前因川省賊匪竄入西鄉勢將直趨徽縣已降旨令德楞泰帶兵迅赴該處趕緊剿捕今松筠奏賊匪由沔縣一帶竄至畧陽境內意欲繞至嘉陵江上游闖入甘境是已竄近甘省地界雖經松筠在彼堵剿但該處兵力較單而那彥成相距較遠緩

德壯果公年譜卷十一

四

不濟急且那彥成究係書生不若德楞泰之熟練軍務帶兵勇往計德楞泰接奉前旨此時自己前赴徽縣一帶著再傳諭德楞泰體察情形如伊從前所剿雲陽等處賊匪股數尚多或將伊所帶將弁兵丁酌量多留一二千名在彼剿辦德楞泰即酌帶兵丁速赴畧陽加以松筠原帶之兵協力剿辦以期殄盡賊蹤如雲陽等處賊匪本屬無多且有額爾登保在太平東鄉一帶就近可以兼顧德楞泰即可稍留兵力移會額爾登保聽其指撥調度德楞泰將所帶征兵速赴畧陽協剿自更得力至德楞泰到後如能將此股賊匪會同松筠全數殲除淨盡固屬甚善否則亦必將畧陽滋擾之賊兜逼回至川北與額爾登保併



力夾擊斷不可在後尾追驅賊入甘或又折回川南致完善之區又遭蹂躪總在德楞泰隨時隨地斟酌情形相機剿辦也

五年庚申

公五十六歲

正月初五日

諭曰前因川匪竄入甯河一帶德楞泰相距不遠是以令其速赴陝境堵剿今額爾登保親自前往更為得力且已知會德楞泰令在開縣一帶剿辦再添元等股賊匪相距陝省較遠想德楞泰斷不拘泥前旨復又帶兵赴陝也額爾登保現已到陝川省各股賊匪即責成德楞泰倫勒辦魁倫係本省總督川境賊

德壯果公年譜卷十一

三

匪係伊分內應辦之事伊二人務當督率將弁分投截擊將再添元徐添德等股以次殲除

十五日

公奏言查鮮苟等逆自截向謝家壩奔逃之後愈形狼狽日行百里以外惟向老山箐林而逃臣跟蹤追擊沿途頗有斬獲賊遂竄入大甯之火鑪垵經我兵冒雪直上剿擊其尾山高路滑仰攻維艱兵勇亦有帶傷陣亡者約殺賊八九十名生擒黃登第等十六名餘匪直奔中嶺大山雪霧交加積厚三尺賊匪驟馬滾跌大半偏橋盡被拆毀官兵因冰雪露宿久無鍋帳勢不得不暫為歇息臣一面派

令兵勇整搭偏橋修理道路旋即前進查看賊蹤凍死自

殺者不下百餘人隨營夫役亦有凍斃官兵因雪光罩眼

及凍壞手足者亦有十數人擊獲落後賊匪易添美等及

逃出難民姚紹志等僉供賊營現在男婦大小不過二千

餘人大眾原不肯進山因官兵追殺得緊纔走此路當即

分別辦理二十七日大甯之康家壩鮮苟等逆遁入黃

墩老山一帶欲向太平逃逸該逆等窮奔緊急旬日已歷

雲開奉大太平五縣地界幸經官兵緊躡百姓尙不致受

其荼毒二十八日正移營間接據督臣松筠來信西鄉南

鄭一帶馬姓羅姓等數股賊匪合而為一約有萬人近

德壯果公年譜卷十一

三

由城固所屬地界翻山至南鄭之紅廟塘距江數十里分屯數處竟欲搶渡漢江而上游縣長淺涸處所甚多賊眾兵單極為緊急又稱西鄉東路賊股亦多獲犯亦稱川省無糧因官兵追緊要從漢江上游搶入甘省覓食已將一切情形縷晰札致額爾登保派兵由甯羌入境並令臣分派鎮將帶領官兵由西鄉入境協剿查額爾登保現在巴東一帶剿辦各逆正當喫緊之際恐不能分身赴彼臣帶兵六千餘名除陸續患病及傷亡外現有不過五千餘名若再分帶赴陝於彼恐難制勝於此究形單弱兩俱無益近准額爾登保札知因臣一路兵力不敷分辦札令朱射



斗所帶之兵前來協剿今陝省江岸緊急臣自宜迅即帶兵往剿其鮮苟等逆究在川省應令朱射斗就近剿辦臣現抵大甯飛仙觀擬由太平直趨西鄉江邊約程一千一百里而山中雪霧連綿至今尚未晴霽惟有酌量兵力趕緊前進即或途遇另股賊匪亦祇可剿而不追計旬日間可以到彼並先行牌傳沿途州縣臣統領巴圖魯侍衛百員滿漢屯土勁旅二萬前來西鄉一帶剿辦賊匪張其聲勢以安民心而壯兵志且使各逆聞風亦可震懾

諭曰德楞泰前於大甯一帶剿辦竄匪迄今已及月餘正深盼望乃本日奏到之摺不過鋪敘山高路滑雪霧交加官兵有凍壞手足之事並未打一勝仗擒一著名首逆德楞泰著傳旨嚴行申飭此時德楞泰自應接到額爾登保知會不復前赴陝省若已帶兵前往於接奉此旨後即速回至雲陽開縣等處與魁倫併力剿辦魁倫從前雖在川年久現係總督但於該處賊匪情形及一切堵剿機宜自不若德楞泰之熟習惟當與魁倫協力同心會商妥辦如能將川省各股賊匪迅速殲除即屬德楞泰之功不可再有遷延致干咎戾

十七日

諭曰昨已降旨令德楞泰同魁倫在雲陽開縣地方專辦川省竄匪本日倭什布奏陝西平利一帶賊匪約有五千餘人攻撲卡

隘闌入楚省邊界但昨據德楞泰奏稱拏獲賊夥所供現在賊營內男婦大小不過二千餘人今賊匪竄入湖北邊界者已有五千餘人之多此股竄匪又從何處逸出可見德楞泰前此奏稱賊勢窮蹙尚未確實現據倭什布稱該處距德楞泰一路較近已飛咨帶兵應援著德楞泰將川省零星賊匪專交魁倫剿辦德楞泰即酌帶官兵迅速馳赴湖北邊界探明賊蹤會同倭什布奮力剿殺勿令賊匪深入楚境

二十七日

公偕額爾登保松筠奏言臣額爾登保由廣元入陝十七日行至甯羌州之大安驛臣松筠由漢中趕至查高姓等

股賊匪既經分竄其勢易至蔓延那彥成等雖帶有官兵七千餘名剿堵恐不能兼顧且秦州東北毗連陝省之隴州一經闌入地勢漸就平衍西安一帶即為震動臣額爾登保自應徑出棧道從寶雞趕赴隴州一帶截剿十九日行抵褒城臣德楞泰正行次西鄉之大灣賀家山地方猝遇伍金柱一股賊匪分派官兵在瓦溪溝十二嶺等處追殺二十餘里殲賊三百餘人擒獲活賊蔣士臣等四十二名都司馬濤千總游金階陣亡總兵扎勒杭阿受石傷一處餘匪遁入老林臣德楞泰以賊竄甘省為重飛咨王文雄長春就近相機堵剿即趕緊行走於本日亦至褒城沿

德壯果公年譜卷十一

聖

德壯果公年譜卷十一

賜



途并探得張漢潮餘孽分爲三股其前二股先後俱從棧道之松林驛陳倉溝竄入甘境臣等查此時賊勢多半聚於甘省分投肆竄該處道路分歧必至徧遭蹂躪臣額爾登保刻卽由寶雞趕赴隴西扼截東北大路但那彥成從徽縣一路采入之後儻該匪等又折竄鳳縣兩當奔入南山一帶仍屬可慮臣再四思維川省賊匪漸經竄出所存不過數股有魁倫率同阿哈保七十五李紹祖朱射斗等帶兵勦辦陝省西鄜五邛等處雖尙有賊匪有台布岱森保王文雄及各鎮等或堵或勦尙可不致鳴張臣德楞泰已到襄城距甘不遠若折回川省不獨擡延時日轉恐徒

德壯果公年譜卷一

聖

勞兵力以致兩處均不得濟不若卽由兩當進發旣可與那彥成兩面夾攻臣額爾登保又帶兵從東北截勦則合有三路重兵卽或一時未能殲除淨盡亦斷不致蔓延臣額爾登保現札致魁倫台布等於趕勦之中必須寓以持重台布等尤當於五邛鎮安一帶堵禦東竄之路俟臣等將甘省之賊全行殲洗移師川陝卽可以次掃蕩至應用之軍火糧餉等項臣松筠業已飛飭各屬一體妥爲預備務使源源接濟不致缺乏

諭曰高姓等股賊匪在秦州徽縣等處分竄那彥成等已帶兵取道鳳縣從兩當前進額爾登保徑出棧道趕赴隴州截勦適遇

德楞泰帶兵來陝在西鄜地方猝遇伍金柱一股賊匪當卽派兵追勦殺賊三百餘人伍金柱之名從前未據奏及是否係由川分竄入陝之賊抑係別股賊匪經官兵勦殺後又遁入老林實爲可恨至額爾登保以川省賊匪所存股數無多德楞泰已到襄城應卽令由兩當進發與那彥成等兩面夾攻一節川省之賊因彼處無可掠食是以竄入甘境現經額爾登保等合兵追勦自未必仍折回川必思竄至陝省而陝境石泉一帶現據台布奏稱又有川省竄匪搶渡過江距城甚近該處兵力較單難以堵禦看來賊匪彼此勾通竟有分掣官兵之勢儻竄往甘省之賊或又乘間折回東竄則陝省未經被賊之區復遭蹂躪

德壯果公年譜卷一

聖

甚有關係現在西路追勦賊匪已有額爾登保與那彥成兩路之兵又有楊揆等所調之兵併力夾擊足資勦捕德楞泰自應卽赴陝省會同台布勦辦石泉之賊並防甘省竄匪折回陝境方不至顧此失彼額爾登保惟當與那彥成等將甘省之賊速行勦除其陝境之賊交德楞泰勦辦所有在西鄜殺賊陣亡之都司馬濤千總游金階俱著咨部賜卹

二月初一日

諭曰前據台布奏賊匪擾及石泉一帶已降旨命德楞泰帶兵馳赴石泉會同台布協勦矣本日據魁倫奏川北賊匪搶渡嘉陵江擾至川西有上下分竄之勢是成都重慶地方均爲著重魁



倫現已帶兵馳往勦辦但恐伊一路兵力不敷據目下賊情而論川西自屬萬緊著德楞泰即帶兵趕回川省由廣元昭化一帶前赴川西會同魁倫相機勦辦勿任各股竄匪乘虛奔突致川省繁庶之區遭賊蹂躪也

初三日

諭曰前因川省定遠賊匪搶渡嘉陵江已降旨令德楞泰帶兵由廣元昭化取道馳赴川西協同魁倫勦辦但現在川北地方尙有賊匪奔竄魁倫已帶兵前往川西其東鄉太平一路現無大員在彼督兵勦捕是川北轉屬空虛儻此股賊匪亦思搶渡嘉陵江闖入川西則魁倫既進勦前路之賊後路復有賊匪奔竄轉致前後瞻顧難於勦辦著德楞泰於經過廣元時察看情形若川北賊匪尙多德楞泰即留彼勦辦或酌分兵力前赴川西亦可昨已有旨令明亮馳赴川西該處帶兵亦不致乏人德楞泰惟當斟酌緩急機宜妥為辦理

初六日

諭曰前因賊匪搶渡嘉陵江已令德楞泰帶兵由廣元昭化趕赴川西會同魁倫勦辦本日據額爾登保奏岷州階州境內有分股賊匪竄入現在德楞泰已抵秦州距岷階不遠而階文一路由白水江前赴成都較為捷近著德楞泰即馳赴岷階一帶相機辦理如能將此股竄匪迅速勦盡固屬甚善儻未能剋期辦

竣現在吉蘭泰廣厚楊揆等俱帶兵在甘境勦賊何人較近德楞泰即可酌調交伊勦辦德楞泰即由階文取道速赴川西實力截勦將該處賊匪上緊辦竣或仍逼回川東川北一帶總須將川境之賊悉數殄平彼時察看何處需兵幫助再赴他處協勦

十六日

諭曰川西重慶潼川各府地方蕃庶為賊匪素所窺伺今一旦乘間竄往該處百姓又未築堡防守自必肆行焚掠前日魁倫摺內即稱逢溪附郭村莊燒燬並見有被賊殺害屍身之語則賊匪克焰頓張荼毒生靈不知凡幾朕心深為惻惻寢食不甯前

川匪竄往甘境據那彥成奏賊匪裹掠牛羊馬匹有二三千之多甘肅地方瘠薄尙且如此何況川西富庶之區乎至村民被其迫脅畏死貪生附從者又不可勝計況菁華所聚皆在川西自勦辦川東川北邪匪以來雖所用軍需銀兩由部庫發往及各省協撥亦全仗川省西南為之接濟茲賊匪渡江滋擾附近地方已被劫掠室廬蕩然焉能接濟川東川北賊匪有日增之勢而官兵多支絀之虞如此滋蔓難圖何日始能竣事朕晝夜焦急刻不能耐惟望德楞泰接奉前旨星夜趕赴川西幫同魁倫上緊勦辦以川西甘肅目下賊情而論甘省即無那彥成兩次痛殲之事亦當以川西為急德楞泰必應迅速趕往况甘省



連獲勝仗已經得手額爾登保現在帶領多兵又有廣厚吉蘭泰慶成等率領甘涼兵協剿該處兵多將廣又何需德楞泰一人前此額爾登保冒昧徑赴甘省德楞泰又接續前往經畧參贊同時離川以致賊匪乘間搶渡嘉陵江擾及川西完善之地伊二人已難辭咎此時德楞泰務須加緊加快速赴川西現又催令勒保前往帶領現調黔兵幫同剿辦若能即在川西地方將賊匪全數撲滅固所深望否則亦當驅賊折回川江之東北以便合力剿除勿使賊匪在川西蔓延此為至要

案先是賊匪搶渡嘉陵江時上念川西軍情緊急已有旨賞給勒保藍翎侍衛著赴軍營帶兵贖罪至是總兵朱射斗禦賊於蓬溪之高院場援絕陣亡賊勢日熾上以川督魁倫束手無策而帶領新調黔兵

德壯果公年譜卷十一

哭

之總兵施福甫行入川情形又未熟悉惟勒保在川有年且與施福甫素識協同剿賊自更得手因著勒保星夜馳赴川西催集黔兵同公剿辦故諭旨及之

十七日奉

旨補授正白旗漢軍副都統

二十五日

公奏言臣前在禮縣汪家川等處將竄甘之楊開甲等股賊匪痛剿斃其偽元帥陳正申偽先鋒王添元等殄擒賊匪及投出滇散難民二千餘人餘匪狼狽敗逃各緣由當經詳晰寄呈額爾登保繕摺具奏臣跟躡該逆等於十一日追至徽縣姚家坪途次接准額爾登保來信並抄寄督

臣魁倫奏稿以川東川北各逆躡水搶渡嘉陵江西賊眾不下萬人有上下分擾之勢恐其延及成都重慶令臣速

即回川截剿其現追之楊逆等著交吉爾泰接辦臣察其情形賊勢緊要隨即遵照回川十二日自姚家坪啟行經

由畧陽入棧取道廣元昭化劍州而進十六日途次甯羌又准魁倫移咨以各逆竄赴鹽亭南部等處滋擾官兵暫

駐潼川僅能防其西竄成都之路俟貴州兵到即渡江自南而北已囑七十五改道由順慶自東而西囑臣迅由廣

元昭化直至梓潼緜州自西而東既可截梓潼赴省大路又可截走龍安捷徑且收三面夾擊之效臣查嘉陵江居

德壯果公年譜卷十一

辛

三江之中該處地勢稍平居民富庶其歷年完善者亦以是江為之藩籬今賊已陸續渡江民心固已驚惶兵力驟

難雲集魁倫若急於進剿不惟兵力不敷反恐驅之狂竄愈入愈深此刻惟有將沿江大小船隻盡行撤泊各城附

近地方再將西南一帶扼要之所設法緊守任賊游奕於

已經蹂躪之地臣到時相機分路進剿即或一時未能擒除而兩邊江河非船莫渡亦斷不能漏網他處當將籌計

情形移覆去後茲於十八日已入川之廣元計由昭化劍州梓潼緜州一帶即速趕行一日不過百里內外第恐兵

馬過於緊迫一有疲乏欲速反遲勢必臨陣轉不得力再



查魁倫現在潼川一帶截剿俟臣趕抵梓潼縣州確探賊蹤應由何路進剿之處即飛致魁倫為兩面夾擊之舉

諭曰德楞泰奏帶兵起程回川已抵廣元並籌辦賊機宜所見甚是惟據稱前在禮縣汪家川等處將竄甘之楊開甲等痛剿殲斃偽元帥先鋒等一節德楞泰既得勝仗自當即行具奏即因與經畧相距不遠亦應一面奏聞一面將摺底送經畧查核伊本係參贊與那彥成相等那彥成於剿賊情形俱係隨時陳奏且德楞泰前此帶兵剿賊亦屢經自行奏報何以此次止報經畧額爾登保並未自行具摺殊為拘泥此後該參贊於打仗殺賊情形務須隨時迅速具奏前此未得德楞泰在禮縣打仗

德世果公年譜卷十一

三

德世果公年譜卷十一

三

得勝之信已先經降旨將伊補授正白旗漢軍副都統今令其回至川西剿賊尤當倍加奮勉上緊剿辦前此川北賊匪搶渡嘉陵江魁倫不能預為防範致令擾及川西完善之地魁倫之罪自為最重額爾登保以魁倫為可靠冒昧赴甘並未妥為布置致賊匪乘虛西竄其罪即居其次而德楞泰係屬參贊率行赴甘亦難辭咎今賊匪已竄赴鹽亭蓬溪一帶該處西阻潼江東阻嘉陵江賊匪屯聚之處實係絕地未始非極好機會德楞泰現由廣元昭化直趨梓潼縣州自西而東所有此股賊匪即專交德楞泰剿辦務須乘賊匪自投絕地之時與魁倫奮力夾擊在潼江以東嘉陵江以西將賊匪悉數殲除勿留餘孽即為

德楞泰之功朕必加以五等崇封德楞泰從前帶兵搜捕賊匪未能剿盡一股往往半途而廢以致齊家營高家營至今未靖誰之咎耶此次在甘辦理楊開甲一股未經辦竣遵旨前赴川西尚無不合現將川西賊匪交伊專辦必當倍加慎勉立功奏績不得復蹈前轍有功係德楞泰居首有罪亦係德楞泰為重所有帶兵各員內如施縉甫由貴州赴川於該處地利情形未能諳悉自當與李紹祖等俱聽德楞泰節制其實在出力者即特行保奏若有不遵調度者即嚴參治罪如得有勝仗亦即速行馳奏以慰廑注

案公在禮縣汪家川等處勝仗額爾登保於三月初一日始併恆瑞各路情形彙報此時尚未奏入故有是

諭

三月初九日

諭曰本日據魁倫奏德楞泰於二十四五等日在江油所屬烏龍觀新店子等處連獲兩次勝仗殲擒賊匪甚多覽奏欣慰之極德楞泰一到川境即獲勝仗事機極為順利何以未據馳奏現因提督七十五種種延玩已降旨將伊解任所遺四川提督員缺現在四川總兵中無人可以陞用而德楞泰正在四川省帶兵剿賊即著以參贊大臣副都統暫行兼署提督事務呼應必靈此時賊匪竄聚川西南阻潼江北阻嘉陵江決勝之計全在此舉今德楞泰以參贊兼署提督川省漢土官兵皆其所轄所



有川境賊匪專交德榜泰一手勦辦務須倍加感奮迅速殲除方為不負委任

德壯果公年譜卷十一

三

德壯果公年譜卷十二

次孫花沙納恭纂

嘉慶五年庚申

三月初十日

公奏言竊臣行抵川境由昭劍趕程沿途殊批可憐行旅斷絕場市

一空派員逐處招撫并令地方文武官鎮靜堵禦出示招

徠察看民情甚為慌懼二十二日抵武連驛該處居屋已

被焚數十間亦無居民探得劍州之元山場等處屯聚賊

眾已過大路之西向彰明江油一帶奔竄係趨龍安赴白

水街畧陽之路若由梓縣尾追愈入愈深詢得武連驛右

德壯果公年譜卷十二

一

手小路可以繞出江油之重華堰箐林口殊批好即為龍安等處

要徑較為便捷二十三日趕至張村埡我兵已扼據賊前

哨探賊眾尚在東南新店子馬蹠岡一帶焚掠二十四日

臣帶兵自北向南行十餘里即有烏龍寨寨首飛稟今早

賊匪千餘人圍攻該寨危急萬分懇請勦除當即趕至見

寨內男婦老幼號哭慌亂賊匪一見官兵舍寨來撲我兵

競進立殺三十餘人追至馬蹠岡正欲探明新店子進剿

詎敗回之賊復統眾三四千人騎馬甚多分占山包臣亦

分路進擊殺賊百數十名復追至黃茅嶺沿途斬擒不少

下視新店子賊巢一帶蟻聚蜂屯占據九座山包排列整



齊賊見官兵搶上黃茅嶺遂分四路每路約有騎馬賊四五百名步賊二三千人洶湧而來當將擒縛活賊一百七十餘名殊此好盡行斬訖隨派令賽冲阿帶領侍衛富僧德慶昌德楞額協領明德富珠祿參將李應貴劉維馨遊擊唐王龍李應元都司沈洪守備馬元汪濛等為一路令溫春帶領侍衛薩甯阿塔什蘭總管遜多保營長蘇清阿參將達自祥閱懷希遊擊馬應國李東山馬元得王霖都司劉彪馬文斌守備彭家棟袁陞侯等為一路令阿穆勒塔帶領侍衛華品法依當阿總管色爾滾富登額參將蒲尙佐遊擊何君佐都司何雄守備高發榮等為一路臣帶領侍衛

德壯異公年譜卷十二

二

阿納保西拉布克什布營總西靈阿前鋒校珠爾杭阿巴哈佈副將馬瑜遊擊馬濟都司張應貴馬占魁守備楊登魁馬光字楊春和等為一路分帶滿漢官兵並進衝壓數次箭射槍擊殺賊三百餘人殊此好見有身穿蟒袍草帽上戴花翎賊首二人分路督催眾賊下壓官兵三路馬隊緊追其一穿蟒袍者墜馬當被鄉勇冉玉龍生縛一穿蟒袍者被索倫委防禦箭傷脫逃尙有戴花翎賊目一名被吉林藍翎領催常在槍擊下馬即被拖去賊匪大敗乘勝殺入新店子詎該逆伏賊突出三面環繞我兵初猶槍箭齊發繼則愈聚愈多不避槍箭刀矛交錯鏖戰兩時之久賽冲阿

溫春阿穆勒塔等殊此竟不忍觀忽被重圍箭枝射盡持刀砍殺臣即帶侍衛將弁兵勇殊此可嘉飛奔救援槍箭刀矛蜂擁前進痛加殲戮內衝外擊互有殺傷重圍始解臣復率各領隊將弁兵勇直前衝殺無不倍加出力殲賊不計其數直至酉刻將賊勦退由黃連壩古樓山而逃此次鏖戰一日見馬步賊匪約有萬餘並有槍礮火藥弓箭等項官兵所殺賊匪及帶槍箭傷而逃者不知凡幾其滿漢員弁受矛傷者共十五員陣亡者十八員滿漢兵勇受傷及陣亡者百餘名訊得生擒賊目係陳得俸查該逆前經勒保倭什布奏報線字號著名首逆據供自八石坪敗後竄至通城即帶二三百

德壯異公年譜卷十二

三

人逃入香冲一帶此路賊匪係藍號冉添元黃號徐萬富青號徐添德之徒汪瀛線字號是我四股原共有三四千人過江後擄掠較多亦有投來囑匪現在約有三萬餘人戰手約有一半馬有三千餘匹原要走重華堰或過白水街或到畧陽與甘肅各股會合不料官兵一直殺來合營驚慌冉添元弟兄並各頭領都來拚死抵住傷損許多頭目戰手還有白號張子聰度向瑤雷世旺在魏城一帶亦有一二萬餘人並據擊獲探信賊匪楊正洪一名供稱冉添元箭傷右手冉添恆槍斃各等語又據難民趙廷文投營稟稱伊被冉添恆擄去服役打仗時看見冉添恆被槍打



死冉添元右手掌被箭穿過還有三箇頭目帶傷攙回即  
死復詢知箭射穿蟒袍者即係冉添元槍斃戴花翎者即  
係冉添恆殊批是隨令兵役前去起出劈山礮六位當將趙廷文  
重賞銀兩給票歸業是夜探得逆眾被剿後漏夜率男婦  
大小潛逃留戰手五六千人守後又據探報兩河口尙有  
賊匪千餘人焚掠查兩河口距江油縣三四十里既有賊  
匪滋擾即應截剿逼歸一處方免牽綴兵力二十五日派  
令賽冲阿富僧德馬瑜等帶馬步兵二千名赴彼截剿旋  
據稟報該匪折回已與冉逆等併合二十六日探得冉逆  
等四股賊匪在白家壩一帶又與屯紮魏城驛之白號張

德壯果公年譜卷十二

四

子聰度向瑤雷世旺合夥臣即帶兵前進抵石廟子見有  
馬步賊匪約三四千人前來迎敵較前忽少正擬議間哨  
探白家壩左右山溝樹林房屋內俱有伏賊藏匿是欲誘  
我下山墮其奸計當派賽冲阿等帶兵由免兒壩南山寺  
進攻令阿穆勒塔等帶兵由長溝木龍觀進攻臣督率温  
春馬瑜等由箭竹溝山梁直進囑令各路將領侍衛等祇  
須來往兜殺不必深追賊即分頭來迎馬賊極多臣催令  
齊進槍箭並發六次壓至山嘴每次斃賊十餘名或二十  
餘名不等共殺賊百餘名而賊總不戀戰見我兵未墮其  
計始行敗退是夜風雨大作四更時偷撲李應貴李東山

等營卡當用槍礮斃賊十數名丟棄槍矛二十餘件查白

家壩東通金山驛魏城驛梓潼縣西通大堰塘中壩場等

處魁倫現將江油至金山驛前後一帶江岸布置嚴緊賊

匪萬難殊批是西竄即或由鹽亭蓬溪原路折回東奔又有嘉陵

一江更難殊批是飛越惟大堰塘一路北竄可至重華堰或由三

木觀北折箐林口臣帶兵不過五千而賊匪五股併合據

陳得倖等供稱五萬餘人臣接仗時親見馬步賊匪不過

二萬餘人其中被擄難民較多倘該逆等分投牽綴徑行

北竄力不能兼顧因思魏城之賊業已併合當即飛調阿

哈保之兵來營協剿並札致魁倫酌量撥兵前來庶可分

路兜剿至生擒首逆陳得倖之鄉勇冉玉龍當即賞給頂

戴據稱家貧親老不願做官即酌賞銀二十兩以示獎勵

查陳得倖係著名首逆臣即就近交魁倫委員解赴省垣

交臬司先福殊批是遲梟示以快人心而彰

國法再正在拜摺間魁倫已令阿哈保李紹祖帶領滿漢屯

土兵勇三千餘名前來協剿並將現有軍火等項運到查

冉逆等五股賊匪因官兵連次痛剿不敢窺伺河西遂由

石牛舖百瓊壩向東北奔逃若北走棧道魁倫先已派有

遊擊范鑑謨帶兵在劍關扼據若由東南歸原路逃竄臣

與魁倫兩路並進其間有潼河嘉陵江間隔亦易得手即

德壯果公年譜卷十二

五



或由西北竄赴陝甘兩省現有大兵在彼緊躡其後斷不

致有蔓延此時不但省垣可以無虞即川西一帶亦已肅

清惟魁倫俟黔兵到齊尙需時日若同臣一路追剿必致

落後查東鄉太平界連秦楚久爲各逆往來之藪刻下兵

備空虛現在數股賊匪俱在秦楚境內滋擾萬一折回川

境無兵堵剿地方必復遭其蹂躪是以札商魁倫將川西

一帶布置妥協俟黔兵到齊即帶領仍渡嘉陵江由東鄉

太平一帶迎剿其阿哈保所帶索倫馬隊三百餘名暫留

營俟賊匪遠颺仍令赴魁倫一路剿辦李紹祖帶來屯

土官兵並都司蕭太和之兵三千餘名羅思舉鄉勇八百

餘名即隨臣一路前進是否如斯魁倫仍可隨時酌辦

諭曰本日朕駐蹕隆福寺明晨恭謁

山陵捷音馳至覽奏之餘欣感不盡德楞泰打仗素爲奮勇此次

在新店子地方見賽冲阿等被賊圍住德楞泰即帶侍衛弁兵

飛奔救援內外衝擊重圍立解並殲賊多名擒獲兇渠實堪嘉

獎德楞泰著加恩授爲內大臣並賞給玉搬指金盒大小荷包

賽冲阿溫春阿穆勒塔奮力殺賊均屬可嘉俱著交部從優議

敘仍各賞給堪達爾罕搬指玉翎管玻璃盒其打仗實在出力

員弁著查明咨部酌給功牌用示鼓勵所有殺賊陣亡各員弁

俱著咨部賜卹

恭錄

御製詩

參贊德楞泰奏報在江油縣一帶痛殲渡江衆賊生擒首

逆陳得俸箭傷首逆再添元槍斃首逆之弟再添恆捷

音詩以誌慰

謁

陵前夕捷音連赦罪安民叩

上天阻隔嘉江途已絕誅殲狼狽線空纏德楞泰奏報二月

江油縣一帶將倫渡嘉陵江五股賊衆痛殲生擒線字號首逆

陳得俸箭傷首逆再添元槍斃添元之弟偽四元帥再添恆等

用兵五千敗賊數萬各要隘布置合宜川西即可肅清叩

感天恩敬告陵殿速祈消劫救民倍殷虔願白蓮

敬祈

賜佑寸忱虔

十一日

諭曰川西賊匪屢經官兵痛加殲戮江岸防守嚴密無從竄逸自

可期漸就肅清而陝省漢江南北及鳳寶一帶俱有賊匪竄擾

情形較川省又爲著重該省兵力無多即恆瑞亦祇帶兵二千

餘名前往恐尙不足以資堵剿現在川省所調貴州兵三千名

自已到齊又有李紹祖帶到之兵以之剿辦敗竄餘匪無難迅

速殲除此時德楞泰如已將川西竄匪剿淨則續調之貴州兵

德壯果公年譜卷十二

六

德壯果公年譜卷十二

七



三千名並可行文停止即將先行調到之兵酌撥一二千名派令李紹祖阿哈保二人帶領取道渡江先將川北地方零星餘匪搜捕淨盡即赴陝省幫同恆瑞協勦倘川西賊匪一時未能辦竣兵力難分即將續調之貴州兵檄催赴陝俾資堵剿之用德楞泰務須察看情形妥爲籌畫不可因此又將川西未淨餘匪舍而他顧如前此在川省時率行赴甘以致川北賊匪有乘虛擾及川西之事總須將川境竄匪悉數殲除方可移兵赴陝也

是日奉

旨德楞泰業經補授內大臣不必兼管副都統

德壯果公年譜卷十二

八

十五日

公奏言臣於三月初二日自杉木觀移營途次小溪探得各逆在江油之重華堰屯紮占踞關耳梁沿山俱有賊匪守望當即督兵趕至洛陽橋山頂見對面關耳梁一帶山包七八處賊匪基布星羅又見樹林中及房屋內均有賊匪時隱時見隨令將領分帶馬步兵勇由王家堰左右兩路攻搶關耳梁賊亦分路前來迎拒我兵仰攻數次殺賊殊批可嘉一百數十名搶獲旗幟槍矛甚多滿漢屯土兵勇亦有受傷者將近酉刻我兵始行搶上又殺賊七八十名賊敗退踞重華堰佛耳巖一帶官兵即於三教寺山梁紮營初三

日五鼓臣督兵直取重華堰賊已半夜遁去躡蹤趕追沿途大有擒斬由白馬寺至黃連壩山下追上賊尾時已未刻極力勦殺該逆占住壩口捨死抗拒我兵往來攻撲殺賊二百餘名賊匪遂向箐林口奔逃生擒探馬馮林等十九名臨陣投出難民王添明許黃氏等三十三名口是夜該逆復敢率眾偷撲總兵李紹祖營卡經槍礮轟擊直至三更後斃賊數十名始行敗退查箐林口左通金子山下寺場可走白水若由黃檀壩而西係雁門壩赴龍安之路旋探賊匪一屯箐林口一屯擺子峪口一屯麻柳壩初四日臣分兵四路令阿哈保賽沖阿溫春阿穆勒塔李紹

德壯果公年譜卷十二

九

祖馬瑜各帶兵勇一由陳家壩左手進攻擺子峪口一由右手進攻麻柳壩一由大路進攻箐林口臣督率將弁兵勇由得勝山梁策應行抵陳家壩適有口稱難民鄭添壽投赴馬前稟稱逆眾業已遁入雁門壩而去現在箐林口祇有守候賊匪三百名並無槍礮我來引路前去等語察其形迹可疑即令兵丁押帶我兵準備而進距箐林口不遠見對面山林茂密兩邊平壩突有馬步賊匪數千蜂擁衝出四路官兵奮勇迎勦殺賊殊批好三百餘名三處賊匪並出往來衝盪兩時之久殺賊殊批好四百餘名賊眾披靡敗上對面大山總兵李紹祖騎馬被槍擊倒步行力戰官兵乘勝槍



得菁林口擺子峪口麻柳埡三處賊即直向白水奔竄又被馬隊截回由大田山黃坪溝翻烟墩嶺折回長坪勢已直趨重華堰原路生擒偽先鋒楊正明陳國祥殺死旗手陳會張元擒獲賊匪崔又林等一百二十三名投出難民胡棟先楊王氏等二百十名口連日渙散者不計其數訊明後將該犯等戮割處死獲犯及難民俱已隨時分別辦理初五日官兵折回重華堰至兩界石探得賊匪屯馬蹏岡一帶初六日移營二十餘里據報馬步賊匪約有萬餘於火石埡一帶山後埋伏臣聞報即整齊兵力分爲四路派令賽沖阿總兵李紹祖侍衛富僧德協領明德穆騰額副將倭星額參將沈慶春李應貴遊擊李應元都司馬渭守備周官馬元等帶領官兵由洛陽橋進攻包家溝令阿哈保侍衛墨爾歡保花品副總管格亨德爾參將蒲尙佐達自祥都司馬占魁守備袁陞侯等帶領官兵由海棠鋪進攻火石埡令溫春阿穆勒塔侍衛阿納保薩甯阿總管色爾滾委營總蘇清阿遊擊唐正舜都司劉彪守備羅思舉虎正林等馬步官兵鄉勇由牌坊壩進攻龍子觀臣督率侍衛達勒精阿塔什明法依當阿西拉布克什布德楞額副將馬瑜遊擊馬濟馬應國都司王玉龍張應貴馬文斌守備馬光宇楊登魁屯千總木耳甲屯把總阿圖等帶

滿漢屯土官兵由大路進攻四路齊發我兵上至火石埡口不遠賊即自上壓下槍礮齊放搗石如雨勢甚兇悍官兵衝冒殊此可嘉直前槍箭並發賊匪連壓四次兵勇毫不畏避一鼓齊上殺賊百餘名而山後埋伏賊匪自知奸計已破各處齊出盡向官兵拚命直撲經阿哈保賽沖阿溫春阿穆勒塔等帶領吉林索倫官兵齊力衝殺李紹祖馬瑜等又帶領各隊漢土兵勇連環排擊殺賊五百餘名賊遂向趙家山張官嘴一帶奔逃臣復親率各路官兵追殺沿途擒獲甚多索倫總管色爾滾衝入賊隊騎馬被刃殊此可嘉之至行力敵委防禦蘇爾紳將騎馬指揮賊目射倒墜馬又被兵勇矛傷當即生擒賊衆見此賊被擒紛紛散走由紅廟子連翻山梁而逃我兵復又趕殺三四百名生擒偽總兵鮮其順殊此好斃斃旗手唐士林探馬頭蘇如富二名獲犯劉文富等二百五十三名搶獲大礮二位馬騾旗幟刀槍極多訊據鮮其順等僉供墜馬者即係丹元帥詢之該逆亦直認不諱驗其右手果有箭傷又訊據丹添元供稱我自去冬與線字號陳得俸黃號徐萬富青號徐添德之徒汪瀛白號張子聰雷世旺度向瑤五股合夥他們因我打仗善用埋伏常得便宜要我管事情願聽我號令我因川東川北無可掠食要過嘉陵江由龍安到陝甘地方與彼處總

德壯果公年譜卷十二

十一

德壯果公年譜卷十二

十二



股會合正月十五夜偷渡搶船過江所擄之人日多共有三四萬人不想幾次打仗好戰手頭目都被官兵殺傷我弟添恆亦被槍斃我右手受有箭傷線字號陳得俸又被拏住今祇有張子聰徐萬富汪瀛度向瑤雷世旺五人管事都是無用等語查再添元一犯在眾首逆中最為兇悍詭譎故各股推為主帥聽其號令五年中橫行川東川北近復蹂躪於江之西十數州縣荼毒生靈而其屢次戕害大員官兵肆行殘暴以致黨與數萬久為神人共憤臣入川旬餘因該逆兇惡素著時刻留心此次五日四戰歷破其奸穢其醜類知其擄掠人多故於每次打仗令各官兵

德壯果公年譜卷十二

十一

宣示

皇仁被難良民投出免死且給以口糧盤費歸業儻若執迷不悟將來玉石不分後悔無及其中渙散者亦復不少乃該逆

等猶敢設伏決戰幸圖苟延殘喘仰仗

皇上福庇將士同心殊批將士同心兵勇效力擒此巨惡曷勝感慰川西民生得安庶可稍減朕之罪耳闕下實足彰

國憲而快人心川西除此首惡各股失所依附愈形膽喪魂

消臣惟有乘勝前驅將各股賊匪剿撫兼施以冀速清川

西上紓

宵旰至再添元訊供後即派員檻送魁倫轉解省垣使各州縣鄉

村知冉逆又被生擒藉以安定民心並可震懾匪徒恭候殊批另有旨命下再行解京偽總兵鮮其順等殊批是辦其屢次打仗之滿漢屯土官兵鄉勇容俟查明另行

奏請

恩慈鼓勵連日剿賊員弁兵勇內受傷者不過十數名亦俟查明

另行咨部辦理

諭日冉添元等各股賊匪在江油之重華堰屯紮占據關耳梁一帶山包又於樹林房屋內潛行設伏經德榜泰派兵進擊賊匪敗退佛耳巖壩潛匿箐林口令其夥黨假充難民詭稱賊眾已遁入雁門壩欲誘我兵墮其計中經德榜泰窺破預令我兵準

德壯果公年譜卷十二

十一

備而進行抵箐林口突有馬步賊匪數千衝出官兵奮勇迎剿將賊匪痛加殲戮復竄回重華堰原路德榜泰即督兵折回追剿又在馬蹶岡火石壩一帶鼓舞奮擊先後殲擒賊匪二千餘名生擒首逆冉添元並各股賊目偽總兵鮮其順等餘匪由紅廟子翻山窮竄實為將士同心奮力所辦可嘉之至此皆

上天

祖

考垂佑兵勇効力擒此巨惡川西民生得安易勝感慰德榜泰此次帶兵入川連獲勝仗今又五日四戰破賊奸計殲厥渠魁深堪嘉獎德榜泰本係二等男爵著再加恩晉封三等子爵以示



優眷其隨同帶兵之阿哈保賽沖阿温春阿穆勒塔李紹祖色爾滾馬瑜等奮勇爭先衝鋒力戰俱著交部議敘又射倒騎馬賊首冉添元之委防禦蘇爾神如現係六七品官職即著授為三等侍衛如現係五品官職即著授為二等侍衛將來凱旋後即令留京當差所有此次德楞泰等帶領打仗殺賊兵丁俱著賞一月錢糧以示鼓勵其餘如尚有奮勇出力之員弁等並著德楞泰查明續行具奏候朕加恩

又

諭曰德楞泰此次帶兵入川連獲勝仗今又五日四戰殲厥渠魁深堪嘉獎已另旨加恩矣至冉添元係著名首逆最為兇悍詭

德楞泰公年譜卷十二

十四

謫且曾經戕害大員實為罪大惡極今已擒獲焉知非被賊賊害之忠魂毅魄助官兵所致但身受多傷若復解京儻中途病斃轉得倖逃顯戮現在德楞泰已將該犯解交魁倫處著魁倫於解到後即照前次額爾登保擒獲王登廷之例書寫被害之朱射斗等牌位將冉添元鬻割致祭以慰忠魂而伸眾憤如冉添元業已解赴成都即著魁倫傳知先福令於省城照此辦理現在川西剿敗餘匪翻山窮竄而德楞泰兵威大振乘勝追剿自可一鼓撲滅一俟川西肅清德楞泰即帶勝兵前赴川東川北將各股賊匪一律殲除再赴陝省督剿刻日嚴功以副委任至賊首徐添德尚未就擒據廣興奏該逆於搶渡嘉陵江後

因生日飲酒作樂是徐添德必在川西奔竄何以並未查明下落德楞泰務須將該逆設法擒擊嚴行懲辦不可任其乘虛漏網

恭錄

御製詩

參贊德楞泰奏報生擒首逆冉添元痛殲匪眾數千名乘勝剿辦各情形詩以誌慰

六日欣傳捷報三

天恩深厚福西南兩江途絕邪難熾四路師雄戰益酣三月十五泰奏報前於白家壩等處將偷渡嘉陵江之五股賊匪痛剿後旋即帶兵追剿由梓潼前進於三月初二日起至洛陽橋山頭

德楞泰公年譜卷十二

十五

攻破關耳梁屯聚之賊敗竄後於初三日在黃連壩趕上極力剿殺生擒探馬頭馮林等初四日德楞泰等分爲四路由得勝山各隘口進攻生擒偽先鋒楊正明陳國祥斬旗首陳會張元獲賊匪崔又林等一百二十三名探得賊復竄至馬驢岡一帶官兵於初五日折回剿捕初六日據報火石壩一帶賊眾約有萬餘埋伏山後仍分兵四路賽沖阿等進攻包家溝阿哈保等進攻火石壩温春等進攻龍子觀德楞泰自督弁兵由大路進攻併四路奮擊賊始潰散委防禦蘇爾神將騎馬指揮賊目射倒生擒並擒獲偽總兵鮮其順殄斃旗首唐士林探馬頭蘇如富獲犯劉文富等二百五十三名訊據各獲犯供稱倒賊目係最惡首逆偽元帥冉添元驗明右手箭傷屬實此次五日四戰各將帥兵勇奮迅可嘉生擒首逆頭目多名殲戮者二千四百餘眾解散者不計其數投出難民三百餘名口大暢民心起各加撫卹實屬全勝川省乘此可冀全境肅清矣

溝壑生擒賊首試鋒鏃微忱敬感

考垂佑又盼佳音遞陝甘額爾登保那彥成在甯遠伏羌剿賊亦泰前在白家壩剿賊捷奏同日遞至相距此奏僅隔六日亟盼陝甘各路捷音接踵而至敬感鴻慈垂佑天人助順



也

二十一日

諭曰所有四川提督印務德楞泰不必兼署著將印篆送交勒保接受其成都將軍印篆即交勒保送交德楞泰令其暫行署理現在陝省賊匪較多亟需兵力並著德楞泰將續調貴州兵遵照前旨令阿哈保李紹祖速行帶領赴陝協剿其川北之賊現交勒保專辦德楞泰於肅清川西後不必再赴川北即當帶領勝兵前赴陝省剿辦賊匪以期迅速集事

二十二日

公奏言查渡江五股賊匪臣於初次接仗時親見眾賊約

德壯果公年譜卷十二

六

有二萬餘人連次斬獲者不過三千餘人皆係精壯馬步戰手得力頭目是以各逆愈形畏懼川西一帶被脅難民除附近州縣鄉村自行渙散回家不計外其大小男婦自來投營請票者或一二百名或三四百名口不等俱即隨時曉諭撫慰給予銀米路票伏思賊匪現在兩江之中無處奔逃正是極好機會亟宜鼓勵兵勇趁其散亂迅速剪除俾川西農民得以及時耕種臣旋即帶兵探蹤前進十三日丑刻哨探回報賊匪現在劍州屬之李家坪土廟子楊村壩並占踞石門寨等語臣移營行至關帝壩遙見馬步賊匪三四千人竟敢搖旗吶喊蜂擁前來迎拒當令阿

哈保侍衛墨爾歡保總管額亨特爾佐領安都保副將倭

星額參將閱懷希帶兵由左手搶撲楊村壩令賽沖阿溫

春侍衛富僧德副將馬瑜參將蒲尙佐等帶兵進攻土廟

子令阿穆勒塔總兵李紹祖侍衛阿納保花品總管色爾

滾富登阿參將沈慶春等帶兵進攻李家坪三路競進賊

匪並不接仗即由喬店壩一帶敗逃經阿哈保阿穆勒塔

等帶馬步隊緊跟追剿殺賊二百餘名賽沖阿溫春李紹

祖馬瑜等分兵直抵石門寨之南北二門查石門寨南北

圍長五六里兩邊俱係懸崖不能攀援該逆占踞路徑悉

力相持臣隨帶侍衛達勒精額薩甯阿塔什朗西相布法

德壯果公年譜卷十二

七

依當阿克什布都司劉彪張應貴守備楊登魁等往來策應徧歷寨外瞥見寨西有一角門路極陡仄盤旋可上賊亦稀少即令賽沖阿溫春李紹祖等督率兵勇將南北二門奮力攻搶槍礮轟擊使賊無暇密令遊擊馬濟都司馬文斌等帶漢土官兵從右手溝底繞上西角寨門大金屯外委森格爾甲首先扳上跳入寨內手刃數賊眾兵砍開木柵一擁衝入賊即潰亂隨手剿殺賽沖阿溫春等兩門兵勇乘勝搶上刀砍矛戳立殺賊匪千餘臣滾崖跌死者五百六百人生擒偽總兵李斌偽先鋒旗首探馬頭董廷華等十七名活賊顏長佐張王氏等一千八百六十七名口搶



獲大小旗幟二百四十三桿大礮三位鳥槍一百二十四  
 桿刀矛二千三百二十一件馬騾六百八十餘匹頭內賊  
 匪自行戮傷者甚多寨內賊匪並無一名漏網該逆現竄  
 代亭廟若走香成寺係赴西充鹽亭之路或奔思義場係  
 赴南部蓬溪之路如由冉家壩東嶽廟東竄即係蒼溪大  
 河邊當令兵勇跟探前進研訊偽總兵李斌供稱我等連  
 次打仗設計埋伏俱被官兵打敗再添元陳得俸被擒實  
 在無路逃奔知官兵跟來又要打仗大眾商量派馬步戰  
 手四千餘人到李家坪土廟子楊村壩一帶誘敵候官兵  
 趕來詐敗追過一半寨上人馬就好中間抄截不料把寨

德壯果公年譜卷十二

五

攻破寨內三千餘人都被擒殺等語隨將李斌等十八名  
 凌遲梟首擒獲戰手李占魁等五百六十一名殊批是概予誅  
 其川西難民杜志李楊氏等大小男婦一千三百零六名  
 口俱即給予銀米路票各歸安業惟陳郭氏一犯係首逆  
 陳得俸之妻例應緣坐且該犯身穿白衣旗上大書替夫  
 報仇四字復敢率眾拒敵實為法所難宥是以一併正法  
 查各股賊匪除歷次剿殺及連日渙散外現在不過萬餘  
 人其勢較前大相懸絕茲又痛勦而逃自必復形渙散現  
 距大江不過數十里聞賊探得水深難渡且隔岸俱經魁  
 倫派有兵勇防守即江油潼河上游一帶防兵現亦未撤

江河間阻於前臣帶兵緊追其後即使奔走無非前經蹂  
 躪之地昨因該逆由百靈廟橫出恐竄南部折而復西潼  
 郡尤為緊要當經飛札施縉并移咨魁倫飭令該總兵帶  
 領黔兵在潼川一帶遏其西出之路並聞勒保帶兵將至  
 劍州臣亦即札致令其直趨潼郡帶同施縉之兵迎頭截  
 剿設或賊匪徑由東竄臣再於本營派撥諳練將領侍衛  
 帶領得力馬步兵勇前去協同剿捕果能兩路兜截自可  
 迅速集事至首先進寨之大金屯外委森格爾甲實屬奮  
 勇出眾當即賞戴藍翎以示鼓勵其打仗員弁兵勇受傷  
 者不過數十名容俟查明咨部辦理

德壯果公年譜卷十二

五

諭曰此次德楞泰探知賊情分路進擊攻破石門寨柵生擒偽總  
 兵李斌偽先鋒旗首董廷華等十七名及首逆陳得俸之妻郭  
 氏等殲斃賊匪千餘滾崖跌死者五六百人並擒獲活賊顏長  
 佐等一千八百餘名賊匪向代亭廟一路窮竄所辦深為可嘉  
 德楞泰著加恩仍授為御前侍衛並賞給喜字玉搬指鑲松石  
 金盒瑪瑙鼻烟壺大小荷包其帶兵打仗奮勇人員均著照所  
 請分別加恩仍發去玉翎管堪達罕搬指等件交德楞泰酌量  
 分賞帶兵出力官員俾其益加鼓勵現在剿敗餘匪不過數千  
 德楞泰緊躡追剿相距大江不遠隔岸俱經魁倫派兵堵禦而  
 江油潼河一帶亦俱有防兵愈逼愈窄且俱係已經蹂躪之區



賊匪亦無可掠食德楞泰務須倍加奮勉乘勝進擊速將川西地方一律肅清再邀恩賚

恭錄

御製詩

參贊德楞泰奏報生擒偽總兵先鋒等十餘名殲戮匪眾

千餘名招撫難民千餘名川西即可肅清各情形詩以

誌慰

半月傳三捷寸衷感

吳恩威揚獅虎隊氣餒蟻蜂屯逆黨徒潛寨雄兵立奪門默祈事

速蕺救劫赦愚昏三月二十二日據德楞泰奏報賊匪經屢次剿敗後竄至劍州屬之李家坪土廟子楊村

德壯果公年譜卷十二

三

巫並占據石門寨等處屯聚隨督官兵攻剿直抵石門寨相度形勢分兵緊攻南北二門復派兵勇從右手溝底繞上跳入西角寨門砍開木柵殺賊千餘遂崖死者五六百人生擒偽總兵李斌偽先鋒旗首探馬頭董廷華等十七名及活賊一千八百六十七名口擒奪旗礮鳥槍刀矛馬騾極多寨內賊匪無一漏網難民千餘人散給銀米路票俾歸安業餘賊在兩江之間無處奔逃乘機剿辦可使淨盡無遺消劫救民叩感天恩不盡也

四月初三日

公奏言臣於劍州李家坪石門寨將張子聰等股賊眾大

加殲除各逆遂由南部鹽亭日夜狂奔日行百數十里臣

盡力跟蹤緊躡逐日擒斬並渙散者不少十八日抵富村

驛探報賊匪屯聚玉隆鎮天仙寺一帶前隊馬步賊匪

數百人先赴潼河王家嘴窺伺查魁倫前已通飭各州縣

將江河兩岸船隻提泊各府城州縣處所其潼縣一帶沿

河灘口俱派有員弁兵勇設卡防堵甚為嚴緊茲賊已逼

至河邊自投絕地味此原是奸機會正是極好機會當即挑派兵勇二百名

遶道前去臣亦即進發十九日酉刻前派兵勇趕至王家

嘴時馬賊早已消過惟步賊味此給賊此船係何人應係船載渡尚未過完岸邊喧

嚷爭渡經兵勇在山梁吶喊放槍賊匪驚亂急流中淹斃

者約七八百人兵勇見餘賊無多直下河岸有跪首難民

男婦宋克全杜樊氏等二百四十三名口尚有賊匪百餘

人由河岸古井口奔逃追擒四十餘名餘俱投河淹斃臣

晝夜趨行於二十日寅刻趕到不料該處河內船隻該縣

並未遵照撤泊他處致啟賊匪窺伺追馬賊消渡搶船兵

勇又不能實力堵禦潰散而逃臣憤恨焦灼應即嚴參以

示懲儆因不知所派何人無從查究已札致魁倫查核嚴

參俾河防員弁各知懷慎隨即一面派令兵勇搭橋一面

將獲犯難民分別辦理是日過河由太和鎮趕至十字嶺

探得該逆等分股一由柳樹沱奔竄係通遂甯之路一由

景福院奔竄係通省城大路仍在兩河之中惟屢據獲犯

及難民等僉供各逆尚欲渡嘉陵大江逃奔此時江防更

為緊要臣即飛飭江防文武日夜實力堵禦並飛咨魁倫

勒保將潼縣一帶防兵並施縉所帶之兵即速管領分路



勦辦並將阿哈保所帶馬隊三百餘名先已撥赴勒保處  
 協勦又恐沿江州縣不足深恃復札署總兵托雲泰分帶  
 官兵二千名迅由射洪洋道溪一帶過河在兩江之中嚴  
 查沿江船隻並探東西兩岸賊蹤以防賊渡臣星夜即由  
 景福院大路前進遇其西竄鼓勵兵勇盡力趕追二十二  
 日官兵由三台縣屬兩河口石板灘進發途次據報賊匪  
 大隊現屯蓬溪縣屬新店子又分股賊匪在附近七八里  
 及十數里之成谷太和仁和仁義四寨圍攻臣查賊巢現  
 在新店子而四寨又復被圍我兵勢難處處並進若巢穴  
 一破寨圍自必立解行至望川山距新店子八九里臣即  
 派侍衛達勒精阿副將倭星額等分帶馬步兵勇二千名  
 由觀音巖田壩子飛奔赴救各寨其新店子賊巢派令副  
 都統賽沖阿溫春侍衛富僧德協領明德穆騰額參將閔  
 懷希等帶領馬步隊由左山梁老鶴嘴抄截副都統銜阿  
 穆勒塔總兵李紹祖侍衛阿納保薩甯阿總管色爾滾富  
 登額參將沈慶春等帶領馬步隊由右山梁萬福橋抄截  
臣督率侍衛法依當阿克什布副將馬瑜參將達自祥蒲  
 尙佐等由廖家壩沙灘子前抵新店子賊巢適眾賊正在  
 造飯不防馬兵驟至直衝入場步隊接踵而進左右山梁  
 官兵一齊壓下立殺賊匪五六百名場內眾賊措手不及

德壯果公年譜卷十一

三

登時潰亂馬驟牛驢并衣包等物盡行丟棄直奔打銅壩  
 口占踞擲石放槍捨死抗拒賊匪滿山旗幟如林各路官  
 兵分投奮力仰攻相持一時之久復用連環槍礮轟擊  
 賊無算臣以被擄人多一時玉石難分情堪憫惻令各官  
 兵傳宣臣  
 恩旨難民投出者一概免死給以銀米路票回籍即有棄械投奔  
 馬前難民劉世長楊張氏等二千一百餘名口賊匪一見  
 難民投出勢已渙散官兵乘勝搶上打銅壩殺賊六百餘  
 名餘匪力不能支紛紛敗向天星橋而逃生擒男婦大小  
 謝老六李陳氏等一千一百二十七名口查該處兩面層  
 疊石崖中稍平曠又係堰塘稻田路徑逼仄賊眾被追擁  
 擠有滾入堰塘淹斃者約二三百人有後賊截傷前賊奪  
 路而逃者又有陷入水田內者擒獲賊匪王升林等一百  
 八十七名其派赴救援四寨之達勒精阿等帶領官兵先  
 至成谷太和兩寨聞哭聲震地勢極危急適我兵趕到見  
 每處賊匪不過千餘人分投勦殺共斃賊百餘名賊即奔  
 逃兩圍立解時圍攻仁和仁義兩寨之賊見官兵已將兩  
 寨賊匪勦敗先已遁走追我兵趕至寨下四寨百姓萬數  
 千人俱各感激  
 天恩紳士耆老相率來營叩謝當用好言撫慰曉以守防之道並

德果公年譜卷十一

三



將所獲槍礮刀矛牛隻分賞各寨以備守禦耕作無不歡欣鼓舞而去餘匪敗向大堰塘奔逃時已申刻即於石簡山紮營訊據獲犯並難民僉供此股賊係白號張子聰度向瑤雷世旺三人為元帥又有傳教老師傅孫老六是從前官兵在亂石灘擊斃襄陽掌教孫嗣俸即孫老五之弟營裏元帥都要聽他號令今日在新店子派四路人馬破四箇寨子不料官兵殺進措手不及大衆走上打銅堰雷世旺正在堰口督催打仗忽被槍打死衆人亂奔孫老六走到堰塘砌上亦被亂箭射死又經各難民指出生擒偽總兵吳學周旗首探馬頭目劉品昌王子新岳永崇吳永

德壯果公年譜卷十二

五

泰張開甲韓文順等七名首級內認出偽元帥雷世旺傳教老師傅孫老六偽總兵王作唐李大先羅之孝等五名臣復令吳學周等指認歷歷不爽復令素識之鄉勇首守備羅思舉及所帶鄉勇內有認識雷世旺並孫老六者均指屬實無疑此次共獲騾馬一千二百餘匹牛二百餘隻大礮五位槍二百餘桿刀矛二千八百餘件大小旗幟三百一十二面計投出難民二千一百餘名口生擒難民匪犯共一千三百一十四名口除投出男婦大小難民內並有貢監生員均係附近州縣之人俱給與路票銀米回籍外惟嘉陵江以東各犯七百餘名與賊目吳學周等十二

名分別凌遲正法其餘被脅未久難民一概釋放查該匪過河後經此剿殺勢已磨寒現由大堰塘奔竄左通遂甯中通安岳右通資州當令兵勇跟蹤探明即行前進又探藍黃青三號餘匪現在胖子店一帶游奕而魁倫勒保帶兵前來正可兩面夾擊臣原以川西地方平衍素為繁庶完善民情懦怯賊匪驟至躲避無地恐百姓受其荼毒是以不分晝夜緊追賊蹤未能即時將渡河情形具奏連日不予以暇得以痛殲此皆仰賴皇上天威福庇臣惟有竭力將此數股賊匪迅即剿除斷不使其他竄

德壯果公年譜卷十二

五

諭曰前此德楞泰在劍州李家坪等處將張子聰等股賊衆大加殲戮後復跟蹤追剿竄往南部鹽亭賊匪原冀前有潼河阻隔趁此極好機會將賊匪追至河邊逼投絕地以期一鼓殲除詎料該處河內船隻並未撤泊他處而兵勇又不能實力堵禦以致騎馬之賊得以洩渡搶船竄過潼河西岸德楞泰帶兵踵至追擊未經渡河之步賊殲獲淹斃者甚多並緊躡賊蹤無分晝夜盡力追趕賊匪正在新店子地方屯聚造飯德楞泰即率官兵分投搶撲山梁奮力截擊擒斬首逆要犯及大小頭目多名共殲賊匪一千三四百名擒獲匪犯及被脅難民一千三百餘名口並救出四寨被圍之百姓一萬數千人實屬可嘉之至德



楞泰為國出力拯救良民旬日之間捷音連至自應再加懋賞  
用獎勤勞德楞泰前已封為三等子著晉封一等子實授成都  
將軍至派往剿辦圍逼成谷太和等四寨賊匪救出一萬數千  
良民之侍衛達勒精阿副將倭星額及隨同德楞泰打仗出力  
之副都統賽冲阿温春副都統銜阿穆勒塔總兵李紹祖俱著  
交部從優議敘此外如有出力人員仍著德楞泰查明具奏再  
降恩諭至防堵潼河正當勦賊萬緊之際早經魁倫飭令地方  
官將所有船隻盡行移泊他處以防賊匪搶渡乃該縣並不遵  
照辦理使賊匪得以搶船徑渡總督魁倫即因此革職拿問且  
潼河西岸繁庶之區頓遭焚掠此次荼毒生靈不可勝計皆由

德壯果公年譜卷十二

天

該縣疎縱所致即律以抵償亦非所應得著德楞泰勒保查明  
該縣係屬何人一面奏聞一面即在賊匪搶渡地方正法俾沿  
河沿江一帶防堵各員知所炯戒此外如有同在該處防堵之  
員亦著一併查明嚴參治罪至此項船隻亦應查明如並非賊  
匪搶得或竟係該船水手為賊濟渡亦當查明一併正法

恭錄

御製詩

參贊德楞泰奏報痛剿搶渡潼河賊匪并生擒二千餘名  
解散難民二千餘名殄戮首逆頭目十餘名仍分路兜  
剿各情形詩以誌慰

人君治民奉

上天民遭顛沛君何顏川中邪教肆奔突任性焚掠誠凶頑嘉陵  
失守賊夜渡襄脅嚙匪不知數欲涉白水直趨甘幸有雄師扼  
前路川北竄匪自搶渡嘉陵江之後襄脅日眾由劍州之元山  
其意欲與甘肅竄匪會合幸德楞泰由廣元帶兵趕至繞出五  
江油之重華堰箐林口扼據龍安等處各路為迎剿之計  
日四戰陳得冉添石門寨破賊勢孤追奔直抵潼河岸滿望  
一鼓殲寇荷德楞泰節次奏報生擒首逆陳得冉添元及偽  
門寨復經德楞泰督率鎮將分路逼剿攻破賊寨生擒偽總兵  
李斌并賊目十數名賊勢渙散德楞泰等跟蹤追剿賊匪東阻  
嘉陵江西阻潼河實已自詎料潼河船未撤搶渡過涉任頂滅  
餘燼將熄又蔓延即正刑誅儆昏劣泊船隻經魁倫通飭各州

德壯果公年譜卷十二

天

縣盡行撤至各府城州縣處所詎料該地方官竟未遵照撤泊  
賊匪馬步數百先赴潼河王家嘴窺伺德楞泰帶兵趕至河  
邊騎馬之賊業經搶船濟渡將太和鎮焚掠及川西完善地  
方是此次殘敗之賊又復稽誅皆防河之員疎縱所致因將魁  
倫革職拿問並令德楞泰查明不行遵將軍奮勇急渡河星夜  
照撤泊船隻之知縣抵罪以懲怠玩  
追逐自太和鎮三隊虎旅齊效力天戈所指摧羣魔四寨重圍  
立解散民慶生全得免難披覽封章慰實殷叩感

吳慈速戡亂德楞泰督兵過河由太和鎮星夜進發賊匪過河屯  
仁義四寨攻圍經德楞泰分派將領三路齊進先將新店子賊  
巢攻破其救援四寨之將領等帶兵趕至成谷太和兩寨之圍  
立解仁和仁義兩寨賊匪先已聞風遁避救出四寨百姓萬數  
千人歡聲動地此次計殲戮淹斃之賊幾及二千名生擒二千  
餘名投出難民二千餘名殄戮首逆雷世旺並傳教首孫老六  
及偽總兵王作唐等大小頭目十二名渡河之賊可期迅速殄  
平此實仰賴 吳慈默佑適當 常 四載黎元受恩深願  
雩齋戒之日感 恩額祝倍深虔切



消劫運施甘霖稍贖予罪成

考志益懷持盈保泰心

十五日

公奏言逆匪張子聰等股前經臣於新店子痛勦後日夜

狂奔總在一百二三十里以外該處素稱完善逆匪突如

其來居民躲避不及被脅實多殊批正為此焦急輕騎緊跟不予以暇沿

途被脅難民渙散者亦復絡繹於道百姓自行投出者不

問焚殺與否一概給以銀米路票釋放此時真賊無幾其

勢迥非前時可比三月三十日臣兵抵樂至縣之寶林場

賊已起營留後馬賊約五六百人當被吉林索倫馬隊追

至卷洞橋殺賊一百二十餘名生擒許萬文等八十四名

分別辦理四月初一日官兵由中江縣屬懶板堯前進初

六日抵茶店子哨探賊匪屯於破石岡一帶查該處東北

可通葫蘆溪係潼河岸邊其西南可通黃鹿鎮豐谷井又

可出金山驛大路必須繞出賊前方可截剿是夜三更臣

帶兵即由茶店子取道中江縣初三日辰刻我兵趕抵黃

鹿鎮迎住賊頭正值賊寨自破石岡痘疹觀一路而來一

見官兵即占山包抗拒當令賽冲阿温春阿穆勒塔李紹

祖等帶領滿漢屯土兵勇分左右兩路而進臣督率侍衛

達勒精阿阿那保副將馬瑜俊星額參將達自祥等由中

德壯果公年譜卷十二

天

路而進馬賊千餘人步賊三四千人膽敢於黃鹿鎮山梁

亦分三路憑高下壓衝突我軍官兵分力仰攻往來數次

槍擊箭射立斃馬賊十數名步賊二百餘名賊始敗走我

兵乘勝競進搶上山梁壓下澗溝又殺賊五百餘人因田

勝路窄賊敗擁擠滾跌堰塘內淹死者亦有二百餘名生

擒胡洪林李思運等六百八十三名口又有臨陣投出難

民蔣日星李徐氏等五百三十一名口其逃散者亦復不

少餘匪分路鼠竄一由羅漢場雷打石三元橋而逃臣令

温春阿穆勒塔李紹祖等帶馬步兵勇追剿至朱家坪一

帶圍住殺賊四百餘名生擒王文元劉李氏等二百五十

六名口跳下堰塘淹死者約有四五百人一由傅家河高

屋基豐谷井一帶奔逃臣督率賽冲阿達勒精阿富僧德

色爾滾穆騰額馬瑜蒲尙佐等疾追沿途殺賊二百餘名

趕至河邊前隊之賊業已泅渡尙餘賊匪二千餘人我兵

勦殺四百餘名追入河心急流中淹斃者又七八百名生

擒李邦泰等二百七十八名河岸復有投首難民段金榜

夏陳氏等一百十四名口呈繳首級內據賊犯王茂得等

認出偽總兵張長生探馬頭王先等二名小頭目旗首李

貴等五名搶獲礮位槍矛旗幟馬騾牛隻甚多其投出難

民蔣日星等並訊出難民陳大勇李林氏等八百一十三

德壯果公年譜卷十二

天



名口一概照例釋回其日久匪犯胡洪林王文元等四百八十八名一併正法該逆現由觀音寺開封廟原路東竄又查藍號賊匪經魁倫勒保追剿已至南部天山場一帶白號餘匪勢必與之合夥臣尾躡前進如能即日剿除固善否則賊合而官兵亦合既可兩面夾攻又可會商分路兜截再得痛剿數仗則掃除自易得手

同日公又奏言查前後所調黔兵六千名俱已到齊經魁倫勒保帶領進剿藍號等逆現至劍州之元山場一帶與臣相距甚近一兩日即可會合將川省情形通盤籌計或接辦藍號等逆即遵

德莊果公年譜卷十一

三

旨令勒保帶兵徑赴川北達州東太一帶顧及邊界竄匪頃又接到額爾登保並那彥成咨來奏稿知已帶兵先後入陝其甘省現祇高二馬五餘匪不及千人由卡狼寨敗向南竄即可折回川境之龍安那彥成已飭該處駐守之總兵百祥就近迎截又經魁倫勒保派令署總兵託雲泰帶兵協臣剿復行札飭託雲泰等如果賊匪入川務當趁其窮蹙會同百祥剿淨須顧及川西為要惟查各處賊股散漫無定當此剿辦喫緊之際兵力愈多剿辦愈易至阿迪斯玩誤擁兵之處業已遵

旨行催令其即速來營其原領兵丁即令就近暫行移交總兵許

文謨管帶俟其抵營再行會同勒保查訊辦理又查總兵德英額前經額爾登保因巫山界嶺並黃羅傘一帶為川楚總要門戶派令帶兵在彼防守所帶兵力分布卡隘本屬單弱堵禦尚可支持剿賊勢難進取然竄匪時來窺伺亦尚不敢徑行搶越且該鎮前在苗疆臣素知其打仗尙屬勇往現在該處雖無賊匪未便遽行撤出如果有避賊株守情事斷不肯稍存瞻徇又逆首徐添德為川省起事要犯極為詭譎兇悍臣現剿之賊祇有該逆之徒汪瀛在內又據獲冉添元等僉供內有徐元帥係黃號襄陽教匪徐萬富並非徐添德第恐徐逆自知死亡在即有改換姓名之事臣每於獲賊時留心查詢各股首逆年貌籍址下落以便擒掃萬不致有漏網再查魁倫勒保追剿藍號賊匪已至大甯寺白號餘匪諒必與之合夥因思賊匪詭譎異常設或只竄一路牽綴我兵亦應趁其窮蹙臣除淨盡而藍號等股賊匪在前人數較多又未便舍而不顧擬至前途如果白號餘匪只竄一路臣即酌派幹練將領帶領得力官兵跟緊窮追悉數掃除而臣大隊兵馬即與魁倫勒保合剿藍號等股賊眾兩路大兵會辦可冀迅速集事

德莊果公年譜卷十一

三

論曰此次德楞泰在黃鹿鎮朱家坪傅家河等處殲賊三千四百餘名擒獲投首者共有一千八百餘名此股白號之賊所贖不



過千餘由觀音寺一帶東竄是潼河以西已無賊匪辦理誠為奮勉覽奏深為欣慰但殺賊雖多尙未經擒獲著名首逆又未辦竣一股是以未經交部議敘仍著加恩賞給德楞泰白玉喜字牌鑲玉火鐮包大小荷包又發去玉翎管水晶鼻烟壺搬指套等各五件交德楞泰分賞帶兵出力打仗人員用示鼓勵俟川西賊匪全數辦竣再降恩旨

十八日

公借勒保奏言竊臣等緣甘省竄匪逼近龍安臣勒保與魁倫商酌卽令魁倫帶兵馳赴梓潼綿州一帶以防甘匪闖入川西臣勒保督同總兵施縉副將薛大烈等由南部

德壯果公年譜卷十二

三

保甯境內緊躡追剿本月初四五日該匪等分出探馬戰手各數百人於盤龍驛渡口河兩處欲圖搶船過江均經我兵先後追及兩次殲獲三百餘名不敢窺伺江邊竟直奔保甯郡城臣勒保卽督率阿哈保施縉帶領馬步兵殊批可嘉盡力追趕初六日申刻於黃連埡地方追殺賊匪二百餘人人生擒鮮文玉等一百三十五名投出被脅男婦五百六十八名口前隊賊匪探知後有追兵卽向舊縣壩小路連夜竄逸初七日午刻正在督兵追剿忽聞後路槍礮之聲不絕據探開封廟一帶有白旗數桿飛奔而來抄截鍋帳正遇薛大烈一路官兵轉回截殺臣勒保恐此路兵力稍

單卽親率馬隊馳往迎擊及至該處知經薛大烈擊退殲

獲賊匪數十名鍋帳得保無虞此卽係臣德楞泰擊敗之

賊已向柏林廟竄逸臣德楞泰因該匪等僅贖一千餘名

俱騎馬晝夜奔逸亟須盡力窮追初六日追至觀音寺截

殺一百餘人散出男婦一百二十八名口訊知張子聰庚

向瑤等率其前隊狂奔相隔已有七八十里臣德楞泰卽

於初七日率同賽冲阿温春阿穆勒塔李紹祖馬瑜等帶

領馬步官兵行走一百三十餘里酉刻亦到開封廟探知

白號之賊已與藍號等竄合在江口一帶搶船臣等卽會

同連夜督兵進發維時阿哈保施縉薛大烈託雲泰等所

德壯果公年譜卷十二

三

領前敵之兵先在柏林廟駐劄卽催令就近馳往截擊初八日巳刻我兵趕到江口正值該匪等在江口陳家渡殊批此船從何而來應查究家灣柳樹灘分爲四處搶渡嘉陵江每處有船十餘隻七八隻不等阿哈保等亦分四路攻擊殲獲甚多適臣等趕到見江口柳樹灘兩處人數較眾均係精壯戰手必須擊其中堅則餘匪自當驚潰隨卽親督滿漢屯土兵勇先從江口柳樹灘兩處下壓賊匪慌亂異常投河淹斃者不可勝計並有乘船之賊中斃翻水者十餘船統計斬殺淹斃之賊實共有一千七八百名生擒賊目柳凱等八百十六名並有被脅男婦陳正朝劉王氏等一千四百餘名口或



丟棄器械或攜老扶幼或向為賊匪背縛均伏地哀求實  
此若難皆朕不待所致全賴汝等救民之苦解朕之罪  
 屬目不認視當即一一撫諭與擒獲各犯內訊出之裔從  
 難民楊芳等五百二十八名一併給與印票銀米釋令回  
 籍其餘從賊日久者俱即正法搶獲牛馬一千三百餘頭  
 匹刀矛旗幟八百餘件均即分賞出力兵弁訖訊據賊目  
 柳凱等供稱藍號等股原想官兵正在川西追剿白號未  
 必即能趕到潼河以東是以由太和鎮竄回可以避兵擄  
 掠不料官兵連日追趕緊急元帥冉泰順與徐萬富等商  
 量挑出熟悉水性戰手一百餘人於初七日晚間先到江  
 口一帶見水至東岸搶得大小煤炭船三十餘隻在江口

德光果公年譜卷十二

三

陳家渡等處分渡線字號祇贖數百人黃號青號各有千  
 餘人惟藍號新擄人多尚有七八千人初八日早間渡未  
 及半又來白號七八百人因張子聰度向瑤是白號元帥  
 先挑兩隻大船讓令先渡甫經開放即值官兵趕到用礮  
 擊翻船十數隻張子聰等之船是否已遭沈溺不得知道  
 聽見徐萬富等商量過江後要由廣元一帶竄出陝境如  
 不能過即赴通江巴州等處與鮮大川等合夥各等語伏  
 思藍白等號賊匪自竄過嘉陵江西岸之後裹脅已有四  
 五萬眾幸賴

皇上天威飭令臣德楞泰督兵早到疊獲勝仗痛加剿殺並殲擒

各首逆賊勢實已窮蹙滿擬即在潼河東岸可以辦完詎  
 料河防不慎又被竄過潼河西岸蹂躪更多逼脅又眾兩  
 旬以來臣等分投追剿匪眾不敢逼近成都省城逼住川  
 西壩要路該匪等無路奔竄仍折渡潼河今又被剿情急  
 竄回嘉陵江以東五號之賊統計祇贖數千名現在潼河  
 東西兩岸一律肅清人心大定正當翻犁播種之時斷不  
 致有誤東作臣等因川東川北尚有賊匪三四股正須亟  
 為勦辦今此股敗殘餘匪勢必與之竄合恐其又肆騁張  
 正擬分兵由廣元保甯兩路截剿又據派防龍安之總兵  
此批另有旨  
 百祥署龍安府黃為琳等稟稱自甘境竄入南坪之賊初

德光果公年譜卷十二

三

三日已過象鼻關在平武縣屬葉棠堡一帶焚掠番眾驚  
 逃薛土官不知下落初六日有賊一二千人在水晶堡躍  
 水過河直上黑水溝一帶焚掠竄逸另有一股由文縣竄  
 入南坪勿各寨屯聚各等情查黑水溝距龍安府城一百  
 餘里並可通石泉安縣縣竹江油彰明等縣萬一被其竄  
 出即係川西壩地方於大局殊有關係現在百祥派防龍  
 安所帶之兵無多尚恐不敷堵禦又聞參贊那彥成業已  
 帶兵回陝雖經臣等商令魁倫馳往堵剿但頃又接奉

諭旨飭將魁倫革職擊問交與臣勒保審辦自應遵

旨速往臣德楞泰即日由劍州直趨廣元先遏藍白等號竄陝要



路再行相機迎擊臣勒保即轉回梓潼一帶直赴魁倫軍營一面查辦一面即就近分撥將領分投截剿甘省竄匪并安撫潼河兩岸被難民人及早復業以期仰慰

聖懷

諭曰川西竄匪於盤龍驛漩口河欲圖搶船過江先經官兵殲獲三百餘名德楞泰聞知張子聰度向瑤等向前狂奔即帶領馬步官兵馳至開封廟擊賊正值白號之賊已與藍號等股竄合在江口搶船隨趕到江口乘勢勦殺又斃賊二千七八百名所辦可嘉但德楞泰此次截勦渡江竄匪如果能趁藍號白號等股合夥竄渡之時悉力奮擊盡數殲除必當優加獎賞今雖殲

德楞泰公年譜卷十二

美

斃多名而餘匪仍搶船過江向廣元一帶逃逸未能即時辦竣畧覺遲緩尚不滿意惟念德楞泰兼程前進馳抵江口實為奮勉出力著將伊子三等侍衛蘇崇阿陞授二等侍衛以示嘉獎總兵施縉所帶貴州新調官兵六千名自到川後屢次打仗得勝現在嘉陵江以西業就肅清施縉著交部議敘此一路出力將弁著勒保查明咨部議敘其貴州新調兵六千名俱著賞一月錢糧俾益加鼓勵至勦敗餘匪祇贖數千德楞泰務須乘勝速赴廣元將藍白等股餘匪上緊勦盡勿任與鮮大川苟文明等合夥且訊據獲犯有賊匪過江後欲由廣元竄至陝境之供德楞泰尤當加意堵截勿令逸入陝境

恭錄

御製詩

參贊德楞泰奏報痛勦白號賊匪逼回潼河北岸復緊追至嘉陵江口痛殲各股匪眾詩以誌慰併示經畧大臣等

春初賊過江實由散召募詎料復竄潼一誤仍再誤所幸黔兵來整旅扼前路繞截黃鹿山奮擊紆憤怒追逼抵潼河浮屍如雁鷺亟安我黔黎銀米以實布先據德楞泰奏報四月初三日官兵由中江縣趕抵黃鹿鎮迎住白號賊頭分左右兩路搶上山梁殺馬步賊不下千名生擒六百八十三名投出難民五百三十一名口餘匪分路逃竄復經追勦賊一千餘名生擒者二百五十餘名趕至豐谷井河邊前隊之賊業已淌渡向餘賊匪二千餘人勦殺四百餘名追

德楞泰公年譜卷十二

三

人河心急流淹斃七八百人投出難民六百四十五名口並兩擒獲內訊出難民八百一十三名口概給銀米路票釋回隊合雄師窮追肯暫駐仍至嘉陵江恰值賊搶渡四路併力攻獲狝搏孤兔飛破碎其船隨波不知數哀哉被難民何辜惡劫遇咎實予一人懺悔所

恩裕又據德楞泰勒保奏報白號賊經德楞泰疊次截殺餘匪千餘人折竄潼河之東欲與藍號賊股合夥勒保督兵追趕四月初六日於黃連埡地方殺賊二百餘人活擒一百三十五名投出難民五百六十八名口德楞泰等追至觀音寺截殺一百餘人初八日趕至江口柳樹灘等處賊匪正在搶渡嘉陵江我兵趕上四路分擊擊碎賊船殺死淹斃共二千七百八名生擒賊目八百十六名其被脅男婦一千四百餘名口分別釋放所獲馬牛刀矛二千有餘潼河兩岸一律肅清即感川省餘匪悉數掃除以安良善

憶



訓政殷力疾揮毫素餘集絕筆吟

望捷見章句一瀉淚如傾痛定增悚懼此

願不能酬我

考虛托付即事示諸臣肝膽盡宣露

二十日

欽差戶部侍郎周興岱奏言臣於四月初二日行抵廣元縣遵

旨訪詢朱射斗在高院場失利緣由僉稱自賊匪竄渡嘉陵江魁

倫檄調朱射斗帶兵協剿迨行抵蓬溪魁倫即行駐紮未

曾一同前進朱射斗奮勇殺賊窮追至高院場地方猝被

賊匪折轉兜圍緣魁倫軍營相距三四十里並無接應以

德壯果公年譜卷十二

五

致臨陣身亡其被戕之慘實為臣子所共憤恨至潼河最

關緊要魁倫先駐潼川鳳凰山復移駐金山驛既以防範

潼河為詞又復防範不嚴至賊匪於三月十八日夜竄過

太和鎮數萬生靈慘遭焚殺及賊已逼近蘇州省城人民

俱為驚擾該州劉印全請撥兵三百名協同堵禦而魁倫

又不肯發給該州繼之以哭僅親率鄉勇堵禦以致被害

多名然百姓並不怨該州俱稱劉印全為好官而深怨魁

倫之擁兵自衛臣將次省城於漢州新都一帶沿途節次

訪聞大畧相同再臣於初五日行抵梓潼時適值賊匪在

該縣境內滋擾臣目覩民人遷徙紛紛並有被賊所傷者

臣因前途阻塞在該縣暫停二日督率署知縣汪金芴嚴

行防禦百姓始行安住初七日臣即行前進親見各處團

寨頗形惶惑臣乘騎竟日行一百八十里於馬上逐處詢

問居民普加慰諭俾無驚恐至蒙

垂問川省帶兵各員何人奮勇畏葸之處皆云川省勦辦賊匪自

德榜泰移師到來疊次擒獲渠魁實為奮勇出力且能於

臨陣時宣布

聖主如天之德是以新被裹脅者紛紛投出無不感戴

皇仁但一人之力究難處處兼顧應請

勅下督兵大臣同心協力以期迅奏膚功

德壯果公年譜卷十二

五

閏四月初一日

公奏言臣前帶兵向昭化前進十三日探得剿敗之賊由

蒼溪北走欲出廣元尖場子茅壩圍竄陝西黃官嶺一帶

查茅壩等處路徑紛雜在在可通陝界當即渡枯柏河取

道廣元縣之通坪扼其去路十五日趕至通坪是晚兵勇

盤獲逃出難民陳永祿等訊稱藍白等號賊匪在川西壩

被官兵痛剿聽說過河要往陝西可以會合別股匪眾惟

恐前有堵截不能過去等語當即照例省釋詎該逆等已

知我兵趕到通坪即由梁家場連夜遁逃查前途之百丈

關亦為四達之處臣於三更後即先帶兵起程於十六日



午刻趕至百丈關距賊祇隔兩道山梁當即發兵迎前進  
勦該匪等遙見我兵先已亡命奔逃臣復率兵勇極力趕  
追至七十餘里之木門場未得痛勦時已初更祇獲落後  
賊匪魏本橋魏楊氏等十二名口訊據供稱藍白等號賊  
匪原思過陝不料數路都被官兵截住無處覓食今分散  
行走到川北後會合幾營總要拚死過江等語當即分別  
辦理訖嗣探白號在魏家壩地方已與鮮大川一股合夥  
由巴州玉山鼎山而逃藍號等股人數較多由巴州直走  
儀隴其勢已趨江岸緣河東廣元南江巴州等處洞寨險  
固而又聯絡善守故各逆往來經過每為寨民截殺其間  
皆上年所屬結者

德壯果公年譜卷十二

早

實難屯踞無從逞其蹂躪迥非河西可比惟嘉陵一江綿  
長千有餘里刻下江水尚未漲發淺灘處所可以躡渡者  
實多雖節經臣與勒保飛飭沿江道府州縣預為設法洵  
挖深廣多集團勇日夜嚴防第恐團勇懦怯究不足恃二  
十一日行至儀隴縣之羅板橋該處可以繞出蓬州周口  
沿江一帶臣即於隊內抽撥兵勇二千餘名派令副將託  
雲泰遊擊李東山等帶領由周口過江西岸確探賊蹤協  
同地方文武團勇沿江堵禦並令嚴查船隻務期斷絕往  
來二十二日臣至儀隴土門舖探報藍號賊匪已由養金  
場竄至營山之豐登舖一帶均距周口不遠臣即趕向豐

登舖周口沿江東岸進勦連日盡力趕追賊匪惟恃狂奔  
不敢接仗臣惟有鼓勵兵勇極力窮追截其竄渡以冀早  
為殲除

諭曰藍白等號賊匪欲出廣元竄入陝省經德楞泰督率兵勇扼  
其去路賊匪復思竄回川西實為可恨現在防守嘉陵江最為  
緊要德楞泰抽派兵勇二千名令託雲泰等馳赴沿江西岸協  
同該地方文武團勇防堵所辦甚是德楞泰務當嚴飭該文武  
員弁分段實力嚴防毋稍疎忽此時大股賊匪竄往巴州營山  
一帶去江岸不遠德楞泰趕向豐登舖帶兵進勦務須上緊追  
擊即在該處將賊匪殲除淨盡

德壯果公年譜卷十二

早

初三日

公奏言臣於營山途次奉到四月十五日

上諭內開德楞泰輕騎追賊在黃鹿鎮等處痛勦潼河以西已無  
賊匪辦理奮勉覽奏深為欣慰但未擒獲首逆又未辦竣一股  
是以未經交部議敘仍著加恩賞給黃綬大荷包一對小荷包  
二箇白玉喜字牌一箇鑲嵌玉火鐮包一箇又發去翡翠白玉  
翎管搬指套鼻煙壺各五分著分賞此次出力人員又奉到四  
月十八日

上諭內開據奏潼河兩岸全行肅清德楞泰如能趁藍白等號合  
夥竄渡之時盡數殲除必當優獎今餘匪仍搶船渡江未能即



時辦竣尙不滿意惟念德楞泰兼程前進馳抵江口實爲奮勉出力著將伊子三等侍衛蘇崇阿陞授二等侍衛以示嘉獎各等因 臣當卽欽遵將翎管等件分賞副都統賽冲阿温春阿穆勒塔總兵李紹祖侍衛達勒精阿富僧德總管色爾滾富登阿協領穆騰額副將馬瑜祇領訖率同望

闕叩謝

天恩伏念 臣辦辦川西竄匪得以擒首逆而戮賊衆者無非仰仗皇上恩威將弁兵勇俱各用命 臣不過從中調度並無微勞乃四旬之內仰荷

褒章八錫晉秩加爵

德世果公年譜卷十二

聖

恩賚頻蕃爲從古未有之

殊施實人臣難逢之

曠典涓埃莫效報稱維艱茲兩次接仗既未擒獲一名首渠亦未

掃蕩一股匪衆昨復搶渡折鼠稽誅方以不得卽紓

宸廑悚懼難安何期

異數特頒榮其身而并及其子蘇崇阿年輕篤鈍毫無知識惟有

囑令學習弓馬勤慎當差以期無負

聖慈 臣更當督率弁兵奮勉勦賊冀得大功速蕘稍展微忱紓

宵旰之焦勞報

生成於萬一

殊批奮勉成功愈速愈妙朕之憂愁焦急實難批示汝細思之

十四日

公奏言竊 臣帶兵緊躡賊蹤二十六日未刻趕至渠縣屬之永興場接據達州知州劉佳琦稟報一股賊匪在州境之鐵山關復興場等處滋擾距城甚近附近村場居民紛紛搬避來城民情驚慌等語查該州爲糧餉重地兵守空虛永興場距州二百四十里當卽鼓勵兵勇移營星夜前進三更後正在蠶蟲溪渡河忽大雨如注兵勇冒雨夜行二十七日午刻趕至州城詎該匪探知兵至白號一股繞出羅江口蒲家場走瓦窰壩徑竄東鄉縣地界藍號等股

德世果公年譜卷十二

聖

由羊烈子過河往亭子舖麻柳場奔逃此路係梁山新甯大道又可折竄開縣若由達州過河直進程途較近或抄或迎俱屬便捷卽連夜發兵二十九日辰刻我兵趕到亭子舖適逆衆起營不遠當催馬步兵勇疾趨楓香埡沙陀寺值逆衆正由萬寶白雲二寨山脚徑過遙見官兵旗幟吶喊飛奔來迎 臣隨令賽冲阿李紹祖達勒精阿富僧德明德穆騰額李應貴馬應國等由左手上主河截勦令温春阿穆勒塔薩甯阿色爾滾富登阿倭星額馬濟唐玉龍等由右手梁家壩截勦 臣督率文昌保法依當阿珠爾杭阿馬瑜蒲尙佐達自祥等由麻柳場直前進擊三路官兵



並勦一齊衝入賊隊殺賊三百餘名賊眾大敗退至橋上  
我兵大隊趕追擁擠不開淹斃賊匪一百餘名賊復站住  
捨死抗拒旋見馬賊一百餘人帶領步賊於山頂往來指  
揮催令眾逆下壓數次官兵迎鋒仰攻又殺賊二百餘名  
槍斃馬賊十數名生擒周如山趙王氏等七百三十八名  
口割獻耳記七十三副萬寶白雲兩寨百姓見官兵勦賊  
大勝亦即吶喊率眾下寨擒殺多名賊即敗向大石橋新  
興寺而逃各犯當令委員研訊認出藍號偽元帥冉添正  
之軍師劉君聘又名劉傳令首級一顆因該逆在營中主  
事調派打仗俱係伊出號令故有傳令之稱眾口確鑿如

德壯果公年譜卷十二

器

一搶獲旗幟馬牛槍矛衣物極多當將牛馬分給兵勇衣  
物賞給寨民領去訊出從賊日久曾經殺人放火之郭官  
俸等二百七名概行正法其被脅難民周如山唐蔣氏等  
五百六十三名口照例給予銀米送赴蓬州交該州分遣  
各籍安爲安插次日由楊家山蔣家池壩珠批好跟追前進沿途  
復有斬獲並散出難民不少正在督兵前進又據新甯縣  
趙華飛稟一股賊匪由東鄉七里峽突出天師觀距縣城  
僅二十餘里有直撲縣城之勢查新甯縣城防兵本少所  
關甚鉅當即改道由馬蟻溝翻山直趨縣城內外百姓見  
官兵驟至歡聲震地當即督率兵勇迎勦該匪等並不拒

敵即折回狂奔我兵趕緊追捕至李家橋地方趕上賊尾  
槍箭並發立斃賊匪百餘名色爾滾帶領數騎衝入馬賊  
隊內射賊十數名生擒吳文漢韋黃氏等九十八名口訊  
據獲賊供稱此股賊眾係白號張子聰度向瑤因官兵已  
追藍號賊前去張子聰等商量乘空折回意欲窺伺新甯  
縣城不料又遇官兵等語所有割獲首級令生擒各犯指  
認據黃忠炳文開學張世華等僉稱內有苟總兵冉先鋒  
二人苟總兵名苟文富冉先鋒不知名字等語並令被脅  
難民何少敏等指認均屬相符訊明後均即分別辦理此  
股賊匪除勦殺渙散外餘匪無幾已由三匯兩河口前竄

德壯果公年譜卷十二

器

其勢非向雲開東竄即由大旺山一帶翻入老山均未可  
定惟查川東川北各處日來稟報賊情如巫山縣黃羅傘  
防守之總兵德英額稟稱苟文明羅半年兩股賊匪由楚  
省羅坪竄來因川境之黃羅傘夜叉巖一帶卡隘防堵嚴  
緊不敢前進遂由相思嶺廟堂河漏夜繞出茶園坪竄至  
巫山八石坪該鎮等復帶兵趕至大昌河岸畧有斬獲又  
經防守夔城之副將明善富明阿在奉節之崔家河堵截  
未能竄近郡城茲據開縣稟報該逆等已至距縣八十餘  
里之白橋一帶又據東鄉縣稟報鮮大川分股賊匪由淺  
壩場至清溪場向前河奔竄有走開縣之勢其張漢潮一



今未淨起餘黨由土主廟沙窩壩奔竄亦走中河據太平縣稟報

龍紹周唐大信二逆於明通井王家壩分股一走漢昌河

雞鳴寺一走桃花埡茶子壩又涪州之鶴遊坪亦有賊匪

滋擾查各處逆匪紛紛四竄其勢向雲開而來賊股全注

川東各州縣防兵無幾儻有疎虞更屬不成事體現在川

東川北共有賊匪九股人數多寡不等祇臣一路官兵勤

辦如賊匪勢窮竄入老山不過苟延殘喘為牽掣之計若

官兵即跟入山置附近州縣之各股賊眾於不顧未免墮

其術中臣現由燈草壩進發直趨開縣境內就近察看各

股賊匪情形酌量緩急辦理惟涪州鶴遊坪之賊距大江

北岸甚近若無兵勤辦恐其日久鴟張查嘉陵江岸距賊

已遠刻下江防事宜較前稍緩原設兵勇足資防範臣前

派西岸防堵之副將託雲泰遊擊李東山等所帶兵勇二

千餘名並總兵許文謨接管阿迪斯所帶官兵一千名併

為一路令其赴彼協剿即或一時不能擒掃亦須逼向東

面庶可兩面夾擊至龍安一路賊匪屢接勒保來信已經

截回不但該逆不能竄出川西並亦不使回甘於龍安一

帶山內辦結諒即日可以集事川西自可無虞

諭曰此次德楞泰先在楓香埡沙陀寺等處擊勦藍號賊匪分兵

三路衝入賊隊殲賊五百餘名又在新甯迎勦攻撲縣城之白

號賊匪殲斃百餘名並殄斃藍號偽軍師劉君聘白號偽總兵

苟文富冉先鋒等雖俱係得有勝仗而擊敗之賊仍前輾轉奔

逃究未能殲淨一股肅清一路其敗逃之賊又必復行裹脅人

數增添與未經勦殺何異即如前次楊開甲一股本係德楞泰

專勦旋以甘省竄匪緊要馳往勦辦將楊開甲一股委之吉蘭

泰以致餘孽未淨至今蔓延而張漢潮一股餘黨現尚在土主

廟沙窩壩奔竄亦由那彥成從前未經勦淨所致可見勦辦賊

匪總在乘勢奮擊悉數殲除方可以次撲滅至藍白等號各股

賊匪現俱竄聚川東川北地方德楞泰係成都將軍自以川境

賊股日少一日為喜但伊身係參贊更非勒保可比必當籌及

全局若不能將竄聚之賊即在本境殲除或逼令竄入陝楚及

甘肅階文一帶平行地方德楞泰自仍必跟蹤追勦在伊既屬

徒勞跋涉而勦捕事務何時得竣德楞泰總當趁賊匪在川竄

聚之時速在川境辦竣勿徒以驅逼出境為事現在已屆盛夏

統兵大員等觸暑受熱艱阻備嘗而將弁兵丁衝鋒接仗均極

勞苦此等情形朕每一念及時增憐憫惟藏績無期於事終屬

無益從前軍營習氣於炎暑之際每有虛報打仗殺賊之事今

諒無此等情弊但官兵惟以追賊為事日復一日伊於何底德

楞泰當通盤籌畫亟思改計將川境各股賊匪設法兜截務期

一舉集事其應如何分投布置使賊匪不能出其範圍可以兵

德壯果六年譜卷十一

聖

德壯果六年譜卷十一

聖



不勞而賊匪漸就殄滅之處詳細熟籌胸有成算並即先行具奏該處亦有深山老林或賊匪被剿緊急竄入潛匿尤當四路堵截使賊匪能入而不能出我兵以逸待勞斷其去路慎勿令賊匪再行他竄並徧諭將士等咸知朕矜恤伊等暑熱勞苦之意俾共知感奮

二十四日

諭曰教匪滋事之始因地方官以查拏邪教爲名任聽胥役恣意訛索而不肖州縣亦從中取利激而生變其時事起倉卒黨與無多該省督撫如果即時實力查拏設法解散原可不煩兵力乃張皇失措征調多兵四出剿捕而教匪自知萬無生路遂兩

德壯果公年譜卷十二

哭

糾集黨徒堅心抗拒及至賊勢日張督撫等束手無策不得已始派帶兵大員前往其實該省地方滋事之案本應督撫自行辦結帶兵大員原係會同剿捕詎督撫等見有特派帶兵之人以爲剿賊之事即非伊等專責心存推卸於本省各要隘地方並不認真防堵任聽賊匪來去自如毫無阻擋而帶兵大員專司剿賊又不便以此歸咎地方官遂至堵剿兩不得力賊匪得以蔓延數載迄未歲功在經畧參贊等身膺軍旅重寄自上年以來屢加懲誡未嘗不認真打仗力改從前虛誣陋習即督撫等簡任封圻亦各自知奮勉惟賊匪經過之各州縣等於團勇守禦之事總未能經理妥協若果盡如尹英圖孔繼榘林嵐之

練集義勇固結民心使賊匪不能窺伺衝突亦何至任賊輾轉奔逃到處焚掠乎現在所用帑金不下十千萬征調各省官兵不下十餘萬而各匪東奔西竄滋蔓如故總未能肅清一處似此日復一日若不急思變計則賊匪何時始能辦竣以目前緊要機宜而論不在添兵並當撤去疲病之兵不但募勇尤須團集精練之勇夫賊匪奔竄數省道路分歧若全仗兵力剿辦即再增數十萬雄兵亦不能處處兜截況各省遇有征調每留精兵防衛本省其調撥者往往以新募之兵充數即如四川添調貴州官兵皆係未經習練不能緊隨施縉撲上山梁以致施縉後無接應中矛陣亡若此時再行添調各省兵丁大率類是現

德壯果公年譜卷一一

哭

在用兵省分多有受傷患病弁兵存留各處官爲養贍者亦有隨營充數者徒糜糧餉於事何益所有此項傷病留養及疲乏無用之兵即令撤歸原伍惟留其趨健得力者帶領剿賊如此分別挑用則軍營無非勁旅一兵可得一兵之效至團勇一法必須責成地方官經理蓋州縣之大者精壯之民可得數萬其小者亦有一二萬詳加選擇朝夕訓練使之各衛鄉里賊至則共相奮擊賊去則仍安生業以本地鄉民偵探賊蹤較之官兵更可早得確信以逸待勞視兵丁之東追西擊徒形疲乏而仍不能殺賊者相去奚啻倍蓰所有陝甘川楚各州縣凡教匪經過地方官督撫以至牧令提鎮以至千把均應一體實力辦理



俾賊匪到處不能衝突無可裹掠其技自窮至撤回傷病無用兵丁節省餉銀即可作團勇之費如鄉勇中有能殺賊立功及該州縣實力團練行之有效者分別獎擢前降諭旨甚明該督撫務當遵照辦理其州縣不得力者斥換又近聞帶兵大員有因該處鄉勇得力調往軍營協剿者鄉勇等在本處團集原係自衛身家得資其力而離鄉即不為勇況得力鄉勇守禦嚴密必為賊匪所忿恨一旦離其本處賊匪聞知自必率其醜類突入村莊肆行荼毒而調往他處之鄉勇遠離故里本無自衛之心亦未必仍前勇銳以致被賊戕害者有之嗣後帶兵大員等不可輕調鄉勇惟責令各在本處堵禦用收實效總之能堵而

後能剿而堵禦截擊之事非團練鄉勇必不能辦若督撫等畏難苟安惟思誘之帶兵大員因循延玩必致兵日益疲餉日益匱該督撫等務當各知奮勵妥協經理至德楞泰恆瑞雖現在帶兵俱係將軍亦有地方之責均當悉心籌酌將來賊匪殄平後應辦善後事宜甚多皆係伊等責任若能堵禦有方使賊匪所向輒窮無從奔竄該督撫之功與經略參贊無異必當同膺懋賞儻仍前疎懈任賊奔逃定重治該督撫之罪此時天氣日漸蒸熱未必能頻頻打仗經略參贊督撫等正可趁此時將如何團練鄉勇設卡布置實力堵擊及如何撤回疲兵挑揀精銳分帶剿捕之處通盤籌畫計出萬全彼此咨商會同覆奏不可

徒託虛言敷衍塞責也  
五月初一日  
公奏言 臣等於燈草壩追剿藍號等逆當由開縣趙家場前進沿途日有斬獲該逆被剿情急遂分股牽綴我兵一竄雲陽一竄梁山忠州正在分兵追剿據涪州鄞都長壽江北廳沿江各州縣先後稟報劉朝選湯思蛟股匪由鶴遊坪分竄江岸意欲窺伺大江南渡 臣查竄赴雲陽之賊所向多係老山箐林其勢稍緩長壽涪州鄞都一帶在在濱臨大江客商船隻往來不絕各州縣雖有防備恐不足恃前派總兵許文謨等兵力又單若無大兵剿辦設各股併合搶渡南岸完善之區肆其擄掠又復蔓延難制且藍號分股亦由忠梁而去酌其輕重先當以廓清江岸為急因即札飭許文謨副將託雲泰遊擊李東山等帶領兵勇三千餘名徑由梁山忠州緊跟藍號賊蹤追剿 臣正在督兵向長壽一帶進剿途次探得賊匪劉朝選等聞官兵將到已向西北折竄因查詢道路如改道由鄰水進發即可迎頭兜截十七日行抵該縣所屬之合流水地方接據探報該匪等率眾四五百人由江北廳屬之茨竹林一帶前來其勢將入鄰水界內十八日夜雨如注 臣恐賊匪聞風先颺即冒雨於五鼓帶兵由星拱橋進發已刻至七孔溪



山梁遙見逆眾從高灘場而來該處山林茂密賊匪何無  
准備我兵正可出其不意痛加殲殺當令賽冲阿温春阿  
穆勒塔色爾滾李紹祖達勒精阿薩甯阿富僧德蘇勒芳  
阿馬瑜倭星額等帶領兵勇分伏於兩山旁樹林內觀看  
賊匪蜂擁過溝上至半山官兵突出從上壓下勢如破竹  
賊匪大形潰亂我兵箭射矛戳登時斃賊四百餘名並有  
棄械跪求馬前者三百二十六名當即給票釋令歸業其  
敗竄殘匪經兵勇極力追殺墮落溝澗死者不計其數生  
擒向吉秀張周氏等男婦七百七十八名口兩勢愈大官  
兵緊追至江北廳屬之秦家場沿途又殺賊三百餘名生

德壯果公年譜卷十二

聖

擒余志俊陳姚氏等男婦三百六十三名口渙散者甚多  
餘匪不過千餘人翻任家埡新店子向岳池廣安交界遁  
逃隨即委員研訊各獲犯內有大竹縣差役張禮夏魁供  
出該縣張位中被害係軍師何上達斃死並據屠有華汪  
國忠等亦指認何上達係營中總管又認出探馬頭周仁  
乾並戰手探信各匪犯劉廷俸等二百零二名何上達始  
猶狡賴經取質證俯首無辭查該逆在營主謀慘殺良民  
戕害職官肆行荼毒實為罪大惡極臣即令繕寫陣亡大  
竹縣知縣張位中牌位委知縣喻日泗前往將該逆凌遲  
致祭以彰批是

國法而慰忠魂軍民無不稱快其餘匪周仁乾等二百零三  
名概予駢誅擒獲各犯多係附近州縣被擄之人仍給銀  
米路票並良民旗號按籍遞遣歸業查劉朝選等率其餘  
匪竄向岳廣勢必徑趨大竹縣等處若大兵全行跟蹤而  
去則許文謨現追藍號之賊據稟已擾至忠州皮家廟箐  
口地方距江岸亦不甚遠若一時不能得手恐沿江儻有  
疎虞所關尤重臣現即酌派總兵李紹祖副將倭星額遊  
擊楊國林等帶兵勇三千餘名緊跟劉朝選等賊匪追剿  
並即飭知許文謨仍跟藍號賊蹤臣帶領大兵即取道忠  
州一帶探查賊匪現向何處冀與該鎮兩面夾擊或可盡

德壯果公年譜卷十二

聖

數剿滅

諭曰此次德楞額督兵追剿藍號等逆因劉朝選湯思蛟等匪分  
竄江岸意欲窺伺大江偷渡隨飭總兵許文謨等帶兵由梁山  
忠州緊跟藍號賊蹤追擊德楞額即於鄰水進發將劉朝選等  
乘勢剿殺冒雨追擊先後斃賊七百餘名生擒男婦千餘名復  
經兵勇曉諭棄械投出者三百餘名並究出前此戕害知縣張  
位中之偽軍師何上達凌遲致祭並將被擄民人分別遞遣歸  
業所辦俱好此次捷報馳到正值五月朔日著賞給德楞額香  
囊扇袋荷包以示恩眷並發去香囊三十箇著交德楞額賞給  
軍營出力之侍衛官員等至德楞額因劉朝選等賊匪欲圖窺



伺大江先以廓清江岸為急隨即帶兵進剿其辦理緩急機宜  
朕亦不為遙制惟劉朝選等餘匪千餘仍未辦竣向來各路官  
兵每因剿辦一股未能剿淨任餘匪竄入深山老林蓄養休息  
旋又裹脅多人分路肆擾即如劉朝選敗散匪黨此時雖不過  
千餘人將來潛出滋擾又將隨處裹脅自必不止此數是此股  
賊匪雖經剿殺而旋散旋聚餘孽復萌或致又成大股與未經  
剿殺何異德楞泰辦川省賊匪務須將所剿一股悉數殲除  
再將別股以次撲滅方不致蔓延為害此次官兵冒雨進擊並  
分伏山旁乘勢截剿實屬勞苦出力但此股賊匪究未剿竣未  
便即予恩施所有出力各員弁著德楞泰存記俟將來大獲勝

德北果公年譜卷十一

五

仗時一併保奏候朕酌量加恩

恭錄

御製詩

蜀信

蜀信連番皆期賊龍安鄰水翦羣邪據勒保奏藍白黃三號賊  
被我兵截為兩段賊斃三四百名活擒一百四十三名割獲首  
級內認出襄陽賊目李掌櫃張進才二名投出難民八百七十  
五名口餘賊由讓水河范家壩奔逸查該處距甘省之文縣不  
遠已知會廣厚兩面夾擊以期一鼓殲除又據德楞泰奏督兵  
追剿藍號賊匪由鄰水冒雨進發至七孔溪山梁從上壓下斃  
賊數百名棄械投出者三百二十六名生擒一千一百七十餘  
名口訊出賊害大竹縣知縣之偽軍師何上達凌遲致祭以慰  
忠魂分遣被擄一千三十七名口各使歸業現在先將江岸廓  
清餘股不聞風逃遁誠堪恨冒雨攻圍實可嘉權劫總由予德  
難掃蕩矣

薄除災敬頌

吳恩加五年無一日甯靜東望

裕陵增痛嗟我考自去年正月三日棄兒升天攀號不  
淨根株愧為天下之主日視百姓流離顛沛死亡困苦莫能援  
救上無以報考恩下何顏對臣庶庶豈非天地間一罪人乎  
誓欲竭盡心血必欲平定三省之邪眾為五年以來陣亡之  
官軍鄉勇伸此冤憤斷不中道而止書此數言誌吾沈痛

十五日

公奏言臣前因大江北岸有許文謨所追藍號賊股滋擾  
必須全行肅清方無後慮是以將劉朝選等一股餘匪令  
李紹祖等分帶官兵跟蹤追剿臣遂由忠州一帶前進據  
總兵許文謨等稟報哨探藍號賊匪於二十四日屯於梁

德北果公年譜卷十一

五

山縣屬之梨樹場一帶該總兵由沙平觀趕至沙河場距  
賊二十餘里時值微雨即乘雨令託雲泰李東山沈文同  
常祿蕭太和馬占魁等各帶兵勇直前分路抄擊侍衛阿  
納保帶領吉林索倫馬隊直衝場上賊見官兵亦分路來  
敵官兵槍箭齊發奮力剿殺時雨勢愈大即用刀矛砍截  
賊匪力不能支丟棄馬騾由場外敗走石橋擁擠不開官  
兵乘勢趕剿共殺賊二百四十餘名又有落河淹斃者百  
餘人生擒陳光龍等四十餘名投出難民譚大儒等一百  
三十四名賊向忠州之馬家場而逃適天星寨百姓亦率  
眾下寨攔截賊又衝突而逃寨民紛紛截殺經官兵追擊



二十餘里割獻首級七十四顆奪獲大小旗幟刀槍三百餘件驟馬三百餘匹頭仍即跟蹤追剿等語臣遂帶兵徑由梁山進發冀圖夾擊二十八日行抵石家場忽據探報白號賊匪張子聰度向瑤等自萬縣趕場壩向忠州之禹蹟灘而來有竄往江岸之勢臣恐該逆知我兵至又復折竄他處是夜四鼓即督率溫春賽沖阿阿穆勒塔色爾滾達勒精阿薩甯阿富僧德馬瑜蒲尙佐達自祥李應貴馬應國等分帶兵勇由石板灘向家坡直進九亭場午刻兵抵九亭場對面山埡該逆探馬望見官兵即率眾先逃我兵遙見疾馳趕剿沿途斃賊殊批好三百餘名生擒謝中恆等八

德壯果公年譜卷十一

姜

十七名追至三十餘里之謝家巖風雨大作勢難再進賊匪遂由吳家壩逃奔查吳家壩係通關壩子為梁墊交界之所詢得由豐收溪一路前進可以繞出賊前五月初一日途次忠州屬之許家嶺留侯溪探報賊已迎面前來相距不遠即分兵兩路令溫春賽沖阿阿穆勒塔色爾滾直前剿殺緣四山林木茂密又兼細雨薄霧賊匪不知兵至馬步突然衝入該匪等並不接仗折由原路捨命奔逃因泥滑不能疾行馬兵得以奮力馳騁又殲賊殊批好二百餘名生擒賊匪苟世全等一百二十七名追至深溝槽該處寨民又復統眾壓下殺賊五十餘名賊匪首尾被剿驟馬牛隻

丟棄徧地遂上陳家嶺奔逃時大雨如注官兵冒雨緊追由胖子嶺至雙河口又值溪水驟漲賊匪撲河而過復被淹斃一百餘人官兵衣履淋漓時已昏黑當令跟探是夜該逆屯於忠州之金雞場一帶勢向東竄梁山梨樹場臣取道趕場壩而進連日雨仍不止初三日行至梁山之觀音崖頂上聞賊果由梨樹場場店舖前來相距三十餘里臣督率馬步兵勇一由尖峯寺一由梓潼園分路趕剿至楊店舖趕上殺賊七十餘名餘匪亡命遁去擒獲探信賊匪張添祥等四十八名並逃出難民張大勝等八十六名口查現在忠涪二州鄆都長壽梁墊等處既已肅清臣擬

德壯果公年譜卷十一

姜

由開萬一路相機進剿第各逆一見官兵不敢接戰被脅渙散及投出者實在眾多各寨百姓一見賊敗即率眾下寨助勢洵為極好機會惟因賊匪見兵即逃以致未能殲除方官不助之故一股此次剿賊兵勇傷亡者共計不過十數名所獲賊匪難民俱已隨時分別妥為辦理再前賞七品頂戴之鄉勇冉玉龍此次隨同吉林索倫馬兵首先衝入賊隊殺賊二名身受矛傷六處幸不甚重當即酌賞銀兩以示嘉獎同日公又奏言竊臣前奉諭旨以朱射斗在高院場陣亡阿哈保衝圍退出並不奮力救援實有應得之咎令臣查明奏奏臣伏查阿哈保帶領吉林索倫



馬隊現在龍安勒保軍營剿賊正當喫緊之際若即調令來營訊供不但往返耽延而軍前又少一帶兵之人如伊果有畏縮情事亦不肯直言無隱查臣營卽有同時在事員弁兵勇更可得其實在底裏因卽一面傳訊一面札致勒保令其就近傳訊阿哈保供詞茲准訊取移送前來據阿哈保稱於正月二十八日准魁倫移咨令同朱射斗百祥共帶兵三千名前隊進剿魁倫自帶兵四千內挑選精兵一千五百名前來接應二十九日阿哈保等三人帶同官兵進剿行至文井場因該處地方緊要後隊軍火鍋帳等項難以隨行會商酌量留兵一千交百祥於文井場扼

德世果公年譜卷十一

五

據並守後營朱射斗與我共帶兵二千前進追與賊接仗將賊剿敗追殺十餘里至高院場賊匪漸增至兩萬餘人朱射斗占住山梁我帶馬隊二百分爲兩路在山腳下抵住與賊打仗不想接應總不見來賊見兵單分路搶上山梁朱射斗被賊壓下陣亡步兵潰散賊卽衝撲馬隊實在兵單不能抵禦彼時索倫馬隊陣亡官兵二十八員名兵丁亦被衝散我纔聞出重圍不料魁倫將兵四千全行帶赴蓬溪而去並未接應以致失事詢之同時在事之守備張拱辰外委趙浩與阿哈保供詞相符查阿哈保與臣前在臺灣廓爾喀苗疆俱係同事爲人忠實打仗勇往素非

畏縮怯懦之員卽現在龍安勒保帶兵亦爲得力前此朱射斗陣亡失事實由魁倫不諳軍旅未能詳悉賊情預爲布置卽令阿哈保等冒昧輕進又未帶兵接應竟赴蓬溪其債事實非阿哈保之咎臣荷蒙

殊甚公

聖恩

聖恩如果阿哈保有退縮情事斷不肯稍事姑容使畏蕙者無所倣懲

諭曰此次藍白號各股賊匪經許文謨等追剿殺賊二百餘名其張子聰廣向瑤等復經德楞泰帶兵截殺節次斬獲二三百名不等所辦尚好且氣候炎熱官兵冒雨追賊實爲勞苦可嘉朕心甚爲廩念惟摺內所稱賊匪一見兵到總不接戰卽行逃散致未能殲除一股等語勒辦賊匪全在地方官督率鄉勇實力團練各保村堡一見賊匪撲近卽行攔截使勒賊之人得以合力夾擊賊匪何從逃竄現在勒賊之人非不上緊跟蹤追勒總緣地方官不肯實心助力以致東奔西逐玩誤委靡牢不可破實爲惡習德楞泰現係成都將軍在本省勒辦賊匪卽有地方之責嗣後各地方官遇有實力辦理團勇果能堵禦賊匪者卽當存記知會勒保與之聯銜保奏其因循懈玩見賊不顧者卽與勒保會銜劾叅加重治以縱賊之罪如此分別勸懲庶可期

德世果公年譜卷十一

五

迅速集事至川東賊匪向有九股節次剿殺後究竟尙餘幾股現在所剿者究係何股賊匪摺內未據詳悉聲敘卽著據實覆



奏至所調成都滿兵五百名原係德楞泰所轄既經檄調來營亦無不可副都統定柱未經行陣帶兵必不得力且省城亦須大員彈壓自應令其回省駐劄阿哈保曾為朕藩邸諳達朕斷不肯稍存迴護是以將伊飭查今既據德楞泰奏明阿哈保並非畏懼所論甚公即傳知該員令其益加奮勉可也

二十日

公奏言五月十四日接奉

上諭內閣此次捷報馳到正值五月朔日著賞給德楞泰香囊二箇扇囊一箇荷包二箇以示恩眷並發去香囊三十箇著交德楞泰賞給軍營出力之侍衛官員等俾知又屆五月應亟圖蕙

德壯果公年譜卷十二

六

事回京早承恩澤炎風暑雨倍覺辛勤深切朕念欽此又准軍機處咨

內廷賞出銃子丸藥交兵部由驛發去接奉後即便分賞官

兵等因臣遵即率同副都統賽沖阿總兵許文謨等望

闕叩頭敬謹祇領當將香囊銃子丸藥分別賞給出力侍衛

官員兵丁等無不頂頌

皇仁感佩鼓舞莫可言宣伏念臣奉

命剿賊既未能迅速厥功又未能逐股掃盡經年累月糜餉勞師

以致時當夏五炎風暑雨尚在追賊奔馳此皆臣等辦理

遲延所致時覺愧悚難安迺荷

聖主不加譴責

恩賜重頒佩帶既增榮耀炎暑亦賴消除受此

異數頻施尤令慚惶難已臣惟有勉竭駑駘極力勤辦與帶兵各

員共圖報稱並遵照節降

諭旨事理將剿匪全局與勒保會商妥善以冀剋期厥功仰酬

覆載深仁於萬一

六月初二日

公奏言臣前於梁山縣之楊店舖追剿白號張子聰度向瑤等餘匪因其勢已窮蹙正可掃滅遂不帶鍋帳祇選馬步兵勇三千名竭力窮追日行百六七十里不等該匪總

德壯果公年譜卷十二

七

在梁山達州新甯大山一帶晝夜狂奔初十日追至達州檀木場該匪等即由小涼風埡石橋舖一帶奔避適總兵李紹祖副將倭星額等帶兵追剿劉朝選湯士蛟等餘賊行至高橋聞張子聰等逆竄近即帶兵馳往石橋舖督兵截剿殺賊五六十名生擒孔文昭等二十一名賊遂旁向黃泥彌蒲包山狂奔十三日臣帶兵追至達州風洞子該逆被追愈緊奔竄愈速走過大石橋即將橋梁拆毀直奔觀音山七里峽迨我兵即時搭橋過河另覓便道由永興場抄截賊前該逆遂又折向高坪復經官兵追上該逆將騾馬米糧衣物全行丟棄奔上大涼風埡被我兵追殺二



百餘名生擒閔昌德等八十五名訊據獲犯楊添富等供稱現在賊匪除沿途勒殺外祇贖餘匪四五百人大家畏懼商量要與別股合夥或往老山內暫時逃生等語臣仍卽緊跟由黃連坪至東鄉南壩追及賊匪紛紛撲河淹死者數十人生擒趙仕朝等十八名餘匪三四百人竟奔豐城宋家坪向太平一帶遁去獲犯隨分別辦理又據通江巴州稟報樊人傑苟文明鮮大川等股匪在各境內焚擄攻圍洞寨勢甚鴟張稟請速往勦辦又據太平縣稟報龍紹周唐大信兩股賊匪屯於蒿壩皮貨舖一帶人數較多亦無官兵跟剿臣查張子聰等現又竄赴川北川東祇有

德世果公年譜卷十二

三

徐萬富趙麻花並劉朝選湯士蛟兩股賊匪每股不過一千餘人當令總兵李紹祖副將託雲泰倭星額帶兵勇四千餘名前往勦辦其川北通巴之樊人傑苟文明鮮大川龍紹周唐大信王世虎齊國謨張子聰冉添士並阮正滄餘黨計共十股賊勢較重况距陝省邊界並嘉陵江岸甚近恐其蔓延他處臣卽督兵取道羅江口前赴通巴茲於十九日行至巴州方山坪地方據太平縣文武稟報龍唐二逆聞臣兵至卽改換紅旗扮作官兵分走陝省西鄉邊界一帶等語臣當卽飛行知會王文雄額勒亨額於邊界嚴行堵截並移咨長麟台布飭令沿江文武員弁小心防

範臣一面趕緊前進察看何股緊要卽先勦何股總期以次肅清再查前次具奏川省賊匪共九股劉朝選湯士蛟卽在其內隨又竄來樊人傑王世虎阮正滄餘黨三股是以共有十二股內惟龍唐二逆各有四五千人冉添元餘黨冉添士尙有三四千人其餘各股祇一二十人不等俱係臣等各路勦散餘匪不過以奔避爲苟延殘喘之計如前有官兵阻截不難以次掃滅再嘉陵江一帶經勒保派委文員分段防守又派副將王承勳在沿河往來稽查勒保前派赴川東協勦之副將趙得功帶兵勇二千名臣恐沿河一帶無兵飭令該副將在保甯順慶等處暫住偵探

德世果公年譜卷十二

三

沿河賊蹤隨時截勦江防可無疎虞

同日公又奏言臣欽奉

上諭內開德楞泰係成都將軍自以川境賊股日少爲喜但係參贊必當籌及全局勿徒以驅逐出境爲事其應如何布置使兵不勞而賊就殄滅之處詳細籌該處深山老林賊匪潛匿尤當四路堵截更在鼓勵鄉勇有能殺賊立功給予官職仰見皇上廩念軍務  
睿謨所及凡利弊得失無不畢照伏念官兵勦賊非不擒渠殄衆常有屢勦之後轉多遺孽復萌蓋緣賊股實多勦此彼來擊東西至更有功屆垂成適有他處萬緊權其緩急又不



得不舍此顧彼以致餘匪復行搶掠不期月遂成大股是賊匪能以民爲兵隨處日增所以不能淨盡迨堅壁清野之法行亦非無效惟川東幅員遼闊勢難周到百姓雖築寨而守其間耕作交易勢不能不下寨謀生賊匪一來裹脅而去捆載而行甚至細小洞寨人數本少賊索馬騾米糧衣鞋等物在良民私付之以免攻圍不肖者遂售之以貪重價種種情節不惟足其食而且益其衆至拏卡者多係貧民藉糧糊口一遇賊至往往先逃其中奮勇之徒原不乏人蓋因事不切已每多債事臣再四思維惟有將堅壁清野之法實力奉行但仍責之州縣力難兼顧應令東

德壯果公年譜卷十一

論

北兩鎮帶兵往該管地方相度地勢分段安設近來各匪見兵卽逃並令仿照民寨搭蓋草棚茅屋擇要紮寨使賊無從辨識以便相機截堵再令各道派素得民心之文員會同查辦飭令寨洞小者併大少者合衆廣爲預備滾木插石槍礮處處壁壘一律險固其散居人丁及米糧牲畜悉歸寨洞交易場市移與寨洞相近之地令該鎮撥兵照料並稽察給賊馬牛私售米糧等弊無事則農工商賈紛紛出入息有賊則歸寨固守再爲鼓勵寨民互相團練使民盡爲我用且人未有不喜功名者如有寨首心地明白曉以大義將精壯之人預行挑選每寨若干不令其遠

出賊匪臨近守望相助或隨鎮兵實力堵剿先酌賞六七品頂戴再爲請授則人人皆爲我用賊食絕而脅從日散賊數減而我兵益壯而猶能隨處滋擾無是理也現在川省官兵臣與勒保兩路共有二萬餘名俟龍安剿賊事竣臣兩人會合後再將精壯挑出分領剿辦其餘統交東北兩鎮帶赴各該管汛地分段駐紮常遣能事目兵隨熟悉路徑土人四出偵探臣等所擊之賊由何路竄逃卽率官兵並各寨挑出鄉團馳往截堵不拘何路何卡總以截住賊匪去路爲功如此則有勦有堵而事易集矣老林等處賊每藏匿亦由零星寨洞勢易擄掠今令一律歸併扼險

德壯果公年譜卷十一

論

守禦臨時再酌撥官兵協剿則賊來無食可資賊去無路可遁而剿捕更易爲力矣要之堅壁清野實爲目前要著無論老林內地果能一律肅清賊旣不勦而自斃兵亦不勞而功倍臣目睹民情賊勢病根皆由於此已札致勒保公同詳酌擬俟全局事體周備妥善卽會銜陳奏茲疊奉諭旨令臣先行奏覆臣管見所及理合遵卽上

聞

諭曰德楞奏報追剿白號賊匪及移師川北情形並未將張子聰庚向瑤等一股賊匪勦盡殺賊亦屬無多餘匪仍任其竄至太平一帶是旬餘以來德楞奏不過尾追賊匪到處狂奔並未



能設法截剿且所稱竭力窮追日行百六七十里等語亦屬不實豈有如此疾追總不能趕上賊匪之理且當此溽暑煩歎人困馬疲軍行焉能如此迅速其言竟難深信至另摺奏籌畫剿辦情形亦並無善策如所稱堅壁清野之法責之各州縣力難兼顧應令川東川北兩鎮帶兵前往分段安設一節地方官團練鄉勇原使人自為守若令官兵攬入無此辦法德楞額現係成都將軍統領全省軍務一切堵剿機宜皆其專責伊既知官兵阻截為要何不預為派撥將賊匪去路早為堵截乃任其輾轉奔竄成何事體又據奏龍紹周唐大信聞官兵將至改換紅旗分走西鄉邊界賊匪詭計既能扮作官兵豈官兵即不能改

德壯果公年譜卷十二

奏

換裝束或作村民鄉勇使賊猝不及防乘其不備奮力剿殺何乃尾隨賊蹤徒疲兵力耶且每辦一股未及辦竣又藉稱別股緊急舍而之他以至殘敗之賊又復裹脅愈集愈多是以賊匪前有九股今又增至十二股似此東追西逐何時始能蕪事德楞著傳旨申飭此時賊匪大股在川北地方德楞額務當督飭鎮將悉力堵剿並一面知照勒保前赴川北會同籌辦其竄至陝境之賊並知會額爾登保為兩面夾擊之計總趁賊匪在川北陝南之際額爾登保自北而南德楞額自南而北將賊匪逼歸一處四面兜剿斷其奔竄之路庶可迅速集事

德壯果公年譜卷十三

次孫花沙納恭纂

嘉慶五年庚申

六月十三日

公奏言竊於前次拜摺後移師前進二十六日行抵楠柏山接據通江縣徐廷鈺稟報該縣屯聚賊匪竄入南江界內隨又接據南江縣裴良駿稟報再添土王世虎等股賊匪連營數十里到處攻圍洞寨勢甚囂張並將該縣駐紮之李家寨一併被圍等語當即兼程冒雨前進二十七日趕抵巴南交界之兩河口探報賊匪現屯長池壩該逆

德壯果公年譜卷十三

一

分股於李家寨裕成寨羅台寨元山寨各處攻撲帶兵六千餘名若分往各處救援未免兵力俱單不能痛剿且陰雨連綿其首逆自不肯親身冒雨前往攻撲寨洞反得聞風免脫莫若出其不意攻其不備先破長池壩巢穴則各圍不攻自解是夜四鼓帶兵進發二十八日黎明兵抵馬掌舖賊匪竟不知覺維時大雨如注烟霧迷漫當令賽冲阿溫春馬瑜侍衛富僧德協領穆騰額參將李應貴等帶領馬步兵勇由大道直向包家嶺至長池壩左手而進令阿穆勒塔色爾滾許文謀侍衛阿納保等帶馬步兵由小路繞出沙河子至長池壩右手而進親帶侍衛達勒



精阿慶昌珠爾杭阿總管遜多保等由中路直取長池賊巢賊因兩大俱聚於場上房屋我兵突入賊眾紛紛潰亂馬不及鞍人不及衣大小男婦號哭之聲不絕丟棄槍矛衣物當即殺斃五百餘名生擒大小男婦袁添順張余氏等四百三十二名口餘匪捨命分股狂奔時圍寨各逆聞官兵已搗賊巢奔來救援臣督催馬步兵勇分投勦殺追至白石巖又殺賊三百餘名生擒張大貴李呂氏等二百一十四名口該逆等奔走不及占路山包施放播石往來衝壓數次我兵仰攻驟難得手隨用大礮轟擊賊匪站立不住有騎馬賊目一名首先壓下被四川鄉勇蘇元林用矛戳死割取首級官兵乘勢競上又殺賊二百餘名賊又敗走吳家壩我兵奮力窮追有吉林領催委官成泰槍擊騎馬賊目一名被甲兵永興擒回又各兵勇生擒匪犯一百三十五名口沿途殄斃賊匪二百餘名渙散者不計其數所獲牲畜極多當即分賞出力兵勇奪獲大小旗幟二百二十四桿就近發交南江縣收貯其槍矛器械賞給各寨首備用隨將所獲賊目研訊供稱名鮮中青與羅其清冉文儁同時起事係屬藍號拜冉添元為父他做元帥復封我為總兵領兵打仗今年三月間在川西壩地方官兵殺斃冉添元擒擊冉添元伊弟冉添士掛帥因年輕不能

德壯果八年譜卷十三

三

管事李斌王世虎龐士榮與我共四總兵商量辦事不想李斌又被擊獲官兵追趕甚緊大家商量逃過嘉陵江到通江毛峪鎮遇見黃號樊人傑又將王世虎與我封為元帥同在一起因無處覓食分作兩股各處攻圍寨洞我同冉添士龐士榮白號張金蓮賴掌櫃齊國謨走一路王世虎祇帶一千餘人另做一股原想到江邊窺伺若官兵防守得緊就由廣元甯羌到陝西去聽見官兵又已追來纔與王世虎合營我已被擊不知伊等下落隨將蘇元林割來賊目首級令其識認據供係賴元帥是白號營裏賴掌櫃屬實復令各匪犯難民將獲犯徧加指認內有白號大旗首周才倫探馬頭趙大成甘品玉等三名訊據周才倫供稱此首級是白號賴元帥係襄陽人人都稱賴掌櫃白號原是張金魁為首賴掌櫃亦係張漢潮徒弟嘉慶二年分營在陝西甘肅日久去年到四川與王三槐徒弟符曰明合夥數月十一月在通江空木河平河打仗張金魁被殺我等逃到廣元野人村官兵又擒住符曰明殺傷二千餘人餘眾躲在山裏游奕前在通江遇見藍號冉添士王世虎等纔合夥要過江去今白號被殺不過贖有數百人藍號元帥冉添士王世虎鮮中青我都認得我營裏還有齊國謨一股亦有六七百人等語訊據趙大成甘品玉供

德壯果八年譜卷十三

三



詞相同互相指認均皆確實隨將鮮中青周才倫趙大成  
殊批是甘品玉等四名擿割處死匪犯袁添順等二百四十三名  
殊批是概行正法其難民孫登榜高黎氏等四百三十五名口照  
例撫卹

諭曰此次德楞泰督率官兵觸冒暑雨分路進擊殲擒偽元帥偽  
總兵等殺賊一千二百餘名所辦甚好德楞泰及帶兵出力之  
副都統賽冲阿温春副都統銜阿穆勒塔色爾滾總兵馬瑜許  
文謨俱著交部議敘其摺內列名之侍衛富僧德等及協領總  
管參將遊擊各員並此外出力員弁俱著德楞泰一併查明保  
奏候朕加恩四川鄉勇蘇元林戮死騎馬賊目割取首級吉林

德壯果公年譜卷十三

四

領催委官成泰槍擊騎馬賊目甲兵永興即行活捉到營均為  
奮勇亦著德楞泰將如何獎賞之處酌量奏請再降恩旨今又  
於內貯備賞項下發去一兩重銀鏢一百五十箇五錢重銀鏢  
三百箇交德楞泰分賞出力官弁兵丁等俾其益加鼓勵前據  
德楞泰奏川東川北共有賊十二股今經此番剿殺後該處竄  
擾賊眾究竟尙有幾股各股為數若干既據稱連營數十里其  
賊股多少大概情形無難約畧而計著德楞泰即行查明具奏  
昨已降旨於黑龍江調兵一千名吉林調兵五百名前赴軍營  
協剿屆期應察看何處緊要再行撥赴何路此時德楞泰不妨  
揚言續調吉林索倫官兵數千來川協剿更足以寒賊膽而壯

士氣並著德楞泰傳知各營廣為曉諭以賊眾業經潰敗大兵  
所到其脅從夥黨勢必盡就駢誅此時當及早悔悟相率投誠  
即可得有生路令賊夥聞之各行解散於剿捕自更得力

同日公又奏言臣前勦辦逆苗仰蒙

純廟疊沛鴻施復頒賞銀五千兩嘉慶二年臣移師勦辦達州教

匪攻破賊巢殄斃首逆孫嗣俸適楚匪數股竄入楚境臣

未能擒獲咎實深乃荷

恩慈僅與革職繳賞銀兩仍賞副都統銜下懷感悚無時或釋此

項銀兩本應即繳因臣連年在軍家中又無廉俸自三年

至今祇繳過有二千數百額懇

德壯果公年譜卷十三

五

天恩准於將軍廉俸內分限扣完私心稍釋不揣冒昧繕摺附奏  
殊批未完之項隨得勝之摺陳奏用心精細周到汝既成功又為  
川民悅服必應豁免仍發往銀鏢令汝賞兵勉力成功更膺顯  
秩

同日公又奏言行軍之道賞罰嚴明方足儆疲玩而勵士

氣臣帶兵以來凡有勞績者俱已保奏畏懦者亦皆嚴懲

是以臨陣無不踴躍爭先至經過地方不令騷擾間有騷

馬誤食禾苗者必令賠償兩省民無不共知每於兵到之

處爭送酒肉雞米等物臣各賞銀牌均皆歡欣鼓舞茲於

五月二十二日途中遇民人宋太告稱有騎馬賊步賊搶

劫



伊錢物臣令將弁搜捕見有馬一匹空房內有十人隨搜

出假銀毒藥原搶錢文擊解到營審得陳廷彪鄧貴周興

學俱係逃兵其楊正貴等七名俱係無賴夥同搶劫假充

教匪雖未殺人放火而滋擾地方與教匪無異審明後將

逃兵三名匪徒七名一併斬梟俾人咸知慎慎再兵丁穆

克登額英保鄂林保長海四名託病推諉實屬喪心昧良

亦此甚是若不嚴懲竊恐相率效尤於軍務大有關係臣飭交達州

柳號示眾功竣後發往伊犁充當苦差

諭曰陳廷彪鄧貴周興學三犯臨陣脫逃即係應斬之人又在途

搶劫不法已極自應凌遲僅與楊貴等一併正法辦理稍輕嗣

後如係逃兵搶劫俱凌遲處死方足示懲現在德榜泰一路兵

勢已振並稱大兵到處紳民耆老爭送雞米等物可見德榜泰

在川勦賊民人深知愛戴其所帶官兵亦最為精健德榜泰務

須趁此恩威並著之時乘勝直前仰膺懋賞

恭錄

御製詩

參贊德榜泰奏報馳抵南江冒雨痛勦攻撲洞寨各股賊

衆千餘名詩以誌慰

蜀賊通江州巴州聚遊魂尙逞狂聞風虞免脫冒雨奮鷹揚四寨

李家裕成羅台元山四寨消災難去聲雙兇偽元帥賴掌櫃正憲章慰偽總兵鮮中書心生惻

憫除劫額

穹蒼據德榜泰奏竄擾通江巴州賊匪攻圍洞寨勢甚鳴張德榜

泰聞報後帶兵追勦於五月二十八日黎明行抵南江之馬

掌舖大雨如注煙霧迷漫賊匪俱聚於場上房屋內不知官兵

突至猝不及防紛紛潰亂馬不及鞍人不及衣號哭之聲不絕

我兵奮力攻擊殺賊二千二百餘名生擒不下八百名口四川

鄉勇蘇元林殺死白號偽元帥賴掌櫃又吉林領催成泰甲兵

永興活捉藍號偽總兵鮮中書等現在川境賊黨喪膽亡魂不

難指日洗蕩第逆匪等孽由自作不得不亟與誅夷以安良善

然披覽奏章不覺惻然生憫惟祈吳慈垂佑消劫廓清用錫蒼生太平之福也

十八日

諭曰勦辦教匪已及五年之久輾轉稽延尙未辦竣節經降旨令

統兵大員等於今歲秋冬之交刻期蕞事蓋教匪多留一日百

姓即多被害一日朕仰荷

上天恩眷

皇考重託子愛黎元惟恐一夫失所何忍以無辜赤子任賊摧殘

且各處被賊戕害者固屬良民即官兵臨陣勦殺亦多係裹脅

百姓每一念及爲之盡傷並以軍務自元年至今五載不能早

竣憤愧交深幾至寢食俱廢帶兵大員及封疆大吏皆當各發

天良無分滿漢文武同心辦賊各股教匪惟以分路奔竄疲我

兵力日久竟成流賊行徑治兵猶治水奔流漫溢自應預築隄

防方可遏其衝決况辦賊之事無出勦堵二端不先堵其去路

何由勦除乎近日帶兵各員尙知奮勉殺賊而前無攔截地方

鄉勇不能得力仍任奔逃四竄以川陝楚三省現在情形而論



川省民人往往團練築堡自為保聚並幫同官兵禦賊有爭獻米肉者而一聞賊信即報州縣州縣亦即轉稟督撫及帶兵大員似此聲息相通自能屢有克捷其次則楚省所辦亦尚認真惟陝省南山一帶任賊往來官民皆不過問即賊蹤竄近亦無地方官預行稟報互為堵禦之事雖陝省地方不如四川之殷實然民人等即自為身家計亦應築堡聚守共相捍禦何得視同膜外且節次降旨令長麟台布等於南山險隘酌量開挖溝濠創斷道路至今未據奏及夫賊匪之分合無常而山川險要自有一定伊等總不能據險扼要以致屢失事機又何怪賊之日形散漫期辦迄無成效耶現在該省惟西同鳳三府地方未經賊擾該督撫等尤當督飭嚴防無使賊一名闖入即如川西一帶被賊渡江竄擾後經德楞泰奮勦始能將賊匪截回地方安堵若西同鳳等處實為陝省菁華豈可疎防使完善之區復遭蹂躪總之勦堵同為一事勦必兼堵堵正所以為勦各路大員自其祖父世受國恩而伊等又身受

皇考及朕委任具有天良甯可不併力同心互相策勵勦者則併力奮擊堵者則迎頭截殺並激勸官民協同守助務使眾志成城人皆用命於秋冬之交將各匪一律廓清同膺懋賞儻再有遷延必將伊等按律治罪決不能再為寬宥也仍著帶兵大員及督撫等將應如何設法籌辦如期可以竣事之處詳籌具奏

德壯果公年譜卷十三

八

二十五日

公奏言竊臣前於南江縣長池壩一帶將再添士張金蓮等股匪痛勦餘匪敗由廣元木門場奔逃後臣仍即督兵追勦旋探賊蹤並獲犯供稱該匪等竟欲繞竄閬中縣屬之龍山采公沱此可恨之極搶渡嘉陵江逃往川西等語我兵若隨後尾追勢必不及查巴州之花村壩恩陽河為赴閬中要路臣隨即取道恩陽河抄出賊前詎該逆狡猾異常又由魚溪寺折回原路我兵遂改道由烏林壩一帶捷徑緊追於十二日起至通江縣屬之劉坪地方探報該匪等在劉坪前四十餘里之汪家坪曹家坪屯聚查詢土人知二坪在山梁之上若由大道進發賊匪一望即見惟近河之三溪子渠濱口小路可以潛師分路而進是夜三更月色如晝即派令賽沖阿溫春富僧德明德穆騰額李應貴馬應國李應元王霖等繞過山梁由八廟嶺梁家河翻山進攻曹家坪臣帶同阿穆勒塔色爾滾馬瑜達勒精阿薩甯阿蒲尙佐達自祥劉維馨李東山王玉龍劉彪等由三溪子渠濱口進攻汪家坪黎明兩路官兵趕到不料該逆探知先已半夜向江口奔逃臣督飭官兵直前趕殺沿途斬獲甚多直追至四十餘里之雙灘子道路稍平趕上賊匪大隊馬步官兵分投競進立殺賊三百餘人賊眾愈形慌亂遂

德壯果公年譜卷十三

九



紛紛撲入大烏河躍渡而南淹斃男婦大小約數百餘人  
我軍亦跟蹤過河極力追殺該匪竄走不及遂丟棄騾馬  
牛隻竄上巴州屬之五臺山恃險抗拒並施放礮石我兵  
冒石奮力仰攻隨即搶上五層山巖槍箭齊發又斃賊二  
百餘名生擒劉中揚等一百四十三名該匪等連夜由烏  
木壩折回楠柏山潰奔途中經龍泉寨寨首滿文斌率眾  
下寨殺賊六名生擒六名又經觀音寨寨首張遵雍李長  
猗等殺賊三十七名生擒五名搶獲馬騾四匹頭並稱樹  
林內復有自縊者二十餘名查驗屬實當即優加鼓勵獎  
賞銀牌其馬騾亦即賞給又查前次賊匪竄擾南江縣長  
池壩等處有高臺寨寨長冉思雍毛芳祿殺賊二十三名  
奪獲矛桿旗幟又此次南江縣裴良駿帶領各寨團勇軍  
功李芳秀李崇發唐大吉包文炳等共殺賊匪九十五名  
搜獲活賊七十七名軍器十九件馬二匹內有羅其清之  
孫羅得富一名年十三歲訊明後即令該縣解赴保局轉  
發收禁聽候辦理查藍白等號賊匪屢次被剿並各寨截  
殺實已狼狽漏夜由巴州通江一帶遁逃臣惟有盡力趕  
緊剿辦以期期淨一股即少一股之患  
二十九日  
公奏言臣於六月十八日行次巴州屬之江口欽奉

德壯果公年譜卷十三

諭旨以台布奏稱川省巴州南江境內賊蹤竄近甯羌南鄭德楞  
泰已帶兵追來轉置川省多股賊匪於不顧令臣據實覆奏伏  
查臣自肅清川西後各逆皆遁入川東各州縣肆擾經臣  
帶兵趕至達州新甯江北鄰水等屬疊次痛剿擒斃偽元  
帥劉君聘何上達偽總兵苟文富等該匪等畏懼軍威遂  
先後向川北地方奔竄又有由陝境竄來之苟文明鮮大  
川樊人傑等亦在川北各屬滋擾通江巴州南江等屬紛  
紛告急維時川東祇有劉朝選徐萬富兩股賊匪各贖千  
餘人在大竹梁山一帶當即酌撥兵勇四千餘員名交李  
紹祖託雲泰等在川東剿辦臣帶兵勇六千餘員名直趨  
川北追節次南江通江地方將藍白等號賊匪復加截殺  
殲斃其偽元帥賴掌櫃為總兵鮮中青等逆匪遂圖入陝  
又經臣於廣元縣屬之木門場一帶截回未能北竄又由  
九龍場竄往魚溪寺一路希圖窺伺嘉陵江岸經臣抄至  
恩陽河截回遂由巴州儀隴營山渠縣等處翻山東竄連  
日疊據各州縣稟報苟文明樊人傑鮮大川張金蓮等股  
現在渠營一帶張子聰度向瑤等一股現在東鄉縣地方  
劉朝選湯思蛟等一股在岳池鄰水界內徐萬富趙麻花  
等一股在大竹梁山一帶冉添士王世虎勢欲由通江遁  
入太平山內訊據逃出難民李作梅蔣永和等供稱樊人

德壯果公年譜卷十三



傑苟文明鮮大川冉添士等前在廣元縣屬東川壩地方會合大家商量總要竄往川東擄掠又恐大兵跟追冉添士說他由太平山內轉到開縣川東一帶再來合夥方可

牽綴官兵等語是目下川省賊匪惟龍紹周唐大信兩股

前已竄入西鄉五塊石一帶山內游奕距太平不遠其餘

俱在川境未能他竄再冉添士等逆詭詐異常總欲誘令

我兵入山以便各股賊眾得以到處擄掠實堪痛恨刻下

川東地方稻穀業已成熟百姓正當收穫之時若不及早

剿除則匪眾大肆騷擾於民食甚有關係昨聞勒保帶兵

已至保甯臣即知會令由營山一路前往臣亦即於十七

日取道巴州江口馳赴營山渠縣一帶與勒保會商剿辦

諭曰此事前因台布探聽不實率行具奏朕惟恐德楞泰舍近就

遠舍難就易輕率赴陝致川省多股賊匪無人督辦是以降旨

詢問今據奏稱現在移師川東會剿並未赴陝稍慰廛注但閱

所奏各情節祇係賊匪股數竄聚地方及移師會剿緣由看來

德楞泰近日未經與賊接仗時當海暑即京城尙覺煩歎軍營

自必較甚其未能打仗殺賊亦係實情朕不加之責備德楞泰

並不虛詞敷衍入告所奏轉為得實計此旨到時已屆秋涼又

無雨水無可推諉急宜奮力進擊趕緊剿辦目下川北各股賊

匪商議欲向川東擄掠尙未竄往德楞泰尤當乘賊匪窮迫計

謀未定之時速行設法剿擊以次殲除本年川東地方收成較稔現當刈穫之時不可令賊匪竄入致成熟地方遭其蹂躪且川省地方官助官兵禦賊民情亦知愛戴較之陝甘湖北等省實屬遠勝德楞泰務須倍加奮勉會籌妥辦

七月初七日

公借勒保奏言臣德楞泰昨在川北境內將各股匪眾痛

剿均向川東散竄當即知會臣勒保取道營渠前來會合

茲勒保於十五日馳抵營山即據探報苟文明鮮大川股

匪由該縣所屬之老林場竄至渠縣永興場欲赴三匯搶

船經署三匯縣丞虞廷幹率領鄉勇擊退賊即折回直奔

高寺寨圍攻兩日該處為達州後路糧臺關係非輕難時

七十五之兵尙未趕到臣勒保先已帶到兵勇一千四百

餘名當即督同總兵薛大烈連夜馳往十六日申刻趕至

高寺寨正有匪眾二千餘人在彼攻撲吶喊放槍勢頗猖

獗臣勒保與薛大烈分兵兩路左右進攻該匪等並未抵

拒亡命狂奔高寺寨之圍立解我兵追至清河壩時已二

更匪眾紛紛躡淺渡河當被官兵殺斃二百三四十名被

水淹斃者亦多擒獲活賊趙學重等四十八名投出難民

王春華等一百十三名旋據探報樊人傑一股又從佛樓

寺竄出賊探已至巖峯灘即在高寺寨之後而度向瑤劉



朝選湯思蛟一股又在林壩溪一帶滋擾並東西南三面俱有賊匪未便孤軍深入是以在清河壩暫紮隨飛催七十五加緊趨行於十八日趕到當即督同前進行至太平寨探知鮮大川等與樊人傑合夥均由杜市街向大竹一路南竄因臣德楞泰業由江口一路而來臣勒保自應在此暫候會商當派七十五帶領兵勇六千餘名由麻柳場一路馳往截剿臣德楞泰自十七日由巴州江口取道營渠沿途逃出難民絡繹於道訊知各股賊匪在通巴境內屢被我兵剿散晝夜奔逃甚形慌懼該難民等得以乘間逃出當用好言慰撫各令回籍安業茲臣德楞泰於二十二日到太平寨查李紹祖一路日來追剿湯思蛟等股未能得手十八日師次大竹縣探知苟文明等股已竄至月華坪大羅山一帶該鎮恐腹背受敵即於十九日五鼓發兵辰刻抵堰塘灣正遇賊匪千餘蜂擁而來李紹祖即與副將託雲泰倭星額分作三路迎擊斃賊三十餘人並執旗馬賊一名生擒侯廷儒等三名追至鄒家灣賊匪大隊在彼屯聚竟敢直前抗拒被我兵槍斃擊斃二百餘名生擒趙學謙等十一名餘俱遁入深林又於二更後前來劫營直至天明連撲五次我兵悉力抵敵徹夜槍箭並發清晨查驗賊屍五十三軀據獲賊認驗內有偽總兵苟文貴

德壯果公年譜卷十三

四

副元帥白迴屬實餘匪向清溪鋪竄逸而劉朝選湯思蛟度向瑞等一股業由檀木場一路竄出二十七日七十五帶兵至新甯縣探知蔣池壩馬驛溝有賊竄擾距新甯不過四十里七十五即於三更發兵黎明至馬驛溝正值該匪等率眾前行官兵在北面山梁見前隊之賊俱係婦女賞令兵勇埋伏林箐讓過前隊隨後即有賊旗數十桿馬步賊匪二千餘人沿河行走我兵三路壓下賊匪猝不及防衝成四段紛紛潰逃七十五即督率將備分投追躡於豆山關大雄寨蒲安寨蔣池壩等處接仗統計殺賊五百餘名擒獲賊目馬先貴並夥匪張長壽等一百三十二名逃散者亦多搶獲賊旗刀矛三百餘件驟馬三十八頭匹餘匪向鐵鎖橋南壩場兩路竄逸七十五因探知樊人傑鮮大川等大股匪眾竄至梁山境內相距亦近恐其抄截後路旋即帶兵迎擊臣等現亦督兵由仁市鋪一路進發當即知會七十五李紹祖分路偵探而來以三路之兵剿此萬餘之賊可期得手且連日據營山渠縣達州鄰水大竹廣安各州縣稟報賊匪屢撲該處屯寨有被寨勇截殺賊匪百餘人並數十人不等是團勇之出力漸有效驗而東鄉縣辦理招撫有投出之小頭目庾珍密約張子聰之姪張廷鳳帶同夥匪十餘人赴縣投誠可見招撫亦有成

德壯果公年譜卷十三

五



效事機頗為順利臣等惟有督率鎮將策勵兵勇分投上緊剿辦斷不敢稍有鬆懈

同日公借勒保又奏言竊臣等前奉

諭旨令會籌軍務全局以期堵剿皆收實效伏思兵不在多而在精計川省現有征防各兵滿漢屯土共有二萬八千九百餘名其中防兵多於征兵而征兵逐日移營衝寒冒暑既易致病又每次打仗間有受傷日積日多隨處留養臣等因散漫難稽均令各赴達州委員照料現已有一千六百八十四名復經派員查驗其已愈而令歸伍者六百六十九人未愈而可期痊愈者二百九十六人病難速痊傷成

德壯果公年譜卷十三

六

殘廢遣回原營者七百一十九人此外尚有傷病本重不能即至達州者每州縣自百餘名自十數名不等俱已一併飭查分別去留惟自遣撤之例一開而各兵內即有捏病裝傷故意落後之人甚至假刻印票私自回籍經臣等查出按以軍法通飭各州縣嚴查懲辦至防兵一項如巫山大甯太平廣元龍安松潘與湖北陝甘各要隘既須照常設防而嘉陵江西岸除嚴飭地方文武分布鄉勇防守外現又派總兵許文謨副將趙得功帶兵勇二千名分為兩隊以作游兵隨時偵探賊蹤所向隔岸跟防遏其偷渡其餘可撤者均酌量抽調來營用資征剿惟撥防之始

係隨兵派往而近所撤回者內有江西湖北湖南之兵俱零星不成一隊查湖北現有江西整旅在彼剿賊楚兵於湖北尤屬本省臣等擬將此項兵丁俱撥赴湖北交明亮就近歸隊以期得力至隨征鄉勇驟行裁減無籍之徒轉恐流而為匪惟有從此停止招募自可有減無增其各處守卡鄉勇前經臣勒保奏明歸併鄉團現已通飭照辦惟其中有從別處招來者尚須酌遣以免失所至團練義勇原係堅壁清野之法川東川北雖俱先後舉行而情形不同辦理迄未盡臣近來賊因無處掠食遇小寨洞間被蹂躪蓋人少勢孤不如大寨之地險力齊易為防守而小民

德壯果公年譜卷十三

七

性耽便近各就其田廬之所不肯遠移每致啟賊窺伺現俱令歸併大寨仍令將牲畜米糧概行移置毋許存留庶聲勢壯盛不至於賊至之時慮攻圍而私擲銀米此後如有助賊一物者查出即以私通盜賊按律治罪並嚴禁各寨不許將逃出難民任意拷打及擅行殺害臣等現在通盤籌畫悉心妥商以冀剿捕悉資勁旅無疲冗糜餉之兵堵禦各有責成收眾志維城之效更復繼之以撫則脅從者相率來歸黨與者日見解散臣等會合一路兵力較盛且時交秋令天清氣爽更當協力同心策勵將士期於秋冬之間將各股悉數辦完肅清川省再臣等更有請者用



兵日久賞罰宜嚴各將領中雖不乏始終出力之員然亦  
有久而易懈者此等人員目前既無貽誤實據而從前又  
著有勞績若因一時疎懈卽予參辦似覺失之過嚴傷竟  
因循姑息又恐將士相率效尤難期整奮茲公同商酌除  
實有貽誤畏縮情事自當隨時奏明嚴辦外其餘均請定  
以陞降規條明白曉諭如果始終奮勉當就其打仗殺賊  
之功不次保薦未便拘泥資格致掩其長設從前出力已  
邀獎擢而意存自滿不復振奮或立時拔其翎枝或降等  
另行補用隨時彙奏一經悔罪立功仍卽奏請超擢使各  
官知所感懼自不至始勤終怠

德壯果公年譜卷十三

五

論曰此次勒保取道營渠與德楞泰會合沿途將苟文明鮮大川  
一股殺斃二百三四十名嗣因樊人傑在巖峯灘一帶滋擾卽  
飛札七十五帶兵前來而德楞泰亦由巴州江口取道營渠沿  
途俱有逃出難民訊知各股賊匪被兵勦散甚形慌懼此是極  
好機會其李紹祖七十五兩路截勦俱有斬獲現在德楞泰勒  
保等分投偵探賊蹤以三路之兵勦此萬餘之賊圍逼環攻看  
來各股賊匪逼歸川東勢漸窮蹙不似從前散漫辦理較有把  
握至所稱營山渠縣等處民寨俱能截殺賊匪是團勇已有明  
效賊中小頭目度珍密約張子聰之姪帶同夥匪十餘人赴縣  
投誠是招撫亦有效事機順利卽此可見又據奏裁撤疲兵

團集鄉勇並籌議勦堵各事宜一摺所論皆是其請另立陞降  
章程一節德楞泰係屬參贊勒保係屬總督川省軍務既交伊  
二人專辦領兵各將弁皆其所轄惟在伊二人隨時查核功過  
分別勸懲若能秉公舉劾自必人思效命毋庸預立章程也

二十四日

公偕勒保奏言<sub>臣</sub>等前自太平寨合兵之後一面通籌勦  
堵大局一面偵探各路賊情知樊人傑張金蓮鮮大川苟  
文明等股賊匪俱竄至梁山境內節據獲犯供稱各首逆  
因嘉陵江東北均各集團築寨難以擄掠官兵又追趕甚  
緊必欲搶渡過江所關匪細且四股會聚一處賊勢較重

德壯果公年譜卷十三

九

必須將此大夥併力殲除是以抽撥官兵派令總兵許文  
謨馳赴合州定遠西岸實力巡防<sub>臣</sub>等統領大隊直趨梁  
塾分路兜勦六月二十九日該匪等正在圍攻墊江縣城  
一聞兵至卽亡命狂奔經前隊馬步兵趕上殺賊一百  
三四十名生擒歐汝耀等二十五名餘俱竄入鄰水墊江  
長壽三縣交界之深林內於層巒疊嶂中輾轉奔逃意在  
疲我兵力<sub>臣</sub>等追趕兩日因不得地勢未能得手隨卽分  
兵於東北各隘口嚴密堵住並派令七十五李紹祖馳赴  
鄰水一路抄截初六日晚間探知樊人傑一股先向鄰水  
奔逸而苟文明鮮大川張金蓮等齊向江北潛行<sub>臣</sub>等卽



漏夜督兵追躡初八日至靜觀場擊獲落後賊匪及逃出  
難民僉稱苟文明等欲走今春渡江熟路由定遠之石板  
沱搶船而過臣等思沿江一帶刻下防守較嚴賊匪由此  
竄去正係絕好機會亟應分路兜圍臣德楞泰督同賽沖  
阿溫春總兵馬瑜侍衛富僧德阿納保總管遜多保等帶  
馬步兵勇由望水埡龍市鎮一路追趕前進臣勒保督同  
阿穆勒塔色爾滾總兵薛大烈永甯侍衛花品慶昌克西  
布塔什拉等帶馬步兵勇由草街子元口鎮一路沿江兜  
截初十日賊在小來溪白沙場一帶屯紮距臣等軍營均  
不過數十里當即彼此知會臣德楞泰緊躡追剿臣勒保

德壯果公年譜卷十三

三

抄出賊前均於三更發兵十一日巳刻臣德楞泰即督同  
賽沖阿等馬隊直搶右手山梁殲戮甚多賊即奔潰而對  
面山梁經參將蒲尙佐達自祥帶步隊連搶數次俱未能  
即上臣德楞泰又同賽沖阿等復帶馬隊轉赴左邊賊見  
馬兵旋即潰逃我兵乘勝盡力追殺至余家場正值臣勒  
保督兵抄截前來將賊匪截成兩段斬獲多名前隊之賊  
亡命狂奔後隊之賊星散四竄隨酌派溫春薛大烈等帶  
領兵勇在後分投掩捕大半俱被殲獲臣等即親督馬步  
官兵併力追躡直至岳池縣之新場地方時已昏黑是日  
追賊計行一百七十餘里前後斃賊一千二三百名生擒

及投出男婦共有二千三百七十八名口將割獲首級令  
活賊指認知有偽總兵吳耀國並鮮大川之叔偽先鋒鮮  
文炳已被殺斃活賊內有大頭目苟文禮大掌櫃劉崇照  
總旗手張文元苟文經王綬旦等五名又久經從逆隨同  
殺人放火賊匪羅一虎等八百六十二名均各分別凌遲  
正法其被擄未久及自行投出各男婦李體仁楊戴氏等  
大小一千五百十一名口當即賞給口糧盤費并給與路  
票令其回籍安業其陝楚二省被脅民人均交岳池縣遞  
回原籍安插搶獲騾馬牛隻七百餘頭匹並衣食各物均  
分賞出力弁兵旗幟器械一千八百餘件即交地方官收

德壯果公年譜卷十三

三

貯酌賞各團勇備用現在餘匪約計不過二千餘名已由  
白廟場一路奔竄緣後路尙有打散逸匪於箐林中藏匿  
因即公同商酌臣德楞泰先即帶兵緊追前竄之賊臣勒  
保暫任一日督兵搜捕後路適據探報後路飛龍場左邊  
大山內見有白旗兩面似有藏匿臣勒保於十二日辰刻  
得信後當派薛大烈侍衛花品塔什拉副將倭星額都司  
李德等帶領馬步兵勇八百餘名馳往搜捕迨至飛龍場  
查知有賊四五百名先已竄去我兵跟蹤追躡七十餘里  
至余家場正值匪眾在彼造飯馬步官兵分成三隊出其  
不意直前擒捕該匪等立形慌亂我兵奮截斃賊三百餘



名內有賊目趙文舉生擒總旗手郭福萬及賊匪彭洪元等一百十三名此起餘匪殲獲淨盡至七十五一路官兵初六日劄營鄰水境內探得樊人傑一股由七孔溪一帶竄來七十五即於初七日五鼓發兵迎擊黎明甫至復與寨即見馬賊三四百名步賊二三千人搖旗吶喊而來七十五商令李紹祖守後當派副將張良槐等帶兵迎擊騎馬賊匪副參領武隆阿副總管傅森額遊擊鄭啟貴都司閻俊烈等帶馬步兵勇由右手山溝抄截七十五親督參將馮元守備王廷耀等帶兵直前衝殺斃賊數十人賊匪捨死力敵適武隆阿所帶馬隊由傍抄出賊始敗退至七里橋經我兵追殺直奔花石壩山梁賊又恃險抗拒兵勇一擁齊上賊更大潰直追至秦家塘地方統計殺賊八百餘名擒獲活賊三百四十一名口內有樊人傑之弟偽元帥樊人聰偽先鋒陳得富二名並訊明從賊打仗之杜世成等八十二名即分別凌遲正法其餘被脅難民亦即省釋餘匪千餘由廣安大竹一帶奔竄七十五亦追勦前進所有出力員弁兵勇容俟查明另行奏

聞至此次打仗兵勇並無傷亡惟天氣酷熱追賊一百六七十里

有疾馳中暑立時殞命者情殊可憫應懇  
聖恩照陣亡例一體議卹

德壯果公年譜卷十三

三

諭曰此次德楞泰等探知賊匪奔竄蹤跡連夜發兵分路兜截不令竄過嘉陵江觸熱打仗殲賊四千餘名追擊一百七十餘里實為勞苦出力深堪嘉許德楞泰著賞給白玉喜字搬指白玉大吉葫蘆掛牌嵌玉火鏢瑪瑙鼻煙壺大小荷包勒保著加恩實授四川總督賞給二品頂戴仍加恩賞給白玉喜字搬指白玉大吉葫蘆掛牌瑪瑙鼻煙壺大小荷包勒保若再能殺賊立功再行賞還花翎及頭品頂戴勉之如伊等將川境大股賊匪辦竣再將別股以次蕩平更當疊膺懋賞又發去翎管搬指套各十件著德楞泰等分賞帶兵出力將弁以示鼓勵其隨征兵丁有因疾馳中暑身故者情殊可憫俱著咨部照陣亡例議卹

恭錄

德壯果公年譜卷十三

三

御製詩

參贊德楞泰總督勒保奏報合兵兜勦四股賊眾擒戮四五千名大獲勝仗各情形詩以誌慰

軍民合力勦邪妖餘孽紛如落葉飄元口鎮前元惡聚白沙場  
上白蓮洞 德楞泰勒保等合兵兜勦張鮮荷四股匪眾探明  
榜泰由望水壩龍市鎮跟蹤追躡勒保由草街子元口鎮一路  
兜勦抄出賊前十一日追及大隊賊匪德楞泰督率馬隊衝殺  
勒保抄截前來兩面夾擊斃賊一千二百餘名活擒及投出  
男婦共二千三百餘名於制獲首級內認出偽總兵吳國輝鮮  
大川之叔偽先鋒鮮文炳活賊內有大頭目有文禮大掌櫃劉  
崇照旗手張文元荷文經王綬且五名及從逆焚掠之羅一虎  
等八百六十二名又自行投出男婦一千五百餘名口勒保督  
兵搜勦逸賊探得後路飛龍場有賊藏匿即派薛大烈等搜勦



又斃賊三百餘名割獲賊目趙文舉首級生獲旗手郭福萬及賊匪一百十三名又先經調派之七十五李紹祖一路初七日於鄰水境內追剿樊人傑一股殺賊八百餘名獲活賊三百四十餘名內有樊人傑之弟偽元帥樊人聰偽先鋒陳得富二名統計各路斬獲不下四五千名川鄂西小醜看全滅昨據明亮境餘匪無幾可期刻日掃蕩淨盡徐添德折回鄂西現與孫龍右游魂即盡消經畧額爾登保奏清元兩面夾攻可期集事匪勢極窮楚漢散者三省佇祈登衽席告成恰應上

八月初四日

公借勒保奏言臣等續據探報鮮大川苟文明等股匪因

官兵追剿甚急亡命狂奔復於廣安之花橋子地方商量

分股或三四百名或一二百名甚至有數十騎為一路者

德壯果公年譜卷十三

請

四散奔逃并令夥黨於該匪未竄之處放火燒房以惑官

兵實屬狡詐臣德楞泰連日窮追沿途乘間逃出被擄男

婦又有一百三十餘人訊悉前情亟須分兵追捕適臣勒

保亦於十五日趕到遂商同一面派兵分追一面通飭附

近各州縣以此次賊匪被剿星散窮蹙異常如果策勵各

團勇實力堵截殲擒首逆定當從優獎賞以冀將此股餘

匪悉數殲除連日臣等並所派鎮將先後擒殺賊匪又有

三百七十餘人多係精壯戰手訊據活賊供稱均未知苟

文明實在去向惟聞鮮大川率領得力頭目戰手二三百

人向響洞子奔竄臣等即連夜督兵追至儀隴所屬之尖

山子據署儀隴縣王燮稟報十七日派典史倪霄赴蒿枝

洞督同寨首陳朝會陳大均等派調團勇截堵十九日晚

間正值鮮大川率眾攻撲天旗寨適陳朝會等傳集附近

團勇趕到殺賊六十八名生擒偽副元帥吳效古一名次

日鮮大川又復率眾前來攻撲並許出銀五百兩贖取吳

效古陳朝會不允即放鎗擊傷鮮大川左膀當被匪眾搶

救各團勇又復奮力追捕殺斃一百二十餘名割獻偽總

兵蘇映品偽先鋒劉興科首級二顆惟鮮大川逃往巴州

境內潛匿查巴州一路先經臣等飭令原任建昌道劉清

署巴州田文煦嚴諭團寨人等凡有賊匪蹤跡必須設法

德壯果公年譜卷十三

請

擒獻茲鮮大川被剿情急無處藏身祇帶隨從十餘人在

韓家洞附近菁林潛伏因韓家洞寨首鮮文芳鮮文欽均

係伊叔欲上寨躲避先遣旗首鮮文屏楊仕山二人赴寨

密商鮮文芳等以鮮大川係著名首逆斷難收留因愷切

開導鮮文屏令將鮮大川擒殺即可將功折罪自保其身

鮮文屏楊仕山當即省悟約為內應二十一日三更鮮文

芳鮮文欽鮮元明韓毓連等帶領百餘人前往聲稱大兵

到來鮮大川驚惶欲竄當被鮮文屏楊仕山用矛戳斃鮮

文芳率眾搜捕並將隨行賊匪楊昌仕等十二人殺斃鮮

文屏割取鮮大川首級赴營呈驗緣鮮大川向在響洞子



居住當卽傳該處民人及現獲之吳效古驗認屬實查鮮大川本係與羅其清首先起事之犯嗣與苟文明同惡相濟日久稽誅茲幸於余家場新場等處經官兵痛剿該逆潰敗潛逃而儀隴巴州兩處地方各官均能督飭團勇認真堵截設計殲除俾得元兇授首實足以快人心而彰國憲且查鮮大川手下偽副元帥偽總兵先鋒等均已殲戮靡遺所有在事出力文武及寨首團勇人等俟查明奏請加恩其吳效古一犯訊供後當卽磔梟並將鮮大川首級懸示巴州起事地方以昭炯戒至苟文明率其餘黨數百人現由茨巴河遁入通江老林相距較遠不值以重兵窮追且據南江縣稟報王世虎等股現由九龍場一路前奔恐其竄近江岸而陝省寬川一帶之賊又俱逼近廣元自應先其所急臣德楞泰卽日帶兵由恩陽河前往先剿九龍場之賊遏住嘉陵江岸並可就近兼顧廣元臣勒保因川東一帶賊股尚多七十五追剿樊人傑一股由梁山開縣一路跟蹤緊躡而龍紹周唐大信等賊節經太平文武稟報均已折回川境臣勒保現已酌帶兵勇馳赴東鄉相機剿辦諭曰鮮大川爲著名首逆因被剿緊急四散奔逃經德楞泰等分兵追捕殲賊多名大獲勝仗兇渠授首所辦深爲可嘉至鮮大川先因僞副元帥吳效古被團勇生擒向寨首陳朝會許銀五

德壯果公年譜卷十三

奏

百兩贖取陳朝會不允卽放槍打傷鮮大川左臂奮力追捕殺傷賊匪一百二十餘名並割獻僞總兵等首級二顆甚爲奮勇陳朝會著加恩賞給七品頂戴並賞戴藍翎如願受官職卽著賞給把總俾其奮力自效若不願出仕卽以翎頂榮身至鮮大芳係鮮大川之叔並不徇私收留轉勸賊夥鮮文屏等將鮮大川擒殺實爲深明大義殊堪嘉獎鮮文芳著加恩賞給六品頂戴並賞戴藍翎如伊願得官卽以千總補用若不願出仕亦以翎頂榮身其賊夥鮮文屏楊仕山一經鮮文芳等愷切開導卽能立時悔悟將鮮大川戮斃亦屬可嘉鮮文屏楊仕山俱著賞給八品頂戴其隨同鮮文屏等擒捕鮮大川之鮮文欽鮮元明韓毓連並著德楞泰等酌量賞給銀兩以示獎勵如再能認真出力卽行奏明酌賞頂戴並著出示曉諭以鮮文芳係鮮大川之叔若以首逆親屬科罪尙應緣坐而鮮文屏楊仕山係屬鮮大川旗手親信夥匪若經官兵拏獲皆應立寘重典之人今因其能商謀將鮮大川擒殺不但赦其重罪而且格外邀恩給予頂戴官職何況被賊迫脅隨同搶劫之人若能翻然改圖將賊首擒殺去邪歸正豈有不倍加恩賞之理禍福之機轉移甚速本係賊黨一經改悔卽屬良民不可不共知猛省如此徧加曉示賊黨自必聞風解散並可使賊匪自生攜貳於剿捕更可得力至苟文明一股現又遁入通江老山林內雖其餘黨不過數

德壯果公年譜卷十三

奏



百人自不值以重兵窮追但若任其逃竄難保不復行襲脅德  
楞泰勒保二人正在追捕大股賊匪即不便分身前往亦應酌  
派得力將弁跟蹤截擊以期速行擒獲又德楞泰勒保分勦王  
世虎龍紹周等股賊匪何人應往何路朕亦不為遙制惟在伊  
二人自行相機辦理此時官兵氣盛賊匪已漸渙散實為極好  
機會德楞泰勒保務須乘勝直前趕緊截擊於秋令內將川省  
各股賊匪一律辦竣勉之望之

初六日

諭曰台布奏提督王文雄在西鄉地方追勦賊匪因兵力疲乏眾  
寡不敵王文雄被圍力戰陣亡現已降旨加恩其固原提督員

德壯果公年譜卷十三

三

缺已補授賽沖阿矣賽沖阿現在德楞泰軍營隨同勦賊此時  
川省各股賊匪勢已窮蹙軍威大振德楞泰等辦理已為得手  
且帶兵大員尙多自不少賽沖阿一人著德楞泰即令賽沖阿  
速赴西鄉並酌分兵丁千餘名交令帶往會同綸布春等專辦  
高二馬五戴家營各股賊匪更可期得力也

十二日

公偕勒保奏言 等昨於儀隴所屬之尖山子將首逆鮮

大川剪除 勒保帶兵由營渠馳赴東鄉籌辦張子聰湯

思毅等股賊匪並就近兼顧折回太平之龍唐二逆接據

營渠文武稟報大道兩邊山林內有潛匿賊匪或十數人

或數十人不時出沒行劫并有乘夜摸樁之事 臣勒保行  
至靜邊寺派令總兵薛大烈永甯等帶兵於沿途林內搜  
捕竟有公然拒捕者共殺賊三十二名生擒沈文亮等一  
百十一名俱係精壯戰手訊係苟文明敗殘落後賊匪等  
候另股入夥逃竄等語均即正法營渠道路甯謐仍由東  
鄉進發 臣德楞泰帶兵由儀隴取道巴州之恩陽河一路  
前進七月三十日兵抵南江縣屬朱公埡探報藍號賊匪  
尙屯於南江廣元蒼溪三屬交界之大龍場石馬場一帶  
焚掠並詢據觀音巖洞民劉士禮等稟稱賊眾連日擾及  
附近之面露溪柳樹壩等處洞寨勢甚兇悍查朱公埡距

德壯果公年譜卷十三

三

九龍場七十餘里若賊匪知我兵到勢必狂奔遠遁正宜  
趕前方可痛勦八月初一日五鼓督兵進勦途次據探報  
賊匪已由會家溝而來賊探百餘人已至飯子壩等語是  
賊匪已知官兵消息當即督催馬步兵勇疾趨前迎詎賊  
遙見兵至仍即折回淌過溪河官兵飛奔前進賊又向會  
家溝而逸該處崇山疊嶂路徑偏窄陡礮極多一人一騎  
魚貫而行 見兵力不能施展賊走亦不能迅速遂令馬  
隊先行步兵後進步逼緊迨至柳樹壩又有步賊數十  
人在彼擄糧經馬隊官兵直衝射倒馬賊十餘名賊匪遂  
向夾道中兩面翻越適步兵亦已趕到夾攻而下將步賊



嚴戮殆盡我兵卽乘勝抵九龍場時賊先已占踞陡礮  
子山梁又係魚脊一線之路左右俱密菁深溝遙望賊眾  
排列於山梁上搖旗吶喊臣察看該處山勢左右溝內俱  
有路徑然竟無賊匪行走實屬可疑自應分兵三路衝擊  
臣帶同副都統溫春賽沖阿阿穆勒塔色爾滾總管遜多  
保富登額協領穆騰額明德努赫梭侍衛富僧德阿納保  
慶昌法依當阿克什布營總蘇清阿西靈阿等率領吉林  
索倫馬隊官兵由陡礮子閣子廟進取山梁令總兵馬瑜  
參將蒲尙佐李應貴遊擊馬應國李東山都司劉彪等帶  
領步隊兵勇由左邊山溝而進令副將託雲泰參將達自  
祥遊擊唐玉龍都司馬元等帶領步隊兵勇由右邊山溝  
而進臣督兵先進直攻陡礮子閣子廟逆眾始猶憑高放  
槍擲石及至官兵衝冒槍石競進殺賊數十名登時搶上  
山梁逆匪抵當不住紛紛敗向石馬場奔逃左右步兵繼  
進惟兩溝內婦女幼孩號哭之聲實不忍聞馬隊官兵趕  
殺至六十餘里之高臺寺時已昏黑前途之玉成寨山礮  
俱係峭壁茂林賊匪滾跌人馬極多未便窮追適馬瑜託  
雲泰兩路官兵亦由溝內勦殺前來會合計此次馬隊官  
兵生擒馬賊彭必清等一百四十一名沿途殲斃馬賊三  
百餘名兩路步隊兵勇生擒賊匪陳正禮王杜氏等七百

德壯果公年譜卷十三

三

四十八名口沿途殺賊一千餘名活賊內經難民毛潤元  
等指出賊目大旗手馮汝中楊述先二名探馬頭彭必清  
楊正興趙聰等三名其被追滾巖跌死並過河淹斃及渙  
散者極多無從數計訊據陳正禮等供稱此股首逆偽元  
帥係李炳陳朝觀原係藍號冉添士王世虎分股不過千  
餘人李炳是通江人陳朝觀是廣元人俱說南江蒼溪廣  
元一帶地方有收路又偏僻山林又多離江亦不甚遠因  
官兵難來遂破幾處小洞寨並擄掠裹脅已有四五千  
不料官兵趕來李炳等已向通坪逃竄或走廣元或走南  
江實不知道等語訊之馮汝中楊述先彭必清楊正興趙  
聰五犯供亦相同隨將該逆等凌遲梟示並戰手及從賊  
日久之陳正禮等三百三名一併正法其由廣元蒼溪南  
江附近一帶新擄難民毛潤元王杜氏等二百十九名口  
概行釋回其較遠州縣難民鄧有貴邢何氏等三百六十  
二名口解交巴州分遞原籍地方官有業者給還原產無  
業者妥爲安插所獲馬騾牛隻分賞出力兵勇槍矛等項  
除挑用外解赴巴州銷燬查此股逆首李炳陳朝觀訊係  
冉添士王世虎分出夥黨數月以來游奕於此此次痛勦  
所餘不及二千人臣隨由三家壩前進扼住北竄廣元之  
路截入通江現在廣元南江蒼溪並嘉陵江岸業已肅清

德壯果公年譜卷十三

三



臣擬即跟蹤追剿第查廣元之七盤關毛壩為川陝接壤之區臣等會商各添官兵一百五十名聲勢更壯亦足以資防禦又聞甘省西固一帶現在又有賊股竄擾該處與川西之松潘龍安毘連臣勒保前設各處防兵尚未撤去已飛札飭知副將張志林參將劉國剛遊擊沈宗文等督率各卡隘漢番兵勇嚴緊防範不可稍有疎虞至提臣七十五由開縣雲陽一路追剿樊人傑劉朝選等逆聞其沿途亦有斬獲現在跟蹤緊躡總兵李紹祖前令帶兵由八石坪進剿黃號徐姓等股竄楚賊匪是否截回刻下未據稟報再前蒙

德壯果公年譜卷十三

垂詢龍唐二逆何人勦辦臣德楞泰共帶官兵七千餘員名除患病留養及病故傷亡外現在不過六千餘名臣勒保前帶兵勇除撥赴七十五一路除派李紹祖帶兵三千名前往八石坪截剿徐逆外現亦只有兵勇四千餘員名蓋因川省官兵大半皆係分防城池並緊要卡隘故征兵祇有此數實在不敷抽撥茲龍唐二逆業已折回太平苟文明一股已入通江即冉添士王世虎等股現尚游奕該處山內臣勒保由東鄉進剿係在東北臣德楞泰由通江進剿係在西北如各逆向東奔逃即可為兩面夾擊之計再探得陝省兩股竄匪已入西鄉臣德楞泰現亦就近可以顧及

至於川省賊股雖多約計大概總不過二萬惟恨匪眾零星奔突而又見兵即逃一時不能聚而殲旃臣等時深焦急惟有趁此秋高涼爽之際同心協力趕緊剿辦再此次打仗受傷兵勇數名過河淹斃兵勇十數名容俟查明咨部辦理

德壯果公年譜卷十三

諭曰此次德楞泰在九龍場一帶分路進剿殲擒藍號賊匪一千四百餘名勒保由營渠馳赴東鄉行至靜邊寺沿途搜捕殲擒苟文明敗殘落後賊匪一百四十餘名不可謂非勝仗然剿辦總未得手由伊等漫無把握往往擊剿大股未淨又以別股緊要輒行移兵轉置原辦大股於不問以致輾轉奔竄復行裹脅即如此次賊首李炳陳朝觀祇係冉添士王世虎等分出夥黨從前並未著名何以到處擄掠即有四五千人之多現在此股勦贖之賊雖不及二千人亦難保其不復勾結若不妥籌辦法則官兵日久力疲閒遇傷亡日形其少而賊匪到處迫脅日見其多是官兵自勞而賊匪轉逸主客之形竟成倒置又安能擒渠制勝五年以來實受此病三省統兵大員皆不省改惟知儘力追逐何日始能蕪事耶現據德楞泰奏川省官兵不敷分撥其意不免以兵少為詞殊不思所調官兵原資勦賊之用並非祇令防守即緊要卡隘不能不量設防兵至賊匪多不攻城又何須多兵保護乃紛紛派撥轉令安居城中坐食糜餉又何怪



隨征兵丁分而見單自仍當酌量情形將各處守城之兵調回  
勦賊據奏官兵殺賊所過山溝內婦女幼孩號哭不絕閱之幾  
不忍視帶兵大員目擊如此情形可不速圖奠安之計乎况各  
股賊匪共計不過二萬人德楞泰務須就現有之兵勦現有之  
賊於秋冬之間一律辦竣用膺懋賞

九月初一日奉

旨德楞泰之子蘇崇阿著在乾清門行走

初二日

公奏言臣帶兵行抵兩河口接據額爾登保來札以甘省  
賊匪被勦情急高馬戴伍等股先後俱由畧陽竄出西縣

德壯果公年譜卷十三

向南鄭西鄉奔逃恐其仍欲入川令臣就近截勦又據通

江縣稟報通太大道沿途俱有零星賊匪或數十人百餘

人不等藏匿箐林不時搶劫夜則出而摸樁百姓驚惶大

路梗塞文報不通查臣現追之陳朝觀等一股賊匪祇有

千餘人由通南老山逃遁是欲誘我官兵入山疲我兵力

一經追擊勢必直入陝境反為牽綴且高馬戴伍等股既

入西鄉相距太平不遠若無兵攔勦又恐蔓延而龍唐二

逆亦在川陝交界游奕是太平界內現在賊眾較多臣即

於兩河口取道通江太平前進又查此路僻近老山洞寨

稀少近遭瘟疫十傷四五不但不能團練集勇且成熟稻

穀大半均未收穫臣一面前進一面向分遣兵勇逐日隨同

土人徧處搜勦共計殺賊二百四十餘名陸續擒獲李大

才等八十五名訊無首逆俱係各股敗殘餘匪各處洞寨

老幼男婦聞之俱下寨前來臣面加慰諭令其趕緊收穫

並曉以堅壁清野之法無不歡欣稱頌大道業已甯謐十

二日抵太平縣當據署知縣事知州鍾蟠雲面稟龍唐二

逆前屯於西鄉界上旋有苟文明一股賊匪約二三百人

張子聰一股賊匪約三四百人先後附合近已翻山竄入

紫陽界內其高馬戴伍等股賊匪前後亦由西鄉向東竄

去並未來川嗣又接據勒保來信以劉朝選湯思蛟度向

瑤羅半年四股賊眾合夥在東鄉一帶屢被勦敗勢已窮

蹙現向東北逃竄臣在東北一帶就近截勦等語且龍

唐苟張四逆已經入陝而川省賊匪尙未肅清未便帶兵

越境追勦當即飛札額勒亨額慶溥温承惠等相機截勦

並咨覆額爾登保查照嗣又探得勒保七十五所勦劉湯

度羅四股賊匪於十五日由東鄉長壩過後河翻山走太

平兆堂壩有竄通江竹峪關之勢勒保等緊躡追擊已抵

羅紋壩當即派令温春賽冲阿等帶馬步兵勇由東北之

兆堂壩一帶前去旁抄臣即帶兵由烟墩壩官壩北面直

趨竹峪關迎頭截勦勒保等已由羅紋壩西南而來三路

德壯果公年譜卷十三



兵力勦此敗殘餘孽自可立就翦除近據各州縣稟報尙有王世虎等兩股賊匪各千餘人並有屢被勦散兩三起或二三百人或三四百人不等雖無大股賊眾而此等零星餘匪亦須勦捕淨盡絕其根株再與勒保將邊防事宜妥商辦理後臣察看何處情形緊要或赴陝境或向楚界卽帶兵前往幫同協勦至首逆龍紹周係太平縣人前經該牧鍾蟠雲令其族叔龍萬象帶同陳貴等前往招撫日久未回昨經哨探兵勇帶回逃出同去民人趙明方供稱親見差去之陳貴等七人被小頭目等殺害將龍萬象等留在營裏臣當卽面諭該牧嗣後如有賊匪遣人哀懇投順者察其情真仍準悔罪妥爲安插斷不可遣差赴營致啟逆眾輕視之心並札致勒保會銜通飭川東川北州縣一體遵辦再臣前在南江時當溽暑屯土弁兵觸熱患病者多卽留於南江縣之李家寨暫爲調理並可藉爲協防令守備龍必達管帶約束此次臣在九龍場勦賊聞賊攻撲南江之明埡五臺等寨時經該縣裘良駿守備龍必達等勦殺多人屯兵團勇亦有受傷陣亡之事茲據該縣等親來木門場面稟七月初八日有陳李兩姓賊股四五千八由八廟坪來圍附近之明埡五臺等寨裘良駿卽會同龍必達率領屯土弁兵二百餘名招齊團勇八百餘名乘

德壯果公年譜卷十三

三

夜潛至寨北埋伏初九日賊知有官兵卽由大地坪奔逃裘良駿等率領兵勇追擊二十餘里殺賊一百三四十名生擒二十四名搶獲馬騾刀矛旗幟兵勇力追五十餘里至大屋基賊見兵單折回衝壓穆坪土守備王應保力戰陣歿傷亡兵勇數十名賊卽竄向大田坪而去等語臣就近復加查察打仗殺賊情形無異當將實在出力之屯兵阿扣等量加獎賞

論曰德楞泰自八月十二日奏報勦辦九龍場賊匪後日久未據續有奏報方以其在川殺賊自必獲有大勝或追勦緊急無暇發摺今據奏到情節祇係敷衍虛詞並未與賊接仗一次勦淨一股不知此二十日中所辦何事殊不可解看來德楞泰等竟係因賊匪有乞降之說遂爾頓兵不進此乃誤會朕旨辦理大錯試思勦辦教匪調集如許官兵糜餉無算而生靈遭其荼毒者更不可勝計焉有功屆垂成竟思招撫此一二亂民將就完事耶此後斷不准再有差人諭降之事至各路軍營節經降旨毋令所勦賊匪逸出本境今德楞泰於川省竄匪一任闖入陝省已有應得之罪而本日奏摺又滿紙虛詞毫無實際本應卽將官職斤革令其戴罪自贖姑念伊在嘉陵江川西勦辦迅速稍有微勞是以不卽加之嚴譴但德楞泰自帶兵勦辦川東川北賊匪從未見認真出力與春間如出兩人實非意料所及現

德壯果公年譜卷十三

三



據稱劉湯度羅四股已帶兵前往會同勒保截剿此事朕現存記看伊續到之摺能否全行掃除

初八日

公偕勒保奏言竊臣勒保前因湯思蛟等股匪眾向南壩場一路竄逸就近先行勦辦十二日行抵南壩場據七十  
五遣人報稱度向瑤湯思蛟劉朝選已與趙麻花等合夥  
十一日五鼓七十五分兵三路進剿午刻趕至豐城寨地  
方適遇度向瑤等一股正向山溝下走當被參領武隆阿  
副將張良槐都司羅思舉等率領兵勇直前衝殺賊眾猝  
不及防並未拒敵即四散奔逃我兵趕上斃賊四百餘名

德壯果公年譜卷十三

奏

生擒郝長壽等一百十二名七十五正在督兵追殺據報  
後路又有湯思蛟等賊匪將都司保洪玉等一路官兵衝  
動保洪玉猝被矛傷陣亡守備陳德欽同時被害兵馬亦  
傷亡數十名七十五即親督大隊趕回迎擊賊見官兵擁  
至旋即紛紛折竄七十五追殺四十餘里直至大團包又  
殺賊一百二十三名生擒楊如山等五十三名時已昏黑  
暫為紮住訊據郝長壽等供稱此起賊匪係趙麻花在前  
度向瑤居中劉朝選湯思蛟在後分三路行走今日官兵  
將度向瑤一股攔截殲殺甚多致成三段七十五隨據探  
報度向瑤趕入趙麻花前股向官渡奔竄劉湯二逆折向

下八廟逸去臣勒保得信後即知會七十五追剿度趙等

逆督同總兵薛大烈永甯等帶兵直趨下八廟而路追

剿劉湯二股之賊十五日酉刻行至黃土梁探知賊眾正

在茅坪屯紮相距二十餘里當於五更冒雨發兵薛大烈

侍衛花品等為一路與永甯等為一路由左右山梁下

壓直至茅坪賊眾正在移營一見我兵即率眾于餘人搖

旗吶喊直前拒敵我兵奮勇競進立斃執旗賊目及驕馬

賊匪三人賊即潰走兵勇分投追剿斃賊三百餘名生擒

趙爾河湯陳氏等一百三十八名口時值大雨如注前路

箐林甚多祇能隨搜隨進遙聞官渡一帶槍斃不絕知七

十五一路亦已遇賊接仗據報殺賊一百餘名生擒三十

餘名亦因大雨未及深入當即知會七十五暫在後路搜

剿餘匪勒保即督兵由羅紋壩一路進發適德楞泰

所派溫春賽沖阿等帶領馬步兵勇於十九日行抵兆堂

壩與薛大烈永甯等會合探知賊匪大隊正由尖山坪一

帶奔竄相距不過五六十里當即星夜冒雨追躡二十三

日至倒流水地方正值賊匪躡淺渡河溫春賽沖阿所帶

馬隊官兵先已趕到當即奮勇衝殺賊匪立時奔潰有撲

河搶渡溺斃者有分竄山野滾巖跌死者槍箭所到斃賊

尤多正在趕殺間薛大烈等所帶步隊亦即到乘勢掩

德壯果公年譜卷十三

奏



捕通計殲賊六七百名生擒賊目王曰榜並男婦張尙賢  
熊楊氏等四百六十九名口換散跪投者一百三十八名  
隨令王曰榜等於賊屍內認出偽副元帥湯思舉係湯思  
蛟之兄偽總兵王三魁當即擣割梟示並據供稱此夥賊  
匪係湯思蛟度向瑤劉朝選並張金蓮趙麻花及苟文明  
股內元帥杜應杰等在東鄉境內被官兵追剿情急各股  
人數漸少遂商量合夥由長壩過河五股共有四千餘人  
惟趙麻花一股被官兵在官渡截住未能過來湯思蛟等  
原想要到太平尋覓龍紹周等竄赴陝境因聞太平現有  
大兵所以就近在通江境內奔逃不想又遇官兵打散湯

德壯果公年譜卷十三

聖

思蛟等先已騎馬過河各等語溫春賽冲阿一面即帶兵  
過河追躡等聞信先後趕到該處提犯親鞠無異並據  
探報先竄過河之賊尙有一千餘名由呂家坪向經羅壩  
橫逸仍欲折竄後河現有溫春等緊追惟後起未經過河  
之賊尙有五六百名由馬鞍山石窩場竄去等即派永  
甯帶領參將田朝貴等寬路抄截並聞七十五從官渡追  
剿趙麻花等股之賊亦祇有數百名現從石窩場一路而  
來正可與永甯兩面夾擊等因川省腹地現在祇有此  
數股敗殘餘孽必須先為辦竣騰出兵力再辦川陝邊界  
之賊庶不至受其牽制且頃據太平文武稟報唐大信張

子聰二股合夥由白荷坪明通井一路奔竄龍紹周一股  
由西鄉折回大竹河有奔往城口之勢均在太平東北境  
內設度向瑤等寬往合夥辦理轉覺費手等公同商酌  
一面分飭溫春等盡力窮追德楞泰即一面督兵於二  
十五日由後河清花溪一路兜截勒保暫住一日審辦  
現獲各犯將被擄未久及臨陣投出之徐良士等二百三  
十六名口酌給銀米遞籍安插其賊目王曰榜並久經從  
賊打仗之張尙賢等三百四十一名均分別凌遲正法

德壯果公年譜卷十三

聖

論曰此次德楞泰勒保分飭各路官兵奮力截剿先後共計殲擒  
賊匪二千四百名並殲斃偽副元帥湯思舉偽總兵王三魁  
生擒賊目王曰榜等所辦皆好德楞泰勒保均屬奮勉可嘉其  
分路帶兵出力之七十五等八員統俟川省賊匪辦竣再行奏  
明一體加恩德楞泰勒保務當督同七十五等上緊將剿敗之  
度劉等股賊匪剋日殄滅肅清四川腹地再將太平界內之龍  
唐等逆上緊剿淨成功愈速則恩賞愈重不可不倍加奮勉也  
現在各處賊匪勢俱窮蹙總於川陝楚交界地方老林內為通  
逃之數此即

天

考默佑使賊竄聚一處正可趁此機會一鼓殲除如川境賊匪剿  
完勒保係四川總督七十五係四川提督不但該省善後事宜



正資經理而邊界防守之事尤關緊要勒保不可因前經獲罪必欲越境剿賊惟當會同七十五督率文武各員嚴防邊界要隘以堵為勦勿令由川竄出之賊仍行折回亦不可令陝楚之賊竄入川境即為出力至德榜泰雖係成都將軍但身為參贊陝楚軍務皆當籌畫徐添德辛聰張添倫及高馬五等股賊匪皆由川境竄往陝楚德榜泰自當帶領勝兵隨賊所向緊躡追勦或赴陝幫同額爾登保或赴楚幫同明亮總當臨時相度賊匪緩急情形朕亦不為遙制務於冬令內一律蕩平受朕厚恩不可稍有遲緩

恭錄

德壯果公年譜卷十三

聖

御製詩

九月初八日燕郊行宮參贊德榜泰總督勒保奏報痛剿匪眾二千餘名現在分兵追剿以冀肅清川省各情形

詩誌感慰

上

陵甫旋蹕佳音達燕郊奮擊兵連寨窮追賊失巢漫逃長壩渡先

勦大團包

本日途次燕郊接據德榜泰勒保奏報德榜泰帶兵馳抵太平探知賊匪度向瑞等股經勒保率領將弁

勦敗後至長壩渡河德榜泰勒保會合探明賊蹤去後分派將領於八月十一至二十三等日連獲勝仗七十五於豐城寨及大團包等處殺賊五百餘名生擒一百八十餘名德榜泰所派溫春等與勒保前敵薛大烈等會合於側流水地方獲賊六七百名生擒賊目男婦共四百六十餘名口交出者一百餘

十名於賊屍內指認出偽副元帥湯思舉偽總兵王三魁二名現在川省腹地各匪屢次殘敗餘孽將近肅清即可將川陝交界竄匪之匪以次勦辦敬頌 吳 敬感 考慈默垂鴻佑速奏厥功

考垂佑功成十月交

十五日

公偕勒保奏言查倒流水木地方先竄過河之賊係湯思舉劉朝選張金蓮杜應杰等賸有一千餘名由呂家坪一路奔竄該匪等因賽沖阿溫春在後緊追復由草壩場折竄龍鳳壩欲出通江之洪口地方遁入陝境 德榜泰探知即於二十五日連夜由土城子抄至洪口迎截二十六日申刻正遇賊匪前隊百餘人竄至當即督兵截殺殲斃偽

德壯果公年譜卷十三

聖

總兵唐邦順並賊匪五十餘名生擒戰手王依相等二十三名訊知各首逆俱在龍鳳壩屯紮派令唐邦順先赴洪口探聽有無官兵再定去向 德榜泰一面即發兵馳赴龍鳳壩詎匪眾探知洪口有兵前隊業經被殺又連夜由古林寨折竄絲羅壩我兵跟蹤緊躡於二十九日已刻追至長壩地方經阿穆勒塔色爾滾馬瑜帶領前隊馮步官兵趕上賊匪正在躡渡後河殲戮及淹死者二百餘名 德榜泰正催官兵洶渡進追忽聞後面槍聲甚緊探係賽沖阿等之兵追殺一股賊匪祇有七八十人由後山竄下 德榜泰立時帶兵迎擊賊見上下有兵即從山腰旁竄



欲向王家壩潛逃正值臣勒保由此路帶兵前來迎面截住該匪等一見又復折回經前隊花品等所帶馬兵箭斃數名賽冲阿等馬隊亦即衝出該處係一線窄徑下臨深淵兩面槍箭並發賊匪無路可走均各滾巖跳水當於巖下擒獲黃俞等十三名餘俱被急流衝去並無一名漏網查此股賊匪緣在倒流水被官兵擊散不能過河度向瑤帶五百餘人由石窩場一路竄逸先經臣等派令總兵永甯帶兵追截於杜家灣趕上斃賊一百餘名賊即折竄箭竹埡二十八日向石榴坪奔來猝遇賽冲阿等之兵由山溝衝出匪眾一見驚逃至箭口河撲水過去淹斃六七十

德壯果公年譜卷三

三

人餘向張家嶺逃遁我兵亦即涉水衝失兵丁十二名官兵追殺八十餘里沿途又斃賊一百餘名生擒王選等五十一名訊知度向瑤祇帶數十人潛逃賽冲阿温春以賊匪所賸無多既有逆首在內必須勦捕淨盡連夜帶兵追趕正值臣等先後到來賊眾無路奔逃盡數殲擒掩斃雖度向瑤屍身尚未撈獲而訊之現獲黃俞等亦僉稱度老師傅實在同路奔來見其跌崖落水是度向瑤之死已屬可信而此股餘孽業經殲戮無遺再接再據署太平縣鍾燭雲署都司李廷臣稟報探得苟文明帶有二百餘人歸入龍紹周夥內現由田壩河遁入西鄉之木旺山屯紮惟唐

大信與張子聰合夥後在干江河一帶游奕屢至附近各寨洞滋擾寨民朝夕不甯緣白水洞貯有兵米該寨首龐聞然恐被賊破洞搶糧於八月二十二日商同各寨首抽出丁壯團勇五百餘名乘夜潛赴賊營吶喊放槍該匪等正在飲酒歌唱猝不及防立時慌亂狂奔各壯勇乘勢掩殺斃賊一百餘名陣亡團勇龐習元等十八名其時本不知首逆槍斃緣二十四日有逃出難民馮萬榮文德義等告知是夜賊眾將唐大信擡至甘龍礮因胸中槍傷業經殞命眾議立李顯必為偽元帥宰牛祭旗二十五日賊果前來攻撲聲稱唐元帥被爾等槍斃特來報復幸該寨早

德壯果公年譜卷三

三

有預備旋即擊退賊向後煙山黃溪河一路遁去並經鍾燭雲等派令效力職員聶愈煥等前往查點賊屍及被害各團勇屬實該縣隨帶龐聞然等來營備訊臣等親訊無異當將龐聞然賞給八品軍功頂戴並令查明出力團勇及陣亡之龐習元等家屬酌賞銀兩以示優卹現據探報此股賊匪已出甘龍礮老林由渡口巖高頭壩一帶逃竄係通東鄉開縣之路現在湯劉等逆已竄過後河亦入東開界內臣等即分兵由東鄉中河後河兩路追擊顧住西南腹地要路至七十五一路官兵據報近因雨大阻水未能趕上賊匪接仗現在匪眾既經過河臣等即知會該提



督就近速赴開縣溫湯井一帶迎頭截剿遏其東竄入楚之路以期將各股匪眾即日併力殲除

同日公偕勒保又奏言查賽沖阿現奉

諭旨補授固原提督自應遵令迅赴西鄉分兵千餘名交令帶往

但念<sub>臣</sub>德楞泰一路官兵惟吉林索倫馬隊七百餘人最

為得力向交賽沖阿一人管帶已越三年該提督深得兵

心人皆用命且東三省人之性情最為忠直一經悅服終

始不移而吉林索倫又各自為其風氣昨聞賽沖阿蒙

恩授為提督吉林兵無不同聲歡舞及聞其須赴西鄉即紛紛至

<sub>臣</sub>德楞泰處環跪乞留言之淚下<sub>臣</sub>等前因剿賊必須馬

德壯果公年譜卷十三

吳

隊衝擊方能制勝曾經札商額爾登保擬於續派吉林索

倫兵一千五百名內酌派數百名來川此時川省正當剿

捕喫緊之際自不能將現有吉林兵撥交賽沖阿帶赴西

鄉正籌議間適接額爾登保來信亦深知賽沖阿向得吉

林兵心恐其不能即時赴陝專札致詢<sub>臣</sub>等已將實在難

以驟離情形致覆且聞額爾登保現又續派將軍恆瑞總

兵九十等馳赴西鄉協剿刻下似已足資辦理但賽沖阿

係固原提督不便久留川省一俟川境肅清<sub>臣</sub>德楞泰即

當權其緩急或與賽沖阿一同前往或先令其赴陝斷不

敢久為稽留

諭曰此次德楞泰馳赴龍鳳垭後探知賊匪由古林寨折竄羅

壩我兵即跟蹤緊剿殲斃渡河賊匪二百餘名賊由山腰旁竄

適值勒保帶兵前來迎截而賽沖阿之馬隊亦即衝出賊匪無

路可走均各滾崖落水當經擒獲黃俞等十三名餘俱被急流

衝去其逆首度向瑤屍身雖未撈獲而訊之黃俞等僉稱度向

瑤同路奔來實見其跌崖落水是度向瑤之死已屬可信至唐

大信一股在太平干江河一帶游奕經寨首龐闇然帶領團勇

乘夜掩殺斃賊百餘名逆首唐大信胸中槍傷殞命此實

天

考垂佑之恩覽奏實深欣感此次打仗官兵甚為出力俟川省賊

德壯果公年譜卷十三

吳

匪剿竣時再加恩賞寨首龐闇然能於黑夜率同團勇將游奕

之賊乘勢掩殺並槍斃賊首唐大信實屬奮勇可嘉該參贊等

已賞給軍功八品頂戴著再加恩賞給把總並賞戴藍翎如伊

情願出仕即令隨營效用如不願隨營即賞給把總銜以翎頂

榮身令其回歸本寨駐守其陣亡之團勇龐習元等十八名俱

著咨部照例賜卹現在德楞泰剿辦完竣者祇度向瑤唐大信

二股其餘川境之賊如劉朝選湯思蛟張金蓮趙麻花王世虎

冉添士羅半年張子聰杜應杰等股數雖多但統計賊數不過

五六千人勢已潰散現在湯劉等逆已竄過後河至開縣界內

而七十五一路官兵因大雨阻水尚未與賊接仗德楞泰勒保



應飭令該提督赴開縣一帶迎截以遏賊匪東竄之路德榜奏等務須併力上緊會剿即於川境辦淨不可又令竄入楚境爲要至賽冲阿在川帶領吉林勁旅深得軍心自未便更易生手且此次續派吉林黑龍江官兵一千五百名因徐萬富一股在楚猖獗已令長齡將此項勁兵全數帶赴楚省是額爾登保處亦不能酌量撥給又焉能分派川省此時賽冲阿既令留川仍管帶原有吉林兵丁奮勇剿賊如川省賊匪肅清後賽冲阿究係固原提督彼時再當酌量情形令其帶領原兵赴陝可也

二十一日

公奏言竊 於九月十五日報迴跪誦

德壯果公年譜卷十三

哭

批諭並另奉密封

硃諭一道敬謹折看捧誦之下戰慄悚惶不覺神魂失措迨再三

釋誦仰見我

皇上明目達聰於臣下功過所繫無事不蒙

鑒察無處不荷

矜全以 至愚極陋之人有辦事不安之處不但不加嚴譴而且

並未明降

諭旨申飭

曲宥已往之過勉成即日之功

教誨成全無微不至 自問何人乃邀

高厚鴻慈至於此極感激涕下真覺無地自容遵查成都協領努

赫棧從前本在達州開縣等處帶兵防守自今春明興將

此項滿兵帶回成都努赫棧亦即回省迨蒙

恩授爲成都將軍因駐防滿兵不比京營銳健但恩同係滿洲世

僕又值本省有事外省各營官兵尙在四川剿賊而本省

滿兵轉在成都閉住實屬關係滿洲顏面是以先調努赫

棧酌帶官兵來營令其隨同賽冲阿溫春阿穆勒塔等在

吉林索倫隊內帶兵屢次遇賊接仗竟能奮勇殺賊 臣

意似應稍示鼓勵使駐防滿兵咸知觀感奮興又 於今

春赴川時因文員不敷辦事與魁倫札商經魁倫派冷知

德壯果公年譜卷十三

哭

縣喻日泗前來幫辦筆墨不但往來書札即一切文檄批

答事件均能辦理裕如 帶兵追賊行走迅速該員本不

善於騎馬往往失跌從不憚勞每日到營即徹夜書寫不

歇甚爲出力因此 與勒保相商欲將努赫棧喻日泗保

奏勒保亦深以爲是如果 稍涉徇私勒保亦斷不肯聯

銜具奏茲蒙

聖明垂詢實屬愧悔無及伏念 當兵出身毫無知識蒙

恩不次超擢用至參贊將軍遇事斷不敢稍存私見每逢得有勝

仗奉

旨保舉出力人員 將臨陣自行記載並各將領開單保送之人



逐一核對又復講論擇其實在勞績最著者始行奏懇

天恩閣營將士亦所共知惟賦性粗魯識見又復淺狹前隨福

康安在臺灣廓爾喀苗疆管理翼長事務彼時軍營光景

久在

聖主洞燭之中總理營務或有疎忽不滿人意之處致遺物議

追蒙

委以重任自領一路官兵勦賊亟欲力改積習且自我

皇上親政以來賞罰嚴明各路帶兵大員無不畏懼感激縱不

為功名計豈不為身命計况又屢沐

重恩許以成功之日更膺

德壯果公年譜卷十三

至

懋賞雖係至愚亦斷無不勉力巴結冀望邀

恩之理今春仰仗

天威於川西一路屢次奏捷實因賊匪聚集一處地勢平行兵力

易於施展今川北川東多係崇山密箐各股賊匪經

勒保合兵屢次痛勦均零星潛匿遇兵即逃往往於追逐

之次即鑽入老林以致不能到處得手此即福分淺薄

有負

聖恩每一念及憤不欲生至之為人辦事如現任經畧額爾登

保與前在臺灣廓爾喀苗疆俱係總理營務翼長事務

又常在一路帶兵今又同辦一事前任經畧勒保向在苗

疆即與共事自總統以至經畧即歸其所轄近又同官

一省且在一路帶兵儻有取巧推諉之處在伊等亦斷

不肯稍事徇隱惟求我

皇上降旨密詢如有打仗不力觀望欺朦之事即求立正典刑

以昭炯戒况即日大功告成凡領兵大臣均須進京

陛見

垂詢之下更難逃

聖慈燭照茲奉

諭旨諄切訓示

勅令改過勉令立功惟有感激愧悔將現奉

德壯果公年譜卷十三

至

殊諭敬謹記誦佩服不忘竭盡血誠督率將士認真勦賊迅成大

功以冀仰副

聖主訓勉矜全之至意

殊批汝之出力巴結朕實深信若能迅速成功更膺封爵勉之

公又奏言竊接閱邸抄知之子蘇崇阿特奉

恩旨挑在乾清門行走下懷毋任感悚伏念以蒙古世僕由當

兵出身疊荷

隆施不次擢用重任當此勦捕教匪未能迅就蕩平時恐上負

聖慈倍深疚懼乃身膺

寵遇屢叨有加無己之



恩正愧涓埃未報今臣之子又復由一等待衛特荷

殊恩挑入

乾清門行走俾得日侍

天顏仰沐

成全造就臣聞信驚疑尤為夢想之所不到一家父子受此

異數頻施

寵榮過分感深泣下實覺踟躕難安查蘇崇阿年輕識淺不過學

習當差茲蒙

高厚栽培得此

內廷體面差使臣現已諄切寄信囑其激發天良勤慎行走

德壯果公年譜卷十三

三

以冀勉供

驅策無負

仁麻臣亦惟有竭此駑駘督率官兵趕緊剿辦賊匪早得如期歲

事庶幾仰答

聖主逾格鴻慈於萬一

殊批既知恩當知報勉力勦賊更受厚恩

德壯果公年譜卷十四

次孫花沙納恭纂

嘉慶五年庚申

十月初一日

諭曰本年九月節交立冬京師即日瑞雪四五寸極為優渥本月

朔日時嚮

太廟朕親詣行禮旋於坤甯宮祀

神天色晴朗氣候暄燠此皆仰荷

天

祖恩眷朕感慰之餘時深敬惕因念各路軍營帶兵大臣勤勞備

德壯果公年譜卷十四

一

著茲特頒賜額爾登保德楞泰兩路軍營祀

神糕各一分同將領等一體分賞俾得共邀

福佑迅奏膚功又各賞給奶餅一匣著於出力將領內分賞同賞

珍味用示眷念至額爾登保德楞泰自統兵剿賊已及五載上

年

皇考大事迄今將近再替伊等尙未得祇謁

山陵而朕親政以後伊等亦尙未瞻覲朕眷念勞臣亟思接見稍

慰廬懷特軍務未竣何能遽行宣召想伊等瞻戀之忱亦必同

深殷切卽伊等不思急欲見朕而從年同受

皇考厚恩委以軍旅重務亦應感激倍深甯不思叩謁



裕陵一伸忱悃現在賊勢日蹙軍威壯盛惟望倍加奮勇於年內將各股一律肅清班師奏凱飲至策勳既可遂其謁覲之心使朕亦得以面加慰勞實我君臣之至願也此時各路兵多於賊而預撥餉項又極充盈細思已爲周備不應更有掣肘之事但軍務情形委折亦難臆度或伊等實有難言之隱並窒礙難辦之處不妨據實直陳候朕核奪轉不必隱忍遷延徒稽時日若實無他故則當計日嚴功勿令師老力疲也額爾登保德楞泰二人如何布置務期年內一律辦竣之處著各行據實迅速具奏以紓廑念

初二日

德壯果公年譜卷十四

公偕勒保奏言臣等探得劉朝選湯思蛟張金蓮杜應杰等竄過後河分作兩股劉張二逆走渡口巖湯杜二逆走井溪壩分路奔竄又據探報七十五所剿趙麻花一股因官兵在鎮龍關一帶阻水該匪卽乘間東奔已過關口坪關入雲開境內張子聰李顯必等折竄太平開縣連界之濛濛溪而大甯老林內尚有零星餘孽在彼出沒遊奕均須併力兜剿肅清東路臣等於初四日自清花溪分兵臣德楞泰取道白沙河至井溪壩追剿湯杜二逆臣勒保取道舊縣壩至渡口巖追剿劉張二逆並知會七十五卽由太平邊界緊貼西北一面而來臣德楞泰於初七日至井

溪壩知湯思蛟等已由榨井壩竄赴東開交界之柏木園當卽連夜督兵冒雨前進初八日二更至瓦屋坪距柏木園祇二十里賊因雨大未動當卽探明道路派令副將託雲泰蒲尙佐等爲左路由後山觀音巖埋伏派令賽沖阿溫春色爾滾等爲右路由西面團寨子進發臣德楞泰督率阿穆勒塔馬瑜等爲中路由子母壩進發天甫黎明臣與賽沖阿兩路官兵同到賊在山梁亦分兩股悉力抵禦我兵不避槍石奮勇競上賊見官兵勢猛盡棄輜重牛馬由後山滾巖越澗而逃官兵乘勢掩殺殲斃偽總兵胡之魁並賊眾一百三十餘名生擒李芳陳趙氏等八十三名口滾巖跌斃者五六十人餘匪四散奔潰復經託雲泰等一路官兵分投掩捕殺斃四十餘名生擒賊目湯思川係湯思蛟之弟並謝貴等三十三名餘匪由向家溝翻山奔逸十二日追至長店房適七十五亦由溫湯井一路前來正遇賊探十餘人到彼立時追捕擒獲探馬頭兀正剛訊據供稱湯思蛟等現贖二百餘人在燈草壩山溝潛匿隨留七十五在彼堵截臣德楞泰於十三日卽帶兵馳往該處詎賊已聞信由高橋一路逃奔當派賽沖阿等帶領馬隊追躡越過五重大山趕至紫水壩又斃賊五十餘名生擒蕭得信等三十餘名尙有一百餘人向大梁深林竄逸

德壯果公年譜卷十四

三



至<sub>臣</sub>勒保一路於初八日至渡口巖據逃出難民吳世郎  
 供稱該匪等連日亡命狂奔劉朝選與張金蓮相商分作  
 兩路行走約在蒲家壩會齊探聽官兵若俱向雲陽一路  
 追去該匪等仍欲折回太平<sub>臣</sub>勒保當派總兵永甯參將  
 田朝貴等帶兵覓路抄截<sub>臣</sub>即督同薛大烈侍衛花品塔  
 什拉等緊躡追趕十一日申刻至蒲家壩賊已知有追兵  
 正在躡渡前河即經我兵趕上殺斃八十餘名生擒羅金  
 玉等男婦一百十二名口淹斃數十人我兵亦即連夜洶  
 渡追躡被急流衝失兵勇八名十三日追至楊子嶺正值  
 永甯等由馬家坡一路抄出遇賊迎擊<sub>臣</sub>勒保即督兵兩  
 面夾攻匪眾四散奔逸官兵分投追殺又斃賊一百餘人  
 生擒偽先鋒陳元旗首黃之華等五十六名餘匪向路陽  
 三壩竄遁維時<sub>臣</sub>勒保因聞<sub>臣</sub>德楞泰在紫水壩一帶相  
 距甚近當令永甯等追躡竄匪前進<sub>臣</sub>勒保即至紫水壩  
 會合適據探報張子聰等尚在濛濛溪老林口屯紮而徐  
 添德一股業從楚省竄至平利有折回四川之勢趙麻花  
 已從大甯老林勾合青號夥匪王姓由香坪桂壩一路轉  
 回查現勦湯劉張杜等四股所贖不過二三百人即商令  
 七十五取道明通井等處顧住太平西北一面以防陝匪  
 竄逸派令永甯託雲泰各帶兵勇三千餘名分投兜截搜

捕<sub>臣</sub>等即督兵由江口一帶迎勦趙麻花等股之賊十五  
 日行抵蘆花嶺探知匪眾現屯楊柳坪正擬分兵進勦詎  
 十六七兩日大雨不止各處溪水驟發不能即過江口當  
 即多紮竹筏趕搭浮橋於十八日連夜冒雨而渡直至十  
 九日午刻渡竣探報賊匪約有八九百人正於是日由寒  
 池壩向大水田一路竄來<sub>臣</sub>德楞泰即督同賽冲阿温春  
 馬瑜等帶領馬步官兵由溝內迎擊<sub>臣</sub>勒保督同阿穆勒  
 塔色爾滾薛大烈由右手山梁下壓該匪等正在溝內行  
 走不防迎頭遇見兩路官兵奮勇衝殺斃賊一百餘名生  
 擒甘賢書等七十五名口賊即奔上左手馬鞍山倚險拒  
 敵施放槍石連壓我兵三次我兵披勇直上攻撲愈緊匪  
 眾旋即潰奔追過馬鞍山頂我兵已得地勢奮勇下壓斃  
 獲賊二百餘名追至石虎嶺時已昏暮查該處周圍三四  
 里俱係箐林賊即奔入林內藏匿黑夜難以搜捕<sub>臣</sub>等恐  
 其乘夜免脫即將兵勇四面擊卡圍圍飭令各將備母任  
 一名逸出是夜賊於大壩口衝撲二次均經侍衛達勒精  
 阿慶昌副將蒲尙佐參將達自祥等帶兵擊退迨至天明  
<sub>臣</sub>等即督兵進林搜勦賊見四路有兵竟捨命衝突放槍  
 擲石兵勇間有受傷我兵四圍並進箭斃大頭目李思印  
 林士純槍斃偽總兵何崇信有賞戴藍翎之四川步兵何

德楞泰公年譜卷十四

四

德楞泰公年譜卷十四

五



有富見有一人身穿紅馬褂率領七八人向東奔逸知係頭目何有富卽帶兵勇二十餘人盡力追捕至溝底追及連戮兩矛倒地割取首級呈驗所有潛匿之賊均經各官兵斬獲淨盡亦有在樹林縊死者並無一名漏網統計點驗賊屍二百二十八軀生擒探馬頭王添爵大旗首張杭並趙麻花之妻張氏等男婦大小二百五十一名口當將割獻首級逐一飭令驗認僉稱所殺穿紅馬褂之賊實係趙麻花卽趙易應而其妻張氏一見卽痛哭不止據供趙麻花係達州人乃徐添德之徒與汪瀛同夥自汪瀛在川西勦散被擒趙麻花卽稱偽元帥由川西竄回總在川東

德壯果公年譜卷十四

六

一帶奔竄嗣經七十五在東鄉地方勦敗該逆卽率眾由太平遁入大甯老林近在湖北邊界遇見青號賊目王珊帶有二四百人逃回與該逆一同折竄因聞徐添德將回四川欲赴太平老林接會連日大雨在寒池壩紮住三日趙麻花率其夥匪八百餘人先走令王珊斷後不期至大水田猝遇官兵盡被擒殺王珊在後未來不知逃往何處等語<sub>臣</sub>等訊供後卽將賊目王添爵張杭等凌遲處死趙麻花首級解交達州臬示趙張氏例應緣坐亦解達州監禁彙辦其從賊日久之符德元等二百五十四名均卽正法被擄未久之男婦陳田硯李劉氏等一百三名口酌給

銀米發交雲陽縣分別遞解回籍搶獲騾馬二百四十餘頭匹與衣物器械等件均賞出力兵勇<sub>臣</sub>等伏查趙麻花一股亦曾竄擾川西罪大惡極今幸仰仗

天威全行撲滅人心靡不稱快至刻下湯思蛟等四逆雖未殲獲所贖實祇二三百人現有永甯等兩路官兵前往追截自不致日久稽誅惟王珊等三四百人既從川楚邊界竄回又有欲赴太平接取徐添德回川之說亟須及早勦滅以免蔓延<sub>臣</sub>等現已分兵三路先將此股兜勦完竣腹地肅清卽可就近併力相機探勦張子聰等並川陝邊界之賊以冀剋期掃蕩

德壯果公年譜卷十四

七

諭曰此次德榜奏勦保分投勦辦劉朝選湯思蛟等股賊匪多有斬獲所贖不過二三百人令總兵永甯副將託雲泰各帶兵勇兜截搜勦德榜奏勦保復會合迎勦趙麻花等將該逆殲盡並殲淨此股餘匪實爲奮勇可嘉德榜奏勦保俱著先行交部議敘其賞戴藍翎之四川步兵何有富見有穿紅賊目奔逸卽盡力追上連戮兩矛倒地割取首級呈驗係首逆趙麻花尤爲出力卽著以千總拔補其餘打仗出力各員仍著德榜奏勦保奏明候朕再降恩旨

恭錄

御製詩



參贊德楞泰總督勒保總兵明亮巡撫倭什布各奏報川

楚剿賊得勝趕緊肅清腹地情形詩以誌慰

頌朔祀

神典故修喜音川楚達軍郵巖邊餘孽難藏穴金底游魂漫匿溝

據德楞泰奏勒保奏分路追剿湯杜劉張四逆賊黨偽總兵胡之魁生擒賊首湯思蛟之弟湯思川探馬頭元正剛偽先鋒陳元旗首黃之華等兩路共獲賊黨八百餘名所獲者不過二三百人奔竄山溝潛匿德楞泰勒保在紫水驛會合探得趙麻花勾合大甯青號賊之信即由江口迎剿於十九日在寒池兩路督剿當殺賊三百七十餘名次日將賊匪之賊盡行搜獲剿殺內有大頭目李思印林士純偽總兵何崇信四川步兵何有富追捕穿紅賊首趕至溝底截獲劉取首級又擒獲活賊內有趙麻花之妻張氏一見向有富截獲之穿紅賊屍即時痛哭認係趙麻花並據供伊夫達州人係徐添德之徒查此股首夥俱已殲盡餘劉湯等逆兵合兩旃威殿後賊分四號迎頭勢已殘敗即可掃蕩無遺

德壯果公年譜卷十四

八

據明亮倭什布先後奏到明亮截剿黃白藍線四號匪眾於二十一日在房縣所屬之上龕中龕一帶督率迎剿共殺六七百名殲斃擒獲賊目多名倭什布緊蹙賊蹤將埋伏抵拒之賊沿途擊斃又於七里碾將箐林大股伏賊與明亮所派策應官兵夾擊潰散殲戮殆盡現在明亮倭什布會商分合將楚省餘匪剋期盪平

佑定亂安民聞

聖猷

初九日

公借勒保奏言查青號分股賊目王珊自大甯老林夥同

趙麻花一股轉回欲向太平迎徐添德來川在大水田地

方被官兵將前股趙麻花截殺淨盡王珊即向雲陽折竄

經該縣梁敦懷率勇堵截又復竄往高陽等因太平一

帶現有七十五一路官兵在彼可以截其竄陝之路而溫

湯井等處地勢險窄亦有路可通老林當派副將褚大榮

帶兵扼住要隘 德楞泰督同賽沖阿等過南溪河由元

灘一路追躡 勒保督同溫春等由江口至牌亞口一路

兜截 德楞泰於二十三日午後至開縣之禮復山探知

賊於是日早間已由該處起身當即連夜督兵追逐至三

十四日申刻趕至大茅坡正直賊匪在彼造飯一見官兵

即紛紛奔潰我兵奮勇追殺至磨子巖時已昏黑斃賊

百餘名生擒賊目鍾應昆等九十三名訊據供稱王珊在

濫泥溝身帶箭傷不能行走經官兵連戮兩矛斃命當即

德壯果公年譜卷十四

九

查驗屍軀割取首級認明屬實餘匪尚有二百餘人由郭

家坡折竄維時 勒保聞信即督同溫春等於二十五日

抄至巫山礮截擊詎賊匪探有官兵又向八廟橋奔逸經

新甯縣保全寨等處團勇截殺斃賊二十餘人生擒三名

團勇亦有傷亡二十六日已刻我兵追至觀音槽 勒保

即同溫春等帶領馬隊趕上直前衝殺賊眾大潰滾巖跌

斃並殺死者一百二十三名生擒旗首傅有萬等五十七

名內有王珊之師李思槐係徐添德徒弟眾稱為四老師

父又經天元寨軍功團勇喻承福等搜獲劉顯壽等八名

查此股賊匪本祇有四百餘人茲連次殺斃二百五六十



人生擒一百六十一名口首逆王珊業經殲其師李思槐亦已被擒首夥勒淨川東實已肅清當將李思槐寸磔梟示賊目鍾應昆傳有萬凌遲處死從賊日久之陳友富等一百五名均卽正法惟被擄未久之向思得羅李氏等五十四名口酌給銀米遞籍省釋臣等原思辦完此股之後川東川北腹地已無賊匪惟張子聰劉朝選湯思蛟等各逆在太平大甯老林內潛匿所贖賊匪無多先派總兵永甯託雲泰等帶兵進山搜捕臣等亦當卽赴太平一帶督辦以期川省全數肅清再勦陝西邊界之賊緣據署通江縣徐廷鈺稟報有李炳陳朝觀數內賊目朱九齡帶有德壯果公年譜卷十四三四百人由陝竄至平溪壩經該縣督率壯勇迎擊殺死並淹斃八九十人正欲過河追勦復有陝西竄來張添倫張士龍齊國謨等餘黨千餘由金溪河溝口突出當卽率勇衝殺斃賊一百五十六人生擒偽總兵魏超賊目王三級李惠等十三人投出龔序賢等一百五十餘人訊知該匪等在南鄭黃官嶺被經畧額爾登保一路官兵打散由羊圈關竄入川境隨後尙有李炳陳朝觀與楊開甲餘黨由灰灘等處竄來賊勢較多該縣請派兵勦捕並稱此次打仗軍功首領郭倬殺賊最多左目被賊子傷壯勇亦間有傷亡又據署巴州田文煦稟報陝省竄來賊匪四出滋

擾闖入該州所屬伍家河經元山寨圍勇堵禦殺賊二十三名現仍折回通江並據劉清探報各股賊匪現因通巴境內寨洞堵禦嚴密無處掠食欲由廣蒼一帶竄赴嘉陵江各等情臣等伏查自陝竄來各股匪眾被經畧一路官兵節次痛勦均係敗殘餘孽勦賊大局臣會與額爾登保彼此札商如果將陝甘之賊全數逼入四川官兵併力圍攻而川省各州縣寨洞自本年夏間經臣等遵旨籌辦堅壁清野鄉團各勇極爲奮勇出力勦堵自易得手今川東腹地已清陝匪甫入川境正可騰出兵力馳往川北截勦臣等現已取道營渠至保甯一帶隨探隨進先行顧住德壯果公年譜卷十四嘉陵江西面相機勦辦以冀速就殲除諭曰王珊一股匪眾經德楞楞保督率將領分路兜截斃賊一百餘名生擒九十三名王珊身帶箭傷經官兵截斃餘匪向八廟橋一帶奔逸復經勒保帶領馬隊趕上衝殺斃賊一百二十名先後生擒六十八名內有李思槐係王珊之師當卽寸磔梟示并將其餘賊目分別凌遲處死此次連獲大勝仰荷天恩益無涯涘叩感之餘實深敬畏王珊股匪本祇四百餘名業經殲擒淨盡不留餘孽現在川東腹地實已肅清所辦甚屬可嘉且據稱與額爾登保彼此札商欲將陝省之賊全數逼入四川以便併力圍攻等語覽奏更爲深慰數年來陝甘四川湖北



各股竄匪雖疊經官兵痛剿但賊情狡狴奔竄靡常而各省帶兵大員又不免各存意見僅將該省之賊驅逼出境即爲了事不復顧及鄰省其鄰省帶兵之員亦復如是賊匪輾轉奔竄日就蔓延最爲軍營惡習現在陝省之賊如能逼歸川省勦辦較易此等情形朕所諗知今德楞泰勒保能見及此籌慮大局可謂無分畛域方不愧大臣任事之道德楞泰著賞給白玉帶頭綠玉喜字搬指大小荷包勒保著賞給綠玉喜字搬指大小荷包用示優獎又發去翎管搬指及搬指套各十箇一兩重銀牌五百面五錢重銀牌五百面著德楞泰勒保分賞出力將弁兵丁俾咸知感奮看來川省近日團勇事宜辦理尙屬認真各州

德壯果公年譜卷十四 三

縣寨洞頗爲得力可收堅壁清野之效德楞泰勒保若能與額爾登保將陝省竄川之賊即在川省悉數勦除廓清全境以伸五年來朕之夙願仰慰皇考在天之靈功大賞崇當同心加勉也署通江令徐廷鈺率勇連次斃賊奮勇可嘉著賞給知州銜以應陞之缺陞用其殺賊最多之軍功首領郭倅亦屬出力著以外委拔補如不願出仕即賞給八品頂戴以示鼓勵

恭錄

御製詩

參贊德楞泰總督勒保奏報截剿王珊賊匪淨盡川東腹

地肅清現乘勝馳往川北迎擊陝匪各情形詩誌感慰  
王珊李槐同傾覆川東始肅清據德楞泰勒保奏報辦完趙麻花全股後尙有王珊一股折竄高陽德楞泰於九月二十四日追至磨子巖斃賊一百餘名生擒賊日鍾應昆等九十三名訊據供王珊在濫泥溝被箭矛傷斃勒保於二十六日追至觀音槽活擒旗首傅有萬等內人心有王珊之師李思槐當即殲梟夥匪勦淨川東俱已肅清皆厭亂

天意欲銷兵弭患羣力安民矢寸誠雄師連陝蜀勁旅掃機槍  
又奏稱據署通江縣徐廷鈺稟報有賊目朱九齡由陝竄至平溪壩該縣督率壯勇擊殺淹斃八九十人復有張添倫之餘黨竄入金溪河當亦截殺一百五六十人活擒爲總兵魏超等十三人現在德楞泰等馳赴川北搜勦潛匿老林之賊派令提督甘帶兵大員如各賊匪逃入川境總期不分畛域併力圍剿行望早奏捷音也 益感 省悉臻甯謐也

德壯果公年譜卷十四 三

吳恩厚重敷  
考澤宏即看馳喜報三省賊全平

十五日  
公偕勒保奏言 臣等兩月以來督兵在川東痛剿各股賊匪零星散竄通飭各州縣嚴密搜拏茲據署開縣知縣張陳鉉稟報督同黃土槽磊石洞寨長陳希武彭朝祿等拏獲一賊到縣審訊始猶狡供嗣又續獲任三才一名指認爲白號元帥張子聰該犯不能抵賴旋即供吐實情經該縣錄供稟報委員押解前來 臣等當派備弁迎提到營卽令現獲各犯李貴芳王坤並調到先經投首賞給金頂之



伊姪張廷鳳到營逐一認明屬實查張子聰籍隸東鄉與王三槐徐添德等同時習教起事稱爲白號經王廷詔僞封元帥數年來率眾滋擾川東川北並陝楚各邊界今春同冉添元等竄越嘉陵江與雷世旺度向瑤皆爲白號首逆自雷世旺於新店子地方經官兵殺斃該逆等竄回嘉陵江東岸六月間與度向瑤分夥張子聰潛匿東鄉之全安鄉伊姪張廷鳳乘間逃出該逆本亦有悔罪之意緣心存疑懼不敢卽投迨團勇領首羅崇遣其兄羅芳等進營告知張廷鳳業已得官勸令及早投出該逆正與賊目李德先等商議適有張金蓮並度向瑤劉朝選各股前來合夥力阻以爲不可當將羅芳等八人殺死各向太平境內奔竄張子聰因與李德先不和祇帶三百餘人欲尋唐大信合夥緣聞唐大信已被團勇殺死卽在濛濛溪一帶老林游奕手下夥黨陸續逃散所贖無多探聽湯思蛟等在柏木園屯紮卽往奔投詎九月初九日甫到柏木園山溝正遇臣德楞泰一路官兵追剿湯思蛟等股匪眾紛紛潰竄該逆卽向山洞潛藏直至三日後見無官兵始行走出扮作難民祇在山中沿途求乞欲俟另股賊匪到來再行入夥不期於二十三日至磊石洞被該處寨長陳希武彭朝祿等盤獲解縣臣等詰以習教起事及歷年竄擾地方

並與官兵節次打仗情形據供歷歷如繪該逆罪惡貫盈訊明後卽在軍營對眾鸞割仍將首級梟示犯事地方以彰

國憲而快人心署縣鹽大使張陳鉉督率寨長捐納訓導陳希武團勇彭朝祿等擒獲渠魁審明檻送洵屬能事合無仰懇

聖慈一併俯賜鼓勵再臣等於方山坪營次接據各路稟報李炳

陳朝觀並陝省竄來張齊辛等逆夥匪均由南江吳姚二壩白山寺一帶向廣南交界之木門場先後折竄高家營

內顏楊二姓之賊由西鄉鹽場壩竄入太平官渡灣經該

德壯果公年譜卷一四

五

處防守官兵擊退龍紹周一股與唐冉餘逆由紫陽折回太平在高頭壩冉家壩一帶游奕又有大夥賊眾由楚省房縣竄出老林已至巫山八石坪洋溪河臣等查自陝竄入川北之賊既向木門場遁逸勢必仍回陝境則川北之賊勢較輕七十五先聞通巴有賊業已移師往剿現向通南一路進發似不便令其轉回太平應將川北堵剿事宜交與七十五前往相機辦理臣等自不便以重兵俱往川北現在太平大甯巫山一帶既有賊匪自陝楚竄入刻下又以川東邊界爲重臣等卽改道由東鄉太平一路進發俟至前途確探賊蹤官兵或分或合另行熟商籌剿



諭曰張子聰為著名首惡竄擾日久今被盤獲指認屬實德楞泰等將張子聰對眾割所辦甚是看來事機已順而朕所尤欣慰者更在德楞泰等帶兵前赴川東勦辦一節昨因明亮等奏楚省藍黃白線四號賊匪竄入川省大甯其川東夔巫一帶雖經德楞泰派有副將褚大榮在彼防堵尚恐兵力較單不能攔截正深慮念因德楞泰等正在川北勦賊相距較遠未經降旨諭及已令額爾登保揀派大員酌帶兵力並將長齡所帶吉林黑龍江勁旅接管速赴大甯協勦終恐緩不及急今德楞泰等接據稟報酌量情形以川東邊界為重即改道由東鄉太平一路進發兼顧川東所見甚是深為可嘉著賞給德楞泰貂皮馬

德壯果公年譜卷十四

十六

褂一件賞給勒保烏雲豹馬褂一件以示優獎此次將張子聰擊獲之寨長捐納訓導陳希武團勇彭朝祿於該逆扮作難民求乞潛竄時能留心盤獲俾首逆早正刑誅尚屬能事陳希武著加恩以六品州同等官陞補團勇彭朝祿著加恩賞給千總如伊等情願出仕卽准其補官效用若不願當差卽賞給頂戴榮身用示鼓勵其署縣鹽大使張陳鉉雖未親自擊獲張子聰但該逆到案後卽時審鞫究出實情尚屬細心著加恩遇有應陞之缺陞用至德楞泰現已帶兵前赴川東而額爾登保所派官兵自亦接續到彼所有該處四股賊匪正可兩面夾擊乘勢截勦德楞泰等務須倍加奮勉卽在川東地方迅速勦淨斷不

可復遁入楚地一經殲獲渠魁卽行加緊馳奏必當加之重賞其張子聰手下逃散餘匪若不亟為安集輾轉潛匿恐致餘孽復萌已另降諭旨令勒保等督率地方官實力訪察妥為安頓矣

同日公偕勒保又奏言臣勒保前奉

上諭令將知州戴如煌提至軍營詳悉研鞫按律定擬具奏伏查豫楚川陝各處邪教滋事大率皆以官逼民反為詞而達州知州戴如煌尤為眾所指摘臣等前此先後來川勦賊均有所聞緣無實在確據是以未及嚴參上年臣勒保奉旨查辦遵卽徧加訪察僉稱該牧老病無能一任書差黃登彥王

德壯果公年譜卷十四

十七

國學等狐假虎威在外滋事以致民怨沸騰業經據實復奏竊思教匪起事至今四載荼毒無數生靈神人共憤如果戴如煌以查拏邪教為名勒索銀兩得有確據則係啟釁罪魁斷不敢任其輕縱適於現獲各犯內有達州人數名逐加訊問均未有被詐贓據惟李士懷則與王學禮同時起事據稱嘉慶元年秋間該犯曾經出銀二十兩與王學禮轉交總差頭王國學馬貴二人收去得免查拏是勒索已非無據查戴如煌尚在重慶並未回籍州差王國學先經被賊殺死馬貴則必有其人一面札飭重慶府石韞玉查拏戴如煌解營一面密札現在達州總理糧餉之丞



甯道陳預再行確查並拏馬貴解審去後嗣據該道稟稱  
達州上下兩班九房書辦及壯快捕阜各役原有四千餘  
名尚有戴如煌任內卯簿可稽至劉佳琦接任始行大加  
裁汰是戴如煌任內濫設衙役實已確切無疑差頭馬貴  
已於嘉慶二年病故無從傳訊其查拏邪教藉端索詐之  
處緣習教之人俱已同時入夥爲逆實在無從查考等語  
嗣據重慶府將戴如煌委員押解到營臣等親加嚴訊據  
供達州書役向係四季輪班因典吏差頭節次稟請添募  
實有四千餘名之多嘉慶元年邪教起事之先有鄉約胡  
泳言於九月十三日起州稟報戴如煌因其無據卽面斥

德壯果公年譜卷十四

九

其非並未責打是晚該鄉約又稟有製辦火繩實據當卽  
派差拏獲羅啟文李大防等數人起出軍器號片各匪因  
事已敗露旋於十五日拒捕造反質以查拏邪教訛詐銀  
兩一節堅稱乾隆五十九年係奉福康安派委茂州知州  
徐麟趾等前來查拏均經解省審辦嗣於六十年又奉孫  
士毅行知以四川邪教應俟平定苗疆再行查辦自此不  
復再拏實無得銀縱放之事惟書役人數本多在外藉端  
訛詐實恐覺察難周但身爲地方官邪教充斥不能先爲  
防範卽屬咎無可辭祇求從重治罪等語臣等又提賊匪  
李士懷與之質對該犯亦稱實在出過銀兩爲衙門使費

是否係州官收用不敢妄供查王學禮早經拏獲正法王  
國學馬貴二人又先後被戕病故此外更無可質證之人  
若以此卽坐戴如煌以貪污激變之罪不足以折服其心  
惟查該員於乾隆五十三年初到達州時因盤費不敷將  
衣服交與差頭張居式王國學等赴省變價至累差役貼  
賠經前督臣李世傑查出撤回未經參辦是該員之聲名  
到任卽屬平常又查該員現年七十八歲從前卽因年老  
多病不能辦事每逢緊要案件常調所屬東鄉新甯兩縣  
令赴州代辦今既查明該員任內書差卯簿竟有四千餘  
名之多一任伊等在外詐錢滋事釀成邪教謀逆巨案未

德壯果公年譜卷十四

九

便因其查無貪婪切實證據致有輕縱相應請

旨將戴如煌卽在達州枷號三箇月滿日發往伊犁充當苦差子  
嗣不准出仕以示懲儆

諭曰前因戴如煌老病無能任聽書差在外滋事以致民間多有  
怨言凡習教之人無不遭其索詐不能安身遂萌異志是戴如  
煌實屬激變啟釁罪魁不可不嚴加懲治因降旨命勒保提至  
軍營審辦今據德楞泰勒保訊明戴如煌雖無貪婪實據而檢  
查任內書差卯簿竟有四千餘名之多任聽藉端訛索以致達  
州教匪首先滋事未便因無索詐入已確據致有輕縱戴如煌  
著照所擬辦理以示懲儆



十一月初六日

公偕勒保奏言竊臣等於本月初七日行抵清花溪據報由陝竄來高家營內顏楊二姓之賊自太平官渡灣被兵勇擊退又從簡池壩闖入通江界內龍紹周與唐冉餘孽俱由高頭壩折竄陝境老林維時太平境內已無賊匪臣等查簡池壩距清花溪不過四站自應就近分兵先往勦辦惟楚省折回之賊在巫山大甯邊界遊奕若一入雲開向萬縣新甯等處奔逸恐腹地又遭蹂躪是以商定臣德楞泰即赴簡池壩一路進勦臣勒保取道新開邊賊西竄初十日臣德楞泰甫至通江竹峪關探知賊聞大兵前來

德壯果公年譜卷十四

三

即連夜奔回西鄉辛子山旋據通巴一帶文武稟報陝境之賊又折回數股經劉清徐廷鈺等派令縣丞職銜劉炳從九品徐若瀛帶領壯勇五百名並前在鮮大川夥內投首之王登忠鞏貴趙思朝等十八人假扮教匪模樣初四日在通江縣芝坪地方適遇楊開甲之弟楊開第一股賊匪千餘人竄來王登忠等詐稱鮮大川餘黨被官兵衝散情願歸附同行楊開第令其暫紮邊營明日點驗劉炳等恐被窺破即於三更時先令王登忠等潛入賊營到處放火各壯勇齊聲吶喊直前衝殺黑夜中賊衆驚亂奔逃自相踐踏追殺五十餘里至烏林垭時已天明因賊匪遠颺

不便再追統計殺死及跌斃賊三百餘名投出男婦周太

鼎等一百三十七名口搶獲馬騾槍礮刀矛旗幟甚多並據周太鼎等供稱楊開第尹老掌櫃俱受傷棄馬而逃偽先鋒杜星貴已被戮死當即指認屍首屬實又據署巴州田文煦稟報初六日有李炳陳朝觀股內分出賊匪至棗林地方乘夜摸樁經署州判羅德嚴把總陳安邦等帶領兵勇堵截密令前此投首之楊仕山鮮文屏等帶人於四更時混入賊隊放火賊衆驚潰殺賊三十七名撲水淹斃十餘名生擒耿貴等八名至七十五一路官兵於初五日抵南江范家山探聞楊開第一股由陝竄來被通江壯勇

德壯果公年譜卷十四

三

擊敗竄至關門子與辛聰齊國謨張添倫等股合夥七十五即連夜發兵進勦賊分兩路抵拒一在溝內埋伏一在空山嶺山腰吶喊誘敵七十五先派都司蒲佑盛等帶領兵勇進溝將伏賊搜殺殲斃五六十人繼即統領馬步隊搶上大嶺追殺三十餘里至小寨地方共計殺死及滾斃跌斃賊匪三百餘人生擒唐泳章等五十三名餘向石觀壩竄去七十五又帶兵追躡十一日戌刻抵麻柳灣賊在陳家峽屯紮相距不過十餘里正擬五更發兵詎該匪等於二更後竟分三路前來撲卡將鄉勇頭卡攻破又復圍擾副將張良槐都司蒲佑盛營盤七十五即帶兵奮力轟



擊斃賊五十餘名生擒十二名蒲佑盛左手雖受矛傷尚  
能悉力堵禦營卡得保無虞訊據活賊鍾治谷供稱係李  
炳與張添倫辛聰等商量如果此次偷營得手即赴保甯  
一路欲過嘉陵江若不能得勝仍回陝西等語七十五於  
天明後發兵追勦賊衆捨命狂奔分作兩股竄逸一由大  
小壩竄入陝境一由西河口折赴通江臣德楞泰聞信後  
卽星夜馳往截擊十五日抵平溪壩正遇李炳等一股賊  
探十餘騎奔來一見官兵卽踉蹌折竄經賽沖阿阿穆勒  
塔率領頭隊馬兵趕緊追逐箭斃二名生擒五名訊知李  
炳等因廣元南江一路官兵堵勦嚴密不能竄出保甯張

德壯果公年譜卷十四

三

辛等逆已回陝境該匪欲由通江至巴州儀隴等處竄往  
順慶可圖掠食臣德楞泰卽由梓潼廟繞出賊前十八日  
辰刻至柳林溪正值賊匪竄至我兵迎頭截住賊匪見兵  
卽逃由兩河口撲水過河官兵亦卽跟蹤躡渡趕勦一百  
二十餘里直追至西鄉之石虎壩共計斃斃賊匪二百三  
四十名淹斃者亦多生擒曹繼開等一百十三名據稱槍  
斃賊目楊總兵不知其名臣德楞泰本擬卽向陝境追去  
緣接臣勒保知會楚來之賊已由開縣遁入太平楚省既  
無兵追來自應先顧其急且川北境內現無賊匪當卽札  
會七十五令其在通南邊界扼要暫紮探明何處賊來卽

赴何處截勦臣德楞泰卽帶兵直趨於二十二日至八臺  
山後槽地方與勒保會合至臣勒保自清花溪分兵以後  
十一日趕至新甯途次接據總兵永甯託雲泰稟報湯思  
蛟劉朝選等所贖三百餘人遁入老林由紅池壩至南天  
門一帶竄遁該鎮等追至核桃壩據報後路徐家壩有楚  
省竄來大夥匪衆恐腹背受敵卽帶兵轉回初三日巳刻  
至徐家壩匪衆正在起營該鎮等卽分兵兩路追襲殺賊  
一百三四十名生擒李潮元等三十五名訊係黃白蓋三  
號及樊人傑一股合夥竄回惟線字號張姓賊目一股被  
馬兵衝斷未來該鎮等正在追趕之次又據大甯場鹽大

德壯果公年譜卷十四

三

使米喬齡專差前來告急附近鹽場之舌條嶺隘口有賊  
一股由楚竄至經都司沙念聖帶兵擊退賊又從西溪河  
竄來距場不遠必欲暫請赴場截勦該鎮等以大甯鹽場  
煙火萬家未被賊擾今賊竄將近未便置之不顧當卽密  
派參將田朝貴馬應國抽帶兵勇千名在百六溪洞口埋  
伏賊果由北竄入我兵槍石並發斃賊七八十名餘衆驚  
退卽由界嶺折回永甯等仍卽帶兵西來追勦樊逆等夥  
之賊查該匪等自大甯尖山壩竄出沙沱子經雲陽開縣  
兩處團勇截殺斃獲二三十人至十餘人不等復由羊子  
嶺大梁等處竄出十二日至開縣之大旺山正欲從臨江



市奔竄新甯至梁墊一帶滋擾適遇臣勒保帶兵趕到賊  
 卽連夜由燈草壩竄入東鄉之黃土壩我兵卽取道普光  
 寺迎截賊又折竄太平輾轉奔逃十九日永甯託雲泰之  
 兵適由溫湯井一路來至白沙河臣勒保亦到該處探知  
 賊在天池壩屯紮卽連夜分兵三路進剿該匪等恃其人  
 衆直前抵拒官兵左右衝擊相持兩時之久槍箭所到斃  
 賊六七十名並射死執旗賊目一名賊始潰遁俱奔上八  
 臺山我兵乘勝追殺直至後槽地方沿途殺死賊匪二百  
 餘名生擒廖貴等一百零四名訊據供稱白號樊人傑王  
 谷賢黃號徐萬富藍號王世虎並線字號張元帥不知其  
 名自到湖北去後在遠安地方與李大官兵打仗得勝  
 原想到荆襄一路因聞湖北新到馬兵利害不敢下去就  
 在遠安竹谿房縣一帶摸樁擄人在上龕地方忽被馬兵  
 趕來衝殺樊人傑等卽連夜逃至川境惟線字號衝斷未  
 來樊人傑等商量本要由新甯梁山一路下壩過嘉陵江  
 因到開縣觀音山聞大兵從新甯前來就翻山過東大境  
 內躲避等語當將從賊日久之張有旺等六十八名卽行  
 正法餘俱被擄訊明釋放並據署城口主簿張雲漢稟報  
 張子聰之分股餘匪李德先從陝西敗回圍攻楊家寨經  
 該主簿督率團勇擊退擒獲偽總兵汪固嘉次日追剿在

三聖寨夾溝埋伏斃賊六七十人奪獲馬牛十八頭匹又  
 徐添德一股自南溪竄入川境疊次攻撲城口之太和寨  
 並經該處團勇竭力抵禦槍斃賊匪多名仍竄過陝西漳  
 河地方臣勒保因八臺山之賊既竄後槽其勢非奔開縣  
 卽走城口正擬進兵追剿間臣德楞泰趕到接據探報徐  
 添德苟文明等有由漁渡壩竄入太平之勢正可合力馳  
 擊又據夔州文武稟報自楚竄來後股線字號賊匪已從  
 大昌竄入雲陽沙沱子地方勢必又至開境臣等現在商  
 酌如果此股亦由太平竄來正可聚而殲洗若西竄新甯  
 必須分兵截擊斷不使該匪又入川東再擾腹地致有蔓  
 延  
 同日公又奏言竊臣於竹谿關營次奉到十月初二日  
 諭旨並蒙  
 頒賞祀  
 神糕一分奶餅一匣跪誦祇領感悚難名除將  
 恩賞分頒會同勒保另摺叩謝  
 天恩外伏念臣當兵出身毫無知識仰蒙  
 高宗純皇帝不次擢用復荷  
 皇上矜全教誨任至參贊將軍極人臣罕觀之遭逢皆犬馬難圖  
 之報稱乃自統兵剿賊以來臣遠在軍營前歲

德皇果公年譜卷十四

三

德皇果公年譜卷十四

三



純廟上賓鼎湖龍馭攀號無從復未能迅奏膚功早慰味批朕不能早慰  
在天之靈仰酬皇考在天之靈誠為不孝汝與勒保亦難免不忠之罪

聖主之澤撫衷循首負咎實深每維祇謁

山陵趨覲

帝闕均係臣刻不容緩之隱私茲沐

鴻慈體郵

訓示殷肫跪捧

恩綸涕泗並下當傳集闔營將士敬將我

皇上教孝教忠之至意明白宣喻自將領以至兵勇靡不同深感

動泣下交頤竊此次辦理軍務一切緊要機宜皆蒙

德壯果公年譜卷十四

三

睿慮預籌詳晰指示俾臣等咸知遵守用能改積習而勵軍心以

刻下軍務情形而論洵屬大有起色本無掣肘之事又安

有窒礙難言之隱乃荷

淵懷垂詢飭令據實直陳臣益不禁欽佩感服之至查川楚陝三

省賊匪奔竄靡常自夏秋以來經各路官兵悉力殲除十

去六七此時股數雖多但俱係敗殘餘孽勢皆窮蹙臣早

與額爾登保札商自以全數遁入川境為正辦現在楚境

之賊俱已入川味批甚是該省業經無賊正須全力責以堵禦臣已

飛咨姜晟倭什布務於川陝交界地方扼要嚴防毋任東

竄至陝境即日肅清之後想額爾登保自必將該省守禦

事宜布置周密再行來川督辦維時川境又添各路征兵

專司勦辦更易為力查刻下川省現有征防兵勇共二萬

餘名出敵者祇有萬餘昨接額爾登保咨會將阿哈保一

路現帶官兵二千有奇撥令回川並挑撥甘肅營馬數百

匹前來足資濟用況陝楚賊匪既須全遁入川是陝楚兩

省重味批是在堵而不在勦味批文兼川省重在勦而不在堵且查自廣元

以至巫山凡與陝楚交界之處縣互二千餘里本不能處

處設防多則徒費兵力少則更不濟事惟嘉陵江西岸必

須添設兵勇邊其西竄至味批甚是現與勒保在太平一帶籌勦

川東邊界之賊恐該匪等被勦情急又復東竄官兵勢難

德壯果公年譜卷十四

三

抄前迎截查明亮一路之兵現奉

諭旨飭令赴川協勦刻下尚未入境自係該省防堵事宜尚須會

同料理臣現已咨會先將前撥李紹祖帶去兵勇三千餘

名撥出派員由大甯一路管帶前來即可就近迎截惟念

陝楚之賊分遁入川陝楚之兵均必跟蹤追勦糧餉亟須

豫籌查川省糧運事宜辦理本覺安速現經勒保督率州

縣臺站源源儲備並於各寨洞預為存貯官兵隨到隨供

從無缺誤即或深入老林寨洞希少不能處處充盈尚可

設法籌辦惟餉銀缺乏時形掣肘刻下川省軍需除兵勇

月餉運糧腳價等項之外實無絲毫浮費但需用既多勢



難拖欠現聞司庫並無存銀先經勒保奏請

賞撥白邊

孫批已撥六十萬矣

聖慈鑒察第念此後賊聚於川大兵雲集萬一餉用不敷當此功

虧一簣之時未免可慮緣蒙

垂詢用敢據實直陳臣具有天良惟知勉力帶兵殺賊現與額爾

登保交相勸勉儘力將川陝境內之賊務於年內將大局

辦完即有一二未盡餘氛尚須搜捕並酌辦善後等事總

當於明春趕赴

闕廷瞻觀

天顏並於四月間隨侍

德壯果公年譜卷十四

天

聖駕叩謁

裕陵庶遂依戀微忱斷不敢稍有遷延自取罪戾

殊批勉力辦理切勿空言塞責

又

諭曰據稱德楞泰由簡池壩一路進剿勒保由新開一路進剿伊

二人分辦之處朕早已料及但既經分路何難各行具奏乃必

俟伊二人會合後始聯銜奏報以致遲延二十日之久不特朕

盼望殷切即內外廷臣亦俱傳為詫異況本年春間有賊匪偷

渡嘉陵江之事今奏報遲遲易啟猜疑伊二人何不曉事若此

至另摺所稱各路兵勇分投堵剿陝楚竄來匪眾不令闌入腹

地並咨會姜晟倭什布等於川陝交界扼要嚴防及嘉陵江添

設兵勇遏賊西竄所辦俱是但德楞泰等既知與額爾登保札

商將賊匪逼入川境為正辦何以張辛等逆又令其竄回陝境

耶又所稱陝楚兩省重在堵而不在剿所論甚是至川省重在

剿而不在堵之語尚未盡善川省各股賊匪自應痛加剿殺但

亦須邊界要隘防堵嚴密賊匪無從竄近腹地漸逼漸緊方可

剷除淨盡豈可令其在境散漫是川省固重在剿而亦兼在堵

摺內已用硃筆改正至劉炳徐若瀛羅德嚴陳安邦張雲漢及

投出之楊仕山鮮文屏王登忠等誘賊出力著德楞泰先行存

記俟再有出力即請加恩都司蒲佑盛手受矛傷尚能奮勇堵

德壯果公年譜卷十四

天

禦不令衝破營卡甚為出力著以應陞之缺陞用川省軍餉又

已撥給成功在即軍需自較增添朕必當豫為籌計不待伊等

奏請但須樽節支用不可稍有糜費亦不得過事苛刻致兵丁

多有苦累並著遵照前旨將剿賊情形隨時具奏以慰廬注

十七日

公偕勒保奏言查黃藍白三號及樊人傑一股賊匪自經

官兵於八臺山剿敗之後忽分數股向水古壩千江河白

果壩王家壩甘龍礮等處老林內四散奔竄其意總欲在

萬山之中牽綴官兵臣正擬分兵截擊緣後路漁渡壩據

報有徐添德苟文明自陝竄至而由楚竄來後股線字號



賊匪已從沙沱子闖入開境又將擾及川東腹地必須先為兼顧臣等當派賽冲阿永甯帶兵兩路先行進山追剿樊逆等股臣德楞泰由馬鬣嶺一路迎剿漁渡壩竄來之賊臣勒保由七里溝一路探剿沙沱子之賊均於二十四日先後發兵二十六日臣德楞泰至馬鬣嶺探知陝來賊匪正在諸葛壩一帶滋擾即分兵三路截擊詎賊聞兵至連夜翻瑪瑙山竄遁我兵僅追及賊尾殲斃三四十名擒獲伍日美等二三十名訊知此股並非苟徐二逆乃係楊開甲符日明夥內勦贖餘孽賊目楊奉朝伍總兵帶有七八百人向在西鄉鹽場關遊奕近聞徐添德要回四川遂假充該逆名號來至太平境內臣德楞泰因目下賊氛潰散無論著名與不著名之賊總須一律辦完當即督兵追躡二十九日追至大竹河地方正值匪眾躡淺過河隨督溫春阿穆勒塔色爾滾馬瑜等帶領馬步官兵儘力追趕該匪捨命狂奔殲斃並淹斃二百數十名生擒男婦黃連秀韓嚴氏等一百十七名口餘匪遁入黃草梁老林當據稟報賽冲阿一路官兵於水古壩地方遇見黃號徐萬富一股殺斃賊匪一百三十三名生擒吳以福等四十五名永甯一路官兵於邱家灣地方遇見王世虎分出夥黨數百人圍攻該處寨洞該鎮帶兵擊退斃賊七八十名生擒

德壯果公年譜卷一四

三

曾廷桂等七十四名臣勒保於二十七日至七里溝探知線字號股匪由長店房竄來並未敢至開縣大道係翻雪泡山向雞鳴寺一路奔逸臣勒保即連夜督同薛大烈花品等由大灘口倍道抄出賊前迎擊二十八日未刻至漢場河正值賊眾竄來一見官兵竟敢占住山梁吶喊抵敵我兵奮勇直上槍斃執旗賊目並馬步賊十餘名餘眾潰遁向明通井王家壩一路狂奔我兵追殺四十餘里沿途斃賊一百餘名生擒李玉潮等八十六名訊知此股首逆係張金蓮與線字號餘匪共有千餘人自湖北竄來找尋樊人傑等前股之賊現欲奔赴城口一帶合夥等語臣等連日在太平境內分路督兵打仗統計殺賊六百餘名生擒三百四十五名搶獲賊旗槍矛三百十八件牛馬一百三十餘頭匹現獲之賊均各訊明將從賊日久之黃連秀等二百一十一名即行正法餘俱被擄未久各給銀米路票省釋又七十五一路官兵先經臣德楞泰令其在通南邊界扼要暫紮嗣據報稱十月十七日有楊開第及李炳股內之賊竄至瓦子坪該提督即於十八日督兵前往截擊該匪恃眾抵拒經三路官兵奮力痛殲直追至南鄭境內花石梁地方殺死偽總兵張子訓田倬並夥賊二百餘名生擒孫開榜等七十三名搶獲刀矛旗幟二百三十餘件

德壯果公年譜卷一四

三



續據報稱該匪等在梅子壩經陝省官兵截回由靈官塘  
竄至廣元大桃樹壩七十五恐其奔竄保甯現已帶兵馳  
往截擊<sub>臣</sub>等因大平境內之賊日來被勦情急俱零星竄  
向東北城口奔逸該處俱係老林在在與陝省安康紫陽  
連界並通大甯開縣等處若以重兵前往追勦不特老林  
以內糧運維艱且恐驅之入陝然亦未便任其在山內遊  
奕是以<sub>臣</sub>等相約移營至白果壩地方會同籌畫<sub>臣</sub>德楞  
泰即統領馬步兵直趨城口偵探賊蹤如果有逸入陝  
境之賊聞經畧額爾登保現在斑鳩關一帶相距非遙正  
可約會兩面夾擊儻額爾登保已移師遠去<sub>臣</sub>德楞泰亦

德楞泰奏

三

當設法兜截回川老林路徑險窄兵力難以施展總當驅  
之出山至太平開縣境內痛加勦殺自易為力至<sub>臣</sub>勒保  
因城口為川陝兩省交界賊匪出沒之所向無存糧均須  
由太平運往刻下餉銀未到各州縣運腳大半拖欠夫騾  
裹足不前大兵一進城口斷難枵腹從事是以暫在後路  
太平官塘灣一帶駐紮督率總理糧餉及地方臺站各員  
將夫騾等項雇備齊全並設法籌措餉銀現已飛飭司道  
於省城重慶達州三處向商民暫借銀數萬兩並咨商陝  
楚兩省就近酌借俟粵餉及續撥餉銀經過陝楚時即行  
截還以期早日應用並商定俟<sub>臣</sub>德楞泰到城口後擬派

總兵託雲泰帶領兵勇二千名在渡口場一路駐守以杜  
賊匪折竄老林之路惟因現帶之兵不敷分撥查副將褚  
大榮前令其在夔巫一路堵禦該處地勢散漫斷非千餘  
兵勇所能濟事况此時陝楚之賊方思遁入川境夔巫境  
內似不必設兵嚴防已令褚大榮即由大甯取道核桃壩  
一路來至城口儻有散賊潛匿老林可資搜捕<sub>臣</sub>勒保一  
面酌留兵力暫駐太平後路籌辦糧運並策應諸路川北  
一帶現有七十五在彼何處有賊即往何處截擊并令督  
辦江防不致稍有疎懈

德楞泰奏

三

諭曰此次賽冲阿永甯先行帶兵追勦樊逆等股德楞泰復與勒  
保分路截勦漁壩沙沱子兩股賊匪在大竹河漢場河地方  
各奮力追勦俱有斬獲共殲賊六百餘名生擒三百四十餘名  
其七十五一路亦有殲擒所辦甚好至巫夔一帶既去賊蹤較  
遠自應將原駐之員移向要隘處所實力防堵惟所稱太平境  
內之賊被勦情急俱向東北城口一帶奔竄該處俱係老林自  
當驅之出山以便合力勦辦但必須設法逼攻使賊匪無可容  
身方可乘其散出截殺淨盡若僅託之空言與賊相持再閱旬  
日德楞泰又必以正值冰雪難以進兵為詞而勒保或以糧  
餉不繼駐劄籌辦互相藉口是驅令出山籌辦糧餉二語竟欲  
為年內展限地步似此怠惰因循恐難辭罪德楞泰勒保務須



各知奮勵逼賊出山痛加勦殺使糧運源源接濟毋再延緩

二十六日

諭曰據長麟等奏川省各股賊匪竄近陝境經長麟慶成督率兵勇或扼要堵截或迎頭擊勦將匪衆逼回川境邊界而冉添元樊人傑大股夥匪搶渡過江者有千餘人是川境腹地尙有何賊德楞泰勒保自十七日奏截勦漁渡壩沙陀子兩股賊匪後至今未見續有奏報未知現在何處勦賊此時正關緊要豈可任意玩延所有川省邊界折回竄匪務當設法兜截勿令滋蔓至軍營打仗兵丁最爲辛苦上年松筠在陝甘時曾自請捐廉製備衣履賞給兵丁近來未見各督撫奏請捐賞當此冰雪源

德壯果公年譜卷十四

四

寒之候兵丁等從征日久衣履恐有不全殊深慮念前經撥給該省銀六十萬兩著於此項內提出銀一萬兩傳旨賞給兵丁爲寒冬添補衣履之用俾三軍咸知感奮以期一鼓集事德楞泰勒保務當遴派隨營文員實心經理並將動支數目造冊報部查核令兵丁等均沾實惠

十二月初一日

公奏言竊臣前在太平白果壩與勒保會同籌勦勒保暫回太平臣即帶兵直趨城口進發十一月初八日行至平壩三灣接據署城口主簿張雲漢稟報該處賊匪聞大兵前來又被團勇截殺已經遠遁現在城口地方已無賊股

滋擾因思城口地居萬山之中爲太平紫陽平利大甯四

邑往來適中要隘歷年以來各逆藉爲藏身之藪現當賊

勢萬分窮蹙之際若無兵駐防則各匪往來屯踞其間而

兵至賊去兵去賊來殊多窒礙當合總兵託雲泰等帶兵

勇三千名在彼擇要擊營以杜賊匪竄陝之路並可搜勦

山內餘匪正在哨探賊蹤間接長麟移稱據南鄭城固西

鄉等縣稟報前在花石梁螞蝗溝鍾家溝旗桿山細辛壩

等處竄擾各匪均已先後逼出陝境但仍在界嶺一帶老

林內遊奕尙未遠去又接提臣七十五來信以現在川北

賊匪時欲窺伺廣元蒼溪一帶江岸賊衆兵單恐難兼顧

德壯果公年譜卷十四

三

各等情查太平山內各逆業已遠颺自不便遠涉城口

致疲兵力且川北已有數股賊匪尤應先其所急况邊界

老林之賊未便令其盤踞自應逼令入川亟爲勦辦但我

兵若由太平大道直赴川北又恐邊界之賊聞風入陝

遂由西鄉之漁渡壩簡池壩等處邊境行走繞出賊之北

面逼賊南向十八日趕抵南江之舊城探得楊開甲等三

姓餘黨並李炳陳朝觀兩股合夥每股數百人千餘人不

等約共三四千人聞我兵由東北而來不敢零星散處合

爲一股由廣元蒼溪境內走南江之元潭子巴州之南壩

場華溪寺一路向東奔逃七十五因廣元旺蒼壩等處尙



須搜捕零匪且可就近防顧江岸未便遽行移動臣又撥給兵一千名卽令其仍在蒼廣南巴一帶擇要駐守搜捕餘匪可以照應江岸並邊該匪由川北竄陝之路臣卽帶兵星夜前進查楊陳李等各逆業已東走非竄東達雲開卽去通江太平勒保因聞賊有東趨之信已由太平趕至東鄉臣卽札致勒保由東鄉探迎截擊臣帶兵卽自西北而東正可收兩面夾攻之效務期將此股賊匪卽於川境內趕緊掃除斷不令其復又他竄頃又接據張雲漢稟報太平接壤陝境之修溪壩高觀寺等處又有賊匪滋擾不知首逆姓名現已稟明託雲泰各等語查太平山內團勇素爲得力現又添駐官兵聲威更盛當已飛札託雲泰等會同張雲漢多集該處團勇分投堵剿務須就地掃除否則亦當逼入川境總不可令其再行折陝現在各逆無非敗殘餘匪自知罪惡貫盈滅亡在卽見兵卽逃惟以狂奔爲苟延殘喘之計臣旬餘以來自東北而西南西鄉邊界一帶並無賊匪未得接仗憤懣焦急茲已幸得將各匪逼令夥聚東竄惟有趕緊剿除萬不敢稍予以暇自取遷延之咎

諭曰德楞泰半月以來未有奏報日深慮念嗣據勒保奏德楞泰統師進山節據探報賊匪在川陝邊界老林輾轉奔逃德楞泰

派令總兵託雲泰駐防城口卽自帶馬步官兵深入陝境追躡嗣在西鄉地方有賊乘夜偷撲營盤當卽督兵擊退大獲勝仗等語方以德楞泰捷報當已在途或因棧道阻滯尤深盼切乃閱本日奏報不但未獲勝仗且往來奔逐竟未與賊接仗其所稱由西鄉邊境行走繞截賊匪逼令夥聚東竄之處不過敷衍空言且摺內祇稱楊開甲等餘匪及李炳陳朝觀兩股現在東竄而於黃白藍線各股匪絕不提及看來德楞泰於此等大股賊匪並不能實力攔截縱令竄出川境不過以截回小股支吾搪塞又憚於赴陝惟藉稱川賊未經剿淨留爲跼地涉或伊在西鄉於賊劫營時竟至挫折失利未敢據實奏出而勒保輒以德楞泰奮力擊退大獲勝仗具奏若非勒保探報不實卽係德楞泰有意隱瞞思掩其挫勦之咎以致伊二人前後所奏互相矛盾二者必居一於此德楞泰勒保均著傳旨申飭並著將因何奏報不符之處各行明白回奏

初六日

諭曰楊開第等均係小股有勒保七十五在川一督一提繼剿辦其黃白藍線等大股德楞泰既不能在川剿盡卽當跟蹤赴陝幫同勒保捕方爲無分畛域乃德楞泰心存諉卸竟將大股賊衆委之陝省以致賊匪竄至漢江北岸額爾登保不能不移兵赴剿近又會合再舉勝等欲向商州一帶奔竄陝境宿兵爲所

德聖果公年譜卷十四

奏

德聖果公年譜卷十四

三



率綴假令黃白藍線不通入陝省則額爾登保在漢江南岸督  
勦徐添德等卽不能乘間竄楚是一年以來勦賊將有頭緒又  
因德楞泰等堵賊不力致全局又形散漫德楞泰勒保縱賊之  
罪實無可辭德楞泰係一等子本應斥革姑念今春在嘉陵江  
以西勦賊尙爲出力著加恩降爲一等男稍示薄懲勒保前經  
賞給二品頂帶亦著降爲四品頂戴暫留川督之任以觀後效  
德楞泰接奉此旨如楊開第等小股已經勦淨德楞泰卽速赴  
陝勦辦漢江南岸之賊若川境零星小股尙未辦竣亦卽交勒  
保七十五二人上緊勦捕漢江南岸賊匪高三馬五二逆最爲  
兇悍德楞泰帶兵到陝如此股賊匪尙在該處屯聚德楞泰卽  
應奮力勦殺務將此股迅速殲除若高馬等股有投踵入楚之  
勢德楞泰應權其輕重帶兵赴楚會同倭什布等勦賊如果將  
徐添德等逆迅速勦除尙當格外加恩若又令竄回陝境再有  
蔓延恐不能當此重罪

初九日

公借勒保奏言竊臣前在西鄉邊境通賊入川因探知楊  
開第李炳等五股匪衆合爲一夥向巴州南坪場一帶東  
奔當卽督兵星夜追勦臣勒保亦探知此股賊匪人數衆  
多亟須迎頭攔截適將劉朝選股內勦贖餘匪辦完亦卽  
帶兵追擊查此夥賊匪自甯羌廣元南江直竄巴州沿途

德壯果八年譜卷十四

天

並不殺人放火行走甚速臣德楞泰連日緊追雖將落後  
賊匪及逃出難民殲獲百餘名而其大夥亡命狂奔正慮  
前無攔截適臣勒保於二十七日行抵渠縣余家壩探知  
賊至佛樓寺地方係走營渠大道當卽派令總兵薛大烈  
副將張績俊星額等帶兵由復興場右手壓梁而進臣督  
同阿哈保甯侍衛花品莫爾歡保塔什拉並副將唐朝  
臣田朝貴參將羅聲皋等直趨佛樓寺大路均於四更發  
兵黎明將到安仁溪正遇賊匪探馬七八十騎步賊數十  
人歌唱而來薛大烈在山梁瞥見讓令過去旋即帶兵下  
山截住適臣與阿哈保前隊馬兵趕到該匪等始猶衝突

德壯果八年譜卷十四

天

繼見官兵勢衆卽折身奔逃我兵長驅追逐薛大烈亦卽  
迎截前來當將此起賊探立時擒殺淨盡臣勒保因該匪  
等大隊在後旣無賊探報信必不知前有官兵正可出其  
不意痛加截殺惟令各官兵掩旗疾走行未數里至騎龍  
寨亞口見對面山梁賊衆紛紛而下一見官兵卽搖旗吶  
喊放槍抵敵我兵槍礮齊發奮力下壓將山溝賊匪殲斃  
數十人餘皆奔上山梁悉力抗拒阿哈保薛大烈甯甯帶  
領馬步官兵不避槍石首先槍上大梁射死執旗騎馬賊  
目二名殺賊十餘名餘衆大潰追過大山數重自渠縣安  
仁溪至巴州之兩臺山約行一百二三十里時已昏黑沿



途殺斃並跌巖身死者約有一千四百名生擒七百七十三名凡經過之雷成寨插旗山九嶺寨等處團勇均下寨幫同截堵悉聽其搶獲牛馬行李包裹無算歡聲動地官兵奪獲大礮一箇槍矛器械三百八十六件大小賊旗二十八面驃馬牛四百五十五頭匹均經分賞出力兵勇於活賊內訊出黃號齊家營股內偽總兵熊魁元藍號李炳股內偽先鋒苟文忠探馬頭陳國才白號楊開第顏勝可魏棒棒股內探馬頭何才龍升張永富等六名並於賊屍內認出藍白兩號旗首楊元左有貴探馬頭陳宗可方得中等四名臣勒保一面審辦現獲各犯一面派兵搜山

德壯果公年譜卷十四

四

當令阿哈保薛大烈挑帶馬步兵卽行追躡該匪等經此痛勦亡命而奔竟連夜翻山向儀隴境內竄逸臣德楞泰是夜至靈岡寺聞臣勒保一路已將賊衆截住得有勝仗並探知賊匪蹤跡在水沘溪一帶相距不過二三十里恐賊知覺隨紮營低窪山坳並傳令夜間不許舉火查該處道路分歧因分兵兩路於二十九日寅刻進發溫春阿穆勒塔色爾滾帶領侍衛阿納保蘇爾紳總管富登阿副將蒲尙佐參將李應貴等督率馬步兵勇由右手水沘溪前進天甫黎明抵走馬坪卽趕上賊尾遙見賊衆蟻聚趨行我兵直前勦殺斃賊十餘名該匪大夥竟敢占踞大壩

口搖旗吶喊放槍拋石捨死抵敵溫春等當令步兵在前仰攻馬隊由山溝繞出賊後奮勇夾擊賊見前後皆兵立形慌亂我兵乘勢搶上斃賊百餘名侍衛蘇爾紳帶索倫兵數名衝入賊隊連斃馬賊十數名復有騎馬賊數人持矛直撲蘇爾紳身受矛傷幸不甚重當經色爾滾等督兵衝射賊始退卻馬步兵奮力趕追沿途斃賊百餘人餘賊向儀隴觀音河遁逸維時臣德楞泰正督率賽冲阿馬瑜侍衛富僧德達爾精阿慶昌副將達自祥參將唐玉龍等由梨山場趕抵觀音河當卽迎頭截勦斃賊二百餘人將賊衆截爲二段前後亂竄溫春等帶兵向玉青山追趕

德壯果公年譜卷十四

四

臣德楞泰督率大隊向官陞寨緊追遙見分有一股約百餘人遁入寨下深溝當令侍衛達勒精阿慶昌遊擊馬文斌帶兵進溝查此溝祇有上寨一線之路寨勇用礮轟擊不敢直前我兵由溝內直入生擒楊昌壽等三十七名其餘賊匪一百十三名盡數殄戮據楊昌壽等指稱首逆齊國謨已被殺死當卽割取首級呈驗至臣德楞泰與溫春等追躡兩股賊匪至高山旺地方仍合爲一路我兵協力圍圍箭射矛戳立斃賊匪四百餘名生擒藍號李炳之子李朝坤賊營內稱少元帥白號偽總兵王得江陳文及楊開第之師余國明副元帥馮中謙並旗首再添福岳興才



米勤王仕恆探馬頭蘭鳳林尹廷華楊昌年餘匪郭萃並  
難民趙惟芳張袁氏等八百二名口搶獲槍矛器械馬騾  
甚多至首逆楊開第被官兵於觀音河截斷祇帶百餘人  
向柏林場潛逃適臣勒保先派阿哈保薛大烈帶兵追來  
該匪等一見又復折竄我兵盡力窮追殺斃六十餘名生  
擒王匡士等四十五名該犯等僉稱楊開第先受箭傷繼  
被眾兵亂矛戳斃當於各屍內指認確實割取首級呈獻  
臣勒保並令熊魁元等逐一辨認皆稱實係楊元帥無疑  
臣勒保隨即督兵趕至臣德楞泰軍營會同查訊兩路官  
兵現獲各犯僉供此起匪眾係藍號之李炳陳朝觀白號

德壯果公年譜卷十四

聖

之楊開第顏勝可張士龍魏棒黃號之齊國模等股兩  
月來總在南江廣元甯羌沔縣等州縣邊境山林遊奕因  
陝西棧道有兵防禦不能竄去川東川北圍寨嚴緊無可  
擄掠想要聚集各股人眾渡過嘉陵江到川西霸過年陸  
續共湊有八千餘人探聞臣等兩路官兵均在太平邊界  
已過陝西境內祇有七十五在廣元一帶駐劄各首逆相  
商若由廣昭一帶竄渡恐七十五帶兵追截莫若分出李  
炳楊開第顏勝可魏棒齊國模等五千餘人直奔川東  
仍向定遠合州一帶過江陳朝觀張士龍帶領三千餘人  
暫在廣元甯羌邊界往來牽制迨七十五知有大夥東奔

帶兵追趕陳朝觀等即乘間或渡白水河或過嘉陵江使  
其兩處不能兼顧不料行至安仁溪忽有大兵到來攔住  
截殺次日逃在儀隴境內又被官兵分路衝殺通共損傷  
三四千人今所贖不過千名楊開第齊國模兩人首級我  
們已經認驗屬實至李炳顏勝可魏棒等祇帶數百人  
先走其餘零星散竄想不是躲進老山仍是歸入陳朝觀  
夥內等語當將熊魁元李朝坤大小賊目十八名全行戮  
割示眾又襄陽老教匪朱雨等一百七十五名從賊日久  
之何有玉等五百六十三名即行正法被脅難民趙惟芳  
張袁氏等九百零二名口其中陝甘人甚多均交總理道

德壯果公年譜卷十四

聖

嚴士鉉石作瑞酌發銀米就近發交地方官給票遣令回  
籍安插臣等伏查齊王氏餘黨係伊姪齊國模為帥楊開  
第自伊兄楊開甲被戮後即自立為帥總在川陝邊界往  
來滋擾均係著名首逆日久稽誅今幸仰仗  
天威連斃二逆實足以快人心而彰  
國法現據報李炳等餘匪向恩陽河營口兩處分竄臣等  
亦即督兵馳往追剿務將此起敗殘餘孽併力殲除再行  
籌勦南廣邊境之賊並知會七十五即在廣元一帶願住  
江岸將賊截赴南巴境內以便臣等儘力勦辦可冀剋期  
肅事此次兩路打仗兵勇僅傷亡數人另行咨部



公偕勒保又奏言臣等欽奉

諭旨飭令將辦理川省軍務究竟年內是否可以肅

功之處據實速奏伏念臣等沐

恩昇以勦賊重任日久未能蕪事實無顏仰對

聖慈前因川境腹地肅清而陝楚竄匪均遁入邊境老林若不設

法兜回斷無株守邊隘待賊竄川再行勦辦之理是以商

定臣德楞泰帶兵赴川陝邊界逼賊向西臣勒保即在山

外截擊斷不敢稍存畛域之見僅以驅出川境爲了事今

因楊開第等各股竄匪分夥欲竄過江當卽分投兜截斬

擒三四大獲勝仗併將首逆楊開第齊國謨殲斃事

德世果公年譜卷十四

蜀

機極爲順利祇有李炳等敗殘餘匪向北折竄現在分路

追躡可冀剋日殲除至陳朝觀等股尚在廣元境內現催

七十五上緊勦辦縱未能立時辦完必當逼賊竄陝逼令

東來庶勦辦更易爲得力就目下川省軍情而論將此數

股餘匪趕緊辦竣年內原可肅清但川楚陝三省同辦一

事縱使川省無賊而陝楚境內或未一律蕩平均係臣等

未竟之事是以臣等會商原盼陝楚之賊全數入川可冀

併力痛勦若此後陝楚之賊竟不竄來則祇有此川北境

內賊匪臣等務於年內趕辦全完將邊陲事宜會商料理

妥當臣勒保與七十五祇可在本省勦堵臣德楞泰即移

師入陝會同額爾登保合力辦理斷不敢稍有因循自取

咎戾至節次打仗所獲被擄民人甚多臣等仰體

聖主如天好生之德各給銀米路票省釋均係隨營道員嚴士鏞

石作瑞二人督同委員審訊明確每起各給

盛世良民黃旗一面派令妥弁管押赴附近州縣交地方官

查明籍貫逐程遞送回籍各州縣均有經過收管報案冊

籍可查到籍後俱令查照臣勒保前在經畧任內奏定章

程妥爲安頓

諭曰楊開第齊國謨在川陝邊界往來滋擾日久稽誅今經德楞

泰勒保督率官兵分路截殺先後共殺賊三千餘名生擒七八

德世果公年譜卷十四

蜀

百名殲戮首逆楊開第齊國謨並擒獲偽總兵先鋒賊目多名

所辦甚屬可嘉前因德楞泰勒保將黃白藍線四號之賊縱令

竄陝是以降旨將德楞泰降爲一等男勒保降爲四品頂戴以

示薄懲令德楞泰等擊勦川北境內各股竄匪大獲勝仗殲厥

渠魁德楞泰著加恩賞給三等子勒保賞給三品頂戴并各賞

御書福字一箇普迓春禧所有打仗奮勇之阿哈保薛大烈承

甯俱著交部議敘侍衛蘇爾紳帶索倫兵數名衝入賊隊射死

馬賊十數名身受矛傷甚爲出力著德楞泰等查明蘇爾紳如

係一二等侍衛即著陞一等示獎如已係頭等侍衛即著奏明

交部議敘至川省竄匪經此番痛勦勢已潰散爲數無多德楞



泰本係參贊應即遵照前旨速赴陝楚剿賊其應赴何路朕亦不為懸定德楞泰威名素著且川省大獲勝仗各處賊匪自必聞風喪膽德楞泰惟當察探賊情何處緊要即赴何處奮力剿辦迅奏捷音更膺懋賞其川省剿贖餘匪即交勒保與七十五等併力搜捕務須乘賊匪潰敗迅速殲除一俟川匪剿淨勒保即籌辦善後事宜並督率將弁仍在邊界嚴防不必以越境兜擊他處賊匪為事但有竄入邊界之賊勒保惟當督率官兵實力剿殺即於川境辦竣勿任賊匪復行他竄

恭錄

御製詩

德壯果公年譜卷十四

望

參贊德楞泰總督勒保奏報兩路官兵痛剿川北逆匪三  
四千名並殲斃首逆楊開第齊國謨詩誌感慰

川北餘邪聚八千妄思搶掠蜀江邊雄師合力刀矛奮小醜駢  
誅溝壑填據德楞泰勒保奏報德楞泰在西鄉邊境逼賊入川  
知賊蹤由渠縣迎勦十一月二十七日將到安仁溪先將賊探  
七八十名擒殺無遺隨督兵疾走迎截至騎龍壩口見有賊寨  
各將領奮力勦殺潰散奔竄追至巴州之兩臺山沿途殺賊  
一千四百五十五名生擒七百餘名向有各寨團勇幫同堵禦德  
楞泰於二十九日追至官陞寨知勒保已得勝仗將折賊之賊  
於高山旺地方勦殺四百餘名生擒藍號李炳之子李朝坤楊  
開第之師余國明等又擒獲溝內藏匿之楊昌壽等三十七名  
餘賊盡數殄戮勒保德楞泰會同查訊獲犯金供稱楊開第係  
楊開甲之弟受箭傷後被牙賊斃齊國謨係齊王氏之姪已被  
官兵殺死當經指認確實餘賊不過千名現在追勦以冀指日  
肅清雖幸楊開第國彰憲典亟籌高馬二馬五伏戈鋌屢被勦殺

高二已分竄入楚境馬五尚在陝楚之交現籌截勦俟捷音  
天赦禍結兵連已五年

十九日

公偕勒保奏言臣等前於渠縣之安仁溪兩臺山並儀隴  
之走馬坪觀音河等處兩次痛剿楊開第李炳顏勝可齊  
國謨魏棒棒等各股賊匪殲斃首逆楊開第齊國謨並擒  
獲賊匪三四千人李炳等率敗殘餘黨一千人向巴州恩  
陽河折竄臣等於初一日探得賊匪分為兩股一由閬中  
之龍山一由巴州之南垓場奔逃臣德楞泰取道魚溪過  
街樓等處追勦龍山一路之賊初三日趕抵該處賊已西

德壯果公年譜卷十四

望

竄行走甚速隨取捷徑兼程趕往迎截初六日抄出賊子  
竄趕上賊尾該匪一見官兵亡命狂奔賽沖阿温春阿穆  
勒塔色爾滾馬瑜等帶馬隊馳追殄斃步賊二百餘名生  
擒王貴等八十三名該逆等遂連夜翻山奔逃訊據王貴  
等供稱此股係李楊二逆餘黨李炳被勦情急有要進老  
山與另股合夥之語查獲賊王貴陳士禮等五十四名訊  
係老教戰手均即正法其餘范祿等二十九名訊係新擄  
難民即按名給發路票銀米遞回原籍妥為安置臣德楞  
泰仍即緊躡追勦臣勒保由營口興龍場一路取道南垓  
場途次巴州之龍角寨登高寨據寨首杜國學楊宗聖等



來營稟稱昨賊過山下經團勇截殺尾賊三十一名擊獲活賊孫慶等十七名押解前來訊明俱係從賊日久逆匪均已一概正法素首杜國學等已賞給銀牌面加獎勵旋由華溪寺趕至通江之烏林垵正值賊匪在山坳內炊飯阿哈保薛大烈永甯等帶領馬步兵直前剿殺該匪等登時紛紛潰散當斃賊匪百餘名搜擒馮中坤各犯亦即訊明辦理計兩路賊匪除疊次擒殄並沿途逃散外現在所贖不過六七百人旋探各逆狼狽已極日夜狂奔均至南江縣之乾溪合爲一股向平河北竄有入廣元甯羌老山之勢臣德楞泰於初九日趕至乾溪口臣勒保亦於是

德壯果公年譜卷十四

吳

日由塘房壩前來兩路官兵會合適接准提臣七十五來信廣元李家壩兩河口現有陝省竄來賊匪一股滋擾已派撥都司田中桂帶兵五百名兼程前赴廣元與副將永甯會同嚴堵又有一股賊匪在廣元銀磨壩一帶屯聚約二三千人初二日分兵兩路進剿派侍衛武隆阿營長傅森額等帶兵由乾龍洞左手山梁出銀磨壩截其東北竄陝之路七十五督同副將張良槐等帶兵由覽石窩截其西竄五郎廟之路武隆阿傅森額等馳抵銀磨壩時雪霧交作趕上賊匪立殺百餘名擒獲劉正等二十九名追殺三十餘里賊向柘壩河竄走七十五一路行至三溪寺即

有賊數百人前來當即督兵剿殺雲騎尉德克登額守備張君泰首先衝入賊遂敗潰順溝奔上右手大山正在攻搶間忽見柘壩河溝內突有賊匪抄來七十五督率將弁兵勇分投力敵槍箭齊發擊斃馬賊三名步賊十數名雪霧愈大山上之賊見溝內賊至又復下壓守備張君泰把總張恩錫額外副前鋒校倭仁額藍翎長阿林泰殺賊數名均力戰陣亡適武隆阿追賊趕來併力剿殺賊即敗向茶店壩逃去訊據獲賊劉正供稱此股賊匪元帥係辛聰約有二千餘人由陝西七眼洞來川要在老山裏躲兵不料又遇官兵打敗等語即於訊明後分別辦理惟雲騎尉

德壯果公年譜卷十四

吳

德克登額身受矛傷腿受石傷各一處額外前鋒校廣太腿受石傷一處所有傷亡兵勇俟查明另報等語查七十五所剿辛聰賊股現竄廣元縣屬李家灣一帶又據探報李炳等敗殘餘匪趕上辛聰等賊股業已合夥均向趙家營一路逃去又探得廣元之鷹嘴巖亦有賊匪滋擾據逃出難民張俊等供稱係張士龍阮正潮陳朝觀合夥約有三四千人因陝西官兵卡緊不能過去又聽見楊開第等都被四川官兵殺斃不敢出山是以總在界上老林內藏匿各等語查各股賊匪先後向廣元甯羌邊界前竄如果各逆合夥正可聚而殲旃惟據川東文武稟報開縣雲陽



一帶現有不知姓名賊股由大甯金竹坪竄來查川東一帶地方久已肅清是以<sub>臣</sub>等均在川之西北勦辦川東實在空虛茲既有賊竄來若不分兵往勦勢恐蔓延<sub>臣</sub>等會同籌計<sub>臣</sub>勒保即自乾溪口帶兵折回徑赴川東探明賊蹤進勦<sub>臣</sub>德榜泰一面知會七十五由五郎廟三家壩一帶進兵迎截該匪等竄往西面江岸之路<sub>臣</sub>即親自帶兵入山由平河野人村前進此一帶地方山高林密冰雪甚大但賊匪既在該處藏匿官兵自無不能行走之理再查辛聰張士龍阮正潮李炳陳朝觀等逆現在屯聚之處俱在川陝交界老山之中我兵若由北面進勦必須由廣元繞出甯羌道路軒遠有需時日恐賊匪又行他竄必致追趕不及是以<sub>臣</sub>現擬由東而北令七十五由西而北務將各股賊匪逼令南入川境勦辦易於得手第賊股較多一經被勦或恐分股北竄當即飛行知會長麟慶成於邊界各要隘嚴密防堵萬一賊匪北竄可收兩面夾擊之效<sub>臣</sub>等惟有趕緊勦辦務期合境廓清仰祈

宵旰

諭曰李炳等敗殘餘匪由閬中巴州地方奔竄德榜泰勒保七十五帶領官兵分股追勦三路殲擒賊匪五百餘名而辛聰賊股又由陝竄入廣元李炳等敗殘餘匪趕上與之合夥又張士龍

德壯果公年譜卷十四

三

阮正潮陳朝觀等亦在該處老林內藏匿德榜泰等會同籌計德榜泰帶兵入山搜勦勒保即折赴川東探蹤進擊並知會七十五由五郎廟一路進兵迎截所辦俱好前因川境賊氛已遠漢江以南各股賊匪勢較鴟張是以諭令德榜泰帶兵赴陝察看何處緊要即赴何處勦辦今陝省賊股又分路折竄川境復與前此情形不同現在勒保已分兵前赴川東進擊若德榜泰即行赴陝則川北祇有七十五一人恐難得力此時德榜泰又應仍在川省督率勦辦不必即赴陝境德榜泰現擬由東而北令七十五由西而北務將各股賊匪逼令南入川境所見甚是且李炳等餘匪疊經勦殺日夜狂奔狼狽已極德榜泰正宜趁此勦除淨盡並將山內潛匿之辛張等逆設法轟出一併殲除不必急於赴陝至勦贖餘匪乘機裹脅又成大股應俟川省各股賊匪將次勦淨可交七十五接辦再赴鄰省協勦彼時察看何處緊要或應赴陝或應赴楚相機辦理朕亦不為遙制至竄入雲開賊股大約即係高家營之賊自因楚省追勦緊急是以復思闖入川境其餘添德一股恐亦接續竄川勒保現赴川東務須趕緊勦辦與德榜泰同心併力將各股賊匪即在川東川北境內痛加殲戮於朕釋服以前一律辦竣即為伊二人之功朕必加之懋賞不可僅以驅逼出境即為完事雖伊等未必能將陝省各匪全行兜逼入川悉數辦淨其已竄入川者必當乘

德壯果公年譜卷十四

三



勢職除不可復任逸出儻堵勒不力又致賊匪他竄則伊二人不但無功而有罪矣再此時已近歲除即交年節朕慮念軍務晝夜焦勞且在二十七月之內更復何心度歲即德楞泰勒保勤辦各股賊匪未能肅事亦自不因年節稍有鬆懈前此魁倫即因新年在雷音鋪久住多日致賊匪竄渡嘉陵江德楞泰等尤當引以為戒但賊匪無知惟以擄掠為事如徐添德前在川省曾有過生日之事此時節屆新年或教匪羣聚為樂人心渙散亦屬事之所有德楞泰等轉不妨陽為度歲示之以隙仍密探賊股如有因值年節酣歌懈縱之處即乘其不備帶兵奮擊亦未始非出奇制勝之一策也所有此次殺賊陣亡之守備張

德世果公年譜卷十四

聖

泰把總張恩錫額外副前鋒校倭仁額藍翎長阿林泰俱著咨部賜卹

二十四日

公奏言竊臣於初十日在南江縣屬乾溪口與勒保會合後臣帶兵即由廣元之野人村寶石溝一路探蹤前進途次板倉溝據探哨兵勇先後擊獲賊探苟國玉何青等七人解送來營訊據供稱係陳朝觀張士龍辛聰魏棒顏勝可阮正潮並楊李等餘匪各首逆差遣出來探聽官兵信息當即概行正法十四日午後趕抵鹽井河據探報該匪等現在波羅溝崖房溝黃石板龔家灣等處攻圍各洞

臣當即帶兵由青堽口翻山進剿該處樹木叢雜道路陡險又兼冰雪滑溜馬不能行遙見煙焰騰空賊寨在各溝內薰燒火勢正熾已攻破王家洞風斗巖灰塚子三洞即令步兵鑽林越箐分投競進該逆等向未知覺官兵出其不意分撲剿殺賊眾登時潰亂當即殲斃二百餘名生擒韓有元等七十八名餘賊奔上大堽口山頂特險抵拒飛石如雨兵勇冒石仰攻不能即時搶上臣查看山勢一路攻撲萬難得手一面另派奮勇兵勇繞出山後小路攀援而上賊見我兵從後抄來大形驚慌仰攻之兵乘勢飛奔搶上山頂賊即潰散兩面官兵極力痛剿又殺賊二百餘

德世果公年譜卷十四

聖

名生擒向正孔李貴等一百十二名滾崖者亦多我兵緊跟追殺三十餘里又令兵勇喊叫被擄難民投出免死若不早逃大兵趕上一概誅戮當有投出難民馮光林許氏等三百二十三名口餘賊悉向嚴家壩母豬槽老林一帶遁逃奪獲衣物米糧牲畜等仍分給各洞難民訊據活賊韓有元等供稱首逆係陳朝觀張士龍辛聰魏棒顏勝可阮正潮並李楊餘黨共有五六千人原想躲在川陝交界老山擄人出山不料官兵追進山來不及防備傷折甚多陳朝觀一股昨日在田家壩向李家壩前去等語查嚴家壩李家壩相距不遠該匪敗逃自必前往合夥當將韓



有元等訊明分別辦理查此一帶溝內共有十一洞攻破者止三洞其餘五家洞洛水洞響水洞趙家洞扶耳洞新廠鴛鴦洞野豬洞等俱得保全共救活難民男婦大小百餘名口隨有洞首向真元高洪李連登等率領來營叩謝臣親加安慰曉以團練禦賊之法俱各歡欣感悅而去十六日臣即由濫漆寨馬盤山一帶逼截賊即折向東南奔逃途次接據署巴州田文煦稟報初四日探得通巴交界彎柏樹地方有賊匪二百餘人向登閣寨一路滋擾該州會同把總陳安邦並吏目陳聲帶領武生何林樹馮兆緒等分路堵剿初六日賊匪攻圍登閣寨適陳安邦等帶領兵勇趕到賊匪疑是大兵捨命即逃乘勢殺賊二十九名附近之樓臺寨寨首武生李如華王宗夏李玉蘭帶練勇三百餘名將青林碾去路截住與陳安邦兩路夾擊又殺賊五十一名投出吳敬相王夏氏等四十七名口獲馬九匹餘匪向陳家壩遁去旋於山林茨蓬內搜獲身穿紫色馬褂賊犯一名當經眾難民指認係李炳營內總兵張以文訊據該犯供認在賊營當總兵屬實前在觀音河等處被大兵殺敗我帶二百餘人逃到新場又被團勇劫營今日帶人想去破登閣寨冀得衣物糧食不想遇見官兵我人少抵敵不住上山躲藏被搜山人拏獲等語當即批

德壯果八年譜卷一四

語

令該州於該處將張以文嚮割示眾各獲犯訊明分別辦理並令將出力之寨首練勇人等酌量獎賞一面鼓勵各寨團勇務將餘匪搜除淨盡不留遺孽惟查川北現在賊匪約不過四五千人忽分忽合俱游奕於川陝交界之廣南等處老山之內其邊界地勢南北寬有百餘里二百餘里不等東西綿長千數百里雖係老山米穀稀少而包穀菽豆各種雜糧並豬牛實多各股賊匪往往被勒窮蹙所賸無幾即竄踞其間肆其擄掠若不即行剿辦日久復成大股且賊匪畏兵不即出山官兵又恐逼賊入陝是以亦不進山剿辦彼此觀望歲事無期又查陝境邊界卡隘現經長麟慶成布置嚴密常有竄近之賊俱經擊回諒此數股敗殘餘匪斷不能衝卡越渡提臣七十五前經臣奏明令其於廣元三家壩由西北前進與臣兩面夾擊至今尚未到來頃據來信伊恐帶兵深入逼賊入陝難當其咎等語臣現在欽奉

德壯果八年譜卷一四

語



匪並零星散逃之賊是否即能分身北來勒保自能權其  
 緩急辦理再固原提督賽冲阿向隨臣一路帶兵剿賊刻  
 下已入陝界查固原提督現經慶成署理曾同長麟辦理  
 沿江一帶防堵事宜慶成於陝省地勢情形較為熟悉此  
 時若將印信交出於防堵一切必致呼應不靈賽冲阿平  
 日帶領吉林官兵眾心極為悅服打仗甚屬奮勇現當剿  
 賊喫緊之際一易生手竊恐兩無裨益應請仍令賽冲阿  
 帶領吉林官兵隨同臣前往剿賊俾得易於集事

德莊果六年譜卷十四

三

諭曰此次賊匪陳朝觀張士龍辛聰等攻圍各洞經德楞泰率領  
 官兵前往奮擊共計殲擒賊匪六百餘名又投出難民三百餘  
 人所辦尚好但所稱欽奉諭旨帶兵赴陝楚剿辦南岸各逆令  
 七十五進剿一節殊增慮前因川省祇有零星摸檣賊匪勒  
 保七十五足資搜捕而陝境漢江南岸一帶賊數較多額爾登  
 保又前往漢江北岸是以令德楞泰帶兵赴陝嗣又因陝省賊  
 股折竄川境即降旨令德楞泰不必前赴陝境今據奏稱陳張  
 辛魏顏阮各逆尚有四五千人在南江等處老山游奕而川東  
 雲開一帶又有金竹坪竄來股匪並零星散逃之賊勒保是否  
 即能剿盡尚未可定與前此情形迥不相同茲德楞泰帶兵赴  
 陝其川北賊匪僅交七十五剿辦且七十五尚未帶兵前來儻  
 賊匪聞知復思如春閒乘閒搶渡嘉陵江則德楞泰又如前次

之額爾登保而七十五不又成魁倫耶雖係朕過慮及此然不  
 可不深思熟計莫蹈覆轍此時德楞泰業已赴陝距川境邊界  
 不遠亦不必復行轉回但總須兼顧川省方於大局有裨伊係  
 參贊大臣在川在陝豈可稍分畛域德楞泰若能將漢江南岸  
 賊匪立時剿盡固屬甚善否則仍須逼歸川境以便併力剿辦  
 斷不可再令漢江南岸之賊逼歸北岸及東竄湖北地方此為  
 最要至所稱七十五至今尚未到來頃接伊來信恐其帶兵深  
 入逼賊入陝等語實不成話七十五既帶兵剿賊自應奮力兜  
 截豈有竟置不辦之理且七十五既慮賊匪入陝身罹重咎獨  
 不慮其在川省到處蔓延獲咎更大乎實不知該提督是何居

德莊果六年譜卷十四

三

心七十五著傳旨嚴行申飭現在德楞泰既已赴陝所有陳張  
 辛魏顏阮等股匪著責成七十五進兵搜剿現距朕釋服之期  
 祇有九十餘日朕盼望軍營嚴積宵旰靡甯伊等具有天良豈  
 竟與賊日久相持不思滅此朝食德楞泰在軍營日久勒保兩  
 任川督於該處賊情皆所深悉究有何策可以速平賊匪接奉  
 此旨後著將如何布置於春閒一律辦竣之處據實迅速具奏  
 其請令賽冲阿帶領吉林官兵一節自應如此辦理

同日公又奏言臣接奉十二月初一日  
 諭旨飭將勒保所奏臣在西鄉大獲勝仗與臣自奏因何不符之  
 處各行明白回奏伏查臣於十一月初十日紮營西鄉之龍



洞是夜霧雨二更後約有賊數十人突至賣買街摸搭客民驚喊經附近之廣西營盤參將劉維馨等用礮轟退時兩夜昏黑恐有奸計未追黎明檢得賊屍五具卽令溫春馬瑜帶兵追捕五十餘里至柏溪地方有賊百餘名在對面山梁遙見官兵卽行四散奔入老林是時李揚等股在西鄉南江邊界滋擾賊數較衆是以卽行撤回臣帶領重兵祇擊斃摸搭賊匪數名又未擒獲活賊無從訊係何股豈敢鋪敘情節自蹈欺飾之愆是以摺內未經聲敘如果接仗失利亦屬行軍之常原可無庸諱匿況損傷兵弁匪不上聞不惟難服士卒之心且將來作何開報臣蒙

德壯果公年譜卷十四

奏

委任謬膺軍旅不能卽時蔽功已覺愧報無極萬不敢稍有虛飾

自取愆尤

殊批如果無欺隱事早成矣

德壯果公年譜卷十五

次孫花沙納恭纂

嘉慶六年辛酉

公五十七歲

正月初四日

陝撫陸有仁奏言竊臣連日據甯羌州稟報川陝邊界魏棒棒辛聰張士龍李裁縫等股賊匪經參贊德楞泰痛加剿殺後俱向甯羌東南一帶奔竄節次攻撲九角山鐵爐壩陳家壩等處卡隘經督臣長麟率同總兵楊奎猷等帶兵隨時截擊連得勝仗嗣經各路截剿賊由城固栗子坪

德壯果公年譜卷十五

一

小河口五道梁等處分股奔竄並有一股已闖入褒城屬之馬道青橋一帶棧道大路適參贊德楞泰奉

旨帶兵入陝行至南鄭地方距賊甚近臣同長麟與之會晤當卽面商因棧道係文報餉鞘軍火往來要路現在並無兵備誠恐被賊梗阻德楞泰卽帶兵漏夜前赴青橋一帶截剿詎該匪已先期由留壩武關向西滿奔竄該處西通甘省秦階南通略陽沔縣德楞泰因江北之賊已竄西南經略額爾登保緊跟追剿自可以次剿除而南岸安康一帶賊匪急須剿洗未便稍有停待隨卽取道西鄉一帶前赴興安臣察看德楞泰所帶官兵步伐整齊十分勇銳定能到



處克敵並據安康縣稟報高三馬五龍紹周等股在安康  
沿河山豎立木城為屯聚拒守之計總兵喜明馬玉魁藩  
司溫承惠已帶兵由平利前至沿河相機進剿德榜泰勁  
兵一到兩面夾擊當可一鼓掃除

初五日

公奏言竊臣前於十八日在甯羌之石羊關將張士龍辛  
聰陳朝觀等各逆截剿折向東南移調提臣七十五探蹤  
勦辦臣即由甯沔馳赴陝境茲於二十二日行抵漢中府  
與長麟陸有仁會晤詳悉籌商陝境各路賊情長麟即日  
仍回黃冠嶺軍營臣原擬次早由西鄉進發隨接據城固

德壯果公年譜卷十五

二

洋縣稟報江北樊冉等賊於二十一日分股一竄華陽濫  
壩子西走即至馬道驛一竄板登河勢向雞冠巖奔逃該  
處西走即係北棧之馬道等情正在籌計間亥刻陸有仁  
又令漢中府知府趙洵來營面稟雞冠巖等處賊股已到  
馬道驛現在祇有城守兵丁數百名等語查棧道為川陝  
要路不但文報往來且現在京餉陸續過境並西安解赴  
各路軍火軍裝等項絡繹不絕未便致有梗阻况漢中府  
城至馬道驛不過一百四十餘里相距甚近臣既已帶兵  
到此自應權衡緩急就近勦辦隨即連夜帶兵前進二十  
三日申刻兵至距馬道驛四十餘里之青橋驛探得該逆

聞我兵前來已由馬道向武關西溝奔竄該處西南可通  
川境西北即係甘省時又接到提臣慶成來信以高馬等  
大股賊匪已被痛勦賊向東南奔竄仍在邊界一帶遊奕  
又稱西鄉紫陽安康並沿河等處均有賊股屯踞時分時  
合勢甚猖獗業已札商總兵喜明藩司溫承惠由東面截  
勦等語查漢江南鄭一帶賊匪屢來窺伺卡隘均經長麟  
節次截勦未能入陝業已折回川省南江地方刻下西鄉  
迤西邊界賊蹤已遠惟迤東之紫陽安康並界連楚境等  
處賊股較多現在往來狂奔慶成雖知會喜明溫承惠由  
東截擊究竟賊重兵單驟難得手因思臣前准額爾登保

德壯果公年譜卷十五

三

咨送欽奉

諭旨令額爾登保在陝境適中之地鎮靜扼駐如果各逆合竄甘  
境已派楊遇春格布舍帶兵勇三千馳往正可幫同長麟上緊  
勦辦等因是此股西竄賊匪已有官兵跟蹤而來但賊股西竄  
非川即甘儻由畧陽搶渡白水江則可由昭化直達川西  
尤為緊要臣即飛咨勒保並嚴飭上游沿江文武嚴密防  
堵臣即折回漢中仍向西紫探明賊蹤趕緊籌勦務將南  
岸一帶賊匪次第殲除並由北面逼歸川境設該匪等畏  
懼兵威相率入川則川省賊勢又重嘉陵江岸水涸灘淺  
現屆新正尤恐賊眾乘間窺伺勒保等兵力不敷勢難兼



願<sub>臣</sub>總當查看賊勢輕重隨時酌量緩急辦理期於大局均有裨益

諭曰江北樊冉賊股竄近棧道德楞泰權衡緩急就近勦辦並欲將漢江南岸之賊由北面逼歸川境飛咨勒保等嚴防嘉陵江岸所見甚是此時勒保在川東勦辦零星賊匪所有防江事宜惟七十五一人在彼究不足以資彈壓前曾降旨令德楞泰總須兼顧川省茲德楞泰帶兵在陝猶恐逼回川境之賊因嘉陵江岸水涸灘淺乘間窺伺預為籌備實能顧及全局昨據額爾登保奏冉樊等逆經額爾登保督率各路官兵盡力追逐離陝省東面已及千里額爾登保現馳抵漢陰勦辦又據長麟慶成

德壯果公年譜卷十五

四

等奏於嚴方坪一帶將首逆李裁縫偽總兵魏元伏殲擒並探聞綸布春汪啟等勦辦江北之賊大獲勝仗殲斃一千餘人等語看來陝省賊勢已極窮蹙德楞泰與額爾登保相距不遠聲勢聯絡正當乘此兵威壯盛之時分頭勦捕以期剋日蕩平現高姓一股已由南岸躡淺過江經畧近在漢陰自能迎頭截擊惟紫陽平利一帶賊股較多往來奔竄而楚省高二及黃號賊匪經長齡痛加殲戮翻越界嶺逃入陝省平利境內徐添德一股其勢既孤恐亦接踵竄陝德楞泰若能將漢江南岸之賊掃除淨盡實所深願否則必須逼令折回川境自易集事德楞泰惟當察看何股賊匪緊要即行勦辦次第肅清朕亦不為遙制

總須於三月以前一律辦竣佇膺厚賞勉之望之

同日公又奏言竊<sub>臣</sub>奉到十二月初九日

上諭內開德楞泰擊勦川北賊匪陣斃首逆楊開第齊國謨大獲勝仗殲厥渠魁著加恩賞給三等子並賞御書福字一箇普迓春禧用示獎勵侍衛蘇爾伸身受矛傷甚為出力著德楞泰查明如係二三等侍衛著陞一等示獎如已係頭等即著奏明交部議敘又奉到十月二十六日

上諭軍營打仗兵丁最為辛苦著於前撥該省餉銀六十萬內提出一萬兩傳旨賞給兵丁為寒冬添補衣履之用俾三軍挾纊咸知振奮各等因<sub>臣</sub>跪讀之下慚感交繁伏念<sub>臣</sub>謬膺軍旅勦

德壯果公年譜卷十五

五

辦川匪既不能逐股翦除又未能入陝截擊實多疎縱之咎倍切恐懼之心茲以楊齊二逆就戮究尚未淨餘孽蒙皇上不加嚴譴已屬格外優容何期渥沐

鴻施再晉子爵

澤同春永福自

天申誠

寵眷之優隆實夢想所不到<sub>臣</sub>惟有迅圖賊事殲竭血誠庶盡涓

埃稍酬

高厚再查蘇爾伸係三等侍衛前帶矛傷現已平復即遵旨陞為二等侍衛該員仰沐



聖恩更深感奮至打仗殺賊全仗兵力當此冰雪互寒之際誠如聖諭最為辛苦前經勒保捐製棉衣二千件暖帽一千三百頂棉套褲六百雙單布套褲四千雙布鞋一千八百雙布衫五百件已分給各兵茲<sub>臣</sub>接奉

恩旨即傳集滿漢各營馬步兵勇宣示

皇仁無不歡欣鼓舞惟查<sub>臣</sub>一路兵勇七千餘名尚有勒保七十

五兩路現已移咨令開具花名清冊總為核計即將

頒賞銀一萬兩普行均派按名分頒俾得

帝澤同沾奮勉敵愾統俟各冊造齊開單進

呈再另冊報部查核

德壯果公年譜卷十五

六

硃批奮勉成功大施厚賞勉益加勉必於三月內肅事

十二日

諭曰額爾登保摺內稱洵陽境內有賊股竄過江北一面飛行查察並聞德楞泰已入西鄉知會前來額爾登保軍營面商一切等語額爾登保德楞泰所帶官兵最為趨健而賊匪中尤兇悍者莫如高三馬五王廷詔及高二一股今洵陽竄來之賊想即係高二股匪德楞泰既至額爾登保軍營面商伊二人自當先其所急或分投專辦何股是在伊等相機籌酌朕亦不為遙制總須顧住東北通向西南勦辦自可得手

十四日

諭曰自勦辦教匪以來兵勇打仗殺賊備歷艱辛屢著勞績節經加恩賞資俱交帶兵大員傳旨賞給但朕廑念伊等日久勤勞無時或釋茲特派大理寺少卿窩星額太僕寺少卿裘行簡齋銀十萬兩馳驛前往經略參贊軍營著額爾登保德楞泰查明出力兵勇按名賞給並會同宣旨以此項銀兩係特派欽差齋往犒勞周歷拊循俾兵勇等咸喻朕軫卹戎行格外加恩之意自必倍知鼓勵踴躍爭先於現在勦捕事機更為有益並著窩星額裘行簡帶去珊瑚豆黃辦大荷包一對小荷包四箇綠玉帶頭一副賞額爾登保珊瑚豆黃辦大荷包一對小荷包四箇鑲玉帶頭一副賞德楞泰珊瑚豆黃辦大荷包一對小荷包二

德壯果公年譜卷十五

七

箇賞楊遇春又四喜玉搬指五箇玉搬指十箇堪達罕搬指十箇玻璃搬指五箇玳瑁翎管十箇花翎十枝皮搬指套五箇眼罩五箇大小荷包各三十對交經畧參贊會同窩星額裘行簡分賞出力帶兵人員以示眷念勞臣恩施無已至意至軍營勦賊已及五年雖招撫之旨屢下而真賊投出者甚少轉無庸再為招致惟有速殄渠魁其餘匪自必日就解散著經畧參贊等通諭軍營如徐添德王廷詔高二馬五高三此五逆中有能殲擒一名者官員則加二等超擢若係兵勇則超補守備賞銀二千兩如賊中有自行縛獻者不但免其從逆之罪並加恩拔用千總賞銀一千兩其餘如樊人傑冉學勝龍紹周苟文明果能



悔罪投出尙可貸其一死若臨陣殲擒一名官員則加一等超擢兵勇則拔補千總賞銀一千兩賊中縛獻者免其治罪外並加恩拔用把總賞銀五百兩使兵弁知有逾格賞擢咸思奮勉立功卽賊匪聞知此信交相傳說亦必互生疑忌額爾登保德楞泰務須實心妥辦廣爲曉示並設法傳播賊營不可使奸細潛行揭去仍致賊匪無從周悉也

又

諭曰現特派大理寺少卿窩星額太僕寺少卿襄行簡前赴額爾登保德楞泰兩路軍營頒賞其銀兩若由京齎往道途紆遠未免稍稽時日著伯麟卽於晉省藩庫內動撥銀十萬兩遴委安

德壯果公年譜卷十五

八

員先期解至蒲州守候窩星額襄行簡到時仍令原委各員小心護運隨同前往

十五日

公偕額爾登保奏言竊臣德楞泰因在西鄉接獲額爾登保知會就近來營會商一切遂自石泉漢陰於初四日趕至雙乳鋪營中面晤伏思連年辦理賊匪未能速靖上煩

聖慮仰蒙

皇上隨時訓示無意不周臣等俱身膺重任焦憤萬狀不惟不敢稍分畛域亦不敢稍避嫌疑惟當合力同心速圖蕝事而賊勢更變朝夕不同一切機宜尤應隨時酌定以目下各

處賊情而論如徐添德及黃號等股已出楚境卽有零星竄匪亦屬無多是楚省尙輕樊冉各逆竄入棧中是否入甘尙在未定川省東北雖有敗殘餘股未經散漫現在最爲著重者莫過於陝之漢江以北及川陝交界之安康西鄉紫陽等處兼之江北賊匪稍有疎漏則由商雒一帶卽可入豫由漫川關一帶又可竄楚關係非輕臣等本擬卽行分兵先剿高三馬五王廷詔等股適又據探報徐添德并黃號賊匪已自洵陽過江該處更與楚豫邊界相近亟應兜剿是以臣等熟商臣德楞泰帶領官兵卽赴洵陽一帶緊顧東面闖入豫楚之路竭力剿辦臣額爾登保先已

德壯果公年譜卷十五

九

派令穆克登布豐紳等緊躡高三王廷詔等逆由松樹壩一帶而進仍親自帶兵趕往督剿並先顧東北前途與德楞泰或分或合視賊之趨向再定至現在楚境之賊勢固輕而賊之蹤迹未能決其必不入楚仍須戒備所有長齡明亮帶領馬隊官兵皆爲勁旅未便僅令防堵又查前有原任總兵李紹祖帶去楚北川兵一千餘名臣等已札致長齡明亮一併帶領於陝楚邊界相機剿辦其楚省原有之兵悉歸書麟統轄責成倭什布孫清元德昌等照舊分設卡隘嚴防至由棧道竄去樊人傑冉添士王世虎冉學勝等股賊匪楊遇春格布舍等已在緊躡追剿接准督臣



長齡來信亦已帶兵入棧將南鄭甯羌等處防剿之事全歸慶成統率專辦等因楊遇春等若能將樊冉各匪就地剿淨固屬甚善即該匪竄至甘省既有楊遇春等緊擊長麟亦可協辦且長麟相繼入甘則糧餉等事並可無虞缺乏儻將賊逼歸川北楊遇春等緊跟入川剿辦長麟又可在原防地方督率堵剿再川省情形嘉陵江尤為緊要若該匪等或至闌入川西實不成事臣等已嚴飭許文謨趙

德壯果公年譜卷十五

七

武並地方官逐段撤去船隻加意防範現在高三馬五王廷詔徐添德等逆俱在漢江之北於各股中最為狡猾兇

悍臣等乘此兵威分投盡力趕剿仰仗皇上福庇如即以次掃蕩漢南之賊自更聞風膽落易於剿洗大局可定此臣等會商剿辦之情形也然督剿之外必須到處團寨以絕賊據糧掠人之念更可收事半功倍之效川省團寨大有明驗惟向有團勇之名而愚民無知遂疑為藉以殺賊往往心存畏縮此時不言團勇但言團寨百姓各有身家譬如尋常高築牆垣以禦寇盜人自樂從陝省亦有寨洞其偏僻之處總未齊全故賊越嶺翻山仍得恣其擄掠又團寨之事民間力量不齊全在設法勸導調劑僅責成本管地方州縣辦理誠難周密故督撫等未嘗不

三令五申仍復因循遲玩應派委員分段承辦方可迅速現在欽奉

諭旨酌令藩司溫承惠回任辦事則署理之台斐音可以空出所有陝省團寨之事如鳳縣寶雞整屋鄠縣各峪口以外現民情地利最為熟悉其未經團寨之處即責令承辦外如紫陽安康平利洵陽白河等縣在在與川楚毗連尤關萬緊查台斐音前以疎防之案降為鳳邠道臣額爾登保本知其任陝年久且聞該員署理藩司諸事認真而於辦理朝邑藍田縣務小民均沾實惠頗得眾心此一帶即責成

德壯果公年譜卷十五

七

台斐音前赴興安督辦並可催運糧餉實為得濟又商州山陽鎮安一帶尚有未經修築堡寨該知州陳祁素稱能事即責令趕緊補築惟各處地方遼闊非多委正佐各官不能剋日完整應即令王文湧台斐音等稟請撫臣陸有仁派往出力者保薦玩誤者嚴參懲勸既明人心斯奮總以兵過賊淨之處普律修築而殺賊本以安民先將百姓安定賊匪自無從窺伺各路官兵又皆竭力剿辦則賊氛日靖地方甯謐矣其楚北以及甘肅等省尚須添補團寨臣等亦即咨明書麟長麟等一體妥辦

諭曰額爾登保德楞泰奏會商趕緊剿辦賊匪情形所議俱妥高



三馬五王廷詔已先後竄至江北而徐添德並黃號賊匪亦自洵陽地方過江此數逆在賊匪中最高為狡滑兇悍今經畧參贊兩路之兵最高為趨健現俱會合一處該逆適接踵竄入江北實屬自投羅網為極好機會額爾登保與德楞泰會同商定德楞泰帶領官兵即赴洵陽一帶緊顧東面擊勦徐添德及黃號賊匪額爾登保先派穆克登布豐紳等緊躡高三馬五王廷詔等逆亦即親自帶兵趕往督勦二人注意專勦此兩股劇賊與朕意適相脗合覽奏深為欣慰如能將此兩股兇逆以次掃蕩其漢南之賊自必聞風膽落更易殲除大局即可辦定額爾登保德楞泰切須奮勉願住東北將各股賊匪逼向西南或分或合

德壯果公年譜卷十五

三

相機趕勦遵照昨旨懸立賞格務將徐添德等一一殲擒於三月以前剋期辦竣同膺懋賞額爾登保德楞泰必須言與行符成功迅速不可又稱別股緊要舍而他顧以致專勦之兇逆復任其輾轉奔逃此兩股最要之賊非經畧參贊二人精銳之兵無能辦竣者勉之望之至徐添德竄出楚境由洵陽過江一節尚未據書麟奏到或即係高二冒名逃竄亦未可定但高二亦係著名首逆亟須搜捕奮力殲除楚省賊匪現已陸續出境經札致長麟明亮令於陝楚邊界相度賊情勦辦自應如此布置所稱勸民團寨責成王文瀾台斐音等督率承辦籌畫俱妥著照所奏辦理

又

諭曰現在勦捕教匪大功將次告成經畧額爾登保參贊德楞泰兩路大兵在陝會合指日蕩平所有陝省軍需餉銀正資接濟前據浙省奏有解京捐監銀二十萬兩著沿途各督撫查明此項銀兩現在解至何處即由何處解往陝西交陸有仁收貯並飭該委員小心押解迅速償行不可遲誤

同日公又奏言竊臣接奉

上諭內開賞給德楞泰墨刻御製邪教說一分一併發往欽此臣

跪讀之下仰見我

皇上堯仁育物湯網全生

德壯果公年譜卷十五

三

帝德寬宏如天地之無不覆載

聖明洞察如日月之無不照臨欽感悅服不能自己伏查僅係習教而並未謀逆之人與現在造反者相較情節不同若不明為曉諭則習教之人未免心存反側而地方不肖之徒難保不藉此索詐或又激成事端今蒙

聖心廬念

特製邪教說以寬宥之

天語煌煌剴切指示臣望

闕謝

恩祇領後於勦賊之便到處徧加宣布俾窮鄉僻壤無不共喻我



皇上培養黎元曲加矜全之至意於目下事局大有裨益  
硃批著隨營文員廣為宣布咸使聞知

二十日

公奏言臣前在西鄉途次接准額爾登保知會趕至漢陰  
雙乳鋪會合熟商軍務大局據報徐添德並黃號股匪已  
自洵陽渡江北竄恐其逼近豫楚臣等商定額爾登保仍  
趕往督勦高三馬五王廷詔等逆臣帶領官兵即赴洵陽  
一帶緊顧東北豫楚之路於初六日由安康取道洵陽探  
蹤前進途次接據探報前次渡江之賊係高二匪黨因股  
是高二其餘逆現在一房縣內亦有青號賊匪是以各處誤報等情查高二在眾賊中

德壯果公年譜卷十五

十四

最為兇悍又係襄陽起事首惡楚豫地勢最為熟悉尤不  
可令其東竄因思該匪在洵陽大棧溪渡江係十二月二  
十八日相隔已八九日賊蹤已遠臣焦急莫釋鼓勵兵勇  
連日兼程前往日行百二三十里不等途次探得該逆至  
鄖西邊界希圖竄楚因有湖北道員恆慶在蒿坪設卡堵  
禦遂向東走臣探蹤緊躡十二日起至山陽縣屬之洞溪  
河探得該逆已由黑山折至該縣東北五里之乾溝屯聚  
戍刻又據山陽縣知縣謝濟經稟稱賊匪現在乾溝探馬  
已至東關縣城內外百姓驚慌請即發兵救援臣查乾溝  
地方距城不過五六里該逆若由高壩店東走即至漫川

關或入楚界或奔豫境均為可慮必應截其東竄之路為  
要二更時臣即發兵為兩路令賽冲阿温春色爾凌富僧  
德蘇爾申明德穆騰額富登阿蘇凌阿李應貴唐玉龍馬  
元李東山等帶領馬步兵抄出高壩店迎住賊頭由東  
向西截勦臣帶領阿穆勒塔馬瑜達勒精阿慶昌克星額  
扎呼岱西凌阿滿尙佐達自祥馬應國張應貴何占鼇會  
壽等帶領馬步兵勇由山陽之五里鋪直進乾溝由南向  
西北兜勦十三日黎明兩面官兵分路並進時賊正當起  
營忽被我兵兩頭截住奮力夾擊攪殺一處該逆驚慌潰  
亂時賽冲阿射中賊肩該逆慙不畏死持矛直撲戮傷賽  
冲阿所乘之馬當有藍翎騎校春盛保將賊人射斃復  
有一賊衝來將春盛保右腿扎傷即被我兵亂箭射斃又  
甲兵色克津保衝入賊隊生擒指揮督戰賊目一名賊眾  
齊來奪槍當被亂箭射退賊始披靡我兵鏖戰良久立斃  
賊匪七百餘名生擒男婦八百餘名其中尚有帶傷者甚  
多又有馬前投出難民二百餘名賊眾大敗丟棄騾馬衣  
物紛紛爬上左面高山猶敢擲石如雨捨命抵禦旋向北  
逃臣恐其竄出商州蔓延藍田等處當令滿尙佐達自祥  
李應貴德英額等帶兵尾追臣帶領馬隊即由下關坊繞  
出賊前遏其去路沿途又殺賊四百餘名臣等趕抵寬坪

德壯果公年譜卷十五

十五

地方距城不過五六里該逆若由高壩店東走即至漫川



該匪在西樓山梁看見我兵已將去路截住折回秋水溝  
西竄時已昏暮暫為紮住計此次共殺賊一千餘名奪獲  
騾馬四百餘匹頭鳥槍一百餘桿刀矛六百餘件旗幟二  
百餘面投出附近難民二百四十餘名口俱即隨時釋放  
獲犯一千三百三十餘名口當令建昌道石作瑞知州鄒  
瀚知縣徐如瀾等連夜審訊其臨陣生擒賊目訊係襄陽  
傳教老師龔如一並襄陽河南賊匪阮明照等三十一名  
從賊日久之甘泉潤等四百三十六名訊明後一概分別  
辦理其被脅男婦大小難民徐相廷董曹氏等八百六十  
四名口適商州知州陳祁來營臣即令其逐一按道里遠

德壯果公年譜卷十五

六

近照例給與銀米路票遞送各原籍妥為安頓臣仍另冊  
移咨撫臣陸有仁查照辦理所獲馬騾均已賞給出力兵  
勇刀矛鳥槍旗幟等項交商州貯庫訊據龔如一供稱係  
湖北襄陽人年五十歲嘉慶元年與高均德同時起事因  
我習教最早俱稱為老教師營內是高二為首手下有兩  
箇元帥一名閻慎珍一名閻慎高高二名高添升高三名  
高添德是叔伯弟兄與高均德一族他們原與馬五一營  
去年四月內在龍安出來他們因爭路口角彼此不合高  
三馬五同做一夥先走高二領閻家兩弟兄一路行走  
處擄人去年十二月二十八日在洵陽大棧溪地方假充

官兵騙船過江原有三千餘人高二與我商量大兵都在  
西面要乘空攻搶山陽縣城直向東往河南去不料大兵  
緊急我們不及防備被殺被擒者甚多等供隨將割獲首  
級令其指認內有元帥閻慎珍探馬頭艾文舉大旗手趙  
坤三犯其餘俱係戰手並無賊目復令各犯互相指認  
供無異第此股賊匪三千餘人除賊擒投出外現在所贖  
不過七八百人未能勒洗淨盡而首逆高二尚未成擒  
實批在憤懣激切之至旋探該逆已由下關坊折回西南狂  
奔當令養沖阿溫春色爾滾等帶領侍衛將備馬步兵勇  
三千餘名於是夜五鼓躡蹤緊追臣亦即緊趕前進再查

德壯果公年譜卷十五

七

樊人傑等股賊匪已由甯羌竄入楚境臣前與額爾登保  
會商時恐川北一帶七十五一路兵力不能兼顧即令楊  
遇春格布舍帶兵追躡入川勦辦是川省已可無虞頃臣  
接額爾登保來信將馬五高三之賊連次勒殺追至洋縣  
所屬之四畝地一帶諒不日即可掃除臣惟有將高二敗  
殘餘匪起緊勦辦務期剋日掃蕩則漢江北岸肅清即當  
與額爾登保渡江分投勦辦各股賊匪自更易於肅事至  
此次打仗陣亡受傷滿漢兵勇數名容候查明咨部辦理  
諭曰上年春間川匪竄過嘉陵江德楞泰帶兵由甘肅到川西即  
將賊匪痛如勒殺生擒首逆陳得俸箭傷再添元肅清川西地



方會加恩晉爵一等子嗣因黃白藍線等股由川竄陝降為男爵旋又將首逆楊開第齊國謨殲斃復晉二等子爵茲德楞泰獲抵陝境知漢江以北各股賊匪正在竄擾即渡江與額爾登保晤商帶兵趕赴山陽親率將領等連夜發兵分路並進繞出賊前奮力截擊殲擒偽元帥閻慎珍傳教首逆龔如一共殲賊一千八百餘名將餘匪逼向西南其功甚大與勦淨川西賊匪相等德楞泰著加恩給還一等子並賞給玉搬指四喜大吉玉牌大小荷包至賊匪被官兵截住攬殺一陣該逆驚慌潰亂時賽冲阿射中賊肩該逆持矛直撲戮傷賽冲阿之馬當經吉林藍翎驍騎校春盛保將賊射斃賽冲阿殺賊奮勇著賞給青金

德壯果公年譜卷十五

六

石搬指大小荷包並交部從優議敘春盛保著陞補防禦賞換花翎甲兵色克津保衝入賊隊生擒指揮督戰賊目亦屬奮勇著拔補驍騎校其餘打仗出力各員著德楞泰查明具奏交部議敘發去火鏢包順袋各十件著德楞泰分賞軍營出力人員以示獎勵

恭錄

御製詩

參贊德楞泰奏報痛剿高二大股賊匪殲斃生擒解散二千餘名詩誌感慰

高一馬五二賊罪實深戕官害民肆荼毒奔逃潛避已經年由

陝入甘復來蜀自川回竄突楚疆忽合忽分斷仍續洵陽騙船渡漢江窺伺中州逞貪欲幸有雄兵扼其前兩甄直達乾溝曲神槍飛矢賊披靡作孽奚能分石玉自慚薄德難治民舍正趨邪習流俗願

天消劫赦子愆春臺嘒嘒甘膏沃前據奏報青號徐添德并黃號賊匪由洵陽渡江北竄子即料及必係高二而非徐添德批詢去後茲據德楞泰奏正月十二日緊隣賊蹤據山陽縣知縣報賊屯該縣東五里之乾溝其地由高壩店走漫川關為楚豫通徑是夜二更分兵兩路一由高壩店自東而西一由五里舖自南而西直進乾溝十三日賊正起營我兵奮勇搏戰槍箭如雨賊敗向北逃我兵由下關坊繞出迎截擒斬多賊追抵寬坪賊零星西竄是夜殺賊千餘名獲犯一千三百餘名內有龔如一供係習教最早賊中稱老教師與高均德同起事此股乃高二即高添升為首臘月廿八日在洵陽假充官兵騙船渡江知大兵在西計擒山陽縣城裏人赴豫不料大兵迎擊大敗僅贖七八百人並指認新教內有偽元帥閻慎珍探馬頭艾文舉大旗首趙坤餘俱戰手等語高添升一賊流擾甘川楚陝最久最悍經此番大加創刈餘匪無幾渠醜自當計日可淨同日又接書麟奏於房縣痛剿徐添德如子所望快雪時晴喜音遞至皆 吳恩解劫宥愆且謝且祝

德壯果公年譜卷十五

六

二十三日

密諭曰現今四川廣元蒼溪一帶賊匪頗多總欲搶渡嘉陵江雖有李鉉等守禦恐不足恃若令竄至川西必致稽延時日汝自前年帶兵打仗甚屬奮勇去年在四川尤為可嘉前因川賊漸少是以命汝至陝西勦賊孰意汝纔離四川賊即接連入蜀目下統計情形四川之賊多於陝西而四川百姓亦甚望汝回川汝應趕緊辦完高二一股取道廣元回川先行願住嘉陵江岸上緊兜勦能於三月內辦竣朕必立沛殊恩錫汝封爵勉之勉



之先將此殊筆繳進仍將幾時可回川省之處明白覆奏

又

諭曰德楞泰自上年由甘赴川將竄渡嘉陵江賊匪痛加勦殺生擒首逆陳得俸等肅清川西嗣後又屢次得勝兵威甚著前因川省股匪俱竄入陝境而川省賊股較少是以諭令赴陝協勦德楞泰入陝後趕赴山陽將高二賊股奮力截擊殲斃偽元帥閻慎珍及傳教首逆龔如一殺賊甚多其高二股勦敗餘匪不過七八百人德楞泰已帶兵躡蹤追勦自無難剋日殲除現在陝省股匪多有竄入川境川省較爲著重而德楞泰軍威壯盛川省官民深望其赴川督勦卽勒保本日奏到之摺亦望伊

德壯果公年譜卷十五

三

速至德楞泰俟高二股勦淨後應卽赴川勦除各股賊匪但亦不可因川賊較多將敗殘之高二股輒行捨去總俟勦淨此股再行赴川雖德楞泰往來奔走備嘗勞瘁但能迅速成功朕必優加懋賞格外酬庸額爾登保德楞泰二人惟當不分畛域同心併力倍加奮勉平賊安民以副委任

二十七日

公奏言竊臣於十三日在山陽縣屬乾溝地方將高二股賊匪痛加勦殺餘匪七八百人連夜向西逃走恐該匪等亡命遠竄卽令賽沖阿溫春色爾滾富僧德蘇爾仲明德穆騰額富登阿西凌阿李應貴李東山馬元等帶領馬

步兵勇卽於是夜緊躡跟追臣督率兵勇將附近各山內

殊批可嘉

匪匪搜捕淨盡並將各獲犯審明分別辦理亦卽趕緊前進連日雨雪不止該匪等因我兵追趕甚緊自知死亡在即晝夜拚命奔馳日行百數十里且並不向大路行走悉於陡山偏坡及並無路徑之處奔竄我兵若不竭力追趕勢難及時掃除是以令官兵等將鍋帳等項悉留在後輕騎滅從逐日緊追途次接據賽沖阿等來信沿途追趕時有斬獲該匪現向鎮安縣屬之二峪河小米溪一帶狂奔又於採玉窰地方追及極力勦殺斃賊四十七名生擒何良友等三十五名餘匪六七百名盡皆爬山越嶺向石嘴

德壯果公年譜卷十五

三

子一路連夜奔逃業已跟追前進臣查二峪河等處北走秦嶺西通藍田儻或被其竄入所關匪細當卽札知賽沖阿等由大沙窩曹家坪一路前進臣以該匪行走迅速必須另覓捷徑抄往方可繞出賊前臣帶領阿穆勒塔馬瑜達勒精阿慶昌克星額遜多保蘇清阿努赫稜蒲尙佐達自祥德英額馬應國劉彪何占鼇等挑派精壯馬步兵勇八百餘名乘夜冒雪於十八日由北面抄至野豬坪該匪等一見北面又有官兵驚慌失措意欲折回另尋路徑遁走適賽沖阿溫春色爾滾等亦卽趕到我兵人人憤恨兩面夾擊箭射矛戳立斃賊一百餘名殊批好內有一騎馬賊目持



予喊叫時有黑龍江藍翎騎校索里章吉林甲兵色克  
津保等衝入賊隊將該逆亂箭射死割取首級搶獲騎馬  
餘匪丟棄刀矛紛紛潰散向蕪家溝老林內四處亂竄我  
兵緊趕又擒獲王儒等八十六名查蕪家溝老林僻長四  
十餘里前途出山即係鎮安屬之雲蓋寺當派副將蒲尙  
佐參將唐玉龍等帶領步兵跟蹤緊追臣帶領馬步兵勇  
直趨雲蓋寺詎賊匪狡猾異常探聞雲蓋寺已有官兵隨  
由無路處所竄出碾盤石翻漆扒溝老林遁逃查漆扒溝  
老林西通甯陝北走孝義該逆現贖不過三四百人窮蹙  
已極勢不敢北走孝義必由甯陝西竄我尋另股賊匪入

德地果公年譜卷十五

三

夥為苟延殘喘之計臣隨派原任鶴麗鎮總兵德英額守  
備熊敏謙等帶領步兵勇跟蹤追剿臣督同賽冲阿溫  
春阿穆勒塔色爾滾馬瑜等帶領馬步兵勇取道東川迎  
頭兜截隨將各獲犯研詰訊出偽先鋒王儒探馬頭劉國  
良汪忠旗手譚雨化王貴五名據供伊等在湖北聞官兵  
都在洋縣漢陰一帶商量假充官兵在洵陽大棧溪編船  
過江原要直到河南走到山陽乾溝地方想過節再走不  
料官兵趕來將元帥閻慎珍殺死老教師襲如一擊獲祇  
贖數百人逃出官兵趕到野豬坪又將高二掌櫃亂箭射  
死元帥閻慎高畏懼割去辮子充做難民不知下落我們

過江時原約徐添德一同過來因不知江北官兵多少派  
四十人跟過江來探聽信息此四十人亦都被官兵擒殺  
等供隨將割獲各首級令王儒譚雨化劉國良等隔別指  
認內有高二首級一顆王儒一見痛哭並將該犯騎馬牽  
令識認屬實又令各獲犯等識認會供無異高二馬五等  
在賊股中最為兇悍屢次戕害大員抗拒官兵荼毒生靈  
實為罪大惡極茲幸仰仗

天威得以伏誅臣敬遵

諭旨將被害之王文雄扎勒杭阿施縉等繕寫牌位將高二首級  
並同惡相濟之王儒等五名一併割割致祭以彰

德地果公年譜卷十五

三

國憲而慰忠魂所獲各犯多係襄陽河南老賊並無裹脅難  
民是以一概正法頃接經畧額爾登保來信味此賊必能以馬五等股  
賊匪屢經剿殺勢已窮蹙現在遁入洋縣五郎一帶老林  
內藏匿業已分兵進剿諒不日即可掃除儻該逆被剿情  
急由甯西竄入川境伊即帶兵跟蹤前進等情又據四川  
文武稟報辛聰一股賊匪已竄入開縣陳朝觀樊人傑冉  
添士徐萬富王國賢等股賊匪先後竄入太平等語又接  
勒保來信楚境竄來兩股賊匪現在大甯紅池壩地方游  
奕是刻下川東賊勢重於川北七十五現在川北祇有張  
士龍一股賊匪為數無多或已辦完或亦向太平竄去臣



現飛行七十五不必拘泥嘉陵江岸卽速帶兵經赴太平一帶協同勒保勦辦又據總兵喜明藩司溫承惠等稟報龍紹周苟文明唐明萬戴家營張家營並唐大信餘黨約有萬餘人屢經截勦尚未遠竄非窺伺江岸卽圖入楚等語臣惟有將此股敗殘餘匪迅速掃除固爲甚善儻被勦之後零星散逃不值以大兵駐守搜捕曠延時日臣卽咨明長麟陸有仁飭知各州縣撥派兵勇認真搜捕以絕根株額爾登保如現在洋縣一帶臣卽帶兵赴彼併力將馬五等逆剪除肅清北岸卽可會商渡江分投勦辦南岸賊股如馬五等業已西竄臣卽由興安府渡江經赴平利紫陽一帶將龍逆等大股賊匪由東北向西南逼勦入川第軍務情形朝夕不同臣惟有臨時酌量緩急趕緊勦辦斷不敢稍事因循至此次打仗陣亡並帶傷兵勇容俟另行咨部辦理

德壯果公年譜卷十五

奏

公又奏言竊臣蒙

恩畀以參贊重任凡有將弁兵勇實在認真出力殺賊者每遇

恩慈獎勵無不據實保列詎有四川太平營都司馬光宇者從前

打仗勇往經臣奏請

賞戴花翎陞補都司該員近來心存滿足當差怠懈管兵亦多不

服屢加訓飭仍復不改始終難望振作臣不敢以保列在

前稍事姑容又四川酉陽營守備龍必達當差亦屬平常不能約束兵丁相應據實參奏請

旨將都司馬光宇守備龍必達均行摘去翎頂革職留於軍營作爲兵丁當差俾閱營將備咸知警惕

諭曰賊首高一最爲窮兇極惡著名首逆前經德楞泰等在山陽勦敗後亡命奔竄此次德楞泰探明賊蹤分兵兩路取道山內小徑乘夜冒雪緊躡追勦並不稍予以暇沿途殲賊多名將高二殲斃戮割致祭從前被害提鎮大員並生擒僞先鋒王儒探馬頭劉國良汪忠旗手譚雨化王貴等五名其功甚大嘉慰之懷難以言喻特解親佩火鑲包一箇手授軍機大臣頒賜德楞

德壯果公年譜卷十五

奏

泰如朕親授又賞德楞泰喜字玉搬指金盒大小荷包並著交部從優議敘德楞泰之子乾清門侍衛蘇崇阿著陞授頭等侍衛仍行存記俟軍功告竣再將德楞泰晉爵酬庸以昭殊眷用獎勤勞又發去小刀十把火鑲包珫瑯翎管象牙搬指各十箇交德楞泰分賞出力各員弁并陞擢有差

又

諭曰據參奏當差懈怠之都司馬光宇守備龍必達摘去翎頂革職留營作爲兵丁一節甚屬公正馬光宇龍必達俱著摘去頂戴革職留於軍營作爲兵丁當差以示懲儆

恭錄



御製詩

參贊德楞泰奏報緊追高家營賊匪殲斃首逆高二乘勝趕辦情形詩以誌慰

狼狽為奸積罪愆，奔逃出沒老林邊。雙雄奮臂誅元惡，三將掀

髻慰九泉。高二與馬五流擾陝甘，楚蜀賊害大員荼毒百姓實

縣之採玉窟，追及復加擒斬賊。翻山向石嶺，子地方德楞泰以

其地北走秦嶺西，通藍田防其逸。入乃謀尋捷徑抄出賊前，選

精壯鄉勇八百餘，取山內小徑冒雪前進。至野豬坪迎頭殺賊，

賊急欲折回而我兵追者已到。前後夾擊有賊目騎馬持矛聲

喊當為黑龍江驍騎校索里章、吉林兵色克津、保衛入賊隊亂

箭射死餘賊斃斃幾盡。所獲三四百人，由蔣家溝向漆扒溝西

道擒到各犯內有偽先鋒王儒、探馬頭劉國良、汪忠、旗手譚雨

化、王貴等五名，訊稱高二、章、已於野豬坪為官兵射死。當將

各級隔別令其指認，至持矛賊級并所騎馬眾俘一齊擄哭確

為高二無疑。乃設從前被害之大員王文雄、扎爾杭阿、施籍等

牌位，將高二首級并王儒等五賊，齎祭奠以慰忠魂。而扞士

氣質奏大為欣慰，優加賞資。其射斃高二之驍騎校索里章，即

陞佐領。馬甲色克津保授為防禦，并予銀千兩。具如賞格。此時

額爾登保正在洋縣勦馬五等股賊，蹙已極。德楞泰即帶兵赴

彼併力勦捕，不日定可掃淨。此次官軍於山險無路，冰雪中窮

追逆截送，得兇渠授首實為師武。臣力既披捷，章兼知勁旅，抒

雪信珍邪執醜，春暮為期仰感。吳蒼垂恩錫佑。 勁旅抒

忠高二已覆，良臣合力馬五應。願孟春喜信連番接，亟盼除邪

颺

上天

二月初四日

諭曰：德楞泰殲斃首逆高二後，所贖餘匪無多。現在帶兵追捕與額爾登保相距不遠，此股敗殘餘匪額爾登保即可接辦或派

令鎮將上緊搜捕以清後路至楚省兵力稍單即令德楞泰前

赴漢南截勦杜其入楚之路前因川北賊股較多會諭令德楞

泰入川督勦嗣因龍苟等逆逼近湖北邊界令德楞泰於勦淨

高二餘匪後即行移師漢南今川省黃藍等股在川北奔竄業

經勒保分兵截擊殲斃徐萬富已得大勝並帶兵由嘉陵江一

路兜截無虞西竄更可不必德楞泰兼顧其高二勦敗餘匪一

經接手有人德楞泰竟當前赴漢南擇要進剿現在龍苟等逆

經喜明等擊敗後已折回西竄其另股賊匪一千餘人自即係

龍苟等逆分股之賊德楞泰前赴漢南則龍苟等逆之東徐添

德之西有大兵橫截可以分投截擊龍苟等股既不能東竄楚

境則楚省專辦徐添德一股亦易為力是德楞泰移赴漢南督

兵截勦即所以兼顧楚北設樊冉等逆經勒保逼勦緊急竄入

陝境德楞泰亦可就近迎擊三面皆可策應勦捕自更為得力

也額爾登保等務須籌畫萬全相機妥辦以期一鼓撲滅不可

再有遲緩

初九日

諭曰：據陸有仁奏高二馬五等逆因團勇往來堵截不敢竄出平

原向郿縣山內逃竄其伍逆零股亦在藍鄂一帶山內分合無

定經畧額爾登保帶兵督勦德楞泰所辦高二餘匪祇有一三

百名已分兵搜勦德楞泰會同經畧勦辦高馬等股一經肅清



卽勦辦南岸龍苟各逆等語額爾登保德楞泰會合一處勦捕江北高馬等逆在伊一人原欲併力同心將各股辦完然後移師南岸再辦龍苟等逆但高馬等股爲數無多額爾登保在彼居中調度並有楊遇春及穆克登布等提鎮多人帶兵勦辦其高二餘匪亦卽交經畧派員接勦足資搜捕豈有經畧參贊兩路重兵同辦江北敗竄餘匪而置漢南於不問乎此時龍苟等逆雖有喜明等帶兵堵截究恐兵力稍單是以前會降旨令德楞泰俟有人接辦高二股匪卽赴漢南督勦德楞泰應卽遵照前旨移師前往將龍苟等逆上緊截勦由東北逼向西南勿令偷渡漢江北岸亦勿令竄入楚境若楚省徐添德一股被勦緊急德楞泰並可迎頭擊截肅清漢南卽所以幫助楚北也

德壯果公年譜卷十五

五

十四日

公偕額爾登保奏言臣額爾登保於二十八日督兵趕踰秦嶺追賊至小王澗地方適接臣德楞泰來信亦於是日趕抵江口因道路險阻全軍不能入山卽於江口割住邊賊東竄派令賽冲阿温春蒲尙佐等帶領步兵由八里坪入山勦辦且因山內賊蹤奔突囑以無論何股總以緊顧東北向西南轟擊賽冲阿温春等進抵兩郎東流水恰值伍逆股匪東竄隨帶兵迎擊殺賊百餘人生擒黃正學等四十三名該匪卽折竄西河老林臣額爾登保在小王澗

隨將所帶官兵交副將楊芳遊擊劉健標等暫劄俟穆克登布等追賊西來相機夾擊臣於初三日卽馳回柴家關約會臣德楞泰前來面籌一切臣德楞泰亦於是晚趕至會晤查得賊匪高三馬五王廷詔冉學勝伍懷志及高二餘匪被勦情急竄進南山不過暫行藏匿若以官兵全力圍困不難集事臣等原擬趁此合兵之際設法辦竣第恐遷延日久於大局無裨又接據漢南文武稟報安康平利一帶龍紹周苟文明唐明萬會芝秀等股賊匪分股亂竄有逼近江岸者有東趨楚境者且楚省徐添德一股日內是否辦竣未經得信若龍苟等逆或竟再行入楚勢必又

德壯果公年譜卷十五

五

致蔓延而樊人傑等匪竄入川境之後頃接勒保來信業經我兵殲斃首逆徐萬富斬戮甚多餘匪向巴州土門鋪一帶逃竄雖經勒保督率阿哈保等帶兵趕勦仍緊顧江岸而賊股既多臣等尙心懸兩地茲公同商酌臣德楞泰刻卽帶領原兵徑赴安康一帶過江督率喜明馬玉魁柯藩等將該處賊匪痛加勦戮如能就近辦完實屬甚善否則由東北轟向西南逼歸川境卽可緊跟入川將川中各匪一併籌度勦辦臣德楞泰行抵漢南備龍苟等逆已入楚界現在楚省兵力稍單必當星馳入楚兜勦臣額爾登保暫紮柴家關查探該匪竄向先其所急臣德楞泰亦卽



帶領原兵起程趕赴石泉一帶前進

諭曰額爾登保冒險入山踐履冰雪徒疲兵力德楞泰於趕抵江口後亦因道路險阻在江口駐紮派兵入山勦辦似此為賊牽綴兩路勁旅在南山內輾轉奔逐豈不又如上年那彥成入山搜捕竄匪之事乎且賊匪詭計多端安知非因勁旅俱在額爾登保德楞泰兩路故於山內四處奔竄欲誘官兵分投追逐疲我兵力俟青苗在地又可竄出掠食並令漢南大股賊匪得以乘虛肆擾此乃賊人奸計豈可墮其術中幸伊二人尙能見及南山賊匪遷延日久於大局無裨並恐漢南龍苟等逆分股亂竄逼近江岸或又竄入楚境即公同商酌德楞泰帶領原兵徑

德壯果六年譜卷十五

三

赴安康一帶過江督勦一切籌辦極是前曾諭令德楞泰辦完高一一股後即取道廣元回川勦賊今德楞泰能不拘泥朕旨定計先赴安康一帶將漢南賊匪相機擊勦尙合機宜川省殲斃張士龍徐萬富後又將王世虎殲斃賊勢已經潰散此時更無須德楞泰兼顧惟當將龍苟等逆迅速殲除若能奏績成功朕必立施厚賚勉之望之

二十日

諭曰前因龍紹周等股亟須大員督辦降旨令德楞泰即行移師漢南昨據德楞泰奏已帶領原兵徑赴安康一帶過江督勦今據書麟等奏徐添德大股賊匪已逼向西南而苟文明李彬二

逆經官兵勦殺尙在南山遊奕難保不折回東竄又川省大甯

縣雞心嶺一帶自應先清楚省為最要現已諭知額爾登保如恐由大甯入楚自應先清楚省為最要現已諭知額爾登保如南山潰敗餘匪勦贖無多或交長麟並另派鎮將等在彼勦辦額爾登保即移兵漢南督勦德楞泰此時如已將龍紹周等股賊匪殲除固屬甚善但不得將龍逆等股逼向東趨令楚省又添新賊儻此時漢南各股尙未勦淨不如暫行派喜明等接辦俟額爾登保到彼督率奮擊德楞泰接奉此旨即帶得勝之兵

德壯果六年譜卷十五

三

速赴楚省會同書麟等擇要進擊或在楚勦淨或轟出境外總期將楚省各股賊匪由東北逼向西南勿令日久屯聚儻賊匪由大甯一帶竄川德楞泰即可跟蹤入川奮力勦擊以期剋日剪除並將何日可入楚境之處先行馳奏以慰懸慮

二十五日

公奏言竊臣前在五郎柴家關與額爾登保會合同籌酌分顧大局臣帶領原兵南往勦辦龍苟等逆初九日行抵石泉縣西刻據興安府並安康縣飛稟龍逆等股賊匪人數眾多由紫陽竄來賊探至距城六十餘里之新店亞焚掠窺伺江岸郡城空虛民情驚慌請即救護等情伏思



我兵南向原欲勦辦龍逆等並兼顧楚省茲該逆等既已竄近府城正是極好機會當即批飭令其鎮靜防守密備船隻以便兵臨渡江並囑其不許張揚臣即帶兵星夜前進十一日午刻至王婆店又據報賊探昨至離城三十里之筒車壩地方臣當派員弁連夜趕搭浮橋十二日官兵殊批好全行渡過南岸我兵即兼程於十五日趕至輒坪探得大股賊匪已於十三日由輒坪向東南奔竄並詢據逃出之難民李方來等供稱此股賊匪係龍紹周等逆共有四五千入還有各處打散幾股或千餘人或數百人都合夥一處在輒坪一帶住十餘日他們說山裏難得糧食思量或過江去或到湖北昨日探馬到安康縣附近處探信拏住鄉民說知大兵趕來雞鳴時候就起營跑走總是探聽無兵處纔去等語臣查漢南現在祇有此起賊匪而東面有慶溥帶兵在黃羊河喜明柯藩在獅子壩馬玉魁在大貴坪俱係截竄楚境之路臣現已飛飭慶溥喜明馬玉魁等隨時確探賊蹤所至相機迎截今該逆等聞兵趕來連夜狂奔已近川楚交界惟該處路徑紛歧賊蹤趨向無定刻下大小賊匪數股依附龍逆到處擄掠是以人數聚而愈多勢頗囂張但查其中大半多係被脅之人究屬烏合之衆一經勦擊自易渙散再查東面楚界現有慶溥等三路

德壯果公年譜卷十五

三

兵力堵截該逆勢難竄越設或奔入楚境臣即盡力截回斷不致有蔓延之患儻被勦截入川自當跟追冀與川兵為兩面夾擊之計更可易於集事至高馬等逆接據長麟楊遇春來信又在沔縣舊州鋪等處痛勦祇餘數百人遁入廣南界內該提督業已帶兵跟追諒必即可翦除其楚省徐逆等聞已分竄於房郧均穀等處勢亦狼狽較前更易勦辦又探聞苟文明戴家營賊匪已竄入楚境尚未據該省州縣稟報未知確否第軍務情形朝夕互異臣惟有隨時察看賊情酌量緩急輕重趕緊勦辦

德壯果公年譜卷十五

三

諭曰德楞泰自本月十四日奏到帶兵前赴安康一帶過江督勦賊匪後已閱旬日正深慮念本日據奏行抵石泉後聞知龍紹周等逆已竄近興安府城即星夜前進渡過南岸躡蹤追擊所辦甚好此時龍紹周一股業經竄近川楚交界併有零星賊股附入龍逆股內德楞泰務當上緊勦辦將各股賊匪即在該處勦淨設或奔入川楚境內德楞泰當察看情形先其所急目下楚省徐添德等逆尚在房縣奔竄現據奏稱苟文明戴家營賊匪竄入楚境是楚北賊多兵單係屬實情況湖北原係起事之所現又有饑民屯聚總不宜令賊久踞較之川省更為著重總在德楞泰相機酌辦能將苟文明等逆一併逼歸川境辦理更易集事再德楞泰帶兵勦賊威望素著其所到之處賊即望風



逃遁朕聞德楞泰前在川省勦賊時與勒保互易旗幟賊匪誤認德楞泰之兵為勒保之兵致被德楞泰大加勦殺獲有勝仗此時德楞泰追勦漢南竄匪何不再用前計或陽言為慶溥喜明馬玉魁一路之兵使賊匪懈於防備得以乘機痛勦所謂兵不厭詐亦未始非制勝之一策德楞泰總須乘賊匪潰竄之時設法籌辦妥為布置迅奏膚功佇盼捷音遞到當優加懋賞錫爵酬庸也勉之望之

三月初二日

諭曰此時湖北賊匪為數較多而徐逆一犯又係積年狡猾著名賊首尚未就擒且該處兵力亦稍形單弱以目前楚省情形而論較之川陝為重前曾屢降諭旨令德楞泰前赴湖北幫同勦捕現在德楞泰勦辦龍紹周一股賊匪諒已完竣即應乘勝迅赴湖北會同書麟等上緊勦辦徐張大股以靖楚疆且經畧額爾登保亦已帶兵過漢江南岸如德楞泰尚有未經辦竣餘匪即可就近交額爾登保接辦德楞泰務即帶兵趕赴楚境以期迅速集事毋稍遲延

初七日

公奏言臣前抵安康縣屬之甄坪知龍紹周等逆東竄飛飭慶溥等探蹤截堵臣於十八日即取道蘭河前進十七日遂次向家壩接據喜明柯藩稟報十四日午刻有賊匪

德宗果公年譜卷十五

三

德宗果公年譜卷十五

三

一股由南坪竄至獅子壩當即率同守備王英帶兵扼住隘口截擊槍斃賊十數名賊即退占山梁我兵仰攻時忽金竹溝又有賊匪竄出直撲營盤經喜明酌帶馬隊兵勇衝擊賊遂折回溝內攀山而遁其山梁之賊經守備王英帶鄉勇首先搶上殺斃馬賊一名並執旗賊五名賊又退上極高山頂擲石抗拒據報又有一起賊匪由水底河南坪峽一帶乘空東竄豐口壩當即商酌分兵趕截又報馬賊數十人由小峰壩而來即委令參領富陞帶馬兵前往追擊賊見兵至即又逃回時已黃昏而山頂之賊相持未下隨又添派鄉勇協力攻打並用槍礮轟擊斃賊數十人賊始敗入大山共計殺賊一百餘名奪獲刀矛旗幟陣亡鄉勇候補外委敖煊一員受傷及陣亡兵勇另行查報是夜三更後賊復前來分撲各營卡槍礮轟擊旋即大雨直至天明隨探賊由石門子遁出該總兵等一面知會慶溥馬玉魁等即帶兵直趨白土關遏其入楚之路等因隨據慶溥馬玉魁等稟報探知賊由東竄亦星夜帶兵趕至白土關詎該逆等知北面有兵遂由南面老林直向東奔慶溥等復由竹谿縣抄出平利之大匯灣扼截賊匪不敢竄楚折向八角廟秋山溝老林遁逃查秋山溝一路直達鎮坪南通大甯之雞心嶺東走竹谿之豐溪西走大樹河



爲三省通衢賊既入山而慶溥等官兵迂繞抄截徒勞無濟且平利安康雖已肅清而紫陽一帶尙有王光祖餘匪千餘人在彼滋擾隨飭令慶溥等速帶原兵卽赴紫陽一帶與額勒亨額併力剿辦並令如有川匪竄來亦卽截剿過其突入陝境不但顧及江岸卽楚省亦可無虞當卽咨呈額爾登保查辦臣鼓勵將弁兵勇倍道趕行二十日至八角廟有逃出難民鄧有春涂彭氏等三十一名口來營請票又經哨探兵勇拏獲賊探劉永輔龔學文等七名訊係派來探聽信息之賊餘無要供隨卽分別辦理二十一日翻大秋山老林路徑羊腸又值淫雨道路溘滑仄險處

德壯果公年譜卷十五

美

一線偏崖賊匪過後又復毀塌只得隨修隨行是日逃出新難民梁隆祥董曹氏等八十三名口搜獲落後賊匪黃新倅張成玉等十名二十二日由黃龍坡紫白土嶺沿途又有難民鍾天盛陳殷文等五十一名又前敵拏獲賊匪唐貴章等十一名俱經隨時分別辦理隨據探報有賊匪千餘人屯於謝家灣隔河一帶距我兵六十餘里臣於四更發兵二十三日早雨勢漸大午刻行至竹節溪有難民屈顯仁告前面山梁樹林內有數百人埋伏大眾屯在隔河文彩溝裏等語臣卽預爲準備令將弁兵勇直上及至山梁地勢稍平該逆不知我兵識破率衆二百餘人一齊突

出我兵槍箭齊發立斃賊五六十名又經副將李應貴參將馬應國遊擊銜德英額等帶領步兵抄出其後賊卽紛紛竄下河壩冀圖躡淺過河正值溪水漲發洶湧急溜我兵趕至河邊賊衆前後無路眼見躡淺者盡被大水衝去餘賊悉數殲盡正欲乘雨搭橋無如溪流暴漲人馬不能站立夜半雨止次早水勢漸退臣先令哨探覓水過河趕搭浮橋兩處隨卽全行渡完途次據探報前股賊匪大隊昨早已由石渣河而去文彩溝之賊今早亦已前逃距我兵不過五六十里當卽催兵翻馬鞍山時又微雨未刻趕至紅沙溪遙見賊衆在掃箕寨山黃屯聚臣令賽沖阿馬

德壯果公年譜卷十五

美

瑜蒲尙佐富僧德慶昌穆騰額李東山馬元等帶馬步兵勇由左邊繞上山梁令溫春色爾滾達勒精阿蘇爾伸達自祥馬文斌劉彪等帶馬步兵勇由右邊山背而進臣督同阿穆勒塔珠爾杭阿遜多保富登阿明德唐玉龍馬濟何君佐等由溝底直衝賊匪望見官兵竟敢吶喊搖旗前來抗拒時賽沖阿溫春等帶兵由兩邊山梁壓下臣又由溝底直前因雨大泥濘路徑陡仄我兵未能得手祇殺賊一百五六十名餘匪紛紛向十八灣奔逃我兵跟追直至二十餘里之乾溝又殺賊百餘名擒獲活賊金占鼇等六十九名時已黃昏雨勢愈大前途又係菁林未便再進獲



有馬騾二十三匹大小旗十四面刀矛一百六十三件隨據難民袁林等於獲犯內指出探馬頭金占釐大旗手陳國太二名訊據供稱元帥係黃號龍紹周手下四五千人白號原是唐大信今元帥是李顯必祇有二千人還有唐明萬一股二千餘人又有小藍號張家營藍號冉家營共一千餘人五家合夥原要過江探得大兵前來他們就往東走要到湖廣不想都被官兵截住今並無一定主意總是探聽無兵地方竄去等語並訊明各犯均係戰手一概正法其難民袁林等訊係平利安康一帶被擄之人均各給銀米路票回籍臣查陝省江北南山之內祇有冉學勝

德壯果公年譜卷十五

五

伍懷志餘匪已有穆克登布等分兵兜剿諒即日可以肅清又據沔縣稟報高馬二逆後股餘匪經長麟截剿祇贖二三百人由甯羌之卦子山入川又近接勒保來信以川北業已肅清惟辛聰陳朝觀李炳魏棒棒顏勝可劉朝選湯思蛟張添倫等合夥俱在雲陽奉節一帶滋擾樊人傑冉添泗在太平白河亦欲前去併合現在督同七十五薛大烈永甯託雲泰等分投截剿至楚省之徐逆疊經書麟長齡明亮等分路剿殺勢亦狼狽苟逆已至興山自必折回川境再查三省現有賊股俱係各路官兵屢次剿敗殘匪惟龍紹周等歷年游奕於川陝界上老山之內未得痛

加剿洗刻下人數雖有萬餘多係被擄百姓惟恃走險苟延殘喘如官兵一得地勢不難立即殲除頃據探報該逆已竄入川境之大甯二郎壩一帶該處東走大甯之徐家壩西走太平之黃墩北走竹山之向家壩長村壩等處第賊趨向無定萬一被剿情急或恐竄楚臣先即飛咨書麟酌派兵勇在長村壩一帶扼要堵截且龍逆人數較多儻有蔓延間閭更遭荼毒茲臣於二十六日已至平利大甯交界之黑虎廟惟有趕緊剿辦毋論該逆奔竄何處總以剿除淨盡再辦他股較為妥協連次打仗受傷兵勇數人容俟另報

德壯果公年譜卷十五

五

諭曰德楞泰追剿龍逆股匪雖疊次截殺僅殲賊一百五六十名並未能將首逆殲擒殊不滿意惟未令龍逆竄楚逼入川境之大甯二郎壩一帶德楞泰即帶兵至平利大甯交界之黑虎廟趕緊剿辦所見尙是現在春令雖時有雨降尙不至如夏令之多德楞泰惟當趁此賊匪乏食之時迅即剿盡不可藉口雨大官兵難行致有延緩至楚省賊眾兵單未足深恃豈可再令龍逆竄入德楞泰務於平利大甯處所將此股迅速殄平即一時未能剿淨亦祇應逼令入川斷不可越入楚境所有此次陣亡鄉勇候補外委教植著咨部賜卹

十六日



公奏言查龍逆竄走茅壩一盃泉等處盡屬老林道路險仄陰雨滑濫復有埋伏賊匪若我兵尾追仍係不能施展查左手雞心嶺一路雖高峻三十餘里臣從前曾經翻越若由此前進可截住徐家壩入楚之路惟上下懸崖偏橋數處經該處民人盡行拆燬搭架頗為費力當有參將馬應國都司袁陞侯告請設法連夜辦理二十七日已刻據報修竣但賊由一盃泉竄去若竟無兵尾擊又恐竄回隨令已革總兵遊擊銜德英額等帶步兵八百餘名跟蹤前去虛張聲勢臣統領大隊即翻越雞心嶺是日細雨連綿更後始抵三岔據報該逆因雨阻滯仍在一盃泉長壩子

德壯果公年譜卷十五

二郎壩一帶擄掠茅壩老山尚有埋伏賊匪查三岔一走廟壩子道路稍寬一走五里壩崎嶇萬分步行亦須攀援前進一走六桿溪翻山稍遠即可繞出二郎壩臣令賽冲阿温春色爾滾等帶領馬步兵勇由廟壩子前進令馬瑜蒲尙佐等帶領步兵由五里壩前進臣帶領阿穆勒塔侍衛達勒精阿等由中路走六桿溪為兩路策應二十八日天氣晴朗三路官兵前後齊抵二郎壩據前隊哨探千總史定川擊獲賊探李尙文等三名訊稱賊已由一盃泉長壩向西前竄前營偽元帥唐明萬帶馬隊七八百人步隊三千餘人中營偽元帥李顯必帶馬步隊五千餘人後營

偽元帥龍紹周帶馬步隊四千多人前營已過和岡溪不過相離十餘里後面老林內還有埋伏一千餘人怕官兵趕來斷住後路等語臣即帶兵直趨和岡溪適賊匪前營中營業已進溝順河上走後營之賊正在攻撲天平等寨遙見官兵即翻右邊大山奔逃臣令賽冲阿温春色爾滾等帶領步兵翻山追剿後營賊匪又探得老林埋伏之賊尚未出山臣恐其乘空抄出我兵後路隨令副將達自祥等帶領兵勇在和岡溪溝口扼要堵截臣即帶官兵接續進溝溝內兩山夾峙河水洶湧賊匪擁擠不開我兵分力攻殺斃賊七八百名該匪等恐不畏死猶敢抵敵時成都

德壯果公年譜卷十五

佐領練勇巴圖魯歡福斃賊多名箭已射盡四川都司賈紹復外委鄭起高俱以力戰陣亡臣督兵掩殺賊勢愈形潰亂有馬步賊匪爭先奔竄者有徒手爬山而逃者有跳河淹斃者臣察看光景其中難民居多即傳令侍衛兵勇等凡手無器械及婦女幼孩俱係被難百姓不准殺傷雜時賊眾紛紛丟棄刀矛者一千餘人盡皆俯首就縛臣當令賽冲阿温春色爾滾等帶領馬步兵勇追剿奔竄賊匪賽冲阿等正當痛剿之際前營賊匪聞知中營賊眾被剿竟敢回頭飛奔前來救援賽冲阿等帶領東三省馬兵奮力馳擊斃賊四百數十餘名生擒六百餘名嗣據探報後



路老山內埋伏賊匪已由一盃泉出我兵之後臣因恐達自祥等所帶俱係步兵不能痛剿當將溫春調回同阿穆勒塔等帶領馬隊二百名馳往接應達自祥等業已與賊接仗時總理糧務候補知府徐兆伯候補縣丞羅應庚候補典史李培秀帶領鄉勇護解糧餉亦抵該處即有騎馬賊匪數名往前直撲廣東參將堅勇巴圖魯唐玉龍即單騎直入箭斃賊匪二名猝被矛傷陣亡典史李培秀被後面步賊槍傷陣亡適溫春阿穆勒塔慶昌等帶領馬隊趕到慶昌首先衝殺箭傷賊匪數名德英額帶領步兵兵勇亦由一盃泉老林尾追前來兩面夾擊殺賊三百五六十

德壯果公年譜卷十五

聖

名生擒二百餘名餘匪四散翻山而逃其馬瑜蒲尚佐等帶領步隊追剿後營賊匪翻越大山三重又殺賊三百餘名臣生擒五百餘名時已將暮當即將各路官兵撤回至涼水井紮駐此次各路官兵共殺賊匪一千八百九百名生擒賊匪及大小男婦李大文陳會武共二千三百餘名口獲旗二百三十四面大小礮七位鳥槍刀矛千餘件驟馬共四百五十七頭匹臣因賊匪被勒之際渙散藏匿者甚多二十九日派令各營將備帶兵四出搜捕陸續又獲犯三百四十餘名查獲賊內有正賊自行割去髮辮假充難民者一時驟難訊辦臣令難民內老幼男婦補加識認指出

偽總兵趙志成偽先鋒包萬才戴世榮探馬頭萬全楊盛良旗手宋仲效阮成貴鍾祖望周光明等九名並老賊戰手蔡於明等六百八十九名訊據僉供原有一萬二三千人今被官兵緊勒不敢過湖北去想逃到老山裏來仍過陝西不料大兵乘雨猝然又到殺傷逃失大半等語訊明後將偽總兵趙志成等九名嚮割致祭陣亡之唐玉龍歡福賈紹復鄭起高李培秀等以慰忠魂其夥匪蔡於明鄒建禹等六百八十九名亦即正法大小男婦難民除釋放附近之王明高等二百五十四名口外其有陝省難民王廷魁等男婦一千九十七名口川省難民何士龍等男婦六百二十一名口均應釋放此項難民若不妥為安插必致流離失所或又去而從賊於剿撫事宜大有關係是以臣即就近飛調大甯場遊擊劉貴朝鹽大使米喬齡酌帶兵勇前來將難民解赴大甯縣交收又恐該署縣鍾蓮一人辦理難周復飛調署夔州府鄭成基督同該縣查明隸川省者分別遞回各州縣妥為安插其隸陝省者造冊委員解赴興安府分別照辦臣亦將兩省難民造冊分咨勒保陸有仁以便查辦此次賊眾萬餘勢亦兇勇梟悍各路接仗之次俱有腹背受敵之虞幸仗

德壯果公年譜卷十五

聖

皇上天威以少擊眾大獲勝仗救出兩省難民一千七百餘名潰



散者諒復不少賊匪經此大挫已去其半自己膽落魂驚  
臣惟有趁勝不子以暇趕緊掃除迅圖集事

諭曰德楞泰前在漢江北岸督兵會將著名首逆高二臨陣戮斃  
聲威素著過江以來剿辦龍逆此次又復大獲勝仗所向克捷  
並救出兩省難民一千餘人實屬可嘉著先交部從優議敘並  
賞給玉搬指玉大吉四喜牌金鑲松石盒大小荷包提督賽沖  
阿帶兵馳擊擒戮多名甚為出力著交部議敘並賞給瑪瑙搬  
指玉帶頭大小荷包二等侍衛慶昌首先衝殺奮勇出眾著賞  
給喀爾巴巴圖魯名號仍著交部議敘並賞給瑪瑙搬指鑲嵌  
玉帶頭大小荷包又發去搬指搬指套牙籤袋小刀各十件著  
德楞泰分賞出力將弁又一兩重銀牌二百面五錢重銀牌三  
百面分賞打仗出力兵丁以示獎勵此外如尚有出力人員並  
著德楞泰查明具奏據稱現在賊匪有西竄太平縣屬之勢看  
來龍逆被剿緊急自必逼竄川省德楞泰本係成都將軍在川  
督兵有年於道路情形最為熟悉德楞泰即當緊躡入川剿辦  
更易得手定可一鼓成擒但此時總以解散賊黨為最要而解  
散之後尤必實力撫綏若聽其自去必仍從賊奔逃總無了結  
之日矣所有此次陣亡成都佐領歡福廣東參將唐玉龍四川  
都司賈紹復外委鄭起高典史李培秀俱著咨部賜卹

恭錄

御製詩

參贊德楞泰奏報剿龍紹周大股逆匪殲戮生擒及解  
散投首者四千餘名詩誌感慰

賊勢雖殘仍裹脅萬餘醜類列三營當車漫恃山林險奮馬全

憐溝壑傾德楞泰剿辦龍紹周等賊匪由雞心嶺趕辦橋道布

隊行走於二十八日齊抵二郎壩前哨擊獲賊探訊知大股匪

徒約有萬餘分作三營老林內尚有埋伏前營已過和岡溪等

語我兵直趨該處派令賽沖阿等擊剿翻山逃竄之賊副將達

自祥參將唐玉龍等扼和岡溪口截剿伏賊德楞泰督率將弁

奮力掩殺溝內之賊當斃賊七八百名見賊勢立形潰亂並傳

令軍中不准傷害難民即有應聲拋棄刀仗就縛者千餘人而

前營賊匪竟敢折回抗拒我兵奮擊又殲賊四百餘名生擒六

百餘人復抽派溫春帶領馬隊馳赴和岡溪口一路與堵剿伏

賊之達自祥唐玉龍及原派帶兵尾追之德英額等同抵該處

會合夾擊共追殺賊六百餘名生擒七百餘名此次各路官兵

共殺賊一千八百九百餘名生擒二千三百餘名口次日又搜獲三

百四十餘名於前後獲賊內指認出偽總兵趙志成先鋒包萬

才戴世榮探馬頭二名旗手四名戰手六百九十八名即予正

法釋放川陝及附近之難民幾及二千人德楞泰久歷戎行威

名最著此次更能發謀督眾獲此大勝省釋難民多人實能仰

體予不得已用兵之苦衷尤堪嘉許惟冀各路捷音迅奏同底

蕩平懋承

鴻臚

天意何時方赦罪予心奚敢事佳兵咎誠在已功諸將渴願西南

奏蕩平

十七日  
公奏言正月二十七日

上諭內開此次德楞泰乘夜冒雪緊躡追剿將極惡首逆高二殲

斃其功甚大朕嘉慰之懷難以言喻特解親佩火鑲包一箇手



授軍機大臣領賜德榜泰如朕親授外又賞德榜泰喜字玉搬指金盒大小荷包並著交部從優議敘德榜泰之子乾清門侍衛蘇崇阿著陞授頭等侍衛以昭殊眷等因欽此臣跪讀

恩綸感悚交縈莫能自己當卽望

闕叩頭祇領記籍查教匪滋事以來已歷五年延及四省臣

謬膺重任未能及早蕩平上煩

宵旰頻年焦勞清夜捫心時深悚惕首逆高一流毒數省實已惡

貫滿盈久為神人共憤此番仰仗

天威得以迅就伏誅稍紓

聖塵者皆由將弁用命士卒爭先所致於臣不過親臨指不實無

德壯果公年譜卷十五 獎

寸功足錄迺荷

聖慈優渥

寵錫頻仍既叨

親授之榮再蒙優敘之典已屬格外

鴻施更復

恩逮臣子蘇崇阿授為頭等侍衛似此

殊眷再四有加非臣父子夢想敢望實不勝榮幸感愧之至臣惟

有益竭血誠倍加奮勉迅將各逆掃蕩以期地方肅清庶

得早覲

天顏稍伸犬馬戀

主之忱并囑蘇崇阿練習弓馬勤慎當差庶以仰報造就深恩於萬一

殊批勉力迅速成功立加封爵切勿遷延時日為要

十八日

公奏言竊臣於前月二十八日在大甯縣屬之和岡溪等

處將龍紹周等股賊匪大加痛剿因山內尚有藏匿匪眾

二十九日分兵搜捕即行前進初二日抵黃花廟是夜二

更突有賊匪前來偷撲前敵副將李應貴遊擊馬元營卡

勢甚兇悍我兵槍箭齊發並用礮轟擊該匪懸不畏死猶

敢攀扯鹿角當經賽冲阿帶領吉林官兵突出抄截李應

德壯果公年譜卷十五 獎

貴馬元亦即帶兵夾擊立殺賊匪一百餘名生擒二十七

名賊始敗逃我兵又斃賊二十餘名生擒九名兵勇內亦

有帶傷者隨據獲犯張俸等供稱此股賊匪係辛聰並張

士龍王世虎各餘黨共有二三千人在川東被官兵殺敗

逃到老山裏來要由徐家壩到湖北去昨日他們說由陝

西過來的官兵必是王英帶的派一千戰手前來偷營要

想擄掠騾馬好往湖北等語訊係正賊一概正法臣恐該

逆窺伺楚境初三日仍即帶兵逼向西南緊追酉刻趕上

賊尾又殺賊百餘名味此亦好生擒周正榜等二十四名訊明後亦

即斬訖該匪已翻界嶺向太平縣屬之後坪地方西竄距



楚境已遠初四日五鼓臣正擬帶兵取道黃墩追勦龍逆又據哨探千總史定川等拿獲賊匪李四海等三名前來訊據供稱龍逆等被官兵殺敗逃到黑水河地方又怕官兵趕上商量將人馬藏在老山裏上村地方唐元帥同新掛帥之王如恂帶一千餘人走黃墩老林內由太平轉到紫陽西鄉要引官兵追趕過去龍紹周帶領大眾仍要由舊路翻一盃泉茅壩一帶到陝西鎮平若湖北卡子可以衝過便往湖北若衝不過去就由平利往安康紫陽一帶與唐明萬會合等語當即斬訖隨將官兵暫紮桐油壩分遣兵勇前後確探去後夜半據哨探回稟竄往黃墩之賊

德壯果公年譜卷十五

奏

祇有千餘人大股賊匪於初四日由黃柏壩走至小玉河向一盃泉茅壩回竄查龍逆素為詭譎歷年以來惟恃川陝邊界山內往來避匿是以官兵未能痛勦此次又分股各竄牽綴官兵狡猾異常實堪髮指該逆現在尚有六七千之眾較之各股人數仍為大股臣自應仍照前奏跟蹤勦除至辛聰唐明萬等逆既入太平該處俱係各逆往來之地究在山內可無蔓延之患且城口尚有副將褚大榮等帶兵雖單臣業已飛札飭知該副將會同主簿張雲漢多集該處團勇就近堵勦其時又據署夔州府鄭成基稟報大甯奉節雲陽等處業經肅清勒保現已督同七十五

等前往東太一帶進勦儘辛聰等逆出山並可就近兼顧臣亦已一併移咨勒保酌辦初五日臣即帶兵由桐油壩折回初七日趕至一盃泉接據湖北坐卡守備胡宗典稟報初六日黎明時龍逆賊匪大隊衝破西密河都司鄧興相卡子竄入楚境等語茲臣於初八日已趕抵楚境竹谿縣屬之興隆坪探得該逆由王家山前竄或至竹山或竄房縣其去向尚未據確報惟查龍逆等賊眾被勦後實已畏懼之極故所竄俱係老山箐林今該逆遁入楚境臣帶兵緊躡而進楚省地勢較蜀之大甯太平老山稍為平行兵馬更得施展適又奉到

德壯果公年譜卷十五

奏

諭旨以楚省徐添德大股賊匪已逼向西南而苟文明李彬二逆尚在南山遊奕難保不折回東竄臣現已追勦龍逆入楚如能即日掃除自當會同書麟長齡明亮等再將徐苟等逆或併力勦淨或逼過川陝以冀先將楚省肅清設或龍逆被勦尚有餘匪未淨竄入陝臣惟有隨時相機勦辦務期大局有濟謹遵將入楚日期及籌勦情形先行具

奏

諭曰據奏帶兵趕勦龍逆股匪已入楚境情形所辦尚好龍逆一股素稱譎詐必須勦洗淨盡前經官兵痛加殲戮此次分股各竄牽綴官兵仍由舊路折回竄入楚界若無官兵追勦賊勢必



復鳴張前此即經降旨以目下楚省情形視漢南為尤重川東之賊又恐由大甯入楚諭令德楞泰以先行肅清楚省為要茲德楞泰遵旨帶領勝兵緊躡而進楚省地勢較蜀之大甯太平老山稍為平行兵馬更易施展德楞泰務當倍加奮勉會同書麟等將龍紹周股匪殲除淨盡俟剿竣龍逆後察看徐添德苟文明二股逆匪何路相近即相機馳往剿辦德楞泰在楚剿辦一時未能淨盡亦必趕緊追截斷不可任其在楚復有蔓延若能將賊勦逼自東而西折回川境德楞泰仍應遵照前旨緊躡賊蹤不予以暇方為妥善現據獲賊供內有以為王英所帶之兵故來劫營之語德楞泰威名素著其所帶之兵最為趨健賊若知係德楞泰營盤必不敢前來偷撲正當趁此勝兵上緊戡功以慰廑注

德聖果公年譜卷十五

辛

辛

十九日

諭曰德楞泰所帶之兵所向克捷最為趨健前因陸有仁供支軍餉安速賞給議敘德楞泰帶兵入楚所有應用軍火糧餉務須源源接濟供支無缺俾士飽馬騰剋期戡績儻該省軍餉稍有不敷書麟倭什布不妨據實奏請候朕酌撥

二十六日

公奏言竊臣於初九日由洞賓口前進探得龍逆過楚後冒雨狂奔宵夜不停連日沿途逃出難民黃魁等來營請

票者日或二三十人至五六十人不等訊知該逆實在畏懼官兵不敢竄出平原總在南山老林內翻越所經地方俱係偏僻小路實欲疲我兵力間又分出賊匪數百或伏於山谷之間或藏於密林深溝一經趕剿四散爬山遙為牽綴我兵時須隄防實為詭譎萬狀十二日據報龍逆由平溪翻山走魚溪河王家山一路有奔絲茅岡大西河之勢查絲茅岡相距我兵計程尚有一百五六十里即於是夜四鼓冒雨前進十三日已刻趕抵葛藤口據報馬鞍山濫池子一帶現有埋伏賊匪並帶到逃出難民王廷材等五名供稱聽龍紹周說官兵利害總要老山裏使官兵難走若有險要地方還要埋伏搶劫鍋帳等語臣查看馬鞍山一帶山勢陡險兼之雨水泥濘臣當派馬瑜副將李應貴參將馬應國遊擊馬元等帶領兵勇由中路波魚溝迎敵囑令占住山勢不必深進一面密令賽沖阿溫春色爾滾侍衛富僧德慶昌蘇爾伸德楞額協領富登阿穆騰額等帶領馬隊由允子坪米家河繞出賊後一面派蒲尙佐副將達自祥參將李東山遊擊何君佐遊擊銜德英額等帶領馬步兵勇由大團包車盤寨抄出賊右臣督率阿穆勒塔侍衛達勒精阿總管遜多保遊擊沈洪劉彪李應元由大士庵張家壩前進為三路策應山頂哨望之賊見

德聖果公年譜卷十五

辛



我兵三路進發該匪恃山陡險分路迎敵各路官兵奮勇  
並進直撲上山賊匪膽敢施放槍礮擲石如雨兵勇內間  
有被傷者官兵愈攻愈緊衝槍石一擁搶上立斃賊匪  
珠批好一百餘名該匪敗向柳樹坪奔逃馬步兵勇趕追沿途又  
殺賊珠批好二百餘名擒獲馮為棟等一百三十四名餘向東南  
竄徑係奔白鐵河官渡河等處而官渡係山內行船大河  
連日淫雨水必大漲如果地方將河內船隻盡行撤去該  
逆斷難飛越我兵趕走更易痛勦即於已到馬步兵勇內  
挑出強壯者千餘名臣督率賽沖阿溫春阿穆勒塔色爾  
滾馬瑜滿尙佐並侍衛將弁等連夜跟追五更後趕至黃  
荆壩係官渡場後山馬步兵勇趕到者不過三四百人賊  
眾已在河沿洶水火光滿地遙見河內並無船隻男婦夫  
小喧嚷不已我兵即欲下河勦殺臣以賊眾尚有數千遂  
令各兵放槍轟擊虛張聲勢使賊不知我兵虛實緣河面  
寬大水漲流急黑暗之中聞官兵殺來愈形慌亂淹斃賊  
匪不計其數迨官兵陸續到來天甫黎明臣即督率馬步  
兵勇衝下時竹山縣范繼昌亦帶鄉勇趕到尚有賊珠批好  
餘人一齊擁擠下河我兵立殺賊珠批好一百餘名生擒謝大義  
等五十餘名眼見洶渡彼岸者不過三四百人其餘均被

德壯果公年譜卷十五

珠批可專

至

漂沒又據探報有賊匪一千餘名半夜已順河下走臣隨  
合賽沖阿等帶兵追至七八十里斃賊珠批好二百二十三名生  
擒劉以全等三十餘名口餘匪向橫擔梁四散奔逃訊據  
獲犯馬為棟謝大義等供稱龍元帥說官兵追趕甚緊湖  
北斷存不住河內又無船隻就令眾人洶水過河逃回四  
川去他與三四百騎戰手先行洶過黑夜水深不料官兵  
殺來一齊擁擠下河衝溺無數祇贖幾百人過河還有一  
千多人半夜裏有蔣先鋒帶領順河下走要由平河口過  
河翻老林回四川去等語訊明後均即分別辦理臣隨令  
泗水者躍探河道淺處亦約有四五尺勢如建瓴臣一面  
派令哨探兵勇晷過河南探查一面派令副將李應貴參  
將馬應國遊擊馬元帶領兵勇砍伐樹木設法趕搭浮橋  
適竹山縣范繼昌解運軍米船隻到來湊搭成橋較之木  
植不但易架而又便捷連夜趕搭完妥是夜據各哨探回  
報過河之賊不過二千餘人已向東紙坊坪天池壩前逃  
其順河下逃之賊約有一千四五百人向白雞埡南竄其  
勢斷不能久踞楚省臣查龍逆等賊股原有一萬數千人  
除大甯和岡溪痛勦後鼠楚時尚有六七千之眾祇因官  
渡河內船隻撤盡得以乘夜追擊洶河淹斃加以斬擒並  
沿途陸續投出及逃散自行回籍者亦多事機極爲順利

德壯果公年譜卷十五

至

至



其有受傷兵勇容俟另冊報部辦理

同日公偕書麟明亮長齡又奏言臣德楞泰於三月十五日由竹山官渡過河跟蹤賊蹤前進旋探龍紹周等匪由天池亞南竄儻由房縣上龕東折則均穀襄樊等處在在可通臣德楞泰因即取道木蘭坪東面截剿途次接到書麟來信以徐張等逆有北竄房縣之勢長齡明亮等現在木樹三坪勦辦苟逆等匪書麟聞龍逆等被勦東面無兵堵截亦改道由白玉坪前來或為迎截或為夾擊臣德楞泰查龍逆等隨竄之路亦與各逆相近如果合夥是賊合而兵亦合正可聚而殲洗或有另竄別情亦可熟籌萬全

德壯果公年譜卷十五

五

之策當即札覆茲於十七日臣德楞泰帶兵先已趕至上龕時書麟亦已西來龍逆知上龕東面有兵不敢前來即由新營南向紅坪而遁十八日早臣書麟帶兵趕至正會晤間長齡明亮等亦即由彎腰樹前來彼此將楚省現有各路兵力及各股賊匪奔竄應作何勦辦情形連夜公同熟商查苟文明等股遁入房縣之木樹三坪約有二三千人臣長齡明亮從紫竹地方扼住東北之路該逆遂向西南奔逃頃探已由羅漢洞黎子坪竄去距龍逆不遠徐添德張允壽等匪或一二百人或數十人四出焚掠明分暗合朝東暮西近又東折興山之當陽河一帶約有三四千

人總兵孫清元副將吉林泰帶兵亦折赴黃連坪一路各匪本係烏合之徒正賊無幾脅從者多一經痛剿四散分逃惟恃險鋌走牽掣官兵為苟延殘喘之計是現在楚省各逆勢已分為兩路苟文明龍紹周等逆先後所竄黎子坪長村壩俱係一路該處徑通大甯巫山邊界臣德楞泰擬即帶兵就近跟追至徐添德張允壽等逆於各逆中最為詭譎臣書麟長齡明亮擬各帶馬步兵勇督同孫清元等分路四面兜剿則被擄之人勢必日漸潰散自可迅速剪除如徐逆等已除或苟龍等逆尚未殲滅臣書麟即可帶兵與德楞泰合力併辦設或苟龍等逆入川而徐張等逆被勦窮蹙亦即回川勢必亦由大甯巫山而入臣德楞泰亦即可就近接辦

德壯果公年譜卷十五

五

諭曰此次德楞泰追擊龍紹周股匪共計殲擒八百餘人其落河淹斃者甚多賊眾勦敗竄至河干正值河水漲發該縣預將船隻全撤辦理甚為認真此股賊匪前逼大河又無船渡自投絕地德楞泰督率官兵迅速趕到定可一鼓殲除乃其時趕到兵勇不過三四百人未便下河勦殺以致賊匪先後渡河者共有二千餘人其順河下逃之賊亦有一千四五百人各首逆俱已先過未得殲擒失此機會深為可惜現在餘匪不過三四千向上龕一帶奔竄勢已窮蹙若不速剿一兩月後又成大股更難



撲滅矣此時德楞泰繞出上龕東面迎勦書麟已帶兵趕至而長齡明亮勦辦苟逆一股因該匪相距龍逆不遠來至德楞泰軍營據書麟另奏勦辦徐逆等股並與德楞泰聯銜會商合勦情形各摺覽奏具悉但書麟等不可徒託空言即將該匪等在楚境悉數殲除愈速愈妙儻一時未能勦盡亦當逼令入川俾楚省早就甯謐德楞泰本係成都將軍自當追躡入川與勒保上緊勦辦

同日公又奏言臣前在大甯縣和岡溪省釋川陝難民二千七百數十名口當經奏明飛調遊擊劉貴朝鹽大使米喬齡署夔州府鄭成基各員護送查辦在案茲據該府等

德壯果公年譜卷十五

三

稟稱難民情形頗為疲憊送到大甯時當即捐資搭蓋草棚分別男婦妥為棲止日給粥飯并與布衣鞋襪等物連日清查籍址除四川各州縣及附近陝西難民就近遞送回籍外其平利邕西安康紫陽石泉西鄉南鄭一帶百姓八百餘名口恐陸路不靖甫脫虎口又蹈危機殊非仰體皇上好生如天諄諄訓誡之至意該府縣等公捐銀一千二百兩派員雇船由巫山水路護送至興安府交明分遞回籍稟請批示各等情前來臣以省釋難民如地方官均能似此愛惜百姓認真妥辦不但難民等得所依歸而賊黨聞知人心亦易渙散實於軍務有裨當經批飭照辦外並移知

撫臣陸有仁札知興安府俟此項難民到時妥為安插辦理矣

硃批所辦好知道了

德壯果公年譜卷十五

三



德壯果公年譜卷十六

次孫花沙納恭纂

嘉慶六年辛酉

四月初七日

諭曰德楞泰於前月二十六日奏報追勦龍紹周等逆各情形與

書麟等會合籌辦已成三面夾擊之勢伊等如此布置自應迅

獲勝仗乃越旬餘未經續奏捷音竟不知所辦何事目前畿輔

近地麥已結實南方氣候較早二麥將近成熟若不趕緊勦辦

賊又得掠食飽颺軍務更形棘手轉瞬即屆盛夏伊等又以大

雨時行天氣炎熱為詞豈不又須遲至秋令乎且軍務一日不

竣此數月耽延勢必又糜帑銀一二百萬雖各處動撥不虞缺

乏但生靈荼毒又不知凡幾矣從前

聖祖仁皇帝時削平三藩不過五六載即行底定

皇考年間平定準回兩部拓地萬餘里及用兵大小金川均不過

五年全行蕩績今賊匪烏合嘯聚僅係內地亂民並非外寇可

比乃辦理已五年有餘尙未悉數殄滅朕心焦切夙夜靡甯今

歲入春以來京師各省雨暘時若豐稔可期此實

上天垂佑我君臣自當共矢恪勤盡人事以答

昊慈若稍有懈弛

天眷豈可長恃即如內外大員等經朕簡任如果實心任事朕自

不吝恩施若玩愒因循毫無振作朕恩豈可倖邀乎德楞泰帶  
兵打仗素為奮勉屢次奏績朕正盼其迅奏捷音廓清楚境今  
亦如此玩延何以克副期望朕因軍務廩念宵旰為勞德楞泰  
書麟等務當仰體朕意將楚省各股迅速掃除馳奏捷章以慰  
殷注勉之望之

初八日

公偕書麟長麟奏言竊臣德楞泰帶兵由紅坪羅漢洞跟

追龍苟逆匪臣書麟長麟由南灘柏木取道豐邑坪臣明

亮由獅子壩至九道梁臣德楞泰於二十一日趕至向家

壩哨探帶到逃出難民趙大受等供稱龍苟等逆在梨子

坪聚會後知官兵追來連夜分逃苟逆仍東折入楚龍逆

由徐家壩已進太平老林伏思龍逆被勦窮蹙深匿避兵

自不敢復來惟苟逆入楚必與徐逆等會合則楚之東面

賊勢愈重若即尾追是又逼向東竄楚省兵力實單權其

輕重臣即應帶領大兵東顧隨飛札四川太平駐防城口

之副將褚大榮等就近追勦龍逆臣於二十二日即由向

家壩圻回取道房縣遶出興山東面截住荆山大路臣書

麟長麟先至豐邑坪與孫清元吉林泰等會合俱因河水

漲泛未能濟渡又據孫清元等稟報二十三日帶兵至生

銀溝有賊數百名在彼游奕督兵趕擊追至熊藏山梁路

德壯果公年譜卷十六

德壯果公年譜卷十六

殊此可恨



徑險仄未能深追祇斃賊三十餘名生擒十二名是夜賊  
眾乘雨撲營兵勇擊殺六十餘名並探得白號賊匪屯於  
鮮家壩黃寶坪青號屯於西坪兵房河各等處有欲合夥  
東竄興山保康之勢茲臣德楞泰於三十日行抵興山之  
火石嶺扼住要路與豐邑坪相距甚近當即馳往與臣書  
麟長麟會晤商籌惟連日大雨如注水勢日漲纜索椿板  
多方不能修架臣等心急如焚一俟南陽大河水勢稍退  
即當趕搭浮橋分路進剿

諭曰德楞泰旬餘未有奏報本日遞到之摺朕以為必係打仗得  
勝及加披閱乃並未與賊接仗仍不過會籌分路夾擊情形實  
屬無謂此時苟逆一股自必與徐逆聯合德楞泰等如能在楚

德壯果公年譜卷十六

三

將徐苟等逆勦淨固善否則無甯逼令入川德楞泰本屬參贊  
又係成都將軍所帶精兵幾及七千名自應跟蹤入川勦辦至  
書麟長麟明亮係湖廣總督提鎮如賊匪全行入川德楞泰趕  
往後伊三人不必越境勦賊即在楚境各邊監督率地方文武  
嚴密防堵近因楚省一路軍需較多不待奏請又撥銀三十萬  
兩餉項極為充足德楞泰所帶精兵甚多加以各省補額之兵  
軍威壯盛似此兵精糧足更復何所藉口務宜各知愧奮將此  
數股賊匪上緊殲擒不可再有延緩

同日公又奏言臣三月二十五日行次房縣接准額爾登

保移稱

欽使大理寺少卿窩星額太僕寺少卿裴行簡奉

旨來營犒師後即赴臣營犒賞因臣前兩人會晤時曾議及臣帶

兵南渡勦辦匪徒或楚或川師行無定如

欽使再赴臣營萬山之中崎嶇險仄一時不能即遇是以商定於

犒畢經略軍營後即請回京覆

命所有

賞資臣營一分即由經略處轉寄茲齎到

頒賜臣珊瑚豆大荷包一對小荷包四箇鑲玉帶頭一副外花翎

四枝翎管五箇鑲嵌搬指五箇玻璃搬指五箇大荷包五

德壯果公年譜卷十六

四

對小荷包十二對

恩賞兵勇銀二萬五千兩經略議定每征兵給銀一兩防兵鄉

勇給銀五錢并單開川省征防兵勇二萬七千七百四十

四名派銀二萬零五百七十五兩餘銀四千四百二十五

兩即留為打仗奮勇兵勇犒賞之用等因寄送前來臣當

即傳集閣營率同跪接望

闕叩謝宣布

皇仁感激之聲歡呼動地謹將翎管搬指等件擇帶兵出力之員

分頒祇領惟花翎四枝留作以後打仗奮勇超羣賞需其

兵勇銀兩即照經略前議按名分給查臣所帶均係征兵



計滿漢兵勇六千六百四十五名共分賞銀六千一百一十七兩又於備賞四千四百二十五兩數內撥出銀二千兩併川省征防兵勇應賞之銀委員解赴勒保軍營令其一律照辦伏念<sub>臣</sub> 恭膺重任謬贊戎行雖窮谷深山備歷馳驅之艱瘁而安民戡亂莫紓

宵旰之焦勞寢饋難安悚惶無地兵勇等食毛踐土列伍從戎志切同仇情殷敵愾憤鯨封之未築早魴頰之全忘蒙

皇上廡念戎行

體卹周至每逢勝仗立

賜錢糧茲復渥荷

德壯果公年譜卷十六

五

天慈特臨星使憫征戰久役慰勞沛

逾格之恩勵士眾宣勤懸格重擒渠之賞俾<sub>臣</sub> 勦辦更資得力現

在軍心彌奮賊勢日窮龍逆既難恃免逃苟逆亦祇同燬

拒<sub>臣</sub> 惟有激勵將士殫竭血城先肅楚疆移師川境庶冀

逆魁盡縛游魂無稽釜底之誅更令餘孽全消俘馘早就

闕廷之獻勉圖集事完善成功共效涓埃仰酬

高厚

殊批得賞而不思報罰卽至矣慎之

十六日

公偕長齡明亮奏言<sub>臣</sub> 等前在豐邑坪會籌分路入山兜

勦青白號各逆其時書麟因年老過勞連日陰雨染受山

嵐蒸溼之氣病勢日劇猶欲力疾進山<sub>臣</sub> 等再三勸阻始

回房縣延醫調治是日午刻河水漸消卽令員弁兵勇趕

搭浮橋兵馬全行渡訖<sub>臣</sub> 長齡託爾託保孫清元等帶領

馬步兵勇六千餘員名取道長房河入山<sub>臣</sub> 德榜泰督同

賽冲阿温春色爾滾馬瑜蒲尙佐等亦帶馬步兵勇六千

餘員名由書洞溝前進查此一帶老山開荒未久俱係偏

僻小徑兵馬祇可魚貫而行間有極窄處所隨修隨進雖

馬驟日有滾跌而兵行尙無阻滯逐日逃出難民自五六

十名至百餘名不等據詢僉稱青號徐添德白號趙鑑胡

德壯果公年譜卷十六

六

明遠崔宗和等股約共七八千人在廟坪兩河口一帶屯

紮已久附近被擄者甚多昨日探得大兵進山連夜向西

北長房河一帶逃竄我們是乘空逃出等語因山中不時

陰雨路窄泥濘兼之山高林密行走不能迅速迨至初五

日官兵行抵徐家莊探得青白兩號賊匪先後由白草冲

老山竄至大開寨詢據土人均稱老箐絲長二百餘里因

路徑陡窄泥深尺餘無人行走聞賊過去時滾斃騾馬極

多賊匪亦有跌死者逆眾必由梨榨河兩河口出山卽通

房竹之路若由夾帶河松露河繞道就可抄出其前<sub>臣</sub> 等

再三籌計白草冲一路阻險大隊兵馬實難行走若無兵

再三籌計白草冲一路阻險大隊兵馬實難行走若無兵



尾追又恐賊眾折回遂派已革都司馬光宇守備龍必達  
千總江成龍帶四川鄉勇五百名又派竹山鄉勇一千名  
俱執用臣德榜泰前敵旗號殊批好遙為大兵尾躡之勢初六日  
臣等各帶馬步兵勇由夾帶河取道松露河探得青號賊  
股已出兩河口由八角廟元杜坪前逃白號尚在山內未  
出因天色已晚恐其驚竄遠颺隨將營盤紮於山窪處所  
夜間不放號火商令臣長齡等帶兵暫紮松露河兩河口  
俟白號賊匪出山勦辦臣德榜泰於初七日四鼓督同賽  
冲阿等帶領馬步兵勇進剿及由八角廟趕抵元杜坪計  
行已有八十餘里賊匪已向紅花塚遁逃臣鼓勵兵勇飛  
奔前追時已午後至紅花塚趕上賊尾官兵分為三路而  
進令馬瑜副將李應貴參將馬應國遊擊馬元等帶步隊  
由左手山林前進令蒲尙佐副將達自祥參將李東山遊  
擊劉彪德英額等帶步隊由右手山林夾擊臣德榜泰督  
同賽冲阿温春色爾滾侍衛達勒精阿富僧德慶昌蘇爾  
紳德榜額等帶馬步隊居中直前衝殺該逆等始猶推下  
亂石朽木依險抗拒官兵人人切齒不避鋒鏑馬步分投  
競進賊眾立形潰散殊批好賊二百餘人生擒陳添壽等二百  
三十餘名追至鯽魚壩大巖屋沿途又斬殺賊三百餘名  
生擒胡世富等二百餘名我兵復又趕追至石溝溝兩水

德壯果公年譜卷十六

七

夾漈道路逼窄而又淤泥深陷賊眾擁擠滿道竟有奪路  
自相殘殺者其中賊匪三四百人盡被勦戮馬步官兵即  
由賊屍踐踏而過仍復竭力趕剿由吳家庵直至洋文河  
趕追六十餘里又斃賊殊批好二三百名時已黃昏餘匪不過三  
千人向獅子崖連夜分逃各處搜獲大小男婦張鴻謨陳  
邱氏等八百八十七名口尚有滾巖渙散者不計其數槍  
獲礮七位鳥槍一百二十三桿刀矛旗幟千餘件騾馬二  
百八十一匹頭其山內白號賊股一千餘人於初八日竄  
出老林臣長齡等即帶兵追剿至紫竹地方正遇賊眾蜂  
擁而來官兵突出迎頭勦擊當殺賊匪二百四十五名賊  
即敗走追至百餘里之彎腰樹沿途又殺賊百餘名生擒  
向大等三十二名餘匪向扇子壩九道梁奔逃臣明亮初  
八日在上龕探知徐逆賊匪向獅子崖蒙古寺奔竄即帶  
兵截勦殺賊一百餘名生擒李芳等二十三名俱已隨時  
分別辦理現在臣長齡孫清元託爾託保等帶兵趕剿白  
號賊股臣德榜泰明亮分路追剿徐逆楚省祇有此兩股  
賊匪業已痛剿所贖無幾臣等竭力追趕自可即日掃除  
再臣德榜泰等在豐邑坪進山時據陸續逃出難民僉稱  
首逆張允壽於三月二十三日在熊藏山與孫清元託爾  
託保副將吉林泰等打仗時礮傷左腿骨折擡回後旋即

德壯果公年譜卷十六

八



身死臣亦未深信茲據獲犯難民大小男婦千數百人僉稱共見共聞是張允壽之死實無疑義查張允壽與徐添德同惡相濟狼狽為奸荼毒生靈實已罪惡貫盈茲已伏誅徐逆失所倚仗更易掃除又查此次剿殺青白兩號賊匪約計一千六百餘名生擒一千三百數十名內訊出偽總兵探馬旗手陳添壽孔榮志胡世富袁正路周啟俸等五名當即戮割梟示其從賊日久之徐文周等四百七十三名一概正法其應行省釋者除附近之沈茂盛等二百七十二名即時遣回外尚有大小男婦周國才杭李氏等五百六十六名口派員解至房縣並札飭總理候補道海

德壯果公年譜卷十六

九

昌捐給衣衫查明籍址妥為護送安插斷不可令其一名失所再查苟文明等股賊匪已竄過九道梁尚在川楚交界山內游奕現在青白兩號賊股勢已敗殘窮蹙如竄入陝境前准經畧札知已派副都統慶溥總兵喜明等帶兵勇六千餘員名在平利白土關一帶截剿臣德楞泰明亮趕追前去即可前後夾擊儻或奔回川境臣德楞泰亦即跟躡入川惟有趁勢翦除冀圖迅速廓清至此各路打仗兵勇受傷數名容俟另行咨部辦理再奉

旨飭查趕剿龍逆時出力各員謹分別開單呈

覽

諭曰此次青號徐添德白號趙鑑胡明遠崔宗和等逆約七八千人由廟坪一帶先後分竄德楞泰分率兵勇追至紅花塚獅子崖及紫竹地方趕緊剿殺共斃賊匪一千六百餘名生擒一千三百餘名並救出難民八百餘名分別省釋其首逆張允壽訊於三月二十三日在熊藏山與孫清元所領官兵打仗中礮身死現在賊勢大形衰殘可冀即日掃除殊深欣慰徐添德股匪在楚境往來滋擾最為狡猾朕素聞徐添德年老有病惟仗張允壽同惡相濟茲將該犯殲斃徐添德自立形窮蹙不日即可就擒德楞泰到楚以後奮勇剿賊布置悉合機宜屢次告捷著加恩賞還雙眼花翎並賞給玉搬指大小荷包先示獎勵至殲斃張允壽一犯係孫清元一路兵力著加恩將孫清元交部議敘並賞給玉搬指大小荷包仍著德楞泰查明轟斃張允壽確係何人俟奏到再加恩賞並著查明此次出力將弁奏請加恩再發去鼻煙壺搬指套各十件著德楞泰分賞出力將弁德楞泰趁此兵威勝勢惟當鼓勵兵勇上緊剿殺將徐添德等股首夥辦理淨盡勿留餘孽俟辦理此股畢後楚境肅清德楞泰酌看情形或帶兵入川或赴陝剿辦總視何路緊要即赴何處朕亦不為遙制又清字另摺參奏倭什布辦餉延誤一節軍行所捐惟仗糧餉接濟士飽馬騰方可責以殺賊乃不能籌畫妥協以致兵丁枵腹從事實屬玩誤昨因書麟患病曾將倭什布補

德壯果公年譜卷十六

十

旨飭查趕剿龍逆時出力各員謹分別開單呈



授湖廣總督今貽誤軍事若此豈可復邀陞擢現已降旨將吳熊光補授未到任以前即照德楞泰所請令長麟署理現在楚省糧餉著責成長麟專辦上緊設法源源接濟俾無貽誤倭什布已令解任來京候旨其任內經手一切糧運等事有無別項情弊並著德楞泰詳查據實參奏勿得稍涉含混

又

諭曰德楞泰查明前在大甯和岡溪剿賊最為出力人員開單呈覽一摺所有千把外委兵丁等十二員名俱著賞戴藍翎該部知道摺單並發

恭錄

德壯果公年譜卷十六

十一

御製詩

參贊德楞泰奏報痛剿徐添德匪眾擊斃首逆張允壽殲戮生擒解散者幾及三千名詩誌感謝

劫數何時轉仍憐溝壑填師初分兩隊賊又殄三千張允壽殲邪將盡徐添德逃命苟延民安予罪解昭鑒叩

皇天十六日德楞泰長齡明亮等奏報初六日德楞泰等各帶兵勇由夾帶河取道松露河長齡等帶兵暫紮松露河兩河口剿辦白號德楞泰至紅花墩趕上賊尾官兵分為三路而進追剿青號長齡等追剿白號至紫竹地方明亮探知徐逆向獅子崖等處奔竄即帶兵截勦生擒李芳等分別辦理德楞泰據逃出難民僉稱首逆張允壽在熊藏山被傷左腿骨折身死隨訊之難民千數百人無不共見共聞查此次青白兩號賊匪剿殺一千六百餘名生擒一千三百數十名徐逆失所倚仗計日掃除淨盡實仰賴 昊穹默眷迭奏成功也

同日公又奏言 臣奉到三月十六日

上諭德楞泰奏連日冒雨趕剿龍逆生擒偽總兵多名欣慰覽之德楞泰過江以來又復大獲勝仗並救出難民一千餘人實屬可嘉所有錫爵酬庸之典統俟大功告竣再行渥沛恩施著先交部從優議敘並賞四喜玉搬指白玉大吉四喜牌金鑲松石盒大小荷包以示獎勵各等因仰見我

皇上策勵戎行有加無己之至意當即祇領謝

恩其賽沖阿慶昌及出力弁兵亦已欽遵頒賞除另摺陳謝外伏

查龍紹周等大夥匪股游奕漢江南岸賊如蝟集勢本鴟

張是以 臣於渡江後冒雨跟追循蹤緊逼不予以暇疊挫

德壯果公年譜卷十六

十二

其鋒直至大甯山內鹿走險而已窮蝗當車以猶奮二郎

壩險捫巖別遠偏師一盃泉清忍渴直趨重伏據犄角連

環之勢突衝三營忘腹背受敵之虞志決一戰愈攻愈奮

漸逼漸深和岡溪洪波洶湧峭壁峻嶒幸阻危區方伸痛

勦而 臣察窺賊眾多屬難民凡棄刀矛禁無戕害念此輩

罹災岡之慘殃等池魚為我

皇廣祝網之仁重甦涸鮒雖救出裹脅百姓千數百人方以逆首

未擒餘氛猶熾竊悚惶而無地荷

恩命之自

天



皇上崇獎微勞渥加優敘既勵以酬庸之賞復叨夫

蕃錫之珍循分知榮糜身莫報臣惟有將苟徐等逆趕緊殲擒竭

盡駑駘掃除狼豕以仰副

聖天子平賊安民之殷懷

殊批汝功實大勉之

二十九日

公偕長齡明亮奏言臣等前於興山縣老林內鯽魚壩等

處將黃白號等股賊匪痛剿出山狂奔分竄當即分頭趕

追查徐逆尚餘賊匪三千餘人日行一百四五十里臣德

楞泰極力趕追沿途日有擒獲渙散難民亦多而賊蹤狂

德楞泰奏

三

竄我兵未能痛剿十二日至竹谿下三壩適明亮帶兵由

上龕截剿沿途亦有斬獲探得徐逆等翻紅銅山由石板

河前逃又探得龍逆等股賊匪自陝竄楚之西密河松樹

壩一帶屯聚賊探已至豐溪臣等十三日即帶兵順道趕

至豐溪據報龍逆賊匪探知前有官兵連夜又由西密河

左邊老林仍竄入陝之大樹河鎮坪一帶據逃出難民周

俸等供稱龍紹周前被勦敗逃至太平縣屬後坪山內後

有探馬回來說德參贊大兵已追徐添德由興山前往巫

山夔府他們又想擄掠不料大兵在此所以連夜逃回查

龍逆狡猾異常恐其陽言回川仍思竄楚臣明亮帶兵暫

駐豐溪過其回竄十五日臣德楞泰帶兵仍即跟蹤徐逆

前進至竹谿縣黃柏樹嶺據報有自陝竄來黃白藍號三

股賊匪約有三四千人在前溪地方與徐添德會合西竄

又據署竹谿縣郭洲極稟報有陝省竄來一股賊匪不知

賊目姓名約有二千餘人在東西棚周家灣有竄郭家洲

過河之勢恐其深入東竄臣德楞泰正慮東面空虛無兵

適臣長齡在房縣將書麟身後事宜料理完妥接據該縣

稟報亦以東面無兵即督同總兵德昌侍衛瑪善等帶

兵由竹山大道田家壩兜截前來遏住賊頭十七日趕至

礅子灣接仗追剿過數重山梁共殺賊殊批好二三百名生擒

德楞泰奏

四

百四十餘名賊眾由三岔陳家河一帶西逃臣德楞泰追

剿徐逆等股賊匪經由竹山屬之潭三觀吉陽關十九日

翻界嶺至陝西白河縣屬東西二壩趕抵木瓜園探報賊

匪由猴子河口走黃石坂距營不過五六十里臣德楞泰

即於二十日黎明趕抵猴子河口探得賊匪分股圍攻天

保萬安兩寨大夥在黃石坂一帶屯聚臣德楞泰當令溫

春浦尚佐副將達自祥參將馬應國馬濟李東山遊擊何

君佐沈洪劉彪德英額等帶兵勇分赴救援臣督同賽沖

阿色爾滾馬瑜侍衛達勒精阿富信德慶昌蘇爾紳德楞

額珠爾杭阿等直取黃石坂賊巢該逆等一見官兵紛紛



潰亂我兵立斃賊百餘名餘衆遂向蔣家梁四散奔逃官兵跟追掩殺其時圍攻天保萬安兩寨之賊見官兵突至亦向蔣家梁遁逃三路官兵分投趕追由棗樹嶺一帶直抵安家莊計程一百六七十里沿途殺賊八百餘名生擒活賊九百一十餘名口搶獲騾馬二百餘匹烏槍四十三桿礮三位旗幟刀矛極多首逆陳朝觀中箭落馬滾巖屍身未獲不知生死曾芝秀帶箭奔逃侍衛蘇爾紳吉林前鋒委官法靈阿首先衝入賊隊生擒賊目二名訊係藍號偽元帥龐士應南路總兵方文魁又令龐士應等於獲犯內認出西路總兵蒲子榮旗首陳添貴等三名龐士應之父龐年母李氏伊妻王氏伊弟龐學應並訊出從賊日久抗拒官兵胡思名吳興忠等四百三十名口其應行釋放男婦朱有如陳晏氏等四百六十八名口訊據龐士應供年二十九歲東鄉縣胡家場人原係習教於二年間一家投入冉文傳營裏放爲總兵冉文傳在麻壩寨被官兵打死後來冉添元管事因去年正月在定遠縣地方過江是我先搶船過去冉添元掛我爲元帥他在川西被官兵擊去我就同陳朝觀一路今年在川被官兵勦殺因翻老山逃到紫陽會見黃號樊人傑王國賢白號曾芝秀他們說接著徐添德來信令糾人前往湖北可到襄樊一帶多擄

德壯果公年譜卷十六

五

人馬我們四股共有四五千人是以前平利洵陽下來不想到此又被大兵勦殺昨日陳朝觀中箭落馬滾巖曾芝秀帶有箭傷王國賢張萬林向東竄去等語查龐士應本係習教與冉文傳等同時起事實爲罪大惡極即與方文魁蒲子榮陳添貴等六名齣示眾其龐士應之父母妻子兄弟等四名早經習教投入賊營并應辦之胡思名吳興忠等四百三十名一概正法應行省釋男婦大小難民內除附近被擄之湯之秀曹陳氏等一百六十一名口就近釋放其未有如陳晏氏等三百零七名口解送白河縣令其分別遞回安爲安插長齡兜勦黃號王國賢張萬林一股賊匪沿途日有斬獲十九日趕至白河縣屬順水寺該匪等已向洵陽奔逃二十日趕抵安家莊與德楞泰會合明亮恐各股賊匪被勦窮蹙又由關壩大廟竄入竹谿遂自豐溪帶兵前來再戴家營趙鑑白號胡明遠崔宗和等祇贖敗殘餘匪千餘名孫清元託爾託保副將吉林泰等現帶馬步兵勇六千餘員名德楞泰飛札該鎮等務將此股賊匪就地勦除斷不可令其折竄頃據該鎮等報稱此股賊匪十一日已向洛陽河一帶逃竄相距川界不遠或能掃除或勦逼入蜀總不令其回竄又查苟文明等股賊匪現在大甯之徐家壩游奕距楚界亦不甚

德壯果公年譜卷十六

六



遠臣德楞泰亦已飛札孫清元等如所追白號之賊業已入川該鎮保守土之員不必遠追即當移向上龕一帶以備堵剿苟逆等賊股遇其復竄入楚再查此次剿殺各股賊匪一千二百餘名生擒者亦有一千餘名渙散者極多現在青號徐添德賊股所贖不過二千餘人黃號樊人傑王國賢白號曾芝秀張萬林藍號陳朝觀等股所贖亦不過三千餘人臣德楞泰頃接額爾登保來信已帶兵赴甘肅辦再學勝股匪慶成亦已帶兵前往江北剿辦高二餘孽現在漢江南岸祇有額勒亨額慶溥喜明馬玉魁等帶兵截剿臣德楞泰趕追徐添德等股已入洵陽勢必向平

德壯果公年譜卷十六

十七

利安康奔竄賊股較多或能兜剿或與之夾擊不惟易於集事且可兼顧江岸儻或各逆入川臣亦即緊躡辦至楚省經臣德楞泰於二年四年及今年三次肅清究因邊界絲長各卡隘駐兵自百餘名至數百名不等兵分見單未能堵禦刻下各逆勢極敗殘非如從前之猖獗即數股併合不及一股之多茲當功屆垂成肅清一省不但騰出兵力併剿且一省百姓亦得樂業然總須堵截得住方為盡善查督臣書麟等前奏於鮑家店化龍堰保豐官渡峰西溪河等處設卡安營布置亦安臣德楞泰細心體察楚省將領內能獨當一面之人不可多得與其分布多處賊

至不能出敵仍屬有名無實現在公同籌計擬以邊界各處小卡仍照舊安設外現又新到江西兵二千名廣西湖南補額兵二千餘名核計現有征剿馬步兵勇一萬數千名分兩路作為遊兵遠探賊蹤以剿為堵較為得力臣長齡同孫清元等帶兵六千餘員名於上龕等處備剿川匪顧及興房臣明亮同德昌等帶兵六千餘員名顧及二竹堵剿陝匪如探有川陝賊股勢將近楚即當帶兵出境迎剿與追兵兩面夾擊賊見前有堵截自不敢窺伺楚境較之安營堵禦似屬有裨臣等商定後臣德楞泰帶兵追賊入陝臣長齡明亮將連日剿散匪匪搜捕淨盡即各帶兵

德壯果公年譜卷十六

十七

分赴堵剿臣德楞泰查上年總兵李紹祖由川追賊入楚時帶領雲貴山東官兵一千餘員名除受傷病故外現存兵六七百名在楚甚為得力臣德楞泰一路現有三省馬隊六百餘名茲當追賊喫緊正藉馬力之時臣等酌量將楚省現有三省兵內撥出吉林兵一百名索倫兵二百名歸併臣德楞泰軍營進剿並即飛咨倭什布查照此次連日打仗兵勇內間有受傷者俟查明另行咨部再臣接經略來信以臣現在楚省剿賊於撥楚省賞項之便又撥備賞銀五千兩解帶來楚臣已照收留為擒獲首逆及打仗奮勇鼓勵之用



諭曰此次黃白藍三股賊匪在前溪地方與徐添德會合西竄德楞泰等二路官兵痛加剿殺共殲擒賊匪二千餘名並擒獲偽元帥龐士應等六名其藍號首逆陳朝觀中箭滾巖白號曾芝秀亦帶箭奔逃去年曾奏及龍紹周中石落水至今龍逆尙在奔逃此等事務須查明實在下落再行馳奏德楞泰及在事出力各員統俟徐添德生致辦完此股奏到捷音再加懋賞二等侍衛蘇爾紳吉林前鋒委官法靈阿首先衝入賊隊生擒賊目二名甚屬奮勇者以應陞之缺陞用以示鼓勵此時徐添德等股業經官兵痛剿竄入洵陽一帶勢已窮蹙其漢江南岸又有慶溥額勒亨額喜明馬玉魁在彼帶兵截剿德楞泰正可督率

德壯果公年譜卷十六

九

慶溥等認真迎擊兩面夾攻切勿令其折回楚北至於楚省邊界分作兩路遊兵遠探賊蹤以剿爲堵布置甚爲妥協已另降旨令長齡明亮孫清元等遵照防堵德楞泰務宜上緊剿捕殲除淨盡所有楚省吉林索倫兵內德楞泰撥出二百名帶往協剿自應如此辦理現因節屆端陽發去荷包香袋扇套等件賞給德楞泰等並發去香牌一百面分賞德楞泰及湖北軍營出力員弁踴望捷音踵至迅奏膚功

五月初六日

公奏言查首逆陳朝觀帶傷滾崖未得下落曾芝秀帶傷脫逃恐藏匿山谷漏網遠颺而各逆狂奔異常又勢難分

兵徧行搜捕臣遂派把總袁邠等酌帶兵勇搜捕並懸賞於白河洵陽一帶洞寨如有拏獲帶傷首逆陳朝觀曾芝秀者先賞銀一百兩並即奏明賞給頂戴長齡明亮係有守土之責仍令各帶原兵回楚分防臣督同賽沖阿溫春色爾滾馬瑜蒲尙佐侍衛將備等帶領兵勇由金河前進查該逆等五股疊被官兵剿殺時分時合忽東忽西日行竟至一百六七十里不等我兵亦極力緊追沿途渙散難民及拏獲落後賊匪不少二十三日酉刻途次觀音堂探報江岸上下游之峪河口高壁洋兩處均有賊匪窺伺欲渡漢江又查峪河口相距高壁洋三十餘里臣即督同賽

德壯果公年譜卷十六

三

沖阿等飛催馬步官兵順道趕進距河口十餘里賊眾望見官兵卽翻山逃遁臣當派總兵蒲尙佐侍衛達勒精阿總管遜多保參將馬應國遊擊劉彪等帶領馬步兵勇緊跟追剿臣督同賽沖阿溫春色爾滾馬瑜等帶領馬步兵勇飛馳高壁洋時已二更詎該匪已於是日酉刻衝破鄉勇卡子捨命躍渡過江拏獲匪犯朱光雄等訊稱係徐添德樊人傑等股賊匪尙有四千餘人因連日被官兵追剿危急所以大家商量分股搶過江去其時淹斃人多並聽說現在水勢深溜官兵必得搭橋就擱我們就可脫身遠走等語惟時已夜深黑暗江水深淺莫測官兵卽於江岸



露處一夜至天甫黎明即躍探灘淺處所水深三四尺四五尺不等溜勢甚急正在籌畫間適見江岸民房內有積存篾纜十餘根當令官兵淌過對岸釘椿拴繫並馬隊先行淌渡步兵拽尾絡繹依附篾纜而行臣亦即督率後隊淌過官兵人夫等安渡無恙是日蒲尙佐帶兵回營擊獲活賊柯隆觀等五十一名呈繳耳級六十二副驟馬十七匹頭旗幟刀矛一百三十二件訊據柯隆觀等供稱徐添德等見官兵追緊叫曾元帥等並藍號餘匪在峪河口搶渡虛張聲勢他與樊掌櫃等就到高壁洋躡淺不想我們纔到江岸見後有官兵追來大家翻山四散奔逸聽說黃

德壯果公年譜卷十六

三

號王國賢張萬林還有七八百人在大小神河一帶我們要合夥等語查該逆等合併不過一千餘人非竄平利即圖入楚臣即飛咨長齡明亮等於邊界嚴密防堵毋使復入並飛札飭知慶溥喜明馬玉魁等帶兵於大小神河一帶迎截勦辦斷不可令其蔓延當將獲犯分別辦理訖隨據探報徐樊等股賊匪過江後向東狂竄有奔鄖西之勢臣於二十五日四鼓督同賽冲阿等帶領馬步兵勇由柳村進發扼據東北向西南兜勦黎明兵抵乾溪口時賊匪正順洵河下走隨令賽冲阿温春蒲尙佐侍衛達勒精阿富僧德德楞額克什布協領明德克星額穆騰額副將

李應貴參將馬應國李東山遊擊何君佐沈洪德英額等帶領馬步兵勇馳赴鍾家坡扼截其東北奔竄之路臣督同色爾滾馬瑜侍衛慶昌蘇爾紳珠爾杭阿帶領馬步兵勇分路勦殺立斃賊殊此好二百餘名生擒況添運等一百三十一名該逆等敗上新開嶺大山梁我兵仰攻該逆占住垵口抵死抗拒查看新開嶺山高二十餘里山脊路徑羊腸一線我兵攻打緊急該逆遂丟棄馬騾一百餘匹頭橫塞滿道計圖兔脫臣恐稽遲即令全行戮斃推下山澗我兵搶上山梁乘勢下壓至張家坪又殺賊殊此好四百餘名生擒崔世昌等男婦大小二百七十八名口騾馬八十餘匹頭刀

德壯果公年譜卷十六

三

矛旗幟五百餘件計日行一百六十餘里賊分三股已向西南鎮安一帶奔逃約共不過三千餘人臣當即飛移署提臣慶成探蹤迎頭截勦以收兩面夾擊之效並飛札陝安鎮總兵劉之仁等於江口一帶遏其竄入之路並聞經畧額爾登保現在五郎一帶勦辦賊匪臣已將賊竄道路情形一一咨呈隨訊獲犯況添運崔世昌等供稱徐樊兩掌櫃被官兵連次勦殺實在害怕原想過江可以躲避不料官兵淌渡追趕今日又被殺傷多人總探聽無兵地方乘空仍要轉回四川等語除將獲犯四百九名內訊出小頭目況添運等一百四十三名概行正法其難民王世輔



何來氏等一百一十五名口解交洵陽縣遞送各原籍其附近難民劉在楊吳石氏等一百五十一名口當即釋放

臣查徐添德爲川省起事元凶樊人傑爲襄陽起事首惡數年來蹂躪於川陝豫楚之間狡猾異常臣惟有鼓勵兵勇趕緊勦辦務期生致

闕下盡法處治再本日據留後搜山之把總袁那陳偉等稟報二十二日至洵陽屬裕欣寨地方聞寨長已將帶傷首逆陳朝觀拏獲在寨俟把總等趕到該寨查驗再行稟報續據署洵陽縣知縣嚴如煜稟稱自奉諭搜拏帶傷各首逆後即分諭各寨洞一體嚴密查拏並親帶鄉勇於大樓

德壯果公年譜卷十六

三

溪地方防堵二十三日適有賊匪數百欲行搶渡被鄉勇槍斃擊斃十七名賊見不能過渡即翻山逃去次日仍帶鄉勇逐處搜捕據裕欣寨寨頭陳思揆陳萃儒報稱已將藍號首逆陳朝觀拏獲並續獲青號元帥李順安陳朝觀之弟陳朝榮探馬頭熊學富等四名查看俱各帶有傷痕現在寨中嚴密看守稟請辦理臣查藍號首逆陳朝觀前經帶傷滾巖茲被生擒業已自認其爲陳朝觀無疑臣當即飛飭洵陽縣嚴如煜親赴該寨將陳朝觀與伊弟陳朝榮質訊明確並訊明李順安押解回縣取具確切供詞牢固監禁並令查明何人首先拏獲何賊逐一據實稟報其

應行獎賞之處俟稟覆到日再行奏懇

天恩以示鼓勵

諭曰陳朝觀本係帶傷滾崖逃竄之人今雖經寨頭陳思揆拏獲而曾芝秀尙無下落其殲斃徐樊等股賊匪先後亦不過七百餘名轉任緊要首逆徐添德樊人傑衝破鄉勇卡隘躡渡漢江北岸該處逼近南山儻令其竄入恐夏令又不能成事矣德楞泰追蹤緊躡茲復過江追勦尙無不合但該逆竄近江岸時彼處豈無帶兵大員防堵何以任其躡渡僅諉過鄉勇不能抵禦乎慶溥額勒亨額喜明馬玉魁俱有防堵之責著德楞泰查明係何人汛地逸出據實參奏現在徐樊等匪既向鎮安一帶奔

德壯果公年譜卷十六

五

逃而額爾登保己至五即想再學勝股匪亦有漸趨東北之勢斷不可令徐樊二逆與之合夥更嚴防其竄入南山此爲最要

初八日

諭曰前因楚省糧餉不能接濟以致官兵乏食倭什布咎無可辭是以將伊解任並著德楞泰就近密查本日額爾登保奏據德楞泰札稱楚省派出防堵官兵竟不給發糧餉以致官兵勒索百姓搶掠糧食鄉勇每月發銀三兩不給糧食數月來並銀兩亦不給發以致鄉勇裝作教匪使百姓驚避毀其房屋掠其糧食被難之民紛紛向德楞泰呈訴德楞泰詢之孫清元亦已承認實有擾累之事並聞本年賑濟飢民亦有不實已降旨將倭



什布革職擊問矣。去年因楚省軍營久未請餉，當經降旨詢問。嗣不待奏請，節次撥發餉項，至今已有一百七十餘萬。並於鄰省撥給米石，何至不能接濟軍食，實出情理之外。伊等從前不行請餉，祇圖目前見好，並不計及勦賊稽遲，已屬有心貽誤。迨疊次撥到，又不實給兵勇，遂向民間搶劫，習以為常。尙復成何事體？是教匪之外，又添兵勇滋擾，而兵勇之敢於如此，總因糧餉不繼。地方官辦理不善，無所逃罪。幸而該省民人頗有天良，屢被兵勇勒索，尙不肯去，而從賊惟向德楞泰紛紛泣懇。設該省民人無可赴懇，咸不聊生，相率為匪，豈不激成他變？吳熊光全保係新任督撫，無可回護，或係倭什布辦理乖方，抑係糧員

從中侵蝕，查有確據，卽一面參奏，一面鎖拏究辦，以儆官邪，而靖民心。

案吳熊光後查明覆奏有倭什布辦理餉運不能權衡緩急以致餉項積有尾欠兵勇缺乏遂得藉口其辦理不善之處咎無可辭尙無貪婪做法舞弊情事至兵勇擾民當百姓喊訴時已經公斥責該鎮查明嚴禁並令酌給銀兩按數賠償百姓俱各欣謝而去等語而倭什布由是得以減罪云

十八日

公奏言查徐樊等股賊匪前經搶渡江北臣卽帶兵由沙溝前進途次三岔河探報徐逆等知官兵追趕緊急每日竟行至一百三四十里至一百六七十里不等向爛草坪一路遁逃該處仍通鎮安山陽之路必須扼住東北向西

德壯果公年譜卷十六

美

南截勦當卽取道西溝前往詎賊探知官兵抄出東北卽向西南宵夜奔逃我兵亦竭力跟追不予以暇沿途擊獲賊匪及逃出男婦大小難民來營請票日或三四十名至百餘名初五日我兵由中板房至月河西刻已行一百三十餘里趕到沙坪地方追及賊尾其時天色已晚臣卽督率賽沖阿溫春色爾滾馬瑜蒲尙佐侍衛將弁等分投追勦三十里斃賊二百餘名生擒張璜等七十五名口奪獲馬騾八十一匹頭旗幟刀矛二百三十餘件因黑夜未能痛勦旋探該逆奔至高冠峪有入南山之勢經畧額爾登保前已札飭總兵劉之仁通判維昂於初六日帶領兵勇

德壯果公年譜卷十六

美

由高冠峪內突出截殺直追至江口殺賊三十餘名生擒十七名該逆未能進山卽折向金雞河五郎河西南竄往兩河旋又接據慶成來信奉額爾登保撥派帶兵由廟溝口前來探明賊蹤向毛埡子分頭截殺亦於初六日黎明均抵兩河正遇賊匪奔逃而來一見官兵卽占住山梁抗拒遊擊吳亨衍委參領都爾伯等帶領馬隊先到奮力仰攻相持未下逾時慶成督率副將李天林遊擊張奉廷趕到兩路並進賊不能支分爲三股向甯陝地方潰逃官兵乘勢衝殺斃賊二百餘名獲犯七十一名奪獲騾馬三百餘頭匹吳亨衍等帶馬隊復由捷徑抄出饒峯嶺包截李



天林等帶步兵赴子午峪過其東竄石泉漢陰之路追過數重大山殺賊一百餘名餘匪向樓子坪遁去共生擒一百十三名奪獲旗幟刀矛騾馬極多再該逆狂竄經過鎮安甯陝之馬鞍山兩寨百姓截殺賊匪三十餘名生擒三十餘名該逆等連次被剿初七日遂由大洋灘躡淺渡過殊批好機宜漢江南岸向渭門前逃慶成因緊顧東面於初八日由白沙渡躡淺過江追至茶壩河派令李天林吳亨衍等各帶官兵分路抄截慶成自帶馬隊接應三更發兵黎明至寨溝正值賊眾炊爨各路官兵猝出剿殺立斃賊百餘名委參領都爾伯勝受矛傷猶復力戰守備李行正千總劉國興行營千總趙義外委杜經馬乏步行率眾乘勝掩殺六十餘里又斃賊二百餘名生擒二百餘名賊眾敗向西鄉東逃仍欲北折渡江適臣帶兵緊躡賊蹤亦於是日由大洋灘躡淺南渡趕至深溪河該匪即紛紛南折向堰口奔逃其勢直趨川省臣是晚與慶成相距不遠亟商分路夾擊且額爾登保現在西紫一帶勦辦再逆賊股臣亦已飛咨如果竄近相機撥兵堵截更可易於集事再查徐樊等逆前由高壁洋過江時尙有賊匪五千餘人自蔣家梁剿洗後祇贖三千餘人又除沿途趕追擒斬及陸續投出逃散並慶成連次截剿外現在所贖馬步賊匪祇千餘人臣

德壯果公年譜卷十六

三

惟有鼓勵軍心迅將此二逆勦洗淨盡或應移師協剿三省邊界各股賊匪抑或帶兵回川勦辦湯思蛟等股賊匪之處再當與額爾登保會商籌辦頃接據漢陰廳杜蕙稟報觀音河地方尙有勦散賊匪四五百人在彼遊奕臣查漢江北岸已無大股賊匪茲據稟報雖係零星之賊若無兵勦辦恐復滋蔓隨飛札飭知劉之仁雅昂即帶兵勇就近前往勦除淨盡或即逼過南岸斷不可令其東竄又據洵陽縣稟報緣四月二十日裕欣寨寨首陳思揆奉札搜查帶傷之首逆陳朝觀曾芝秀及勦散餘匪邀同各寨勇同行二十一日在梓木壩一帶見有三人躲在空房內查看身有血跡經寨總周正舉盤詰因言語支離即將三人綁縛上寨再三細詢始據獲犯黃孟供稱帶傷者就是藍號大元帥陳朝觀在蔣家梁打仗受有箭傷滾巖逃到此間我是探馬頭復據獲犯李祿供亦相同再詢之帶傷之犯始行自認首逆陳朝觀現年三十五歲四川東鄉人與冉文儔同時起事各等情正議齊集寨勇解縣間有賊匪數百名前來圍寨說要素還大元帥方纔甘休當用槍礮搗石擊退該賊匪仍住寨下不遠寨上眾人恐有意外之虞遂將陳朝觀等三人一時殺斃懸示賊眾以絕其翼幸之心是日賊仍未退直至二十四日該縣帶領兵勇趕到

德壯果公年譜卷十六

三



賊匪遙見官兵到來始行逃去該縣尚恐有不實隨將張古寨解到搜獲青號副元帥李順安探馬頭熊學富並陳朝觀之弟陳朝榮三名令其指認陳朝榮一見號哭不已反復研訊據供實係胞兄陳朝觀首級現俱帶回縣城稟請分別辦理臣隨飭該縣即將李順安等三犯於該縣地方臠割與陳朝觀首級一併懸示惟寨首陳思揆陳萃儒寨總周正舉實心實力搜獲首逆等犯並能於賊匪圍寨之時深知權變將該逆等殺死懸示以絕其冀幸之心實為可嘉臣當各賞八品軍功頂戴並於懸賞銀一百兩之外復加賞銀一百兩以示鼓勵再此次洵陽縣嚴如煜能

德杜果公年譜卷十六

三

於堡寨留心並能實力搜拏首逆多犯當此大功垂成正屬搜捕喫緊之時可否將嚴如煜

恩加鼓勵俾各州縣觀感奮興同心努力於歲事更為迅速又前次痛剿徐添德等股賊匪出力各員謹遵

旨查繕清單恭呈

御覽

諭曰此次徐樊二逆經德榜泰督率賽冲阿等分投追剿即奔高冠峪有入南山之勢經劉之仁雒昂帶領兵勇突出截殺復經慶成帶兵前來接應多有斬獲遂由大洋灘躡淺渡過漢江南岸慶成亦過江追剿前後殲擒賊匪一千五百餘名現在所存

馬步賊匪不過千餘人德榜泰與慶成分路夾擊定可剋日悉數殲擒向來南山一帶任賊出入自如皆因官兵不能預為防備今劉之仁雒昂截殺立功可見前此降旨令於南山內安設兵勇攔截賊匪已有明效至慶成本有舊傷此次奮力殺賊多名均堪嘉獎慶成劉之仁雒昂俱著加恩交部議敘至逆匪等總由畏懼德榜泰聲勢不敢抗拒俾劉之仁等得以乘機截殺茲已逼過漢江南岸即可在該處辦淨此股首夥德榜泰或移師協剿他股賊匪或帶兵入川剿辦湯思蛟等股之賊惟在德榜泰相機籌辦朕亦不為遙制至前次搜獲首逆陳朝觀之寨首陳思揆等業經德榜泰各給八品軍功頂戴並加賞銀兩所

德杜果公年譜卷十六

三

辦俱是其洵陽縣知縣嚴如煜尚屬能事著加恩賞給知州銜以示鼓勵至川省堡寨最為堅固稠密賊匪無從擄掠是以不能存住即竄往陝楚之賊亦不肯折回而陝西地方經朕節次指示現俱一律築堡看來徐樊等逆亦不能在境久藏惟湖北堡寨地方官既不認真辦理而民人復不踴躍以致建築甚屬寥寥且該省本年麥收豐稔賊匪或思仍行折回現已降旨吳熊光令於沿邊一帶認真防堵德榜泰亦當緊顧東面勿令徐樊等股闖入楚境剿辦自易得手至現在各省調集之兵共有八萬餘名而額爾登保德榜泰兩路不及二萬名是此外留防之兵尚多其所需鹽糧亦與戰兵無異而遇有賊突卡隘從未

一五 丁巳 丹 黃 參 四 年 全 書 第 6 頁 五



見奮力攔截有名無實卽此可見前已有旨令額爾登保酌量辦理德楞泰係屬參贊各路兵將皆其統轄當與額爾登保札商妥協除實在緊要地方必須留防外其餘自當概令隨征俾一兵可得一兵之益

二十七日

公奏言竊<sub>臣</sub>趕剿徐樊等股賊匪在甯陝地方與慶成分路兜剿探該逆等祇贖千餘人騾馬二百餘匹向箭桿山老林狂奔恐其繞近江岸慶成卽帶兵由東南十二嶺過截<sub>臣</sub>卽分路追入老林山小路仄連朝淋雨泥濘過膝十三日途次探知賊匪已由兩河口竄去<sub>臣</sub>卽督同賽冲

德壯果公年譜卷十六

三

阿等帶領馬步兵勇追剿而皮河鋪又爲折竄老林之路山徑陡險馬兵難行派馬瑜蒲尙佐等帶兵抄迎賽冲阿温春色爾滾等行抵兩河口正遇賊眾乘雨而來我兵出其不意直前衝殺該逆翻越崇山奔逸經步隊兵勇趕殺馬隊亦步行跟剿追過數重大山共斃賊三百餘名生擒男婦大小二百零九名當於獲犯內查出僞先鋒廖恆僞總兵李振鵬大旗手高均良徐添德之妻徐李氏樊人傑之妻樊張氏僞元帥何思學之妻何黃氏獲其騾馬三百二十餘頭匹刀矛衣物尤多卽有餘匪竄出皮河鋪山坳又經馬瑜等率步兵迎剿該逆見兩路俱有官兵倏分兩

股一股向楮河一股由爛草灣遁逃惟爛草灣一帶亦係老林馬不能前隨令副將李應貴參將馬濟遊擊馬元何君佐楊森帶領步隊緊躡賊蹤趁勢追擊旋報稱在後槽子趕上賊匪殺斃三十餘名擒獲李如相等五十三名訊出僞總兵李光武卽李五掌櫃一名該逆等敗竄又被沿途洞寨花苗弩箭射殺賊十數名馬騾亦被搶奪甚多祇餘賊眾七八百人馬騾二三十匹頭連夜冒雨向東逃竄十四日<sub>臣</sub>帶兵由楮河趕至火石梁追殺賊八十餘名生擒郭起榮等四十餘名餘賊向羅鎮壩竄走司上與爛草灣竄出之賊先後由黃柏廠乾河壩東竄亦係老等馬方難施之路<sub>臣</sub>復派步兵緊躡惟賊眾連日被我兵分追衝殺分頭亂逃因近來西鄉洞寨辦理極爲嚴緊而百姓奮興鼓舞咸願勦賊圖功<sub>臣</sub>經過地方親見各處截殺均已面加獎賞並傳行各洞寨漢苗等互相協力搜捕盤查如有擒獲首逆者遵照

德壯果公年譜卷十六

三

諭旨賞給銀兩

賜予官職苗民無不知感知奮<sub>臣</sub>卽分馬隊取道斯家壩乾溝河抄截十八日我兵行至高川探報木竹壩地方現有賊匪滋擾恐首逆分竄當卽督率後隊將備馳赴明陽關進剿立殺賊百餘名生擒胡貴等六十三名訊係樊逆敗匪並



稱徐逆已由天池壩東逃其餘賊向紅廟十二嶺竄逸賽  
冲阿等業已跟蹤趕剿臣遂由雙廟子直取漢陽坪遏其  
北折所獲偽先鋒廖恆李光武等均正法外其餘獲犯隨  
時訊明分別辦理其徐李氏樊張氏訊係緣坐之犯俟徐  
樊二逆就擒以備質訊其何黃氏訊係被脅難婦即就近  
交石泉縣遞回原籍交親屬收領至慶成報稱原係帶兵  
截剿東折之賊十六日據報後路夫子關忽有賊匪一股  
北竄老魚壩有窺伺江岸之勢因江水雖漲淺灘仍可躡  
渡慶成是夜帶兵趕回賊向茶鎮前奔慶成自帶馬隊抄  
出賊前斃賊數十名賊即南奔入山亦因馬不能進當令

德壯果公年譜卷十六

七

遊擊張汝勤等帶步兵勇追殺賊匪遁入黑溝藏匿慶  
成帶兵勇露處扼要嚴堵夜間風雨交作殘匪百餘潛向  
東遁慶成復冒雨分路力追並先令遊擊吳亨衍等帶兵  
抄截三路併力勦殺沿途又擒斬一百餘賊餘匪不過四  
五十人散逃老林潛向東南竄遁惟都司酒天培追賊深  
入林箐猝不及防致被矛傷陣亡臣查徐樊二逆合併七  
八千之眾竄逃老林日行五六十里至百七八十里不等  
疊經痛剿賊勢已形瓦解或數十人或百餘人零星逃散  
恐徐樊二逆混在其中又如從前之王登廷張子聰等假  
扮難民乞丐計圖漏網均未可定此時搜捕實為目前要

著慶成於此一帶人地熟諳洞寨民苗亦極悅服愛戴臣  
即令其帶領兵勇督同總兵胡定泰趕緊嚴密搜捕鼓勵  
洞寨民苗團勇隨時細心盤詰務期將逃散賊匪搜捕淨  
盡查徐樊二逆現贖賊匪祇有三四百人頃據探報又與  
南來不知姓名一股零星賊匪合夥統計亦不過六七百  
人向紫陽紅椿壩東逃臣仍即督兵緊追經署額爾登保  
現在安康平利地方臣亦已詳晰函致更可併力勦洗  
論曰此次德楞額督率官兵緊剿徐樊二逆殲擒賊匪八九百名  
將徐樊二逆之妻孥獲實屬奮勇可嘉之至慶成扼要嚴堵使  
賊匪不能躡淺渡江亦屬出力現在贖賊不過三四百人情形

德壯果公年譜卷十六

七

實已窮蹙著先賞給德楞額泰玉搬指玉帶版大小荷包並發去  
玉搬指五件翎管鼻煙壺各十件分賞此次出力將弁以示獎  
勵至徐樊二逆若祇係單身逃竄轉易混跡潛藏今據探稱與  
西鄉南來不知姓名一股零星賊匪合夥無難跟蹤搜拏德楞  
泰等務當倍加奮勉俟徐樊二逆及同夥餘黨勦洗淨盡後德  
楞泰再幫同額爾登保專剿再學勝一股兩路勝兵辦此殘敗  
股匪定可迅速掃蕩至所稱西鄉洞寨極為嚴緊百姓奮興鼓  
舞咸願剿賊圖功實為極好機會惟所稱洞寨花苗弩箭殺賊  
十數人等語陝省地方從無苗寨年來亦從未見陝省軍營奏  
報有花苗等幫助官兵殺賊者此等花苗究在何處為數若干



並著德榜奏查明遇便覆奏此等助順苗民深堪嘉獎德榜奏業經隨時獎賞外並著通行宣諭如能將徐添德再學勝樊人傑拏獲者無論兵勇民苗均照前次諭旨賞資銀兩給予官職俾各知感奮爭先速擒渠逆至所獲徐樊二逆之李氏張氏均應緣坐之犯德榜奏俟徐樊二逆就擒以備質訊自當如此辦理至殺賊陣亡之都司洒天培著咨部賜卹

同日公又奏言竊查數月以來各路軍營出有副參游都守等缺現當功屆垂成之候領兵需人所出員缺未便久懸臣會同勒保將臣等及七十五各路軍營中屢次打仗實在出力之應陞應調應補人員秉公遴選分別酌擬往

德壯果公年譜卷十六

奏

來札商意見相同茲特開具清單恭呈

御覽

諭曰德榜奏請將軍營出力人員陞調武職各缺均照所請以示鼓勵摺單並發

六月初五日

公奏言竊臣欽奉

上諭內開現因節屆端陽發去荷包香袋扇套等件賞給德榜泰等並發去香牌一百面分賞德榜泰及湖北軍營出力員弁佇望捷音踵至迅奏膚功同膺酬庸懋典等因欽此臣跪讀之下當即遵照單開按名分賞賽冲阿温春色爾滾馬瑜蒲尙

佐等其香牌酌留六十面分賞臣一路出力之侍衛將弁臣祇領臣率同賽冲阿等均各望

闕叩頭謝

恩訖其長齡孫清元明亮德昌

御賜各一分及賞出力之侍衛將弁香牌四十面亦即恭錄

恩諭敬謹齋送湖北交長齡遵照分賞外伏念臣勦辦教匪帶兵

追逐三省馳驅亟冀掃擒上紆

塵念徐逆等本兇悍之猱獠類鼠逃之狐鼠望塵先避聞信即馳

雖疊經痛勦黨與幾少子遺而狡肆狂奔渠魁尙延殘喘

天中又屆露布猶稽迺蒙

德壯果公年譜卷十六

奏

高厚優容已屬

矜全逾格茲復仰荷

聖慈因懸蒲之令序推

賜葛之恩榮

蕃錫多珍感慚無地臣惟有激揚士氣竭殫血忱迅掃欃槍廓清

妖焰庶得早覲

天顏恭謁

裕陵稍遂瞻仰依戀之心

殊批勉益加勉迅奏膚功朕日夕盼望之至

同日公又奏言臣前在白河縣屬安家莊勦敗陳朝觀等



股賊匪臨陣生擒男婦大小九百餘名口除正法及就近遣歸外尚有朱有知陳晏氏等三百零七名口飭解交白河縣令其分別遞籍妥為安插旋據該差回營稟稱難民抵縣該令並未查訊籍址分別遞送惟衙役家丁等將婦女五十餘口有自行收留者亦有嫁賣者其老幼男丁一概令其自行回籍等語臣聞之不勝駭異實出情理之外恐一面之詞未足憑信且臣追賊已遠勢難查辦業已移咨撫臣陸有仁令其確查據實參奏

初八日

德壯果公年譜卷十六

公奏言竊臣前因趕剿徐樊二逆股匪恐首逆混入分竄當經酌令慶成督同總兵胡定泰等帶兵在西鄉石泉一帶鼓勵洞寨民苗嚴密搜捕其合夥賊股不過六七百人向紫陽東竄已經賽沖阿溫春色爾滾滿尙佐侍衛富僧德蘇爾神協領富登阿穆騰額副將李應貴等帶兵緊躡前進臣亦即督率馬瑜侍衛達勒精阿慶昌協領明德蘇爾芳阿副將達自祥參將馬應國等帶馬步兵勇取道捷徑由上七里梨樹壩北邊途次接據賽沖阿溫春等稟報帶兵由蕭家壩一路趕剿賊股日行百五六十里沿途擒斬日或四五十七八十名不等又經各洞寨截殺賊匪約

祇贖三百餘人由芭蕉口前竄十八日早追至仁河新灘地方賊匪先於十七日搶船渡河者百餘人尚有未過河者百餘名一見官兵即翻山奔逃當經兵勇趕剿除滾巖跌死外其餘全數擒殺獲犯趙玉等二十一名據稱徐添德等原想走瓦房店被官兵殺回纔到仁河新灘想要淌過河去竄入老山不想雨大水漲覓得小船一隻先過兩船共有四五十人第三次人多徐添德亦已上船到灘口溜上船覆全行淹死今早又覓一小船纔渡兩次官兵趕來等供現已一面渡河趕剿餘匪務期淨盡一面派員將獲犯押解來營查詢臣於二十一日抵瓦房店又據總兵

德壯果公年譜卷十六

汪啟面稟十七日探得有賊約三百餘人由紅椿壩向瓦房店一路而來當即帶兵迎截賊匪見兵即逃追趕二十餘里殺賊三十三名擊獲劉士進等七名賊即竄往仁河十九日有太平縣客民朱復興來場亦稱十七日在泥溪搭船行至新灘正遇賊來過河我就泊船在石巖下眾人上坡到樹林內躲藏距賊過船地方甚近眼見渡過兩船每船約計有四五十人第三次上船人多開到溜上浪高水急橈推不動溜下灘口船翻人都衝去等語臣復親加面詢所供情節前後無異旋於二十三日又據賽沖阿等將過河後追剿至高橋雙和塘一帶獲犯李義明等十二



名押解到營<sup>臣</sup>復逐一詰訊據李義明胡奇等供稱青號徐添德徐添壽原與樊人傑在湖北地方合夥本月十三日在西鄉皮河鋪老林又被官兵衝作兩股徐添壽就與樊人傑同走一路徐添德帶矛手連夜由小路逃走又被官兵追剿各處寨洞截殺十六日晚到馬鞍溝又被寨上截殺十七日要走瓦房店有官兵殺來午後纔逃到仁河新灘要過河進山去搶得一隻小船叫總兵王青先帶四五十矛手過去第二次是探馬頭劉學書楊萬帶四五十人過去第三次王青隔岸叫徐添德先過開到灘上浪裏船被浪翻人都衝下灘去後來又找一隻小船天已黑暗雨勢越大不敢過去十八日早纔過兩船大眾說徐添德已死就令劉學書管事後來官兵又追過河來我們躲在箐林裏被搜拏來等語所訊前後各犯僉供確鑿<sup>臣</sup>查東竄賊股原不過六七百人經賽沖阿溫春等沿途每日追斬及洞寨截殺並逃散外未過河時祇二百餘人又除剿殺淹斃外已過河者不過百數十人復被賽沖阿溫春等搜捕現在深山老林之中四散奔逃者不過百人查徐添德爲川省起事首逆歷年流毒數省竄楚以後裏脅七八千之眾各股中實爲兇悍最著之賊茲仰仗<sup>臣</sup>皇上天威已伏冥誅足見罪惡貫盈已爲天理所不容本應打撈

德壯果公年譜卷十六

三

屍軀到骨揚灰以快人心緣連旬陰雨溪流高漲二三丈無從下手其山內四散餘賊不過苟延殘喘現在趕緊窮搜以期淨盡惟聞川省大甯一帶賊股較多疊經勒保七十五阿哈保等分路剿辦已距陝楚連界不遠其高二餘匪竄入廣元一帶因川北無兵經經畧額爾登保札飭總兵蕭福祿跟追而來樊人傑餘匪近據獲犯供徐添壽被剿衝斷亦已依附其中是即在後路之百餘名數十名散匪之內<sup>臣</sup>前已奏明交慶成等就近帶兵搜捕並鼓勵寨洞民苗協力擒拏自可得力再江北餘匪四五百人於十八日已偷渡南岸現在洵陽一帶游奕頃又接額爾登保來信以龍逆現由入道河已入平利苟逆現由沿河竄至四季河王國賢戴家營曾芝秀等股現在洵陽竹山界上孫清元跟剿之黃白兩號賊匪亦由竹山西奔再學勝賊匪有入白土關之勢如<sup>臣</sup>日內尙未將徐逆賊股辦竣或已竄川卽當跟躡洗盡如已辦竣卽帶兵徑赴平利詳晰會商再爲酌量輕重緩急辦理<sup>臣</sup>查各股賊匪現在俱屯於三省接壤之間正應聚而殲旃況徐逆已除餘匪百餘人由目連橋馬鬃嶺一帶零散南竄賽沖阿溫春等連日緊躡又搜殺賊匪三十餘人所贖無幾若大兵深入徒受跋涉之苦勢必久稽時日且近來陝省寨洞人心踴躍每

德壯果公年譜卷十六

四



遇賊過均能設法截殺臣俱已隨時面加獎賞宣示

賞格無不歡欣鼓舞臣現距平利較近所有落後兵勇並鍋帳等

項業已到齊即於二十六日帶兵由紫陽取道平利白土

關徑赴額爾登保處會商妥為籌計或併力先清陝楚邊

界或由楚省回川勦辦大甯賊股總期同心協力迅圖集

事再徐逆之妻徐李氏樊逆之妻樊張氏本應緣坐之犯

茲查該氏等俱習靈文傳教並占課觀星等事賊營稱為

二掌櫃實為妖言惑眾而在賊營殺害難民不少未便寬

縱即與現獲之李義明胡奇趙玉等犯一併正法

公又奏言臣欽奉

德壯果公年譜卷十六

聖

上諭徐樊二逆竄近漢江北岸時該處豈無大員在彼帶兵防堵

何以任其躡淺渡江令臣查明參奏等因臣查漢江自紫

陽迤西為江之上游水淺灘多原派額勒亨額帶兵分段

防守自紫陽迤東為江之下流水勢漸大間有淺灘處所

向未設有防兵均係地方官團勇沿江安卡防範如遇有

賊竄近隨時趕撤船隻前經額爾登保查明具奏在案茲

查臣前由楚趕剿徐樊王陳曾各股賊匪自蔣家梁等處

痛剿後各逆分股向洵陽下流峪河口高壁洋奔竄冀圖

搶渡其峪河口之賊被我兵截回向大小神河前逃臣飛

飭慶溥喜明馬玉魁帶兵迎截大樓溪亦有賊匪窺伺經

該縣嚴如煜親帶鄉勇堵截殺賊十數名賊即翻山逃去

旋經飭令各寨勇搜獲首逆陳朝觀陳朝榮李順安等賊

匪臣當亦查明洵陽之高壁洋江岸係屬迤東相距慶溥

額勒亨額喜明馬玉魁軍營實遠向未設有防兵賊眾勇

單勢難堵禦且該縣亦親帶鄉勇在大樓溪堵截殺賊尙

非玩視不力者可比臣帶兵追來亦係躡淺過渡因彼時

亢旱江水苦涸躡淺處所甚多是以未經參奏

諭曰此次賽沖阿溫春等帶兵由蕭家壩一路趕剿賊股沿途多

有擒斬據獲犯供稱徐添德之弟徐添壽與樊人傑同走一路

徐添德帶領夥匪竄至仁河新灘搶船渡河被水衝斃餘匪不

德壯果公年譜卷十六

聖

過百人在老林散逃等語徐添德為川省起事首逆流毒數省

實賊股中兇悍最著之犯今惡貫滿盈

天奪其魄渡水淹沒雖未明正刑誅但巨憝已除厥功諒必不遠

德楞泰督率賽沖阿溫春等奮力追剿窮賊所向實屬可嘉德

楞泰賽沖阿溫春均著交部從優議敘並賞給德楞泰玉大吉

牌玉搬指大小荷包賞給賽沖阿玉搬指大小荷包又發去搬

指翎管各十件分賞出力員弁以示鼓勵並著德楞泰將此次

打仗奮勉各員詳細查明具奏候朕再降恩旨惟徐添壽樊人

傑二犯既稱即在後路散匪百餘人之內應即令慶成就近剿

除至德楞泰現帶兵由紫陽取道平利赴額爾登保處會商籌



計或先清陝楚邊界或由楚省回川勦辦總在伊二人相度機  
宜朕亦不為遙制惟當同心併力趁此兵勝賊衰之際務於七  
月內將各股殘敗餘匪一律掃除迅奏膚功朕必特沛恩施酬  
庸錫爵現在京師自六月初一日大雨五晝夜水勢盛漲軍營  
文報稍有稽遲可見德楞泰所奏冒雨追賊兵勇淋漓均係實  
在情形朕心殊為廩念惟應奮勉成功佇盼捷音踵至

恭錄

御製詩

參贊德楞泰奏報追勦青號賊匪首逆徐添德落水淹斃  
及搜捕餘匪各情形詩誌感慰

德壯果公年譜卷十六

三

徐添德王槐二賊蜀倡亂一已伏誅一奔竄蔓延三省害良民倚

伏老林無忌憚惡孽滿盈劫數收冥誅兇逆付洪流佇看蕩滌  
餘邪盡早慰

在天望捷憂德楞泰奏據賽沖阿溫春等稟報追勦徐添德股匪  
於五月十八日在仁河新灘地方獲犯趙玉等訊稱  
徐添德於十七日被官兵追急欲於該處找小船渡河因雨大  
水漲到灘口溜上船翻淹斃復訊據續獲各犯及林內藏躲客  
民僉稱青號首逆淹斃情形確鑿無疑其零星餘匪不難搜捕  
淨盡至徐添壽與樊人傑雖由小路逃竄為數亦屬無幾已派  
員截勦搜捕德楞泰即由紫陽平利會同額爾登保併  
力協勦佇望蕩滌捷音仰慰 皇考望捷遺志也

十一日

諭曰恆瑞現在病故西安將軍員缺已降旨將賽沖阿補授其所  
遺陝西固原提督員缺將慶成補授仍令其戴用二品頂戴以

觀後效所遺陝安鎮總兵一缺最為緊要著額爾登保德楞泰

於軍營帶兵副都統及別省總兵大員內非現任陝西如慶溥

喜明馬玉魁者保奏二員候朕簡用前據德楞泰奏由紫陽取

道平利赴額爾登保處面商軍務此時諒已會晤再學勝一股

屢經額爾登保痛加勦殺勢已窮蹙此數日內曾否將再學勝

殲擒殄平餘匪佇盼捷音甚為殷切其首逆徐添德淹斃後僅

止百餘人在山內逃竄徐添壽樊人傑二犯亦在其內自無難

一併就擒看來陝省竄匪即日定可掃除淨盡惟川省闌入湖

北各匪昨據吳熊光等奏有湯劉及苟文明等逆在房縣竹谿

一帶分投奔竄雖經禁省官兵奮擊由東北通向西南但恐一

德壯果公年譜卷十六

四

時未能殲淨以目下情形而論德楞泰於勦盡陝賊後竟當帶  
領勝兵速赴湖北會同吳熊光等合力勦辦成功更為迅速不

可再有遲緩

十二日

公偕額爾登保奏言 臣額爾登保查張添倫各股攢聚一

處經揚遇春札克塔爾等痛加勦殺分股肆竄固應剋期

掃除而再學勝亦須探其確蹤迅速勦辦 臣一面諄飭楊

遇春札克塔爾探聽各股賊蹤趕辦一面即由白土關拔

營前進策應旋據楊遇春札克塔爾等呈報連日帶兵由

白河之大山廟麻湖溝顧住東面趨程逼勦探得賊匪被



官兵勦散後陸續歸併仍分為兩股一股約千餘人竄至孫家坡小雙河口有東趨楊柏坡之勢一股約一千數百人竄至秧田壩據逃出難民供稱竄至孫家坡之賊係冉學勝股匪由楚境折竄白河近與張添倫股內零匪合併姚馨佐等各犯皆在其內其由秧田壩逃竄之賊係冉張股內分出欲圖牽綴官兵楊遇春與札克塔爾等遂先帶兵由孫家坡勦辦二十五日趕抵滿簾寨楊遇春商令格布舍桑吉斯塔爾總兵張鳳副將楊芳參將張瑗遊擊李東宣等取道五尺溝抄出楊柏坡設伏迎擊楊遇春札克塔爾帶領侍衛噶拉副將應元寬參將唐文淑遊擊吳廷

德壯果公年譜卷十六

吳

剛及馬步兵勇乘夜前進官兵將抵孫家坡天甫黎明楊遇春札克塔爾察看山勢情形復將所帶兵勇分為數路進取賊匪猝不及備我軍衝入賊羣短兵相接斃賊多人賊匪大潰大半向西面之石關子逃去札克塔爾緊躡追勦該匪上涇子池山梁札克塔爾率同侍衛將領等搶上山頂奮力壓下斬獲賊匪三四百人餘眾向大樓溪西遁委參領哈豐阿伊昌阿法福禮均受矛傷又有賊匪四五百人竄上董家坡正係東走楊柏坡之路楊遇春等率兵緊追將抵楊柏坡山梁適格布舍等伏兵由山上壓下兩路夾擊擒殺將盡餘匪數十人奔向南面溝內又經參將

唐文淑帶兵截住斬獲無遺惟守備朱純彩奮勇直前猝中賊矛陣亡委參領富陞亦帶有矛傷此次共計殺賊七八百人人生擒二百七十一名內有先鋒頭目十數人又劉四兒一名訊係老教劉啟榮之子奪獲馬騾器械甚多查該匪經我軍此次奮勦業已截向西奔惟冉學勝與姚馨佐等尚未就擒實堪憤恨是晚探得該逆率領千餘人由平定河疾竄必須加緊追趕而秧田壩之賊係在平利以東亦不可任其遊奕楊遇春等且恐西竄之賊晝夜狂奔步行兵勇難以趕上遂一面留札克塔爾桑吉斯塔爾等赴秧田壩一帶勦辦楊遇春一面與格布舍帶同副將楊

德壯果公年譜卷十六

吳

芳參將張瑗等併馬隊數百人由平利之神仙洞平定河趨程而進二十九日抄出大貴坪臣額爾登保於二十七日抵龍王廟探知賊匪西竄連夜發兵於董家梁神河等處截擊三十日亦趕抵大貴坪乃賊匪已由觀音堂梨園壩向西左林溝遁去因是日大雨楊遇春一路官兵為河水所阻未能前進臣德榜奏於二十九日趕到興安因官兵近來兼程奔馳兵丁鞍馬衣履多不齊全遂令賽沖阿帶領於興安之黃羊河暫割稍為製備整集臣德榜奏於三十日輕騎趕抵平利初一日馳抵大貴坪與臣額爾登保會晤面為籌商查得各股賊匪蓄意東趨經數路大軍



輾轉截剿現均漸向西遁秧田壩之冉張股內餘賊現有  
札克塔爾等在彼剿洗其龍紹周李彬戴家營等賊匪在  
清水河紅巖子一帶有喜明馬玉魁柯藩等帶兵於八卦  
廟杜其東竄刻探冉逆股匪亦有赴清水河合夥之勢又  
王國賢曾芝秀等股匪奔近竹谿之王家河等處經明亮  
截擊現竄入陝境之會家壩惟連據七十五呈報及楚省  
地方官來稟川境湯劉等股賊匪三四千人經川省官兵  
緊剿由徐家壩竄入房縣邊境七十五已由竹谿竹山趕  
往房縣一帶勦辦長齡孫清元亦由房縣上龕一帶帶兵  
截擊臣等已疊次札知務須上緊攔剿該匪等不能深入

德壯果公年譜卷十六

聖

楚境勢必折回川東七十五跟蹤進剿斷不致稍有延蔓  
是此時各股賊氛均逼近一隅我軍亦正合併一處惟因  
連日大雨滂沱河水處處泛漲稍有阻隔而夏令水勢易  
長易消臣等一面確探各股賊蹤一面整頓兵力臣德楞  
泰即督率官兵由東面白土關會家壩向西兜剿臣額爾  
登保督率官兵由東北大貴坪獅子壩四郎廟向西南迎  
擊現在首逆張添倫已被洵陽寨首等捉獲臣等復又傳  
諭各堡寨竭力搜捕不難以次掃除再慶成一路官兵於  
西紫一帶搜捕賊匪茲據來信連日率同胡定泰副將李  
天林等陸續搜獲賊匪一百五十餘人又生擒樊人傑之

義子樊永佑一名現仍札知慶成再行上緊搜剿至高二  
餘匪現據總兵九十稟報有奔竹谿關之勢臣等恐蕭福  
祿等由廣元一帶前進追蹤莫及已知會慶成探聽確蹤  
指示蕭福祿或由西鄉之鍾家溝或由漁渡壩等處進擊  
並飭令九十併力截剿迅速掃除再臣等兩路官兵近來  
追剿各匪勞苦備嘗謹將

欽定拏獲徐添德之賞銀二千兩外又加銀三千兩一併傳

旨賞給俾之踴躍歡欣自必益加用命又查張添倫冉學勝等股

賊匪節經楊遇春札克塔爾於洵陽地界勦辦餘匪四散  
奔逃楊遇春等遂札飭附近各縣傳知各寨卡士庶人等

德壯果公年譜卷十六

聖

嚴密盤緝其擒獲張添倫一犯臣額爾登保接據洵陽合  
嚴如煜來稟二十二日有賊數十人在大樑溪山溝藏匿  
卡首陳藉勝李有貴即會同小關鋪卡勇兩路抄擊殺賊  
十數人投出難民九名又有卡勇張智先拏獲活賊一名  
送縣訊係白號元帥張添倫查張添倫一犯係襄陽著名  
首逆臣額爾登保遂飭嚴如煜委員將張添倫解送來營  
臣等公同嚴訊該犯自認不諱惟其年歲面貌及起事情  
形核之臣德楞泰前歲拏獲張添倫之媳張郝氏所供情  
形不符遂反覆研訊始據供稱我實名張添倫係湖北武  
昌人遷在陝西居住於嘉慶二年從賊入夥先在伍金柱



股後在張漢潮股內又轉至張添倫股內號張二師傅係襄陽人與我同名後張二師傅被官兵趕剿衝散年老不能管事我就充當元帥一切事務皆我主持襄陽之張添倫仍在夥內同走前被官兵打散各自奔逃不知下落等查該犯雖非襄陽張添倫亦係隨同起事之犯該逆膽敢在賊中自稱元帥擾害至數年之久亦屬罪大惡極現於審明後即行凌遲處死寨民等勦捕急公<sub>臣</sub>等現將首先擊獲張添倫之卡首張智先賞銀五十兩幫同擊獲之卡首李有貴陳藉勝二名每名賞銀十兩并均賞七品頂戴又協同緝獲逆犯擒殺零匪之本寨鄉民壯勇二百餘

德壯果公年譜卷十六

癸

名共賞銀一百二十兩以示獎勵又據石泉令李樞煥稟報因賊眾隨處奔竄曉諭寨民等盤詰搜拏茲有典史鍾尙綱帶同會溪柳溪各寨長等擒獲偽軍師方文祥偽總兵張吉何貴探馬頭方文鳳高長生以及徐添德姪女徐三女子數名錄取供詞具報前來<sub>臣</sub>等細加察訊該匪均係與徐添德冉文儔一同起事老教並檢閱該縣送到方文祥隨身所帶經卷書冊五本所有傳教老教姓氏以及抗拒官兵月日地方均有記載其經卷言語更多狂悖亦係緊要之犯徐三女子係徐添德堂姪女<sub>臣</sub>等除飭將方文祥等解營復加審訊辦理並查明出力寨民等加以獎

賞外該縣令李樞煥典史鍾尙綱平日辦理地方事體本尙認真此次督飭寨民捕獲要犯多人亦屬能事又李樞煥尙有盤獲樊人傑股內被脅民人張國富等二名據供樊人傑被官兵打散後帶同十一人至廟壩地方路遇一人即行戕害獲有西鄉縣路票一張欲搭船由水路到襄樊去其說亦非無因<sub>臣</sub>等仍札知慶成於西紫一帶山林細加搜捕並密行知照督臣吳熊光一體嚴飭各屬盤詰不至疎漏

德壯果公年譜卷十六

壬

將前獲該逆之妻徐李氏暫留識認當派已革守備龍必達帶領善水兵勇二百名在於仁河下流牛角園芭蕉口河水盤折潑洞之處徧加打撈陸續獲有屍身三十餘具又於下流之吳家灣曹家壩關門石一帶撈獲屍身十餘具內有一年近五十屍軀面目未變左膀尚有傷痕當即派人帶領徐李氏前往識認該婦一見痛哭口稱實係伊夫願與俱死又令獲犯李義明等指認亦僉稱屬實查徐添德爲川省起事首逆罪大惡極今將屍身撈獲可見神人共憤隨令梟其首級粉碎其身並將徐李氏亦即正法是日附近洞寨百姓老幼觀看無不歡欣稱快該犯係四



川達州人臣並令將徐添德徐李氏首級用木籠裝貯由

興安漢中遞送達州懸示使川陝地方百姓咸知渠惡已

除蔽功在卽龍必達本係守備戴有花翎前因其當差平

常經臣參革摘去翎頂仍令效力自贖此次派令打撈徐

逆之屍軀亦有微勞應懇

天恩將龍必達准其仍以守備補用

諭曰此次額爾登保督飭札克塔爾楊遇春格布舍等分路截勦

斬獲多名或奮力緊追或伏兵夾擊大獲勝仗札克塔爾楊遇

春格布舍均屬奮勇皆由額爾登保調度合宜茲特將朕佩帶

之搬指荷包等件分賜額爾登保德楞泰並札克塔爾楊遇春

格布舍伊等祇領如朕親授以示格外恩眷至額爾登保德楞

泰兩路兵勇追勦各匪勞苦備嘗自應加之賞賚今伊等業經

傳旨賞給銀五千兩所辦甚是茲再發去一兩重銀牌二百面

五錢重銀牌二百面分賞額爾登保德楞泰兩路兵勇將其尤

爲出力者面宣恩旨獎勵額爾登保德楞泰督率勦辦實已不

遺餘力卽官兵鄉勇等節次殲擒盤獲各首逆亦無不同心滅

賊又何待朕復行催促惟目下由川闖入楚省湯劉及苟文明

等逆俱在房縣竹谿一帶奔竄雖有七十五帶領兵勇躡蹤追

勦究不足恃並恐楚省堵禦稍疎或致竄入均穀便形散漫若

能併歸洵白一帶方易勦辦此時額爾登保德楞泰均帶兵自

東而西其東面附近楚省處所相距較遠德楞泰應遵昨旨俟

川省賊匪剿贖無多卽速趕湖北幫同吳熊光等合力勦辦以

期剋日肅清楚境至拏獲首逆張添倫之卡勇張智先等業已

分別賞給頂戴銀兩所辦甚是至卡勇等能留心盤獲首逆皆

由額爾登保等多方鼓勵知縣嚴如煜督率寨民認真緝捕前

已賞給知州銜并賞戴花翎著再交部議敘龍必達著仍以守

備補用至前次兵勇等拏獲賊首俱照例懸立賞格給予官職

銀兩是以倍加踴躍但恐鄉勇等有意邀功不可不預爲防範

著額爾登保等傳知守卡員并明白曉諭各處鄉勇如果拏獲

真正首逆自應報明軍營立施重賞儻有假冒逼勒之事一經

訊出必當按律治罪俾各鄉勇等咸知勸懲又據奏撈獲徐添

德屍首認明屬實將該犯及徐李氏首級遞至四川達州懸示

一節自應如此辦理徐添德雖係落河淹斃但屍身未獲尙在

疑似之間今經撈獲認明可見天理不容難逃寸磔且令各股

賊匪聞知徐添德實已淹斃失所倚恃自必更形畏懼紛紛瓦

解於勦捕機宜亦屬有益

七月初八日

公奏言竊臣前在平利大貴坪與經畧額爾登保會合將

川陝楚現在股匪及勦辦大局熟商籌計額爾登保由東

北向西南進擊臣卽帶兵由白土關八卦廟西進所有龍



紹周等夥聚張家營戴家營崔胡二逆並藍號李炳賊匪分股逃竄川楚暨連日追剿各情形因距額爾登保軍營不遠臣俱已隨時詳晰寄呈奏報十八日臣兵抵川陝交界黑虎廟探知龍逆張家營等賊匪又翻茅壩大山由一盤泉向大甯雞心嶺竄入竹谿之巴豆園茅古坪一帶戴家營崔胡二逆並藍號李炳分股搶撲西溝西密河卡隘均經都司鄧興相守備胡宗典督率兵勇堵禦未能衝過遂翻漆扒老林入豐溪湖向洞賓口五里壩東來查黑虎廟洞賓口不過七八十里自應就近截剿是夜四鼓即帶兵取道竹溪之西溝進擊午後由洞賓口趕至五里壩探報該逆等已向高足河竄去當即催兵趕至紅巖溝見賊匪四五百名將進溝內當令賽沖阿溫春色爾滾等帶馬隊由溝口大路飛馳進擊臣督率馬瑜蒲尙佐等帶馬步兵勇分上左右兩邊山梁繞前抄截詎該匪一見官兵並不接仗惟亡命前奔出溝後即紛紛爬山越林四散亂逃我兵分投追剿立斃賊匪約二百餘名擒獲活賊樊正元何漢林等七十八名奪獲賊旗馬匹刀矛等件訊據獲賊樊正元等供稱係戴家營崔宗和胡明遠李炳等合夥有三千餘人在石渣河與龍紹周商量分路行走可以牽綴官兵又可擄食總到湖北地方再會龍紹周張家營等走

大甯山裏轉往湖北我們就翻漆扒老林到豐溪我在賊營曾聽說徐添德被官兵殺死等語訊明後俱已分別辦理差探該逆等又由馬鞍嶺竄大河小河直出松樹坪與龍逆所竄之茅古坪相近勢必又合正可聚殲臣鼓勵官兵俱各奮勇連日又由竹山之天池壩追躡東來二十二日我兵於馬鬣嶺趕上龍逆股匪臣督同賽沖阿溫春色爾滾馬瑜蒲尙佐等帶領馬步兵勇分投趕剿當斃賊匪三百餘名生擒李晉光等一百二十三名奪獲旗幟騾馬直至山頂賊匪即由白河口梨樹壩翻越數重大山向平渡河逃竄二十三日賊又向青峯溝一路奔逃孫清元等帶兵迎截前來該逆探知前有官兵遂又折八里坡走木耳溝鑽入老林西竄臣於二十四日趕至木耳溝查木耳溝一路有懸崖偏橋十一處祇可單騎魚貫而行賊匪過後盡皆折毀該匪狡獪異常所走之路總欲疲我兵馬若跟追而進反受其愚弄該處路通老木孔金竹園西南走瓦桑河又通紅平向家壩之路西北走瓦房坪官渡河即通竹溪現在賊勢迥非前比前因川省洞寨嚴緊無可據掠應將賊匪逼入川境剿辦較易為力現在臣與七十五兩路官兵均在楚省剿賊而經畧額爾登保已入楚境竹谿一帶探剿是三省大兵盡在於楚而龍逆夥聚各股餘

德壯果公年譜卷十六

七

德壯果公年譜卷十六

七



匪亦不過六七千人若逼截回川勒保現在川東相離較遠以臣一旅之師跟剿未免稍稽時日今該逆等逼向西竄正是極好機會臣派令千總馮正相帶領鄉勇二百名多張旗號入老林尾躡遙為大兵聲勢擬令孫清元託爾託保吉林泰帶領馬步兵勇由南面平渡河一帶西進遏其由向家壩入川之路臣督同賽沖阿溫春等由北面板凳垭瓦房坪直趨官渡河西剿並移咨明亮帶兵在豐溪一帶截住竄陝老林之路並詳晰咨呈額爾登保處自必撥兵追剿以各路大兵四面兜擊絕其狂奔之計定可即日掃除再查湯劉賊股已由九道梁竄赴羅漢洞張公橋

德壯果公年譜卷十六

美

有入川之勢七十五帶兵緊跟前追孫清元由舉人坪前來迎剿龍逆等股賊匪全保長齡恐湯劉二逆折回帶兵在獅子壩堵截頃接額爾登保來信再學勝股匪屢被楊遇春截剿祇贖二百餘人遁入老山現在分兵搜捕即可掃除又大甯山內桐油壩有冉添泗一股約有一二千人

在彼游奕南江山內尚有高二餘匪一二千人往來滋擾此外餘匪藏匿三省交界老林之中者陝境已經額爾登保分派官兵搜捕並通飭各州縣妥為招撫即太平一帶已札飭總兵託雲泰就近鼓勵各洞寨團勇隨同官兵逐處搜捕務期淨盡再自松樹廟追賊至今旬日賊匪

行徑均係老山險仄之路雖官兵緊躡總未能大加痛剿被擄難民乘空逃出者日或數十名至百餘名共計陸續逃出大小男婦殊批亦好八百七名係平利竹谿附近百姓給予銀米路票就近釋放回籍尚有渙散自行回家者亦不少細訊賊營情形實因絕食眾心渙散因將獲犯內陳大貴郭安泰二名留營逐日隨行令其目擊省釋難民察其詞色頗知感激臣又謹遵疊奉

德壯果公年譜卷十六

美

諭旨剴切宣示曉以利害如著名首逆王廷詔等先後均被擒斬所贖餘匪無幾旦晚即可剿盡我皇上好生如天念爾愚氓無知不忍一概駢誅不但被脅百姓即習教賊匪並首逆等有能悔過投出者一併赦宥或能縛獻首逆立功亦即給予銀兩官職並另繕簡明告示數張殊批是遣回賊營傳宣該犯等欣然願往臣隨令持示前去如果該犯等辦理有效俟其回日臣即重加獎勵

同日公又奏言臣前奉

上諭以首逆張允壽被孫清元所帶官兵打仗中斃身死令臣查明轟斃張允壽確係何人等因臣當即敬謹恭錄咨行長齡等確查移覆茲准長齡等覆稱是日熊藏山打仗前敵係副將吉林泰二等侍衛呢瑪善帶兵首先進剿搶上山梁安穩礙位把總蔣光奎看定准頭馬兵楊文光執繩點



放轟斃多賊惟見一賊中礮眾賊搶扶而去賊即敗走當時實不知是何人未敢遽行入

告茲蒙查詢理合移明等情臣覆加查核無異除副將吉林泰臣

與額爾登保會奏保陞宜昌鎮總兵外二等侍衛呢瑪善首先帶領官兵進剿即轟礮擊斃首逆應請

旨量予鼓勵以頭等侍衛陞補其把總蔣光奎馬兵楊文光均請賞戴藍翎以千把即補之處出自

天恩

諭曰此次龍紹周等逼向西竄分令孫清元等由南面平渡河一

帶過賊入川之路德楞泰督同賽冲阿等由北面直趨官渡河

德壯果六年譜卷十六

五

進剿移會明亮截住竄陝老林之路并知會額爾登保撥兵追

剿各大兵四面兜截使賊匪無從竄逸所辦甚是惟望將龍紹

周等股即在湖北境內剋期殲除佇待捷音速至至不能成股

之賊不過一二百三四百人藏於三省交界之中亦不可忽畧

殘匪雖屬無多但無官兵逐處搜捕任其勾結合夥必致又成

大股現在陝境已經額爾登保派員搜捕德楞泰亦札飭托雲

泰帶同兵勇逐處搜捕務於七月內將大股各首逆殘敗餘孽

一律殲除為要又德楞泰遵照前旨令獲犯陳大貴郭安泰二

人攜帶告示同回賊營傳布招撫一節所辦亦是如果該犯等

辦理有效賊匪聞風投出自當照前旨分別辦理厥功更易也

又

諭曰德楞泰奏查明轟斃首逆張允壽出力官兵著照所請以示鼓勵

同日公又奏言臣奉到五月二十七日

上諭德楞泰連日冒雨趕剿徐樊等匪殲戮殆盡並擒獲首逆妻

室及頭目多名覽奏欣慰實屬奮勇可嘉之至著先賞喜字搬

指玉帶環大小荷包並發去搬指五件翎管鼻煙壺各十件分

賞此次出力將弁以示獎勵徐樊二逆擒獲再當立施懋賞等

因仰見我

皇上望捷孔殷亟欲奠安黎庶至意臣當即祇領分頒率同望

德壯果六年譜卷十六

五

闕叩謝訖伏念臣追剿二逆輾轉楚秦冒暑雨以奔馳原為

臣分愧妖氛之未掃猶廬

宸心迺蒙

眷念有加微勞必錄以鯨鯢待殄幸俘劉闢之妻兒況蚤駢失依

並翦白波之頭目先

示鼓勵

錫賚多珍續俟捷章

立施懋賞荷

恩榮之逾格非夢想所敢期現在徐逆已伏真誅各股難稽顯戮

臣惟有督率兵弁肅將



天威乘勝將龍逆等股迅圖剿辦次第肅清竭鴛下之庸材報

鴻慈於萬一

硃批大功一成懋賞立至勉之

同日公又奏言臣前在西鄉追剿徐樊二逆賊匪狂竄有

被花苗洞寨弩射殺賊等事恭奉

上諭以陝西地方從無苗寨此等花苗究在何處為數若干著臣

查明遇便覆奏嗣臣業已行抵平利白土關距西鄉已遠

當即恭錄移咨陝西撫臣陸有仁令其遵照確查一俟覆

到再為奏

聞

德壯果公年譜卷十六

委

德壯果公年譜卷十七

嘉慶六年辛酉

七月二十二日

次孫花沙納恭纂

公奏言臣帶兵由高旺山桐木園前進旋據哨探並跟蹤

之千總馮正朝等先後稟報龍逆等賊匪又由湖溪白河

口轉向天池埡翻山南竄其戴家營崔胡二逆先已分股

折竄竹谿之五里埡遁去等語是龍逆等探知四面有兵

不敢深入楚境意欲折竄回川臣帶兵取道翻鐘鼓山二

十九日冒雨趕至公子嶺有賊匪七八百人正在溝內擄

掠臣督率賽沖阿溫春色爾滾馬瑜蒲尙佐等直前剿捕

賊見官兵即逃經馬步兵勇分投趕剿殺賊二百餘名生

擒余善珠等六十四名餘匪紛紛四散爬山逃遁又經搜

獲周萬順等二十三名時雨勢愈大山高林密未能痛剿

官兵無不憤恨切齒訊據獲犯余善珠等供稱龍紹周等

被官兵追趕實在畏懼聽他說祇有在老林翻來翻去兵

馬不能進來今逃散之人甚多又怕官兵趕上因分作幾

起或千餘人或七八百人教令爬山越嶺總不許在大路

行走官兵趕上容易藏匿總要使官兵累乏不能追趕並

無一定趨向等語訊明後除從賊日久周萬順等三十五



名正法外難民彭九元等五十二名概給銀米路票面加撫慰就近令其回籍安業差探賊眾乘雨分竄俱向茅古坪乾溝一帶狂奔臣督率賽沖阿溫春色爾滾馬瑜蒲尙佐等帶領馬步兵勇分路極力追勦沿途逃出難民劉大忠會朝書等僉稱龍紹周到茅古坪又遇見王國賢一千餘人商量合夥過陝西去王國賢聽見官兵追趕不肯同走就折回楚境尋找戴家營龍紹周繞走分水嶺東去等語查分水嶺東北通紅坪卽出房保西南由巴斗園卽通楚之二竹臣卽派令孫清元等帶兵扼截紅坪一路其西南之巴斗園卽令賽沖阿蒲尙佐等帶領兵勇前往臣仍

德壯果公年譜卷十七

二

督率溫春色爾滾馬瑜等緊躡賊蹤詎該逆知東西北三面皆有官兵不敢折竄遂翻極險老箐出蕭家坡苦草壩逃竄賊匪時分時合其意總欲疲我兵馬臣鼓勵各將弁兵勇連日冒雨不予以暇初四日至大甯縣屬之徐家壩據探報龍逆等由小禾坪二郎壩向石背山前竄是夜雨仍不止正可出其不意趕緊進剿臣卽挑出奮勇馬步兵勇於四更後前進辰刻趕至石背山關廟地方遙見賊匪七八百人亦係分出小股業已起行臣督率溫春色爾滾馬瑜等帶馬步兵勇趕至關廟山溝時賽沖阿蒲尙佐亦帶兵趕到臣等分投衝殺立斃賊匪三百餘名生擒李長

宗等七十三名賊眾又復紛紛四散越嶺遁逃馬步兵勇分投追趕二十餘里殺賊五六十名生擒周增尙等一百二十一名而兵與賊及臣等無不徧身淋漓泥濘不堪餘匪向桐油壩一帶西逃獲犯訊無要供隨即照例分別辦理旬日內亦有逃出難民來營請票者共計七百六十餘名訊明後卽給予銀米路票令其回籍臣查龍紹周等賊股原有七八千之眾馬騾六七百匹經臣疊次擒勦現在不過四五百人馬騾二三百匹惟該逆探知臣帶兵追勦據獲犯並難民等前後僉供賊情實在畏懼故分出多股翻越老山箐林希圖牽綴我兵苟延殘喘臣鼓勵將士兵

德壯果公年譜卷十七

三

勇仍卽緊跟無論何往總期竭力勦除又臣兵抵徐家壩適楊遇春派來副將應元寬參將張環等帶領步兵鄉勇二千餘名自兩扇門老林追勦冉學勝賊匪由太平之高觀寺至此據稱楊遇春格布舍等帶領馬隊由界嶺入川迎勦因兩扇門道路匹馬難行令其步行先帶兵勇尾躡賊蹤前來查冉學勝賊匪東奔冀圖竄陝該逆知臣由楚入川又復折向西逃臣卽撥給將備等馬匹仍令其跟蹤而進頃又探有白號張家營一股賊匪二千餘人於二十九日由下壩河地方西竄其前屯桐油壩一帶之冉添泗及王世虎餘黨二千餘人並苟文明賊匪三四千人於初



一初二等日俱隨張家營賊股西走是各股賊匪均因楚  
陝追剿萬緊不能屯聚先後悉折入川盡由後背山下壩  
河烏龍坪陸續向西逃走察其情形由太平向西鄉紫陽  
折竄卽出開縣惟湯思蛟劉朝選賊股四五百人由後背  
山竄走尖山坪係出雲陽之路七十五於初三日自大甯  
取道寶塔進剿臣飛行札知令其由核桃壩一盩泉紅池  
壩入山截擊如該逆折回西來可期與臣兩面夾攻其冉  
學勝股匪二三百人刻探已於初六日由下壩河尾隨而  
逃應元寬等業已緊跟追剿又查龍紹周等股賊匪由桐  
油壩翻山向百里荒老林竄往太平之後坪此刻各股賊

德壯果公年譜卷十七

四

匪盡向太平一帶奔逃楊遇春格布舍等自己帶兵由界  
嶺入川臣惟有竭盡血誠督同楊遇春七十五等趕緊進  
剿又接到額爾登保來信現在入川賊股較多趕緊將楚  
省賊匪肅清後卽帶兵赴川陝交界一帶前來探剿再前  
次剿辦徐添德出力各員遵已查明酌擬陞賞開單呈

覽

諭曰此次龍紹周等股經德楞泰督率官兵奮力追剿先後殲擒  
賊匪共八百餘名將各匪逼向太平一帶折竄所辦尚好從前  
原有將各股賊匪逼入川境爲一鼓殲擒之議今龍冉湯劉等  
逆俱經竄至川境該處築堡完固賊匪自無食可掠而德楞泰

又已統大兵督同楊遇春七十五等緊躡追拏正當趁此股匪  
屯集之時聚而殲洗不可稍予以暇又致蔓延其摺內稱訊據  
獲犯供稱龍紹周等被官兵追趕實在畏懼等語賊匪當此震  
懾兵威之際正當乘其窮蹙畏懼示以一線生路著德楞泰出  
示曉諭賊營以該逆等雖經抗拒官兵殘害百姓俱較之徐添  
德高三馬五等極惡首逆尙屬有間今各處逃竄不過貪生畏  
死現已屢奉恩旨賊目中有自行投出者概免誅戮爾等若果  
棄械投營何難格外邀恩予以官職必當仰體我皇上好生之  
德奏明於萬無可赦之中貸其一死若該逆等執迷不悟不肯  
投出現當秋高氣爽雨水已停各路官兵雲集一經被擒不特

德壯果公年譜卷十七

五

身受極刑且牽累同夥多人俱遭殲戮何不亟思改計庶有生  
機如此剴切詳諭亦解散之一法至前此懸立賞格擒拿賊首  
今極惡首逆已陸續就擒所餘者不過賊中小頭目數人德楞  
泰仍當傳諭將弁兵勇有能將各首逆臨陣殲擒者卽從前懸  
賞內未經列入之犯亦一體分別陞賞儻賊首自行投出亦不  
准將弁等作爲縛獻希冀邀功總之一面曉諭賊營予以生路  
一面激勵兵勇不少鬆懈自可事半功倍也本年夏令雨水較  
多德楞泰所稱該處連日大雨泥濘難行自係實在情形但此  
旨到時已過白露氣候就涼雨水已少正可施展兵力德楞泰  
惟當督率將弁鼓勇乘勝卽在川省境內將賊匪趕緊兜剿迅



速歲功朕必優加懋賞勉之望之再奏請陞賞各員現已降旨  
准行德楞泰等屢次奏保朕必俯如所請者原所以假之事權  
鼓勵戎行俾益收指臂之用而受恩各員益當知所感奮共勉  
成功更邀獎拔

同日公又奏言竊臣接准額爾登保咨送六月十二日

上諭內開現在德楞泰與額爾登保會晤面商剿賊機宜成功自  
必迅速朕心深為嘉悅特將朕隨常佩帶撥指荷包等件分賜  
伊等祇領時如朕親授以示格外恩寵統俟大功告竣同邀酬  
庸懋典發去銀牌著分賞兵勇尤為出力者面宣恩旨獎勵加  
賞俾益知感奮等因臣跪領之餘悚惶無地而又欣感榮幸莫

德壯果八年諸卷十七

六

可言宣當即望

闕免冠叩頭恭謝

天恩並將銀牌欽遵分賞訖伏念臣蒙古世僕由健銳營前鋒出

身至微極陋仰蒙

高宗純皇帝參養訓誨廁忝行間

畀以重任深愧未能圖報復蒙我

皇上曲賜矜全委以參贊授為將軍稠疊

鴻施有加無已循分自揣庶忝知榮時思竭盡駑駘上紆

宵旰現在臣與額爾登保仰遵

訓示憑仗

天威已將各股著名緊要首逆殲擒陝楚邊隅漸臻甯謐龍逆等  
雖追勦入川大功未竣茲以會商機宜報稱毫無乃荷

格外恩眷特將

御用隨帶之物分賞臣等遙聆

溫諭恍近

龍光實從來未有之榮施極臣子罕逢之異數自顧何修而獲邀

此臣惟有勉益加勉竭盡血忱乘此賊衰兵盛之時鼓勵

兵勇迅致廓清冀得早覩

天顏稍伸孺慕

殊批勉力迅速成功必施封爵不可稍存觀望之念朕不負汝汝

德壯果八年諸卷十七

七

其思之

三十日

公奏言查龍紹周等股賊匪畏懼軍威翻百里荒老林遁

入太平之後坪東逃臣即冒雨帶兵尾躡幸獲晴霽初九

日兵抵侯家壩後槽探報龍逆等匪已翻馬鞍山向北之

沿江廟有走高觀寺之勢查高觀寺逼近紫陽界嶺又可

通平利之兩扇門賊既入川必須抄出菜子壩迎頭截其

竄陝之路臣即督令賽冲阿溫春色爾滾馬瑜蒲尙佐及

侍衛將弁等於是夜四更帶兵趕行初十日午後抵菜子

壩值逆匪四五百人正由陽溪河竄來賊眾不知迎頭有



兵經馬步兵勇突出勦殺立即潰亂當斃賊二百四十餘名生擒譚子祥葉世仁等一百三十七名餘匪折回上望鄉臺大山老林憑高恃險捨死抗拒臣見山勢陡峻馬力不能施展當派副將李應貴參將馬應國馬元李東山等帶領步隊兵勇仰攻至二磴巖下我兵槍箭齊發賊眾應聲而倒者十數名乘勢復搶占萬家坪忽然雲霧瀰漫大雨如注臣恐賊眾乘雨下壓即令分兵伏於山傍之白雞坪俟其下壓兇悍情形極爲可惡萬家坪之兵畧爲迎敵實不能支即漸退下賊復趕來撲下山脚時雨勢益大白

德壯果公年譜卷十七

八

雞坪伏兵見賊眾壓下中路兵勇即冒雨橫衝截擊泥濘路滑賊亦不能徑上而山底大隊馬步兵勇即分投勦殺前後夾攻將三百餘名賊匪全行殲戮無遺林內之賊見敗先逃天色已晚查獲受傷未死之賊湯國才周金魁等十三名奪獲賊旗三十五桿刀矛四百餘件訊據供稱是龍張兩營張元帥名張士雄祇有七八百人係張士龍之餘匪龍紹周有三四千人被官兵追趕得緊不能擄掠商量總要由大山箐林繞過紫陽平利或到湖北今日在黃連亞老林龍紹周令姜元帥陳先鋒帶五百矛手先來打探此路若無官兵就翻界嶺過平利去陳先鋒在二磴巖

上打仗被槍打死姜元帥見官兵不多想要衝下不料被官兵前後勦殺亂箭射死等語隨於屍內查取首級令其指認並據獲犯譚子祥等供出姜元帥名姜洪斌陳先鋒名陳文明僉供確實與受傷被獲之湯國才等十三名一併斬訖旋探該逆由新開場古佛庵翻火山老林竄往雞鳴寺此路若由大塘口走柏森坪普子坪出大竹河仍可繞出紫陽隨派守備龍必達等帶兵勇五百名尾追臣即督同賽沖阿溫春等帶兵緊顧北面十五日趕至瓦子山探報龍逆等已出大山向南流溪竄走即督率賽沖阿溫春色爾滾馬瑜蒲尙佐侍衛官兵等翻大面山貓兒梁趕

德壯果公年譜卷十七

九

赴寒溪寺正遇賊眾迎頭而來一見官兵回身奔逃經馬步兵勇等奮力掩殺二十餘里而跟蹤之龍必達等亦從後殺來共殺賊四百餘名生擒陳士元趙石氏等一百七十四名馬騾八十餘頭旗幟刀矛甚多匪眾又翻木盤坪老山向開縣之乾溪大垭口南逃十六日探得龍逆等竄聚蓋頂山一帶相距我軍不遠十七日五鼓臣令賽沖阿溫春蒲尙佐等帶領馬步兵勇由後墩子一路前進臣督率色爾滾馬瑜等帶領馬步兵勇由雙河口截勦天甫黎明已抵姚城壩詎該處山勢愈大箐林深密賊匪遙見官兵先向石洞溪竄入老山鳥道一線馬力萬難馳騁當令



蒲尙佐李應貴等帶領步隊兵勇奮力進剿趕至半山殺賊五十餘名生擒趙卜堂等三十一名我兵復競進仰攻至山灣折處有巨石橫亙該匪依險推下大小亂石搏擊如雨兵勇攻搶四次未能得手石傷兵勇二十餘名陣亡者數名<sub>臣</sub>察看地勢遂將礮位安於對面山腿連環轟擊斃賊數名有藍領鄉勇首謝金章首先搶上殺賊二名搶得大帥字旗一面我兵乘勝而上匪眾紛紛敗上山梁窮追二十餘里又殺賊一百餘名生擒邱雲升等八十四名前途路徑愈仄兼之陰霧瀰漫<sub>臣</sub>卽令兵勇紮住山梁差探賊蹤竄向何處再爲趕剿查龍張二逆自被<sub>臣</sub>由陝楚

德世果公年譜卷十七

十一

追剿回川疊次擒斬及投出渙散外前此尙有四五千人茲又連次殲獲一千餘名復又陸續投出來營請票之蔣萬清曾洪氏等共計一千二百三名口<sub>臣</sub>隨時詳詢賊情均以被追緊急不能擄掠惟採食野菜近則摘取未熟包穀充飢加兩月淫雨每日翻越大山竄走老林苦累難堪且有跣足腫爛及拖累死者近聞

皇上仁慈廣被凡投出者一概免死是以人人各尋生路紛紛渙散卽老教賊匪並旗手牌頭戰手投首者亦多足見賊黨離心勢力日孤正是蔽功之兆<sub>臣</sub>仰遵

聖訓皆面加曉諭一一開導察其情狀言詞真切是以隨時省釋

仍將花名彙冊札飭各該地方妥爲安插俾無失所計現在龍張二逆合夥不過三千人以此推之賊勢瓦解於此可見<sub>臣</sub>復徧詢前次差往賊營之陳大貴郭安泰等據稱不知其人現在老賊投出或卽係暗爲布散亦未可定惟有不予以暇無論該逆何竄總期速爲剿除又據探報苟文明一股賊匪除渙散外現在約有二三千人折竄太平之高頭壩羊耳壩一帶唐明萬一股卽唐大信之餘黨現有八九百人在雲陽開縣境內冉添泗及王世虎餘黨現有二千餘人在大甯奉節界上游奕冉學勝一股二百餘人尙在大甯山內有副將應元寬參將張瑗等帶兵追剿

德世果公年譜卷二十一

三

其湯思蛟劉朝選辛聰等逆<sub>臣</sub>昨過馬家營時有湯逆營內逃出難民唐天福王順祥等二十六名來營請票僉稱該逆等被剿現在祇有三千餘人在徐家壩分股劉辛二逆帶二千餘人逃赴大甯山內湯逆帶一千餘人向渡口崖東鄉遁去等語與哨探情形無異<sub>臣</sub>卽飛行知會七十五務將湯思蛟一股賊匪趕緊剿淨萬不可令漫入東鄉致復業之區又遭蹂躪川北一帶祇有高見奇一股賊匪在通南山內滋擾此外有無賊匪因山中道路梗阻一切稟報文移未能隨時遞到卽勒保一路軍營現在何處剿辦亦未得其來信<sub>臣</sub>現擬告示發給州縣並嚴禁各寨洞



遇有逃出難民並省釋回籍者不許剝取衣物並婦女幼孩不得擅自強留一面派令幹練鄉勇齎送始無遺失之虞至龍張二逆被勒不敢向西南之南垵場竄出平原又由老林折回西北之梨兒垵董家壩前去查董家壩左走雪泡山寒溪寺雞鳴寺右走即大甯老山之路毋論南竄何路臣惟有鼓勵兵勇趁此賊心渙散之際趕緊勒除

諭曰賊匪龍紹周等遁入太平之後振轉奔竄經德楞泰督領將弁緊躡賊蹤分投勒捕殲斃偽元帥姜洪斌偽先鋒陳文明等先後共斬擒賊夥一千餘名其自賊中投出者共計一千一百餘人所辦可嘉此次殺賊不為不多祇因未經擒獲龍紹周等

德壯果公年譜卷十七

三

緊要首逆是以未用六百里加緊馳遞然較之往常擒獲逆首捷報每有殲戮匪黨尚不及此次之多者今德楞泰等於深林密箐中不避艱險督兵痛勦實亦不遺餘力現當厥功不遠之時不必照常頒賜物件統俟軍務告竣捷音到日共膺酬庸懋典德楞泰務須乘勝將龍張二股勒除淨盡然後再辦他股以次肅清儻此股未經辦竣又欲分顧他股必致餘匪勾結復成大股五年辦理軍務遷延職此之故即如前此德楞泰將賊首高二殲斃所贖餘匪不過二三百人未經辦竣德楞泰旋赴漢南其餘黨高見奇等現又勾結至二千餘人尙在川北奔竄此即根株未淨之明驗若楊遇春前此勒辦高二馬五股匪不特

將二逆殲擒并能勒除餘孽不至復萌如此方為妥善德楞泰不可不倍加奮勉迅速蕝事再湯思蛟一股現有七十五勒辦冉學勝一股亦有副將應元寬勒辦其餘劉朝選辛聰唐明萬等匪俱在大甯山內現交何人專辦未據奏及誠恐該匪等潛匿山林又致蔓延裹脅著德楞泰分派鎮將即速帶兵勒捕勿予以暇至苟文明由楚竄川額爾登保業經跟蹤追擊德楞泰尙未得有信息其摺內所稱來營投首之蔣萬清等千餘名內不獨有新擄之人並有老教賊匪等語足見賊黨日益解散正當趁此機會上緊趕辦所有投出夥黨回籍後若該處百姓以為曾經從賊不齒於鄉里勢必不能相安德楞泰係成都將軍

德壯果公年譜卷十七

三

亦有地方之責現經出示曉諭各洞寨毋許剝取衣物強留婦女所辦甚是仍當諄諭該處民人等以現在投出之人從前均係為賊迫脅本非得已今既不甘為賊則與良民無異現已蒙恩將伊等重大罪名悉行赦免爾民人亦勿再有藐視之見俾得各安井里勉為良善庶陷身賊中者聞風投出益加踴躍蕝事更易德楞泰等務當趁此秋高氣爽雨水稀少之時鼓勵弁勇迅速蕝平膚功立奏以慰懸注至摺內圈出并仗出力之鄉勇首謝金章著德楞泰存記俟有奮勉立功之處再行奏請加恩

八月十二日



公奏言查龍逆等股賊匪前竄至開縣姚城壩石洞溪經官兵剿殺敗向梨兒壩奔逃臣即帶兵前進十九日行至觀音廟探報龍逆等現率眾向峯竹廠大山箐林奔逃相距不遠當即督同鎮將兵勇馳抵山脚見山頂高峻路徑曲折陡險馬力不能施展隨令馬瑜蒲尙佐同將領等帶滿漢兵勇步行層層進逼直至半山該逆憑高堆放亂石紛紛滾下兵勇冒石攻搶受傷者數人相持一時之久不能得手因令參將馬濟遊擊王玉龍等帶兵繞至正對巖礮之謝家灣小山梁安設礮位轟擊又詢得旁有小成園一路馬隊魚貫而行可以抄出大垵口臣即督同賽冲阿

德世果八年譜卷十七

丙

溫春等帶領馬隊由小成園抄截該逆等被礮連環擊斃多人已行潰亂又見馬隊抄來賊眾遂敗走雙廟子步兵搶上巖礮奮力跟剿馬隊由大垵口壓下殺賊三百餘名生擒尹國珍鄧春元等二百餘名追剿十餘里又殺賊殊批好五六十名生擒王明貴等四十七名餘匪向風竹壩老林逃竄訊據獲犯尹國珍等供稱龍紹周等原有七八千人被官兵由陝楚趕入川屢次殲擒逃散今所存不過三千餘人今日總兵熊世金先鋒何萬益帶八百戰手斷後因熊總兵被礮打死又見馬兵旁邊抄來是以敗走等語當令指認熊逆屍身僉供無異訊明後即分別辦理二十日

臣帶兵跟蹤由風竹壩進發探報該逆走相子坪老林出響嶺子路徑險仄又欲折向太平山內臣即令李應貴馬元馬濟李應元等帶領步兵跟蹤追剿臣督同賽冲阿溫春等帶領馬步兵勇扼住北面翻雪泡山走寒溪寺該逆被兵緊追又折入大山老林向大茶園木廠溝其勢又欲北出修基壩希圖遁入陝境臣即取道明通井翻旗桿大山抄出十二庵過截二十四日至紅花溪已截其去路接據副將李應貴等稟報龍逆於二十二日二更後在黑豆坪吳家大壩起營向木廠溝三溪子奔逃李應貴等帶兵三更起營順河包截午刻兵勇齊抵三溪子賊見官兵殺

德世果八年譜卷十七

丁

來向左手老林奔逃該副將等即帶領兵勇趕上殺賊殊批好二百五六十名生擒偽先鋒楊貞禮等六十六名口分別押解來營訊據楊貞禮楊貞秀供係太平縣城口人於二年間投入賊營楊貞禮現為先鋒楊貞秀為探馬頭其餘周開文等十六名俱係精壯戰手訊明後一併正法其張士龍餘黨二三百人見官兵追殺緊急遂分竄偏巖子籬筐溪而逃二十四日途次十二庵探報有由籬筐溪竄來賊匪二三百人相隔數十里臣即督同賽冲阿溫春等帶領馬步官兵迎剿該逆一見官兵即捨命向東四散狂奔經馬步兵勇分追沿途殺賊六七十名生擒夏朝武張汪氏



等三十三名口餘匪遁入百里荒老林時已天晚隨訊獲  
犯夏朝武等供係張士龍餘黨在三溪子又被官兵剿殺  
分投逃奔要過紫陽山內張汪氏是襄陽人係張士龍之  
妻營中呼爲二掌櫃訊之張汪氏始猶支吾經眾口指摘  
不能抵賴乃自認不諱詰以賊營情形竟無一語惟求速  
死卽與夏朝武一併正法二十五日五鼓由百里荒前進  
又據李應貴等稟報二十四日卯刻帶兵趕至五雷寨山  
梁適賊由紙廠溝柳家壩竄來當率兵勇搶上山頂直追  
至溝底又殺賊一百四五十名生擒偽總兵李懷玉等六  
十三名口餘匪紛紛翻界嶺竄向大甯之新田壩遁去並

德壯果公年譜卷十七

六

將偽總兵李懷玉等押解來營訊據李懷玉供係四川渠  
縣靜邊寺人早年習教是龍紹周徒弟同時起事連年領  
兵打仗龍紹周股內人數原多今被官兵追殺因熊總兵  
被礮打死是夜總兵劉登科先鋒王海淇槍手頭唐有瑞  
俱卽逃去戰手亦多逃散現在連婦女幼孩不過千餘人  
驟馬不過百十匹要往大甯張家營亦祇有二三百人本  
要到陝西去又被官兵截殺此時或走湖廣或去陝西都  
無定見總欲躲開官兵等語訊後亦俱分別辦理計連日  
沿途逃出難民來營請票者共計八百五十八名口內有  
偽千總劉建雲旗手李文光並戰手多名俱已隨時撫卹

安慰又據李懷玉供出前往賊營解散黨與之陳大貴郭  
安泰因營中逃散人多龍紹周查知係伊二人布散流言  
當卽殺死是賊黨之解散亦由陳大貴等回營宣傳所致  
茲被戕害殊爲可憫頃探龍張二逆前後均由黃連壩東  
走勢向大甯之和岡溪徐家壩奔逃該處盡屬極險老山  
箐林日行百里內外臣亦明知賊計意在疲我兵力而金  
底遊魂又不得不乘機剿除計旬日間鼓勵兵勇趕剿三  
次共殺賊八百餘名生擒四百餘名除渙散外陸續投出  
者八百餘名官兵備嘗艱苦仍未能一鼓集事總爲地勢  
所阻但賊中槍礮全無卽矛手亦僅存其半故每日惟恃

德壯果公年譜卷十七

七

走險以避官兵又太平之大成寨索羅寨開縣之姚成寨  
馬家寨大甯之新田寨龍洞寨於賊匪過時均能率團勇  
截剿並將活賊解送來營臣俱面加獎勵酌賞銀牌情形  
極爲踴躍再查再學勝股匪前在大甯山內被副將應元  
寬參將張瑗等追剿近又迫至太平之黃墩頗有斬獲所  
贖無幾該逆情急已翻界嶺竄陝其湯思蛟股匪前向渡  
口巖奔竄近探由蕎壩背走七里溝而入太平山內七十  
五日來會否接仗尙未得有來信臣現已照會令其趕緊  
剿辦其劉朝選辛聰二逆業又尾隨湯思蛟賊股竄逃苟  
文明一股仍在太平老山毘連紫陽邊界游奕唐明萬一



股並再添泗及王世虎之餘黨俱由雲開逃往東太又大甯屬之圍城一帶老林內尚有張姓一股賊匪屯踞又接據勒保來信高見奇並冷姓股匪尚在廣元境內東北老林往來滋擾又稱通江另有一股賊匪查川省賊股雖多每股或二三千人或千餘人或數百人不等均係各路剿敗餘孽勢皆渙散而民間洞寨嚴緊不能肆行擄掠故多在東太通巴南廣各屬山內苟延殘喘勒保現在通巴一帶督率阿哈保薛大烈等剿辦臣趕緊將龍逆餘匪掃除淨盡即當移師太平探明截剿斷不致令其滋蔓再查臣所帶滿漢步馬兵勇共六千餘名自新正在漢江北岸之

德壯果公年譜卷十七

六

山陽一帶將高二一股賊匪殲擒後移師南渡於紫陽界內剿辦龍逆等股賊匪萬餘之眾痛殲於大甯和岡溪復追至楚之竹山官渡勒敗旋因徐添德等入股賊匪屯踞於興山一帶臣即帶兵入楚疊經追剿直至紫陽瓦房店將徐逆一股剪除嗣即由紫陽帶兵徑赴平利大貴坪與額爾登保會合籌商一切額爾登保見臣一路馬步兵勇跋涉艱苦奏明將現存賞需銀內撥給三千兩又撥給兵勇衫褲鞋襪各一千件馬騾共三百匹又陸有仁解送衫褲鞋履各二千件軍容煥然一新斯時龍逆等賊股七八千人夥屯於八仙河灤河一帶臣自六月初十日由松樹

廟進剿後輾轉追逐於秦蜀楚三省邊界老山至今五旬屢加擒斬該逆祇贖一千餘人屢訊獲犯難民僉供賊營患病及腿腳腫爛者極多看來不難即日掃淨惟兵勇兩月以來晴雨不分奔馳於老山箐林之中陰沴蒸鬱路途險仄亦多跣足無鞋兼患痢瘡及腿腳腫痛者隨時查驗寄留洞寨調養茲於太平山內復將滿漢患病及無鞋並無馬匹疲瘦不能行走兵勇一千餘名派令吉林佐領塔津保黑龍江佐領巴圖山遊擊楊森等管帶至太平縣安為調治至軍糧一項山中洞寨雖有屯貯每與兵行之處相左稍近尚能運送到營遠則非道路梗阻即兵去已遠

德壯果公年譜卷十七

五

臣又不敢舍賊就糧其川楚餉銀先准吳熊光勒保早經撥發派委候補道海昌同知當發祥各管解探運前來而賊蹤朝秦暮楚兵行迅速勢亦刻難趕及計現在存營兵勇不過四千餘名馬匹不過四五百以之剿辦龍逆等殘匪僅足敷用至綠營軍裝衣鞋等項早經調貯太平現又飛札省局調撥成都滿營壯馬三百匹及弓箭等項亦令其運赴太平聽候調取一俟龍逆賊股辦竣臣擬帶兵徑趨太平整頓兵馬即行趕赴廣南一帶自北而南進剿不但賊股不能竄陝又可兼顧嘉陵江岸一切就近與勒保籌商趕辦冀紓



聖座

諭曰此次龍張二逆經德榜奏督同賽沖阿溫春等緊躡追剿先後殲擒偽總兵熊世金首逆張士龍之妻共計一千二百餘名投出新舊賊匪八百餘名所辦尙好德榜奏著賞給四喜玉牌玉搬指金盒大小荷包並發去搬指搬指套各十件小刀十件分賞軍營出力官弁至兵勇等自新正在漢江北岸勦捕高二餘匪移師勦辦龍逆等股旋復至楚省竹山一帶辦理徐添德大股賊匪追勦窮除兩月以來追捕龍逆於秦楚蜀邊界老山之內不分晴雨備嘗艱苦以致多有疾病除俟此股辦竣普行加恩外著發去一兩重銀牌二百面五錢重銀牌二百面交德

德壯果公年譜卷十七

三

榜奏分賞現在打仗出力兵丁其養病兵勇內有曾經出力者亦著一體賞給德榜奏仍飭地方官將帶病兵勇加意醫治調養目前龍紹周張士龍等股均向大窩之徐家壩奔逃看來賊勢十分窮蹙不過於老山內輾轉竄逸苟延殘喘不肯棄械投出惟有力加痛勦務於八九兩月內全行勦淨速戴大功再前赴賊營解散黨與之陳大貴郭安泰二人被賊戕害情殊可憫著德榜查明該二人有無眷口酌量賞卹

恭錄

御製詩

參贊德榜奏報窮追龍紹周股匪疊次殲擒及自行投

首二千餘名詩以誌事

賊勢漸潰散潛竄陝蜀陞出沒極險地使我兵力疲將軍奮忠勇馬步隊並追寨民助勦捕餘黨日解離亟願除邪逆

天恩溥鴻施五載備艱苦宵旰念在茲

據德榜奏七月十九日探報龍逆等向峯竹厥奔

逃官兵奮力跟勦殺賊三百餘名生擒尹國珍等二百四十餘名殲擊偽總兵熊世金等又殺賊二百五十六名二十四日沿途殺賊六七十名生擒夏朝武張士龍妻張汪氏等三十三名口二十五日又殺賊一百四十五名生擒偽總兵李懷玉等六十三名口逃難民八百五十八名現在趕緊掃除餘匪務期淨盡等情數載兵民備極辛苦宵旰念茲惟望速戴軍務仰賴

佈也

同日公借勒保又奏言竊查川省太平縣屬之城口地方僻處偏隅界連陝楚向為賊匪出沒之地必須安兵駐守

德壯果公年譜卷十七

三

以杜賊竄老林等是以於上年派令總兵託雲泰督同副將褚大榮參將周廷翰等管帶兵勇三千餘名在城口一帶設卡分防近日賊匪仍由該境往來奔竄雖因地方遼闊路徑叢歧而該鎮將等究屬截勦不力屢經等札飭近訪得副將褚大榮參將周廷翰縱兵滋擾民間嘖有煩言並據太平縣稟報伊等所管兵勇赴縣關糧竟有滋鬧之事並風聞褚大榮周廷翰均私自買妾寄養民寨深堪駭異等彼此札商該將等奉派防守不能認真勦賊已應治罪如再縱兵滋擾並私自買妾寄養民寨尤屬大干法紀相應請



旨將褚大榮周廷翰革職審辦以紓民怨而肅軍律此時臣德楞  
泰雖在川東逐日移營臣勒保川北剿賊相距更遠是以  
會商派員前往城口接管卡隘並將該副將等提赴達州  
飭交總理糧餉之永甯道陳預傳集人證質訊明確俟臣  
等兩人內不拘何路帶兵過達卽就便親提嚴審定擬至  
總兵託雲泰約束不嚴其中有無知情徇隱情弊容俟審  
實續參

十五日

公奏言臣前在太平山內將龍紹周等股匪疊次剿殺祇  
贖一千五六百人由黃連亞東走向大甯和岡溪徐家壩

德世果公年譜卷十七

三

奔逃旋據探稱龍逆等竄往蝦蟆峽後坪一帶老山仍飛  
飭副將李應貴參將馬元等帶領步隊兵勇緊跟尾追臣  
督同賽冲阿溫春色爾滾馬瑜蒲尙佐並侍衛將弁帶領  
馬步兵勇由小禾田抄出史家壩三十日趕抵該處適賊  
前隊已過祇有守後賊匪三百餘人被李應貴等追至半  
山該逆恃其地勢陡險推下亂石滾木適臣一路馬步官  
兵迎殺前來賊眾卽棄險旁竄兩軍乘勢追剿三十餘里  
至焦山共殺賊一百餘名生擒唐成俸等五十三名餘匪  
由竹山縣屬之梨子坪東入老林向謝家坪而逸訊據獲  
犯供稱今日支姓元帥帶領三百餘戰手埋伏林內圖攔

官兵不料官兵殺進支元帥先已逃走等語餘無要供當  
卽正法查老林內路徑崎嶇馬匹難行仍令李應貴等跟  
躡賊蹤臣卽取道張公橋顧住東北面進發初三日途次  
元狐嶺接據李應貴等稟報初二日午刻翻過界嶺值賊  
匪在山坳歇息官兵疾趨而下有一賊目持矛督眾抵拒  
經參將馬元帶領兵勇撲入賊隊殺賊百餘名將該逆戮  
倒該逆自稱支元帥不想今日死在此地眾兵捆縛時已  
氣絕卽將首級割下賊眾亡命奔逃經兵勇趕殺斃賊一  
百餘名生擒李文彩等八十七名口復追趕二十餘里又  
殺賊五六十名生擒偽元帥支茂乾之妻陳氏姜洪斌之

德世果公年譜卷十七

三

妻文氏並閔忠林等四十一名口餘匪向房縣之黃柏坪  
奔興山之天池壩木水三坪老林一帶逃竄並將獲犯解  
營初四日途次又據李應貴等稟報初三日在廟嶺子老  
林內追上賊尾該逆越過興山縣屬之青田泡散爲三股  
分走左右山梁該副將等亦卽分兵極力趕追直至木水  
三坪女兒溝一帶沿途殺賊八十餘名生擒熊敏書鄧劉  
氏等一百二十三名口因雨勢較大計行已有一百二三  
十里前途箐林深密未能再進餘匪六七百人由興山巴  
東之南山老林奔竄現在緊躡追剿所獲各犯一併解送  
來營臣復訊據支陳氏供稱伊夫支茂乾與龍紹周姑表



弟兄二年間同時起事至四年樊人傑封爲僞元帥龍紹周爲老掌櫃營裏原有七八千人騾馬千餘今贖數百人龍紹周常時啼哭總在老林內逃奔不敢出山等語隨將割獲首級令該犯指認實係支茂乾痛哭不已又訊據戰手唐成倅等供亦相同當將真正賊匪二百五十餘名概行正法其陸續投出之丁朝選劉永超穆趙氏謝韓氏等一百九名口無論賊匪難民俱行照例撫卹省釋其支陳氏姜文氏例應緣坐解送大甯縣監禁候辦查龍逆賊匪豐次追殲所遺無幾萬不敢由東北走東湖及房縣平原地方現在所竄南山一帶逼近巫山之峽峯界嶺大昌等

德壯果公年譜卷十七

三

處自必向西南鑽林越箐遁回川境臣經過徐家壩因兵勇追勦日久不無疲乏當即飛調駐防大甯鹽場之副將唐朝臣令帶生力兵勇八百名前來協勦仍酌留遊擊李光晟帶兵勇三百餘名在卡防守一俟此股掃除即令該副將回駐原卡臣即移師回川勦辦另股賊匪斷不敢稍稽時日

公又奏言臣欽奉

諭旨令查現在川陝楚三省各股賊首及附從大概數目伏思川陝楚三省從前賊股既多人數亦眾豐被各路官兵分投擒殲如極惡首逆齊王氏姚之富高均德張漢潮楊開甲

伍金柱伍懷志高二高三馬五王廷詔王三槐羅其清冉文傳冷添祿冉添元王登廷陳德倅龔文玉卜三聘陳朝觀張允壽徐添德等數十名尙有未經奏明大小賊目百餘名先後均被掃除又將王鎮賢卽王國賢徐添壽二逆擒殲此時祇有襄陽四川著名首逆樊人傑冉學勝龍紹周苟文明張添倫湯思蛟劉朝選辛聰高見奇魏棒棒顏勝可再添泗唐明萬苟文富李彬曾芝秀戴四掌櫃崔宗和胡明遠趙鑑羅半年等共計二十一犯其中成股賊匪現在川省者有湯思蛟一股前由七里溝入太平山內劉朝選辛聰合夥之賊亦尾跟前遁現探湯逆知臣兵在太

德壯果公年譜卷十七

三

平山內折回東鄉與劉朝選併合共計不過三千人復至開縣燈草壩一帶經七十五勦敗後約贖不過二千八十五現仍跟蹤追勦辛聰分股折回大甯山內約計不過四五百人高見奇魏棒棒顏勝可等三逆合爲一股現在廣元南江一帶約二千餘人勒保業已帶兵赴勦經額爾登保已派參將蕭福祿等帶兵由廣元前來追擊苟文明等一股約二千餘人仍在太平山內游奕羅半年一股約二千餘人現在通江南江山內有阿哈保薛大烈等帶兵勦辦唐明萬一股約四五百人亦在太平山內冉添泗一股約四五百人現又竄至大甯老林苟文富一股約千餘



人現在通江巴州一帶又據夔州府稟報大甯圍城有張姓賊匪一千餘人不知名字或即係張萬林亦未可定此川省現有之賊匪也其楚省者有戴四掌權崔宗和胡明遠趙鑑等四逆合夥一股約有一千餘人由陝竄入楚境邊界於七月二十七日自竹山羅漢洞竄走向家壩總兵孫清元等現在帶兵追剿已有入川之勢又探得巫山巴東界連老林內有賊匪一股約千餘人據難民供稱首逆姓李不知名字係四川人或係李彬亦未可知又王姓劉姓一股賊匪約二千人前在楚陝界上額爾登保已派總兵穆克登布帶兵追剿至平利黑虎廟一帶仍有回陝之

德壯果八年譜卷十七

案

勢此楚省現有之賊匪也其在陝省者有張添倫曾芝秀數股敗殘餘匪合夥約有二三千人現在安康洮河等處業經額爾登保派兵勦辦冉學勝一股祇有二百餘人由川折竄回陝副將應元寬帶兵跟剿此陝省現有之賊匪也至龍紹周等一股被大兵疊次擒斬窮追祇餘六七百人窮蹙之極現又奔入興山巴東之南山老林逃竄統計川陝楚三省現有賊匪約共一萬九千餘人惟查樊人傑張應祥張金蓮姚馨佐等逆本屬無幾向俱附於別股賊內未知近來又附何處又三省邊界沿山一帶尚有零星散賊往來藏匿或數十人一二百人不等均係各路官兵

勦敗殘孽有槍礮者甚少臣現在趕剿之龍逆日內即可得手如掃除後擬即仍由大甯之湯家壩至太平山內勦辦各股賊匪又可就近至太平整頓兵馬再行前赴川北與勒保分投籌辦再據夔州府方積具稟奉勒保札知撥運餉銀三萬兩又署奉節縣知縣徐大椿差解布鞋二千雙馬掌一千副均已到營即令連夜支放分給官兵得此接濟倍形鼓舞

諭曰龍紹周等股賊匪經德楞泰疊次截剿祇贖一千五六百人向大甯奔逃茲復經德楞泰督同賽冲阿溫春等並分飭副將李應貴參將馬元等沿途截擊殲擒賊匪七百餘人戮斃偽元

德壯果八年譜卷十七

案

帥支茂乾所贖不過數百人不敢竄近平原已向巫山火峯界嶺等處仍欲折回川境德楞泰督率官兵緊躡追剿實屬不遺餘力所辦俱好此股賊匪淨後德楞泰視何處緊要即統領勝兵前往該處勦辦其撲入賊隊將支茂乾戮倒之參將馬元甚為奮勇著加恩以應陞之缺即行陞用又川陝楚三省各股賊匪據稱著名首逆樊人傑等共計二十一犯內冉添泗一犯昨據額爾登保奏到業經擒獲此時各股賊首賊目祇有二十人賊匪不過萬餘較三四年前尚不及一股之多但從前賊匪雖眾皆係各聚一處官兵轉可痛加殲戮今賊勢日減一見官兵即四散奔逃忽東忽西倏分倏合賊數雖少轉可牽綴官兵



若不察探路徑一味窮追未免徒疲兵力德榜泰務當於賊匪散竄時探明確蹤抄覓捷徑扼其去路俾賊匪無從奔竄定能剋日掃除况目下賊首中不但如著名老教之劉之協王廷詔等現無其人並不及高三馬五等之兇悍此時功屆垂成德榜泰自當以奮力追勦為正辦儻其中有實在悔罪投出者尚可貸其一死用示法外之仁若大局全竣或有一二首逆隻身潛匿官民等隨處隨時可以盤獲卽如劉之協一犯雖竄匿多年終歸弋獲但必須將各股糾集之賊一一勦除不復成夥便可不煩官兵搜捕此時賊已渙散務當趁官兵勝勢於八九二月歲事斷不可再有遲緩

德壯果公年譜卷十七

元

三十日

公奏言竊臣節次兜勦龍逆賊匪祇餘六七百人向興山巴東之南山奔逃旋據哨探報稱賊匪東竄被勦已折西南之龍洞河高橋河全保坪順水溪一路臣查詢順水溪左走構園子河係入竹山之龍石坪長村壩張公橋右走夾乃溪亦係竹山之班竹園羅漢洞是賊已向西南奔逃尾追之副將李應貴參將馬元馬濟遊擊李應元勢必緊躡而來我兵正可趕前截勦以收兩面夾擊之效當商令賽沖阿溫春馬瑜蒲尙佐等帶領馬步官兵抄出全保坪邊其回折臣卽督同色爾滾并侍衛將弁帶領馬步官兵

星夜由夾乃溪取道長村壩趕前迎勦於初九日午後行抵長村壩尙無賊蹤直至青龍坡始見賊匪由野貓巖老林竄出一半形狀慌張卽令馬步官兵突出截殺時賽沖阿溫春馬瑜蒲尙佐並李應貴等兩路官兵自龍池坪東溪嶺趕勦前後截殺斃賊四五十名該逆人少便捷四散奔逃又由甘溪坪折竄野貓巖老林馬隊萬難前進隨令馬元李應貴帶領步兵復追二十餘里又殺賊四十餘名共生擒王宗仁鄒炳等七十八名有藍翎鄉勇首謝金章見一賊身背幼孩狂奔旁賊令其丟棄聲稱龍元帥之子不敢丟下謝金章卽趕前將賊戮死奪獲幼孩餘逆竄入

德壯果公年譜卷十七

元

嘯天隴老林越箐遁逃訊據獲犯王宗仁等僉稱幼孩實附近地方奔竄耳係龍逆之子餘匪已向九湖竄走查九湖一路由小溪大甯之通城沙包子可通巴東該處又屬茂林險仄馬不能進當又添派參將何君佐帶雲南兵丁同李應貴等皆徒步率領兵勇入林緊躡賊蹤賽沖阿等仍扼住順水溪防其復折臣遂於青池埕策應旋據探報賊匪由九湖連夜走巴東之平中坪有出巫山當陽之勢該處中走廖家坪可至大甯之八石坪右走黃金坪羅坪入楚左走黃草坪卽至大甯通城因左手東面之陰條嶺并火峯界嶺一帶尤為緊要李應貴等於十一日又由烏雲頂跟蹤追捕賽



冲阿等卽由陰條嶺左出黃草坪臣因通城一路空虛無兵卽取道梨子坪沙包子趕前抄截十五日途次接賽冲阿來信龍逆等又由燕石籠前竄官兵於十二日戌刻趕至胡家壩相隔一山祇有二十餘里卽帶兵乘夜前往衝殺翻過山梁時已二更途間據拏獲賊匪楊子明等供稱龍逆等已於黃昏後起身向螞蝗山竄走臣思賊匪雖已無幾道路實在叢雜每日狂奔百五六十里總宜遏住楚境東面爲要賽冲阿溫春等又抄出八石坪馬瑜李應貴等尾躡十三日至七陽壩趕上賊尾追殺十餘里斃賊三十餘名生擒萬昌貴等三十一名詎該首逆知官兵分路

德杜果八年譜卷十七

三

又復分股一竄沈家河元天觀一走白果寺黃羅傘兩路俱係向東恐逼令深入楚境詢查前途之牯牛窰爲合路扼要之區因令守備龍必達史定川謝金章帶領鄉勇連夜繞出牯牛窰虛張聲勢多燒號火并飛飭李應貴等自東向西兜剿賽冲阿等由觀音巖繞過木瓜溪扼住牯牛窰東面龍必達等探得賊匪是夜屯於東坪大戶灣等處距牯牛窰三十餘里卽帶領兵勇趕前追剿十四日至廖家坪賊見官兵截住火峯界嶺又折走杉尖坪西逃沿途趕殺賊匪二十餘名蒲尙佐馬應國等帶兵由趙家灣攔截賽冲阿等馬隊由大石溝馳追馬瑜李應貴等由石板

厂旁抄直追至魯家坪共殺賊一百餘名生擒龍逆之妻汪氏並僞軍師王鵬老教首李添棟及王鵬之妻游氏匪犯徐子耀等五十六名餘匪向巴烏河鳳凰坡竄入奉節巫山地界將龍汪氏并獲犯等一併差解前來臣於十五日申刻已抵通城十六日探報賊匪尙在老山內之磨子灣一帶該處南通楊溪河大昌西南通八石坪正東係巫山大峽仍可通巴東縣境臣查該首逆之妻子俱已被獲所餘匪徒三百餘人馬匹全無均係老賊亡命之徒不由路徑拏死狂奔總在川楚邊界老箐中忽東忽西時隱時見臣已扼住大昌通城兩路務期趁此趕緊剪除淨盡庶

德杜果八年譜卷十七

三

可移師再辦另股除將王鵬李添棟訊明褫割外其王宗仁鄒炳等一百六十五名均係戰手老賊一併正法其龍逆之妻汪氏逆子三元兒王鵬之妻游氏例應緣坐已押解大甯縣監禁再臣前接七十五來信追剿湯劉等股賊匪趕至東鄉縣中河一帶所贖賊匪數百人時准臣等知會令其帶兵顧住川東不可使賊竄楚七十五以湯劉賊匪無幾就近移咨疏通羅紋壩一帶運道之總兵託雲泰帶兵接剿卽折回川東剿辦苟逆分股賊匪等語臣隨又飛札嚴飭託雲泰務將湯劉餘匪趕緊殲除勿任北竄昨又接七十五來信自溫湯井剿敗樊苟分股賊匪後帶兵



自沙沱子跟勦由奉節大甯而來十三日探知苟逆一股現在奉節之楊柳壩核桃壩有入山之勢卽於四更發兵黎明至核桃壩值賊頭起婦女先行後有馬賊百餘人步賊五六百人被侍衛武隆阿遊擊閻俊烈都司羅思舉蒲佑盛等帶兵突出賊匪猝不及防立斃三四十人賊眾敗上東山梁依險抗拒兵勇往來攻搶數次正在相持七十五督大隊到來一擁而上逆遂敗走牛磊口又追殺賊五六十人忽有馬賊執旗指揮眾賊捨命回敵藍翎候補把總張必祿率兵勇袁朝俸等數人衝入將騎馬賊目二人生擒武隆阿等乘勝趕勦又斃賊二三十名賊復潰散向

德壯果公年譜卷十一

三

王道河奔逃官兵緊跟追勦沿途又殺賊百餘名共擒獲賊一百五十九名口內訊出騎馬指揮賊目係偽總兵苟文懷苟朝明大頭領閻瑞林並苟文明之親妹羅苟氏除訊明張克達等七十一名俱係戰手立卽正法外其偽總兵苟文懷苟朝明閻瑞林羅苟氏等四名就近解交夔州府審辦其李科華等八十四名訊係難民照例撫卹省釋兵勇亦無損傷等情嗣七十五知臣由通城一路進勦卽就近輕騎前來會商詢知所勦之賊係苟文明分出另股生擒之苟文懷係苟文明胞兄卽係此股首逆餘匪不過千餘人已由西溪河加當灣一帶竄走查加當灣徑通陝

楚邊境自應遏其去路當卽令該提督帶兵取道徐家壩扼截庶無蔓入陝楚之患隨又據探報龍逆所贖餘匪三百餘人十四日五鼓竄走巫山縣之大峽架上下中背坡向冉村板倉坪一帶遁逃該處係川楚毗連左通相思嶺右走琴樂坪中達火峯界嶺查此路密林深箐向來人跡罕到賊匪亦從未經過之地賽沖阿等隨派千總史定川高星文馮正朝等帶領兵勇緊躡追勦賽沖阿溫春馬瑜蒲尚佐侍衛富僧德總管富登阿協領穆騰額副將李應貴參將馬元馬應國遊擊李應元沈洪等帶領馬步兵勇由九田觀音巖大灣一帶馳赴板倉坪進勦該逆現贖不

德壯果公年譜卷十一

三

過三百餘人實在勢窮力竭卽使遁入楚境兩路兵力跟追總可不致漏網再巴東巫山界上前有李姓一股賊匪游奕不過七八百人近探知官兵前來業已南竄四川大甯山內又總兵穆克登布由陝楚追勦青號餘匪祇有數百人入川現已由奉節紅池壩竄走開縣之榨井壩一帶勢亦窮蹙穆克登布緊躡追勦諒不日卽可掃淨臣將龍逆辦完卽移師由大甯之楚陝界上將山內賊股向西南兜勦與額爾登保爲東西犄角之勢勦辦更易再臣前經過徐家壩因兵勇追奔兩月不無疲乏飛調駐防大甯鹽場之副將唐朝臣帶生力兵勇八百名前來協勦隨同李



應貴跟蹤賊蹤入山不料該兵勇久駐營卡不耐勞苦旬餘以來患病腿腫不能前進者即有二百餘名病故者亦復不少唐朝臣亦復患病臣即令其帶領原兵回卡分駐初十日行抵龍洞河即已病故查大甯鹽場譚家墩一帶營卡原設兵勇一千餘名現有遊擊李光晟帶領該遊擊近日臥病不支祇有守備夏福一員統轄難周臣已飭查該遊擊病勢可否能望速痊之處另行辦理外該處卡隘緊要臣即就近飭調防守巫山之福建遊擊徐朝綱防駐營卡自可得力其巫山營本任都司袁陞侯已派赴太平縣料理病兵現即飛調令其速回本任再兵勇山行兩月

德壯果公全譜卷十七

三

跣足者多此時近在夔府各營將領俱差人赴夔城置辦鞋襪知府方積捐辦鞋履馬掌星夜趕解前來分給眾兵實為踴躍急公

諭曰此次截剿龍逆一股共計殲除六百餘人並將該逆妻子及偽軍師王鵬等拏獲所贖匪徒不過三百餘人馬匹全無徒步奔竄是已十分窮蹙現在德楞泰令賽冲阿等帶領兵勇分投截剿扼其去路無難剋期成擒但德楞泰總當專注龍逆一股將首逆上緊擒獲並將餘匪悉數殲除不可因贖匪無多任其竄入楚界交與楚北官兵勦辦伊遂帶兵另勦他股賊匪以致餘孽未淨復行屯聚勾結上年高二馬五在甘境勦敗所贖無

多因那彥成不即窮追該匪等遂逃至川境輾轉糾聚五年以來軍營此等情形非止二三次矣不可不引以為戒至該逆就擒後一面錄供具奏一面即在該處懲罰示眾德楞泰辦竣此股視何處緊要即帶勝兵速赴該處協力勦辦務於九月內將各股賊匪一律辦竣至七十五一路擒獲苟文明之兄偽總兵苟文懷殲除四百餘名所辦亦好候補把總張必祿衝入賊隊將騎馬二賊生擒甚為奮勇著即量予陞拔副將唐朝臣著照軍營病故例賜卹夔州府知府方積捐辦馬掌布鞋等項尚屬急公侯大功告竣酌加恩獎再各股賊匪數目前據德楞泰具奏後已交軍機處凡遇各路奏報殺賊若干均於單內扣除德

德壯果公全譜卷十七

三

楞泰與額爾登保相距不遠聲息常通著再將現在實有賊數開單具奏

同日公又奏言竊臣前將

諭旨飭查花苗一事移咨陝撫陸有仁詳查去後茲據覆稱遵查西鄉縣屬大楮河清水河九龍寨等處共計苗民七十二戶男女大小三百五十三名口俱係貴州遵義鎮安熟苗於乾隆五十二年始先後由川來陝薙髮種地通漢語同服色安靜守法勤苦自持與漢民和睦相安因賊匪滋擾於嘉慶四五年間同結洞寨共相守望甯羌境內亦有苗民二十九戶計男女一百八十五名口均係貴州熟苗入



陝佃種至興安府漢中府等屬並無花苗其餘府縣俟稟報至日另行咨覆等因臣理合據咨覆

奏并已移咨陸有仁俟續有查明稟到時卽由該撫就近奏聞合併聲明

硃批知道了

九月十四日

公奏言竊龍紹周等賊匪被官兵疊次擒斬祇贖三百餘人竄向巫山巴東交界之冉村板倉坪一帶臣仍卽分投兜剿連日陰雨泥濘不予以暇復添派參將馬元督同千總史定川高星文馮正朝藍翎鄉勇首謝金章帶領奮勇

德壯果公年譜卷十七

美

兵勇緊躡賊蹤賽沖阿溫春馬瑜蒲尙佐等帶領馬步官兵由觀音巖取道小坪九灣子抄截賊匪知有官兵兜剿連日冒雨又走烏龍崖打鼓嶺向長槽石磨竄逃該處山徑更爲仄隘有路可通長峰由長峰東可出磊子西可至相思嶺或走孟家河或竄烏雲頂原路均未可定總以截住東西爲要賽沖阿亦乘雨繞出巴東之陳家坡馳往磊子一路截剿二十一日至陳家坡賊匪又由磊子折回馬元史定川等迎頭截住賊匪亂奔我兵直追至三十餘里之大陽坡沿途殺賊四五十名生擒徐自耀等二十七名餘匪向烏雲頂相思嶺中間之黃溪一路竄去馬元史定

川等尾追之兵亦相距不遠賽沖阿等探知賊由黃溪走獨木坪元嶺大花崖一帶無非老山箐林詢得土人嚮導

由下貴坪抄至馬湖巖兜剿已截住賊匪去路該逆知官兵前抄後追又不敢折回遂不由山徑躡荒而逃賽沖阿等隨又繞出高橋河全保坪截剿臣恐賊翻過陰條嶺卽

派令侍衛達勒精阿遊擊張應貴涂陞等帶馬步兵二百名星馳赴彼會同該卡員弁堵剿臣卽於七陽壩一路扼

據策應並可兼顧牯牛寨要路嗣據各路哨探先後拏獲追散賊匪並陰條嶺防卡都司馬相搜獲賊匪向國仁李世富等二十一名到營一概訊明正法旋又據馬元史定

德壯果公年譜卷十七

美

川等差稟賊匪竄至陰峪河又與房竹竄來另股賊匪五六百人合夥走七十里荒老山出冉溪有向房縣九道梁之勢馬元等仍卽尾追臣以賊匪既出老山向九道梁距七陽壩八石坪陰條嶺較遠卽督同色爾滾侍衛蘇爾紳協領明德副總管珠山副將達自祥參將李東山等由通城磨刀溪取道梨子坪羅漢洞一帶探蹤兜剿時賽沖阿等由高橋河追至全保坪探知賊匪由冉溪向九道梁遂連夜向茅坪抄出蓮湖坪前往界嶺截擊使賊不敢東走二十六日夜賊紮天池庵是日馬元史定川等紮沈家寨離天池庵祇隔一小山梁馬元等於三更帶領兵勇前往



四更後抵天池庵地方祇有破茅房數間兵勇突入勦殺  
屋內賊匪三四十名生擒廖其元等十七名祇逃去五六  
人餘俱殺斃時火光一起餘賊散屯民房俱被知覺連夜  
冒雨卽向野豬溝遁逃次早派兵勇將獲犯並首級就近  
送交寶冲阿等訊解來營仍卽尾跟由公子河前進訊明  
獲犯均係老賊當卽正法迨賊探知九道梁有兵又向竹  
山縣之馬鬃嶺東去賽冲阿等又酌挑奮勇官兵二百名  
令守備熊敏謙等帶領步行前往協同跟剿馬步大隊亦  
卽取道而進二十七日趕抵風竹漕又與賊屯之雲霧溪  
祇隔二十餘里賽冲阿令參將馬濟遊擊李應元沈洪等

德壯果公年譜卷十七

三

帶奮勇官兵三百名會同馬元等於二更後一同前進賽  
冲阿溫春馬瑜蒲尙佐督同侍衛富僧德總管富登阿協  
領穆騰額副將李應貴參將馬應國等帶領馬步官兵繼  
進四更後馬元等抵雲霧溪場外千總史定川高星文藍  
翎鄉勇首謝金章帶領兵勇於黑暗中首先直撲賊營賊  
匪於睡夢中驚起潰亂我兵刀矛齊舉砍斃多人詎前屯  
賊眾得信卽放火燒房旋於火光中見有持矛前來捨死  
抗拒者賽冲阿等見場上火起卽帶馬步大隊繼進賊見  
馬兵又到始各敗散向魚皮爬老林竄逃天明查點殺死  
賊匪二百十三名生擒楊學通等四十七名惟千總高星

味批好

文胸受石傷並藍翎鄉勇首謝金章左手左腿均受矛傷  
尚不甚重兵勇因暗中鏖戰內有帶傷陣亡者二十二名  
附近恐有藏匿賊匪一面派兵搜山當訊獲犯楊學通供  
稱係藍號張元帥營戰手張元帥是李彬徒弟名張添貴  
手下原祇有三百餘人前與老藍號白號打散之三百餘  
人合夥因在陝西湖北被官兵殺散走到陰峪河遇龍元  
帥合夥昨夜到此龍元帥紮在前面堽口林內我們住在  
場上不想官兵半夜殺來致被拏獲等供隨將各首級令  
其識認指出偽元帥張添貴探馬頭王斌並龍紹周營偽  
先鋒李盈首級隨又搜山拏獲張發禮等二十一名訊據

德壯果公年譜卷十七

三

供稱龍逆每日自帶矛手二十餘人夜間不在營裏總傍  
老山林邊另紮聽見官兵殺到先已逃走營裏祇贖二百  
多人等語查該犯等非係老教卽係矛手全行正法隨探  
該逆由龍洞花巖遁逃賽冲阿等卽帶兵緊追至散水河  
前敵兵勇趕上賊尾又殺賊十餘名生擒蕭大魁等二十  
四名一併正法又恐尚有渙散賊匪卽傳令該處洞寨百  
姓徧行搜拏仍卽跟躡前追二十八日官兵已至竹谿大  
石巖該處左通葛藤口右通長嶺岡所幸日來業已晴霽  
山內路徑稍寬馬力尙可施展臣於三十日至竹谿屬之  
茅古坪已顧及東北前進惟楚界山內藏匿零星散賊亦



併合龍逆股內除連次斬擒外現贖四五百人一得地勢  
即可立時掃淨祇緣龍逆狡猾異常賊數愈少狂奔愈速  
而又路徑分歧淫雨連綿以致尙未竣事頃接七十五來  
咨內稱所追苟逆分股之賊至大甯山內又與苟文明辛  
聰湯思蛟劉朝選等併合由界嶺竄過陝境應否帶兵過  
陝追剿咨商到臣查陝境漢江南北業已肅清額爾登保  
督率扎克塔爾楊遇春等現在西鄉通江太平交界一帶  
勦辦總兵穆克登布追剿青號餘匪已由開縣至東鄉屬  
之渡口崖總兵永明帶同蕭福祿之兵又在川之通南與  
勒保協勦平利一帶路徑叢雜祇有喜明柯藩在織子坪  
扼截恐該逆竄近江邊不可不慮且川東現無成股賊匪  
斷無坐待勦辦之理因即令該提督帶兵過陝緊跟追剿  
或與喜明等夾攻或就地掃除萬不可令其滋蔓至現在  
賊股內除竄陝之苟辛湯劉等合夥一股約共二千餘人  
有七十五跟勦楚省亦祇有戴崔胡等一股千餘人有總  
兵孫清元勦辦其餘敗殘各股均係二三百至七八百人  
不等而龍逆現有併合藍白兩號餘孽數百更可聚而殲  
除臣現在兜勦龍逆仍當隨地分兵將楚省邊界散藏零  
賊搜捕淨盡再看何處賊多緊要即相機前往勦辦  
同日公又奏言竊臣接准軍機處發出奉

德壯果公年譜卷十七

聖

旨頒賜臣

御製河決歎墨刻一分遵即跪領恭誦之下仰見我

皇上兢兢業業圖治殷懷而於救菑恤民之中特寓省躬自責至

意凡屬臣下稍有人心者讀之無不知敬知畏下懷毋任

欽佩感泣惶悚之至伏念臣賦質庸愚毫無知識仰蒙

聖恩畀以重寄才疎任大時懷冰淵每思我

朝定

鼎以來

聖

聖相承

德壯果公年譜卷十七

聖

鴻基丕顯偶遇水旱偏菑獨征免賦加賑撫卹

特頒帑項不下億萬即我

皇上親政至今如省刑薄斂卻貢寬徭與夫蠲豁錢糧撫卹難氏

事事

續承

先志洵足允合

天心匪特內外臣工欽仰不已而凡食毛踐土之倫何一不涵濡

帝德誠所謂互古莫京萬世爲則者也茲以永定河堤開口衝決

蘆溝橋石欄下流村莊半皆被害黔黎溝壑惻憫特深然

苗害偶見即堯湯之世亦所不免臣屢讀



上諭敬知被淹州縣七十餘處已荷豁免錢糧查實撫卹更以堤

工萬緊

飭速趕修免秋彌以息民力清溝渠而疏壅流種種

仁慈備荷矜全百姓得所是

聖心之惠愛黎元應已毫無遺憾乃猶

敬承

引咎寢食為勞咨嗟歎息之情溢於楮墨臣敬讀之際不覺涕淚

交流而且軍務稽延尚煩

膺謨指示捫心自問無地自容

國家經費有常當此撫卹萬緊具工興修加以賊氛未靖用

德壯果公全譜卷十七

聖

費浩繁實已出多人少

聖躬萬幾日理

宵旰憂勤在

神明天授

健行原無間息而臣父子受

恩深重均荷

鴻施著在

內廷當差臣身雖列戎行心實常依

禁禦敢乞我

主於朝乾夕惕之中稍寬

聖懷是則臣工之所共仰天下之所共賴者也臣當即敬謹恭錄

咨送勒保賽沖阿阿哈保七十五溫春色爾滾許文謨馬

瑜蒲尙佐薛大烈張志林呂朝龍承甯田朝貴及各路領

兵大員等俾令恭釋

宸翰咸知

精一求治苦心各抒天良亟圖報稱現在川陝楚已無大股賊匪

不過敗殘餘孽臣惟有勉益加勉不避艱險不分畛域督

勵將弁兵勇實心實力殫竭駑駘迅將餘氛剋期掃蕩俾

黎庶早安一日即軍需亦早省一日庶幾稍紓

聖廛於夙夜耳

德壯果公全譜卷十七

聖

殊批勉益加勉不可延緩汝之功大朕不負汝若存觀望之心則

是汝負朕矣謹記是旨於衷

又

諭曰朕盼望德楞泰勦淨龍逆股匪捷音日深殷切本日報到雖

有斬獲並殲除偽先鋒元帥等而龍逆尙未就擒殊屬遲緩試

思每隔半月到報一次仍未將賊匪勦淨一股祇須數報即屆

冬令轉瞬又值明春成何事體乎德楞泰屢次擒獲賊首厥功

甚懋朕心刻不能忘俟大功告竣必當統計歷次功績逾格酬

庸儻心存觀望竟遲至明春則有負朕恩矣況節經降旨諭令

德楞泰即未擒獲首逆大獲勝仗亦當隔六七日奏報一次慰



朕懸崖此次摺內所敘情形並非發摺日之事何難先行馳奏必遲至半月始發一報德楞泰何不能仰體朕心若此耶至奏謝頌河決歎墨刻一摺所稱感泣惶悚圖報依戀之語空言何益德楞泰係屬武職朕將御製詩章頒給閱看豈欲令其賡誦因伊身為滿洲大臣統兵剿賊見朕軫恤畿輔蓄黎痲念切何況川陝楚百姓遭賊荼毒顛沛流離將及六載較之被水菑民尤堪憫惻賊匪一日不淨朕心一日不甯德楞泰務當力加振作鼓勵將弁將龍逆殘匪剋期殲盡並將三省邊界竄匪與額爾登保等於九月內一律肅清喜音一至立沛殊恩若稍有遲延則德楞泰前功盡棄矣勉之望之

德壯果公年譜卷十七

聖

恭錄

御製詩

河決歎

天

考付鴻基兢業勉圖治藐躬才德疎愆尤日叢積干戈未全消國  
家又有事季夏月之初霖雨晝夜沛波瀾漲百川放溜如奔騾  
西北匯大河桑乾隄潰四白浪石欄掀蕩濠洪濤恣連日雨大水漲因命  
侍衛大臣等分投馳報稱西路永定河堤開哀哉我黔黎昏  
口四段衝決蘆溝橋石欄下流村莊多被其害墊溝壑墜愧予咎日深罹此非常異

示警衷敬承敢怨蛟龍崇分命八京卿以實查苗被撫卹盡苦心

奚能得飽飼一人罪益滋何辜眾姓累連朝失神魂食少難成  
寐泣思乾隆年屢豐多上瑞

龍馭渺莫攀仰空揮涕淚艱難身願當餘黎祈安置字字皆血誠  
言言非虛偽告我眾臣工展猷集謀議竭力挽苗屯靜候

吳恩賜

二十三日

公奏言竊臣探得龍逆被剿後並藍白各股敗殘餘孽四  
五百人奔向湖北房縣之茅坡凉水泉屯於小溝地方又  
係入山之路賽冲阿溫春馬瑜蒲尙佐等帶領滿漢將領  
馬步兵勇由摩天嶺趕至陰陽溝前進崇山茂林溪澗中

德壯果公年譜卷十七

聖

均係奔裂亂石陡礮崎嶇必須攀援而上賽冲阿等將馬  
隊作為步兵午後行抵小溝賊匪先已遁入箐林當派千  
總史定川外委方文貴等帶鄉勇百餘人先往偵探大隊  
隨後史定川方文貴等行至老鷹坡林內突有賊匪四五  
十人撲出史定川等正與力敵忽林內又有賊匪百餘人  
衝出殺傷鄉勇三名方文貴帶傷滾崖不知下落適大隊  
官兵趕上立殺賊匪五十餘名生擒李華等十七名賊即  
敗上梯子崖踞險抗拒當有藍翎馬兵楊國全兵丁杜貴  
等首先搶上均被石傷我兵人人切齒施放連環又擊斃  
賊匪五六十名賊復潰逃我兵乘勢搶上由梯子崖壓下



又殺賊二十餘名生擒劉文元等十九名前途路徑更險當令副將李應貴參將馬應國馬濟等仍帶所領步兵跟躡賊尾賽沖阿等即撤回另覓路徑抄赴湖溪迎截訊據獲賊供稱龍紹周祇有二百餘人昨在茅坡遇見羅半年王國賢夥黨合營前往湖溪等語當將各犯一概正法初六日賽沖阿等覓路由杜家溝陰石溝帶兵趕到探報賊匪已翻簡家山白虎溝一帶逃走是夜李應貴等差弁稟稱在老林內殺賊十三名內有羅探馬一名捉獲陳連科等十一名押解來營均即辦理賊匪已由羅筐崖逃走初七日賽沖阿等馬隊由白虎溝馳進抄出平頭河已在賊

德壯果公年譜卷十七

梁

前賊匪知覺不敢前來又於白虎溝翻中架嶺走房縣屬之天車埡遁逃查該處通彎腰樹扇子壩九道梁一帶先是因茅古坪爲賊匪竄陝要卡將就近之徐家壩營卡內抽出兵勇四百名派遊擊涂陞督同守備閻寬等即在茅古坪拳卡堵截於安設卡座之後即督同色爾滾侍衛達勒精阿蘇爾紳達自祥李東山張應貴馬文斌等帶兵繞至黃柏巖時賊眾因雨尚未竄走當令色爾滾等帶馬步隊飛馳進剿泥濘路滑極難行走及抵洛陽河有賊數人在房屋外一見官兵即吶喊潰亂馬隊直前趕殺步兵進屋搜剿共殺賊七八十人生擒張才祥等二十三名

餘賊盡冒雨狂奔經馬隊趕追二十餘里又殺賊五六十名生擒孫倅等七名祇竄走一二十名訊據獲犯供稱係藍號陳朝觀餘黨在陝西被官兵打散逃到湖北山裏聚有一百八九十人要找另股合夥並無頭目在內等語訊明俱係日久戰手立即正法維時探得龍逆又由房縣上龕折回入山查龍逆餘匪無幾被兵窮追惟恃老山箐林苟延時日萬不敢向東北平原處前逃故又竄進老山其勢仍須折向西南而竹山之青池埡實爲適中之地連日靈雨各處溪流盡漲山中路窄若全軍深入箐林實在徒勞兵力當派色爾滾侍衛達勒精阿蘇爾紳遊擊張應

德壯果公年譜卷十七

梁

貴馬文斌都司球勒亨等帶馬步兵勇五百名由西南全保坪老林向東北探蹤迎剿即於青池埡扼據相機截剿又接據七十五信稱帶兵由大甯之湯家壩追剿苟逆等股賊匪探得該逆在桐油壩與湯思蛟劉朝選等股賊匪合夥向黃墩前逃二十八日至亢河哨探有由陝竄來一股賊匪一千餘人賊首姓崔姓胡在黃墩前之老鴉舖壽家山空寨子等處屯紮偷破水寨子又攻撲新寨子等情七十五以占踞空寨子之賊必須搗其巢穴則散屯之賊不難剿殺遂於是夜先派千總萬大發外委張興邦帶步兵四百名向麻紮坪小路繞至寨傍林內藏匿靜候前



面大兵攻打齊進令侍衛武隆阿參將鄭啟貴遊擊閻俊烈蕭太和都司羅思舉蒲佑盛等帶領馬隊於四鼓時由銅關堡老林出望鄉坪已刻至橫山梁即率兵仰攻直上賊眾聚集抗拒往來撲壓七十五繼進官兵齊聲吶喊時寨傍伏兵亦突出賊後該逆即時慌亂丟棄刀矛馬騾紛紛遁入老林寨內之賊不及隄防又被閻俊烈李朝相首先衝入立斃二百餘名生擒蕭東山等六十八名追至界嶺又殺賊三四十人餘匪向大渝河狂竄復又搜獲十二名內有偽先鋒金文一名據供稱此股是戴四掌櫃夥匪有一千餘人元帥是崔宗和胡明遠我是先鋒由湖廣界

德壯果公年譜卷十七

吳

雞心嶺走陝西茅壩大渝河又從螞蝗溪到老鴉舖遇見青號楊總兵被官兵打散帶有一百餘人合夥紮住今日官兵打破寨子竄到老林邊馬騾擁擠我就逃進林內被搜山兵拏獲等語其被脅難民張宗禮張子明等共四十二名照例省釋偽先鋒金文並匪犯蕭東山王廷佐等分別懲割處斬遊擊閻俊烈首先入寨腿帶石傷現仍帶兵由大壩口跟蹤追剿臣查戴四一股賊匪前在楚境係總兵孫清元勦辦茲遁入川境又被七十五載勦雖所餘不過數百人但陝境先後已有苟戴二股賊匪奔入人數固屬有限勢亦敗殘然無兵追勦擄掠日久必致又成大股

須趁勢趕緊殄除或即截勦回川方為妥善當即飛咨七十五帶兵過陝跟勦萬不可任其肆行蹂躪至川楚邊界一帶老林山內時有勦散零星賊匪自數十人至一二百人不等藏匿其間覓股合夥此種零星竄賊若任其滋擾必致日累日增自當隨時分探勦辦以除後患且龍逆賊匪所贖無幾盤折於二竹房興巫山一帶亡命狂竄現又由房縣上龕之老林逃入興山之木水三坪向東北奔逃臣又札致賽冲阿等令其挑選奮勇兵勇三百餘名緊跟追捕自東北逼向西南儻該逆竄來得以前後夾擊定可一鼓集事又接據總辦糧餉道員陳預並達州東鄉縣稟

德壯果公年譜卷十七

吳

報八月二十三日有賊一股約八九百人由東鄉竄至達州亭子舖經太平寨勇擊殺馬賊二名賊匪由平灘場遁入大竹縣吉揚場又墊江之黃土礪梁山之螺螄店俱有賊匪百餘人滋擾查勒保等帶兵現在川北臣現在楚界鞭長莫及腹地實在空虛該逆等雖係敗殘遺孽若無兵勦辦勢必擄掠日多因思太平運道業已疏通駐紮羅紋壩之總兵田朝貴原帶兵勇二千名較為近捷當即飛飭田朝貴星速帶領兵勇由新達直赴梁大一帶前往勦捕臣將龍逆擒掃後臨時相機酌量如果該處緊要即移師先行赴彼勦辦



諭曰龍紹周一股屢經官兵剿敗所贖無多此次德楞泰督同賽  
冲阿溫春等跟蹤截剿雖畧有斬獲而龍逆仍未就擒又與羅  
半年王國賢零匪合夥竄至興山地方現在德楞泰於青池堦  
相機截擊必須趕緊辦理龍逆妻子家屬前已拏獲該犯子然  
一身自知萬無生理斷不肯悔罪投出此時又竄入興山苟延  
殘喘德楞泰惟有督率官兵上緊兜擊務將龍逆及合夥之羅  
半年王國賢零匪一併剋期剿淨不可再有遲延俟此股賊匪  
辦竣後德楞泰視何處賊匪緊要即移兵前赴該處剿辦臨時  
相機酌量朕亦不為遙制

十月初四日

德壯果六年譜卷二十一

三

公奏言竊臣督同色爾滾等由青池堦前進探得龍逆等  
聞知興山獨木崖有總兵孫清元之兵折向瓦屋泡南逃  
將經過偏橋盡行拆毀副將李應貴參將馬應國馬濟等  
帶領步隊兵勇隨修隨進該逆又由柵子山係此山鑽入老林臣  
當即飭知孫清元帶兵由解家壩堵截令李應貴等帶兵  
勇五百名步行入林或為夾擊或即轟出賽冲阿溫春馬  
瑜蒲尙佐侍衛富僧德協領穆騰額等帶馬步隊由西北  
抄出水田坪臣督同色爾滾侍衛達勒精阿遊擊張應貴  
馬文斌等帶兵向東北探剿十二日賽冲阿等由水田坪  
而來又為溪漲所阻賊又翻山走鋸鋸嶺向左手三崖遁

去李應貴等追至小乾河有逃出難民吳德綸等四名俱  
係附近民人即行省釋查三崖頭係巴東堆子場之路而  
堆子場左走平陽三壩右走下貴坪中走石磨老林若入  
川境則必由相思嶺陰條嶺一帶竄逃當即札飭各該卡  
隘堵截賽冲阿等連夜趕搭橋成次早渡訖臣令色爾滾  
等由郭公坪趕出堆子場分路截住東面之火峯界嶺老  
林行抵麻幾坪即有賊匪一百二十三人正出溝口當經  
馬步兵勇衝進溝內因兩山壁立別無路徑賊眾拚死直  
奔追殺二十餘里殺賊六七十人擒李國華等五十三  
名止逃去十數人訊係線字號殘匪除劉長發等十三名

德壯果六年譜卷十七

三

係被擄難民省釋外餘係賊匪均即梟首十四日李應貴  
差報龍逆等又由關廟壩躡渡楊家河恐該逆竄出巴東  
之前口賽冲阿等即由下貴坪取道唐家渡乘漲渡河衝  
去兵夫數名繞至前口李應貴等探得龍逆與黃號賊股  
尙在茅坪避雨出其不意即帶兵勇由茶壩子一直撲入  
賊營賊眾紛紛潰逃李應貴馬應國馬濟李應元帶同守  
備熊敏謙龍必達千總史定川馮正朝藍翎鄉勇首謝金  
章分投追殺立斃賊八十餘名生擒胡世貴等六十五名  
追至鴨子溪有賊目手執大旗率眾回撲經千總史定川  
用矛戳死兵勇力剿殺賊三十餘名各逆逃過溪河淹斃



四五十人兵勇亦有傷亡者餘匪向老樹觀遁去訊據獲犯內有龍逆先鋒胡世貴黃號總兵徐幗倫又於屍內認出龍紹周之弟龍紹華首級一顆一面將獲犯解營一面過溪跟蹤賊匪向赤口埡關田逃竄並飛札駐紮羅坪之遊擊孫效前同知尹英圖帶兵截堵賽沖阿等抄出關埡子接據探報東西寨老林內有被官兵打散賊匪百餘人潛匿賽沖阿溫春色爾滾等帶馬隊由小坪前進馬瑜蒲尙佐等帶步兵由老木孔入山搜勦果有伏賊八九十人當被我兵殺斃四五十名生擒曹興仁等三十四名隨據活賊龐思懷高永慶等於獲犯內指出龍逆胞弟龍紹海

德壯果公年譜卷十七

五

一名訊明後隨即臠割其餘獲犯均係日久戰手一併正法惟偽先鋒總兵胡世貴徐幗倫二名情願告懇戴罪立功情詞似屬真切當令其隨同前敵以備臨陣指認首逆旋據探報賊由石磨折回非入相思嶺烏雲頂老林即向百福坪七楊壩走房縣之路賽沖阿馬瑜蒲尙佐由黃溪繞出相思嶺溫春色爾滾等由七楊壩走順水溪十五日行次龍洞河忽有一股賊匪由龍門河竄來臣督同賽沖阿溫春色爾滾馬瑜蒲尙佐等各帶馬步兵勇分投迎勦賊即折回直追至馬湖崖地方沿途斃賊一百餘名生擒姜維漢等五十一名餘匪向陰峪河遁去訊據活賊供係

曾芝秀王國賢股匪均係矛手一併斬訖臣等仍分兩路前進據李應貴等稟報龍逆逃至後坪分爲兩起一鼠牛廠一向筲箕坳十六日趕抵巫山縣屬之東坪接據孫清元稟報帶兵已至平陽三壩扼截賊匪遂不敢東竄又向殊批可恨巫山之夜叉崖而遁勢已逼入川境臣當即飛札孫清元帶兵即赴木瓜溪堵勦折竄之路賽沖阿等由斑鳩石至樣子崖探得龍逆於十五日夜偷破湖北五磴子鄉勇卡隘竄至九湖攻撲守備陳得文營卡該備力戰陣亡兵勇內亦有受傷陣亡者數十名遂由嘯天隴翻山走竹山之南坪出老林走紅茶園路通竹山之向家壩么姑峽紅坪

德壯果公年譜卷十七

五

馬鬣嶺等處賽沖阿溫春色爾滾馬瑜蒲尙佐由乾溪坪長池壩分路兜勦臣擬即由蕭家坡茅古坪前進查龍逆又與線字號及王國賢等匪會合除疊次殲擒外所餘賊匪不過二百餘人現向百丈山老林西逃該處又通楚之二竹五里壩葛藤口左走雞心嶺即入川之二即壩至川楚界上已無大股賊匪惟曾王二逆尚有敗殘匪眾數百原係孫清元等勦辦現在潛匿楚境老山之中臣已飛札嚴飭孫清元等即帶步隊進山勦辦務期趁勢殲滅不可以追逐出境遂爲了事又據太平城口主簿趙炳然差稟奉派勦令各寨洞崗勇堵禦竄匪或行截殺或經擒斬自



十數人至二三十人不等俱已稟請獎賞茲於八月二十八九等日有由黃墩竄來賊匪八九百人在柴家山牛星總一帶滋擾屯於木瓦屋內相距修基壩四五十里趙炳然即密諭附近之粉壁寨柴家寨各派團勇一百名自帶鄉勇二百名率領軍功領首寨首熊濟崑陳占魁張國相侯化仁熊起鳳袁勇等前往剿殺恐與賊匪混淆並恐驚賊竄走不許吶喊遂暗立太平有慶四字為號喊太應平喊有應慶以便分別二十九日夜齊集候至四更時分繞至賊所一面令健勇潛入賊巢一面派團勇將各路口埋伏截殺賊匪全不知覺團勇突入立殺賊匪甚多有逃出

德壯果六年譜卷十七

諸

者又被各路口伏勇堵殺救出被縛民人十七名婦女二十四名口訊據難民稱係唐逆分出賊股令於賊屍內指出偽元帥張世麟一名偽先鋒萬雲星魏懷儒二名探馬頭吳姓一名即發去賞項銀二百兩五錢重銀牌五十面批飭該主簿查明分賞

公又奏言原帶兵勇六千餘員名入秋以來旋轉老山之中連旬霖雨又值瘟疫盛行前在太平山內患病之滿漢員弁兵勇前後共有一千餘人派員護送太平縣城調治近接該署令鍾蟠雲稟報病痊者甚多其有尙未痊愈及成痼疾者遵即查明遣回營旗以示體恤而節糜費

斯時存營之兵尙有四千餘名旋又追賊往來楚省界上沿途陸續患病寄養者千餘人已送大甯醫治現在營內馬步官兵不過三千餘名興房巫大在在老山箐林龍逆餘孽現祇有二百餘人盤旋倏忽竟有晝夜奔走二百里之時奮勇步兵尙能追躡馬力實在難支且員弁兵勇俱皆單衣跋涉原期迅疾掃除不料逆賊狡猾已極秋深寒冷雨露奔馳亦形疲乏日夜思維若全隊兵馬分投兜截被其牽綴徒勞無濟該逆現在竄向川楚未定查高魏等股賊匪有竄往沔畧之勢經畧額爾登保已督率全軍回陝趕緊截剿勒保又已督兵自鄰水剿辦湯劉等股賊

德壯果六年譜卷十七

筆

匪兼顧江岸川北現無兵力七十五亦已過陝追截苟辛戴四等賊股儻龍逆竄楚若仍督全隊追剿不但川楚陝界上無兵即川東川北俱形空虛況太平大甯奉節雲陽一帶與楚陝犬牙相錯箐林老山零星賊蹤散漫飄忽者不少務須逐一掃淨員弁兵勇無衣無褐前因勒保捐銀二千兩差弁送來賞兵當差員赴夔州府將此項銀兩趕製棉衣並飛調太平病痊員弁兵勇及所貯各營一切軍裝等項來營又查二竹邊界一帶現有總兵德昌吉林泰帶兵設卡防堵聲勢聯絡儻龍逆或入楚疆即令溫春色爾滾蒲尙佐等帶領馬步兵勇一千餘名緊躡賊



蹤與德昌吉林泰兩面夾擊臣尚有存營兵馬二千餘名不但就近搜捕界上各餘孽即有大股賊匪亦不過一二千人足敷剿辦俟太平兵馬來整頓妥協再看何處緊要即行移師前進

諭曰此次龍逆等股在興山一帶分竄德楞泰督同賽冲阿溫春等冒雨進攻先後殲擒賊匪五六百人並生擒龍逆胞兄龍紹海等殲斃逆弟龍紹華所辦尙好龍紹周爲起事首逆節年在川陝楚奔逃最爲狡猾可惡其妻子家屬前已拏獲今又將伊兄弟殲擒該逆孑然一身自知萬無生理斷不肯悔罪投出亦不必示以招徠該逆此時僅有一二百餘人竄往巫山夜叉崖等

德壯果公年譜卷十七

三

處德楞泰現已派令溫春色爾滾滿尙佐帶領馬步官兵緊躡追剿務速將龍逆生擒盡法處治不可捨此就彼總當肅清此股再相度形勢或幫同七十五剿辦戴四崔胡等逆或至川東幫同勒保剿辦湯劉等逆如不得已有必須先行移師剿辦之處亦應遴派妥員責成專辦龍逆一股以期掃除餘孽然總不若德楞泰一手辦竣之爲愈也所有首先擒入賊隊戮死龍紹華之千總史定川著加恩卽以守備陞用其太平城口主簿趙炳然鼓勵寨洞團勇堵禦賊匪殺賊多名著加恩以應陞之缺陞用

十一日

德壯果公年譜 卷一七

諭曰近日節據軍營奏報各股竄匪經官兵屢次截剿勢日窮蹙不過奔竄深山老林苟延殘喘卽日定可蕺功但此等邪匪祇係內地亂民乘間搶掠東奔西竄並無一定賊巢賊首非如從前辦理西北兩路及大小金川掃穴犁庭馳遞紅旗方爲大功告蕺且起事積惡首逆如劉之協王三槐羅其清姚之富齊王氏王廷詔徐添德等俱以次就擒現在所贖龍紹周湯思蛟劉朝選樊人傑苟文明高見奇李彬戴四崔胡等犯並非起事諸逆可比卽剿除淨盡亦無馳遞紅旗之理而額爾登保德楞泰等節次擒渠獻馘酬庸懋典朕已默識於懷一俟蕺事有期卽當明降恩旨宣示中外是額爾登保德楞泰之功早經論定亦

德壯果公年譜卷十七

三

不在此時之殲擒湯劉龍苟諸賊也況現在各股賊匪四散奔逃伊等分兵追剿亦祇能陸續殄除勢難將零星股賊同時殲洗無遺卽如地方搜捕賊盜尙偶有免脫若因一二首逆未獲用大兵全力在彼搜剿何日方爲蕺事耶此時額爾登保德楞泰等應通盤籌畫如何辦定大局徐撤大兵卽有一二遺孽或歸入搜捕餘匪善後事宜或酌留官兵督捕或竟責成本省督撫酌派弁兵搜剿惟在額爾登保德楞泰二人度量情形據實具奏一俟奏報大局戡定卽當明降諭旨酬庸奏凱彼時德楞泰當先行來京入覲叩謁

裕陵後令其前赴成都將軍之任辦理善後諸事再令額爾登保

四四七



還朝所有官兵應撤應留之處統俟額爾登保德楞泰酌量辦理此乃朕預籌全局務期厥功完善伊等不可因有此旨遂爾草率完事或致異日復留後患則殊非朕意也儻此時厥功尚無把握約於何日始能定局亦即據實奏聞不可稍涉含混

十四日

公奏言臣接據探報龍逆竄至竹谿屬之五里埡李應貴等緊躡尾追該逆又由高足河東向雲霧溪竄逃賽沖阿溫春色爾滾馬瑜蒲尙佐等趕抵招風崖賊匪又由雲霧溪北竄賽沖阿馬瑜侍衛達勒精阿富僧德協領穆騰額參將馬應國等由右手之九道梁一帶過其深入湖北腹

德壯果公年譜卷十七

美

地溫春色爾滾蒲尙佐侍衛蘇爾紳副總管蘇清阿副將李應貴參將馬元等仍即緊躡其尾該逆於二十三日至瓦桑河知右手北面已有官兵遂由大石堰一帶西竄勢必趨向陝界地勢稍平箐林亦稀馬力尙能施展臣仍令賽沖阿馬瑜等帶領馬步隊分路兜剿臣即移至三省毗連適中之大甯徐家壩扼要搜剿一面差探湯劉賊蹤一面分差兵勇四出哨探零星賊匪二十四日探得屏風寨有賊匪一百餘人當即派令總管富登阿副將達白祥參將李東山等帶領馬步兵勇進剿及至屏風寨不遠賊四散遁入密林李東山等帶領步兵入林追剿共斃賊五十

七名生擒謝恩俸等三十五名復又搜獲周方來等九名趕至向家壩祇有賊匪十餘人連夜遁去據獲犯供稱係黃號張萬林股內前在陝西打散夥黨亦無頭目訊出戰手謝恩俸等二十五名當即正法其李維發等係安平寨難民概行省釋二十五日又據探報有由陝西鎮坪翻雞心嶺入川之易溪一股賊匪不知姓名約有七八百人向菜子壩一帶竄來臣即督率侍衛克什布西拉布法依當阿總管富登阿副將達白祥等帶領馬步兵勇連夜由銅罐溝大廟抄截令參將李東山何君佐等帶領步兵由虎溪山進剿二十六日午後趕至鴨保溪追及賊匪臣亦由

德壯果公年譜卷十七

美

大廟趕來追殺三十餘里沿途斃賊一百二十三名生擒劉佐輔何袁氏等六十九名口餘賊向陝界分逃訊據活賊供稱元帥名張應祥有五六百人總在山裏往來近在茅壩又與青號餘匪張二和尚帶二百餘人合夥商量要到湖北等語除難民劉佐輔何袁氏等三十八名口照例省釋外其王起華等三十一名概即正法臣查現在楚陝已無大股賊匪其零星散竄之逆惟恃老林密箐路徑紛歧人數愈少奔竄愈捷偶被官兵前後堵截又復旁竄躡荒而逃是兵去賊聚兵來賊散者皆由兵勇服色旗號與賊各別遙望即能分曉遂致賊匪見兵先逃必須以假亂



真使其猝不及防方能得手臣現擬以每隊挑出奮勇兵  
勇二百名爲一起派令幹練勇往千把員弁管領裹糧數  
日概用黃白藍布號片殊批是扮作賊狀豎賊營大小旗號每起  
又令投出賊匪數人同行遇有零賊或陽爲入夥剿擊或  
當前突入劫殺或乘夜搶撲賊營臨機應變既可遇賊得  
剿亦可反間其心嗣有藍翎千總高星文何友富陳偉等  
並各營兵勇告請前往者六七百名臣親加獎諭以無論  
何股賊匪多少遇賊卽剿按耳給賞有能擒渠者卽行解  
營毋論員弁兵勇遵照前頒賞格給以翎頂官職銀兩又  
因賊匪常有假充官兵今官兵又扮作教匪形跡混淆恐

德壯果公年譜卷十七

卒

沿途之洞寨難以分曉俱各給以護牌爲照並令各洞寨  
密爲徧傳無分兵賊總不准其入寨如能協同搜拏亦卽  
一體加賞高星文卽帶兵勇二百名爲一起令由湖北之  
張公橋雙橋子一路何友富由向家壩一路陳偉由四川  
之二郎壩一路探蹤搜捕二十九日據高星文稟報行抵  
燈盞窩左手老林內有賊匪二三百人因見我兵係賊匪  
旗號卽遙喊前來會哨高星文令賊營投首出力之韓自  
貴答以口號公然不疑及至覲面問答似覺看破高星文  
喊同衆兵勇刀砍矛戳立斃賊五六十名追趕十餘里擒  
獲張萬祿等二十三名餘匪落荒散竄訊係黃號敗殘賊

匪李士品除難民張萬祿等十五名給票釋放外其江佐  
廷等十八名均已斬訖繳呈耳級七十五副長矛五十一  
件當卽賞銀鼓勵嗣據七十五來信自黃墩水寨子追賊  
過陝由南天門而至紫陽四季河知苟逆已回川境復向  
茅壩折回殊批是二十四日探得平利小榆河竄來一股賊匪八  
九百人七十五督率將弁兵勇趕至手爬巖正值賊匪進  
溝官兵突出截爲兩段賊卽占住兩旁山梁擲石抵禦副  
都統銜武隆阿參將鄭啟貴都司羅思舉等衝上擒獲活  
賊五名賊卽敗走追至回龍溪殺賊五六十名擒獲劉其  
玉等四十餘名次日帶兵抄出小榆河沿途又殺賊十餘

德壯果公年譜卷十七

卒

人擒獲大小男婦十餘名口賊又翻山逃入川陝界上老  
林七十五隨由茅壩一盃泉入川二十七日又探得烏龍  
溪一帶現有賊匪由五池子而來七十五派令武隆阿羅  
思舉等帶領兵勇剿殺斃賊十餘名擒獲金倫等八名十  
月初一日據賽沖阿溫春差來驍騎校富興等到營報稱  
連日晷雨由竹谿大石崖前河一帶追趕龍逆二十六日  
探知距賊不遠是夜分兵五路冒雪前進二十七日早間  
在陝西平利所屬之汝溪盤龍山岳家坪衝踏賊營將首  
逆龍紹周殲斃全股賊匪掃盡並蕭四合夥餘匪一併剿  
除查驗龍紹周首級衆認確實無疑一面撤兵一面先行



稟報等情臣詳詢情形實屬真切軍民間知無不歡欣鼓舞俟龍紹周首級送到驗明確係何人殲斃及窮追打仗情形並出力將領員弁兵勇等另行具奏再查楚陝已無大股賊匪即樊逆合藍白號餘匪不過數百人現經總兵穆克登布趕追已至平利鎮坪一帶惟苟文明湯思蛟劉朝選李炳及高見奇魏棒棒姚馨佐等賊匪等共三四股而每股亦不過一二千人均逼入川省境內臣惟有與額爾登保等將此數股賊匪迅速趕剿除其三省邊界零匪亦即公同籌商設法務期殲除淨盡迅速肅事

諭曰龍紹周為邪教起事首逆到處裹脅肆行焚掠實屬罪大惡極前經德楞泰等將龍紹周妻子兄弟並大小頭目疊次殲除該逆復與各股零匪合夥往興巴房竹及大甯一帶老山內奔竄輾轉稽誅經德楞泰督同賽沖阿溫春等分兵追躡冒雨前進在陝西平利所屬之岳家坪等處衝踏賊營將首逆龍紹周殲斃全股賊匪掃淨並將蕭四合夥餘匪一併剿除所辦可嘉之至此次剿斃龍逆係賽沖阿溫春帶兵勦辦而調度得宜實屬德楞泰之功德楞泰賽沖阿溫春著先行交部議敘並賞給

德楞泰玉四喜葫蘆牌玉喜字搬指大小荷包賞給賽沖阿溫春玉喜字搬指大小荷包並發去鼻煙壺搬指搬指套各十件一兩重銀牌二百面五錢重銀牌二百面交德楞泰分賞出力

德壯果八年譜卷十七

奎

將弁兵勇以示獎勵俟德楞泰查明該逆係何人殲斃及如何打仗情形並出力將領員弁兵勇到日另降恩旨現在龍逆股匪既經殲除賽沖阿溫春又可騰出兵力以目前賊勢而論俱係零星小股惟湯劉股匪人數稍多德楞泰應令賽沖阿溫春順道先將山內餘匪勦竣即歸入德楞泰軍營幫同勒保合力勦辦湯劉二逆或德楞泰統兵勦辦湯劉大股令賽沖阿溫春就近分勦餘匪總在德楞泰酌量機宜妥為籌辦朕亦不為遙制其川北殘敗之賊亦祇有李彬一股與王冉餘黨合夥屢經降旨令額爾登保就近兼顧茲據德楞泰奏稱已移咨額爾登保商令撥派將弁即赴通江但此股賊匪為數較多德楞泰務

德壯果八年譜卷十七

奎

當飛咨額爾登保督兵上緊勦除至所稱令官兵扮作賊狀前往攻撲賊營所辦甚是但此係官兵初次假裝該逆等未能知覺猝不及防官兵得以乘機掩殺若屢行此計賊匪自必知覺別生詭詐不可不防況賊匪前此即有假扮官兵之事今官兵又扮作教匪形迹混淆或臨陣不暇辨別稍有錯誤轉致墮賊奸計關係非小務當留心慎重再此時大功將次告竣所贖餘匪往往百十為羣藏匿山谷官兵追捕稍不留意儻賊匪乘間突出或致我兵稍有損折尤屬不值德楞泰當密諭帶兵將弁於奮勉之中加以持重不可稍涉大意



德壯果公年譜卷十八

次孫花沙納恭纂

嘉慶六年辛酉

十月二十日

公奏言臣昨據差報官兵在陝西平利屬之盤龍山岳家坪已將龍紹周殲斃茲查得龍逆被逼出山向西奔逃二十六日官兵冒雨趕至竹谿上鵝坪時已傍晚而南江河溪水漲發急溜洶湧雨雪交加賊匪一早搶得小漁船二隻渡後打沈兵至河岸水深浪大即於就近林內令眾兵勇砍伐樹木趕搭浮橋步兵先過雪勢愈大即暫屯於瓦

德壯果公年譜卷十八

房溝一面差探賊蹤去後賽沖阿溫春馬隊至夜始過亥刻探得龍逆紮於隔山三十餘里之汝溪係盤龍寨腳下該處先有由曾家壩竄來一股零星賊匪一百餘人屯踞龍逆已與合夥賽沖阿溫春等公同商酌賊匪諒官兵不能渡河其心必怠正當乘雪夜而進攻其不備總兵蒲尙佐副將李應貴參將馬元馬應國遊擊涂陞即帶步兵勇連夜冒雪前行賽沖阿溫春色爾滾馬瑜等繼進又據千總史定川等帶寨民羅正高等前來詢稱兩股賊匪合夥約有三四百人屯於岳家坪係在盤龍山藥山老扒之前如從前面攻打賊匪必鑽入老林惟右手新寨子後有

小路進盤龍山老林即在岳家坪背後可以截賊竄入老林之路隨令李應貴涂陞都司彭家棟參革都司馬光宇藍翎千總史定川藍翎鄉勇首謝金章等先帶兵勇由新寨子小路進盤龍山老林扼其去路蒲尙佐參將馬濟遊擊沈洪都司賀廷印守備熊敏謙千總馮正朝等由南向東北走中寨子繞過賊巢之南溫春色爾滾侍衛達勒精阿蘇爾紳副管領蘇清阿參將馬應國都司珠勒亨候補守備龍必達由中分為兩路直衝賊巢賽沖阿馬瑜侍衛富僧德協領穆騰額佐領達春遊擊張應貴都司曾壽守備謝成貴由左手楊溪山梁走大柴溝西面扼據曾家壩

德壯果公年譜卷十八

之路計李應貴等之兵約入盤龍山老林抵岳家坪背後溫春色爾滾蒲尙佐三路分投而進雪深過膝天甫黎明適又大霧瀰漫賊眾全不知覺馬元馬應國等即率兵勇衝進猝加勦殺賊眾慌亂向藥山老扒奔逃正遇李應貴之兵兜頭殺出溫春色爾滾等帶馬步兵抄來賊遂敗奔下山蒲尙佐等又由汝溪山梁左近而來立殺賊一百五十六名生擒八十三名有鄉勇李大朝魏忠才林材見一賊身材高大料係頭目趕前戳殺該逆疾走被橫木絆倒李大朝用矛刺中背心該逆急起猶復奪矛被魏忠才林材從傍趕來連刺而死餘賊百餘人盡皆跌礮滾崖死者



六七十名尙有三四十人向曾家壩西竄又被賽冲阿馬  
 瑜等迎頭截殺立盡又有竄賊三十餘名遁入藥山老扒  
 林內馬元馬應國復帶兵勇趕入全行剿殺並無一名漏  
 網臣前恐龍逆被獲刻難辨認有賊營投出情願出力之  
 楊正禮楊正修胡世貴席國倫等會據供明龍紹周右太  
 陽髮際有疤痕一道右上脣虎牙微缺是以令其隨營作  
 爲眼目又前訊該逆之妻有供龍紹周兩腿腕各生毛一  
 叢長約一寸之語嗣李大朝等呈繳首級前來當經楊正  
 禮等指認僉供實係龍紹周復令於擒獲各逆內指出藍  
 號爲總兵胡朝位一名於賊屍內指出龍逆偽總兵曹應

德世貞公年譜卷十八

三

彪爲先鋒劉泗玉賴大魁總探馬何義元孔添太爲千總  
 王興旺等多名旋將龍逆屍軀鬻割兩腿腕果有毛長二  
 寸實爲性類惡孽訊明獲犯均係矛手概卽正法查前奉  
 諭旨賞格內龍紹周若能臨陣殲斃者官員加一等陞擢兵勇卽  
 拔補千總並賞銀五百兩今鄉勇李大朝等係三人擒殺  
 擬以銀二百兩賞給李大朝并賞戴藍翎卽以千總拔補  
 以銀二百兩分賞魏忠才林材二人均賞給七品頂戴請  
 以把總拔補藍翎千總史定川於追剿龍逆時帶領兵勇  
 哨探賊情奮勇倍著打仗最爲出力臣於前奉  
 頒賞花翎四枝內先行傳

員賞換花翎又查追龍逆滿漢馬步兵勇旋轉於興房巴竹巫大  
 老山之內爲五年以來未有之辛苦此次雪夜追剿奮勇  
 爭先似合量加犒獎臣卽傳集滿漢各營馬步兵勇宣示  
 皇仁賞銀三千兩令其均勻分給復面加剴切曉諭兵勇無不踴  
 躍感發奮興並查明最爲出力之將領員弁兵勇等繕單  
 奏懇  
 天恩

德世貞公年譜卷十八

四

公又奏言據千總高星文何有富等稟報擒斬李士品餘  
 匪後探明川楚界連之南坪地方現有賊匪二百餘人在  
 彼擄掠殺傷百姓數人該弁等於初三日分路夾擊殺賊  
 四十餘名擒獲陳崇禮等十七名該逆由磨刀溪鑽越老  
 林向大禾田竄來查大禾田距徐家壩五六十里臣於初  
 五日清晨得信卽派侍衛法依當阿克什布總管富登阿  
 協領明德副將達自祥參將李東山帶領馬步兵勇五百  
 名向東北迎截午刻趕抵大禾田正值高星文等趕追賊  
 匪下山我兵疾馳迎剿兩面夾擊立殺賊匪一百餘名生  
 擒李尙文等二十五名此起賊匪卽時全數掃盡臣據李  
 尙文等供稱係青號王山股內夥匪並訊出難民陳崇禮  
 等二十八名均卽給票省釋其李尙文等十五名俱係老  
 教當卽正法初七日又接七十五來信帶兵前赴太平專



勦苟逆因取道烏龍溪後坪山內前進初二日至和岡溪有賊匪迎頭而來卽令副將張良槐擊營令副都統銜武隆阿都司羅思舉蒲佑盛守備李朝帶領兵勇兜勦七十五自率遊擊蕭太和沈文同等繼進至烏龍溪匪衆卽占住山梁武隆阿等飛馳由燕子壩趕至三十餘里之凌洞殊此可嘉壘大山絕頂路徑陡窄棄馬緊追匪衆憑高拋擲礮石我兵冒石仰攻七十五見恃險費力卽令營總傅森額帶馬隊由溝底旁抄橫截令參將鄭啟貴帶兵繞出八步雲之前武隆阿等見已分兵抄截一擁而上痛加勦殺外委張興邦帶領兵勇立斃數賊餘衆敗下八步雲我兵三面兜

德壯果公年譜卷十八

五

勦斬殺百餘人有滾巖並自刎者祇竄去賊二三十人擊獲活賊一百六十三名查出偽總兵王曰貴劉登科偽先鋒石正清偽千總方明富傳教老師田進榮等訊據劉登科供係龍紹周股內總兵在開縣一帶游奕陸續會合老藍號先鋒石正清帶有二三十人白號老師田進榮千總方明富有五六十人老黃號總兵王曰貴有四五十人青號老師龍連達馮大寬亦有八九十人合聚成夥三百多人在開縣楊柳池紮了幾日聞官兵去遠轉進山來不想反遇著官兵等語除訊明新據各寨難民秦有諒等二十七名省釋外其王曰貴劉登科二名解送查訊石正清等

均卽正法等因稟送前來臣查七十五所勦之王曰貴等股賊匪三百餘名卽係臣前奏開縣楊柳池不知姓名賊匪三百多人所供情節相符因知勒保東來是以聞風入山茲幸勦除又去一小股零匪並聞湯劉二逆已至開縣向北奔竄非走榨井壩而至太平卽由謝家壩或馬家營而逃七十五現向太平山內前進臣擬由夔府之寶塔紅池壩入山探蹤迎擊冀與勒保或能兜勦或爲兩面夾擊

由東北逼向川北又可與經畧額爾登保合力勦辦諭曰德楞泰前因平苗歲功賞給子爵及雙眼花翎嗣勦辦教匪在穀城殺賊千餘復賞用紫韁旋因追勦齊王氏姚之富等未

德壯果公年譜卷十八

六

能迅速將伊所得世職花翎紫韁革去自嘉慶四年以後節次殲擒首逆冉文傳高均德楊開第徐國謨等而其功績最著者尤在截勦偷渡嘉陵江股匪生擒逆首冉添元保全川西數百萬生靈至今該處民人無不感頌疊次加恩復遞封爲一等子賞還雙眼花翎本年又將徐添德龍紹周兩股劇賊全行殲滅厥功甚偉著加恩晉封二等伯並賞給黃面貂皮馬褂一件此時川東惟湯劉二逆尙有二千餘人德楞泰現由夔州入山迎擊與勒保兩面夾勦卽可盡數掃除俟湯劉股匪辦理完竣再當加恩優獎賽沖阿溫春在德楞泰一路協同出力雖疊邀恩敘尙未得有世職此次殲斃龍逆係伊二人帶兵賽沖阿著加



恩賞騎都尉世職温春著加恩賞雲騎尉世職以示獎勵

又

諭曰德楞泰查明殲斃首逆龍紹周情形一摺已明降諭旨將德楞泰等加恩矣此次殲斃龍紹周係鄉勇李大朝用矛刺中該逆背心該逆急起奪矛復被鄉勇魏忠才林材從傍趕來連刺而死現經德楞泰遵照前旨分別賞擢李大朝魏忠才林材著再加恩每人加賞銀一百兩其帶領兵勇奮勉最著之藍翎千總史定川著加恩賞換花翎所有各營馬步兵勇著賞銀三千兩以示鼓勵至所奏分兵搜剿零匪移師辦湯劉賊股各情形所辦俱好其七十五擒獲之王日貴等雖係零匪而川楚邊界漸就肅清亦屬美事此時德楞泰由夔州入山苟逆一股應責成七十五上緊辦剿完竣不可稍有遲緩

德壯果公年譜卷十八

恭錄

御製詩

參贊德楞泰奏報殲斃首逆龍紹周全股淨盡各情形詩  
以誌事

賊勢已窮蹙潛逃倚老林雄威三勇奮惡孽二毛燭據德楞泰奏報查明  
官兵殲斃極惡首逆龍紹周並擒獲偽總兵胡朝位殺戮偽總兵曹應彪偽先鋒賴大魁等係九月二十六日乘雪在盤龍山分投截殺見一賊疾走橫木絆倒被鄉勇李大朝魏忠才林材用矛連刺而死驗明屍身兩腿腕各生毛一叢與龍紹周之妻前供胎合確鑿無疑其聚蟻消川嶺屠龍淨楚岑酬勳應晉爵餘黨惡根株全行剿淨

敬感

吳恩深 經畧額爾登保身先士卒調度有方現在籌辦李斌一股剋期戡定加恩晉封三等伯德楞泰節次殲擒首逆冉文傳高均德楊開第徐國謨等而其功績最著者尤在截剿偷渡嘉陵江潼河賊匪保全川西數百萬生靈本年又將徐添德龍紹周劇賊全行殲滅加恩晉封二等伯賽冲阿賞給騎都尉世職温春賞給雲騎尉世職仰體 吳恩用推爵賞

二十九日

公奏言 於初九日移師西進探剿湯劉二逆即由大甯之徐家壩取道寶塔行走十三日行抵竹谿屬之張公橋途次探報紅茶園一帶由湖北水田坪竄來賊匪二百餘名滋擾即派令總兵蒲尚佐協領明德副總管蘇清阿參將馬應國馬元遊擊沈洪等帶領兵勇前往剿捕 臣仍

德壯果公年譜卷十八

帶大隊由通坪西行十五日行次寶塔該處係夔州府開縣分路之處所有前調太平之兵馬軍裝陸續趕運到營因營中尚有綠營兵百餘名患病未痊 臣親加查驗均令遣回原營調治以示體恤而節糜費現在存營滿漢馬步兵勇四千餘員名以之調派辦儘數布置十六日蒲尚佐等帶兵回營稟稱十三日行抵清平寨詢據寨民彭安國稱昨有一股賊匪二百餘人由竹谿薛家坪田家坪竄屯紅茶園當因霧雪交作天色已晚我兵屯於寨後次日天明蒲尚佐乘霧雪瀟漫之際即將兵勇分為三路令參將馬應國都司會壽守備李榮陞龍必達帶兵勇由左手



混沌溝抄出紅茶園之北令參將馬元都司彭家棟守備李鳳鳴帶兵勇由右手雙家槽抄出紅茶園之東蒲尚佐率領協領明德副總管蘇清阿遊擊沈洪都司賀廷印參革都司馬光宇帶兵勇由南面二層山老林直搗賊巢三路進剿賊眾慌亂直向張磨寨狂逃官兵齊力趕追殺賊二十餘名生擒田國柱等二十餘名訊稱此股賊匪元帥係葛騰勝不過二百餘人蒲尚佐等奮力趕追沿途殺賊五十餘名生擒潘登才等七十餘名餘匪被追竄走金竹槽鑽入老林詎該處前面盡係峭壁懸崖我兵分投三面圍剿殘匪無路奔逃盡被截向西面崖邊滾崖跌死並無

德壯果公年譜卷十八

九

一名漏網旋派令兵勇繞至崖下見跌死賊屍四十餘軀卽割取首級令投首出力之席國倫楊正修等逐一指認內有襄陽教首吳天珍偽元帥葛騰勝旗手楊文等首級三顆其餘俱係陳賊並令田國柱等指認確實隨將獲犯一并解到臣覆加研訊據供葛騰勝係同龍逆在和岡溪被官兵剿散之賊並訊出被擄難民羅希臣等四十八名就近交奉節縣妥爲安插其田國柱潘登才等四十七名均係戰手一概正法惟近據梁山縣稟報大竹渠縣界上另有一股不知姓名賊匪滋擾無兵跟剿有奔竄下游之勢又據探報雲陽沙沱子地方現有賊匪數百名在彼游

奕查大竹渠縣係屬腹地該處前有湯劉二逆竄擾擄掠幾成大股經勒保帶兵甫行肅清而湯劉二逆敗殘後又向溫湯井一帶逃竄勒保督率阿哈保薛大烈等已帶兵緊躡前進至大竹渠縣雲陽兩處之賊現在雖無兵剿辦而賊蹤已在我兵之西臣卽帶兵西進確探兩處賊情何股就近卽當趕緊剿除

諭曰此次德楞泰本欲移師西向探剿湯劉二逆中途至紅茶園地方知有賊匪二百餘人在彼竄屯當派將弁兵勇三路進攻殲斃偽元帥葛騰勝並殲獲賊匪共一百六十餘名其餘皆滾崖跌斃雖係零星小股並無一名漏網所辦尚好其出力將弁

德壯果公年譜卷十八

十

統俟大功告竣一體加恩又據稱大竹渠縣兩處均有不知姓名賊匪在彼游奕此等股匪或百十人或二三百人到處竄匿恐此外尚有無名匪徒在老林內遁藏均須搜捕淨盡德楞泰或親自督兵剿辦或派員分投剿洗總期隨進勿留餘孽德楞泰沿途辦竣零星賊匪自應馳赴太平一帶會同勒保剿辦湯劉大股之賊以期迅速肅事

十一月初二日

諭曰前經賞給德楞泰巴圖魯名號今封伯爵可以不必另賞字樣仍照原賞名號德楞泰著爲繼勇伯

初四日



公偕勒保奏言竊臣德楞泰前將葛騰勝一起零匪勦盡並收集太平兵馬軍裝移師西向探勦賊匪十七日據後路探報馬鬃嶺一帶突有賊匪二百餘名竄來當卽令溫春色爾滾蒲尙佐等帶領馬步兵勇由野雞池趕至馬鬃嶺是日大霧瀟山賊匪在山坳屯聚烤火官兵乘其不備衝入賊夥一齊吶喊賊匪驚慌四竄我兵刀矛並舉立殺賊六十餘名生擒李大用等二十八名訊據供稱係黃白兩號被官兵打散餘匪有二百餘人係熊姓千總帶領在山中躲避不想被官兵殺來等語當將該匪等正法餘贖零匪探已鑽入老林向紅綫巖逃竄當飭防守鹽廠之都

德世果公年譜卷十八

二

司沙念聖守備閻寬等就近帶領兵勇搜捕務期淨盡十九日兵抵瓦屋基探得沙陀子地方有賊三百餘人由謝家壩老鴨巖向鄒家槽西北前竄臣德楞泰當令蒲尙佐侍衛達勒精阿等帶領兵勇一千餘名前往追勦兵至南埡場趕上賊匪殺賊四五十名生擒梁朝金等三十二名訊明分別辦理餘匪狂奔向三墩坡翻山逃竄蒲尙佐等緊躡追去臣勒保自在羅村地方將賊匪勦散之後卽督同薛大烈於十四日行抵清花溪探得湯劉等逆已由長壩竄過後河由南壩場向榨井壩關口坪一路奔竄勢欲遁入開縣老山當派薛大烈等分帶官兵由金雞壩取道

九打杵蕎壩背七里溝雞鳴寺一帶老林向外兜截臣勒保帶兵由雙石壩榨井壩一路緊躡跟追連日沿途擊獲賊匪自數名至一二十名不等訊有熊大亮等三十三名俱係被擄未久難民隨時給與路票口糧遣令回籍其餘庚向青等二十五名俱係戰手或爲賊匪探信或係因病落後據供湯劉等逆因官兵緊追已由楊柳池向靈官廟翻山逃竄當將庚向青等概行正法查該匪等已翻大山旣可向雞鳴寺熊坂磴北竄又可東走馬家營乾溪處處皆係老林若該逆從堯城壩白馬廟南竄卽可出謝家壩自應分兵兜勦當卽一面飛飭薛大烈速由七星溝雞鳴

德世果公年譜卷十八

三

寺一路勦截一面撥出兵勇一千餘名交遊擊胡定邦唐際盛等管領由靈官廟緊躡前進臣勒保酌帶兵勇取道桑樹坪關口坪向溫湯井一路進發扼其出山之路二十日薛大烈帶兵由雞鳴寺行抵滿月槽詢據土人報稱早間有賊數百過滿月槽向寒溪寺竄走薛大烈卽督兵緊追至木盆坪趕上賊匪該匪一見官兵不敢抵敵卽翻山狂奔我兵分投趕殺斃賊六七十名生擒二十九名維時胡定邦等一路兵勇亦至乾溪地方趕上賊匪數百人遂卽奮力追殺該匪向偏寨子奔竄我兵攀援競進直抵山頂殺賊八九十名生擒四十七名餘皆跳崖落荒紛竄訊



據兩路獲賊供稱湯思蛟劉朝選在羅村地方被官兵殺  
敗尙有一千餘名騾馬三四百頭匹走到楊柳池地方商  
量要到開縣雲陽一帶東去因探得大甯現有官兵後有  
官兵追來湯思蛟帶五六百人騾馬三百餘頭先翻靈官  
廟大山往乾溪一帶逃走劉朝選帶三四百人騾馬四五  
十匹在後因楊柳池官兵追來翻山向靈官廟趕上湯思  
蛟同走不料被官兵兩路趕殺不能合夥等供並於活賊  
內訊出偽先鋒張大成探馬頭王三桂牌頭曾廷材戰手  
魏老五等三十七名一併正法其餘蕭從禮冉王氏等三  
十九名口係新襄難民照例遞籍並據探報湯思蛟贖四

德壯果公年譜卷十八

三

百餘人已由菜子壩後坪東逃劉朝選祇有二百餘人翻  
山西竄臣勒保正在分兵兜剿適臣德楞泰帶兵西來於  
二十二日在溫湯井會合臣德楞泰查現在三省賊股惟  
李彬苟文明湯思蛟劉朝選三股賊匪稍多其餘俱係零  
星散匪不成股數茲李彬股匪經額爾登保親督官兵來  
川剿辦連得勝仗痛加斬獲味此是不日可以殲除苟逆股匪  
專交七十五帶兵剿辦諒亦不致蔓延湯劉二逆分路逃  
竄所贖亦祇數百人臣等飛飭薛大烈帶領原兵卽從後  
坪向東跟剿湯逆臣勒保帶兵向西探剿劉逆臣德楞泰  
前聞大竹渠縣界上尙有賊匪連日差探該處久已肅清

並無賊蹤此外亦無大股賊匪可剿今聞額爾登保已入  
東鄉境內督剿李彬賊匪由西北向東南而來臣德楞泰  
卽自東南向西北前進既可搜捕沿途零星匪且額爾登保  
追剿李逆前來又可與之夾擊並趁此軍行相近可將現  
在賊勢零星渙散情形會同籌畫另行設法搜剿并將川  
省應辦善後各事宜逐一商議以期及早集事

諭曰此次德楞泰移師西進沿途斬獲頗多勒保督率薛大烈等  
追剿湯劉股匪亦有斬獲現在德楞泰與勒保在溫湯井會合  
統計三省賊股惟李彬苟文明湯思蛟劉朝選等股賊匪稍多  
其餘俱係零星散匪不成股數德楞泰探知額爾登保已入東

德壯果公年譜卷十八

四

鄉境內督剿李彬股匪自西北向東南而來德楞泰卽由東南  
向西北前進兩路夾擊李逆一股定可卽日殲除惟劉朝選一  
股雖有勒保剿辦湯思蛟一股雖有薛大烈剿辦德楞泰不可  
膜視必須就近分兵幫助至七十五剿辦苟逆股匪恐未必能  
迅速辦竣德楞泰更應隨時量加策應看來各股賊匪勢極殘  
敗卽日俱可蕪事當此功屆垂成尤不可稍有草率現在有名  
賊首如李彬湯思蛟劉朝選苟文明等股必當剋日殄除卽其  
餘零星夥匪皆應一律辦淨或其中有窮蹙乞命棄械投誠者  
亦不過貸其一死交與地方官妥爲安插斷不必令其隨營效  
用其敢於臨陣抗拒者均當痛加殲戮以淨根株剿辦教匪已



及六年帶兵大員等辛苦備嘗經此番戡定之後必使永無後患方為妥善

十四日

公偕勒保奏言查湯逆股匪前經官兵剿敗後祇贖四百餘人向太平之菜子壩後坪一路東逃當即飭令總兵薛大烈等帶領原兵跟蹤緊躡臣等即督率官兵由線壩西進探剿劉逆並沿途搜捕零匪二十六日行抵楠木岡探報有賊匪一股一百餘人由長春壩竄往朽木溪又另有賊匪一百餘人由北斗坪竄向天寶寨月亮坪一帶又有一股賊匪二百餘人由元子槽走青林子據報劉朝選即

德壯果公年譜卷十八

五

在其內臣等當令賽冲阿温春蒲尙佐侍衛達勒精阿等帶領馬步兵勇由榨井壩渡口巖一帶探剿臣等督兵繼追二十七日探得三股賊匪均在土黃壩合夥約共六七百人已向放牛廠平頭山西竄查該處左通石碓窩右通南壩場官兵分路馳進途次據報賊匪在鏵尖壩三角包等處屯聚知官兵分路趕剿連夜翻燔筒山逃走臣等督催官兵抄出五寶場豐城等處馳追二十九日抵山後礮探知賊眾屯於孫家壩當令賽冲阿温春帶領兵勇乘夜前進黎明趕抵該處賊眾起行不遠我兵分馳追及其尾立斃賊二三十名生擒黃芝武等一十九名餘賊四散向

雷家坪等處捨命狂奔我兵分投追捕又殺賊三四十名生擒翼國士等二十七名餘匪向黃金口遁走訊據獲犯供稱劉朝選一股前在木盪坪地方被官兵打散二十五日在土黃壩遇白號青號兩起各有一百餘人大家合夥同走要想進山躲避不想官兵追殺劉朝選就先逃走等語當將各犯分別辦理賽冲阿等旋即帶兵緊躡前進行次官渡探得劉逆帶領殘匪二三百人驟馬數十匹由固軍壩向葫蘆井竄去我兵趕抵該處詎賊先已知覺翻山逃走遂派參將馬元等帶領步兵兵勇跟蹤追擊賽冲阿温春等帶領馬隊順溝抄截賊匪竄至紅巖寨下寨勇等

德壯果公年譜卷十八

六

槍礮轟擊我兵乘勢趕殺斃賊五六十人賊眾紛紛丟棄驟馬攀陟馬鞍山我兵追至半坡該匪等扼據極險陡砌憑高拋擲亂石兵勇冒險仰攻步步進逼時馬隊官兵已從溝內繞赴賊後賊匪遙見即逃我兵一擁而上殺賊一二十名賊眾向柏森坪苦子壩一帶逃走沿途生擒男婦四十六名口訊出劉朝選之妻王氏據供鄰水縣人係被擄進營查該氏雖係難婦業與劉朝選配合罪應擬斬且就近監禁以備擒獲該首逆時令其識認其餘訊出探馬頭鄒雲貴戰手祝起祥等二十八名概行正法餘俱照例省釋其湯思蛟一股賊匪前由菜子壩向後坪一路東逃



薛大烈帶兵跟勦恐其竄入大甯越過陝楚邊界卽商令副都統銜達斯呼爾岱副總管格亨得爾副將張績遊擊傅廷佐桂涵晉之連等分帶兵勇取道朱家壩桃花壩一帶兜截過其竄入陝楚之路薛大烈率領參將羅聲臬蕭鳳來遊擊胡定邦等分帶兵勇由小橋溝鎮口廟一路進勦該匪晝夜狂奔薛大烈等緊躡追至小泥溪地方趕上賊尾斃賊數十名生擒何海豐等二十九名該匪竄至桃花壩正翻壩口下走適達斯呼爾岱等迎頭趕到見該處山勢險峻係一線盤折而上賊匪已得地勢我兵勢難仰攻遂令桂涵晉之連挑帶趨捷兵勇從左手覓路上山

德壯果公年譜卷十八

七

達斯呼爾岱等仍與賊相持作仰攻之勢賊匪不虞我兵抄截其後桂涵晉之連等帶領兵勇攀援潛上山梁吶喊兜殺賊匪驚慌四潰有滾崖跌斃者有鑽入林箐者兩路兵勇分投搜捕生擒方文才等十六名維時薛大烈等已帶兵趕上會合當將何海豐方文才審訊據供湯思蛟自與劉朝選分路後帶有四五百人竄至菜子壩原想走兩扇門到陝西滔河躲避不料遇官兵把我等拿住等供薛大烈訊明該犯等俱係戰手當卽一併正法探得湯逆尙贖餘匪三百餘人逃向木皮河一帶薛大烈等現在帶兵趕緊追勦又探得近日東鄉白瓦溝有打散零匪二三百

人竄至達州風洞子一帶臣等現派遊擊唐際盛夏雲龍都司王泰守備周士貴等分帶兵勇前往勦捕至苟文明一股前由川竄陝近接額爾登保來信該匪已經總兵穆克登布等帶兵痛勦所贖不過數百人現由簡池壩折回通江蒙壩塘一帶查此股賊匪前經臣等奏明專交七十臣五帶兵勦辦刻下該提督行抵何處曾否接仗未據報到等現又嚴催令其趕緊勦淨臣等伏查數月來各路勦散零匪俱係潛匿山林晝伏夜出若以大隊兵馬跟勦未免聲勢較大該匪等轉得聞信預竄徒勞兵力必須籌畫大局另行設法分兵搜捕現聞經署額爾登保督勦李彬

德壯果公年譜卷十八

六

股匪近在通江境內臣等卽酌帶兵勇探赴額爾登保軍營會商大局及一切善後事宜以期及早肅事

諭曰此次湯劉二逆分股逃竄其湯逆一股經德楞泰等飭令薛大烈等帶兵追躡在小泥溪地方趕上賊尾斬獲多名餘匪三百餘人向木皮河一帶逃逸德楞泰等督率官兵由線壩西進探勦劉逆沿途多有斬獲并將劉朝選之妻王氏生擒該氏雖訊係被擄爲妻但賊匪不能顧及家屬其實在窘迫可知前此如徐添德龍紹周等逆俱係先獲其妻子該匪等不久殄擒看來劉逆亦可卽日殲除近來賊股內惟湯劉李苟等逆人數稍多現在湯劉二逆不過各贖二三百人李彬股匪前經額爾登



保痛勦據奏所贖不過二三百人苟文明一股經穆克登布勦辦亦僅餘數百人其餘更屬零星散匪德楞泰等聞知經畧近在通江前赴該處軍營與額爾登保面商大局並籌畫一切善後事宜所見甚是伊三人會合後務當彼此熟商籌計除川省外陝楚邊界尚有勦散之匪亦不可不通盤慮及是否於冬至月內可以戡定大局年內可以將零星餘匪一律勦淨之處據實具奏但不可因急圖竣事致辦理稍有草率必須確有把握藏功完善為一勞永逸之計至經畧參贊等向來聲威為賊匪畏懼今贖此零星餘匪自不值伊等親率大兵追勦轉至零星聞風竄匿伊等三人會商後即將如何分派將領帶兵搜勦之處先行詳晰奏聞

德壯果公年譜卷十八

十九

十九日

諭曰教匪滋事起於鄖襄自嘉慶二年春間由湖北闖入河南境內從南陽鄧州盧氏一帶竄往陝西四川後河南境內即無賊匪至今甯謐然該省緊要地方如荆子關等處業經添設新營揀補將弁以資控馭至川楚陝三省數年以來賊匪往來滋擾非止一處現在大功即日告厥其緊要隘口或有今昔異形必須添設營制聯絡聲勢之處正應歸入善後事宜詳悉妥辦現在湖北雖已增設提督陝西五郎雖已添設甯陝鎮總兵固原提督現已移駐漢中但如楚省竹谿至四川大甯陝西西鄉至

四川太平東鄉向為賊匪出沒之所中間相隔七八百里至于餘里不等地方遼廓官吏稀少原設營伍恐致鞭長莫及所有川陝楚三省營制如有應行增添移建之處即應各按該省形勢妥為酌定況自勦辦教匪以來川陝楚三省召募鄉勇為數甚多賊平之後急須妥為安插節經降旨令該督撫等將鄉勇情願入伍者即令食糧不妨於原額之外酌量加增即以此項鄉勇為添設營伍之用至鄉勇中有曾經著有勞績賞給六品頂戴者即可補用千總七品八品頂戴者即可補用把總外委以資管束若不願入伍者亦聽庶各該省要隘地方兵力充足而鄉勇等各有進身之階并有營規鈐束不致流而為匪著額爾登保德楞泰與該督撫於籌辦善後諸事宜時會同妥議具奏

德壯果公年譜卷十八

二十

二十日

諭曰現在軍務即日告厥其善後事宜內惟安插鄉勇一事最為緊要節經降旨令該督撫等酌籌妥辦其如何設法安頓之處總未據伊等詳議具奏川陝楚所募鄉勇為數甚多伊等或身臨前敵或分守卡隘於打仗殺賊之事習以為常未免驚駭難馴且自應募以後全恃官給口糧以資生計今一旦裁撤若回籍後無業可執必致漸流為匪身蹈罪愆而無識之徒妄謂伊等曾經勦賊出力今賊匪已平輒以法嚴繩伊等未免心生觖



望是以屢次諭令該督撫或酌給叛產絕產或令充伍食糧原  
爲伊等預籌生計但聞叛產一項爲數無多蓋各省匪黨皆係  
無藉之徒鋌而走險其甘心從賊如龐洪勝之家產饒裕者甯  
有幾人至被賊裹脅各村民其本有田產者一經散出自必歸  
家各認已業且各處尙有散出難民均須安插是叛產絕產亦  
豈能徧給無遺況自賊中投出者卽屬良民此等多係無業之  
徒若不妥爲安插仍令流離失所亦恐滋生事端因思川陝楚  
地方遼闊儘有官山未經開墾荒地與其爲客民占據何如撥  
給鄉勇令其自安耕作此外若有可興之利不妨奏明辦理如  
川省銅鹽等項或有可以資借謀生無礙於官而有便於民者

德壯果公年譜卷一八

三

各就該省現在情形量爲措置總之有恆產方有恆心衣食之  
源既開則邪慝之萌自絕該督撫等務當與經畧參贊彼此熟  
商妥爲籌辦至鄉勇隨同官兵勦賊日久其中傷病者諒亦不  
少現在各省所調官兵其因傷病未愈及隨征日久者均以次  
撤歸原伍而鄉勇之傷病者轉未議及是官兵之裁撤者多而  
鄉勇之冗食者不少殊非核實之道且有由隔省調派隨征者  
此時卽應先行裁撤以節糜費並著一併詳查妥辦

二十二日

公偕額爾登保奏言臣額爾登保前聞臣德楞泰勒  
保有前來會商之信卽於簡池壩稍候臣德楞泰勒保由

竹峪關鐵溪河輕騎趨程前進於初十日趕抵簡池壩會

晤並據各路將弁將勦辦情形稟報到營臣等查李彬股

匪有格布舍楊芳等追勦計日可以掃除湯劉股匪經賽

冲阿温春薛大烈等節次勦殺零星奔逃亦可卽期辦竣

臣等昨又令扎克塔爾馬瑜副將應元寬參將特依順保

遊擊劉健標各分帶官兵由蒙壩塘柳林溪向西偵探各

匪協力趕辦以刻下賊情而論西面零匪較多必須先行

勦洗且苟逆一股先祇一千餘人近日湊合裹脅又有二

千之衆臣等雖已疊次嚴催七十五趕緊截勦但非併力

速辦未能集事臣額爾登保現卽率同楊遇春等顧住東

德壯果公年譜卷一八

三

北向西督勦臣德楞泰由東南向西進擊臣勒保仍由太

平一帶向東進發督率薛大烈將湯思蛟一股剋期辦竣

並將劉朝選股匪責成賽冲阿温春專辦不日東西兩面

漸次殲除將緊要首逆悉數擒獲則大局卽可戡定容將

應辦各事悉心籌商奏請

訓示

諭曰此次李彬湯劉等股經官兵追勦勢極殘敗所辦尙好惟所

稱苟文明股匪湊合裹脅又至有二千之衆額爾登保顧住東

北向西督勦德楞泰由東南向西進擊等語七十五帶兵素知

其不能出力勦辦苟逆日久未見獲一勝仗辦理遲緩已早經



朕看出是以節次降旨令額爾登保等將該提督是否任意逗留據實參奏今據奏到情形他路賊匪日見其少可見追剿緊急不予以暇而七十五所剿苟逆轉增至二千餘人賊匪又得從容裹脅非辦理延緩何致如此況他股僅派賽冲阿等分投追剿而苟逆則經略參贊均督兵截擊是七十五竟全不足恃額爾登保等僅於摺內隱約其詞未免意存瞻顧自因大功即日告竣不肯將提督大員遠行參劾殊不知藏功已近尤應賞罰嚴明即軍務完畢兵可百年不用而軍紀仍不可一日不肅何得於懈弛之員稍存姑息著查明七十五沿途如何逗留或因舊病復發行走濡遲不能趕上賊匪均屬七十五之罪即應

德壯果公年譜卷十八

五

據實參奏儻經此次訓諭之後再為容隱朕於他處訪聞得實額爾登保等俱不能辭咎矣就目前大局而論苟文明各逆本係後起之賊非起事首逆可比但勢極窮蹙猶復怙惡不悛自以勦為正辦惟剴切曉諭散其脅從更必事半功倍

同日公偕勒保又奏言查川省沿邊地方幅員遼廓一州一邑有周遭一二千里及七八百里不等到處深山老林地方文武耳目難周遂致奸究潛生易於滋事此次教匪不法蔓延數十州縣幸蒙

皇上天威各路官兵疊次殲擒醜類大功屆藏而勦散餘氛潛匿於川陝楚三省邊界尚須悉數搜除即事竣之後亦須責

成地方文武彈壓稽查但欲再添重鎮需項浩繁

國家經費有常未敢輕議似不如將營制文員因地制宜量加添改庶事不煩而功易集臣等連年帶兵往來於東北兩路察看情形酌擬章程茲與經畧額爾登保量為更定查重慶川北兩鎮所轄地方本大總兵一駐重慶一駐保甯均為扼要之地未便改移而所屬沿邊地方白巫山以至廣元絲長二千餘里距兩鎮駐紮之處較遠實有鞭長莫及之勢自應於連界陝楚地方酌量添改營汛以資控制查太平一縣為川東川北沿邊適中之地原設都司一員營分較小不足以資彈壓其所屬之城口與廣元縣屬

德壯果公年譜卷十八

五

之黃楊堡通江縣屬之竹峪關大甯縣屬之徐家壩巫山縣屬之大昌等處居萬山之中為三省毗連要路均須分設營汛聯絡聲勢應請將太平營改為太平協設副將一員駐紮城內即以太平營原有都司一員作為協標左營移駐城口安兵四百名添設協標右營守備一員隨同該協駐城防守即以太平營原設兵數作為右營兵額再於協標另設守備一員兵二百五十名分駐通江縣屬竹峪關防守又於廣元縣屬黃楊堡大甯縣屬徐家壩巫山縣屬大昌營三處各設守備一員兵各二百五十名查太平營向係川北鎮標營分今改設太平協應仍歸川北鎮統



轄其新設黃楊堡一營原係川北鎮標汛地應亦歸川北  
鎮管轄徐家壩大昌營原係夔州協汛地應歸夔州協管  
轄以上新設各營除原有都司乃舊設兵數外計添設副  
將一員守備五員所添兵額請於通省營分酌量籌撥如  
有不敷卽於各該處隨征鄉勇內擇其情願入伍者挑選  
殊批與朕旨符合  
充補每年加增經費無多而於邊界兵防益覺周密其應  
行添設千把外委等官分防營汛馬步戰守額數又各官  
俸薪等項分例現飭藩司會同三標中軍查例詳議另行  
咨部核辦至文職府廳州縣各官有地方之責現在賊氛  
初靖亦應因時變通臣勒保率同司道詳悉籌議查達州

德壯果公年譜卷十八

五

一屬爲教匪起事之地民俗刁悍撫治甚難應請以達州  
直隸州改爲府治太平縣地方遼廓爲東北沿邊適中之  
地今又設立協營應請改爲太平廳直隸同知卽以太平  
縣缺改爲府治附郭首邑新甯東鄉兩縣則仍循其舊惟  
東鄉縣屬南壩場地處通衢應添主簿一員分駐彈壓新  
改太平廳應添照磨一員作爲該廳首領所屬城口地方  
原有主簿一員今旣改縣爲廳應將主簿裁去改設經歷  
一員歸廳管轄又涪州所屬鶴遊坪近日結成一寨周圍  
四百餘里有場市四處居民數萬家距州甚遠不可無  
官彈壓應添設州同一員分駐又平武縣屬之大印山周

遭數百里民番毗接近成寨落數處尸口增至數萬距縣  
亦甚寬遠應添設主簿一員分駐又絲州金山驛地方向  
係該州舊治稱爲老州先因被水衝塌城垣於乾隆三十  
五年將羅江縣裁去卽以絲州移駐稱爲新州去年賊過  
嘉陵江時老州百姓連夜修築城垣竭力堵禦得保無虞  
現在城郭煥然城外河流近年亦已改道無慮再有水患  
該百姓等疊次呈請移復州治現經藩司議請將茂州所  
屬之保縣裁去歸併理番直隸同知管理卽以保縣一缺  
改復羅江縣絲州則仍歸舊治各照當年原設地方分撥  
管理以順輿情絲州州判仍駐豐谷井以復舊治至添設

德壯果公年譜卷十八

五

裁改文職各缺本應遵照定例裁缺抵改惟現當籌辦軍  
務善後之時未敢過於拘泥所有達州一處以州政府請  
免另裁府缺其添設太平同知查有順慶府同知事務較  
簡請歸併該府通判管理卽將順慶同知改抵太平同知  
達州旣已改府原設州同可以裁去改抵涪州州同墊江  
縣縣丞向駐高灘事務亦簡請歸併該縣管理卽將墊江  
縣縣丞改抵新設太平廳經歷太平縣城口主簿改抵東  
鄉縣主簿達州原設吏目可以改爲該府經歷麻柳場巡  
檢卽分隸首縣管理惟太平廳應設照磨一員平武縣應  
添主簿一員通省實無閒缺可裁惟有仰懇



聖恩俯念地方情形今昔不同准予添設以收實效其餘教職巡  
典等官或須另為變通現任各員如何更調學額如何定  
設及衙署俸工役食等項現飭藩臬兩司會議具詳另行  
分別奏咨辦理

硃批軍機大臣會同該部速議具奏

案軍機大臣慶柱等尋會同吏部兵部奏稱該大臣等連  
年帶兵勦辦目擊情形酌添將備兵丁係為邊防控制即  
所奏添設文職之處道府以下例不往督撫更改而地方  
情勢今昔不同亦得量為變通許其聲奏今達州為教匪  
起事之地無治甚難應請均如所奏惟州既改府合當更  
錫嘉名旋奉 俞旨依議而改達州為綏定府

二十三日

諭曰慶成奏苟文明一股與冉高姚等逆餘匪合夥約有二千餘

德壯果六年譜卷十八

五

人由金獅廟淺灘偷渡嘉陵江一節苟逆股匪本係七十五專  
勦昨據額爾登保等奏報經畧參贊俱向西截勦是明知苟逆  
一股人數較多七十五全不足恃始終徇庇是何意見又降旨  
令額爾登保等據實查參今苟逆果湊合他股餘匪偷渡嘉陵  
江西非七十五屢次遷延子賊以暇何至於此七十五著即解  
任交額爾登保德楞泰將沿途如何逗留延緩之處訊明奏請  
治罪至額爾登保德楞泰二人如尚在陝猶屬遠難兼顧今俱  
在川北稔知苟逆一股人數頓增向廣元一帶奔竄豈不慮其  
偷渡嘉陵江早為防範何以竟未籌計及此勒保係四川總督  
尤屬疎忽著額爾登保德楞泰查明賊匪偷渡之金獅廟一帶

江岸勒保如會派員在彼防守即將巡防之員嚴參辦理儘未  
經派員則專係勒保之罪亦即據實奏參慶成發摺時想尚未  
知經畧參贊俱已向西截勦現伊三人皆專注此股自無難剋  
日殲除就此蔽功兼贖前愆矜盼捷音之速至

二十五日

諭曰昨據慶成奏苟逆渡江奔竄仍係廣元地方今已竄至階州  
屬之梅子園是竟闌入甘肅境內此皆七十五玩縱之罪斷難  
解免自勦辦教匪以來徵兵籌餉已及六年近始能將各股殘  
匪逼歸川境蔽功已在旦夕詎七十五所辦苟逆一股日久遲  
延令得湊集餘匪竄入甘境以致經畧參贊所帶大兵俱向西

德壯果六年譜卷十八

五

擊又形散漫朕心深為焦慮此時甘省正當放賑之際飢民絡  
繹苟逆若復行裹脅日內或已增至三四千人亦未可定沉階  
州地方早經安堵今猝遭蹂躪百姓有一人受賊荼毒即係七  
十五縱賊殃民著即革職等因交額爾登保德楞泰長麟嚴加  
審訊如七十五任意逗留縱賊奔竄不特當按律定擬竟應加  
重處置即因從前曾經受傷患病當此勦賊萬緊之際自揣不  
能勝任何不早請經畧另換他人帶兵乃戀棧貪功貽誤軍事  
其罪亦難輕貸所有四川提督員缺著額爾登保德楞泰派員  
暫署即於應陞人員內擇其打仗奮勇而又才具明幹能膺提  
督之任者保舉數員出具考語候朕簡放至賊匪由廣元偷渡



時前慶成摺內並未提及有防守官兵在彼攔截本日長麟奏到之摺亦祇稱灑淺渡江向西奔竄可見廣元江岸竟未派員防守勒保身任川督固有應得之咎其時經畧參贊均在川北既未先事預籌而又明知七十五玩延不肯及早參奏致苟逆乘間肆擾均難辭咎現在伊二人自己帶兵入甘務當迅速截擊卽在階州境內將賊悉數殲除勉贖前愆再邀恩賚

恭錄

御製詩

望蜀吟

事將蕞賊運蹇雄師周市連層嶽方期三逆疊殲擒喜音可卜

德壯果公年譜卷十八

无

春光轉經畧參贊皆督兵趕剿李彬劉朝選忽傳猢猻西竄甘

分我兵力機又舛縱賊遷延任奔馳債轍之罪難寬免昨據慶

連日奏報苟文明一股約二千餘人驟馬甚多於十一月十二

三等日由四川廣元西竄嘉陵江已至甘省階州地方慶成已

帶兵兼程被勦長麟馳往督辦軍情等語覽奏實深憤恨此股

賊匪係提督七十五專辦今賊已竄甘而七十五杳無音信縱

賊之罪百喙難辭因命革職等因所望雙雄竭忠誠督師追剿謀猷展深惜功

虧一篲時別生枝節蘇殘喘額爾登保德楞泰皆統兵經營六

載未肅清才疎德薄增慚望蜀何日救哀黎除邪和衆

遺謨闡

二十九日 公偕額爾登保奏言臣額爾登保德楞泰於前次拜摺後

各帶官兵由嚴家壩梓潼廟馬鬣嶺分路前進探勦苟文明及各股零匪行抵平溪壩據扎克塔爾馬瑜等報稱十三日至金雞河探有一股零匪約四五百人由樟溪嶺一帶奔竄十四日率兵進抵南江分水嶺四鼓發兵該匪正在圍逼民洞前隊兵勇趕到殺斃賊匪數名該匪慌亂翻山逃遁扎克塔爾馬瑜與副都統色爾滾副將應元寬等

分投追殺殲斃七八十名生擒六十五名奪獲刀矛八十

三件餘匪由陡壁深林四散奔逃訊據獲犯供稱係姚馨

佐股匪並與張添倫股內分出百餘人合夥當將從逆日

久之李榮貴等四十七名正法其餘附近被脅之十八名

卽行釋放扎克塔爾馬瑜等仍卽緊躡賊蹤追勦前進十

六日抵沙河壩場又據探報附近之碑壩天平河一帶皆

有零匪出沒滋擾扎克塔爾復與馬瑜各帶官兵分左右

兩路探勦十七日早間扎克塔爾督率兵勇行抵木竹埡

半山適遇一股賊匪竄來扎克塔爾帶領官兵併力下壓

槍箭齊發斃賊五六十人拏獲大旗手杜心斗等十七名

訊係辛聰股匪當卽用矛戮斃帶領兵勇奮力追殺趕過

數重大山沿途斃賊四十餘名滾崖落澗者數十名該處

山勢窄狹賊匪將驟馬全行拋棄翻山奔逃遂令副將應

元寬參將吳廷剛等帶領步隊兵勇跟蹤追殺扎克塔爾

德壯果公年譜卷十八

辛



率同傅陞捫欽保等帶領馬隊從旁路順溝抄截兩路共斬獲七八十人奪獲刀矛百餘件馬騾四十餘頭匹餘匪由鐵寶寨老林竄逃又有被官兵衝散百數人向白果壩逃逸適遇馬瑜帶領官兵於碑壩西壩一帶探勦而來迎頭截殺斃賊三十餘名生擒五十四名追抵韭菜巖悉數殲盡遂將兩路所獲各犯歸併審訊將真正賊匪戴洪孝陳貴珍等六十九名分別凌遲正法其被脅未久之吳清臣等三十八名亦即釋放是晚扎克塔爾馬瑜等仍合兵一路十九日進抵下沙壩又探有賊匪三四百人屯紮丁家溝相距五十餘里是夜三更扎克塔爾率同傅陞應元

德壯果公年譜卷十八

三

寬等帶兵由芥茶壩進勦馬瑜色爾滾率同李應貴馬應國等帶兵由新寨子進勦各官兵於四更時均抵丁家溝即乘月色衝入賊屯刀砍矛戮立斃三十餘人賊匪向山後老林奔竄步隊兵勇跟入老林時已黎明於林箐內分投搜勦共計斃賊七十餘名生擒男婦八十二名餘匪百餘人向大樹壩奔竄正值臣帶領兵勇從趕場溪而來迎頭兜勦又有馬應國吳廷剛祝廷彪等跟蹤追到該匪無路逃竄匿入箐林我兵分路兜圍殲斃五十八名生擒七十四名將此股殲除淨盡遂趕抵貴門關紮營訊據所獲各犯內有偽總兵張正坤林大文大旗手周老五等供稱

係冉學勝高見奇戴四等股內節次勦散之人陸續湊合一處祇有二百餘人日間不敢行走每夜暗出摸樁先後裹脅一百餘人意欲與大股合夥即將該三犯凌遲處死并將從逆日久之周上典等八十名概行正法其餘附近被脅者即予釋放臣等連日由通南一帶分路進發原係迎勦苟文明賊匪因各零匪於附近竄擾自應先行督率勦辦現又據探報姚馨佐股匪被勦之後所贖二百餘人由彌陀寺向東奔逃幸聰股匪被勦之後所贖亦不過三百餘人由大壩向西奔逃皆於深山密箐晝伏夜行為避兵苟延之計惟探得苟文明股匪有分出六七百人向南

德壯果公年譜卷十八

三

江西南之鎮子壩龍山一帶逃竄其正股約二千餘人向西南廣元關入甯羌界內七十五現臣在緊躡追勦等業經嚴行飭催該提督并總兵田朝貴等務即趕緊截勦即不能就地撲滅亦必併力迅速攔回萬勿直令西竄並飛札知會慶成轉飭各營卡防勦官兵嚴密堵截臣德楞泰現即率領達勒精阿馬瑜等由南江沙河子木門西南一帶趕辦荷逆分股之數百人并就近督催七十五將西竄之賊上緊截回與之兩路夾擊臣額爾登保現仍率同扎克塔爾楊遇春由木竹壩保年壩一帶分兵勦洗姚馨佐辛聰及各起零匪且備苟逆股匪經各官兵逼向東來亦



正可迎頭剿辦伏查刻下賊匪情形如姚馨佐辛聰張添倫等早已潰敗零星毫無伎倆李彬率領餘匪近向東太一帶奔逃有格布舍楊芳等帶兵緊躡專剿可以即日辦完湯思蛟殘匪有勒保督率薛大烈剿辦劉朝選殘匪有賽冲阿温春等剿辦亦皆不致久延時日惟苟文明一股殊批正為此日夜焦急然與慶成等所奏不符人數尚多肆意奔逃實為可惡然當此兵多賊寡之際亦不能稍有蔓延一經七十五等截回即不難一鼓集事是刻下軍務大局已為戡定臣等謹商定應行籌辦各事奏請

德壯果公年譜卷十八

諭旨為期尚須兩旬彼時苟文明股匪縱尚未全股殄滅亦必所廢無多其各股餘氛亦定可漸次消滅臣德楞泰即當酌量情形遵殊批尚早不可欲速明春候旨旨先行北上恭伸展

觀叩謁

裕陵現在仍惟有與臣額爾登保速探賊蹤分路趕剿斷不敢存遷就完事之見以致上座

聖懷

同日公偕額爾登保又奏言臣等荷蒙委任統率師千數載以來仰仗

天威赫濯

睿訓周詳各首逆王廷詔高二高三馬五徐添德伍懷志冉學勝龍紹周高見奇等皆係兇悍渠魁緊要大股均已次第蕩平其現辦之李彬湯思蛟劉朝選苟文明等股零星奔竄不難迅就殲除前次欽奉

上諭飭令臣等通盤籌畫如何辦定大局徐撤大兵即有一二遺孽或歸入搜捕餘匪善後事宜或酌留官兵督捕或竟責成本省督撫派兵搜剿令臣等籌度情形據實具奏仰見我

皇上聖明燭照指示幾先臣等曷勝欽感茲川陝楚三省邊界既無大股賊匪大局已為戡定謹會商應辦事宜十款恭呈

德壯果公年譜卷十八

御覽

一川陝馬隊官兵除吉林索倫各留三百名於兩省暫為調用楚省亦酌留二三百名外其餘東三省官兵在楚者殊批是即由楚撤在川者由川江至襄陽起早在陝者由漢中西

安各分起撤回既示體卹亦節糜費

一將雲貴四川官兵均歸於川界搜捕餘匪俟將次肅清即將雲貴之兵由川省撤歸原伍仍酌留川省征兵於太平

以東開縣大甯交界處所派總兵一員設一大營提督統率又於通江南江廣元交界處所令本鎮總兵設一大營又於通江太平適中之地令總兵一員帶兵設營或將



軍總督在彼駐劄統率其所留兵數按通省標鎮協營官兵以四成爲率不敷分布卽以隨征鄉勇添補約計每處酌設兵勇五千名共須一萬五千名足敷搜剿其防江兵勇擬將防兵先撤鄉勇酌量留防俟搜剿官兵撤歸本營之際再一體全裁庶無他慮

一將現在川陝隨征之兩廣直隸山西山東官兵均歸陝界協同陝甘官兵搜剿俟漸次肅清卽由陝省撤回原伍惟留陝甘官兵於平利安康交界之甄坪派總兵一員設一大營將軍統率又於甯羌南鄭交界之黃官嶺派總兵一員設一大營提督統率又於西鄉固縣營派總兵一員

德莊果公年譜卷十八

美

設一大營 額爾登保在此暫劄其所留兵數甘省除西甯甯夏係緊要邊地兵宜全行撤回外督標提標肅州河州涼州五營酌留兵七千名陝省除甯陝鎮外各營兵亦以四成爲率如不敷分布亦以鄉勇添補約計每處酌設兵勇六千名共須一萬八千名足敷搜捕

一楚省現有之山東兩廣江西安徽各兵卽著由楚撤回所有陝西隨征湖南北之兵撤歸本省以襄提鄖鎮標兵在二竹設營提督管帶以督撫兩標在房縣之九道梁扇子壩一帶派總兵一員扼要設營巡撫統率以宜昌鎮標在歸巴興山一帶設營本鎮總兵管帶所派各官兵亦以

四成不敷者酌留湖南兵一二千名協同宜昌鎮標辦賊儻兵力再不敷用將就近本州縣鄉勇酌撥設營處所以資調派交吳熊光全保長麟等隨時辦理

一三省除酌設官兵搜捕外仍飭各該管道府督率委員分定段落勸諭寨堡民勇協同截剿如有斬獲卽分別給與獎賞寨洞遇有損塌隨時修葺不得疎畧總俟餘匪全淨再令居民下寨各就田廬貿易耕耘俾無驚擾

一外省官兵撤遣回營後祇留本省設防搜剿則分例自應酌減擬令官員支領鹽菜及本身馬乾銀兩裁去馱隻兵丁祇支鹽菜夫價裁去加增餘丁

德莊果公年譜卷十八

美

一各州縣寨洞存貯糧石卽供支設防官兵如搜捕稍需時日或不敷用各州縣亦無庸再運以省腳費每兵按月給子口糧鹽菜共發銀二兩七錢如陝省酌留兵勇一萬八千名合計每月連官員約需五萬有零三省安設兵勇雖多寡不一總不過十四五萬兩

一各省鄉勇除未留用者應令回籍各安生業外其餘月支鹽菜銀九錢日支米一分若不支米每月亦共給銀二兩七錢有壯健情願入伍者隨時挑補名糧如糧缺溢額卽作爲各營餘丁搜捕完竣將補給名糧者隨隊回營充當餘丁者一律歸伍隨時驗補不煩安插其不願入伍之



人仍聽回籍生理

一川楚各本境肅清後恐交界處所深山密林尚有零匪

伏匿三省兵勇應彼此聯絡會哨一二次果無餘孽始各

撤回操防

一鄉勇數年隨征多著勞績其頭人內有奉

旨賞給翎頂者除已拔弁缺無庸議外如五六品頂戴藍翎情願

入營即以把總外委補用七八品頂戴以外委額外補用

儘不願入營本省督撫查明給予執照准其照舊戴用翎

頂各回本籍其餘各勇均於遣回時酌給盤費以獎勤勞

以上各條係等公同籌商是否有當恭候

德壯果公年譜卷一八

命下之日等即敬謹遵行約計裁撤東三省勁旅歸集各路官

兵辦理尚屬需時等仍一面分撥兵勇迅掃餘氛務期

兼撤方安未敢先撤兵後撤勇之理然此意不可宣露

於官兵未行全撤之先將殘匪一律殄滅不敢稍涉草率

更不敢稍有遲延俾三省永慶

昇平仰副

皇上求莫求甯之至意

諭曰此次姚馨佐張添倫及辛聰各股餘匪竄至樟溪嶺木竹埡

等處經兵勇剿殺前後殲擒五百餘名并將零匪殲除淨盡所

辦尙好惟苟文明一股先據慶成奏該逆與冉高姚等匪會合

於本月十二日由廣元金獅灘偷渡嘉陵江續據長齡奏該逆

一股於十二日由大灘偷渡嘉陵江西竄已於十五日竄至階

州之梅子園而本日額爾登保等摺內又稱苟逆正股尙在甯

羌境內等語慶成之報係十四日發長麟之報十八日發俱已

將該逆奔竄情形探明入奏慶成摺內並稱一面報知經畧酌

派鎮將探蹤抄截乃此摺係二十一日發較遲多日早應接到

慶成咨報何以摺內所敘不但不知苟逆竄至階州並不知其

蹤淺渡江之事殊不可解且上次額爾登保等曾奏稱苟逆一

股人數較眾非併力剿辦不能集事額爾登保由東北向西逼

剿德楞泰由東南向西追擊似已分路進發而本日摺內則稱

德楞泰由南江一帶剿辦苟逆分股之賊並催七十五截賊向

德壯果公年譜卷一八

東以便夾擊亦與前奏不符以上各情著即速明白回奏至另

摺報奏遠稱大局戡定竟不免有遷就了事之見大非朕意前

此屢經降旨令額爾登保等通盤籌畫將大局戡定情形先行

奏報並諄諭以不可稍有草率今苟逆正股尙有二千餘人其

分股之賊亦有六七百人即李湯劉等股亦未全淨此時苟逆

蹤無偷渡嘉陵江之信已不得云戡定況又闖入甘省乎朕之

前諭原以湯劉李苟等逆若果悉數殲除或實已殘敗不能成

股祇贖一二零星餘匪自可將搜捕之事歸於善後辦理焉有

大股未完輒稱大局戡定豈朕即據爾等粉飾入告之詞論功

行賞勦辦教匪將及六載當此歲績有期更應加意慎重若祇



圖目前完事不為久遠之謀設使甫經撤兵餘匪潛出滋擾又須徵兵調餉非但不成事體而賊匪散而復起勦辦更難何如趁此時兵多賊少一鼓殄平為一勞永逸之計額爾登保等斷不可因年節將屆亟思以戴功喜報上慰朕心轉致功虧一簣也所奏應辦事宜朕已逐條批示惟先撤兵後撤勇則官兵歸伍之後鄉勇等未免無所鈐束殊非善策至留防兵丁搜捕需日其糧餉自應官為接濟若聽自行買用恐寨民居奇拮据兵食此應另行妥議又摺內有德楞泰酌量遵旨先行北上之語前此因德楞泰係成都將軍於軍務底定後先令來京召見慰勞即回本任以便更換額爾登保來京原指各股辦竣而言今

德世果公年譜卷十八

五

尚須會同妥辦方期經久收甯德楞泰此時惟應聽候朕旨再教匪不過內地亂民並非遠徼外夷掃穴犁庭可比即全數辦竣不值馳遞紅旗祇須用紅裏黃面之摺加緊馳奏將大功底定情形聲敘得體以便宣示中外但不得因有此旨又有輕率也

十二月初九日

公奏言竊臣帶兵前由南江向西南探賊進剿二十五日行抵木門場接據防江副將趙得功等稟報初八日探得蒼溪縣屬之永甯鋪白鶴觀壽子壩等處均有賊眾距嘉陵江岸二三十里有窺伺之勢即會同川北道李鉉蒼溪

縣王衍慶等帶領兵勇於堰溪口亭子口小站河一帶督兵巡防賊匪屯聚山梁屢次直撲河岸竟有馬賊馳至江心者均經擊斃未得搶越嗣賊又沿江而上恐其狡計折回乘間躍過李鉉等酌留兵勇在小站河防堵趙得功帶領兵勇與賊隔河並上賊遂翻山四散直至二十一日亥刻賊匪突至堰溪口搬取竹木紮筏搶渡經兵勇極力堵禦轟擊半夜始行退走轟斃賊匪四名馬騾二匹旋探該匪竄向五里子一帶仍走江岸不遠趙得功李鉉現在雙漩子大壩口分投扼據惟江岸絲長兵力單弱即批飭該將道等鎮靜小心防範是日即趕至甌子壩三更後

德世果公年譜卷十八

四

拔營行程一百四十餘里二十六日申刻抵盤龍場探得該匪已在大元山汪家河茶園子等處焚掠恐賊匪知覺狂奔將營盤紮於山坳不准各營燒放號火是夜四鼓帶兵冒雪進剿令達勒精阿馬瑜帶同侍衛法依當阿克什布總管富登阿副總管珠山副將李應貴馬應國參將馬濟張應貴遊擊涂陞由校槽口梅子灘一路進剿同色爾滾侍衛蘇爾紳總管蘇清阿協領德甯阿副將達自祥參將何君佐遊擊馬文斌德英額李應元由柏楊院陳家壩一路進剿以期左右夾擊黎明時均趕抵賊屯處所時該匪已經起竄馬步兵勇分投極力趕追直至木橋



子追上賊衆我兵奮勇勦殺立斃賊匪五六十名生擒魯學貴等一百二十一名敗殘餘匪復分兩路奔逃隨令達勒精阿馬瑜等帶領兵勇由柳溪溝一帶追剿臣督同色爾滾等由三合場老土地趕殺兩路官兵均又追至騾子槽地方該處溝深路窄賊衆擁擠不開我兵衝入賊羣刀矛齊舉又殺賊七八十名生擒侯德峻等九十三名奪獲馬騾八十七匹頭旗幟刀矛無算賊衆滾崖跌斃者不計其數復督率馬步兵勇竭力趕剿六十餘里至鍋莊坪唐家溝一帶各殺賊三四十名生擒周得友等五十三名其沿途逃散者無從悉數惟達勒精阿趕殺賊匪因山高

德壯果公年譜卷十八

望

陡險冰雪滑溜人馬滾跌下礮數丈幸有石塊擋住壓傷左膝幸不甚重仍忍痛換馬帶兵追賊兵勇內亦有陣亡及受傷者數名另行咨部辦理旋訊獲犯侯德峻供稱係嘉慶二年被擄入營充當戰手在陝西湖廣甘肅四川地方各處打仗殺人元帥張添倫見我出力封爲先鋒從前原有四五千入近被官兵追殺實祇贖四百餘人又有楊開甲手下總兵陳國柱亦帶三百餘人前至南江合營在山內各處黑夜摸樁又擄有三百餘人那時會見了苟文明同他商量分開牽綴官兵苟文明往廣元一路我等於初間走到蒼溪不能過江又商量要走廣元尋找苟文明

不想官兵追趕將我等擒獲等語周得友所供亦同隨將該二犯臠割處死其屈得宇等一百十四名均係日久戰手老賊一概正法訊出蒼溪難民曹有富李張氏等一百三十六名口卽就近寄存三會寨酌留口糧交寨長張林暫爲照料並札飭該縣王衍慶親赴該寨查明住址妥爲安撫其廣元難民王登仁王董氏等十四名口該縣葉文馥業已來營卽交伊領回查臣前奏有苟逆分出小股六七百人竄入龍山一帶者現經臣訊據獲犯卽係張添倫與陳國柱合夥黨匪除此大勦洗外張逆約賸男婦老幼不過三百餘人已由通坪三家壩鐘尖山向南江奔竄有

德壯果公年譜卷十八

望

走野人村之勢陳國柱率殘賊百餘名由旺蒼壩漢王城亦向南江逃遁臣統計全局張陳二逆餘孽無幾卽使竄逃山內諒不爲患而入甘賊匪較爲緊要總兵田朝貴現在帶兵二千餘員名在廣元山內搜剿零匪此刻業已無賊且距臣軍營不過數十里臣卽札調該總兵令其卽帶原兵勦辦張添倫等殘匪務期竭力翦除淨盡不可任意遲緩臣卽帶兵就近馳赴廣元確探苟逆情形相機辦理黨附近再有竄來餘匪仍可隨時搜捕不但可顧白水江岸亦可扼據川北再勒保帶兵折回太平後聞薛大烈所追湯思蛟股賊賽冲阿温春等所追劉朝選餘匪均屬無



幾現又竄入大甯山內臣相離日遠尙未得其來信日來或已掃擒亦未可定又遊擊唐際盛所追賊匪數百近亦由開縣遁入老山惟據雲陽縣稟報有張姓賊夥六七百人在彼遊奕無兵勦辦臣現亦札知賽冲阿温春等如劉逆已除卽就近移師雲陽勦辦張姓股賊並暫在川東一帶幫同勒保逐一搜捕勦洗臣營中尙有馬步兵勇二千餘員名無論何股賊匪足敷勦辦囑其不必急欲回營再臣欽奉

諭旨遵查現在三省各股賊匪除苟逆一股二千餘人外其餘如

湯思蛟劉朝選李彬姚馨佐辛聰張添倫唐明萬曾芝秀

德壯貞公全譜卷一八

四

王國賢等餘孽每起百餘人至五六百人不等實已敗殘狼狽自知滅亡在即悉藉老山箐林爲苟延殘喘之計若無官兵搜剿則合夥結黨出而擄掠一聞官兵臨近又復四散分逃晝伏夜出如鬼如蜮分合靡常且川陝楚邊界內外尙有零星散匪自二三十人至百餘人不等至樊人傑一犯臣前月行至太平據報該逆祇贖數百人遁匿於湖北邊界老山之內是否已被官兵及寨勇擒獲之處刻下尙未據有稟報該逆惡貫滿盈天理不容自不能倖逃法網惟此時賊蹤潛藏山內地方遼闊臣近又移師川北各州縣稟報遞送愈遠實在數目未能周知然論目下情

形除苟逆外實無成股賊衆臣約畧計算統共亦不過六七千人較之上次查覆一萬三千之數又減一半俟查明後再行詳細覆奏

同日公又奏言查現在川楚陝各股賊匪均係敗殘零星分竄惟苟文明一股人數尙多臣前在川東時因苟逆由陝折回川之太平高頭壩羊耳壩游奕其時提督七十五並無專辦之賊臣遂於十月初二日奏明將苟逆賊股專交七十五帶兵勦辦毋論竄向何處務宜窮其所向嗣復疊次咨催臣與經畧額爾登保行次南江貴門關又據報苟逆分出六七百人向西南龍山一帶奔竄正股二千餘

德壯貞公全譜卷一八

四

人向西闖入甯廣界內又經額爾登保與臣嚴行催飭臣等商酌分兵搜捕各起零匪又可以備苟逆折回或爲迎剿或爲夾擊臣卽取道由木門西進二十五日接據防江副將趙得功等稟報蒼溪屬嘉陵江岸一帶有賊匪窺伺業已會同川北道李鉉等督率兵勇屢經轟擊尙未遠颺現經分投扼據日夜嚴防臣正移營前進接據廣元縣知縣葉文馥稟有賊匪一股由會家河竄近朝天關大路梗阻十二日已至鍾子鋪直奔沙溪子河岸是夜大霧三更時分作四五起一面與防河兵勇搶渡打仗一面分出衆賊由橫梁子大灘孟蘭閣茶白灘青灘廟延長六七十里



蜂擁躡淺兵勇寡寡不敵已被搶渡過河十三日有七提督帶兵趕追十四日在甯羌安樂河趕上賊尾稍有斬獲並稱陝西慶提督亦帶兵由陽平關前往截剿查此河在廣元之東距縣一百三十餘里係嘉陵江上游之支河名畧陽河其中尙隔有黑河一道若該逆欲過川西必須經由白水渡江方能奔竄是防堵白水實爲緊要臣當卽飭總兵許文謨知府汪福將原兵帶赴白水卡隘督同原防白水之參將沈宗文嚴密防堵並飛飭松潘鎮總兵呂朝龍將備戰兵八百名調赴碧口一帶令該鎮協同許文謨等併力堵截諒可無虞查甘省階文一帶今歲秋收歉

德壯果公年譜卷十八

聖

薄現在賑卹又值冬令嚴寒冰雪交加之候該逆不但無可掠食亦難忍受饑寒揆度情形斷不能久延滋蔓又查苟文明等合夥賊匪不過二千餘人而慶成七十五兩路大兵現有萬餘兵力數倍於賊且慶成之兵現抵階州之清水係在賊之北七十五之兵現在階州之琵琶寺係在賊之西臣業已飛咨該提督等務宜併力將苟逆等賊股就地殲除否則亦當逼向東南此時額爾登保已由南江而至沔縣臣亦不日可抵廣元均可以收兩面夾擊之效設或該逆有竄白水之勢臣卽帶兵由昭化過河就近直前迎剿惟甘省久經肅清百姓皆已復業而此苟逆等復

竄該處閭閻未免又受荼毒臣實在惶悚焦急之至第刻下各路大兵雲集非如從前之調派需時可比是苟逆入甘竟是

天奪其魄自取速亡伏念

皇上盼捷告成焦勞宵旰茲大局業已戡定該逆又復入甘必致

上煩

聖慮是以臣謹將該逆不能滋蔓情形縷晰陳明請釋

塵念再查七十五專剿苟逆賊股迄今將及兩月屢經行催總未

能痛剿一次前臣同勒保經過太平縣詢知該提督追賊

至皮河鋪苟逆屯於水田坪相距不過七八十里七十五

德壯果公年譜卷十八

聖

因兵勇未曾支餉十六日回至縣城耽延六日於二十二日始行帶兵前進迨至南江四河壩接仗亦未得手該逆遂直西竄廣元所屬之沙溪子一帶躡淺搶渡所有防河不力之文武俟臣抵廣元查明另行參奏外其提督七十五素日打仗雖屬勇往當此功屆垂成之際並不竭力趕緊剿辦致苟逆又復竄甘未免稍需時日七十五玩誤之咎實無可辭惟臣與七十五同在京營當差現又同事川省臣雖膺參贊重任然將軍提督均爲大員是以未敢定擬然又不敢以私情稍事回護瞻徇再臣適接據駐劄廣元之副將永甯知府德福等稟報苟文明賊股已被慶提



督七提督由甘省截回於十一月二十八日午後自甯羌

燕子河折竄河東七提督緊躡賊蹤二十九日該逆已奔

至廣元之鍾子鋪等情此次苟逆折回川境仰賴

殊批叩感 天恩之至天威所致誠為蕙事預兆 臣不勝欣抃之至查鍾子鋪在廣元縣

北距城二百餘里 臣於初一日拜摺後趕至黃土坡在縣

之東亦相距鍾子鋪二百餘里初二日即取道天仙坪會

家河前進該逆若由原路折竄正可與七十五兩面夾擊

一鼓集事如或另竄他路 臣督同七十五等併力掃除冀

以仰紓

聖廕此次七十五將苟逆賊股迅速截回未令滋蔓甘省亦未遭

德壯果公年譜卷十八

望

其蹂躪該提督深知愧憤極為奮勉可否仰邀

格外鴻慈出自

皇上天恩

諭曰前據德楞泰奏報帶兵剿辦苟逆分出股匪今閱摺內所奏

情形前此苟逆西竄甯羌一帶其小股六七百人係張添倫與

陳國柱合夥餘黨並非苟逆一股分出之賊經德楞泰沿途督

剿共計殲擒賊匪四百五六十人所辦尚好現在德楞泰就近

馳赴廣元確探苟逆蹤跡相機迎擊自應如此辦理其餘李彬

湯思蛟劉朝選及張添倫陳國柱殘匪俱應乘勝及早殲除德

楞泰派令賽冲阿温春等分投剿辦自可得力但伊等向來隨

同德楞泰帶兵剿賊固屬奮勇今德楞泰已至廣元賽冲阿等

各自領兵無人督率或不免鬆懈德楞泰當上緊飭催刻期辦

竣不可因年節已近稍有耽延與其在軍營度歲如何趕緊嚴

事奏凱還朝同膺懋賞乎此事辦理已閱六年被害之良民以

及陣亡官弁兵勇曷可勝計若再遲延冤憤何從伸洩成何事

體朕咎益重矣即勒保一路亦須一體嚴催勿任遲緩至不回

護七十五玩誤實屬公正可嘉苟逆截回乃慶成之功七十五

仍是無功有罪德楞泰應將七十五革職學問秉公嚴審

十一日

諭曰額爾登保奏苟文明一股經慶成等在甘省截回折竄陽平

德壯果公年譜卷十八

四

關仍入廣元地方與前日德楞泰長麟先後所奏相同現在額

爾登保已抵廣元之茅壩地方而德楞泰亦由廣元之真武官

探蹤截剿又有慶成帶兵繞擊其七十五原帶之兵已派豐紳

接管苟逆一股有此數路大兵前後夾擊無難一鼓殲擒彼時

李彬湯劉等股自應一律辦竣至湖北邊界尚有會芝秀戴家

營股匪並聞樊人傑亦在其內該處賊匪約計共有千餘人楚

省官兵逼剿緊急或逃入該處老林豈不復致稽延額爾登保

當於此時即派員弁前往確探若楚省邊界賊已殲除固屬甚

善否則德楞泰於苟文明一股辦竣後竟須前赴川楚交界將

會戴等逆迅速殄除此時大局全定德楞泰即可由楚省先行



來京額爾登保仍在川陝適中之地暫駐督辦一切此時除苟逆大股外其餘各股零匪均屬無多總須於年內年外將李彬湯劉曾戴等股賊匪趕緊剿辦縱各首逆未能一時全獲必須將賊夥大加殲戮不復成股其餘零星散竄之賊每股祇贖數十人或百餘人合計不過千數實在敗殘窮蹙可以歸入剿捕餘匪善後事宜內辦理方可將戡定大局情形加緊馳奏朕卽當明降諭旨宣示中外立沛重恩但不可稍有草率更不可再有延緩

十四日

公奏言竊臣前抵廣元黃土坡知苟逆等賊股由甯羌燕

德壯果公年譜卷十八

兇

子河折回河東已入四川廣元之鍾子鋪一帶臣卽趕緊前進嗣探該逆由原路竄來臣卽改道板橋子入山迎剿初二日兵至鍾家溝據報賊衆由曾家河母家壩而來正可迎頭截剿初二日四鼓臣督率色爾滾馬瑜等帶領兵勇由賀家院進發黎明抵槽子溝賊匪已自李子園東來我兵正在溝底競上逆衆遙見卽占踞王家壩極高山梁頭二層崖上各有賊衆數百人依恃陡險冰凌溜滑抵死抗拒二層崖上之賊卽憑高擲石槍箭並發兵勇奮力仰攻數次未能搶上總管富登阿帶領索倫兵五十餘名棄馬步行競上射死賊匪十餘名帶傷者不計其數我兵卽

搶上二層崖衝入賊羣攪殺一處立斃賊匪二十餘名賊

始退上頭層崖併力抗拒荊州防禦阿卜當阿射倒一賊

猝被旁賊矛傷陣亡時王家壩山頂之賊見官兵已上二

層崖一齊下壓勢極兇猛馬瑜等帶領兵勇由左邊迎剿

色爾滾等帶領索倫官兵步行由右邊旁抄兩路槍箭如

雨臣催令競進賊見官兵勢猛不敢再壓惟恃地險冰滑

力拒不退守備陳應彪首先搶上受傷陣亡臣見王家壩

山勢險峻冰雪凝滑兩旁均係陡礮無路可繞惟左邊樹

木叢雜若鑽林越箐爬上數人可以直至頭層崖之後臣

卽令吉林藍翎領催巴圖爾前鋒德齡披甲德林保惠德

德壯果公年譜卷十八

五

四人各帶鳥槍短衣結束攀藤附葛繞至頭層崖側藏於

山凹臣親見連次槍斃賊匪十七名賊匪始行慌亂右一

路色爾滾帶領侍衛蘇爾神總管富登阿蘇清阿副總管

珠山佐領達什左一路馬瑜帶領副將達自祥參將張應

貴馬濟遊擊馬文斌余陞中一路副將李應貴馬應國參

將何君佐遊擊李應元守備龍必達右一路三路官兵一

齊趁勢上搶王家壩賊衆又復下壓與我兵攪殺一處短

兵相接立殺斃賊匪四十餘名索倫藍翎披甲克星額受

傷陣亡時山後又有賊來接應臣卽在二層崖上用礮轟

擊兵勇無不憤恨槍箭刀矛一齊舉發又殺賊二十餘名



受傷賊匪百餘名生擒十八名賊方敗走我兵搶占山頂  
臣復督同將弁兵勇趕追二十餘里沿途殺賊三十餘名  
 生擒十一名直至黑山老林時已天晚卽有該處洞民陳  
 有才飛奔馬前稟稱賊匪男婦小口先已走張壩去了今  
 有許多戰手埋伏在老林內兩邊我在洞子看甚真確等  
臣語復令哨探無異隨賞給陳有才大銀牌一面查黑山  
 形勢係直脊一道山梁林深箐密水堅雪凝暮夜深林實  
 為徒勞無濟我兵卽於王家壩屯駐臣查苟文明等賊股  
殊批俱係七十五號誤之罪男婦大小現在約有三千餘人馬騾四五百匹各逆衣帽  
 整齊者實多其中亦有烏槍弓箭撒袋殊堪詫異而其兇

德壯與公年譜卷十八

至

悍情形尤為可惡該逆素為狡猾茲又糾合張士龍餘黨  
 及各股老賊遺孽均係敗殘亡命之徒當此功屆垂成萬  
 不可令其稍占便宜臣已諭令各營將領等每逢勦殺時  
 進退務當留意斷不可以輕視隨訊活賊謝美觀等供稱  
 苟文明與藍號張士龍餘黨合夥又在通江南江一帶遇  
 見各股打散之數百人亦來併合前過廣元李家壩地方  
 又偷破大寨一處擄有七八百人得衣服槍箭什物頗多  
 今回廣元要到蒼溪過江現有大兵緊追恐不敢前去營  
 裏連婦女小口有二千餘人騾馬幾百匹今日帶傷者有  
 二百餘人聽元帥等說白蓮教劫數已完遲早總是一死

等語餘無要供當將謝美觀等三十九名一概正法又查  
 蒼溪閬中一帶嘉陵大江現在冬令水涸灘淺而臣帶兵  
 緊躡趕勦賊匪萬難搶過然亦不可不為嚴防現已飛飭  
 總兵許文謨川北道李鉉副將王威甯知府德福等將上  
 游白水一帶防兵酌量抽撥添設於蒼閬沿江各卡日夜  
 嚴密防堵後有追兵使賊腹背受敵斷不敢直前搶渡旋  
 探苟逆是日屯紮張壩有出大石板元壩子之勢臣於初  
 四日起至李子坪沿途逃出陝甘難民譚廷禮等十七名  
 該逆於二更拔營由元壩子出大路向東南卽至真武宮  
 約行一百四五十里初五日臣趕抵尖山場沿途又有逃

德壯與公年譜卷十八

至

出陝甘難民李先福李周氏等三十七名口相距賊匪六  
 十餘里該逆探知官兵已到又於二更時竄往蒼廣南三  
 交界之三匯寺初六日臣趕至旺蒼壩又有逃出難民陳  
 殿魁王陸氏等二十一名口臣俱已訊明給票就近護送  
 廣元縣令其按名遞送各原籍妥為安插此次陣亡官二  
 員兵二名受槍矛箭石傷者滿漢官弁十一員名兵勇六  
 十餘名均不甚重現俱隨營征勦容俟查明另行咨部隨  
 接據總兵田朝貴稟報前准臣飛札飭知接勦張添倫及  
 楊開甲餘匪當卽帶兵跟蹤進發初二日黎明行至平梁  
 溝時值賊匪起營田朝貴派令參將張明德守備鍾廷孝



等帶領兵勇由左手翻火焰寨向關門子追剿沿途殺賊五十餘名生擒賊六十餘名令遊擊王忠桂和欽等由右手苗家山神壇溪一帶追剿殺賊八十餘名生擒三十餘名田朝貴督率參將李芝榮都司馬見廷守備劉金元等由中路土門子太平坡等處趕剿殺賊六十餘名擒賊一百十餘名奪獲長矛旗幟六十餘件騾馬四十八匹三路獲犯共計二百二十四名內訊出偽先鋒秦念台探馬頭吳倖陞王先並旗手三名及老戰手王子朝等一百二十六名立即正法其新擄難民鮑順福邢陸氏等九十二名口交地方官按名分別給票照例妥為遞送回籍

德壯果公年譜卷十八

三

諭曰此次苟文明等匪竟敢搶占山梁併力抗拒官兵僅殲賊一百餘名未能得手總由七十五在太平耽延時日致該逆得在李家壩地方攻破大寨擄掠七八百人並衣服槍箭等物其寨中百姓遭賊慘殺者更不知凡幾此皆七十五縱賊殃民之罪德楞泰不日即可與額爾登保會合當遵照前降諭旨嚴審定擬具奏所有此次打仗首先棄馬步行射死賊匪十餘名之富登阿可嘉之至著以應陞之缺陞用守備陳應彪於賊恃險力拒首先搶上受傷陣亡甚屬可惜著加等照都司例賜卹防禦阿卜當阿等亦俱咨部議卹

十七日奉

旨賞給福字一張並大小荷包銀錢銀鏢等件

十九日

公偕額爾登保奏言查苟逆股匪由李子園母家壩一帶竄去恐其入陝臣額爾登保遂由茅壩探蹤兜剿前進初六日抵元壩子知臣德楞泰於賀家院等處與賊接仗後賊匪向東南竄去遂即由百丈關旺蒼壩進發初八日抵通坪與臣德楞泰會合同抵木門據探報該匪竄往元灘子有由巴州至通江之勢聞臣等兩路兵來又復兼程疾追臣額爾登保率同扎克塔爾等由左路進剿臣德楞泰率同達勒精阿等由右手進剿並令劉建標羅思舉帶領

德壯果公年譜卷十八

三

弁兵千餘名跟追該匪或左竄或右竄均可迎頭奮擊至楊遇春一路官兵距賊匪不遠日內即可接仗又田朝貴帶領官兵初五日於二洞橋薛家坪遇賊接仗殲斃賊五十餘名生擒三十餘名該匪竄向龍鳳壩老林田朝貴追過三重大山沿途斃賊四十餘名生擒六十五名當將獲犯分別辦理內有李四海供稱老掌櫃張添倫身受槍傷不能行走匿於箐林內生死未定田朝貴已派兵尋覓是否屬實尚未報到至格布舍楊芳等所剿李彬股匪各路趕追斃賊百餘人擒偽總兵何多獻苟文壁偽先鋒徐紹誠何明文旗手張子明羅朋袁學賢劉宗朝等一百三十



六名獲刀矛一百餘件李彬率領殘匪無多遁向流水溝老林何多獻等八名以及從賊日久之賊匪六十四名概行凌遲正法被脅未久之鍾邦遠等七十三名就近安插其薛大烈等所辦湯思蛟股匪近據稟報已與劉朝選合夥薛大烈與賽沖阿等由太平渡口場進發協力勦辦再據陝省安康等縣稟稱十一月中旬有川境零匪數百人竄至安康西南茨蓬溝滋擾穆克登布帶領俊烈進剿從九品王世林率寨勇堵擊獲賊二三百人馬騾數十匹餘匪四散竄至紫陽又經汪啟帶領兵勇截勦殺賊三十餘名生擒十六名餘匪竄入西鄉該處有總兵胡定泰帶

德壯果公年譜卷十八

謹

兵防勦定可殲除惟苟文明人數較多頗形猾惡等惟有併力速辦再禁人傑一犯前與苟逆分夥帶領百餘人在開縣大甯以東依附別股零匪等已飭地方卡隘探蹤勦捕不日將苟逆辦定後即分兵前往不致漏網

諭曰額爾登保德楞泰未能趕上賊匪痛加殲戮惟在通坪地方會審七十五耽延時日假令此數日內苟文明股匪因無大兵追躡奔逃蔓延豈不予賊以暇現在苟文明一股勢覺張此即耽延所致經畧參贊為帶兵大員之首聲威素著所帶兵勇又屢次得勝最稱趨健務在南江通江巴州一帶將苟逆股匪掃除淨盡斷不可令入川東北竄陝界而嘉陵江尤為緊要更

不可任其前竄必須趕正月內將此股辦完肅清川境勿再遲延

同日公偕額爾登保又奏言竊等疊奉

諭旨令將七十五革職嚴審初四日額爾登保抵廣元之李家壩值七十五帶兵追賊前來相距不遠遂將該提督調至軍營當加管押隨營前進初八日行抵寬坪會同德楞泰嚴審據稱勦辦苟逆以來惟在太平疏通道路支發兵餉兵丁等製辦衣履暫劄六日其餘皆逐日追勦惟因南廣一帶山大林深未能得手後該匪向西狂竄實無別徑可以抄截祇得跟蹤緊追於階州地界連次接仗將賊截

德壯果公年譜卷十八

奏

回未敢稍有逗留惟專辦苟逆股匪未能及早殲除致竄甘境上煩

聖心罪無可道等供等查七十五如果有意逗留縱賊肆竄軍律具在

聖明固不能曲法施仁即等亦斷不敢以功屆垂成稍有容隱會專差員弁密行查察並令將七十五每日師行處所一一查報茲據報到情形與七十五所供符合是其咎祇係辦理遲延不能遏賊他竄且從前出師曾經帶傷十五處昨因賊入甘境日夜逼發兩次接仗將賊截回雖功過不足相抵而情節亦有可原其所帶兵勇聞獲咎拏問多



有痛哭流涕者可見平日尙得軍心可否量從未減俾令帶兵自效之處出自

皇上逾格鴻慈

諭曰額爾登保等奏稱七十五追剿苟逆一股因南廣山大林深未能得手其太平耽延六日係因整頓兵力與無故逗留者有間且從前出師曾受傷十五處彼時若有一處傷重卽致陣亡此次拏問之時兵勇等痛哭流涕尙得衆心著免其正法作爲兵丁留營俾在前敵效力贖罪以觀後效所有保列堪勝提督之任四員考語相等但豐紳曾經加賞提督職銜而七十五一路官兵現在又交伊管帶四川提督卽著補授當知倍加感奮

勉圖奏績

又

諭曰額爾登保德楞泰查明前此賊匪偷渡之金獅廟地方係專派都司郭攀龍防守雖因賊衆兵單其不能先事嚴密之罪無可寬貸著革職作爲兵丁留營效力其餘文武各員防守之處相距較遠未能兼顧著加恩免其查議

二十一日

公偕勒保奏言竊照建昌道石作瑞丁艱開缺例應請

旨簡放惟查川省尙有候補道劉清一員該員在川年久歷著循聲嘉慶四年由州縣陞授建昌道嗣因賊過潼河防守不

力經參革以知縣降補本年在川北管領鄉勇防堵屢著勞績會蒙開復原官茲建昌員缺可否卽以劉清補授用

昭激勸

諭曰劉清在川省有年聲名素好經朕擢至道員嗣再添元股匪由太和鎮地方竄過潼河劉清係屬總巡疎於防範但彼時曾經請將貴州兵丁留於潼河防堵魁倫不從賊遂得以乘間偷渡亦非劉清漫無籌畫所致該員自降補後屢著勞績開復原官茲有道缺自應先儘補授劉清著特補建昌道以示獎勵

三十日

公偕額爾登保奏言查苟逆股匪由巴州竄入通江境內

十一二等日臣額爾登保率同扎克塔爾豐紳等由大河

口城隍廟一帶緊顧北面前進臣德楞泰率同馬瑜達克

精阿武隆阿等由元灘子青岡渡一帶緊顧西南而進該

匪知兩路大兵併力兜剿亡命狂奔臣等帶兵趨程冒雪

進發日行一百三四十里不等臣額爾登保於十三日晚

間追抵通江之煙溪是日賊匪竄至楊家坪欲由瓦石鋪

向北竄入西鄉因聞北面有大兵截剿遂連夜折竄龍鳳

岬十四日臣德楞泰由巴州之土壩壩兼程探剿晚間趕

抵九子坡探知賊匪竄過龍鳳岬於劉家壩橫山子等處

屯劄相距六十餘里遂於三更時發兵天明馳抵瓦山溪



賊匪尙未起竄惟該匪屯割之劉家壩係在木耳巖半山  
冰雪陡滑我兵若由瓦山溪直進係屬仰攻且有深溝之  
隔恐難得手臣德楞泰遂分兵兩路令馬瑜率同遊擊蕭  
太和沈文同羅思舉等帶領步隊兵勇由左手繞上山梁  
進擊又令副都統銜色爾滾武隆阿侍衛蘇爾紳總管富  
登阿協領德甯阿副將李應貴馬應國參將馬濟遊擊馬  
文斌余陞等帶領馬步兵勇由趙家河直上山梁進攻臣  
德楞泰督率侍衛克什布副將達自祥參將何君佐遊擊  
珠勒亨等相機而進賊匪見我軍上山仰攻膽敢糾眾下  
壓我軍槍礮齊發立斃賊匪十餘名賊匪亡命抵拒相持

德壯果公全譜卷十八

完

半時之久適馬瑜等帶兵從左路繞上山梁向賊後壓下  
賊匪慌亂色爾滾武隆阿等即乘勢搶上橫山子兩路兵  
勇衝入賊羣攪殺一處賊股內有頭戴翎頂一人往來督  
陣勢甚兇悍色爾滾躍馬直前挽弓欲射被該匪持矛戳  
傷左肋墜馬滾巖祇傷皮膚幸不甚重兵丁李貴奮力上  
前將該匪戳斃賊勢潰敗經我兵殺斃二百餘名生擒何  
倖修等一百三十四名餘賊向大深溝逃遁臣德楞泰仍  
令馬瑜克什布武隆阿等帶兵躡蹤追勦並令達自祥羅  
思舉等帶領步隊由小路抄截色爾滾仍換馬追殺兩路  
官兵又殺賊二百七十八人生擒冉大曾田仕得等三百

十七名該匪分股由煎茶坪黃鐘鋪草壩場一帶逃遁共  
計殺賊五百八十九名生擒四百三十餘人滾崖跌斃及  
逃散者甚多奪獲旗幟槍矛二百餘件騾馬二百餘頭匹  
我軍祇傷亡弁兵數人遂將兵丁李貴所殺頭戴翎頂之  
賊令獲犯雷順安等指認據稱係新元帥苟朝獻乃苟文  
明胞姪向日充當先鋒在賊夥中主謀管事今封為元帥  
苟文明自稱為老掌櫃等語又於殺斃賊匪內認出苟文  
明堂弟苟文舉生擒賊犯內認出偽先鋒景仕朝旗手雷  
春發等三名臣德楞泰當飭將景仕朝等凌遲處死所獲  
各犯內訊明被脅未久者一百八十九名均予釋放其餘

德壯果公全譜卷十八

完

多係戰手概行正法是日臣額爾登保由洪口至亂石子  
聞臣德楞泰一路官兵已獲勝仗賊匪竄向黃鐘鋪仍恐  
其北出竹峪關遂連夜由竹峪關亭子廟官壩一帶迎勦  
賊匪知北面又有兵來復由石人壩仙女寨走馬坪折向  
東南而遁臣額爾登保即帶兵由太平趙家壩舊縣壩一  
帶顧住東面探蹤抄截賊匪現由沙壩場出樊曾店渡口  
巖向南逃竄該匪經此番勦殺兇鋒大挫所存已不過千  
數百人亡命疾走更不敢稍有停留據獲犯供稱該匪自  
甘境折回之後原要由太平西鄉入陝因北面有兵疊次  
攔截現欲由開縣大甯入楚等語查刻下勒保於開縣一



帶督勦賊匪賽沖阿溫春帶兵在大甯寶塔一帶薛大烈  
在小坪溪明通井一帶因湯劉股匪所贖無多於冰雪深  
山中潛蹤逃匿各路官兵皆在東面設法勦捕臣已知會  
勒保督兵向溫湯井一路探聽苟逆竄蹤相機遏截並飭  
知薛大烈於雞鳴寺明通井等處截勦杜其入老林東竄  
之路臣德楞泰連日緊躡賊蹤追勦臣額爾登保又派令  
總兵豐紳分帶官兵二千餘名由紅巖子渡口嚴緊顧東  
面協同臣德楞泰併力進勦惟因東面一帶大兵雲集西  
面甚屬空虛恐該匪乘間折向西趨臣額爾登保現已親  
率扎克塔爾等由固軍壩官渡黃金口一帶進發以備該  
匪折向西來即可迎頭截殺有此數路大兵合力趕辦自  
不致稍有蔓延約計旬日之間必可就地殲洗臣等俟將  
此股賊匪辦完即察探各股餘氛以次掃滅

德壯果公年譜卷十八

三

諭曰此次苟文明股匪由巴州竄入通江境內額爾登保德楞泰  
分路兼程進勦賊匪屯紮木耳巖德楞泰分兵進攻賊匪仍敢  
恃險抗拒我兵奮勇衝入賊羣攪殺共計斬獲賊匪一千餘人  
並殲斃苟文明之姪偽元帥苟朝獻苟文明之弟苟文舉及偽  
先鋒旗手等大挫賊鋒額爾登保探聞德楞泰一路已得勝仗  
恐賊匪北竄竹峪關即帶兵迎截賊匪知北面又有大兵不敢  
竄陝折向東南逃遁所辦尚好本日正屆歲除得此捷音歲功

已在旦夕額爾登保德楞泰著加恩各賞四喜玉牌撥指玉鼻  
煙壺大小荷包用迓新禧速成大功永承恩眷副都統銜色爾  
滾乘賊匪慌亂搶上山梁欲射頭戴翎頂之賊致該匪持矛戮  
傷墜馬仍換馬追殺實屬奮勇著賞大小荷包如續有出力之  
處再行保奏兵丁李貴見色爾滾墜馬奮力上前將該匪戮斃  
色爾滾得以無恙其所斃之賊即係偽元帥苟朝獻尤為超眾  
出力著即超補千總以示獎勵

德壯果公年譜卷十八

三



德壯果公年譜卷十九

次孫花沙納恭纂

嘉慶七年壬戌

公五十八歲

正月十一日

公奏言臣前在巴州之劉家壩木耳巖等處痛剿苟文明賊股該逆被剿畏懼宵夜狂奔日行一百三四十里總欲竄遁入山苟延殘喘臣督率色爾滾武隆阿馬瑜等緊蹙跟追不予以暇沿途日有擒獲二十二日我兵趕抵漆樹溝探報另有一股賊匪數百由茅坪竄來現屯榨井壩一

德壯果公年譜卷十九

帶臣即令色爾滾等帶領馬步兵勇分路追擊乘霧飛馳至關口坪見有賊匪二三百人在彼我兵傍山突出直前剿殺賊眾登時潰散立斃賊匪五六十名生擒夏有文等四十七名惟把總袁斌趕追殺賊猝被矛傷陣亡餘匪向亮埡子東竄又遇額爾登保派來協剿苟逆之豐紳等帶兵自桑樹坪抄來迎頭截殺又斃賊二十餘名餘匪爬山越箐四散竄逃復令色爾滾等趕緊搜捕又拿獲郝通等十三名訊據供各獲犯俱係王山餘匪前被官兵剿散共有一二百餘人並無頭目在內當即分別辦理臣仍督兵趕辦苟逆二十三日至楊柳池探報苟逆已入開縣之馬家

營老箐竄走姚成壩現屯關廟山一帶派有戰手數百人

圍攻姚成寨糧臺勢極危迫查姚成壩關廟山等處山高

路仄刻下冬令冰雪愈大馬力更難施展當即飛派副將

李應貴遊擊李應元蒲佑盛都司汪漢等挑帶步隊趨捷

兵勇一千餘名連夜星馳前往救援該匪遙見官兵即行

先遁我兵乘勢趕追殺賊三十餘名生擒黃祿等十一名

逆眾向黎兒壩一帶東遁旋據解到獲犯黃祿等訊據供

稱苟文明自官兵將元帥苟朝獻總兵苟文舉等殺死無

人管事打仗商量逃進老山可以躲避官兵若官兵追進

山來我們就由老林內雞鳴寺或火山繞出大甯竄往湖

德壯果公年譜卷十九

北等語查雞鳴寺火山等處俱係老山箐林該處北走即太平之城口高觀寺東通百里荒蕪墩在在可入陝境若出大甯之新田壩桐油壩又可直竄入楚正籌計間又據總兵薛大烈等稟稱奉額爾登保飭令帶兵前赴雞鳴寺貓兒梁扼據東面老山之路苟逆知該處已有官兵迎截折回黎兒壩並訊得逃出難民供稱苟逆又要出雲陽走陽橋二壩過湖廣去臣以該逆既有出雲陽之供則必由寒水壩向東出陽橋二壩恐一路跟追不但前無堵截我軍實難期其迅速與其前隊涉險受其牽綴莫若分兵前後兜剿較為得力臣即飭令薛大烈等帶兵協同李應貴



等緊跟尾躡臣遂由榨井壩譚家壩趕緊趨行二十八日  
已至大甯之朝陽洞業已抄出賊之東面扼截設該逆竄  
出加當灣臣即就近由奉節之紅池壩入山抄出大甯之  
桐油壩仍可截其東奔入楚之路如該逆希圖竄陝額爾  
登保現已移師由大竹河城等處搜剿零匪兼顧陝境  
即可備剿苟文明折竄毋論竄陝入楚務期根株盡絕迅  
速蕩平以期戡定大局上紓

聖廕臣頃又接賽沖阿温春等來信自大甯桃木灣安葛山殲  
劉朝選股匪極多擒獲活賊內有湯思蛟之妻傅氏偽總  
兵李氏係王三槐之妻並探馬頭張陞李自臣黃漢義等

德壯果公年譜卷一九

三

三名因首逆先逃由開縣之長流水連日跟追疊有斬獲  
餘匪情急撲過東鄉前河奔上山梁遙見賊後已有官兵  
截殺自上壓下係馬元由漁溪溝跟剿韓彭垵之賊追趕  
前來兩面夾擊立斃賊二百餘名殊甚好生擒六十餘名餘匪無  
幾從旁竄去賽沖阿等復督兵力追至黎兒垵該匪又與  
彼處屯踞零匪一百餘人合夥向大秧田亮垵子逃去我  
兵直追至黃昏計行已一百八十里勢難再進查出殲  
殺偽總兵胡斌楊大才二名因獲犯人多未能細訊已就  
近解交東鄉縣訊明分別辦理二十一日探知劉逆在新  
甯潘家槽一帶兩路官兵趕上分投痛剿餘匪窮極四散

潛匿分兵於山溝密林內搜捕又殺賊無算訊據獲犯供  
稱劉朝選情急祇帶十餘人先逃賽沖阿等恐其遠颺連  
夜分兵巡邏擊獲十三名內有庾向瑤之子庾選正賊眾  
稱爲少師傅詢以劉逆下落亦稱各不相顧現在分兵五  
路搜捕並飛札各州縣飭寨洞嚴緊盤擊日內或已擒除  
亦未可定臣又飛飭各州縣一體搜捕矣俟劉逆一股剿  
淨賽沖阿等即應回營但臣前准額爾登保來信李彬餘  
匪祇有百餘人苟文明路過洪口時已與合夥進山將豐  
紳等所帶兵勇二千餘員名撥歸臣路兵力儘敷剿辦惟  
東太雲開沿江一帶時有零匪出沒晝伏夜見四散摸樁

德壯果公年譜卷一九

四

雖臣帶兵東行原可隨時搜捕無如兵來賊去兵去賊來  
勢難久駐窮搜遂致苟逆遠遁現已札致賽沖阿等令將  
劉逆辦完即在開縣之何家壩榨金壩一帶逐處搜捕零  
匪茲復接據薛大烈等稟報苟逆自姚成壩山內又折向  
秀才口至黎兒壩與先竄在彼之唐大信王世虎各餘黨  
共六七百人合夥已北向青灣子奔逃臣思此時賊匪如  
果合併正好聚而殲除即就近取道大甯之紅池壩入山  
自東而北相機截剿以期與薛大烈等夾擊掃擒  
諭曰德楞泰奏剿捕苟逆情形所辦甚好該逆一股經官兵節次  
剿殺賊數已不滿二千但尙能派出戰手數百人圍攻姚成寨



糧臺設官兵馳救稍緩竟被攻破勢必裹脅寨民搶劫糧石贏馬勢又鴟張不可忽視此股著專交德楞額泰剿辦務當嚴飭薛大烈等緊躡前進以期兩面夾擊一鼓殲除至賽冲阿追剿劉朝選一股該逆至新甯地方祇帶十餘人潛逃自不值以大兵專剿或委員弁搜捕或徑交地方官查拏首逆就獲仍係賽冲阿等剿辦之功惟東太雲開一帶摸樁餘匪若不速行剿淨該匪乘間裹脅必致聚成大股總當就地廓除無留餘孽所有陣亡之把總袁斌著咨部賜卹

十四日

諭曰勒保摺內所稱賽冲阿等剿辦劉逆疊獲勝仗該逆僅帶十

德壯果公年譜卷十九

五

餘人敗竄一節已據德楞額奏過此時賽冲阿等正四路搜查劉逆蹤跡因接德楞額奏咨文即帶兵向大甯一帶進發其薛大烈一路連日在大甯太平山內探剿賊匪又經額爾登保調赴雞鳴寺一帶在經略參贊自因苟逆一股賊數較多最為緊要是以調往協剿殊不思苟逆從前亦不過零星奔竄之賊伊等視為無關緊要以致該逆乘間裹脅遂成大股現在劉逆雖僅十餘人窮竄其在大甯太平山內藏匿之賊亦屬無多但將賽冲阿薛大烈等紛紛調去無人專辦安知其不又別滋勾結迨苟逆辦竣而該匪賊數增多豈不復來一苟逆乎目前功屆垂成豈可任其散而復聚總當遇賊即剿餘黨悉除則首逆自覺

正不必專注渠魁也

十七日

公奏言 臣 昨因總兵薛大烈副將李應貴等帶兵在姚成壩關廟山趕剿苟文明賊匪該匪向青灣子奔逃 臣 取道紅池壩入山自東而北向湯家壩過其東竄入楚之路恐該逆狂竄直奔入楚即帶兵趕行初一日入山抵紅池壩初二日至木盤坪地方接據薛大烈等稟報探得苟逆由開縣之雙河口鐘鼓溪竄走帶兵連日趕追二十九日該逆冒雪折向偏坡嶺有走雪泡山之勢薛大烈與副都統銜達斯呼爾岱副將李應貴張績等籌商分兵三路兜剿

德壯果公年譜卷十九

六

達斯呼爾岱遊擊晉之連都司馬成林羅英等帶領馬步官兵設伏於雙河口以截賊匪折竄之路李應貴遊擊李應元蒲佑盛等帶領兵勇從左手而進抄出賊前以截雪泡山之路副將張績參將羅聲皋遊擊胡定邦張拱辰等帶領兵勇由右手而進薛大烈帶兵由中路相機策應迨兵抵青灣子趕上賊尾有守後戰手數百人一見官兵即據險抗拒我兵奮勇直前槍箭齊發立殺七八十名時李應貴等帶兵抄出夾擊又殺賊四五十名拏獲活賊張順等六十五名賊遂折向偏坡嶺遁逃我兵追趕至炕香巖路窄雪深賊匪擁擠不開兵勇刀砍矛戳痛加剿殺又斃



賊百餘有滾巖而死者有奪路自相戮殺者驟馬滾巖及  
截死者無數官兵乘勝窮追賊匪惟知狂奔並不拒敵沿  
途又復殺賊二百餘人殊批好生擒李相義等九十三名將賊衝  
為三起一起三百餘人向十里坪前竄一起七八百人走  
小圍城朝陽坪而逃一起百餘人向西流溪遁逸薛大烈  
等復分投追襲各路又共殺賊六七十名生擒劉學文等  
五十九名各匪連夜冒雪奔竄計此次共殺賊五百餘名殊批好  
生擒二百餘名奪獲賊旗刀矛馬驟無數獲犯內訊出旗  
手曹應功周山珍等二名查訊苟逆下落均稱該逆聽見  
官兵殺來先行逃走不知何往又有張維吉等八名訊係

德壯果公年譜卷十九

七

李彬股匪被官兵勦散零星附入或稱李彬在內或稱自  
行潛逃詰之曹應功等供詞亦屬游移是皆係頑梗不化  
老賊概行正法旋據各路探報該逆賊眾是夜俱竄至香  
蕘灣聚集將驟馬盡行宰殺分割其內各自背負裹帶向  
黃柏廠貝母池老山遁逃沿途樹林內復有賊匪自縊死  
者四十餘人等語查黃柏廠貝母池老山叢密勢極險峻  
絲長數百里絕無人煙冬令冰雪愈大馬匹萬難行走故  
該逆被窮極盡宰馬驟以為乾糧冀圖苟延殘喘該處  
西北通太平縣屬之新開場濛濛溪又通雞鳴寺薛大烈  
等酌派兵勇尾追親帶馬步兵勇由寒水溪走太平之雞

鳴寺響坪抄出菜子壩紅花梁一帶迎頭截剿如該逆竄  
出夾山壩臣業已督率達勒精阿色爾滾武隆阿豐紳馬  
瑜蘇爾紳等帶兵趕至東面以截住入楚之路設或北走  
陝境經略額爾登保現由大竹河城口前進亦可就近探  
剿刻下苟逆勢已衰殘故冒雪遁入黃柏廠老山連日大  
雪未止天氣嚴寒山中百姓均歸洞寨不能擄掠且三面  
俱有兵力兜截正是天奪其魄使之自投絕地仰仗

德壯果公年譜卷十九

八

天威一經兜剿即可掃除淨盡初三日臣帶兵行至大甯屬之加  
當灣又接准賽沖阿溫春等來信前在新甯潘家槽剿殺  
劉朝選賊股因該首逆祇同十餘人潛藏分兵徧行搜捕  
二十四日在老鴉沖搜獲賊匪姚成志等五名內有虜文  
正一犯係廣向瑤長子訊稱與劉朝選同行至涼風埡地  
方我暫躲在草窩裏他不知何往二十五日又搜獲賊匪  
余宗貴等二名亦稱各自逃生不知劉逆去向均已正法  
所有附近百里內外山林巖溝連日徧搜無影賽沖阿溫  
春蒲尙佐等以全股賊眾搜剿已盡惟首逆劉朝選一犯  
在逃不值以大兵搜捕被其牽綴臣查該逆祇同二賊在  
新甯梁山界上之涼風埡潛逃即飛飭梁山新甯二縣並  
附近之達州東鄉大竹萬縣開縣速派幹練差役壯勇協  
同各鄉團於所屬境內深山窮谷之中鄉場市鎮逐處嚴



密搜擊如能將該首逆搜捕獲者立即奏請

恩慈獎勵儻敢視為海捕具文一經別處擊獲究出由何縣潛匿

竄逸定將該縣查參並札飭總理知府趙秉淵遵照辦理

臣隨又飛移賽冲阿等即帶兵先由開縣之温湯井至馬

家營一帶搜捕零匪囑其留意焚人傑等首逆下落該逆

勢窮力竭不能隻身逃遁又不能聚集多人或附其內苟

延殘喘亦未可定並令其探明苟逆賊蹤儻由姚成壩原

路折竄又可迎頭截剿與薛大烈等收兩面夾擊之效

緊顧東面現在帶兵由湯家壩後坪一帶進剿此次打仗

並無陣亡帶傷兵勇事機極為順暢至苟文明賊股係

奏明專交七十五剿辦緣其時在川楚界上分路趕辦

龍紹周大股賊眾正當喫緊之際兵力不能兼顧不料七

十五不能痛剿遂致該逆輾轉奔竄入甘七十五固有應

得之罪亦難辭咎當即專函額爾登保囑其與

奏請議罪茲准額爾登保咨來奏稿並札覆業已單銜具

奏愈切悚惶相應請

旨將一併交部嚴加議處

諭曰此次苟逆由開縣之雙河口一帶奔竄德楞泰即催令薛大

烈等分三路兜剿冒雪進兵先後共殺賊五百餘名生擒二百

餘名賊勢潰敗辦理甚好著賞給德楞泰玉大吉四喜葫蘆牌

玉喜字搬指大小荷包至薛大烈達斯呼爾岱李應貴張續相

機追捕伊四人奮勇可嘉俟辦理苟逆一股完竣即奏明再加

恩獎又劉朝選一股在新甯潘家槽地方潛藏賽冲阿等於山

林巖溝連日搜捕雖未能將首逆生擒而全股賊眾業已殲洗

無遺所辦尙好賽冲阿温春蒲尙佐著加恩交部議敘並發去

玉搬指大小荷包小刀鼻煙壺各十件交德楞泰賞給帶兵出

力將弁其打仗兵勇均衝寒冒雪晝夜奔馳情形辛苦著發去

一兩重銀牌二百面五錢重銀牌二百面交德楞泰分賞軍營

出力兵勇以示鼓勵此時苟逆股匪被剿緊急勢已殘敗據稱

賊匪遁入黃柏廠老山自縊死者四十餘人苟逆或即在其內

亦未可定即該逆尙延殘喘然已自投絕地無食可掠又有二

面兵力兜截正是極好機會自無難立就擒縛德楞泰務當督

飭將弁奮力加緊剿辦斷不可再任他竄致稽顯戮統俟捷音

馳到共膺懋賞至奏因七十五辦賊遲延自請嚴議德楞泰身

為參贊自應奏請但七十五業經加恩革為兵丁此次德楞泰

追剿苟逆調度有方戴功在即所有自請嚴議之處著加恩寬

免

二十五日

公奏言查各股賊匪均被各路官兵剿敗自知罪大惡

極不敢投出自首惟百計希圖延喘因思巫大雲奉各州

德壯果六年譜卷十九

九

德壯果六年譜卷十九

十

續修四庫全書 史部 傳記類



縣濱臨大江未獲各首逆及老教賊目賊匪見勢已瓦解萬無生理難保其不改名換姓三五散行假扮各色人民乘間渡過南岸免脫逃生關係甚重臣當即飛飭沿江各州縣文武於渡江要津商賈船隻往來嚴密稽查盤詰萬勿稍生疎懈致令賊匪混過其奉節巫山大甯水陸運道及摺報文移因賊匪狡詐莫測畫則不持長矛身藏短刀假扮客民或充探信兵勇往來負販人等並洞寨居民猝難分別每被擄掠夜則四出摸樁遂致道路不通間亦受其累若不設法剿除淨盡勢恐日久人數日增如各著名首逆久無下落者或在其內又復糾合成股則剿辦費

德壯果公年譜卷十九

十一

手而於大局更有關礙此時賊勢情形實與從前迥異川東空虛無兵賊匪零星滋蔓運道梗阻且苟逆輾轉奔逃總欲牽掣官兵乘間入楚臣一面另為設法剿除零匪又可兼顧東面與額爾登保遙為聲勢况苟逆現已狼狽薛大烈達斯呼爾岱等帶領兵勇五千餘名跟追入山已獲大勝兵威又壯若臣大隊相機而進亦斷無以一萬數千兵勇前後追剿此千餘殘孽而置楚省邊界各匪不顧之理且有經略督兵正在西北該逆斷不致有蔓延臣現又嚴飭薛大烈等務將此股賊匪趕緊掃除不可稍涉觀望如將苟逆殲擒就近卽解送經略大營查辦奏報又查近

來賊勢衰殘皆不成股數故總向無兵處所遁逃川東川北各洞寨雖有團勇時能截殺究不能賴以集事而各逆每聞大兵將到又皆瓦解四散無影無蹤臣現擬由楚境交界之八石坪自東而西分派將佐視賊之多寡酌帶兵勇分為多路每路中以數十人在前引誘或扮團勇或扮行旅或為難民或充零匪或附於洞寨或藏於林壑改裝易服使賊匪驟見莫辨庶能到處殲除設遇湖北賊眾或苟逆竟又東來臣均可併集兵力隨時剿辦如此變通籌酌於剿捕可期迅速若仍以大隊兵馬搜捕我兵未到之先賊匪聞風遠颺晝夜趕追兵疲馬乏受其牽掣更為遲

德壯果公年譜卷十九

十二

滯現在巫大奉雲零匪實多而又無兵剿辦臣權其輕重實有不得不為之顧及者因卽於初十日由一盃泉取道徐家壩前進至總兵田朝貴并候補道劉清勦辦張添倫等股匪疊獲勝仗諒已就近稟報經略現聞該總兵已由吳姚二壩有向南江之勢臣亦卽札飭田朝貴務宜趕緊剿除再近據川東川北各州縣稟報洞寨團勇於零匪竄過時有殺賊三五名至二十餘名不等團勇中亦有陣亡受傷者是辦理團勇事宜已有成效臣均已隨時飭遵前定賞格令各州縣逐一賞勵撫卹造冊彙報又接到賽冲阿温春等來信已帶兵至開縣馬家營一帶搜剿其時該



處業已無賊嗣據雲陽奉節稟報均有賊匪竄擾當即就近帶兵前進途次探報勒保督同總兵張志林追剿一股賊匪六七百名由萬縣竄來恐其東逃即前往協剿現在賊已西竄仍即緊躡前進如苟逆南來自當先行迎截頃又接額爾登保來信在西鄉一帶剿辦李彬賊匪業將西北扼住查苟逆業已殘敗又有大兵跟追斷不敢竄陝臣現將川東零匪趕緊剿盡不但糧運無阻江岸無虞而楚界亦可肅清仍隨時確探苟逆賊蹤以冀速行殄滅

德壯果公年譜卷十九

三

諭曰德楞泰現因賊匪假扮各色民人乘間偷竊另為設法視賊多寡酌派兵勇分路引誘使賊驟見莫辨冀得到處殲除此等機宜祇期於剿捕有益德楞泰可隨時酌辦朕亦不為遙制總之川東零匪專交德楞泰就近剿辦斷不可任其竄入楚境務於春內一律掃除不拘何股辦竣即速馳奏不必俟川東全數肅清始行奏報也

同日公又奏言臣承軍機處知照六年十二月十七日由內賞出福字一張藍瓣花大荷包一對小荷包二對銀錢銀鏢各二箇共貯一匣臣即敬謹祇領望

闕謝

恩訖臣勦辦教匪迄今六載時當歲臘又未能迅即蕩平仰紆宵旰勤勞犬馬微忱無時不切惶悚荷蒙

優容格外異數頻頒厚澤深仁有加無已茲當首祚喜來天上之福星願仗吉祥立掃邊陲之妖孽下懷欣感慶叶戎行現在川東賊匪零星散漫臣設法勦洗並探苟逆賊蹤以期迅速戡定斷不敢以年節稍為鬆勁亦不敢以草率致留後患惟有殫盡血誠仰報

主恩於萬一耳

硃批勉益加勉迅速成功不可遲滯

德壯果公年譜卷十九

四

二月初一日

公奏言臣前抵大甯屬之通城擬即帶兵自東而西旋據各路稟報自湖北長峰竄來王曾戴等賊股二千餘人於十二月二十九日由火峰界嶺回楚又有一股賊匪千餘人係白號張姓為首於正月初九日由火峰界嶺折回巴東又黃白藍三號餘匪七八百人不知賊目姓名十二日由巫山之龍泉寺一帶亦竄火峰界嶺吉林泰孫清元帶兵跟追已過湖北尚有一二百及二三百者兩小股在巫山之三溪河龍村一帶游奕又有一股賊匪約千餘人在巫山三匯鋪王家槽一帶屯紮屢窺縣城臣即取道觀音



崖木瓜溪十八日趕抵西風埡賊知官兵到來先已東竄  
三溪河我兵又卽抄出高家營值賊匪正自西來兜頭迎  
截當殺賊四十餘名生擒彭世祥等三十七名口趕至巴  
東之兩河口突見一股賊匪千餘人在兩河口左面山坳  
圍攻洞寨我兵趕至山下見洞門豎立賊旗二桿該洞民  
一見官兵齊喊救命臣恐係賊計詭譎卽將兵勇暫紮細  
看情形實係百姓被困正當危急之際我兵自應先行解  
救免其荼毒臣卽令豐紳帶同總管富登阿副將張良槐  
等爲一路副都統達勒精阿總兵馬瑜等爲一路副都統  
銜色爾滾武隆阿等爲一路臣帶領侍衛克什布巴哈布  
副將達自祥等正在分布督飭間賊衆竟敢恃險下壓三  
路將弁兵勇競進仰攻槍箭齊發復用大礮指定轟擊立  
斃賊匪三十餘名生擒項朝富等十七名賊卽搶上山頂  
參將馬濟帶領弁兵首先搶上賊倚恃險推滾亂石搏  
擊如雨馬濟並千總萬士發把總石華貴戴應鼇均被石  
傷陣亡副將鄭啟貴奮不顧身率領貴州官兵冒石競進  
搶上山頂衝入賊隊連射二賊該匪愈聚愈衆鏖戰一處  
鄭啟貴挽弓不及卽奪獲賊矛力敵身受石傷二處矛傷  
一處幸不甚重富登阿帶領索倫官兵步行繼上亂箭齊  
發連射賊匪十餘名應弦而倒將鄭啟貴救出味批好惟把總王

德壯果公年譜卷十九

五

占鼇朱之必外委楊正坤桂天元同時陣亡豐紳達勒精  
阿等箭枝射已殆盡又殺賊味批好一百四五十名生擒王世貴  
等三十四名帶傷賊匪甚多賊衆始敗向北逃臣復督率  
兵勇趕追二十餘里翻過石埡子大山沿途又殺賊十餘  
名生擒陳益德等二十三名天氣已黑卽行紮營旋探該  
逆已向興山之毛龍寨奔逃查毛龍寨一帶係從前徐添  
德等所屯之地四面俱係箐林直通豐玉坪非走九道梁  
卽奔房縣當訊獲犯項朝富等供稱此股賊匪是陳朝觀  
二子爲首不知名字去年陳朝觀在陝西被官兵殺散逃  
走不知生死祇贖二百餘人與曾芝秀合夥後復因口角  
分開躲到興山巴東巫山山內摸樁破過幾處洞寨今湊  
有一千餘人將張家洞圍住三日不想官兵殺來等語復  
令於獲犯內指出偽先鋒徐得茂旗手李發並戰手陳益  
德等四十三名概行嚮割梟示其餘被裹未久難民王世  
貴楊王氏等就近送交巫山縣省釋安插其彭士祥等三  
十七名口亦卽訊明分別辦理是夜據哨探回稟三溪河  
之賊由巴東兩河口折回巫山之龍村一帶距巫山縣城  
八九十里又據逃出難民吳貴供稱此股賊匪係老黃號  
並黃白藍青等號都是官兵打散零賊合夥並無元帥內  
有陳宋沈三人爲首每起不過三五十人或百餘人總在

德壯果公年譜卷十九

六



興山巴東巫山內擄掠今聚有一千餘人探得巫山縣城兵少想要破城聞官兵來乘夜往湖北逃走不料官兵迎面殺來纔又轉到龍村等語查臣去冬督兵遠在川北楚境賊情毫無見聞昨抵大甯時臣即移咨吳熊光全保長齡等將楚省近來剿辦賊股及賊匪現在何處賊數多寡各情形詳細移知至今尚未見覆現在查核與巴巫山界上賊匪數股約計共有四五百人其二竹房縣等處有無賊匪刻下未能周知臣應即帶兵過楚剿辦第巫山濱臨大江城內兵備空虛勒保現督同賽沖阿溫春張志林等在梁萬一帶剿賊達州東鄉又有零匪肆竄勢難兼顧

德壯果公年譜卷十九

七

此時雲陽奉節大甯巫山水陸運道難通若不就近將此股賊匪掃除徑行督兵入楚不免有顧此失彼之虞若分兵剿辦臣除撥賽沖阿及薛大烈兩路兵勇外存營之兵並豐紳帶來兵勇共計不過五千餘員名其勢再難分撥至藍號陳朝觀餘匪非北竄九道梁上竈則走房縣探聞全保長齡現督兵在房縣之獅子崖堵剿臣已飛咨全保長齡探明截擊並飛札飭查孫清元吉林泰等所追係何股賊匪現向何處逃竄將一切剿辦情形詳晰具報以便酌辦臣即於十九日移師西來二十二日趕抵巫山之琴樂坪探報折竄各號餘匪仍回龍村三匯鋪王家槽一帶

相距巫山縣城六七十里及八九十里不等臣擬即分路進剿務期即行肅清再行督兵過楚其田朝貴所追張魏賊股近據川北道李鉉稟報該總兵於十二月二十九日在蒼溪白鶴觀等處剿賊小有失利恐賊勢又復鳴張江岸緊要懇請撥兵協剿查田朝貴所帶貴州山西官兵及鄉勇等不足二千未能痛加剿殺該匪總在蒼溪一帶游奕而江岸實關緊要臣查額爾登保一路兵勇除派撥楊遇春帶赴江北外所贖兵勇恐難抽撥當即札商勒保如梁萬之賊無幾張志林一人足資辦理即令賽沖阿等帶領原兵馳赴蒼溪廣元一帶督同田朝貴併力剿辦張魏

德壯果公年譜卷十九

六

賊匪則江岸亦可無虞諭曰德楞泰一路在巫山兩河口等處所殲零匪不過百數十名及三四十名不等而與巴巫山等處股匪竟有四五千人在彼屯聚勒保一路張志林等分剿之賊殲擒五百餘人而摺內稱奉節大甯等處均有賊匪或自楚省竄來或自老林竄出時出時沒往來滋擾是賊數又復增多辦理轉行棘手朕心深為憤懣德楞泰係成都將軍勒保係該省總督俱在川辦賊有年非初到者可比所有賊匪往來熟徑及藏匿處所總在川境之內自應深悉乃毫無知覺而賊匪狡獪異常冬則憩息山內夏則潛出肆竄以逸待勞官兵轉為牽綴豈伊等於用兵主客之勢



亦憤然不知耶看來老林伏匿之賊尙恐不止此數卽擒斬一  
二首逆而賊中又有號稱爲首者如陳朝觀之二子素未聞有  
是人今忽湊成一股勢甚猖獗以此而推則李彬湯思蛟等或  
亦在他處勾結餘燼復熾皆未可知目下情形竟是另起爐竈  
豈非前功盡棄耶經略額爾登保昨因苟逆竄回川北由伊撤  
回防江兵勇所致已革去伯爵雙眼花翎降爲一等男德楞泰  
勒保可不引以爲戒所有川東之賊著責成德楞泰迅速辦竣  
再往楚境其梁山新甯一帶剿贖餘匪著責成勒保及賽冲阿  
二人督率搜剿勿得再有遲延致干重咎副將鄭啟貴總管富  
登阿俱屬奮勇著存記俟再有出力之處奏明加恩其陣亡之

德壯果公年譜卷十九

九

參將馬濟千總萬士發把總石華貴等俱著賜卹

初七日

諭曰現在王曾樊陳崔胡等逆四散分竄盡往巴東邊界長齡本  
帶兵前往該處督同孫清元勦辦全保又與德昌王懋賞取道  
興山前往巴東會剿而德楞泰又帶領大兵將入巫山境內雖  
巫巴一帶賊股較多而兩處兵力不爲不厚合之鄉勇不下數  
萬豈啻十倍於賊且德楞泰善於用兵聲威素著全保長齡俱  
係年輕勇往孫清元德昌等向來打仗亦尙奮勉務當趁賊匪  
竄集併力截剿爲一鼓殲擒之計斷不可令其深入楚境總當  
儘此二三月內將與巴一帶竄匪一律剿淨毋得再有延宕

十二日

公奏言查老黃號并黃白青藍五號賊匪共有千餘人在  
巫山附近之龍村三匯鋪王家槽一帶屯住二十四日五  
鼓臣由琴樂坪分兵進剿令豐紳色爾滾武隆阿等帶領  
馬步兵勇由火峰界領過其東折楚境之路臣督率達勒  
精阿馬瑜等帶領兵勇直趨三匯鋪已刻趕到距該逆知  
官兵分路兜剿先已起營向漢平鋪西逃臣卽督兵趕追  
直至八十餘里之馬壩口山梁殺賊十餘名各逆遂紛紛  
四散爬山逃遁當卽分投搜捕拏獲二十三名訊有被擄  
難民曾志才等九名戰手周太來等十四名均卽分別辦

德壯果公年譜卷十九

十

理旋探該逆連夜向綠水天池前竄日行百數十里我兵  
連日緊追二十八日趕至奉節縣屬之草塘河探知賊匪  
散屯於張家村一帶臣當卽鼓勵兵勇乘夜直撲賊營豐  
紳色爾滾武隆阿等帶兵前行臣督率達勒精阿馬瑜等  
隨後策應五更時趕抵張家村各逆皆係占居民房東零  
西散我兵略爲整頓黑暗中吶喊直衝賊衆登時驚潰亂  
奔官兵扼住兩頭路口勦殺立斃賊八九十名生擒帶傷  
賊匪劉聲遠等四十五名餘匪連夜逃竄天明後兵勇於  
樹林山溝內搜獲賊匪寶福生等十一名訊據該犯供稱  
係老黃號與黃白青藍五號被官兵打散零星湊有一千



一百餘人並無元帥是陳自得為首本係青號探馬頭今帶領多人想過湖北不想被官兵截住等語內有難民謝發先等二十八名當即照例省釋餘皆戰手一概正法該逆向無路處翻越大山由青蓮河哨樓東坪壩北竄希圖東折入楚隨又分兵抄出天池扼住賊頭該逆又被截回屯紮李家壩臣分股兜剿總不予以暇二十七日又趕至馬堖口探有另起零匪六七十人伏匿老林即派參將張應貴等帶兵入林搜捕臣仍即督兵前進是晚據張應貴等稟報殺賊呈繳耳記二十七副拏獲范星元等七名訊係各股零賊亦無首逆均即梟首訖二十九日該逆又由

德壯果公年譜卷十九

三

龍泉寺西走兵至大堰塘據該處洞民稟稱山梁樹林內現有零賊三四十人晝藏夜出四處摸樁當令遊擊馬文斌等帶兵二百名同洞民前往該匪始猶抗拒被兵勇刀矛亂殺立斃十一名拏獲曹子興等二十六名祇有賊匪二名跳崖逃去訊係藍號陳朝觀餘匪初二日酉刻兵至大甯楊溪河探得陳自得等向在水口一帶先令達勒精阿色爾滾武隆阿等帶領馬步兵勇星夜進剿臣督率馬瑜等於四更後繼進初三日黎明始抵水口賊眾業已起行達勒精阿等飛馳趕追至楊家溝地方賊眾正在紛紛躡過溪河經馬隊飛馳趕上槍箭齊發斃賊六七十名生

擒沈立本等十三名乘勝趕剿由劉家壩老鴉溪翻過寶子大山又殺賊十餘名生擒章維樑等九名餘匪連夜向奉節之七星壩乾溪口西竄訊據沈立本等供稱陳逆原要逃過湖北連日被官兵截剿祇有五六百人要進山躲避等語訊明均係老賊一概斬訖臣查陳逆等五號殘匪輾轉狂奔於巫奉大甯深山之中連次追剿計先後擒戮不過三百餘人其中附近難民有陸續逃出歸家者亦有來營請票者故現祇贖五六百人臣西竄雲陽一帶惟楚省賊勢昨據孫清元等稟報打仗情形內稱樊人傑同樊二井王曾崔胡戴四等匪連次追剿未能東竄已逼入興

德壯果公年譜卷十九

三

房一帶山內且查川東現在零匪實多若注意首逆而置零匪於不顧日久必成大患臣惟有一面趕剿陳自得等賊匪並先將川東各處零匪搜剿淨盡一面俟楚省續有來信臨期酌量辦理其田朝貴剿辦張添倫賊股臣前已札商勒保令襄沖阿溫春帶兵前往茲已令遊擊羅思舉等帶領鄉勇一千數百名協同剿辦頃接額爾登保來信亦已派副將蕭福祿帶兵由通南前進是田朝貴一路刻下兵力壯盛所贖賊匪數百名定可迅速掃除其苟文明賊股薛大烈達斯呼爾岱等跟剿入陝額爾登保現又親督官兵由西鄉扼住西北前進並札飭各路鎮將等探蹤



分投兜剿該逆祇有一千餘人數路官兵雲集即日自能了結而李辛二逆又已先後生擒是川陝邊界指日可以肅清而川東邊界亦可次第洗淨至勒保與賽冲阿温春等會合後現在梁萬一帶剿辦零匪屢次擒斬頗多是腹地不日亦已廓清卽有一二首逆在逃或無多零匪均可入於善後事宜分兵辦理

諭曰此次德楞泰在巫山一帶剿辦五號賊匪前後殲擒不過三百餘人卽賊首陳自得亦祇係青號探馬頭並非著名首逆是德楞泰在彼僅屬剿捕餘匪前據奏賊匪增至四五千入正深焦急今摺內稱川東剿辦之賊不過五六百人則德楞泰前奏未免張大其詞此時五號賊匪向西逃竄若官兵徒事尾追於事何益德楞泰務當熟籌設法或分頭攔截以逸待勞或收扮鄉民使賊猝不及防得以乘機痛剿總期迅卽掃除不可令竄入楚境設該匪逸入川北或與張添倫合夥亦須分派將弁併力會剿德楞泰總應在川東督辦切勿捨而他往現在勒保已赴新梁所有川東零匪及陳自得等專交德楞泰辦理

十九日

公奏言竊臣前由巫山之馬埡口將陳逆五號合夥賊匪分路兜剿該逆輾轉於巫山奉節大甯山中疊被擒斬祇存五六百人始向七星壩乾溪口連夜西逃臣卽分兵西

德壯果公年譜卷十九

三

追令豐紳武隆阿等帶兵由北面之上高坪過其入山之路臣督同達勒精阿色爾滾馬瑜等躡蹤前進該逆畏懼軍威不分晝夜不由正路總向大山茂林翻越希圖繞進老山均被官兵截住初六日未刻臣趕至大崖屋地方探得該逆因在公坪掠食相距不遠臣卽督同達勒精阿色爾滾馬瑜等帶領兵勇飛馳而進翻上山梁見各逆在彼炊爨逆眾遙見官兵直下山梁吶喊先逃馬隊疾驅追至四五里始及其尾槍箭齊發立斃賊五六十名生擒謝國材等十六名仍復力追二十餘里沿途殺賊二三十名生擒葛時茂等七名餘匪向北海壩西遁天色已晚未便再

德壯果公年譜卷十九

三

進訊明謝國材五名卽係本地被擄居民其餘均係戰手一概正法初七日豐紳等帶兵至椿樹灣地方據該處寨民鄭發先等報稱有零匪七八人在此一帶擄掠瞥見官兵到來已進林內躲藏豐紳與武隆阿將兵勇分爲數路進林搜剿該匪四散奔逃經兵勇趕殺斃賊三十餘名生擒徐達先等十七名當經訊係老賊立卽梟示初八日午刻抵東綠壩探報右手白蠟槽謝家溝有西來零匪六十餘人臣當令豐紳馬瑜等分帶步兵前往搜捕旋據呈繳耳級二十七副活賊彭繼祖等二十一名餘匪向雲陽之蘭溪逸去訊係白號打散餘匪欲尋另股合夥俱係從



賊日久殺人放火者當即斬訖嗣探陳逆等知官兵竭力窮追日行七八十里捨命狂奔由高陽過河向梁山萬縣西逃又探得有自開縣竄來零匪二百餘人已入奉節境內又據夔州府及巫山縣文武稟報巴東巫山交界江邊之萬流一帶有賊匪一起又巫山之竹筴堡石羅溪地方另有一起賊匪藏匿又巴東之大花巖亦有賊匪一起各逆時或逼近江岸時或進山擄掠往來總在巴巫之間已嚴飭文武密為隄防等情臣查陳自得五號餘匪雖擒剿無幾而被我兵追截沿途逃散者實多故現在祇贖三百餘人已向萬縣西竄勒保養沖阿業於初五日會合後帶

德壯果公年譜卷十九

兵由開縣一帶東來探剿臣再四思維現在賊勢實與從前迥異若臣即西進窮追縱令該逆奔逃愈速自可趕辦剿除然而巴巫界上又形空虛儻各逆聚而成股逼臨江岸日久無兵剿辦所關尤為重大是以臣遂即東折巫山一帶迎剿陳逆股匪亦可就近探剿湖北各逆並寄知勒保等凡有東來之賊臣均可兼顧儻賊匪西去勒保等即當隨時迎剿是臣扼據其東勒保等遊兵於雲萬之間又極為聯絡庶兵馬不致徒勞於事實為有裨臣即於初九日由雲陽之磁坪取道巫夔東下沿途復分派將弁四五路各帶兵勇二三百名改裝換形隨處徧山搜捕臣亦督

率豐紳達勒精阿色爾滾武隆阿馬瑜等由中心壩自北面江岸之東洋子龍洞王家梁朱家三壩一帶搜剿於十一日兵抵夔州府之下關城連日分兵搜捕每日獲賊數名或十數名不等均係正賊隨時辦理

諭曰德楞泰既往巫山一帶所有川東各股零匪即責成專剿固不得令其竄往川北尤不可使之闖入楚境至摺內稱巴東巫山等處又有三起賊匪或逼近江岸或進山擄掠已飭文武密為隄防等語此三起賊匪究有幾百幾千並未敘明殊屬含混並著查明具奏前已降旨將川楚陝竄匪交額爾登保德楞泰勒保吳熊光等分界剿辦以專責成今四川一省又分為兩路

德壯果公年譜卷十九

川東令德楞泰督剿川北令勒保督剿分派兵力各辦各賊不必兼顧俟一處辦竣後再以得勝兵力彼此幫辦更易蔽事目下川省賊數無多尤不值以大隊官兵跟蹤追躡德楞泰係成都將軍勒保係四川總督惟當各擇一適中要隘地方駐劄以逸待勞督率剿辦庶官兵不致奔走疲乏再賊匪屢經招撫而投出者甚屬寥寥人情莫不愛生惡死何賊匪轉欲自蹈死地殊不可解其中或有別情德楞泰勒保不妨據實密奏

二十日

諭曰德楞泰現辦川東之賊原不責令帶兵赴楚督同籌辦但王曾等股或因被勒緊急復思乘間逃入川省德楞泰務當預派



鎮將前往迎頭截剿與楚省官兵兩面夾擊以期一鼓殲淨斷不可任其深入川東地界致干咎戾

二十五日

諭曰據額爾登保奏此次擒獲首逆李彬等係屬劉清之功已另降旨加恩前會諭令各督撫責成地方文武員弁遇賊匪在境內竄匿隨時認真搜緝分別勸懲今四川道員劉清所帶祇係鄉勇並無官兵能將首逆李彬及辛文擒獲得邀獎賞可見地方官果能認真團勇實力偵捕竄匪自無從漏網地方官皆當以劉清為法如能獲賊立功朕必從優陞賞現在川省新勇有從賊隊中投出之人如陝省亦有從賊中投出者果能幫同出力亦當一體加恩著額爾登保德楞額保等通飭地方文武共知感奮齊心滅賊並將新勇投出效力一體加恩之處徧行曉諭俾賊黨聞之爭先投出於剿撫更為有益

德壯果公年譜卷十九

三

二十七日

公奏言臣前由奉節之下關城督兵前赴巫山於十二日移師東進沿途仍分兵逐處搜捕途次天池正在駐營間接據巫山縣文武飛稟昨夜二更時有東來一股賊匪數百人在江東背羅灘菜子壩一帶滋擾逼近城垣現在督率兵勇施放槍礮轟擊共斃賊十四名賊始稍退尙未遠臣查天池距巫山六十餘里傳令兵勇於二更後即發

兵前進次日辰刻抵巫邑據城守都司袁陞侯署知縣徐士林面稟賊匪黎明時業向王家槽東竄臣即督率豐紳達勒精阿色爾滾武隆阿馬瑜等帶領侍衛將領兵勇過江東背小河向東疾追趕至三匯鋪地方追及賊尾馬步兵勇極力趕剿殺賊八九十名生擒倪金等二十三名訊稱白號張元帥零匪各處湊合有七八百人探知巫山城內兵少由十二峰南山裏出來不想被槍礮打回等語餘無要供均係戰手一概斬訖旋探該逆折向西北之東坪壩逃竄十四日仍督兵趕追至鴉鵲水又殺賊四五十名擒獲毛尙德等十八名餘匪直過巴霧河北逃迨我兵過

德壯果公年譜卷十九

三

河該逆連夜由巴霧河之上游三十里又過河東向牯牛窰觀音崖東竄非走琴樂坪即奔木瓜溪均距界嶺不過數十里臣原欲將川東邊界零匪剿淨或截令向西以清東界若再尾追該逆勢必愈奔愈速深入楚疆又據探報巴東萬流等處尙有賊匪兩起而巫山南山十二峰一帶亦有零匪臣再四思維必須設法由水路繞過界嶺直趨巴東之萬流地方上岸自東而西兜截是以一面飭令在巫山辦理團勇之知府方積周景福協同該縣趕辦船隻即一面將兵勇撤回暫駐巫山城外之校場壩嗣探該逆知官兵撤回尙游弈於琴樂坪一帶十六日據該縣稟報



就近已辦得大小船百餘隻核計足數二千兵勇裝載之  
味北好  
 用 臣 令豐紳色爾滾武隆阿督同侍衛蘇爾紳明喜等帶  
 領馬步兵勇二千餘員名由巫山登舟順流而下 臣 督率  
 達勒精阿馬瑜等並巫山營都司袁陞侯典史彭震帶領  
 馬步兵勇二千餘員名由王家槽向南山十二峰前進十  
 七日午後豐紳色爾滾等抵萬流上岸齊隊即進是晚趕  
 至巴東之馬家村探得張逆尚未翻過界嶺該處山內另  
 有兩起賊匪一股先於十五日向興山之羅坪北竄尚有  
 一股餘匪四五百人屯踞乾溝一帶山內已督兵自東而  
 西就近搜剿截次日趕至大小水口滴水巖地方官兵

德壯果公年譜卷十九

三

突出直前剿殺立斃賊六七十名生擒章國才等四十九  
 名查訊係龔姓帶領線字號餘匪並無著名首逆內有附  
 近難民謝廷文等二十一名即行省釋其餘賊匪均即正  
 法餘匪不敢東逃遂另走大荒口西竄而白號張逆見線  
 號賊匪被剿西折亦由原路過巴霧河逃遁 臣 兵抵王家  
 槽查南山十二峰一帶均係零星散賊占住民房 臣 即將  
 大營暫屯王家槽派令將領率同兵勇等改裝易服分路  
 到處搜捕由水田壩牛家槽向家院子徐家溝直至七星  
 鋪仙女鋪十二峰之下其中有十數人二三十人一處者  
 有五六十人成羣者各路兵勇分投搜捕次日共繳耳記

六十三副活賊曹樹德等四十七名奪獲馬騾牛驢刀矛  
 甚多訊出本處土匪趙華廷等八名均係勾通賊匪擄掠  
 之徒其餘均係積慣賊匪隨即一併正法餘匪向水口西  
 逃此時界嶺內外及北岸南山內均已味北好全行搜淨又查南  
 山十二峰一帶原為完善之地向有洞寨而洞多寨少未  
 能一律堅固各逆遁藏其中至今始行肅清 臣 現飭袁陞  
 侯彭震乘此兵威即令居民將糧石等項或運南岸或搬  
 城內曉諭團集義勇互相守助以絕逆賊占踞之心並飭  
 知方積周景福安速查催日內諒可辦就豐紳色爾滾武  
 隆阿等連日又將木瓜溪琴樂坪龍村一帶搜捕淨盡十

德壯果公年譜卷十九

三

九日帶兵前來會合 臣 即令豐紳等仍帶原兵二千餘員  
 名緊躡賊蹤西追 臣 亦帶兵勇二千餘員名擬即取道楊  
 溪河前赴大甯辦張子聰並苟樊二逆餘匪且聞總兵  
 田朝貴等所追張魏一股餘匪已奔開縣馬家營有東竄  
 之勢 臣 北趨大甯隨時確探亦可就近迎剿設或楚匪被  
 截入川而巫山大甯相距百餘里仍可酌量兼顧又查川  
 東地方遼闊鄰墊梁萬新達東開等處刻下零星匪自數十  
 名至二三百名者頗多勒保賽沖阿共帶兵勇不過三千  
 員名在彼搜捕正關緊要其川北張魏等逆零星匪無幾現  
 有道員劉清帶領鄉勇一千餘名在彼堵緝常有擒斬且



通巴文武辦理團寨極爲認真而蒼廣巴南又已肅清無賊是以臣卽札商勒保賽沖阿仍將梁萬等處餘孽趁此搜剿不必急於北進想勒保賽沖阿亦必酌量緩急情形辦理再臣從前查奏賊數除苟逆大股外三省中已無成股之賊均係數百至數十名者游奕於川楚陝交界老山之內近因臣督兵東下孫清元吉林泰等追剿入川賊數頗衆所有現追之王曾崔胡戴四並樊陳二逆併合已有四五千衆是楚匪實增於前但其中或有打散零匪附合或日久又增擄掠均屬事所必有總之目下賊勢遙見兵至每不抵敵惟恃鋌險翻山鼠竄於巖溝草木之間縱分兵四出搜捕曠野荒林擒拏有限迨兵去稍遠則又漸出湊集或遇零匪陸續併合遂又嘯聚滋擾且恐官兵突至四路分探留數十人或百餘人牽綴如在西則其衆實已東逃迨至獲犯訊出真情賊蹤相去已遠一經追及又復如前其中屯聚之處多係散聚民房又於路口高山瞭望我兵剿辦一處其他處之賊已聞聲先颺似此詭譎萬狀哨探稟報亦往往朝是夕非所以官兵行走未嘗稍息而擒斬不能如前其有三五成羣百十結黨者更難按股分追是以臣前與勒保面商令各州縣洞寨聚團分派佐雜管領並委道府分段總理近據派辦各處團寨文員稟報漸

德壯果公年譜卷一九

三

能鼓勵寨勇設法邀截獲賊數名至一二十名不等雖未盡能衝鋒對壘然賊匪竄過終不敢肆意擄掠現已稍有成效至臣前此由巴東巫山界上截回之陳逆五號賊股所贖三百餘人近於雲陽之蘭溪又合另股賊匪一百餘人西奔梁山忠州聞勒保賽沖阿等接剿已得勝仗此次攻撲巫城之白號賊匪七八百名臣繞過界嶺截回亦向西北遁逃計兩次截回川境者已有二千餘名現在巫山以東至巴東屬萬流以西沿江北岸及山內賊匪全行肅清臣擬卽分兵西進趕剿白號賊股如遇零匪亦卽隨時剿擊並仍嚴飭各地方及辦理團寨之大小委員認真堵禦以期節節有兵段段截剿迅速集事以刻下兵力而論數倍於賊祇以地方遼闊賊蹤飄忽非兵力之不敷實追逐之過勞至於調取新兵不但緩不濟急性尤不耐勞苦不過虛糜糧餉陳兵雖連年奔馳稍形疲乏然而登山陟險雨雪寒暑皆已習慣一經行陣其熟練勇敢之氣實足深恃若再加之鼓勵無不踴健奮勉故能所向克捷況漢北苟宋劉等逆不日翦除又可騰出川陝兩省兵力以之剿此敗殘遺孽不難次第廓清

德壯果公年譜卷一九

三



大竹江北分剿賊匪統計前後殲擒之賊不過二三百名其餘散匪仍各分投奔竄看來川境現在俱係零星餘逆並無著名成股賊匪但所剿者俱係積久之賊狡猾異常且什伯為羣自不值以大兵追逐德楞泰分遣將領搜捕并與勒保商令各州縣洞寨聚團分派地方官管理不可徒託空言總須聯文武官及兵勇寨民為一氣同心協力必能迅速肅功况摺內稱刻下兵力數倍於賊無須添調新兵而陳兵熟練勇敢既足深恃德楞泰勒保務當加之鼓勵儘現有兵力上緊勦辦或設伏邀截或改裝哄誘總在臨時相度機宜設法籌辦朕亦不為遙制

三月初七日

德宗果公年譜卷十九

三

公奏言 臣由楊溪河取道大昌探勦大甯山內之張子聰並苟樊二逆各餘匪移師向西北進發二十二日兵抵大昌接據大甯文武稟報張姓等兩股餘匪先後均已竄向開縣境內有出山之勢查張姓等賊匪既已竄出開縣而大甯山內又無賊匪可剿應即改道自東北向西南探勦線字號併白號餘匪遂由水口龍溪河楊橋壩一帶前進二十五日至奉節之竹園坪探報有一股賊匪約四五百人屯於雲奉交界之板廠溪相距我營五六十里 臣恐賊匪知覺即於三更發兵星夜前進黎明趕至該處賊匪業已起營向鳳凰頭大山奔竄 臣督催馬步兵勇趕至得勝

壩遙見賊眾紛紛正在上山察看鳳凰頭山勢約高十五六里陡險異常必須分兵旁抄後擊方能得手當今各營捲旗暗進派達勒精阿馬瑜副將達自祥遊擊馬文斌等帶領步隊兵勇由鳳凰山腳一路仰攻 臣督率色爾滾侍衛蘇爾紳總管富登阿副將銜馬應國等帶領馬步兵勇繞上二臺坪從旁抄出詎該逆倚恃險窄膽敢憑高推滾播石拚死下壓我兵屹然不動槍箭齊施愈攻愈緊維時 臣之兵抄至二臺坪不遠已在賊旁馬瑜馬應國率領兵勇冒石仰攻馬文斌亦奮勇競進賊眾見兩路官兵分勦退上二臺坪地勢稍寬馬瑜馬應國等乘勢搶上達勒精

德宗果公年譜卷十九

三

阿色爾滾富登阿蘇爾紳等帶領馬隊直衝箭射槍擊刀砍矛戳立斃精壯戰手三十餘名擒獲周朝富等六十四名兩路官兵趕緊追殺直至山頂有賊八九十名向南直奔雲奉溝逃走其餘賊眾過紫峽河上大面坡亡命狂奔適豐紳武隆阿亦自天池蒿枝壩追勦前來 臣即令該提督等帶同侍衛喜明總管富僧額副將鄭啟貴張良槐等率領兵勇向雲奉溝趕追旁竄賊匪 臣督率達勒精阿色爾滾馬瑜等帶領馬步兵勇過紫峽河趕勦大眾之賊翻過四重大山沿途斬殺賊匪一百一二十名生擒向於成等男婦二百三十一名口搶獲馬驢牛旗矛甚多直追



至雲陽之馮家營祇贖賊匪十一名騾一頭向上三壩北逃該處可通沙沱子馬槽壩大水田一帶時已天晚計日行有一百五六十里兵馬已乏卽於小神堂紮駐豐紳等帶兵由雲奉溝追勦旁竄賊匪趕至三箇包旋據呈繳耳記三十七副活拏楊友品等二十二名並馬騾旗幟刀矛解送來營據稱祇贖三四十人竄向奉節之香坪該處亦可由大水田馬槽壩而至沙沱子查雲奉各洞寨委派團勇素屬得力可期悉數殲擒隨令獲犯周朝富等於各逆內指出教首李國珍一名係嘉慶四年間臣掃除線字號賊匪時所獲教首李國清之胞弟又偽總兵余佐志唐大

德壯果公年譜卷一九

三

高二名旗手趙思文王得勝二名李國珍之父李世漢一名余佐志之嫂趙氏並其妹余么姑余四女前經正法之探馬頭梁方義之妻張氏並稱元帥龔其堯在鳳凰頭山已被亂軍殺死令取首級指認確實訊據余佐志等供稱元帥龔其堯卽龔其位之三弟李國珍卽李國清之胞弟李世漢卽國珍之父從前原有數千人自八石坪徐家壩被官兵將龔其位李國清卜三聘等拏獲線字號一股全行掃除所贖百餘人各自逃散後來陸續會合有七八十人總躲在巴東興山巫山房縣老山裏又擄得四五百人這營裏是李世漢李國珍父子二人管事龔其堯帶兵打

仗這一仗已殺完了等語卽將李世漢李國珍余佐志唐大高趙思文王得勝等六名鸞割處死其戰手周朝富等一百七十九名一概正法其余佐志之嫂趙氏等與新近被擄難民共一百三十二名口均送交雲陽縣解交夔州府知府方積分別辦理又據哨探雲陽馬槽壩大水田地方現有一股賊匪人數較多或稱張姓尙未確切現在線字號餘匪四五十名諒必與之合夥臣擬卽就近分路移師勦辦又據辦理大甯團勇之總理候補道府鄭成基稟報委員從九品李志昉先後在寨溝野鹿窖太平寨率領團勇堵截零匪殺斃賊匪搶獲各色旗幟騾馬並救出難

德壯果公年譜卷十九

三

民梁崇飛等多人知府趙秉淵稟報新甯開縣東鄉渠縣萬縣梁山各委員率領團勇均能截勦零匪自數名至一二十名不等此次臣經過奉大見各洞寨實皆堅固聯絡團勇等時能截殺零匪臣俱面加獎勵並給以銀牌無不歡欣鼓舞又接據建昌道劉清稟報已將首逆李彬生擒餘匪洗淨是川省又將李彬及線字號龔文玉二起餘匪根株翦盡其田朝貴蕭福祿等合夥張魏賊匪祇有三四百人又由東鄉之南壩場折竄巴州之方山坪臣業又飭臣催亦可卽日掃除

諭曰線字號餘匪竄至雲奉交界經德楞泰督率官兵旁抄後擊



該匪憑高恃險推滾擗石抵死下壓我兵屹然不動復分兩路  
冒石仰攻乘勢搶上立斃精壯戰手三十餘名生擒六十四名  
賊眾亡命狂奔復經德楞泰督同提督豐紳等分路追剿翻山  
四重沿途斬殺賊匪一百二十名生擒二百數十名奪獲馬騾  
器械甚多殊屬奮勇可嘉德楞泰著賞給大吉玉牌一塊四喜  
玉搬指一箇鑲玉帶頭一塊大小荷包又發去大荷包五對小  
荷包十箇雲玉搬指五箇象牙搬指套十箇磁鼻煙壺十箇著  
德楞泰查明分賞出力之員弁等又一兩重銀牌一百面著分  
賞此次出力兵勇以示鼓勵現在線字號敗殘餘匪尚有數十  
名在逃而白號餘匪輾轉奔逃為數較多難保不與合夥德楞

德世貞公年譜卷十九

三

泰當趁此兵威督率各路官兵乘勝追擊上緊跟剿即將線字  
號餘匪及白號股匪一併翦絕根株統俟川省各股餘匪辦竣  
奏聞與勒保一同優加懋賞此時德楞泰不可遽赴川北惟當  
在川東暫駐辦淨巫巴兼顧楚境況川楚交界賊匪即係應辦  
之事不可拘泥前有分定地界之論遂生畛域之見也

十五日

公奏言 臣前在雲奉交界之鳳凰頭大山將線字號餘匪  
龔其堯李世漢等剿盡後督兵西趨嗣據哨探雲陽之馬  
槽壩大水田有賊一股人數較多當即督兵由上三壩自  
東北向西南進剿因沿途時有零匪出沒正可隨時搜捕

當派副將達自祥參將何君佐走沙陀子黃沙溪前進參  
將馬應國遊擊馬文斌由高峰觀前進參將張應貴遊擊  
楊登魁向萬家坪傅家壩前進各帶兵勇四五六七百名  
不等概用藍白布包頭打豎賊匪旗號不帶鍋帳各裹口  
糧分路搜捕 督率豐紳達勒精阿色爾滾武隆阿馬瑜  
等於三月初三日行至開縣之高陽河達自祥馬應國張  
應貴等帶兵前後來營據達自祥面稟行至雙河口見黃  
沙溪一帶零匪四五十人令兵勇前往合夥該逆正在  
游移間我兵猝加擒剿拏獲活賊蕭士緒等十三名割獻  
耳記六副據張應貴解到王三槐之弟王三林王三槐之

德世貞公年譜卷十九

三

姪王世愷王世元並活賊張順等三十六名呈繳耳記二  
十一副又據馬應國等拏獲活賊張啟發等二十一名繳  
到耳記十八副共繳刀子旗幟一百餘件訊據蕭士緒供  
稱係青號餘匪共有四十餘人並無頭領總在雲陽開縣  
山裏摸揗掠食今日見是我們的人來要去合夥不料是  
官兵把我們擒殺又據王三林供係王三槐堂弟哥子王  
三茂姪兒王世元王世愷自從王三槐被官兵拏獲送京  
後我們叔姪四人先隨冷添祿又隨符日明到處竄逸他  
們被官兵殺了我們帶有七八百人各處擄掠屢被官兵  
剿殺王三茂不知下落如今祇有七八十人不想官兵假



扮我們的旗色到此就殺起來又據張啟發等供係藍號陳自得的人被官兵連次勦殺祇贖三百來人又在雲陽蘭溪地方合上白號田姓一百多人走到梁山忠州被官兵連次勦殺祇贖得一百七十八人想仍到湖北去躲避官兵搜進山來將我擒獲各等語查此次三路搜捕共擒活賊七十三名呈獻耳記四十五副訊明後卽將王三林斃割示衆其王世愷王世元並蕭士緒張順張啟發等六十五名一概正法其有附近被擄難民鄭家貴等八名卽行釋放隨據探報白號張姓賊匪於初四日尙在四十八槽之椒子坪上墳掛青初五日已向萬縣逃竄臣於初四

德壯果公年譜卷十九

三

日五鼓發兵趕至萬縣之牛心寨探得該匪已向周家營一路奔竄距臣軍營六七十里隨令豐紳武隆阿等督同侍衛喜明總管富僧額副將鄭啟貴等帶領兵勇二千餘名由東壩廠會家山右手進發臣督同達勒精阿色爾滾馬瑜等帶領兵勇二千餘名由大地坪鐵風山前進均於二鼓發兵不料該逆先已起營官兵冒雨跟追至大水溪八角崖牛鼻子趕上賊尾分投衝殺賊衆爲雨淋漓各不相顧四散奔逃立斃賊匪八九十名生擒徐盛安李邱氏等男婦一百四名口又復力追四十餘里至千邱塆沿途又殺賊二三十名生擒陳開宗等二十三名口時已天晚

各溪山水漲發餘匪捨死撲河淹斃者實復不少遂翻東嶽山桐草寺一帶逃竄此次原擬竭力掃除此股餘孽不料雨大路滑未能痛加勦洗查此路左通萬縣右走開縣訊據獲犯徐盛安等供稱此股係白號張長庚之兄張長青弟張長生爲首要走大甯奉節一帶西逃等語訊明後將戰手陳開宗等八十三名卽行正法其餘徐盛安李邱氏等四十四名口多係巫山巴東難民均按名給予銀米路票遞送原籍查總兵田朝貴等所勦張添倫魏棒棒二逆均已殲斃尙有頭目顏中考帶領餘匪奔逃復被道員劉清截勦約贖二百餘人臣當飭令將張魏二逆首級就

德壯果公年譜卷十九

四

近解交勒保查驗具報並飭該鎮乘勢趕勦務將張魏餘孽悉數掃除不可去而他顧其張子聰一股四五百名近據太平文武稟報在城口老山一帶游奕此外川東川北已無成股之賊所有零匪亦不過數十人至二三百人現有勒保豐紳溫春蒲尙佐張志林田朝貴劉清等分投勦捕自必易於辦理至臣現追之白號張長青賊股原有一千數百人昨被探勦及淹斃渙散外祇餘七八百人臣惟有趕緊勦殺一俟掃除後卽當移師東下巫巴冀與楚兵兩面夾擊使各逆不致有深入川東之患

同日公又奏言臣奉到二月二十日



諭旨以楚省王曾等股或因被勒緊急復思乘間入川著臣預派

鎮將前往迎剿與楚兵兩面夾擊以期一鼓殲淨又臣前

奏巴東巫山等處有三起賊匪或逼近江岸或進山擄掠

已飭文武各員密為隄防其匪犯人數究有若干著臣查

明詳悉具奏臣遵查巴巫之一起賊匪疊經臣連次剿殺

尚屬無關緊要而近日楚境賊情實為著重臣等前所奏

賊股數目摺內祇准全保來文並孫清元吉林泰等所稟

具報緣其時遠在川北未能深悉嗣臣帶兵東下以各逆

往來逼近江岸形迹可疑況南岸山內巴東建始恩施卽

首逆覃加耀林之華滋事之地恐各逆詭譎潛聚隨時留

德先與全譜卷十九

三

心查詢風聞南北兩岸勾結之語當經選派幹練兵勇十

名扮作行旅前往歸巴一帶分投密探並卽詳晰密致吳

熊光等不動聲色慎密查訪先將北岸肅清在案臣昨將

線字號一股全行殲擒生獲首逆李世漢李國珍父子及

頭目唐大高余志佐等各犯均係起事老賊而又在楚日

久必知其詳細加研訊據供樊人傑等以南岸尚有伏而

未起習教之人會商同各號欲乘空搶船渡江因大兵到

來纔各分開逃走詢以各股賊情又稱白號崔胡戴四黃

號王曾等股共有四千餘人黃號樊人傑亦有一千餘人

與白號時分時合藍號蒲添寶一股係湊合陳朝觀之子

並李彬等餘黨共有二千多人青號王山併徐添德餘匪

如今亦有二千多人黃號龍紹周的賴先鋒劉總兵祇四

五百人他們總在歸巴興房老山往來臘月正月都在火

峰界嶺及萬流江邊一帶後聞將軍帶兵要來纔又分散

等語臣查該逆等所供楚境各匪數目幾及一萬實難憑

信是以摺內未敢遽行聲敘而臣前將攻逼巫山縣城之

白號張姓賊股擊退分兵由水路抄出巴東之萬流止岸

直至馬家村自東而西兜截時白號尚未翻過界嶺該處

另有二股餘匪一股先竄興山羅坪一股係線字號餘孽

被我兵截入川境此卽臣前奏巫山縣所稟萬流大花巖

德壯果全譜卷十九

三

石蘿溪三起之賊刻下線字號零匪首夥業已剪除陳自

得五號夥匪經勒保賽沖阿連次剿殺東竄雲陽之沙沱

子又被臣派搜山之參將馬應貴等截勦西向所贖一百

三四十人尾隨白號遁逃查白號係張長青張長生為首

雖有千餘人昨被臣追至萬縣之水溝溪八角巖牛鼻子

等處已擒斬三百餘名無難刻卽掃除惟是楚省賊勢頃

據密差探報王曾崔胡戴樊各逆現有官兵跟剿東下惟

探有藍號蒲添寶一股二千多人已由歸州東竄其餘俟

確探再稟等語查前次李世漢所供經臣截回三起賊數

及首逆名目並現查出之蒲添寶賊股核對均亦相同則



其餘尚未探明者亦未必無因緣與巴地方在在老山箐林各逆屯踞其中差探者祇據逃出難民或擊獲一二賊匪所言半多不實常有不知賊數多寡為首姓名者至於南岸情形雖有傳聞究無形迹固不可稍涉張皇亦不可竟置意外自應持以鎮靜不露端倪預籌將北岸剿淨則南岸卽有未萌之蘖亦可潛消默化現在陝境祇有苟宋李三股賊匪合計僅一千數百名聞額爾登保連次剿殺已將苟逆轟出南山向興安一帶不日定可殲除臣業又詳晰寄函與之密商囑其酌量情形或取道二竹督兵南來或派得力提鎮分兵入楚臣卽由巫山巴東督師東進加之楚省兵力分投兜剿三面環攻定能集事俟大股各逆辦竣再將三省兵馬仍遵前旨分段駐劄搜捕零匪於戡定大局實可期其迅速臣現有兵勇五千餘名若派鎮將分帶二三千名前赴邊界與楚兵為兩面夾擊之舉則該逆聞風必不西來我兵已東勢須深入轉恐兵力見單臣惟將川東之白號張姓賊股趕緊辦竣斯時額爾登保自必酌籌函覆楚省賊勢較緊臣酌量輕重或卽帶兵東趨或設法遶過賊前剿辦斷不敢稍分畛域致負主恩伏念我

德壯果公年譜卷十九

聖

皇上塵念軍務宵旰焦勞祇憑臣等各路奏報

指授方略第楚省現在賊情前次各路均未查出是以特降

諭旨令臣等分段辦理以逸待勞今臣既已訊得賊供而又密探

得賊信該省賊勢又重且有南岸勾結之說雖未必皆確

亦斷非全無影響若臣諱飾前奏隱匿不陳則是天良喪

盡咎戾愈深所有遵查賊股數目及現在籌辦各情形謹

據實密

奏伏祈

訓示

諭曰此次德楞泰分派將領搜捕各處零匪多有斬獲所贖不過

數十人至二三百名不等現有勒保豐紳溫春蒲尚佐張志林

田朝貴劉清等分投追捕無難一律掃除惟白號張長青一股

尚有七八百人賊數稍多德楞泰務須乘其敗竄之時上緊截

擊剋期殲淨則川東川北卽可全境肅清彼時德楞泰再酌量

情形探明楚省賊蹤何處緊要卽移師前往會剿以期迅速肅

事至另奏訊據賊供楚省南岸尚有傳習邪教伏而未動之人

此等習教未動匪徒原難保其必無亦不獨湖北為然此時惟

有隨時隨地遇賊卽剿果能將成股之賊悉數殲除則伏而未

動者自必聞風震懾不敢再行勾結矣苟逆轟出南山向興安

一帶尚未據額爾登保奏到德楞泰惟當將白號張長青一股

德壯果公年譜卷十九

聖



迅速辦竣跨盼捷音之至

二十一曰

公偕勒保奏言查白號張姓股匪臣德楞泰督率官兵在大水溪牛鼻子等處大加剿洗餘匪尙贖七八百人向東嶽山桐草寺一帶奔逃有竄走開縣之勢當派豐紳達勒精阿武隆阿帶領官兵跟蹤追躡臣德楞泰督同色爾滾馬瑜帶兵繼進該匪被追情急晝夜狂奔直竄至開縣所屬兩河口一帶其時臣勒保正由新甯移師東來探聞此股賊匪竄近當卽派令總兵田朝貴參將張明德遊擊羅思舉薛陞王忠桂等帶領備弁兵勇迎頭截擊臣勒保亦

德廷與公年譜卷十九

三

繼進策應初九日田朝貴等師次瓦子坪探得賊匪正在乾溪溝何家溝一帶分紮與我兵相距不遠田朝貴等卽帶兵連夜前進次日黎明行抵該境賊匪尙未起竄田朝貴當將官兵分路兜剿遊擊薛陞王忠桂帶領兵勇在左邊山坳埋伏參將張明德遊擊羅思舉守備劉寶元帶領兵勇由正路直下衝殺該匪見官兵猝至驚慌奔竄兵勇奮力圍剿立斃賊六七十名該匪向左邊山梁逃竄經薛陞王忠桂等從山坳衝出迎頭截住復斃三十餘名生擒四十餘名該匪折回右手山溝又被張明德羅思舉從山梁下壓該匪亡命奪路我兵前後圍殺復斃賊一百餘名

生擒一百餘名餘匪分作六七股或向東鄉所屬之紅沙嶺葫蘆壩或向開縣所屬之楠木洞機坪壩等處四散逃竄我兵分路追剿三十四里至五六十里不等沿途擒斬甚多至晚收集兵勇查點共殺斃賊二百餘名生擒三百味批好十四名口內有偽總兵王學貴趙臣選二名旗手李先志等八名其餘或係戰手或係難民均暫交開縣收明聽候審辦搶獲賊旗三十一桿鳥槍二十二桿長矛三百四十桿騾馬三十六頭匹餘匪約尙有三百人現在分投散竄臣等已飛札該鎮等仍卽探蹤追捕以期迅速殲淨至賽沖阿溫春蒲尙佐等前在溫湯井一帶正在探剿陳自得

德廷與公年譜卷十九

三

餘匪適有白號張簡一股從竹峪關竄至太平東鄉一帶經臣勒保督同總兵田朝貴等在老君場等處剿敗後餘匪四五百人由楊柳關天池寺等處分路奔竄賽沖阿等聞信當卽就近分兵迎剿賽沖阿帶領馬隊從新甯取道抄截溫春蒲尙佐帶領馬步兵向東鄉一路探剿初二日酉刻溫春蒲尙佐等行抵上八廟地方賊匪正在山梁高處望見官兵前來卽連夜折向三匯口雙河口一帶奔逃官兵緊躡向雞公嶺平頭山涼垵子等處跟追兩晝夜直追至侯家院該匪被兵追急分作二股一股約一百餘人左竄柏木園一股約三百餘人右竄魚鰍溝溫春以右



竄之賊較多卽督兵間道抄出鐵爐溝趕及賊蹤該匪搶  
 占梓潼廟山梁溫春等當將兵勇分作三路蒲尚佐率領  
 參將沈洪遊擊賀廷印等帶兵由左手山梁迎截副將馬  
 元參將李東山等帶兵由山下仰攻溫春帶領侍衛富僧  
 德協領明德遊擊楊森會受等抄出賊後兜擊三路官兵  
 槍箭齊發立時斃賊二三十名賊匪翻山向靈官廟大龍  
 門漆樹溝等處分投逃竄我兵四路追捕復斃賊四十名  
 生擒二十三名奪獲賊旗刀矛等件至晚回至梓潼廟暫  
 紮查訊活賊內有偽千總戴光月旗手黃盈松探馬頭李  
 光華莫老么及戰手林清等共九名當卽正法其餘難民  
 袁文儒等十四名訊係脅從未久解交開縣遞籍餘匪四  
 竄溫春蒲尚佐等現仍探蹤進剿維時臣德楞泰與豐紳  
 達勒精阿武隆阿追剿白號張姓賊匪已至開縣所屬南  
 垵場臣勒保亦督同田朝貴等迎擊此股賊匪前來查該  
 匪既經官兵分投痛加斬獲剿餘匪現仍飭田朝貴等  
 緊躡搜捕臣勒保與臣德楞泰師行相近正當彼此會合  
 將川省現在賊勢兵力通盤籌畫分布勦辦並將一切應  
 辦事宜公同會議定局是以於初十日在南垵場相約會  
 合籌議各事  
 同日公偕勒保又奏言竊臣等節奉

德壯果公年譜卷一九

三

聖訓指授機宜令臣德楞泰督勦川東臣勒保督勦川北並以川  
 境均係零星餘匪不值大兵追逐飭令臣等會商分遣將  
 領督同地方文武迅速肅功伏查川省此時已無大股之  
 賊所有散竄餘匪自應分投搜捕以期淨盡惟臣德楞泰  
 昨在巴巫界上查探楚省賊股較多勢頗鳴張業經縷陳  
 睿鑒臣忝膺參贊合當統籌全局不敢拘泥前  
 旨專辦川東而置楚省於不顧但欲帶兵過楚必先將川省各事  
 宜與臣勒保籌議妥協方不致顧此失彼竊查川省現有  
 賊匪如白號張長青一股經臣德楞泰自巴東截回疊經  
 官兵痛剿所贖祇三百餘人其陳自得餘匪經賽沖阿等  
 等勦洗後約贖一百四五十人已與張長青一股合夥又  
 張簡一股前自竹峪關竄來經官兵連次截勦亦約贖四  
 百餘人又宋國品一股約贖二三百人以上四起均在東  
 開一帶分竄又張魏餘黨顏中考魏洪升一股經田朝貴  
 勦敗後所贖亦不過一二百人現在南江境內此外零星  
 散匪自一二十人至百十人藏匿各處山林出沒無定者  
 尚有數起統計川省現有之賊不及三千人均須分投勦  
 捕以期淨盡此時臣德楞泰既欲督兵赴楚則臣勒保必  
 須兼顧川東臣北現在豐紳已與臣勒保會合一路薛大  
 烈張績亦經略額爾登保遣令帶兵回川原任提督七

德壯果公年譜卷一九

三



十五及伊子武隆阿現在臣德楞泰一路臣等通盤籌議夔門為川楚門戶巫山大甯與楚省之巴房二竹處處毗連臣德楞泰帶兵過楚後恐各匪被剿情急折入川境必須於邊界預為設備堵截查七十五在川年久於川東地勢最為熟悉且兵勇素所悅服其子武隆阿向來打仗奮勇臣現令七十五武隆阿率領兵勇在巫山大甯邊界往來巡哨既可就近搜捕各處零匪設楚匪被剿竄川即可就近迎截夾擊至川北張魏殘匪現經臣勒保派令遊擊馬績恆慶會同建昌道劉清各帶兵勇趕緊搜捕諒不日自能殲盡但該處界連陝境恐尚有餘匪竄逸川北未便

德壯果公年譜卷十九

吳

空虛查豐紳為本省提督向在陝境帶兵曾至川北剿賊於地勢較為熟悉臣等即令豐紳酌帶兵勇前赴川北於廣南通巴等處往來巡防以顧川省西北臣勒保將薛大烈田朝貴張績張志林等所帶官兵分作數路在東鄉太平開縣雲陽萬縣等處一面將現有賊股分投剿辦一面將零星散匪隨地搜捕臣勒保即在各處往來督催既可將腹地趕緊肅清又可兼顧川東川北邊界設再有另起竄匪來川當酌量情形賊少則分兵迎剿賊多則合兵併擊臨時相機辦理至臣德楞泰現擬赴楚該省賊勢較重必須多帶馬步官兵並得力之統兵大員前往方能集事

臣德楞泰一路官兵惟吉林索倫馬隊最為得力吉林官兵向係賽沖阿管帶深得兵心人皆用命此時陝省賊數無多有經略額爾登保在彼督辦軍威已極壯盛賽沖阿臣似可不必急急回陝至溫春蒲尚佐亦均係臣德楞泰一路向來帶兵得力之員茲將賽沖阿溫春蒲尚佐等並原帶馬步官兵一併仍歸臣德楞泰一路赴楚剿賊入楚後設將大股賊匪截入川境自應跟剿回川儻深入楚境另有賊匪分股竄川臣勒保當酌量分兵辦理至於臣等前此會議於巫山之大昌大甯之徐家壩太平之城口通江之竹峪關廣元之黃楊堡五處添設營制業經奏蒙

德壯果公年譜卷十九

三

恩允在案所有各營汛衙署兵房為官弁辦公及兵丁棲止之所必須派委文員估計工程及時建造臣等公同商議所有大昌營汛派委夔州府知府方積承辦徐家壩營汛派委候補道府鄭成基承辦城口營汛派委候補通判李在文承辦竹峪關黃楊堡二處營汛派委建昌道劉清承辦惟新設各營皆在沿邊荒僻之地營制雖設若無城堡不足以資捍衛查廣元所屬百丈關地方昨經額爾登保親履相度地勢最為扼要飭令該署縣葉文馥築立城堡刻下業已完竣該處與黃楊堡相近十餘里且舊有巡檢一員分駐所有新設黃楊堡一營請即在百丈關堡內建造毋



庸另行築堡其餘大昌徐家壩城口竹峪關四處應築城  
堡卽令承辦營汛各員一併估計卽日興工建築一俟軍  
務蕩事新設各營官弁兵丁皆得棲止卽可歸汛操防至  
於各營新設兵額原擬以隨征鄉勇儘數挑補但恐鄉勇  
不諳營制一時驟難鈐束臣等擬將兵勇對半搭配如城  
口都司應設兵額四百名卽以二百名挑補鄉勇以二百  
名將太平營舊有制兵就近撥補所遺制兵名糧卽以額  
外新兵頂補其餘大昌徐家壩竹峪關黃楊堡四處均照  
此一律辦理如此既可裁減新兵額缺又可使入伍鄉勇  
有所鈐束是漸習營規此外尙有隨征鄉勇請仍照前奏章  
程俟大功告竣後有願入伍者分撥通省各營作爲餘丁  
以次充補亦無難安頓得所

德壯果公年譜卷一九

三

諭曰德楞泰帶兵赴楚一摺已於摺內批示矣白號張姓股匪敗  
殘奔竄此次復經德楞泰勒保分投被擊殲擒數百名所辦皆  
好現在川省餘匪不過二千餘人德楞泰與勒保會商將川省  
應辦事宜交付勒保德楞泰卽赴楚協勦所見甚是前因楚省  
賊數較多曾經諭令德楞泰於勦辦川東賊匪將次完竣時酌  
量情形前赴湖北協同勦捕今德楞泰未經接奉諭旨見川省  
餘賊無多既能統籌全局無分畛域並不拘泥前次分界督勦  
之旨帶兵過楚正與朕意相合深得大臣公忠體國之道殊屬

可嘉著賞給四喜白玉搬指一箇珊瑚豆黃瓣大小荷包以示  
獎勵現在湖北冉井二逆據吳熊光派孫應奉帶兵堵勦今尙  
在興山歸州一帶游奕德楞泰自川赴楚必由該處經過卽當  
順道先將二逆勦淨再赴竹谿一帶協勦樊崔王曾等逆楚省  
賊匪中樊人傑爲積年老教最爲狡惡務須上緊設法將該匪  
速就殲除餘匪自可漸次廓清可消伏而未起之患至賽沖阿  
在川勦捕旣屬得力自當仍令帶領原兵歸德楞泰一路赴楚  
二十九日

公奏言臣前因督兵西追白號張長青賊匪至開縣境內  
與勒保會合將川省現在賊勢兵力通盤籌畫分布勦捕

德壯果公年譜卷十九

三

並將應辦事宜公同會議定局正擬督兵東行接據田朝  
貴稟報白號張長青餘匪被追情急直向東奔有走雲奉  
之勢臣查東面巫大邊界無兵當卽派令達勒精阿武隆  
阿及原任提督七十五等帶領馬步兵勇二千餘員名星  
飛至萬縣由水路趕赴夔州府在於扼要處所確探迎勦  
遏其東竄之路臣仍由陸路搜勦零匪東進十五日申刻  
行至雲陽之路陽三壩紮營後時已天晚哨探大龍池現  
有賊匪三四百人滋擾相隔祇一大山梁當卽督同賽沖  
阿色爾滾馬瑜等帶領侍衛將弁馬步兵勇趕前進勦翻  
過山後將抵紅巖溝賊衆遙見官兵卽行狂奔當被馬步



兵勇疾馳追至白廟子斃賊五十餘名生擒賴大春等二十一  
 十一名匪衆由晝眉岽西竄旋又被田朝貴等帶兵自傳  
 家壩迎頭截殺斃賊二十餘名生擒何智雲等十五名連  
 夜解送到營訊係宋國品股賊因開縣一帶兵多原要東  
 逃不料被官兵打回餘無要供一概正法殘匪已由譚家  
 壩奔向東開西北而遁查田朝貴所追白號張長青股匪  
 雖向東逃而達勒精阿等所帶官兵又順流趕過賊前該  
 逆斷不能竄楚臣即飭令田朝貴等帶兵就近跟剿宋逆  
 必須務淨根株不可令其他竄十六日據總理奉巫團練  
 知府周景福等稟報有自楚竄入八石坪賊匪二百餘人

德壯與公年譜卷十九

在白果寺龍湊子屯踞初七日經委員候補經歷龔元泰  
 激勸沙崆黃崆兩寨團勇首董日康胡永順等帶領寨勇  
 截殺斃賊三名招出難民楊時貴訊係白號小頭目王姓  
 帶領餘匪向大堰塘東瓜山竄去又據夔州協副將富明  
 阿知府方積等稟報初八日奉節之康家橋推磨子突有  
 賊匪二百餘人竄來當即飛飭防卡把總李林軍功劉繼  
 先孔貴等就近截剿一面抽調防兵二百名富明阿即督  
 率署都司劉順等至九盤子直攻賊巢斃賊十名奪獲騾  
 馬旗幟刀矛等件惟把總李翠首先帶兵力追至山後密  
 箐中猝被戕害把總魏宗先力敵救護亦受石傷幸衆兵

勇趕到悉力勦殺又殲賊十餘名賊始敗走石馬河東竄  
 十二日又經巫山文武探知抽撥兵勇二百名派令外委  
 何進軍功朱得龍陶之純在羅門地方兜截斃賊五名淹  
 斃三名救出難民童洪漢等五名搶獲順刀鞋帽綳帶等  
 物復追至菜子壩不料溝內伏賊突出兵勇被圍軍功陶  
 之純身受石傷鄉勇內陣亡陳學仁等三名受傷者四名  
 把總許耀外委何進力戰殺賊三名賊始敗走柏子溪各  
 等情十九日臣行次奉節之乾溪口據達勒精阿武隆阿  
 等稟稱白號張長青賊股差探尙未東來惟就近之羊耳  
 山現有賊匪百餘人即當發兵搜捕該逆見兵不敢接仗

德壯與公年譜卷十九

即四散亂竄經馬步兵勇分投力追共殺死四十餘名生  
 擒金元等十八名追至龍溪河淹斃約有二十餘名祇贖  
 二十多人翻山散逃訊係黃號零匪由巴東過川還有藍  
 號二千多人聽見大兵到了先已東折獲犯訊明分別辦  
 理迨臣兵抵夔州府之草堂河又據達勒精阿武隆阿七  
 十五等稟報探得白號張長青股匪又與一起零匪合夥  
 已至大冒屯住相距不過六七十里其時雨霧瀰漫即連  
 夜督兵前進天甫黎明大雨如注各逆俱在房屋內炊爨  
 武隆阿七十五等同遊擊蕭太和都司楊正雄沈彪等帶  
 領兵勇由右手傍山而進達勒精阿帶同侍衛珠爾杭阿



總管蘇清阿等帶領官兵由大路直進出其不意突加剿  
殺立斃賊匪四五十名賊眾向河岸撲水淹斃約有五六  
十人生擒七十餘名達勒精阿武隆阿過河跟追七十五  
帶領兵勇抄出後山自上壓下前後圍剿又殺賊三四十  
名生擒九十餘名餘匪四散奔逃兵勇分投趕捕又活捉  
男婦一百餘名搶獲驃馬五十七頭匹各營呈繳耳記五  
十三副賊旗二十三面刀矛二百五十七件獲犯內訊出  
張長青之妻李氏張長生之妻劉氏偽總兵張正魁之妻  
譚氏並探馬頭旗手李朝卿等三名訊據李朝卿及張李  
氏等供稱前在湖北被官兵趕回四川原有一千四五百  
人沿途殺的散的很多走到開縣地方又被官兵趕殺祇  
贖四百多人要過湖廣去前日有巴東來的白號王姓二  
百多人合夥纔湊合了五六百人今日又被官兵殺的擊  
的淹死的將要完了不知張長青是殺了還是跑了等供  
捉獲賊匪差弁押解來營聽候查辦所贖殘匪不過百餘  
人現經趕緊搜捕務期根株淨盡各等情又據前差楚境  
密探回報有黃白青等號合夥賊股約有三千餘人由興  
山龍池折回歸州之水田壩牛口一帶滋擾又有藍號一  
股賊匪約二千餘人已過界嶺有入巫山境內之勢均無  
兵剿辦其王曾崔胡戴等逆已向二竹一帶逃竄有三路

德壯果公年譜卷十九

三

路官兵跟剿各等情伏查臣兩次分兵過楚截賊匪三股  
入川共計二千數百人內除陳自得白號張長青兩股剿  
除各贖一百餘人其餘字號一股前已全行剿淨川省現  
在已無成股賊匪所贖不過殘敗遺孽為數亦不過數十  
人至一二百人不等有勒保督率各路將領分投剿辦而  
各州縣辦理團勇之委員等均能實力搜捕自可迅就肅  
清惟楚境歸巴合夥有數千餘人勢較鴨張而全保長齡  
孫清元吉林泰等三路官兵已向北追勢難顧及臣現雖  
移師至夔距歸巴賊屯之處相離五六百里不等該處距  
江岸不遠設有疎虞所關匪細必須設法自東兜截將楚  
省歸巴一帶江岸先行肅清是以臣酌令達勒精阿武隆  
阿七十五等帶領馬步兵勇三千餘員名今在川東一帶  
搜捕零匪並防楚匪被剿入川即可與臣兩面夾擊現已  
飭令夔州府方積署奉節縣知縣徐大椿雇覓船隻即由  
水路順流下楚又恐各逆驚而他颺擬令各營捲藏戰旗  
每船豎打各省凱旋官兵旗號使賊疑為川境撤兵自必  
乘虛竄至臣兵從東勒達勒精阿武隆阿七十五等兵由  
西迎均可痛加剿洗臣仰仗  
天威一經剿擊自必立形瓦解次第殲除楚境若無成股之賊則  
三省大局均可戡定矣

德壯果公年譜卷十九

三



諭曰此次德楞泰派令將領沿途搜捕零匪及白號張長青一股  
 共計殺賊一百五十餘名生擒二百六十餘名淹斃五六十名  
 所辦尙好惟歸巴巫山等處有黃白青等號賊股約三千餘人  
 又有藍號一股約二千餘人相距江岸均不甚遠川楚邊界犬  
 牙相錯在在毗連賊匪朝川暮楚原無定向在川卽爲川匪在  
 楚卽爲楚匪德楞泰身爲參贊斷不可心存畛域現在旣由水  
 路順流而下抄出賊東自應遇賊卽剿先清江岸此時川省已  
 無成股賊匪所贖不過敗殘遺孽爲數無多有勒保督率將領  
 分投搜剿自可迅就掃除德楞泰如能將江岸之黃白青藍等  
 號賊匪殲盡淨盡仍當帶領勝兵卽赴楚北二竹等處協剿樊  
 人傑及曾王崔戴等逆俾楚境一律肅清貯膺懋賞再前據吳  
 熊光奏再井二逆在興山歸州一帶游奕派孫應奉等前往截  
 剿曾諭令德楞泰由川赴楚順道先將二逆剿淨此次摺內何  
 未經提及其竄近江岸之黃白青藍等號兩股是否有該逆在  
 內孫應奉等曾否帶兵前來及現在如何剿辦之處著德楞泰  
 查明具奏所有陣亡之把總張翠咨部賜卹

德壯果公年譜卷十九

七

德壯果公年譜卷二十

次孫花沙納恭纂

嘉慶七年壬戌

四月初四日

公奏言臣沿途搜捕零匪於二十五日行抵巫山據達勒  
 精阿武隆阿七十五等報稱張長青賊股前在大昌痛剿  
 之後該逆率領餘匪百餘人冒雨北奔經達勒精阿等緊  
 追至大甯通城又殺賊二十餘名餘匪不過六七十人四  
 散竄入老山北逃因據探報楚匪二千餘人已翻界嶺西  
 來達勒精阿等酌量情形卽帶兵折回迎剿臣隨又飛飭  
 駐防大甯營卡之遊擊何占釐總理大甯團練之候補道  
 府鄭成基等就近帶兵齊團將白號零匪數十名務須搜  
 捕淨盡其楚來賊股知西面有兵仍卽折回界嶺東去又  
 前此屯聚歸州之雙土地歸坪一帶夥匪知川省官兵欲  
 由水路東下現已北竄興山江岸無賊又探得折回界嶺  
 以東之賊匪二千餘人尙屯於巴東之大花巖等處若臣  
 乘船東下道路紆遠卽於巫山改由陸路翻界嶺向東北  
 而進如賊匪尙在該處卽就近探明截剿設該逆被剿西  
 竄入川卽卽緊躡賊蹤與達勒精阿等前後夾擊或該逆  
 聞風先颺尾隨前股賊蹤東奔興山臣自當探明追剿再

德壯果公年譜卷二十

十一



據興安府知府周光裕稟報王曾崔胡等逆已竄至安康屬之開陽坪查楚省全保長齡孫清元吉林泰三路官兵自不能悉行過陝勢必有折回西顧勦辦者臣兵由西北前進楚兵勢必自東南而來定可兩面夾擊是以現擬仍令達勒精阿武隆阿七十五等帶領馬步兵勇二千餘員名在於巫山大甯界上扼據毋論川楚大小賊股竄來均可隨時勦辦至川東之雲奉巫大四縣現在已無賊匪全行肅清惟川北張魏餘匪尙有二百餘人原派遊擊恆慶等帶兵勦辦豐紳近又帶兵前往督勦亦卽可以殲除淨盡其餘三五結黨百十成羣之賊頃據總兵田朝貴稟報

德壯果公年譜卷二十

二

自派令跟剿宋逆零匪西行節次在開縣之燈盞窩譚家壩等處殺斃賊匪百餘名並擒獲劉朝選之義子劉紹甲一名又在回龍洞地方趕殺宋國品餘匪四十餘名擒獲活賊九名並探得火石溪板廠溝有賊八十餘名卽乘勝進剿立斃五十餘名生擒二十八名並無一名漏網又據知府方積等稟報有白號張長青餘匪被勦狂奔經辦理葉家洞一帶團勇之委員從九品徐錦督率寨首劉松劉珍等堵剿槍斃九名並將大旗手一名擊斃生擒賊目林永康賊始敗走訊據林永康供稱今日所殺大旗手係副元帥張泳庭尙在營裏管事調度等語臣復加訊驗卽將

該犯懲割處死查白號張逆餘匪已屬無幾茲又將此管事賊首賊目殲除羽翼盡去定可卽日殄滅當經批飭該府等將寨首劉松劉珍等按照前定章程分賞銀牌銀兩以示鼓勵

諭曰前德楞泰具奏以川省現在賊匪無多擬卽飭令雇備船隻由巫山順流赴巴歸一帶自西而東兜截乃本日奏報忽又稱屯聚歸州一帶賊匪知川省官兵欲由水路東下已北走興山其折回界嶺以東之賊二千餘人尙屯於巴東大花巖等處伊卽自巫山改由陸路翻界嶺向東北而進德楞泰輾轉游移胸無定見大屬非是又增朕之焦急矣試思巫山距賊蹤尙遠何

德壯果公年譜卷二十一

三

以甫擬水路出師賊匪卽能得信輒行北竄若果如此則軍營消息竟任賊匪隨時探聽成何紀律況旣擬由水路行走地方官業已辦理糧運雇備船隻今忽改道陸行一切又須另辦朝令暮改何所適從至摺內稱川匪漸次肅清移師探勦楚匪之語明係意分疆界尤屬非是川楚邊界犬牙相錯在在毗連賊匪朝川暮楚有伺定處德楞泰身爲參贊川賊辦竣協勦楚匪原屬分內之事豈可心存畛域現在旣由陸路向東北前進務將折回北竄及屯聚巴東之賊趕緊截擊就地殲除卽帶兵赴楚督同吳熊光長齡等將各逆悉數殄擒廓清楚境捷報到時仍可仰邀懋賞儻心存推諉一味因循恐前功盡棄矣



十三日

公奏言臣於三月二十七日督兵由漢坪鋪三匪鋪取道界嶺東進二十八日據總理團寨候補道府鄭成基等稟報有自後坪竄至湯家壩賊匪一股約五六百人被委員仇允誥督率寨首郭志帶領團勇轟擊斃賊三名團勇亦有傷亡者已飭知委員等實力堵禦查達勒精阿等在巫大扼辦陝楚竄匪兵力勁銳即飛令帶兵前往迎剿臣於初一日翻過界嶺抄出東馬寨查明此股係黃白號餘匪內有熊姓劉姓為首約二千多人馬騾數十匹因聞四川官兵已過湖北連夜走鋸鋸嶺老山向北逃奔欲竄過興

德壯果公年譜卷二十

四

山找尋前股合夥查鋸鋸山縣長二百餘里絕無人煙路徑極為險仄騎馱難行去秋賽沖阿等追剿龍紹周時曾分派步兵深入該處險阻備知其出山之處北走房縣之彎腰樹即至上龕西可通薛家坪而至川之大甯若東北由長嶺逃竄即係興山之豐玉坪一帶是該逆雖已北逃其趨向尚未定準嗣據興山縣朱宗騰稟報黃連坪賊股約有二千餘人被裹者甚多於二十一日圍撲忠保寨經團勇用槍礮擊退翻老林西竄又歸州大水田高家坡亦有零匪游奕其勢已向東南與歸巴三交界之處奔竄訊據逃出難民俱係黃藍白三號有陳張龍冉等姓旗號等

情旋又據探報川楚界上龍潭溝有一起零匪約七八十人在彼滋擾查該處係在我兵後路先應就近派兵搜捕當令參將馬應國張應貴等帶領兵勇連夜探剿初三日午後趕抵牛廠馬應國等分兵左右兩路直搗龍潭溝賊巢該逆紛紛驚潰官兵槍擊箭射立斃賊三十餘名生擒陳成明等十四名餘匪向後山亂竄兵勇馳追二十餘里沿途又殺賊二十餘名生擒王有祿等十一名此起賊匪祇逃去七八人竄入密箐初四日又探報有零匪一起約四五十人由老林竄出在拜佛坪屯聚焚擄臣仍飭令馬應國等就近搜捕殺斃二十餘人生擒彭忠賢等十三名

德壯果公年譜卷二十

五

餘匪盡行滾巖跌斃並無一名漏網初五日馬應國等帶兵回營解到兩起獲犯訊據陳成明等供稱係黃號王國賢餘匪彭忠賢等供稱係白號張姓餘匪俱係積匪猾賊概予正法適據東路探報黃連坪賊股有二三千人騾馬極多已由興山竄至歸州之大小峽青灘一帶屯聚臣現擬直向歸州龔家橋東進向南兜剿如能仰仗天威兩股併合固可聚而殲旃設或分逃先將大小峽青灘賊股痛剿則川楚沿江數百里均可一律肅清萬一被剿入川則有達勒精阿武隆阿七十五等兵力迎剿臣亦即緊躡回川務期掃除似於大局較為迅速至川楚之王曾崔胡



戴樊等逆前已北竄平利之關陽坪近經穆克登布截勦  
回楚折入竹谿查房竹一帶保全保長齡等三路兵力儘  
敷勦辦原可無庸顧及臣惟將陳張龍冉賊股辦竣緊顧  
力迅速辦理不可再有耽延南面使歸巴巫山兩省江岸全行肅清又可就近兼顧川  
東其熊劉二逆現已入山俟探明趨向即行酌辦

諭曰本日德楞泰五百里報至仍係查探東北兩路賊勢酌籌緩  
急兜勦而於江岸一帶竄匪尙未勦辦其所殲拜佛坪等處零  
匪共計僅止百餘人且係將弁等搜捕並非親往督勦況既知  
川楚邊界竄匪較多自當速往乃節次奏報總以山徑險仄爲  
詞直至此時始至巴東實屬遲緩現既向歸州東進勦辦黃連

德壯果公年譜卷二

六

坪之賊即著迅速辦竣其熊劉二逆此時德楞泰固難分兵兼  
顧但任其入山潛匿必致裹脅日多務速將黃連坪股匪勦淨  
以便移師勦辦所有川楚邊界各匪俱責成德楞泰一手辦淨

二十一日

公奏言臣前在巴東之馬寨督兵東下擬將大小峽青灘  
之冉井二逆先行勦辦旋據哨探守備史定川等拏獲探  
事賊匪譚有進劉必文二名到營訊據供稱在樊掌櫃營  
內充當步探頭營裏兩箇老掌櫃是樊人傑戴四四個元  
帥是王國賢曾芝秀崔宗和胡明遠男婦大小有三四千  
人馬騾五六百匹由陝西平利折回到竹谿竹山走房縣

之彎腰樹扇子壩進了南山沿途零星合夥又破幾箇洞  
寨如今有五六千人要去歸州興山一帶找藍號蒲元帥  
同下東湖穀城到襄陽去我來探聽有無官兵不想就被  
拏住又稱唐明萬一股六七百人還在堆子山裏等語當  
將該二犯正法臣查樊戴王曾崔胡等逆狡獪異常數年  
來善於避兵現又東竄其勢必與蒲添寶一股合夥設被  
直趨襄樊所關匪細雖已飛咨吳熊光長齡等酌分兵力  
緊顧東面恐其緩不濟急我兵若由興山取道建陽坪自  
西北趕赴東湖之霧渡河即可顧住東面又可迎頭截勦  
但恐該逆聞風折竄當派守備史定川等帶領鄉勇一百

德壯果公年譜卷二

七

名令其尾躡賊蹤夜間多燒號火遙爲大兵追趕之勢臣  
即傳令將弁兵勇裹帶兩日口糧輕騎滅從不分日夜星  
馳趕往抄截儘兵馬之力計兩日一夜行走殊此可嘉三百餘里於  
十一日戌刻抵霧渡河業已抄出樊逆之前旋據探報蒲  
添寶股賊現在代峰一帶屯聚距營八九十里係在我兵  
之南樊戴崔胡股賊由白雲寺觀音閣東來亦於是日屯  
於杉木嶺大岔河一帶距營五六十里係在我兵之西是  
官兵已居兩股賊匪之中該逆勢不能合正擬乘夜發兵  
進勦蒲添寶股賊該逆知官兵已抵霧渡河連夜由新坪  
折竄鐘嶺油坪一帶樊戴王曾等逆又北竄東湖興山界



上之王爺廟因酌量就近先剿樊戴等逆是夜三更發兵十三日辰刻兵至天竺山探得前面雞公梁山上有賊匪數百人往來搖旗其山後有空寨一處亦藏有賊匪又山下左右溝內各有埋伏臣查看雞公梁山勢陡險溝深路窄馬力難施該逆欲誘我兵衝殺則左右溝內埋伏之賊即可在官兵之後三面環攻臣當派蒲尙佐副將達自祥參將何君佐等帶兵勇一千人囑其扼據左右溝口不必進剿使賊不能衝出臣酌分兩路大兵攻搶賊所占踞之雞公山梁左一路派令賽冲阿馬瑜帶領侍衛富僧德協領穆騰額等右一路派令温春色爾滾侍衛蘇爾紳珠

德壯果公年譜卷二十

八

爾杭阿等各帶馬步兵勇進發該逆一見我兵分投競進即吶喊搖旗推滾亂石放槍抵禦官兵不避槍石徐徐而上進至第二層山包距賊不遠該逆亦分兩路下壓我兵槍箭齊發立斃賊匪二十餘人賊勢稍退臣催令兵勇乘勢又搶上第三層山包山後埋伏之賊與寨內藏匿之賊一齊突出蜂擁而來與官兵攪殺一處刀砍矛戳槍擊箭射斃賊一百一二十名生擒劉應儒等一百零六名賊遂潰敗分爲三起向張家溝黃家灣旗桿嶺奔竄官兵分投追趕至小竹坪石窰壩建陽坪鑼錫坪七八十里不等沿途又共殺賊殊批好二百餘名擒獲賊匪鄒先發等二百二十一

名滾崖而死者約有一百多人先時蒲尙佐等見雞公梁山上之賊大敗即進溝剿殺埋伏之賊共殺賊五十餘名生擒張光雲等三十七名連耳記一併呈繳前來計此次共殺賊殊批好五百餘名生擒賊匪殊批好三百六十四名搶獲馬騾一百四十一匹頭火槍二十一桿刀矛四百餘件大小賊旗五十七面隨令獲犯於各犯內指出賊目偽先鋒劉應儒偽總兵熊方杰王洪桂旗首田三元李承奉探馬頭張光雲李文貴等七名其餘吳先貴等俱係精壯戰手並無婦女幼孩訊據劉應儒熊方杰等僉供樊掌櫃王元帥要拔蒲添寶合夥過襄陽樊城一帶探得四川大兵把霧渡河

德壯果公年譜卷二十

九

去路截住惟雞公梁山高溝窄馬兵不能得力就挑選精壯戰手山上派了一千二百人是王元帥督陣兩邊溝裏伏了八百人原想官兵深入三路動手不料官兵攔殺利害我就被擊等語訊明後將劉應儒等七犯擬割處死其餘吳先貴等三百五十七名一概正法臣正籌蒲添寶賊股無兵剿辦適據報總兵孫清元吉林泰於十二日已抵水月寺並長齡已由遠安北湖頭自東而來是刻下東面已有兩路重兵扼據臣即飛咨令其就近探剿惟樊逆等被剿奔逃或東或西均未可定臣擬即督兵窮其所向務期剿洗淨盡永絕根株



同日公又奏言臣前蒙

諭令到楚以後查看賊匪情形實有若干現在先剿何股即隨時  
奏聞等因伏念教匪滋事以來臣謬忝重寄無論何省賊匪有  
特旨令臣協剿者亦有臣酌量輕重移師會剿者緣以三省軍務  
均為

國事臣受

殊批如此存心方為國家柱石願汝始終無易  
恩深重凡有賊匪未靖皆臣未了之事一切情形惟以實報從不

敢倚輕倚重稍涉欺朦遵查臣前在巴東訊據獲犯供稱  
巴歸山內均有潛藏賊匪時去時來嘗近江岸並有勾結  
南岸之語臣恐聳人聽聞僅密派探確查嗣據稟報與前

德壯果公年譜卷二十

十一

訊供詞相仿是以據情詳陳臣愚之意以為賊數故從少  
報即一時稍寬

聖座而剿辦終為棘手仍蹈諱飾之愆五夜捫心實深跼踖茲臣  
督兵深入抄出東湖除已將東竄兩起大股賊匪痛剿外  
藍號陳姓蒲添寶一股男婦大小現有二千餘人馬騾六  
七百匹此即吳熊光所稱屯聚黃連坪之冉井股匪者訊  
冉井二逆係賊中打仗頭目而逆魁則實係蒲添寶即陳  
朝觀之義子為首樊戴王曾崔胡等股實有四千餘人馬  
騾五六百匹此臣現在截剿西竄之兩股實在賊數也又  
探得能劉一股近有二千餘人聞臣帶兵東下竄出巴東

陳家坡已入川境是目下楚境之賊較臣前次奏報時更

覺人數稍增匪股互異緣從前剿殘遺孽日久滋蔓餘燼

復熾裹脅漸多遂成大股核其情勢真賊本屬無幾但非

趕緊剿殺則被脅難民無由乘間逃出浸至久假成真於

剿捕終為可慮至於竹房等處尙有零匪滋擾臣相距較

遠其多少未敢臆定昨准吳熊光等咨來摺稿信函內稱

樊戴王曾崔胡等逆三千餘人且南岸一帶民安耕鑿並

無傳習邪教伏而未動之人查臣於剿辦線號賊匪時會

據獲犯王榮供稱樊人傑王國賢於去年冬月內曾派吳

新奇張老么等五人帶銀五百兩扮賣燈草混過南岸不

德壯果公年譜卷二十

十二

知我誰等語因思南岸自掃除覃加耀林之華後該處習  
教者原屬不少誠恐其復行勾結若無悖逆情狀均為赤  
子良民而臣顧張皇入告並賊數本少亦復張大其辭縱  
極糊塗斷不敢昧良若此頃蒙

聖明洞鑒節次諄誠妥為安撫設使稍露聲色必致激變啟釁故

臣於飛札荆宜施道密查去後並即詳晰函致吳熊光等

旋准覆到已飭委委員暗為稽察其時夔州府知府方積

來營素知該員深得民心當令繕發告示多張暗為消弭

此次臣過夔州據該府面稟恭錄

恩旨剴切曉諭查有巫山之商民王瑞原本習教人極明白能事



素與利川恩施建始巴東等處之人貿易往來熟識深為信服該府密傳到署曉以大義面為獎賞令其宣示

皇仁徧行勸導該商民感激歡欣已應諾而去看來可以得力至

勾結之事以樊人傑王國賢二逆為首臣現在惟有將該

二逆趕緊擒除北岸一經肅清即可絕南岸蠢動之心仍

抽撥一路遊兵在於宜歸興巴一帶往來彈壓稽查不但

南北謠傳頓息即竄近零匪亦可隨時搜剿再遵查吳熊

光前派副將孫應倬等帶兵勦辦冉井二逆現在何處近

聞該副將等已帶兵在遠安之北湖頭扼據東面矣

諭曰德楞泰奏樊戴等股匪由房縣竄至興歸思與蒲添寶一股

德楞泰奏

三

合夥德楞泰督率官兵晝夜星馳追行三百餘里截斷會合之

路抄出賊前復分兵兩路仰攻所踞山梁不避槍石直衝山後

斬獲甚多賊匪潰散四竄官兵分股追趕共殺賊五百餘名生

擒偽先鋒劉應儒及大小頭目等共三百六十餘名殊屬奮勇

可嘉著賞給德楞泰黃辮大荷包一對小荷包四箇鑲玉帶頭

一箇日圭一箇並發去玉搬指十箇搬指套十箇花磁鼻煙壺

十箇分賞此次在事出力將弁又一兩重銀牌一百面五錢重

銀牌一百面分賞此次出力兵丁以示獎勵統俟勦淨樊戴等

股捷音到時再沛恩綸厚加懋賞樊人傑一犯為首先起事兇

逆數年來輾轉奔逃又復裹脅多人肆行荼毒實屬罪大惡極

德楞泰注意勦辦務將該逆趕緊擒除所見甚是現據察看該

逆一股本有四千餘人此次復經官兵擒殺幾及千人殘匪不

過三千餘人德楞泰惟當乘此勝勢督率官兵先將樊人傑等

大股賊匪迅速殲除方為正辦但該匪被勦奔逃知東面有兩

路官兵自不敢闌入襄鄖一帶勢必又向西南竄往川境刻下

川省零星餘匪祇贖一千餘人指日即可肅清乃現在熊劉二

逆股匪竄入已增多二千餘人儻樊戴等股匪再入川境沿途

裹脅豈不復形滋蔓雖靖楚而復擾川仍不過東奔西逐迄無

成功殊屬不成事體德楞泰當趕緊設法就地撲滅毋令再竄

入川辦理又致費手至所稱賊匪原本無幾但非趕緊勦殺則

被脅難民無由乘空逃出遂至久假成真等語所見甚是朕所

深慮者在此至川省南岸伏而未起之賊原難保其必無此次

德楞泰告知方積恭錄恩旨多張告示曉諭民人並令原本習

教之商民王瑞面行獎賞宣示勸導所辦亦甚妥協總之此等

奸民多係乘機起釁德楞泰若將樊人傑等股迅速殲淨縱有

伏而未起之賊亦必自行解散又何患久假成真耶至所稱凡

有賊匪未靖皆伊未了之事等語如此存心方得大臣之體德

楞泰惟應謹守此言無分畛域剋日蕝功仰承寵錫勉之望之

同日公又奏言臣奉到三月二十日

上諭德楞泰勒保分勦賊匪得有勝仗前曾諭令德楞泰於川東



各匪將次辦竣即前赴湖北協剿今德楞泰未經奉到諭旨見  
川省餘匪無多即能統籌全局無分畛域且並不拘泥前次分  
界督剿之旨帶兵過楚正與朕意相合深得大臣公忠體國之  
道著賞給四喜白玉搬指黃瓣珊瑚豆大小荷包以示鼓勵等  
因<sub>臣</sub>跪讀之下不勝感激悚惶當即敬謹叩領訖伏念軍  
興以來迄今六載幸此時川省贖匪不過千餘已有勒保  
督辦不日即可殄滅<sub>臣</sub>仰蒙

兩朝特達之知渥被

恩慈恭膺參贊原無此疆彼界之分既知楚境北岸賊勢較張盤  
旋去來無兵剿辦將必日聚日多而南岸復虞勾結<sub>臣</sub>若

德壯果公年譜卷二十

四

擁兵駐守川東則是天良漸泯是以與勒保會商交付移  
師前來竊恨賊蹤飄忽雖疊殄衆擒渠而東逐西奔至今  
未能蕺事上煩

宵旰惴惴難安即此次赴楚誓欲翦滅羣醜竭盡血誠冀得戡定  
大功稍紓

聖念何意微勞未著

哀諭已加

寵賚優隆感淪肌髓<sub>臣</sub>惟有勉益加勉實力實心將各大股賊匪  
趕緊剿除以期三省全局一律敕甯上報

主恩於萬一

硃批勉力速辦踴膺厚賞

又

諭曰現在德楞泰正在督兵剿賊喫緊之際所有軍營應用糧餉  
吳熊光務當飭令承辦之員源源供運即或德楞泰追剿賊匪  
至川楚交界地方川省糧運未能趕到楚省糧員亦當隨時接  
濟俾得士飽馬騰迅奏膚功以慰廑注

五月初三日

公偕長齡奏言<sub>臣</sub>德楞泰前由東湖趕追樊戴王曾崔胡

六股賊匪西至歸州白馬灘尾躡賊蹤前進十六日抵紅  
溪鄉哨探樊戴等逆抄出南溪地方復又東折下寶坪一

德壯果公年譜卷二十

五

帶該處路通譚家壩與北岸之南沱並霧渡河相近其勢  
仍欲東渡必須分兵兜截方可遏其去路十七日我兵冒  
兩趕抵江坪已在賊之東北商令賽冲阿色爾滾馬瑜等  
帶領馬步兵勇取道燈嶺油坪扼其正東<sub>臣</sub>督率温春蒲  
尙佐帶領兵勇由西北而向東南兩路官兵於十八日黎  
明齊至譚家壩併力剿殺賊眾登時潰亂泥淖之中各不  
相顧立斃賊一百三四十名生擒郭勝彩李鄧氏等六十  
四名口時有該處寨民張上文等率領團勇隨同官兵趕  
殺亦有擒斬逆眾被追情急紛紛拚命撲河又被兵勇趁  
勢掩殺淹死賊匪一百餘人馬隊淌水步兵拽尾蟬聯而



過餘匪上天鵞池大山依險抗拒官兵分投仰攻步步進逼賊不能支向沙坪河遁竄又被追至河岸殺賊五六十名撲河淹斃六七十名擒獲劉正華等三十餘名餘匪向黃家冲乘夜奔竄復被東河之金寶寨民王孝周陳言謹等帶領團勇黑夜堵截殺賊三十餘名捉獲活賊周茂林等九名該匪連夜折竄鑼鍋坪始向西北而逃二十一日戌刻探報該匪屯於西山之黃連壩界牌壩一帶距營七八十里臣卽於二更發兵星夜前進天甫黎明前隊官兵行抵賊屯不遠忽聞前面槍礮之聲不絕旋報係長齡等帶兵截剿將該逆等衝爲兩段一股向龔坪青龍背東竄

德壯果公年譜卷二十一

六

官兵業已尾躡前追一股向萬家林三股水北逃無兵追剿經賽冲阿温春色爾滾馬瑜等帶兵跟追而去臣督率蒲尙佐等帶兵繼進沿途斃賊四五十名擒獲牟盛禮等二十一名計自十六日起至二十二日緊追焚戴六股賊匪總不稍予以暇計共剿殺及淹斃賊匪四百數十名擒獲賊匪一百二十餘名共獲馬騾八十餘匹頭旗幟刀矛極多乘間逃出自回原籍者無從悉數據獲犯供焚掌櫃等原去尋蒲元帥合夥到界牌壩所贖不上二千人焚掌櫃與王元帥被官兵追殺得緊也沒有一定主意或找蒲元帥大股合夥或到沒有官兵的地方躲藏等語臣查樊

戴王曾崔胡各逆內陳賊原屬有限難民實在較多故一經緊追勢卽瓦解除訊出偽先鋒偽總兵陳玉材等三名並陳賊陽士雲等三十五名分別懲罰正法外其餘均卽照例省釋至蒲添寶賊股知臣帶兵往西追剿焚逆卽向東折茲據孫清元吉林泰等稟報十三日官兵至霧渡河正在拏營賊眾忽分數路來撲經官兵竭力迎剿賊匪一面與官兵打仗一面紛紛淌過河東孫清元等卽鼓勵兵勇緊跟馳擊共殺賊二百餘名被水淹斃者甚多擒獲活賊七十一名內訊有從賊日久者十七名當卽正法其餘難民概予省釋十五日追至焦贊壩適長齡帶兵自遠安

德壯果公年譜卷二十一

七

之北湖頭前來兩路會合將該逆等截回由張村坪殷家坪西追賊已不能東趨並稱此股賊眾實有五千餘人戰手亦多嗣又接准長齡來信二十一日戌刻有東來賊匪屯於火石嶺七里橋黃連坪諒係樊戴王曾崔胡等逆被剿西來遂同總兵德昌帶兵由左路向火石嶺逼其北竄孫清元吉林泰由右路燈山截其東逃孫清元等黎明時行抵界牌壩趕上賊尾斃賊二十餘名賊驚潰奔竄長齡當令遊擊王占鼇都司馬濟勝帶兵迎擊自率侍衛富翰等帶馬隊衝殺斃賊三十餘名餘匪分路向東北而逃一面帶兵跟追一面派兵搜捕共獲男婦七十二名口及馬



騾旗械等件訊出旗首賊匪李大用等四十三名一概正法難民卽行省釋令孫清元吉林泰等尾跟樊逆賊蹤前進二十三日長齡輕騎前來會商臣等查樊戴王曾崔胡等四千餘眾自雞公梁痛勦後所贖不過三千人連日趕追擒斬與落水淹斃並來營請票及自行逃回者不下二千人其蒲添寶卽冉井一股臣長齡孫清元吉林泰等臨陣察看實有五千餘眾其中精壯戰手又多其勢已成大股又遁向老林臣等揆度賊勢兵力酌量輕重情形以臣長齡孫清元吉林泰兩路兵馬分投勦辦樊逆等賊股可期得力臣德楞泰所帶官兵雖祇五千餘員名而能耐勞苦進山勦辦蒲添寶股匪較爲趨捷樊逆一股祇有千數百人若再將蒲逆大股勦辦則全楚已無成股之賊大局卽可戡定再臣德楞泰前奏鋸鋸嶺游奕熊劉賊股聞臣督兵東下後該逆卽出山至陳家坡分投竄入川境茲據巫山辦理團寨總理知府周景福都司袁陞侯知州銜署巫山縣徐士林等先後稟報探得該逆於十六日至川楚邊界被達勒精阿等督兵勦殺擒斬二百數十名搶獲馬騾旗幟極多經獲犯認出首逆劉朝選首級一顆餘匪散逃現在分投搜勦達勒精阿等差弁將首逆劉朝選首級並質證難民七名口又難民劉安榮等六十名口於十九

德壯果公年譜卷二十一

六

日解到巫邑令其訊明各等情臣德楞泰查首逆劉朝選久爲著名首惡蹂躪川楚日久稽誅茲幸得以殲斃實足大快人心臣除批飭周景福等將該逆首級派員就近解勒保處查驗并飭達勒精阿等查明殲斃首逆係何員弁兵勇分別獎賞出力人員徑報勒保大營辦理諭曰樊戴王曾崔胡等匪前次德楞泰在雞公梁痛勦後所贖不過三千餘人連日追趕擒斬及淹斃並自行逃回者不下二千人現在勦贖者祇有一千六七百人賊勢頗形衰潰皆係德楞泰之功長齡一聞稟報卽督率官兵分路迎擊又殺賊一百餘名均屬奮勇可嘉現在節屆端陽德楞泰著賞給小荷包一箇扇套一箇香袋四箇又加賞白玉四喜搬指鑲嵌帶鈎大小荷包長齡賞給扇套一箇香袋四箇又加賞白玉四喜搬指大小荷包並發交德楞泰長齡兩路各扇五匣香串五匣香袋五匣著賞給此次出力員弁一兩重銀牌一百面五錢重銀牌一百面賞給此次出力兵勇以示獎勵又發去賞給賽沖阿温春達勒精阿等扇套各一箇香袋各二箇並著德楞泰分賞至所稱蒲添寶卽冉井一股賊匪實有五千餘眾精壯戰手又多現向老林倚險抗拒德楞泰酌量輕重商令長齡孫清元吉林泰分勦樊逆賊股伊專勦蒲添寶大股實屬可嘉所見甚是德楞泰聲威素著帶領精銳得勝之兵奮勇趕勦自可一鼓殄除儻

德壯果公年譜卷二十一

七



該匪情急逃入川界務當跟蹤前往剿淨此股不遺餘孽為要  
如蒲逆大股剿淨後樊逆等股尙未辦竣德楞泰仍當帶兵與  
長齡協力勦辦樊逆以期肅清楚境貯膺懋賞至樊王等股在  
楚省奔竄多時係長齡孫清元等在彼辦理並未痛加勦殺經  
德楞泰一經到楚即連次得勝權其緩急以蒲逆一股人數眾  
多親身督勦將樊逆等無多賊匪交與長齡孫清元等接辦可  
見德楞泰並無邀功之心此股人數雖少而樊逆為兇狡首惡  
較之蒲冉等逆尤為緊要長齡等得此機會當倍加奮勵滅此  
朝食若能將首逆樊人傑殲獲並將此股賊匪悉數勦除此則  
長齡等之大功捷音一到當立沛恩綸懋加寵錫再達勒精阿

德壯果六年譜卷二十

三

等一路將首逆劉朝選殲斃所辦甚好俟勒保奏到日再降恩

旨

十一日

公奏言 臣前與長齡會合分投勦辦蒲添寶賊匪於二十

四日督兵前進是日已刻即陰雨淋漓晝夜不止兵馬未

敢暫息露體塗足縱極力趕行一日不過三四十里至二

十七日抵豐玉坪前有大河一道約寬二十餘丈雖已水

漲察其溜勢稍緩之處即令兵勇砍伐樹木趕緊搭架橋

梁二十九日兵勇隊伍均皆卸鞍併鍋帳一切背負而過

至於馬騾盡行淌渡幸俱平順是夜雨勢益大凡有溪流

無不驟漲 臣鼓勵將弁兵勇冒雨而行初一日申刻趕至

南陽河見河身雖窄其內亂石嶒峻水勢建瓴洶湧當令

兵勇設法架造橋梁一夜一日方得濟渡初三日雨勢越

大橋被衝去三節淹斃兵勇數名夫役十數名欲再架搭

一時水高二丈有餘而雨霧益甚人功萬難下手竟將兵

馬隔斷於溪河兩岸至今雨仍未止探得蒲添寶淌渡漂

沒賊眾二三百名亦為水阻於當陽河一帶該處東通房

縣西走大甯若兵由大道抄出房境或繞至大甯不但程

途太遠儻該逆聞風東折則是欲速反遲是以酌量情形

必須入山尾躡較為靠實現在相距不過百數十里聞該

德壯果六年譜卷二十

三

逆有南竄歸州龔家橋之勢如果南來正可探明分投迎

勦無如旬日淫雨不止力不能施 臣率閣營謹備祭品虔

心祈禱尚未晴霽私衷焦灼度日如年即將領弁兵亦無

不憤愆急切惟有籲懇

聖恩稍為寬緩俟得天氣開朗溪漲自必易退諒此烏合之眾 臣

即率輕騎趕勦兩三仗定可瓦解斷不令再稽時日總之

川陝楚三省此時惟蒲逆勢較嗚張然大半均係擄掠被

脅之徒一經痛勦勢皆膽落 臣萬不敢以功虧一簣藉雨

稍為鬆勁以致賊勢衰而復熾上負

主恩



諭曰德楞奏官兵自抵豐玉坪後適因連日陰雨溪流漲發所搭橋座俱被衝去以致兵勇淹斃數名現在雨仍未止溪流奔騰兵馬驟難前進俟天氣開朗後即率輕騎趕剿等語德楞奏帶兵打仗素為奮勇此次追剿蒲添寶股匪因雨水阻隔不能前進自係實在情形斷非藉此鬆勁此時官兵既為雨阻賊匪亦必為雨水所困該匪等因洶渡漂沒二三百名在當陽河一帶屯聚想日內自向未遠颺德楞奏轉無庸過於焦灼一俟天色晴霽可以進兵即當鼓勵兵勇趕上賊匪痛加剿殺一有捷音即速馳奏所有此次淹斃兵勇等著咨部賜卹

十六日

德壯果公年譜卷二十

三

公奏言臣前督兵入山冒雨趕抵南陽河為溪漲阻渡初四日據探報賊眾亦被當陽河水阻折回臣恐水退後該逆又復遠颺即令先已過河之總兵蒲尚佐副將馬元參將李東山沈洪等先行前進午刻雨止水消一半是夜四更後忽聞前山礮聲不絕料必賊匪撲營官兵槍礮轟擊蒲尚佐等所帶兵勇不過二千人未免見單而昏夜之中水勢莫測無法可濟天甫黎明即令兵勇趕緊搭橋辰刻橋成兵勇人夫渡訖其馬騾仍係水而過臣遂次即據蒲尚佐馬元等差弁解到獲犯王允恭等六十三名迨抵王家壩大梁見我兵營外鹿角扳倒數處血跡甚多查點

各營殲斃賊屍八十三具旋又據馬元等帶到活賊瞿仁等一百零七名耳記七十三副刀矛旗幟極多訊據獲犯王允恭瞿仁等供稱這是藍號蒲元帥他營裏有五六千人見官兵追趕又進山來要走當陽河到房縣山裏去不料河水驟漲又折回獨木礮龍門河要到東湖去探得官兵來的不多王家壩地方祇有四箇營盤蒲元帥叫冉苟兩箇先鋒挑了二千好戰手夜裏悄來偷營不知官兵利害打死及帶傷者甚多苟先鋒親自督戰帶傷逃走眾人纔跑起來官兵又趕上擒殺不少我們被擊等語訊明王允恭瞿仁等一百七十名均係精壯戰手臨敵擒獲一概

德壯果公年譜卷二十

三

正法臣查蒲尚佐馬元等是日乘雨行抵王家壩山梁距賊祇有六七十里是以即於壩口擊營四座而該逆知大隊兵為水間隔又見營盤無多乘夜撲營蒲尚佐馬元李東山沈洪等各率兵勇槍擊箭射復用礮轟打竭力抵敵於黑暗之中直至五更後賊眾始行敗逃蒲尚佐馬元李東山等復酌帶兵勇緊跟掩殺追至十五里外之洞頭溝口天已黎明該處兩山壁立巖溝內道路窄小泥濘淤深前賊擁擠不開後賊遂回身抗拒捨死不退兵勇極力勦殺又斃賊一百二十餘名生擒一百零七名追出溝外忽見前面獅子壩山梁復有賊夥前來接應蒲尚佐等見賊



眾兵單未便輕進遂即撤回而接應之賊見官兵未追亦  
即半途而返臣剿辦教匪以來凡遇大股兇悍賊眾與之  
對敵如殺傷數十人或數百人無不立即敗竄從未見有  
賊匪被殺多人愍不畏死仍然抗拒而不退者其兇悍情  
形實堪痛恨臣又探得黃號賴先鋒賊股七八百人聞臣  
督兵趕剿蒲逆入山該匪遂由長峰堆子向南而遁或西  
入川境或東竄歸巴均未可定臣已飛飭達勒精阿武隆  
阿七十五等隨時探明兜剿並移咨勒保查照又探聞樊  
戴等逆賊股已被長齡等截剿西折亦有斬獲茲臣於初  
七日已過龍門河趕抵琵琶河探得蒲逆賊匪由獨木礮

德壯果公年譜卷二十一

三

郭家堖女兒溝竄往木樹三坪查此一帶均係老山箐林  
羊腸鳥道該逆竄走不能迅速現在酌將兵勇分為兩路  
追擊該逆或竄房縣之九道梁或向川境之大甯均難預  
定臣惟有帶兵窮追趕剿完竣再當酌量另辦他股臣  
諭曰蒲添寶股匪探知大隊官兵為兩水所阻其先經渡河之蒲  
尙佐等兵數較單輒敢乘夜齊撲各營迨經官兵奮力抵敵始  
行擊退而賊匪奔走十數里外復又回身抗拒愍不畏死實可  
痛恨看此情形賊勢尙形兇悍且據獲犯供稱其營內尙有五  
六千人精壯戰手尙有二千現在竄往木樹三坪一帶均係老  
山箐林不可不趕緊剿辦又據奏黃號賴姓賊股七八百人聞

知德楞泰趕剿蒲逆該匪遂向南而遁或西入川境或東竄歸  
巴現今移知勒保督兵兜剿等語川省邊界現有達勒精阿等  
在彼防堵昨據勒保奏到伊現又前赴川東夔府一帶察探楚  
匪情形此股賊匪如竄往川境勒保自能設法堵剿若東竄歸  
巴與德楞泰相距不遠並當分派將弁前往截剿勿令奔軼至  
樊戴等逆經長齡等截剿西折難保其不與蒲逆股匪合夥奔  
竄德楞泰尤當留心偵探儻該匪等竟合夥一處長齡等在後  
追剿更可互相知會兩面兜截為滅此朝食之計德楞泰惟當  
勉之又勉速蕲大功以受恩春

二十日

德壯果公年譜卷二十一

三

公奏言蒲逆乘夜撲營敗逃之後鑽入老林向獨木礮郭  
家堖女兒溝逃竄臣恐其又折竄東南即督兵分路抄追  
令色爾滾蒲尙佐總管富登阿協領德甯阿等帶領馬步  
兵勇過其東南一路臣同賽冲阿温春馬瑜等率領大隊  
尾躡跟追初十日趕抵彎腰樹探得賊匪於是夜五更自  
彎腰樹起營向上龕白玉坪楊岔河東北逃竄臣於三更  
時即督兵前進十一日未刻趕至楊岔河據哨探帶到寨  
民詢稱賊匪昨日屯紮楊岔河今日清早起營向馬家溝  
大路東去等語迨兵緊追至仙家坪已有一百三四十里  
時已日落趕上賊匪殺賊二三十名活捉李發祥等十三



名大眾賊匪見兵逼近向左邊順溝走寒水河上石板溝入山占踞大堖口恃險抗拒臣察看大堖口兩山壁立一線羊腸若兵勇競上亂石滾打未免費力而左右又無小路可抄即使攻搶得手其大眾賊夥勢必遠颺若非出其不意攻其不備斷難痛剿查詢該處山內東走蒙古寺可出獅子巖距房縣祇有四十餘里吳熊光現在駐彼該處兵備空虛臣即令色爾滾滿尙佐等帶兵星夜馳赴獅子巖扼據東顧臣由白玉坪黃龍山自西而東雖道路迂繞一百二三十里賊若西走即可迎頭截殺如尙屯聚亦可直搗其巢惟石板溝大堖口俯視仙家坪瞭然在目恐賊

德壯果公年譜卷二十一

三

知大兵繞道抄截又復遠颺即酌留兵勇數百名令遊擊楊森帶領在彼牽綴仍於仙家坪擊營陽爲追剿之勢並令每營另留兵勇數名於各營內夜間多燒號火臣於二更時即全隊折回白玉坪翻過黃龍等大山四重抄出賊前兵至大壩池詢據寨民稟稱頃有持矛者四十多人穿帶紅帽馬褂在小壩池一帶即令都司龍必達千總謝金章等帶領鄉勇二百名改裝換旗先往小壩池見房屋外豎有白旗兩桿賊匪都在屋內做飯即帶領鄉勇直前將兩處房屋圍住捉獲王宗賢等三十一名殺斃十三名並無一名漏網臣大隊進至小壩池訊據王宗賢等供稱元

帥蒲添寶屯在後面二十多里水溝地方派袁總兵帶四十四人前來探聽信息正在做飯不想官兵就把我門擊住袁總兵叫袁國林那個屍首就是等語當即斬訖申刻雨霧交加雖天氣將晚我兵已近賊巢若不趕緊剿殺該逆知覺又必連夜奔竄仍屬空勞無濟臣即鼓勵兵勇無不踴躍飛馳疾進直至水溝後山堖口見賊屯五房十餘非倉卒所能辦所草蓬極多均係緊靠天平老山查天平山老林內有小路抄出裨褙腦即可扼賊匪竄入箐林之路當令參將馬文斌何君佐帶領兵勇先將裨褙腦占踞臣兵分三路左路溫春中路賽沖阿右路馬瑜等各帶兵勇衝入賊巢臣

德壯果公年譜卷二十一

三

督兵策應因雨霧瀰漫賊眾全不知覺立斃賊匪二百餘名生擒趙國友周劉氏等一百零八名口雨霧益大賊眾齊竄過溝西陡礮拒敵槍石如雨與我兵相持半時之久旋見戴藍頂花翎賊目率賊匪十餘人力敵下壓勢極兇悍時有四川藍翎馬兵陳國俸及奉旨以七品陞用之鄉勇魏中材殊批可嘉直前迎剿被魏中材用矛戳倒取其藍頂纓帽正欲割取首級復被大眾賊匪撲來搶去賊遂紛紛潰亂賽沖阿溫春馬瑜三路官兵乘勢並進賊即向天平老山而逃正值馬文斌何君佐率領兵勇自裨褙腦壓下與賽沖阿等前後剿殺又斃賊一百六七十名有



戴紅頂賊目帶領賊眾竄出賊羣經巴圖魯侍衛富僧德吉林委防禦常在瞥見趕追被富僧德箭傷左背墜馬滾崖祇拾得其紅頂翎帽而回查此二賊目被箭矛所傷均未得其首級其生死未能確知追至大壩又殺賊一百四五十名先後共擒活賊一百六十六名口繳來紅頂藍頂冬帽各一頂搶獲騾馬牛驢二百二十三頭匹旗幟刀矛衣物極多其時霧氣朦朧雨勢淋漓天色已暮未便再行深入十三日復分兵搜捕又獲犯李宗華王郭氏等四十三名口卽令獲犯於活賊內徧行識認指出偽總兵王元洪馬重禮探馬頭蘇光全趙國清旗首劉思元向榮華陽

德壯果公年譜卷二十

天

維遠等七名詢據王元洪等供稱我們在營內充當總兵這營裏係藍號陳朝觀爲元帥他去年在陝西地方被官兵拏了祇贖二百多人他兩子叫陳宗先陳宗恆年紀俱小稱爲少掌櫃都是蒲先鋒管事後來逃到湖北老林內遇著王四貓餘黨有三百多人白號張揚帶有三百多人還有黃號熊二姓的二三百人都來會合共有一千多人總在巴東興山老林藏躲破些洞寨共湊有二三千人馬騾三四百匹因山裏寒冷於十一月出山總在興山歸州東湖一帶擄掠蒲添寶在營裏掌事都稱他爲元帥他又派了井英再起才張揚苟大秀四人做先鋒今年四月知

道樊人傑來了商量同往襄陽去到東湖地方被大兵趕截將樊人傑的人傷了一大半我們不敢合夥蒲元帥說不如仍到興山老林裏躲避走龍門河探有官兵跟進山來紮在王家壩口派出二千戰手是苟先鋒帶領偷營誰知官兵槍箭利害傷了幾百人苟先鋒帶有七八百人就跑走了聞黃號賴大有卽賴先鋒帶有七八百人在長峰堆子一帶熊二娃就帶了黃號的三四百人由龍門河分營找他去了我們趕緊從百里荒逃走要到房縣去後面官兵緊追蒲元帥卽由仙家坪翻山逃入大壩山內又怕官兵進來派了幾百戰手在石坂河壩口堵住令袁總兵

德壯果公年譜卷二十

天

到大小壩探信明日欲由原路走白玉坪找尋樊掌櫃合營不知官兵忽然殺進營來殺的拏的不知去了多少再先鋒戴的是紅頂子張先鋒戴的是藍頂子二人不知下落如今他們並無一定去向總探聽沒有官兵的地方逃走等語除王元洪馬重禮等七名擄割外其戰手張明志等二百二十名一概正法所有被脅男婦九十名口照例給票交隨營知府金之忠妥爲分別遞送各籍查蒲添寶大股賊匪原有五千餘人自王家壩痛剿後向北逃至房縣之彎腰樹陸續來營請票者已有六百二十餘名口官兵沿途擒斬並渙散外所贖約有三千七百此大仰仗



天威鼓勵官兵搗其巢穴計剿殺五百餘人殊此好生擒三百餘名殊此好此外

尚有滾崖及自行逃散者無從查悉現探該逆祇贖二千

五六百名馬騾二百餘匹此股賊匪又已剪除一半查該

逆已連夜折向東南逃遁非左走百家坪柏木壽陽即右

走鐵廠溝元杜坪竄入興山老林臣已飛飭色爾滾蒲尙

佐等帶領兵勇緊躡追剿該逆如果與樊逆等合夥臣正

可與長齡等協力併除

諭曰此次蒲添寶大夥匪眾三千七八百人在水溝地方屯紮經

德楞泰分兵三路衝冒霧雨進攻乘其不備痛加殲戮共計斬

殺五百餘人拏獲三百餘名并生擒偽總兵王元洪馬重禮探

德壯果公年譜卷二十

三

馬頭蘇光全趙國清旗手劉思元向榮華陳維遠等七名所辦

甚好德楞泰著賞給喜字玉搬指一箇鑲寶石帶扣一副黃辦

大荷包一對小荷包四箇又發去雲玉搬指五箇文竹小刀五

把文竹搬指套五箇磁搬指套五箇磁鼻煙壺五箇花大荷包

五對小荷包十箇分賞出示力員弁用示獎勵俟將此股賊匪

辦完後再加懋賞其用矛戮倒頭戴藍頂賊目之鄉勇魏中材

箭傷頭戴紅頂賊目之侍衛富僧德侯辦竣蒲匪後再行保奏

以應陞之缺陞用

恭錄

御製詩

參贊德楞泰奏報痛剿蒲添寶匪眾殲戮生擒並解散者

幾及千名詩以誌事

苟明樊人將殄又滋蒲寶餘燼猶思逞毒痛由彼喪心肆殘賊

豈予嗜殺用征誅興山巴東奔竄奚能踞房縣竹山聚殲盡可

俘蒲添寶大股賊匪轉逃竄裹掠日多經德楞泰分派將領

三十名活擒十餘名眾匪竄踞大壩口險隘德楞泰分派色爾

滾蒲尙佐等星赴獅子巖扼據東顧令遊擊楊森帶兵於仙家

坪牽綴賊勢德楞泰自率將領衝冒霧雨取道抄出賊前探得

小壩池有賊探四十餘人即派都司龍必達等趕赴該處將賊

探王宗賢等盡數殲擒訊出蒲添寶大夥屯聚水溝地方德楞

泰乘夜布置先令參將馬文斌等占踞賊匪逃竄之路德楞泰

等疾馳進至水溝後山亞口復分派溫春賽沖阿馬瑜等分爲

三路合力進攻立斃賊二百餘名生擒一百餘名鄉勇魏中材

將斃倒頭兇悍賊目戮倒賊眾潰亂向天平老山逃逸經三路

將領兵勇乘勢追殺而先派之馬文斌等正由該處下壓又斃

賊一百六七十名侍衛富僧德等見有戴翎頂賊目一人突出

經富僧德射倒滾崖我兵分投追殺逸匪又斃賊一百四五十

名擒活賊一百六十餘名搜捕匪賊四十餘名據活口指認出

偽總兵王元洪等七名各賊目訊明正法難民給票釋放此次

勝仗共殲賊五百餘名生擒三百餘名現在查探散竄賊蹤乘

勝剿辦可期將與巴房竹之間首夥各逆殲盡無遺一鼓蕩事

吳天速蕩事良安邪淨

帝恩敷

二十三日

公偕吳熊光奏言臣德楞泰昨於房縣所屬水溝地方冒

雨繞道將蒲添寶賊股痛殲大半祇贖二千六七百人賊

眾連夜仍翻石板溝大壩口折回原路出寒水河十三日

德壯果公年譜卷二十

三



走仙家坪向南入鞦韆溝色爾滾等先經派赴獅子崖扼房邑之路探得臣德楞泰已在水溝大獲勝仗賊勢不敢東逃仍回原路遂即帶兵趕至仙家坪時賊已先南逃又接到臣德楞泰飛札飭知色爾滾等倍加奮勇輕騎冒雨竭力前追臣於十五日自仙家坪移營接續而進行至東蒿坪接到色爾滾蒲尙佐等稟報十四日探得賊蹤相離六七十里二更時即自鞦韆溝廖家坪進兵緊追至穆家溝趕上賊尾竭力痛剿追過雙鳳溝殺賊百餘名又乘勝追至魯家埡殺賊四百餘名生擒男婦三百餘名口時已黃昏復鼓勵兵勇追趕二三十里殺賊七十餘名活捉二

德壯果公年譜卷二

三

百餘名時已二更逆眾被剿窮蹙四散遁逃搶獲馬騾一百餘匹頭旗幟刀矛衣物極多沿途乘隙渙散難民不知其數除所獲馬騾分給出力官兵外其獲犯及耳記並旗幟刀矛等送營查訊並查賊眾分為數起一起四五百人竄走龍池麻灣柏木壽陽歐家店一起一百多人竄走茶園兩河口龍王廟一起一百餘人竄走三股泉柴溝峪洞耳溝一起二百餘人竄至七莊坪西蒿坪巖屋溝長嶺亦由柏木前逃查詢各逆分竄之路雖多勢必仍歸柏木壽陽一路計兵馬輕騎冒雨日夜已行二百餘里鍋帳俱未趕上盡皆露宿因差幹練兵勇分路查探首逆確蹤再行

馳追臣查蒲逆大股賊眾五六千人疊被趕剿茲贖祇有一千四五百名勢已衰殘雖分股逃散非竄與山即遁保康且聞樊會等逆已被長齡等由均穀兜向西來賊蹤亦已相距不遠正籌計間又接准臣吳熊光來信探得長齡等所追樊會等逆於十二日由均州之分道觀黑虎廟一帶向西竄來商令移師勦辦查現在樊蒲兩逆相較樊逆更為緊要且蒲逆業經連次痛剿狼狽分逃色爾滾蒲尙佐所帶馬步兵勇二千餘員名係頭敵勁旅可靠之兵以之跟剿可以濟事即飭令趕緊跟蹤前往臣德楞泰即於途次東折至獅子崖暫紮臣吳熊光到營會合彼此熟商

德壯果公年譜卷二十

三

查楚省兩股賊匪均已敗殘現在樊逆等自東北竄向西來窺其詭譎之心不圖入陝即欲渡漢但時當夏令江水寬深非船莫渡即山河內如黃龍灘官渡現值水漲之際斷難飛越此時自應與長齡等先將樊會等逆趕緊殲除不但楚境大局易於戡定即川陝亦不虞其滋蔓惟臣德楞泰除分撥色爾滾一路官兵外祇有存營兵二千餘名臣吳熊光前調總兵李天林所帶馬步兵勇一千餘員名擬令隨同臣德楞泰一路預備派撥則兵力更為壯盛現在臣德楞泰督兵東進臣吳熊光即回房縣督辦糧餉軍火合併聲明



諭曰德楞泰等奏痛剿蒲添寶股匪大獲勝仗本日恭逢

北郊大祀得此捷音實深感慰蒲添寶股匪經德楞泰於水溝地

方痛殲後由原路折回奔逃德楞泰恐其被剿情急竄近房邑

派令色爾滾蒲尙佐緊躡追剿不予以暇色爾滾蒲尙佐二人

冒雨進兵追過雙鳳溝痛加剿殺共計殲擒賊匪一千餘名實

為奮勇可嘉色爾滾蒲尙佐著各賞給玉喜字搬指大小荷包

並發去一兩重銀牌二百面五錢重銀牌二百面交德楞泰分

賞此次及前次痛剿蒲逆出力兵丁以示獎勵現在賊眾祇贖

一千四五百人分竄興山保康一帶色爾滾蒲尙佐等所帶馬

步兵勇二千餘員名俱係頭敵勁旅自敷剿辦但不可專注一

德壯果公年譜卷二十

二十

股墮賊詭計令他股散竄又致蔓延德楞泰務當飭令色爾滾

等確探賊蹤將此五起分股各匪設法通歸一處免致分我兵

力如能殲擒首逆並將全夥掃除即係色爾滾蒲尙佐之功朕

必當再加獎賞前次德楞泰督師大挫賊鋒色爾滾等始得乘

勢殺賊是伊二人之功皆由德楞泰調度有方所致必當一併

優加懋賞

恭錄

御製詩

夏至日喜得捷音詩誌感謝

四月欣連兩捷披先於二十日據德楞泰奏到在水溝地方痛

並分派將領追剿散竄餘匪茲於二十三日方澤大祀後  
馳到德楞泰等續奏據原派扼賊東趨之色爾滾蒲尙佐等於  
穆家溝魯家壩等處截追逸賊連次殲戮五百數十名生擒五  
百餘名口沿途散出難民多人星散餘賊祇贖千餘仍令色爾  
滾等督勝旅搜剿德楞泰與吳熊光會商剿辦楚  
境焚會各匪大局指日戡定露布星馳寶深盼望

方壇昭鑒感

恩慈即看餘孽皆星散渴願喜音若電馳三省民勞待嘉澤七年

兵劫隱沈悲

天心旋轉重安樂

考志欽承鞏國基

六月初四日

公奏言臣移師東趨先剿樊會等股途次探報該逆先於

德壯果公年譜卷二十

二十

十七日由台口向木耳溝金斗坪一路南逃是晚兵抵台

口適總兵孫清元吉林泰躡蹤前來到營謁見查金斗坪

與向西之煙墩壩張飛壩大小羅溪等處在在均通彎腰

樹上龕一帶必須前有堵截尾追之兵方可得力即令孫

清元吉林泰等帶兵取道獅子巖趕赴該處確探迎剿臣

督兵跟蹤緊追十八日至金斗坪接准督臣吳熊光來信

云興山白馬灘運河一帶有零匪梗阻商令酌籌兵力疏

通適長齡等帶兵自南漳觀音堂尾追樊會等逆抄出簡

口與臣會晤臣查興山山內所貯糧石此番大兵往回支

放殆盡自應趕緊補貯以利軍行而長齡一路兵馬現亦



無路可分是以臣會商同行酌量撥出李天林及副將孫應奉等所帶兵勇一千八百餘名令其馳赴興山白馬灘疏通運道並飭令隨時查探東湖歸州一帶如有零匪遁藏卽當搜捕淨盡嗣聞樊曾等逆知臣督兵尾追冒雨狂奔向老山箐林翻越沿途洶渡溪河淹斃及乘間逃出難民不少又據孫清元吉林稟報樊曾等逆於二十日晚間至仙家坪遂由寒水河翻山該鎮等於二十一日在獅子巖聞報是夜四鼓冒雨進發趕至斷樹埡西溝一帶賊眾瞥見官兵卽紛紛四散奔逃副都統銜總管托爾托保侍衛華山保特克昇額帶領馬隊遊擊烏勒喜訥都司姜

德壯果公年譜卷二十

三

元祥守備張大勳帶領兵勇分路趕追四十餘里直至黎子坪大雨盆傾兼之山險林密濛霧更大未能再進計沿途殲斃賊匪一百餘名生擒活賊三十七名搶獲騾馬刀矛旗幟甚多據獲犯喬世中供稱這股係樊掌櫃王國賢曾芝秀三人一營那戴四掌櫃崔胡兩個元師見大兵趕得緊在歸州地方帶了他自己的三四百人進興山老林藏躲我門走到乾溪溝又有姓孫的頭目帶來二百多人合夥不料官兵趕上被拏等語訊明後卽行正法其餘難民照例給與銀米路票釋歸現仍分探賊蹤躡剿又據探報該逆已遁入扁擔溝有北竄獐貉河之勢查獐貉河係

通竹山官渡大路孫清元等既已尾追自無虞其回折臣卽取道獅子巖蒙古寺旁出獐貉河之東面抄截二十五日向高灘河進發接據色爾滾蒲尚佐稟報自魯家埡追剿蒲添寶賊股分竄後探得各起分逃之賊又俱合夥東竄羅溪二十一日官兵冒雨淌過羅溪河至冷盤埡一帶追及賊尾雨下如注兵勇淋漓無不切齒痛恨奮勇力剿立斃賊匪百餘名賊眾潰亂奔逃趕殺三十餘里沿途又共斃賊一百二十三名先後生擒一百四十七名口滾崖者亦復不少搶獲賊旗槍矛騾馬無數其所獲各犯因離大營已遠未便解送已訊明吳先光等八十二名均係戰

德壯果公年譜卷二十

三

手當卽正法其難名男婦六十五名口一概照例省釋計蒲逆賊股除此次擒斬並沿途渙散淹斃外所贖不過千人臣卽飛飭色爾滾等總須緊追不予以暇如將首夥全行掃淨不必遠涉來營卽就近在於興山一帶探剿賴大有卽賴先鋒並崔胡戴兩起零匪臣查蒲樊兩股賊眾萬餘自經官兵分路痛剿此時約計不過贖三千人現在均有勁旅剿辦再得兩三仗臣即可集事惟查自四月二十四日以後至今月餘陰雨纏綿凡山中小溪流忽漲忽消賊眾狂奔日行總在百里以外官兵亦不敢稍予以暇故兩股逆眾情急淌渡均有淹衝及渙散之事而各營兵勇



亦有漂沒者現在後隊鍋帳半多落後然當此功虧一簣之際又不敢稍為鬆勁臣惟有鼓勵將弁兵勇趁此賊勢衰殘趕緊剪除廓清楚境庶賊匪早靖一日

聖心卽早安一日閭閻亦早甯謐一日臣戀

蘇北忠州關私悃又可早遂一日也再前次色爾滾等於穆家堙一帶擒獲

男婦賊匪解到營次點查三百零一名口連夜訊明內有探馬頭旗首潘玉安曹建中等四名及戰手祝必先等一百三十六名分別懲罰正法其餘均係難民照例妥爲遞送歸業

德壯果公年譜卷二十

五

諭曰樊曾各逆由大池壩小池壩北竄經德楞泰督率鎮將等緊躡追剿擒賊匪一百餘名其蒲添寶賊股東竄羅溪河亦經色爾滾等冒雨進攻立斃賊匪二百餘名生擒吳先光等一百四十七名餘匪益形窮蹙且賊匪情急洶渡均有淹衝及渙散之事正當乘其潰散一鼓殄除上年夏間首逆徐添德一犯卽因陰雨連絲河水漲發官兵進剿緊急以致落水淹斃此時楚省各股零匪合計不過三千人帶兵各員再能痛剿兩三仗卽可全數廓清目下天氣諒已晴霽德楞泰等督率鎮將兵勇跟蹤進剿無難卽將樊蒲等逆迅速殄平其摺內所稱賊匪早靖一日聖心卽早安一日閭閻亦早甯謐一日卽德楞泰戀闕忠悃亦可早遂一日此數言極爲眞摯但必須勉力實踐至興歸

一帶殘匪三四百人在彼奔竄德楞泰商派李天林孫應奉等前往搜捕疏通運道並著德楞泰上緊飭催迅速掃除不可稍有延緩

初十日

公奏言臣據探報樊曾等逆已竄過獐貉河尾追之兵因水阻於扁擔溝未能趕及臣卽連夜督兵前追趕至該處幸水大而緩連夜搭架浮橋次早全軍渡訖行抵官渡據探報王國賢帶有賊匪五六百人在玉口河搶得難民小船二隻渡到三次河水忽漲浪翻淹斃一船馬賊亦衝去數十騎又探得樊曾兩逆帶有千餘人順河上走花梨溝

德壯果公年譜卷二十

五

孫家壩奔逃臣遂派總兵德昌卽帶原兵一千八百餘名令其過河跟剿王國賢之賊臣仍督兵趕追樊曾等逆探得賊匪走白鐵河蜜蜂塘向羊耳溝有竄老豬溝松樹嶺老林之勢訊據寨民稱該處山高路窄險阻萬分三面皆係溪河現在久雨未止河水盡漲萬難飛越惟有東面廟坪仍可轉至白鐵河蜜蜂塘一路臣查樊逆等勢已窮蹙惟冀苟延殘喘今旣竄入絕地自應乘此兩水漲發之際一鼓殄除又查廟坪之路必須由白鐵溝方可行抵該處而白鐵溝腦兩山夾峙溪河一道延長二十餘里此外並無別路可繞臣再四思維我兵若不冒險躡渡俟雨止水



消則該逆必又他竄斷難制勝即將鍋帳一切留於蜜蜂塘適孫清元吉林泰到來即令孫清元等在彼扼駐以防逆匪折回臣同賽沖阿長齡温春馬瑜等均皆輕騎淌水前進並令馬隊與步隊夾雜拽尾挽手而行其水深處人過胸膺馬及鞍坐急溜處兵勇內亦有淹斃之事幸抵廟坪臣又復曉諭將士兵勇趁此功屆垂成之候各宜出力巴結並傳宣

賞格官兵踴躍非常即乘兩由老豬溝進窺道路崎嶇泥濘人馬盡皆淋漓三十日黎明行抵黃柏埡探報賊匪已竄上馬鹿坪大山迨我兵趕至山脚見萬山叢雜高出雲霄幸旁

德壯果公年譜卷二十

聖

有小路可以分兵競上忽然霧氣大作上下瀰漫即趁雨霧之勢令賽沖阿長齡温春馬瑜各分一路臣督同齊上進至半山適賊眾亦為雨霧所蔽毫不知覺我兵吶喊奮力勦殺賊即紛紛潰散奔上山頂憑高拋擲亂石抵拒官兵冒石步步進逼愈攻愈力一擁搶上山頂箭射矛戳立殺賊五六十名生擒男婦五十八名時雨止霧散賊又敗上黃嶺仍復依險抗拒臣遙見山下遠約十餘里有大河一道水勢沸湧兩旁皆係峽口詢之鄉導稱係平口河腦草龍灘漁沱等處水深浪大均不能過臣隨督同將領員弁兵勇竭力仰攻即時搶上賊又四散逃奔當又分路圍

勦賽沖阿等帶兵由黃茅埡自上下壓長齡等帶兵由岳洲峪旁截温春等帶兵抄下漁沱馬瑜等帶兵由觀音碓邀擊分投並進痛加勦殺將賊匪盡行逼下溝底適温春等由漁沱迎頭截殺而來馬瑜亦帶兵下溝該逆奔投無路盡皆號泣大哭見樊逆騎黃騾一頭手中亦無器械會逆騎青騾手持長矛率領贖賊四五百名盡行投河河內亂石崢嶸波浪湍激有各營善水兵勇六十餘名見二首逆淌河皆脫去衣衫赤身息水趕擒會芝秀被衝已遠臣親見鄉勇三人趕上樊逆一人拽其騾尾二人向前拖抱下鞍扭在一處溜至急湍處所均為巨浪搏擊下灘杳無

德壯果公年譜卷二十

聖

蹤影拾獲樊逆草帽及所騎騾頭見水鄉勇中被水衝去十數名究不知拖抱者為誰是以未能聲敘其名計共殺賊二百四五十名生擒大小男婦一百八十七名口搶獲旗幟槍矛騾馬極多臣當令各獲犯於活賊內徧行指認有樊逆之妻王氏偽先鋒姚名科偽總兵徐懷龍與相又於各營繳來首級內認有樊逆之子樊龍王國賢之母舅朱老教師偽先鋒劉昌武等多名訊據樊王氏供委係樊逆之妻所獲草帽黃騾亦認係樊逆之物又將擒獲各頭目及各首級令其逐一指認無異又遊擊閻俊烈於初一日來營面稟二十七日探得有賊匪五六百名騾馬二百



餘匹過河在木瓜坪屯紮是夜帶領兵勇並竹山縣范繼昌派來練勇乘夜冒雨過河圍剿賊眾於睡夢之中驚惶亂竄兵勇痛加勦殺追至河邊又殲戮大半內有一賊赤身祇穿紬褲有賊喊叫王元師被兵勇蔡如清等聞知追趕該逆背受矛傷兩處及至大西河邊撲入河內蔡如清等下水捉拏已被水衝去屍身未獲千總胡國安等又於屋內徧搜有賊往外衝殺胡國安被賊截傷軍功彭光彩力敵當用矛將該逆截倒割取首級共殺賊一百餘名生擒活賊五十七名大西河內淹斃者二百餘人搶獲旗矛騾馬無數據活賊認出偽先鋒高功成張士林偽總兵彭宗益三名屍內認出樊人傑之弟樊人禮其子與姪樊虎樊鳳偽先鋒張宗成王富宇王國賢之妻餘匪無幾向濫池子逃竄將生擒各犯及殲斃各首級一併解驗前來當令樊王氏等隔別認識均屬確實臣查王國賢賊眾過河時原不過五六百人茲又被閻俊烈等大加圍剿殲擒頭目多名首逆帶傷撲水雖生死不定而此股賊匪亦已殲戮殆盡查德昌係二十八日派令帶兵過河追剿王國賢等而閻俊烈圍剿係二十七日夜間之事臣現已飛飭德昌即將王逆餘匪趕緊掃淨至遊擊閻俊烈前在四川打仗奮勇曾蒙

德壯果公年譜卷二十

星

賞給巴圖魯名號近自穆克登布派令帶兵搜剿川楚邊界零匪在於太平大甯二竹等處每多擒斬此次乘夜過河圍剿王國賢等賊匪多名又能以少擊眾實為奮勇可嘉相應奏懇臣聖恩賞給閻俊烈參將銜遇缺即補又已革把總劉從善亦極為奮勉應懇臣恩仍以把總即補其所帶兵勇並竹山練勇共三百五十名臣均各賞銀一兩鼓勵所有偽總兵偽先鋒各頭目姚明科等六名均即懲割處死其夥匪周元和等一百九十二名一概正法其餘難民一百零四名口均妥為遞籍安業此次樊人傑被水淹斃臣等均皆目擊毫無疑義投河之賊人眾數百均皆淹斃曾芝秀先被衝去斷難得生實無一人漏網初一日天氣晴朗而水急浪猛兵勇等尚無從打撈因令該縣范繼昌派委安差俟水勢消落在於河口下流徧撈該逆手帶金釧二隻諒水不能衝脫即可為憑又查其妻王氏本係官渡被擄難婦現有伊夫楊國秀前來認識當即令其領回完聚伏查樊逆於同謀起事諸逆中輩分最大凡川陝楚各股首逆如王三槐冷添祿徐添德羅其清冉文儔等無不聽其指使偽封皆以該逆為憑該逆倡亂多年煽惑人心荼毒四省生靈不知凡幾茲將該逆

德壯果公年譜卷二十

星



並其兄弟子姪一併誅戮全股根株淨絕實足以彰

國憲而快人心再楚省月前惟樊蒲兩大股賊眾萬餘至今

樊會兩逆業已剪除淨盡其蒲添寶一股近亦祇有八九

百人此外尚有賴先鋒熊總兵唐明萬各千餘人崔胡戴

三四百人均在興巴山內但臣兵勇此番趕追賊匪行走

迅速鍋帳衣鞋多有為水衝失阻滯者又有傷足落後未

到者稍為整頓即移師前進因思二竹為川陝邊界賊蹤

往來倏忽無定不可無兵彈壓搜捕查孫清元係鄖陽鎮

總兵原帶馬步兵勇一千餘名德昌亦帶兵勇一千八百

餘名擬令其在二竹一帶所有零匪即責成該二鎮搜捕

德昌與公全譜卷二十

淨盡其東湖歸巴一帶係宜昌鎮所屬擬令吉林泰帶原

有馬步兵勇一千八百餘名前往與李天林前帶兵六千

八百名在彼搜捕臣與賽沖阿長齡即移師向興巴山內

搜剿蒲逆並遁藏各股餘匪

諭曰樊人傑係積年起事首逆最為狡悍曾芝秀一犯糾約夥黨

在楚滋擾日久均為罪大惡極此次德楞泰督領將弁冒雨分

路進攻將該逆等緊逼至漁沱等處賊勢窮蹙已極無可逃生

各赴河淹斃并將該逆等妻子弟姪全數殲擒大股夥黨業已

掃除淨盡德楞泰調度有方身先士卒故能人人用命所向披

靡此皆伊一人之功實屬可嘉之至現已另降諭旨將德楞泰

晉爵酬庸並出力各將弁兵丁俱加恩給與議敘一體獎賞矣

至樊會二逆被水淹斃雖據稱彼時水急浪猛兵勇等不能站

腳打撈但該逆等罪惡貫盈必當於水落時打撈務獲到屍示

眾方足以快人心而彰國憲亦可息淨言而成定案現在德楞

泰分派孫清元德昌各帶兵勇在二竹一帶搜剿零匪吉林泰

李天林往東湖歸巴搜捕其蒲添寶一股尤關緊要德楞泰督

同賽沖阿長齡等移師往剿所辦俱是德楞泰當乘此大勝之

勢將兵旅略為整頓速行督率進剿又所稱蒲添寶一股祇有

八九百人此外尚有賴先鋒熊總兵唐明萬各千餘人均在興

巴山內奔竄聲敘殊未明晰與前奏之數不符現在賊匪尚有

德昌與公全譜卷二十

若干並著將實數查明具奏其賴姓等股匪現係何人專辦著

德楞泰先行飭催上緊剿捕勿稍延緩

又

諭曰德楞泰剿辦教匪節次殲擒首逆冉文傳高均德齊國謨高

二徐添德龍紹周等其餘賊目尚多而其功績最著者尤在截

剿偷渡潼河賊匪連接五仗生擒首逆冉添元保全川西數百

萬生靈至今該處人民感頌業經疊次加恩遞封二等伯此次

又復將元兇極惡之樊人傑及首逆曾芝秀等奮力逼剿該匪

等情急投河淹斃元惡既殲餘匪更易掃除自可剋期蕩事厥

功甚偉德楞泰著加恩晉封三等侯並賞給白玉大吉葫蘆牌

一第丁丁丹 貴參日華全書第 4 卷三九



四喜王搬指金絲盒珊瑚豆黃瓣大小荷包將軍養沖阿副都  
統溫春總兵馬瑜分路帶兵俱屬奮勇著加恩交部從優議敘  
其餘各陞  
賞有差

恭錄

御製詩

參贊德楞奏報冒雨趕剿賊股淹斃極惡樊人傑首逆  
曾芝秀殲戮生擒者一千餘名詩誌感慰

樊逆殃民惡久著

天誅大愆付洪流翻山齊奮彎弧勇背水皆成滅頂囚

王廷詔李淑齊王氏張漢潮等同謀起事在其教中輩分最大  
各股首逆王三槐冷添祿徐添德羅其清冉文傳等皆聽指使

德壯果公年譜卷二十

實屬稔惡巨擘日久稽誅昨經德楞奏勦匪窟入房縣山中茲  
據奏到五月二十八日官兵追至官渡探得樊人傑與曾芝秀  
夥賊千餘竄走花黎溝孫家壩一帶我兵緊躡至龍波嶺賊走  
白鐵河其地峻高路險三面溪河而白鐵溝一道袤二十餘里  
並無別路維時久雨山水盛漲斷難飛越德楞等派將士  
傳宣賞格於險澗中出賊不意輕騎洶水牽挽竟渡山老豬溝  
進抵黃柏壩時三十日黎明賊窺上馬鹿坪大山官兵進至  
山脚於濃霧中覓小路直上聲聞相接賊憑高擲石如雨官兵  
冒石奮擊賊敗上黃嶺嶺下大河一道水勢洶湧兩旁峽口地  
名平口河腦官兵攻上黃嶺逼至溝底賊無路奔投哭聲沸水  
樊會二逆驅眾投河於盤渦急湍中俱行淹沒兵勇即入水趕  
擒會芝秀為水衝沒樊人傑身騎黃驃為鄉勇三人追及拖拽  
擄拒人急請處浪擊無從二賊恐惡已久兵勇皆能識認德楞  
泰臨河目擊據奏毫無疑義又賊於官渡分令其弟姪隨偽元  
帥王國賢分隊過河二十七日為派出之遊擊閻俊烈乘夜冒  
雨圍撲王國賢背受矛傷投入河內賊眾殲除殆盡此三日兩  
處共生擒樊人傑之妻王氏偽先鋒姚明科高功成張世林偽  
總兵徐懷龍與相彭宗益陣斬樊人傑之子樊龍弟樊大體姪  
樊虎樊鳳王國賢之妻及其母舅朱老教師偽先鋒劉昌武張  
宗成王富字等擒斬淹斃賊千三百餘名全行掃蕩該逆兇猾

飄忽通誅積年今於宿雨盛漲中盡洗破惡較之仁河勦溺徐  
添德更為痛快現惟湖北滿添寶殘匪數百人及陝西南山之  
零孽苟文明一股俱已可計日廓清 楚境衰蒲 風急捲陝疆  
用成 先志虔額 吳恩垂佑 德楞奏節次殲擒首逆屢  
猗犬苟文 吠將休酬勲爰降封侯旨 著膚功其勦截偷渡潼河  
賊匪接連五仗生擒首逆冉添元保全川西數百萬生靈厥功  
尤偉前經疊次加恩晉封二等伯此次又復將元兇極惡之樊  
人傑及首逆曾芝秀等逼剿盡數投河淹斃功績懋著宜予酬  
庸德楞奏晉封三等侯將軍養沖阿副都統溫春總兵馬瑜各  
交部從優議敘餘各子 邪盡良安  
以議敘獎勵賞資有差

考澤優

十五日

公奏言竊 前因平口河一帶山深林密恐賊匪被追情  
急或有竄匿其間並南北兩岸下游均須逐一搜查當派

德壯果公年譜卷二十

副將馬應國等在下游北岸派遊擊劉彪等在下游南岸  
並派副將達自祥等在附近一帶逐處分投細查旋據劉  
彪等回稟初三日過河查至下游六十里並無賊蹤惟有  
安甯寨見有該寨雇工一人形色可疑詢係楊本明遠安  
縣人再三盤詰始稱向來在賊營替樊人傑背負鍋米那  
日樊人傑淌下水去我見他在河中間和幾箇人揪扭拖  
下騾子來一齊衝下灘去那時官兵殺得急了大家跳下  
河裏我衝到淺處上岸我們共有十三箇人曾元帥也在  
內等語又於路旁林內拏到姚文俸一名據供係四川中  
江縣人亦係撲水與楊本明前後上岸之賊訊稱是日上



岸時並未見有曾芝秀等語臣復親加研訊詰以楊本明所供曾芝秀同在河灘上十三人之內何以姚文俸所供又無曾芝秀反覆究詰各執一詞語言支吾旋即一併正法因思所供曾芝秀上岸不過共有十三人即或所供情真亦不過暫時漏網難逃誅戮但賊匪詭計多端甯信其有勿信其無現已選派妥幹兵勇前往該處上下各洞寨徧行查訪如再得二三人即可得其實在生死底裏並就近飭知竹山縣范繼昌竹谿縣徐如灝懸賞徧傳山中各洞寨一體查拏至於樊逆一犯現據該二犯所供不見上岸臣及將領員弁彼時均皆目擊鄉勇揪扭一同被浪搏

德壯果公年譜卷二十

哭

擊下灘淹斃毫無疑義其王國賢一犯撲河不知生死俟臣查明確實再行具奏臣於初五日同長齡向興山探勦蒲逆股匪據色爾滾蒲尙佐呈報五月二十四日探得該逆竄入興山屬之桂連坪屯聚查詢該處舊有民寨周圍八九十里在老林密箐之中崖礮陡險馬不能進為歷年賊匪未到之地官兵進抵洪河詢之士人由煙墩垵獅子垵可抄至桂連坪東面之唐家營二十七日五鼓分兵兩路進攻色爾滾等由右手抄石映溝腦進攻蒲尙佐等由石映溝直上侍衛蘇爾慎營總富登阿蘇清阿副營總珠山協領德甯阿參領札呼岱等因路徑險窄馬力難施即

帶領吉林索倫兵丁均棄馬步行午刻趕抵山脚詎該逆扼據舊卡堆放亂石我兵用槍箭仰攻往來相持至申刻始得搶上時沈洪等亦從石映溝腦攻搶而來兩路併力立斃賊匪六七十名乘勢衝入賊巢賊眾即形慌亂兵勇分投趕勦又殺賊四五十名該處四面盡係高巖陡礮賊眾被追情急跳巖而死者一百餘人生擒活賊四十二名剖取耳記七十一副搶獲旗幟騾馬無數天色已晚樹木叢密未敢深追所贖餘匪六七百名四路翻山散逃騾馬全無現仍分投差探首逆所在即當前進訊得活賊袁功福等二十七名隨賊日久放火殺人立即正法難民照例

德壯果公年譜卷二十

哭

省釋又據德昌稟報探有零匪一股在竹谿屬之王家山漁溪河一帶滋擾六月初一日帶兵前進分派參將承祿等由右手山背抄出漁溪河前德昌等由漁溪河直進賊匪慌亂順河狂奔趕殺賊匪三十餘名適承祿等帶兵抄至下流突出夾擊又斃賊四十餘名殲斃偽總兵何士魁生擒男婦賊匪六十一名口搶獲騾馬矛旗甚多餘匪遁入老林訊據大旗手張正義供係黃號餘黨有四百多人是元帥何總兵李總兵帶領纜到這老林裏來不想官兵殺來被拏等語訊明後即同矛手何勳等十名一併梟首其附近難民已令寨民認領尙有可疑男婦盧起坪等二



廿七名口解交竹谿縣研訊明確分別辦理等語臣當已  
飛飭德昌令其趕緊勦辦再臣此次由巫山入楚因賊蹤  
飄忽軍行無定而川楚辦理糧餉各員籌備妥協無分晴  
雨均能源源運供得以無誤謹據實開單奏

聞懇

恩鼓勵再此次吳熊光聞樊逆等股賊匪首夥勦盡兵馬冒雨勞  
苦解到犒賞銀六千兩布鞋靴鞋六千雙並帳房馬掌等  
件懇為分賞臣已按名分別賞給員弁兵勇得此犒勞無  
不忻抃鼓舞所有

賞格內應需銀兩即可無庸給發其最為出力之將領員弁超眾

之兵勇臣謹繕寫清單恭呈

御覽懇

恩分別鼓勵再臣於初二日移抵官渡後隊官兵於初三日申刻  
行抵羅圈崖地方忽然大雨盆傾山水陡漲適兵馬經過  
山下崖石陡塌除壓斃淹死夫役外查有

盛京防禦部委參領張進恆甲兵部委官吞多吉林領催部  
委驍騎校福順三員漢兵張啟奎熊伸魁王世俊王彬四  
名鄉勇劉洪易一名均被山石壓斃尚有受傷官兵寸餘  
員名均不甚重查張進恆等八員名隨征日久甚為出力  
此次勦辦樊人傑股匪尤為勇往可否准其

賜卹之處出自

皇上天恩再查三省賊勢現已衰殘如陝境祇有苟宋李三逆不  
過千人川省祇有百十為羣者數起官兵分投搜捕指日  
即可集事至於楚境亦惟有蒲賴熊戴崔胡六逆分竄於  
興巴老山之中約共不過三四千人臣現即移師前進其  
二竹及歸巴各餘匪約共亦不過千餘人臣業已派令孫  
清元吉林泰德昌李天林四路分兵趕緊搜剿是楚省賊  
勢較前已去十分之七蕙事在即現在營中帶兵將領甚  
多應隨時酌量遣回稍節糜費所有侍衛珠爾杭阿法依  
當阿護軍參領五達色副前鋒參領巴哈佈委前鋒參領

雙吉直隸遊擊珠勒亨山西都司溫承弼等七員臣已分

咨令其回旗赴任嗣後營中有應行遣回滿漢官員臣即  
陸續查明給咨辦理庶撤兵時沿途不致擁滯

諭曰據奏擊獲楊本明一犯供稱伊等跳河後衝至淺處上岸共  
有十三人曾芝秀亦在其內又擊到姚文俸一犯據供十三人  
內實無曾芝秀再三研結該二犯各執一詞難以憑信曾芝秀  
亦係緊要首犯若並未淹斃任其漏網已不成事至樊人傑為  
首惡元兇前經奏到該犯落河身死全股掃蕩已明降諭旨大  
沛恩綸茲德楞泰訊據楊本明姚文俸二犯俱供不見樊逆上  
岸但不得屍身總未可信德楞泰應即嚴飭各州縣上緊打撈



務獲驗明手帶金鐲指認確鑿判屍示眾方足息浮言而靖人心儻此事不辦證明確又如王世虎劉朝選已報殲斃逾時復出更復成何事體耶德楞泰一獲焚逆屍身查驗的實即速奏聞其會芝秀一犯亦著上緊查拏現在蒲賴熊戴崔胡六逆通計不過三四人德楞泰移得勝之師勦辦跂望捷音踵至其二竹及歸巴零匪催令孫清元德昌等迅即搜捕淨盡勿稍遲延所有羅圈巖山塌壓斃之參領兵勇等均著照陣亡例咨部賜卹其奏請陞賞文武各員已照所請降旨加恩矣

二十四日

公奏言 由高灘河獐貉河蒙古寺一路進兵沿途逐處

德壯果公年譜卷二

五

搜捕零匪均已淨盡十四日至獅子巖據色爾滾蒲尙佐報稱蒲添寶賊股二三百人均無騾馬屯聚於興房交界之鮑家山恃險抵拒或百餘人或二三百人在於密箐陡窄處阻截查詢土人均稱鮑家山週圍三四百里係賊匪從未到過之地其中洞寨糧石甚多東通薄磨坪壽陽坪南通煙墩壩茶園河口西通夾帶河長房湖北通松香坪白衣庵等處溪流圍繞淺深不一路徑陡窄偏橋甚多並間有須攀附而過者屢經差探相同各路探事兵勇內竟有被賊戕害者現在我兵已至獅子背進逼等情細加查詢鮑家山為興房第一險要之地蒲逆賊匪本屬無幾

今又合上兩股非崔胡戴之賊即係賴熊等逆該匪等明知死亡在即恃險抵禦色爾滾等兵力單弱已切囑稍待兩三日即可到來再為相機籌計萬不可冒險輕進惟臣兵在東北而西南實在空虛若不預為遏截即使進兵圍攻該逆又必遠颺當派吉林泰帶兵由九道梁扇子壩自西而東確探賊蹤迎截其馬家溝仙家坪飭令副將烏爾卿額帶兵扼據以堵為勦庶前後均有兵力更易集事現在吳熊光前來獅子巖會晤將善後各事宜彼此熟商如賊勢現已衰殘其搜查零匪須酌派委員董率寨民分段辦理又民間軍器等項亦須不露聲色暗為查記庶將來易於收繳再雲貴河南山東四省各兵在楚勦賊者每省不過數十名及一二百名均不成隊此項官兵出征日久現在賊勢衰殘亦不藉此有限兵力自應遣令回營以示體卹至鄉勇一項良莠不一尤為籌辦善後要著當藉此兵威預為安插布置此外一切安營設汛事宜皆關緊要等反覆商榷意見相同已囑吳熊光次第安辦至全楚現在之賊如王國賢餘匪前竄二竹經孫清元德昌兩路帶兵追剿現在與青號零匪併合亦不過六七百名茲據報稱被官兵抄截折走向家壩非竄入川界則走九道梁查川省現有張績達勒精阿武隆阿等在於巫大一帶

德壯果公年譜卷二

五

來易於收繳再雲貴河南山東四省各兵在楚勦賊者每省不過數十名及一二百名均不成隊此項官兵出征日久現在賊勢衰殘亦不藉此有限兵力自應遣令回營以示體卹至鄉勇一項良莠不一尤為籌辦善後要著當藉此兵威預為安插布置此外一切安營設汛事宜皆關緊要等反覆商榷意見相同已囑吳熊光次第安辦至全楚現在之賊如王國賢餘匪前竄二竹經孫清元德昌兩路帶兵追剿現在與青號零匪併合亦不過六七百名茲據報稱被官兵抄截折走向家壩非竄入川界則走九道梁查川省現有張績達勒精阿武隆阿等在於巫大一帶



往來堵截臣飭令隨時偵探賊蹤與孫清元等兩面夾擊賊少兵多即可撲滅其歸州白馬灘運道據李天林稟報業已疏通無阻惟東湖界上尚有勦散零匪臣飭令該鎮卽就近前往勦捕此外如賴先鋒熊總兵唐明萬戴四崔宗和胡明遠等均係勦贖遺孽目前游奕於興巴山中此時或與蒲逆合夥亦未可定臣將蒲逆辦竣仍卽督率各路兵馬探明賊蹤相機分路勦洗總期迅速掃除肅清楚境再臣此次道經竹房沿途百姓咸知極惡首逆樊人傑大股賊匪已被翦除官兵所至道傍男婦老少頂祝焚香感頌

德壯果公年譜卷二

請

皇仁臣隨處面加慰諭並曉以零匪出沒無常不可遽搬移回家仍當住居洞寨聯絡團練隨時搜拏零匪既足自衛並可邀功當均酌給大小銀牌獎勵無不歡聲載道而去田禾地糧均皆暢茂可望豐收洵屬太平之象堪以上慰

聖慈

諭曰賊匪伎倆全在東奔西竄牽綴官兵追勦未免費力今蒲逆等因無驍馬不能遠竄僅在山內屯聚而崔戴等逆亦以無路可避與之合夥困守此係極好機會正可聚而殲旃德榜泰現已分派將領帶兵堵截伊卽由東北進發日內諒已早抵該處四面兜圍自可將蒲逆股匪指日殲除惟當辦理淨盡轉不必

過於急迫致有草率大功將成益當周詳賅備不在一月半月也至摺內稱與吳熊光會晤一切事宜妥爲熟商等語深得和衷共濟之道甚慰朕懷其奏鄉勇中有可裁汰者更當藉此兵威預爲安插布置一節所辦甚是鄉勇一項良莠不齊自當趁大兵未撤之先以次抽裁妥爲安插方不致滋生事端前已降旨諭令酌量辦理今所奏正與前旨相合其雲貴河南山東四省客兵均不成隊現已遣令回籍所辦亦俱妥協至王國賢等餘匪著督催迅卽辦淨以期楚境一律肅清

德壯果公年譜卷二

臣



德壯果公年譜卷二十一

次孫花沙納恭纂

嘉慶七年壬戌

七月初五日

公奏言竊<sub>臣</sub>前因蒲添寶與山內兩起賊匪合夥屯聚於興房交界之鮑家山恃險設卡抵拒當以兵力稍單囑令色爾滾蒲尙佐等持以慎重相機籌剿<sub>臣</sub>分派安幹兵勇四出躡踏地勢連日探報鮑家山周圍數百里密菁深林四面懸巖偏橋極多半山之中有平壩十餘里原係古寨百姓蓋房居住開懸山地包穀雜糧極多賊匪從未經過

德壯果公年譜卷二十一

之區雖有洞寨不甚堅固以致被賊匪攻搶者數處其入鮑家山大路兩條約長八九十里偏橋全行拆毀馬匹萬不能前進其有採藥小路盡皆挖斷亦有賊匪防範並稱該處原有兩股賊匪數百人先已屯踞其上蒲逆賊股剿殘之後所贖六七百人馬匹皆無又已與之合夥恃眾依險毫無畏懼等情又據色爾滾等前後來信探得有小果子園大果子園迷人坳連三坳有採藥僻徑一條均係老菁荆棘塞道若砍開挖修順山梁過連三坳口下有陡巖兩層高三四丈不等過此由老林內下行三四里即達賊屯之處惟由此進取庶可攻其不備直搗賊巢旋即移至

大果子園又恐賊匪知覺一面派遊擊會壽帶兵仍在大路牽綴作為進剿之勢自十九日起派兵挖修二十二日始至連三坳口前途尙有三四十里方抵賊巢色爾滾蒲尙佐馬元張應貴等籌商道路窄小鍋帳不能馱帶必須安紮後營又恐賊由牛攔頭竄出商令營總珠山遊擊賀廷印帶兵一百五十名在於牛攔頭扼據多豎旗號虛張聲勢並傳諭附近洞寨預備槍礮以助軍威色爾滾蒲尙佐等是日挑帶滿漢步兵一千餘名乘月色步行而進直至連三坳口前途盡係箐林難行之極有總管富登阿參將張應貴賞戴花翎守備史定川同守備周志林張萬林

德壯果公年譜卷二十一

帶奮勇兵四百名開道先行及近賊巢三四里有巖礮兩道高二四丈令兵勇等各取葛藤為繩繫於樹上縋繩而下<sub>殊此可憐</sub>藤斷跌傷滿漢兵勇數名色爾滾蒲尙佐等陸續下巖時已午刻富登阿張應貴史定川等已將鮑家山老林內之山包占據賊匪毫無知覺及兵勇配齊出林蒲尙佐參將沈洪守備李榮陞帶兵勇由左手前進副將馬元遊擊虎正林等由右手截剿色爾滾總管富登阿協領德甯阿防禦扎呼岱遊擊楊登魁都司沈彪帶吉林索倫及綠營兵勇直前進剿一齊吶喊衝入賊巢賊眾約有一千五六百人登時紛紛慌亂前逃隨即痛加殄戮立斃賊二百餘



名生擒何三忠等一百八十一名因賊匪自將各處要路挖斷偏橋拆毀奔潰至此無路前逃撲巖跌下深溝者即有二百餘名我兵亦有滾巖者數名至餘匪盡皆四散鑽林越箐我兵分投跟蹤追剿因林深箐密賊匪擁擠不開官兵趕前痛剿又共殺賊一百六七十名生擒楊添福等殊批好六十三名是晚即於林中露宿次日各帶兵勇搜獲散藏零匪彭士明等四十二名計連日共殺賊三百七十餘名生擒首逆妻子兄弟及各賊目男婦大小二百八十六名口滾巖跌死者二百餘名旋據探報三股合夥餘匪所贖七八百人仍遁入油榨溝老山之內該處仍可通鮑家山

德壯果公年譜卷二十一

三

老林臣遂一面派令馬瑜富翰富僧德副將馬應國何君佐參將馬文斌挑帶步兵飛行前往協力掃除臣現與賽冲阿長齡温春帶馬兵在於老林外之煙墩垭一帶扼截總期就地辦淨勿留遺孽至此大所擒活賊男婦大小二百八十六名口首級耳記共二百三十一副現均解到臣營當將各犯研訊內有蒲添寶之胞弟蒲添朋蒲添寶之妻王氏陳朝觀之次子陳宗恆之妻李氏先鋒井英之妻何氏探馬旗手何三忠楊逢榜周茂盛熊廷貴等並據供出穢斃少掌櫃陳宗顯即陳朝觀之長子老教師冉文海即冉文儔胞兄偽先鋒冉啟才等三名當將蒲添朋並賊

目何三忠楊逢榜周茂盛熊定貴五名斃割其老賊並精壯戰手張明懷李正寬等一百九十二名一概正法其餘難民八十九名口給與路票回籍安業其逆妻蒲王氏陳李氏并何氏係應緣坐之犯送交隨營知府金之忠阿霖照例辦理此次打仗有四川藍翎外委王得勝一名陣亡應請

旨加恩賜卹至曾芝秀一犯臣留心查訪現無影響即使倖而漏

網亦斷不能復行裹聚再查前次趕剿樊會賊股有廣西右江鎮總兵德昌廣東提標中營參將德興湖北督標左營遊擊金洪翻所帶湖南廣東廣西三省兵丁內沿途因

德壯果公年譜卷二十一

四

雨水連絲自行徑回房縣者竟至二百餘名實出情理之外嗣經臣同長齡派令副將烏爾額前往查收又據烏爾額報稱收回官兵內有湖南兵丁毛清等八名廣東兵丁趙必陞等四名廣西兵丁劉坤等二名中途落後又復回房縣現已差弁查拏等情隨據解送到營臣查該兵丁等怙惡不悛竟敢復行脫逃實屬目無法紀訊據供稱係湖南兵丁毛清廣東兵丁趙必陞廣西兵丁劉坤三人起意脫逃郭朝先等十一名聽從同行訊明後臣即傳集合營官兵剴切曉諭將起意之兵丁毛清趙必陞劉坤三名立殊批甚是即正法並令懸首示眾其聽從之兵丁郭朝先等十



一名均用重枷枷號示眾俟軍務告竣再行發遣伊犁給額魯特為奴至於該領兵員弁本應一併查參但念帶兵之員屢經更調其湖北征兵積疲已久實非起於近時現已嚴飭德昌等妥為管束訓導儻再有故違即行一併查參

諭曰蒲添寶與山內兩起賊匪合夥屯聚鮑家山恃險抗拒經色爾滾蒲尚佐開挖路徑乘夜率兵步行前進兵勇等俱攀藤附葛而行賊匪猝不及防登時紛亂官兵痛加殲戮連日共殺賊三百七十一名生擒首逆妻子兄弟各賊自男婦大小二百八十餘名滾巖跌死者一百餘名此次色爾滾蒲尚佐二人實可謂不遺餘力但所獲匪向非緊要賊目多係該逆等妻媳而首逆蒲添寶帶領所贖夥匪尚在奔逃德楞泰應即催令色爾滾蒲尚佐乘此兵威勝勢益加勉速將該逆首夥悉數擒拏一俟此股辦完德楞泰即將伊二人及此外出力將弁據實保奏候朕優加恩獎其因縋藤而下跌傷之滿漢兵勇數名實堪憐憫著德楞泰查明如僅係跌傷即照例酌加賞資儻因傷身故即照陣亡例賜卹現在楚省賊匪為數已屬無多况天氣漸次涼爽德楞泰應督率各路鎮將趕緊剿辦以期迅就肅清再膺懋賞所有此次陣亡之四川藍翎外委王得勝著咨部賜卹又據奏辦理逃兵一節所辦甚是至帶領三省官兵各員不能妥

德世果公年譜卷二一 五

為管束實有應得之咎廣西總兵德昌廣東參將德興湖北遊擊金洪翮均交部嚴加議處

公又奏言竊臣欽奉六月初十日

上諭以臣冒雨趕剿淹斃極惡元兇樊人傑厥功甚偉晉封侯爵臣跪讀之下感激惶悚莫能名狀當即免冠望闕叩謝

闕叩謝

天恩訖伏念臣蒙古世僕由健銳營前鋒出師回部金川石峯堡

臺灣廓爾喀苗疆等處質本駑駘材同樗櫟仰蒙

高宗純皇帝豢養造就

畀以軍旅重寄涓埃未報愆罪日多迺荷我

德世果公年譜卷二一 六

皇上矜全曲宥再邀

策勵頻年

錫類駢蕃

褒榮疊晉更叨

軫念戎行鼓勵無已益使軍心感奮勇氣倍興凡茲克捷制勝者

無非

睿謨訓誨並

鴻慈激揚所至臣秉承

指示不過親歷行間相機調度本屬職分當為之事况軍務至今

六載臣恭膺參贊未能迅速蕩平早紓



宵旰焦勞遲延負疚夙夜難安卽此次臣由巫山入楚其時探明

楚匪實在鳴張散漫應當以

國事為重顧其大局是以據實

奏明過楚迨至東湖興山趕剿樊蒲兩大股賊眾已有萬餘

幸將士奮興效命得以疊加痛剿賊勢始行披靡蒲逆一

股現已所贖無幾而不及兩旬元兇樊人傑又伏冥誅全

股殲除淨盡均非臣意計所及此皆仰仗我

皇上威福山河效靈始克迅速若此於臣毫無寸長足錄且臣前

荷

隆施授為參贊

德壯果公年譜卷二十一

簡補成都將軍

特賜內大臣

御前侍衛

賞戴雙眼花翎

加恩晉至二等伯爵臣之子蘇崇阿復蒙

賞給頭等侍衛挑在

乾清門行走是臣父子仰沐

覆載陶成至優極渥臣嘗念軍興以來三省中統兵大員惟臣

人材質為最下亦惟臣一人受

恩為最重不但臣捐糜頂踵不足以酬報

鴻慈臣世世子孫亦無以仰答

高厚迺以剿除樊逆之捷特蒙

溫綸再沛

加恩晉封三等侯爵復邀

上方珍賜聞

命自

天感悚無地至侯爵本為臣下不世之遭逢實為臣夢想所不到

惟念臣本屬單姓寒門當兵出身自揣福薄識淺受

恩已為逾分况臣今年五十八歲雖齒落髮白而精力頗強尙堪

驅策卽大功告成臣報效於

德壯果公年譜卷二十一

陛下之日正長一旦遽邀此

異數竊恐福折留生反致有辜

聖德况樊逆屍身未獲曾逆生死不知軍務又未告竣臣尤不敢

承受用是不揣冒昧籲懇

天恩賞准收回

成命俾犬馬餘生得以常依

闕下竭盡血誠圖報

主恩於萬一

諭曰德楞泰奏懇辭侯爵一摺此可不必軍營功罪視其人之自

取朕初無所容心於其間朕於德楞泰素未識面因伊屢著勞



續疊加懋賞此乃酬庸懋典不爲逾分若有功可不受賞豈有過者亦將不任罰乎德楞泰惟當倍加感奮上緊搜捕零匪如能迅速肅功肅清楚境更當承受厚賞儻心存自滿朕恩亦豈可恃總宜勉益加勉慎之又慎誠不在目前退讓虛文也所有懇辭侯爵之處著不在行

初八日

諭曰昨據額爾登保奏請展限一月於七月內勉力趕辦定將荷逆設法擒獲又前勒保奏稱嚴飭鎮將等官限於七月內將川省所有零匪一律肅清各等語俱已自定期限朕惟計日以待大捷喜音之至至湖北一路雖未據德楞泰奏明何時可以辦

德壯與公全譜卷二十一 九

竣然伊初五日奏到之摺稱滿逆一股已祇贖七八百人其餘熊劉各逆及東湖竹谿零匪統計不過三千餘人是楚境逆氛亦無難剋期掃蕩辦理教匪已逾六載又及半年爲時不可謂不久朕初未嘗過事迫催令伊等難於措置現在陝省祇有苟文明等在南山遁匿額爾登保已派應元寬楊芳等分路跟搜伊與扎克塔爾楊遇春扼要策應該逆釜魚阱獸豈尙虞其奔逃而川境久無成股之賊不過數十人數人零星潛匿更易搜捕德楞泰到楚後連獲勝仗殲斃極惡首逆樊人傑曾芝秀等軍威大振昨又將鮑家山攻破將滿逆妻子兄弟生擒諒滿井等逆均已喪膽亡魂刻交秋令氣候涼爽雨水亦稀正當壯飽

馬騰之時額爾登保勒保均當迅速辦竣以符自定七月之限德楞泰一路早經得手計此旨到時已在七月中旬若能於月內辦淨此朕所昕夕冀望者或因賊數稍多亦祇可遲至八月萬難再緩也現距啟鑿之期不過旬日朕由熱河前往木蘭行圍蒙古王公俱來瞻觀伊等亦知勦辦教匪一事將次肅功並因連年須馬甚多牧廠未能足額呈進馬匹充補缺數業經賞收加以恩賚其時大功告竣捷報遙馳朕可就近宣示使該王公等知數年軍務俱已完善肅功自必同深慶忭朕定將額爾登保等一例優賞帶礪策勳儻既逾七月之限至八月尙不能畢事又將遲至冬間以冰凝路滑爲詞成何事體朕亦無可曲爲寬貸必將伊等嚴行治罪豈不前功盡棄耶勉之懍之朕言不再

德壯與公全譜卷二十一 一

十五日

公奏言竊臣於六月二十六日拜摺後督率大隊取道唐家營東進探報賊衆由紫荆山東逃我兵正可遏其去路又接據色爾滾滿尙佐稟報該逆被兵尾追知紫荆山有大兵迎截不敢東走連夜西折向黑山簸箕山奔逃該處盡屬老林其徑直通鮑家山現已分帶步隊兵勇緊跟尾追等語臣查鮑家山西南北三面如獅子背寨灣頂塘六塊石等處均係要路必須分派兵力截勦庶色爾滾滿尙



佐尾追之兵方可得力卽令副將烏爾卿額等帶廣西湖南步兵一千餘名赴獅子背西面堵剿並令於本隊內挑出兵丁六百名交都司馬相胡宗典楊永順分帶就近由九家泡寨灣擊卡堵禦又飛飭馬瑜副將馬應國何君佐帶領步兵在六塊石截剿令富翰富僧德都富阿參將馬文斌遊擊徐陞等帶領滿漢步兵在頂塘一路截剿臣同賽沖阿長齡溫春協領穆騰額明德等帶領馬隊在老林外煙墩埡薄磨坪一帶扼截詎該逆等被色爾滾蒲尙佐等追入鮑家山不能占踞於二十七日漏夜由原路西奔適馬相等帶兵六百名至寨灣設卡之後二十八日天甫

德壯果公年譜卷二

二

黎明探報賊由原路竄出馬相胡宗典楊永順帶兵丁四百名前至筲箕凹地方直前迎剿斃賊二三十名賊勢稍退復用槍礮指定賊叢攻打賊拚命搶撲又斃二十餘名時正在力敵相持間忽然霧氣迷漫詎該匪分遣賊衆從溝底繞出官兵後路乘霧抄襲營卡守備鄭憲恩飭令牆子官兵槍箭齊放立斃賊匪二十餘名賊衆不避槍箭捨命直前衝撲奈兵力單弱營卡被其衝破守備鄭憲恩當被戕害賊復折回前後劫殺都司馬相胡宗典楊永順等腹背受敵均力戰陣亡適色爾滾蒲尙佐參將沈洪亦已尾追而來馬瑜探知賊由原路西逃帶兵從觀音河趕到

霧氣已散賊見兩路官兵追來不敢戀戰卽由寨灣向西飛奔我兵力追四十餘里沿途殺賊四五十名生擒張良友等二十七名訊無要供均係矛手一概正法餘匪翻後山坪向西南面鍋盤山一帶遁去查此次分兵四路圍剿其寨灣地勢尤爲險要因湖南廣西兵力較弱是以臣派令赴彼據險擊卡堵禦滿擬將此股賊匪就地掃除不料該逆前後被剿情急無路逃生遂捨命衝撲以致官兵多有傷亡實堪痛恨查賊衆馬匹全無雖向南竄仍係老山箐林其勢必出彎腰樹上龕非圖入川卽欲竄陝除一面飛飭達勒精阿武隆阿並張績於川楚邊界上隨時確探迎

德壯果公年譜卷二

三

截並飭總兵孫清元德昌等於二竹一帶分探賊蹤截剿外臣卽由北面之沿渡坪取道紫竹灣抄出彎腰樹一帶緊顧北面總不令其竄陝設或入川可與川省兵勇夾擊自更易於得手惟查鮑家山爲楚境第一險要之地因馬隊無路可進故賊衆輾轉占踞希圖依險藉糧苟延殘喘此番前後兩次將賊匪轟逼出山或再被其偷入盤踞不但該處居民受其荼毒卽兵勇無法可以再進該處山勢連亘四五百里直通彎腰樹九道梁東南通巴東興山又與銀條嶺相思嶺毗連川界雖處處老山箐林無有如鮑家山之陡險仄狹馬騾不能行者若我兵先將鮑家山占



據則賊匪無險可依卽向他處奔竄馬隊均能深入追剿是以臣卽令副將烏爾爾額參將王占鼈酌帶兵勇由寨灣前進就近收集馬相等衝散之兵卽赴鮑家山扼據將大小要路安設卡隘分兵嚴堵其採藥僻路雖已挖斷尙須設法布置並調房縣典史蔣大錫一同赴彼曉諭各洞寨聯絡壯丁協同官兵守禦既可捕搜零匪保全該處百姓禾稼又可藉民力爲之協堵實爲兩便再臣接據孫清元德昌稟報六月十八日探知竹谿之茅古坪並圓嶺大山現有賊匪三百餘人分兵進剿副將朱士俸都司郭朝鳴曾連鳳等由界嶺向茅古坪追擊德昌同總管託爾託

德壯果公年譜卷二十一

十三

保侍衛特克昇額參將永祿遊擊烏勒喜訥都司韓綸韓英等由馬鬣嶺截剿十九日朱士俸等趕至茅古坪賊據險抗拒朱士俸等率領兵勇仰攻槍擊箭射賊匪敗上山頂拋石如雨時德昌等帶兵由馬鬣嶺抄來賊見兩路官兵兜剿登時奔逃官兵乘勢搶上跟蹤下壓由核桃園石坂溪趕至爛泥湖共殺賊四十餘名生擒活犯二十七名餘匪爬界嶺四散逃逸維時天色已暮未能深追訊據獲犯供稱賊首姓熊不知名字共有四百多人前在鐵爐溝被四川官兵打散如今祇有三百來人等語餘無要供均係牙手當卽正法其被擄難民卽照例省釋二十一日復

據松柏寨民報稱有賊百餘名現在攻寨德昌卽帶兵前進詎賊匪一見官兵紛紛亂竄官兵窮追五十餘里殺賊十餘名逃出難民七名餘匪均入漆扒老林訊據獲犯賊有三百多人並不知賊首姓名現仍緊躡追捕等情查楚省惟蒲添寶夥聚賊匪現贖不過七八百人此外吉林泰勦辦東湖之賊卽係崔胡戴四夥匪不過四五百名李天林所勦歸州龔家橋賊股亦不過數百名臣均已嚴飭該鎮等趕緊勦除並飛飭孫清元德昌務將二竹一帶零匪搜捕淨盡臣現在惟有先將蒲逆股匪趕緊掃除以期次第廓清楚境

德壯果公年譜卷二十一

十四

諭曰蒲添寶所贖餘匪無幾德楞泰自應選派官兵將鮑家山險要地方嚴密防堵一面上緊勦辦肅清此股乃不能先事預防致賊匪得由原路竄出抄襲營卡皆德楞泰派委不善之咎該處地勢旣屬險要廣西湖南兵丁素非趨健又未派令奮勇出力之鎮將赴彼帶領令賊復折回前後劫殺衝破卡座弁兵猝被傷亡此時若守備鄭憲恩都司馬相胡宗典楊永順等尙在自當嚴參治以失守卡隘之罪今旣力戰陣亡仍加恩著咨部賜卹現在德楞泰已令副將烏爾爾額等帶兵赴鮑家山扼踞堵禦卽嚴飭擇要密防不可再令賊匪盤踞

十八日



諭曰德楞泰督兵分路緊躡蒲逆是否已入川境近日辦理情形若何正為懸念而頃接吳熊光奏東湖歸州境內又有賊六七百人在彼藏匿房縣屬之錦雞坪有零匪一股約二百餘人攻圍民寨寨首黨君彩力禦陣亡又竹山縣馬鹿坪等處有零匪二三百人先後竄至兵勇間有傷折看此情形自樊曾大股剿滅後各路將官兵勇未免疎懈大意以致賊匪又覺鳴張前據德楞泰奏賊勢窮蹙並無驛馬我兵馬隊易於追躡今該匪等復敢糾集夥黨攻圍民寨寨首既亡勢必將寨內所有驛馬糧食搶掠一空又可助其勢力並恐山林僻遠被賊攻劫之地方尚不止此帶兵大員一時未能周知至戴四崔胡等股前經吉

德壯果公年譜卷二十一

五

林泰勦辦此時究在何處摺內稱竄至東歸一帶之賊有趙姓徐姓為首或樊曾餘黨或崔胡賊股均未可定此皆揣度之詞並未得其確實姓名總之無論何股俱須勦盡設將來竄聚一處復成大股辦理又形棘手德楞泰務須趁天氣涼爽之時督率官兵上緊將蒲逆首夥迅即殲擒移師房竹歸東一帶勦辦零股並飭各路鎮將齊心戮力即七月內不能一律肅清斷不可逾八月之限勿得任賊蔓延並著每間六七日即具奏一次免使朕昕夕盼望所有陣亡之寨勇黨君彩二十餘人俱著各部賜卹

二十七日

公奏言竊 臣前在扇子壩將蒲逆轟逼出山向西南狂奔 仍即督兵由沿渡坪向紫竹灣一路抄赴彎腰樹邊其北竄陝境之路派令色爾滾蒲尙佐由溫水河魏家溝緊躡賊蹤初十日 抵彎腰樹據報賊探離此不遠正與官兵哨探相值一見即行折回而逃等語其時賽沖阿長齡溫春富翰馬瑜等帶領馬步兵勇飛馳趕剿 督同富僧德都當阿副將馬應國參將馬文斌等繼進追至二十餘里之桐木園地方趕上賊匪殺賊十餘名生擒會省吾等七名時色爾滾蒲尙佐等亦帶兵西來兩路兵勇趕殺賊眾盡向南面翻天池堖老山亡命紛逃被步行兵勇追入

德壯果公年譜卷二十一

六

老林殺賊三四十名生擒周茂發等二十八名直追至廟嶺子餘匪又向陰裕河鑽入老林遁去色爾滾蒲尙佐等仍即緊躡賊蹤 同賽沖阿長齡溫春富翰富僧德都當阿馬瑜等由北面抄截旋探賊眾由陰裕河又向東南之大黃溪小黃溪有竄川楚界上廟堂河奔逃之勢該處一帶盡係老山箐林路徑險窄其勢似欲竄川又飛飭前派在大甯巫山邊界堵截之副都統達勒精阿武隆阿總兵張績等各帶兵勇隨時探迎截剿 遂由老渡口順水溪緊顧北面惟自十一日起大雨如注日夜不止我兵冒雨前進十三日趕抵龍洞河因各溪泛漲匯流於此河寬水



深波浪洶湧次日砍伐樹木設法架搭浮橋人不能立足  
日夜焦灼無可如何直至十五日半夜雨止十六日水漲  
暫退數尺臣即令趕搭浮橋挽渡十七日我兵均已齊抵  
堆子場因恐川境達勒精阿武隆阿張績等或向他處追  
剿賊匪無兵迎截遂令色爾滾蒲尙佐等帶兵由相思嶺  
西北面遏截臣督兵直趨巴東之陳家坡顧其東折之路  
現探蒲逆在巴東之天生橋地方又與白號張阮二姓賊  
匪三四百人合夥共計千餘人必須就地掃除方可移兵  
他往十五日又接據總兵吉林泰稟報六月二十七日探  
得一股賊匪四五百人由馬良坪折竄浪蕩河東湖之黃

德壯果公年譜卷二十一

七

家場一帶當派鄉勇首領候補把總黃興隆把總黃成文  
向元龍帶鄉勇二百名躡尾追剿該鎮帶馬步兵勇取道  
新坪抄截二十九日趕抵新坪據黃興隆稟報二十八日  
賊由新坪折轉至長嶺岡紮營勢甚散漫該把總等即在  
樹林內藏匿待至三更時乘其睡熟率領鄉勇圍住房屋  
一所約有賊百餘人吶喊砍殺其餘各處匪眾自相驚潰  
踐踏亦有戮傷者均向西而逃因黑夜兵單未敢窮追當  
繳耳記六十八副活賊二十三名訊據活賊供稱此股賊  
內是老黃號李老四同趙徐兩箇總兵聚有一三百人其  
餘都是擄來的人等語當即正法初一日正擬跟蹤前進

探報該逆有走白馬灘茅壩向歸州興山之勢已有總兵  
李天林帶兵尾追而去該鎮以賊匪四五百人除擒殺換  
散外祇贖三百餘人既有李天林緊跟剿辦而南彰遠安  
界上尚有賊匪三四百人應顧及東面為要即就近向霧  
渡河西北口荷花店一帶探蹤截剿各等情臣當即批飭  
令其趕緊剿辦又詢據巴東之太平寨寨長李興才稟稱  
六月二十八日有麻守備帶兵在羅家溝將唐明萬一股  
賊匪乘夜圍捕殺死二十餘人拏了四十多人七月初二  
日夜間在柳樹灣又去把白號張家的賊匪殺了二十餘  
人拏了三十多人搶得馬騾十四匹頭子子很多初四日

德壯果公年譜卷二十一

六

起營押解向平陽壩去了等語臣查藍翎守備麻光裕係  
施南府人該員所帶鄉勇數百名均係本籍佃戶隨征日  
久極為奮勇前經臣與吳熊光保陞都司時臣以各逆剿  
殘零散見大兵即逃遁無蹤是以令該員將所帶鄉勇改  
裝執打賊旗並派臣營中雲南守備周允泰協同前往邊  
界各老林內徧處搜捕茲據寨長等所供情形確鑿尙未  
據麻光裕稟到諒亦因水漲所阻再查麻光裕所剿白號  
張阮二姓之賊已與蒲逆合夥唐明萬一股日久未得確  
蹤至今祇有四百餘人賴大有熊二娃賊股此時亦祇五  
六百人吉林泰所追南漳遠安之賊不過三四百名或係



崔胡戴四亦未可知李天林所追歸州之賊亦祇三四百  
名是官兵近日各路分投截剿賊黨日漸渙散較前更爲  
衰敗惟各逆自知滅亡在即無不見兵卽逃日夜狂奔希  
圖苟延殘喘臣惟有趁此秋令涼爽之際督飭各鎮將鼓  
勵兵勇竭力分投趕辦以期迅速掃蕩廓清斷不敢以賊  
衰稍爲鬆懈再臣欽奉

上諭以目下辦理軍務將次告竣酌籌善後事宜鄉勇一節最關  
緊要令臣等將現在情形悉心酌議查鄉勇之設起自臺  
灣嗣後湖南貴州及此次辦理教匪遂均有招募推原其  
故緣逆匪起事人數本屬無多必以焚殺擄掠始可逼脅

德壯果公年譜卷二十一

良善之民而百姓畏其兇鋒相率從者日以千百計到處  
烏合勢遂鳴張臣曾經出師臺灣該處一府三縣兩廳當  
鳳山彰化失陷諸羅被圍除府城及淡水鹿仔港外其餘  
百姓多爲賊匪逼脅入夥卽有百姓約聚鄰里壯丁自相  
護衛殺賊者遂有義民之稱迨招撫舉行設法解散其中  
並有子弟從賊而父兄爲義民者其意以兵勝則子弟有  
所歸無非爲保全身家之計並非甘心從逆是以連次痛  
剿後大兵所到之處相率投歸者絡繹不絕數月之間卽  
廓清竣事湖南貴州苗民亦然至此大教匪不法其時英  
善宜縣因賊氛猖獗到處蹂躪彼時寨洞稀少被難良民

多無容身之地勢恐去而從賊更爲失計且東鄉通江儀  
隴巴州南江五州縣先後失陷民心驚惶莫措城守空虛  
扼要卡隘均須兵力堵截故招募鄉勇令其設卡防禦既  
安置難民不致從賊又可藉民力以資捍衛其有隨征鄉  
勇不過道路熟諳協助軍聲實非仗之攻堅破敵是以元  
二年間川省應募者卽有三十七萬之多故全川得以保  
護陝楚兩省招撫者諒亦不少迨賊匪剿敗四散狂奔其  
有兵力所不敷分顧之處如陝之漢江川之嘉陵江楚之  
鄖西並三省邊界近山各屬賊股往來窺伺其城守卡隘  
臺站實無許多散布之兵又不得不藉鄉勇以爲協護然

德壯果公年譜卷二十一

此皆就本地居民充當並非無業之徒故用之以禦賊匪  
者卽使之自衛身家又可制其從賊之心其中雖有流民  
不過十之一二其隨征者藉本地之人爲之哨探嚮導故  
進剿抄截較爲便捷蓋鄉勇雖有勇敢之氣兵勝則助勢  
追殺若遇兇悍對敵非馬步勁旅直前攻搶或分路抄截  
不但不能取勝每致失機債事皆因不諳紀律不知進止  
是以殊不可靠故勒保接辦軍務以來陸續裁汰已去三  
十五六萬偶有一二不法之徒該地方官隨時查拏臣與  
勒保先後

奏明正法嚴辦至今帖然無事卽陝楚裁減者亦自不少此



歷年來臣之所經歷親閱情形也現在三省征防鄉勇如  
經略額爾登保統率之楊遇春慶成扎克塔爾穆克登布  
慶溥李應貴喜明及通判雅昂等各路隨征鄉勇六千九  
百餘名此時諒又減少楚省如長齡統領之孫清元吉林  
泰德昌李天林等各路現在隨征鄉勇四千六百名此內  
有二竹房縣有業百姓二千五百名其無業者亦有二千  
一百餘人川省如臣一路及勒保達勒精阿武隆阿達斯  
呼爾岱薛大烈張績田朝貴參將桂涵遊擊羅思舉等各  
路現在隨征鄉勇共五千五百餘名又建昌道劉清所帶  
鄉勇並招撫投首報效者四五百名統計川陝楚隨征鄉

德壯果公年譜卷二十一

三

勇共有一萬七千數百名此係將來事竣均須安插辦理  
者至於叛產一項歷年來陸續投首並臨敵拏獲被脅未  
久難民遞回原籍者仍遵

旨賞還執照外所贖諒已有限斷不敷此項鄉勇之用其防江守  
城堵卡者三省約共不及二萬人概係本地有業百姓充  
當實與團練無異事竣後不過收繳器械並優給賞資以  
次復業如楚省知府尹英圖管帶施南府鄉勇二千五百  
名因賊匪所贖無幾官兵足敷勦辦是以臣前與吳熊光  
商酌已奏請裁撤量加獎賞仍令尹英圖帶回本籍安置  
查三省防江守城堵卡各鄉勇俱係本處有業之民人故

情願入伍者少其隨征打仗者多係無業遊民到處為家  
以之入伍自是欣然樂從因查三省現添營制陝省甯陝  
鎮增兵六千名尚有提標應增兵額楚省增兵三千五百  
名川省亦增兵千名合計共增兵額一萬餘名其三省隨  
征鄉勇內尚有有業可歸者約有十之二三無業者亦不  
出一萬上下按照額兵之數足敷添補設或人浮於缺即  
可作為新兵暫散於各營以束其身俟有額缺挨補如有  
怠玩不遵約束者仍隨時零星裁革斷不致別滋事端或  
其中亦有藝業不願入伍者聽其自便仍當優加賞資遣  
散回籍交地方官妥為安插但陝省隨征鄉勇半係川省

德壯果公年譜卷二十一

三

游民即楚省亦有川省數百合之本省各路隨征者六千  
餘名是川省人數實多而川省所添兵額不及一千此中  
辦里稍費周章臣近接額爾登保來信俟苟逆辦竣即移  
師南來平利查平利二竹係三省適中之地斯時大局底  
定不過分兵搜捕零匪臣與勒保惠齡吳熊光均可就近  
會合先將鄉勇一項悉心籌計是否三省通融辦理抑或  
另應設法之處總期遣散之後各得其所使其帖然甯謐  
然後再撤官兵方為萬全並可將善後一切應辦事宜一  
併會商妥協至鄉勇中現有頂戴者應行分別或量材錄  
用或頂戴榮身及整頓營伍訓練額兵等事統俟會合時



逐一詳晰妥議具

奏

諭曰蒲逆等匪尙延殘喘額爾登保辦完南山餘匪後自必帶領勝兵前來楚境幫同剿辦但德楞泰係屬參贊聲威素著入楚以後業將巨寇陸續殲除豈於此零星後起之賊尙待經略到彼始克奏績乎德楞泰此時或用勦撫兼施之法出示曉諭以教匪起事七年以來所有著名首逆俱經官兵以次斬擒卽如近日楚省首逆樊人傑曾芝秀王國賢等無不悉就誅夷皆爾等所知積年首惡祇贖苟文明一犯今又被經略督兵殲斃老教匪徒已無噍類現在川陝二省賊匪悉數掃除爾等伎倆斷不能如老教之兇狡更難倖免偷生且俱係近來收拾敗殘後起之賊其滋擾地方之罪亦較之老教爲輕我皇上如天好生憐憫爾等愚頑誤投陷阱是以屢降恩旨凡有悔罪自新者概予寬宥爾等何苦執迷不悟甘蹈刑誅莫若及早回心多投出一人卽多活一人之命早投出一日卽早遂一日之生若經此次曉諭之後仍不自知改悔妄思免脫一經官兵擒捕卽當殲戮無遺萬無苟免之理生死所關急當猛省如此剴切曉諭賊匪等知有生理相率來投豈不較爲省事但此爲一時權宜一面出示一面仍當奮勇搜剿不可稍有鬆懈又另據覆奏安插鄉勇一摺所論皆是國家以兵衛民鄉勇名目原不應有自臺

灣用兵時始有招募鄉勇之事以後湖南貴州等處相率沿用至川陝楚三省剿捕邪匪愈用愈多視同額設殊不知臺灣初亦不能他往至此時鄉勇之數較前不啻倍蓰且係各省之人卽如本日德楞泰摺稱隨征鄉勇共有一萬七千餘名伊等數年以來習於戰鬪且隨官兵往來追賊熟習道路三省地方遼闊州縣毗連將來事竣之後若不妥爲安插任其分散可慮之處殆難勝言且各省地方民人有一家之內子弟從賊而父兄卽當鄉勇如川省鮮大川身爲首逆而前此殲斃該犯卽係伊同族之鮮文芳鮮文屏等伊等充當鄉勇之時乘官兵聲勢莫

敢報復迨事定歸鄉卽恐不免開仇殺之釁種種事端由此而起豈可不先事預籌全在地方官安置得宜相安無事昨據額爾登保等奏到籌辦鄉勇一事請分別情願入伍情願回籍及有業無業者酌量加恩散遣並派員護送設法將器械收繳等語已降旨詳悉諭知額爾登保等會同德楞泰及各督撫熟籌妥辦德楞泰摺內所云將情願入伍之人散於各營挨次補額此外不願入伍者聽其自便仍當優加賞賚等語與陝省所議相同自應如此辦理但回籍之後總必須責成地方官處置得宜留心撫馭始爲周妥至將來遣散之後各處鄉勇帖然甯謐然後再撤官兵此語甚是亦與朕節降諭旨符合又摺內稱川







分出探路擄糧之賊其大夥匪衆現在黎子坪屯紮達勒精阿武隆阿等卽帶兵馳往賊衆聞信挑出戰手三百多人占踞梨子坪山梁抵敵達勒精阿武隆阿等親帶馬隊由左手抄擊另派鄭啟貴張良槐馮元等分兵追剿賊匪分股抗拒達勒精阿武隆阿等一路官兵抄上山梁槍箭齊發殺賊一二十人匪衆不能抵敵始翻山奔潰官兵分路追擊賊又分股由右手山溝遁逃鄭啟貴等帶兵截殺又斃賊十餘名餘衆竄走野貓崖老林步隊兵勇跟追入林見身穿紬衫賊首一人指令匪衆憑高拋擲石塊向下壓擊正在相持間達勒精阿武隆阿趕到督率兵勇競進

德壯果公年譜卷二十一

三

有兵丁李正順鄉勇游貴爭先搶上將督戰之賊殺斃奪獲令字小紅旗二面餘匪卽紛紛奔走官兵乘勝分投趕剿先後共擒活賊一百二十九名奪獲賊旗槍矛甚多當令旗手劉復等指認所殺賊目據稱係襄陽白號偽元帥楊有貴等語達勒精阿武隆阿將該逆首級及活賊一併解送前來臣等會同查訊據該匪劉復供稱我們原係白號高三股內之人高三被掣偽元帥楊有貴帶了我們一百多人到老林內藏躲今年六月內有齊家營餘黨二百七十八人張家營二百多人合夥走到竹谿地方又遇蒲元帥一起他說德將軍官兵在湖北追殺得利害要想到

四川陝西各處老林躲避我們白號與齊家營的人在前行走藍號蒲元帥的人在後相隔一天多路不料我們走到黎子坪就被官兵打敗等供又訊出戰手楊明志等三十六名卽與該匪劉復一併分別正法其餘被擄難民查明遞籍安插又臣德楞泰接據總兵李天林副將孫應奉等稟稱探得有藍白各號零匪跟蹤追逐十七日追至萬古寺前三四里之大石崖下見賊衆男女幼孩二三百人已過河岸尙有鳧水渡河之賊一百餘人被官兵趕殺槍箭齊發擊死及帶傷淹斃賊匪七八十人適仙女寨首屈紹輝等見官兵於半渡掩殺亦率領團勇用槍礮擣石轟擊又斃賊三十餘名探得該逆尙有二百餘人已翻山走三間鄉一帶官兵擬由大峽渡河探蹤截剿又據總兵德昌孫清元等稟報該鎮等在茅古坪一帶探剿據報有賊百餘人在該境攻圍寨洞德昌孫清元等帶兵往捕賊匪遙見官兵卽奔上圓嶺半山上民房內又突出賊匪二百餘人併力抗拒官兵一面極力仰攻一面分兵繞上山梁橫截賊衆不能抵敵奔上圓嶺山頂我兵奮勇衝殺共斃賊四十餘名生擒二十七名餘匪翻越界嶺四散逃逸訊係藍白黃三號剿散之賊合夥男婦共有四百多人等語德昌孫清元將所獲賊匪分別正法釋放現在臣德楞

德壯果公年譜卷二十一

三



泰同賽沖阿長齡温春色爾滾馬瑜蒲尚佐等帶領官兵  
 仍趨楚境將蒲逆等股分投趕剿其熊翠熊方青一股餘  
 匪竄往巴東一帶急須派兵剿辦查有總兵吉林泰一路  
 官兵本在保康一帶剿辦戴四崔胡等賊茲該起賊匪已  
 經擊斃百餘名淹斃百餘名餘匪祇贖二百餘人竄走穀  
 城地界經吳熊光派委副將樊雄楚蔣觀濤帶兵接手剿  
 辦吉林泰已帶兵回抵興山與巴東相距較近臣德楞泰  
 卽飛飭吉林泰將熊逆股匪就近迅速辦理其二竹歸州  
 境內餘匪卽分飭德昌孫清元李天林上緊搜捕臣勒保  
 暫紮巫山地界如該逆被剿折回卽當督率張績等扼要  
 堵截以期迅速殲除及早肅事

德世果公年譜卷二十一

三

諭曰此次蒲逆等股經德楞泰等分投追趕向南奔竄因川界有  
 兵督截又復折回楚境熊翠熊方青等匪亦經張績截回看來  
 楚境竄匪處處遇有官兵攔截勢難遠竄其二竹歸州境內餘  
 匪分飭德昌等上緊搜捕所辦俱是至令吉林泰就近帶兵專  
 剿熊逆伊一路兵力無多恐不足以資搜捕儻稍予以暇迫德  
 楞泰勦淨蒲逆而熊逆復攢聚多人辦理又稽時日目下勒保  
 一路兵力有餘或於達勒精阿武隆阿等員內派一人酌帶官  
 兵前赴巴東幫同吉林泰搜剿以期將該逆及早殲除其殺斃  
 賊目之兵丁李正順鄒勇游貴應如何施恩之處著酌量保奏

同日公又奏言竊臣欽奉

上諭內開德楞泰奏懇辭侯爵一摺著不准行等因欽此臣詭讀  
 之下仰見

聖慈訓誨策勵有加無已之至意謹望

闕叩頭謝

恩訖伏念臣愚昧無知前蒙

恩命寵頒自揣福分淺薄未能承受是以不揣冒昧懇誠上瀆茲

荷

聖主逾格鴻施未收

成命並蒙

德世果公年譜卷二十一

三

諾誠諄諄指示賞罰功罪權衡臣仰釋

綸言感悚無地惟有恪遵

聖訓勉益加勉憑仗我

皇上福威殫盡血誠迅速歲功藉以上承

天眷稍報

高厚於萬一

殊批一兩月內必得全數辦完且將蒲逆先除爲要勉之望之

十五日

公奏言據探報蒲逆等於黎子坪野貓崖被剿後又折回  
 龍王嶺白果園有走險條嶺之勢因道路險窄馬不能進



當派參將沈洪遊擊曾壽虎正林挑帶奮勇步隊兵勇千餘名緊跟賊蹤由小溪算盤石前進令色爾滾蒲尙佐等帶馬步兵勇繞至順水溪截其東竄令達勒精阿武隆阿取道張公橋黎子坪向南兜剿時勒保聞信亦督同張績由八石坪黃草坪後窰一帶向東北扼截臣恐勒保一路兵力稍單撥派副都統銜富翰富僧德等帶馬隊一百名前往協剿臣同賽沖阿長齡溫春馬瑜卽由通城東進緣此一帶均係川楚界上處處老山箐林路徑叢雜極爲陡險素爲各逆往來藏遁之藪似此兵分數路無論該逆竄出何處均有兵力隨時截剿詎該逆等知官兵四出兜剿二十六日又由竹山之馬塘走羊坂出天池壩欲奔雙橋子時達勒精阿武隆阿兵抵黎子坪探知蒲逆等已由羊坂竄來卽於二更發兵由雙山包千里埡向南迎剿三更後大雨如注風霧交加行抵千里埡據報已有賊五六十人冒雨竄來當經前敵兵勇剿殺十餘名活擒四名餘匪折回而逃未便深追旋報大眾賊匪乘霧雨分股而來達勒精阿武隆阿隨令副將鄭啟貴在後占住山包接應兼顧後路達勒精阿帶領副將張良槐遊擊蕭太和都司楊正雄劉順等右迎武隆阿帶領參將馮元守備李朝相張國棟等左截賊匪約有二三百人拚死來撲被兩路兵勇

德壯果公年譜卷二

三

抄壓斃賊數名賊匪遂退向天池壩原路復又聚集六七百人蜂擁而來達勒精阿武隆阿等督兵正在抵敵忽聞後路喊聲大震報有賊匪由老林突出鄭啟貴督兵力敵達勒精阿武隆阿隨分帶兵勇接應適值賊匪撲至半山卽督率兵勇下壓槍箭齊發斃賊七八名帶傷者十餘名賊仍向老林遁去正追殺間復報右手賊匪繞上山梁達勒精阿等復帶兵勇齊力壓下斃賊十餘名生擒五名時愈昏黑風雨未息卽於該處紮住查得有索倫營長西靈阿右腿右手指各帶矛傷一處均不甚重隨營糧員候補吏目江淑於賊匪突出時猝被戕害兵勇內帶傷及陣亡者共十餘名旋報賊匪乘夜向雙橋子遁去訊據獲犯藍號李文紀黃號張士友等九名供稱是藍黃白三號合夥係蒲添寶爲首有靳英苟大秀張揚袁中倫四箇總兵管事黃號唐明萬李姓白號總兵王紹賢都是被各路官兵打散的藏在興山巴東老山裏如今大家合夥要到四川去不料到處有兵攔堵纔連忙乘雨逃走我等被官兵擊住等語均係老賊一併正法嗣沈洪等亦自羊坂尾跟至沙包子一帶色爾滾蒲尙佐等接續亦抵黎子坪旋卽會合而進查該逆已向北竄其富翰富僧德臣仍卽調其回營二十九日探得該逆又由大小禾田走板達子翻鳳凰

德壯果公年譜卷二

三



嶺煙燉嶺一路三十日向木瓜園重陽灣前竄官兵飛馳追及其尾賊匪不敢抗拒惟捨命奔逃我兵追至木瓜園該逆鑽林越箐四散分逃各路兵勇入林搜剿共殺賊三四十名賊眾遂不走重陽灣繞竄黑水池大池溝密林馬步兵勇翻過兩重大山盡力窮追沿途又殺賊二十餘名生擒三十六名至竹谿之滾子坪賊眾於巖礪上恃險擲石抵禦色爾滾達勒精阿武隆阿蒲尙佐等將兵勇分爲中左右三路旁抄直衝並用礮位轟擊傷斃數人賊站立不住兵勇乘勢搶上又殺賊五六十名生擒二十八名賊遂紛紛敗走大恩堂時已昏黑訊據獲賊李明安等供稱

德壯果公年譜卷二十一

三

蒲添寶自己祇有四五百人一路合上藍白黃各號如今共有一千四五百人都沒有馬騾不敢出山今被官兵各處截殺聽他們大家商量說要到陝西平利紫陽去若北面有兵就到歸州東湖一帶去他們說總向老山裏走馬兵是難進來的等語訊出戰手李明安陳上賓等五十九名當卽正法其餘新擄難民均予省釋探得該逆由大恩堂關坪向東南雲霧溪有奔竹房之勢又探有一股賊匪先由茅古坪竄向大恩堂雲霧溪是否與之合夥尙未得有確實惟該逆疊次被兵截剿總未竄出老山臣仍飭沈洪等帶步兵尾追令色爾滾蒲尙佐等帶馬步隊傍山探

蹤抄截臣同賽沖阿長齡温春馬瑜等帶兵取道張公橋長春壩由右手包住房縣之路本月初四日又據孫清元德昌稟報七月初一日探得賴先鋒等一股賊匪在廟坪攻圍三保天星各寨當卽商同副都統銜託爾託保侍衛特克昇額營總武成額和隆武參將承祿等帶馬步兵由四方寨一路迎剿孫清元帶兵由五虎壩追擊派副將朱士奉等由橫擔山直趨三保寨衝壓初三日巳刻朱士奉等趕抵該寨直前剿殺立斃賊三十餘名餘匪潰逃孫清元帶兵至天星寨殺賊二十餘名圍寨之賊爬上後山半劫有散逃廟坪河下者又被德昌之兵殲擒十餘名各路

德壯果公年譜卷二十一

詩

齊上後山追剿由扁擔寨直至偏巖子又殺賊七十餘名逃出男婦難民六十八名口餘匪鑽入老林之爛泥湖牛角井初三日帶兵由柳樹槽牛角井大禾田追至大甯之後坪沿途復獲難民十餘名共計殺賊一百六十餘名生擒活犯五十九名難民八十四名搶獲刀矛旗幟馬騾無數訊據獲犯唐宗起供稱爲首係賴先鋒還有三箇頭人是姓熊姓沈姓王我原是線字號總兵六月裏纔到營裏他們共有七八百人由九湖坪紅茶園走到這廟坪地方想破那寨子攜些糧食牛馬不料官兵殺來被拏等語當將該犯同其餘戰手五十八名訊明分別正法難民等給



與銀米釋歸再頃據探報孫清元德昌現在帶兵在竹山之平頭河一帶是該鎮已扼據東北迎住賊頭卽平利邊界亦有穆克登布在彼堵截極爲嚴緊該逆斷不能北竄況有色爾滾蒲尙佐等尾躡緊追臣卽由江坪一帶旁抄該逆夥聚四五股零匪亦不過一千四五百人雖是竄走老林臣一路兵馬儘數剿辦其餘數百或數十名等股零匪亦當趕緊搜剿臣與長齡再四商酌長齡仍帶原兵前赴二竹一帶督同孫清元德昌趕剿零匪臣俟將蒲逆賊股辦完後擬赴歸東一帶督同吉林泰李天林趕緊搜捕似此東北兩面督率分投趕辦於事較爲迅速惟查楚省各路均派有東三省馬隊並無大員管帶未免呼應不靈臣與長齡復商令副都統銜富翰前赴孫清元一路管帶令副都統銜都當阿前赴德昌一路令副都統銜託爾託保卽帶原管馬隊前往李天林一路協剿其吉林泰一路容俟臣兵行就近再爲酌撥得力大員帶領又查現在各股賊匪中有馬騾者甚少無不躲避官兵續林越等然總不離邊界老山之中達勒精阿武隆阿等本係大甯邊界一路防堵之兵未便遠離臣現已撤出令其仍回徐家壩一帶堵剿此次打仗帶傷並陣亡官兵十餘名另行咨部辦理

德壯果公年譜卷二十一

五

諭曰此次蒲逆一股經德楞泰督率賽沖阿長齡溫春等並飭令鎮將各路截擊沿途雖有斬獲爲數無多該匪等總在老山沿邊一帶奔竄但合計亦不過一千四五百人又無馬騾奔逃不能迅速現在官兵馬隊甚多以之追躡步行散匪豈有不能趕上之理德楞泰在楚剿辦爲時已久現當秋高氣爽若不趁賊匪窮蹙徒步之時趕緊剿淨轉瞬秋成糧穀在地賊匪又得隨處掠食搶奪民間騾馬資其飽颺甚或延至冬令又以冰雪近寒路徑澁滑爲詞何日始能蕺事耶本日又據吳熊光奏到探報各路剿辦情形其大概與德楞泰所奏相同惟閩摺內所敘情節楚省零股賊匪頗形散漫德楞泰一旅之師分投剿辦其意以賊股稍多兵力不無分而見單欲請令額爾登保帶兵來楚協剿所見尙是此事朕早已籌及節次降旨令額爾登保於八月二十日左右帶兵由平利紫陽一帶赴楚此時諒已起程不日卽可到彼現在蒲添寶一股竟責成德楞泰一手專辦其餘二竹歸巴等處零星股匪責成額爾登保督率搜剿總之辦一賊首卽須將股內夥匪悉數殲除方無後患向來帶兵大員往往將首逆殲擒未將夥黨剿淨以致逃散後又復糾合出擾七年以來皆坐此弊卽如近日蒲添寶一股在鮑家山剿敗後人數已屬無多迨由興房甯巫各處山內輾轉奔逃又與黃藍白三號未經剿淨餘匪合夥賊數頓增此其明驗額爾登保德

德壯果公年譜卷二十一

五



楞泰既各專責成務當鼓勵將弁追剿一股即將此股零匪殲盡無餘尤當緊蹙窮追不予賊匪片刻之暇自不能別滋裏脅殺一賊即少一賊庶可剋期肅事以川楚陝現在情形而論川陝零匪日漸減少指日自就肅清而賊股聚於楚境經略參贊兩路大兵分投督剿大局總在楚省成功額爾登保德楞泰務須同心和衷不可不倍加奮勉此次被戕之隨營糧員候補吏目江淑著咨部賜卹

二十三日

公奏言據探報蒲逆等由雲霧溪竄屯於中蓬子杉樹凹銅錢壩一帶老林係馬力難進之路初二日蒲尚佐督同副將馬元等帶步隊兵勇由馬鬢嶺火峰巖抄出杉樹凹

進攻副將鄭啟貴張良槐等帶步隊兵勇由火神廟秋木梁繞赴銅錢壩截擊色爾滾達勒精阿武隆阿督同營總富登阿珠山等帶馬步兵勇取道中路大梁黃水池直搗中蓬子均於四鼓分路進發初三日辰刻色爾滾等先抵中蓬子賊眾遙見官兵遠來俱向榆皮扒老林逸去聚集戰手占住銅錢壩山梁依險抗拒馬步兵勇趕前奮力仰攻步步進逼斃賊三四十名生擒二十餘名賊遂順梁敗走我兵追至杉樹凹沿途又殺賊二十餘名忽有伏賊三四百人由林內突出拚死撲壓官兵悉力抵禦適蒲尚佐

等帶兵從旁抄擊而來該逆竟敢分投抗拒兵勇亦竭力迎擊立斃賊四五十名生擒四十餘名匪眾即潰敗遁入老林時鄭啟貴由銅錢壩進兵亦斃賊二十餘名生擒十餘名因山徑險窄密林叢雜復令步隊兵勇追至半山賊眾復恃險推擲木石如雨官兵冒險上攻槍擊箭射斃賊五六十名賊勢始形慌亂我兵乘虛搶上分投痛加剿殺又斃賊四五十名生擒三十餘名餘匪丟棄刀矛亂竄由右手遁逃搶獲賊旗刀矛甚多共擒賊匪一百十二名訊出藍號大旗手汪其義白號探馬頭舒國黃號探馬頭任廷爵田朋高藍號大頭領馮世哲五名並戰手王大有等

七十九名當即分別懲罰正法難民照例省釋旋探黃號賊匪二百餘人分走茵扒老林蒲逆股匪向散水河走瓦桑河北竄時德昌在葛藤口一帶臣即飛飭令其星夜帶兵探剿黃號餘匪大兵仍分路抄截蒲逆並白號零匪初三日德昌探得王家山左側茵扒一帶老林內果有賊匪二百餘人屯聚當派遊擊馬濟盛等挑帶兵勇趕至該處剿殺十餘名活擒六名德昌仍帶兵探蹤由唐家坪追剿初五日探得該逆由岱坡屯於蔣池溝有上金頂山西竄之勢德昌又令馬濟盛麻光裕周永泰鄒志賢等帶練勇由左山梁下壓令羅綸唐盛高曾連鳳等帶兵先伏林內



德昌率同營總和隆武參將承祿都司韓瑛馬天益守備胡光煥等帶兵勇順溝直進初六日卯刻周永泰等練勇直上立斃賊匪二十餘名逆眾慌亂奔向老林竄逃被羅綸等官兵自老林內突出又斃賊二十餘人時有餘匪二十餘名順溝奔逃復被德昌和隆武等悉數殲除尚有零匪五六十名鑽入老林當令兵勇分投搜捕有受傷後自縊者十二名令前獲之黃士海逐一指認內有偽總兵李洪浩大旗手嚴大受二人共計殺賊九十餘名擒獲男婦賊匪六十八名口查訊獲犯內有偽總兵田大秀偽千總唐宗裕逆妻唐蕭氏三名並李洪浩嚴大受首級解送來

德壯果公年譜卷二十一

三

營其舒仲先等三十八名俱受重傷當卽正法難民二十八名口訊明省釋現仍探蹤追剿等情臣覆查無異是日色爾滾達勒精阿武隆阿蒲尙佐帶兵趕抵蔡家壩連日沿途逃出難民多有來營請票及自行渙散者探得蒲逆由泉河東逃有北折泉溪之勢色爾滾等分路抄截初七日午刻兵抵泉溪知賊已於清晨竄過螞蝗坡遂盡力窮追至陝楚交界之百人溝趕上賊尾該逆遂分出二百餘人竄走南江河一股三百餘人向右手逃上大山時已昏暮兵馬趕行不下二百里卽於該處露宿旋探過河之賊屯於玉皇廟並無蒲逆在內其右手上山之賊屯於老林

內之瓦屋溝一面飛行知會穆克登布喜明一面令副將鄭啟貴參將沈洪遊擊會壽虎正林等帶原兵渡河追剿又查得老山內瓦屋溝一帶馬力難施色爾滾達勒精阿武隆阿蒲尙佐等商酌初八日四鼓督率兵勇均卽步行前進時大霧迷漫未至山頂賊眾業已迎頭而來猝遇之下竟敢捨死對敵我兵一擁競進刀砍矛戳立殺斃賊七八十名生擒五十餘名餘匪奔上山梁紛紛散竄兵勇分投趕剿又斃賊三四十名獲犯三十餘名是日分兵四出搜捕至晚兵勇等又皆露處臣查該處老山周圍不下二百里盡係密林崖礪易於躲藏遂令多分兵勇於山中徧

德壯果公年譜卷二十一

四

處細加搜查其山外各處隘口臣同賽冲阿長齡温春富僧德富翰都富阿馬瑜督率各員弁各帶兵勇或數十名或百數十名不等星羅碁布直至十二日先後共搜獲賊匪一百五十二名訊據獲犯陳貴達等供稱蒲添寶一行五人由右手走了又有三十多箇人由左手逃去副將馬元卽帶兵從右手搜尋殺斃賊匪一名生擒劉思義張明二名訊稱蒲添寶害怕得狠自己把辮子割了穿的袖子衣服帽子子也都丟了他與一箇姓楊的往前頭走了馬元旋於路上拾獲該逆辮子衣帽子等件卽令該犯等認識均稱是實參將馬元向左手追賊斃斃七名生擒



何居禮等十六名竄逃十三四名訊無蒲逆在內臣復飭逐處詳搜至副將鄭啟貴參將沈洪遊擊會壽虎正林等帶兵追勦蒲逆分股之賊時賊匪過河北竄被喜明帶兵由牛頭店兜勦而來該逆折回正在渡河鄭啟貴等帶兵追到前後夾擊殺死淹斃賊匪數十名賊遂折向黃龍溝大梁老山而遁兩軍分追均有擒斬查蒲逆並未過河又聞穆克登布帶兵前來喜明等遂商酌接辦令鄭啟貴等撤兵回營十一日又據穆克登布喜明先後稟報接辦後分派將弁兵勇在老鴉絆茅坪繳子坪溜溪溝濫河腦各處堵勦殺賊數十人共擒活賊二十七名內有大旗手李

德壯果公年譜卷二十一

望

洪等訊據供稱祇有冉總兵在內男婦共有三百餘人除殲擒並淹斃外祇贖百餘人大半婦女幼孩多係空手該鎮等現與副將銜閻俊烈等分赴東西兩河搜捕十三日藍翎把總張應鼎帶兵丁袁祥瑞張俸林顧榮張朝應等四名在於瓦屋溝腦巖礮內搜獲賊匪龍茂蘭一名詢以蒲添寶下落據該犯稱是日大家原趁著大霧下山跑到那溝腦上祇見蒲元帥一箇人慌慌忙忙躲到那巖礮下去這幾日也沒有出來我餓不過出來尋水喫等語當同該犯前往指視係高巖三層惟中層更為壁立樹木叢雜卽聞腥臭之氣下有屍軀張應鼎等攀附而下至二層巖

上見巖半腰樹上有倒懸一屍無援可下張應鼎等遂各解裹腳踏包為繩將張朝應縋至山腰見屍身倒掛於樹堦之上髮辮割去疑是首逆蒲添寶遂將首級割下並獲犯龍茂蘭一併解送前來臣查驗首級業已發變模糊難辨惟髮辮割去外尚有五六寸長令為該逆管理功勞簿之何居禮識認堅供真確一面差弁赴馬元處查取拾獲辮子仍令前後陸續各獲犯指認僉稱蒲添寶面貌圓臉無鬚年約有三十歲額角兩邊無髮衆口如一驗俱相符將馬元所獲辮子驗明刀痕斜右係自割斷首級短辮相對色同而割痕亦合臣復恐不實偏加詢查適有竹谿縣

德壯果公年譜卷二十一

望

徐如灝押運糧餉到營稟稱途次盤獲藍號賊匪鄧孟朝一名當詢蒲逆面貌形狀據稱習見該逆有左耳短小右耳長大之異臣復傳鄧孟朝令隨營文武各員查首級左耳短小右耳長大實係迥別是此反覆辨認均稱的係正身無疑所有藍翎把總張應鼎請卽以千總陞補其兵丁袁祥瑞張俸林顧榮張朝應四名共賞銀一百兩以示鼓勵查首逆蒲添寶與冉文儔同時起事連年稽誅餘燼復熾茲被勦情急先自割去髮辮丟棄衣帽器械意圖免脫值兵勇四出分投趕勦該逆迫不及遁遂藏匿下巖巖延殘喘不料山巖高陡猝致跌斃倒懸掛樹可見該逆罪惡



貫盈無從倖免全股根株掃淨洵足以彰

國典而快人心查色爾滾蒲尙佐等自趕辦蒲逆以來不分風雨晝夜督兵跟追總未予以稍暇迨同達勒精阿武隆阿等協力追剿該逆輾轉於老山之中狂奔愈速色爾滾蒲尙佐達勒精阿武隆阿等常川步行露宿此次兩日夜趕剿三百餘里未令竄陝得以集事臣擬於經略額爾登保送來

欽頒賞項內酌撥銀二千兩分賞達勒精阿色爾滾兩路滿漢兵勇以示獎勵其餘出力員弁兵勇容俟查明另奏至於全楚現在大局二竹一帶尙有零匪一二百人及數十人者

德壯果公年譜卷二十一

聖

數起興巴歸東一帶有青黃兩號熊方青熊翠賊股六七百名鐵姓一股五六百名王國賢餘匪並崔胡戴四一股各有二三百名臣前奏商令長齡在於二竹督同孫清元德昌趕辦零匪今臣親歷二竹深入其境自應隨時通盤籌計是以商酌令長齡帶同孫清元一路兵勇由房縣先赴東歸一帶督同吉林泰李天林等分投趕辦就近即於房縣將陝省撤回兩湖官兵各百餘名歸併管領前進自東而西相機兜剿臣督同德昌現將二竹各零匪分投趕辦完竣仍令德昌帶兵在於二竹往來搜捕臣即移師取道房縣之彎腰樹前赴興巴一帶自西而東隨時搜剿至

於達勒精阿武隆阿等前經

奏明令其回守大甯邊界臣以蒲逆被追窮蹙逼近陝界正在喫緊之際未便拘泥遽爾撤回是以仍令併力掃除茲蒲逆大股及黃白號零匪均已剿殺殆盡此處相距雞心嶺不過二百餘里臣即令其帶領原兵就近仍回徐家壩防堵再查陝省苟逆已除祇有餘匪三四百人竊計不日即可廓清即川省各零匪計亦不上千名自亦易於集事至於楚省各股零匪較多約計不過二千餘人或山中尙有藏匿零匪諒亦不過數起此際功虧一簣臣惟有鼓勵兵勇趕緊搜剿以冀迅速與川省一律戡功斷不敢稍

德壯果公年譜卷二十一

聖

事稽延再此次打仗陣亡四川藍翎戰兵王世德一名兵勇內受傷及陣亡者容俟另行咨部辦理再接據總兵吉林泰稟報七月二十九日探有一股賊匪屯於歸州之水田壩派都司張大勳帶兵勇由鹽水河前進吉林泰帶馬隊官兵由螞蝗觀大路馳擊是日黎明微雨張大勳等行抵水田壩見賊散屯民房即率兵勇攻撲斃賊匪十餘名賊衆慌亂四散奔逃追至大山大雨如注鳥槍不能施放詎賊呼哨蜂聚乘勢下壓值吉林泰等督兵趕到奮力抵禦向董家坪翻山而去因大雨泥滑未便窮追即在該處紮營詎該逆於三更時率衆偷撲參將楊安都司陳安信



等營盤官兵正在前營抵禦斃賊四十餘名不料賊匪詭  
譎忽從後營衝撲楊安都司陳安信分帶官兵出營力敵  
均各受傷幸各營分兵策應賊即逃去陣亡並受傷弁兵  
俟查明另報 臣查該鎮所剿之賊即係熊方青熊翠股匪  
不過六七百人乃於黑夜偷撲營盤幸官兵力敵擊退現  
已飭令隨時慎密並趕緊剿辦矣

諭曰蒲添寶一犯與冉文儔同時起事為積年逋誅巨惡前經德  
楞泰督兵追剿該逆復向老林四散奔逃異常狡猾並沿途裹  
聚藍黃白等號零匪賊數增多經德楞泰分飭色爾滾蒲尙佐  
達勒精阿武隆阿等緊躡賊蹤分路逼剿連日擒斬一千餘人

德世具公年譜卷二

四

該逆隻身逃向崖礮藏匿復經官兵追逼該逆情急墮巖倒懸  
巖樹身死實足大快人心皆由德楞泰調度得宜所致著先交  
部從優議敘並賞給鑲玉帶頭玉四喜搬指玉翎管黃瓣珊瑚  
豆大小荷包德楞泰現係三等侯即日大功告成侯捷音奏到  
再當渥沛殊恩酬庸懋賞色爾滾達勒精阿武隆阿蒲尙佐等  
督率兵勇步行前進盡力窮追俱屬奮勇可嘉均著執在乾清  
門行走仍交部議敘並各賞玉搬指大小荷包其餘在事出力  
人員著德楞泰詳晰查明應如何分別陞賞之處開單保奏候  
朕加恩茲發去小刀五把堪達罕搬指五箇磁搬指五箇著先  
行賞給出力員弁又一兩重銀牌二百面五錢重銀牌二百面

著賞給此次出力兵丁以示獎勵其所請將藍翎把總張應鼎  
以千總卽陞及兵丁袁祥瑞等四名賞銀之處均照所請分別  
陞賞

恭錄

御製詩

參贊德楞泰奏報殲斃首逆蒲添寶全夥千餘名詩誌感  
慰

三省餘邪二竹屯潛逃釜底贖遊魂窮搜巖穴螟蝗掃碎首深

林皮骨存 據德楞泰奏報蒲添寶由雲霧溪竄屯於銅錢亞一

三日官兵及賊於銅錢亞轉戰追殺共殲賊二百三十四名獲  
賊汪其義等一百二十二名從獲犯訊出黃藍白三號內旗手探

德世具公年譜卷二

四

馬頭大頭領並戰手多名卽與正法尙有黃號餘賊二百餘人  
分走老林飛飭德昌探截於王家山左側趕殺活擒及自散者  
一百五十餘名口口活賊黃士海指認出有偽總兵旗手偽干  
總賊屬數名口口並供稱因蒲添寶在後黃號二百餘人先逃被  
折向泉溪之勢盡力窮追賊分股奔逃由南岸截回鄭啟貴等趕上夾  
擊均有斬獲其逃往瓦屋溝老林之賊因該處馬力難施色爾  
滾等於初八日四鼓步行上山截殺殲賊一百二十餘名搜獲  
生擒一百五十餘名屢於所獲緊要賊目內訊出蒲逆畏懼已  
極割去髮辮赤身逃匿惟細察蹤跡該逆無從逃出山逃通前藍  
翎把總張應鼎等搜獲龍茂蘭一賊知該賊逃入滿腦巖礮之  
下張應鼎卽帶該匪前往高巖指認尋見巖樹有倒懸一屍兵  
丁張朝應繼至山腰割取已無髮辮首級將龍茂蘭一併解送  
軍營令活賊等指認確鑿剝骨揚灰以申國憲蒲添寶積惡已  
久劫裏多人滋擾於房即二竹之間極爲兇狡今經德楞泰等  
盡力剿殺投巖伏殛且餘賊一千餘人殲戮殆盡賊目賊屬俱  
無漏網此外更無著名首逆其難民多人悉與安插計三省一  
律肅清全臻甯謐羽 七載事成在九月萬民心定息羣言敬承  
書馳奏指日可待矣



遺訓竭誠理感荷轉旋沐

昊恩

九月初三日

公奏言竊臣前將蒲添寶等大股首夥賊匪掃除商令長齡先赴東湖歸州督勦零匪臣督率德昌等分兵往二竹一帶搜捕緣二竹一帶均係老山箐林凡各股勦散零匪往往一見大隊官兵卽四散遁藏不能得手必須另爲設法搜捕或改裝易服或乘夜襲擊方能濟事當令副將馬元守備高星文周志林會大用等帶兵勇五百名由王家山高平河一路前進令副將馬應國都司龍必達守備李

德壯果公年譜卷二

三

輝林陳偉等帶兵勇五百名由邊江河大西河一路前進令參將沈洪守備黃廷相千總謝金章等帶兵勇五百名由魚溪河一路前進令副都統銜富僧德副將何君佐參將張應貴遊擊涂陞沈彪等帶馬步兵勇八百名由白芨垭一路前進均不裹帶鍋帳並不執打本營旗號改裝前往設法搜捕臣同賽沖阿溫春色爾滾馬瑜蒲尙佐由葛藤口司馬岡一路取道房縣之彎腰樹自北向西以爲各路策應十九日據馬應國等稟稱探得古墳嶺一帶零星匪二三十人在彼滋擾當卽帶兵勇前往搜捕該匪鑽入老林適總兵德昌追勦賊匪六七十人亦遁入散水河老

林內兩路官兵會合於是夜二更時赴林內行走二十餘

里約已四更見有板房一處賊俱睡熟羅倫麻光裕卽率兵勇前往圍住立斃賊三十六名生擒二十三名割獲耳記三十六副受傷兵勇數名訊係黃藍白三號餘匪並無頭目馬應國令龍必達等帶領兵勇亦於是夜趁月色在古墳嶺老林內搜捕斃賊匪十六名生擒劉大成等七名訊係白號餘匪祇有二十多人所有兩路獲犯均係積年戰手一概正法二十一日又據參將沈洪等稟稱探有餘匪四五十人在瓦桑河等處當帶兵勇假充賊匪前進該匪見其情形可疑正遊移間我兵卽向前擒捕立殺賊

德壯果公年譜卷二

四

二十一名生擒五名訊係黃號唐明萬餘匪俱係積年老賊當卽正法二十三日據富僧德何君佐等稟報探得小溝鶯巖一帶零星匪三十餘人當卽帶兵勇趕追至確窩溝深河寨斃賊匪二十九名訊係藍號蒲添寶餘匪臣均隨時飭知該鎮將等令各竭力搜捕不可稍存草率了事之見並令其直搜至川界仍回彎腰樹會合歸併兵力向巴東興山自北而南進勦臣現在軍次官渡看來二竹一帶不日卽可肅清長齡於十三日分兵南行由房縣向五臺一帶前進探有大小賊匪兩股約共有九百餘人小股由珠藏洞東竄大股向保康之蔣口黃柏坪而逃長齡



現已趕赴黃柏坪與孫清元分兵相機抄截等情計長齡一路緊跟賊蹤日內自己接仗至二竹此時將次肅清臣現擬留德昌帶兵仍在二竹一帶往來搜捕臣督兵向巴東興山進剿將崔胡戴熊各逆趕辦期與長齡等兩面夾攻一俟額爾登保來楚彼此會合將楚境各零匪一律就地掃除不令其竄陝亦不使之入川以冀三省全就廓清迅速蒞功仰慰

聖座再此次追剿蒲逆股匪總在老山箐林之中風雨寒冷兵勇多係單衣跣足川省所製軍裝衣履尚未到營正在籌慮茲候補知州竹山縣知縣范繼昌押運軍米來營見川省

德壯果公年譜卷二十一 兇

兵勇在楚剿賊勞苦製辦棉襖一千件布鞋一千雙草鞋一千雙稟懇分賞兵勇臣當於

賞項內撥發價值又據范繼昌稟稱自願捐備情詞真切洵屬益公當令散給各兵勇甚為得濟再臣前奉七月初五日

上諭令將蒲逆首夥悉數擒拏一俟此股辦完即將色爾滾蒲尙佐二人及此外出力將弁據實保奏茲遵將色爾滾與達勒精阿等兩路實在出力之將領員弁兵勇內擇其超眾者公同詳慎遴選分別應陞應賞敬繕滿漢清單恭呈

御覽

諭曰德楞泰因楚省零匪一見大隊官兵即四散遁藏隨飭將弁

等改裝潛往令賊匪不覺分投密捕俱有斬獲現在二竹一帶將次肅清德楞泰留德昌帶兵在彼往來搜捕伊先向巴東興山剿辦崔胡戴熊各逆所辦甚是但前據勒保奏有楚匪千餘人竄入大甯邊界何以此次德楞泰摺內未經提及此股賊匪究竟係何股分出現在曾否折回其崔胡戴熊各逆賊數究有若干著一併查明據實具奏將來奏報蒞功後不得再稱尚有零匪未淨藉詞延宕本日據額爾登保奏率同扎克塔爾格布舍等帶領兵勇三千餘名赴楚自應從二竹經過已降旨令其將該處未淨餘匪順道搜捕德楞泰現往巴東進剿亦不必等候額爾登保到彼致有耽延總當上緊將崔胡戴熊各逆奮力

德壯果公年譜卷二十一 季

截擊悉數殲擒一俟額爾登保到楚再將未淨餘匪協力掃除總須在楚境辦淨勿令其竄往川陝邊界復煩兵力務於九月內三省一體廓清蒞功完善用紅裏黃面之摺聯銜具奏宣示中外同膺懋賞不可延至冬令又以氣候寒冷雨雪載途為詞則前功盡棄矣再八月二十九日德爾吉行圍德楞泰之子蘇崇阿射鷹跪獻當即賞給黃馬褂蘇崇阿甫經挑在乾清門不過循分當差因念德楞泰在軍營帶兵勤勞懋著是以加恩伊子德楞泰當倍加感奮朕昕夕盼望願汝速成大功永受厚恩以慰七年憂慮勉之至保奏出力各員已如所請分別加恩矣

十四日



公奏言竊<sup>臣</sup>前將分兵自東南向西北搜捕二竹零匪各路擒斬情形於八月二十四日具

奏後<sup>臣</sup>督率大隊自官渡河向西過其東竄之路沿途逐日仍分派兵勇徧行搜查並無藏匿之賊二十五日兵抵房縣之獅子巖吳熊光就近來營會商全楚零匪情形並應辦善後事宜再三商酌經略額爾登保前已奉

旨令其督兵入楚諒不日亦移師前來<sup>臣</sup>等同心協力將各股零

匪趕緊搜剿大局即可會同戡定其善後一切尙須熟爲籌計者再當和衷商榷惟期事事妥善方無後慮刻下<sup>臣</sup>

一面竭力搜捕多殺一賊卽去一害剿除一股卽少一累

德壯果公年譜卷二十一

三

於勦辦大局更爲安速二十七日<sup>臣</sup>由仙家坪前進嗣據

副將馬應國都司龍必達守備李輝林陳偉等稟報自古

墳坪搜剿零匪後由黑溪溝馬鞍嶺黑溝至橫擔山老林

詢據逃出難民黃正昌稱有黃藍兩號零匪百餘人現在

雲霧溪說要走蒲溪河茅古坪過陝西去之語十八日該

員帶領兵勇扮作教匪趕剿申刻至蒲溪河追及其尾該

逆遙見認爲同教卽有二三十人前來會合迨賊匪近前

我兵刀矛並舉立殺賊十餘名生擒江學文等五名前賊

見兵剿殺不敢接應卽翻巖連夜奔逃官兵旋即跟蹤前

追二十八日據副都統銜富僧德參將張應貴遊擊劉彪

余陞都司高發榮等稟報由佛洞溝龍坡嶺閻王鼻子牛

心寨黃木垵馬鹿坪孫家嶺沖天帳望天坪老木孔至木

耳溝有零賊三十餘人藏於溝底富僧德等將兵勇分爲

兩路前後截擊值賊匪正在房內喫飯兵勇突入殺賊十

八名生擒孫俸等七名訊據獲犯供係老白號餘匪並無

首逆頭目在內訊明俱係老賊當卽正法亦帶兵西追探

勦又據參將沈洪守備黃廷相千總謝金章稟報二十日

自竹山之老莊子東坡龍王包紅坪一帶探剿均無零匪

滋擾遂由乾龍洞羊耳垵自北而西探得水田坪南溪溝

現有一股賊匪屯聚人數頗多有向椒子園東南奔竄之

德壯果公年譜卷二十一

三

勢現在相機設法跟剿又據副將馬元守備高星文會大

用周志林等稟報自老爺頂走招風巖烏雀垵馬鬣嶺二

十三日至蘭溪溝探得有川省截回一股賊匪七八百人

馬驟百餘匹已將該處天星小寨乘夜偷破尙未竄走馬

元等商酌於是夜三更帶兵勇由寨左山梁進攻黎明始

抵該處賊衆業已起營時早霧甚大卽乘勢趕追直至茅

坪山腳追上賊尾槍擊矛戳立殺賊三十餘名生擒米良

貴等十一名我兵追下溝底詎溝內霧氣全無賊見追兵

不多竟敢回頭抵敵幸兵勇占住山勢用烏槍連環轟擊

並推拋亂石滾打相持兩時之久又斃賊十餘名賊卽敗



走當訊獲犯供係熊姓賊股原有七八百人在歸州被吉大人官兵追到四川之巫山八石坪要走楊溪河撞著張大人打敗折回湖北就翻銀條嶺走九湖出順水溪一帶又有各號打散的聚有三百多人前來合夥如今共有一千餘人大家商量要由大甯過四川去等語訊明當即斬訖遂撤回天星寨一面分投各路官兵會合併力截剿一面設卡防禦是夜三更後該逆率眾復來搶撲卡座兵勇預防整齊迨其逼近槍箭如雨斃賊三十餘名賊始敗退兵勇乘勢出卡下壓擒獲袁維新等四名未敢遠追賊遂連夜由扁擔庵走斑竹園龍市坪向西北奔逃各等情臣

德壯果公年譜卷二十一

十一

查該逆所竄之龍市坪與椒子園一路官兵不遠與富僧德馬應國等兩路官兵相距亦均在百里內外而沈洪等所稟水田坪南溪賊股卽馬元現剿之賊茲該逆又與北來各路零匪歸併一起正是極好機會可以聚而殲旃賊匪夥聚不過千餘人臣以分派各路兵勇究竟單薄不能痛剿是賊合而兵亦當合卽飭富僧德馬應國沈洪張應貴劉彪余陞等三路各帶兵勇與馬元等合力尾追進剿臣遂督兵取道清池埡嗣探該逆等於二十九日走應家溝南天門被馬元等追剿其尾殺賊十餘名擒獲馬二匹驟一頭賊眾遂翻山走長春壩黎子坪直向川境大甯之

雙橋子西逃先是臣恐各零匪被官兵搜捕情急希圖入川已預爲飭知防堵邊境之副都統達勒精阿武隆阿總兵張績並飛函勒保督飭嚴堵在案該匪探知大甯徐家壩一帶官兵防堵嚴緊不敢深入又北折竹溪南坪紅茶園老林初一日屯於謝家坪其時各路官兵會合富僧德馬元馬應國沈洪張應貴劉彪余陞等趕至紅茶園距賊祇隔一重老林商酌乘夜帶兵出其不意破其賊巢先行稟報等情臣查謝家坪係老林中開墾之處地勢稍爲平坦有民房數十間北有山路一條可以竄出四川之蕭家坡巴豆園直走雞心嶺若東竄卽係竹山之向家壩三層

德壯果公年譜卷二十一

十一

河公祖河白河口其西南係臣與富僧德趕追之路斷不敢折竄遂又飛飭達勒精阿武隆阿等帶兵卽由徐家壩至蕭家坡探蹤堵截遏其雞心嶺之路臣卽督同賽冲阿溫春色爾滾馬瑜蒲尙佐侍衛慶昌協領穆騰額明德總管富登阿蘇清阿副將達自祥何君佐參將馬文斌王玉龍遊擊王登魁汪溥等率輕騎各裹三日口糧不帶鍋帳連夜兼程取道羅漢洞紅坪抄出天池埡白牛池白河口截其東竄初三日晚臣已趕抵羅漢洞計行已有一百四五十里時接富僧德馬應國馬元沈洪張應貴劉彪余陞等稟報初二日三更時帶兵勇步行由紅茶園翻入老林

一第丁丁丹黃參日年公譜第 6 二二二



五更哨探賊衆半在謝家坪房屋住歇半在溝底支架窩棚均已睡熟毫無準備遂分兵兩路富僧德馬應國沈洪張應貴劉彪高發榮會大用周志林瞿心能謝金章等帶兵勇由左邊上坡直下馬元余陞龍必達高星文陳偉黃廷相李輝林等帶兵勇由右邊山梁直下兩面夾攻將房屋三四十間四面圍住屋內賊匪甚多官兵卽齊聲吶喊併力殺進刀砍矛戳逆衆於睡夢中驚起無不慌亂多有赤身奔逃者亦有持矛抗拒者官兵悉力殲戮立斃賊一百二十餘名生擒一百餘名搶獲馬騾七十餘匹刀矛旗幟衣物極多其有逃脫者復被兵勇分投趕殺又斃賊二

德壯果公年譜卷二十一

姜

三十名生擒二十餘名時已黎明其溝底窩棚內之賊聞官兵在謝家坪圍剿均不敢來接應盡皆亡命而逃又經兵勇疾追翻越三重大山行走七八十里沿途又斃賊四五十名生擒廖澤元等三十餘名直至謝家壩天晚殘匪連夜東竄三層河擒獲老教偽帥張書漢熊翠之妻廖氏逆子熊朝貴偽元帥廖澤元大旗手唐開緒鐵斃偽總兵葉星堂劉正福姜宗秀割獲耳記二百二十一副及獲犯派員一併押解前來臣查賊匪由向家壩三層河東來必走白河口若由天池壩白牛池正可兜頭迎剿臣遂漏夜起營由紅坪翻過棗樹嶺天池壩白牛池四重大山初四

日申刻趕抵白河口該逆由三層河公祖河已過白河口向漢川嶺竄走官兵追及其尾立斃賊五六十名生擒周其昌等八十餘名河內又淹斃賊匪二三十名搶獲馬騾十三匹頭旗五件刀矛五十三件再查訊各賊均供賊匪內係熊翠與老教偽元帥張書漢二人爲首調度一切其熊方青卽熊翠之叔素不管事張書漢與徐添德等同時起事又屬兒女姻親誅多日實爲巨惡臣查楚境現在除熊翠熊方青餘匪五六百人外尙有戴四等一股賊匪三四百人頃接吳熊光來信該逆由南漳竄至穀城邊界被寨勇截擊西遁房縣之大木廠副都統銜託爾託保總

德壯果公年譜卷二十一

姜

兵孫清元並副都統銜富翰副將呢瑪善分投兜剿又據竹山營遊擊沈彪竹山縣候補知州范繼昌稟報該逆已由化口向黨洛河汪家河奔逃該處東通鄖縣之唐家坪北通陝西白河縣之孔石河西通竹山之吉陽關已飛飭各要隘兵勇並寨勇協力堵截等情臣查陝境上有穆克登布喜明等扼據堵截極爲嚴密卽使該逆希圖入陝自能前後夾擊况額爾登保此時諒已督兵南來正可迎剿一鼓掃除或該逆折向南來臣就近探明亦可分兵剿辦至於總兵吉林泰李天林等所追熊姓賊股卽係臣現剿之賊該逆由歸巴而入巫山之八石坪被川兵截回楚



境吉林泰李天林以賊既竄川不便深入稟明前來查巴東山內麻線坪一帶尙有不知姓名賊匪三四百名遁藏於彼或係王國賢餘匪亦未可定臣卽飭該總兵等帶兵順道勦辦現計全楚各起餘匪約共不過二千人此外卽有百十爲羣數十結黨散藏山中者諒亦無幾但其中多係各股漏網遊魂行蹤詭譎忽分忽合惟恃老林爲藏身之窟臣仰體

皇仁每於臨陣令兵勇吶喊招撫偶有一二投出者多係難民其老賊教匪從未見有投出之人又嘗多繕剴切告示更無一人來投可見該逆等罪孽深重卽網開三面亦不能逃

德果公年譜卷二十一

三

現在搜捕捉獲難民無不訊明妥爲省釋斷不肯殘忍良善如遇老賊亦不敢姑息從事總期無枉無縱以副我皇上除暴安民至意所有熊翠熊方青餘匪現贖祇有五百餘人勢已狼狽由湖溪狂奔該處東北則出竹山之官渡西南則係房縣之上龕九道梁彎腰樹該逆窮蹙斷不敢北走勢必由彎腰樹南竄興山巴東一帶老林苟延殘喘臣商令賽冲阿並派副都統銜富僧德總兵蒲尙佐帶前敵勁旅馬步兵勇二千餘員名跟蹤緊躡令其不予賊暇毋論竄往何處窮其所向以期乘勢剪除淨盡臣督同溫春色爾滾馬瑜等亦帶馬步兵勇二千餘員名繼進既可相機

抄截熊翠熊方青餘匪如戴四賊股南來亦可隨時迎勦其餘各起零匪仍當察看情形賊分則兵亦分賊聚則兵亦聚臨事權衡辦理俟額爾登保督兵前來兵威更加壯盛則分投徧搜諒此千餘零匪無難計日掃除大功卽可戡定也計此次擒勦熊翠熊方青等敗聚賊股共殺賊二百九十餘名共擒活賊二百三十七名搶獲馬騾八十五匹頭大小旗四十七面火槍五桿刀矛三百五十六件訊出兩處生擒偽帥及大小頭目張書漢廖澤元等四名均行醫割其老賊及戰手周其昌等一百六十五名一概正法訊出被脅男婦難民王澤富李黃氏等七十五名口均卽照例省釋其逆妻熊廖氏卽劉氏逆子熊朝貴卽楊三兒均係被擄逼脅亦均一併省釋遞回原籍

德果公年譜卷二十一

三

諭曰此次德楞泰探知熊姓賊匪自川省截回沿途竄合各號打散餘匪共有一千餘人德楞泰派令鎮將等分路抄截並督同賽冲阿等帶兵繼進乘賊匪黑夜住歇時兩路夾攻緊躡賊蹤奮力追擊擒賊匪五百餘名並生擒偽元帥及熊逆妻子大小頭目多名皆由德楞泰調度有方將士用命所致甚屬可嘉現在熊翠熊方青及戴四等股零匪統計不過二千人川陝邊界防堵俱極嚴密不能遠竄德楞泰統率各路官兵乘勝奮擊而額爾登保現已不日到楚以兩路大兵搜勦敗竄窮蹙之賊



自無難剋日掃除務於九月內將楚境零匪一律掃淨額爾登保德楞泰即可與吳熊光聯銜由六百里加緊奏報大功戡定但必須楚匪實在淨盡不可稍有草率亦不必因朕萬壽慶辰在邇有心湊合儻熊光等本非著名極惡似此窮竄隻身竄匿而大局實已肅清該犯等不必因犯未全獲稍稽捷斷不虞其漏網則額爾登保德楞泰不必因犯未全獲稍稽捷奏即熊翠等逆經官兵擒獲即於該處正法祇須六百里馳奏其六百里加緊之報總於馳遞紅裏黃面奏摺時拜發至崔胡二逆本日德楞泰摺內未經敘明是否即在戴四等股內遇便奏明又摺內稱招撫一事投出者多係難民其老教賊匪從未

德壯果公年譜卷二十一

李

見有一人來投等語可見該逆等罪惡貫盈難逃誅殛此時惟有乘兵威勝勢搜捕無遺方為正辦儻賊匪果有來營乞命者原不妨予以一織生路即熊翠等五逆內果能悔罪投出亦不妨免其一死輕者安插原籍重者予以發遣亦無容出示招撫也朕盼捷之心刻難等待然功虧一簣之時斷不可草率尤為最要又據額爾登保奏陝省官兵搜剿鼠匪一摺其殺賊情形與惠齡昨奏相同陝省零匪已有旨專交惠齡等督率搜捕額爾登保惟當與德楞泰併力速辦楚匪為要至伊摺內稱與德楞泰協恭和衷而德楞泰摺內亦稱與額爾登保同心協力俱用硃筆圈出伊一人同此公忠實堪嘉尚又據奏額爾登保移

師赴楚經過地方收成豐稔民居房舍俱已修葺整齊氣象恬熙等語閱之殊深欣慰朕此次木蘭行圍風日晴和諸事順利本日回蹕駐兩間房適德楞泰遞到捷報看此情形歲事喜音自必剋期踵至著先賞給額爾登保白玉大吉葫蘆牌碧玉帶鈎黃瓣松石豆珊瑚豆大小荷包賞給德楞泰白玉大吉葫蘆牌白玉帶鈎黃瓣松石豆珊瑚豆大小荷包為成功預兆統俟大功全竣後再行渥沛殊恩同膺上賞又發去玉搬指十箇瑛瑯翎管五箇火鏢包五箇搬指套五箇文竹鼻煙壺五箇著德楞泰查明賞給此次出力將弁又一兩重銀牌二百面五錢重銀牌二百面著分賞出力兵勇以示獎勵

德壯果公年譜卷二十一

李

公又奏言竊臣與吳熊光會晤時接據長齡來信自保康蔣口前進痔瘡復發兼得痢症力疾奔馳忽然吐血舊病又發連日精神難支不能乘騎再四躊躇祇得就近於南漳暫為延醫診治當此勦賊喫緊之際若不據實直陳懇為代奏則是辜

恩莫大其所統領馬步兵勇暫交副都統銜富翰副將呢瑪善管帶隨同託爾託保孫清元分投勦辦戴姓賊匪等情旋又接據孫清元等稟報相同臣與吳熊光商酌長齡既已患病不能騎馬自應極為醫治以冀速痊當即札覆令其靜心調攝並飭託爾託保孫清元富翰呢瑪善等妥為管帶



協力趕辦奏入報

聞

德壯果公年譜卷二十一

空

德壯果公年譜卷二十二

次孫花沙納恭纂

嘉慶七年壬戌

九月十七日奉

旨特賜額爾登保德楞泰荔枝各三瓶

二十一日

公偕額爾登保吳熊光奏言竊臣額爾登保於初五日發  
摺後在興安將各兵勇衣履稍為添補正擬整隊起行初  
六日接據探報有賊匪五六百人驟馬百餘匹由楚竄入  
洵白境內查該處西北由黃洋河可出郡城正西可出白

德壯果公年譜卷二十二

十一

土關隨飭各兵勇四更起行臣帶領扎克塔爾並馬步兵  
勇由黃洋河紙坊河迎擊扼截該匪竄出平利之路初七  
日申刻進抵新鋪灣據前探回報該匪昨夜已竄至四溝  
堽早間仍由水田河一帶向東折遁等語遂派令副將張  
廷楷遊擊王兆龍分帶兵勇由水田河龍王廟追躡臣即  
率同扎克塔爾取道白土關進發途次穆克登布前來迎  
晤據稱伊在大坪防剿因探聞賊匪竄近已飭派喜明閣  
俊烈帶領兵勇由董家梁迎剿並聞總兵孫清元副都統  
銜富翰副將呢瑪善分帶官兵由二竹一帶尾追而來該  
匪探有官兵已由大神河向東折竄但是何股匪因未得



有生獲之犯尚未探確各等情臣查此股竄匪不過五六百人現派有喜明張廷楷兩路官兵扼截仍酌留穆克登布暫駐白土關督率緊顧西面臣卽於初九日由關垣入楚至竹谿之中峰觀臣吳熊光由房縣前來晤商一切卽由竹谿移赴秦家坪迎頭策應臣德楞泰將熊翠熊方青股匪在謝家坪白河口疊次痛剿之後該匪所餘不過五六百人已極狼狽由白河灘胡溪向東北狂奔臣商令賽冲阿富僧德蒲尙佐等帶領馬步兵勇二千餘名跟蹤緊追務窮所向臣督同溫春色爾滾馬瑜等帶領大兵由渣魚河抄截連日途次據前敵探報該匪知有大兵追躡亡命奔竄刻不停留沿途逃出者甚多已由大旺溝火燒坪竄入竹谿地界賽冲阿鼓勵兵勇漏夜追逐詎該匪連夜竄走初八日由吳家灣魯家壩梭子溝有趨白河界內之勢賽冲阿已帶兵由秦家坪取道抄截臣由寶豐接續而來於十一日趕抵臣額爾登保軍營當卽會同臣吳熊光將楚省情形通盤籌畫所有應辦事宜另摺奏聞並據總兵孫清元稟報連日帶領兵勇由七里關等處晝夜兼程前進探剿竄往金河一帶賊匪初九日營次王家坪據差探報稱另有三四百人由吳家灣梭子溝竄來有趨梓木樹亞之勢孫清元卽催兵倍道兼馳申刻趕抵梓木樹

德壯果公年譜卷二十二

二

亞遙見賊匪三百餘人已由柳樹坪直趨而下孫清元當令總管託爾託保協領武成額副將朱士奉等帶領馬隊趕往迎擊復派參將烏勒喜納遊擊姜元祥都司郭朝鳴等分帶兵勇由左右抄截該匪等見官兵分路趕來並不抵拒均情急捨命狂奔經官兵追殺二十餘里沿途槍擊箭射殲斃五十餘名生擒男婦三十二名時已昏暮該匪由武家坡連夜竄逸共計奪獲賊旗八桿長矛一百二十餘件騾馬二十餘匹當卽分賞兵勇並將生獲各犯解送來營臣等隨訊據湯士貴等供稱我們係頭目熊翠帶領前在歸巴一帶老林出來連次被官兵剿殺傷的人很多連日走白河口到竹谿地方又走吳家灣梭子溝翻梓木樹亞要想往白河地方尋喫的不想又遇官兵迎頭殺來等供當飭將從逆日久之夏國倖等十八名正法新近被裏者十四名釋放仍飭孫清元務須乘此賊匪窮蹙之時趕緊殲洗卽日掃除總兵吉林泰李天林一路連日由長峰堆子順水溪探剿初八日師抵茅坪探報賊匪在背夾子溝學堂溝屯紮相拒我兵不遠當令二更進發初九日黎明趕至背夾子溝詎該匪已於五更起竄隨卽趕過學堂溝至白茨坪追及賊尾我兵奮力趕殺該匪卽分兩股一由朱家溝一由坪渡河逃竄李天林當督步隊兵勇由

德壯果公年譜卷二十二

三



朱家溝追殺吉林泰率領侍衛馬隊官兵由坪渡河追殺兩路競進計殺斃賊匪八九十名生擒七十八名該匪捨命竄入老林逃遁天晚暫息查訊獲賊有先鋒張有相大旗手楊正年二名據該犯等供稱我們係戴家營老掌櫃戴四帶領元帥是崔宗和胡明遠並各處林內湊合打散零匪共六七百人總在各處老山逃避等語因道遠未便解送逐加審訊均係從逆日久法無可貸之犯當將張有相楊正年一併分別凌遲正法訖隨探該匪連夜由上龕向羊岔河狂竄吉林泰李天林已帶兵緊躡趕勦各等情稟報前來查刻下楚省賊匪熊翠熊方青戴四崔胡以及

德壯果公年譜卷二十二

四

王姓鐵姓各餘匪並各處老山分匿之賊約計不過二千餘人總在各處分股狂奔以冀延喘等現已會合惟督率各路官兵趕緊分投勦辦並據穆克登布報稱接遊擊洪得稟報初四日有零匪一股自川境小溝竄至小漳河老林洪得當派入林搜勦進至黃柏棚正遇該匪竄來當卽迎擊斃賊數名該匪仍折由光頭山竄入川境現飭令該遊擊仍行嚴密探訪刻下賊匪均在二竹洵白陝楚邊界等總期共矢和衷早靖餘匪速報蔽功吳熊光於發摺後卽起程仍回房縣督運糧餉並分派道府督飭委員查辦寨勇搜捕招撫並查驗傷病官兵事宜

同日公偕額爾登保吳熊光又奏言等會晤之下將現在情形通盤籌畫查楚省賊匪無多現有等兩路勁兵分投趕勦再經一兩次痛勦之後大局卽可全行戡定以次凱撤惟搜捕三五爲羣之零匪必須本省官兵與地方寨勇協力辦理庶可早報肅清是新設營制事宜尤應先爲趕辦楚省添設襄陽提督移駐穀城前經具奏蒙

聖明俞允所有遴選營員分設營汛添募新兵整飭訓練各事均須提督勵精趕辦方可計日觀成長齡近因積勞之後舊疾復發實難照料昨經據實奏

聞在案等查看長齡病體卽使加意調攝亦非兩三月所能痊

德壯果公年譜卷二十二

五

愈應令前赴襄陽安心醫治所有湖北提督現關緊要必得精明諳練之員方足以資整頓等公同於兩省總兵中逐加揀選查有鎮守鎮總兵富志那年富力強熟悉營務於辦理新設營制事宜堪期勝任等是以不揣冒昧現擬札調前來署理趕辦但鎮守鎮亦係苗疆要缺查有乾州協副將阿林布久在苗地邊氓悅服亦已札行令其接署以便富志那迅卽前來署理提篆該二員係等出師湖南時素所深知今爲整飭營務謹已權宜辦理伏祈訓示至楚省塞堡因沿邊一帶客民居多年來均已移徙且深山邃谷戶鮮蓋藏未能合力築堡如川陝之一律整齊自上



年臣吳熊光接辦以來督飭勸諭漸形周密並分遣委員督率寨勇協同官兵禦賊而未派有大員統率尚不能踴躍從事臣等現已商定查照川陝章程酌派道府分段督辦以專責成並明立勸懲俾知觀感庶於搜捕零匪更為有益再刻下賊匪日勦日少一兵如果得一兵之用更可收實效而速蕪功現在從征之兵東三省並廣東廣西各隊中因傷病寄留州縣調養者經臣吳熊光查明已有五百餘員名臣等現又通行各路將隨征官兵並各州縣寄留者逐一查明不得力者即挑出歸集襄陽房縣二處派滿漢官員前往點驗確實分起味此甚是先行撤回將備之中有老病不能勝任者亦即查明勒休遣發分別奏辦務使人人精銳以重師旅而節鹽糧又查自鄖白交界之天河口起至光化縣之老河口止一帶江岸俱係楚省地方從前因賊匪紛擾恐其竄越江北向係豫省兵勇共六千餘名分為八段設卡防守已經數年之久現係河南藩司方維甸駐紮督率查該處已屬漢江下游江面寬闊即冬令水涸之時亦非船莫渡刻下賊匪窮蹙敗賤亦斷不能竄擾應請將此項防江豫省兵勇酌量裁撤如蒙

俞允俟

命下之日臣等即行知方維甸將土著鄉勇查明籍貫照臣奏定

章程先行撤令歸農約計鄉勇以次撤遣須得旬月爾時賊匪更屬無幾即將官兵全數撤回江岸當不致疎虞亦且樽節糜費現又札知河南撫臣馬慧裕查明豫省邊界現在有無鎮將帶兵防堵俟查覆至日另行酌辦

諭曰此次熊戴崔胡股匪經孫清元吉林泰李天林等帶兵追剿均有斬獲賊勢日益窮蹙額爾登保現又到楚與德楞泰吳熊光會合更可面籌妥辦此時將屆冬令務須上緊督勦剋日奏功若稍有遲延轉瞬天寒冰雪凝滑追捕又難為力勉之望之又據奏會籌應辦事宜一節楚省現有新設營制須提督經理長齡既患病不能照料已明降諭旨令其回京其湖北提督員缺已令慶成署理矣至奏通行各路將東三省及廣東廣西兵丁先行撤回等語所見甚是現在大功將次告竣所有遠省調派兵丁從征日久自應令其早歸原伍竟無庸逐一查驗此內傷病未愈者固即撤回即有調養已愈者亦不必再留楚省所有東三省廣東廣西兵丁著即派員帶回歸伍至楚境賊勢窮蹙漢江一帶不致再有竄擾其防江之豫省兵勇自應裁撤前已有旨令馬慧裕於田永稠常林二人內派令一人帶兵移至江岸再將鄉勇以次裁撤並令方維甸回省辦事馬慧裕接奉諭旨後自己遵照辦理矣

二十九日



公奏言據探報孫清元等原追之賊五六百人係王國賢等餘匪自大神河西折後知官兵分路兜剿連夜狂奔已向安康之牛蹶嶺西逃穆克登布喜明業已帶兵緊躡追剿額爾登保又令格布舍副將張廷楷接續前進額爾登保復恐其蔓延江岸次日亦帶原兵回陝督飭各路兵勇剿辦因平利一帶官兵並無大員督率商留賽冲阿在於該處扼據防堵仍令富僧德帶領吉林官兵同蒲尙佐等速即歸營剿辦戴四賊股臣暫候兵力一面飭催各鎮將趕緊辦理熊逆賊匪十五日接據副都統富翰副將呢瑪善稟報十三日早抄出金河適有由偏頭山竄來賊匪二

德壯吳公全譜卷二十二

八

百餘人當派參領德克精額阿穆昌阿參將王占鼐遊擊李貴李東宣等分頭直上參領觀德保等繼進槍箭齊發斃賊三十餘名生擒八名該匪翻山向平定河奔竄富翰率同協領明安尙安泰遊擊金洪翹等由觀音堂截住西北之路王占鼐李東宣等緊躡尾追該匪逃至觀音寨地方知有官兵抄來又向東折追至尖山嶺又殺賊二十餘名生擒十三名槍獲刀子共四十餘件騾馬十二匹頭旗二面訊據獲犯供稱熊翠原想到陝西去被孫太人殺敗如今要回湖廣老林裏藏躲不想又被官兵殺來等語已將獲犯王之新等共二十一名旗二面一併解送額爾登

保大營查辦十七日接據吉林泰李天林稟報戴四等逆由大小西河有走泉河廣龍灘泉溪北竄之勢該鎮已抄出郭家洲泉河迎截等情查泉溪係竹谿白河兩省交界該處又通陝境平利縣之八角廟會家壩等處因思富僧德蒲尙佐歸營必由白土關東回即飭其就近由八角廟自西北向東南探蹤兜截臣於十七日亦督率溫春色爾滾富登阿馬瑜取道竹谿之漫液過其西北之路十八日又據富翰等稟報熊翠餘匪被剿後分為兩股一起六七十人走西南之麻柳溝一起百餘人由真福洞南竄孫清元等取道呂河前進富翰等於十六日起抵四季溝口探

德壯吳公全譜卷二十二

九

知該匪藏於山上密林之內馬不能前派觀德保李貴趙先貴乘馬步行分領兵勇抄上該匪見兵即向南奔富翰等帶馬步兵勇遂由七里關繞出葉家溝口值該匪竄過對面山梁富翰等分頭並進槍箭齊發當斃賊三四十名共生擒活賊二十四名訊據獲犯吳添朋供稱初九日熊翠被官兵剿殺後夜裏帶有一百多人要逃進竹谿南山老林去我們有六七十人要由八角廟轉到南山去會合不料官兵殺來我被拿住總兵陳鳳也被殺了等語槍獲刀子三十餘件旗二面專差千總劉均將獲犯並旗幟解送到營臣查訊吳添朋等二十名均係積年老賊一概正



法其王德元等四名實係難民照例省釋又據總兵德昌稟報帶兵在吉陽關一帶堵剿先經臣等札飭令赴陝境白河之水中溪長池一帶遏截西北之路十六日行次關廟河探有賊匪百餘人由百子溝竄走酉刻追至廖家溝該匪正在上山卽與副都統銜都當阿督率營總和隆武參將德興承祿等帶領馬隊先行馳追令都司韓瑛唐盛高等帶步隊繼進策應直追至花巖河該匪又奔上山頂憑高抗拒官兵奮力直上槍擊箭射斃賊二十餘名生擒活賊十三名騾馬七匹頭矛子二十餘件所贖賊匪七八十人向南遁逃訊據獲犯何作良等供係熊翠帶領之賊專差解送到營當卽訊明分別辦理查熊翠等兩股賊匪所贖不過百餘人狼狽之極臣飛札德昌都當阿等帶兵卽行跟追無論陝楚總當窮其所向務盡根株斷不可稍留餘孽茲臣於二十日行抵匯灣二十一日接據吉林泰李天林來稟戴四等逆探馬於十八日已至郭家洲知西面有大兵東來不敢竄陝遂由大小西河翻山折向東南之駟馬岡瓦桑河一帶現仍帶兵尾躡緊追等語查該逆等若向東南之湖溪則入房縣與山儻直向南竄王家山係入川之路豐紳現在四川之大甯徐家壩一帶堵剿臣卽飛行知照令其探蹤截剿再查富僧德蒲尙佐等帶兵

德壯果公年譜卷二十二

十

自八角廟會家壩向泉溪而來係在賊之左手富翰託爾託保呢瑪善朱士奉等由葛藤口前進係在賊之右手臣督率溫春色爾滾富登阿馬瑜等由中路泉河接續吉林泰李天林之兵繼進似此分投趕辦該逆斷不能久稽顯戮又查楚省尙有陳姓賊匪四五百人現在巴東之火峰界嶺一帶遊奕其餘數十人並百餘人者亦不過兩三起臣兵行臨近卽分兵剿辦又頃據署陝安鎮總兵副將百祥具報穆克登布喜明帶兵西追於十二日在安康之柴郎廟左林溝等處截剿賊匪殲擒數十名搶獲騾馬一百餘匹頭旗幟刀矛數十件賊向西南小道河奔逃十四日又於紫陽之雙河場痛剿擒斬甚多搶獲騾馬旗幟刀矛不少餘匪向六道河陡背子奔竄有入川之勢等語額爾登保督兵緊躡斷不致蔓延其王國賢一犯是否生死此番自可得其實在底裏又據候補知州署雲陽縣知縣梁敦懷稟報八月十五日有張長青賊股入境見招撫告示遣夥匪王士鳳至人和寨探明告投當經寨首陳世輔等帶同赴縣又經梁敦懷反復開導賞以銀牌繕給諭帖令其復回賊營賊眾共知招撫屬實張長青張長生兄弟二人卽帶領五百餘人來投途次龍洞又遇黃號李學坤等零匪四五十人張長青亦勸其投順均於二十五日一同

德壯果公年譜卷二十二

十一



到縣該縣卽解送勒保軍營辦理聞勒保並未留其隨營當令該縣帶回原籍妥爲安插等情臣現又繕寫簡明告示徧行曉示以便剿撫兼施又遵查前竄川境賊匪四股千餘人一起係張長青帶有四百餘人嗣經川省官兵截剿窮蹙首從餘匪現已率眾投順一起百數十人係臣在雲霧溪剿辦蒲逆打散餘匪竄至雲陽被達斯呼爾岱副將羅聲皋剿洗淨盡其由邊界老林竄至大甯太平山內兩起賊匪姓名人數並現在有無零匪遁入之處均未據有稟報俟臣查明再爲附奏

諭曰此次熊翠賊匪分股奔竄經孫清元等趕緊追殺連有斬獲

德壯果六年譜卷二十二

三

餘匪祇贖百餘人狼狽已極其戴四等逆經吉林泰等追剿折向東南現仍尾躡緊追此時楚省賊股王國賢餘匪昨據額爾登保奏經官兵痛剿逼竄入川熊翠股匪亦已至陝省白河口可見楚境之賊紛紛俱思外竄惟據摺內稱尙有陳姓賊匪四五百人及戴四等逆所贖無多是否崔胡二逆亦在其中摺內未經敘及但合計賊匪已不及從前二千之數無難迅就掃除昨因楚匪竄陝已令額爾登保留陝專辦堵剿事宜所有楚省賊匪專交德楞泰督辦現在九月將盡該參贊當督飭將領將楚境各股零匪剋日剿除不得再有稽遲如果境內實已肅清鄰省亦斷無竄至之賊德楞泰卽遵照昨旨用紅裏黃面奏摺

會同吳熊光馳遞捷音不必三省會商方行奏報如彼時川省尙有一二未淨零匪德楞泰係成都將軍仍應移師入川協同捕淨目下功屆垂成惟應以剿爲正辦不可徒事招撫耽延時日嗣後遇打仗得有斬獲務須將該省所贖賊匪若干於每次摺內報明毋稍含混

十月初八日

公奏言竊臣前由竹谿之泉河前進將戴四崔胡賊股截逼折向東南駟馬岡奔逃分飭各路趕緊剿辦臣督率溫春色爾滾富當阿馬瑜等接續繼進二十三日途次接據總兵吉林泰李天林稟報帶兵緊躡賊蹤二十日探得該

德壯果六年譜卷二十二

三

逆屯於大團包三鼓進發兵行三十餘里天甫黎明抵紉子坪時微微小雨賊匪遙見官兵追來先行狂奔李天林督率參將毛秉剛楊安都司張大勳張天仲等各帶兵勇由大東溝抄出大團包趕上賊尾奮力剿殺立斃賊四十餘名擒獲活賊朱文光等三十六名正追勦間大雨密霧咫尺莫辨山勢陡險道路溼滑未能前進訊據獲犯朱文光等供稱是戴四掌櫃賊股元帥是崔宗和胡明遠兩箇現在共有五六百人馬騾有五六匹見湖廣的兵多家商量要到陝西去走到郭家洲又有官兵迎來纔折回想過四川今早望哨的看見有官兵又趕來了就叫眾人



快走不想官兵趕過山來把我就拏住了他們也沒有一  
定主意總是打聽沒有兵的地方就去等語訊明朱文光  
等十四名均係矛手當卽正法其餘難民黃廷國等二十  
二名概行照例省釋旋探餘匪由蝦蟆洞向瓦桑河東逃  
仍卽緊跟前追等情二十五日接據副都統富翰託爾託  
保副將呢瑪善朱士奉等稟報帶兵由葛藤口右抄二十  
三日辰刻抵招風巖探得賊匪由茅古坪走乾溝蕭家坡  
有竄雞心嶺之勢富翰託爾託保等卽帶馬步兵勇取道  
迎截及至馬鬣嶺山頂繞過蕭家坡山梁已截住雞心嶺  
之路適有賊探五名當被前敵兵勇殺斃三名生擒一名

德壯果公年譜卷二十二

丙

尚有一名滾巖而逃遙見賊眾已由蕭家坡而來尙隔深  
溝一道當卽疾馳趕勦詎賊知官兵抄截先已上南面大  
山翻過火燒庵山梁官兵直追至簸箕山沿途共殺賊二  
十餘名生擒十二名餘匪遁入核桃園老山該處石礮橫  
木馬力難施派令參將王占鼇遊擊李東宣等帶步兵  
勇跟追馬隊仍回原路抄出核桃園沿途又殺賊十餘名  
擒獲賊匪八名訊明賊探李會林並矛手蘇得貴等十四  
名正法其餘難民曾敏中等六名照例省釋等情二十七日  
又據吉林泰李天林稟報探得該逆由川界折回鑽入白  
梨樹亞老林有向鐵浴河之勢李天林等卽帶步兵兵勇

入山追勦吉林泰等帶領馬步隊伍由大路前進約於桐  
木園會合李天林帶兵突入逆眾一見官兵驟至自將馬  
騾截死三十餘匹其餘盡行丟棄鑽入密林四散奔走兵  
勇刀矛不能施展祇殺賊十餘名當卽分兵四出在於廟  
嶺老虎溝荆竹園王家溝搜勦共獲賊五名查探該逆等  
竄向老木孔南逃滾巖跌死者不少共獲刀矛一百餘件  
併獲犯亦併押解來營富翰託爾託保等恐其東出上龕  
卽帶兵先爲堵擊兵抵坪渡河擊獲賊探周大華訊稱  
戴四崔胡等逆連日被各路官兵勦殺並沿途渙散外祇  
贖三百餘人竄至老林朱家溝一帶屯聚相離不過三四

德壯果公年譜卷二十二

表

十里等語當派馬瑜副將馬應國參將王玉龍遊擊劉  
彪楊登魁等帶領步兵兵勇連夜趕赴東面之太平寨進  
勦令溫春富登阿總管蘇清阿副總管珠山副將何君佐  
參將馬文斌遊擊汪濤等帶兵勇由西面艾家坳進勦  
督同色爾滾侍衛慶昌協領德甯阿佐領達什副將達自  
祥等由溝底中路自北而南進發三路官兵於五鼓後齊  
抵朱家溝腦因雨霧交作賊匪毫不知覺查該處溝底係  
傍老山原有百姓草房兩所逆眾屯住於內黎明時三路  
兵勇突進刀矛亂殺賊眾登時驚潰當斃賊匪四十餘名  
生擒三十餘名搶獲刀矛旗幟衣物極多餘匪盡爬進老



林逃遁其半山尚有草房三處所屯之賊聞官兵剿殺先已竄入箐林馬力難施臣當令馬瑜等帶領各路將備步隊兵勇入山跟蹤分投搜捕臣督同溫春色爾滾富登阿等將馬步隊分布於林外扼住北面一帶查該處老林絕無人徑延互二百餘里東南係上龕彎腰樹舉人坪正東係木耳溝富翰等現在上龕一帶扼截臣飛飭令帶馬隊前往分投堵剿並令呢瑪善朱士奉等抽出步隊兵勇分路入林自東南向西北搜捕吉林泰李天林等現在桐木園一帶相離木耳溝數十里即令該鎮等帶馬隊前往堵截抽出步隊兵勇自東向西搜捕飭令到處徧搜務須三

德壯果公年譜卷二十二

六

路會合二十九日馬瑜等解送活賊艾應年等三十二名耳記二十三付三十日馬瑜等又解到活賊劉讓等十九名耳記十八付其富翰吉林泰兩路相距臣百里之外此時有無搜獲匪犯尚未解到訊據偽總兵李玉國供係襄陽人這戴四掌櫃名叫戴世傑是我師傅他和齊二師傅姚之富起事後來齊二師傅姚之富都被官兵殺了他就另為一股這幾年在甘肅陝西四川湖北各處擄掠我就做了總兵那崔宗和胡明遠是張漢潮營裏的張漢潮被官兵殺了他們自己做了元帥後來就與戴四掌櫃合了夥如今見各處都是官兵同教的人殺的沒有什麼了太

家害怕祇有進老山裏藏躲等語除將李玉國暫留以便指認獲犯首夥外其劉讓等六十三名或係襄陽教匪或係元二年間戰手均即分別懲罰正法其難民楊國順等十八名照例省釋查楚省賊匪戴四崔胡祇贖一百餘人臣現在分兵搜捕諒亦易於集事其巴東興山一帶尚有陳姓賊股四五百名在彼游奕並熊翠餘匪百餘人此外百十為羣數十結黨零匪亦不過兩三起約計楚境現有賊匪不過千餘人各處林內或有藏匿零匪未能周悉者諒亦無幾又查富僧德滿尚佐臣前令其由曾家壩泉溪扼住左手而來茲戴四等逆業被剿贖無幾已有各路兵力徧搜足敷剿辦是以臣即令其取道官渡房縣前赴興山巴東一帶探剿陳姓賊股惟此處林深山大而兵力分布搜捕恐難徧及該逆等或有逃出箐林諒亦不能免脫遠颺臣俟將戴四等逆辦竣即分兵數路四出搜洗零匪總期全楚迅速戡定仰紓

德壯果公年譜卷二十二

七

聖塵至德昌都當阿所追熊翠殘匪百餘人相距已遠此時是否辦竣日來未據稟報臣亦已飛飭嚴催趕緊剿辦矣此次剿賊各路兵勇並無帶傷陣亡之人合併聲明諭日戴四崔胡等逆股匪本有五六百人此次經德楞泰分飭吉林泰李天林富翰等連日截剿贖有三百餘人德楞泰復督同



溫春等扼要截擊多有斬獲現在此股賊匪祇贖一百餘人無  
難即日掃除其熊翠餘匪尤屬無多現有德昌等追剿亦易辦  
淨惟巴東興山一帶尚有陳姓股匪四五百人為數稍眾德楞  
泰將戴四崔胡等逆悉數殲除後即應移師巴東興山督率富  
僧德蒲尙佐等注定陳逆一股奮力剿擊刻日殲除淨盡此股  
賊匪辦竣後其餘百十為羣者祇有兩三起更可以次搜淨彼  
時楚省大局已定川陝更無闖入之賊德楞泰即可會同吳熊  
光用紅裏黃面摺奏報全楚戡定捷音渥膺懋賞至摺內稱各  
處林內或有藏匿零匪未能周悉者諒亦無幾等語此則不可  
大意湖北郎宜一帶多係大山老林刻下自無成股之賊在彼  
潛藏或有零星散匪十數為羣遁入其中若不淨絕根株仍恐  
其復行糾聚德楞泰奏報戡事後當分派得力鎮將帶領官兵  
將竹谿竹山房縣興山歸州巴東等處老林以次排搜務須深  
入林內徧處躡捕實在搜除絕迹方可先撤鄉勇次撤官兵為  
一勞永逸之計彼時額爾登保德楞泰再會同川楚陝甘督撫  
詳議章程每年三省派出提鎮大員於川楚陝交界各老林內  
定期會哨一二次奏明遵照辦理方為妥善

十一日

公奏言竊臣欽奉

上諭八月二十九日德爾吉行圍德楞泰之子蘇崇阿射廳跪獻

當即賞穿黃馬褂蘇崇阿甫經挑在乾清門不過循分當差因  
念德楞泰在軍營帶兵勤勞懋著是以加恩伊子特諭令知之  
德楞泰當倍加感奮等因欽此臣跪誦之下感激悚惶莫可言

喻謹望

闕叩頭謝

恩訖伏念臣身膺軍旅重任剿辦教匪至今六載未能迅速戡事

上紆

宵旰焦勞屢荷

聖慈曲賜

優容不加譴責更蒙

德壯果公年譜卷二十二

九

懋賞駢蕃循躬省分慙悚交并而臣之子蘇崇阿年輕識淺報效

毫無疊荷

裁成造就

賞給

乾清門頭等侍衛使臣父子咸被

覆載鈞陶捐糜頂踵實不足以答

高厚茲以蘇崇阿扈從

行圍射廳跪獻即蒙

格外加恩賞穿黃馬褂

殊榮特錫章服增華為人臣之罕遇實夢想所難期臣聞



命自

天欣感無地唯有囑令蘇崇阿倍加勤慎當差學習弓馬奮勉巴

結仰副

聖主策勵至意而 臣 受此奕世

寵榮感奮尤為倍切亦惟有殫竭犬馬微忱以期同報

主恩於萬一

殊批勉力成功再膺厚賜

十六日

公奏言前據探報零匪百餘人有竄至南溪溝青峰溝之

勢查青峰溝入山即係朱家溝老林當令富登阿副將達

德壯果公年譜卷二十二

三

自祥遊擊楊登魁帶兵星夜前赴勦辦該匪先已竄入青

峰溝富登阿達自祥楊登魁緊躡賊蹤進山 臣 即飛飭馬

瑜等就近由油榨溝迎勦夾擊十月初一日接據託爾託

保朱士稟報二十九日分兵由彎腰樹舉人坪入林搜

捕有零匪數十名在彼游奕賊匪見兵先逃殺賊一名生

擒十一名滾巖跌死者十餘名餘匪仍散藏於密林之內

因雨霧甚大未能徧搜等語初二日又據馬瑜等稟報該

鎮帶同副將馬應國遊擊劉彪都司左位等抽撥兵勇迎

勦另股賊匪行距油榨溝數里雨霧中遙聞官兵殺喊之

聲即率兵勇分投迎勦與富登阿達自祥楊登魁等前後

夾擊斃賊二十三名生擒半尙太賴大林等四十二名尙

有餘匪數十名乘霧四散匿於密林次日大雪復加徧搜

擒獲劉世倫等二十八名林內縊死者三名滾巖跌斃四

名凍死者二名割獲耳記十一副隨將獲犯並耳記刀矛

一併解送來營訊據半尙太等供我是向元帥營裏探馬

頭這向元帥名叫向世得原是蕭四掌櫃夥內的他自稱

元帥還有一箇總兵黃天祿共有一百十三人這幾年總

在這邊界上一帶老山裏藏躲不想官兵殺來向世得是

初一日滾巖跌死黃天祿也被殺了等語 臣 查向世得所

帶餘匪一百十三名計先後擒斬並跌斃縊死凍死首從

德壯果公年譜卷二十二

三

均已搜勦淨盡其向世得跌斃查係懸巖深溝無從割取

首級所有擒獲此股賊匪半尙太等七十名內有婦人曹

唐氏劉氏二口又有被擄難民劉裕新等四名訊明即均

照例省釋其餘半尙太賴大林等六十四名俱係陳賊一

概正法又據探報房縣之黃柏坳老林內有零匪百餘名

在彼藏匿 臣 查黃柏坳老林在木耳溝之西距吉林泰李

天林之兵四五十里當飛飭該鎮等酌留兵勇扼據木耳

溝之路抽撥步隊赴彼搜勦初二日據吉林泰李天林稟

報將馬步兵勇酌留木耳溝抽出步隊帶往黃柏坳搜勦

當派參將毛秉剛等由荆竹園老木孔一路派都司張天



仲等由王家腦長嶺岡鍾家嶺一路分投前進旋探有零賊八九十人果在黃柏塢老林草房內藏匿於三十日五鼓進至該處即將房屋三間圍住突入刀矛亂殺該逆驚亂被兵勇等分投勦殺全數撲滅查殺死賊匪四十二名生擒周泰學等二十名其餘均被兵勇矛戳滾巖訊據周泰學楊勝興等供稱係王世虎股內打散的有九十二人係元帥李發舉管帶因人少不敢出山總在各處林內藏躲如今李發舉已被官兵亂矛戳死等語當將獲犯周泰學等並耳記十四副旗矛等件解到大營臣查驗覆訊無異除將戰手周泰學等十八名正法外其難民田士龍

德壯果公年譜卷二十一

三

等二名照例釋放初三日申刻據馬瑜稟報探得戴四崔胡餘匪百餘人乘雪霧瀰漫之際竄至老林東南業已取道跟蹤追躡富翰呢瑪善亦帶馬步兵勇由上籠羊岔河向東面前進臣當又派色爾滾侍衛慶昌協領德甯阿總管蘇清阿等帶領馬隊接續馬瑜前進臣督率溫春富登阿託爾託保副將達自祥朱士奉等帶領馬步兵勇繼進茲於初七日行抵長房河據馬瑜等稟報戴四崔胡賊匪已向興山老林內橫河一帶奔逃現在四路官兵距賊不遠俟探明路徑分投趕勦又查富僧德滿尙佐分帶兵勇二千餘名已由房縣向興山東南前進一二日內亦可趕

到該處原有陳姓賊匪外尚有零匪二處臣已飭令隨時探明無論何股遇賊即勦看此光景各路湊合兵威盛壯事機已極順利仰仗

天威加戴四崔胡賊匪即日得以翦除乘此大兵雲集再將興巴山內所有藏匿零匪趁勢分兵多路徧行搜勦可期迅即淨盡頃又接准經略額爾登保來信所追竄匪疊被勦殘南竄入川已派穆克登布帶兵緊跟趕勦陝境迤西自可無虞已督兵由甄坪會家壩取道竹谿之豐溪鎮坪入楚自西北向東南探蹤截勦等因臣查現在戴四崔胡並陳姓賊匪及山內兩起零匪官兵業已分投截勦惟恨此時

德壯果公年譜卷二十一

三

各匪恃其人少便捷見兵狂奔總不出深山密菁冀延殘喘如能就地掃除固為盡善設或散逃臣即將興巴一帶所有零匪分布兵勇自東南逼向西北期與額爾登保合力夾擊一鼓集事約計全楚現有賊匪千人而又勢皆窮蹙臣等兩面趕勦更易廓清又查德昌都富阿等所追熊翠等匪百餘人近據稟報疊被勦殺祇贖數十人折向葛藤口奔逃臣亦即飛飭該鎮等務將熊翠熊方青並夥匪等趕緊勦辦總以根株盡絕為要再臣近由陝界至川界經過二竹境內並無一二百成羣之賊但該處一帶在在老山箐林難保不無三五零匪藏匿亦須兵力搜捕德昌



現辦熊翠零匪不能兼顧臣即令吉林泰李天林等就近帶領原兵在於二竹一帶往來梭織徧行搜捕臣惟有與額爾登保同心協力趕緊將全楚肅清冀臣會合以定大局

諭曰此次德楞泰派令馬瑜吉林泰等將油榨溝黃柏垵兩處餘匪分投勦淨其戴四崔胡等逆祇贖百餘人據稱房縣興山一帶原有陳姓賊匪並零匪二起統計全楚現有之賊不滿千人賊勢日益窮蹙德楞泰現在督率鎮將等分路追捕自無難剋日辦淨惟摺內稱訊據獲賊牟尙太等供稱向世得等共有一百十三人這幾年總在邊界上一帶老山躲藏又據獲賊周泰

德楞泰奏六年請卷二十二

三

學等供稱李發舉等帶有九十二人不敢出山總在各處林內藏躲各等語可見此等散匪竟以大山老林為藏身之固不止向世得李發舉兩起僅搜除未盡難保其不復行糾聚必須辦淨方為盡善已遲延至七載勿草率於一時是以前降諭旨令德楞泰等於勦捕戡事後派令得力鎮將於二竹興山房縣等處山林內逐一排搜以期剋絕根株勿滋餘孽但各處山林內均有居民村落若不先行曉諭猝令官兵入山查搜未免驚擾德楞泰等當明白出示諭以爾等在山內居住已久各安生業本屬良民連年賊匪被官兵勦急或有一二餘匪逃至山內向爾等捏稱難民懇乞收留爾等一時無從辨識誤行留住亦屬

事所不免現在大功告竣各處賊匪俱已勦辦淨盡其山內藏匿零星之賊自當一律搜除爾等家內如有來路不明知係曾經從賊者即將該犯密行縛獻斷不治爾等以窩留之罪轉不必心生畏懼代為容隱如此剴切曉示該處百姓自知前此誤留匪犯自首可以免罪定即紛紛縛獻於搜捕不無裨益其所派排搜之員必須擇其明白精細者方能經理妥善若令不曉事之人張皇搜索或有意邀功必致擾及無辜轉非緝匪安良之意即山內居民等一時未及投首經官兵搜獲者亦祇將該犯照律辦理不必究其向來藏匿何處致有株連德楞泰當會同吳熊光遵照妥辦俾全局益臻完善此時已屆冬令轉瞬互寒現在額爾登保帶兵顧住西北迎勦而來德楞泰自東南逼擊正可將各起餘匪合力夾攻務於十月內悉數殄平馳奏大功戡定捷音渥膺懋賞朕惟計日以待也

十七日

德楞泰奏六年請卷二十二

三

諭曰勒保摺內稱中河一帶新竄入川之賊黃藍線字等號共有千餘人太平等處又有黃姓及不知姓名零匪共六七百人雖係川省邊界未能嚴防但德楞泰本在四川辦賊移師赴楚各股竄匪前由川省竄入湖北茲又從湖北竄回四川德楞泰亦不能無過此時楚省賊匪僅有崔胡戴四股匪百餘人及陳姓一股數百人無難剋日殲除德楞泰辦竣後即與額爾登保互



相商酌分一人赴川幫同勒保勦辦德楞泰在川有年於該省情形較熟且係本省將軍或酌令賽沖阿孫清元等留楚防禦及搜拏零匪德楞泰即移師入川會剿但勒保不得因有此旨專候德楞泰來川因人成事總須就現有兵力遇賊即勦速圖戴功

十九日

公奏言竊臣於十一日帶兵行抵顧村河探報戴四崔胡賊匪由橫河前竄施家溝紙廠溝一帶查該處係老山極險之處馬力不能前進其南面之茶園河鄭家坪派參將馬文斌遊擊劉彪楊登魁等帶步兵勇前進東面之方

德壯果公年譜卷二十二

三

家河牛欄頭派副將馬應國何君佐遊擊楊森北面之八里坪派參將王占鼈遊擊李東宣西面之凉水坑令馬瑜副將呢瑪善等均各分帶步兵勇兜剿臣督率富翰色爾滾溫春富登阿託爾託保等帶領馬步兵勇在於林外分投扼截是夜各路兵勇均已趕抵施家溝紙廠溝探得該處地勢稍為平坦有百姓草房數間逆眾散屯於房屋內外各處號火極多馬瑜呢瑪善帶領兵勇於黎明時由西面山梁壓下有花翎千總謝金章藍翎千總姜成龍把總楊和藍翎候補把總魏忠才帶領兵勇首先衝入殺賊數名擒獲賊匪十餘名當訊獲犯供稱戴四掌櫃趙元帥

在內等語有四川鄉勇葛富張富登時將戴四截斃四川鄉勇陳倖生擒趙元帥雲南把總楊和趕上幫同細縛共殺賊二十二名生擒五十三名餘匪向東面牛欄頭奔逃又被馬應國何君佐等兵勇截住殺賊十一名活捉賊匪三十六名此股賊匪首從全行殄擒味此好並無一名漏網當查訊崔胡二逆下落據趙鑑等供崔宗和胡明遠於昨夜各帶二三十人脫逃不知何往等語隨將戴四首級令趙鑑

德壯果公年譜卷二十二

三

並各獲犯指認僉供如一復於戴四身邊搜出逆父戴新傳教靈文一張臣查驗戴四約二十四五歲白面無鬚右腮有槍傷疤痕一道與存記年歲面貌相同實係戴四正身毫無疑義旋據探報崔胡二逆共帶五六十人均無器械昨夜竄出老林向龍洞坡與房界嶺北逃勢極狼狽臣隨派遊擊李東宣都司龍必達高發榮挑帶趨健兵勇緊跟追勦務期將首夥全行殲擒斷不可令其遠颺訊據趙鑑供年五十一歲湖北襄陽縣陳家河人原與戴四之父親戴新同張漢潮一同起事戴四名叫戴世傑二十四歲他家傳教已久輩分最大戴新死了眾人就尊他為老掌櫃這幾年在河南陝西四川湖北地方殺人放火與官兵打仗很多張漢潮死後戴四另為一股封了崔宗和胡明遠與我三箇做元帥今年夏間又和樊人傑合夥後來四



川的官兵下湖廣來把我們殺敗戴四與我們商量如今湖北兵多再站不住就帶了五六百人分開各走要過陝西四川去都被截殺不能過去纔躲到這南山紙廠施家溝裏崔宗和胡明遠各帶二三十人由老林裏逃走不知何往戴四見官兵衝進營來無路可逃拚死抵敵當被戳死我被擊住等語計共生擒賊匪趙鑑等八十九名訊出偽總兵姚有春探馬頭徐玉宗聶祖文俱係襄陽陳賊與趙鑑一併擲刃示眾其積年戰手郭五張朝雲等六十六名概行正法被擄未久難民十九名照例釋放臣查趙鑑一犯去年夥同徐添德等在興房一帶滋擾經臣奏明在

德壯果公年譜卷二十二

天

案嗣後查無蹤跡今與戴四同時擒獲該二犯係襄陽同時起事首逆數年來抗拒官兵荼毒數省生靈實為罪大惡極茲幸仰仗

天威將該二犯一併殲擒洵足以彰

國典而快人心查崔胡二逆祇帶五六十人北逃窮蹙萬分斷不敢東折臣已派遊擊李東宣等帶兵勇五百名趕剿窮其所向且吉林泰李天林兩路官兵現在竹山之紅坪羅漢洞一帶搜捕零匪正可迎頭殲擒臣飛飭該鎮等探明截剿諒該逆萬難免脫至陳姓賊匪近探尙在巴東火峰界嶺游奕並未遠颺惟又據守備史定川探報興山所

屬之中子洋坪一帶現有賊匪數百人在彼滋擾查中子洋坪相距大營二百餘里較之巴東稍近臣於拜摺後即督率迅剿先行肅清北面再當移師巴東趕緊剿辦陳姓之賊此次受傷兵勇數名容俟查明另行咨部辦理其戴四身上搜出逆父戴新傳教靈文一張謹附摺恭呈御覽再查竹山協副將呢馬善此次同馬瑜等帶兵協剿步行入山鑽林越箐生擒趙鑑殺斃戴四將全股賊匪擒斬殆盡屢著勞績誠為得力之員理合具實奏聞可否量予獎勵

賞戴花翎之處出自

德壯果公年譜卷二十二

天

天恩再此首先衝入賊巢之花翎千總謝金章藍翎千總姜成

龍實屬奮勉請

賞守備銜遇缺即補藍翎候補把總魏忠才請以千總即補雲南

把總楊和懇

恩賞戴藍翎其殲斃戴四之鄉勇葛富張富生擒趙鑑之鄉勇陳

俸除臣於

頒賞銀內各賞給銀一百兩外以上三名懇

恩賞戴藍翎謹一併奏請

訓示

諭曰此次戴四股匪在施家溝紙廠溝逃竄經德楞泰督率將領

續修四庫全書 史部 傳記類 五八二



四面圍擊探得該匪在民房散屯馬瑜呢瑪善帶領兵勇由西  
南山梁歷下斬獲多名並殲斃戴四掌櫃生擒偽元帥趙鑑此  
股賊匪首從全行殄擒並無一名漏網德楞泰調度有方著賞  
給白玉大吉牌四喜玉搬指黃辦珊瑚豆大小荷包並交部議  
敘俟將湖北各匪辦完後再加優賞總兵馬瑜副將呢瑪善帶  
兵進剿殲擒賊目亦著交部議敘呢瑪善並賞戴花翎千總謝  
金章等均如所請加恩又發去青玉四喜搬指五箇象牙四喜  
搬指五箇磁搬指套五箇象牙搬指套五箇花大荷包五對小  
荷包十箇著德楞泰分賞出力將弁一兩重銀牌一百面五錢  
重銀牌一百面分賞出力兵勇以示鼓勵此時戴四股匪業已

德壯果公年譜卷二十一

三

勦盡其崔胡二逆祇帶領五六十人向北窮竄德楞泰已派遊  
擊李東宣等帶兵趕剿且吉林泰李天林兩路官兵在竹山一  
帶搜捕零匪正可迎路截擊務將此股殘匪上緊殲除勿留餘  
孽惟摺內稱興山屬之中子洋坪一帶現有賊匪數百人在彼  
滋擾此股賊匪是否即係巴東陳姓夥匪分出抑係另起之賊  
德楞泰現在督兵先往中子洋坪趕剿此股肅清北面再移師  
巴東勦辦陳姓如能將兩處賊匪迅速掃除湖北別無成股賊  
眾德楞泰當遵照昨旨與額爾登保互商將楚省搜緝零匪之  
事交贊冲阿孫清元等辦理或額爾登保就近兼顧德楞泰即  
當統率勝兵入川協剿此時川省賊數增多均由湖北竄往德

楞泰本係成都將軍又係伊在楚未經勦盡之賊自應一手辦  
竣務須倍加奮勉於十月內全數蕩平吁磨懋賞

恭錄

御製詩

參贊德楞泰奏報生擒偽元帥趙鑑殲斃首逆戴四分兵  
趕剿殘孽情形詩以誌慰

七載籌戎未淨塵執迷不悟憫沈淪喪心邪逆甘罹法傳教靈

文漫護身

白蓮教動以靈文煽誘迷惑多人愚罔甘罹重法至死  
不悟先據德楞泰奏報分兵勦辦戴四崔胡等逆

由興山橫河一帶追截茲於十月十一夜趕抵施家溝等處探  
得逆賊散屯於百竹草房內所派分投扼截各將領兵勇乘勢  
掩捕有鄉勇葛富等將首逆戴四分截斃其偽先鋒趙鑑為鄉勇  
陳春生擒併珍擒首逆一百餘名復訊據趙鑑所供戴逆輩分

德壯果公年譜卷二十一

三

最大戴逆之父戴新死後即稱老掌櫃身帶靈文即戴新所傳  
趙鑑與戴四分煽滋擾最久今已擒獲崔胡二逆所餘二三十  
人已派將領兵勇趕剿窮孽重總由下民罪劫消惟願  
其所向亦斷不能遠颺矣  
上蒼仁自愍薄德臨寰宇何日能期風俗淳

二十二日

公奏言竊臣昨於十三日督兵向熊莊前進探剿中子洋  
坪屯踞之賊途次據副都統富僧德總兵蒲尙佐稟報帶  
兵由兩河口已抵興山之豐玉坪等情查該處相距中子  
洋坪不過百里係在賊之東面臣即飛飭令其星夜由鄭  
家坪狗兒灘向西北進發十四日趕抵熊莊離賊巢六  
七十里中隔兩重箐林探報賊匪尙屯該處約有四五百



人是夜二更乘月色發兵<sub>臣</sub>派令馬瑜帶同副將呢瑪善馬應國何君佐參將馬文斌王占齧遊擊楊登魁劉彪左位等帶領兵勇由中央亞翻越老林進剿<sub>臣</sub>督率富翰色爾滾溫春富登阿託爾託保侍衛慶昌總管蘇清阿協領德甯阿副總管珠山副將達自祥朱士奉參將烏爾喜訥遊擊楊森都司劉廷斌等帶馬步兵勇由溝底抄出截殺十五日辰刻兵抵中子洋坪詎賊已向雙池東竄兩路官兵疾馳四五十里直至雙池趕上賊匪時已申刻馬瑜同呢瑪善馬應國何君佐馬文斌等由左手山梁下壓<sub>臣</sub>督同富翰色爾滾從右手正路衝擊該匪憑險抗拒兩路兵

德社果公年譜卷二十二

三

勇分投齊進槍箭並發殺賊四十餘名生擒李大典袁馬氏等九十一名搶獲賊旗刀矛馬騾牛隻甚多餘匪敗向平水河沿途紛紛逃散<sub>臣</sub>隨分兵搜捕富翰色爾滾馬瑜等帶兵緊跟不予以暇適富僧德蒲尙佐副將馬元沈洪參將張應貴遊擊虎正林等由豐玉坪鄭家坪向西迎截來至狗兒灘正值殘匪東逃兜頭截住前後夾擊又殺賊五十餘名生擒吳顯倫等七十二名滾巖跌斃及渙散者亦多又搜獲張觀書等二十一名約贖餘匪一百二三十名折向金子山北逃時已天晚計兵馬趕剿已有一百六七十里又係老山箐林之中勢難再進當將獲犯並馬騾

牛隻旗幟器械呈繳前來訊出探馬頭李大典董天文大旗手袁大章周學俊四名均卽鬻割戰手王仲英等七十一名一併正法其附近被擄男婦大小難民王化英蔣成虎袁馬氏胡龔氏等一百零九名照例省釋交興山縣安爲遞籍旋探該逆尙有一百二三十人由金子山向田溪灣西北而逃若無兵趕緊追剿又恐擄脅爲患<sub>臣</sub>當派託爾託保朱士奉烏爾喜訥帶領原兵一千餘名窮其所向務將餘匪翦滅並令沿途搜捕零匪惟近探陳姓賊股與巫山文武具報賊數多寡不同又由火峰界嶺竄至川楚交界之三灣子一帶該處逼近江岸距<sub>臣</sub>軍營五百餘里

德社果公年譜卷二十二

三

<sub>臣</sub>卽督率將領員弁兵勇取道歸州之平陽壩前往趕辦並先行知分駐大甯巫山之豐紳張績預爲嚴防堵截諒亦易於掃除至崔胡二逆五六十人北逃<sub>臣</sub>前令遊擊李東宣等帶兵趕追日來未據稟報其能翠熊方青等遺孽近接經略額爾登保自會家壩來信祇贖數十人南竄化龍山一帶又有馬賊二十餘人竄往豐溪均有入川之勢業已另派官兵緊躡趕剿令德昌在於竹谿郭家洲一帶搜捕零匪等語<sub>臣</sub>亦已嚴飭該總兵實力搜剿不任遲延再<sub>臣</sub>自陝西迎截崔胡戴四賊股至川境毗連之蕭家坡所過二竹境內並無一二百成股之賊茲又南至房縣興



山地界祇有向李兩起零匪業經掃盡其青黃兩號四百餘人亦被剿殘詢之富僧德等據稱自竹山之官渡由房縣保康境內西至興山曾經徧查不但無成股之賊亦並無零匪又宜昌府知府金之忠催運糧餉來營據稱南漳保康東湖歸州各屬地方均為甯謐現在全楚情形大概如此臣惟有督率各路官兵趕緊剿辦

諭曰此次青黃兩號餘匪在中子洋坪屯踞經德楞泰派令馬瑜富翰等分路追擊共擒斬二百餘名祇贖餘匪一百二三十名向西北奔逃現經德楞泰派令託爾託保等帶兵窮追看來此次餘匪狼狽已極自可即日殲除至陳姓股匪現在竄至川楚

德壯果公年譜卷二十二

三

交界之三灣子一帶德楞泰親自督兵取道歸州前往趕剿並知會豐紳張績預為嚴防堵截想亦不難剋期辦淨此時楚北境內已無成股之賊陳姓股匪又已竄至川省交界地方德楞泰當督飭鎮將即將此股餘匪就地剿淨或該逆竟竄入川境亦即緊躡追剿辦竣後即可在川會同勒保將線字黃藍各號餘匪上緊剿除務於十月內外一律蕩平勉成大功

二十四日

公借額爾登保奏言竊查教匪滋事以來徵調各省官兵為數不少分撥三省往來剿賊其中有原帶大員陞遷事故輾轉交替並間有人亡卷失情事以致兵數難於即時

確查其故總因此次剿賊數年逐日奔走兵丁中有受傷患病者除係帶兵官驗明給票赴各州縣調養均經隨時按名分別辦理外其有途次陡患病症既不能隨隊奔走深山僻壤又不及給票赴縣調養其中病愈趕到者固不乏人而落後並無消息者亦屬不少實緣師行無定當兵丁在途患病之時統領鎮將帶兵遊行不能以一二病兵略有遲緩即該管備弁亦須隨同鎮將前進不及親身稽查多係紮營之後分派目兵轉回尋覓師行迅速落後一二日即隔二三百里落後病兵既未知存亡而轉回尋覓之目兵亦甚至日久皆無下落或係因病身故或係病愈趕營中途遇賊戕害或山水陡發猝為衝斃或距營過遠盤費無措又復滯留他處或因往返趕營落後日久畏懼國法卽行藏匿不敢來營皆所不免帶兵官無從查察因該兵日久未到不敢擔當有以脫逃具報者亦有稱尚在訪查未經報出者并有已報脫逃而該兵丁旋又來營者種種情形不一而足現經凱旋則帶兵官弁處分甚重伏思此次出師較他次迥不相同各官弁之失察逃兵更與管帶不善者有間各官弁數年勤勞辛苦疊蒙

德壯果公年譜卷二十二

三

聖恩予以陞階賜以議敘若因此層疊被議則鑄級降職者必多且帶兵官弁陸續更換原帶之員甚少接管之員甚多若



按例概予處分則原帶之員尙屬咎所應得而在接管之員情尤可矜合無仰懇

皇上鴻慈概從寬典其兵丁內有已報逃者俟緝獲時訊明脫逃屬實則將該逃兵按律辦理該管官弁仍行議處其有未經報出名糧虛懸者即趕緊確查或實無下落或已殘廢不能得力即免其深究將名糧開除另補額數不致虛懸其軍營專兼管轄之官弁等均請免予查議俾安於整飭營伍以收實效臣等前於會晤時屢會商籌此事刻下軍務已竣目擊辛苦勞員無知窮卒不得不籲懇

天恩如蒙

俞允俟

命下之日臣等即行知調兵各省分欽遵辦理

諭曰向來軍營帶兵人員於所轄官兵有脫逃情事處分綦重此次勒辦教匪將屆七年官兵跋涉險阻晝夜奔馳異常辛苦此內私自潛逃者固所不免但亦有因受傷患病以致不能隨隊行走中途落後或傷病身故遇賊戕害皆不可知並有該管之員派兵尋覓而尋覓之兵又因他故久無下落此與實在潛逃者其情迥異若因糧缺虛懸即以脫逃具報輒將該管員弁照失察逃兵例一律懲治則聖議者多未免漫無區別現在大功將蒞各路官兵均次第凱旋著額爾登保等詳查各營內無著

兵丁或實係攜帶物件私自潛逃眾證確鑿或擊獲之後審訊明確無可支飾者自應將該逃兵照例辦理其專管兼轄之員亦屬咎無可寬均仍交部查議如該兵丁等實係落後有因不及歸伍查無有意脫逃情節均可無庸深究其該管各員應得失察處分均著加恩寬免其虛懸名糧即一面先行募補以實兵額

十一月初一日

公奏言竊臣於興山之中子洋坪剿除青黃兩處零匪後移師由歸州西進探剿巴東巫山交界陳姓股匪由興山之豐玉坪取道歸州之平陽壩趕緊前進沿途分兵四出

徧探搜捕並傳詢洞寨民人稟報均無零匪滋擾之事十九日營次巴東之江家坪據報陳姓賊股五百餘人馬騾一百餘匹現屯巫巴界上南山之黃泡池三灣子柳樹坪沿江一帶相距官軍八十餘里查該處南面緊靠大江東即火峰界嶺北通巫山之三溪河大風口三會鋪西北可出木瓜溪琴樂坪正西係巫山縣城若分兵數路進剿該逆萬難越竄臣先於過歸州平陽壩時因火峰界嶺為川楚扼要之地必須預為遏截即飛飭副都統銜託爾託保協領烏成額副將朱士奉參將烏爾喜訥並調派防白馬灘之副將海麟守備鄧興相等帶領兵勇協同在於火峰

德世果公年譜卷二十二

奏

德世果公年譜卷二十二

奏



界嶺至江岸之鱒魚溪一帶扼據東面隨令副都統富僧德色爾滾馬瑜蒲尙佐等帶領兵勇初更時卽由三溪河取道關坪上長梁子自東北向西南進剿令副都統富翰富登阿副將呢瑪善參將王占鼈遊擊汪濶金洪翮等帶馬步兵勇繞出木瓜溪琴樂坪自北而南臣督率溫春侍衛慶昌額外佐領呢克藏阿副將達自祥何君佐參將王玉龍遊擊楊森郭文魁都司劉廷斌永魁等帶領兵勇由三溪河前至大風口三會鋪抄截富僧德馬瑜等於二十日寅刻兵抵長梁子山梁月色如晝離賊巢不遠遂暫齊兵馬差探前面堽口草房一間內有賊十餘人俱已睡熟

德壯果公年譜卷二十二

三

當令兵勇潛伏而進圍住草房將賊匪十一人全行生擒訊稱陳元帥紮在黃泡池下面瓦屋內等語富僧德色爾滾同營總蘇清阿珠山協領穆騰額德甯阿等當帶馬隊由柳樹坪截擊蒲尙佐同副將馬元副將銜沈洪參將馬文斌遊擊虎正林賀廷印都司高發榮李榮陞等帶步兵勇由三灣子進剿馬瑜同副將馬應國參將張應貴遊擊楊登魁劉彪余陞都司左位等帶步兵勇直取黃泡池賊巢三路並進探得賊眾屯於屋內亦均睡熟毫不知覺兵勇隨將房屋一所圍住卽放火焚燒賊眾拚命衝出被兵勇當門堵住刀矛並舉立殺二十餘人生擒三十七

名燒死十餘名訊出偽總兵李學進一名據供陳元帥住在右手礮下大瓦房內其時天已黎明馬瑜卽親帶兵勇疾馳前往圍剿詎逆眾業已驚覺竟敢前來抵敵兵勇奮力迎剿殺賊三十餘名賊眾吶喊退而復進者數次馬瑜見有一賊身穿醬色氈袍青緞背心手執長矛往來指揮督眾力敵其兇悍情形實堪髮指據獲犯指係陳元帥隨帶領兵勇奮力擒殺有重慶中營兵丁劉泗明衝入賊隊將督戰之賊扭住建昌中營兵丁沈中貴尹文剛輪矛繼進截傷胸膛左膀將該逆登時生擒賊眾復來搶奪兵勇刀砍矛戳又殺賊三四十名內有偽先鋒羅金堂一名並

德壯果公年譜卷二十二

三

生擒首逆陳侍學逆妻李氏偽總兵李學進羅先鋒之子羅玉兒及夥匪大小男婦馮爾秀張黃氏等一百五十餘名口搶獲馬騾一百二十九匹頭牛豬三十餘隻烏槍刀矛一百六十餘件旗二十一面餘匪分爲兩股一起百餘人由左手江岸向東奔逃馬瑜同富僧德色爾滾蒲尙佐等直追至席家坪沿途殲斃四十餘名生擒六十餘名適有守備鄧興相帶兵勇自鱒魚溪截住殺賊六名生擒八名此起擒斬無遺一起亦有百餘人走右手貓兒石富家垵翻雪山大梁北竄賈家溝臣督率溫春慶昌達自祥何君佐等帶領兵勇由大風口三匯鋪緊追抄截沿途殺賊



二十餘名生擒四十餘名適值富翰富登阿呢瑪善等帶兵由琴樂坪朝陽觀南來截住賊頭前後夾擊又殺賊十餘名內殲斃偽總兵何從盛一名生擒二十餘名尚有逸出餘匪二十餘人向朱家田西逃又被防守巫山一帶之總兵張績由東坪壩趕到巫山營都司袁陞侯亦帶兵由漢坪鋪會同東來悉數殲擒臣復恐有逸出零匪未淨即飛飭各路將領趁勢四出搜捕二十一日晚間據各路回報徧搜無遺旋據陸續將獲犯陳侍學等三百五十六名口解送到營呈繳羅金堂何從盛首級二顆耳記一百一十六副訊據陳侍學供年二十四歲四川達縣二郎廟人

德社果公年譜卷二十二

甲

又名陳自得嘉慶元年九月間我同徐添德在亭子鋪起事造反過湖北陝西走了幾次去年秋間在竹山地方被官兵追殺得緊我同陳文富帶了一百多人各分小營到了冬月間陳文富得了幾百銀子就單身逃走了眾人就議我做元帥我又放了兩箇總兵一箇李學進一箇何從盛還有黃號的先鋒羅金堂也帶人合夥又在火峰界嶺一帶山裏收了青黃藍白線字各號賊眾二百多人今年到巴東二塘壩又擄得一二百人共有五百多人我就挑了三百矛手原打算要過四川去不料昨日夜裏官兵幾路殺來殺的孛的都完了這兩箇首級一箇是黃號先

鋒羅金堂一箇是總兵何從盛復訊據李學進供亦相同訊明後隨派副將達自祥參將張應貴王玉龍遊擊汪漢等將首逆陳侍學李學進二名並殺人已過十名之積惡猾賊龍允貴等十一名及戰手張開友等一百三十七名就近一併押赴巫山縣治人煙輳集之地分別懲罰正法其餘附近川楚難民胡登連袁張氏等二百零六名口均妥為遞送安插至此次首先衝入賊羣擒擊首逆之兵丁劉泗明沈中貴尹文剛三名極為奮勇可嘉除共賞銀一百兩外兵丁劉泗明懇

德社果公年譜卷二十二

甲

恩以把總卽補用昭獎勵查川江自巫山以下巴歸東湖沿江一帶為歷年來各逆出入之數不但居民失業而水陸往來各商民時多被難遂致行旅斷絕茲幸仰仗殊批皆汝之功衆將士之力實屬可嘉天威得以一律肅清洞寨民人聞官兵經過扶老攜幼夾道歡呼無不感頌

皇仁再查楚境東南兩面現實無賊惟川省賊數較多且大甯巫山與楚之巴東房縣二竹縣互千數百里犬牙相錯在在老山箐林難保不無三五成羣零匪遁藏其間臣於所帶川兵內抽出馬步兵勇二千名並張績之兵分為數路令其在巫山大甯一帶川楚邊界往來搜探設有東西逃竄



之賊無論多少遇之卽剿其火峰界嶺爲川楚門戶臣暫駐於彼以爲兩省策應並分派幹練兵勇遠探兩省或有成股之賊竄近隨時督兵勦辦並知照豐紳協同兜截至於楚境雖有零匪約計不過四五百人北面有總兵吉林泰李天林在彼又有經略額爾登保駐兵陝界撥派兵勇搜捕二竹餘孽不日卽可全行掃除俟崔胡二逆擒斬楚省大局似可戡定惟楚境界連川陝設川境賊匪被勦情急又有闖入楚者仍須兵力勦洗誠如

聖訓草率竣事更屬不成事體臣等受

恩深重此時功虧一簣之際惟有竭盡血誠趕緊速辦一俟川楚

德壯果公年譜卷二十二

三

兩省所贖零匪無幾卽當報戴仰懇

聖懷

諭曰本日長至月朔適遞到德楞泰六百里捷報據奏將陳姓賊股首夥全數掃除生擒首逆陳侍學偽總兵李學進並殲斃偽先鋒羅金堂偽總兵何從盛等楚境迅卽肅清各情形實爲此月大功必可告成佳兆覽奏欣慰陳侍學係與徐添德一同起事伊父陳芳卽經從逆稔惡已久德楞泰探知該逆在巴巫界上竄聚卽分派將領遏其去路並飭馬瑜富翰等帶領兵勇直取黃泡池賊巢三路並進殲斃賊匪多名將陳侍學及逆妻李氏偽總兵偽先鋒等一併生擒其餘匪分起逃竄又經官兵抄

截殲淨是陳逆一股五百餘人業已悉數勦除並無一名漏網所辦實屬可嘉德楞泰勦辦教匪以來節次擒渠厥功甚偉令又將陳逆勦盡調度有方指日大功告成昨沛殊恩此次且無庸交部議敘著先賞給德楞泰白玉大葫蘆牌白玉四喜搬指黃辦大小荷包總兵馬瑜探知陳逆蹤跡卽親帶兵勇疾馳圍勦督率擒拏實爲奮勇著交部議敘並賞給白玉四喜搬指大小荷包兵丁劉泗明首先衝入賊隊將該逆扭住兵丁沈中貴尹文剛繼進將該逆截傷登時生擒均屬出力劉泗明著以千總卽用並賞戴藍翎沈中貴尹文剛著以把總卽用此外尚有出力人員並著查明保奏候朕加恩茲先發去玉搬指五箇

德壯果公年譜卷二十二

三

洋磁搬指十箇搬指套十箇分賞此次出力員弁又一兩重銀牌二百面五錢重銀牌二百面分賞此次出力兵勇以示獎勵現在楚境崔胡二逆不過五六十人青黃兩號零匪及二竹一帶餘孽合計不過一二百人該省各路勦捕之兵十數倍於賊德楞泰現抽出兵勇二千名並張績之兵分爲數路在巫大邊界迎探遇賊卽勦伊暫駐火峰界嶺策應川楚兩省所辦固是但楚省賊已殘敗剋日可以肅清而川省線字黃藍等號賊數尙多亟應分捕昨已降旨令額爾登保赴川協勦德楞泰係屬參贊川楚軍務俱應通盤籌畫况伊又現任成都將軍川省爲其所轄更應加倍關切計此旨到時楚北零匪將次勦盡德楞



泰即當帶領勝兵向川進發一面顧住楚境邊界一面探明線  
字等號賊蹤與額爾登保三面夾擊以期一鼓蕩事務須儘此  
十一月內廓清全局蕩積奏功德楞泰即可於臘月到京觀對  
後叩謁

裕陵渥承恩眷朕惟計日以待德楞泰不可不勉之又勉也

恭錄

御製詩

參贊德楞泰奏報勦陳侍學股匪生擒首逆全夥淨盡

楚境即可肅清詩以誌慰

餘孽匿巫巴雄兵過界嶺月夜踏賊巢途窮漫馳騁首夥盡殲

德壯果公年譜卷二十二

四

擒將士奮威猛

宗胡明

遠繼誅夷即欣清楚境

地在楚省西南

與四川接壤濱臨大江萬山叢雜實為通逃藪澤自賊匪日就  
誅夷而一二零星鋌走者游魂乞食出沒其間有陳侍學達州  
人自其十八歲時於嘉慶元年即隨徐添德在亭子鋪起事往  
來陝境久在賊中其父陳芳母張妻李俱於金峩寺重石子先  
後為官兵所殲徐添德於仁河授首後上年秋該逆為大軍追  
勦於竹山縣同陳文富以百人分營嗣陳文富擄賊別竄該逆  
偽稱元帥妄署李學進何從盛二人為總兵而以羅金堂為先  
鋒金堂舊為黃號逆賊又於火峰界嶺聚青藍白線等號賊  
二百餘人本年又於巴東二塘壩脅得二百餘人蟻聚壩屯總  
於江岸山中倚為窟穴德楞泰於上月十六日抵巴東江家坪山  
搜捕殘孽一路洞寨居民無報擾者十九日抵柳樹坪沿江上  
知該逆等全數屯於南山之黃泡池三灣子柳樹坪沿江上下  
距我軍八十餘里德楞泰相度地勢該處南通大江東即火峰  
界嶺北通西為三溪河大風口三匯鋪木瓜溪琴樂坪而西扼  
以巫山縣城先於火峰界嶺令副都統託爾託保副將海麟  
截江面鯽魚溪以為隘扼背之要遂分兵三路副都統富僧  
德色爾滾總兵馬瑜等由三溪河進副都統富翰富登阿副將  
呢瑪善等由木瓜坪進德楞泰自率溫春等由大風口三匯鋪

抄截二十日寅刻抵長梁子月色如畫山前當路草房中賊十  
一人正酣熟際為我兵全縛訊賊蹤云陳元帥在黃泡池下層  
內馬步兵勇鼓勢直前圍屋蕪火賊於夢中衝出及門則刀  
齊舉斬禁無遺而陳逆別在石礪大屋內維時天已黎明賊  
命前鬪退而復進眾見一賊身衣華服持矛指揮認係渠魁當  
有重慶營兵劉泗明衝入扭執建昌營兵沈中貴尹文剛輪  
繼進刃交於胸及其左臂遂就擒是役獲渠陳侍學及擄其  
繼妻李氏總兵李學進先鋒之子羅玉兒等一百五十人賊  
獸散一沿江東走追及之席家坪戮四十餘人俘六十餘人  
翻雪山大梁北奔追及之三匯鋪戮二十餘人俘四十餘人  
偽總兵何學盛在朝陽觀被誅並俘戮三十餘人又三十餘人  
逃至東坪驛漢坪鋪於破碎伙伴中悉行搜擊二十一日薄暮  
落日大旗營門報殺此股賊實殄滅無遺種其陳侍學以下搜  
有偽職及積惡會殺十人以上者俱押赴巫山縣治梟磔救出  
難民男婦三百三十五名口分遞安置嚴事最為完善巴庸歸  
巫之境古稱荒胥而大江流其中轉輸貫注血脈所通詩所謂  
南國之紀也自賊滋事以來枝沱別滢深等密樞踞伏突出居  
農失其耒耜商賈戒於檣飄七年於茲始得洞寨安堵懋遷帖  
席大軍所過夾道歡呼余不以賊盡為夸而以民安為樂計楚  
省東南兩面全清其二竹餘匪現俟經略搜捕川省殘孽亦已

德壯果公年譜卷二十二

四

無多本日正十一月朔捷奏適來劫盡陽生 天開福運惟  
仰祝 吳貺昭明着功綏定 南郊展祀肅叩 鴻慈

實深 欽謝 移師掃蜀氛殘邪難再逞指日三省安衷感

天恩永 初七日

諭曰此次黃藍線字等號分作兩股竄走有入川之勢經達勒精  
阿武隆阿等躡蹤追勦該匪等聞西鄉有經略派兵搜捕不敢  
深入陝境仍行折回復經達勒精阿等連次勦殺多有斬獲尚  
有餘匪七八百人勒保現飭達斯呼爾岱幫同勦辦其餘或四  
五百人或三百餘人或二百餘人或百餘人均在川省分竄以  
目下情形而論陝楚零匪均屬無多賊股俱聚於川境統計尚



有二千餘人前次賊匪攢聚楚省之時大兵四處兜剿原冀在楚蕨功今散匪均竄入川卽可在川境辦竣斷不可又任其折竄陝楚至刻下天氣漸寒額爾登保德楞泰勒保帶兵打仗不避風雪朕心甚爲塵念除額爾登保昨已賞給貂皮馬褂外茲又發去二件賞給德楞泰勒保用獎勤勞伊三人惟當勉之又勉於迅速之中辦理盡善跂盼喜音卽至

初九日

公奏言竊臣昨將巴巫界上屯踞江岸之陳侍學首夥賊匪一鼓掃除具奏後維時全楚賊勢雖不過四五百人似可戡定第恐老山密林之中兵行未到之處不無散藏遺孽而川省賊匪設有被勦窮蹙闖入楚省勢所不免再四

德壯果公年譜卷二十二

吳

思維惟有先將楚省各兵分派入山再爲細加排搜臣統原兵入川將各股零匪協力趕剿淨盡俾大局一齊告蕨均無後患方爲妥善故派副都統銜託爾託保副將朱士奉等帶兵入山由長峰堆子自南而北向房縣二竹一帶老林排搜令副都統富翰副將呢瑪善等帶兵自西而東前赴巴東歸州興山界上各山內外徧行搜捕其吉林泰李天林德昌等三路官兵盡在二竹一帶分投搜剿至於川省如大甯巫山邊界之馬塘黃草坪八石坪陰條嶺尙有零匪出沒臣派令防堵楊溪河之總兵張績將兵分爲

兩路入山在於川楚界上徧搜二十八日據遊擊李東宣姜元祥都司龍必達等稟報跟躡崔胡賊蹤沿途緊追陸續擒斬並漢散外祇贖二三十人鑽林越箐日夜狂奔十六日行抵興山之長房河突遇另起零匪八九十人當帶兵勇趕追二十餘里沿途殺賊十六名生擒二十名餘匪遁入茵扒老林訊係臣前在中子洋坪剿散孫劉二逆餘黨旋又探得羊兒山亦有零匪五六十人屯踞十八日李東宣姜元祥等分帶兵勇星夜前往埋伏是夜五更兵勇齊至羊兒山將房屋圍住立殺賊十八名生擒十五名訊係各號聚集餘匪並無首逆在內除難民二十四名就近

德壯果公年譜卷二十二

吳

解交興山縣遞送回籍外獲犯十一名押解來營臣查訊係積年戰手一併正法仍飭李東宣等務將崔胡二逆趕緊殲除其孫劉餘黨札飭副都統銜託爾託保副將朱士奉等就近剿辦臣於十月二十七日卽督率色爾滾富僧德富登阿馬瑜蒲尙佐等帶領兵勇由巫山取道大甯自南而北將大甯太平山內零匪分兵排搜仍一面探蹤迎剿黃藍線號各逆自可迅速蕨功

諭曰據奏分兵排搜楚境餘孽及督兵入川趕辦各匪正與朕意相合欣慰之至前因德楞泰勒保淨陳姓股匪後暫駐火峰界嶺策應川楚兩省當卽降旨令其帶領勝兵赴川東剿辦竄匪德



楞泰未奉此旨之前於十月二十七日即督率色爾滾等帶領兵勇由巫山取道大甯入川自南而北將大甯太平山內零匪分兵排搜所辦甚合機宜本日勒保奏川東黃號零匪及不知姓名賊股共有七百餘人經羅思舉等奮力追擊將首逆唐明萬生擒痛加殲戮所贖祇有四百餘人德楞泰帶兵赴川正可督率羅思舉等一鼓殄滅前此川省各股零匪共有二千餘人除此次羅思舉等擒斬三百餘人外合計不過一千數百人額爾登保帶兵先由紫陽赴太平一帶協勦自應與勒保先行會合德楞泰又帶兵踵至伊等協力同心三面合擊兵威壯盛務須將黃藍線字等號餘匪悉數殄除勿留餘孽斷不可令川省

德壯果公年譜卷二十二

四

之賊復行折竄入楚德楞泰總當顧住楚省向川進壓為要此時川省賊匪被官兵逼勦勢已萬分窮蹙德楞泰於追捕緊急之中量為招撫如果有臨陣投出者可照張長青之例免死交插使賊匪知有一線生路相率來投多投出一名即少誅戮一名俟川省全境肅清更無成股之賊並接到吳熊光惠齡兩路餘匪淨盡知會即會同額爾登保勒保聯銜馳遞紅裏黃面奏摺仍須將大山老林內潛匿零匪搜捕無遺不可稍有草率現距

南郊大祀尚有兩旬德楞泰務當與額爾登保勒保迅速趕辦於冬至前奏到大喜捷音同膺懋賞

二十日

公奏言竊臣前將楚省官兵分布搜捕即督兵由巫山入川探勦黃藍線號股匪初六日接准豐紳報稱十月二十七日探報有賊匪三百多人執打紅藍白旗馬二十餘匹在陝境邊界大小峪河平頂溪一帶東竄之勢當派守備葛天培帶兵前往雞心嶺幫同遊擊晉之連堵截豐紳於是夜五鼓帶領遊擊鄔海慶等馬步兵丁四百餘名由廟垭子二郎壩錫杖溪一帶前往截擊二更後葛天培同把總張爾昭帶兵二百名由獅子坪白巖寨直進晉之連同千總穆廷彪帶兵二百名由五里壩箐林口前往兩路

德壯果公年譜卷二十二

五

衝殺當斃賊匪二十三名逆眾紛紛逃竄生擒賊匪七名指認殺斃偽總兵彭萬一名二十九日早探得該逆仍折回大小峪河一帶豐紳率兵跟追至大莊溪因距卡已遠遂令鄔海慶等竭力窮追初二日至小峪河適有防守陝西鎮坪之副都統格布舍總兵喜明等派來遊擊璩家驥都司張起鼇帶領兵勇接勦向亢河跟追前去鄔海慶等仍回川界原卡堵禦此股賊匪訊係王國賢餘黨旋入太平山內又據副都統富僧德總兵蒲尚佐稟報探得大甯老山內有零星散匪或十數人或二三十人日藏夜出摸樁掠食蹤跡無定初二日在上下田羊耳山分兵搜捕殺



賊十三名生擒李世貴等六名初三日在叢木嶺椒山地  
方搜捕殺賊十五名生擒楊士橫等三名初四日在王道  
河搜捕殺賊八名生擒馬正富等十四名初五日在晏家  
井半山搜捕斃賊十數名生擒何朝林等五名先後獲犯  
除附近難民劉全美等五名照例省釋外其餘一併解送  
來營臣訊明均係各股勦散零匪無首逆頭目在內卽一  
概正法初十日臣抵涂家壩有臣前在湖北派往跟勦崔  
胡逆匪之藍翎把總蘇玉龍藍翎軍功楊昌太押解獲犯  
來營稟稱遊擊李東宣都司龍必達等奉派帶領兵勇跟  
追崔胡二逆股匪由房縣之白鬚子巖一帶老林緊跟追

德壯果公年譜卷二十二

五

勦至下流水地方殺賊三名生擒王元貴等六名訊據王  
元貴等供稱我們同夥祇有二十多人見官兵緊跟害怕  
得很崔宗和說要到五當山出家去昨日胡明遠趕來崔  
宗和就不見了那胡明遠見崔宗和不來也就單身脫逃  
不知去向我們躲在老林被拏等語十六日至長房河探  
得附近之橫河一帶零匪七八十人卽發兵往勦殺賊  
數名生擒賊匪二十六名訊係臣前在中子洋坪勦散孫  
劉二逆夥匪探得尚有四五十人向羊耳山逃遁屯於草  
房之內兵勇前往勦殺生擒劉么兒等十九名殺斃六名  
所贖餘匪向老林逃遁現有湖北都司麻光裕並經略額

爾登保派出藍翎把總顧應全跟追前去其都司龍必達  
等跟追崔胡二逆由向家壩相思溝追至長嶺老林斃賊  
數名生擒賊匪何三等七名適豐紳派搜零匪之駙海慶  
帶兵由菜子壩而來前後夾擊又共殺賊十餘名生擒徐  
保兒等十三名現將前後獲賊押解到營訊明分別辦理  
臣恐崔胡二逆或隻身逃逸或潛伏密林一面已知會吳  
熊光飭屬嚴緝諒難遠颺又據分駐楊溪河之總兵張績  
並巫山縣文武稟報川楚邊界老山內馬塘地方有賊匪  
百餘人已派遊擊畢萬年等前往趕勦臣復添派副都統  
銜富登阿副將馬應國何君佐參將張應貴等取道通城

德壯果公年譜卷二十二

五

由老林自北而南向馬塘截勦又據巫山縣文武稟報有  
賊匪七八十名自東而來竄至龍泉寺一帶張績同遊擊  
馬明德等帶兵二百名前往迎勦豐紳聞報亦已酌帶兵  
勇向楊溪河而來查邊界山內零匪臣前經分派數路官  
兵四路搜捕刻下零匪漸次併合自應令其自東截向西  
來先清楚境現接勒保來信內稱唐明萬等餘匪現贖二  
百餘人開縣有賊匪兩起一起三百餘人一起二百餘人  
至黃藍線字號賊匪祇贖千人均經派兵追勦又參將桂  
涵在忠州地方將張慶餘匪一百餘名辦竣此外如萬縣  
梁山合州江北長壽等處零匪均係十餘人或數十人臣



籌酌全川賊勢日漸減少祇有黃藍線字號並馬家營兩起稍多查副都統富僧德總兵蒲尙佐等現在大甯山內搜捕臣擬即督兵於老林沿邊一帶取道雲陽開縣進發設山內之賊亦出西南可以隨時剿辦仍一面偵探黃藍線字號並馬家營兩起賊蹤期於前後夾擊一鼓集事至於巴巫大三處邊界臣已面囑豐紳張績嚴密搜捕臣即行西進趕緊協剿冀大局迅速戡定

諭曰此次豐紳富僧德等搜剿各股零匪均有斬獲內惟王國賢餘黨據稱共有二百餘人經豐紳派令將領兩路進剿殺斃二十三人生擒七名餘匪俱遁入太平山內此股賊匪必須上緊辦盡不可任其潛匿現在楚省崔胡餘匪業已剿散祇贖二十餘人其崔中和胡明遠二犯均隻身逃竄已令吳熊光另派委員密往武當山一帶查拏或即可在彼擒獲此外亦更無成股賊匪其川境唐明萬等餘匪現贖二百餘人開縣一帶有不知姓名兩起賊匪共五百餘人至黃藍線字等號賊匪昨據額爾登保勒保奏迭次剿殺祇贖四百餘人是統計川省各股零匪不過一千餘人德楞泰現在督兵於老林沿邊一帶取道雲陽由東向西進發務將經過川東地方所有零星散竄之賊逐一搜捕淨盡然後趕赴川北與額爾登保勒保等會合搜剿奏請大功總於迅速之中力求妥善毋得草率完事為要

德壯果公年譜卷二十二

五

德壯果公年譜卷二十三

次孫花沙納恭纂

嘉慶七年壬戌

十二月初一日

公奏言竊臣於十二日拜摺後即督兵自徐家壩西行逐日分派將弁兵勇在於沿途各山林內徧加搜捕十四日據臣前派副都統富翰總兵張績等稟報十一日有西竄餘匪八九十人向巫山之黃金山老山洞狂奔即帶兵扼據東坪壩派令遊擊金洪嗣馬明德等跟追又恐其由三匯鋪折竄另派把總李貴等帶鄉勇抄出琴樂坪兜截酉刻該逆竄至龍灘河被李貴等迎頭剿殺立斃賊目一名賊匪十數名生擒郭佳榮等二十餘名該逆祇贖四五十人分路奔逃訊出殲斃頭目係青號先鋒周長子前有熊翠隻身走來合夥等語官兵仍緊躡賊蹤自東北截向西南十六日探得該逆西折至黃家壩又與另起零匪併合富翰即挑出奮勇鄉勇三十名交李貴帶領先往偵探大隊繼進行次劉家坊林內突出賊匪數十名抵拒李貴首先衝殺斃賊二名忽中矛傷陣亡兵丁帶傷者三名追富翰等趕到賊即翻西面山梁向巫山十二峰西南而逃官兵直追至新開路沿途殺賊七名生擒謝士偉等十一名

德壯果公年譜卷二十三

一







切事宜臣查楚省零匪約計現在不過三四百人富有富輸

吉林泰李天林德昌四路兵勇儘數搜捕額爾登保現又

令慶溥回楚不日即可廓清至於川境零匪連齊國典之

黃藍線字號殘孽約計亦不過千人臣原應遵

旨前往川北一帶協剿但該處賊勢已就窮蹙又有三路兵力剿

辦故額爾登保來信以東面緊要商令臣不必急於西進

臣揆之現在情形未便拘泥前

旨查寶塔為適中之地川東湖北均可顧及臣現擬在此駐劄分

兵搜剿與額爾登保等三路會合大功即可告成再將三省

應辦事宜妥籌善後彼時臣即遵

旨先行入

觀

諭曰此次各將領分投剿捕多有斬獲統計川省零匪不過千人

德楞泰以川北賊匪勢極窮蹙有額爾登保在彼足敷剿辦川

東零匪亦關緊要於寶塔適中之地暫駐兼顧川東湖北不亟

於西進所見甚是楚省零匪本日據吳熊光奏經官兵寨勇擒

斬所贖無幾陝省南山餘匪據惠齡奏已不過二百餘人合之

川省為數均屬有限且並無緊要著名首逆本可歸入善後事

宜辦理額爾登保等即當趕緊籌辦先行聯銜馳遞黃面喜摺

奏報臣擬定伊等祇須彼此札商聯銜具奏不必定行會晤即如

吳熊光惠齡遠在陝楚亦祇知照會銜豈能面晤熟商耶至德  
楞泰入覲此尚可緩伊係成都將軍所有川東零匪總須責成  
伊與勒保一律辦竣俟馳遞大喜捷音後所有剿捕零匪奏報  
俱係善後事宜即擒獲賊首齊國典亦祇須用五百里具報此  
次陣亡之把總李貴著咨部賜卹

同日公奏言竊臣欽奉

上諭本日長至月朔適遞到德楞泰六百里捷報生擒首逆陳侍  
學等楚境迅即肅清實為此月大功必可告成佳兆覽奏欣慰  
德楞泰自剿辦教匪以來節次擒渠厥功甚偉今又將陳逆剿  
盡調度有方指日大功告成佇沛殊恩此次且毋庸交部議敘

著先賞給德楞泰白玉大吉葫蘆牌白玉四喜搬指黃瓣大小

荷包等因欽此又奉到初七日

上諭刻下天氣漸寒額爾登保德楞泰勒保帶兵打仗不避風霜

朕心深為廕念除額爾登保昨已賞給貂皮馬褂外茲又發去

二件賞給德楞泰勒保用獎勤勞等因欽此臣跪讀

恩綸惶悚感激無地自容均已敬謹祇領望

闕叩頭謝

恩訖伏念臣仰蒙

畀以軍旅重任擒渠殲眾本屬分所當為憾未能早奏蕩平仰紆

宵旰焦勞正深悚懼迺荷

一第... 冊... 續修四庫全書... 8... 又... 三...



恩慈疊錫

珍品有加已佩

寵榮而增彩貂裘再

賜更服華曜以生春

異數殊施感深淪浹現在川境賊勢亦已日漸衰敗臣惟有同心

協力趕緊勦辦斷不敢稽延亦不敢草率以期一勞永逸

仰報

主恩於萬一耳

殊批勉力籌辦善後一切事宜厚恩卽沛矣

初六日

德壯果公年譜卷二十三

六

諭曰據額爾登保勒保奏各路官兵均為得手惟前次伊等稱川省零匪通計不過千人此次又殲獲四百餘人賊數卽應大減何以摺內尚稱合計有一千餘人如果上次所查賊數未盡確實亦不加以責備但當辦理淨盡勿令遺灰復然額爾登保等又稱督率趕辦以期歲內蕩功等語若歲內蕩功而捷音遞到已在新正則未免太遲應遵照前旨於封篆前後先行遞到紅裏黃摺彼時正值蒙古外藩土司在京瞻覲朕卽可將大喜捷音宣示中外實所深慰伊等當善體朕意斷勿再有遲疑至勦捕零匪必當剴盡根株伊等於大局戡定後轉不妨給予一兩月限期俾得儘力辦理俟悉數完竣德楞泰當遵照前旨先行

入覲回川後額爾登保接續來京供職亦不為遲也

初十日

公奏言竊臣移師行抵奉節之寶塔扼據東面分兵四出

搜捕大甯山內藏匿餘匪兼顧楚省因思大甯內山密林

深箐最易藏奸臣復又酌派副都統色爾滾富登阿總兵

馬瑜副將達自祥等各帶兵勇分為四路由鹽場一帶自

東向西排搜去後二十四日探得大甯雲陽交界之沙沱

子先後有零匪四五起約共三四百人由大甯老山內竄

出向雲陽之江口安樂坪南竄有趨開縣之勢臣卽於二

十五日督兵前進趕期途次接據通判署鄰水縣事鍾人

德壯果公年譜卷二十三

七

傑稟報十二日有參將桂涵所追賊匪一起竄至大竹連界之張家場經軍功蔣朝元帶勇截擊殺賊二十餘人生擒一百八十餘名祇贖三四十人翻山逃走桂涵仍躡蹤緊追獲犯解縣審訊等情二十六日據防堵巫山楊溪河之總兵張績稟報探得巫山之大灣地方有零匪數十人派參將傅廷佐遊擊畢萬年帶領兵勇前往勦捕生擒賊匪三名割獲耳記三副獲犯解縣審訊傅廷佐等仍躡蹤緊追旋又有由巴巫界上竄來一股零匪數十人向西奔逃張績隨派遊擊馬明德等帶兵由水口截勦又有臣前次派出搜捕之參將馬文斌守備謝金章等帶兵勇三百



名亦由馬埡口前往協剿諒亦即可掃除二十七日又據  
富都統富僧德總兵滿尚佐稟報沿途分兵排搜二十三  
日至木盤坪並無零匪遂由菜子坡前進次早探報李家  
溪有零匪一起數十人令副將馬元參將沈洪遊擊會壽  
等帶兵進剿斃賊二十餘名滾巖跌死者十餘名生擒十  
九名祇贖七八十人均無器械向五穀山梁鑽林四散而  
遁適有提督豐紳派出搜山之都司王國輔等帶兵到來  
現令躡蹤緊追獲犯內除附近難民經寨首保釋外其餘  
十三名押解赴營審訊均係陳賊一概正法又據豐紳派  
出由二郎壩西北搜山之遊擊鄔海慶等稟報自湯家壩

德壯果公年譜卷二十三

八

桐油壩百里荒至太平之後坪與副都統富僧德等會合  
沿途老林均無零匪已遵照向川陝邊界之黃墩大小渝  
河搜捕回營各等情臣均已隨時分別嚴飭趕緊剿辦二  
十七日臣兵次沙沱子又據署雲陽縣候補知州梁敦懷  
稟報王國賢等餘匪共二百多人又黃藍白號合夥餘匪  
一百七十八人先後由沙沱子竄出老山在芝麻梁合夥  
向陳家山高陽虎圍門西南而逃投出偽先鋒楊元戰手  
蔣萬秀二名訊係黃號王國賢白號姓趙姓姜帶領黃藍  
兩號的人竄走開萬交界之牛鼻子一路等情當派兵勇  
一百名尾躡臣即取道開縣之謝家壩温湯井由右手抄

截遏其入山之路又據按察司劉清稟報派撥鄉勇堵截  
齊逆竄匪探得該匪二百餘人在通江蒲家灣造飯督率  
鄉勇過河趕剿追至草廟子適有達勒精阿羅聲皋大兵  
追至兵勇兩面夾擊斬殺殆盡首逆齊國典會否殲斃尚  
未查明先為稟報等情二十八日臣兵抵温湯井接准額  
爾登保來信督飭各路提鎮將備又辦完零匪數起現在  
太平之八臺山一帶策應其有竄入太平山內賊匪先後  
已派穆克登布扎克塔爾田朝貴各路兵勇前往分投搜  
捕不日即可剿除其通江南江一帶達勒精阿武隆阿  
達斯呼爾岱等又有劉清鄉勇併力殲除現在零匪有限

德壯果公年譜卷二十三

九

約往會商大局並籌酌善後事宜等因臣既與額爾登保  
勒保兩軍相距不過二百餘里而川省各處零匪疊被官  
兵剿殺又減去數百正當商辦大局並一切善後事宜所  
有王國賢等餘匪臣現派色爾滾馬瑜等帶領馬步兵勇  
千餘名尾追並令桂涵羅思舉分投夾攻易於翦滅其大  
甯山內雖經分兵排搜已無成股之賊第山高林密難保  
無三五零匪藏匿仍知會豐紳令其隨處搜查以期蕩功  
完善

諭曰此次德楞泰分派鎮將於鄰水大竹交界殲擒二百數十名  
又於通江地方將齊國典一股餘匪二百餘人斬殺殆盡計共



擒殄四百餘人所辦尙好現在大甯山內已無成股之賊德楞  
泰此次所奏搜捕情形卽係善後事宜並稱已馳赴額爾登保  
勒保軍營商辦戡定大局此時大喜捷音自己馳奏在途朕心  
深爲殷盼但奏捷之後一切善後各事正資經理伊等不必亟  
於來京叩謁

裕陵惟將零匪搜盡歲功完善卽所以仰慰

皇考在天之靈俾朕亦得祇告成功稍紓宵旰德楞泰勒保二人  
朕俱未經面見亟思接覲親詢情形指示一切但刻下辦理善  
後之際且無庸亟亟也

十三日

德壯果公年譜卷二十三

十一

公偕額爾登保勒保奏言竊臣等據扎克塔爾呈報二十  
六日帶兵由雙河口一路而進探悉遊擊陳弼所追九紙  
槽零匪已由黑松林火地坪王家壩逃遁該遊擊已追躡  
向前另探附近三十餘里之大凹塘老林有零匪伏匿扎  
克塔爾隨派令副將王兆夢海常等分帶兵勇於三更後  
前往圍剿五更時行抵該處見老林內然有火光知賊匪  
尙未起竄扎克塔爾催令兵勇一齊衝入喊殺該匪猝不  
及防當斃賊十二名生擒十六名另有賊匪數名由老林  
向北逃竄經副將海常帶兵迎殺斃四餘名餘賊七名悉  
經生獲扎克塔爾將獲犯耳記解送來營臣等訊據獲犯

何正相供我們是齊國典營裏的人前被官兵打散我們  
三十九箇人另路逃去要尋別股合夥昨在老林歇息不  
想官兵夜裏殺來等語均係從賊日久之犯當飭一併正  
法又據遊擊陳弼稟稱連日由打箭壩柯家坪緊躡追趕  
二十七日酉刻在乾龍礮追及賊尾殺賊數名生擒八名  
查探該匪祇百餘人已向三排山寒溪河一帶奔走有向  
城口修溪壩東逃之勢該遊擊現仍跟剿臣德楞泰前派  
分路搜剿之富僧德滿尙佐等帶領官兵由大甯向西探  
剿二十六日行抵後坪探有零匪在黃溪紙廠滋擾隨派  
副將馬元參將沈洪防禦永海五十五並守備張萬林等  
分帶兵勇前往圍剿二十七日兵抵該處賊匪二十餘人  
正起竄間當經斃斃十名生擒十一名餘匪三名奔入老  
林亦經搜獲訊係官兵剿散藍白號內夥匪共二十四人  
並無頭目等供當將獲犯辦理該鎮等現取道修溪壩與  
遊擊陳弼等會合一路更可計日掃除並據探報由通江  
西竄之齊逆股匪三百餘人於十九日竄走羅坪小江河  
一帶因知臬司劉清帶勇在烏林壩堵截該匪卽折向桶  
板溪民房屯紮劉清派令軍功苟文耀帶勇乘夜前往剿  
殺斃賊數名該匪驚竄當喊叫投出難民二十一賊匪  
奔上山梁向龍鳳場兩河口西竄劉清派令軍功臧青雲

德壯果公年譜卷二十三

十二



督勇抄赴南江之東渠迎截次日該匪由兩河口向黃草坪一帶奔竄達斯呼爾岱羅聲皋兵抵陳家河相距匪蹤五六十里達勒精阿武隆阿帶兵亦由鞍子坪前來相距亦數十里隨即彼此知會達勒精阿武隆阿帶兵由兩河口跟尾追躡達斯呼爾岱羅聲皋帶兵由黃草坪迎擊均於三更發兵前進二十二日辰刻賊匪奔至沙溪場正在造飯適劉清所派之軍功臧青雲率勇由左手趕到一齊衝殺當斃賊匪四十餘名生擒八十四名該匪驚慌分股奔竄其由前路奔走者正與達斯呼爾岱羅聲皋一路官兵相遇該匪情急捨命衝突我兵一擁迎殺當將執旗賊

德壯果公年譜卷二十三

三

目斃斃餘匪翻山向大柏林逃遁達斯呼爾岱等督兵追殺六十餘里又斃賊匪二十六名生擒五十六名其由後路折竄之賊經達勒精阿武隆阿官兵截殺斃賊十餘名生擒二十六名千總宋廷杰及兵勇數名受傷陣亡達斯呼爾岱訊據獲犯劉連伯供稱是黃號營內先鋒元帥是黃如巡與葛成勝共有一百多人前與藍號齊元帥合營共有二百多人因連日官兵追殺甚緊齊元帥帶了百十人分路奔林內去了我們想往南江廣元去不想幾路官兵殺來被擊等供當飭於割獻首級內認出黃如巡首級一顆隨將該犯與生擒各犯並耳記解送來營分別辦理

並據劉清稟報偽元帥葛成勝亦經生擒因該犯帶傷現飭與生擒各犯解送巴縣審辦等情查西竄之賊本祇三百餘人今經此次三路兵勇痛剿所餘不過百餘人無難即日辦竣臣等已酌發賞資鼓勵兵勇令達斯呼爾岱達勒精阿武隆阿等與劉清兵勇悉力乘勝分投趕剿務將齊逆殲擒並通南界內一律搜緝淨盡又據參將桂涵一路派赴梁墊一帶搜剿之都司周士貴稟報二十三日行抵觀音巖探悉相距五十餘里之石板坡有零匪五十六名當即率同千總李思貴外委向思吉等乘夜前往圍剿我兵行至劉家河老林正遇賊匪奔竄而來當即督兵衝

德壯果公年譜卷二十三

三

殺斃賊八名該匪入林四散我兵分投搜捕計獲賊二十九名已將獲犯解交梁山縣訊辦又據遊擊羅思舉稟報二十四日在開縣之袁家坪遇有零匪數十人當經兵勇生擒二十五名餘匪爬山分竄經該處寨勇槍斃三名餘匪數名四散無蹤生獲各犯並無頭目已分別辦理訖並據穆克登布呈報連日由蓼子口大茶園一帶追剿探悉該匪有奔明通井大塘口之勢穆克登布由魚岔溪取道前進二十二日據報該匪在柏森坪又湊合由馬家營東來之賊共有五六百人遂派副將銜閻俊烈遊擊王兆龍都司吳振亮挑帶兵勇八百名由野竹灣前往趕剿穆克



登布親帶馬隊兵勇四百名向明通井迎擊我兵進抵野竹灣該匪早已起竄正在查探賊蹤見有賊匪數十人由馬鞍山竄來相距不遠吳振亮所帶前隊兵勇二百名一見賊匪齊撲上前追殺賊匪見有兵來仍由原路飛奔我兵跟蹤追殺斃賊十餘名該處路極險窄甫過馬鞍山不期另有賊匪百餘人在上坡林內突出由上壓下並滾擗石都司吳振亮守備徐明元石傷陣亡兵勇受傷者十餘名正在相持攪殺間閻俊烈王兆龍帶兵一齊趕到槍箭並施力為攻撲斃賊數名該匪始行潰敗穆克登布亦督催馬步兵勇由明通井迎來斃賊十餘名賊匪始紛紛敗

德壯果公年譜卷二十三

西

竄穆克登布督兵追趕沿途又斃賊匪三十餘名該匪已飛奔由黃柏廠秤桿溪向東北遁去次日穆克登布仍督兵由雞鳴寺石臺觀追趕適田朝貴帶兵亦由青石溪前來與穆克登布會合遂由高坪木瓜口合力趕剿詎該匪狂奔愈速由南溪場翻界嶺老林北趨冀圖竄陝田朝貴由界嶺跟追穆克登布親帶兵勇由高頭壩取道抄赴陝疆緊顧西北兜剿復經賽沖阿帶領陝界防兵迎剿該匪知營卡嚴密不敢突入仍越林箐折回川界羊耳壩連夜遁竄大竹河穆克登布田朝貴現帶官兵緊跟趕剿扎克塔爾亦從堡子坪旁抄而進臣等恐該匪知有大兵追急

又奔西北即派本營馬步兵勇共七百名令傅陞富登阿達自祥張廷楷帶領由官渡灣滾龍坡截剿冀與穆克登布等夾擊掃除珠批勉之又據馬瑜稟報連日由團壩子黃家灣探報二十八日行抵曹家田探報有零匪數十人在銅盆溪民房屯紮當派參將馬文斌帶領兵勇三百名連夜趕往捕剿兵抵該處見有草房一處該匪均在房內烤火我兵一齊圍殺其右手房內之賊持矛拚命抵拒兵勇隨將草房放火房內之賊均經燒斃其左手房內之賊三十餘人冒死衝出經兵勇殺死十二名生擒二十一名餘匪數人乘夜翻山逃去訊據獲犯魏廷揚等供稱我們五十多人

德壯果公年譜卷二十三

五

是熊翠帶領由楚界老林逃到四川不想官兵殺來被擊熊元帥在右手房內住的定是燒死等供當飭該犯於燒斃賊屍內指認查各屍身共有二十一具身體臉面均皆焦爛無從辨認其王國賢餘匪因探知南面有兵截剿復行東折欲奔雲陽奉節臣德楞泰現派色爾滾馬瑜督率官兵趕緊顧東剿辦臣額爾登保勒保連日由貓兒嶺一帶進發初三日師次響水洞臣德楞泰亦由渡口巖井溪壩趕來會晤當將川陝情形通盤詳細籌畫刻下西竄通南之賊除剿殺逃散外所贖不過一二百人有達勒精阿武隆阿達斯呼爾岱等兩路官兵與劉清鄉勇分投趕剿



斷不虞其遠颺致稽時日惟穆克登布田朝貴所勦之賊五六百人即係臣德楞泰前此所奏由東竄來零股會合一經數路兜擊即可合力勦除王國賢餘匪及湊合匪眾亦不過三四百人色爾滾馬瑜現帶官兵一千餘名儘足敷勦即使東竄而川東邊界有豐紳張績各官兵可以迎勦此外梁萬墊江卽有數十零匪共計不過二百人均皆不能成股現有桂涵羅思舉帶兵一千有餘儘可搜緝此川省現今賊股實數均有官兵跟蹤勦除此外別無成股賊匪又接吳熊光來信楚省房竹祇有零匪二三十名或七八十名共有兩三股現督鎮將分路嚴搜無難肅清臣

德世果公年譜卷二十三

七

等連日已將善後應辦事宜和衷籌畫定有成議彼此意見均屬相同現擬於發摺後臣等帶領官兵仍分路督率嚴為搜勦總期剋日迅速集事務於旬日內會報捷音以仰副

皇上慎重軍旅完善蕙功之至意

諭曰此次各路將領分投勦捕零匪均有斬獲其熊翠一犯業據獲賊供稱已被燒死卽齊國典合夥股匪經劉清及達斯呼爾岱達勒精阿等三路兵勇痛加勦殺殲獲多人齊國典祇贖百餘人向通南西竄有劉清等在彼趕勦自不虞其遠颺劉清等辦理此股賊匪出力可嘉劉清達斯呼爾岱羅聲皋達勒精阿

武隆阿及軍功滅青雲已用硃筆圈出本欲各加獎賞因此股尚未辦竣是以未經降旨刻下大功指日告竣著額爾登保存記俟齊國典一股辦竣再行保奏至軍營節年分外出力人員不妨俟馳報黃摺後詳悉查明開單保奏候朕加恩至穆克登布田朝貴所勦賊匪共有五六百人為數較多但亦不過零匪湊合之賊並無首逆姓名諒無難剋日掃除額爾登保等祇須嚴飭穆克登布等上緊勦捕不必俟此一路辦竣方遞大喜捷音至馳遞喜摺後各路官兵且不必盡行裁撤凡應須防範之處酌量安設兵卡隨時搜緝零匪統俟一律肅清方可以大撤兵所有搜緝餘匪事宜川省責成德楞泰勒保辦理陝西責成

德世果公年譜卷二十三

七

額爾登保辦理伊等總須將各處零匪悉數蕩平永臻甯謐此次陣亡之都司吳振亮守備徐明元千總宋廷杰均咨部賜卹十六日

公偕額爾登保勒保惠齡吳熊光奏言伏惟

硃批印感 天恩 考佑朕與天下臣民同深欣慰聖武維揚大功底定川陝楚著名逆匪全數掃除奏陳

睿鑒查邪匪之起始自奸民劉松宋之清劉之協等假燒香治病為名惑眾斂錢愚民無知被其煽誘醜類既多遂作不靖其在楚則起於宜都當陽襄陽而延及鄖宜施南其在川則起於達州東鄉而蔓及川東川北其在陝則起於興安大小米溪安嶺汝洞二河等處先後竊發始則蟻聚以負



嶠繼且狼奔而走險楚匪由豫入陝又由陝入川而川匪與之勾結亂常悖道自外

生成偽設元帥先鋒總兵之名妄立黃藍青白線字之號焚殺擄掠荼毒生靈抗拒顏行干犯

國法真神人所共憤為

天地所不容我

高宗純皇帝十全偉烈震轢古今檄三韓之勁旅集七萃之雄師逐處虔劉分投圍捕

天戈所指每仗殲殺數輒盈千然或元兇已翦而餘黨尚存或此界方安而彼疆又擾仰維

德壯果公年譜卷二十三

七

聖德好生猶以匪眾悉皆赤子不忍盡予駢誅我

皇上纘承

鴻緒密運

神樞

盱食宵衣

拊九地九天之韜畧陳師鞠旅

訓七伐七步之止齊復沛

德音兼施勦撫載懸

懋賞並示

恩威武臣授鉞以專征疆吏持籌以固圉發

帑金而數愈萬萬飛芻輓粟總期士馬飽騰降

璽書而

恩逮元元除稅蠲租益見羣黎鼓舞秦隴蜀棧列卡雲屯白水漢江連營霧布人有同仇之義集團練而民盡知方野無齎

盜之糧繕寨洞而室皆安堵軍聲震疊兇黨披靡數年以

來次第掃除所有首逆如覃加耀張正潮王廷詔聶傑人

張正謨劉起榮王三槐羅其清羅其書高均德高成傑等

均獻俘

闕下張什高三馬五冉學勝李彬冉添元冉添泗王世虎龔文王龔其位卜三聘龔建王登廷陳傑伍懷志張子聰徐添壽

德壯果公年譜卷二十三

九

汪瀛王凌高李槐高見奇庾向瑤劉朝選楊麟生辛斗辛

聰等均生擒正法林之華齊王氏姚之富張漢潮樊人傑

張添倫徐添德陳崇德冉文儁冷添祿林亮功林定相蕭

占國張長庚包正洪李潮符日明徐萬富王珊李樹伍金

柱阮正滙龐洪勝鮮大川趙麻花朱國富雷世旺張士龍

劉允恭高二楊開甲張允壽張士虎龍紹周苟文明蒲添

寶魏棒棒陳國珠賴飛隴等均臨陣殲斃計斬擒著名首

逆百餘人積惡頭目數百名並掃除黨與二十餘萬眾悔

罪投首者數萬人三省漸即肅清惟戴四趙鑑景英陳侍

學張簡湯思蛟熊翠熊方青唐明萬等蔓草未除因獸猶



鬪向於邊界奔竄稽誅仰蒙

皇上重申異命

諭令<sub>臣</sub>等會剿賊功茲又將該匪等先後殄滅統計川陝楚成股

逆匪一律蕩平標營分駐擊柝無驚耕鑿咸安受屢復業

三省之輯甯同慶七年之兵革全消此皆仰賴

皇上續

緒迪

光

聖謨廣運

神機默運於一心

德壯果公年譜卷二十三

勝算不遺於萬里用能昭茲

聖武集此

膚功上承

純皇帝未竟之

貽謀永綏我

國家無疆之

景祚<sub>臣</sub>等猥以菲才欽承

恩命或統率師干或職任封守際茲掃箠

功成倍喜發弓

慶洽馳

九重之露布鏡歌千舞逾彰

九伐之謨靖萬井之烽煙壤叟衢童齊上

萬年之頌<sub>臣</sub>等實深踴躍歡欣之至謹合詞恭申奏

賀伏乞

皇上睿鑒

諭曰本日申刻據額爾登保德楞額保惠齡吳熊光等聯銜遞

到六百里加緊奏報川陝楚剿捕逆匪大功戡定朕與天下臣

民同深欣慰邪教之始由奸民假燒香治病為名惑眾斂錢無

知愚民被其煽誘黨與既多脅從愈眾起於湖北宜都當陽繼

且闖入豫省由陝入川蔓延三省蹂躪地方無限生靈遭其荼

毒不得不盡力勦辦以靖兇殘溯自嘉慶元年受璽之初卽值

辦理軍務朕仰荷

皇考高宗純皇帝付畀之重兢業實深幸蒙

睿謨指示兩年之間疊次殲擒起事首逆多名迨至三年

皇考聖壽益高秋冬之間

聖體違和每於軍務報到時猶復

親授機宜孳孳不倦而朕日侍

左右仰見

皇考精神漸減侍奉湯藥寢食靡甯心志昏迷是以區畫未能周

備以致剿捕事機稍行疎懈猶蒙



皇考隨時訓迪迨彌留前一日仍以

望捷成什追維

在天未竟之志五中悲感益凜仔肩四年正月初三日槍遭

皇考大故飲泣椎心哀痛弗釋軍書旁午更不能謀慮周詳直至

奉安

山陵禮成始得專心軍務申明軍紀激勵將士責以成功數年來

斬獲著名首逆不下百餘人積惡頭目亦有數百名悔罪投出

者數萬餘人茲幸三省餘匪一律殄除者定大功飛章奏捷從

此海寓枚甯昇平永慶皆仰賴

吳蒼眷佑

德壯果公年譜卷二十三

三

祖

考垂慈感慰之餘彌深欽惕此事係期捕內地亂民雖非平定外

域拓土開疆可比然辦理已及七載領兵大臣等沐雨櫛風馳

驅險阻艱苦備嘗以及檄兵轉饟團勇安寨之各督撫等並在

廷贊預機謀趨承密勿之王大臣等均能各殫心力用戴鉅功

允宜普沛恩綸酬庸懋賞德樛泰前於平定苗匪時已會賞給

子爵自授為參贊後督率將士奮勇趨倫所向克捷前後殲賊

最多勳績炳然節經封至三等侯爵著加恩晉封一等侯加太

子太保銜賞用紫韁伊子蘇崇阿並賞給副都統職銜即著齎

送賞件前赴軍營看視額爾登保及伊父德樛泰用示眷念

餘其

均各陞  
賞有差

恭錄

御製詩

經略大臣額爾登保等馳奏川楚大局戡定趕辦善後事

宜詩誌感慰

宵旰七年未解憂幸成斯事感

天庥因循遲滯皆予咎懲勸運籌總

考猷自授璽之初卽值辦理軍務仰蒙

聖壽益高精神漸減子寢食侍奉憂惕靡甯遂致區畫事機

稍形疎懈至四年親政於

明紀律責以成功頻年來斬獲著名首逆及積惡頭目不下數

百名救出難民及悔罪投出者亦不下數萬茲幸露布飛馳三

省全局者定從此海寓枚甯昇平普福皆仰承

業勳昭著鄂並封侯

雖非平定外域開拓疆土者可比然勞苦數年勳績茂著今以

倫且職賊最多勳績炳然加恩晉封一等侯並各加太子太保

銜賞用紫韁以昭殊錫總督勒保自復任以來諸事奮勉茲將

川省全境廓清晉封一等伯其餘將領明亮賽冲阿楊遇春等

疆臣惠齡吳熊光等或著績戎行或轉輸軍饟皆能各盡其勞

協成偉績亦均量

加懋賞以示酬庸

壽皇敬告申虔謝

望捷淵衷庶仰酬

幸三省底定刻藁安民庶仰

慰在天如傷之抱也

大清奕禩仰



重華書福聯吟例賜茶境勝欽瞻

考作室基崇深懷子承家心殷肯構今施惠衷感賡詩昔拜嘉慶

樂昇平普休息誕敷

先澤錫無涯在廷趨承密勿之諸王大臣或贊襄樞務或時進嘉謨而軍機大臣則承書諭旨夙夜克勤允宜加錫茅

封秩榮世及其在事各員著有勞績者內外咸加優敘悉皆仰承 先澤用示嘉賚之至意

十七日

諭曰昨據額爾登保等六百里加緊馳奏三省大功告成捷音當即明降諭旨分別論功行賞並將伊等奏報喜摺及朕所降恩旨用五百里頒發通諭中外矣惟是三省中現在尚有未淨殘匪潛匿逃竄必須上緊排搜以期剷絕根株俾無遺孽試思辦理工程尚有保固之例何況軍務蕩功事經七載豈可不籌盡善盡美設此時尚有十百為羣者伊等不可以業經奏報成功意存粉飾不肯據實奏聞致辦理稍有草率亦不可因受恩已重此後更無可增加遂爾鬆勁甯不思子奪之權惟朕操之朕恩豈易承受耶前會降旨將搜捕零匪之事責成伊等於來年二月內一律掃除此時亦不必定限二月祇須實力搜緝能使餘匪悉數殄除地方永臻甯謐即稍寬限期亦無不可額爾登保等總須俟三省實在肅清可以無須伊等在彼督辦然後奏請瞻覲候朕降旨令伊二人先後進京儻伊等起身在途復有未盡之賊不但責令伊等仍回軍營督辦並當重治伊等搜捕

德壯與公年譜卷二十三

諭曰昨據額爾登保等六百里加緊馳奏三省大功告成捷音當即明降諭旨分別論功行賞並將伊等奏報喜摺及朕所降恩旨用五百里頒發通諭中外矣惟是三省中現在尚有未淨殘匪潛匿逃竄必須上緊排搜以期剷絕根株俾無遺孽試思辦理工程尚有保固之例何況軍務蕩功事經七載豈可不籌盡善盡美設此時尚有十百為羣者伊等不可以業經奏報成功意存粉飾不肯據實奏聞致辦理稍有草率亦不可因受恩已重此後更無可增加遂爾鬆勁甯不思子奪之權惟朕操之朕恩豈易承受耶前會降旨將搜捕零匪之事責成伊等於來年二月內一律掃除此時亦不必定限二月祇須實力搜緝能使餘匪悉數殄除地方永臻甯謐即稍寬限期亦無不可額爾登保等總須俟三省實在肅清可以無須伊等在彼督辦然後奏請瞻覲候朕降旨令伊二人先後進京儻伊等起身在途復有未盡之賊不但責令伊等仍回軍營督辦並當重治伊等搜捕

不力之咎勉之慎之至各路官兵亦不必遽行裁撤凡有應須防範之處仍行酌量安設其已經裁撤鄉勇如已妥為安置自可各安生業儻區處未能盡善少有滋事之處即當一體嚴辦毋稍姑息此後遇殲擒零匪祇須用五百里奏報不必再行急遞致駭聽聞譬如大病雖愈培養更須用心其善體朕意毋忽

是日奉

旨賞額爾登保德楞泰辦理狝苗及平定湖南苗匪戰圖各二冊著傳在京家屬就近祇領

又

諭曰著派乾清門侍衛副都統銜蘇崇阿前往四川軍營看視伊父及額爾登保勒保著賞給額爾登保德楞泰大金盒各一箇珍珠手串各一掛碧霞聖帶頭各一副勒保小金盒一箇玉帶頭一副交蘇崇阿齎往

二十四日

公偕額爾登保奏言竊臣等探報穆克登布田朝貴追剿之賊五六百人田大竹河向西北狂奔闌入陝界扎克塔爾穆克登布帶兵分路趕剿而進臣等籌商臣勒保仍在太平一帶督率搜捕臣勒爾登保德楞泰率領存營兵勇一千餘名由水田坪赴陝邊督剿途次據報該匪知北面有兵遂由松樹壩青岡坪向西狂奔遁入巴山老林扎克

德壯與公年譜卷二十三

諭曰著派乾清門侍衛副都統銜蘇崇阿前往四川軍營看視伊父及額爾登保勒保著賞給額爾登保德楞泰大金盒各一箇珍珠手串各一掛碧霞聖帶頭各一副勒保小金盒一箇玉帶頭一副交蘇崇阿齎往



塔爾帶兵由茅垵塘向箭桿山前進穆克登布田朝貴等  
於初八日傍晚帶兵至董家帽山梁探有賊匪百餘人當  
經趕剿殺賊十一名生擒八名餘匪由龍王溝老林南竄  
又據楊遇春呈報赴山內督剿殘匪有賊一股奔七星壩  
躡淺南竄經噶拉馬隊官兵趕到射斃十餘人淹斃賊匪  
約二三十人生擒八名餘匪撲過南岸狂奔楊遇春復向  
南督兵前進初七日在西鄉之倒坐廟趕及賊尾又斃斃  
十八名生擒九名餘匪爬上十二嶺老林遁竄現將過江  
南竄之賊數十人令田朝貴辦理其西竄賊股楊遇春與  
穆克登布即分路趕剿等情臣等查南竄之賊祇餘八九

德壯果公年譜二十三

美

十人該匪日夜在老林狂竄由星子山遁向紫溪河現札  
派田朝貴緊躡趕剿已入川界至楊遇春穆克登布等趕  
剿西竄之賊該匪現由邱家山細辛壩一帶林內狂奔必  
須趕緊截剿臣額爾登保遂由拴馬嶺至鍾家溝督催臣  
德楞泰由九陣壩長嶺顧東抄過簡池壩扼剿十二三日  
該匪自花石梁向南奔通江之窩壩松坪楊遇春由花石  
梁向哨風樓西河口一帶攔剿穆克登布扎克塔爾帶兵  
由白雄關石鼓小溪取道入川躡蹤截剿數日內可期痛  
殲得手又據色爾滾馬瑜稟報連日探剿王國賢餘匪在  
栗子坪大梁斃斃賊匪二十餘名生擒二十餘名該匪分

投奔竄一股奔青龍觀馬瑜催令官兵追殺適色爾滾帶  
兵趕至在蘇金坡大梁兩相夾擊又斃賊三十餘名生擒  
五十餘名一股由大巖屋分竄經張應貴追殺亦斃賊十  
餘名生擒十二名現在馬瑜等仍緊躡追趕並顧東面以  
期掃除又據參將桂涵稟報連日帶兵搜捕探聞江北鴛  
鴦橋一帶零匪滋擾即趕往搜剿立斃三十餘名生擒  
六十四名尚有餘匪二十餘人捨命逃去已派外委王良  
才等帶勇跟捕又據達斯呼爾岱羅聲稟報連日向東  
搜捕探有零匪數十人向四季坪奔竄當即督兵趕剿斃  
賊七名生獲十二名餘匪向姚家山竄去訊係藍號夥匪

德壯果公年譜二十三

美

現仍緊躡搜捕又據遊擊羅思舉稟報在新場地方探有  
零匪百餘名在相距十餘里之馬槽地方出沒當即督兵  
趕剿立斃賊二十一名生擒二十二名其餘匪遁入菁林  
四散當將生獲各犯解交梁山縣審辦臣等查川東一帶  
色爾滾馬瑜勦辦之賊所贖不過二百餘人現在趕緊剿  
洗其梁萬界內或數十名或百餘名之賊三四起均有官  
兵搜捕且巫大邊界有豐紳張績官兵堵截斷不虞其東  
竄其穆克登布等追剿會合攢聚之賊不過五六百人現  
有數路大兵趕剿又有臣額爾登保德楞泰分投督催旬  
日內定可痛剿淨盡此股一經辦竣則其餘更可以次肅



清臣勒保現在東太一帶督飭各路官兵迅速搜捕並通飭各寨團勇大小委員鼓勵乘勇隨地搜拏以期淨盡同日公偕額爾登保又奏言竊查剿辦大功現已底定所有山林內伏匿零匪自須嚴密搜捕淨盡臣等酌量情形若無成百之賊祇餘三五零匪擬留各省官兵已足敷用除鄉勇先行裁撤外應請將川楚陝三省現在隨征之東三省馬隊官兵及雲貴兩廣山東直隸各省官兵查明歸集於二月間即由川楚陝分別按起凱撤其川楚陝邊界搜捕彈壓應請將各本省現在出征官兵暫留分段防範於深山箐林密為搜捕如川省防兵搜捕之匪竄至陝

德世果公年譜卷二十三

三

省即一面跟捕一面知會陝界防兵出捕兩相夾擊搜緝淨盡如祇竄逸數名即令陝兵搜捕弋獲川兵仍行撤回毋庸越境深追其川楚陝邊界亦如此辦理陝省邊界縣長酌留陝甘兵一萬四千名川省酌留本省兵一萬名楚省酌留本省兵八千名恐本省官兵不敷分撥應請於裁撤鄉勇時就其中各本省民人情願入伍及平時出力現未補給名糧者每省或留數百名或千餘名至多不過二千名作為餘丁即照守兵分例支給分撥各營留防俾免失所俟三省官兵撤回時隨隊回營以次補給名糧入伍差操爾時或有不願食糧者人數無多可以隨時照例安

插此項兵勇現經本省提鎮將備歸併帶領搜查三兩月甯謐後即可以次緩撤各歸本營至安防官兵與逐日追賊進剿之官兵奔馳山林者不同其糧餉自應酌量裁減以節糜費應自安防之日起官員祇支鹽菜馬乾裁去駝折兵丁照本省防剿之例按月支給鹽菜銀九錢裁去加賞鹽菜銀四錢其口糧夫價仍舊支領至地方肅清川楚陝各省官兵全行撤回之後必須三省提鎮按年會哨方可永靖邊圍疊蒙

睿謨指示飭令議定章程臣等謹公同籌議川楚陝每年總兵會

德世果公年譜卷二十三

三

哨二次提督會哨一次其總兵會哨定於每年春季二月秋季八月起程除甯陝係新設營制即在終南山自行帶領本鎮官兵周歷巡查二次毋庸會哨外川北鎮由廣南通江搜緝取道太平漢中協由甯羌南鄭搜緝取道西鄉在邊界會哨重慶鎮由大甯奉節搜緝取道巫山宜昌鎮由興山歸州搜緝取道巴東在邊界會哨陝安鎮由紫陽安康搜緝取道平利鎮坪鄖陽鎮由房山搜緝取道竹谿豐溪在邊界會哨每鎮酌帶本鎮屬官兵一千名以壯聲勢春季由西向東秋季由東向西彼此會哨後各循邊界回營既可彈壓地方又可查閱營伍其情形報明總督提督查核該鎮毋庸具奏提督會哨定於每年十月起程初



次會哨四川提督取道太平陝西提督取道西鄉在邊界會哨後陝西提督即循陝界而西由南鄭甯羌至甯陝鎮各營查驗仍回本營四川提督循川界而東自太平城口徐家壩大甯至巫山湖北提督則自房縣取道興山歸州至巴東在交界與四川提督會晤後仍於境內大山僻壤處所查訪甯謐各回本營即會同總督彙奏提鎮會哨甯謐情形至次年會哨川陝提督仍在太西邊界會哨後四川提督即循川界而西由通江南江廣元仍回本營陝西提督循陝界而東由紫陽安康至平利鎮坪湖北提督則由房縣取道竹山至竹谿豐溪在交界與陝西提督會晤

德壯果公年譜卷二十三

三

後即彙報情形至三次會哨又照初次行走其提督所帶官兵本標離各邊稍遠且標營亦不可空虛祇帶兵五百人庶免遠涉如不敷分派搜緝於就近各鎮協標營內調撥一千名共足一千五百名之數以壯聲威其派出兵丁照本省防禦之例每名每日酌給鹽菜銀三分回營日止俾免拮据如此辦理則邊界地方既有各鎮官兵分段兩次會哨又有提督每年徧閱一周情形無不悉知匪徒自難匿跡三年之後益臻甯謐即可責成各本營遵照舊例巡閱嚴飭各營汛隨地稽查各府州縣地方官隨時嚴緝無知棍徒自足以資彈壓其會哨之處即行停止

諭曰此次穆克登布田朝貴追剿之賊向西北狂奔闌入陝界有五六百人必須趕緊辦理現在額爾登保德楞泰督率數路官兵分投勦辦務須緊顧西北即在邊境扼勦淨盡斷不可任其竄過漢江闌入南山此時大功業已告成即有未盡零匪亦不難以次撲滅惟賊匪一入山內道路紛歧勦辦又必費手至南山零匪昨據惠齡奏到已將張士雲生擒餘匪更易殄滅額爾登保等當飛咨惠齡等督飭鎮將入山勦辦務於數日辦竣即或有零匪逸出亦須緊顧北面轟出老林向南逼勦庶辦理易於蕪事其川東零匪雖屬無多勒保亦當督飭鎮將上緊搜捕淨盡勿稍延緩又據奏會籌官兵應撤應留事宜及會哨章程

德壯果公年譜卷二十三

三

一摺所議皆妥但此時搜捕零匪必須乘兵力未撤之時辦理淨盡方為完善額爾登保稱於明年二月間將東三省馬隊及雲貴等省官兵分起凱撤此時亦不必拘定如果搜捕迅速於正月內一律蕪事則正月即可撤兵設或二月內尙未能一律完竣即緩至閏二月中亦無不可總期搜捕淨盡方可將勁兵裁撤至所稱官兵撤回之後必須三省提督會哨一節所見甚是惟川陝楚三省邊界無往非深山老林路徑紛歧賊匪等東西藏匿不定若知官兵行走有一定地方則隨時可以逃避嗣後各提鎮等帶兵會哨其行走路徑不可認定一路使匪徒不及防備自可日就廓清再無遺孽至所稱三年後停止會哨亦



可不必拘定年分俟三年後或隔年一行或隔二年一行均無不可惟當飭令該提鎮實力奉行認真巡緝不可有名無實

同日公借額爾登保又奏言竊大功已成指日肅清所有

應辦各事宜臣等前次會晤時業已逐款籌商應恭請

訓示欽遵辦理查現在隨征東三省及各遠省官兵前經

奏明先行凱撤在案惟是川陝楚地方軍需已久與甯謐省

分不同凱旋官兵供億章程應須酌加調劑且地方甫經

安輯瘡痍未復尤須於百姓加以撫卹庶培養元氣立見

豐甯至塞堡烏槍器械當保衛之時誠不能不用而肅清

之後亦不可不收均須逐條詳議以期

德世果公年譜卷二十三

三

帑不虛糜民不知擾再此大用兵七年仰蒙

皇上睿謨隨時指示臣等得以克奏膚功實非臣等一人之力各

員弁帶兵防勦均屬不辭勞瘁備歷艱辛而運供軍需辦

理一切尤賴地方文員共效指臂大功已成應懇

聖慈普予恩施隨征各鄉勇業經臣等遵照章程分別遣撤總期

各安生業其中出力首領情願入伍出仕者固不乏人亦

間有願回鄉里謀生者從前既經得有翎頂此時不可無

所稽查而被賊蹂躪之區生靈荼毒尤堪軫惜且自寨堡

一築百姓團勇禦賊協助官兵或臨陣被戕或守卡遇害

當時未必盡經查明此時亦難徧加賞卹必須酌議章程

以昭彰瘴臣等悉心妥議逐條擬定繕列清單恭候  
欽定遵行

一凱旋各省官兵宜分別應付也查凱旋之兵過境地方

應付向有定例此次出征七載各官兵到處奔馳已習於

勞苦而川楚陝承辦軍需久疲供億亦應量予調劑除東

三省官兵仍照常應付外其餘各省之兵如在川楚陝境

內行走均由軍營核定程途將按日應得鹽糧夫騾全行

給予令將備帶領沿途仍拏營住宿地方祇支給糧米如

行水路並應付船隻俟到別省再按照凱旋官兵應付如

此通融辦理在官兵初無艱苦之虞而軍需省分可省供

德世果公年譜卷二十三

三

給煩擾

一三省被難窮黎宜酌加撫卹也查賊所蹂躪地方自修

寨築堡民皆有以自衛並派有佐雜等官為之分駐專司

團勇道府各員統率其事業皆著有成效官民之情甚為

聯絡連年來疊奉

恩旨蠲免錢糧地方官供運軍儲雇夫之價皆從厚給軍行所至

購買食物馬料又復昂貴倍常宜民力不至竭蹶現在大

功告竣閭井救甯有力之家自必爭先下寨各謀其居各

理其業不過二三年間民氣當可復元似勿庸再議撫卹

然兵燹延於三省蕩析已歷七年其中窮苦之戶本多於



富民而賊蹤所擾既鋒鏑流亡之迭經遂鰥寡孤獨之無告或廬舍蕩然力難興築或田畝略存全無牛種且現在棲身寨堡尙有親鄰周卹藉資度日一旦下寨散處卽苦無所依歸今秋雨水過多大山內收成尤爲歉薄不得不量加撫卹請

救川陝楚本省督撫查明酌按情形議定章程速行

奏請辦理

一三省堡寨槍礮應分別繳收也查保衛寨堡需用槍礮爲數較多有官爲散給者亦有民人自製者地方一經肅清自須卽行收繳前已飭令辦理寨務各委員於發給火

德壯果公年譜卷二十三

三

藥時就便預將某寨礮若干槍若干查明登載將來自可按籍而稽但官爲散給者無難立時收回其有民人自製鳥槍或恐心存吝惜並欲存留以資防範者各督撫飭知總理寨堡等道府卽當酌量情形或編號暫存或給價收買分別妥辦勿得藉此擾累百姓

一武職各員請酌予獎勵也此次用兵七載所調各省武職官員不下數千百員其超衆出力者臣等奏蒙

天恩賞翎擢用均已隨時鼓勵尙有隨同帶兵亦著勞績又派令分段防堵委辦冊務人數衆多不能徧及數年來尙未一邀獎敘者此時大功告成應懇概予交部議敘如蒙

俞允臣等卽於出力各員內秉公查核分別等第造冊咨部辦理

一出力文員宜分別查辦以獎勤勞也此次用兵最久軍需浩繁不特地方州縣轉運軍伙糧餉辦理寨堡率勇防堵各事較之無事省分勞逸迥殊並有揀發委用自行投效各員或在局總辦或催趨押運或分督寨堡搜捕零匪或派赴各路隨營差委各員分投承辦亦屬著有微勞其中或有曾經奏明蒙

恩獎擢者亦有尙未得邀獎擢者現今大功告成自應分別查辦

但地方官到任有久暫之分委員奉差有多少之別勞績各異激勸斯殊臣等目擊之人固可深知而相距較遠者

德壯果公年譜卷二十三

三

必須查核一時難以彙辦查各該員分別等第應以辦理軍務爲時最久始終奮勉並能督率寨勇疊次搜捕零匪多名未經陞擢者列爲一等懇請各予陞階或本省遇缺先用或歸部卽行銓選其次則列爲二等或予陞銜或仍留本省分別請陞請補又其次則列爲三等咨部各加優敘如蒙

俞允請

敕下三省督撫轉飭司道秉公查核開列清單奏請恩獎勿許稍有屈抑偏私用昭激勸

一義勇首領頂戴榮身宜咨部備查也三省征防鄉勇各



首領軍功管帶其超勇出眾者疊蒙

皇上隨時賞給翎頂刻下勇須裁撤所有出力各軍功除情願入

伍者仍照<sup>臣</sup>等前次奏定章程五六品頂戴即以把總外

委補用七八品頂戴即以外委額外補用並有文武生員

充當首領著有勞績另行查辦外其不願入營回籍安業

者應給予執照准其照舊戴用翎頂榮身並有各地方寨

堡義首督勇勦捕出力地方州縣稟報經<sup>臣</sup>等給予頂戴

執照以示獎勵者不可無所稽查應一併查明咨部存案

其由各督撫給予者仍歸該督撫造冊報部以杜牽混

一被賊戕害士民宜酌加彰聞也教匪滋事毒痛五省各

地方紳士耆民自集義勇防衛鄉里禦賊捐軀者實不乏

人且當堡寨未築之時匪氛猝至山僻村野小民或全家

被害或轉徙死亡數更難以枚舉茲幸仰仗

天威逆匪殄滅

惠澤溥施此等被戕及禦賊致命之士民自應一律核辦以廣

皇仁惟是事已數年之久有曾經具報者亦有並未報明者此時

若概予詳查其全家被害民人現已無人呈報必致遺漏

而一二不肖之徒或妄希卹賞又必捏報姓名轉滋冒濫

應懇

皇上天恩明降

諭旨令川楚陝甘豫各督撫於被賊蹂躪地方之各府城先期曉

諭擇日設祭一壇用慰幽魂並延僧道誦經超薦以消厲

氣另於各廳州縣建立專祠三楹顏曰義烈凡文武紳耆

禦賊捐軀及陣亡被害各寨勇當日曾經報明有案及現

有子孫親屬呈報到官眾證明確者地方官隨時具詳督

撫准令入祠春秋致祭如此辦理則所需經費無多而死

者既光昭泉壤生者亦觀感奮興益足以昭我

皇上顯微闡幽型方訓俗之至意

硃批軍機大臣會同該部速議具奏

案軍機大臣暨戶兵等部於次年正月初九日會同  
奏覆此奏善後事宜七條均奉 諭旨允行

是月奉

旨賞福字一張藍綉花大荷包一對小荷包一對銀錢二箇銀鏢

四箇

御用鞍轡全副

嘉慶八年癸亥

公五十九歲

正月初九日

公奏言竊<sup>臣</sup>前與經略額爾登保在西鄉之大翔壩會合

其時因黃藍線字號賊匪奔向西北陝界<sup>臣</sup>等籌商勒保

仍在太平督率勦捕額爾登保由拴馬嶺西進時副都統



富僧德總兵滿尙佐帶兵回營臣卽督率官兵由九陣壩長嶺簡池壩東抄扼剿十七日臣趕抵簡池壩戍刻據報該匪由小溪空山壩竄來屯於廟坪小水池相距我兵四五十里臣卽於三更督兵進發黎明趕至廟坪詎賊漏夜先逃經馬步兵勇追趕直至天池寺半山槍箭斃賊四名帶傷賊匪十餘名時已天晚未能痛剿嗣據色爾滾馬瑜稟報自奉節縣之粟子坪蘇金坡痛剿王國賢餘匪向桃子坪前竄官兵抄截跟追沿途擊獲落後賊匪及難民楊世龍等十七名十六日陳弼等在開縣之雙成庵殺斃賊匪十六名生擒二十七名餘匪向牛角灣逃竄有走新甯東鄉之勢現仍分投趕剿又據提督豐紳報稱派遊擊晉之連等在虎頭巖地方搜捕零匪殺賊數十名生擒四名又總兵張績報稱遊擊馬明德等在巫山之包子山搜捕殺賊三名活捉一名又據達勒精阿並署南江縣知縣裘良駿稟稱在南江陳家坪地方搜殺零匪數十名所贖餘匪七八十名現與總兵許文謨兩路跟剿經團練堵擊帶傷賊匪甚多已有臬司劉清帶勇前往搜剿又據太平廳副將李廷臣同知鍾蟠雲稟報參將桂涵都司周士貴等追剿賊匪七八十人在大竹縣之三墩坡斃賊十八名生擒五十四名並擒賊目苟問王偽先鋒掌櫃探馬頭四名

德壯果公年譜卷二十三

美

移交大竹縣審訊又副都統銜達斯呼爾岱副將羅聲皋報稱於太平廳之螢子巖追剿零匪一股數十人斃賊六名生擒四十三名此股已悉數殲除又據東鄉縣知縣楊世釐稟稱有零匪數十人竄至毛壩該員督率團勇堵剿生擒賊匪二名斃賊四名槍傷賊匪數名向高山臺奔逃又被委員楊世鯨調集團勇追剿殺賊十餘名帶傷而逃者數名投出難民唐娃等五名復於深林內槍斃斃賊匪三名生擒偽總兵楊盛良等六名跌斃者十餘名訊係黃號零匪此起零匪均亦搜捕無遺又委員盛依祖李光謙胡雲各搜獲賊匪一名又據署雲陽縣知縣梁敦懷稟報初十日有洞泥壩民人許忠帶領首逆王國賢並被擄難民鄧天祥到縣投首訊明實係正身並令張長青識認的確稟請飭遵前來臣已批令解送勒保軍營查辦嗣探黃藍線字號餘匪敗逃北竄又被楊遇春穆克登布扎克塔爾等連次痛剿該匪已不能北竄其分出一二百來人訊係宋姓帶領欲向南江廣元西逃此起賊匪頃據李廷臣稟報日夜狂奔有由巴州太平走東鄉之勢其由西鄉麗渡南來之賊竄走太平田朝貴已帶兵跟剿時有斬獲所贖無幾刻下零匪多已出山臣卽督兵出太平向東鄉前進飭令將弁兵勇趕緊搜捕以期將各零匪洗除淨

德壯果公年譜卷二十三

美



盡毫無遺孽

諭曰此次德楞泰搜捕零匪所奏情形與前日額爾登保勒保奏報大略相同此時川省境內尚有零星散竄之賊德楞泰係成都將軍搜捕是其專責必應上緊辦淨使境內不留一賊方為妥善至由京派往之御前侍衛各營章京當先陸續撤回俾沿途聞知帶兵大員絡繹回京共慶凱旋且驛站夫馬以次供應更可不致疲乏所有各路征防兵丁德楞泰應酌量情形俟實在可以無須兵力方議裁撤儻為一時惜費起見遽爾撤兵萬一遺灰復燃又須勦捕將已撤之兵再行征調成何事體務期一勞永逸兵民相安方為妥善再王國賢一犯親赴雲陽縣署

德壯果公年譜卷二十三

投首該犯雖非緊要首逆但與張長青均係著名賊目今既投出自應免其一死妥為安置庶匪徒相率來投於搜捕更為有益

同日公又奏言竊臣准經略額爾登保移送恭錄十二月十六日內閣奉

上諭本日據額爾登保德楞泰勒保惠齡吳熊光等聯銜遞到大功戡定一摺朕與天下臣民同深欣感從此海宇敉甯昇平永慶皆仰賴

吳倉眷佑

祖

考垂慈感慰之餘彌深欽惕德楞泰前於平定苗匪時亦曾賞給子爵自授為參贊後督率將士奮勇超倫所向克捷前後殲賊最多勳績炳然節經封至三等侯爵著加恩晉封一等侯加太子太保銜賞用紫韉伊子蘇崇阿並賞給副都統職銜即著齎送賞件前赴軍營看視額爾登保及伊父德楞泰用示眷念各等因欽此臣跪讀之下感激慚愧莫能名狀當即免冠望

闕叩謝

天恩訖伏念臣仰蒙

高宗純皇帝豢養

深恩由健銳營前鋒出師回部等處疊荷

德壯果公年譜卷二十三

造就成人當元年教匪滋事之後臣忝膺軍旅重寄雖有擒渠殲

眾未能迅速告竣仰慰

純皇帝慈廕愆尤叢集時慄冰淵蒙我

皇上俯念鴛鴦鈍庸材未予嚴譴

曲賜驅策數年來隨事隨時無不上煩

聖慮訓誨周詳始得申明軍紀激勵將士其所以有戰必勝無堅

不破者皆由軍心感極思奮齊力效命所致如臣不過秉

承

睿謨親歷行閒調度本屬分內之事然勦辦稽延已經七載雖風

雨奔馳未敢稍有懈怠究未及時早靖每念



聖主親政至今

朝乾夕惕

宵旰憂勤實因臣等籌辦無能致煩

聖躬塵切夙夜捫心惶懼莫釋疊蒙

慈宥矜全猶以微勞必錄

獎勵頻加既

褒封而晉爵更

寵賚以頒蕃頂戴

高深浹淪肌髓茲得大功底定捷報飛馳皆仗

天威

德壯果公年譜卷二十三

聖

洪福昭此

者武內外臣工無不同深歡慶而臣自問不過犬馬微勞未足以

仰報

主恩茲迺

溫綸渥沛

懋賞覃敷

加恩晉封一等侯加太子太保銜

賞用紫韁更荷

恩及臣之子蘇崇阿

賞給副都統職銜齎賞赴營看視是此

殊恩再四

澤普一門聞

命之下感激無地第念臣當兵出身至微至劣一旦膺茲

異數固為不世之遭逢而蘇崇阿年輕識淺蒙

恩由三等侍衛挑在

乾清門行走游陞頭等侍衛今秋扈

蹕行圍又蒙

特賞黃面馬褂已為格外光榮茲復推類以

錫恩更為夢想所不到不但臣父子捐糜頂踵不足以酬報

鴻慈卽世世子孫亦無以仰答

德壯果公年譜卷二十三

聖

高厚於萬一現在臣等一面籌辦善後事宜一面分兵搜捕潛匿

未淨零匪臣等均係受

恩深重之人斷不敢草率亦不敢稽遲餘氛稍有未淨皆臣等未

了之事總期根株盡絕庶可一勞永逸咸臻甯謐

同日公又奏言承准

軍機處知會前蒙

頒賞臣狎苗及湖南苗匪戰圖各一冊已傳到在京家屬就近祇

領又蒙分

賞臣福字一張藍瓣花大荷包一對小荷包二對銀錢二箇銀鏢

四箇並分



賞鹿等物一分各等因又接臣家信寄知前由

軍機處發出

頒賞臣

御用鞍轡全副交臣之子蘇崇阿敬謹跪領等情臣均卽叩頭謝

恩惟念臣身當戎行當茲臘鼓迎年適荷

福祿遐降戰圖肇慶錦羈先頒荷囊增佩帶之華寶泉兆豐裕之

瑞更叨

珍饐蕃錫銘鑄肺腑益欣感而難名惟竭誠以圖報至於

御用鞍轡正色輝煌臣惟有什襲珍藏允昭

特恩異數俾世世子孫咸竭犬馬之報

德壯果公年譜卷二十三

四

殊批勉力緝捕務於迅速之中又勿草率

十六日

公奏言竊臣督兵移向東南截剿賊匪據夔州協副將富

明阿等稟報十二月十三日夜有總兵馬瑜派出之都司

史定川等追賊一百數十人在奉節之小曲山乘夜襲擊

出其不意殺死賊匪四十餘名生擒三十餘名屋內燒死

賊屍七十餘軀祇贖二十餘人帶傷竄入老林等語當飭

史定川等嚴密搜捕臣行抵太平之貓兒壩先後接獲額

爾登保來信以扎克塔爾穆克登布所剿之賊二百餘人

尙在巴山老林黑洞溝一帶藏匿官兵因林密雪深尙未

集事又聞陝境南山零匪二百餘人被剿亦欲竄過南岸

額爾登保現仍暫駐西鄉界內以爲南北兩路策應令臣

併力先將巴山林內藏匿之賊並江北南山敗匪一併就

近掃除再爲東向等因查臣督兵東行原恐色爾滾馬瑜

等所追之賊由太平連界東奔入楚是以移師太平東鄉

遏其東竄連日據各處探報色爾滾馬瑜勦辦之賊已截

向梁山奔逃該處有參將桂涵遊擊羅思舉陳弼弼等三路

兵勇併力兜剿是此起零匪不但距楚愈遠而兵力壯盛

當亦易於集事臣遂於初三日督兵由貓兒壩折回初四

日趕抵西鄉之魚渡壩直趨巴山探明賊蹤與扎克塔爾

德壯果公年譜卷二十三

豎

穆克登布等併力設法圍剿並探江北之賊如果南竄又

可環攻掃除以冀根株淨絕一律廓清上紓

聖廡

諭曰川楚邊界有各路官兵搜捕嚴密此時局面自應以先清陝

境爲要德楞泰因接額爾登保來信以南山餘匪欲奔南岸督

兵仍赴陝界協力設法兜剿此起零匪竟當聽其竄往南岸合

各路兵力環攻掃除惟該匪等南竄之後必當飭令將領在江

北一帶嚴行防範不可再令賊匪折回致辦理又形費手前曾

諭令嗣後奏報祇用五百里馳達不必輕用急遞惟各處餘匪

如果全數殄除伊與額爾登保二人仍當會奏一摺由六百里



馳遞以便明白宣示俾眾共知三省零匪亦已廓清同深欣慰  
但可不必填加緊字樣亦不必再用紅裏黃面之摺額爾登保  
等馳遞此摺時即可將德楞泰起程來京日期一併聲明此時  
大功早經告藏中外咸知即搜捕零匪一節亦所共悉僉稱指  
日即可蕩平若稍有遲延轉致人心猜疑成何事體額爾登保  
等受朕恩眷務當倍加奮勉併力剿捕期於正月二月內將三  
省餘孽悉數殄平方副委任

二十五日

公偕額爾登保奏言竊<sup>臣</sup>額爾登保督兵由大甯巴山取  
道羅家壩仍折向嶺子山一帶緊顧陝疆探<sup>臣</sup>德楞泰

德壯果公年譜卷二十三

吳

派令副都統富僧德總兵滿尙佐帶領官兵由簡池壩廟  
壩向西探勦即親督兵由漁渡壩取道拴馬嶺向北進發  
以期迎勦北來竄匪十四日行次峽口場與<sup>臣</sup>額爾登保  
彼此會晤適據楊遇春呈報連日賊匪又向小岔溝老林  
奔竄督率參將祝廷彪等分兵三路五更行抵賊屯向前  
勦殺立斃賊匪九名生擒六名餘匪驚起四散我兵分投  
趕殺又斃賊十六名生擒十八名除滾滾跌斃外僅留二  
十餘名鑽林逃散又據穆克登布呈報連日分派將領帶  
兵由天明寺佛頭山一帶隨處排搜未見成股賊匪蹤迹  
惟於壩溪老林內探有零匪十數名一見我兵即行分遁

內有賊六名經兵勇用槍箭擊斃現穆克登布已抵袁家  
河仍督兵徧歷搜捕又據富僧德滿尙佐報稱連日帶兵  
由馬家壩一帶進發探有零匪數十人向石板河竄去隨  
督兵由紅椿溝向平河子截勦途次盤獲賊匪陳學彭作  
太二名訊知賊蹤不遠悉力趕追兵至光頭山槍斃賊匪  
五人生擒賊匪二人餘匪驚懼四竄官兵分投趕勦又斃  
斃十六名該匪均三五零星飛竄老林又據各寨洞民人  
於山林內搜獲逃散零匪或一二名或三四名陸續解赴  
<sup>臣</sup>等軍營審訊<sup>臣</sup>等將搜獲之寨民賞以銀牌面為曉諭  
令隨地搜查以清餘孽又據成都府知府趙秉淵稟報正

德壯果公年譜卷二十三

吳

月初三日經達縣委員教諭倪朝縉督同軍功李元德王  
丕承等先後招出賊匪賴應舉王勳魏文禮等全夥二十  
九名現在分別安插再南山東面零匪折竄鎮安孝義境  
內經總兵楊芳抄赴東北截勦該匪復西竄甯陝奔入秦  
嶺老林楊芳鼓勵兵勇兼程抄截十一日趕及濫泥湖將  
頭目嚴士讓臨陣戕斃殺賊十餘名該匪日夜亡命狂奔  
十四日三更竄至西鄉屬之七星壩約有二百餘人乘夜  
躡渡向東南奔竄<sup>臣</sup>等聞報之下即挑派馬步兵勇六百  
餘名令副都統銜富登阿副將王兆夢遊擊楊森帶領星  
馳由馬家灣前往趕勦一面飛飭各營卡截擊一面飛札



楊遇春且不必入南山速即帶兵由私渡河取道西鄉專辦此股以冀即日掃盡臣德楞泰現仍取道川東督率富僧德等東西顧期以期早靖餘氛

同日公借額爾登保又奏言竊查歷年隨征打仗兵勇內陣亡病故受傷者先後經臣等隨摺聲敘查明造冊咨送查辦議卹在案茲准兵部咨覆除員弁兵勇陣亡病故受傷者均已查明題准照例議卹外惟冊開陣亡民壯劉萬清等八十六名張珍等五名軍營列功後病故民壯胡學賢等二十一名黃奉等二名受傷民壯邱瑞祥等一百四十名劉貴等二十一名俱無議卹之條應令該將軍及經

德壯果公年譜卷二十三

哭

略大臣自行給賞等因前來伏查民壯一項與鄉勇名目雖殊而打仗殺賊則與鄉勇無異並有散遣回籍之民壯後仍應募充當鄉勇者與現在隨征新募撤遣回籍後仍在本寨作為團勇者事同一體是民壯鄉勇團勇三項名雖不同實則皆民間壯勇為

國出力茲准部咨以民壯一項部內並無議卹之條行令臣等自行給賞在部中照例查辦固為慎重

恩卹起見然民壯之殺賊衝鋒陣亡受傷病故均屬勤勞

王事似應與鄉勇等一律查辦部議令臣等自行賞給未經明奉卹恩似不足以慰忠魂而昭獎勵亦非仰體

皇上軫卹戎行至意可否將陣亡受傷及列功後病故各民壯照鄉勇議卹之例一體給與卹賞出自

天恩

諭曰此次額爾登保德楞泰等督率將弁分投搜捕斬獲零匪三百餘人又招出賴應舉等二十九名分別安插所辦尚好前此節據奏報川陝邊境剿殘餘匪約計六七百人除現在殲擒外為數祇餘一半即合之南山老林竄過漢江之賊二百餘名亦不過數百人無難迅即掃除額爾登保等惟當上緊趕辦並出示曉諭量為招撫亦解散餘匪之一法至民壯陣亡傷故例無議卹專條但念該民壯等俱係挑派隨營殺賊衝鋒勤勞王事與鄉勇團勇等原無區別所有軍營陣亡受傷及列功後病故各民壯俱著加恩照鄉勇議卹之例一體咨部給與卹賞以昭激勸

德壯果公年譜卷二十三

哭



德壯果公年譜卷二十四

次孫花沙納恭纂

嘉慶八年癸亥

二月初六日

諭曰陝境業將肅清惟川省餘賊尚在輾轉奔竄本日據勒保奏稱由陝竄至太平零匪一百餘人其大甯邊界零匪計三百餘人自係由楚竄入川境之賊勒保現移師夔府一帶督勦大兵雲集想殘敗餘匪無難就地殲除額爾登保應飭催各路將領併力會辦其抗拒官兵者自當痛加剿戮如有畏罪投出者仍應量為收撫務於前一月內一律廓清俟三省善後搜捕事宜

德壯果公年譜卷二十四

辦理完竣額爾登保德楞泰與勒保三人聯銜用六百里馳報德楞泰並將自軍營起程日期附報奏聞朕即據以宣示中外但必須川陝楚三省邊界零匪實係掃除淨盡方可馳遞此摺總之大局業經戡定其搜捕一節固當迅速亦勿稍存草率至南山西面零匪本日據惠齡奏尚有百餘人應移咨該督并轉飭楊芳等上緊辦竣毋任遲緩

十二日

公奏言竊臣於正月十九日蘇崇阿回京復

命臣與額爾登保跪請

聖安後額爾登保仍在陝境搜捕即督兵回至川境與富僧德

等會合東行據副都統色爾滾總兵馬瑜稟報前在雲陽屬黃柏溝剿贖零匪數十人四散分逃復分派兵勇在大陽河等處搜獲三名殺斃四名又趕至蒿枝壩等處殺斃十餘名生擒十八名此起零匪剿除殆盡又據副都統達勒精阿武隆阿稟稱在通江屬之漁尖壩搜獲逃散零匪五名又據遊擊陳弼報稱探得雲陽之沙沱子一帶零匪百餘人當即帶兵勦捕生擒王國賢之胞姪偽先鋒王朝富偽先鋒陳道隆李思才等三名夥匪龍先桃趙張氏等男婦三十名口殺斃偽先鋒侯覺元一名及賊匪二十三名獲犯已就近解交開縣研訊其陝省南山竄過南岸

德壯果公年譜卷二十四

二百餘人接額爾登保來信連日被各路官兵截勦已由亮亞子翻山入川現在督率各路官兵搜捕扼截查宋應伏一股賊匪百餘人竄往南江廣元一帶亦有提督穆克登布副都統武隆阿副都統銜達斯呼爾岱總兵達自祥副將羅聲皋臬司劉清等各路兵勇搜捕即日亦可掃除惟現據哨探田朝貴所追之賊湊合山內各零匪三百餘人又有苟朝九一股餘匪一百餘人竄至大甯之紅池壩核桃壩一帶出寶塔之勢聞報即飛行知會提督豐紳總兵張績協力截勦并札飭色爾滾馬瑜即由開縣取道雲陽奉節前往截其東竄之路與豐紳等兩面夾擊



亦即由官渡灣白沙河前赴開縣雲陽督同趕辦此外又探得開縣山內濛濛溪一帶零星匪百餘人於出山後向東鄉之南壩場南逃臣已飛調遊擊羅思舉帶領兵勇迎頭截剿計日可以剪除

諭曰連日正盼德楞泰奏報本日蘇崇阿回京復命朕面詢軍務情形據稱川陝零星匪總計不過千人極形窮蹙等語適遞到現在督兵東顧各情形一摺朕披閱摺內所稱各路零星匪合計不過千名似較前次奏報之數稍有增多其田朝貴一路搜捕之賊前據勒保奏到係由陝西南山竄入太平城口老林共祇一百餘人今德楞泰摺內稱田朝貴所追之賊湊合山內零星匪二百餘人又有苟朝九一股餘匪一百餘人會合是此起餘匪共有四百餘人是否即係與大甯邊界由楚竄入之三百餘人湊合故有此數其開縣山內濛濛溪一帶零星匪前次勒保等摺內均未提及又係何股餘匪是否即係楚省竄賊均未聲敘明晰此時川省腹地業已肅清所有各起零星匪多在川東境內現在德楞泰前赴雲陽開縣自西而東勒保又已移師夔府一帶自東而西正可兩面夾擊德楞泰惟當督飭鎮將等趕緊排搜務於前二月內將川東餘匪一律剿除淨盡俾地方永臻甯謐

德壯果公年譜卷二十四

三

同日公又奏言竊臣之子蘇崇阿奉

命齎送

恩賞各件來營臣當與額爾登保跪請

聖躬萬安免冠叩謝

天恩各繕清摺具奏外嗣臣回至營帳蘇崇阿復又另傳

恩旨

溫諭纏綿並仰

聖德如天於數千里之外幾微無不

洞燭臣跪聆之下感深涕零悚惶無地伏念臣蒙古世僕至微極陋蒙

恩蒙養造就游歷陞階自教匪滋事以來雖轉戰於陝甘川楚之間不過竭盡犬馬報

德壯果公年譜卷二十四

四

主之心私衷惴惴常以未能迅速告贖上慰

慈廕即去臘之大功底定皆秉承

廟謨隨時指示臣等得以仰仗

天威故能將士用命共奏膚功乃蒙

睿照

鴻慈不但寬以遷延之咎復荷

策勵矜全

溫綸備至臣從戎八載茲蘇崇阿齎賞來營藉得父子歡聚實為

夢想所不到此皆我

皇上格外垂慈無微不至且恭閱邸抄臣胞弟德成額又蒙



恩簡補江西九江鎮總兵是臣一門父子兄弟無不均荷  
陶成爲人臣罕觀之遭逢實

聖主無邊之

寵眷自顧何修蒙

恩若此不但臣捐糜頂踵難以酬報卽生生世世亦無以仰答

高厚除寄信德成額屬其實心實力整頓營伍並囑蘇崇阿勤慎

當差操練弓馬外竊維臣駑駘庸劣受

恩深重時懼愆尤恐負

覆載生成冰淵兢惕夙夜悚惶現在惟有上緊將餘孽搜捕淨盡

俟辦理完竣與額爾登保會商具奏肅清後臣卽遵

德壯果公年譜卷二十四

五

旨入京瞻觀

天顏叩謝

聖訓稍伸依戀微忱

十五日

諭曰昨據德楞泰奏稱田朝貴所追之賊湊合山內各零匪三百餘人又有苟朝九一起餘匪一百餘人會合已降旨諭令額爾登保德楞泰勒保查明具奏矣本日據勒保奏川省腹地如奉節雲陽開萬忠梁各州縣節次經官兵搜捕多有斬獲零匪以次肅清其川楚邊境田朝貴所追之苟朝九一起仍不過一二百人由太平城口向後坪黃墩一帶奔逃又曾芝秀王國賢餘

匪二百餘人竄入八臺山經官兵轟擊亦思奔竄後坪田朝貴

現在緊躡追剿至前由湖北房縣竄來之不知姓名賊匪二三

百人經豐紳張績等兩路迎擊該匪探知大甯巫山邊界均有

官兵未敢深入卽折回楚境現在巴東房縣老林潛匿等語是

昨日德楞泰所奏田朝貴所追之賊湊合各零匪三百餘人似

非山內另起竄出之賊或卽係大甯邊界仍折回楚省之三百

餘人一起均未可定現在勒保駐紮夔府如大甯邊界果添出

另起賊匪地方官豈不稟報總督是勒保所奏尙屬可信該處

既有此數起零匪無論自何處竄至總當督飭將領上緊搜除

此時德楞泰由太平自西而東勒保自東而西正可會合務將

德壯果公年譜卷二十四

六

該匪等迅速殄平先行肅清川境至大甯邊界賊匪三百餘人仍折竄入楚亦當不分畛域卽派鎮將隨賊所向緊躡窮追昨冬大功業經告竣所有三省未淨餘匪務須一律殄除德楞泰係成都將軍勒保係四川總督凡地方搜捕善後事宜尤其專責非經略額爾登保可比川省零匪一日不淨伊等一日不能卸責卽楚省餘匪一日不淨亦難保其不仍竄入川德楞泰將川境餘孽悉數蕩平彼時楚匪如尙未淨盡卽當移師幫同慶成等協力搜捕以期三省全行竣事至川陝楚三省零匪統計約有千人伊等節次奏報各路搜捕餘匪俱有斬獲而賊數總未見少可見前奏未盡確實嗣後每次奏到軍務情形均須細



核賊數除殲擒若干名外實在尚贖若干免致牽混如境內深山老林藏匿之賊復行竄出不妨於摺內據實聲明不必稍存諱飾卽如現獲王三槐之弟王三魁樊人傑之弟樊人貴該二犯久未露名今忽又竄出恐似此者尙復不少此等賊目有二未經殄淨其零夥必仍思潛往竄合總當悉數殲除勿留餘孽儻其中有自知悔罪棄械投誠卽果係頭目亦不妨予以生全寬其一死俾賊衆聞知相率來投更易蕙事

二十日

公奏言竊<sup>臣</sup>督兵向溫湯井前進沿途派兵搜捕適據副都統色爾滾總兵馬瑜稟報帶同副將馬應國參將馬文

德壯果公年譜卷二十四

七

斌遊擊楊登魁等由奉節之平泉一帶搜捕遇見零匪一起殲斃十一名生擒王三槐之堂弟王三魁及夥匪許忠第等共二十八名又據總兵田朝貴稟報連日帶兵追賊進至大平山內探知各號零匪先後合夥約三百餘人屯於寒溪河率領將備進擊斃賊三名生擒羅士俸等二十一名餘匪敗向濛濛溪柳家壩東奔官兵追至太平大甯開縣三交界之仰天窩等處又殲斃賊匪八名生擒十六名現在該逆東竄大甯之後坪一帶仍卽躡蹤追剿又接提督豐紳信稱派令遊擊晉之連在大甯搜捕探得香桂村地方藏有零匪官兵趕至萬古寺殺賊十餘名生擒一

名又跟追至石祿坪殺斃偽先鋒陳君賜及匪黨二十一  
名生擒五名又守備高星文等派往小坪溪搜捕該處有  
零匪五十餘人趕至楊柳池殺斃賊匪十六名生擒十四  
名又據副都統銜富登阿副將王兆夢等稟報跟追過江  
賊匪遊擊胡定泰在九龍寨截殺殲斃十餘名生擒七名  
該逆有東趨大甯之勢<sup>臣</sup>查各路所追之賊均屬零星殘  
孽總以老山奔竄爲藏身之窟已隨時飭令各路竭力剿  
除惟查太平大甯山內富登阿王兆夢與田朝貴等所追  
賊匪竄蹤相距不遠頃接額爾登保來信又飭令副都統  
格布舍副將張瑗等帶兵由陝楚邊界入川已至黃墩高

德壯果公年譜卷二十四

八

觀寺一帶襄沖阿亦在陝境北面之洋圈河防堵楊遇春  
又督兵在盤香河等處攔剿總兵劉瑞在大竹河堵截是  
西北兩面已有數路兵力堵剿該匪斷不能折陝但查東  
面大甯之湯家壩桐油壩東南面之新田壩加當灣兩路  
與楚界毗連路徑紛歧該匪業有東奔之勢<sup>臣</sup>隨卽知會  
豐紳帶兵由湯家壩桐油壩自東向西進剿並飛飭色爾  
滾馬瑜就近由核桃壩紅池壩進山取道加當灣新田壩  
截其東面均可與追兵前後夾擊至遊擊陳弼等於官勝  
寨打仗後所贖餘匪八九十人亦由開縣之謝家尖山壩  
進山東走該遊擊已跟蹤前追是山外零匪盡聚山內<sup>臣</sup>



現又分派富僧德滿尙佐副將馬元等帶兵由雲陽取道奉節之寶塔一帶前進確探山內賊蹤隨時截剿又頃據大甯文武稟報川楚界上羊頭地方有由房縣陰條嶺竄來賊匪三百餘名知總兵張績等帶兵前往追剿又折回原路東奔等情查該處邊界一帶巴東房縣均係老山箐林而總兵吉林泰李天林原在彼分段堵禦臣已飛飭吉林泰由巴東之火峰界嶺一帶自東南向西兜截令李天林由房縣之順水溪一帶自東北向西南轟擊總以逼賊入川爲要並函致吳熊光嚴飭該鎮等遵照辦理一面飭知在巫山一帶防堵之張績如該匪西來竟當任其深入

德壯果公年譜卷二十四

九

後再爲尾擊不可仍逼入楚再查陝省南山之賊已有兩起先後往南竄渡俱被陝境各路官兵追剿入川刻下南山內所贖零匪祇有百餘人不日即可掃淨其竄回房縣陰條嶺之賊雖據報有三百餘人究係敗殘游魂如該總兵等竭力逼剿過川則是陝楚兩省先可肅清而各股零匪均聚川東一帶山內額爾登保現在緊顧西北臣與勒保由東南截剿正可聚而殲旃也臣現在擬卽馳赴寶塔趕緊剿辦

諭曰現在各起零匪惟田朝貴所剿一起及由楚省房縣竄川復行折回一起均有三百餘人爲數較多前因德楞泰奏報田朝

貴所追之賊湊合山內各零匪有三百餘人與勒保前奏由楚竄至大甯邊界之三百餘人數適相符意謂卽係一起是以吳熊光奏到此起零匪自川折回興山當經諭令德楞泰查明或卽帶兵入楚或派鎮將先行赴楚協剿昨據額爾登保奏到其自川折回者竟屬另起今閱本日摺內所敘更爲明晰此時田朝貴所剿一起已東竄大甯一帶德楞泰正督兵東進當先將此起餘匪趕緊辦淨其折回楚省一起德楞泰遵照前旨先派一二得力鎮將帶兵赴楚協同楚省鎮將奮力搜擒德楞泰俟辦完大甯一起餘匪後如楚省一起尙未淨盡德楞泰仍當帶兵入楚就地搜除或該匪又復入川則如德楞泰所奏竟當任其深入再爲尾擊此等餘匪無論在楚入川總當不分畛域一律搜捕完竣勿致草率了事此時各處山林內或尙有餘匪竄出德楞泰當據實奏明上緊逼擊不可稍有回護粉飾

德壯果公年譜卷二十四

十

二十三日

諭曰本日據吳熊光奏稱巴東二塘埡地方突有自川竄至零匪一起冒爲探勇約有六七百人經官兵兜擊總兵李天林等猝受矛傷現飭孫應奉等由東相機扼截川省官兵業已追剿來楚正可兩面夾攻等語此起賊匪詭詐異常人數較衆多係四川聲口並有戴紅緯頂帽者其所執之旗與向日川省鄉勇旗號無異不似賊匪模樣看來並非新起之賊竟似鄉勇乘機作



亂較賊匪尤為可惡此等鄉勇朕早經慮及伊等不能安分守法節經降旨飭令各地方官妥為安插今果不出朕所料試思殘匪窮蹙已久豈能衣帽齊全且近日零匪遇見官兵即行逃竄從不敢上前攻撲若果係真賊李天林等豈竟不能辨識此時既在楚滋擾無論其從前隨營打仗得有軍功頂戴與否均當即以賊論嚴行勦辦至該匪等是否即係隨營鄉勇猝滋事端抑或地方官散遣時竟將應給伊等回家路費任意扣留以致激變抑係散歸後復行屯集均著詳細查明究係何處糾結鄉勇據實參奏不可掩飾現在楚省帶兵之員祇有孫應奉一人在歸巴一路攔截吉林泰呢瑪善等均在房保境內防堵慶

德壯果公年譜卷二十四

二

溥雖經吳熊光檄調會同協勦尚未來至房縣該處勦捕情形正關緊要若專恃孫應奉一人恐難得手德楞泰接奉此旨即著飛行帶領大兵馳往巴東一帶迎頭探擊不可稍存輕視務期將此起賊匪悉數殲盡勿得任其肆行猖獗其大甯太平等處未淨餘匪即著勒保督飭豐紳張績田朝貴等上緊勦除亦不可再有遲延至隨征官兵節據奏報撤回歸伍者不少此時川楚邊界向未能一律肅清自應酌留兵丁併力勦捕如官兵內有甫經裁撤起行計程相去不遠者仍著飛調回營聽候撥用儻正在擬撤而尚未起行者竟當即行停止總在德楞泰等相度機宜妥為籌辦

二十五日

公偕勒保奏言<sup>臣</sup>等十四日在寶塔地方會合探得太平山內苟朝九一起賊匪前由陝省南山潛合會芝秀王國賢股內餘匪仍分兩起一起百餘人向白水洞一路遁走一起二百餘人向明通井一路遁走<sup>臣</sup>等派令副都統色爾滾總兵馬瑜取道入山協同田朝貴勦辦茲據報十二日副將馬應國帶兵往搜至蜈蚣嶺老林內殺斃賊五名生擒頭必鐸陳郭氏等八名口又探得偏巖子有賊七八十人分竄色爾滾馬瑜等親帶兵勇往勦殺斃七人生擒龔文榜等十三名餘匪向老林藏匿又前次探報陝省南山續竄出零匪一起有入川之勢近據探報副都統格布舍追勦賊匪二百餘人在平利大小渝河接仗斬獲數十名餘匪分竄大甯所屬之百里荒新田壩等處似即係南山竄出第二起之賊又<sup>臣</sup>德楞泰接經略額爾登保信稱陝省南山內又轟出賊匪三四十人竄過漢江南岸洋溪河是陝省餘匪均已逼勦入川<sup>臣</sup>等復飛札副將羅聲皋一路官兵向前河一帶迎探截勦至官兵在川北川東各州縣搜捕零匪現據陸續稟報副都統銜達斯呼爾岱副將羅聲皋在南江廣元界三家壩搜獲賊匪二十四名參將唐際盛等在蘇家坡搜山斃賊二名生擒二名遊擊夏

德壯果公年譜卷二十四

三

將唐際盛等在蘇家坡搜山斃賊二名生擒二名遊擊夏



雲龍在黃柏廠地方斃賊三名搜獲一名遊擊張拱辰等在向家壩濫泥子一帶搜獲零匪五名殺賊四名均係川北地方此時已無賊匪又都司趙琴在梁山所屬謝家壩一帶搜捕殺賊三名生擒四名守備謝金章等在奉雲交界大壩地方斃賊一名生擒三名又武隆阿達自祥在貓兒洞將零匪六人盡行殺斃臣等伏查川陝未淨餘匪此時俱在太平大甯沿邊一帶山內豐紳張績兩路官兵扼住其竄楚之路賽冲阿在平利交界防勤格布舍在陝西茅壩一路跟追賊匪不能折竄楚陝色爾滾馬瑜等又已帶兵入山臣德楞泰由紅池壩一路繼進督辦復調羅聲德壯果公年譜卷二十四三

舉一路官兵由黃鐘堡取道迎截臣勒保亦取道東鄉三河前往策應計此數路官兵併力勦辦自可剋日掃除再據四川辦理團練各員稟稱近日有逃散賊夥蒲文周仕祿等九名赴縣投首均即遵照

恩旨免其治罪發交原籍地方取保安插臣等現又刻簡明告示四路分貼但能多散一人即可少殺一人以冀仰副

聖主好生之德

同日公借勒保又奏言臣等查奉節巫山大甯三處有各營寄留病傷調養雲貴二省弁兵共二百八十四員名均應陸續裁撤查有貴州思南營遊擊程元龍雲南武定營

守備陳廷標貴州臺拱營守備黃金榜三員現在俱應遣回原營所有雲貴二省撤回弁兵即交陳廷標等管帶仍飭程元龍統領以資彈壓至奉節巫山大甯所存防勇一千名有零臣等已飭該縣於二月內全數裁撤此項鄉勇均係本地有業可歸之人即交地方官妥為遣散各令歸業其隨征鄉勇籍隸本省者臣勒保業經查明情願歸農造冊存案俟零匪全清再行分別辦理此外尚有籍隸貴州之勇理應先行裁撤即照經略所定陝西裁撤隔省鄉勇之例每名賞銀三兩軍功頭人賞銀四兩現有應行遣回之參將褚大榮本係黔省營員即令將此項鄉勇照料

德壯果公年譜卷二十四

四

回籍再昨奉

諭旨飭令將由京派來之侍衛章京先行陸續遣回臣等遵查現在師行雲奉一路有黑龍江額外總管富僧額二等侍衛明喜等以及東三省官兵共七十八員名已繕給文牌即令富僧額明喜管帶在夔州登舟由水路至湖北起旱從河南直隸取道約計三月可以過京除造冊咨部外謹開具清單恭呈

御覽

諭曰昨因吳熊光奏巴東二塘壩地方突有自川竄至零匪一起當經諭令德楞泰飛速帶兵馳往探擊德楞泰接奉前旨自己



帶兵起身著卽迅速馳抵巴東將此起賊匪趕緊殲盡不可稍有遲緩至另片奏稱奉節巫山大甯尚存防勇一千名有零已於二月內全數裁撤此千餘人安得盡有生業或地方官將伊等路費扣留短發激之生變或裁撤後無業可歸復行屯聚竄楚滋事看來巴東一起賊匪竟係奉節等縣所撤鄉勇亦未可定按其地段人數時日均適符合著德楞泰勒保詳細密查此起竄匪是否卽係奉節等縣鄉勇其爲首者係屬何人如果係此起鄉勇卽應查明經理散遣時係何員承辦有無侵扣激變之處據實參奏勿稍諱飾再另片奏撤旋東三省官兵七十餘員名一節此時楚省零匪未淨尙資兵力東三省官兵素稱趨勇自應暫緩裁撤計此時不過甫經起程尙在川境德楞泰卽可檄令隨同赴楚如已行抵湖北業降旨吳熊光令其就近截留俟德楞泰到楚後再交帶領德楞泰一抵巴東卽將剿擊該匪情形馳奏以慰廑注

二十七日

諭曰據吳熊光奏到二塘埡等處賊匪節經官兵痛剿餘匪由歸州地方向西折竄並據獲賊供稱該匪等前在大甯巫山等處山內藏匿近與雲奉一帶股匪會合因四川官兵俱到川東是以逃往湖北現在尙有矛手四百餘人等語此股賊匪仍係川省零星散竄之賊與鄉勇無涉惟賊匪尙有四百餘人且狡詐

百出而現在楚省興房等處尙有陳姓股匪三百餘人往來折竄計兩處竄匪統計尙有七百餘人此時楚省帶兵大員未能力德楞泰仍當遵照前旨迅速赴楚與額爾登保派出鎮將南北夾擊能卽於楚境辦淨固屬甚善否亦將該匪逼回川境一面知會勒保帶兵圍剿以期迅速掃除再額爾登保在陝省邊界督剿零匪旬日未知曾否辦淨亦著一併具奏

閏二月初七日

公奏言竊臣兵次夔州接據副都統銜色爾滾馬瑜稟報所有在大甯剿敗零匪竄入老林與另起零匪合夥共有二百餘人經副將馬元等追至三星廟殺賊七名又據副

都統銜達斯呼爾岱副將羅聲皋稟報探聞黑包山老林有匪匪十數名入山搜剿殺賊六名生擒八名滾巖一名此起全數掃盡又據總兵田朝貴稟報連日跟追零匪在太平天臺山老林殲斃老教掌櫃田永祿僞先鋒楊勝祖及夥匪十三名生擒賊匪四十七名被擄難民二十一名當卽分別辦理所贖賊匪二百餘人鑽林分逃追至秋木坪接富都統銜富登阿副將王兆夢等知會跟追二次過江苟逆餘匪前來隨分兵合剿兩面夾擊殺斃賊匪十二名生擒十三名又據該鎮稟報守備張應錫軍功苟文耀等在三溪子圍剿零匪殺賊三名活擒十五名同知銜候



補通判劉星渠等在兩蕎壩老林搜殺賊匪一名活擒十  
六名此起賊匪並無一名漏網獲犯內訊出偽元帥張順  
一犯當有貴州官兵指為戕害總兵施縉之賊眾兵憤恨  
慟哭研訊時直認不諱田朝貴卽設施縉牌位率眾祭奠  
將張順鬻割以慰忠魂又據遊擊陳弼稟報在開縣之雪  
泡山殺賊十二名生擒九名又據副都統銜富登阿遊擊  
楊森涂陞等稟報在開縣之水田壩殺賊九名擒獲十八  
名餘匪有走東鄉之勢查此起零匪卽係馬元等所追之  
賊該員業已跟蹤追剿臣查各路所剿零匪狼狽已極無  
不鑽林越箐朝東暮西聚則一二百名散則數十名不等

德壯果公年譜卷二十四

七

故各路所追之賊忽聚忽散總無一定臣均已隨時飭催  
無論何起均當遇賊卽剿趕緊嚴事惟臣行至開縣據防  
堵巫山邊界總兵張績稟報有賊匪一起約五六百人由  
湖北巴東屬龍潭河竄向邱家灣一帶有人入川之勢當飭  
防堵參將傅廷佐不必迎截祇可尾追西來並派遊擊馬  
明德帶兵五百名前往策應詎該匪於十七日亥刻率眾  
攻撲傅廷佐營卡官兵開礮堵禦斃賊十數名直至黎明  
馬明德帶兵趕到賊甫向西奔逃傅廷佐馬明德帶兵追  
躡張績帶兵在水口一帶扼截二十一日午刻傅廷佐馬  
明德等尾追至奉節之栗子山殺賊十七名生擒黃之斌

等六名又追至土門子突有伏賊衝出馬明德猝中矛傷  
陣亡弁兵亦有傷亡者該總兵在水口聞報卽飛往救援  
殺賊二十餘名生擒王登貴等十一名賊遂翻山折回東  
竄訊據獲犯供此起係青號劉渣鬍子爲首在老林內與  
黃白藍各號零星湊合共有六百多人向來總在巴東興  
山歸州一帶山內今由界嶺過川卽在巫奉交界之板凳  
垭一帶遊奕等情是日又據湖北總兵李天林稟報正月  
三十日跟剿劉渣鬍子等夥匪五百餘人在巴東之二塘  
垭賊分兩路前後撲營竭力擊退員弁兵勇均有傷亡該  
總兵身受矛傷副都統銜總管都當阿副將孫應奉業已

德壯果公年譜卷二十四

六

帶兵前來併力跟剿等語查此起賊匪卽係現在張績等  
所剿之賊自應速爲翦除方無餘燼復熾之患臣當卽取  
道通城宵夜趨行向西前進旋又據巫山文武稟報另有  
一起賊匪百餘人由巴東之火峰界嶺西來與東折之賊  
合夥分爲兩起一走十八溪三溪河一走鴛鴦池琴樂坪  
均向東逃已近火峰界嶺等語查該匪等此時東折合併  
亦不過七百餘人馬騾數十匹其中湊合零匪固多而裹  
脅者諒亦不少臣現卽跟追入楚趕緊剿辦斷不令其深  
入

諭曰此次各路鎮將等搜剿餘匪均有斬獲現在川境零匪統計



共祇四五百人德楞泰當飭令鎮將等分投上緊殲捕務盡根株至摺內所稱張積稟報有賊匪一起約五六百人由湖北巴東向邱家灣一帶入川之勢等語此即前次吳熊光所奏巴東二塘垭一起竄匪已屢降諭旨令德楞泰帶兵赴楚督剿今業已督兵東進趕辦所見正與朕旨相合殊堪嘉尚本日據吳熊光奏到該匪經孫應奉等帶領兵勇追擊該匪遂由羅坪等處狂奔出境等語楚省兵力較少此次鎮將內祇有孫應奉等帶兵追擊尚能將該匪轟逼出境可見該匪無他伎倆德楞泰帶兵二千餘名是兵力幾三倍於賊無難剋日淨盡也至曾芝秀一犯聞其尚在奔竄該犯係著名首逆必當設法緝拏毋使漏網為要再各路官兵此時搜剿餘匪或尚有需調派德楞泰當酌量留營不必速議撤回

德壯果公年譜卷二十四 九

十五日  
公奏言竊臣在巫山途次探報賊匪已竄至巴東有走陳家坡馬寨東奔之勢查陳家坡馬寨等處東走係平陽壩饒鈹頂與歸州連界向北係老山內之鋸鋸嶺長峰堆子等處隨飛飭副都統銜都當阿副將孫應奉等帶兵在於平陽壩饒鈹頂一帶先扼其東竄之路因查巫山之八石坪路通房縣之陰條嶺大九湖小九湖紅巖一帶老山可以繞至巴東北面之長峰堆子等處雖林箐深密道路艱

險稍為修開馬騾尚可行走且可搜捕楚境山內餘孽當即改道前進現在劉渣鬍子等夥聚之賊探有七百餘人竄相思嶺烏雲頂等處仍係川楚交界老山緣前月二十八日起至今淫雨未止山中積雪未消道路險窄滑濫若大兵一路尾追前進設或旁竄東回或又北避勢所必有是以臣酌派藍翎千總周應龍冉玉龍及新勇軍功等選出各營精壯兵勇二百名帶同屢次投出效力新勇數十名或藍白布包頭或草帽藍帽扮作教匪給與執照令其由相思嶺水洞坪尾躡或與賊匪合夥俟官兵抄截時即為內應或乘夜潛襲痛剿或多燒號火遙為大兵追剿之勢總以遏其東折為要相幾而行仍令逐日專差一人遞報賊情督兵取道龍洞河巖屋坪自東北向西旁抄如截逼回川深人雲開山外一帶稍得地勢不過一戰再戰當可掃除

德壯果公年譜卷二十四 三

諭曰閱摺內所敘情節祇係探明逆蹤設法抄擊尚未與賊接仗似此因循日久轉瞬即交夏令又復藉詞暑雨載途難於搜剿而麥收以後賊匪等又得到處掠食苟延殘喘勢必別滋裹脅聚而益多更復成何事體況此時烏合竄匪原無著名首惡但亦必有起意糾聚之人在內為首設稍予以暇則匪黨漸多積久又成著名賊首即如此次吳熊光奏到該匪等在二塘垭滋



事以來已閱兩旬官兵尚在部署進剿而賊內已有劉渣鬍子楊大刀等爲首名目現又不知裏脅幾何是以德楞泰前奏稱此起賊匪五百餘人本日摺內已稱有七百餘人可見賊數業已增多尙恐所報未必盡實不止此數現在各路零匪以此股爲最多德楞泰布置停當卽當親身帶兵迅速抄擊趕緊剿盡不可專委之鎮將致有遲滯如此股辦淨卽用六百里馳報以慰廬懷至吉林泰等追剿之賊約有二三百人此起諒卽係陳在爲首前吳熊光奏稱酌調總兵慶溥前往協剿現在該鎮會白到彼摺內未見提及亦著德楞泰嚴飭該處帶兵之員將保康境內東竄零匪一律肅清不得再有延緩此時搜捕事宜關休緊要所有各路征防官兵尙資堵剿不必驟行議撤卽三省餘匪悉數淨盡亦不妨多留數月於險要處所藉資彈壓一切軍火糧餉均得就地支應亦可供輾轉馱載逐站供運之費至和思嶺烏雲頂等處爲賊往來奔竄之路德楞泰選出各營精壯兵勇改裝扮作教匪前往探聽相機內應所見亦是惟摺內稱現督兵勇取道龍洞河一帶將該匪由東北截逼回川不過一戰再戰當可掃除等語果能於一兩仗迅速集事固所深願德楞泰當勉益加勉勿徒以空言鋪敘致稽時日也

二十一日

公奏言臣移營向龍洞河巖屋坪前進途次接據前派之

德壯果公年譜卷二十四

三

藍翎千總周應龍冉玉龍等稟報帶領兵勇假扮教匪由相思嶺躡蹤西行初六日翻過烏雲頂老林至忠感寺地方有男婦老幼紛紛逃難詢係忠感寺寨上百姓因賊匪已將附近之老鴉寨攻破現在寨內並寨外房屋屯紮探馬已到忠感寺就來破寨周應龍等當卽示以護牌令難民回寨並進寨代爲保守查明忠感寺寨在賊之南十五里烏雲頂老林內有小路一條直通賊之東面後山頂鑿蓋窩等處臣當令各營將鍋帳什物輕減卽改道由烏雲頂前進山高二十餘里徑窄箐密橫木滿道至山頂時風雪交作頃刻凍死夫役二十餘名跌斃馬騾數十匹酉刻趕抵賊後之蔥坪距賊屯三十餘里中間尙有老林數里所喜雨霧瀾漫該逆毫無知覺四更時派總兵馬瑜副將張應貴參將虎正林遊擊楊森賀廷印涂陞會壽等帶兵勇由老林小路直至老鴉寨後山頂鑿蓋窩自上下壓派副都統富僧德副都統銜色爾滾富登阿等帶馬隊由南面溝底抄出賊前兜截臣督率總兵蒲尙佐及副將銜沈洪參將郭文魁遊擊張紹緒劉廷斌慶昌等帶兵勇由高坪大路旁抄緣該處北面盡屬懸巖其西則入川之當陽河連日淫雨溪水泛漲勢難躡過初十日黎明馬瑜等由鑿蓋窩山頂衝下吶喊攻撲賊衆於睡夢中驚慌潰亂趁

德壯果公年譜卷二十四

三



勢搶進剿殺生擒熊富等二十一名戮斃三十餘名其餘棄寨而逃臣督率蒲尚佐等自高坪進發兵勇將屯住寨外房內之賊圍剿賊眾拚死我兵突出槍箭並發殺賊二十餘名生擒十六名追至下高坪時老鴉寨內賊匪被剿亦由高坪西奔當陽河兩路官兵趕追沿途又殺賊二十餘名生擒三十七名賊至河壩又值富僧德色爾滾富登阿等帶馬隊由溝底衝出截殺生擒四十二名戮斃四五十名三路官兵旁抄尾擊槍箭如雨河內水勢洶湧無路可逃賊眾被剿情急皆拚命撲河為槍箭所傷並被水淹斃漂沒者不下二百人過河之賊約賸不過二百多人臣

德化縣志卷二十四

三

遂令馬隊擇至下流水勢稍緩處所洶渡復令步隊兵勇拽馬尾蟬聯而過者數百人直追至安石礮地方又斃賊二十餘名生擒七名因雨勢愈大兵馬已趕行兩日一夜當即查訊劉查鬍子下落據獲賊供稱該逆等帶了一百五六十人翻螞蝗山向巫山八石坪而去臣即酌派參將馬文斌等挑出趨健兵勇五百名緊跟追剿隨又派富僧德蒲尚佐等帶馬步兵勇接續前進此內有五六百人奔礮石溪大梁向西北大甯之黃草坪遁逃派遊擊余陞等帶兵勇四百名即往追捕此次共計擒獲活賊一百二十三名搶獲馬騾七十九匹頭刀矛旗幟甚多獲犯內訊出

偽先鋒熊富一名係熊翠胞兄又臣親見一兵扭抱一賊滾跌下巖當令查詢旋據額外外委張廷彪繳來花翎紅頂冬帽一頂首級一顆訊之各獲犯僉稱係黃號偽先鋒陳大貴又訊熊富供該犯先在徐添德營內充當戰手後又與樊人傑合營做過總兵這幾年屢次被官兵打散祇賸了六七十箇人走到巫山三匯鋪地方遇有青號先鋒劉渣鬍子並黃號的先鋒陳大貴就合營同回湖北要往房縣竹山一帶探得川兵由陰條嶺大小九湖老山裏抄出又轉走烏雲頂把老鴉寨破了原想再破幾寨不想官兵趁大雨大霧裏殺來劉渣鬍子先就跑了我被擊獲這

德化縣志卷二十四

三

首級就是黃號先鋒陳大貴的等語除熊富等三名斃割外獲犯內訊出王春等四十二名均係戰手老賊一概正法其餘難民即照例省釋查此三起零匪合夥共有六七百人茲已剿除大半所賸餘孽不過二百多人勢已狼狽現聞該匪於十一日在通城合夥北竄兩路官兵亦已併合緊躡賊蹤臣現又飛飭豐神即當確探迎截又查楚境如巴東興山房縣竹山竹谿等屬老山內外現在實已肅清好即總兵吉林泰東追賊匪二三百名兵力亦厚又有慶成併力協剿諒亦易於殲除現據大甯縣稟報總兵田朝貴等迎剿過江之賊在太平大甯山內與各號零匪合夥



共有二三百人初八日已至奉節之鹹水壩一帶出山東竄之勢臣兵既在東當取道大甯一路探蹤迎剿仍可兼顧富僧德滿尙佐等所追之賊再查巫山與大甯界連二百餘里賊匪蹤迹飄忽朝東暮西分防無濟於事不若隨征剿捕似爲有用現據撤出張績所帶防堵之四川兵勇七百餘名撥交豐紳管帶入山搜剿其所帶雲貴兵七百餘名臣調赴來營隨同協剿

諭曰劉渣鬍子一起竄匪在老鴉寨屯紮德楞泰卽令官兵將鍋帳什物輕減改道前進於深林密箐中行走雨雪交作各路官兵俱冒雨涉潦而行始能攻撲賊巢擒獲數十名該匪棄寨奔

德壯果公年譜卷二十四

五

逃復經官兵分投追剿擒獲二百餘人賊衆拚命撲河漂沒淹斃又不下二百人所辦甚屬可嘉德楞泰著交部議敘仍賞給白玉吉祥如意牌綠玉帶頭白玉喜字搬指黃辨大小荷包外委孫廷彪生擒僞先鋒陳大貴被該犯拔刀戳傷該外委用手揪扭將該犯殺斃殊爲奮勇著加恩賞戴藍翎茲發去瑤瑯翎管十箇磁搬指十箇牙籤套五箇著分賞此次出力員弁又一兩重銀牌一百面五錢重銀牌一百面分賞此次出力兵勇以示鼓勵現在劉渣鬍子一起餘匪百餘人分向巫山大甯遁逃德楞泰已派將弁並親自帶兵分路跟追自可卽日掃淨惟楚省尙有陳姓竄匪一起據稱吉林泰現在跟追兵力亦厚又有

慶成併力協剿等語但慶成現在腿被壓傷吉林泰帶兵不能得力恐皆不足深恃德楞泰當派一二得力大員前往幫同搜捕德楞泰俟劉渣鬍子一股辦竣後再幫同額爾登保將陝省竄川及川境山內各零匪一律剿除淨盡方爲不負委任又據奏撤出雲貴兵七百餘名現因川省零匪未淨暫留搜捕等語自應如此辦理

二十五日

公奏言臣剿辦青號劉渣鬍子股匪督兵西進疊據富僧德滿尙佐馬文斌等稟報該逆被剿祇贖二百五六十人馬二十餘匹乘夜北逃日行一百六七十里十一日卽竄

德壯果公年譜卷二十四

五

至大甯之石家溝屯紮十三日黎明被官兵趕上尾擊殺賊十二名生擒五名遂向下古坪而逃十三日探得賊至四人頭分爲兩起一走羊頭老林一向磨刀溪官兵分投追趕馬文斌帶兵進羊頭老林內剿殺尾賊十六名生擒九名該逆逃至白果園合夥又竄往左家山楊柳池老林我兵追上賊尾殺賊十七名生擒六名訊據供稱賊匪因官兵急追不能擄掠連日將所贖騾馬宰殺燒割充飢沿途逃散不少現在不過一百六七十人騾馬全無手中多無器械說要鑽進大甯太平老山躲避等語查賊匪現竄之楊柳池中通竹山之順水溪左通黎子坪張公橋右通



大甯之雙橋子大小禾田小溪均係懸巖小道馬不能行  
 馬文斌余陞等分帶奮勇步隊緊躡賊蹤富僧德蒲尙佐  
 等帶兵抄出竹山之黎子坪扼住楚界兜剿又接豐紳來  
 信督同遊擊陳龍驤晉之連傳廷標等挑帶兵勇八百餘  
 名自徐家壩分路由後坪雙橋子神虎坪九龍頭探蹤迎  
 剿等情查此起賊匪祇贖百數十人其勢實已窮蹙惟因  
 老山艱險連日陰雨未能掃除殊為憤憾又據副將馬元  
 遊擊劉彪稟報連日在大甯趕追曾芝秀一股餘匪至梯  
 子溝探得祇有七八十人適值辦理團練之縣丞楊沛雲  
 帶領團勇三百餘名前來搜捕探知賊匪在乾溝一帶恐

德壯果公年譜卷二十四

老

其北竄因即扼據險隘馬元督兵趕到將近賊巢擊獲賊  
 匪王國儒訊稱曾元帥在內兵勇聞知無不踴躍爭先時  
 有一持大刀賊匪率領三四十人舞刀壓下砍折兵勇矛  
 桿七八根陣亡兵勇六名藍翎守備周志林見其兇悍愈  
 加痛恨帶領兵勇搶上兵丁吳國棟鄉勇湯貴不避鋒鏑  
 奮力衝入又有鄉勇李世魁陳良才王支連等蜂擁前進  
 周志林吳國棟湯貴首先刺倒持大刀之賊兵丁張福帥  
 貴鄉勇楊昌太朱文俸等又將執紅旗之賊戮斃殺賊十  
 餘名生擒十六名訊據獲犯僉稱持大刀之人係元帥曾  
 芝秀左額有黑痣兩手指極長可以辨驗執紅旗之賊係

大旗手張打撈當即割取首級驗明均與眾供無異因離  
 營太遠將活賊十七名並曾芝秀首級及手兩隻送交開  
 縣訊明轉解稟報現仍分兵徧搜零匪由謝家壩探剿東  
 來各等情臣查曾芝秀最為著名首逆蹂躪陝甘川楚之  
 間已經數年去夏臣追剿樊人傑及該逆等至平口河時  
 值水漲該逆被剿無路撲河衝去旋經兵勇搜獲逸匪楊  
 本明姚文俸二名一供與曾芝秀衝下淺灘同得上岸分  
 逃一供未見臣以疑信難憑當經

奏明在案距該逆惡貫滿盈神人共憤茲得以仰仗

天威殲除盡絕亦足洩眾忿而快人心前據開縣訊驗明確轉解

德壯果公年譜卷二十四

天

來營臣已覆查無異頃接馬元等稟報打仗情形其首先  
 出力之人實為奮勇可嘉查賞格內殲斃首逆曾芝秀者  
 給銀一千兩現在賊勢衰殘如仍照前陞賞未免過優守  
 備周志林原戴藍翎應懇  
 天恩賞戴花翎新兵吳國棟鄉勇湯貴酌賞銀二百兩外應懇  
 恩均賞戴藍翎以千總把總即用其餘幫同剿殺之兵勇李世魁  
 等七名亦酌賞銀二百兩以示鼓勵又查太平山內總兵  
 田朝貴所追湊聚零匪三百餘人陸續雖有斬擒總未盡  
 絕根株茲聞該逆出山東遁又被田朝貴由分水嶺抄出  
 尖山壩截向西逃是又奔向東開山內查馬元殲斃曾芝



秀後分兵搜捕零匪已帶兵出山由南垵場東南而來正可探迎此股賊匪截勦臣現又飛飭馬元等即協同田朝貴等相機辦理又遵查二塘垵地方零匪一起臣前據防堵巫山之總兵張績稟報遊擊馬明德追至土門子遇伏陣亡弁兵內亦有傷亡者經張績帶兵往援賊隨翻山東竄訊據獲犯係青號劉渣鬍子爲首與黃白藍各號零匪湊合之賊據此供詞其非鄉勇已可概見又據總兵李天林稟報亦稱係川省餘賊劉渣鬍子爲首臣於川楚界上沿途查訊均稱該逆所用衣帽旗號一如官兵每過洞寨之時自稱鄉勇各洞寨疑信相半直至初十日臣兵至巴

德壯果公年譜卷二十四

三

巫交界之老鴉寨高坪痛勦時獲其僞先鋒熊富始據供稱假充官兵屬實臣思鄉勇一項遣散者不下萬人即或實有滋事之徒惟當照賊一律勦辦而二塘垵滋事實非鄉勇若以謠言過於聲張反恐起其疑畏吳熊光前據將領稟報哨探未確總之此時無論賊匪未淨以及鄉勇不法皆屬臣等應辦之事惟當隨宜督辦不敢疎懈

諭曰劉渣鬍子一起竄匪前經德楞泰督兵痛勦祇贖二百餘人此次復派令鎮將分投緊躡兜勦現在不過一百餘人覓路狂奔看來賊勢已極窮蹙現有富僧德等兩路官兵奮勇兜追又有豐紳派出之遊擊陳龍驤等所帶兵勇自西而來兩面夾擊

自可即日洗淨至曾芝秀餘匪先經馬元劉彪追至梯子溝適遇辦理團練之縣丞楊沛雲帶有團勇扼住馬元等兵勇趕到該犯舞刀壓下經守備周志林帶領兵勇搶上山梁兵丁吳國棟鄉勇湯貴奮力衝入兵勇李世魁等蜂擁前進周志林吳國棟湯貴首先將該犯刺倒兵丁張福等又將執旗賊目戮斃德楞泰查驗曾芝秀首級屬實副將馬元遊擊劉彪均著咨部議敘縣丞楊沛雲著以知縣即用藍翎守備周志林著照所請賞換花翎外仍加恩賞給都司職銜先換頂戴遇缺補用兵丁吳國棟鄉勇湯貴著照所請賞戴藍翎以千總把總即用除業經賞銀二百兩外仍再加賞銀二百兩其幫同勦殺之兵勇李世

德壯果公年譜卷二十四

三

魁等七名業經賞銀二百兩亦著再加賞銀二百兩分給祇領以示獎勵現在著名首逆俱已殲淨惟齊國典一名亦係著名之賊諒無難探蹤弋獲此時田朝貴所追零匪奔向東開山內人數較多德楞泰將劉渣鬍子一起趕緊辦完後即當親帶大兵督飭田朝貴等將東開山內餘匪剋期搜盡又據奏查明巴東二塘垵賊匪假扮官兵並非鄉勇此股賊匪冒充鄉勇前吳熊光據糧員稟報率行入奏原屬冒昧旋亦查明據實奏聞茲德楞泰已將此股賊匪殲擒殆盡查問得實其所論賊匪中即有鄉勇附入總當照賊辦理若過於聲張反恐致其疑畏等語所見甚是與朕前降諭旨相合鄉勇遣散之後原難保其盡能



安靜守法如有一二不安本分之徒但當就案辦理不必追問其會充鄉約與否將來搜捕全竣不妨於會奏嚴功後酌留兵數千名分地駐劄以資彈壓俟地方情形實在甯謐再全行凱撤方爲妥善

二十八日

公奏言劉渣鬍子北竄大甯楊柳池之後臣於十一日又接富僧德等稟報官兵追賊至彼馬不能進參將馬文斌等分帶步兵勇緊躡賊蹤富僧德蒲尙佐等帶領馬步兵勇抄出竹山之黎子坪扼截該逆竄至老木孔又與另起零匪六七十人合夥富僧德等趕上賊尾殺賊十一名

德壯果公年譜卷二十四

三

生擒五名該逆等分爲三起一起百餘人翻山向張公橋黎子坪北遁一起五六十人折回巫山西走大昌之龍湊子一起八九十人西走大甯之香沖向加當灣老山而遁訊得黎子坪北竄賊匪卽係劉渣鬍子當令參將馬文斌藍翎千總周應龍冉玉龍仍帶前次挑出假扮教匪之兵勇二百名跟蹤尾追其西走香沖之賊被豐紳督兵在冷風槽厚朴山剿殺殲賊五名生擒三名又派遊擊傅廷標帶兵六百名追剿其折回龍湊子五六十人派副都統銜富登阿副將馬應國參將虎正林等帶兵勇五百名前往剿捕所有翻山北竄之賊參將馬文斌等緊躡前進十五

日夜探得該逆屯於竹山之漆樹梁老梁等處馬文斌等帶兵先往富僧德等帶同副將銜沈洪遊擊余陞協領穆騰額等率領馬步兵勇漏夜進發山徑崎嶇黎明始抵該處遙見山梁有一人望哨藍翎軍功胡超隻身由老林無路處先行繞上立將該匪擒獲詢問賊情據稱元帥同三四十人歇在垭口頭一所房子裏還有四五十人在前頭屋裏等語當將該犯殺斃胡超暗招兵勇上山齊撲入賊巢所有屋外之賊聞聲逃逸富僧德等率同兵勇疾追其房內之賊一聞官兵撲捕奔上山坡馬文斌帶領藍翎千總周應龍冉玉龍率前隊兵勇二百名追趕殺賊八名

德壯果公年譜卷二十四

三

生擒六名胡超見有一賊身穿青緞羊皮馬褂細袍在彼行走另有一賊回頭喊叫劉元帥快走上山胡超知是首逆疾追六七里刺傷其腿該逆猶復力鬪鄉勇胡貴羅正剛趕上幫同刺倒割其首級復又將叫喊之賊魏習惠生擒其富僧德等追賊至屏風寨老林沿途殺賊十二名生擒十名賊衆奔上山梁恃險抗拒推下亂石如雨兵勇冒石仰攻兵丁張普鄉勇何大朝將一督陣之賊首先用矛戳斃又殺賊四名生擒九名滾巖跌斃者十餘人餘賊四散分逃祇贖三十餘人適豐紳亦派來遊擊晉之連帶兵三百名跟追已由向家壩入川臣現又嚴飭各路官兵竭



力趕辦訊據獲犯魏習惠等供稱劉渣鬍子係東鄉人元  
年同徐添德起事係劉學書胞弟名叫劉學禮那一箇督  
陣的是劉總兵係老藍號管事頭目在老木孔合夥等語  
查此起夥聚賊匪自川入楚復又由楚痛剿回川連旬陰  
雨該兵勇等不憚艱苦疊次斬擒殲斃首犯似應量予獎  
賞所有戮傷首逆劉渣鬍子之藍翎鄉勇胡超除賞銀一  
百兩外懇

恩賞以千總卽用幫同戮斃之鄉勇胡貴一名懇

恩賞戴藍翎羅正剛一名懇

恩賞給七品軍功頂戴以上二名共賞銀一百兩其殺斃偽總兵

劉姓之兵丁張普懇

恩賞戴藍翎鄉勇何大朝懇

恩賞給七品軍功頂戴每名仍賞銀二十兩千總周應龍冉玉龍

各賞給銀牌一面其所帶兵勇二百名每名各賞銀一兩

用示鼓勵又探得總兵田朝貴在東開一帶所追之賊現

又遁入大甯山內紅池壩土地壩一帶遊奕副將馬元與

遊擊劉彪帶領兵勇由核桃壩進山與田朝貴併力勦辦

馬元沿途搜捕在雲陽之螺絲巖殺賊三名生擒二名查

刻下傳廷標所追之賊現在西竄與田朝貴所追之賊相

距甚近而東面加當灣之賊諒亦就近合夥臣飛飭田朝

貴馬元傳廷標陳龍驤等務各竭力趕緊勦辦迅卽掃除

淨盡

諭曰此次劉渣鬍子等與另起零匪合夥各將領兵勇均能不憚  
艱苦冒雨前進攻破賊巢擒獲首逆殊爲出力除業經賞給銀  
牌銀兩外所有奮勇打仗之副都統富僧德參將馬文斌千總  
周應龍冉玉龍俱著交部議敘其戮傷首逆劉渣鬍子之藍翎  
軍功胡超鄉勇胡貴羅正剛及殺斃偽總兵劉姓之兵丁張普  
鄉勇何大朝等均著照所請加恩用示獎勵此時劉逆餘匪及  
分起逃竄之賊俱有鎮將督兵追緝德楞泰自應嚴飭各路上  
緊搜除著名首逆雖疊經殲盡尙有齊國典一犯安知此外不  
有未經著名之人卽如吳熊光奏劉逆一起內尙有楊大刀名  
目此次摺內未經提及是否實有此人抑係尙在逃竄務須查  
明下落上緊擒獲以絕根株

三月初九日

公奏言竊臣前派富登阿馬應國追剿宋逆餘匪據報由

楊溪河向龍湊子帶兵前進行至大堰塘探得該逆五六

十人現在張家背巴霧河一帶卽分兵三路趕抵該處乘

霧衝殺立斃賊十餘名生擒八名撲河淹斃者十數名尙

有過河餘匪三十餘名向牯牛窰東奔有折竄楚界之勢

又據總兵田朝貴稟報分派遊擊薛陞守備張應錫等各



帶兵勇追剿苟朝九賊匪張應錫等兵至簸箕園探有零匪屯於八百溪老林帶兵圍剿殺斃賊二名生擒十四名遊擊薛陞等探得分竄賊匪五六十人由遮羅盤而來亦帶兵迎剿殺賊二名餘匪向西北官棚子十二垵遁去訊據獲犯供稱係黃號王國賢曾芝秀餘匪查出偽先鋒陳正明偽總兵羅朝興二名戰手姜勝等八名當即分別正法又據該鎮稟報該逆先分二起奔竄近又在圍城合夥共有三百餘人向大垵口南遁現仍緊躡追剿又據富僧德蒲尙佐等稟報帶兵進山分路由安栗壩後溪河而進探得遊擊傅廷標所剿劉渣鬍子賊匪百餘人由大甯紅

德壯與公全譜卷二十四

三

池壩東南奔竄二十五日屯於吳家壩富僧德等乘霧進剿殺賊十餘名獲賊六名賊向鹹水壩奔逃現在帶兵截剿又據副將馬元遊擊劉彪稟報有劉渣鬍子餘匪百餘人在龍池壩山梁屯住馬元等帶兵進攻斃賊十數名生擒五名拋棄竹桿長矛五十餘根餘匪翻山遁去其田朝貴所追苟朝九等賊匪三百餘人總在大甯開縣太平三屬老山之中朝東暮西官兵竭力剿捕擒斬無幾前飭副將馬元遊擊劉彪等帶兵入山協同剿辦茲馬元等於剿捕龍池壩餘匪後業已往田朝貴處會合剿辦其富僧德等尾追劉逆餘孽臣又飭令趕緊窮追務期掃盡又有參

將祝廷彪截剿由陝入川之苟朝閣餘匪百餘人尙在川陝交界之黃安壩大垵口一帶老林奔逃聞副將張琰亦已帶兵前往會同剿辦計三起零匪不過五六百名富僧德田朝貴馬元張琰祝廷彪等數路兵勇不下五千餘名自必易於集事臣於適中之寶塔一帶為各路策應可以隨時兼顧又在經略額爾登保來信副將羅聲皋遊擊陳弼所追之賊先後與由陝入川之賊合夥珠批合計尙有一千五百餘人共有六七百名向通江之龍鳳垵改桑垵西奔恐其又復竄陝額爾登保已由太平取道通江督飭剿辦此時兵合賊聚惟期早為廓清不致稽延鬆勁

德壯與公全譜卷二十四

三

諭曰此次田朝貴富僧德等分剿各起零匪斬獲不過數名至十數名不等並未痛加殲戮剿除一股而合計三省零匪為數尙有一千五百餘人前此奏報蔽功時祇稱各處零匪不過千餘節次殲擒已復不少何以賊數轉增可見前奏未盡確實而後起之賊諒亦不少前日提督穆克登布參將張明德等突遇伏賊衝出中矛陣亡而本日摺內又稱拋棄竹桿長矛甚多該匪等尙敢設伏戕害大員器械又俱齊備則伊等所稱賊勢窮蹙之語亦未可信現在兵力較之賊數相懸不啻十倍豈尙不敷剿辦看來額爾登保德楞泰等自馳遞黃摺之後俱不免以殘敗餘匪意存輕視而各路帶兵之員亦俱鬆懈以致久未蕩事

一五 丁十一 子 貴參日 卷二十四 9 三



延玩之極額爾登保德楞泰均著傳旨申飭試思去冬大功告  
成宣布中外自蒙古藩部以及新疆外域均已同深慶幸本年  
秋間朕巡幸木蘭萬一遲至彼時蒙古王公俱來瞻覲仍復軍  
書旁午籌筆靡甯汝等有何顏面成何事體乎如能將各匪悉  
數殄除俾地方早就甯輯朕仍當加以懋賞儻竟心存自滿謂  
朕恩無可復加不思迅勉蕲事則予奪之權操之在朕彼時必  
將伊二人加之嚴譴而經略參贊既經懲治其餘各將領更難  
曲全矣至苟朝九一犯係首逆苟文明之子必當搜拏務獲勿  
使漏網

初十日

德壯果公年譜卷二十四

七

密諭曰額爾登保奏通籌現在三省情形一摺內稱搜捕事宜必  
須與善後一同辦理如築城設營既可制賊奔逃並各處裁撤  
鄉勇以及充當夫役之人又可以工代賑收養此項游民俟秋  
間工程告竣兵民有以自衛數月之間即可將零匪搜盡等語  
種種紕繆此必係輕聽浮言率爲此奏伊身任經略不思上緊  
討賊乃干預地方事務實負委任因思德楞泰帶兵剿賊以來  
從無此議論此次額爾登保所奏並未稱與德楞泰會商可見  
意見不同但此等迂謬之言亦斷非額爾登保意見或竟係督  
撫及不肖地方官因軍需不能報銷冀得藉詞延宕懇懇入奏  
著德楞泰留心密訪此事究係何人主見並該經略平日愛聽

何人之語一併據實奏聞不可稍有諱飾至現在搜捕零匪是  
否尚有礙難辦理之處或額爾登保所奏未能詳悉德楞泰身  
歷戎行確有所見亦著據實陳明候旨遵辦

十九日

公奏言竊臣據田朝貴稟報該鎮由開縣之圍城跟追苟  
朝九等賊匪該匪向大灣黃柏棚一帶奔逃當經督兵齊  
進二十六日趕至該處圍剿殺賊六名生擒二十二名查  
係黃白藍三號餘匪並無頭目在內該匪旋逃向開縣之  
滿月槽細沙溪一帶官兵追躡進攻殺賊八名生擒十名  
直至雞鳴寺又擒斬賊匪二十餘名現在該逆分爲三起

德壯果公年譜卷二十四

七

一起一百二十三人由滿月槽乾溪逃竄一起七八十八  
走大塘口熊坂磴一起三十餘名走火山新開場均卽帶  
兵分投趕追又差赴楚境哨探有賊匪一起一百三十餘  
人由房縣水田坪笑天龍兩處分竄均至竹山之南坪地  
方有合夥之勢卽係總兵吉林泰等所追之賊查現在祇  
有都司左位等帶兵二百名跟追賊衆兵單當卽飭派遊  
擊王國輔陳龍驤等帶兵勇五百名前往協剿其劉渣鬚  
子餘孽據富僧德蒲尙佐稟報在黃草坪花巖子趕上又  
殺賊十七名生擒十二名滾巖者數名餘匪六七十人四  
散分逃又王國賢餘匪據參將虎正林守備謝金章等稟



報在茅嶺老山被寨民陳國才等殺斃九名生擒七名滾  
巖跌死三名祇脫逃二名又差赴開太一帶哨探有由楠  
木窰竄來賊匪百餘人南垵場竄來賊匪八九十人譚家  
壩竄來賊匪四十多人三起合夥共約二百數十名均有  
東趨之勢等語旋接額爾登保來信知穆克登布在亮壩  
子陣亡此股賊匪係苟文明宋應伏等遺孽前經在南山  
奔竄狡獪異常近又戕害大員實堪髮指茲既東來必需  
併力趕緊掃除庶可以洩眾憤現經勒保添派都司趙琴  
帶兵勇五百餘名與田朝貴等合兵迎擊總共兵數不下  
二千足敷剿辦是以臣又飛飭馬元仍協同田朝貴搜捕

德壯果公年譜卷二十四

五

自可得手至東北一帶近額爾登保來信副都統銜達斯  
呼爾岱所追川陝合夥之賊祇有四百餘人有欲走太平  
八臺山之語該逆如果東來臣即當親帶官兵迎截與達  
斯呼爾岱等兩面夾擊以期一鼓集事頃又接豐紳來信  
苟朝閣餘匪一百餘人有南奔入楚之勢現在楊遇春已  
督同副將張瑗參將祝廷彪等跟蹤追躡至川北一帶零  
匪更屬無幾亦有總兵達自祥臬司劉清等勦撫兼施諒  
均可即日淨盡

諭曰此次各路鎮將等沿途均有斬獲自二三十名至三四十名  
不等統計亦有一百數十人但閱摺內所敘各處零匪統計仍

不下一千二百人並未稍有減少不解何故德楞泰當嚴飭  
帶兵鎮將等各加奮勉上緊躡務於四月內一律辦盡德楞  
泰受恩最重謀勇俱優不可不勉之又勉至各處賊數前次屢  
經降旨諭令查明確實具奏雖該匪等四散竄匿固不能按名  
而稽但據各路稟報亦不難約略查明得有總數何以摺內迄  
未將總數敘明此後每次奏報總應將實在賊數聲敘毋得含  
糊了事至所稱苟文明宋應伏等遺孽戕害穆克登布後又向  
東逃必須先為併力趕緊掃除等語所見甚是提督大員帶兵  
搜捕必非一二人所能戕害德楞泰當逐一究出動手戕害穆  
克登布之犯共有幾名審明後於軍營懲割剖心安設穆克登  
布靈位致祭並擇賊之壯健剽悍受傷較輕者一二名解京在  
伊家墳營寸磔俾眾共知以抒公憤而慰忠魂

德壯果公年譜卷二十四

四

二十日

諭曰各路搜捕零匪日久未能竣事朕宵旰焦慮盼望奏報肅清  
乃數月以來賊數仍未減少昨據德楞泰奏到各路擒斬賊匪  
尚有一百數十名而額爾登保自初十日奏報後距今已閱一  
旬本日摺內所敘各路殲擒之賊祇有一二十名試思每隔旬  
餘奏報一次不過以斃賊無多敷衍聲敘似此日復一日究於  
何時始能辦淨即如戕害穆克登布一股賊匪祇有八十餘人  
即合之另股餘匪三十餘人亦屬無幾乃自李廷珍帶兵追捕



以來又有勒保所派之陳弼幫同探剿而德楞泰昨奏亦已飭令馬元確探迎截數路兜圍兵勇共千餘名不啻十倍於賊猶復任其分竄不能趕上殲除則田朝貴所剿之二三百人及達斯呼爾岱所剿之四百餘人並楚境之二百餘人不能即時剿盡更不待言矣從前賊勢鴟張之時匪衆多至一二十萬首逆賊目分路勾結均經額爾登保德楞泰以次殄除而此時搜捕零匪轉半年不能蕺事伊二人素能奮勉朕固不疑其心存懈弛但何以至今尚未辦竣如果實有難辦之故或因兵撤過多不敷調撥或因帶兵員少不能得力或因糧餉短絀不能隨營接濟以致軍行不無停待伊等身任經略參贊此等情形皆當早行陳奏著接奉此旨後即將指出各條或此外尚有實在不能速竣之處均卽據實具奏不可稍有隱飾

二十一日

諭曰本日勒保奏到搜剿零匪一摺殲擒無幾並有賊匪散竄入山搜捕無蹤等語甚不成話朕宵旰焦勞因思從前賊股中著名首逆曾經懸立賞格購獲多名現在起事老教首雖已殄滅無存但零匪中如苟朝九等有名賊目率領餘衆在各處竄匿者尚復不少或兵勇等因見此時均係敗殘餘匪拏獲後不能得有重賞遂爾心存懈弛莫若再明立賞格出示曉諭無論官兵鄉勇紳士寨民等有能擒獲著名賊目一名賞銀一二百兩

德壯果公年譜卷二十四

德壯果公年譜卷二十四

望

望

如擒獲爲先鋒以下及旗手矛手等賊目一名者賞銀自數十兩至一二十兩有差統計零匪不過一千餘人如此懸賞購擒或兵勇等所有希冀爭先曬緝人思俘獻不難以次殄淨但必須訊明實係真賊方准給賞不可任聽妄行捕捉致啟誣陷仇殺之漸如有以假報真者仍加倍治罪其州縣及佐雜等員內有能設法擒捕賊匪數名先行記功若能擒捕數十名或有旗手偽總兵者亦准其送部引見以示獎勵有任賊潛匿放過者卽行參處各鎮將等既督率官兵四路追剿而州縣及寨洞民人等又復隨處偵緝卽使賊匪四散竄逸均卽就地俘擒亦屬以逸待勞之計此朕思慮所及著額爾登保德楞泰再詳細斟酌是否於搜捕有裨及有無窒礙難行之處卽據實具覆再據勒保奏稱伊感受潮溼現准暫赴綏定府城調治伊所帶官兵分隸各鎮將其與額爾登保相近者著歸額爾登保調遣與德楞泰軍營相近者著歸德楞泰調遣各就近將搜捕情形隨時報明經略參贊以專責成

二十四日

諭曰湖北境內節據該督等奏報僅有陳姓分起首夥二百餘人此時忽有陝匪三百餘人竄入房縣均屬真正矛手賊數又復增添營員又有傷損皆係額爾登保德楞泰督率將領勦辦不能就地殲滅任其竄逸楚境看來帶兵將領於馳遞黃摺之後



總不免心存大意卽如楊遇春向來帶兵最爲奮勉近日久未見伊打仗殺賊從前額爾登保派賽沖阿楊遇春在陝楚邊界防範彼時並無成起賊匪今忽有匪衆三百餘人竄至該處卽應就地剿盡或設法攔截不使遠竄何致任其闖入楚境伊二人實不能辭咎著額爾登保等查明伊等在平利一帶駐防有無疎縱情形至難民所供賊匪由大甯竄至兩扇門衝破陝省營卡向東奔到湖北該處既設營卡卽有將領兵丁屯紮守禦並著查明係何營卡據實參奏現在此起合夥零匪計共有四百數十人爲數最多又係積貫陳賊必當上緊搜剿勿令蔓延雖有楊遇春慶海呢瑪善等分路躡追恐兵力尙或不敷額爾登保德楞泰一面選派得力將領前往疾擊並一面察看此起賊匪距經略參贊大營何路較近卽酌分一人統兵親往督剿以期迅就肅清

德壯果公年譜卷二十四

四

二十九日

公奏言臣據遊擊王國輔陳龍驤都司左位等稟報楚境賊匪一百餘人兵勇追至蒼蠅溝該處先有賊匪二百餘人卽與合夥竄向長嶺一帶王國輔陳龍驤等帶兵截剿探聞該逆屯於香爐山當於是夜四更時進兵圍剿賊知官兵分路而來占踞山梁恃險抵敵兵勇仰攻斃賊十餘名賊堆放插石堵擋我兵有帶矛石傷及陣亡者相持至

申刻忽然大雨傾盆雲霧瀰漫該匪由後山翻老林向黃龍尖下溪溝柳林店北遁又據總兵田朝貴副將馬元遊擊劉彪稟報苟逆餘匪五六十人由仰天窩走葛藤壩老林官兵分路進剿斃賊二名生擒八名餘匪奔通天蠟燭老林都司瞿心能帶兵由南溝抄截時副都統富僧德總兵蒲尙佐得信後亦卽帶兵自南而北取道五臺坪雪泡山進剿該匪知三處官兵分投抄擊又向蔥子坪老林而遁至劉逆餘匪已經富僧德蒲尙佐派千總周應龍冉玉龍等前往跟追在飛龍寨等處冒雨進剿斃賊數名周應龍等均受石傷富僧德蒲尙佐等又就近趕往堵剿賊知官兵迎截奔上通天蠟燭老林有馬元等一路官兵趕蹤追至槍箭齊發殺賊數名生擒五名賊匪敗上巖頂踞險抗拒插石如雨兵勇帶傷者數名旋即翻山逃遁馬元等仍緊躡追剿富僧德等正在遏截此股賊匪適另有賊匪百餘人由亮垵子翻筆架山竄來有陳弼李廷珍在後跟追距營五六十里富僧德蒲尙佐等商酌無論何股均當遇賊卽剿遂分兵三路前往兜截賊匪竟敢分投抵敵我兵槍箭齊發立殺賊十四名生擒七名該匪一齊退踞山礮拋滾亂石相持至午該匪繞過山後老林奔竄我兵奮勇跟追又殺賊八名生擒十一名賊遂下河翻上對面山

德壯果公年譜卷二十四

四



坡兵勇追至半山忽報後路左邊林內有伏賊數十人突出衝入鍋帳隊內隨營糧員四川嘉定府經歷花君弼被賊戕害千總王玉林把總楊祿趕追楊祿殺賊二名忽被旁賊戮倒陣亡尙有陣亡受傷兵勇十數名王玉林頭受石傷隨即回兵接應賊匪始行敗逃兵勇趕殺五名活捉六名該匪奔上龍洞山路徑陡窄飛石如雨官兵不能前進雨霧之中相持直至申刻賊匪乘間翻楊家山與過河之賊合夥向秀才口遁去官兵向高坪一帶抄截適遊擊陳弼都司李廷珍並田朝貴馬元派來之都司高星文等均各帶兵趕到會商後仍各分投追剿訊據獲賊供稱係

德壯果公年譜卷二十四

聖

陳文海宋應伏股內餘匪前由陝西過川被官兵連次剿殺陳文海宋應伏不見了有探馬頭熊老八左丙兩箇帶領逃竄前在通江涼風垭打仗左丙把穆大人殺了就帶上紅頂子翎子帽子等語當將訊明積年戰手一概正法又接楊遇春來信副都統銜噶拉參將祝廷彪等帶領兵勇先後由竹谿之老莊子追剿初十日探有零匪一起由風竹槽竄後河林內相距三十餘里當即分路連夜進剿三更後齊抵賊屯賊眾猝不及防當斃賊二十餘名生擒三十八名天明後又分投入林搜捕捉獲活賊十七名滾巖跌死及撲河淹沒者二十餘名獲賊內訊有偽元帥呂

宗明偽先鋒余用坤石定林大旗手黃興富四名戰手五十一名分別凌遲正法其苟朝閣餘匪探得已與慶溥等所追之賊合夥由北河口一帶狂竄仍札張瑗等竭力追趕等情臣查川省各起零匪總在太平大甯開縣交界老山之內旋轉奔逃即田朝貴馬元所追之賊現亦遁入老林均皆窮蹙殘敗不過恃其路徑紛歧苟延殘喘如一得地勢即可立就翦除又據探報開縣山內零匪一百餘人現奔雲陽之高陽一帶此起賊匪非田朝貴馬元等剿辦苟朝九分股之賊即係陳弼李廷珍所追賊匪現在大甯山內徧搜無賊臣已飛飭富僧德浦尙佐等帶兵出山就近由雲陽之上三壩前往剿辦至前奉

德壯果公年譜卷二十四

聖

諭旨飭查劉渣鬍子股內尙有楊大刀一犯臣於屢次獲犯內訊問祇有探馬頭李添右帶領餘匪並未有楊大刀之名俟再查明具奏現在天氣晴霽各起賊匪漸次出山臣嚴催各路趕緊搜剿儻楚匪稍稽時日斯時川省之賊剿辦無幾可以分交鎮將等搜捕臣帶兵過楚督同各路官兵廓清楚境則川省零匪亦可肅清

諭曰德楞泰摺內所敘各路追剿賊匪前後殲獲統計亦有一百數十名但各路兵勇俱有傷亡甚至官員中亦有陣亡者且賊匪竟敢占踞山梁公然拒敵兼知設計埋伏圖劫官軍鍋帳是



兇狡情形較前為甚尚云賊匪窮蹙殘敗所言皆不確實在官  
 兵等追捕賊匪自應奮勇上前斷無因畏避賊鋒稍為觀望之  
 理但於臨陣對敵之時仍當察看地勢偵探賊情加以慎重豈  
 可冒昧輕進以致失利轉使賊匪漸形猖獗德楞泰當飭知各  
 路帶兵之員於奮剿之中留心防範不得一味欲速未能計出  
 萬全但不可有意遷延多稽時日再摺內有大甯山內徧搜無  
 賊已飛飭富僧德等帶兵出山等語德楞泰但知川省大甯山  
 內已無賊匪而不知出山之賊俱已竄入楚省昨據吳熊光奏  
 到該省陳姓股匪內先有川匪一股由向家壩竄入竹谿與之  
 會合又有苟逆股內張姓賊匪三百餘人由大甯之黃墩竄出

德壯果公年譜卷二十四

摺內並未及張姓一股竄楚之賊可見德楞泰現在尙未知悉  
 此時川省之賊其百十為羣者已少俱有鎮將跟追可敷剿辦  
 至現在楚省由川竄往之賊有三百餘人合之陳姓等一股賊  
 匪又一二百人共計有四五百人賊數較多勢尤兇悍德楞泰  
 酌量情形自當卽行親自帶兵過楚督同各鎮將將楚省之賊  
 痛加剿殺迅速辦完不可稽緩又摺內稱訊據獲犯供稱穆克  
 登布戕害之賊係探馬頭左丙著德楞泰密飭將弁兵勇於臨  
 陣時將左丙一犯嚴拏務獲如將該犯生擒卽著解京辦理如  
 或臨陣殲斃亦著割取該犯首級解京以便致祭穆克登布用

安忠魂斷不可任令漏網

德壯果公年譜卷二十四

吳



德壯果公年譜卷二十五

次孫花沙納恭纂

嘉慶八年癸亥

四月初二日

公奏言<sub>臣</sub>二十二日接到豐紳來信遊擊傅廷標晉之連帶兵於老林內桃木坪追殺零匪七名生擒五名又據總兵田朝貴等稟報宋陳二逆餘匪向秀才口逃遁田朝貴馬元等派兵分路進剿追至流水溝賊匪分爲數起極險之處安有埋伏三層一見官兵賊百餘人蜂擁直前遊擊薛陞都司趙琴劉起貴等率兵力戰伏賊一齊衝出復經

德壯果公年譜卷二十五

十一

都司瞿心能守備張萬林張應錫等率兵繼進殺賊二十三名活擒十二名山坡伏賊又經往下撲壓適田朝貴馬元等由大坳穿林而來復自上壓下守備張萬林張應錫郭成把總向貴牟耀先藍翎兵丁李自貴聶德勝張必元陳永中旗手軍功王鳳起等殺斃戴紅帽花翎賊目四名外委周文炳藍翎軍功廖榮軍功旗手彭貴魏彪黃正開陳九萬兵丁曾興盧定才滕起等殺斃戴藍頂花翎水晶頂花翎藍翎賊目六名各兵勇又殄殺賊匪三十四名生擒八名餘賊始敗上紙廠二聖巖都司高星文把總匡成玉等又斃賊十二名活擒四名都司鄭啟貴趙琴等追至

瓢廠又斬獲賊數名計此次共殺賊八十六名生擒二十

四名餘匪尚有百人向三十丈老林奔逃訊據偽先鋒段

三順等共稱係白號宋應伏餘匪因宋元帥被官兵殺了

大掌櫃宗癩子余佐斌熊老八米頭子就立馮麻子做元

帥名叫馮天保後又與黃號王國賢苟朝九夥內各散匪

合夥共有二百多人今日打仗已將宗大掌櫃馮元帥殺

了那穆大人是余佐斌同宗癩子熊老八動手殺害的隨

令認出大掌櫃宗癩子偽元帥馮麻子首級兩夥餘匪分

別辦理等情<sub>臣</sub>查宋應伏陳文海餘匪祇贖百人已向西

北太平東鄉界上奔逃有仍竄川北之勢現今陳弼李廷

德壯果公年譜卷二十五

二

珍合兵千餘名跟躡趕剿川東如巫山奉節等處連日排搜實已無賊並據參將閔懷希稟報太平城口一帶亦無餘匪藏匿總兵田朝貴馬元等所剿苟朝九餘匪內出山西竄者百餘人其餘二百餘人仍在開縣山內藏匿現有田朝貴都司趙琴兩路探剿統計川東川北各逆約共不過八九百人均有重兵搜剿不難集事昨接吳熊光來信稱楚省賊股人數稍多兵不足恃<sub>臣</sub>雖飛飭吉林泰李天林等以川東無賊無庸在邊界堵禦令其探蹤趕剿仍恐該鎮等兵丁難靠而揚遇春扼住陝楚邊界極爲緊要勢難深入剿辦<sub>臣</sub>酌量緩急卽帶兵過楚抄出賊前向西兜



截以期就地掃除設稍有未淨即逼截入川將楚省全行甚廓清至各路情形伏查裁定以後迄今已閱四月零匪人數原屬無幾惟所贖皆係積年老賊詭譎異常兵至則三五亂逃兵去則百十蟻聚窺伺設伏情如鬼蜮官兵稍不檢點即墮其計兼之近日兩水較多山河泛漲官兵追賊泥濘難行以致輾轉稽遲實非鬆勁臣惟嚴飭各鎮將等趕緊勦辦務於四月內一律肅清斷不潦草完事再查甘肅紅城堡守備姜成龍所帶鄉勇間有在途逗留並向洞寨沽買酒肉之事經都司左位屢加面飭猶復縱容不加管束殊屬藐玩相應請

德社果公年譜卷二十五

三

旨將守備姜成龍革職作為兵丁以示懲儆

諭曰此次德楞泰分飭將領搜捕宋陳餘匪共殺賊八十六名生擒二十四名並殲戮大掌櫃宗癩子偽元帥馮天保生擒偽先鋒段三順統計共有一百數十人而賊勢總未大滅殊不可解至獲賊供內穆克登布係余佐斌同宗癩子熊老八動手殺害之語前據德楞泰稱戕害穆克登布之賊係探馬頭左丙茲佐斌左丙同音或此犯即係余姓今既在逃必應與熊老八一體嚴拏務獲現據稱統計川東川北各逆約共不過八九百人此外如巫奉大甯及太平城口一帶均已排搜無賊等語賊蹤飄忽無常往往有地方官稟報無賊而逾時又有賊蹤出沒德楞

泰此時但知大甯等處山內已無賊匪而不知出山之賊俱竄至他處昨據吳熊光奏竄楚之賊即有川匪一股由向家壩竄入竹谿又有苟朝九股內張姓賊匪三百餘人由大甯之黃墩竄出兩扇門衝過陝省營卡竄入楚省著德楞泰查明是否即係從前大甯打散餘匪如果係川省零匪分竄前往則楚匪增多川匪自應減少儻川境現在賊數仍復照前則楚省竄匪又屬新添矣德楞泰因接吳熊光來信楚省賊數較多酌量緩急即帶兵過楚督飭各路趕勦所見甚是如能將各處餘匪就地殲除固屬甚善設或稍有未淨亦當逼截入川以便聚而殲洗再摺內稱兩水較多山河泛漲等語前曾屢降諭旨飭令伊等務於四月內全數廓清今不待夏令摺內已稱官兵追賊泥濘難行設將來兩水盛行而餘匪誘煽勾結又或有新起之賊辦理不更形棘手耶德楞泰自定期限於四月內一律肅清即當上緊籌辦迅勉奏績勿得再有遲緩干咎至紅城堡守備姜成龍不能管束鄉勇聽其在途逗留並向洞寨沽買酒肉滋事著即革職作為兵丁以示懲儆

德社果公年譜卷二十五

四

十二日

公奏言竊臣帶兵過楚督飭各路官兵分投兜勦將來各逆勢必西逃若賊竄向西北現有豐紳兵力在大甯邊界隨時自可探勦惟大甯迤南至巫山縣長四五百里設楚



匪向西南狂奔則巫奉一帶又受蹂躪是以臣將富僧德蒲尚佐等一路兵力撤回令蒲尚佐扼住大昌一帶與豐紳聲勢較爲聯絡現據蒲尚佐稟報參將虎正林遊擊門繼春探有竄匪二百餘人屯於交界之雙合寨該鎮恐兵自西東進賊卽回楚已將兵勇撤回讓出西面俟其深入再由東北向西南尾擊查雙合寨一帶北面卽大甯竹山地界除飭蒲尚佐等向西兜剿並飛致豐紳遏其北面外兼令副都統都當阿總兵李天林副將孫應奉等由巴東取道長峰堆子自東向西與蒲尚佐兩面夾攻諒可就地殲盡

德壯果公年譜卷二十五

五

同日公又奏言竊臣奉到三月初十日

密諭以額爾登保奏通籌三省情形一摺種種紕繆必係輕聽浮言率行入告著臣留心密訪據實覆奏伏念額爾登保自臺灣廓爾喀苗疆與臣均屬共事性情心術素所悉知此次勦辦教匪至今八載一切事宜時時往來商榷臣每與會晤見其辦事不避嫌怨實屬認真卽授爲經略以後雖不諳漢文每奉

上諭摺奏往來文移令人誦讀諦聽之下卽可了然於心是否行止悉出心裁除臣偶有一知半解間共參酌而行其餘隨營文武自副都統提鎮及道府以下人員均不敢妄參末

議其承辦奏摺者係陝西候補同知方載豫四川候補直隸知州顧紹先等臣屢於會合時見其人亦爲安詳又見交辦摺奏事件不過令其代書復當面朗誦塗抹更改道達詞意原其事之可否實不由彼主張又從前翼長如札克塔爾楊遇春穆克登布管理營務凡軍事賊情隨時面稟調遣機宜分示而行迨楊遇春穆克登布授任提督札克塔爾回京當差之後其翼長事務係副將王兆夢唐文淑二人管理不過探報賊形查詢道路且均由未弁遞陞今職亦不敢從中妄議若三省督撫及不肖地方官因圖軍需報銷懇懇入奏而臣往來三省如陝楚督撫果有此

德壯果公年譜卷二十五

六

議卽不商之臣亦必行知於川省臣係將軍勒保豈有不與臣商榷且額爾登保身爲經略性情忠直凡有關係之件各督撫亦不肯遽行擬議況軍需自三年以後浮費款項全行裁汰歷次遞減力從樽節並節經遣撤兵勇外各路軍營祇有鹽菜馬乾並夫騾等項三省用餉較之三年以前約計不過十之一二卽使延宕亦萬難挪後粘前通融辦理惟修城築堡原係地方官應辦之事誠如

聖諭身任經略不思上緊討賊乃干預地方事務實在迂謬茲蒙訓誨剴切薄罰示懲不加嚴譴益仰

高厚鴻慈矜全曲宥臣亦不勝悚惶感激之至



諭曰德楞泰奏稱蒲尚佐等探有賊匪二百餘人屯於交界之雙合寨該鎮將兵勇撤回讓出西面俟其深入再由東北向西南尾擊等語此時該匪既竄入楚界即當督率鎮將就地殲除勿留餘孽若必讓出西面俟其入川再行兜截則往返徒費時日且安知該匪不更從別路折回似此輾轉跟追何時始能辦盡耶總之川楚皆吾百姓豈厚於楚薄於川賊在何處即於何處痛剿為正辦豈可任其奔突轉增裹脅又延時日乎現在川省零匪據額爾登保奏報田朝貴桂涵等各路官兵追剿苟宋等逆連獲勝仗昨額爾登保親督官兵將合竄之賊痛加殲戮是川省零匪均有官兵追捕德楞泰竟可無庸兼顧惟當專心搜捕楚境零匪實在並無一名餘匪方可回川斷不可稍有草率又另摺覆奏一節此事節據川陝楚督撫先後奏稱並未會商而額爾登保亦奏明實係伊一人主見深知愧悔現在奮勉帶兵注意剿賊矣前此將伊革去御前大臣並紫韁稍示薄懲德楞泰亦當引以為戒也

十七日

諭曰吳熊光奏苟逆餘匪竄至南漳經委員及寨勇等追殺十餘人慶溥呢瑪善兩路截殺又斃賊數十人該匪現竄東湖有慶溥吉林泰呢瑪善等分路兜圍德楞泰亦馳抵興山自西而東等語現在賊匪勢已窮蹙當此青黃不接無食可掠緊躡追剿

可期一鼓殲餘勿留餘孽德楞泰既已移師入楚所有楚境之賊即責成伊一手辦竣據摺內稱二竹境內零匪無多自係聞川陝大兵入楚又思折回西竄德楞泰當督飭將領即在楚境就地殲除不可讓其深竄入川再行兜截一面知會豐紳等在川省邊境嚴密堵禦預截賊匪西竄之路伊緊躡賊蹤使賊匪前有攔截後有追躡無路竄逸方可剋期肅清斷不得輕信賊匪投誠之言致辦理稍有鬆勁

二十一日

公奏言前此副將張瑗參將祝廷彪王占鼈等並總兵慶溥副將呢瑪善等由竹房剿辦東奔合夥之賊據報四百

多人連次追剿所贖三百餘人現由保康奔遠安之苟家壩有向沙地坡之勢初七日追至興山屬之桃子壩賊一見官兵分為兩股一起數十人占住九里沖大山梁其勢欲斷官兵後路張瑗等酌留四川大隊官兵扼要截住即率前隊兵勇趕剿正股之賊直至學堂坪該逆先已占踞山梁官兵分路仰攻殺賊八名生擒十一名初八日趕至白果園該匪仍搶占山梁恃險推滾亂石拚死抗拒有藍翎守備王元相藍翎千總齊慎千總王興把總楊大猷額外委周德李榮鄉勇六品軍功王開芳索倫額外驍騎校萬應保甲兵伊朗阿伊倫保等不避鋒鏑搶上山梁立

德壯果公年譜卷二十五

七

德壯果公年譜卷二十五

八



斃賊十餘名官兵一擁齊上賊始潰敗分投追殺三十餘里又共殺賊三十一名生擒劉世貴等一百零七名獲賊跌斃及逃散者不少鄉勇軍功卹正龍生擒白號偽元帥冉璠兵丁劉耀國生擒青號偽先鋒王代美兵丁龍正貴生擒白號偽先鋒高元兵丁楊秀廷生擒黃號偽先鋒陳順仁鄉勇軍功向天宗等生擒白號偽總兵劉世貴白號探馬頭李玉倫黃號探馬頭張國興黃號大旗手陳明高所贖餘匪一百六七十人向東北段江歇馬河而逃張瑗呢瑪善等帶兵仍分兩路緊跟追剿其偽元帥冉璠等並老賊王大成等八十七名卽分別擣割正法并訊明有狀

德壯果公年譜卷二十五 九

善參將烏勒喜訥之探馬頭張國興一犯臣令其安設靈位將該犯首級并挖取心肝致祭以慰忠魂至此次青黃白三號夥匪極爲兇悍官兵等奮不顧身得以痛剿實爲勇往除將擒獲偽元帥冉璠等四名及擒拏活賊之兵丁軍功鄉勇等卽照舊按名分別給賞銀兩外所有出力之員弁兵勇恭繕清單願懇

聖恩格外獎賞庶該員弁兵勇感激奮興倍思圖效又據探報歸州之香爐坪現有零匪一起一百一二十人臣現令吉林泰等帶兵馳赴歸州就地掃除計楚省祇有吉林李天林並張瑗呢瑪善所追之三起賊匪約有四百多名現在

兵力厚集可期全行廓清

同日公又奏言竊臣欽奉三月二十二十一等日

上諭以搜剿零匪半年不能蕪事令將實在不能速竣之處據實具奏並以從前著名首逆曾經懸立賞格購獲多名現在零匪中如苟朝九等有名賊目尙在各處竄匿或兵勇等因見此時均係敗殘餘匪拏獲後不能得有重賞遂爾心生懈弛莫若再明立賞格令有所希冀爭先躡緝著臣等詳細斟酌是否於搜捕有神及有無窒礙難行之處據實具覆仰見我

德壯果公年譜卷二十五 十

皇上睿慮精詳無微不至曷勝感悚欽服之至伏查三省零匪人數原屬無多如首逆苟朝九齊國典等類皆後起頭目惟其中多係積年老賊明知死亡在卽逞其詭譎輾轉於老山箐林苟延殘喘以致數月尙未一律肅清並非兵撤員少及糧餉不能接濟之故臣於前月已欽遵附

奏在案茲又特奉

指示懸賞購擒實於搜捕事宜大有裨益查嘉慶四年冬月內奉旨於川省藩庫撥銀五千兩發交臣一路令隨時酌賞打仗之奮勇兵勇嗣又准經略額爾登保疊次於

頒發賞項內撥過銀一萬五千兩除擒獲首逆隨時陳明照格給賞外其餘訊明如偽先鋒每名賞銀十兩偽總兵八兩探馬頭旗手四兩其有擒獲活賊並首級耳記驗明均賞一



兩婦女幼孩五錢此臣一路歷來如此辦理並登記檔冊將來另行分咨彙報惟念將弁兵勇平日參養訓練本為殺賊衝鋒之用今復明立賞格鼓勵有加俾臣得以激揚士氣賞罰嚴明洵為法良意美當即宣示闔營跪聆之下無不鼓舞歡欣踴躍見於詞色並恭錄

恩旨通行各路鎮將員弁一體傳知除後起首犯齊苟二逆擒殲時遵照給賞另行具報其大小頭目夥匪臣現仍舊章暫給俟經略酌定移咨前來再為一律辦理至於勒保前此感受潮溼頃接伊信並詢來差知其調治日漸輕減所有軍務並日行事件業已照常辦理

德壯果公年譜卷二十五 十一

諭曰此次東竄零匪經副將張瑗呢瑪善等分投抄截併力仰攻生擒偽元帥冉璠等一百餘名其殲斃及滾巖跌斃者不少所辦尚好副將張瑗呢瑪善參將祝廷彪王占鼇均屬奮勇出力著交部議敘守備王元相千總齊慎著賞換花翎千總王興把總楊大猷外委周德李榮驍騎校萬應保甲兵伊朗阿伊倫保兵丁劉耀國龍正貴楊秀廷蔣大猷六品軍功王開芳軍功向天宗俱著賞戴藍翎其生擒白號偽元帥冉璠之軍功卹正龍除賞戴藍翎外著再賞銀一百兩以示鼓勵前會諭令懸立賞格此時齊國典苟朝九二犯雖不必若從前徐添德等之積年首犯懸示重賞但一經拏獲亦當減半酌給其餘俘擒賊夥俱

照德楞泰向例辦理即著知會吳熊光於軍需項下撥銀一萬兩解送來營以備犒賞之用至香爐坪一起零匪百餘人德楞泰現派吉林泰馳往剿辦尚恐未足深恃或德楞泰親赴追擊或分派得力將領協剿賊匪輾轉奔竄其意本欲牽綴官兵若官兵僅以驅出境外跟蹤尾追不特徒勞跋涉疲煩兵力而賊情狡詭即使由楚逼竄入川安知不又從別徑繞竄楚省必致遷延時日儻該匪折入川境後該處竟無接辦之人一切軍火糧餉又未先為預備必致有誤事機德楞泰等惟當督飭帶兵各員將楚境所有零匪上緊兜圍全行辦竣

二十七日

德壯果公年譜卷二十五

十一

公奏言據慶溥等稟報有零匪四十餘名向長沖老林竄去慶溥託爾託保等帶兵趕剿殺賊三名直追至四腦壩又殺賊十餘名生擒四名餘匪滾巖跌斃者六名訊據獲犯陳有順等供係白號餘匪又據張瑗等稟報賊匪四五十人由天保寨過河向店子壩東奔張元等趕至東湖之黃柏鋪分兵齊攻黑龍江甲兵富敏連射二賊倒斃兵勇乘勢搶上殺賊八名當有外委唐大德帶同馬兵周富鄉勇吳世貴首先撲入賊叢立將賊目張三生擒兵勇分投剿殺又斃賊十餘名活捉十二名又據蒲尚佐稟報賊匪五十餘人屯於安石隴地方蒲尚佐等自巫山八石坪取



道胡家劫老林進剿殺賊八名生擒六名賊匪向平頂河  
奔逃又追殺賊六名生擒五名撲河淹斃者十餘人又據  
豐紳來信探有賊匪七八十人竄至羅筐灣老林屯踞參  
將傅廷標帶兵進剿當斃賊三名又追殺賊四名生擒六  
名訊係青號餘匪內有偽總兵譚毓賢一名查現在楚境  
零匪除兩起入川百餘名外合計全境不過三百多人  
惟有督飭各路趕緊剿辦斷不敢稍有稽延再查此次生  
擒藍號首逆張三解送到營臣研訊時聞係襄陽口音形  
狀兇悍所供歷年在藍號張士龍股內打仗抗拒情形歷  
歷如繪臣傳各營內之新兵徧加識認有黃號龍紹周股  
內投出鄉勇楊治秀一見指稱爲三掌櫃名叫張士虎卽  
藍號張士龍胞弟復有副將張瑗所帶張士龍營內投出  
之新兵文光乾亦稱實係張士虎該逆見證據確鑿始行  
供認不諱查張士虎一犯臣於嘉慶四年十月二十四日  
在西鄉縣所屬大巴山之鍾家溝痛剿藍號張士龍案內  
生擒教首劉學仁有賊自稱張士虎力敵官兵被亂箭射  
斃割取首級經獲犯陳鵬萬指認張士虎是實又經解送  
漢中府命高均德辨認無異連年以來三省各逆中亦未  
聞有張士虎之名不料此次生擒之犯卽係襄陽起事著  
名老教首逆張士虎改名張三該逆漏網多年今被生致

德壯果公年譜卷二十五

三

得正

國典實快人心是從前疎忽實由臣冒昧所致今旣生擒供  
詞毫無疑義所有將弁兵勇奮勇微勞誠不可泯臣亦不  
敢回護前愆更蹈欺罔重咎相應據實自行檢舉請  
旨交部議處

諭曰此次東竄零匪由天保寨奔逃經副將張瑗等趕至東湖之  
黃柏鋪將賊匪斬獲殆盡並生擒首逆張士虎等祇贖餘匪二  
十餘名零星逃逸所辦甚好其首先搶入賊營生擒首逆張士  
虎之外委唐大德著賞戴藍翎卽以千總補用馬兵周富鄉勇  
吳世貴著賞戴藍翎卽以把總補用加賞銀二百兩甲兵富敏

德壯果公年譜卷二十五

十四

著賞戴藍翎以示鼓勵至張三卽係藍號張士龍胞弟張士虎  
德楞泰因嘉慶四年會奏殲斃實屬疎忽自請交部議處此可  
不必賊匪行蹤詭秘其姓名隨時更變本無一定或姓名本屬  
相同或臨時頂名冒認其真假一時不能辨別張三一犯旣據  
供證據確鑿可見此等罪大惡極之犯

天理昭彰必不能倖逃顯戮現在零匪內似此漏網潛蹤者恐尙  
不少卽如勒保昨奏殲斃賊目李顯碧卽係於六年曾經奏報  
殲斃之李顯必曾芝秀落水後旋復上岸得生樊人傑落水時  
雖眾目共睹至其身屍實無切實下落如別經拏獲殲斃俾正  
犯不致漏網卽從前奏報偶有不實功過足以相抵亦可免其



交議惟奏稱楚境零匪除兩起入川百餘名外合計境內不過三百多人趕緊勦辦廓清全楚等語又落故套昨曾降旨令德楞泰等遇賊即勦就地殲除德楞泰身為參贊搜捕三省零匪皆其責成豈得稍分畛域此次楚境零匪入川者德楞泰奏報百餘名昨日勒保奏巫山八石坪有零匪二百餘名由楚竄來是川境賊匪現已增添雖楚省可報肅清而川省仍不免滋擾似此往返追逐徒費時日於事何裨反墮賊計矣德楞泰當上緊搜捕將各處零匪悉數殲除勉之望之

五月初八日

公奏言竊督兵向金斗坪西北前進途次接據副將銜

德壯果公年譜卷二十五

五

沈洪遊擊會壽等稟報聞保康蝦蟆溪林內有零匪十數名在彼藏匿當即督兵前往搜捕擒獲賊匪七名殺死十一名均已淨盡又據參將馬文斌遊擊余陞等稟報賊匪五六十人由興山煙墩垭遁入松子園老林兵勇趕勦斃賊十二名生擒九名又據副將呢瑪善稟報搜捕東湖之黃柏鋪遺孽經擒獲一名殺死一名其吉林泰色爾滾張瑗等各路俱有殲擒自十數名至數名不等查楚境零匪惟吉林泰所追之賊較多其餘均係數十人者且皆有重兵分投趕辦茲於二十八日督同富僧德馬瑜等趕至房縣之彎腰樹扼住東北一帶入山勦辦且查吉林泰

所追之賊已走雙龍觀正可督兵前往先行勦洗再兵抵紅花塚時有九龍寨余家寨寨長蔣富余文帶領寨勇胡日富等來營呈繳截殺賊匪首級十二顆據稱十八日有賊匪六七十人由鬼廠竄來藏於鮑魚垭老林內適余家寨民男婦二十四名口在山耕種至晚回寨忽被賊匪由寨腳突出全行捉去余家寨寨長余文用包穀豬酒將被擄百姓全行贖回余文即赴九龍寨商知寨長蔣富邀約兩寨民人四十餘人於二十清早鑽林前往開槍打死賊匪十二名眼見帶傷者七名寨民李坤賢等直行趕殺被賊賊害當即差弁前往查驗各屍實屬槍斃查往

德壯果公年譜卷二十五

六

來楚境七次惟此番見有寨民截殺賊匪實為奮勇可嘉自應鼓勵以獎其餘寨長蔣富等各賞銀牌二面陣亡之李坤賢劉青國常建安二名給各家屬銀二兩現在零星散走之賊避兵而不畏民似此寨洞均能固守而又勇敢殺賊該逆自無所躲藏不能據掠目下楚省頗有成效又副將呢瑪善稟報連日由後坪一帶搜捕在胡家老林擒獲探馬頭張啟貴一名逃出難民二名殺斃賊匪一名又觀音寨寨首文知科陳良貴帶領寨勇協同搜獲賊匪一名殺斃一名祇贖零匪八九人潛逃日內即可搜拏淨盡查楚境現在二竹房縣迤北並東湖歸州南漳保康迤東



均無賊匪除李天林原追之賊前已逼入川境有蒲尙佐帶兵勦辦外所有楚疆祇有吉林泰所追賊匪百餘名色爾滾慶溥馬應國張應貴等所追五六十名馬文斌等所追四五十名各逆多向西南之興山巴東一帶奔逃均有重兵跟追斷不能久稽時日臣歷年勦賊以來從不信其投誠之說總以勦為正辦所有楚境零匪臣自應一手辦竣俟實在勦絕根株將楚省守禦事宜布置後再為移師回川順路搜捕

諭曰現在楚省賊匪祇贖二百餘人內惟吉林泰所追之賊較多德楞泰現在親身督兵趕往將此起賊匪先行勦洗所見甚是

德壯果公年譜卷二十五

七

各逆知死亡在即總向深山老林無路處所狂奔恐山內尚有潛匿之賊德楞泰總應嚴飭將領逐處排搜至邊界一帶德楞泰已知會豐紳蒲尙佐等在沿邊搜勦亦應嚴密堵截勿任川匪一名闖入至寨民等齊心團練殺死賊匪十二名帶傷者七名實為奮勇可嘉自應加之獎勵其陣亡寨民李坤賢劉青國常建安三名德楞泰僅各賞其家屬銀二兩未足示勸著照鄉勇陣亡例賜卹俾各處寨勇聞知共知激勵

五月十八日

公奏言竊臣由八角廟東南而進接據副將張瑗參將祝廷標稟報官兵跟追賊匪二十七日探得該逆連日聚有

五十餘名散屯於五堂口隨即分兵進勦賊已南遁當即趕追至水牛沖老山殺賊八名生擒三名又分兵四出徧搜殺斃賊匪五名搜獲六名又據慶溥稟報二十八日守備任得福千總胡超帶兵進至老山邊上搜勦任得福殺賊二名生擒一名胡超殺賊三名生擒十六名餘匪向房縣之後山坪奔逃訊係吉林泰所追之賊不過一百五六十名隨與色爾滾等分投抄截跟追其慶溥原追零匪二十三人旋由後山坪向興山之長房河瓢子泡東南奔逃臣即督率富僧德馬瑜等翻梨子坪老林抄出東面於初五日趕抵豐玉坪詎該逆知東面有兵又復西折龍門河

德壯果公年譜卷二十五

六

而遁現飭色爾滾富登阿慶溥馬應國張應貴等趕緊勦辦不得以逼入川境即爲了事又據吉林泰稟報參將毛秉剛守備李鶴松等在磨拐子灣擒賊六名殺賊四名並有滾崖帶傷奔逃者又據副將呢瑪善稟報在東湖興山交界之鄔家山殺賊三名搜獲二名又據參將馬文斌遊擊余陞稟報陸續搜獲賊匪七名又據色爾滾等稟報初一日至龍門河追上賊尾殺賊十一名生擒四名臣查楚境止有此起賊匪百數十人茲經色爾滾慶溥等連日冒雨西追已至巴東之火峰即距界嶺不遠孫應奉等在三溪河截回分兵四面圍勦諒此百餘殘孽定可迅即集事



查豐玉坪為東面老山緊要之地南扼歸州北顧保康房縣臣擬於此處扼據督飭各鎮將趕緊搜剿再臣接副將馬元遊擊劉彪等稟報自梁山金定寺大茅山痛剿李逆首夥賊匪後趕赴開縣剿辦扇子山賊股百餘人探得李逆餘匪與之合夥十七日追至新甯之夾耳槽茅坪寺陡梯子趕上痛剿除臨陣殲戮外生擒偽先鋒孔紀龍偽總兵熊允奇並旗手探馬頭等又拏獲活賊六十名現仍跟蹤前往臣已飭令鼓勵兵勇竭力趕辦

諭曰此次德楞泰督飭各路將領將各處零匪分投搜捕均有斬獲其黃白兩號合夥賊匪西奔川界經色爾滾慶溥孫應奉等

德世果公年譜卷二十五

九

截回分路圍剿現在楚境殘匪每起俱不過二三十五六十人即黃白兩號合夥之賊為數稍多亦不過百數十人自無難指日掃除廓清楚境德楞泰務即督飭各鎮將上緊趕辦儘五月內將湖北各匪排搜淨盡斷不可延緩愈速愈妙再摺內稱副將馬元等稟報趕赴開縣剿辦扇子山賊股前據吳熊光奏有川匪一股百餘人竄入竹谿之孔南坪一股二三十人竄入竹谿之雞心嶺等處此扇子山股匪是否即係吳熊光前日所奏之賊竄入竹谿後楊遇春等曾否就近趕往剿辦據實具奏

同日公又奏言竊臣欽奉

上諭前令懸立賞格設法購擒即著知照吳熊光於軍需項下動

撥銀一萬兩解送來營以備犒賞之用臣跪讀之下仰見我皇上盼捷憂勤鼓勵戎行實已至周且備伏念戡定以後至今半載未淨餘匪輾轉遷延雖賊蹤飄忽詭譎多方而臣之剿辦無能實深罪戾迺荷

鴻慈不加嚴譴謂驚馬經驅策以先奔勇士思重賞而必奮特頒帑項俾資鼓勵

湛恩下逮小草向榮除齊苟二首逆外其餘大小頭目夥匪謹遵飭諭照舊辦理但兵勇擒斬賊匪總憑活賊耳級按數分別給與賞銀其有追賊太遠者令其就近解交地方官訊驗具報一體賞給若祇稟報而未解驗則虛實尚不可知概不給

德世果公年譜卷二十五

五

等趕抵河岸殺賊十二名生擒七名又在該處林內搜獲六名投出被裹難民九名色爾滾慶溥張應貴等即帶兵淌水緊躡跟追該匪被勦情急又由西灤東灤撲過賈家坪溪河奔上山梁兵勇復行力追又生擒賊匪五名殺斃五名餘匪冒雨狂奔至董家沖分為兩起一起二三十人折竄白家河經藍翎千總胡超在大石腦山梁截擊殺賊二名該弁同鄉勇薛學義又生擒襄陽老教偽元帥趙聰觀一名夥匪十名撲水淹斃者七八名餘匪散藏各林內現在分兵徧搜一起二十餘人由萬古寺過河東奔副都統富僧德參將毛秉剛都司史定川等現由白馬灘過河



聖明洞鑒已於楚省軍需撥銀一萬兩內擬撥還常發祥前墊之

項尚有五千六百兩零現在三省零匪無幾不日即可肅

清以之隨時給賞諒必有盈無細合併聲明

殊批所奏俱是勉力妥速辦理務於月內蕝事

二十五日

公奏言據色爾滾慶溥等報稱連日與副將張應貴馬應

國孫應奉等自蔡家山分路兜剿賊匪一起二三十人由

無路處翻山向巫山之龍泉寺觀音巖而遁當派都司曾

勝帶領兵勇二百名跟追一起百餘人繞出巴東至龍船

河哨見官兵趕到即捨命撲河淹斃十餘人副將張應貴

子誠深知帑項攸關設無功者亦得倖邀懋賞轉不足作

士氣而服軍心而於勦捕事宜亦殊徒費無濟現已知會

吳熊光如數撥解來營隨時動用仍行存檔造報惟有

宣示閭營共加奮勉廓清全楚稍慰

塵垂再查從前賞項早已用完因此事相沿已久驟難裁減凡遇

兵勇殲擒賊匪首從係仍舊章辦理加以奉

旨特加恩賞及

奏明給賞者至今陸續又用過銀四千三百兩有零均係四

川隨營糧務候補知府常發祥隨時墊款給發此項銀兩

原擬於經略額爾登保處存貯賞項內咨取歸款茲蒙

臣

跟追其吉林泰呢瑪善所勦馬營歸坪之賊大半新近被

擄百姓除斬擒自縊撲河並投出難民外祇贖二十一人

現又派藍翎軍功楊昌泰等帶兵勇五十名窮追所有獲

犯偽元帥趙聰觀等解營審訊查趙聰觀一犯前據賊

目胡明遠所供係四川湖北為首之人是老教首逆趙鑑

之姪當即訊取供詞同夥賊十六名一併正法所有藍翎

千總胡超應懇

恩賞換花翎鄉勇薛學義照賞格給銀一百兩其餘兵勇按名給

賞又據總兵蒲尚佐稟報參將虎正林等在龍泉寺搜捕

殺賊三名生擒二名滾巖跌死四名又稱前由後窖馬塘

竄走徐家壩之賊百數十名頃探僅有八九十人已由後

河楊柳池老林逃向竹山之梨子坪李天林等帶兵跟剿

又准吳熊光來信竹谿界上老木孔南坪等處有由川

境竄來賊匪兩起一起百餘人一起二三十人查此起賊

匪旋轉於邊界之上已久朝川暮楚蹤迹飄忽即係

奏一百六七十名者又查勒保前奏有一起二百餘名者

今准吳熊光來信兩起共有一百二三十名細查即係

蒲尚佐李天林所稟之八九十名現在竄走梨子坪一起

賊匪並非另股之賊頃接楊遇春來信現在竹谿之洞賓

口等處扼據又據副將馬元遊擊劉彪稟報開縣岳溪場

臣



之賊旋探分爲兩起一起三十餘人向扇子山竄去一起十餘人折向鳳凰山一帶都司瞿心能高星文等分兵排搜鳳凰山之賊直至萬縣之桐槽寺該匪伏於茅坡竟敢抗拒兵丁趙長一生擒僞元帥岳允廂混名岳疤子訊係王三槐股內先鋒殲斃探馬頭李麻三一名活捉男婦賊匪六名口馬元等於二十六日卽帶兵向扇子山進剿又探有另起零匪六七十人竄至大小龍碛一帶分路進擊該匪哨見兵來伏於朝陽觀恃險抵拒外委劉俸武藍翎軍功李大林帶兵抄殺殲斃賊匪二名生擒三名該匪繞道狂奔我兵緊躡追剿又斃賊六名生擒藍號僞總兵熊

德壯果公年譜卷二十五

三

得舉一名夥匪四名仍卽躡蹤搜剿又據豐紳報稱探有賊匪五六十人向後溪河而逃兵勇入林分剿斃賊七名生擒五名滾巖跌斃者十餘名跟追三十餘里又殺賊六名生擒四名查訊獲賊內有僞先鋒項得朝一名又供有僞總兵謝娃兒帶傷不能行走自己跳下天坑等語當卽差人同項得朝前往該處撈起屍身指認屬實並在該逆身上搜出木刻廣西左江鎮標中營守備鈐記一顆又大甯各寨洞圍勇四出搜捕槍斃賊匪一名殺賊三名生擒二名又核桃壩兵丁獲賊二名查楚境現在無成股之賊計色爾滾富僧德慶溥張瑛馬文斌等所辦五起零匪統

共不過二百名均有重兵分投跟剿可期刻盡根株

諭曰此次黃白兩號夥匪經各路將領分路剿殺生擒老教首逆趙鑑之姪僞元帥趙聰觀共計殲擒及淹斃跌斃者八九十人現在楚境零匪不過二百名色爾滾等各率重兵分投跟剿自無難悉數掃除剋期竣事定限六月內將楚賊全行掃蕩現在將屆入伏不得藉口暑熱雨水稍爲鬆勁所有此次擒獲首逆趙聰觀之藍翎千總胡超著加恩賞換花翎鄉勇薛學義除賞銀一百兩著加恩賞戴藍翎以示鼓勵

二十六日

德壯果公年譜卷二十五

三

諭曰近日各處零匪勢極殘敗多者不過百餘人少或數十人數人爲一起而官兵分路追剿尙派至千餘名及六七百名似此重兵追壓不特沿途遇有道路橋梁行走需時并恐人多聲勢浩大賊匪易於探信聞風遠遁多多益善原指勁敵而言近來餘匪無多其所以輾轉追逐未能及早完竣之故未必不由於此朕思與其多而無益將有用之兵置之無用之地何如確探賊數多少但酌加數倍勻出兵力分路掩捕不致聲張總同地方官聲氣聯絡爲要或擇要設伏或探蹤進剿賊匪無從探聽自難趨避定可一鼓成擒此朕慮念軍務偶籌及此著額爾登保德楞泰勒保酌量情形分投掩擊庶兵皆得用迅掃餘氛於六月內早奏肅清



六月初四日

公奏言臣接楊遇春來信據外委陳登科軍功楊昌太稟

報趕賊至房境之桃李坪除沿途逃散外祇贖十八人連

夜前往截殺六名生擒十二名此起零匪全行掃淨又副

都統富僧德等帶兵自歸州之白馬灘過河追至南沱沿

途殺斃賊匪五名生擒四名撲河淹斃三名餘匪十三名

直向東奔所竄之路馬不能行毛秉剛史定川遂帶領步

隊緊跟追剿又副將張應貴等分兵由大江北岸搜查干

總胡超等拏獲賊匪二名參將王占鼇等探得柳池地方

有賊十數人藏於林內帶領兵勇冒雨分投前進把總鄒

全軍功謝貴等首先鑽林生擒偽總兵傅剛一名殺賊一

名鄉勇巴貴潘貴擒賊二名滾巖落水者四名撲河淹斃

者五名此起殊批好起剿洗淨盡又據參將馬文斌遊擊余陞稟報

趕追零匪四十餘人沿途搜剿祇贖三十六人在興房極

險老林山內旋轉奔逃經守備謝金章等追至蘿筐巖洞

探得該逆搶去百姓黃牛四隻向老屋廠而去即令寨民

帶路趕至該處各逆正在宰牛燒食被謝金章帶兵撲殺

斃賊七名生擒六名追至巖邊又殺賊五名餘匪十八名

捨命東奔官兵仍分五路排搜又總兵慶溥帶兵回防二

竹探得獅子垵仙女山有賊匪十七名現在搜剿又據副

德壯果公年譜卷二十五

三

都統銜都當阿總兵李天林稟報自與蒲尙佐會商後沿

途分兵大甯向北徧搜各山內均無零匪隨至磨刀溪與

豐紳會合詢知川楚東北界上並東南一帶俱屬安靜甯

謐又接豐紳來信親督官兵由川省交界之雙橋子張公

橋黃石坂界嶺放馬礮天池壩向陽坂白果園後窖一帶

老林排搜至磨刀溪與李天林會商後又分路由界嶺鐘

蓋窩老木孔沙包子九龍頭等處老林徧搜無賊仍於後

坪雙橋子扼要兼顧並多差遠探隨時截剿又稱大甯山

內與太平交界之後坪新田壩百里荒後溪江池壩加當

灣桐油壩湯家壩一帶老林均已無賊又總兵蒲尙佐等

稟報探得都司曾勝自界嶺趕追賊匪二十餘名入川由

巫山一帶西竄參將虎正林連夜抄截至土地嶺東溝殺

賊一名擒獲二名滾巖者十餘名餘匪北竄楚境曾勝等

尾躡緊跟又接楊遇春來信分兵數路入林排搜其由紅

坪竄來之賊三十餘名即吳熊光所奏由川竄入雞心嶺

二三十名之賊楊遇春已令都司張起鼇崔有源帶兵勇

六百名抄剿查全楚各路官兵現搜之零匪共計八起每

起不過六七名十餘名至多者亦不過二三十名均有重

兵跟追頃據川省來信額爾登保已將首逆齊國典殲斃

副將馬元遊擊劉彪等在開縣鳳臺寺大梁剿殺賊匪五

德壯果公年譜卷二十五

三



名生擒二十名川北一帶業已肅清所有川東等處山之  
內外約共零匪不過三四百名額爾登保現進太平山內  
趕辦勒保已帶兵由開縣東進計川境不日即可一律告  
蕪臣督兵過楚分飭各路鎮將兵勇深入徧搜除慶溥馬  
文斌所追兩起零匪共三十名外實已毫無遺孽現擬令  
吉林泰帶兵駐於巴東之火峰界嶺逐日分兵在於巴東  
興歸一帶山內無賊則往來巡邏有賊則迅即查拏其房  
境並巴東竹山邊界擬令李天林帶兵屯陰條嶺令慶溥  
仍向二竹扼於雲霧溪巴豆園如此分段各專責成再將  
川境豐紳並蒲尚佐等官兵擇要設防逐日會哨巡查搜

德壯果公年譜卷二十五

毛

捕不但零匪不能漏網即有土賊亦必潛蹤滅迹

諭曰此次德楞泰督飭各路將領分投搜捕勦淨兩起殘匪現在  
楚境零匪合計不過百名自可即日掃除惟閱摺內有十數餘  
匪派兵數百名跟追者誠恐官兵過多聲勢過大賊匪轉得聞  
信逃匿官兵徒勞跋涉自應酌分數路分投截捕庶到處有兵  
賊匪無從漏網此旨到時德楞泰如已將全楚餘匪悉數殄除  
固屬甚善儻殲除過半所餘已屬無幾即責成慶成督率將領  
在彼窮搜並命吳熊光嚴飭地方官隨時緝捕德楞泰即移師  
入川沿途逐加排搜設有川省餘匪被勦緊急向楚東竄者德  
楞泰正可迎頭截擊總當於迅速之中勿稍有草率為要

同日公又奏言竊臣准軍機處交發駐京提塘轉齎  
欽頒分賞臣

御製平定三省紀略墨刻一分到營臣祇領望

闕叩頭謝

恩訖伏念教匪不靖蔓延三省計逾七年之久昨冬始得戡定緬

維我

皇上宵旰憂勤

睿謨廣運開一面之

仁

恩威並用勵三軍之志

德壯果公年譜卷二十五

毛

賞罰兼施逐使稂莠屏除閭閻安堵跪讀

宸翰

誥誠精詳道德齊禮首重乎岳牧之官除暴安良崇尚夫法廉之

本

聖藻輝煌稟遵恪守從此吏畏民懷即卜久安長治臣等惟有夙

夜冰兢勉竭駑駘以圖迅奏膚功而共慶

昇平也奏入報

聞

十二日

公奏言據參將毛秉剛等稟報探得天寶山武子山百里



山各老林內藏有零匪分兵四面圍搜殺斃賊匪一名擒獲三名搜至屈家灣又生擒三名又在黃金埡一帶共搜獲五名又參將馬文斌遊擊涂陞於龍洞寨盤獲賊匪一名又天寶寨擊獲賊匪一名守備謝金章等又由胡家沖追來賊匪二十餘人至房縣之羊岔河遊擊涂陞當卽帶兵分投趕追適有楊遇春派來之參將祝廷彪搜賊至扁擔溝從旁抄出迎勦殺斃五名生擒九名又接楊遇春來信守備呂天俸一路在凍耳溝生擒賊匪一名把總劉琥一路在天坪老林殺賊一名生擒六名候補千總唐大德一路在房縣扁擔溝生擒賊匪一名又據孫應奉稟報都

德壯果公年譜卷二十五

完

司曾勝守備胡光煥等自川界截回東竄賊匪二三十名與山內一起零匪合夥當令遊擊銜都司麻光裕抄截至謝家灣老林正值賊匪迎面而來一見官兵卽行折竄麻光裕率兵勇力追殺賊一名生擒三名又令外委李萬芳搜捕賊匪三名又據委辦興山縣西路團勇試用從九品李元盤獲賊匪二名參將王占鼇李貴等連日順江沿山分兵十餘路排搜至白家河石土地埡與副將張應貴等會哨共搜獲賊匪三名副將張應貴馬應國在萬古寺一帶搜獲賊匪七名總兵蒲尚佐連日分派兵勇在邊界各林內徧搜均無賊蹤蒲尚佐扼駐於龍泉寺仍逐日分兵

徧加搜巡臣約計老山內零匪亦不過五六十名以此數路重兵分投搜拏不日實可掃淨其歸巴沿江山內約計尚有零匪一二十名現有副將張應貴馬應國呢瑪善參將毛秉剛王占鼇李貴沈洪遊擊曾勝都司史定川等九路逐處排搜其房縣所屬之紅花埡八角廟紫竹一帶尙有三五零匪現在楊遇春分兵十路搜拏計亦易於肅清各獲犯內訊有各路軍營落後脫逃鄉勇徐貴等八名據供我等原因家中窮苦充當鄉勇度日現在就要撤兵官賞銀祇有三兩不能謀生是以大家商定不如趁零賊未完乘空搶劫臣將該犯等一併正法以警眾心而安良善

德壯果公年譜卷二十五

三

又查東面現已無賊惟興山之北房縣之南一帶老山素爲賊匪往來藏匿之藪現擬將各路兵勇再行分爲多路自東南向西北逐一排搜又查賊匪無幾而官兵數愈百倍未免受其牽綴令將分駐之兵酌分一半裏糧五日在於各老林內逐日往來會哨見面不但三省零匪絕蹤而於官兵搜捕事宜又可以逸待勞俟各鎮將徧巡一次之後令其出具切實鈐結存案備查設有餘匪出於何段卽惟鎮將等是問臣現已擬定自巴東之界嶺馬寨羅平界河壩陳家坡進子場六處酌爲一段派將佐六員各駐一處共安兵二千三百名令總兵吉林泰統轄其自竹谿之



老翁頂三層河馬鬣嶺竹山之長村壩四處酌為一段派將佐四員各駐一處共安兵一千八百名令總兵慶溥統轄其自房縣之陰條嶺相思嶺烏雲頂順水坪高橋河國公坪六處酌為一段派將佐六員各駐一處共安兵二千四百名令總兵李天林統轄其竹谿迤北豐溪平利之鎮坪一帶已有楊遇春總兵喜明等分投扼駐兼顧川陝至於川境自巫山之三匯鋪龍泉寺八石坪琴樂坪四處酌為一段派將佐四員各駐一處共安兵一千五百名外有新設大昌營守備蘇國棟額兵二百五十名又協防兵二百五十名均令總兵蒲尙佐統轄其大甯之雞心嶺後坪磨刀溪通城四處酌為一段派將佐四員共安兵一千八百名其餘兵勇及新設徐家壩汛守備曾大用額兵二百五十名又協防兵二百五十名均令豐紳統轄仍駐徐家壩似此疆界劃清俾無推諉各專責成統俟山中零匪搜淨即將隨征鄉勇先為裁遣次將外省官兵撤回至分防各處多係老山箐林馬力不能施展其東三省馬隊共三百餘員名<sub>臣</sub>均抽出令前赴房縣聽候吳熊光酌量裁撤諭曰此次官兵分追零匪均有斬獲統計楚省零匪不過數十人可期剋日勘淨計此旨到時德楞泰竟可無庸兼顧將搜捕之事責成吳熊光慶成德楞泰即帶兵赴川與額爾登保勒保會

德世果公年譜卷二十五 三

商搜捕所有四川邊境老林亦當如湖北所定章程分段安設官兵各專責成逐路排搜會哨想額爾登保等前摺所稱變通辦理之計亦不過如此額爾登保與勒保務將善後事宜周詳妥辦先撤鄉勇再將各路征兵以次裁撤至鄉勇曾經殺人搶掠之徐貴等八名一併正法一節所辦亦是此事朕早經慮及是以節次降旨令各督撫等妥為安置該犯等因現須撤兵乘空在外搶劫即與逆匪無異自應嚴加懲治惟各路軍營鄉勇本因窮困不能度日是以投營效力今大兵陸續裁撤該鄉勇自知回籍後不能謀生妄思趁賊匪未完之先搶掠財物冀圖回家生理此亦饑寒所迫出於勢不得已迨至身罹罪網又不能不置之於法該鄉勇從前著有微勞今竟以無業可歸陷於重辟其情究屬可憫著勒保吳熊光等遵照前旨務須督飭承辦各員將撤遣鄉勇一面剴切曉諭有犯必懲一面設法安頓俾有衣食之資不致流而為匪方為長策

德世果公年譜卷二十五 三

十八日

諭曰川境餘匪祇贖二三百人為數已屬無多不難剋期殄滅昨已有旨令德楞泰由楚入川向西排搜計此旨到時該參贊亦可抵川境額爾登保兩人會合即可籌商由六百里馳奏三省肅清但此係全局厥功必須詳慎周妥為一勞永逸之計去臘馳奏捷音搜捕餘匪延至半年之久此次奏報肅清後若另生



枝節拖延時日不但不成事體汝等亦不能當此重咎必應慎之又慎方為萬全此時零匪無多自不值以大兵久駐虛糜糧餉但本省官兵如果足敷留防方可將徵調各兵全行撤去儻或尚不敷用不妨將近省客兵及東三省之徵調未久者酌留若干為防守之用德楞泰侯馳奏六百里喜音後即遵前旨先行入京展覲回任後額爾登保善後事宜想已全行辦竣再將留防各兵以次裁撤並將東三省官兵於來京時順便帶回亦無不可也

是日長孫倭什訥生

二十一日

德壯果公年譜卷二十五

三

公奏言竊據參將馬文斌徐陞等稟報連日由房縣一帶搜捕至興山界內探得偏巖子有零匪屯聚派兵勇搜剿三十日黎明趕至偏巖子遇有賊匪十五六人竟敢恃險迎敵經兵勇擒殺斃旗手一名餘匪紛紛鑽林跳巖奔逃又殺賊三名又據總兵吉林泰稟報巴東一帶現無賊蹤又派兵搜至巫山之湖交林山後遇零匪七名趕殺一名淹斃二名生擒四名此起零匪已盡獲犯內訊出張玉清係青號偽軍師羅克升係偽先鋒一併解送來營訊明辦理又據副將張應貴馬應國呢瑪善等稟報分兵由歸州一路排搜南至野竹山有賊匪六名見兵即逃追

至江岸之葉灘擊獲賊匪二名截殺一名其餘三名均被衝入江心淹斃又據參將王占鼇李貴守備周永泰鄒志賢稟報至歸州之水田壩河口擊獲賊匪一名又至王家坡搜獲賊匪一名又據參將毛秉剛都司史定川等稟報搜至歸州之楊鼓匠坪老林擊獲賊匪二名截斃一名又據遊擊李東宣稟報分兵由歸州之大小峽一帶逐日排搜探有零匪數人夜出掠食由買家店竄至長嶺溝即連夜赴彼擊獲二名內有偽先鋒陳子龍一名見兵趕急自用刀抹傷右項旋經兵勇擊獲又據興山縣五童寨寨首賀廷珍擊獲賊匪一名所有各路獲犯並耳記陸續解送到營均訊明分別辦理其殲擒之兵勇寨首均皆照舊按名給賞又接楊遇春來信前由竹山剿贖餘匪派出參將祝廷彪率同千總唐大德把總劉彪蒲明等帶兵趕追在鐵廠紅花塚一帶殲斃賊匪五名生擒四名所贖八九人有竄燕麥嶺之勢仍令祝廷彪等分投排搜又接豐紳來信前由陰條嶺竄入大甯後窰馬塘之賊折回竹谿之黎子坪陰峪河稍洞子一帶聚有賊匪五十餘人有向大凹老山之勢豐紳即帶兵馳往抄截迎住賊頭當殺賊三名生擒五名又趕緊力追殺賊二名生擒六名餘匪三四十名連夜由水槽子關口山老林逃遁慶溥又派遊擊馬

德壯果公年譜卷二十五

三



濟勝李天林遊擊銜都司麻光裕等帶兵由相思嶺等處扼剿豐紳另派遊擊王國輔等跟追臣又飛飭守備謝金章等前往協剿查該逆所贖不過三十餘名不日即可掃除又探得保康之金斗坪有山內逃出零匪十數名假充哨探兵勇西奔有走柏木壽陽入山之勢臣當派藍翎軍功楊昌泰帶兵一百名前往跟追至楚境東面老山如南漳縣之馬良坪遠安縣之店子坪東湖縣之紙房鋪秀水霧渡河焦贊亞殷家坪一帶業已往來徧搜無賊其歸州所屬之青灘茅坪廟坪魯家河五支山紅曲鄉萬古寺保康所屬之黃家泡石屋頭涼風坪七腳坪朝陽寨竹園河

德壯果公年譜卷二十五

三

羅家坪青山太陽坪公坪房縣所屬之毛家河茶園河飛虎寨唐家灣方家坪毛山觀籬箕山光化寨鳳凰寨牛欄頭天興寨水果園雙合寨雷公坡貓兒觀三顆樹白果樹平頂塘馬頭寨馬家河興山所屬東北面之寒水河三溪河巖寨黎子坪火燒巖東岳寨楊家莊林家寨石桿洞三溪園楊家寨栗花坪秦家寨五道溝三寶寨故村河三星寨羅裙巖厚朴寨涼風坪吳寨兩河口並東南之建陽坪百里山雞公梁天寶山佛堂坪大小峽栗子坪后界坪夏陽河水月寺樹公坪大坪石溝子青龍口石佛寺兩河口黃連坪以上各屬老山內臣俱已分派兵勇徧搜兩次實

無遺孽其房縣南面老山內尚有餘匪十餘名有楊遇春一路兵勇並臣派去之參將馬文斌余陞等帶領兵勇在彼分路搜擊即日可以肅清其餘各路搜捕之賊現在均聚於邊界之上有西竄入川之勢不過三四十名臣應即移師前往督飭趕辦第思東面與歸各山內或有一二藏匿之匪或有落後人夫鄉勇及土匪出沒滋擾均未可定現令副將呢瑪善參將王占鼇李貴等各帶原兵往來巡查楊遇春帶兵在北面房竹一帶排搜足資策應又據總兵蒲尚佐稟報外委朱仲魁於初二日在巫山之二坪山同寨勇殲賊三名滾巖跌死一名又軍功劉國輔在琴樂

德壯果公年譜卷二十五

三

坪後山梁搜獲賊匪一名殺斃一名均交巫山縣訊辦蒲尚佐因探報副將羅聲皋等在大甯山內追剿之賊匪一百四五十名已由山東竄即帶兵馳赴大甯水口迎剿此外各處俱經指定地界設卡安兵分飭鎮將等派兵循環徧行搜巡臣現在趕赴巴巫界上一面督飭各路將弁將界上殘匪併力掃除一面探明羅聲皋所追之賊前往夾擊又可與額爾登保會晤籌商辦理

諭曰德楞泰奏稱各路搜捕之賊現在均聚於邊界之上不過三四十人是楚省零匪已屬無多自不難計日肅清但此等潰匪視官兵為趨避而大山老林之內尤易藏奸即如摺內所稱楚



境東面一帶南漳縣之馬良坪以至兩河口黃連坪數十處地方均已分派兵勇徧搜兩次實無遺孽一節此卽不足深恃各該處老山內現有官兵四路搜查該匪等自無從竄迹迨官兵過後安知他處不有未淨餘孽潛往伏匿日久別滋事端殊有關係上年馳奏大局裁定則搜捕餘匪原係善後應辦事宜尚不妨稍寬時日今搜捕已閱半年之久若奏報肅清以後另生枝節成何事體况據奏此次偏巖子賊匪不過十五六人尙敢恃險迎敵可見此內尙有兇橫矛手是以疊次降旨諭令不可全撤兵勇德楞泰必須慎之又慎實屬萬全周妥始可謂全局蒞功至所稱指定地界設卡安兵之處已分飭總兵等派兵徧

德壯果公年譜卷二十五

三

七月初一日

公奏言據參將馬文斌遊擊涂陞報稱官兵在房縣之鮑家山至蔣家坪一帶探搜均無賊蹤惟外委常榮在桂連坪老林殺賊二名生擒一名又據蒲尙佐稟報官兵在巫山廟壩子等處獲賊二名又據都司麻光裕稟報在黑洞溝等處搜殺賊匪二名滾巖跌死四名並據大甯縣知縣郭南英等稟報派出差役等協同各處寨勇拏獲賊匪三

名殺賊二名陣亡鄉勇李文輝冉相國二名其由陰峪河折竄烏雲頂賊匪五十人現據總兵慶溥稟報遊擊馬濟勝與楊遇春派出之都司余步雲等合兵趕剿追至謝家壩當陽坡該逆遁入巫山之大草塘屯紮官兵分爲三路入林搜捕追趕四十餘里殺賊數名生擒偽先鋒劉世榮等九名餘賊四十一名向烏雲頂相思嶺南逃馬濟勝余步雲等仍跟蹤尾追臣又飛飭麻光裕等併力趕剿並飭參將馬文斌等由興山之長房河向西迎截此股賊匪現據吳熊光知會副將孫應奉稟稱該匪竄至鹽場與該處零匪合夥共約八九十人由陰峪河竄至房屬稍洞子此

德壯果公年譜卷二十五

三

時既有麻光裕跟追楊遇春亦前往截剿自可得手又准豐紳來信所派遊擊王國輔西追之賊祇有三十餘名並未合夥由關口山老林翻山向桃園寶山一帶奔竄現已深入川境此外如二竹一帶已無賊匪與房巴東山中雖有未淨零匪不過十數人及三五人者兩三起時出時沒軍民俱有擒斬其勢斷不能聚集爲患實不逾以大隊官兵入爲牽綴臣於十六日抵界上之三溪子飭催慶溥吉林泰李天林等安設卡隘分兵搜捕適提督慶成亦由宜昌趕到臣卽交令督催並移咨吳熊光查照此時川省零匪所贖亦不過一二百名臣拜摺後遵



旨西行回川一面沿途排搜有無藏匿零匪就近與額爾登保會  
合妥商辦理斷不敢稍有草率致貽後患

諭曰楚省零匪本已有限此次復經各處兵勇紛紛殲獲計所贖  
通共不過數十名勢已就盡且衰敗之餘不能聚集自不值以  
大隊官兵為其牽綴德楞泰於分設卡隘後交與慶成督飭搜  
捕一面即督兵西行回川沿途排搜有無藏匿之匪就近與額  
爾登保等會合所見甚是川省零匪據稱亦不過一二百人德  
楞泰與經略會合時又必續有擒斬自即拜發六百里奏摺計  
此時喜音業已在途德楞泰遵旨先行入覲諒亦即日起程殊  
深欣望朕亦亟思見德楞泰之面也

德壯果公年譜卷二十五

三

十五日

公奏言臣前將楚境邊防並所贖零星遺孽交吳熊光慶  
成督辦搜拏臣移師回川所有遊擊馬濟勝都司余步雲  
等前由房境硝洞子截剿南奔與山龍門河之賊四十餘  
名又向歸州之龔家橋東遁都司麻光裕業已尾追前往  
臣查參將毛秉剛帶兵七百餘名原在與山一帶搜山即  
飛飭令其由東面水月寺迎截又飭歸州沿江搜捕之遊  
擊金洪嗣李東宣等亦帶兵就近協同毛秉剛趕緊剿洗  
計三路官兵二千餘名又有慶成在彼督辦諒日內當已  
掃除又據參將馬文斌等稟報在房縣一帶搜山鄉勇龔

錫命斃賊一名兵丁周應龍獲賊一名又外委何貴在筲  
箕凹殺賊二名外委劉朝相等在與山縣屬之山牙坪殲  
斃一名馬文斌等現由房縣之長房河鮑家山與山之桂  
連坪一帶搜捕回川等情又據遊擊金洪嗣李東宣稟報  
千總謝英楊林在巴東之鐵廠壩搜獲賊匪一名又總兵  
吉林泰稟報兵丁楊成秀賀發倫在空桐樹壩搜殺賊匪  
二名兵丁吳佳順拏獲活賊一名兵丁唐正明在巴東之  
曾家嶺拏獲賊匪一名一併解送慶成處查辦核計楚境  
所贖零匪不滿百名辦理斷不致有稽遲又准豐紳來信  
並總兵蒲尚佐面稟川楚邊界內外連日巡查俱已無賊

德壯果公年譜卷二十五

四

臣復查驗川境沿途所設卡隘均為嚴密惟大甯之通城  
一處尙未安兵臣即令本營參將馬文斌遊擊徐陞等帶  
領兵勇七百餘名駐彼扼截庶川界東面與楚境西界均  
為周密又遊擊王國輔等前自房縣硝洞子大凹截剿入  
川之賊三十餘人節有擒斬趕至大甯之大溪地方又殲  
斃賊匪三名生擒二名因黑夜追賊陣亡兵丁一名難廕  
千總高守謙墜馬落巖身斃查此起賊匪現祇贖十餘人  
王國輔等緊躡追剿即可洗除又據總兵蒲尚佐稟稱外  
委唐福率同寨勇在巫山之黃金山擒獲賊匪二名均解  
營分別辦理又探得田朝貴追賊在太平之柏森坪殲擒



二十餘人<sub>臣</sub>查川楚邊界內外現在兵勇實為梭織巡查零匪不能藏匿惟太平大甯老山箐林額爾登保親督將領進山趕剿各逆畏避分逃難保無三五零匪免脫東奔

<sub>臣</sub>現在振旅西行分兵三路令副都統銜色爾滾副將張應貴帶馬步兵勇由水口西進令副將馬應國等帶兵勇由川楚邊界之馬塘磨刀溪入山搜剿<sub>臣</sub>督率副都統富僧德總兵馬瑜等由天池子哨樓奉節之草堂河黑樓門西進沿途共搜獲賊匪十一名於二十七日齊抵大甯之寶塔適豐紳帶兵巡搜而來<sub>臣</sub>復將邊界卡隘並搜捕事宜面為商論探得額爾登保現在開縣山內高坪雞鳴寺

德壯果公年譜卷二十五

聖

一帶督搜此時川境零匪統計不滿二百名均皆星散奔逃而到處均有官兵不難分投拏獲自易肅清勒保現在大竹梁山一帶自亦必移師而來<sub>臣</sub>現距雞鳴寺不遠擬即赴額爾登保處三面會合籌商一切遵

旨聯銜拜發六百里喜摺後<sub>臣</sub>即先行北上冀得至

行在扈蹕瞻仰

天顏

是日未刻公偕額爾登保勒保由六百里馳摺又奏言<sub>臣</sub>等仰蒙

恩命總統師千勦辦教匪於上年冬底先將大局裁定當即馳報

凱音上紆

宵旰維時老教成股之賊雖已掃盡無遺而三省毗連地界山深林密道路懸長尙有餘黨被官兵勦散四處藏匿苟延殘喘且該匪等梟獍性成怙惡不悛有久經殘敗之徒而畏罪偷生復事糾結者亦有本屬脅從之眾而久假成真乘機搶掠者困獸猶鬪餘燼未除<sub>臣</sub>等憑仗

天威載揚

聖武將三省官兵分作數十路策勵將士協同團寨無分雨夜到處窮搜或臨陣誅夷或沿途盤獲或零星俘斬或聚而殲旃所有著名遺孽如姚馨佐陳文海宋應伏劉渣鬍子曾

德壯果公年譜卷二十五

聖

芝秀宋國品齊國典靳思慶李顯碧冉璠張士虎趙聰觀崔宗和胡明遠龍老八等先後伏誅者統計又有十餘名此外偽總兵偽先鋒等素不著名之賊節次擒斬亦不下數十名其餘賊夥經官兵掃除及州縣招撫者復以千計此皆仰賴

聖謨指示

睿算周詳故<sub>臣</sub>等得所遵循克臻完善近日陝省已報肅清川省地方經<sub>臣</sub>額爾登保與<sub>臣</sub>勒保在太平大甯及雲開新達等山內外徧處排搜實已無成起之賊<sub>臣</sub>德楞泰亦將楚境餘匪殲除殆盡頃移師四川並將巫山奉節一帶邊境



順路搜查亦已甯靜即使深山窮谷或有一二餘孽三五為羣零星潛匿者不過如鼠竊狗偷之輩酌留兵勇緝捕斷不能稍有漏網不值因此稽我師徒是以臣等前此籌商凱撤事宜酌擬章程分別條款即行奏請

聖訓仰荷

諭旨詳晰指示纖悉不遺臣等聽誦之餘實深欽佩悅服臣等查前議留防兵數已極充足各就本省現在征兵分撥其數有盈無絀無須再留客兵至鄉勇一項歷年招募防勇均已全撤無存征勇亦節經裁減此時所存勇數無多皆久在行間出力打仗之人即與征兵無異故臣等前有改新

德汪果公年譜卷二十五

聖

兵之請茲既仰蒙

恩允是該勇等皆有歸宿無庸更籌防範至三省邊境留防事宜昨臣德楞泰已將楚境官兵分段安設奏蒙

聖鑒在案至陝境防兵久經分段安設惟為數尚多應行分別撤留臣額爾登保已將應撤應留官兵酌定名數派員前往歸集頃提督楊遇春已來營會合臣額爾登保將陝境留防事宜詳細告知令其即日回陝會同將軍興奎妥協辦理所有川省兵勇刻下尚在分路搜山必須先為酌定應留應撤各數仍將應留兵勇派定段落安設分委鎮將管帶各專責成逐路會哨排搜以期一匪不留地方永臻甯

謚臣等即日趕緊辦理務期川陝二省邊界與楚境現設官兵形勢聯絡聲氣相通一俟辦定再行恭摺奏聞茲拜摺後臣額爾登保暫駐川境與臣勒保會同辦理臣德楞泰即遵

旨於七月初九日自川省太平起身由陝省定遠一路兼程行走期於中秋節前趕抵熱河瞻觀

聖顏叩謝

天恩跪請

慈訓所有川陝楚三省餘匪肅清及官兵分別凱撤留防各緣由謹合詞由驛六里馳奏伏祈

德汪果公年譜卷二十五

聖

睿鑒

諭日本日由六百里遞到額爾登保德楞泰勒保會奏官兵剿捕餘匪全竣三省地方肅清喜摺覽奏實深欣慰邪教匪徒雖不過內地羣民聚眾倡亂然剿辦已閱八年之久溯自嘉慶元年命將出師正值朕受璽之始親承

訓政荷蒙

皇考睿謨廣運

指示機宜纖悉備至惟因賊黨蔓延日久一時未能迅就掃除我皇考聖壽益高猶復

籌咨不倦每於軍書旁午之時朕躬侍



左右仰見

宵旰焦勞無時或釋殷殷

望捷直遠

彌留朕追維

光烈益懷仔肩親政以來辦理軍務一一恪遵

遺訓申明紀律連年將稔惡首逆殲擒淨盡匪黨數萬一律殄除

上年冬間業已三省督定馳告歲功祇因大山老林不無餘孽

竄匿偷生復諭令經略參贊等遴派官兵四出窮搜及今又閱

八月始能全境肅清本日中元節朕恭詣

安佑宮行禮瞻拜

德壯果公年譜卷二十五

慶

聖祖

世宗

皇考聖容正在虔緝

恩慈而未刻已據馳報捷書如響斯應此皆

昊蒼默佑

祖

考垂麻得以底績告成仰酬

皇考在天未竟之志稍釋朕躬繼序之責從此海宇敕甯天下臣

民共享昇平之福皆由

皇考訓誨詒謀實不敢存運籌決勝之意惟帶兵大員等懋著勤

勞允宜再加甄敘經略額爾登保參贊德楞泰於上年冬間奏

報大局戡定時錫爵酬庸曾遂上賞現雖係勦捕零匪辦理又

經八月有餘奮勉窮搜不遺餘力前後誅斬著名遺孽十有餘

名此外偽先鋒偽總兵等又殲擒數十名其餘賊夥殲擒招撫

者共以千計現在更無遺孽三省地方甯謐辦理實為完善額

爾登保德楞泰著加恩各賞給白玉喜字搬指白玉大吉牌白

玉翎管鑲玉帶牌鑰匙袋順袋黃辮大小荷包俱仍交部從優

議敘額爾登保現因經理善後事宜暫留川省其賞件即由驛

發往德楞泰業已起程來京著派伊子乾清門侍衛副都統銜

蘇崇阿親齎賞件迎交祇領用示歲功行慶至意

其餘均擢賞有差

德壯果公年譜卷二十五

吳

恭錄

御製詩

經略額爾登保參贊德楞泰奏報三省底定餘孽全平詩

誌感慰

戡定軍書去臘呈又逾春夏報全平兆民復業衷差慰八載籌

戎事幸成

考佑於昭均沐澤

天心厭亂始休兵毒痛赤子虞流患盜弄潢池豈遠征穴倚南山

賊屢竄機遲西蜀將頰更練團合力歲功速褒鄂抒忠晉爵榮

元氣未蘇益戒滿官常宜飭願持盈稍酬



遺志倍兢業安不忘危永矢誠

二十九日

諭曰德楞泰奏經過川陝地方情形並稱陝省南山零匪與太白山各匪湊合賸有五六百人德楞泰飭令楊芳吳廷剛等上緊搜捕並知會興奎楊遇春等督飭剿洗所辦俱是諒楊遇春到彼即可率同楊芳等將未盡殘匪一律掃除肅清陝境也至稱於二十二日行抵華州兼程行走冀早趨赴行在等語德楞泰在外帶兵年久幸已振旅凱旋朕亟欲親加慰勞且本年哈薩克及越南貢使均赴熱河瞻覲例有宴資意欲俟德楞泰到時特命入宴以示優眷現擬八月初八初十兩日均可筵宴如能

德壯果公年譜卷二十五

罷

於初六七趕到即用初八日期否則亦必於初八日趕赴熱河方不誤初十筵宴之期德楞泰接奉此旨務當趨程行走先期趕到為要

案此 諭於八月 初一日正定途次奉到

德壯果公年譜卷二十六

次孫花沙納恭纂

嘉慶八年癸亥

八月初九日

公抵熱河

行在請

安即蒙

召見渥荷

恩獎再四

褒勞並

德壯果公年譜卷二十六

諭以苗疆平定旋辦教匪卿馳驅三省暴露於外幾及九年向以軍事方殷眷念勞臣無由接見今詔戎威績六合澄清卿功比褒鄂名滿天下而朕尚未識其人因

命移跪軍機大臣墊近

御前

上審視之泣下公亦泣下是日奉

旨賞給馬匹

命在紫禁城騎馬並

御製詩賜之

恭錄



御製詩

賜內大臣成都將軍繼勇侯德楞泰

廟謨夙領久超羣屢典戎行勇略聞功著川中安萬姓名揚閩  
外冠三軍裒封特建千秋業受澤毋忘百戰勳福將來朝諸事  
定救甯遵路息紛紜

初十日

賜哈薩克越南使臣宴於萬樹園公與焉

十三日

諭曰本日召見德楞泰詢及從前殲斃齊王氏姚之富情形據稱  
齊王氏等由陝西向東奔竄明亮德楞泰帶兵追剿賊匪由上

德壯果公年譜卷二十六

津堡竄至張家灣溝內彼時賊匪如從溝口竄出大路即毫無  
攔阻因別無路徑可以繞至賊前正在焦急忽見賊眾轉回又  
有數千人緊跟其後疑係另股賊匪及詳加察看並令官兵示  
以軍中暗號始知係屬鄖西鄉勇迎頭將溝口截住賊匪因前  
有鄉勇迎截思欲搶上山梁經呵哈保帶兵下壓明亮德楞泰  
督率弁兵四面圍剿齊王氏姚之富等無路奔逃遂跳巖跌斃  
其時因急欲奏報未及詳查僅將帶領鄉勇出力之外委保奏  
當蒙恩越級陞用守備後來方知此項鄉勇實係鄖西縣知縣  
孔繼樞平日自行捐貲雇募練習有方彼時全資其力德楞泰  
因當時未經保奏後來事隔多時亦不敢專摺具請但際此大

功告厥凡軍營出力人員無不仰邀恩獎而孔繼樞從前著有  
勞績實不敢掩沒其功等語孔繼樞平日官聲本好朕所素知  
現又據德楞泰保奏伊前此殲斃齊王氏姚之富等實屬該縣  
所募鄉勇認真出力自應查明酌加優獎著傳諭吳熊光詳查  
該縣令從前所帶鄉勇是否自行出貲雇募孔繼樞現在有何  
加銜是否賞戴翎枝據實具奏候朕加恩

九月初三日

諭曰現在三省軍務全肅德楞泰係成都將軍不必兼參贊大臣  
銜

是時陝省南山零匪煽動偷渡漢江由西鄉入川奉

德壯果公年譜卷二十六

旨德楞泰係成都將軍著即行赴川督剿代額爾登保還京

初九日公

陸辭起程回成都將軍任

諭曰德楞泰現於初九日起程回任已諭令於過陝時前赴南山  
計彼時零匪自己辦淨儻德楞泰到後尚有未完餘孽額爾登  
保不必急於起程竟當在彼多住旬日會同督辦務須搜剿無  
遺方可來京瞻覲方維甸近在省城一得探報信息即隨時馳  
奏以慰廛注

二十日

諭曰德楞泰自京回任時已諭令路經陝省即前赴南山將所餘



零匪督率趕緊辦竣本日據額爾登保奏南山零匪約有男婦二百餘人且有騾馬已竄至鎮安米糧寺由茅坪羅家峽東竄並聞竄至江口地方有焚燬兵房之事南山零匪前祇數十人今又聽其裹脅至二百餘人且帶有騾馬沿途焚掠已竄至鎮安地界看來自奏報肅清後帶兵大員及將領等均不免鬆勁已降旨申飭令額爾登保速赴鎮安督剿並將楊遇春拔去花翎將楊芳吳廷剛革去翎頂令其戴罪自效計德楞泰此時已將抵陝省著即馳赴鎮安會同勦辦德楞泰行至陝境遇有裁撤兵勇擇其得力者即酌量帶回幫同勦賊此內鄉勇一項尤應留意該勇等本無恆業惟利是趨恐裁撤後無業可歸一聞

德壯果公年譜卷二十六 四

殘匪聚集又復前往助惡不如乘便帶往統俟將此股賊匪二百餘人勦淨後再行裁撤方為妥善此時額爾登保已挑派勁兵遇賊東竄之路並親帶官兵由白土關與安取道前進再得德楞泰前往會勦自當就地一鼓殄除不但不可令其竄入豫境亦斷不可令其再逸入二竹又延時日總期一兩旬內迅速全行辦淨此為至要

又

諭日前據德楞泰奏稱伊從前殲斃齊王氏姚之富等實由鄖西縣所募鄉勇認真出力會降旨令吳熊光查明具奏茲據奏稱其時鄉勇係縣民郭友桂榮為首經該縣孔繼樞曉諭自相圍

練等語該縣孔繼樞練集義勇素為得力前次齊王氏姚之富等宜至該縣得以隨時就擒實屬能事現已大功全成自宜加之優獎孔繼樞著加恩賞加同知銜並賞換花翎義勇桂榮著加恩以千總即用其郭友據稱不願入營著加恩賞給千總銜用昭獎勵

十月初五日

公偕方維甸奏言臣德楞泰於二十六日臨潼途次接到臣方維甸來信並甯陝鎮安文武稟報賊匪由鎮安洵陽竄至鄖西界上經楊芳帶兵截回與楊遇春分路兜勦參將特依順保等從東北面堵截經額爾登保亦自安康

德壯果公年譜卷二十六 五

漢陰前來督勦賊匪聞知大兵全集連夜折竄西南於九月二十日在石泉之七星壩地方躡淺渡過漢江南岸竄至西鄉之白沔峽茶鎮等情伏思南山內山深路險秦嶺太白山一帶老林叢密處處有藏身之地搜捕每難得手今此起零匪被官兵追截業已逼出南山兵力可以施展轉不致久稽時日是此次賊匪渡江實係極好機會臣德楞查賊竄之白沔峽茶鎮地方皆係由西鄉入川之路賊匪於二十日渡江適日必已入川且聞賊匪多係川省之人或竟奔回太平大甯等處山內潛行解散亦未可定即或尚在竄擾該處本有勒保督同提督豐紳總兵田朝



貴馬瑜等數路官兵臣德楞泰親往勦辦亦屬易於撲滅計自西安至賊匪渡江處所約有一千數百里臣德楞泰於拜摺後即由棧道馳驛前往漢中從西鄉一路追勦臣方維甸已飛飭陝安道朱勳等雇備騾頭撥給馬匹送臣川境以期行走迅速所有臣方維甸預備隨入南山之軍標撫標兵五百名俱已停止前派防堵峪口官兵亦即撤回本營臣德楞泰伏思三省賊匪全平所贖者祇此湊聚之二百餘人川省本有兵勇足敷調遣無庸楊遇春楊芳等越境帶兵追勦且南山地方深廣必須分路排搜陝境甫就救甯亦須有兵彈壓臣德楞泰到軍營後即令楊遇春等率領原帶征兵仍回南山分路搜捕以本省提鎮帶兵辦理可期得力至額爾登保前奉諭旨令於臣德楞泰到後更替回京嗣因南山零匪湊聚增多仍留額爾登保在南山督勦今此起零匪業已渡江陝省肅清並無應勦之賊若經略久留在外轉似大功尙未全完愚民無知未免傳聞疑慮應俟臣德楞泰會晤額爾登保商定一切額爾登保即可回京恭復

德壯果公年譜卷二十六

六

之事其在老林藏匿之一二零匪亦難保其必無此皆地方官應辦之事自應逐處搜捕務使窮鄉僻壤匪蹤淨盡以冀仰副聖主綏靖疆圉安輯閭閻至意

諭曰南山餘匪逼過漢江竄入西鄉一帶楊遇春等帶兵躡額爾登保亦已過江督辦南山稍覺空虛恐尙有餘匪潛匿是以諭令德楞泰前往巡查今據奏賊竄之白沔峽茶鎮地方均係西鄉入川之路賊匪適日必已入川德楞泰即由棧道馳往從西鄉一路追勦等語計德楞泰此時已行過西鄉將入川境自不必再行折回前赴南山但三省久報肅清而零匪尙有二三百人往來奔竄肆行無忌成何事體現在該匪竄近川省想額爾登保自己否會勒保飭令官兵迎擊德楞泰馳抵該處務同額爾登保嚴飭帶兵大員奮力兜截將此起零匪儘此月內趕緊辦竣毋再遲延至額爾登保前已諭令暫緩來京大功告成後或有餘孽未盡經略大臣在彼多駐數旬務臻完善此尙事理所有儻辦理稍有疎率回京後仍須復行馳往則真駭人觀聽也又稱到軍營後即令楊遇春楊芳率領原帶征兵仍回南山搜捕自當如此辦理該二員本係陝省提鎮南山是其管轄自應責成搜勦著德楞泰傳諭楊遇春等即速回陝務當周歷巡查實力搜捕如果無遺孽即出具印結咨方維甸具奏再當

德壯果公年譜卷二十六

七



核其功過

十四日

諭曰額爾登保奏此次殘匪向南奔竄副將朱槐等倉猝被害殊屬萬分不值朱槐向在軍營帶兵尙屬出力今因迎擊賊匪猝被矛傷陣亡自由伊等見零匪無多稍涉大意閱摺內所稱該匪竟與官兵衝突又稱竟敢下壓數次詞句之間多有輕視賊匪語氣看來額爾登保及楊遇春等自馳報肅清以後均未免心存輕忽即從前該匪等在南山奔竄日久不能辦淨亦未必不由乎此現在該匪等尙有一百七十八人西竄青岡林一帶或尙有著名頭目如苟朝九余佐斌等改易名姓隱匿糾結亦

德壯果公年譜卷二十六

八

未可定此股零星湊集殘匪竟至戕害大員及弁兵多名罪大惡極無可憐憫須按名擒斬以絕根株此時楊遇春等跟蹤前進德楞泰諒已到彼額爾登保富會同嚴飭楊遇春及鎮將等趕緊追擊趁該匪等全夥奔竄正可儘我兵力兜截聚殲況吳熊光挑留馬隊官兵一百員名現又到彼額爾登保等軍威益壯務於月內督率辦完毋再遲緩即此股餘匪已就殲除仍恐尙有一二零匪潛匿山內過冬或來歲春融復出滋擾必須剷除淨盡德楞泰俟此股辦竣後且不必回任當在川陝邊界地方往來偵緝須至來年春間如果一無萌蘖可期日久救甯彼時德楞泰奏明再行回任亦不爲遲

十六日

公奏言臣於十月初六日行抵漢中接准經略額爾登保來信賊匪過漢江後屢被楊遇春楊芳等截剿額爾登保又親帶官兵在西鄉縣屬之觀音堂一帶迎剿殲獲甚多現在祇贖賊匪二百餘名或竄四川太平或奔巴山老林均未可定等語查該匪等大半皆係四川無業游民湊聚山內經官兵搜捕緊急即渙散竄出山外意欲逃生是以沿途行走並不殺害百姓現經額爾登保親督官兵緊追而楊遇春楊芳等亦均折回有此各路官兵分投剿辦斷不能久延時日臣又查湖北境內業已肅清四川所贖零

德壯果公年譜卷二十六

九

匪現有提督豐紳總兵田朝貴蒲尙佐副將羅聲皋桂涵等數路官兵搜捕足資辦理是以飛札總兵馬瑜將臣原帶兵勇二千餘名帶領由太平取道迎剿此股賊匪前來臣現由西鄉渡江入山並無隨帶官兵今此股賊匪業已南竄有入川之勢相距穆家壩甚遠臣已將汪啟所帶在南鄭防堵官兵二百名並漢中協標官兵一百名共湊集三百名帶領前進俟馬瑜帶兵趕到時再令此項官兵各回防汛現在即取道西鄉定遠一帶迎晤額爾登保妥籌計議迅靖餘氛如賊已所贖無幾未便以數十零匪牽綴經略在外臣自當接手辦理完善厥功



諭曰此股遺孽昨據額爾登保奏到連次趕剿已截獲數十名此時祇贖一百七十八人德楞泰發摺時自向未得信息此股竄匪現由青岡林西竄昨已有旨令德楞泰會同額爾登保督率將領趕緊兜擊務趁全夥奔竄之時悉力辦淨額爾登保德楞泰惟當遵照前旨於月內辦完不可延緩至摺內所稱該匪等大半係四川無業游民零星湊聚經官兵捕急即思渙散此次出山之後意欲逃生沿途並不殺害百姓等語此則斷不可信該匪等先經燒燬兵房昨復將副將大員戕害並傷及弁兵多名安得謂之意在逃生有心渙散此時官兵為數不少正當上緊趕捕即賊已四散亦當悉力窮搜勿遺醜類不可先存招撫

德壯果公年譜卷二十六

十一

之見希圖解散之事即該匪見官兵剿急相率乞降亦當密察其實係真情悔罪如張長青王國賢者方可貸其一死切勿墮其奸計以致來春撤兵之後遺孽復萌此為至要不可姑息至摺內稱與額爾登保會晤後如餘匪無幾伊自當接手辦理等語德楞泰辦理奮勉數年以來各處著名首惡並大股賊匪俱被剿滅何況此零星餘匪豈難剿淨尚須額爾登保在彼與之合辦但伊身係經略自應將各省餘匪辦理淨盡地方甯謐方可凱旋也

二十四日

公偕額爾登保奏言賊匪因我兵追急連夜由青岡坪筆

筒觀任家坪一帶向西奔竄楊遇春督率楊芳吳廷剛跟蹤追躡額爾登保親率官兵由荒田背長嶺一路顧東而進接據豐紳田朝貴稟報前因接札飭知有殘匪南竄恐其遁入川境一面酌留官兵分段搜捕一面均帶兵探剿前來隨飛飭豐紳由西面樓子廟一路田朝貴由雞侯壩一路分投探蹤以收夾擊之效初九日師抵麻池寺據楊遇春呈報初七日探悉賊在巴山林涼水井老林分屯當令參將祝廷彪都司劉滿貴守備馬忠良挑帶兵勇由梧桐坪老林自北向南堵截該匪去路楊遇春楊芳吳廷剛親率馬步官兵由轉金坪進擊均於五鼓起行次日午刻行抵賊屯賊匪已邀約同竄楊遇春當飭兵勇分路趕殺外委劉剛首先持矛衝入連斃賊匪三人兵勇吶喊繼進深入林箐槍箭並施又斃賊匪二十餘人生擒劉老么等七名該匪均翻林竄向梧桐坪經參將祝廷彪等帶兵截擊又斃賊匪七名生擒徐得升等四名餘匪盡向西南逃竄楊遇春一面督兵追躡一面將獲犯耳記解送來營親加審問劉老么徐得升等供稱我們在山內時本祇八九十人是李彪帶領後來零星裹脅六七十人并擄背鹽之人四五十名共湊合有二百多人逃竄出山又在鄖西地方一路裹擄是以有三百來人被官兵節次趕

德壯果公年譜卷二十六

十一



殺已將李彪殺死如今是一個姓王的一個姓馬的管事不知他的名字眾人稱他們為總管等供臣查前在山內趕剿時即聞稱此起殘匪係李姓為首現又據獲犯供詞似屬可信當將劉老么等各陳賊一併正法其被擄未及一月者即予釋放茲復探報該匪竄至紅羊河松樹壩一帶因聞前路有豐紳帶兵前來即折由馬家壩老林北竄大坪楊遇春已願北抄截臣查大坪逼近江岸尤須先為抄願隨派參將哈豐阿劉建標挑帶奮勇官兵五百名由塔壩河水沙坪兼程抄截箭桿山臣率兵由拴馬嶺楊家河取道向西北而進十二日行抵司上適臣德楞泰由西鄉趕來臣額爾登保即於途次跪請

德世果公年譜卷二十六

三

聖安恭聆

聖訓後隨會同一路由杏兒埡羅城壩一帶向西前進十三日據哈豐阿報稱十二日午刻帶兵趕抵楊泗廟正遇該匪前起十餘人執持長矛竹桿由溝內竄出當經兵勇上前擒捕戮斃賊匪五人生擒二名餘匪六七八人飛奔折回後起賊匪知有兵來即翻山南竄適楊遇春親帶馬隊官兵由箭桿山抄來當即合兵一路向南跟追等情臣等現已行抵鑽子山願定北面探報該匪經我兵追躡連夜狂奔苦提河有遁向通江之勢查豐紳田朝貴已均帶兵由川邊

而來前後夾擊實無難迅速掃除臣德楞泰前經札調總兵馬瑜帶領原兵二千名前來備剿現在豐紳田朝貴已各帶官兵前來臣德楞泰可以就近帶領已飭馬瑜仍在殊批甚是大甯等處督率搜捕毋庸移動再據總兵馬瑜慶溥稟報由楚竄川零匪經副將馬應國都司史定川帶兵追至金竹坪詢知該匪假充官兵混過當與楚省帶兵遊擊薛忠全會同搜緝又據都司瞿心能在沙沱寺獲賊一名又據田朝貴稟報在白森坪搜獲賊匪九名殲斃九名又派兵搜緝在燈盞窩老林獲賊二名在大寒溪捕獲賊匪一名殲斃一名在寶峰寺老林搜獲五名又都司龍必達搜獲

德世果公年譜卷二十六

三

一名又守備李思貴獲賊二名又據陝境防剿總兵國興阿稟報在沙壩地方盤獲零匪一名均經訊明正法再總兵劉瑞稟報遊擊李勝林在界嶺大梁搜獲賊匪苟文清一名解經興安府周光裕訊明苟文清實係苟逆堂弟充當偽先鋒勦潰潛逃被兵盤獲錄供稟報當經臣飭令凌遲處死其餘營卡具報均各甯謐

諭曰現在額爾登保與德楞泰已合兵一處各路大兵雲集軍威壯盛更無難剋期掃除但此時賊匪尚在奔逃其獲賊供稱管事之王姓馬姓亦未擒獲如此旨到時伊等已勦盡餘匪額爾登保即可班師回京或稍有未淨德楞泰係成都將軍交伊督



率將領悉數殄除再本日所奏擊獲賊匪內又有苟文明堂兄苟文清恐各處深山老林尚有漏網賊目潛藏在內即如苟文明之子苟朝九戕害穆克登布之余佐斌俱未經擊獲此外似此者安保必無其人務當督飭嚴搜俾根株盡絕爲要

十一月初五日

公偕額爾登保奏言竊臣等由雙泉子大巴關一路督兵前進十六日行抵龍池場據楊遇春呈報十五日由九打杵一路探蹤追剿途次見有賊探十餘人當經兵勇上前追捕殲斃七人生擒二名訊據供稱賊夥現匿西代池瓦石坪一帶老林探知川省均有官兵不敢南竄叫我們十

德壯果公年譜卷二十六

十四

幾人出來探聽何處無兵即乘間北遁等供楊遇春當將該犯正法取道入林搜剿臣等查瓦石坪西代池一帶係川陝交界處所均係密林深箐積雪尺餘祇有採藥取柴一人行走路徑且地勢最高我兵由何處進剿賊匪皆可憑高望見必須設法轟逼令其南竄方可趕及殲除隨札飭豐紳帶兵由高莊河游窩一路顧定西北進逼田朝貴帶兵由紅羊河蒿枝壩一路顧東北進剿楊遇春帶兵由上石坂濫池壩進發臣額爾登保親督官兵由倒水洞鞍子溝進發臣德楞泰督同參將特依順保等帶領馬隊官兵在楊泗廟麻柳壩一帶扼截十九日該匪果由老林無

路處所北折臣德楞泰先經派有馬隊官兵在大坪一帶巡哨該匪探悉前有官兵即折奔分水嶺老林欲思東遁適田朝貴一路官兵由蒿枝壩探剿而來正與該匪迎頭相遇當經斃賊十餘人生擒四名該匪不敢拒敵即由大水井折竄木馬橋老林屯聚臣額爾登保二十二日冒雪進抵鞍子溝探知賊匪自木馬橋遁向硝洞子屯紮是日田朝貴兵至小濠壩楊遇春亦於三更趕到會同五更進兵遂令豐紳分兵數百名赴雞公梁設伏截剿又派參將哈豐阿劉健標帶兵赴大火地五顆樹分段設伏臣額爾登保親帶副將唐文淑並馬步兵三百餘名於柯水溝口

德壯果公年譜卷二十六

十五

策應該匪不出大火地定竄雞公梁數路圍攻可期痛殲二十三日派令前隊桂涵羅思舉吳廷剛李應元祝廷彪爲一路楊遇春田朝貴爲一路自油房溝乾樹梁進兵乘雪攻其不備殺賊十餘名生擒四名該匪見我兵雲集果向西代池內雞公梁山下伏匿豐紳所派參將馬文斌守備張必祿李朝相帶兵於黎明時已抵雞公梁山頂哨見溝底有賊即分兵下壓該匪一面抗拒一面分夥向上偷撲官兵悉力抵禦與賊攪殺一處斃賊數名適楊遇春田朝貴追兵趕到該匪見前後受敵立形慌亂即分起於密林內捨命奔竄一起竄向鐵廠老林一起竄奔向澗草溝



林內該處盡係密箐我兵分投追趕該匪愈竄愈深遂傳令將弁兵勇暫於林邊擊卡圍逼並躡探路徑以防該匪竄逸查得澗草溝可通大火地石板河一帶鐵廠可通油渣口一帶均係要道臣額爾登保遂駐油渣口豐紳營內以防鐵廠之賊因鞍子溝營盤空虛派副將唐文淑參將哈豐阿劉健標赴鞍子溝以防澗草溝之賊二十三日黎明澗草溝賊匪果從大火地竄出唐文淑等帶兵迎頭勦殺立斃賊匪八人生擒二名餘俱敗逃該逆倚傍箐林忽隱忽現竄上對面大梁向黑洞溝一帶深山潛竄而鐵廠賊匪尚竄伏深林之內現令豐紳帶兵搜剿楊遇春田朝貴亦已帶兵緊跟前來計連日共斃賊匪三十餘人生擒活賊十二名訊據供稱本想逃回四川散夥因怕官兵趕及仍商量要覓路北竄等供均經分別凌遲正法臣等查該匪疊經我兵勦殺所贖不過百餘人臣等與豐紳楊遇春所帶官兵不啻數十倍於賊急欲滅此朝食現在弁兵鄉勇等深入林箐偵探掩殺提鎮將領徒步入林均不稍避艱險乃該匪肆其狡獪往往於林箐內埋伏擊刺連日各路弁兵鄉勇間有傷亡實屬可憾若督催過急我兵稍有損折實屬不值儻步步持以慎重又恐有稽時日臣等受

恩深重三省數十萬賊匪秉承皇上睿謨指示均已殲除現贖不過百餘殘匪惟有會同設法鼓勵將弁兵勇於月底月初一鼓蕩平上紓聖廡斷不敢玩忽遷延亦不敢稍涉大意自干咎戾諭曰此次額爾登保親督官兵由倒水洞進發德楞泰帶領馬隊在楊泗廟麻柳壩一帶扼截節次擒斬賊匪數十名所贖不過百餘人並稱月底月初即可一鼓蕩平此旨到時如業已辦竣額爾登保自即遵旨回京務於封篆前趕到為要至賊數雖屬無多但自知罪重無可逃生勢必抵死抗拒為苟延殘喘之計官兵搜剿時於奮勉之中仍須隨時留意若冒險輕進將弁等設有傷亡固為萬分不值即兵丁義勇亦不值以致果敵愾之人與此等亡命之徒拚決死生況現在官兵數十倍於賊以之分撥兜圍使賊匪無食可掠自不難如數殄滅也

十六日

公偕額爾登保奏言前竄上黑洞溝一起賊匪經臣額爾登保派令副將桂涵參將祝廷彪羅思舉帶兵緊躡楊遇春田朝貴帶領後隊接續前進另派參將劉健標等帶兵趕剿鐵廠溝山梁之賊劉健標等遙見零匪向南狂竄追趕二十餘里賊遁入小濠壩大山踞險設伏劉健標等察看地勢萬難得手即扼住該匪北折之路適楊遇春田朝

德莊果公年譜卷二十六

六

德莊果公年譜卷二十六

七



貴帶兵與桂涵等接續前進差探黑洞溝之賊已竄出東面大山奔向松樹壩折向小濠壩一路兩起賊匪又經竄合<sub>臣</sub>等得信後一面飭楊遇春等併力追剿一面令豐紳帶兵移駐通江之西壩梁鐵溪河一帶控扼西面防其折竄<sub>臣</sub>額爾登保督率副將唐文淑參將哈豐阿劉健標帶兵由九打杵馬家壩顧北向東趕剿<sub>臣</sub>德楞泰督率總管和隆武遊擊劉廷斌張紹緒帶領馬步官兵趕赴拴馬嶺一帶抄截旋據防守麻池寺營卡都司楊輔義稟報二十七日晚間賊匪十餘人假充探信官兵竟至卡外經哨兵盤詰不能支飾即動手格鬪當經哨兵持矛戮斃賊匪一名餘賊上前救護楊輔義帶同外委陶彪出卡衝擊後起賊匪亦陸續趕至竟敢繞出卡後意圖撲壓楊輔義等帶兵分投衝殺刀砍矛戳立斃賊匪五名賊潰亂下奔又滾播石打傷賊匪二名桂涵等旋即趕到下溝衝殺該匪驚竄長嶺山梁時已更餘桂涵即於對面山包駐紮詰朝仍行趕剿該匪又繞路向南我兵仍緊躡而進二十九日賊匪復竄屯定遠之濫泥堖險山桂涵等以賊匪連日被追必形困乏若乘夜進攻必可得手遂公同商定桂涵與羅思舉祝廷彪爲一路吳廷剛與李應元爲一路均於三鼓帶領兵勇由小寨子攀援而上五更齊抵賊屯吶喊殺入

德壯果公年譜卷二十六

七

賊匪立形慌亂當斃賊匪九名生擒六名餘賊退入兩旁林菁恃險抵拒內有頭戴翎頂賊目一名較爲兇悍經兵丁蘇榮高上前戮斃搶獲頂帽割取耳記餘賊由望鄉臺一帶老林潛遁將獲賊解送<sub>臣</sub>等軍營訊明辦理<sub>臣</sub>額爾登保遂由松樹壩翻鹿池山光棍嶺向東南而進<sub>臣</sub>德楞泰亦由漁渡壩向南進發初二日於白廟堂會合探悉該匪被剿後南竄十二灣一帶深林楊遇春田朝貴帶同副將桂涵吳廷剛等緊躡而前查該匪雖屬無多往往接仗時竟有認識將領姓名各隊旗號者定有隨營夫役遣散鄉勇在內每於險要山堖或分路處所留人設伏陰伺追兵楊遇春田朝貴現在察看地勢詢問道路分兵抄襲以期一鼓蕩掃<sub>臣</sub>等會同進抵川境太平之黃泥礪據防堵陝境鎮將劉瑞劉管城興安府知府周光裕等稟報川陝邊界老林有零匪數十竄至安康大木梁又平利之木馬河一帶亦有零匪百餘人由界嶺竄來現在支河一帶游奕總兵王兆夢劉瑞等已分派將領挑帶官兵顧北向南截擊並知會大莊溪喜明營卡一體顧東探截等情<sub>臣</sub>等查川陝邊界山大林深藏奸本易今安平邊界果有零匪定係各官兵趕散餘孽又復聚集但文武所稟多真不一是否一股零匪抑係兩股均未聲明陝安鎮總兵王兆

德壯果公年譜卷二十六

五



夢前經派令督率昭料各營卡尙未據該鎮報到然臣等既有所聞不得不先事籌顧臣等即酌令楊遇春先行帶領官兵由鹿池山抄取捷徑趕赴安平境內查明果有攢聚賊匪即當率同各鎮將悉力截剿儻係傳聞之訛該提督亦無庸復行入川即於沿途往來督緝以清疆界臣等仍在川境會剿向十二灣逃竄之賊悉予殲除現在總兵馬瑜帶兵亦由黃墩渡口場而來更可兩面交擊期於旬日內外將此股殘匪辦完彼時如陝境有竄入賊匪臣德楞泰當帶領勝兵赴陝督辦臣額爾登保即遵旨北上瞻覲

德世果八年譜卷二十六 三

天顏  
諭曰此次零匪約有一百餘人竄出東面大山奔向松樹壩接仗時竟有認識將領姓名各隊旗號者自必係曾充鄉勇夫役之人從前官兵搜剿時伊等或尙在隨營或散遣後尙未從逆官兵自不便擒捕此時該匪等既經竄擾人數至一百餘名且敢假充官兵來卡探信情殊狡惡惟應痛加剿洗勿留遺孽至所稱陝境文武稟報零匪數十人竄至安康大木梁平利之木馬河一帶亦有零匪百餘人在支河一帶游奕額爾登保以既據該鎮等報到不得不先事籌備派令楊遇春帶兵趕赴安平查明果有賊匪即悉力截剿等語安平境內如實有零匪聚擾楊

遇春已帶兵前往務令遇有賊蹤即向西南兜逼川省邊界有額爾登保德楞泰等大兵扼截且地面平坦兵力易施不難兜捕斷不可使賊匪向北奔逸設竄入南山輾轉追逐辦理必致棘手額爾登保現駐川境會同剿捕據稱於旬日內外將殘匪辦完今已屆旬日如將殘敗餘匪殲除殆盡當遵前旨起程回京即所贖無幾著交德楞泰督捕額爾登保亦可入都瞻覲總於封篆前後趕到亦不為遲仍將於何日起身先行馳奏德楞泰接辦後務須認真搜捕即此股辦完亦不必急回成都將軍之任尤須於川陝邊境各處深山老林加意窮搜俟來歲春融一無萌蘖實在肅清方可撤兵回任川陝地方山深箐密將來大兵全撤設有一二未盡餘孽復至煽誘成何事體是在督撫等轉飭文武官員於平日留心稽察先行保甲嚴密巡邏奸宄無從溷跡自不能糾結滋事併當隨時宣諭實力化導俾人人勉為良善安分守業地方自益臻甯謐矣

德世果八年譜卷二十六 三

二十八日  
公偕額爾登保奏言據楊遇春稟報挑帶馬步官兵已於初六日由田壩河翻山取道麻柳壩回陝田朝貴率同各路官兵由田壩董家溝緊跟賊蹤向東南而進臣等亦由廟坡白果壩取道策應初九日田朝貴師次鞍子坪探悉該匪屯紮大窩巖該處有路通柯家坪恐其由此竄出隨



派副將桂涵參將羅思舉李應元帶領兵勇繞道抄出柯家坪設伏田朝貴帶兵由後轟逼該匪果於三更時起竄向柯家坪而來桂涵羅思舉李應元督兵突出迎擊當斃賊八名生擒四名在後賊匪知有官兵卽折由左手黃羊坡老林逃竄時因深夜未能窮追將兵勇在該處暫紮黎明時田朝貴趕到查點巖下跌斃賊匪六名探報該匪連夜由臺子壩向打箭壩逃竄當派守備李朝相帶兵勇十數名跟蹤偵探詎該匪於道旁密林中埋伏突出李朝相身帶矛傷陣亡兵勇傷亡三名田朝貴一面緊追一面將獲犯耳記解驗前來臣等審訊獲犯供稱此股陸續湊合

德壯果公年譜卷二十六

三

本是姓李的爲首早被官兵殺了衆人舉出姓馬姓趙姓王三人管事都不知道名字若有人問他就要殺害大家商量總在老林躲避如官兵追來卽乘夜奔跑也無定向等語當將該犯正法兵勇加倍給賞訖復派副將馬應國參將劉健標帶兵勇一千名由白筍坪一帶取道與田朝貴兩路進逼臣等亦由劉家坪涼風埡督率而進十三日田朝貴途次搜獲伏賊四名訊知賊匪屯聚巖坪山頂老林當卽督兵由張果老坪向上仰攻知會副將馬應國等由王家壩過其北竄之路詎該匪占據山巔哨見官兵卽折由熊坂登蔘葉坪向西北逃竄十四日臣等行抵柯家

坪探知田朝貴已由明巖灣跟追而來賊匪已竄上廖家坪大梁密菁該處左可通柏森坪右可通涼風埡臣額爾登保遂帶領侍衛色克通阿參將哈豐阿等率兵在涼風埡設伏臣德楞泰帶領副將唐文淑等督兵由半邊街策應並飛飭副將馬應國等帶兵由三排山取道前進以便田朝貴追兵轟逼而來數面夾擊臣一鼓殲除再據陝安鎮總兵王兆稟報該鎮在八仙河營卡巡防因聞平利支河地方有零匪竄擾當卽會同總兵劉瑞飛飭副將閻俊烈游擊李勝林都司柯連仲分兵扼剿於鴉河地方殲斃賊匪三名並拏獲一名訊悉該匪共有四五十人係各路

德壯果公年譜卷二十六

三

勦散零匪並會合本處無業棍徒往來掠食由青猴洞竄至支河現被陝界官兵逼剿仍行回川等供當將該犯正法現在賊匪探知處處有兵由高灘河大小岬山折竄深入川境閻俊烈已帶兵追躡入川並飛移川東巡防總兵馬瑜探蹤迎擊又據馬瑜稟報派令都司史定川帶兵在奉節之白馬寨地方探有零匪五名當經殲斃二名擒獲活賊二名又於斑竹園地方殲匪二名生擒二名均審明正法臣等昨據川陝邊界文武稟報忽有零匪竄入陝境核其所報情形似未確切是以先令楊遇春帶兵回陝查辦旋經王兆稟報此股零匪四五十人業經督截入川



並詢明人數無多實係一起由安康之青猴洞東竄平利支河並非兩起因地方文武各據差探所報具稟以致歧異現在已入川境陝邊又有楊遇春督率巡緝更可無虞又據楚省巡防鎮將稟報現在亦無零匪各加具印結前來存案是陝楚實已肅清惟餘此百餘賊匪奔竄稽誅等誠恐該匪人數尚多前敵鎮將未經據實稟報連日親督官兵進山查問寨洞居民僉稱賊匪實祇百餘人並未裹脅百姓並於賊匪屯紮處所親臨履勘查點鍋竈數目約計該匪實亦不過此數未經加增實因該匪狡惡萬狀一遇險隘即設伏暗襲追兵道路稍平又晝夜狂奔不止

德世具公年譜卷二十六

我兵分路入林將備均係徒步攀援而林中積雪尺餘異常疑滑以致未能刻日辦竣實深愧憤之至伏查奏報歲功已將一載現距歲除祇一月有餘若蒙古外藩雲集

闕廷 臣 額爾登保猶帶兵在外轉似大功尚未告竣殊礙觀聽 臣 等想念及此萬分焦急現在會同籌商或隨時指示機宜或親帶官兵策應所辦一事而臨陣殲擒仍賴各鎮將兵勇之力總當設法鼓勵懸立重賞期於旬日內悉數辦完 臣 額爾登保將陝境事宜稍為經理即馳詣

闕廷叩觀

天顏 臣 德楞泰仍駐劄川陝邊界會同豐紳楊遇春等督飭搜緝

俟實在淨盡並無遺孽於明春二三月內再將各本省防兵以次凱撤

諭曰此次額爾登保等督飭田朝貴桂涵等於柯家坪等處節次殲擒零匪二十餘名所贖不過百人其平利地方一起零匪共四五十人經王兆夢等搜剿現已逼竄川境是合計兩起餘匪亦祇有百十餘人無難剋期殄滅額爾登保等自督兵剿辦以來前後各股賊匪數十萬俱以次殲除額爾登保身係經略於大局戡定全功告成後即使所餘殘匪較之目前賊數稍為增多亦可歸入善後事宜交本省官兵搜捕額爾登保先行奏凱何況此時統計所贖僅有百餘零匪又現有德楞泰在彼可以

德世果公年譜卷二十六

接辦經略自不必日久帶兵於外德楞泰身歷戎行亦經八載久著辛勤伊前次入覲時朕本欲授以京職令其暫息勞勩因奏報歲功後或尚有潛伏餘孽地方未就收甯仍任德楞泰成都將軍俾資彈壓是川陝邊界搜捕事宜德楞泰之責較重且此等零星殘匪亦斷無德楞泰不能辦竣之理計額爾登保此摺奏到已逾旬餘而此旨到時又須旬日諒額爾登保已將馬姓等一起賊匪辦竣交代起程儻未剿淨著額爾登保於接奉此旨之日不必遲疑即帶印起程由五百里於是日覆奏約計何日可以到京並於摺內聲明以慰廑注所有額爾登保未經辦淨賊匪著德楞泰督飭搜緝務期剋絕根株勿留遺孽德楞



泰仍須於川陝邊境各處深山老林逐一排搜俟明歲春融實  
在肅清再回本任其竄入川境之零匪四五十人著交楊遇春  
專辦一律殲除勿稍延緩此時經略雖已凱旋而該處所設防  
守官兵原未概令裁撤德楞泰於額爾登保起身後尤須督率  
鎮將認真籌辦以期迅就廓清至獲賊供稱此起係馬姓趙姓  
王姓三人管事都不知道名字若有問他就要殺害等語看此  
情節甚屬可疑安知非余佐斌苟朝九有名賊目改易馬趙等  
姓恐被人識破故不許同夥詢問德楞泰應倍加留心一經拏  
獲卽當跟究實在姓名毋使兇徒漏網爲要

十二月初五日

德壯果公年譜卷二十六

奏

諭曰陝省殘匪所贖無幾此時額爾登保回京之後專交德楞泰  
一人辦理德楞泰威名素著前後剿辦著名首逆及大小股匪  
不啻十數萬人況此區區有限殘匪斷無不能辦竣之理但數  
月以來各處將弁兵丁搜捕事宜似俱不免鬆勁現在已屆臘  
月設官兵等因年節已近安心度歲以致辦賊稍緩更屬非是  
軍營積習每屆年節之時卽往往借此休息現雖軍務將竣究  
有餘匪未淨更當上緊搜捕爲一勞永逸之計德楞泰務當督  
飭將弁兵勇剋期於年內辦完勿留餘孽切不可任其懈弛上  
次伊與額爾登保會銜之摺係十一月十五日拜發摺內奏稱  
零匪竄至涼風坵老林一帶現在督飭田朝貴馬應國等數面

轟逼又平利支河地方零匪逃入川境亦經閻俊烈帶兵趕往  
等語計彼時發摺之日至今已閱二旬現又殲獲賊匪幾何辦  
理會否淨盡著德楞泰卽詳悉具奏

初七日

公奏言查賊匪深匿白苟坪老林山頂該處四面陡絕且  
在萬山之中冰滑雪厚林密箐深難施兵力田朝貴等連  
日鼓勵兵勇奮力仰攻該匪倚仗山勢抵死抗拒各路鎮  
將兵勇卽在雪地露處三面圍逼未能得手該匪於十八  
日乘雪霧瀟漫於白苟坪無路處老林溜巖向西北之小  
白沙河潛逸迨午後霧開田朝貴等卽帶兵勇由修溪壩

德壯果公年譜卷二十六

奏

一路兜截防其北竄馬應國等帶兵由大窩也趕剿十九  
日午後追至城口之伍家寨地方該匪正在山梁聚集馬  
應國等督率兵勇上攻該匪抵死下壓攬殺數次當殲斃  
頭戴紅頂花翎賊目一名殺賊三名擒獲五名餘匪見兵  
勇殺斃賊目復敢拚死衝壓馬應國等竭力攻撲始行敗  
走向轎頂寨普同觀等處遁逃馬應國等仍連夜窮追所  
有殲斃賊目賊夥首級四顆擒獲賊犯五名一併押解來  
營臣當卽審訊獲賊據供我們跟隨苟文明在南山裏殺  
人放火不記次數苟文明被官兵殺了以後大家逃過四  
川商量總不出老山箐林遇見官兵就捨命抵拒乘空仍



要回陝西南山裏去這個首級是王元帥的那三個是戰手他們原是四箇元帥姓李的已被官兵殺了還有姓馬姓趙的兩箇人管事這翎頂是害了朱大老爺得的等供

臣查該犯五名皆係陳賊當即盡法處死旋探該匪被剿後漏夜狂奔竄至川陝界連之老林中猴子寨一帶藏匿四面皆係陡壁懸巖祇有羊腸小路東通老鴉口可走南天門西通羊耳壩北由目連堽翻大梁即通四季河南走普同觀中通空河皆係竄陝之路臣現令田朝貴等帶兵在空河桂涵羅思舉等在老鴉口馬應國劉健標劉彪等在羊耳壩李應元等帶兵在目連堽扼截又派祝廷彪顧應全帶兵前赴靈通觀進剿飛飭各鎮將嚴密兜圍不可令其竄越陝省再楊遇春等帶兵在斑鳩關劉瑞等在南天門一帶均能認真防堵經略額爾登保接到十一月初五日

諭旨令於封篆前到京當與臣妥商籌定已於十九日自柯家坪起程由太平定遠西鄉北上封篆前可以到京瞻觀

天顏臣於道旁恭請

聖安畢即帶兵由城口一帶前進據田朝貴稟報都司龍必達等在道溝老林搜捕殺賊一名生擒一名把總向貴在老君洞老林搜捕殺賊二名生擒四名又拏獲假充教匪殺人

搶奪之賊匪五名一併送交太平審辦等語又據豐紳咨報都司葛天培通判劉星渠在通江地方搜獲零匪一名均經訊明正法又據總兵馬瑜稟報都司史定川前在斑竹園剿散之匪祇贖十四五人竄赴雲陽屬香坪大茅田一帶都司周志林所追前竄圍城之二十餘賊今祇有十餘人向青灣子逃遁現均緊跟追剿又接湖北總兵慶溥來信房屬零匪二十餘人昨竄老木孔後知川界邊防嚴密復行折回經遊擊姜元祥追剿殲斃三名生擒一名又被寨勇擒獲一名餘匪折向雲霧溪有副將呢瑪善帶兵追剿又據提督楊遇春咨稱副將閻俊烈跟追遁入川境之賊該匪現向兩扇門一帶逃遁閻俊烈於十四日由紅巖寨前進遏其北竄之路令守備齊慎帶兵勇四百名由三合寨偵蹤截擊又據駐防綏定府之臬司劉清副將羅思舉來稟探得開屬螞蝗洞水溝等處有零匪十餘人分兵剿捕守備王學閻等生擒賊匪四名殺斃二名趙琴生擒賊匪五名殺斃一名臣已飛飭該臬司等訊問錄供以憑核辦再查南山竄出餘匪據此次獲犯供稱有曾充鄉勇之人在內此輩數載以來皆隨同官兵殺賊效力著有微勞計戡定後三省裁撤不下二萬餘眾均皆循分歸業各謀生計今此百餘人忽流而為匪其中或另有他故亦



未可定若不分阜白概予誅戮似非所以仰體我

皇上好生大德臣現繕簡明諭帖剴切曉示以爾等附和賊黨必

有他故或原帶官員素日剋扣或遣散時該地方官短發

賞項俱准其來營訴明申理屈抑如執迷不悟則必概予

誅戮已分派能事鄉勇分投曉諭臣仍一面督催鎮將上

緊追剿並嚴飭陝省弁兵加意堵禦勿任鬆勁

諭曰川境竄匪前據德楞泰等奏稱分路兜圍設伏截擊自應迅

速掃除今據奏該匪等深匿白筍坪於十六十七兩日雨雪交

加陰霧甚大官兵未能得手該匪於十八日乘雪霧瀰漫溜巖

潛逸午後霧開田朝貴帶兵勇兜截馬應國帶兵趕剿等語近

日各路鎮將大率因餘匪無多均不免意存鬆懈看來此次竄

匪必係田朝貴等圍堵不嚴致令逸出是以該鎮將惟恐獲咎

卽行帶兵兜截情節顯然何以德楞泰並不據實參奏從前剿

辦數年每遇冬令賊匪卽竄匿山林間開春以後又任四出滋

擾今肅清久報零匪祇此二百餘人若不嚴行督催示以懲創

必至又如前數年散而復聚成何事體著德楞泰卽將此次餘

匪竄走係何人帶兵圍捕處所逸出查明參奏卽責成該員速

將此起竄匪剋期辦盡如能依限掃蕩尙可將功折罪設再有

遲逾卽當嚴行治罪現據奏稱該匪等竄至川陝交界之老林

中猴子嶺一帶四面皆陡壁懸巖祇有羊腸小路東西南三面

德壯果公年譜卷二十六

三

可通陝西已派令田朝貴等分投圍剿似已嚴密德楞泰當嚴

飭各鎮將亟當乘此擊剿淨盡如再稍有疎縱致該匪復行竄

出則惟該鎮將是問此時該省防剿兵勇不下三萬剿贖賊

若不迅速剋除或致別有勾結辦理更形棘手現在額爾登保

業已起身還朝惟德楞泰一人統領師旅務須督率官兵仍前

奮勉各行上緊搜捕期於歲內務臻完善果能如期奏報尙當

予以恩施設辦理稍有稽緩年內不能捕盡或至來春仍有出

沒奔竄勢必須派額爾登保重來督剿卽額爾登保在京聞知

零匪未完亦必懇請前往彼時德楞泰尙有何顏對朕耶不可

不勉之又勉也再據奏此次獲犯供稱卽有乘空要回陝西南

山之語恐該匪等被剿情急又圖竄入南山更形費力德楞泰

當飭知各路營卡嚴行防範務使就地殲除毋令竄至陝省或

闖入楚境爲要其楊遇春一路零匪亦著飭催辦竣又據奏此

起零匪內有曾充鄉勇之人德楞泰以此輩皆著有微勞未便

卽予駢誅其中或有他故現已繕發告示諭令來營訴明情

節此等散遣鄉勇從前隨營打仗出力自屬良民今業已從賊

抗拒官兵卽爲叛逆罪應誅戮不得因其前有微勞遂從寬宥

卽查州縣等果有剋扣等弊祇當一面將地方官參辦亦不能

末減該鄉勇等叛逆罪名總之實在悔罪投出誠心乞命者卽

眞正匪黨如張長青等猶准貸其一死況曾充鄉勇之人自應

德壯果公年譜卷二十六

三



量予恩賞但德榜泰不可有先存招撫之見稍事姑息惟竭力殲除以淨根株至現在留營各鄉勇與從賊之鄉勇素皆相識亦不免潛通信息此時額爾登保旋京及官兵舉動保無賊匪中先已知覺尤關緊要德榜泰當通飭帶兵各員嚴密訪查總以速行剿竣斬盡葛藤方為正辦

同日公又奏言竊臣等奏報蕘功將近一載今南山竄匪尙未悉數殄除每念及此五內焦急而現在豫省河工重大蠲賑頻陳竊窺

聖心未免益滋宵旰伏查目下三省餘孽無多惟此二百餘人在川陝邊界倚恃老林不過苟延殘喘計算三省征防官兵

德上皇帝三十二年

卷二十六

三

不下三萬實敷剿辦再查前次奏報戡定時摺內聲明恐三省邊界山大林深一時不能搜淨所餘零賊均歸本省地方官作為土匪搜捕此股殘匪儘可照依原奏章程辦理臣雖係成都將軍而三省賊情斷不敢稍分畛域如能在川就地辦完固為妥善萬一竄越陝楚臣亦當親督大兵緊躡跟追以冀迅就肅清不致再有滋蔓伏願

聖懷稍寬西顧臣受

恩至深極重惟有督率鎮將等竭盡血誠不遺餘力以抒犬馬戀主之心

硃批覽奏具見誠悃可嘉之至但川陝餘孽不靖何能解朕之憂

勉力速辦務於年內竣事

十六日

公奏言前月二十五日大雪迷漫猴子寨四面陡壁羊腸細道壅閉無蹤各鎮將等正在設法探路仰攻詎該逆於二十六日晚三更時潛由熊坪溜巖偷竄北走目連埡當被遊擊馬成林營卡知覺槍礮轟擊奮力截殺該逆倚仗自高臨下抵死衝突馬成林等復督率步兵用長矛擊刺與賊攪殺數次當經戮斃四人生擒三名將該逆衝為兩截一半折轉硝洞壩後山老林一半由水廠溝竄進老林中之菌扒一帶當將活賊解赴大營臣聞信恐馬成林兵

德上皇帝三十二年

卷二十六

三

力稍單飛飭田朝貴桂涵羅思舉等帶兵赴目連埡稍北要路截剿折竄硝洞灣之賊該逆復乘夜偷越與菌扒老林之賊合夥同鑽入梓木坪藏匿該處地勢險峻四面皆通陝界臣飛飭總兵劉瑞在滄水河加意防堵並派參將劉健標祝廷彪帶兵勇千餘名前往協同截擊旋據副將馬應國等稟稱於二十九日探蹤追至廟溝見該逆已上刀背梁趕上賊尾射傷賊匪數名生擒三名因時已昏黑即在廟溝暫紮活賊均解赴大營旋據總兵劉瑞稟報二十日夜三更時賊匪一百人乘雪霧迷漫至滄水河欲撲營卡當經施放槍礮斃賊四名賊始潰散劉瑞復帶兵



追襲該逆仍退回界嶺半山藥扒老林不敢北竄其勢東趨元河等處等語臣已飛飭劉瑞劉健標等緊顧東北截剿斷不可令其北竄江邊亦不可令其東奔楚境臣於各處獲賊解到後訊據僉供實在陳賊不過三四十人其餘大半皆是當過鄉勇之人等語將該逆等均卽正法隨飛飭馬應國等毋庸尾追卽由南天門取道過陝會同劉瑞劉健標等分投截剿又飛行照會楊遇春將各卡兵力歸集緊顧北路江岸迎剿去訖又據副將閻俊烈稟稱追剿川陝邊界殘匪在川境大岷山遇賊接仗因山勢陡峻未能得手該匪繞道直奔陝境八仙河閻俊烈卽趕赴燕子

德壯果公年譜卷二十六

三

河將賊攔回大岷山該逆復從小岷山奔竄閻俊烈帶兵窮追該逆已逃入紅巖寨一帶閻俊烈現由光頭山老林追剿並據該副將差來兵丁稟稱此股賊匪共有六七十人內中老賊不過一二十名其餘皆係鄉勇及各營落後夫役等語臣隨嚴飭該副將上緊搜追以期迅速肅事又據湖北總兵慶溥來稟房境殘孽二三十人經遊擊姜元祥等追至龍門垭一帶殲斃賊匪四名餘匪由豐溪潛入陝境姜元祥等現在緊躡跟搜喜明亦派兵協剿等語臣亦卽飛飭該鎮等刻日掃除不可稍涉觀望再據總兵馬瑜稟稱都司史定川一路外委王雄英等在夔府鳳仙觀

八道河一帶先後擒獲賊匪八名又兵丁李萬有在老木孔盤獲賊匪一名均訊明分別辦理又據臬司劉清等稟報都司趙琴在開縣搜獲賊匪三名亦經訊明核辦惟南山零逆一二百人田朝貴一路官兵輾轉窮追總未辦竣臣恐其中或有掣肘之處是以臣於二十九日趕至空河田朝貴營內該營前敵兵勇俱向臣痛哭訴苦臣查看該兵勇尙是夏季單衣不能禦寒且大半跣足詢知各營原製有冬衣軍裝運送前來實因入冬雨雪連綿老林路遠無從趕及卽糧米亦不能時至臣見此情形深爲憫惻當卽趕緊將賞需項下製造棉襖三百件布鞋五百雙中

德壯果公年譜卷二十六

三

衣二百條擇其實在單寒兵勇略爲分給其馬瑜一隊官兵本在川東邊界茲因閻俊烈所追之賊折竄陝界馬瑜亦探剿前來臣察看此隊兵丁冬衣尙無短缺至鄉勇棉襖則係該鎮等自行捐備齊整臣思田朝貴一路兵勇必須稍爲整頓方能剿賊且現在南山零逆已入陝境田朝貴向來總在川省剿賊從未出疆陝楚兩省道路情形皆非熟諳其所帶官兵鄉勇居多今此股賊匪內大半卽係鄉勇恐臨陣稍有觀望於事無益馬瑜本係臣營務翼長素得軍心數年以來往來三省於陝楚情形皆能熟悉其所帶本係陳兵可以得力自應酌量改撥臣現卽督率



馬瑜及副將馬元張應貴馬應國等赴陝追剿其田朝貴原帶兵勇二千餘名臣酌量抽帶數百名其餘均令馳回川東搜捕並飛催各營軍裝迅速解往應用其閩俊烈所追之賊現在川陝交界紅巖寨地方游奕已就近札飭桂涵羅思舉帶兵向兩扇門取道迎擊並令田朝貴順道探剿至臣現在督兵過陝已飛行知會楊遇春從班鳩關帶兵自北面緊顧江岸迎剿並札飭王兆夢自八仙河探蹤前來總不使該逆竄入南山致辦理又形棘手再額爾登保起程時曾將

欽頒賞項內撥銀三千兩留備獎賞兵勇之需合併聲明

德壯果公年譜卷二十六

三

諭曰上年大功將次告厥朕卽慮鄉勇一項於裁撤後或復行滋事再三諄諭各督撫妥爲安插今賊夥內陳賊祇三四十人其餘皆係鄉勇可見該地方官於安插一事竟屬陽奉陰違未嘗認真經理該鄉勇等本有身家者散遣歸農原可各安生理其無業之徒卽官爲賞給到手隨卽花費迨餬口無資勢必復思搶掠況不肖官吏或將伊等應領之項從中侵扣私肥已素亦屬事之所有是鄉勇等流而爲匪皆由地方官不能妥爲安插所致茲伊等既已從賊卽當與賊一律勦辦惟各路鄉勇尙未盡撤德楞泰於帶兵搜捕時不可將賊中半係鄉勇遽爲宣露以致隨征鄉勇轉生疑懼其有自賊中棄械來投者詢明果係

賊夥轉不妨卽行開釋予以安插如詢係會充鄉勇之人卽告以爾等會隨官兵勦賊今轉去而從賊知法犯法罪在不赦本應立正典刑因皇上念爾等從前隨營或臨陣打仗或分卡防堵著有微勞特於法無可貸之中寬其一死於詢明後卽行發遣不可姑息容留內地並當向其追問係何處鄉勇地方官曾否安插及因何從賊緣由徹底根究如查有剋扣資給銀兩等弊德楞泰務卽會同勒保從嚴參辦卽此項餘匪刻日肅清亦應徹底查究不可因軍務完竣稍有姑息至摺內稱德楞泰於前月二十九日趕至空河田朝貴營內該營前敵兵勇俱向痛哭訴苦查看該兵勇尙是夏季單衣不能禦寒且大半跣足等

德壯果公年譜卷二十六

三

語披閱之下朕心深爲憫惻各營冬衣軍裝等項原應源源供庶搜捕不致掣肘乃田朝貴帶領兵勇三千餘名際此冰雪嚴凝之候半係跣足單衫試思官兵履尙不能禦寒如何責令追剿賊匪無怪乎田朝貴現領多兵辦此百十殘匪日久總未掃滅其運送遲誤之員必須查明參辦田朝貴係帶兵大員既目擊部下兵丁寒苦情形亦應早行稟知經略參贊妥爲籌辦何以直待德楞泰前赴該營查看始據兵丁等當面訴告乎著德楞泰會同勒保卽將此一路承辦軍需之員查明嚴參並將田朝貴不及早稟知之處一併參奏至此項兵丁如此辛苦並無逃亡等事尙知大義深堪嘉獎除德楞泰業於賞需銀內



製造棉襖中衣布鞋等件分給兵勇外著再於賞項內添備衣履普賞該營以示體卹其馬瑜一路兵勇棉衣據稱該鎮俱捐辦齊整既係自行捐備恐該營軍裝亦必尚有未敷並著酌加賞給仍查明辦理此一路軍需之員如有貽誤一併參奏再據德楞泰稱田朝貴一路兵丁並未到過陝楚是此項供支總係四川局員承應勒保身任總督於遣散鄉勇既未能飭屬留心妥為安頓復致流而為匪其資送軍裝支給糧餉又不能隨時運供源源接濟以致兵丁衣履不全禦寒無具而勒保尚毫無聞見所需兵餉祇知東移西借並不能實力籌辦又不將餉項不敷情形早行奏請撥給看來勒保因大功告成餘匪無多遂

德壯果公年譜卷二十六

三

未免心存懈弛勒保著傳旨嚴行申飭現在賊匪竄至陝界之亢河一帶德楞泰已札知楊遇春王兆夢等兩面迎剿務須上緊趕辦就地殲除斷不可再任賊匪竄入南山或闖入楚省以致辦理又形費手如能於年內廓清地方早臻甯謐卽由五百里馳奏德楞泰等尚可仰邀懋賞勉之望之

二十六日

公奏言臣於初四日移營督同馬瑜等翻南天門入陝途次據總兵劉瑞稟報該匪於初六日已向曹家壩奔竄劉瑞帶兵前往兵抵曹家壩該匪先已搶占後山老林憑高下壓官兵鼓勇搶上將賊逼上山頂斃賊二名守備齊慎

射死頭戴翎頂賊目一名該匪竄入黑溝老林乘夜由雞公寨奔瓦脊溝毛溝擾至孟石嶺旋據總兵王兆夢參將劉健標祝廷彪等稟報該鎮等駐紮支河口殺賊二名該逆旋由孟石嶺後面金家山壓下將該處坐卡汛兵衝散殺害四名放火焚燒衙署兵房各四間仍竄入毛家溝各等情臣一面飛飭王兆夢劉瑞等緊顧東北堵剿一面督兵趨行初十日趕抵平利屬之格草河探得該逆屯於老林內橫山大梁半山之梁家灣相距祇有五六十里是日風雪交作於三更後冒險進攻派總兵馬瑜帶同副將張應貴吳廷剛遊擊劉彪張紹緒都司彭家棟高星文瞿心

德壯果公年譜卷二十六

三

能史定川守備謝金章等由八義寨油房溝獐麇巖而進臣親督副將馬元馬應國參將哈豐阿遊擊劉廷斌都司江萬里何化龍守備張萬林等由兩河口雙合寨茅坡前進四山雪光照耀恍同白日五更時齊抵橫山大梁遂各步行前進當有賊匪數十人挺矛撲出我兵一見齊力衝殺斃賊十餘名生擒二名賊眾沿途吶喊至獐子坪忽又有賊百餘人突出其後又復吶喊前賊遂折回反撲馬元張應貴馬應國彭家棟高星文史定川謝金章張萬林等見賊勢兇悍心懷忿憾各脫皮袍提刀帶兵衝入賊隊攪殺一處馬元張應貴馬應國等手刃賊十餘名忽被旁賊



衝出張應貴彭家棟均被刃傷陣亡弁兵鄉勇內亦有傷  
亡者十餘名賊匪奔上陡巖追臣督兵繼至巖上飛石如  
雨屢攻不上相持至晚兵勇疲乏勢難再進當將擒獲各  
犯訊明供詞即行正法賊匪現由清水河竄上大茅坡屯  
於東多羅河查東多羅河左通白土關右走香河中路可  
通太平河八角廟均係三省連界之區王兆夢劉瑞現帶  
兵勇二千餘名又楊遇春撥添河州兵一千餘名共有兵  
勇三千餘名喜明現有兵勇八百餘名已均令其緊顧東  
北堵剿該逆不能竄越臣督同馬瑜緊躡跟追諒亦易於  
集事至各處搜捕零匪近據豐紳咨報遊擊畢萬年在杜

德壯泉年譜卷二十六

罕

家坪老林內搜獲賊匪二名遊擊蕭太和都司沈文同等  
在景家溝地方搜獲零匪二名又據臬司劉清等稟報遊  
擊張拱辰在草廟子搜獲零匪一名又據甯陝鎮總兵楊  
芳稟報委員應先杰等率同官兵寨勇在東腰竹溝林內  
殲斃賊匪二名又據總兵喜明稟報遊擊楊得陞會同楚  
境界嶺營卡守備楊儒在水全一帶擒獲賊匪一名殺斃  
一名所有活賊均經訊明辦理再據總兵喜明報稱閩俊  
烈桂涵羅思舉等所追零匪六七十名已至川陝交界之  
竹橋河閩俊烈等緊躡追剿田朝貴因川東無賊亦帶兵  
前來協剿於十二日抵老鴉鋪喜明又派遊擊據嘉驥帶

兵三百名前往協剿再湖北遊擊姜元祥追剿零匪二三  
十名現已竄至陝西界上之楊道士溝喜明派把總馬斌  
帶兵百餘名前往迎剿臣恐其兵力稍單又飛飭王兆夢  
一路挑派都守一員帶兵二三百名前往現在三省賊情  
惟陝西稍重而楊遇春現又傷發不能帶兵臣應暫在陝  
界督同各路鎮將趕剿將此三股零匪辦竣肅清陝境  
公又密奏言臣前訊據獲犯供詞及差兵稟稱賊夥內有  
大半當過鄉勇之人恐有受屈激變之事遂繕簡明諭帖  
令隨征鄉勇持往曉諭乃此次臣督兵在橫山大梁乘夜  
襲剿我兵正當得手之際臣在山梁策應瞥見前敵旗幟

德壯泉年譜卷二十六

罕

不動其時總兵馬瑜副將馮元張應貴馬應國都司彭家  
棟高星文史定川守備謝金章等即解去撤袋脫下皮袍  
持腰刀督率官兵首先衝入賊隊賊退踞巖礮副將張應  
貴等復衝上巖口力戰而前隊鄉勇並未接續前進遂致  
張應貴彭家棟受傷陣亡弁兵同時陣亡者有二十餘名  
馬瑜等帶兵前進力難攻取查臣一路現帶鄉勇共七百  
餘名內有由苗疆而來者亦有一二三年間充當者素極奮  
勇此次何袖手不動實堪詫異隨即嚴查係前敵陣陣得  
勝旗如意旗花蜈蚣旗三營之鄉勇旋據三旗千把軍功  
首領等率領各隊鄉勇來營跪稟我們受



皇上的天恩侯爺的教訓今日原要拚命打仗不想接仗時看見多是各路同當過鄉勇結拜的弟兄以及朋友親戚並不是賊他們說是受了冤屈祇要報警大家就散並不敢與官兵打仗聽了他們這話不覺心酸手軟他們原喊說德侯爺的恩典很重衆人不要動手那張大老爺彭總爺們帶兵緊催殺了他們幾箇人賊纔動手傷害的祇求侯爺施恩小的們情願進去叫出他們來查明被屈根由求侯爺替他伸冤就可保全我們鄉勇臉面若他們不從我們三營的鄉勇總要把他們殺箇淨盡祇求賞發諭帖前去等語長跪叩求痛哭不起臣查鄉勇等觀望不前萬分可

德壯果公年譜卷二十六

聖

惡卽當盡按軍法嚴辦但思人數過多法難及衆如過嚴峻又恐激成事端况現據獲犯供稱此起二百六七十人內陳賊實祇三三十人其餘多是各營鄉勇又查三省鄉勇裁撤者不下三四十萬卽裁定以後裁撤者亦有三四萬其中無賴不少而現在臣一路尚有七百多名此外各營鄉勇約計不下四五千人心恐衆人疑而生變實於軍務有礙再該逆所稱冤枉之處臣前此亦有聽聞並未得其確切如果受屈情真則是激變釀事尙非從逆可比自當招令前來伸訴雪其沈冤免致勾結煽惑各路軍心亦可釋然鎮定是以臣當卽剴切曉諭念爾等隨征出力多年

如一概駢誅於心不忍姑准爾等所請隨詳繕諭帖令將所稱冤枉之處指出代爲究辦該三營鄉勇藍翎千總魏忠才等當領諭帖歡欣而去伏查三省遣撤鄉勇一節自五六年以來屢蒙

皇上籌及幾先

諄諄告誡無微不至

睿算深遠果不出

聖明洞鑒之中臣實深感服之至此次臣不敢逞一時之忿致礙大事祇得將計就計該逆如果負屈情真撫之固宜如或假捏不從或將魏忠才等戕害則必結冤於衆使已撤未

德壯果公年譜卷二十六

聖

撤各鄉勇心口了然彼時再爲盡絕根株自無他怨此時無論剿撫均係臣專責唯期設法籌辦不致稍有僨事冀以仰副

委任

同日公又奏言查楊遇春因冒雪追賊墜馬傷重不能帶兵應令其回籍調養守制但陝省不但零匪未淨卽應留聽撤官兵尙有萬餘名雖經額爾登保辦定章程實不可無大員統領楊遇春亦斷不肯因微傷卽思息肩是以臣仍令其在斑鳩關安心調養督飭各路鎮將搜捕零匪堵剿北面又臣本標中軍副將馬應國稟報現丁父憂例應



回籍守制查馬應國自苗疆隨臣一路帶兵打仗最爲得力此時賊情狡猾正須出力可靠大員應請

旨飭令馬應國暫留軍營帶兵俟此股零匪完竣再令回籍終制諭曰此次德楞泰分派官兵於平利地方共計殲擒數十名其餘敗殘之賊無幾諒不難剋日殄除惟另摺密奏在平利帶兵時前敵鄉勇見賊袖手不動並來營代訴從賊鄉勇受屈情由求發諭帖前往招撫等語此事殊關緊要自勦辦教匪以來朕早慮及威功後安插鄉勇殊不易節次降旨令各督撫妥爲辦理今零匪三百餘人內鄉勇居其大半而隨征之鄉勇又復互相觀望漸成尾大不掉之勢實爲可惡伊等來營申訴之語不

德莊果公年譜卷二十六

望

過爲夥黨飾詞緩死全不足信卽如該勇等既稱賊中鄉勇喊說德侯爺恩典很重不要動手既如此何不赴營陳訴何以又敢將副將都司大員戕害其所稱受屈報讐之語究竟所屈何事欲報何讐毫無指據此等不逞之徒膽敢戕害帶兵大員其罪固在不赦卽隨征鄉勇觀望不前有心挾制官兵若按照軍法亦當一體懲治德楞泰以各路軍營鄉勇尚有未盡裁撤者恐其激而生變現已發給諭帖卽令情願前往賊中之鄉勇藍翎魏忠才等持去祇係暫時權宜辦法魏忠才去後逆匪等竟將伊等殺害不肯投首則其悖逆顯然正可激勵各鄉勇以伊等全不顧弟兄親友情誼甘心叛逆爾等均係爲國出力義勇

亟宜殲此餘孽渥受恩賞儻竟受撫來營亦不能概行寬釋其中戕害副將都司者必須令其據實指出明正典刑此外兇悍助惡者均當發遣其餘或暫爲羈縻但終係反側之徒全不可信卽現在隨征鄉勇在前敵者不但互相觀望甚至與逆匪彼此交言且公然向軍營申訴其驚駭不馴已可概見此項鄉勇合計尙有四五千人卽勦捕完竣後散遣亦頗不易此內如有願回鄉里自謀衣食者固屬甚善儻不願散歸若勉強從事勒令遣回伊等仍恐聚集爲患此事專交德楞泰籌畫萬全不可激變釀事亦不可姑息養奸如不能散遣應如何設法安置鈴束勿令滋生事端詳悉妥議具奏再摺內稱該逆冤枉之處前

德莊果公年譜卷二十六

望

此亦有聽聞一節德楞泰既有所聞自應迅卽訪查確切奏聞究辦何以屢次奏章竟無一字提及著卽詳細根究如實係地方文武有剋扣凌虐情弊自當加以懲創但此時不可輕長刁風統於事後再將該員等嚴行參辦可也又據奏楊遇春因傷不能帶兵請令在班鳩關安心調養藉以堵剿北面自應如此辦理其丁憂之副將馬應國著照所請照例開缺暫留軍營搜捕俟零匪辦竣再令回籍所有陣亡之副將張應貴都司彭家棟著咨部加一等賜卹陣亡兵勇並著咨部照例卹賞

二十七日

諭曰本日召見額爾登保朕面加詢問據稱伊前在軍營時卽聞



鄉勇等因散遣時得項較少未遂所欲或窮而無歸不免心生  
缺望此外實別無抱屈之事至逆匪等臨陣揚言或希圖殺我  
官兵進剿得以占地設伏遂其詭計或藉以搖惑從征鄉勇之  
心總之該匪等既經從逆膽敢戕害帶兵大員自當嚴行懲辦  
不可稍存姑息致長刁風等語該鄉勇等若果祇因得項較少  
心懷屈抑則尚屬易辦德楞泰現已遣令魏忠才持諭開導如  
該匪等不肯投首或將魏忠才等殺害則叛逆顯然正可激勸  
留營鄉勇其天同營盡殲餘孽儻竟受撫來營亦不能概從寬  
宥務將此次戕害副將都司各逆首諭令據實指出明正典刑  
試思尋常殺人案犯律當問擬抵償況臨陣戕害大員尤罪在

德壯果公年譜卷二十六

吳

不赦乎此外兇悍助惡者亦應查出數人發遣其餘歸入現在  
隨征鄉勇內妥爲散遣現據額爾登保奏稱德楞泰所帶鄉勇  
約九百餘人此外楊遇春帶領者約一千數百人川楚兩省亦  
尚有一千七八百人均係分撥巡防有鄉勇之處卽有官兵兵  
數皆多於勇並稱鄉勇中情願入伍者不少此等留營鄉勇均  
與逆匪等素相熟識若目下遽行散遣恐被勾結入夥自當暫  
緩裁撤統俟事竣後擇其情願入伍者分發各標營當差其餘  
不願入伍之人酌量優給行賞俾歸鄉里著德楞泰查照妥辦  
至此次在橫山大梁前敵鄉勇觀望不前甚至與逆匪交談代  
爲申訴心懷挾制殊屬不法事定後亦當查明數人照軍法從

事俾知做畏再現留軍營官兵據額爾登保傳均極得力德楞  
泰帶兵剿辦時何不派令官兵向前敵衝鋒而以從征之鄉勇  
派在後隊策應庶不致臨陣觀望有誤軍機現在川陝邊境祇  
此零孽二百餘人德楞泰素能奮勇務當速行殲淨毋再延緩  
今已屆年節轉瞬春融該將軍總應剋期題辦詳悉妥籌以靖  
地方而弭後患爲要

德壯果公年譜卷二十六

吳



德壯果公年譜卷二十七

嘉慶九年甲子

次孫花沙納恭纂

公六十歲

正月初八日

公奏言查東多羅河為三省界連之地路徑叢雜臣恐賊匪東奔楚境正在分飭總兵王兆夢劉瑞喜明令其各帶兵勇緊顧東北一帶旋探該逆等已出東多羅河老林竟向東面狂奔而前赴賊營之鄉勇頭目藍翎千總魏忠才等亦無消息臣恐受其緩兵之計即督率總兵馬瑜等向

德壯果公年譜卷二十七

松樹廟前進又飛飭各路鎮將嚴為堵禦據王兆夢劉瑞各稟探得賊匪已出老林東奔該總兵等即各督同將備兵勇自東而西分投趕往兜勦十二月十八日至大巴山地方正遇賊匪東來兩路官兵直前截殺斃賊六名餘賊敗逃我兵追趕六十餘里奔入枹桐堽老林內忽有賊匪數十突出與兵攬殺一處官兵又殺賊數名王兆夢劉瑞督催兵勇繼進該逆始退上土了子老林即令遊擊張起龍守備齊慎挑帶兵勇星夜抄出娘娘廟小河口繞至太平河以杜東奔該逆又竄走小香河翻三臺子蔡葉坪下八道河王兆夢即抄出白土關連相河八卦廟一帶緊顧

東北劉瑞仍即跟追前進臣又督同總兵馬瑜等馳往曾家壩馮家營一帶與王兆夢劉瑞等分投兜截嗣該逆被各路官兵截堵總欲入楚遂旋轉於老林中之簸箕溝濫河等處又欲翻白土嶺大雪山希圖東逃時臣扼住曾馬壩令馬瑜王兆夢劉瑞等分投抄出白土嶺兜截又有楚省副將呢瑪善等帶兵勇千餘名由小湖溪之草地堽亦帶兵勇迎勦西來該逆見東北路路有兵遂由白土嶺原路北折羅筐溪欲趨江岸又被楊遇春派來之副將劉管城在獅子壩邊截始向西南狂奔我兵不予稍暇緊躡跟追二十四日馬瑜劉瑞等趕至白果坪追及其尾該逆拚

德壯果公年譜卷二十七

死抵敵立斃賊匪十二名生擒李思桂章老么楊貴蔣俸萬朋等五名餘匪向松樹坪西南敗逃其副將呢瑪善臣即令其仍回楚界防堵獲犯解送到營除章老么楊貴蔣俸萬朋傷重不能取供立即正法惟訊據李思桂供是巴州人同羅其清起事又同苟文明合營苟文明死後到今年夏間被官兵趕殺祇贖二三十人躲在川陝邊界老林九月去到通江遇著巴山裏出來一班鄉勇說是受了冤枉反了纔與合夥共有三百多人沿途被官兵截殺如今祇有二百多人老教祇有二十多人是馬元帥管事馬元帥天理不容即苟朝九因聲名太大官兵追趕得緊改了姓馬都稱



為馬元帥就是合夥的鄉勇也聽其號令前幾日有三箇戴藍翎的鄉勇帶了四箇人到營裏來營裏的鄉勇多與認識大家喜歡說都要投出來商量了兩天馬元帥忽然把姓楊的用矛戳死了眾人看見歇不得手便一齊殺死就埋在二蹬巖下不料到處都是官兵湖廣去不成過江也不能大家心裏害怕馬元帥說如今祇有走為上計內裏四川巴州人多要走竹峪關到巴州一帶若官兵追趕得緊我們占地勢就打一仗如抵不住總向前跑到四川巴州就散等語詰以余佐斌曾否在內又供余佐斌我也認得實沒有在此訊以苟朝九年親與存記相符臣前奏

德壯果公年譜卷二十七

三

諭旨以余佐斌苟朝九係有名賊目必有改易姓名應留心根究等因仰見我

皇上洞見如神現已遵

旨懸賞務將苟朝九生致以期盡法處治復詰以鄉勇等因何負殊批不必提此話竟于詳詳

屈含冤該犯又不能確切指出顯係藉口叛逆當即派弁

兵帶同該逆前赴二蹬巖下將魏忠才屍身七軀起獲驗

明焚化隨將該犯臠割致祭即有臣本營鄉勇官兵並陝

西兵勇一齊來營告請奮勇前去不論四川陝西大山老

林都不帶鍋帳誓不與賊兩立察其詞色無不憤懣切齒

當即與臣本營內挑出鄉勇五百名令都司高星文瞿心

能守備謝金章千總胡超帶領又派四川官兵五百名令總兵馬瑜副將馬元參將哈豐阿遊擊劉彪等帶領總兵劉瑞挑出貴州官兵八百名接續前進臣督率總兵王兆夢副將劉應國參將劉健標遊擊劉廷斌張紹緒等帶領兵勇或抄或截隨時相機勦辦至鄉勇藍翎千總魏忠才等七員以微末弁目而舍死前往賊營洵知大義今被賊戕害實堪憫惻應否量加

殊批自有重恩恩卹伏候

聖旨施行又據副將閻俊烈稟報探得該逆屯於高峰寨距該副將紮營之老鴉鋪祇六七十里當與桂涵羅思舉等就近

德壯果公年譜卷二十七

四

知會分為三路乘夜進剿該逆遁入天坪後山老林恃險抗拒三路兵勇奮力仰攻羅思舉帶領軍功田彪周東山等首先槍上石礮殺賊二名羅思舉左膂受石傷不重該逆憑險抗拒我兵往來撲壓屢攻不上相持至晚官兵屯於魚洞子十七日遊擊璩嘉驥等帶兵趕來會合遂由採藥坪跟追進剿該逆已有入川之勢桂涵羅思舉亦帶兵由平溪河回川等情臣又添派參將李朝顯等帶兵三百名協同閻俊烈等勦辦其前由楚竄陝零匪三十餘名經總兵喜明派把總馬斌帶鄉勇一百名跟追臣恐其力單又飭令王兆夢一路就近添派守備顧應全帶領兵勇二



百五十名臣又添派副將吳廷剛等帶兵四百名取道鎮坪探明前進連日據八仙河防堵參將吳廷珍率獲賊匪二名又遊擊張拱辰在通江下田坪林內搜獲賊匪二名均經審明辦理至苟朝九賊匪敗逃西南恐其乘間入川楊遇春現駐斑鳩關在賊之西北豐紳現駐通江界內在賊之西南臣又札飭田朝貴由南面探明夾擊並飭知西鄉石泉洋縣城固漢陰漢中甯羌一帶防堵江岸之鎮將等一體嚴密防範

諭曰前據德楞泰奏前敵鄉勇見賊袖手不動代訴從賊鄉勇受屈情由經德楞泰發給諭帖派令魏忠才等持往招撫一節朕

德壯果公年譜卷二十七

五

卽料及該逆等既經從賊未必遠肯投誠是以疊次降旨指示辦理今據奏訊之獲賊李思桂供稱有二箇藍翎鄉勇帶了四人到來都被眾人殺死當經德楞泰派令弁兵前赴二蹬巖下將魏忠才等屍身七軀起獲驗明等語可見該匪等究係甘心叛逆從前所稱受了委屈之語全不必究德楞泰此次摺內始稱恐受其緩兵之計殊不知前次發諭招撫已不免誤聽其言辦理失之過輒然以事勢而論此正極好機會設該匪等竟受撫投出則此內戕害大員各犯勢不能不按律嚴辦此外夥黨若概事貫宥固無此理但加以誅戮該匪等又必謂已經投出仍不免於伏法或又心生反側辦理轉未免棘手今該匪等既

將魏忠才等殺害德楞泰趁此激怒各鄉勇上緊剿辦務於正月杪二月初將此股零匪剋期殲滅以靖地方至魏忠才等同時被戕實屬忠義可嘉可憫鄉勇藍翎四川懋功協千總魏忠才著加恩照守備例咨部賜卹藍翎軍功胡貴楊昌泰均著照千總例咨部賜卹鄉勇吉玉春徐國興馬彪騰貴均著照把總例咨部賜卹仍著德楞泰將該員等賜卹陞銜繕寫名牌派員齎赴被害處所設立傳旨賜祭一壇以妥忠魂並傳集隨征鄉勇咸使觀瞻俾共知感奮並諭以該匪等從逆抗拒本當立予駢誅特因爾等代為申訴或恐實有被屈情事經本將軍發給諭帖派人前往招撫業經奏明如果投出必蒙皇上格外寬宥

德壯果公年譜卷二十七

六

量予恩施今膽敢將遣去鄉勇一併戕害且據該匪等自認謀反不獨叛逆顯然亦全不顧弟兄親友情誼此等亂賊何得齒於鄉勇之列至爾等皆係國家出力義勇此次魏忠才等被害卽蒙旨贈銜賜祭如此渥恩爾等惟當倍加感勵志切同仇誓不與賊兩立以期將此餘孽迅速掃除彼時奏聞皇上自必重加恩賚如此剗切曉諭庶使各鄉勇知所激奮人皆用命也其魏忠才等屍軀業經焚化著德楞泰查明如有家屬願行領回者卽酌賞路費令其領回如無家屬者卽就近飭令官為埋葬以示軫卹再苟朝九一犯本係稔惡匪徒屢經諭令留心訪獲今據賊供該犯改易姓名勾結殘匪肆行竄擾果不出朕所料



可見

天理不容此時既經得有蹤迹無難弋獲著德楞泰通飭帶兵大員一體躡緝仍照從前懸立賞格如能生擒該犯者賞銀一千兩其有臨陣殲斃者賞銀五百兩俾官兵勇協力擒拏務在必獲即余佐斌一犯日久未擒亦難保無變易姓名潛蹤他竄之事並著一體嚴拏勿任漏網茲發去一兩重銀牌三百面五錢重銀牌三百面著交德楞泰收存以備殺賊得勝時賞給出力兵勇之需

十八日

公奏言探得逆匪由旱田壩折而向北欲出大甯之甌坪

德壯果公年譜卷二十七

七

直趨江岸臣雖前派有副將劉管城等在彼堵禦因路徑紛歧復令馬瑜劉瑞帶兵抄出蘭河口自北而南兜剿該逆知北面有備又由沂河南逃馬瑜劉瑞尾追而來臣當令副將馬應國等帶領兵勇由山陽寨自東向西協剿二十九日馬瑜劉瑞同副將馬元馬應國參將哈豐阿等率領馬步兵勇前進探得該逆設有埋伏在椿樹溝一帶即商派遊擊張起鼇等各領兵勇繞上民安寨大梁扼苟坪要徑隨督令兵勇步步進逼該逆等奔上尹家臺子依靠懸巖恃險抗拒其椿樹溝埋伏之賊被張起鼇之兵搜出用排槍轟擊亦向尹家壩子逃遁我兵疊次攻擊追至深

溝口賊復憑險堆放掃石勢不能上馬瑜劉瑞等遂令兵

勇陽為休息陰伏溝傍該逆旋分一半與我兵相持其一半直上大梁欲繞出民安寨抄襲我兵之後又被張起鼇等兵勇迎擊賊匪竟敢直壓下溝當經溝傍伏兵槍箭齊發斃賊十餘名是日天晚賊眾遁入箐林兵勇不能深追該逆連夜竄走秦家坪初二日黎明時見臣督率大隊抄擊又翻大西溝老林有走茨竹湖之勢臣仍令馬瑜劉瑞等跟蹤尾追又分兵由苟坪進擊現據都司史定川稟報賊匪於初五日至老虎寨門口勒索糧食鞋腳經官兵與寨首梁有德等施放槍礮擊斃賊匪四名帶傷者數名餘

德壯果公年譜卷二十七

八

匪亡命南奔又副將閻俊烈等在川陝邊界所追賊匪七八十名現據該副將稟報與參將李朝顯遊擊璩嘉驥三路會合共帶兵勇八百餘名分投前進又遊擊李廷珍帶兵亦至追至三岔河趕上賊匪殺斃二名忽報後隊之兵行至偏巖子突有賊匪二三十人從箐林衝出後隊兵丁竭力抵敵間有傷亡閻俊烈等趕回接應該逆忽又遁入老林臣查此起賊匪閻俊烈等追剿兩月尚未得手殊屬鬆懈現已嚴催趕辦又據總兵喜明稟報把總馬斌所追楚省竄來賊匪二三十名由雞石店遁逃沿途捉獲一名賊匪現在有奔金盆凹之勢臣又飛催守備顧應全等帶



領兵勇協力掃除至各路搜獲零匪前據總兵汪起稟報防堵巫山岷之遊擊吳德友搜獲賊匪一名訊明正法又據田朝貴稟報探報開縣之桃花洞濛濛溪有竄來一起零匪三十餘名已令副將桂涵參將羅思舉前往剿辦又據臬司劉清副將羅聲皋稟報都司趙琴帶兵在梁山縣所屬地方搜獲土匪四名又准豐紳來信遊擊蕭太和在通江縣所屬地方擊獲土匪一名又有黑夜摸樁土匪被鄉民擊獲六名又都司葛天培在樓子廟擊獲賊匪二名千總王應魁在紅花溪擊獲賊匪一名又據都司趙琴稟報在孫家溝擊獲土匪二名又開縣汛把總任萬林稟報

德光果六年諸卷二十七

九

兵丁曾德勝捉獲賊匪一名均經訊明分別辦理再苟朝九賊股現在趨向東南如轉走支河一帶則又逼近楚界臣已令總兵王兆夢副將吳廷剛等帶兵在孟石嶺一帶扼住竄往支河之路又飭甄坪防堵之副將劉管城等帶領原兵在平利之獅子壩緊顧北面臣督同馬瑜劉瑞等分投追剿

諭曰本日德楞泰奏報不過官兵於民安寨殲賊十餘名又於老虎寨轟斃四名統計各路亦祇殺賊三十餘名未曾與賊匪鏖戰伊自額爾登保起程後接手專辦並不痛加搜剿意在招撫致墮賊人奸計前此所稱各鄉勇見魏忠才等被戕激於義忿

盡欲報讐之語全不足信且伊等在前敵時見賊袖手不動復敢來營代賊捏詞申訴其無所畏懼可知今賊匪四處奔竄兵勇僅事尾追又蹈從前疲玩積習皆德楞泰辦理遲緩所致著傳旨申飭剿辦邪匪自前年臘月奏報大局戡定上年七月又續奏三省肅清而敗殘零匪至今仍輾轉奔逃總未淨盡現在已屆春融賊匪必思到處掠食即已散之鄉勇聞伊等夥黨尙在各處搶掠儻互相效尤愈集愈多豈不又成大股劇賊即如元年賊匪初起時原不過數百人後來到處裹脅人數日眾遂至猖獗此時統計零匪雖不過三百餘人若不上緊辦竣必致遺灰復燃德楞泰切不可稍存大意務於二月內將此起賊匪

德光果六年諸卷二十七

十

速行勦洗無遺以贖遷延之咎若以帶兵乏人不妨據實速奏朕卽派巴圖魯侍衛前往協同勦辦如云各路兵丁業經陸續裁撤現在兵力實屬未敷亦儘可就近將新撤之貴州等省官兵仍行酌量調回或竟需用東三省勁旅亦應卽時奏聞朕必俯如所請每思元二年帶兵大員曾請京兵不卽發往以致賊勢鴟張遷延時日深以為前車之鑒今不待伊等奏請預為運籌及此德楞泰務宜通盤計算以期迅速集事總之辦理軍務最忌因循粉飾如果零匪未淨需調多兵亦無可諱飾德楞泰接奉此旨卽將是否需用領兵之員及尙須加添兵力之處由五百里速行覆奏並著傳諭楊遇春令其前赴南山一帶將要



隘及江防嚴密防禦緊顧北面勿令零匪一名逸入所有陝省  
南山隘口及江防專交楊遇春堵禦其未盡零匪專交德楞泰  
一手辦竣俾各專責成以期無負委任又將軍賽沖阿昨已降  
旨調補西安將軍令其馳驛前赴新任幫同剿賊矣

二十九日

公奏言據總兵劉瑞副將馬元參將哈豐阿等稟報探得  
逆匪東竄至大木梁知前有官兵迎截乘夜折回西南占  
踞朱家臺劉瑞等帶領兵勇由小亢河雙河驪道前進追  
至薄刀巖該逆恃險抗拒隨令哈豐阿馬隊會同參將祝  
廷彪等由小溝進至老林山邊賊眾一見我兵卽在山腰

德壯果公年譜卷二十七

十一

推滾亂石勢難輕進哈豐阿等隨於該處擊卡數處嚴密  
堵截該逆見官兵圍逼初七日又乘夜翻過山梁轉出小  
亢河口該處先有馬元擊立營卡扼住詎該匪一面衝卡  
又另分一起翻上新寨子山頂埋伏其撲營之賊當被槍  
箭擊退山頂之賊隨又吶喊直衝後營劉瑞帶兵前來應  
援黑夜之中往來數次直至黎明餘匪始向太極圖西逃  
劉瑞馬元祝廷彪遊擊李勝林張起釐都司柯連仲守備  
齊慎等帶領兵勇緊跟尾追該逆翻向家坡花巖溝屯於  
小青草坪與把總馬斌所追由楚竄來之賊三十餘名合  
夥劉瑞等遂又抄出茶蓬子過截臣恐其北走卽督率總

兵馬瑜參將劉健標游擊劉廷斌張紹緒都司江萬里等  
取道甄坪大坪壩自北向南扼截嗣接楊遇春來信帶兵  
行抵萬年寨探報該逆又由小青草坪遁入藥扒老林擬  
由水師壩銅堽壩向簡壩會商劉瑞等併力分剿十二日  
趕抵簡壩因水師壩亦為要路酌令副將吳廷剛在彼扼  
截該逆知有官兵趕追又向平溪河後山竄走楊遇春卽  
會同劉瑞馬元馬應國哈豐阿等帶領馬步兵勇截剿該  
逆瞥見我兵卽占踞右手山梁半匿老林之中隨詢之士  
人僉稱三面盡屬懸巖深溝惟東面有路亦極險窄是夜  
雪霧瀰漫楊遇春等親帶兵勇前進黎明時搶上半山先

德壯果公年譜卷二十七

十二

擊兩卡隨與劉瑞馬元馬應國哈豐阿等分路仰攻該逆  
憑高依險推拋木石我兵攻搶愈力殊堪可嘉不稍退適祝廷彪  
李勝林張起釐柯連仲等帶兵又由滄水河趕到該逆往  
來下壓四次我兵槍箭轟擊賊匪竟有身帶箭傷四五枝  
而猶力撲者直至未刻賊始敗入老林擊斃執旗賊目三  
名槍箭斃賊十餘名帶傷者極多查官兵內有都司高星  
文吳登祿守備謝金章千總黎倬川各受箭傷均不甚重  
現仍帶兵追剿弁兵內間有傷亡者查明另行咨報又據  
總兵田朝貴稟報帶領兵勇由太平之分水嶺一帶東進  
探報開縣大甯交界之鹿塘溪老林內玉荷堂土地礮地



方現有賊匪四十餘人在彼屯住過年並稱候補守備郭成等已由鹿塘溪趕抵野龍池探剿清溪縣知縣楊沛雲亦帶團勇在堯城壩堵截田朝貴當派都司龍必達鄭起貴由高坪黃連廠一帶抄擊又令遊擊馬成林守備張之仁等由上七里坪九道灣亮垵子玉荷堂分路齊進田朝貴於初三日率領參將李應元守備張應錫帶領官兵由七里坪乘夜進剿初四日黎明郭成等之兵齊抵賊巢外委張順趙廷舉等殺斃執旗賊目一名生擒三名餘賊遁入老林四散潰逃分派兵勇搜捕又擒活賊三十餘名尚有餘匪十數名向鴨圈門奔逃被馬成林李應元張應錫

德壯果公年譜卷二十七

志

張之仁楊沛雲等生擒五名餘匪六名見圍剿情急均跳入天坑內深淵無底業已身斃此起零匪共四十八名全行掃盡並無一人漏網惟外委江國用被矛傷陣亡兵勇內帶傷者數名已飭令田朝貴將奮勉兵勇照格獎賞其出力員弁查明核辦又據該鎮稟報探得副將桂涵參將羅思舉分路至開縣之蕎壩背白筍坪搜捕共斬擒零匪十餘名其有脫逃餘匪已派守備李思貴等分帶官兵跟剿查開縣大甯太平一帶山內久已肅清此起賊匪竟至聚集四十餘人之多誠如

聖諭當此嚴寒之際深山易於藏奸若不搜剔淨盡一交春暖勢

必湊合成股查該鎮現帶兵勇三千餘名令其在三縣老林內分路排搜親身徧歷並隨時哨探如果苟朝九竄匿入川卽當帶兵迎剿以收夾擊之效又接豐紳來信連日分派遊擊蕭太和等在川陝邊界搜捕據報守備張必祿等在桅桿垵搜獲賊匪七名臬司劉清所派藍翎軍功臧青雲探有零匪向鑽天坡逃逸追至蟒洞該逆竟敢埋伏抗拒臧青雲帶領鄉勇撲殺當將偽先鋒劉勇倖斃斃並生擒賊匪三名又據劉清及副將羅聲皋稟報都司趙琴在大竹縣燕子山擒獲零匪一名又在墊江縣之回然場拿獲賊匪一名又軍功馬登榮等在灰洋子搜獲賊匪

德壯果公年譜卷二十七

志

七名又據總兵汪啟稟報南江縣之寨勇生擒土匪十名又據廣元縣知縣葉文馥稟報軍功黃玉林等在南江縣沙壩地方拿獲土匪一名又據通判雒昂稟報在太白山等處搜獲賊匪七名又據總兵喜明王兆夢各稟報王兆夢於初十日趕抵八仙河探得閻俊烈等所迫竄匪由太平寨翻土地垵老林隨會同向繖子坪而進捉獲探信賊匪一名供稱該匪等欲向小溝進老鴉絆老山參將李朝顯遊擊璩嘉驥分撲抄截喜明王兆夢現已分兵在大樹河口十八灣扼住又據遊擊涂陞稟報千總張應彪在大甯之挖斷垵搜捕獲賊三名又據守備曾大川稟報千總



李明等在大甯之徐家壩堵剿斃賊二名所有擒獲各犯

臣均飭令訊明分別辦理至苟朝九竄匪又與前此由楚

境竄來之賊二三十人合夥現探又由藥扒屯於盤河腦

上老林踞險不出該處逼近川境之羊耳壩薄刀梁等處

現今楊遇春等四面扼住臣督同馬瑜等鼓勵兵勇步步

進逼將該逆轟出山外我兵一得地勢定可易於掃除

諭曰此次苟朝九一股零匪竄出小亢河口該處先有守卡官兵

扼住賊匪膽敢吶喊直衝適援兵趕至斃斃十餘名其敗殘零

匪又與楚境竄來之賊合夥逃逸經德楞泰督率官兵分投截

剿該逆依險憑高推拋木石抵拒竟有帶箭傷四五枝而猶力

撲者其情形殊爲兇悍我兵攻搶愈力不稍退怯甚爲可嘉現

在德楞泰與楊遇春等帶兵會合四面堵截據稱賊匪轟出山

外一得地勢即易於掃除不可徒爲空談而無實效即使由楚

境竄來之賊二三十人與苟逆合夥正可趁其聚集之時逼歸

一處爲一鼓殲擒之計德楞泰務須上緊兜圍於二月內全數

剿捕淨盡儻稍有疎縱賊匪復行四竄則德楞泰不能辭咎矣

其田朝貴一路搜剿零匪四十八名全行掃盡所辦尙好其餘

川陝帶兵守卡之桂涵豐紳等各路據報俱有零星斬獲可見

深山老林內尙有奸宄潛藏著德楞泰嚴飭該管文武各員盡

力搜洗必使實無一名餘孽方爲完善所有陣亡之外委江國

德壯果公在詩卷二十七

五

用著咨部賜卹

二月初九日

公奏言查苟朝九竄匪前經官兵截剿後又與前次楚境

竄來之賊二三十人合夥屯於盤河腦上老林恃險不出

當即分兵抄襲堵剿查盤河腦老林萬山重疊其中有紙

廠草棚數間賊眾聚集於彼進取之路節節皆一線羊腸

總須魚貫而行兵力勢難施展惟有步步進逼以圖攻剿

經楊遇春帶兵扼據正北之廟溝一路臣又催飭總兵劉

瑞副將馬應國馬元參將哈豐阿等各路率卡進逼該逆

遂竄至平溪河衝撲遊擊劉元明等營卡欲圖北逃當經

劉元明督同兵勇施放槍箭竭力堵截槍斃賊匪數名該

逆屢進屢退被官兵槍擊箭射仍由原路向藥扒而逃其

勢又欲東奔斯時副將馬應國馬元參將哈豐阿等趕到

簡壩與總兵劉瑞分投將東面之夾煙壩銅堽兩處扼

住楊遇春又率副將吳廷剛等馳赴滄水河直向藥扒而

進楊遇春趕抵該處探查該逆尙未竄出料其必仍由平

溪河簡壩而逃當即飛咨馬應國等嚴密堵截又查官園

一帶亦爲西北要區飛札總兵達自祥就近移兵馳往扼

據即令遊擊李國棟都司高星文花翎千總胡超等帶領

兵勇六百名直搗賊巢適值夜間雪霧甚大李國棟等乘

德壯果公在詩卷二十七

六



間鑽林越箐黎明進至賊巢有放哨賊匪二名吶喊當被  
截死一名賊眾聞聲盡由草棚內撲出與兵勇對殺當斃  
賊六名該逆拚死抵敵林深箐密雪霧中兵賊莫分時楊  
遇春聽聞槍聲又令副將吳廷剛帶兵自滄水河入林西  
進副將馬元帶兵自北而進賊始向巖邊潰逃李國棟高  
星文等追至巖下忽巖上有賊壓下逆眾回身又復力拒  
官兵奮勇勦殺又殺賊四名生擒四名賊見東北兩路皆  
有官兵吶喊即轉向南奔兵勇沿途追趕又殺賊七名生  
擒一名直至目連壩該逆占踞壩口憑高推滾亂石因路  
仄冰滑屢次仰攻不能搶上旋探該逆連夜南竄翻大楊

德世果公年譜卷二十七

泗巖向川境太平之老鴉口半河一帶奔逃劉瑞馬應國  
馬元等恐其西走羊耳壩入陝遂即帶兵取道大界嶺羊  
耳壩顧西北進剿臣查該逆詭譎異常往往指東向西儻  
南走菜子壩紅花梁東折後坪一帶繞出黃墩則又竄至  
平利地界即令楊遇春帶兵由南天門過河趕剿其八仙  
河支河等處尤為賊匪必由之路隨飭總兵喜明王兆夢  
帶兵三千名至河腦一帶偵探迎截又漢江口如西鄉紫  
陽上游一帶縣長數百里現祇有參將安定邦帶兵千名  
在彼往來巡防不敷兼顧當派總兵達自祥帶兵一千名  
前赴西鄉之七里壩督飭堵禦總兵楊芳亦帶兵在北岸

一帶防範並令各地方文武將沿江大小船隻全行停泊  
北岸一體嚴防再查斑鳩關九拱坪麻柳壩相距漁渡營  
不遠該處為川陝通衢雖有汛兵不足以資彈壓現亦派  
遊擊嚴福全帶兵五百名前赴漁渡營會同同知嚴如煜  
都司張俊搜捕臣將陝境江防邊防布置後於二十五日  
督率總兵馬瑜等取道漳河坪青草坪入川二十七日行  
至南天門山下接准楊遇春來信賊匪南竄至菜子壩又  
向後坪東竄恐其北折陝境已帶兵取道高觀寺抄出黃  
墩迎剿查後坪右走大甯左通黃墩均可繞出陝楚現據  
獲犯供稱該逆總欲折陝是以臣即暫駐南天門山下青

德世果公年譜卷二十七

草坪老林探明賊蹤俟其深入川境再為繼進若賊北向  
黃墩臣即折回漳河坪取道孟石嶺支河口督師截剿又  
據總兵喜明王兆夢稟報副將閻俊烈參將李朝顯遊擊  
璩嘉驥等追剿之賊探由正陽河屯西溝老林當帶兵分  
路前往該逆先於林內埋伏見我兵將至突出下壓兵勇  
竭力迎剿立殺賊匪七名該逆敗走朱橋河一帶有人川  
之勢閻俊烈督同守備羅光元等帶兵追擊槍斃賊匪二  
名隨督兵奮力撲至林頂忽有伏賊從傍衝出閻俊烈右  
膀被矛傷兩處尙不甚重惟羅光元外委朱啟才猝中矛  
傷陣亡該匪又向漢河腦老林逃逸又據田朝貴稟報據



桂涵羅思舉在黃柏廠白筍坪搜剿生擒賊匪十名解交開縣審辦臣查據供詞內白紹文係偽先鋒其餘陳賊七名均分別凌遲正法餘二名被擄未久即令省釋其剿敗之賊令守備李思貴跟追查現在川北地方據張拱辰等先後稟報共殺賊三十餘人多係窮民偷竊現准豐紳知會該處一帶業已甯靜川東之萬縣開縣太平新甯等處間有三五零匪兵至則查探無蹤兵去則出沒模稜現在田朝貴等在彼分兵排搜亦易掃洗至三省情形陝西之苟朝九賊股現已入川此外惟閩俊烈剿辦之數十名一起臣惟有勉力鼓勵總期於二月內將此股賊匪掃淨并

德壯果公年譜卷二十七

九

將遣撤兵勇善後事宜妥為籌辦不敢逾綬

同日公又奏言臣奉到十二月二十六日

諭旨令將撤遣鄉勇如何設法勿令滋生事端詳悉妥議具奏遵查川陝楚三省鄉勇現在隨征者川省有二千餘名陝省有千餘名楚省亦不過二千名又查遣撤鄉勇章程內本省者每名賞銀二兩外省者每名賞銀三兩其銀當給一半其一半令護送委員齎至本地給發每名又給收繳矛桿銀五錢沿途按站給以口糧回籍安業此從前辦理之章程也但鄉勇隨征多年深資其力遣撤時祇給銀二三兩實有拮据不堪之苦又如現在隨征之勇奔馳又復兩

年較之從前遣撤者倍形勞苦且從前大股賊匪擄掠最多臨陣所獲馬騾銀兩足以為利現在賊勢困窮兵勇亦因之而更苦兼之鑽林越箐履易於破爛伊等鴛鴦不馴好勇輕生原祇惟利是圖一經遣散赤手空拳積蓄無有自顧衣衫藍縷難回故里未免面目羞澀心懷缺望故知法犯法遂不免反側滋事以目前事勢而論不得不稍為變通臣再四籌畫擬俟零匪搜盡時所有五七八八品頂戴及藍翎軍功願入伍者查照

德壯果公年譜卷二十七

三

恩旨分散各標營酌補其不願者分造清冊咨部立案准其頂戴榮身無論本省外省鄉勇每名酌賞銀十兩其藍翎軍功並有頂戴者無論品級每名酌賞銀十五兩仍再按站遠近折給口糧銀兩其繳矛桿之價毋庸再給伊等得此重賞則營謀之資衣履之費均可裕如自必欣感樂從斷不致別有滋事惟遣撤之時無令各路齊集一隅祇須指調一處到來則人數無多易於控制所有給賞銀兩專派道府等眼同給發其在軍營者先宜酌分三四十人或五六十人為一起多亦不過百名不必另派員弁護送即責令原帶之總兵將領大員派令本起鄉勇內千把外委及有頂戴軍功會同領銀帶領回籍每遣一起務間三四日俟前起相去已遠然後再遣後起則黨散勢孤其中縱有一



二驚驚之徒自懾伏莫敢先動鄉勇非制兵可比在營出力多年始終其事當茲三省肅清銷兵息戰若勞之以禮加之以賞俾各衣食有資營謀有本而凱旋歸里父老親朋見之生色亦可泯其遞解回籍之羞人非木石斷無不鼓舞歡欣樂

昇平而安耕鑿者也再查三省現留兵勇不下三萬餘名零匪一日不靖防兵一日不撤各省軍需所費每月約計銀十餘萬兩現在三省隨征鄉勇不過五千餘名若照此優給行貨祇共需銀五萬餘兩惟係臣愚見所籌例外加增之項核與原定章程不符未便再於軍餉項內支銷請由

德壯果公年譜卷二十七

三

文職督撫司道下至州縣武職將軍提鎮下至守備捐廉辦理

諭曰此次苟朝九零匪經官兵兜剿逼向川境太平之老鴉口一帶奔逃正當乘賊殘敗之時分派將弁緊躡窮追就地殲戮不可聽其折回北竄德楞泰因漢江上游縣長數百里僅有參將安定邦在彼巡防恐難兼顧已派總兵達自祥帶兵千名前赴西鄉督飭堵禦並將船隻提赴漢江北岸所辦向是現在德楞泰駐劄南天門扼要堵截並派兵分投追捕據稱總期於二月內將此起賊匪掃淨切勿再有耽延自逾定限昨派額爾登保查閱陝省及湖北安襄鄖營伍至遲三月初旬即令起身德楞

泰於額爾登保未到陝省以前須上緊將苟朝九一起殲除淨盡務當勉益加勉趕緊於二月內辦竣至閻俊烈在朱橋河剿辦數十名一起賊匪突遇伏賊該副將右膀竟中矛傷兩處幸不甚重賊匪隨向老林逃逸因思苟朝九賊股之外惟閻俊烈所剿之賊人數稍多今該副將係帶兵之員身受矛傷其部下兵丁恐形單弱現據賽冲阿奏挑帶官兵前赴德楞泰軍營幫辦德楞泰聲威素壯自無須賽冲阿前往協剿著德楞泰傳知該將軍即赴閻俊烈一路幫同剿捕並顧陝境北面再另摺奏籌議裁撤鄉勇章程據稱俟零匪搜淨時無論本省外省鄉勇每名酌賞銀十兩其藍翎軍功並有頂戴者無論品級每名酌

德壯果公年譜卷二十七

三

賞十五兩等語未免無所區別外省鄉勇遠涉從征自應量加優給若本省鄉勇則當酌減如陝楚鄉勇之在川散遣者每名賞銀十兩其川省本地鄉勇祇當減半賞銀五兩軍功等如在川散遣籍隸陝楚者每名賞銀十五兩其籍隸本省者每名賞銀十兩仍按站遠近折給口糧其繳矛桿之價自無庸再給所有陝楚各鄉勇並著德楞泰知照一體辦理並須曉諭各軍功鄉勇從前遣散時每名例得賞銀一兩今因爾等隨同官兵搜捕零匪又閱兩年較前此裁撤之鄉勇更加辛苦是以皇上俯念勤勞恩賞逾格爾等俱當益知感激各回鄉里謀生無稍滋事迨遣散時其人數應以數十人為一起斷不可多至百名每



遣一起須相隔數日沿途行走地方官既易照料伊等亦可不致聚集騷擾至所稱加賞銀兩請於該省文武官員養廉內攤捐所見者小自勦辦邪匪以來所費帑金已不下十千餘萬此時辦理善後裁撤鄉勇所賞銀兩亦屬無幾又焉用地方官捐廉公辦爲耶著將此項賞銀准其作正開銷所有陣亡之守備羅光元外委朱啟才俱著咨部賜卹

十八日

公奏言臣於正月三十日據報賊匪竄由茶子壩一帶折向後坪東走隨經楊遇春等取道高觀寺抄出湯桐二壩遏截臣卽移師由南天門入川趕抵修溪壩扼其西北嗣

德壯果公年譜卷二十七

三

據探報該逆已從後坪翻山左走百里荒老林在十二庵屯紮桂涵羅思舉等帶領兵勇由土黃壩行次楊家壩與劉瑞馬應國馬元李國棟高星文等會合設法進剿嗣據探兵帶回逃出難民供稱該逆屯於老林中之二道棚將該處新開木廠一所搶占住紮要走湯桐二壩轉過湖北去等語臣隨卽督率總兵馬瑜等向後坪而進旋在楊遇春來信該逆尙未出山東竄已於百里荒東口之黃連壩扼要堵截因山徑逼仄林木深密兵力不能施展祇得逐層擊卡步步進逼初四日該逆見我兵擊卡竟敢率眾衝撲當被兵勇勦擊立斃賊匪五名生擒二名餘匪敗回巢

穴初五日桂涵羅思舉李國棟高星文等帶兵趕至百里荒十二庵地方有賊匪百餘名憑險下撲當卽奮勇仰攻斃賊六名該逆遂不敢下壓祇據險推拋木石桂涵李國棟等卽於該處擊卡以圖漸次進逼旋據遊擊涂陞稟報自大甯追來零匪二十二名現由新田壩遁入百里荒率兵緊追趕至湯家壩與都司史定川會合知此股零匪業與陝來竄匪併合恐賊由東南五風山逃走卽在五風山嶺設伏夾擊豐紳因川北餘賊將淨帶兵東來行次太平廳聞陝境竄匪被逼入川於初四日趕至修溪壩臣又令抽出參將馬文斌遊擊蕭太和等帶兵一千名前赴沅河

德壯果公年譜卷二十七

三

腦截其北竄黃墩之路田朝貴正在大竹搜捕零匪探知該匪入川亦由東鄉向太平明通井探迎前來查百里荒老山毗連陝楚林深箐密周圍數百里臣兵行曾經四次其中採藥小徑甚多絕無寨洞內有新開木廠一處如二道棚大柴溝打火壩等處均爲險隘之區該處歷年賊股往來奔竄從未屯踞其中當此功虧一簣之際如不稍爲持重急欲輕進深恐無濟於事是以令各路官兵連日逐層擊卡步步進逼楊遇春現由百里荒東口黃連壩而進馬文斌在正北之沅河腦涂陞史定川在東南之五風山劉瑞馬應國馬元桂涵等在西北之十二庵各路逐日進



逼擊卡均有擊斃賊匪豐紳扼住修溪壩臣又在後坪該處老荒周圍數百里雖不能綦布星羅然東西北三面均有重兵擊卡進逼無論竄向何處俱可剿擊南面一帶現在田朝貴帶兵由南向北而來臣已令其緊顧西面相距百里荒五六十里或百里之間擇要預為設伏以待探蹤迎擊雖該逆又與余陞追來零匪併合一處亦不過二百數十人搶糧無幾不能久踞勢必思逃竄出山一俟其向南奔逃前迎後擊自可易於剿洗查三省祇有兩起賊匪均在川陝邊界一帶此時大兵雲集各路將領多係歷年打仗得力之員自遊擊以上至提督等尚有數十人分布

德莊果公年譜卷二十七

各路帶兵實不乏員至兵勇兩項核計川陝兩省除分防外隨征者不下五六千名足敷派撥况又有額爾登保留存楚省馬隊一百名現在隨征總因該逆依仗險阻所屯之處無非逼仄陡崖加之冰雪溜滑馬不能前致兵力未能施展臣惟有嚴密趕辦總當於三月內一律蕩平萬不敢因循延宕自干咎戾

諭曰德楞泰自初九日奏報之後迄今又閱旬日不但未經痛剿且伊前奏二月內可以辦竣今復展至三月似此展轉遷延又落故套成何事體從前德楞泰帶兵剿賊斬馘擒渠原屬奮勇出力而此次督辦零星餘匪已經數月未能上緊剿除以至該

逆等沿邊奔竄復遁入老林屯紮仍不能剋期完竣所辦何事豈心滿意足中道自畫朕既能施恩即能加罪德楞泰著傳旨申飭又摺內稱據探兵帶回逃出難民均係被賊擄脅入夥既有陸續逃出之人則現在賊中者為數自必不少可見賊匪依然到處裹脅若不亟為殲淨必致日聚日多又據稱分飭各路官兵於東西北三面圍逼該匪等既恃險屯聚祇將三面圍逼又復空出正南一面將來賊匪自必從此竄出明係預為地步况該處祇有田朝貴一路兵力豈能迎頭截剿勢必仍行肆竄辦理毫無把握看來德楞泰前次誤聽鄉勇等為賊匪誣乞之語心存招撫將弁等亦因之搜捕懈弛致稽時日現已諭令額

德莊果公年譜卷二十七

爾登保即日起程馳赴軍營會同督剿此股零匪本係額爾登保搜剿未了之事亦應責成辦淨德楞泰惟當一面督飭鎮將等上緊兜剿不可專俟額爾登保到營稍存觀望伊既自行定限於三月內一律辦淨不得再有遲逾又據稱帶兵之員實不乏人兵勇足敷派撥德楞泰既知將廣兵多無庸添調尤當倍加鼓勵依限辦竣勿墮前功

二月十七日

公奏言臣前將竄匪遁入太平之百里荒老林分兵擊卡步步逼剿嗣據總兵喜明王兆夢稟報副將閻俊烈所追之賊七八十名由蜀河東奔竄至平利之水磨坪焚掠被



遊擊李廷珍帶兵截勦向苟家壩南逃黃柏廠有入川之勢閻俊烈等官兵尾追喜明王兆夢帶兵已至橫山子扼截查橫山子等處在太平屬黃墩之東北是此兩起竄匪均在川陝邊界內外卽飭令隨時兼顧探截旋准楊遇春來信督率副將吳廷剛等帶領兵勇自黃連壩逐日拏卡步步進逼初三日進至桃木坪前敵正在拏卡該逆趁雲霧迷漫從木克壩山梁箐林突出衝撲時吳廷剛都司劉勝祥等帶領奮勇兵勇迎頭仰攻該逆恃險下壓吳廷剛被賊匪圍住左腿受矛傷不重都司劉勝祥等直前救護手刃賊匪二名同把總馬福額外劉祥馬海等力戰又殺

德壯果公年譜卷二十七

七

賊八名俱受矛傷陣亡兵勇亦傷亡十數名楊遇春督率參將祝廷彪遊擊劉元明等趕到策應見地勢險窄卽扼住要口該逆又復來撲均用槍箭轟擊三次斃賊十數名帶傷者甚多該逆遂由原路折遁次日該逆又向西南之火地衝撲總兵劉瑞副將馬應國馬元桂涵等營卡鄉勇推滾木石堵截斃賊三名卽行遁去該逆見各路均有重兵逐層圍逼勢不能越遂由箐林內縋溜巖礮遁出石灰池翻後梁下巖又見北面九河腦黃墩亦有官兵扼堵卽衝撲參將馬文斌營卡希圖北走被兵勇轟擊斃賊六名直至四更後向豬頭岡遁去黎明馬文斌等帶兵追擊該

逆占踞山梁我兵攻搶再四不能徑上相持至晚旋探該逆向漆扒老林北走兩扇門在川陝交界之菌扒水獅廠青草坪等處遊奕查該處係川陝兩界中大山其北面屬陝西平利路通八仙河金雞河腦支河鴉河其南面屬川境太平路通中岡溪南溪等處今該逆不向南奔又復北走其意仍圖渡江或冀入楚現在各路官兵俱在賊後如尾追緊急前途迎截稍遲則是驅賊北向殊爲非計當卽商令楊遇春督兵就近於螞蝗壩抄出八仙河自東北向西南遏其入楚之路令劉瑞馬應國馬元哈豐阿由大小九河白溝抄出安康之太極圖至金雞河腦又飛札喜明

德壯果公年譜卷二十七

天

王兆夢緊顧東北同達自祥楊芳等嚴防江岸又查川東川北祇有一二未淨零星土匪已有都司趙琴通判劉星渠等協同各該地方官分投搜緝日臻甯謐惟大甯太平邊界該逆往來無定朝秦暮蜀必須酌留兵力卽令遊擊涂陞等仍回大甯往來搜巡隨時探蹤勦辦其參將馬文斌等兵力仍歸豐紳一路在於修溪壩扼住以防該逆折回南溪之路並可督飭遊擊畢萬年將高頭壩老林藏匿零匪十餘名搜捕淨盡其總兵田朝貴先於初七日趕抵西南之回水沱扼截刻下賊匪北向相距已遠川省又無可辦之賊自應併力分勦卽令其帶同桂涵羅思舉等兵



勇由南天門抄出平利之孟石嶺一帶自北向南兜剿  
督率馬瑜等帶領兵勇策應亦由南天門取道青巖溝十  
三日行次漳河坪接准楊遇春喜明王兆夢等來信楊遇  
春由橫山子入陝即派參將祝廷彪遊擊趙元明等帶兵  
千餘名分投抄道探剿喜明王兆夢帶兵亦於十一日自  
平溪河向八仙河北來據副將閻俊烈祝廷彪稟稱所追  
零匪在滄石河腦藏匿又探有竄匪二百餘人從青草坪  
至八仙河當經拏定營卡帶領兵勇迎擊該逆拚死抵敵  
忽滄石河腦藏匿之賊又來衝撲閻俊烈營卡兩路官兵  
竭力堵剿將兩股竄匪擊敗遁入吳家溝滄石河腦老林

德壯果公年譜卷二十七

七

殲斃賊匪十餘名帶傷者二十餘名官兵鄉勇內帶傷者  
十餘名十二日楊遇春抵八仙河喜明王兆夢已至二道  
橋探得兩股賊匪在波羅溪老林內合夥即挑派兵勇一  
千二百名令閻俊烈等馳赴明洞子扼截今祝廷彪等在  
正東之石門溝堵禦又據田朝貴稟報十四日行抵東西  
河口探得夥匪已由八王廟大梁老林走金雞河至大沙  
壩相距三十餘里即同桂涵羅思舉帶領兵勇迎剿官兵  
趕至金雞河即遇賊眾我兵直前撲殺與賊匪鏖戰兩時  
之久殺斃戴藍頂花翎賊目一名斃賊六名帶傷者十餘  
名餘匪遁入金雞河老林陣亡官兵鄉勇三名帶傷兵勇

二名是夜楊遇春喜明王兆夢劉瑞馬元馬應國閻俊烈  
田朝貴桂涵等各帶兵勇分投齊進四面環攻詎該逆等  
先已知覺竄上大山梁遁入界嶺老林該處翻山南奔即  
四川太平之中岡溪南溪向東通陝之八仙河油榨坪向  
西走金家坪大木梁現在賊既合夥官兵亦復雲集正可  
聚而掃除已飛行知會楊遇春喜明王兆夢等仍當緊顧  
東面由穿洞子大莊溪一帶前進飭令田朝貴劉瑞桂涵  
馬元馬應國閻俊烈等緊躡賊尾無論川陝窮其所向務  
期痛加剿洗並行知豐紳即由修溪壩移駐南溪扼截  
查竄匪情形不離邊界老山者自因地方險窄兵力難施

德壯果公年譜卷二十七

三

且易於窺伺江岸臣惟有緊顧北面絕其偷渡趕緊剿辦  
淨盡稍贖前愆  
同日公偕賽沖阿奏言竊臣賽沖阿前抵白土關探知德  
楞泰追賊入川擬即就近督同王兆夢閻俊烈等先將八  
仙河之賊剿辦各情形於十二日具  
奏嗣探得苟朝九賊股被剿又復衝卡北逃已至陝界隨又  
接到德楞泰來信閻俊烈等所追之賊由八仙河向西南  
奔逃入川已在波羅河老林內與苟朝九合夥當即兼程  
前進於十七日趕抵漳河坪軍營臣德楞泰恭請  
聖安臣賽沖阿將面奉



諭旨傳宣所有臣德楞泰悚懼感激並節荷  
聖慈訓飭之處另具清摺恭謝

天恩外竊以賊勢大概可以得之輿情臣賽沖阿經過平利安康  
各屬洞寨察看民情均極甯謐凡遇寨長鄉老無不留心  
查詢僉稱德楞泰勦辦之賊祇有二百餘人並無婦女騾  
馬閭俊烈所辦賊股實亦祇七八十人二股分竄總在老  
山箐林內屯紮與官兵打仗極爲兇惡臣猶以川陝現有  
官兵不下七八千名何竟致遷延數月而德楞泰日亦往  
來邊界隨其所向何以席百勝之威而師老餉糜尙不能  
一鼓集事私心竊計疑信莫釋茲已會晤細爲講求以與

德壯果公年譜卷二十七

三

論參之而後知此零星竄匪似易辦而實難也緣苟朝九  
本積年猾賊其股中鄉勇二百餘名均係從前官兵前敵  
得力之徒故各路底裏以及員弁之勇怯兵勇之虛實無  
不周知不但慄悍詭譎異乎尋常而於據險接仗扼要設  
伏怙勢兇惡其地利反較官兵爲熟悉一遇勦敗則挺而  
走險非老山不竄非極險不屯官兵跋涉聯鑣接隊累重  
爲勞而賊匪無婦女無馬騾穿林越箐並無擁擠牽制之  
苦幸而追及羊腸一線兵力雖盛其交鋒者不過前敵數  
十人稍一落後則已遁去無蹤矣迨探明賊屯四面圍剿  
然者荒動輒百餘里不過各路要隘層層扼據拏卡進逼

勢不能周圍圍布而賊率於黑夜衝突營卡忽東忽西故  
作潰圍奔竄之勢使我兵爲之堵擊賊每得溜巖墜澗潛  
向無路之所無兵之地乘罅逸去此辦理所以未免棘手  
也且該逆久在南山是以總思北竄又從前布煽謠言鄉  
勇被惑衆心俱爲搖動自魏忠才等被害之後人心始定  
復經格外懸賞重加鼓勵漸皆振作是所以遲延者實由  
萬山之中冰雪險阻事勢變移適逢其會致未能卽時蕩  
平臣賽沖阿奉

命幫辦業已到營如果稍有粉飾虛捏不實不盡之事雖與德楞  
泰係屬姻親總以

德壯果公年譜卷二十七

三

國事爲重亦斷不肯隱徇代人受過臣等查前此三省零匪  
共有四起其楚省游擊姜元祥西追入陝之賊二三十名  
川省游擊涂陞由大甯追來之賊二十餘名並閩俊烈所  
辦一股現與苟朝九均已合夥共計不過三百餘名又川  
省游擊畢萬年接辦之賊現祇有十餘名此外陝楚毫無  
遺孽卽川境沿邊老山間有搜獲半係土匪然皆有兵力  
及地方文武嚴密查拏臣等均係受  
恩深重之人通盤籌計賊數無多兵力百倍隨征鄉勇又安靜踴  
躍萬無另生枝節之患惟有協力同心鼓勵兵勇趁此天  
氣和暖分投趕辦務於二三月內迅報全功仰紓



聖塵再 臣賽沖阿前在京

陛辭時曾面請 臣帶兵赴敵一切打仗情形仍由德楞泰單

銜具奏茲 臣德楞泰以均屬將軍職分相等況嗣後一切

事宜均應會商籌辦若仍用單銜拜摺實於體制不符是

以此次 臣等即聯名具

奏合併聲明

諭曰此次苟朝九等零匪若向南遠竄自係田朝貴防剿不力即

應治伊之罪今賊由漆扒老林北走兩扇門在川陝交界之青

草坪游奕又於波羅河與閭俊烈所剿之賊合夥該處北面一

帶早經德楞泰分兵兜逼何以仍聽賊匪竄逸是其辦理不善

德壯果公年譜卷二十七

前奏不實無可辭咎德楞泰辦賊遲延本應革去雙眼花翎治

罪姑念伊久事戎行著有勞績暫從寬免仍著傳旨申飭令伊

戴罪立功額爾登保已於二十四日起身前往會剿德楞泰能

於額爾登保未到以前一律肅清尚係伊功否則會同額爾登

保於三月內將零匪辦竣亦尚將功抵過儻復事遷延任賊

匪偷渡漢江延入南山則德楞泰不能辭罪矣現在零匪前據

查明多係從前吳廷剛所帶鄉勇今賊匪於桃木園地方衝卡

吳廷剛上前迎剿該匪等竟敢用矛戳傷吳廷剛左腿其為叛

逆顯然前次德楞泰遣魏忠才等前往招撫已墮賊人詭計此

時惟當痛加剿戮儻賊匪因攻逼緊急或又詐稱投首切不可

輕信其言稍事姑容一誤豈容再誤乎所稱與賽沖阿聯銜具

奏一節自應如此嗣後遇有會奏事件額爾登保係欽差大臣

著列名在德楞泰之前賽沖阿列名在德楞泰之後所有陣亡

之都司劉勝祥把總馬福額外劉祥馬海俱著咨部賜卹

同日公又奏言竊 臣疊奉

上諭江南提督員缺著馬瑜補授馬瑜現在軍營隨同辦理善後

事宜到任尚需時日所有江南提督事務著德成額暫行署理

又馬瑜已簡用至提督朕尚未識其人於搜捕完竣後令伊來

京請訓再赴新任各等因欽此 臣跪讀之餘仰見我

皇上眷念勞臣之至意當望

德壯果公年譜卷二十七

闕叩謝

天恩謹即傳宣

恩旨恭錄行知馬瑜該提 臣惶悚歡感叩頭謝

恩訖伏念 臣出師七次此番仰蒙

恩命畀以軍旅重任八九年來疊荷

寵眷殊施

於全格外更沐

鴻慈汪濊

澤普一門使 臣胞弟德成額 臣之子蘇崇阿咸得

覆載陶成位居顯達實為夢想所不到感激私衷頓踵 茲以



江南提督馬瑜到任需時復蒙

簡命令德成額暫行署理是此

策勵頻加徧及父子兄弟淪肌浹髓匪言可宣臣謹已寄信諄囑

德成額當萬倍感激於營伍勤加訓練於地方認真統轄

總期事事實心實力而行藉以無負

委任提撕至意惟是臣接辦零匪迄今數月上煩

宵旰憂勤復荷

諄諄訓誨尚未竣事清夜捫心實在惶悚愧感寢食靡甯現在三

省實有此數起零匪業已合夥南逃趁此冰消雪化天氣

和暖更當鼓勵將弁兵勇仰仗

德壯果公年譜卷二十七

三

天威

洪福聚而殲除務期二三月間全行掃蕩一律肅清並將遣撤鄉

勇官兵各事妥為辦理冀以稍報

高厚於萬一

殊批不必虛言感激祇要實心報效奮力辦賊

三月初三日

公偕賽冲阿奏言臣等據哨探稟報賊匪由金雞河老林

東竄鴉河腦臣等刻即移師取道旱田壩東進二月二十

日行抵明洞子接准楊遇春等來信賊匪於十六日由萬

元寨又折向滄石河楊遇春帶領兵勇由八仙河進至河

腦即遇賊匪兵勇直前力勦立殺賊匪四名該逆遂退踞

啞口巖上堆放擗石兵勇仰攻兩次帶傷者甚多相持至

晚該逆向大梁順老林而逃楊遇春等即於吳家溝之頭

道橋擊營扼截一更後該逆又來搶撲守備王英之卡王

英等鎗箭齊發繼以飛石擲打至三更後詎該逆等分爲

數路一齊搶撲向竹橋河平溪河東奔楊遇春等隨於十

七日取道織子坪抄赴鎮坪迎截臣等商酌該逆既向平

溪河東竄非圖入楚即希渡江楊遇春喜明王兆夢等既

由織子坪抄截已在賊之東北田朝貴劉瑞復帶兵緊躡

尾追臣等於二十一日趕至松樹廟又接楊遇春等來信

德壯果公年譜卷二十七

三

途次化龍山會合劉瑞馬元馬應國桂涵羅思舉等以該

逆不走化龍山必由大小樹河向鎮坪東奔當即齊集兵

勇一同前往詎該逆先於十九日薄暮翻越楚境之黑山

老林一帶奔逃喜明閻俊烈李朝顯李廷珍珍嘉驥楊得

勝等帶兵由牯牛渡向匯灣截勦楊遇春王兆夢緊躡賊

蹤劉瑞馬元馬應國桂涵哈豐阿羅思舉等由西界嶺河

竄口自東南前進又據探報該逆由下三壩轉回陝楚界

上之王家扒有向西北之勢但該逆久欲渡江斷不南走

則洵陽北河之江岸刻下春水未發淺灘甚多實爲第一

緊要臣德揚泰前已屢札滄石文武預爲提防現又據總



兵楊芳稟稱聞賊夥北竄金雞河一帶恐江岸下游水淺灘多已帶兵二千餘名向安康東來探截臣等飛飭該鎮令其帶兵直趨洵陽白河一帶緊顧江岸隨時探明迎勦並飭與安府龍萬育等將沿江各屬大小船隻盡撤北岸齊集鄉團一體嚴密防範勿以賊蹤尚遠稍生疎忽查川陝楚三省中祇有此起夥匪係大小四股合聚並沿途裏邊界不可無兵彈壓擬令喜明王兆夢等帶原兵二千名在大莊溪八仙河等處搜捕令劉瑞等帶原兵一千餘名仍回漳河坪滄水河斑鳩關一帶令田朝貴桂涵羅思舉

德壯果公年譜卷二十七

三

等帶兵勇二千餘名仍回川境太甯太平一帶協同豐紳在於邊界巡邏設此股賊匪折竄均可隨時探明迎勦臣德楞泰馬瑜督同和隆武馬元馬應國哈豐阿劉廷斌等帶領兵勇二千餘名作為一路臣賽冲阿楊遇春督同額爾奇閣俊烈吳廷剛祝廷彪劉元明等帶領兵勇四千餘名作為一路分股進勦窮其所向查三省犬牙相錯多以山梁為界而賊蹤飄忽朝秦暮楚原無一定現在兵力厚集該逆既已過楚雖有山箐較之陝境地勢稍平定能一鼓殲除

諭曰此股零匪經德楞泰勦辦數月總未得手任令往來奔竄今

又竄至湖北地方竟係任賊所之毫無攔阻且稱賊匪實有三百四五十名此起夥匪沿途皆有裹脅可見賊已日聚日多而官軍之所謂追逼圍勦者全係空言所辦何事賽冲阿甫經到彼咎尚可寬德楞泰著嚴行申飭若再不奮勉前功可惜勿謂教之不豫也又此次賊匪竄楚係衝破王英之卡而過王英專駐守卡平時漫無準備當賊搶撲時槍箭無多至用飛石擲打賊匪因得分為數路衝撲直前其守禦不嚴情罪實無可追著卽革職作為兵丁效力贖罪至賊匪竄楚伊等摺內既稱該處地勢稍平且帶兵六千餘名前往務須探明賊向迅速跟追以期趕緊殲擒勿留餘孽

德壯果公年譜卷二十七

三

十三日

公借賽冲阿奏言查賊匪於二月十九日翻黑山老林竄入楚界由竹溪之豐溪向朝陽坪東奔二十日楊遇春等趕至豐溪知賊已走下三霸翻紅銅山即取捷徑抄出流溪河兜截由朝貴桂涵羅思舉哈豐阿等由洞賓口一帶進發時總兵慶溥帶兵由招風巖至豐溪與田朝貴等會合尾追探得該逆至石板河被竹溪縣屬猴子寨團勇堵截又走九枝溝楊遇春等遂由王家山羅漢洞廣龍灘包往東面兜勦劉瑞馬元馬應國等由西界嶺五里坡向中坪前進喜明王兆夢等由竹峪關馮家營向牯牛渡扼勦



副將呢瑪善等帶兵由甘坪羅裙嶺西來該逆在雞公梁知東西北三面均有官兵遂又翻朝陽坡遁入王家扒老林該處係陝楚兩界之間而九尺溝杏耳坪等處仍可折入楚境當令呢瑪善等即在本境堵禦臣德楞泰等阿馬瑜即督率將弁兵勇翻千山垵向南兜擊一面知會楊遇春並劉瑞田朝貴等在於東北面之劉家坪唐家坪石板河各處分投進剿臣等馳抵白土嶺探得該逆被圍於景風寨前之漆扒老林臣賽沖阿即督率喜明等帶領兵勇與楊遇春併力協剿二十八日賽沖阿楊遇春等由東面板登溝進至磨子坪田朝貴慶溥等由重陽坡進至桃

德壯果公年譜卷二十七

表

花山劉瑞馬元等進至光頭山臣德楞泰馬瑜由竹節溪進至麥草垵各路官兵均距賊巢不過二三十里是晚雨霧迷漫臣德楞泰賽沖阿彼此知會各路連夜進圍賊巢三更時正在發兵據報該逆知覺已向楊柳溪西面狂奔二十九日臣德楞泰同馬瑜等帶領兵勇由白土嶺順河前進臣賽沖阿同楊遇春等帶領兵勇由天雄寨亦城寨大梁趕進黎明至楊柳溪該逆一見官兵即不由路徑漫山鑽林亂竄當令步隊兵勇竭力追擊直至文彩溝沿途共斃賊十一二名擒獲二三名餘匪竄往石渣河又破前敵之樞涵聞後烈吳三剛羅恩慈祝廷彪李朝輝等趕

德壯果公年譜 卷二十七

殺斃賊八名生擒四名直追至亢喜坡時已薄暮是夜探得該逆屯於魚洞子距營三十餘里臣等於三更時復行督兵前進趕抵魚洞子時已黎明該逆等業已起竄臣等緊躡至日曬溪楊道士溝沿途又殺賊十名臣等當將出力之兵勇等倍加給賞訊明獲犯均係陳賊當即一併正法又馬瑜先於途次見逃出難民二名細加盤詰言語支離隨嚴加訊究始據供稱係偽元帥苟姓合其扮作難民要到江邊打聽官兵信息訊明立即正法又據總兵楊芳稟報盤獲賊犯一名供稱前來探明江岸情形該鎮已知會興安府知府龍萬育多派幹役嚴擊將該犯於訊明後

德壯果公年譜卷二十七

表

正法查賊匪屢探江岸情形是其居心叵測總欲渡江北逃查西鄉紫陽安康白河洵陽等處現有達自祥楊芳王兆夢三鎮之兵共五千五百餘名分段巡邏足數攔剿臣惟有殫竭血誠鼓勵將弁兵勇迅速追剿期於限內全行辦淨

諭曰此夥匪徒先經東甯楚境被三路官兵堵截遂向楊柳溪西南狂逃各路官兵沿途擒斬三十餘名仍未得痛加剿殺實屬可惡可恨現在邊界祇此一夥餘匪自知罪在不赦挺而走險狡惡已極必當按名擒獲悉數掃除此時德楞泰准當鼓勵士氣竭力兜圍振旅成功共受重賞再朕聞此股賊匪中有馬二

七〇九



一犯係苟朝九心腹伊等從前懸賞緝拏卽有此人如能擒斬此兩首逆者無論兵勇人等賞給銀一千兩並賞以官職其現任官弁者予以超擢此外如尚有積年賊目矛手等現在賊中者並著酌定賞格有能擒斬者分別賞給一二百兩至數十兩以示獎勵若再遲延則大小將弁俱不能免罪所有兵勇俱不能邀恩矣勉之勉之

十四日

公偕賽沖阿奏言臣等於初一日據報該逆向西南之馬溪客僧河一帶潛逃臣德楞泰查詢土人該處疊連山坳五層左邊懸巖右邊密箐中有包穀地數段地勢稍寬當

德壯果公年譜卷二十七

聖

卽連夜進剿臣賽沖阿楊遇春督率喜明劉瑞額爾奇吳廷剛桂涵閻俊烈祝廷彪羅思舉李朝顯劉元明李廷珍等帶領兵勇由太平灣馬鞍山前進臣德楞泰馬瑜督率和隆武馬元馬應國郭文魁劉彪劉廷斌張紹緒馬鳴玉賀廷印李國棟等帶領兵勇由腰磨廠蝦蟆石前進黎明齊抵山下該逆知官兵趕追在於陡巖尖青龍尖一帶老林設有埋伏臣等遂將兵勇分爲四路直進旁抄左右策應楊遇春一路兵勇馳過半山陡巖卽有賊匪六七十人由頂上突出憑高推滾擗石施放鳥槍楊遇春親率吳廷剛等奮勇仰攻石直上槍箭如雨殺斃賊匪數名該逆

等瞥見楊遇春竟敢齊聲吶喊稱欲指名活拏盡力下壓楊遇春率吳廷剛等力敵適臣賽沖阿帶兵趕到接續加攻索倫甲兵童石保墨爾根保西安前鋒海祿將首先衝壓之賊一連箭斃五名賊眾愍不畏死仍衝撲前來童石保等各帶矛傷不重滿漢員弁兵勇無不痛恨切齒四面競進亦有受傷者當殺賊匪十餘名賊不能支我兵乘勢搶上山尖生擒偽總兵賈燦華並夥匪二十餘名訊據供稱半巖山坳山溝還有埋伏維時臣德楞泰馬瑜兩路先後趕到卽催集兵勇分投並進詎該逆見官兵齊進三處埋伏之賊盡皆撲出拚死壓下將弁兵勇對敵往來七次

德壯果公年譜卷二十七

聖

又殺賊十餘名生擒戰手十餘名帶傷者不少臣德楞泰賽沖阿楊遇春馬瑜復加激勵將弁兵勇奮不顧身直前衝殺槍擊箭射刀砍矛截賊始敗上與隆坡尙依險拒敵臣德楞泰賽沖阿楊遇春馬瑜又復分路親率兵將上搶該逆等捨死下壓我兵與賊鏖戰一時之久當斃大掌櫃苟文華偽元帥王振偽總兵謝尙玉偽總管王安書譚貴等五名並賊匪二十餘名生擒旗手張清及戰手阮紹柯等四十三名賊眾敗逃向南磨子巖老林南竄又被兵勇窮追沿途丟棄米糧鍋盔計此次各路繳來首級耳紀共六十七副共擒活賊八十三名搶獲鳥槍八桿長矛一百



四十七桿各色大小旗二十一面臣等除將出力之將弁  
兵勇存記外即將前次蒙

恩頒賞之大小銀牌分給擒殺賊匪之官兵鄉勇並受傷者臣等  
復又加賞銀兩以示鼓勵隨將偽總兵賈燦華旗手張清  
等八名臠割處死其夥匪呂文富等五十一名一概正法  
訊明被擄背糧之難民當即交平利縣知縣石珩領回釋  
放其苟朝九一犯嚴訊賊供前在南山河陽壩被官兵衝  
散已無下落此時營內是他的叔子苟文華苟文潤管事  
緣苟文潤第九故有稱他九元帥的其實苟朝九早不見  
了訊之陳賊呂文富等供亦相同臣以首逆中惟苟朝九

德壯果公年譜卷二十七

聖

余佐斌二犯尙稽顯戮獲賊所供似難憑信仍當隨時留  
心查詢務得確實下落至此起逆匪自出山以來輾轉奔  
竄於川陝邊界之中逞其詭譎恃其險阻雖疊經官兵剿  
殺擒斬無幾以致愈肆猖狂窮兇極惡此次仰仗

天威併力剿殺擒斬多人使賊眾膽落魂驚從此兵威加振定可  
如期蕙事查該逆等現在尙有二百多人又遁入老山內  
之天工堰屯聚查天工堰老林東北係通化龍山老鴉糾  
西南通八仙河織子坪隨合總兵田朝貴劉瑞等帶兵勇  
三千名由老鴉糾進剿以牽綴賊勢臣德楞泰賽沖阿楊  
遇春馬瑜督率將備兵勇緊躡賊尾或分或合臨時相機

殊批總之  
辦理再得兩仗即可淨盡再此大陣亡額外委李長青  
一員兵勇十餘名受傷滿漢員弁兵勇九十餘名容俟咨  
部辦理

詢曰本日據德楞泰賽沖阿馳奏官兵痛剿夥匪大獲勝仗殲斃  
賊目苟文華等並擒斬夥匪多名一摺覽奏欣慰之至此夥餘  
匪向馬溪客僧河一帶埋伏德楞泰等督率兵勇四路分兵該  
匪等憑高抗拒楊遇春親率吳廷剛等帶領兵勇奮力仰攻旨  
石直上殺賊多名該逆猶肆其狂吠盡力下壓適賽沖阿趕到  
繼進索倫甲兵童石保墨爾根保西安前鋒海祿將首先衝壓  
之賊箭斃五名官兵乘勢搶上山尖生擒二十餘賊德楞泰馬

德壯果公年譜卷二十七

聖

瑜先後趕到會同賽沖阿楊遇春親率兵將與賊鏖戰當將大  
掌櫃苟文華偽元帥王振等五名及夥匪二十餘名一併殲斃  
又各路割獲首級耳記六十七副生擒旗手等八十餘名實屬  
奮勇可嘉德楞泰著賞給白玉翎管四喜搬指白玉鼻煙壺鑲  
嵌寶石帶頭黃辮大小荷包賽沖阿著賞給白玉翎管四喜搬  
指瑪瑙鼻煙壺黃辮大小荷包楊遇春著賞還花翎仍賞給白  
玉翎管四喜搬指黃辮大小荷包馬瑜著賞給白玉翎管四喜  
搬指大小荷包吳廷剛著賞還頂戴翎枝仍賞給白玉四喜搬  
指大小荷包又發去琺瑯翎管十箇磁搬指搬指套各五箇著  
德楞泰等查明分賞此次出力員弁又發去一兩重銀牌一百



面著分賞此次受傷出力兵勇以示獎勵其甲兵童石保墨爾根保前鋒海祿三人著德楞泰等保奏候朕加恩此外員弁兵丁如尚有實在出力者並著一併查明保奏至苟朝九一犯久稽顯戮必當查訪務獲賊供不知下落自不足信總之此起餘匪狡惡異常膽敢於抗拒官兵時齊聲吶喊指名活拏帶兵提督可恨已極總當悉數殲除德楞泰賽沖阿惟應督飭鎮將鼓勵士心務將此二百餘人概行勦淨不留遺孽則苟朝九自不能倖免無難指認而知儻辦完此起匪徒而苟朝九余佐斌二犯仍無下落再當留心緝訪勿任漏網所有此次陣亡之額外委李長青及兵勇十餘名均著查明咨部賜卹

德皇果六年譜卷二十七

聖

二十四日

公偕賽沖阿奏言<sub>臣</sub>等前次督率官兵在陡巖尖與隆坡等處併力將首逆夥匪痛勦後嗣探該逆尚有二百五六十人又遁入老山內之天工堰當令總兵田朝貴劉瑞等挑帶兵勇二千名由九臺子直趨老鴉絆自北而南牽綴賊勢又可遏其北竄之路至天工堰係在化龍山老林之內萬山重疊路徑崎嶇兵力不能施展若無兵尾躡又恐折竄無蹤是以揀派副將閻俊烈吳廷剛桂涵參將羅思舉遊擊李國棟等挑選健捷兵勇三千名各帶乾糧輕騎跟蹤追勦<sub>臣</sub>賽沖阿楊遇春等督率將弁兵勇取道藍家

山毛坪自北而南抄截<sub>臣</sub>德楞泰督同馬瑜等由涼風埡磨子巖一帶進發該逆等被閻俊烈吳廷剛桂涵等兵勇入林尾躡日則朝東暮西夜則鑽林散藏初五日晚田朝貴劉瑞等帶領兵勇抵老鴉絆探知賊蹤相距不過三四十里當即拏營扼截派令都司祝鳳鳴在巖口拏立小卡一座擬於五更發兵入山迎勦是夜二更後黑暗之中忽有多人口稱送糧來營田朝貴劉瑞傳令不許放入該逆等見計不行復向巖口衝撲小卡祝鳳鳴帶兵在營門堵禦左脇受矛傷不重生擒賊匪三名經田朝貴劉瑞槍礮轟擊該逆遂向盆溪溝而逃初六日天甫黎明檢查殺斃

德皇果六年譜卷二十七

聖

賊匪五名兵勇帶矛傷石傷者數名餘匪由盆溪溝向金盆凹遁去田朝貴劉瑞即帶兵勇跟追查金盆凹之北路通會家壩毛坪已有賽沖阿楊遇春等在彼堵勦北面可以無虞<sub>臣</sub>德楞泰隨督同馬瑜趕赴日曬溪漁洞子緊顧東面抄截並星飛知會<sub>臣</sub>賽沖阿等向南迎擊乃該逆探知東北兩面有兵又復輾轉狂奔十二日間俊烈等尾追至高石牆曹家溝彼時<sub>臣</sub>德楞泰賽沖阿楊遇春馬瑜兩路躡探賊蹤亦已趕到三路兵勇即合力併勦該逆等瞥見官兵聲勢壯盛不敢戀戰均各鑽林奔逃立斃賊匪十二名生擒偽先鋒楊春壽等十一名旋探餘匪踞於油榨



坪三分溪審訊獲犯均係老賊一概正法十三日又於太平橋拏獲探信賊匪王佳文等四名訊據供稱被官兵到處截殺不敢出山躲在老山林中擄食包穀並挖取野草充飢實在窮苦現在祇有二百三十多人如今眾人商量沒有盤費令我四人出山打聽如有解送餉銀即約齊來搶等語訊明後亦即正法臣等查該逆所供勢已窮蹙惟圖搶餉銀一事不可不預為慎重已飛飭興安府龍萬育令其凡遇運解餉項飭知護送差員如臨近賊蹤即於險要洞寨暫駐徑行稟報臣等再為酌派官兵接解護送不可稍涉大意查此時餘匪祇贖二百三十餘人其中尙有帶傷者形勢實屬衰殘臣等現在督率將弁兵勇各帶乾糧不攜鍋帳分投入山由土地垵青龍寨太平寨三路兜勦目內如再接一兩仗定可如期竣事再據楊芳等稟報有土匪二十餘人由川境竄至陝界安康縣屬之二道河已派遊擊馬福全帶兵八百名往捕旋據豐紳來信稱祇有十七八人現派遊擊畢萬年帶兵二百名跟追等語臣飭令趕緊捕淨至額爾登保日內將抵興安臣已派王兆夢帶兵一千名就近由興安探迎如額爾登保進山來營即可隨時調遣再據總兵田朝貴稟報都司鄭啟貴赴沿邊巡查卡隘事竣來營行經化龍山老林突遇賊匪衝出

德壯果公年譜卷二十七

望

該員並兵丁吳文舉龔長發張貴等抵敵不住同時被害殊堪可惜  
臣等查鄭啟貴係四川人出師入次身帶槍石矛傷十八處出力多年曾擢陞雲南協副將去夏因管束兵丁不力經勒保參奏降為都司極知愧奮茲中途被害實為可惜合無仰懇

天恩給與卹典

諭曰此次苟逆零匪仍在化龍山竄匿德楞泰等分路兜截僅獲擒數十名尙有賊二百三十餘人此起零匪未能及早肅清屢經展限已至三月一交夏令二麥成熟賊匪得以掠食且雨水漸多軍行又有藉口現德楞泰分撥兵一千名交總兵王兆夢

德壯果公年譜卷二十七

四

迎探額爾登保昨據伊奏已自陝省馳赴興安適日諒已晤面軍營所帶之兵為數不少總當實力會勦不可稽遲至賊匪既在深山藏匿一時難以轟出今思搶劫餉銀莫若將計就計假裝餉鞘令兵丁等作為夫役於近賊處所誘令前來搶劫就勢殲擒自必易於得手所謂兵不厭詐亦勦捕之一法其豐紳所勦之零匪十七八人務飭令即日辦竣勿任竄逸候補都司鄭啟貴曾任副將出力多年因差竣赴營行經平利地方突遇賊匪衝出猝被戕害著加恩照參將陣亡例賜卹同時被害之兵丁吳文舉等三名照陣亡例賜卹



德壯果公年譜卷二十八

次孫花沙納恭纂

嘉慶九年甲子

四月初七日

公借賽冲阿奏言<sub>臣</sub>等前因夥匪被剿由金盆凹遁入高石牆曹家溝經三路兵勇合力併剿復竄於化龍老山之油榨坪三分溪恃險抗拒<sub>臣</sub>德楞泰知會賽冲阿楊遇春等各帶乾糧不攜鍋帳入山由土地垵青龍寨太平寨三路分投兜剿逐日擊卡進逼十七日我兵均距賊巢二三十里不等中隔深溝一道正在設法進攻詎該逆見我兵

德壯果公年譜卷二十八

十

分路進逼是夜即由老林竄向干澗坪<sub>臣</sub>等於五更時分投並進乃該逆先於杉樹門總匯路口堆積木石據險設伏當飭令將弁兵勇仰攻搶撲數次均被滾木播石下壓共傷數十名勢難競上遂於對面山上各用礮位轟擊立斃賊匪數名賊眾站立不住始退入老林藏匿乘夜走正陽河板棚子向界嶺而逃我兵緊跟至兩扇門山下追及賊尾斬殺賊匪十餘名賊眾遁進老林又擒獲帶傷賊匪四名查明均係老賊當即正法隨飛行知會豐紳探明迎剿該逆被兵追急日夜狂奔又由青草坪走兩扇門竄至渣渡河總未敢出箐林二十二日接准豐紳來信探知賊

匪逼近川界豐紳在南溪一帶扼截西面空出南路誘令竄入川境以便夾擊頃又探報該逆東走打鼓坪又遁入望觀臺老林該處在川陝界嶺之中延長數百里高峻七八十里數年來不但官兵從未經行即往來各逆亦從未屯踞其中路徑極為窄小馬不能行徒步亦為艱險該處北通支河金雞河中走丁家坪東焦河西出高螞蝗後河<sub>臣</sub>等現令副將閻俊烈吳廷剛桂涵參將羅思舉祝廷彪遊擊李國棟都司高星文于總胡超等均各步行帶領兵勇三千五百名裹帶乾糧由大木梁小漆扒紅巖寨後河躡尾跟追令總兵劉瑞等帶領兵勇一千餘名由板棚子

德壯果公年譜卷二十八

二

馳赴界嶺扼截令總兵田朝貴參將李應元遊擊馬成林都司龍必達守備張之仁等由平溪河羊肝河橫山子黃墩自東抄進<sub>臣</sub>賽冲阿楊遇春督同總兵喜明等取道三餘寨洞灣自西北兜剿<sub>臣</sub>德楞泰馬瑜直趨支河金雞河<sub>殊批</sub>自北向南前進該逆一經轟出無論竄往何處均可就近截剿現在雖據安康等處擊獲探信賊匪打聽江岸官兵信息但連朝大雨江水漸漲即淺灘亦難躡渡該匪萬難飛越<sub>臣</sub>又飛飭總兵楊芳達自祥等加意防範以期有備無虞至各處搜捕零匪據總兵汪啟稟報外委劉天喜在南江陳家峽擊獲零匪一名守備杜天忠在通江大溪河



搜獲一名外委王大偉在南江界上麥子坪搜獲二名均  
解送南鄭縣審訊又據四川臬司劉清副將羅聲泉稟報  
都司趙琴在大竹縣菁林溝內搜出零匪二名千總陳安  
邦在銀鑛山等處搜獲二名再臣德楞泰前奏千總陳安  
邦軍功威青雲王良等帶領鄉勇在川北通江之雲霧山  
搜出哨聚零匪逼至草廟子山梁該逆無路奔逃偽總兵  
樊國受等二十二名各棄械跪投乞命當即飭令解赴綏  
定府交臬司劉清審訊詳報茲據劉清等錄供稟報覈辦  
前來臣查樊國受等二十二犯供詞雖稱均係先後被各  
號擄去年分遠近不一其中皆係賊目示手因被兵追至

德壯果公年譜卷二十八

絕地無路可逃方行乞命實與詣營投首者有間似宜區  
別辦理擬請

旨將樊國受等二十二名免其一死一概發往伊犁給額魯特兵  
丁為奴以示懲儆至前此賊匪搶撲守備王英之卡臣等  
當即密為查察昨又面詢楊遇春據稱八仙河向未設有  
卡座是日因恐賊匪撲營令守備王英帶領鄉勇二百名  
在營前山邊擊卡一座以願大營是夜大霧瀰漫該逆果  
乘霧前來幸有卡座拒敵王英率同鄉勇槍箭齊發極力  
堵禦該逆係翻後山老林繞向竹橋河東竄卡座未失臣  
等查是日擊卡本為楊遇春大營聲勢守備王英既未失

卡亦未離營該員由鄉勇軍功歷陞今職八九年來管帶  
鄉勇甚為出力又素為鄉勇等悅服現在前敵勦賊奮勉  
可否籲懇

鴻施量予寬免之處出自

天恩

諭曰連日盼望德楞泰奏報甚為殷切本日始據遞到閱摺內所  
敘情形該匪等甫經追逼又復翻山竄向界嶺德楞泰等督兵  
躡勦總未得手額爾登保前已據奏行抵興安暫駐籌防其意  
自以德楞泰等現在督兵截勦竣功在即心存退讓朕已諭令  
即日馳往德楞泰等不可意存鬆懈竟坐待彼到時辦理試思

德壯果公年譜卷二十八

四

伊等督勦已閱半年之久若必俟額爾登保到後始能奏功因  
人成事又有何顏此時賊匪竄聚界嶺之中據稱四面抄截又  
似官兵業已合圍惟當鼓勵將士設法轟出上緊殲擒務儘此  
四月中勦辦淨盡切勿再任潰竄致稽時日守備王英係鄉勇  
軍功前經出力此次賊匪乘霧撲卡猶能率勇堵禦賊係翻後  
山老林繞竄尚無失卡離營情事著免其治罪至零匪樊國受  
等二十二犯並不早行投首直至窘迫乞命本無可貸前經諭  
令俱不可赦若德楞泰等接奉前諭業經正法則已若尚未辦  
淨即姑照所擬從寬免其一死發往伊犁給額魯特兵丁為奴  
仍當分起發遣一面知會伊犁將軍俟該犯等到戍後飭令四



散安插勿使聚集一處如稍不安分即行正法並咨照沿途地方官該犯等途中或有滋事脫逃亦即正法不可稍事姑容

十六日

公偕額爾登保賽沖阿奏言臣額爾登保查匪蹤南竄之後距江岸已遠應即趕緊探剿前進隨飭總兵楊芳酌留官兵數百名在於各渡口設卡查緝其餘官兵均令歸集交該鎮帶領在太平壩大道河斑鳩關一帶漢江南岸往來巡緝如遇殘匪折竄就近迎擊仍可北顧江岸復飭沿江船隻不許停泊南岸隨帶同總兵王兆夢副將唐文淑侍衛百順彥丕勒等帶領官兵於二十六日起程由火石

德壯舉公年譜卷二十八

五

嚴取道甄坪向南進發途次據報連日殘匪又竄匿望觀臺老林知臣德楞泰派閩俊烈吳廷剛桂涵帶兵由小漆扒跟追賽沖阿楊遇春由深溝金竹園進剿總兵劉瑞由板棚子截剿田朝貴帶兵由漁溪河進剿臣德楞泰馬瑜由支河金雞河進剿或層層擊卡進逼或分兵覓路探搜各擒殺賊匪一二名不等惟該匪竄伏林內狡惡異常向未得手並聞軍糧間有短缺等情臣額爾登保已飭將沿途滾運之糧星夜運往以資接濟初三日進抵漳河坪探悉臣德楞泰賽沖阿將營盤鍋帳馬匹留駐相距百里之金竹園丁家坪一帶均已親身挑帶兵勇入林督策各路

進剿臣額爾登保若帶兵前進既恐地方窄狹行走擁擠且慮糧運不繼查現駐之漳河坪係通南天門青草坪要路又通西北一帶必應扼截當分撥官兵飭留王兆夢帶領在該處暫紮以張聲勢即親酌帶侍衛將領弁兵於初四日馳抵大木梁適臣德楞泰由望觀臺老林趕來相晤當即跪請

聖安臣額爾登保恭宣

諭旨臣

德楞泰跪聆之下感激悚惶並告知連日與賽沖阿楊遇春馬瑜各帶官兵徒步入林分投進擊該匪知有官兵分路入林又由紅巖寨逃竄初一日復親率副將閩俊烈桂

德壯舉公年譜卷二十八

六

涵羅思舉等帶兵由三溪口冒雨進搜行抵打鼓坪遇有賊匪數十人楊遇春等當即率兵攬殺斃賊十一名餘匪分逃老林內藍翎五品軍功李含香額外陳文郁帶兵入林分搜於狹溝深林內突遇伏賊猝中矛傷陣亡兵勇亦傷亡數名初二日該匪竄至兩扇門之西歡喜梁經田朝貴帶兵趕到迎頭截擊當斃賊匪五名該匪不敢拒敵回奔上元嶺大梁向東南逃竄初三日田朝貴帶兵勇由元嶺跟追副將閩俊烈桂涵羅思舉等帶兵由旁路抄截又獲活賊三名訊係陳賊當即正法該匪被兵剿急連夜翻山竄向石梅子河有入川之勢查石梅子河南走可通高



觀寺西走可出南溪場均係八川要路豐紳帶兵現在南溪場駐紮已飛行知會該提督探蹤截擊東走可通黃墩橫山子仍係折竄八仙河化龍山之路總兵劉瑞現帶兵在板棚子一帶已飭該鎮前赴八仙河防剿臣賽沖阿楊遇春馬瑜督率田朝貴閻俊烈桂涵吳廷剛羅思舉祝廷彪劉廷斌等各帶兵勇分爲三路仍皆步行尾躡如果賊匪竄川臣德楞泰即督率喜明等由南天門過川督剿若又東竄即就近向八仙河前進督率劉瑞截剿儻逞其狡猶又折向西北有臣額爾登保飭留之總兵王兆夢帶兵在漳河坪更可迎頭剿辦臣等現在惟有相機調度迅速辦理至現餘賊匪不過二百多人因其中半係積年勦散陳賊并有會充鄉勇夫役之人及土棍匪徒附和入夥該匪等自知罪大奔竄偷生日久愈形狡猾於極高極險山林之內輾轉避兵或乘夜假充探信兵勇或詐稱隨營貿易民人誘破數家團結之小寨洞掠取糧食官兵躡蹤搜至旋即竄伏忽西忽東蹤迹無定甚至跟探弁兵鄉勇時遇戕害目下官兵人人憤恨皆欲及早殲除提鎮將領每於馬不能行之處即徒步進攻日在深林之內向寨洞貫取包穀雜糧裹帶充飢以資輕便經旬搜剿出力殫心實不敢偷安鬆勁臣等目擊情形實亦不忍再加嚴催各兵

德壯果公年譜卷二十八

七

丁賦性下愚出師年久去冬又涉歷冰雪搜剿過形苦累間有動念思家經臣德楞泰諭以大義勸勉鼓勵各兵丁仍照常出力嗣又加倍懸立賞格臨陣擒殺真賊一名賞銀五十兩即給文凱撤回營歸伍審明被擄入夥者分別給賞各兵丁鼓舞奮興昨又欽奉諭旨擒殺積年賊目矛手者賞銀二三百兩至數十兩等因通行傳知後更爲加倍踴躍臣額爾登保現又於接見兵勇之際詳加開導各兵勇等無不感激皇仁奮勉用命同日公偕賽沖阿又奏言竊臣等欽奉三月十四日上諭德楞泰賽沖阿馳奏官兵大獲勝仗殲斃賊目苟文華等並擒斬夥匪多名覽奏欣慰之至德楞泰著賞給白玉翎管四喜搬指白玉鼻煙壺鑲嵌寶石帶頭黃辦大小荷包賽沖阿著賞給白玉翎管四喜搬指瑪瑙鼻煙壺黃辦大小荷包以示獎勵等因臣等跪讀之下伏地感泣愧懼交深祇領叩謝天恩敬將賞件三分齎交楊遇春馬瑜吳廷剛等並遵照查明出力員弁及受傷出力之兵勇逐一分賞祇領伏念臣德楞泰受恩深重此次勦辦無幾零匪竟至日久遷延咎戾滋深屢蒙訓誨策勵不加嚴譴已屬感報無地更叨

德壯果公年譜卷二十八

八



特命臣賽沖阿來營協勦仰仗

天威此次得以痛加擒斬挫其兇鋒然未能一鼓殲盡又復挺險  
奔逃乃蒙

錫賚駢蕃分頒珍品念餘氛之未淨實深憤懣於無能仰

湛露之渥施彌切悚惶而增愧且前此蒙

予展限又復

優加重賞臣等傳宣各路將弁兵勇無不感激思奮奈該逆自知

死亡在即總藉老山箐林為藏身之固我兵極力兜截每

不過小有殲擒又致逾期尚未竣事此皆臣德楞泰運蹇

福薄庸劣無能下不獲奠安蒼黎上不能仰紆

德壯果公年譜卷二十八

九

宵旰應請

旨將臣德楞泰交部治罪以為帶兵大員師久無功者戒

諭曰現在賊匪奔竄老林楊遇春等分路躡追德楞泰鼓勵士心

加倍懸立賞格自必格外振興但刻下已交夏令此二百餘殘

匪依險竄聚總未能掃除淨盡實深焦慮而額爾登保等宣力

多年此時尚在多方籌辦不能回家安享富貴朕心實深憐憫

亦不忍再行催促或致官兵轉有冒險輕進之事特恐官員兵

勇等未能盡悉此意當傳諭官兵以爾等從征數載備極辛勞

均蒙皇上洞鑒乃此起零匪無多偷竄稽誅迄今未淨皇上以

爾等久勞於外不忍降旨飭催特因賊匪狡恃老林蹤迹無定

轉瞬雨水載途搜捕較為費手若一日不能蕪事爾等一日不

能歸家聖心殊為憫念所以重懸賞格恩意有加爾等當同心

協力奮勉殺賊務將餘匪迅速殲除即可早日還鄉骨肉團聚

共享太平如此剴切曉示俾共知感奮自能爭先效命迅掃餘

氛也至兵糧間有短缺額爾登保已飭將沿途滾運之糧趨行

接濟所辦亦好軍行糧食最關緊要此次短缺是否係陝省糧

員遲誤抑係川省未能接濟即著查明參奏並行知該省督撫

轉飭糧員嗣後務須源源供運不得再有玩延又德楞泰自請

交部治罪此可不必德楞泰從前督兵勦賊勞績懋著此時祇

係搜捕未能得手豈肯因此遽加之罰額爾登保現已到彼惟

德壯果公年譜卷二十八

十

當勉之又勉會同籌酌俾得一鼓蕩平轉無庸以待罪為詞致

形鬆懈至此大遇伏陣亡之藍翎五品軍功李含香額外陳文

郁均著各部加等賜卹

二十五日

公借額爾登保賽沖阿奏言臣等昨會合一路籌商趕辦

額爾登保德楞泰由漳河坪鳳河腦一帶顧定北面陝

界接續臣賽沖阿楊遇春馬瑜帶領鎮將跟蹤而進初五

日探悉該匪由石梅子河黃安壩朱槽河一路老林奔逃

雖已入川邊而正東翻越界嶺仍可入陝必須防顧遂商

令楊遇春帶領原兵取道正陽河平溪河會同劉瑞增截



入陝之路臣賽沖阿同馬瑜督率鎮將等仍跟蹤追剿初六日追至龍坪探悉該匪於麥葉溝乾溝巖一帶林內散處避雨當即冒雨衝入殺斃賊匪三名該匪見官兵分路進攻捨死竄上九層巖向偏巖漏遁逸我兵覓路緊追又斃賊匪四名生擒五名該匪竄入熟油溪老林維時雨勢甚大山坡濫滑異常勢難前進當令兵勇撤至林邊暫紮查訊獲賊分別辦理次日即擬入林搜逼詎意大雨如注連日不止溪河處處漲發人馬不能洶渡賊匪並未遠颺我兵亦不能前進臣等萬分焦急遂彼此熟商刻下殘匪無多我兵計有萬餘名若一路會同趕剿實恐行走擁擠

德壯果公年譜卷二十八

十一

且將領等帶兵在前其中孰為用命孰為因循恐有混淆須責令分路趕辦庶人思自奮功過不辨自明當即商令臣賽沖阿帶領總兵喜明劉瑞副將閻俊烈遊擊李國棟璩嘉驥李勝林等所帶官兵為一路馬瑜等帶領總兵田朝貴副將桂涵參將羅思舉遊擊徐陞都司高星文瞿心能等所帶官兵為一路楊遇春帶領副將吳廷剛參將祝廷彪遊擊劉元明都司曹良臣朱承受等所帶兵勇為一路每路兵勇約有三千餘人或躡尾緊追或從旁抄截隨時相機辦理十二日天色開霽水勢稍退探悉該匪翻熟油溪後山老林南向黃墩七里架水寨子竄去臣賽沖阿

已同馬瑜由紅巖寨取道分投緊追楊遇春由平溪河老鴉鋪顧東抄進臣等查賊竄路徑東南可通湯桐二壩後坪西可通高觀寺菜子壩等處均係川境惟東可通大小榆河螞蝗壩又係折陝要道必須分兵督策庶為有濟隨商定臣額爾登保督率侍衛百順彥丕勒圖勒畢善副將唐文淑參將哈豐阿劉健標等帶領官兵千餘名即由九箇包取道八仙河一帶緊顧東北臣德楞泰督率參領豁隆武副將馬元參將劉彪郭文魁遊擊劉廷斌等帶領官兵千餘名即由青草坪南天門取道南溪場緊顧西南總視何路緊要即就近移兵策應連日據各路探差及坐卡

德壯果公年譜卷二十八

十二

兵丁陸續盤獲賊匪四名當即正法並據四川臬司劉清副將羅聲皋稟報都司趙琴在漂江嘴盤獲零匪二名外委胡大任在通江金溪河擊獲零匪四名又甯夏鎮總兵汪啟稟報遊擊伊星阿在廟壩盤獲零匪一名守備杜天忠在哨風樓盤獲零匪一名千總孫光烈在海口壩盤獲零匪一名均係剿散零匪已飭令於審明後分別辦理再臣額爾登保昨經過水關城地方查有貴州留養傷病官兵二百餘名當即親加點驗內有已經痊愈年力壯強者九十餘名當即飭令隨同搜剿其實在傷病未痊愈年力就衰者共一百零五名當即飭令患病都司吳登祿帶回原



營以節糜費又副將桂涵所帶鄉勇二百六十餘名先後來營懇求領賞遣回臣等恐其中或有別情當即傳集詢問僉稱我們五六年跟隨桂涵打仗殺賊從不敢稍有退縮近因數月以來日在老林追剿有臨陣受傷者有得受疾病者每日爬山越嶺擊營設卡實在苦累情願領賞聽候散遣歸農等語臣等查該勇均籍隸川東川北臣德楞泰現由南天門一帶進發即將此項鄉勇帶至川境南溪場酌給賞銀派員分起護送交臬司劉清查明原籍妥爲安置

諭曰川陝邊界零匪上年原交德楞泰辦理因經半年之久遷延

德楞泰奏

二十八

不能戡事是以仍簡派額爾登保前往以爲到彼之後自必一鼓蕩平肅清喜報不日可至乃自十六日奏到與德楞泰等會商剿辦之後迄今又及一旬本日所奏情形仍未得手以一萬有餘之兵勇剿此二百餘名之零匪殲斃僅十餘人幸未續增逆匪若再有脅從又如何辦理竟無戡事之日矣且言該匪竄入老林之後因雨水阻滯我兵不能前進竟任其盤踞林內毫無辦法試思官兵不能淌渡賊何以又能冒雨奔逃不爲水阻即摺內所云分兵五路以三路之兵往前追剿以兩路之兵在後策應者亦不過敷衍空言而另摺轉以鄉勇等涉歷險阻鞋腳不敷請加給鹽菜銀兩鄉勇隨同剿賊如果奮勉出力朕亦

不惜重賞即如前次降旨懸立賞格數目甚優何獨於此項鹽菜銀數錢不加寬給但數月來該勇等觀望遷延所謂出力者安在豈該勇以官軍剿辦零匪惟仗伊等出力此時竟欲居奇若不多給賞銀遂不盡心辦賊是直以零匪未完爲伊等挾制之計若云該勇等驚駭不馴恐其去而從賊曲爲此安頓之法則將來零匪剿淨之後此等鄉勇又將如何安頓耶此時剿捕原不專恃鄉勇如有實在不願隨征者原可先爲遣散摺內所稱桂涵一路川勇二百六十餘名先後來營懇求遣回此項鄉勇應即酌量賞銀令其歸里並著額爾登保查明此外如尚有

德楞泰奏

二十八

不願隨征者亦一體賞銀遣回知照地方官妥爲安插其實在情願隨征者並當諭以事屆垂成尤當加倍奮勉爾等如果打仗立功皇上即加倍施恩亦無不可但無功濫賞則斷乎不能如此明白曉諭該勇等自必共知鼓勵至鄉勇口糧從前比兵丁得項較多是以不願入伍此時何以云較之兵丁得項短少前後所奏亦屬不符並著查明具奏所有此次奏請加給鄉勇口糧已交軍機處存記俟奏報勝仗到日再行降旨額爾登保所帶兵勇百倍於賊似此日復一日老師糜餉何所底止即使國帑充裕亦不值如此耗費況目下帑項情形迥非昔比額爾登保等甯不知之豈身受重恩竟安心延緩一任國帑虛耗視同膜外耶伊等惟當激發天良速圖戡事若有難辦之處亦不



妨據實奏聞候朕指示

五月初八日

公偕額爾登保賽沖阿奏言<sub>臣</sub>等昨將殘匪追入川境分兵三路緊追<sub>臣</sub>額爾登保德楞泰亦分路督飭現在賊匪無可掠食非冒充兵勇向寨洞覓食即乘夜破寨搶掠必須設法杜絕遂派令都司史定川守備謝金章分帶兵勇百名在於沿山寨洞設伏連日據報該匪竄過黃墩之水寨子前來攻撲俱經擊退該匪即向興隆寨逃逸又乘夜前來攻寨經設伏之外委張富率同寨民擊斃賊匪一名又有賊匪一名假充官兵赴余家洞買食經伏兵盤獲送

德壯果公年譜卷二十八

七

營番明正法該匪由西溪口寒坡垭七里坪一帶奔竄<sub>臣</sub>賽沖阿馬瑜田朝貴等由銅罐包老林緊追擒獲賊匪一名訊據供稱賊營實在矛手二百三四十人餘外又有些被擄的人現在要逃往老木園老林躲避等語當即正法<sub>臣</sub>賽沖阿等於十五日督兵追至龍潭河探報該匪已竄向木旺坪楊遇春帶兵亦由老鴉鋪抄截而來查探賊蹤已在西南楊遇春即帶兵向木旺坪跟追<sub>臣</sub>賽沖阿等抄赴鳳凰頭萬春河以防該匪北折於十七日至東白巖正遇賊匪竄出當即施放槍礮轟擊藍翎馬兵楊秀箭斃戴翎頂賊匪一名賊匪向南逃竄楊遇春亦即帶兵趕到會

同追至紅池壩賊已竄向窄羅盤地方官兵於二十二日追至窄羅盤該匪又竄漆棚子二臺坪老林係太平開縣境內現因老林陰雨連縣道路陡險尚未得手<sub>臣</sub>額爾登

保連日由八仙河趕抵太平之黃墩接准<sub>臣</sub>德楞泰知會亦已抵修溪壩防顧西北所有前告遣鄉勇二百數十名經檄調副將桂涵來營查收器械包封賞銀即令管帶前赴綏定會同臬司劉清分別遣交地方官安業該勇等就道甚為安靜伏思<sub>臣</sub>等前議分兵三路仍未能痛剿實深焦灼之至匪蹤現已深入川境距陝邊三四百里<sub>臣</sub>額爾登保自應就現有兵力趕赴前途親督勦辦擬帶同侍

德壯果公年譜卷二十八

七

衛百順副將唐文淑等率領固原甘肅兵一千餘名自北而南一面探聽賊蹤一面差探楊遇春兵行所向歸併一路趕勦提督馬瑜總兵田朝貴所帶官兵共有三千名現在<sub>臣</sub>賽沖阿亦經統帶追剿<sub>臣</sub>德楞泰督率副將馬元等帶兵一千餘名並歸併提督豐紳一路官兵即日願定西北另走一路向南探進彼此知會總期將殘匪併力掃除至前在陝邊大小白河一帶滋擾零匪經官兵勦散總在老林藏匿十八日楊芳所帶官兵又搜獲一名<sub>臣</sub>額爾登保德楞泰已札調總兵達自祥帶兵前赴邊界與王兆夢聯絡在大小白河滄水河漳河坪一帶設卡巡緝其楊芳



所帶甯陝官兵已札知仍赴紫陽石泉一帶江岸巡防並可巡緝南山辦理營務

諭曰據奏仍不過殲賊數名三路分兵總未得手額爾登保等以不能痛剿心懷焦灼殊不知此間撥帑籌糧朕無一不預為經畫其焦灼較之伊等更切竟不能形於筆底苦心惟自知耳摺內所敘分投搜捕祇稱帶領官兵並未提及鄉勇字樣自係額爾登保等查看近來鄉勇不肯出力之故惟現在告遣鄉勇二百數十名既經收繳器械安插而此外尚有鄉勇六千餘人現在是否仍令隨營將來究竟作何安頓額爾登保等尚未議有章程若此時鄉勇可無需用即當陸續散遣或一時未便全撤

德壯果八年譜卷二十八

七

亦宜預為布置免致臨時周章國家設兵衛民本資敵愾之用前此鄉勇幫助官兵奮勉出力是以優加鼓勵並未稍存歧視今該勇等既已心生觀望所仗全在兵力更應加以獎勵俾士氣激揚如兵丁內有能殺賊立功者悉照從前擬定賞格分別陞擢並著剴切宣諭使之倍知鼓勵再節次奏報不過二百餘人今閱摺內矛手已有二百三四十人此外尚有被擄之人是賊又較前稍增但各路官兵不啻數十倍於賊務須上緊籌辦儘此五月一律蕩平六月內額爾登保將善後事宜料理妥協即行起程於七月朕啟鑾前到京以便隨扈木蘭行圍

十一日

諭曰額爾登保等剿辦殘匪屢經降旨飭催並令將如何散遣鄉勇及是否別有難辦之處據實陳明迄今未見奏到本日吳熊光奏報陝省大股賊匪已南趨雲陽開縣交界之沙陀子老林藏匿尚有小股賊匪數十人現自安康縣界向漳河坪丁家山一帶奔竄業經廣成派兵往堵等語此股零匪在陝省邊界奔竄額爾登保等自應知悉乃本月初八日奏到摺內並未提及惟據稱前在大小白河一帶滋擾零匪總在老林潛匿已札調達自祥帶兵與王兆夢聯絡巡緝究竟吳熊光所稱漳河坪竄匪是否即係達自祥所辦一股抑或係從前閻俊烈剿贖未淨之賊現在何處竄匿實有若干人數有無為首之賊近日官兵有無擒斬均著查明速奏

德壯果八年譜卷二十八

六

十八日

公偕額爾登保賽沖阿奏言竊臣等分兵三路進發因二臺坪老林地勢逼仄不能施展兵力商令楊遇春取道新田壩三溪子從旁抄擊臣賽沖阿與馬瑜率兵尾追恐該匪設伏伺襲當令兵勇處處擊卡又挑出奮勇官兵每五六十人或百十人為一隊各帶槍礮或在山坳或上山梁向林內分投轟擊該匪不能存紮即南向瓢廠合耳山由茶山壩逃竄楊遇春聞信即帶原兵兼程顧東南抄截臣賽沖阿馬瑜田朝貴喜明帶兵由茶山壩閃塘埡跟追沿



途殺賊數名生擒宋金懷一名及被擄民人十名訊據宋金懷供稱被官兵勦急大家商量要乘空往大甯寶塔一帶逃竄打聽東南已有官兵不敢出去就在這山內藏躲看定幾箇小寨乘夜偷破擄些糧食就叫寨民背負如今才手還祇二百三四十人擄的百姓也有一二百人今日我押著新擄的背糧不意被官兵拏住等語當即分別辦理二十八日楊遇春兵至中岡嶺臣賽沖阿亦帶兵趕到探報賊於昨夜竄至高坪復北折青灣子雪泡山遁入大山老林查火山北通王家壩西北通旗桿山三排山東通十里坪東北通濛濛溪道路分歧必須分兵截擊楊遇春即帶兵趕赴王家壩自北迎頭勦辦臣賽沖阿同馬瑜喜明帶兵由大水瀟寒溪寺躡追又派田朝貴取道十里坪帶兵抄截臣德楞泰趕抵三排山扼住西北臣額爾登保由後坪趕抵波羅山扼住東北濛濛溪之路並令參將哈豐阿劉健標侍衛色克通阿挑帶官兵在於林內設伏截擊臣等查看地利情形可期得手限於三十日夜半進兵不期是夜大雨如注迨至黎明雨勢益大直至本日尚未開霽兼以霧瘴迷漫對面莫辨楊遇春哈豐阿等設伏官兵均於林內露處既不能進攻亦不能撤回目擊情形實深焦懼臣等現在虔禱一俟天色稍霽如賊匪仍屯原處

德壯果公年譜卷二十八

二十九

即奮力進攻儻又他遁亦即設法趕勦再查從前小民團聚大寨有險要可據有槍礮可守洵杜絕擄掠之良法今川陝邊界小民見賊匪無多均由大寨分住小寨為就近田廬便於耕作但現在殘匪總在該處一帶逃竄設屢被劫掠不惟蹂躪百姓亦恐賊數日增更不成事臣等雖於臨近寨洞安兵設伏其勢不能處處周密現已飛咨勒保方維甸各派員馳赴邊界勸百姓將小寨仍歸大寨以資固守又查陝省安康平利紫陽一帶現有總兵王兆夢達自祥帶兵防勦並搜緝大小白河零匪其迤西之西鄉南鄭沔甯邊界為陝甘要隘亦有總兵九十汪啟國與阿分段防堵可以無虞惟川境之開縣太平大甯地方遼闊且多大山老林營汛官兵不能在在分布現雖歸併寨堡亦須酌助兵力捍禦臣等現帶兵內川省官兵不過五六千名難以分撥查川省額兵本有三萬餘名再酌調二三千名前往駐紮既可借資防範而進勦官兵間有疲乏亦可隨時更易至隨征鄉勇雖經臣額爾登保奏懇天恩加給鹽菜銀兩究因苦累每起告遣之心連日楊遇春王英所帶鄉勇已有百餘名至臣處懇請遣撤察其形狀藍縷且多帶傷受病甚為可憐已即照例賞銀遞送安插恐川省鄉勇似此者亦陸續而至既經告遣留之亦不能得力

德壯果公年譜卷二十八

三十



自應隨時散撤此時正在剿捕之際恐分撥稍有不敷若  
添調本省官兵實可接濟從征亦不致涉於張皇臣等彼  
此札商意見相同已咨明勒保在各標營預備官兵二二  
千名揀派得力將備管帶恭候

命下之日即檄令前來用資分撥

諭曰額爾登保等自奏報分路剿賊情形後迄今已閱旬餘朕盼  
望之殷刻深焦廛本日四百里報到所敘連日分兵探剿情節  
不過殺賊一名生擒被擄民人十名賊匪除二百三十四人外  
又新擄百姓一二百人賊數竟添至一倍額爾登保等所辦何  
事現據摺內稱官兵連日為大雨所阻不能前進一俟天色稍

德壯果公年譜卷二十八

三

霽如賊匪仍屯原處奮力進攻儻又他遁亦即設法趕剿等語  
殊不成話如此大雨官兵既寸步難進賊匪又何能遠遁若賊  
匪竟能冒雨前行官兵自亦可跟蹤追躡何至不能奮力進攻  
額爾登保等不過又為將來追賊遲延自占地步此等敗殘零  
匪不但不能殲除又復輾轉奔逃致增裹脅均由伊等辦理延  
誤所致上年冬間德楞額奏接辦時朕以該處零匪祇贖一二百  
人無難剋期辦淨乃德楞額奏聽鄉勇詭計欲事招降予賊以  
暇坐失事機不得已又令額爾登保到彼幫辦額爾登保在京  
時即再三婉辭及至到陝後聞德楞額於三月初二日得有勝  
仗又欲避分功之嫌不即會辦速德楞額泰屢次不能得手伊自

知難以坐視始行前往今自與德楞額泰會合以來又閱月餘並  
未與賊接仗每隔十餘日奏報一次不過殲擒數人而賊數已  
添至一倍似此裹脅日增何時始能辦竣前因額爾登保等三  
人效力行間屢著勞績節經渥沛殊恩晉爵酬庸以昭優獎茲  
以萬餘兵力剿辦餘匪老師糜餉竟至一籌莫展此而不加黜  
罰何以肅軍紀而勵戎行此起零匪德楞額泰剿辦最久其貽誤  
之咎尤重德楞額泰著降為二等侯革去內大臣降戴單眼花翎  
並革去紫韁賽沖阿係西安將軍早經派令前往德楞額泰軍營  
幫同剿賊且係聯銜奏事之員非專聽調遣鎮將可比其獲咎  
亦重賽沖阿前賞輕車都尉世職著降為騎都尉並拔去花翎

德壯果公年譜卷二十八

三

額爾登保馳赴該處會同督剿雖不似德楞額泰等之為時已久  
但到軍營後毫無振作咎亦難辭額爾登保著降戴單眼花翎  
並革去紫韁朕權衡伊三人貽誤輕重之咎分別降革以示薄  
懲額爾登保等務宜知感奮迅勉戴功仍可復邀恩賞儻再  
泄泄沓沓任賊匪輾轉奔逃沿途勾結必將額爾登保等三人  
一併從重治罪不能稍為寬貸矣其軍營隨同辦賊之提鎮將  
弁等員自楊遇春以下均著額爾登保傳旨嚴行申飭俾共知  
儆懼奮勉立功前此剿賊多藉鄉勇之力近額爾登保等兩次  
摺內均未提及鄉勇一字自係不能得力是以又請酌調官兵  
但伊等現在大甯太平一帶分路進剿何以不添調征兵轉欲



添兵分段駐防或因探得大甯等處有賊匪伏而未起抑或慮及鄉勇散遣後難保一律安靜有藉兵力防範此等情節亦不妨直行陳奏何必隱躍其詞今既咨明勒保在各標營調取官兵二三千名即著照所請檄調應用至所稱楊遇春王英所帶鄉勇有百餘名向額爾登保處懇請遣撤察其情形藍縷照例給銀辦理楊遇春王英所帶告遣者已有百餘名其未告遣者尚有若干及此外各路鄉勇不下數千名是否尚在隨營調遣抑係全不得力均未奏及其慮如何籌畫安插之處並著交議具奏其總兵王兆夢等所勒大小白河一帶零匪為數無多會否立時剿淨何以摺內並未提及此後得有勝仗即由五百里

德壯果公年譜卷二十八

三

奏報若實在全數肅清即由六百里馳奏以慰廑注

案先是 上以搜捕久延會疊 諭陝撫方維甸將公等辦理情形據實密奏至是月二十四日覆稱大股剿散之後所餘零匪皆積年猾賊加鄉勇湊聚而成於官兵虛實及追截攻擊之方無不洞悉而留陝之兵日久力疲又見他兵次第遣撤未免情切思歸以疲乏之兵辦狡黠之賊攀援險阻暑雨奔馳賊事稍遲實由於此至隨營鄉勇近因賊竄窮山驛馬衣物臨陣無獲實不能如從前出力而帶兵大員知其難持亦不常令前敵剿賊即使該勇等存養賊自重之心似無所施其挾制其所以不即全撤者祇因搜捕未竣恐其去而從賊蓋綠零匪未平暫留鄉勇非以鄉勇難散故留零匪也

六月初一日

公偕額爾登保賽沖阿奏言 臣賽沖阿與馬瑜帶領官兵於初六日冒雨由長梁子甌帽頂取道進攻詎該匪瞭見

東北兩面兜圍嚴密乘黑夜大雨自火山南奔長槽向家廠樊家洞一帶老林逃向仰天窩 臣賽沖阿與馬瑜田朝貴喜明即帶兵分路緊躡 臣額爾登保聞信亦督同楊遇春等冒雨進兵由朱提壩亂石窰三排山取道顧西抄截 臣德楞泰督同豐紳帶兵由甕坪老虎壩華院甯顧東抄截查探該匪已於初八日竄過南坨場奔濫池子初十日竄上徐家溝山頂 臣賽沖阿等督兵直上各將備兵勇不避矢石奮力仰攻當斃賊匪四名生擒九名該匪敗竄下山適另路都司史定川帶兵由筲箕灣趕來又生擒賊匪三名該匪即向八把刀敗竄我兵分路追殺又於林中搜

德壯果公年譜卷二十八

三

獲四名當訊明將陳賊正法其被裹難民送回安插探報該匪竄走三柏嶺有出謝家壩之勢 臣德楞泰即督同豐紳帶兵由雪泡山風竹壩直抵七里坪抄顧東南 臣額爾登保督同楊遇春帶兵由熊坂磴大塘口中岡嶺抄顧正東乃該匪探知東南俱有官兵又折走鹿塘溪 臣賽沖阿與馬瑜田朝貴喜明帶兵趕抵鹿塘溪該匪正在攻圍朝陽寨一見兵到即竄上九道拐老林憑高抵禦我兵槍箭齊發奮力仰攻該匪膽敢下壓將弁兵勇人人憤恨與賊在密林內攪殺一處當殺賊七名擊斃執藍旗賊目一名賊匪中箭著槍者甚多頓形慌亂紛紛敗竄我兵乘勢追



殺又斃賊匪五名生擒四名該匪竄入玉荷塘老林因天黑林深雨大未便深入撤出林外暫紮備弁兵勇有身受矛石傷者輕重不等查該匪現奔之玉荷塘老林東北可通七里坪臣德楞泰於十二日帶兵已至七里坪老林中紮營距賊不遠其東面白沙河另行派兵堵截惟北折可走羊古巖關廟山臣額爾登保十三日已冒雨趕回高坪飛飭楊遇春帶兵赴小茶園九嶺子緊扼西北之路又派總兵劉瑞參將哈豐阿侍衛色克通阿帶兵馳赴臣德楞泰處分路進攻無如自十二日起至十四日大雨傾盆日夜不止我兵在雨中穿越山林分投進發急切不能得手

德壯果公年譜卷二十八

三

惟盼日內天色稍晴分投競進不敢有意遲緩又據提督豐紳稟報在柏森坪殺斃賊匪一名生擒九名又據臬司劉清稟報在鄰水地方搜捕賊匪九名均經訊明分別辦理至臣等昨奉

諭旨令將有何難辦之處據實直陳伏查賊匪衆多之時尙擇路行走官兵趕赴要道扼截往往即可得仗今賊匪愈少奔竄愈滑惟恃險山陡壁避兵延喘其行走處不惟人迹罕到亦從前賊匪所不到每日令提鎮將領帶領兵勇徒步入林跟追臣等於林外覓路抄剿稍資馬力然每遇洶渡溪河或山徑陡險馬不能行徒步攀躋幾遭傾險臣等亦

不敢顧惜偷安稍有鬆勁自提督以至末弁無不盡力兵勇則涉水登山攀藤附葛每日徧身濡溼甚至踵決履穿凡遇指派從未稍形畏縮不可謂兵勇之不用命無如該匪總避兵而行慣在深山密林內折竄倏東倏西蹤迹無定再遇大雨益難進兵其不能迅速成功實原於此此外再無掣肘情事臣等惟有仰仗

皇上天威勉竭駑駘設法趕辦如日內稍得天時地利必當早報戴功實屬臣等之幸

同日公借額爾登保又奏言竊臣等欽奉

上諭鄉勇口糧從前比兵丁得項較多是以不願入伍此時何以

德壯果公年譜卷二十八

三

云較之兵丁得項短少著查明具奏等因伏查從前教匪滋事之時各省招募鄉勇每名月給銀三四兩不等尙有給安家銀兩者需費浩繁辦理未能盡一自四年臣額爾登保簡授經略以來查明各路征防鄉勇爲數甚多除將不得力者飭令陸續裁汰外其留於前敵者均覈定每名月給鹽菜夫價銀一兩三錢八分口糧一分其在地方防守有由各省督撫司道招募者每名月給銀三兩令其自行買食不給口糧應來照辦在案自七年奉旨減撤鄉勇臣等會議定將年力强壯技藝嫻熟者分撥附近原籍營汛補以名糧但鄉勇入伍其初均各給守糧一分每



月僅領銀一兩俟當差奮勉漸陞拔戰糧馬糧分例始能  
加增從前改勇爲兵之際原定卽歸各營當差一切循照  
緣營定例將行糧裁去是守糧得項較之隨征時又減故  
多不願入伍此時隨征兵丁無論馬步守糧定例每月連  
加給鹽菜夫價等項應領銀二兩四錢一分鄉勇祇領銀  
一兩三錢八分彼此相較未免鄉勇短少覈其艱苦情形  
兵勇實無二致是以懇

恩加給銀六錢二分以足二兩之數俾稍寬裕現所贖隨征鄉勇  
陝省祇有一千二百餘名川省祇有二千五百名統計  
每月加銀不過二千數百兩如蒙

德壯果公年譜卷二十八  
俞允尙不至過事虛糜而該勇等自倍加鼓勵

諭曰日來盛暑煩歎朕盼望捷報宵旰爲勞今日始據奏到亟加  
披閱此次各路官兵於徐家溝等處殲擒賊匪約共三四十名  
較之前數次之一無斬獲者差覺少勝然仍未能痛剿尙不值  
加以恩獎而於有無難辨情形經朕諄諄垂詢並無一語明言  
其故但稱再無掣肘情事空言覆奏閱摺內徒步攀躋幾遭傾  
險將弁依林露處兵勇等攀藤附葛徧身濡溼至於踵決履穿  
此種勞苦情形實屬可憫朕亦不忍嚴旨督促現當大雨時行  
賊匪亦不能遠颺當趁其窮蹙設法籌剿况核計賊數合之裹  
脅者不過四百餘人所占地界諒亦不廣或扼要設伏或乘虛

擊卡縱不能兜圍痛剿豈並不能躡探路徑爲掩襲截擊之計  
乎又另摺覆奏鄉勇得項每月給領銀一兩三錢八分較之兵  
丁短少著卽照所請加給銀六錢二分俾得少形寬裕但此時  
餘匪無多隨征鄉勇現存不下四千名趁此官兵未撤時擇其  
老病不能得力及情切思歸者酌量先行裁遣則人數既少卽  
可於隨征額兵缺出時撥令入伍若因守兵得項較少卽以之  
超補馬糧戰糧亦無不可該勇等從征數年者有勞績卽千把  
職官頂戴尙且量功賞給豈必拘定營制由守糧漸次拔補乎  
如果伊等情願入伍或於額缺外添設戰糧馬糧若干分俟額  
兵缺出再陸續充補亦屬權宜之道庶該勇等餉項既優生計  
無缺益足以資鼓勵

德壯果公年譜卷二十八

天

初九日

諭曰本日方維甸奏探報賊情摺內據稱此起賊衆裹脅增多已  
有四百餘人竄入四川火山其紫陽之六道河另起零匪數十  
人現由十三灣竄入東椒河一帶亦近川境等語此起餘匪初  
祇二百餘人額爾登保等如果能迅速捕淨何致復行裹脅乃  
一味玩延予賊以暇今合之紫陽另起零匪幾不下五百人可  
見旬日來裹脅又復不少而額爾登保等猶不思奮力擊剿日  
事稽延幾於杳無音信前德楞泰督辦時尙有三月初二日勝  
仗一次殲賊多名額爾登保自會辦以來業已兩月有餘卽欲



如三月內之勝仗亦不可得伊二人所辦何事試思賊衆從前充斥時有如是之累月而不接一仗不殺一賊者乎若果如此遲延何能將數十萬賊衆殄除耶看來此次師疲日久非由將士不肯用命竟係伊等督催不力賞罰不明所致卽山林陡險兵力難施亦當悉心設法或用火箭焚林或斷賊之樵汲掩伏兜圍鼓勵官兵一鼓作氣自能痛掃餘氛乃祇知尾追轉將勸諭居民以小寨歸併大寨等事爲亟殊不可解額爾登保等著傳旨嚴行申飭儻再有怠緩朕必執法從事懍之慎之

初十日

公偕額爾登保賽冲阿奏言竊 臣 賽冲阿緊逼賊蹤在玉

德壯果公年譜卷二十八

五

荷塘林外擊營暫紮欲俟雨勢稍止卽行進攻詎該匪於夜間乘霧雨之中竟敢前來偷撲營卡幸我兵早有準備戮斃賊匪二名該匪敗竄我兵又用槍礮轟擊斃賊一名生擒一名時已四更昏夜莫辨且林密不能深追仍撤回營卡十六日五更發兵向玉荷塘土地礮一帶進逼施放排槍以冀轟賊出林該匪因逼勒緊急竄走白沙河 臣 德楞泰早經督率豐紳在白沙河擊卡遏截該匪不能衝過卽折奔山王廟適 臣 額爾登保派令總兵劉瑞等帶領兵勇八百名冒雨至彼放槍迎擊該匪捨死衝撲數次貴州兵丁徐上才揮刀衝入賊羣砍斷賊矛四根殺賊一名該

匪敗向亮亞子一帶遁去楊遇春探得該匪西奔卽帶兵由八面溪滿月槽一帶抄擊 臣 額爾登保督兵策應而進楊遇春兵抵老虎壩哨探兩旁密林叢竹中隱有伏賊當令兵勇施放槍礮賊匪零星散竄我兵躡尾緊追生擒賊匪戴玉貴一名訊係戰手並據供稱我們胡元帥右肋帶槍傷很重已經死了其餘戰手帶槍箭傷者共有二十多人昨夜拚命過河被水衝去張總管並戰手等二三十人此時想要走馬家營雞鳴寺往北逃入陝邊等供當卽正法楊遇春仍帶兵緊追 臣 額爾登保督兵繼進於路經八面溪乾溝梁大山時適遇大雨該處亂石橫木填塞滿路

德壯果公年譜卷二十八

三

兼之山勢極高兩旁盡係細竹密林有路之處又皆羊腸鳥道下面懸巖萬丈擁擠難行雨後梁頂泥深過膝馬隊官兵及 臣 與各官員馬匹陷跌殆盡衆官兵扯引下山鍋帳一切全行落後 臣 查賊匪欲由雞鳴寺北逃有入陝之勢關係緊要雖有楊遇春躡追仍須趕往督率遂將已經趕到之兵一千名令劉瑞哈豐阿百順彥丕勒色克通阿等帶領隨同前進酌留副將唐文淑侍衛圖勒畢善在滿月槽查收落後兵丁並倒斃驟馬數目收集鍋帳再行繼進途次據楊遇春差兵迎報我兵緊躡賊尾將抵雞鳴寺該匪卽竄出仙女池大山時已酉刻遂趕赴涼風壩菜子



壩一帶抄出賊前剿辦<sub>臣</sub>額爾登保因卽督兵由柏森坪修理山一帶督率進發<sub>臣</sub>德楞泰賽沖阿亦督同馬瑜田朝貴豐紳分路趕到該匪本在新開場老林游奕是日翻青草坪老林南折黃金坪趨線朗坪<sub>臣</sub>德楞泰賽沖阿卽督率官兵趕至線朗坪立行進攻槍箭齊發立斃賊匪數名餘匪敗上二蹬巖我兵又乘勢搶上該匪遁入放馬廠老林官兵現卽深入窮追<sub>臣</sub>額爾登保又添派參將哈豐阿侍衛色克通阿帶領奮勇兵五百名趕赴楊遇春一路幫同迎剿<sub>臣</sub>額爾登保亦卽督率繼進連日欽奉五月初八十一日

德壯果公年譜卷二十八

三

上諭仰見

聖心盼捷焦勞無時或釋

諄諄垂詢有何難辦之處<sub>臣</sub>等前次奏報會將不能迅速成功實情具覆至鄉勇一項現在隨同川陝官兵供征者不過三千餘名節次告請遣回者已據各原籍地方官報稱均屬安靜此後散遣之法除情願入伍並充當民壯自應仍照奏定章程辦理其甘願歸農之人一並收繳器械照例給予賞銀交地方官安插果能隨時稽察自不至復流爲匪卽現經獲犯研訊亦並無遺散之勇投入賊營情事從前賊內有曾充鄉勇之數十名據供有被官兵殲斃者有已

經亡故或逃散者所贖實不過二三十名此時賊中湊聚究係打散零匪居多真賊仍祇二百餘人等語所供似尙可信<sub>臣</sub>等惟有留心體察隨時防範斷不令現有鄉勇滋事至吳熊光所奏漳河坪丁家山有零匪數十人一節<sub>臣</sub>額爾登保前因大小白河零匪雖經派令總兵王兆夢搜捕恐其躑躅急分逃是以西面札令達自祥探蹤協捕又札知提督慶成就近偵探如該匪東遁卽幫同剿辦各在案連日因<sub>臣</sub>等在老林追逐文報繞遞稽遲昨甫據王兆夢達自祥稟報大小白河零匪節次殲斬後該匪向東南漳河坪丁家山一帶逃遁王兆夢於十四日親率兵勇乘夜

德壯果公年譜卷二十八

三

掩襲又殺賊十餘名餘賊衝散分爲三起共四十一人由高馬荒板棚子一帶老林遁入川界黃墩後坪陝兵仍分投跟追等情<sub>臣</sub>德楞泰聞信又派令游擊畢萬年帶兵二百名前往搜捕核之吳熊光所奏零匪逃竄地方自卽係此一股該鎮等稟內均稱係各股打散零匪及無業棍徒時分時合並無爲首之人川陝邊界山大林深一二零匪竄匿覓食乘間剽竊係屬必有之事是以<sub>臣</sub>等於川陝沿邊處處留兵防守疊據總兵國興何沅啟等稟報時有捕獲惟伏而未起之匪<sub>臣</sub>等帶兵周歷邊界並無聞見卽川陝各地方文武亦從未稟過似不致再有萌蘖<sub>臣</sub>等現剿



零匪各路官兵相距皆近或躡尾追殺或迎頭截擊務期  
乘此勝勢一鼓作氣以期早得勝仗

諭曰從前額爾登保等總稱賊匪往往四散潛竄山林官兵無從  
圍剿此次該匪等前來偷營正當奮力殲殺乃祇斃賊三名生  
擒一名豈非坐失機會用兵之道全在乘賊之隙或霧雨交作  
或昏夜莫辨出其不意一鼓制勝若必俟天色晴霽又定須白  
晝時方可督兵剿賊萬無是理即楊遇春一路亦祇殺賊一名  
其被水衝去之二三十人乃賊匪過河自遭覆溺何得為官兵  
擊剿之功而額爾登保等猶稱乘此勝勢能無愧乎摺內據稱  
路經八面溪等處羊腸鳥道萬丈懸巖馬匹陷跌殆盡眾官兵

德莊果公年譜卷二十八

三

扯引下山等語看此情形不可謂不盡力即額爾登保等亦實  
艱苦備嘗時當盛夏煩歎即馬匹陷跌致斃閱之亦覺惻然况  
如此涉險官兵等自不免有所損傷實不忍再加懲治但毫無  
布置僅事跟剿徒勞仍屬無益用兵以謀略為先羽扇綸巾能  
摧勁敵若恃勇輕進拚命相鬪是市井無賴之情形非制勝之  
道也至鄉勇一項據稱賊營所贖實不過二三十人是鄉勇之  
從賊者比前較少更屬易辦總在額爾登保等隨時區畫以期  
迅奏蕩平勿再稽延致干咎戾

二十日

公偕額爾登保賽沖阿奏言 臣等昨督兵在線朗坪一證

巖等處剿殺賊匪該逆敗竄放馬廠二十七日官兵分路  
進攻該匪膽敢在老林憑險擲石抗拒 臣賽沖阿同豐紳  
馬瑜策勵兵勇奮力上搶槍箭所到眼見斃賊數名均被  
該匪將屍身拖回我兵愈攻愈力該匪始敗向長房嶺逃  
竄查看地勢盡係叢竹密林隨令兵勇一面施放排槍一  
面砍路進逼該匪見我兵轟逼而進復捨死撲出兵勇等  
在林內用刀矛與賊互相砍戮當斃執旗賊目一名矛手  
五名該匪力不能支始向包穀廠桃花坵竄去我兵追至  
坵口沿途又擒獲三名 臣德楞泰督兵策應我兵轉戰一  
日且老林路徑險窄隨於林邊暫紮惟時 臣額爾登保派

德莊果公年譜卷二十八

三

出之參將哈豐阿侍衛色克通阿與楊遇春均帶兵趕到  
楊遇春查看懸巖峭壁萬難仰攻當商令哈豐阿色克通  
阿親勘險要處所分撥兵勇設伏又令副將吳廷剛參將  
祝廷彪帶兵前赴獅子洞十里坪一帶依傍老林設伏 臣  
額爾登保又於存營兵丁中挑派五百名每百名為一隊  
不帶鍋帳分赴貝母池青草坪觀音洞新開場等處在老  
林向內設伏以杜該匪乘間北遁二十九日夜半該匪欲  
從小寒溪老林竄出哈豐阿等隨令兵勇施放槍礮轟擊  
該匪仍折回老林天明查看林外有擊斃屍身二具初一  
日據 臣額爾登保派往貝母池設伏之守備保元龍差兵



高貴魏炳泰來營稟報前赴老林探賊於長槽地方遇見執矛賊匪三名當即向前擒獲劉明盛一名其二人滾巖脫逃臣當將劉明盛嚴訊據供我們昨夜欲由小寒溪竄出又被官兵槍礮轟回大家商量由貝母池北走王家壩差我前來探路等語當即凌遲處死隨將匪蹤飛行各路臣德楞泰賽沖阿得信督率豐紳馬瑜田朝貴喜明各帶兵勇分路由苦草坪郭耳坪向家巖穿越老林隨修隨進林中處處懸巖窄徑險峻異常臣賽沖阿與豐紳馬瑜暨鎮將等皆徒步督兵進逼直入大梁深處該匪不能存紮又避向東趨初三日黎明參將祝廷彪守備齊慎挑帶兵勇五百名入林分布預備掩襲詎該匪於峯頂伏匿哨見祝廷彪等兵勇已過分為兩起於午後潛向十里坪竄出意圖攻撲營卡副將吳廷剛都司呂天俸當即分督兵勇截殺祝廷彪等聽聞槍礮聲響知賊匪已由林內逸出當即帶領兵勇趕回協剿賊匪見官兵前後截殺仍即折回老林我兵分投追擊斃賊九名生擒二名該匪現在有趨乾溝河馬家坪之勢連日弁兵鄉勇中間有傷亡容俟查明咨部辦理楊遇春現督同吳廷剛等抄赴馬家坪迎剿臣額爾登保帶同劉瑞副將唐文淑等由修理山紅花梁後坪顧北抄截臣德楞泰賽沖阿督同豐紳由荀子坪青

灣子分投前進總期即得勝仗上慰

宸懷至總兵王兆夢所剿零匪前在丁家山被剿後分起逃入黃墩一帶現據該鎮稟報率同王英黃傑等搜至花椒坪大梁入林掩殺斃賊四名生擒七名訊據活犯供稱自前次分逃後零星會合共有二十九人今被衝殺祇餘十幾人已各自逃遁等語臣等飭將獲犯正法並令仍督將備分路搜拏以期根株盡絕

諭曰此次官兵分路進剿先後擒斬賊匪二十餘名且該匪於官兵搜捕時祇在老林憑險擲石抗拒並無別項器械可見勢已窮蹙人數亦未增添但我兵向未能痛加截剿立予殲除殊不滿意現在額爾登保另摺陳明舊疾復發每遇上前督率之時實有力不能支之勢朕心深為廑念已派乾清門侍衛慶惠帶同御醫前往診視令其回至西安調理所有川陝邊界零匪即交德楞泰一人專辦並將欽差關防移交德楞泰收用此時零匪若指日在川境辦完固屬甚善萬一被剿緊急竄至陝楚邊界德楞泰當窮賊所向跟蹤追剿伊既係欽差隨處調遣呼應較靈一俟殘匪掃除德楞泰將關防交勒保收貯將來伊來京瞻覲即可順便帶回不必特派員弁先行齎送賽沖阿現隨德楞泰剿賊自當聽其調遣嗣後奏報軍務摺內不必列名至添調川兵二三千名現據額爾登保奏稱並非因太平等處有伏



而未起之賊預爲設備祇係分段駐防等語此項兵丁與其扼要防禦徒助聲援何不於隨營征兵內擇其老弱疲乏者就近抽換俾勦捕更資得力再隨征鄉勇內陝省之一千二百餘名現已令額爾登保帶回西安分別安插其川省鄉勇二千三百餘名俟事竣後當與勒保會商遵照節降諭旨或令入伍或交州縣充當民壯或分給大小衙門令充雜役其願回籍者飭令該管官妥爲安置出具收管印結爲要其王兆夢所勦零匪已不過十餘人無難剋期盡德楞楞泰當飭該鎮等上緊搜捕並責成地方官一體嚴緝勿使一名漏網

二十九日

德壯集公年譜卷二十八

表

諭曰現據額爾登保摺內稱德楞泰因染患瘧疾轉成痢症頗難支持在開縣高坪暫紮服藥等語前因額爾登保舊疾復發當經降旨令其回至西安養病將欽差大臣關防交德楞泰接受以專責成今德楞泰又患瘧痢病勢較重著回至開縣上緊調治額爾登保仍帶欽差關防在彼督辦如德楞泰不日就痊可以督兵進剿仍應遵照前旨交與專辦伊即回西安調養德楞泰一時未能痊愈現已降旨令英善署理四川總督勒保前赴軍營接辦軍務未到以前額爾登保仍督催將領上緊搜捕並著慶惠帶同御醫赴額爾登保軍營診視後即赴開縣診視德楞泰病症

七月初九日

諭曰此次各路鎮將等帶兵躡剿先後殲擒賊匪二十餘名額爾登保等親身督率將弁兵勇冒暑涉險深入窮追而且人知憤恨士氣倍揚實屬奮勉出力朕不忍再加催促惟是奏報三省肅清係上年七月中旬之事彼時祇贖零匪二三百人今已閱一年而賊數並未稍減雖不過偷竄餘生而額爾登保德楞泰二人督兵在外日久未竣自提鎮以至將弁凡若干員帶領勇萬餘名搜捕經年迄未淨盡外間無識之徒必至傳說滋疑且使奸徒從而生心殊有關係此時德楞泰病已漸痊業經督兵探剿楊遇春舊傷漸愈正可帶兵殺賊額爾登保體氣羸弱

德壯集公年譜卷二十八

表

著仍遵前旨將欽差大臣關防交與德楞泰接收伊即回至西安省城將撤遣鄉勇事宜料理完竣回京供職所有剿捕餘匪著責成德楞泰督率刻下已交秋令天氣高爽非溽暑煩歎大雨時行可比正當鼓勵將士多方設法務於七月內將此夥餘匪悉數殄除不可再有延緩又稱賊竄之路係履險蹈危若悉令官兵置之死地實屬可惜等語賊匪亡命奔逃不過欲倖逃顯戮豈有驅迫官兵冒險輕進陷於死亡之理惟在相機設法竭力籌剿試思該匪等日於大山林箐竄伏從何覓食自必向外偷破寨洞掠食爲生德楞泰等既知其時時冒充官兵於寨洞探信何不即於寨洞左右密行設法俟賊出掠時乘勢掩殺



自可得手此等機宜惟在隨時運籌調度豈可一味追躡隨賊  
奔馳致疲兵力

十八日

諭曰額爾登保等奏連日趕剿賊匪雖殺賊十數名然總未能痛  
加殲戮上年中元日奏報三省肅清今又過中元而賊匪仍有  
二百餘人何時勦淨現在額爾登保已知會德楞泰前來面晤  
相機籌辦務須將大甯太平交界竄匿之賊於七月內一律掃  
除此時川陝鄉勇除情願入伍外陸續遣撤者又有數百名統  
計隨營征勇陝省不過八百餘名川省不過一千八百餘名額  
爾登保等因派調新兵三千名不日到擬將川陝鄉勇一律

德壯果公年譜卷二十八

三

裁撤所見甚是新兵到營不但鄉勇應行撤遣即兵丁中凡有  
日久疲乏及傷殘病廢者均應分別澄汰酌量裁撤或恐新兵  
初到路徑不熟則將舊兵酌留一半足矣現在餘匪不過二百  
餘人新兵三千不啻十倍於賊況有各路舊兵協力勦捕可不  
倍加奮勉剋日蕝事乎

二十三日

公偕額爾登保奏言 臣額爾登保於初八日行抵高觀寺

初九日 臣德楞泰亦帶兵到來彼此會晤 臣額爾登保當  
將

欽差關防一顆齎交並遵

旨將一切事宜逐一交代彼此熟商查 臣額爾登保現帶滿漢官

兵二千餘名內擬將黑龍江官兵五十七員名歸併於 臣

德楞泰軍營其計尙有一百一十員名現無專員統領即

於帶來之侍衛六員內將彥丕勒富祥二員留於軍營管

帶又遊擊馬伏金都司馬仕相那祥帶固原提標官兵共

八百餘名即撥歸賽沖阿一路帶領其總兵劉瑞等現帶

之貴州官兵八百七十餘員名又參將劉健標遊擊馬鳴

玉等所帶甘州官兵三百七十餘員名 臣額爾登保現在

帶領撤勇回陝亦須兵力彈壓擬將此兩項官兵統領回

陝查貴州官兵內多有六十年奉調湖南出征者亦有五

德壯果公年譜卷二十八

四

年續調來營者歷時已久擬俟將陝省撤勇辦竣即令由  
陝遣撤至於陝省官兵現在留營隨征者計賽沖阿一路  
共有二千五百餘名楊遇春一路共有三千一百餘名現  
均在川境剿賊其陝界防兵如總兵國興阿副將吳亨衍  
遊擊德忠等分帶官兵共計四千五百餘名現在西面之  
甯羌沔縣南鄭邊界毗連甘川處所設卡防緝總兵王兆  
夢達自祥九十等分帶官兵三千八百餘名現在東面之  
平利安康紫陽邊界毗連川楚處所設卡防緝統計現在  
陝省征防官兵共一萬三千名惟總兵楊芳所帶防江之  
甯陝鎮官兵係屬本轄不在此數 臣額爾登保均即逐一



開單交臣德楞泰查照臣等復查隨征陝勇現在尚有八百餘名其中籍隸川陝楚三省不齊臣額爾登保現已全行撤回來營查明籍址擬即遵照前奏分別散遣其川省之勇臣德楞泰擬俟陝省撤回之勇安妥後酌量情形再行裁撤又查刻下殘匪總恃老林奔竄萬萬不敢直出平原若仍以大隊分投入山必復被其牽綴臣等議定毋論該匪竄往何省老林擬選奮勇官兵二千名分投跟剿以免擁擠不拘何省地面窮其所向或抄或追隨時相機趕辦令賽沖阿喜明帶領原兵二千餘名為一路在於山外左手隨賊所向探明截剿臣德楞泰豐紳督率馬步兵勇在於山外右手隨賊所向相機策應兼可顧及沿邊洞寨絕賊擄掠如兩路之兵與賊相近又可夾擊似此官兵入山辦賊雖覺稍曠時日究有把握如果賊匪深入陝疆仍令豐紳帶領原兵一千七百餘員名即回川境俟馬國銳所帶添調之兵三千名到來再為酌留二千名協同豐紳在於沿邊一帶隨時探明截剿並可將山內零匪徧行搜捕自不致顧此失彼其餘新兵仍令歸隊搭配以資征剿臣額爾登保現帶撤勇回陝擬由兩扇門白土關沿山一帶搜巡查察由興安前赴西安臣德楞泰即督率滿漢馬步官兵督催趕辦從此軍行輕捷不致為賊匪牽掣亦不

德壯果公年譜卷二十八

聖

致受老山之累實屬便於剿洗惟求假以時日力圖蕩平諭曰額爾登保接奉節次諭旨遵將關防交與德楞泰接辦一面即將應撤之貴州官兵川楚鄉勇分別酌撤所辦甚是此時賊匪東竄西奔大兵來往跟追徒勞無濟德楞泰現在擬分兵兩路在山外左右夾擊自係酌量情形變通辦理此等機宜朕亦不為遙制但賊蹤詭譎既知左右設伏恐難保其必由此兩路奔竄德楞泰總當隨時酌辦法圍攻務期一鼓殲淨摺內有欲求假以時日力圖蕩平之言試思德楞泰自上年接手剿辦以來遲至此日已逾半年之久尚得謂朕不假以時日耶此時專交德楞泰辦理總看爾造化如果加倍奮勉督率將領官兵趕緊剿辦能於八月內一律辦竣彼時朕不但將德楞泰前所降革爵賞仍行賞還並可格外施恩加以獎勵儻八月內尚未蕩事又復輾轉稽遲甚至又屆冬令彼時遲延之咎德楞泰自思能任否耶

又

諭曰德楞泰病體痊愈業已接受欽差關防並將搜捕餘匪事宜接手督辦勒保自無庸前往帶兵英善更無庸署理督篆惟糧餉為兵行要需現在德楞泰統兵在川勒保當妥為籌備源源接濟不可有誤

二十四日

德壯果公年譜卷二十八

聖



公奏言查賊匪前經官兵分路入山在謝家灣厚樸坪被  
剿後連夜向大甯之新田壩桐油壩東北狂奔楊遇春豐  
紳馬瑜田朝貴挑出趨健兵勇分投跟追抄截去後嗣  
於初九日與額爾登保會合接受

欽差關防即知照前敵各提鎮將領以賊既竄出老山務宜趕緊  
截剿勿令再竄進化龍山老林又爲費手並商同賽冲阿  
將固原官兵歸併一路趕前繼進額爾登保與臣交代後  
取道兩扇門回陝臣亦即督兵東行十三日行抵界上老  
鴉鋪接賽冲阿來信探知前敵在川陝交界之鳳凰寨剿  
賊大獲勝仗已督兵抄出西北扼截隨接楊遇春豐紳馬

德壯果公年譜卷二十八

四

瑜田朝貴等報稱賊向東北狂奔官兵分投趕追初九日  
翻大榆河老林至老鴉鋪探得賊竄川陝連界之大山老  
林路通螞蝗壩平溪河若無兵迎截恐其深入陝疆或逼  
向楚境彼此籌酌楊遇春豐紳等由偏巖子抄出賊前之  
平溪河一帶截剿馬瑜田朝貴等由石板河尾追初十日  
馬瑜田朝貴等翻越雙崎梁進至九道拐林內突有埋伏  
賊匪自上撲下兵勇衝鋒競上與賊攪殺一處當斃賊三  
名帶傷而逃者頗多賊衆退走偏橋子官兵直追至偏橋  
子又有一起伏賊撲出接應勢急兇悍與官兵往來攻壓  
三次槍斃執旗賊目一名賊衆又退上巖礮憑高擲石時

已日暮勢難得手即於該處擊卡進逼是日楊遇春豐紳  
督兵取道偏巖子由兩河口進溝穿林越箐酉刻趕抵水  
洞子令官兵等暫息飽食即於三更後發兵五更趕近平  
溪河探報該匪乘夜正由三岔溪向鳳凰寨奔竄意圖攻  
搶民寨楊遇春豐紳派令參將哈豐阿帶領都司呂天俸  
守備吳順朱福壽等帶兵由寨左進攻令副將桂涵參將  
馬文斌遊擊張拱辰畢萬年守備周澤洪張必祿等由寨  
右進攻副將吳廷剛祝廷標帶守備齊慎馬柱周貴王興  
等沿河抄擊三路並進賊匪膽敢分投抗拒官兵齊力直  
前與賊鏖戰一時之久愈戰愈勇立斃執旗賊目並矛手

德壯果公年譜卷二十八

四

十餘人生擒三十餘名賊遂敗上垵口復敵連壓數次又  
被我兵殲擒二十餘名楊遇春豐紳又復督催仰攻愈力  
適馬瑜田朝貴督率副將馬元馬應國參將羅思舉李應  
元遊擊劉彪馬成林都司周志林史定川等緊躡追來該  
匪腹背受敵我兵兩面夾攻又殺數名生擒十餘名該匪  
窮蹙始行慌亂鼠竄官兵仍分投追殺各有俘馘計兩次  
共斬擒賊匪一百五十名奪獲大小賊旗二十四面刀矛  
鳥槍一百六十餘件餘匪尚有二百多人向西北奔逃楊  
遇春等當令哈豐阿吳廷剛桂涵祝廷彪張拱辰等帶兵  
由平利之馬鞍山一帶抄前截剿令馬應國李應元劉彪



等跟蹤追躡提集獲犯令其互相指認於活賊內認出偽元帥羅思蘭符庭富二名偽總管王宗福紀友亨蕭昌奉三名又於繳獻首級內認出偽元帥李如玉周天良二顆偽總管王仕奇並袁姓秦姓三顆均解送臣營查驗其餘均係孑手本擬解赴臣營訊辦因沿途半係老林恐有疎虞卽就近解交鎮坪文武嚴行看管以便提訊楊遇春等現仍督兵趕前剿辦等情並接賽冲阿來信亦已帶兵會同楊遇春等分投前進查餘匪勢已披靡臣已飛行賽冲阿楊遇春等趁此勝勢齊心努力如於化龍山外再得一兩仗卽可全數翦除一勞永逸此次痛剿賊匪所有擒斬

德壯果公年譜卷二十八

聖

賊目賊夥之員弁兵勇照格分別給賞外惟查將佐員弁等於三月初二日在陡巖尖出力剿賊當蒙

恩旨飭令臣查明保列奏請

加恩嗣因賊蹤飄忽未獲大捷是以不敢遽請現在剿辦餘賊已屬無幾似應獎勵以鼓其氣臣卽知照該提鎮查明超眾出力員弁兵勇俟查報到時再行一併籲懇

沛施

諭曰川省餘匪經官兵搜捕以來總在老山箐林潛竄德楞泰自三月間在陡巖尖奏捷一次迄今半年有餘該匪等恃險奔逸官兵未能痛加殲剿屢經降旨飭催今據奏稱本月十二日賊

匪竄至鳳凰寨經楊遇春豐紳等分兵三路併力並進屢戰逾時賊匪敗上埡口適馬瑜等督率弁兵緊躡追來兩面夾擊計先後斬擒一百數十名並偽元帥偽總管多名可見搜捕日久鎮將弁兵尚非心存懈玩自因賊匪負距險阻兼以夏令雨水載途未能卽時得手此時賊匪甫出箐林卽能殲獲首夥多人大得勝仗官兵甚屬出力此尚係額爾登保在軍營時與德楞泰籌商布置調度有方前因伊二人督辦遲延曾降旨革去紫韁換戴單眼花翎俾知激勵茲捷書馳報自當卽沛恩施額爾登保德楞泰均賞還紫韁並雙眼花翎楊遇春豐紳馬瑜田朝貴均著交部議敘此外發去大荷包五對小荷包十箇四喜玉

德壯果公年譜卷二十八

聖

搬指五箇白玉翎管五箇白玉鼻煙壺二箇瑪瑙鼻煙壺三箇著交德楞泰分賞此次打仗出力各官員其尤爲出力者並著據實保奏此次打仗兵勇俱著賞給一月錢糧並發去一兩重銀牌一百面著查明兵勇內殺賊出力者格外賞給以示獎勵現在零匪祇贖二百餘人業已披靡散竄德楞泰當乘此勝勢督飭鎮將等齊心勉力再能痛殲一兩仗卽可掃除淨盡朕在山莊宵旰盼望回思去秋山莊與德楞泰講論軍務光景宛然在目德楞泰應倍加奮勉迅速蕺事永承恩眷至此大生擒之偽元帥羅思蘭等五名均係有名賊目罪惡稔著不可稽誅德楞泰現交管押並著於提審後卽行懲辦以快人心其賊目苟



朝九尚無下落當隨時留心查訪以期必獲一經擒捕即當盡法處治速行馳奏厥功完善勉之望之

恭錄

御製詩

成都將軍德楞泰奏報剿辦餘匪百餘名趕緊淨除餘孽

詩誌感慰

經時盼捷奏佳信至常山是日駐蹕常山峪行宮痛剿螟蝗孽深憐將士

艱八年役誠苦一鼓賊全刪感謝

蒼旻賜敷恩賞徧頒去秋竄入南山之餘匪總在老山深箐之中覓食偷生本年三月經德楞泰於平利境內

痛剿之後潛匿不出雖經嚴飭辦事諸臣上緊掃除而地勢阻深天氣暑雨一時未能得手茲據德楞泰奏報賊經官兵搜殺

德壯果公年譜卷二十八

逼出老山向大甯東北狂奔德楞泰商令賽冲阿於本月初十日前進自亦督兵東行於十三日接據賽冲阿報信知前敵在川陝交界之鳳凰寨殺賊得勝並據前此額爾登保商派之楊遇春豐紳馬瑜田朝貴等報稱伊四人彼此籌勦恐賊逸入陝境復入老林楊遇春豐紳截堵於前馬瑜田朝貴追剿於後兩路抄擊擒斬賊匪一百十餘名內有偽元帥總管賊目數名羅思蘭一犯係羅其清之叔久為教首尤屬狡惡今已生致大快人心現在設法堵截不令竄匿老山再得一兩勝仗即可全數剪除矣因即加恩獎賞優資俾各將士益思奮一鼓肅清則捷奏當在駐蹕山莊之日也

八月初三日

公奏言竊臣前將楊遇春豐紳等在鳳凰寨痛殲賊眾各

緣由於驗明首級耳記即先行馳報後其擒獲各逆交鎮

坪文武看管者復函致賽冲阿令其撥兵護解前來昨准

額爾登保來信其時已行抵八仙河就近提犯審訊分別

辦理業由伊處奏

聞在案並恭錄六月二十九日

上諭以臣所患瘧痢較重著同至開縣上緊調治各等因移送前來

來臣跪讀之下感激莫可言喻謹即叩頭謝

恩緣自春夏以來賊匪長在老山深林密箐晴雨不時鬱蒸之氣

觸輒成疾加以賊蹤飄忽輾轉剿捕不能得手私心悚懼

寢食靡甯前於五月下旬因冒暑奔馳染患成瘧間日一

發頗為所苦即於高坪暫駐令隨營辦事之縣丞屠祖型

診視調治六月初旬幸即瘧止時賊匪藏於貝母池老山

負險不出臣即督兵入山屯於十里坪扼截體未復元復

德壯果公年譜卷二十八

吳

感陰沴之氣遂變而為泄痢始則日夜無度穢及牀褥精

神頗形委頓繼服湯藥度數漸減日就痊愈竊維賊氛未

靖係臣應辦之事所患症候不過偶受溼熱雖疾甫新愈

而勉力支持尚可照常辦事非如額爾登保之羸弱可比

是以前往會合籌商一切後遵

旨即令額爾登保回陝調治臣年屆六旬素不知有醫藥現雖病

後胃氣不調胸膈脹滿步履稍遜於前然日服補劑有效

復元自易剿捕一切仍逐日親為運籌伏懇

聖慈稍紓

垂廬查賊蹤被馬瑜等緊躡尾追十四日在長溪河殺賊一名生



擒一名十七日又在羊腸溝一帶拏獲四名餘賊折向南  
來楊遇春豐紳遂督兵抄出兩扇門一帶迎剿賽沖阿亦  
帶兵繞出熱油溪該匪復又折而東逃由楊道士溝腦天  
工堰遁入化龍山內老林現在賽沖阿由竹谿河取道亢  
喜坡抄出東北面遇剿馬瑜田朝貴追至老鴉絆劉家臺  
向元嶺老林進剿距賊不過數十里楊遇春由八仙河緞  
子坪向西北逼截又探得慶成督同副將呢瑪善等帶兵  
在界上之石渣河一帶扼堵是陝境東北兩面及楚境均  
可無虞第該逆一經截剿勢必仍向西南而來當令豐紳  
即在界上督同新調之馬國銳一路官兵分投探剿現探

德壯果公年譜卷二十八

兗

川界之石梅子河有打散零匪二三十名在彼藏匿豐紳  
已分兵前往搜捕又連日據副將羅聲皋等稟報清水寨  
民勇甘榮等拏獲賊匪一名又據龍安府知府積朗阿稟  
報因督催糧運行至茨竹溪探有散賊三十餘名在彼搶  
掠當即率同外委臧青雲軍功王良捕拏生擒董貴等五  
名殺斃賊匪三名又藍翎軍功趙文相在劉家坪盤獲賊  
匪三名現仍督同臧青雲等窮追搜捕又據達白祥稟報  
盤獲賊匪一名又據羅江縣知縣米喬齡稟報擒獲零匪  
四名又據署廣元縣知縣劉長庚等稟報拏獲零匪一名  
又據總兵國興阿稟報外委徐光興在龍神崖盤獲賊探

一名又據本營各路哨探陸續拏獲逸匪四名均訊明分  
別辦理現在賊匪遁入化龍後山官兵分東西北三面抄  
剿俟此股賊匪辦竣則各處零匪亦可捕淨

諭曰此次各路捕獲餘匪共有二十餘名且有打散者二三十名  
看來賊勢已極渙散此時所贖不過百數十人再得痛剿一仗  
即可淨盡蕪功但正股賊匪仍由天工堰遁入化龍山其為首  
賊目自必在內今賽沖阿楊遇春等業已督兵分投三面抄剿  
德楞泰當飭知鎮將等上緊搜緝並嚴密查訪賊目究係何人  
留心躡獲至事竣以後川陝楚一帶邊界大山老林極多保無  
一二餘孽窮奔潛匿德楞泰當知照各該督撫選派幹員會同

德壯果公年譜卷二十八

辛

前赴各山隘徧行排搜剷絕根株以期地方永臻甯靜德楞泰  
病體初愈尤當於籌辦之暇善為調攝為國愛身以承恩眷再  
昨據那彥成方維甸奏稱將來大兵全撤陝省尚須酌留二  
千名並派大員帶領暫駐邊隘以資彈壓等語業經降旨諭令  
會同額爾登保妥籌議奏因思川省地方情形自屬相同將來  
撤兵以後應否先將客兵撤遣酌留本省兵丁若干名遴派何  
員帶領如何分駐巡查彈壓之處亦不可不先事預籌並著德  
楞泰與勒保會商定議奏聞

十三日

公奏言查剿贖賊匪二百餘人前由天工堰竄入化龍山



內意圖過楚臣即督兵由長坪取道大小榆河直向東進逐日分派員弁等沿途搜捕官兵分路兜截楚省慶成慶溥兩路官兵探聞賊蹤亦均在界上防剿該逆遂連夜西折向衝天礮老山遁去該匪日內被官兵分投兜截不能擄掠陸續渙散及逃出難民甚多人數愈少近又有走濫河東奔松木溝八百溪老林之勢現在賽冲阿喜明由石背河進至茅坪攔截馬瑜田朝貴由菜坪入山扼駐大屋廠楊遇春由青龍溝老林翻化龍山向光頭山五佛庵尾跟追剿擒獲賊探一名臣現駐鎮坪即係東南扼要之處又飛即知會慶成慶溥等探明迎剿一經截住定可得手

德壯果公年譜卷二十八

至

又連日據派出沿途搜捕之員弁陸續擊獲零匪周仲等十一名臣訊據周仲等供稱我們元帥苟文潤自鳳凰寨被官兵殺敗後心甚害怕擄來的人逃了不少就是老孬手也有私自走的苟文潤也管不住了總不過混得一天過一天等語訊明後均即分別辦理又據九十稟報額外委劉伸在南溪場盤獲逸匪一名於訊明後正法又准豐紳來信副將桂涵守備李思貴等跟追零匪四十餘名二十六日在光頭山殺斃賊匪一名生擒一名並現有由南溪奔竄之零匪二十餘名已派遊擊張拱辰都司余步雲帶兵四百名前往剿捕等情臣飭令將獲犯訊明正法

刻下賊勢愈形窮蹙不但被擄難民陸續逃散即老賊亦有潛逃者約計股匪此時不過一百七十八名惟該逆自知死亡在即詭譎愈甚朝東暮西時出時沒臣現又嚴催各路將領趕緊逼剿以期迅速肅事

諭曰此次各路搜捕約又殲擒十數名餘匪益形窮蹙分向老山深林狂奔潛匿德楞泰督飭鎮將等設法追逼當茲秋涼氣爽之時山中已無雨水阻滯正可鼓勵將士共矢奮勉務於月內將此百數十名零匪悉數掃除勿再稽延賊匪等自知無路可逃詭譎愈甚或變易姓名冒充難民零星散逃希圖倖免德楞泰應飭知帶兵員弁隨時隨地留心訪緝毋任漏網其苟文潤

德壯果公年譜卷二十八

至

一犯尤當嚴密搜捕懸立賞格務在必獲即臨陣被殲亦必查明確切據實奏聞至苟朝九是否即係苟文潤抑或另係一人之處務須訪究實在下落方可憑信不可稍涉顛預致令要犯免脫昨據勒保奏稱於柏枝山地方擊獲苟朝九之子苟新兒可見苟朝九實有其人已諭令勒保督飭地方官認真盤詰並查拏散竄餘匪德楞泰亦無難就近咨會一體搜緝淨盡此起餘匪一經辦完計可即日肅事德楞泰當由六百里馳奏用告全捷

同日公又奏言竊臣蒙

聖恩高厚俯念病軀



特命侍衛慶惠帶同

御醫胡增於診視額爾登保後即赴開縣診視臣疾茲於二

十八日行抵鎮坪臣軍行已近次日謹即趕到跪請

聖安叩謝

天恩訖伏念臣至微極陋仰荷

皇上豢養造就

畀以重任幸仗

天威將三省教匪大股掃除惟此餘孽日久稽誅竟不能迅報威

事清夜自問罪戾實深迺沐

鴻施格外不加嚴譴而臣福薄運蹇咎積苗生轉至以犬馬之微

疴上煩

宸心之塵念

御醫視疾

欽使同臨自顧何人不識何修渥叨

寵眷矜憐之意一至於此現因病後胃氣薄弱觸染嵐瘴又患腹

瀉而所餘賊匪已有賽冲阿等數路分追臣不過隨處調

度是可無須親身進山況有

御醫診視方藥加緊調治當立可全愈復元荷

再造之深恩竊幸得逢於和緩念微軀之尙在誓當圖報於捐糜

殊批汝不必親臨前敵加意督催速辦務於月內全完仍汝之功

調理痊可即速具奏以慰塵注

德莊果公年譜卷二十八

七



德壯果公年譜卷二十九

次孫花沙納恭纂

嘉慶九年甲子

八月十九日

公奏言查前此賊匪敗向東南連夜由龍洞溝翻圓梁走松樹坪旋據馬瑜報稱八月初一日途次龍洞溝據前敵兵丁帶到閻俊烈處哨探藍翎五品軍功被擄逃出之趙洪周卽趙老么並難民周興義二名稟稱昨夜賊匪屯魚洞子老林二更時我將偽大元帥苟文潤殺死割下首級時被伊乾兒子苟朝富叫喊賊眾追來將首級跌下崖去

德壯果公年譜卷二十九

我連夜翻山逃出來營稟知等語馬瑜見其兩手兩袖血痕尚在復加詳詢堅供不移當卽押帶隨行次日行過賊屯查驗燒化骸灰內檢出腦蓋骨一片木桿旁起獲屠刀一把亦有鮮血痕跡嗣又有陸續逃出難民賊夥王宗隆余文清等僉供大元帥苟文潤於二十夜間被趙老么殺死燒化是實臣親加研訊連日又復詰之各路獲犯眾口一詞據前後所供苟文潤之死毫無疑義謹錄各供敬呈御覽查此股賊匪前次在平溪河痛剿時經額爾登保提訊各犯均稱苟朝九不在其內亦無去向其中管事係苟文潤爲首該逆係苟文明堂弟窮凶極惡實爲罪魁茲既伏誅洵

德壯果公年譜 卷二十九

足大快人心藍翎軍功趙洪周籍隸安康年輕奮勇實屬

可嘉惟無首級臣示若照格給賞未免過優臣酌給銀二

百兩賞還翎頂並飭查陝安鎮標現在如有外委缺出卽

行拔補以示獎勵周興義訊係難民亦卽酌賞省釋臣卽

札飭馬瑜田朝貴等各帶兵勇直進化龍山老林內分投

搜剿又知會賽冲阿楊遇春等兩路分兵在於山外隘口

洞寨並沿山包穀地內到處設伏相機剿辦並准慶成報

稱督率副將呢瑪善及慶溥一路在於東面界外之白土

嶺牯牛渡沿邊等處業已嚴爲防範東面又可無虞王兆

夢現亦在觀音堂一帶扼堵又准楊遇春報稱初二日探

德壯果公年譜卷二十九

得賊有西逃之勢當令參將李朝顯屯於圓梁令都司呂

天俸在老鴉絆賁奇溝一帶遏截楊遇春督率副將吳廷

剛參將祝廷彪等由五佛庵龍頭寨高峰寨分投設伏是

夜四更時該逆夥果由龍頭寨竄出伏兵突起攬殺一處

當將賊匪衝爲兩段前股三十餘人向魚洞子老林遁去

後股百多人折回而逃殺賊二名生擒牌頭康貴戰手李

長娃幼孩馬二娃子李廣文四名訊據獲犯亦供稱苟逆

係偽元帥已被趙老么殺死屍身焚化王世貴帶管矛手

向魚洞子逃去等語指認首級內有老掌櫃楊貴一顆隨

令祝廷彪千總趙啟貴帶兵窮追初四日在千家坪岔溝

七四一



趕上賊尾殺賊三名生擒二名首級內認出偽元帥趙剛雲一名又准賽冲阿信探知首逆被戮即督率喜明閣俊烈在於黃龍溝至黃石坂沿山一帶追捕殺賊一名拏獲三名都司史定川在光頭山等處殺賊一名捉獲二名又馬瑜田朝貴帶領都司龍必達等殲賊一名拏獲賊匪三名又馬應國在圓梁老林搜獲二名都司高星文搜獲一名守備張萬林殺賊一名生擒一名又據遊擊余陞在老林內搜出賊匪一名計各路連日殺斃賊匪九名拏獲活賊共二十四名內訊出老賊十四名均已正法其餘十名均係難民省釋遞籍所有擒殺賊匪之兵勇均已照格給

德壯果公年譜卷二十九

三

賞又准豐紳報稱副將桂涵所追之賊在紅巖寨殺賊一名已會同九十達自祥等分兵四出探搜因聞苟逆已被翦除恐散匪南逃已派兵三路在兩扇門老鴉鋪邊界一帶遠探預為防堵緝拏連日官兵四出沿途排搜陸續拏獲打撈棍徒土匪共十一名或立即正法或永遠枷號已飭令分別訊明辦理查苟逆餘匪或數人或一二十人或三五十人聚散不定輾轉散逃約計所贖不過一百三四十名內惟王世貴一名實為要犯諒即日亦可擒除該逆被兵四出抄截頃探聞散而復合仍分兩路一路六七十名由化龍山老林出太平寨灤河油榨坪有走西南之

勢賽冲阿楊遇春喜明督同吳廷剛閣俊烈等各帶兵緊跟前進其田朝貴龍必達所追一起聚有五六十八人往南向螞蝗壩狂奔馬瑜又帶同馬元馬應國羅思舉等接續窮追又恐化龍山之內外八仙河一帶尚有零匪藏匿即就近飭令王兆夢在彼徧搜此時賊蹤均有向西南入川之勢總兵馬國銳帶到新調官兵三千名撥分各路俾均資得力其軍督提三標兵一千名即令馬國銳帶領在開大大甯交界一帶往來巡邏足敷防堵至各路勦殺賊匪陣亡外委楊廷英一員兵勇內傷亡者數名容俟查明另行咨部辦理現在餘匪不過一百多人潰散分逃不日即可完竣

德壯果公年譜卷二十九

四

宣傳

恩諭分飭各路將弁兵勇奮勉圖功軍心踴躍萬倍其節次打仗出力之滿漢員弁兵勇核其中超眾者擬以應陞應賞開具滿漢清單同出力文員併附進

呈可否

施恩獎勵出自

聖裁

諭曰苟文潤一犯積年稔惡偷竄餘生經官兵搜捕以來尙敢率其零星潰匪東逸西奔肆行抗拒實屬罪大惡極今竄至魚洞子老林經軍功趙洪周乘間殲斃赴營稟知既據馬瑜查驗屍



骸顛骨復據德楞泰訪訊屬實趙洪周本係軍功鄉勇賞有藍翎頂戴業遣撤回家嗣因見有告示有擒斬苟朝九等賞格復至閭俊烈處告充探信軍功追至八仙河地方被賊擄去趙洪周假意入夥留營做飯知苟文潤係偽元帥伊遂格外殷勤使無疑慮因潛買屠刀相機行事此次乘該逆熟睡之時斬馘逃

出是趙洪周實係處心積慮計殲首逆非逆黨無路求生殺賊獻功者可比殊屬可嘉趙洪周著仍以五品頂戴加賞花翎卽以千總補用現據德楞泰賞銀二百兩仍著照格賞銀三百兩以示優獎德楞泰督兵搜捕今首惡就殲大功指日全蕪著加恩賞還內大臣並一等侯爵仍著賞珊瑚豆黃辦大小荷包玉

德壯果公年譜卷二十九

五

翎管玉四喜搬指玉鼻煙壺鑲玉帶版賽冲阿豐紳馬瑜田朝貴分路帶兵均有斬獲賽冲阿著賞還輕車都尉世職仍賞戴花翎田朝貴著賞還提督銜共發去大荷包五對小荷包二十箇青金石水晶搬指各伍箇洋漆鼻煙壺十箇著賞給軍營出力將領員弁又發去一兩重銀牌二百面五錢重銀鏢二百箇著賞給軍營出力兵勇用昭鼓勵此時苟逆被殲餘匪益形渙散德楞泰當督飭提鎮將備等乘此勝勢仍前奮勉搜剿將百數十零匪務於月內辦竣不可鬆懈

恭錄

御製詩

成都將軍侯德楞泰奏報五品翎頂軍功趙洪周被擄入賊夥殲斃首逆苟文潤官兵搜捕餘匪殆盡情形詩誌

感慰

福地成功屢見

詩欣傳佳信快邊馳請纓弱冠忠心奮除蔓莠兵邪孽夷

本日據德楞泰

奏報搜剿餘匪各路堵截入山轟逼布置極爲嚴密經諸將領陸續稟報生擒斬馘多名內有偽元帥掌櫃積賊名目而極惡首逆苟文潤之被戮轉因軍功趙洪周被擄入賊中該軍功假意順從蓄心乘間於魚洞子賊屯將苟逆用屠刀殺斃計取首級逸出維時被賊夥知覺追趕該軍功跳山驀欄遺失所割首級屠刀經馬瑜行過賊屯起出屠刀並燒遺苟逆骨片有同時逃出難民及續獲夥匪僉供苟文潤被趙洪周所殺實屬屬實現在零星餘匪不過百餘凡有賊蹤出沒徑路及潛藏窟穴悉已分撥官兵窮搜密布狂奔則無路可逃延喘已無巢可匿不難按名捕獲悉數無遺並將地棍行竊兇犯趁勢拿辦腹地邊

德壯果公年譜卷二十九

六

隅不日一律肅清甯謐矣

天澤溥施劫消滅民情大定尸恬恩頌優渥酬勳績閭里盈甯漸可期

同日公又奏言竊臣欽奉七月二十四日

上諭本日據德楞泰奏報官兵抄住餘匪大加痛剿擒斃偽元帥羅思蘭李明玉並夥匪予手多名覽奏欣慰此尙係額爾登保在軍營時與德楞泰籌商布置調度有方前因伊二人督辦遲延曾降旨革去紫韉換戴單眼花翎茲捷書馳報自當卽沛恩施額爾登保德楞泰均着賞還紫韉並雙眼花翎楊遇春馬瑜豐紳田朝貴均着交部議敘外發去大荷包五對小荷包五對



四喜玉搬指五箇白玉翎管五箇白玉鼻煙壺二箇瑪瑙鼻煙壺二箇着交德楞泰分賞此次打仗出力各官員其出力之兵勇俱酌賞給一月錢糧並發去一兩重銀牌二百面着查明兵勇內殺賊出力者格外賞給以示獎勵等因仰見我皇上鼓勵戎行微勞必錄有加無已至意臣免冠望

闕叩謝

天恩訖當即恭錄

恩旨並

頒賞之大小荷包搬指翎管鼻煙壺等件差齎楊遇春豐紳馬瑜田朝貴各路軍營分給出力之官員等祇領其一兩重銀

德壯果公年譜卷二十九

七

牌令其查明分賞出力之各兵勇其

恩賞打仗出力兵勇一月錢糧臣查苗疆案內馬兵每名賞銀二

兩戰兵每名賞銀一兩五錢守兵每名賞銀一兩其有鄉

勇一項係照每月應領鹽菜之例賞給在案此次是應照

辦又查此次痛剿賊匪楊遇春豐紳馬瑜田朝貴等四路

因山內路徑逼仄又各挑出奮勇兵勇不帶鍋帳輕騎分

投抄截追躡臣已令該提鎮等宣示

恩諭將此次挑出打仗之兵勇造具花名清冊俟移送到來臣查

明後再令隨營糧務遵照按冊支放伏念此股餘匪自三

月間於陡巖尖痛剿以後總依老山箐林為藏身之窟恃

險狂奔詭詐百出將弁兵勇櫛風沐雨鑿險絕幽輾轉追逐非為地勢所阻即係免脫先颺以是稽遲忽又半載皆由臣等調度無能所致罪戾滋深悚惶無已迺蒙聖慈寬宥薄罰示懲決髓淪肌實已感切五內茲鳳凰寨一戰雖擒殲首夥多名究未掃除淨盡而將弁等即荷

特加議敘

寵賚多珍兵勇等又蒙

頒賜銀牌

加賞錢糧更

合保列復

德壯果公年譜卷二十九

八

予補調是此

闔澤咸敷

恩施稠疊凡在戎行孰不感極思奮臣督辦遲延愆尤叢積屢邀

格外矜全不加嚴譴已為夢想所不到何期

高厚鴻施亦獲同沾

異數聯珠炳燦載增耀首之光紫鸞輝煌復壯據鞍之色循躬愧

赧頂踵難酬現在首逆伏誅餘氣衰殘臣惟有督飭趕辦

務絕根株以冀迅即肅清稍報

主恩於萬一

殊批勉力搜捕務期淨盡



公又奏言竊臣前蒙

天恩命侍衛慶惠帶同

御醫胡增來營視疾逐日煎服湯藥腹瀉已止脹滿亦除胃

氣平和漸能加增飲食胡增以泄利日久元氣不升定加

味補中丸方早晚常服自必易於復元

欽差侍衛慶惠敬留奏摺夾板一副交臣報便附

呈卽帶同胡增起程回陝仍赴西安診視額爾登保病症臣

當卽撥派官兵令其護送至白土關回營臣受此

格外矜憐銜結之私銘深肺腑此後之餘年皆報

君恩之日也

殊批欣慰覽之

德壯果公年譜卷二十九

九

二十八日

公奏言查賊匪分路一由油榨坪奔竄一由東南草壩奔

竄嗣探得向油榨坪之賊至八仙河見有官兵扼剿仍復

折回化龍山老林分逃其馬瑜田朝貴等由馬草壩尾追

之賊探得該逆由太平關老林南奔至川陝交界之元梁

要壩向小榆河而遁臣一面知會豐紳分兵追剿並派兵

四路抄截初七日副將馬應國等在火燒棚老山殺賊一

名生擒偽總管何開位一名並獲已經殲斃偽總管趙姓

妻高氏一口十二日追至柴扒鄉勇李貴在巖下搜殺賊

匪一名副將馬元等在小榆河老林內殺賊三名生擒一

名內馬文良一名係馬二掌櫃之子又守備張萬林在鐵

鎖洞殺賊一名生擒一名又軍功陳尙仁在馬鞍山殺賊

一名十三日余陞等在長坪生擒一名均經解至臣營訊

明辦理賽沖阿楊遇春等探得賊匪折遁土垭子油榨坪

天工堰一帶老林命閻俊烈等督兵追擊楊遇春自由正

陽河一路進兵並派兵分路抄截途次擒獲賊匪一名閻

俊烈行至荒扒林內搜遇賊匪二三十名見兵四散卽分

投力追先後殺賊五名生擒一名現仍跟蹤搜捕又據平

利縣太平洞民人楊玉周等擊送賊匪一名又據王兆夢

德壯果公年譜卷二十九

十

稟稱守備狄廷杰在土垭子油榨坪殺賊二名又雙合寨

民人童光玉捉獲賊匪六名解送到營又准豐紳報稱在

沿邊一帶老山內外搜殺零匪三名千總馬連魁協同雪

泡山寨民捉獲零匪四名現在豐紳知餘匪南竄已近川

界卽飭令馬國銳帶兵由高觀寺一帶截剿豐紳督兵在

兩扇門硝洞子等處扼住所有解到各獲犯臣訊據馬文

良供稱係襄陽人父親名叫馬炳華與苟文潤合營做二

掌櫃前在黃連廠被官兵槍傷身死合營都叫我少掌櫃

前月苟文潤被趙老么殺死人心慌亂分投逃走我一路

祇有五人官兵趕上遂被擊住等供訊據偽總管何開位



供亦相同與其餘各逆犯均一併分別正法辦理探得南  
 竄入川之賊連日被官兵分投排搜除擒斬跳崖自縊外  
 祇贖二十餘人半無矛桿又分兩起一起八九名一起十  
 三名由石盞河瓦桑河馬鬚嶺南逃馬瑜田朝貴已將兵  
 勇或百名或二百名分為七八起分追其贊冲阿楊遇春  
 等所斫折回化龍山老林之賊頃據探報尚未竄出贊冲  
 阿楊遇春喜明王兆夢等分兵內外攻擊間日均有擒斬  
 現在亦有南竄之勢其慶成慶溥副將呢瑪善等仍分督  
 官兵現在乾坪白土嶺沿邊一帶往來防剿不日即可掃  
 除淨絕又據太平協副將李廷臣同知鍾蟠雲稟報在栗

德壯果公年譜卷二十九

十一

子園盤獲零匪一名又竹峪關汛兵盤獲零匪一名又據  
 豐紳報稱千總余振海協同大甯寨民搜獲零匪二名並  
 拏獲土匪七名亦均訊明分別辦理

諭曰官兵連日分路排搜餘匪被剿情急又分兩股竄逃其一股  
 祇贖二十餘人現有馬瑜田朝貴各帶兵勇窮追自可即日辦  
 竣即折回化龍山老林一股現在尚未竄出贊冲阿楊遇春等  
 分兵攻擊賊勢益形窮蹙亦無難剋日掃除且此次拏獲之馬  
 文良何開位均係殘敗之餘率領潰匪偽稱頭目看來餘孽中  
 亦無稔惡兇徒負隅為首者德楞泰惟當督飭帶兵提鎮將弁  
 等上緊搜捕務於秋令一律殲除不可延至冬寒冰霰時也

九月初五日

公奏言臣前乘賊匪被剿散逃催令各路趁勢趕辦嗣楊  
 遇春所追化龍山之賊由火石梁南竄當即派員跟躡並  
 分路旁抄連日雨霧不止十七日吳廷剛等追至筍子坪  
 趕上賊尾隨即率同都司朱承受守備朱福壽等奮力仰  
 攻斃賊三名賊敗上大梁官兵銜尾追擊又殺賊一名餘  
 匪散入老林向黃安壩石梅子河長坪豬草河等處而遁  
 二十日未刻吳廷剛等趕至豬草河山澗探得賊匪散而  
 復聚藏於密箐之內即帶兵冒雨直前搜剿該逆見兵逼  
 近齊力拚死突出經朱承受朱福壽率兵迎剿藍翎外委

德壯果公年譜卷二十九

十二

甯顯文李洪春等首先衝入登時截死執旗賊目二名餘  
 匪敗上山坡有穿紅馬褂賊目喝令賊眾壓下與我兵攪  
 殺逾時又斃賊匪四名兵丁王進敘蕭貴撲入賊陣將紅  
 衣賊目活捉餘賊沿河而逃官兵趕追又殺賊二名生擒  
 偽總管田昌美等九名撲斃跌死者數名祝廷彪在磨盤  
 寨老林搜獲偽元帥陳登魁等五名餘匪半棄矛桿零星  
 而散二十五日追至後坪硝廠溝老林又擒獲偽元帥胡  
 萬富趙應舉二名散賊唐應書一名殺斃賊目二名賊匪  
 二名豐紳探明賊匪潰散派令副將桂涵遊擊張拱辰都  
 司余步雲前來併力協捕在石梅子河搜獲散匪劉發保



蔣仁彥二名弁兵內雖間有帶傷者均不甚重據各路將紅衣賊目王添詔等並首級解營查驗其賽沖阿喜明勤辦化龍山之賊二十餘名探得又匿於濫河老林臣即知會慶成並札飭慶溥呢瑪善等密爲防範分帶官兵沿邊搜捕賽沖阿即於十七日冒雨同喜明督兵向五福庵石渣河前進因賊匪未竄出令副將閻俊烈等由龍洞溝入山令遊擊李廷珍等由賁溪溝光頭山進兵令外委方永吉由元梁金盆凹黃石坂南進並知會王兆夢由茅坪老鴉鋪而來十九日李廷珍等至朝陽洞殺斃散匪五名又據寨民王得玉等捉送散賊一名王兆夢之守備王登科

德壯果公年譜卷二十九

三

在石門溝搜獲散匪一名守備狄廷杰等在石牌河林內搜獲散匪三名慶成呢瑪善等在牛頭店老林內捉獲散匪二名又平利縣之磨子巖軍功寨首李淮等捉獲散賊二名均各錄供並將獲犯首級先後解到其馬瑜田朝貴所追南竄入川之賊二三十名由馬鬢嶺直向南逃馬瑜田朝貴等分兵由柴扒西溪口桐油壩數路躡蹤搜捕探得該逆或一二人三四人零星向大甯之百里荒紅池壩西流溪天鵝池萬春河散逃隨派員分投追捕十七日參將羅思舉在三溪子等處搜獲偽元帥杜春一名殺賊二名十九日龍必達在鹿池老林殺賊一名又湯家壩寨民

在巖洞內搜獲偽元帥苟朝賢一名錄供將獲犯二名並各首級解送到營其豐紳一路據報都司左位在甕坪林內搜獲苟逆股內散賊一名在大塘口盤獲零匪一名在觀音巖擊獲土匪一名錄供前來臣訊據苟朝賢供苟文潤是我胞叔元帥羅思蘭同我們都聽他調度王世貴是羅其清的徒弟今年春間在八仙河山裏合夥王作經是傳教老掌櫃他兒子王添詔是箇小元帥自從趙洪周把我叔殺死後大家害怕都要散夥我同苟朝富們南走想回家去不想又殺散了我被擊住王世貴們不知往那裏去了這兩顆首級實是元帥舒正國胡治的誥以苟朝九下落又供苟朝九是我叔伯哥子自南山過江後就不見了實在不知他的下落是實據王添詔供我原是王光祖的兒子我父親死了投到苟文明營裏拜寄王作經爲父苟文明見我出力就放我當總兵過了江來苟文潤纒封我做元帥前月三十夜裏苟文潤被殺死了初二日夜裏又被兵衝散各自逃生王世貴和我父親不知逃到那裏去了餘供與苟朝賢相同誥之各獲犯僉供相同所有各路獲犯臣先後訊明即將偽元帥苟朝賢王添詔杜春陳勝魁田昌美胡萬富趙應舉七名擲割處死其餘夥匪一概正法難民三人當卽省釋又據九十稟報准札勦辦金

德壯果公年譜卷二十九

四



溪河之賊二十餘名派令遊擊廖世俊都司朱保分投截  
 勦十五日在林內殺斃賊匪一名生擒散賊一名又有三  
 賊被勦情急跳入天坑無從撈獲餘匪向西南川界之盤  
 河奔逃現已躡蹤趕勦等語臣又飛札豐紳並嚴飭達自  
 祥分兵截擊其獲賊令卽正法所有各路官兵並寨民等  
 擒斬首夥賊匪臣查驗後均各分別照格給賞計連日邊  
 界各路搜捕除縊死滾嚴不計外拏獲苟逆首夥散匪共  
 三十四名共繳首級二十五顆臣查苟逆餘匪連日被兵  
 分投嚴捕均已零星四散每起所贖祇有數人多亦不過  
 十數名日伏夜竄瓦解冰消臣已飛札川陝各屬文武並

德壯與公益譜卷二十九

殊批甚好

沿邊沿江軍民人等在於各隘口嚴密盤詰並移知勒保  
 那彥成方維甸飭屬一體照辦現在兩省兵力萬餘此起  
 散匪如已淨盡而界上老山林內亦應分兵通行排搜一  
 次方可放心臣與賽沖阿楊遇春就近會商將濫河之賊  
 十餘名交王兆夢搜拏賽沖阿督率喜明閻俊烈侍衛彥  
 丕勒協領額爾奇等帶馬隊一百名官兵二千名分兵三  
 路沿山排搜前赴陝境西北之定遠廳一帶設有西逃零  
 匪卽可截擊弋獲楊遇春一路令於陝西之東北八仙河  
 一帶分兵在於山內逐處排搜達自祥九十令在大小白  
 河漳河坪中路一帶楊芳在陝省腹地紫陽沿江巡邏豐

紳在於川省太平界上之黃墩水寨子中路一帶馬瑜田  
 朝貴現在川省東面大甯之萬春河紅地壩等處搜捕卽  
 令在彼分兵偵緝馬國銳仍令在開縣大甯太平等處山  
 內搜緝雷仁令在川省腹地之綏定一帶彈壓搜防臣擇  
 於兩省適中太平之城口暫駐調度該處相距各路均不  
 甚遠往來文報聲氣聯絡其陝省應行酌留官兵以資彈  
 壓等事俟額爾登保那彥成方維甸奏奉  
 諭旨知照前來臣臨時酌量情形遵照辦理其川省應留防兵及  
 遣撤鄉勇等事臣已函致勒保詳商俟酌定後再行奏請  
 訓示現在餘匪掃蕩臣謹另摺馳奏捷音伏祈

德壯與公益譜卷二十九

示

恩鑒  
 是日公由驛六百里奏言竊臣仰蒙  
 恩命畀以軍旅重任自接辦以來該逆等人數雖屬無多皆係歷  
 年各股勦散猾賊詭譎百出兇悍異常每於老山箐林竄  
 匿抗拒希圖苟延殘喘糾結各股勦散零匪及土匪往來  
 滋擾日久稽誅仰荷  
 聖明指授機宜復加獎賞官兵倍加奮興自賽沖阿到營臣與之  
 籌辦陡巖尖與隆坡竄逸股匪一戰而殲擒首逆苟文華  
 王振獨眼龍謝尙玉賈燦華王安書等併夥匪多名始挫  
 其鋒該逆敗殘旋轉朝東暮西時秦時蜀迨額爾登保到



營<sub>臣</sub>復與會合籌商分路督勦該逆自知滅亡在即日夜狂奔<sub>臣</sub>等親身入山策勵將士陟險絕幽到處窮追祇因一時未能得手不克迅速厥功焦灼悚懼日夜靡甯迨<sub>臣</sub>接受

欽差關防後欽承

睿略憑仗

天威事機順利前於鳳凰寨痛加勦殺將首逆羅思蘭並各號頭目符庭富李如玉周天良王宗福紀友亨蕭昌奉王仕奇趙剛雲等設法擒斬賊勢少衰迨軍功趙洪周將苟文潤殺斃餘匪竄出老鴉絆復被楊遇春埋伏衝勦截殺多名

德壯果公年譜卷二十九

七

賊勢瓦解星散<sub>臣</sub>復知會賽沖阿楊遇春馬瑜豐紳慶成並飭總兵田朝貴喜明王兆慶溥等各將兵勇分爲多路到處嚴密搜捕並通飭川陝沿邊州縣文武協同緝拏連日陸續又斬獲大小頭目苟朝賢王添詔杜春陳登魁田昌美舒正國胡治胡萬富趙應舉馬化龍偽總管並夥匪多名此股餘匪掃除淨盡現又飛行各提鎮等再於沿邊山內密行排搜縱匿三五零孽不難剋日殲除所有善後應行留防彈壓一切事宜俟<sub>臣</sub>酌定後另行奏請訓示當茲首惡盡膏斧鉞苞蘖悉淨根株憫小醜之無知窮同困

獸望

天兵之所到快翦奔鯨窮谷荒陬復萬家之井畝通塵列市達百貨於關津九年之兵燹全消三省之間閭永靖是皆仰賴我

皇上睿謨廣運

勝算先操故能

神武懋昭全功底定捷奏載馳夫露布凱旋齊唱夫饒歌<sub>臣</sub>猥以

駑駘膺斯鉅任欽承

睿斷聿彰捷伐之威幸際

膚功喜上

昇平之頌<sub>臣</sub>不勝慶幸歡忭之至

德壯果公年譜卷二十九

六

諭曰本日德楞泰由六百里遞奏餘氛掃蕩三省全功告成一摺覽奏曷勝欣慰三省勦辦零匪一事上年七月間額爾登保德楞泰以成股之賊業經次第翦滅地方廓清當經馳報全捷嗣緣南山內逃匿之匪三五成羣復行嘯聚自當乘大兵未撤之際嚴行搜捕以期淨絕根株特命額爾登保德楞泰先後接辦一年以來官兵倍加奮勉四路窮搜川陝一帶大山老林蹤跡殆徧復將首逆苟文華羅思蘭苟文潤及各號頭目偽總管等以次殲擒其夥匪皆悉數斬獲三省地方更無一名遺孽全境甯謐此實

天眷



考恩垂麻篤祐從此海宇救甯永銷兵革可與率土蒼生共享昇平之福感謝之餘彌深兢惕額爾登保德楞泰前此奏報殲獲餘匪多名節經賞還雙眼花翎紫韉並原有爵職其將領等世職翎頂並所得陞銜亦均一體賞還此次奏報全捷除額爾登保現已遵旨起程回京外德楞泰著加恩再交部從優議敘並加賞玉吉祥牌玉四喜搬指玉翎管鑲寶石帶頭黃瓣珊瑚豆大小荷包將軍賽沖阿提督楊遇春豐紳馬瑜慶成總兵田朝貴喜明王兆夢慶溥著再加恩俱交部議敘副將吳廷剛著軍機處記名遇有總兵缺出卽行簡放並發去瑤瑯翎管五箇瑪瑙鼻煙壺五箇翡翠玉搬指玻璃搬指各五箇大荷包五對小荷包十箇鑰匙袋五箇著交德楞泰分賞出力各官員又再發去一兩重銀牌一百面一兩重銀鏢一百箇五錢重銀鏢二百箇交德楞泰查明兵勇內出力者酌量賞給其摺內硃筆圈出勦賊出力之都司朱承受守備朱福壽外委甯顯文李洪春兵丁王進敘蕭貴六人著德楞泰查明伊等應如何陞擢之處卽分別保奏候朕加恩以示鼓勵

德壯果公年譜卷二十九

十九

諭曰據德楞泰奏餘匪掃蕩三省全功告成情形一摺覽奏欣慰已明降諭旨將德楞泰交部從優議敘提鎮將備等分別施恩並頒給賞件示獎矣此後散匪愈勦愈少德楞泰現已分飭鎮

將逐處排搜並通札川陝楚各屬於各隘口嚴密盤詰但王作經王世貴苟朝九三逆尙未殲獲且訊據苟朝賢供亦稱不知三逆下落德楞泰仍當嚴飭各路一體留心將三逆設法訪查務獲如果已就斃亦查明實在證據方足憑信不可稍有疎懈致令漏網此非故爲已甚正所謂除惡務盡不留遺憾之意嗣後遇有擒獲要犯祇須用四百里奏報足矣至留兵彈壓一節昨已據額爾登保會同那彥成方維甸籌議具奏分段駐守自已知照德楞泰但鎮將等帶兵分駐不可無統率之員德楞泰威名素著現據稱於城口暫駐自係居中扼要之區德楞泰竟當在彼多駐數月至開春後地方實已救甯防兵可以撤遣時再回成都亦不爲遲至留防官兵原爲彈壓地方潛消伏孽儻奉行不善或弁兵有意邀功恐不免有擾害良善濫殺無辜昨已諭令那彥成等通飭遵行德楞泰當一律飭知諭令弁兵等惟當偵緝奸匪如實有形迹可疑之人自應趕緊查獲不可任令妄擊滋事爲要

德壯果公年譜卷二十九

三

恭錄

御製詩

成都將軍內大臣侯德楞泰奏報蕩除餘匪三省肅清詩

誌感慰

苦心未了事今日始云酬平定幸三省稽遲已九秋教匪起於楚延及陝西宵



肝籌幾九載未嘗稍釋雖膚功疊奏巨款皆除而敗殘逃匿恃險苟延者未得卽時蕩滌先後勅額爾登保德楞額等會辦善後事宜窮搜遺孽務使根萌盡絕莫又間閭仍復與以時日寬其處分必期萬全完善茲據德楞額奏報勦捕餘匪逼出老山前於鳳凰寨等處先將竊經爲首之逆渠及賊目賊夥殲滅擒獲多名各將領督率官兵嚴密分布設伏窮追鼓勇爭先不與以幾微之暇自八月十七至二十等日各路又將深林藏匿及僻隘狂奔之零星殘孽或斬戮行陣或搥繫解營悉數剷除纖氣淨洗該處農民商賈俱已各安生業永享昇平斯皆仰賴上蒼垂佑皇考鴻慈藏此安民之事予原不以可釋焦勞爲喜惟以上酬黎民雖免難去宵旰豈忘憂永勉持盈念在天遺志爲心也

長承

天澤周

二十一日

公奏言竊刻下餘匪三五星散若仍以大隊之兵徧處搜

德壯果公年譜卷二九

三

捕山行走既多未便且使賊匪聞風先颺轉爲徒勞無益是以飛行各路將所帶兵勇或數十名或一百名分爲多路派能事員弁帶領逐處排搜於九月初一日督兵回川已抵太平城口連日據搜捕陝境濫河之王兆夢稟報各處均無賊蹤惟在板板寨盤獲賊匪一名又灤河天保寨民拏送賊匪一名又兵丁石志高等在紅洞溝殺賊一名副將桂涵等由兩扇門追捕賊匪兵丁范成禮在石灰池拏獲賊匪一名又木瓜河寨民王育貴等盤獲賊匪一名兵丁張朝榮在黃安壩獲賊二名又各路官兵陸續拏獲土匪六名又據馬瑜報稱遊擊曾受等在大甯之關

廟林內搜獲偽總管李宗義一名在要壩拏獲散賊一名副將馬應國在馬坪趕殺賊匪二名藍翎軍功譚國倬等在黃矛寺搜斃賊匪二名追殺偽先鋒王玉恆一名都司史定川等在黃柏廠搜殺賊匪一名又軍功李自得等在太平之李家溝拏獲土匪四名又副將羅思舉在太平之紅花溪拏獲偽總管伍應榜一名參將劉彪稟報把總董剛等協同寨民在乾河洞盤獲賊匪一名又於林內拏獲四名都司高星文在修溪壩盤獲賊匪一名鄉勇楊正魁在石馬溪拏獲賊匪一名又據田朝貴報稱隨營糧員王堦之差役在太平之月亮坪拏獲賊匪二名又革弁馬倫

德壯果公年譜卷二九

三

常同千總趙洪周在朝陽洞拏獲賊匪二名兵丁楊廷順在萬古寺衝天壘拏獲賊匪一名又鄉勇包萬桐等在青草坪洞內盤獲賊匪一名又鄉勇謝明禮殺賊一名鄉勇羅貴在黃柏廠拏獲賊匪一名鄉勇楊貴在青灣子盤獲賊匪一名藍翎馬兵楊秀在蔡家灣老林搜殺賊匪一名又據馬國銳稟報分兵在大小寒溪等處溝洞內盤獲賊匪一名以上各路獲犯共三十五名首級九顆均已陸續押送到營分別查驗審訊獲犯內有偽總管伍應榜李得全李忠義李明興四名同其餘各賊匪正法其繳來首級九顆內令趙洪周認出偽先鋒王玉恆鮮從先二名再查



獲犯內有藏匿寨民汪士義張友敬等家中被兵勇搜獲者臣傳到該寨民曉以大義姑從寬各予重責諭以再犯必一律正法並傳諭各寨洞如有查出送營自首者不但免罪且加重賞又據臬司劉清副將羅聲皋稟報把總張大倫協同巡檢李暢在觀音峽林內搜獲逸匪二名又達縣軍功壯勇李元德捕獲逸匪三名又東鄉縣壯勇杜榮等捉獲逸匪一名一併解到訊明楊萬係偽總兵與其餘各夥匪等分別正法臣查現在逸匪均係三五零星棄械分逃至多者惟九十桂涵所追入川之賊各有十餘名現在太平之鼓兒灣羊耳壩老林有賽沖阿督同達自祥聞

德壯果公年譜卷二十九

三

俊烈等併力搜擊其楊遇春督同王兆夢等在八仙河一帶搜擊尚未據報到但該處素為賊藪臣已札令在彼彈壓卽有零匪入川亦不必帶兵過境開縣馬家營一帶老山已令守備謝金章胡超等前往力搜現在各處分兵不下百數十路逐日排搜無論苟逆散匪與夫從前各股一二藏匿零匪並各屬滋事土匪均一律搜擊以期淨盡諭曰此次各路兵勇先後擒斬零匪等四十九名所辦尚好至摺內稱現將容留逸匪之寨民汪士義等均卽重責並令以再犯必一律正法等語寨民等隱匿奸匪自應嚴行查究但此等無識之徒若禁約過嚴恐遇有難民來投亦概行拒絕希圖免罪

則難民等窮無所歸仍必流而為匪轉非所以安輯善良之道況零星打散賊匪往投寨洞正應令寨民擒獻或可藉此弋獲賊目豈不甚善若明諭以不准容留則零匪聞風遠颺又必潛匿深山老林更費搜緝著德楞泰密行傳知各洞寨居人凡遇來投者俱詳細盤詰實係難民卽予收留其中形迹可疑之人必當留心查察一經訊係賊匪立時首獻定加獎賞其有果能盤獲賊目者仍照賞格優獎如此剴切宣導難民等藉可容身而零匪亦可不致免脫儻愚民仍前無知容留匪徒德楞泰查出後嚴究起意容留之寨民治以應得之罪不必多有株連以免拖累

德壯果公年譜卷二十九

三

同日公又奏言竊臣奉到八月十九日

上諭據奏軍功趙洪周殲斃首逆苟文潤官兵進剿殄擒偽元帥趙剛雲等餘匪潰散趕緊掃蕩一摺覽之欣慰德楞泰督兵搜捕今首惡就殲大功指日全蕪著加恩賞還內大臣並一等侯爵仍著賞珊瑚豆黃瓣大小荷包玉翎管玉四喜搬指玉鼻煙壺鑲玉帶版等因跪讀之下感悚難名謹免冠望

闕叩謝當傳在營將弁兵勇及軍功趙洪周宣示

恩綸分別陞賞隨恭錄

諭旨知照賽沖阿豐紳馬瑜田朝貴欽遵去訖伏念臣此次接辦零匪遷延累月官兵勇於殺賊而難於遇賊餘賊不能當



兵而偏善避兵每思聚而殲旃彼已散而鋌走固該匪狡  
黠難制實亦臣庸劣無能屢荷

包容曲加

寬宥前此

示懲薄責洵為

逾格矜全而鳳凰寨之戰捷奏一馳

天恩立沛

賞復雙眼花翎紫韁已深悚惶愧赧茲元兇授首賊勢益窮實賴

詐降者冒險立功故得勦捕之事機皆順眾能宣力臣有

何勞迺沐

德壯果公年譜卷二十九

美

加恩賞還內大臣一等侯爵珍品

特頒戎行

普資重依

光於鑲禁崇封增帶礪之榮仰

行慶於柳營

闔澤頌饒歌之曲現在大功全蕝餘孽無萌臣仍當督率各員排

搜嚴密投置掩免直窮狡窟之藏薰穴取狐永絕游魂之

變庶臻完善實慶肅清昭

者定之神功酬涓埃於

高厚

殊批勉力搜捕務期盡善

十月初三日

公奏言竊臣通行各路提鎮及大小將弁地方文武以及

大小寨洞隨時隨處密緝零匪去後嗣准賽冲阿來信督

兵西行權河口一帶先後見達自祥楊芳詢悉江岸甯靜

各處均無賊蹤惟據定遠廳稟報巡檢王霖在元灘子盤

獲賊匪一名又准豐紳來信武舉熊文炳在兩扇門老林

內搜獲散匪一名又在紅花梁搜獲一名又雙龍寨寨民

等在老林內搜獲一名在油榨坪擊獲偽先鋒羅正懷一

名又盤獲一名又在鹽廠坪南龍寨等處陸續擊獲土匪

德壯果公年譜卷二十九

美

九名又准馬瑜并田朝貴具報候補守備郭成在放牛坪

搜殺賊匪二名千總趙洪周擊獲一名藍翎兵丁王貴朝

在高觀寺盤獲一名外委卓陞在羅圈溪林內殺賊一名

外委李剛在大楓坪擊獲一名又在七里溝等處盤獲三

名又副將馬元在大甯之香坪溪殺賊二名內一名經趙

洪周認係偽總兵黎在朝又守備胡超在雲陽屬之金子

溝擊獲老掌櫃李茂一名又在石埡子山內搜出賊匪一

名自稱偽元帥魏思述查魏思述係賊營被害藍翎千總

魏忠才之叔該犯原係早年習教元年起事時被魏忠才

首告全家監斃魏思述脫逃入夥迄今春魏忠才等七名



前往賊營苟文潤等尙知畏懼魏思述恨其從前出首遂將魏思才等戕害胡超知係魏思述欲行生擒爲魏思才等生祭洩憤卽直前扭抱被魏思述拔出小刀扎戳四處傷不甚重胡超始將魏思述按倒亦用小刀連戳立斃割繳首級前來據趙洪周識認屬實又據馬國銳稟報外委馬勝林在大紅山盤獲散匪一名都司劉順盤獲一名又據臬司劉清等稟報巴州軍功陳緯在鸚鵡山盤獲敗匪一名再九十桂涵等所追兩起散匪各有十餘名由廟溝老林南向高頭壩羊耳壩跟蹤追捕外委馬文貴殺斃一名千總盧仕榮殺斃一名現有數路官兵分投搜捕諒斷不能漏網所有解到獲犯均經訊明將老掌櫃李茂爲總管蕭正龍爲總兵汪允成羅正懷四名臠割處死其餘實係賊匪一概正法計此次川陝各路搜獲散匪十六名土匪九名繳到首級八顆總期搜剔淨盡以杜後患再前准額爾登保那彥成方維甸將奏明陝省留防官兵等事移咨前來應卽遵照分別去留辦理但邊界零匪未淨百姓尙未歸業臣已詳悉函覆應俟肅清再爲照辦至川省應撤鄉勇並留防官兵臣前已詳致勒保亦俟咨覆到日再酌量情形陳明欽遵辦理

諭曰此次各路員弁搜獲散匪土匪等共有數十名所辦尙好守

備胡超搜出賊匪魏思述係戕害鄉勇軍功魏思才等之賊被該匪刀扎四傷該匪始得就戮實屬可嘉著德楞泰存記遇有應陞之缺卽行陞用以示獎勵至苟朝九王世貴王作經三犯德楞泰當督飭各路鎮將員弁一體留心盤查務獲總期實有下落方足憑信不可稍涉大意此時餘匪尙未全淨自應將官兵暫緩裁撤朕豈惜此數月鹽糧之費務期一勞永逸不留餘孽但官兵等既經留防不特潛竄零匪必須擒殄無遺卽撤勇夫役土棍等遇有不法滋事亦當就近彈壓俾知斂戢德楞泰俟人心大定實可放心先將鄉勇妥撤再將官兵以次撤回然後回成都將軍之任將欽差關防專員齎京呈繳

同日公又奏言竊臣欽奉九月初五日

內閣奉

上諭本日德楞泰由六百里遞奏餘氛掃蕩三省全功告厥一摺覽奏曷勝欣慰從此海宇敕甯永銷兵革可與率土蒼生共享昇平之福除額爾登保現已遵旨起程回京外德楞泰著加恩再交部從優議敘並加賞玉吉祥牌玉四喜搬指玉翎管鑲玉帶頭黃瓣珊瑚豆大小荷包等因跪讀之餘實切愧感望

闕叩謝

恩慈隨恭錄

諭旨知照賽冲阿等並將

德壯果公年譜卷二十九

毛

德壯果公年譜卷二十九

毛



頒下賞件酌爲五分專弁分齎令各查明出力將弁兵勇分賞去

訖伏念臣仰蒙

委寄深愧驚駭屢

予以歲月之寬莫奏夫肅清之效投銅籤於

午夜重煩

天斷之籌戎

披銀甌於庚邇時

盼月章而望捷幸仗

神機高握

睿算無遺視師則宿將重臨懸賞則顏行共奮鋌亡無所笑駭雉

德壯果公年譜卷二十九

三

之觸羅凱唱待歌惟潛鱗之漏網

申巽命而關中節駐

念元戎櫛沐爲勞統師于而闔外權專俾微臣始終其事今雖旌

頭夜落畫角宵清紆

萬幾籌筆之勤慰

高廟遺弓之志而除稂莠躡距戡定又逾兩年薙草消萌致喜音

竟煩三奏皆臣庸劣有此遲延勞無可書功不抵過乃蒙

皇上再加優敘

隆以匪頒既

鴻貺之特施復

龍光之普被給泉刀於

太府壁壘歡騰誇珍品於

上方旂常彩煥閭營增感塵忝知榮臣現惟有督飭將弁兵

勇等櫛比排搜區分籌辦以冀潢池永靖臻投戈息馬之

風兵革全消綏賣劍買牛之俗庶三省共享

昇平卽

主恩稍酬萬一

殊批實心勉力安益求安不可懈怠

十二日

公奏言臣接賽沖阿來信稱督兵西行令副將閻俊烈等

德壯果公年譜卷二十九

三

帶兵由簡池壩取道深入巴山老林又飭副將吳亨衍由

白楊關一帶巡查十七日已抵定遠廳據文武稟報兵役

在毛垵塘盤獲零匪一名又在九元關盤獲一名司獄錢

奕範在青水河盤獲土匪一名吳亨衍一路在倒溝洞等

處拏獲散匪二名均訊明正法頃又疊接來信巴山內外

據閻俊烈等稟報往來梭巡均已無賊又接豐紳來信副

將馬文斌等分帶兵勇在川陝沿邊一帶徧捕窮搜祇在

小紅巖拏獲散匪一名其餘各處俱無賊蹤又接馬瑜來

信把總周文炳在橫山子拏獲散匪二名又在密柴河殺

賊一名拏獲偽總兵張正富一名守備張萬林在大甯之



徐家壩盤獲零匪一名副將馬應國在東鄉之廟灣子殺賊一名又據田朝貴稟報外委王明達等在旗桿山殺賊一名把總雷文體在大黃山搜獲零匪一名軍功嚴陞等在回軍壩擊獲土匪一名藍翎馬兵楊秀等在火地坪一帶追殺賊匪一名擊獲白號偽總兵栗福龍一名都司龍必達等在八臺山擊獲散匪一名參將李應元等在銀廠坪殺賊一名又在二聖巖殺賊一名千總郭來等在朝陽坪殺賊一名候補知縣王培在漁溪河盤獲散匪一名又據馬國銳稟報外委劉興成在元梁搜獲散匪一名千總盧仕榮外委馬文貴等在火地坪追殺賊匪二名又守備張洪成等在香爐寨盤獲土匪一名典隆寨民擊獲零匪一名都司趙琴在新甯之仁市鋪盤獲逸匪一名又獲土匪二名臣均經訊明分別辦理臣現准賽沖阿楊遇春並王兆夢達自祥九十咨報陝境自鎮坪起至甯遠廳止東西一帶連日分兵往來櫛比排搜俱無遺孽實已全境肅清並查民間現俱修葺房屋各安生業等情至於川境連日各路搜剔零匪散匪土匪時有所獲而王世貴王作經及苟朝九三逆尙在未獲臣現又酌擬將沿邊內外地方各分段落督搜以專責成查自太平之劉家坪起至三排山旗桿山修理山梭羅寨二溪子濛濛溪馬踏坪雙河口

德壯果公年譜卷二十九

三

大小寒溪仰天窩雪沱王家壩蓼子口明通井雞鳴寺寒溪寺南坪線朗坪放牛廠乾河溝貝母池西流溪大水沱包穀廠西流溪腦厚朴山雙坪十里坪新開場火山寶坪仙女池張果老坪止以上三十四處為一段交馬瑜田朝貴督搜其太平界上高觀寺起至渭溪河石蘿灣攔路寨密車河亢河腦西溪口水寨子耍壩老鴉鋪熟油溪加單池黃安壩石梅子河漁溪河兩扇門木瓜河黃溪河豬頭岡紅巖寨中岡溪楊泗巖雞毛鋪羊耳壩高頭壩鍋兒灣猴子寨半河老鴉口南溪止以上三十一處為一段交豐紳馬國銳督搜其自太平後坪起至剪架大甯之新田壩官棚子開縣之大小添紫城內外團城大小黃溪漆棚子十二壩大甯之渣羅盤紅池壩核桃壩麻柳壩木旺坪王道河後溪河東溪河關廟山和岡溪一盤泉大小峪河黑水河七里甲湯家壩桐油壩黃連壩桃木坪百里荒麻柳三灣木盃河茶山壩長茅嶺寒水壩分水嶺朝陽洞上三壩尖山壩九臺坪龍灘河止以上三十九處為一段交雷仁督搜其自開縣雪泡山起至葱子坪大壩口流水溝貓兒梁馬家營楊柳池龍門洞白馬堯城滿月槽界嶺南壩場八把刀三柏嶺亮壩子鹿塘溪鴨圈門中岡嶺譚家壩七里坪黃柏廠白沙河腦四方洞關廟山秀才口高坪風

德壯果公年譜卷二十九

三

一第丁丁 册 續修四庫全書 8 文三



竹壩朝陽坪鍾鼓溪水許寨青灣子止以上三十二處爲一段交副將馬元桂涵督搜其自太平八臺山起至曹家溝水牯壩花藥山萬壽坪廟坡白果壩江西壩老麥池茨竹溪柏枝山柏森坪小白沙河廖家坪秤桿溪柯家坪涼風壩郭家壩千家河止以上十九處爲一段交副將羅思舉督搜似此川陝沿邊以及川境腹地山邊均有官兵校織巡邏則王世貴等三逆自可水落石出並飭令於各段交界之處隨時會哨將山林有無藏匿餘匪地方是否平定之處按五日一報出具鈐結以憑查核設探有餘匪蹤迹無論段落地界當協力擒拏如隱匿不報巡查疎懈卽

德壯果公年譜卷二十九

三

行嚴參究辦臣又恐兵勇無知希冀邀賞或有妄殺無辜及逼詐財物等事復飭各路自行嚴查遇賊務須生擒解赴臣營以憑審辦卽拒捕殺斃亦將首級送營令趙洪周等指認屬實方准給賞濫拏者或經查出或被告發卽按軍法治罪庶可以靖餘孽而安良善

公又奏言查川陝楚三省剿辦教匪招募征防各勇川省人民十居七八年來陸續散遣其中有業可歸者固多而赤貧無賴之流縱地方官極力安插然游蕩性成日久難保均守本分惟在有司密爲查訪有犯必懲庶不至別滋變故如前此南鄭縣之張希賢趙恆裕勾結滋事平利安

康之陶鳳朝楊耀廷惑眾歛錢是其明驗頃據駐劄綏定臬司劉清副將羅聲臬稟報達縣知縣余永甯遵札緝拏逸匪本月二十日訪聞城外忽有人稱招募兵丁之事立卽往拏將爲首之黃貴及聽從招人之何思復等十名全獲訊據黃貴供認實因窮苦無聊起意糾眾搶劫富戶恐人不從遂捏稱奉文招募新兵頂補陣亡兵缺應募者每名出錢一百二十文爲掛名之費俟集驗補額每名卽可得俸餉馬價等銀三百兩遂有貧民何思復等出錢願充又令轉招得熊登吉等計應募已有七八十人擬俟人多時告知本意協同起事此外又有趙思煥現在東鄉招人

德壯果公年譜卷二十九

三

等語余永甯當卽知會東鄉縣知縣楊世鼇密拏隨據該縣稟報已將趙思煥拏獲究出尙有楊瑋侯登林羅思傑等在太平地方並陝西之定遠等處招人約期滋事並據劉清隔別研訊各犯堅供係冀得多銀誤聽黃貴招募實不知其約糾齊集逼脅情弊現查被誘之人多已散逃未便按名查拏轉覺張皇各等情臣查此案祇當不動聲色將爲首各犯密爲拏獲嚴辦示懲其被誘窮民應仰體皇仁免其拖累除飛致賽冲阿並札飭劉清羅聲臬太平廳同知鍾蟠雲定遠廳同知嚴如煜等協同文武密拏外復恐綏定郡城兵備尙單卽令游擊余陞帶領官兵三百餘名赴



綏任事就資彈壓至太平廳與陝境定遠毗連尤關緊要  
令馬瑜帶官兵一千餘名赴彼以搜捕為名縱有不法之  
徒兵威壯盛亦可震懾潛消至定遠廳寶冲阿前已帶兵  
二千餘名在彼足資鎮守再查陝境業已肅清其巡防彈  
壓等事有本省提督楊遇春總兵王兆夢九十等統率督  
辦外省鎮將如南鎮鎮總兵喜明山西新平路參將哈豐  
阿等現無經管事件亦無可帶之兵臣已令各回本任以  
重操防而節糜費

諭曰川陝邊界地方經德楞泰督同文武員弁上緊搜緝此次殲  
獲逸賊土匪等共有三十餘名所辦尚好現在陝省雖無遺孽

德壯果公年譜卷二十九

奏

川境尙應搜捕德楞泰於沿邊內外地方分爲五股酌派提鎮  
等帶兵督搜自應如此辦理但該提鎮必須實力搜捕不可視  
爲具文目下天氣漸寒山中雨雪不時黨官兵等畏難不出惟  
事株守仍屬虛耗鹽糧有名無實若有此等情弊卽行嚴參辦  
理其苟朝九王世貴王作經三犯仍當隨時留心盤查將來於  
何人所分段落盤獲卽係何人之功又另摺奏訪獲假名招兵  
斂錢聚眾之匪犯一節所辦甚是爲首之犯現經札飭劉清督  
率文武嚴密查拏自無難按名全獲卽著照律辦理其有被誘  
貧民自當免其拖累勿致閭閻驚擾

二十二日

諭曰本日據吳熊光勒保所奏情節苟朝九王作經王世貴三犯  
均尚在川省邊界一帶潛匿該犯均係著名首逆德楞泰務應  
於拏獲各犯時究明苟朝九王作經王世貴等下落迅速督率  
各鎮將等於深山老林內嚴密排搜仍遵前旨懸立賞格將該  
首逆等按名弋獲勿任漏網此外零星竄匪不過數十人本屬  
無幾惟當分派官兵逐處窮搜不可坐待賊來始行捕獲德楞  
泰應通飭帶兵各員奮勉搜剔不得以時屆寒冬冰雪凝滑稍  
爲鬆勁

二十八日

公奏言竊臣督飭搜捕零匪據楊遇春閻俊烈吳亨衍等

德壯果公年譜卷二十九

奏

先後稟報地方安貼實已無賊又據總兵九十稟報令守  
備劉印景等帶兵由界嶺至川界楊泗巖與守備張必祿  
會哨回陝境滄水河又與副將吳廷剛會哨各處均無賊  
蹤惟天星寨坐探兵丁王順玉盤獲零匪一名三元寨寨  
民搜獲零匪二名又據豐紳來信兵丁崔倅等在牛蹠嶺  
林內搜獲零匪一名又兵丁馮光順於夜間在小漆扒山  
邊拏獲一賊情急拔刀自盡割取首級一顆又兵丁高陞  
在南溪新寨子拏獲王三槐股內旗手黃坤一名又據遊  
擊畢萬年等稟報捕獲土匪七名兵丁李勝龍等在官亭  
盤獲零匪一名外委黃得榮陳士陞等同獲土匪一名該



犯供出同夥四名亦已一併拏解又守備張澤洪在南溪  
拏獲土匪一名兵丁雷萬春在太和場飯店內盤獲零匪  
一名又據總兵馬國銳稟報外委傅鵬程在舊院壩盤獲  
高二股內零匪一名遊擊湯占先在蒼壩翁拏獲零匪二  
名千總岳熙誠在柏枝山拏獲零匪一名都司左位拏獲  
土匪一名又據總兵田朝貴稟報兵丁王受在七里溝大  
洞子盤獲土匪二名兵丁王貴在石臺觀拏獲土匪一名  
兵丁趙士俊等在花藥溝拏獲張士龍股內矛手張大受  
一名候補千總楊貴等在河口巖搜出賊匪二名持矛拒  
捕截傷楊貴左腿當被外委李登榮兵丁苟倅殺斃割取

德壯果公年譜卷二十九

三

首級呈驗又兵丁向廷元拏獲陳朝觀股內零匪一名候  
補守備郭成等在八臺山搜出零匪二名外委魏起龍拏  
獲零匪一名又據副將羅思舉稟報把總李剛在開縣之  
升子溪拏獲土匪二名守備張洪成拏獲土匪五名又城  
口都司謝成貴經歷朱向榮拏獲零匪二名又接馬瑜來  
信兵丁召斌拏獲零匪一名守備伍魁英兵丁胡喜龍在  
黃中堡拏獲零匪一名又遊擊熊敏謙在清花溪長壩拏  
獲土匪四名又都司趙琴盤獲藍號旗手周朝富一名達  
縣巡檢李暢盤獲假裝乞丐之徐添德股內零匪苟時亨  
一名渠縣知縣王衍慶盤獲土匪二名東鄉縣知縣楊世

鼇盤獲零匪一名大竹縣知縣袁士繡盤獲零匪一名又  
據候補知府理番同知李發祥稟報在通巴界上拏獲零  
匪一名並土匪三名均經臣逐一訊明查驗分別辦理所  
有獲犯之兵勇寨民均隨時照格給賞臣現令馬瑜酌帶  
官兵前赴綏定協同劉清辦理遣撤鄉勇等事其原帶之  
兵酌分三路添派副將馬應國遊擊瞿心能熊敏謙在東  
鄉前中後河各路分搜布置實爲周密卽再有二三潛匿  
匪徒斷難漏網

德壯果公年譜卷二十九

三

公偕勒保又奏言查陝境業已肅清卽川境零匪亦已搜  
捕殆盡自當查照額爾登保原奏將滿漢征防官兵次第  
遣撤臣德楞泰現卽移咨提督楊遇春馳赴漢中將應先  
撤陝省西面之官兵四千七百餘名調至郡城分別遠近  
分起遣撤並就近造具花名清冊移咨本省督撫查照辦  
理俟川省零匪搜捕淨盡後再將陝省後起應撤之滿漢  
馬步官兵五千五百八十餘名卽令賽冲阿統領全行撤  
回本營其留防官兵四千一百名仍照前奏交楊遇春督  
辦分段彈壓以專責成再查川省隨征鄉勇尙有一千八  
百餘名刻下應於大兵未撤以先全行遣撤惟額爾登保  
前此遣撤陝省鄉勇時外省者遵  
旨給賞銀十兩本省者給銀五兩嗣本省各勇以從征較久再三



哀懇遂又格外調劑奏明加給銀二兩五錢迨至興安郡城陝安道德明額知府龍萬育等見其衣履破爛不堪又復捐給帽子馬褂大衫小衣鞋襪各一套該勇等始歡欣感激而去其時督兵在陝所有川省鄉勇無不共見共聞此次遣撤川省鄉勇自應照此一律辦理而該勇等多受數月勞苦是以等往來商酌本省者每名再加賞銀二兩五錢足成十兩之數使其謀生有貲不致流蕩所需不過多費數千兩現據該管將備造具花名年歲籍址清冊前來已派提督馬瑜同知府積朗阿馳赴綏定再會同臬司劉清妥為辦理其川省征防官兵俟鄉勇遣竣亦

德壯果公年譜卷二十九

三

應分別辦理查川省所留征防兵一萬二千名除陣亡受傷殘廢病故陸續遣撤外現在尚有一萬有零此內尚有由苗疆而來者隨征最久又有老弱患病寄留調養者此兩項約有三千餘名應於鄉勇撤完後即令丁憂副將馬應國先行帶領回營以均勞逸尙有新陳官兵七千餘名以之分路搜巡再俟搜捕事竣擬將日久征兵酌撤三千名令松潘鎮總兵馬國銳帶領回營其餘官兵四千餘名擬以新陳搭配分為三段川東一帶交重慶本鎮總兵雷仁川北一帶交川北鎮總兵田朝貴其城口為兩省適中之地即令提督豐紳扼駐督率各段與陝楚防兵巡邏會

哨其時德楞泰擬赴綏定再於川東川北各處周歷巡閱安撫百姓查察地方俟明春防兵撤後再行遵

旨回任至此外陝省各路軍營尙有外省將佐員弁如廣西遊擊李廷珍貴州遊擊璩嘉驥馬伏全等三員現無經手事件等已咨行楊遇春令其各回本任其川省各路軍營尙有外省員弁山西副將王威甯等十三員大半均由川省未弁擢陞今職現有帶兵搜捕者亦有防守嘉陵江岸者俟零匪淨盡官兵全撤時亦即飭令回任以重操防公又奏言遵查都司朱承受等六員係楊遇春一路員弁該員弁等打仗殺賊素為勇往前蒙

德壯果公年譜卷二十九

三

皇上格外鴻施

硃筆圈出其應如何陞擢著查明分別保奏

特予鼓勵不惟該員等感激無地即川陝將弁無不歡感奮興實於搜捕大有裨益查都司朱承受一員已得花翎可否

恩賞以遊擊遇缺即補先換頂戴守備朱福壽一員已得花翎可否

恩賞以都司遇缺即補先換頂戴其藍翎外委雷顯文李洪春二員可否

恩賞以把總遇缺即補其陝西兵丁王進敘平涼兵丁蕭貴二名可否懇



恩賞戴藍翎謹遵

旨分別保奏均奏入

上從之

是日奉

旨特賜德楞額保哈密瓜各一枚

十一月初九日

公奏言准賽冲阿及楊遇春來信各路官兵搜捕餘匪所有巴山老林內外及沿邊通江南界以及黑水河至柳樹冲又滄水河至界嶺一帶分投會哨各處均無賊蹤惟于總苗全在三元溝老林內搜出散匪一名又守備呂天俸

德壯果公年譜卷二十九

四

在盤河腦擊獲散匪一名又守備劉印景等在雙埡子寨內盤獲隱匿傭工之散匪一名又准豐紳來信外委林大成等在界上巖灣擊獲土匪一名又守備李廷廣在三星寨內盤獲零匪一名兵丁苟上霖在雪泡山林內擊獲樊人傑股內零匪一名千總曾占鼇在青銅峽老林內擊獲零匪一名又據馬國銳稟報守備蘭國濱在加單池林內盤獲零匪一名又據田朝貴稟報千總王紹武在黃土壩擊獲土匪一名外委葛玉柱在三墩坡擊獲土匪一名又據副將羅思舉稟報所管段落內逐日分兵排搜並無賊蹤又據雷仁稟報營弁丁新德等在火燒棚洞下盤獲零

匪二名又青龍寨首周賢才等盤獲零匪一名又守備謝

金章在三聖廟擊獲零匪三名又都司余步雲在栗樹溪

長嶺盤獲零匪三名又據馬應國稟報在左家寨擊獲零

匪一名又據副將馬元稟報在蘭花寨擊獲土匪五名又

據都司葛天培稟報在陳家壩擊獲零匪二名又都司趙

琴在開縣之火尖溝等處擊獲零匪二名在達縣觀音槽

又擊獲一名又同知常發祥盤獲土匪三名經歷姚令鏗

盤獲土匪一名又麻柳場巡檢李暢盤獲假裝乞丐賊匪

謝遠達一名詢係青號偽先鋒又委員李化桂在太平之

安樂寨盤獲賊匪王學應一名詢係苟逆偽總管又據城

德壯果公年譜卷二十九

四

口都司謝成貴經歷朱向隆擊獲零匪一名又咸甯寨寨民擊獲零匪一名以上各路搜獲賊匪均訊據供詞分別辦理其間有仇叛誤擊者均令保釋又據豐紳來信遊擊畢萬年自七月至今所擊者不過一二土匪並未搜獲真賊心存怠惰等情不敢以全功告蔽稍予姑容謹據實參奏請  
旨將遊擊畢萬年摘去花翎降為守備庶懲一儆百以為搜捕不力者戒  
諭曰此次各路搜獲真賊土匪多名官兵分段巡邏極為嚴密川境沿邊一帶日漸剔清所辦俱好遊擊畢萬年現當搜捕餘匪



之時怠惰偷安必應加之懲創畢萬年著摘去花翎降為守備  
 遇缺補用以昭炯戒德榜泰仍當傳知各路員弁諭以搜捕事  
 宜業將完竣如能奮勉立功即可仰邀陞賞儻有似畢萬年之  
 怠忽從事者必致重干咎戾庶各員俱知警惕不致稍有疏懈  
 同日公又奏言前准撫臣馬慧裕來信以豫省西路防兵  
 應否奏撤臣查陝境業已肅清即川境餘孽亦已搜洗殆  
 盡所有川陝兩省鄉勇以及陝省西面防兵業經先後分  
 起凱撤其豫省防兵儘可撤歸營伍以重操防業致覆馬  
 慧裕查照辦理  
 殊批甚是

德壯果公年譜卷二十九

聖

二十三日

公奏言准賽冲阿來信川北各處均無賊蹤惟探得通江  
 之上高峪有土匪十數名經該處文武均已擊獲又遊擊  
 李廷珍在黃草坡擊獲零匪一名又准楊遇春送到擊獲  
 零匪一名又據王兆夢稟報在柴扒搜獲零匪一名又准  
 豐紳送來擊獲零匪一名訊係矛手又據田朝貴稟報藍  
 翎軍功羅思涵在東鄉官渡灣盤獲零匪一名又副將羅  
 思舉稟報在太平之白果壩盤獲零匪一名又盤獲土匪  
 一名又都司龍必達在太平洞水沱擊獲荷逆營內偽先  
 鋒魏國賢一名又據雷仁稟報大甯縣郭南英差役王選

德壯果公年譜卷二十九

聖

先等盤獲散匪一名現今都司馬正雄千總袁富把總翁  
 翊清外委陳應元何玉貴徧處搜邏並無賊蹤等情又據  
 副將馬元桂函稟報千總黎椿川等在於川楚界上長春  
 壩盤架山等處擊獲零匪二名外委李大才在太平寺擊  
 獲偽先鋒陳朝彬一名都司高星文在石埡子搜獲零匪  
 一名又據川北都司余步雲等稟報把總馬天魁在松樹  
 壩盤獲零匪一名又城口都司謝成貴經歷朱向隆稟報  
 武生朱一元等擊獲賊匪苟朝富一名訊係苟文潤之子  
 又獲土匪一名又繳首級一顆認係苟逆營內占課人陳  
 大本又據署太平廳同知恆敏解到四方寨民擊獲零匪  
 一名又據臬司劉清等稟報雲陽縣寨民唐朝禮擊獲零  
 匪二名又都司趙琴在墊江縣大通寺擊獲土匪四名又  
 候補知府常發祥解到盤獲阮正滢股內偽先鋒張大滢  
 一名外委徐國碧在黃毛洞盤獲張漢湖股內零匪一名  
 又據綏定遊擊涂陞稟報分派守備曹興邦馬慶國千總  
 岳廷森張應鼎郝玉龍陳上元把總何進等各帶官兵在  
 於所管界上梭織巡邏與副將馬應國遊擊熊敏謙瞿心  
 能等各路往來會哨均無賊蹤等情所有各路獲犯均經  
臣訊明分別辦理再查首逆苟朝九一犯臣從前歷訊獲  
 犯均供逃過川陝邊界現在實無蹤影前此據報擊獲苟



朝九之子苟新兒旋經查明係幼孩童實非苟朝九之子是以仍將董貴之名具奏並經勒保覆

奏在案凡遇獲賊無不詳細查訊即如王騰坤一犯係九月內據臬司劉清稟報訊供同苟朝九滋擾今年八月間被官兵衝散同行六人假裝乞丐均在梁山紅巖洞地方藏匿等語覈其供詞自屬可信當經派員前往亦無實在蹤影又據候補知府常發祥稟報壯役王和在巴州地方盤獲乞丐張大滙一名供係苟朝九先鋒一共六人七月間逃散不知苟朝九下落並據劉清提訊相同又據署開縣知縣符永培稟報差役盤獲一犯自稱王作經迨

德壯果公年譜卷二十九

聖

派令趙洪周往認實非正身詰其因何冒認據供我們總是一死如認首逆就有人擡我又有的等語緣兵勇軍民均知三逆在逃懸有重賞超陞之事無不希冀邀

恩故每獲一犯先以各首逆姓名相詢如隨口答應往往即據供

具稟臣深悉其弊知其不可盡憑故未敢屢竇

聖聰果躍得確蹤實有其人臣斷不敢以零匪已除稍為鬆勁致

令漏網

諭曰此次各路搜獲零匪土匪計共有二三十名尙屬認真業據德楞泰將兵丁寨民等隨時分別給賞至據稱雷仁稟報都司馬正雄等徧處搜邏並無賊蹤又綏定遊擊涂陞稟報分派守

備曹興邦等各帶官兵於該處界上梭巡往來會哨均無賊蹤是則未可盡信此時零匪愈搜愈少尤易隨處潛匿官兵從前當賊匪充斥之時每遇冬令猶且畏寒憊勞不肯出力勦捕今祇賸一二殘孽官兵等益不兔心存懈弛值此嚴冬冰雪交加且新年伊邇更難保無株守卡座偷安度歲情事德楞泰當派員訪察如將弁兵丁等有似此怠玩搜捕率以並無賊蹤具報者即當據實參劾俾知懲誠至苟朝九王世貴王作經三犯必當設法購獲即如所奏獲犯王騰坤供有曾同苟朝九滋擾今年八月間被官兵衝散同行六人假裝乞丐在紅巖洞藏匿之語又盤獲乞丐張大滙亦供係苟朝九先鋒一共六人於七月

德壯果公年譜卷二十九

聖

間散逃可見該逆等實係在逃未經殲斃或竄易姓名或改裝易服德楞泰仍當督飭各路一律嚴密偵緝務得確切下落即業經被殲亦必實有證據方可憑信但此時兵勇軍民均知懸有重賞恐不免希冀邀功任意妄拏逼拷而此次擒獲散匪即有拏獲賊犯冒認王世貴王作經之事設不詳慎研究正兇轉致漏網德楞泰尤當通飭購訪如有呈報拏獲此三犯者務須跟訊確鑿以正刑誅不可稍有疎率又據奏武生朱一元拏獲之苟朝富訊係苟文潤之子亦緊要匪犯該武生尙爲出力朱一元著賞給武舉以示獎勵現在節逾長至天氣嚴寒德楞泰督兵在外備著勤勞著賞給黃面天馬皮馬褂一件用示眷注



十二月初五日

公奏言竊准楊遇春來信已將甘州延綏官兵由東路  
凱撤完竣即前赴漢中再撤甯羌一帶防禦之甘涼甯夏  
各起官兵又據賽冲阿來信並王兆夢九十稟報旬日以  
來據各將弁往來會哨均無逸匪惟據達自祥稟報在羊  
圈河盤獲零匪一名又准慶成來信前有零匪七人逸入  
楚界西溝之雲霧溪經副將呢瑪善帶兵搜獲二名尚有  
五名東逃已派備弁窮搜等情又據副將馬元稟報在開  
縣之連環洞盤獲零匪二名又馬國銳一路盤獲零匪一  
名又平山溪老林內民人王振尙等格殺零匪一名又參

德莊果全譜卷二十九

聖

將李應元稟報在東鄉縣屬豐城盤獲零匪二名又據遊  
擊熊敏謙稟報盤獲零匪二名又外委李國泰盤獲零匪  
二名遊擊瞿心能盤獲零匪一名守備何天順在通江大  
石梁盤獲荷文明營內偽先鋒苟文舉一名訊係苟文明  
堂弟又都司葛天培在通江小紅河盤獲零匪一名又委  
查寨洞之訓導李化桂照磨周鳴霞稟報探得通巴交界  
之古墳壩老林內有零匪五人當即齊集寨民捉拏當經  
殲賊二名追至茅草壩又將三賊全行擒獲又准馬瑜來  
信守備謝金章稟報在開縣之大垵口天鵝池先後盤獲  
零匪二名又據臬司劉清稟報竹峪關守備馬林拏獲零

匪一名都司趙琴拏獲零匪一名署開縣符永培拏獲零  
匪二名署大竹縣袁士繡拏獲零匪一名委員楊世鯨拏  
獲零匪一名達縣余永甯拏獲零匪二名巡檢李暢拏獲  
零匪一名委員吳立勳盤獲零匪一名又南江縣差役等  
在西溪溝盤獲偽先鋒王世鋒一名訊係首逆王世貴堂  
弟詰以王世貴蹤跡據供自七月間勦散後各自逃生實  
不知逃往何處等語於解到各獲犯均訊明分別懲割  
正法又查沿邊一帶山中現屬嚴冬冰雪深厚官兵星羅  
棋布逸匪無從掠食現已巡搜殆盡惟總兵雷仁所管大  
甯之百里荒段內尚有逸匪十餘名至今未獲嚴飭該

德莊果全譜卷二十九

聖

總兵親身帶兵入山搜捕並添派參將李應元都司沈文  
同豐紳就近所派遊擊張拱辰守備張必祿均各分帶官  
兵深入協力擒拏此外各管段落多已無賊  
諭曰此次各路鎮將及地方官等搜捕零匪土匪等計有三十餘  
名所辦尙好惟王世貴等三犯尙未就獲現據奏稱雷仁所管  
大甯之百里荒段內尚有逸匪十餘名安知王世貴等三犯不  
改易姓名潛匿其中即未必全行竄入或有一二犯在內亦未  
可定德楞泰務當鼓勵將士協力搜拏將百里荒逸匪殲除淨  
盡或即可於此內弋獲三首逆一勞永逸豈不甚善現在節屆  
嘉平德楞泰督師在外所有年節賞件隨報發往俾迓春祺



賞福字一張藍辨大小荷包各一對銀錢二箇銀鏢四箇

初九日

諭曰各路文武查拏餘孽漸就淨盡惟苟朝九王世貴王作經三犯尙未就擒本日勒保摺內梁敦懷獲解之包名芳審係首逆包正洪之弟曾充老教掌櫃此係稔惡兇徒積久稽誅迄今始得弋獲可見苟朝九等三犯必係改名易姓或即在百里荒一帶潛竄德楞泰勒保惟當一體嚴飭文武留心躡緝毋稍懈弛其未撤之鄉勇一千數百名勒保德楞泰即當以次裁撤完竣俟明歲春融再將官兵內營分較遠者徐為裁撤歸伍至遲三月總可撤竣彼時苟朝九等三犯自可全行擒獲即尙有未獲

德壯果公年譜卷二十九

兇

之犯亦可專交地方官及營汛員弁隨時認真查拏德楞泰俟官兵全行完竣即可回省任事以便勒保來京瞻覲此係朕通籌蒞事全局先行指示德楞泰勒保祇當存之於心不可豫有宣露使鎖將官兵等聞知致涉鬆懈

十七日

公奏言連日准賽沖阿來信把總郭榮等在天池寺老林搜獲零匪一名殺斃拒捕賊匪一名又在敘口壩盤獲假裝零匪一名在九陣壩盤獲土匪一名又據總兵九十稟報拏獲土匪二名又准豐紳咨報拏獲土匪一名又據總兵馬國銳稟報守備李廷廣拏獲土匪四名又據總兵田

朝貴稟報都司龍必達在大河壩一帶盤獲零匪二名又

據參將李應元稟報在瓦子坪盤獲零匪二名又據副將羅思舉稟報在涼風坵老林一帶先後盤獲零匪三名又都司黃廷相稟報在明通井盤獲土匪一名又據城口經歷朱向隆稟報督同天心寨民易選章等拏獲苟逆營內元帥龍順一名又據綏定總理臬司劉清稟報都司趙琴在墊江盤獲零匪二名又據副將馬元稟報在綏定途次盤獲零匪一名又據遊擊余陞稟報在東鄉江口等處盤獲零匪二名又獲土匪三名又千總陳安那在通江老林內獲零匪三名又委員田文烜在巴州兩河口盤獲零匪

德壯果公年譜卷二十九

卒

一名又據東鄉縣楊世鼈稟報在堡子坪盤獲零匪一名又據署奉節縣朱法祖稟報南漕寨寨首倪科等盤獲零匪二名查各路所獲零匪土匪內除賽沖阿一路就近查辦外其餘解送綏定經臬司劉清審訊錄供稟請覈辦臣已覆加查核批飭辦理其就近解送到營者研訊明確均即分別懲罰正法其偷竊土匪均即枷責示懲實係良民均即省釋其前此百里荒逸匪十餘名近又向界上之黃官壩北竄現令豐紳督飭各路趕緊搜捕並分飭王兆雷雷仁馬國銳等分帶官兵四圍截拏又准慶成來信前此東道竹境零匪五名當派參將李貴守備任得福



并四溝卡弁兵窮追至陰峪河老林躡覓無蹤臣亦已飛飭巫山大甯邊界各處卡隘探明協力截拏無稍鬆懈諭曰此次擒獲各匪又有二三十名惟據稱百里荒逸匪十餘名近又向黃官壩北竄又前此東遁竹境零匪五名經參將李貴等窮追至陰峪河老林躡覓無蹤等語此則最關緊要該匪等一經散竄設官兵躡緝稍疏必致潛匿他處別滋勾結計此旨到日已將屆歲除德楞泰當嚴飭該鎮將等務須督率官兵將兩路十數竄匪悉數擒獲不可因度歲稍有鬆勁致匪犯漏網為要

同日公又奏言查陝省西面甯羌一帶防兵臣前經

德壯果公年譜卷二十九

三

奏明即令楊遇春赴漢中郡城遣撤其川省嘉陵江岸上下游舊設防兵亦應全行撤遣惟查廣元之七盤關朝天關兩處為川陝通衢要隘現在零匪窮蹙四散或有乘間竄出亦未可定似應酌留官兵以資盤詰並可查拏土匪臣查上下游分防川北官兵一千四百餘名內擬令副將王威甯揀出三百名仍駐七盤關守備楊正愷管領駐防以一百名交守備徐忠質管領仍駐朝天關均歸該管之副將王威甯統轄嚴密巡查其餘上下游川北鎮屬派出之防兵一千一百餘員名重慶鎮標派出新陳官兵三百餘名均令凱撤以資操防其由省標派出之防兵三百四十

餘員名即令原帶之雲南撫標參將閔懷希管領回省後飭令閔懷希即回本任其松潘鎮標派出之官兵五十餘員名令原帶之南坪營都司珠隆阿管領回營臣與勒保往返函商意見相同分別札飭辦理奏入報

聞

二十八日

公奏言連日准賽沖阿來信遊擊李廷珍等分兵在定遠廳之野雞嶺等處先後盤獲零匪二名守備馬秀在元麻灣盤獲零匪一名又巡檢王霖盤獲零匪一名又據參將祝廷標稟報探得黃官壩北竄之賊十八名被各路官兵

德壯果公年譜卷二十九

三

截拏在打鼓坪分逃祝廷彪帶同守備王興劉印景等於初六日搜至大木梁老林邊截住拏獲五名尚有二人跳巖遁去又被王兆夢官兵在巖屋溝截獲偽總管張以周一名訊據供稱被兵搜急在打鼓坪與王世貴分路王世貴帶有九人三箇小孩子向大梁東南逃去我們七人逃走不脫被拏等語又准豐紳咨報拏獲土匪一名又據田朝貴稟報拏獲零匪五名又據都司張萬林稟報在開縣堰塘灣一帶訪獲土匪一名在三匯口盤獲零匪一名又據都司余步雲守備馬大綬稟報拏獲零匪一名所有各路獲犯除賽沖阿訊辦外其餘解送到營者臣隨時訊明



分別辦理查獲犯所供是王世貴一起十一人仍在川陝沿邊一帶折竄臣飛函詳致豐紳並嚴飭馬國銳雷仁及陝境之王兆夢等各帶弁兵併力截擊以期必獲近復探得苟朝九一犯在巴州太平交界逃竄又據遊擊曾受稟報探得湖北兵民在鳳凰坡一帶業已盤獲首逆王作經均尚未得確信除再飛札確查外仍飭各路員弁兵勇上緊驅拏勿任疏懈

諭曰此次各路搜獲偽總管張以周等十餘名惟王世貴王作經苟朝九三犯尚未報獲前據方維甸奏稱苟朝九一犯逃至南鄭地方老林經寨民閔士海呈報知縣李師白率同營弁等擒

德壯果公年譜卷二十九

奏

獲據眼目戴聲名識認屬實等語當經降旨諭令方維甸審訊確實再行具奏想德楞額發摺時尚未得信但本日摺內奏稱苟朝九一犯在巴州太平交界一帶逃竄或方維甸前奏擒獲之犯竟非正兇亦未可定至摺內稱據遊擊曾受稟報探得湖北兵民在鳳凰坡一帶業已盤獲首逆王作經之語恐亦未確德楞額惟當督飭鎮將等嚴密驅拏務獲以息浮言此次探報該逆等分起逃竄各十餘人或正犯並不在內而首逆亦並非王世貴二犯祇係餘匪假冒其名希圖勾結俱未可知但既有此語無論是否有二首逆在內總當儘數擒獲務淨根株此時已屆歲除計明年正月杪二月初該逆等自可全獲彼時德楞

泰當遵照前旨將官兵以次裁撤如尚有未獲之犯即可責成地方文武隨時緝拏但此時德楞額奏斷不可預露此意致鎮將聞知稍有懈弛務當剋期於正月內將該三逆全數殲獲以肅全局方為妥善

同日公又奏言查東三省馬隊官兵前因南山苟逆餘匪未靖經額爾登保將楚省第四起應撤回旗之黑龍江部委營總和隆武所帶馬隊官兵一百十二員名裁留赴陝分撥協勦迨今秋額爾登保回京時又酌留侍衛彥丕勒富祥二員令其帶領以便凱撤時沿途照料各等因此時全境肅清臣現即發給護牌令侍衛彥丕勒富祥並原帶

德壯果公年譜卷二十九

奏

之和隆武等管領定於本月十三日自四川城口起程由太平定遠西鄉一路北上并知照沿途妥為應付再查前次遣撤東三省各兵丁內有

賞戴花翎者嗣奉

恩旨回旗後若仍與兵丁一例當差實與體制不符酌給驍騎校額外驍騎校遇缺即補欽遵在案茲查精額哩一員即係領催

賞戴花翎之人應照例給與額外驍騎校遇缺即補奏入報

聞

公又奏言竊臣欽奉



上諭現在節逾長至天氣嚴寒德楞額督兵在外備著勤勞著賞給黃面天馬皮馬褂一件用示眷注欽此臣當卽望

闕叩頭敬謝

天恩祇領訖伏念臣素無才識蒙

任專征叨竊

寵恩實慚非分此番接辦南山竄匪蕙事遲延荷蒙

賞賚頻頒尤屬撫躬增愧現在督搜零氛臣不敢稍有鬆勁仍嚴

飭各路將弁官兵在于老山內外冒雪履冰窮搜密偵乃

蒙

聖心

德壯果公年譜卷二十九

一

垂念嚴寒

特賞黃面天馬皮馬褂愧乏黃中通理叨茲

元吉之采章猶虞馬力疏慵忽荷

深溫之被服遂忘奇冷益耀

殊榮臣惟有督飭各路將領備弁官兵迅將首逆殘魂淨之又淨

以期仰副

主安益求安至意

殊批汝實辛勞妥辦善後再承恩眷

德壯果公年譜卷三十

次孫花沙納恭纂

嘉慶十年乙丑

公六十一歲

正月初十日

諭曰前據方維甸奏稱於南鄭縣老林拏獲首逆苟朝九當經降旨諭令該撫親提訊究必須確鑿無疑方可定為正犯茲據方維甸覆奏質訊明確錄取供詞呈覽並經各處眼目及現獲苟文明股內殘匪隔別指認屬實又據盤獲螞蝗溝傭工婦人李氏究出係苟朝九之妻當提該犯當堂見面神色驚異彼此均

德壯果公年譜卷三十

一

各指認不諱訊明後帶出堂外該逆夫婦縷述家事及別後情節絮語不休等語看此情形其為苟朝九正犯實已確鑿可信據方維甸遵旨將該逆辦理一面飛咨德楞額泰停緝該逆未獲以前各處零匪恐或有冒認首逆之名潛滋勾結而官兵黎民等知懸有賞格亦不免意存邀功今既經就擒德楞額泰即當通飭各路帶兵鎮將官弁及地方官等一體知悉停緝俾眾疑盡釋不致再有假冒妄拏為要至王作經王世貴二犯自亦可就弋獲德楞額泰此時惟當嚴飭查拏勿使漏網然亦不值因此一二殘孽久駐重兵總俟二月間察看情形如該二孽果已擒獲固屬甚善否即遵照前旨交與地方文武隨時搜緝將官兵以



次裁撤用戴全局德榜泰即可回省任事

十二日

公奏言臣接據探報苟朝九一犯業經陝省生擒由方維味批已正法矣

旬處訊辦又據楊芳稟報防江把總王瑞琚在石泉梅湖

江岸盤獲逸匪靳士錫等三名亦經解赴西安歸方維旬

審辦連日據各路稟報軍功孫天定在水洞子盤獲零匪

一名又兵丁田敖等拏獲零匪一名兵丁傅德盤獲零匪

一名又都司馬士相拏獲零匪一名外委常殿元拏獲零

匪一名守備馬秀拏獲零匪二名又據副將羅思舉等稟

報派兵與地方委員李化桂等分路搜拏鍋團圍之零匪

十八人追至陝境城固交界之洋峪塘後山四面截住共

殺賊匪六名生擒七名尚有賊匪數名跳崖分逃復經趕

緊追捕先後拏獲此起十八名斬獲淨盡陣亡軍功一名

又都司龍必達在通江李家灣拏獲零匪一名通江縣劉

銓拏獲零匪一名又營弁鄭啟倫在城固界上梳子坪拏

獲零匪一名又據守備張洪成拏獲零匪一名又千總王

玉林搜斃拒捕賊匪一名又據臬司劉清稟報差役在忠

州汝溪灘盤獲零匪一名又據同知常發祥稟報拏獲零

匪一名又據夔州府知府周景福稟報兵丁在開縣盤獲

零匪一名所有各路獲犯均經訊明分別辦理至王世貴

德壯果公年譜卷三十

二

等十一犯蹤跡詭譎朝東暮西前聞遁入化龍山被王兆

夢雷仁馬國銳等轟出遂又東奔八百溪復被慶成慶溥

之巡兵截回近又折入川境之要壩小峪河有走百里荒

之勢現有豐紳督飭馬國銳雷仁等分路截拏臣又添派

官兵協同躡緝總不致該逆漏網至川北亦祇有定遠通

太一帶尚餘逸匪十餘人賽冲阿已催令閻俊烈等排搜

臣又飭田朝貴前往協剿自可殲除

諭曰此次據奏各路搜獲零匪又有三十餘人現在川境大甯一

帶零匪祇有王世貴十一名及川北零星逸匪十餘名已據德

榜泰分派官兵四路圍拏當飭令該鎮將等儘此月內將兩處

餘匪殲除淨盡其王世貴一犯必當弋獲或王作經即在兩處

竄匪之內亦未可知如能一併就擒固屬甚善設殲獲王世貴

而王作經尚無下落亦不值以重兵圍捕德榜泰即遵照前旨

交與地方文武協力訪拏一面將撤兵事宜妥行辦理所有此

次陣亡軍功一名著查明咨部賜卹

同日公又奏言竊臣欽奉

上諭現屆嘉平節序德榜泰督師在外所有年節賞件一分著隨

報發往俾迓春祺欽此隨奉到

御書福字一張藍緞大小荷包各一對內貯銀錢二錢銀鍊四箇

並哈密瓜南棗掛麪等件臣當即望

德壯果公年譜卷三十

三



闕叩謝

天恩敬謹祇領伏念臣仰叨

委任數載奔馳幸乘

睿謨殲除邪匪屢蒙

褒封晉爵

優賞頻施自願駑駘時虞隕越前仗

天威震疊克蕺全功復荷

恩賞頻加午夜捫心深愧毫無報效現在督搜零匪業已殆盡而

渠魁尙未盡縛正深悚惶乃蒙

皇上垂念督師在外特普春祺

賞給

御書福字荷包等件

示之寵眷爰

衍錫於箕疇

噓以陽和遂

親揮於

義畫猷佩昭咸宜於左右貨泉徵長慶於豐盈欽瞻

宸翰之莊嚴復耀

尙方之珍飾殊榮已極吉兆何涯臣惟有督勵將弁兵丁迅將老

林內外搜之再搜淨之又淨以期

昇平永慶長登仁壽於蒸民

祉福無疆徧沐

休和於臣庶臣幸邀

光被仰觀嘉祥實深感激歡抃之至

殊批勉力搜捕永慶昇平

二十六日

公奏言竊查新正以來准賽冲阿來信副將吳亨衍先後

在西鄉鍾家溝一帶盤獲零匪三名又都司馬士相在上

壩清水河搜捕零匪一名現在巴山老林四面已令副將

閻俊烈等會同田朝貴等分兵數十路往來梭織排搜祇

有散竄零匪八九名不日即可掃淨此外定遠西鄉各處

均爲甯謐等情又據總兵王兆夢稟報參將祝廷彪在平

利洋溪河盤獲零匪一名又據總兵田朝貴稟報與閻俊

烈分兵多路在於巴山圍搜都司龍必達把總向貴搜至

川陝界上之金雞嶺一帶斃賊一名餘匪被兵衝散守備

張應錫追至三郎廟拏獲一名千總王紹武搜至荀子坪

又獲一名尙有八九名星散現在分投追拏等情又據總

兵雷仁稟報去臘二十七日把總周鳴山在大甯之核桃

壩盤獲零匪一名又據都司余步雲守備馬大綬等稟報

武舉熊文炳在黑泡山拏獲零匪一名又據副將馬元稟



報在開縣山外拏獲土匪四名又准豐紳來信前竄陝境  
零匪十一名折回川境要壩小峪河隨又南竄雙龍寨二  
十九日遁入百里荒之銅鑛包已知會總兵馬國銳在老  
鴉鋪磨盤寨截其東北之路豐紳督兵在西溪口一帶堵  
遏該逆黑夜竄至柴扒老林被寨民擗石打死二名滾崖  
一名驗明屍身並非首逆王世貴現令副將馬文斌等分  
投圍捕等情臣又飭令雷仁副將馬元桂涵等由大甯紅  
池壩一帶自東抄截西來又令王兆夢分兵前來界山擒  
拏至此外陝境川境各路具報往來徧搜不但均無賊蹤  
卽土匪亦皆潛消滅迹所有各路獲犯解送到營均經臣

德壯果公年譜卷三十一

六

訊明分別辦理臣查三省邊界毗連縣互不下三千里刻  
下惟定遠之巴山贖有零匪八九名川陝界上老林內贖  
有零匪八名其餘山之內外各屬地方均無遺孽第首逆  
王作經一犯久無下落王世貴一犯雖前據供在十一人  
之內除此次擊斃滾崖二名現查祇贖八人此時官兵分  
爲數十路各處截擊兩省文武實在嚴密果有首逆在內  
自亦終難免脫且查王世貴雖與苟文潤狼狽爲奸不過  
兇悍戰手王作經年近五旬係屬襄陽老教黨羽業已全  
無現在川陝官兵不下二萬所有零匪旣已搜捕殆盡若  
因一二首逆在逃遂爾綴留多兵實屬不值似可責成地

方文武緝拏以節糜費卽或再有土棍土匪不法等事尙  
有三省暫留防兵亦足以資彈壓臣揆之事勢實爲完善  
可期一勞永逸頃又准楊遇春來信行至定遠廳業與饗  
冲阿會合將應行凱撤官兵次第事宜商妥已向東來計  
十五六日可與臣面晤臣俟到來再與熟商將川陝應撤  
二起官兵分別調撥歸隊臣候將界上零匪與巴山零匪  
各數名均已掃除後如首逆在內固爲甚善設或竟無蹤  
迹而零匪全行淨盡該二逆亦可通交地方官緝捕辦理  
查城口爲山內兩省適中之地擬令豐紳暫行駐此與楊  
遇春會哨彈壓臣卽出山由太平移至綏定將應撤二起

德壯果公年譜卷三十一

七

官兵分起遣撤完竣後酌量情形如地方無需兵力駐防  
彈壓則防兵亦可全行凱歸以肅全局  
諭曰德楞泰奏川陝官兵搜捕餘匪殆盡酌擬裁撤官兵一摺內  
稱各路獲犯解送到營者九名均經分別辦理楚陝各境均屬  
甯靜川境惟定遠之巴山贖有零匪八九名川陝界上老林內  
贖有零匪八名王作經王世貴尙未就獲並與楊遇春賽冲阿  
會商撤兵事宜等語此摺德楞泰於本月十二日拜發距月底  
尙有旬餘伊等會商撤兵應自遠而近計現在官兵尙有數十  
路並各處寨民截擊兩省文武盤詰諒月內必當將零匪搜捕  
淨盡並將王作經王世貴二犯擒獲德楞泰仍應督飭各路將



弁上緊巡搜將十數餘匪剋日殲除即可遵前旨將官兵裁撤設屆期餘匪全就肅清而王作經王世貴二犯仍未就獲自不值因此二逆羈留重兵彼時德楞泰一面將官兵以次全撤所有該二逆仍交地方文武實力搜擒不可視為海捕具文一經擒獲即報明總督將軍仍將擒獲該逆之人照從前賞格賞給以示獎勵

二月初十日

公奏言現在搜剿將竣准賽冲阿來信據副將閻俊烈報稱守備馬秀委員張在雲等盤獲零匪一名把總孟國英在後槽程王家盤獲傭工之零匪一名又據達自祥稟報

德壯果公年譜卷三十一

九

額外馬鳴鵬協同職員王世琳在巖窩溝林內搜獲零匪二名尚有一名滾崖用矛戮斃又據田朝貴稟報外委趙瑩在通江留壩寨盤獲零匪一名千總田長銘率獲土匪一名其王世貴零匪據雷仁稟報到楚省遊擊李東宣等來信初十日在大小峪河見有搬家歸業男女六人內盤獲逃匪鄧貴一名據供伊夥尚有六人王世貴即在其內聞要向老鴉絆化龍山奔逃等語已派都司馬正雄星馳追拏雷仁取道鎮坪親往抄截當即飛飭李東宣將所獲鄧貴作為眼目帶同搜捕並分飭王兆夢慶溥等一體截拏又據署開縣符永培稟報拏獲土匪二名至此

各路稟報所管段內並山外各屬往來梭織徧搜均無遺孽至南山零匪現據楊芳稟報剿贖尚有七名窮蹙投出現經守備顧應全解送方維甸處覈辦現計川陝搜防官兵不下二萬祇贖兩起十數名之賊實不值再留多名茲楊遇春豐紳先後前來會合復准賽冲阿來信並將二次應撤官兵姓名清冊送到計陝省現在滿漢官兵九千有零今酌撤四千餘員名令賽冲阿達自祥等統領帶至漢中府分起凱撤各回本營尚留防兵四千七百餘員名即令王兆夢九十分帶於平利甯羌東西兩面巡查鎮守楊遇春亦酌分官兵督率田朝貴吳廷剛等先將巴山數賊

德壯果公年譜卷三十一

九

辦理再赴定遠西鄉漢中一帶駐防至於川省現有官兵八千二百有零擬將營分較遠之陳兵及續調之患病疲乏者先撤四千二百餘員名臣統領至太平之官渡灣再令馬國銳副將李廷臣參將劉廷斌帶至綏定分起凱撤尚有留防官兵四千有零交豐紳督率將弁將王世貴等數犯擒獲後分布於沿邊一帶與陝省楊遇春等巡查會哨其川東川北等處即交本鎮雷仁田朝貴等與陝楚之慶溥吉林泰九十一王兆夢隨時巡查會哨豐紳仍駐於適中之城口鎮守巡防如此分布似屬周密臣即於二十六日自城口出山移至太平之官渡灣俟將巴山及界上數



逆就擒則三省零匪一孽無遺臣再至綏定酌看情形如  
果無須彈壓則防兵亦可接續凱撤臣遵  
旨回省任事奏入報

聞

二十五日

公偕勒保奏言查川省各路隨征鄉勇共一千八百餘名  
前經臣等

奏明於官兵未撤以前先行遣撤仰蒙

格外鴻慈加賞銀兩令為妥辦等因伏思此項鄉勇人數稍多必  
須大員經理查得調任雲南提督馬瑜隨臣德楞泰軍營

德壯果公年譜卷三十

十一

辦理翼長事務該員等素所信服臣勒保又令臬司劉清  
等妥協照料所有總兵田朝貴副將馬應國馬元桂涵羅  
思舉遊擊高星文都司史定川守備謝金章千總陳安邦  
外委臧青雲等十路鄉勇按五六十名至七八十名為一  
隊共分四十二起間日前赴綏定詢明情願入伍充役回  
籍分別三項註明造冊由地方官另備空房為之棲息復  
捐給酒肉飯食令糧員主簿趙炳然等照每名賞銀十兩  
之數其藍翎及有頂戴軍功等均加半倍將銀兩封固書  
定姓名即派該管員弁遞送各營籍交官當堂給領其每  
起器械均經按名繳銷當經馬瑜劉清等宣示

皇仁凱切曉諭該勇等無不感激歡欣齊向北排跪叩頭謝  
殊批覽奏欣慰總宜不動聲色隨時安輯以前不法之徒不必  
恩察看實出至誠其沿途行走均按站給以銀米該鄉勇等在途  
極為安靜陸續已據各營各地方官取具親族隣右印甘  
各結備案茲於二月初九日業已全行遣撤完竣臣於二

月初二日行抵官渡灣據遊擊熊敏謙稟報在東鄉縣屬

羊牯嶺林內搜獲賊匪一名又守備張洪成稟報在於飯

店僱工內盤獲苟文潤營內偽總兵羅思朝一名即偽帥

羅思蘭之弟又據遊擊楊登魁稟報長壽縣武生劉貴盤

獲假裝乞匄之零匪三名又同知恆敏稟報在火石嶺擊

獲土匪一名又開縣典史葛浩稟報在溫湯井鹽廠上盤

德壯果公年譜卷三十

十二

獲零匪一名又會同汛弁任萬林緝獲土匪三名臣已飭

知劉清將各犯研訊分別辦理

諭曰德楞泰奏回師已至太平撤出二次官兵分起凱旋並搜獲

零匪土匪各情形一摺覽奏俱悉此次各路搜獲零匪土匪數

名惟王世貴王作經二逆尚無下落現在兩省山中據各將領

等稟報確探無賊王世貴等六名或改易姓名潛匿洞寨亦不

可定自不值羈留多兵虛糜餉項德楞泰如查明沿邊山內實

已淨盡即當將三起官兵接續凱撤該將軍緩行回至城都將

欽差關防交與勒保接收該將軍即暫署四川督篆以便勒保

起程來京陛見其欽差關防即著勒保齎送回京呈繳所有未



經就獲之首逆王世貴王作經等犯務須飭交地方文武上緊查拏勿稍鬆勁

三月初十日

公奏言查前此會籌三省安設防兵及會哨章程時因山中尚有成股散竄零匪故均酌留多兵往來會哨今則零匪淨盡三省一律肅清前後情形迥不相同自應量為變通又查善後案內陝西沿邊陝安甯陝兩鎮共添官兵六千餘名四川沿邊鎮營添官兵一千餘名湖北沿邊鄖宜兩鎮亦有增添之兵刻下三省既已全行肅清若仍留征兵巡防不但地方文武觀望推諉且多糜費自應籌計設

德壯舉公年譜卷三十一

三十一

法辦理除三省提督仍照原奏酌帶官兵每年會哨一次各本鎮總兵每年春季二月秋季八月會哨二次並甯陝鎮即在於終南山自行帶領本鎮官兵巡查二次毋庸會哨外惟邊界地方寬廣最易藏奸若俟至八月十月未免太遲臣擬令責成統轄之總兵及該管營汛將備等按月輪流分派本營官兵在於各管之地面並接壤連界之處會哨一次庶使山陬僻壤不時有兵巡邏可以隨處查訪設有搶劫不法等事毋論何處皆可協力查拏如四川巫山縣東面營汛與湖北巴東縣之三溪河馬寨羅坪教場壩五里坡一段連界責令巫山營都司馬騰龍每月派兵

一百名與湖北總兵吉林泰派出之遊擊都司一員帶兵一百五十名會哨其巫山縣屬大昌營汛與湖北巴東興山房縣之陰條嶺九湖坪琴樂坪等處一段連界責令大昌營守備蘇國棟每月派兵一百名與湖北吉林泰派出之都司守備一員帶兵一百名及興山營遊擊常祿派兵一百名會哨其四川大甯縣屬徐家壩營汛查與湖北房縣竹谿縣陝西平利縣鎮坪之張公橋蕭家坡雞心嶺一段連界責令徐家壩守備會大用每月派兵一百名湖北竹山協副將呢瑪善派兵一百五十名房縣遊擊沈彪派兵一百名會哨其一盩厔大小峪河一段令會大用另派

德壯舉公年譜卷三十一

三十一

千把一員帶兵五十名令陝西鎮坪營都司馬仕相酌派千把一員帶兵五十名會哨其四川太平協城口營汛查與陝西平利安康紫陽三縣之磨盤寨長坪平溪河兩扇門八仙河油榨坪打鼓坪紅巖寨一段連界責令城口營都司謝成貴每月派兵一百名與陝西鎮坪營都司馬仕相派兵一百名會哨其川陝連界之南天門漳河坪楊泗巖乾樹梁大小白河茨蓬溝一段令都司謝成貴酌派千把一員帶兵一百名與紫陽營都司王建謨派兵一百名會哨其四川太平協所轄西北面與陝安鎮所轄連界之高頭壩羊耳壩冉家壩大竹河一段責令太平協副將羅



思舉派兵一百名與陝安鎮總兵王兆夢按月撥派將備酌帶兵二百名彼此會哨又太平協西南面與陝西漁渡營之星子山皮貨鋪滾龍坡平樂鹽場一段連界亦令羅思舉另派守備一員帶兵一百名與漁渡營都司張俊酌派千把一員帶兵一百名按月會哨其四川通江縣屬竹峪關營汛查與陝西漁渡營之長嶺紅羊河三花灘油房岷簡池壩瓦石坪一段連界責令竹谿關營守備馬林派兵一百名與漁渡營都司張俊派兵一百名每月會哨其四川通江縣屬通巴營汛查與陝西西鄉營之奎星樓兩河口天池寺龍池場菩提河細辛壩空山壩柳林溪一段

德壯果公年譜卷三十 一四

連界責令署通巴營守備陳安邦派兵一百名與西鄉營遊擊王得勝派兵二百名每月會哨其四川川北鎮所轄廣元之野人村等處與陝西漢中協所轄之羊圈關水磨河等處一段連界東西縣長三百餘里責令川北鎮總兵田朝貴漢中協副將唐文淑每月各派將備各帶官兵二百名會哨其四川廣元縣屬黃楊水營汛查與陝西鋼廠營之七眼洞漫山坪關口壩荷葉嶺哨風樓花石梁巫山岷五郎廟一段連界責令黃楊水營守備高占魁派兵一百名與鋼廠營守備宋連每月派兵一百名會哨其陝西甯羌營汛查與四川廣元營汛之城牆巖元壩子七盤關

黃壩驛麻柳壩一段連界責令川北鎮總兵田朝貴撥派將備帶兵一百五十名與甯羌營遊擊宋鉞每月派兵一百名會哨以上十三段內川省派兵一千四百名陝省派兵一千二百五十名楚省派兵六百名三共官兵三千二百五十名緣各段各就營汛地方闊狹遠近畫分界址逐月輪班巡查所有每月出巡官兵日用不無多費應請仍照<sub>臣</sub>等前

奏提鎮會哨章程俟三月內三省大兵全撤後定於四月初一日為始每月自出巡之日起至回營之日止每月每日酌給鹽菜銀三分俾免拮据較之多留征兵巡防又多節省俟一半年後地方益增甯謐即可一併裁去再責成各本營汛隨時巡查實力整飭再<sub>臣</sub>於初十日移師南行經過東鄉縣一帶十三日抵綏定府沿途查看人民俱已下寨場市整齊小春暢茂紳民耆老掛彩焚香男婦老幼百千成羣並有呈送雜酒果蔬者<sub>臣</sub>宣示

恩威親加慰諭無不先向北跪叩謝

皇仁復向<sub>臣</sub>稱謝不已是全功已蕙百姓皆得耕讀樂業睹此恬熙實深慶幸至二次應撤官兵自本月十七日起至二十五日止共分六起各回本營計撤過官兵二千四百八十餘員名擬俟第二次官兵撤竣即將第三次各處搜防官

德壯果公年譜卷三十 一五



兵全行凱撤再日內准楊遇春來信巴山老林餘賊數名蹤迹詭譎不知是否零匪抑係土匪尙未弋獲惟現在外委張清朝擊獲逸匪一名又都司呂天俸擊獲假充教匪之土匪六名均訊明分別辦理又准豐紳來信兵丁李成林在獅子寨後山擊獲零匪一名解至中途滾崖跌死此外循環徧查均各安靜

諭曰此時川陝邊界實已甯靜零匪肅清二次應撤官兵業已分起遣回其第三次凱撤官兵不日亦可辦竣德楞泰即可緩程回至成都本任接署督篆又據奏三省邊界酌擬分段巡邏各情形三省邊界地方寬廣現在甫經廓清自當按月巡查會哨

德壯果公年譜卷三十一

七

以資控制而防奸宄著照所請辦理但須嚴飭帶兵鎮將備弁等雖遇盛夏潦霖亦當一律奮勉不可稍有疎懈以致有名無實所有各段會哨情形即著按月具結申報將軍總督提督各衙門查核其在陝楚境內官兵亦著各自申報本省存案互相稽考以專責成如有疎懈及緝捕不力者即行參奏至巡哨兵丁每名每日酌給鹽菜銀三分之處亦著照所請行仍俟一半平後察看地方情形再行裁撤

二十五日

公奏言查三省肅清川陝官兵自應全行凱撤前撤過六起後茲又續撤四起共一千五百餘員名計連前撤之六

起共官兵四千三百零二員名又准賽冲阿來信總兵達自祥等所帶官兵亦已分別凱撤賽冲阿自帶西安滿漢官兵作為未起於二月二十二日自漢中起程回省其撤過官兵四千一百餘員名川陝二次應撤官兵皆已分遣完竣又去秋額爾登保等會奏搜剿完竣後陝境酌留兵四千一百名交提督楊遇春分段駐守查現在除巴山老林尚有搶掠賊匪數名其餘均屬甯謐若仍留多兵駐守徒糜糧餉再三籌度刻下防兵竟當全行凱撤是以現即咨行楊遇春將陝境官兵四千七百餘員名令其先行造冊以四月初一日起均陸續遣撤回營斯時巴山散賊

德壯果公年譜卷三十一

七

自己弋獲淨盡並令豐紳田朝貴雷仁等將省標四營松潘懋功川東川北及廣元七盤關各官兵共四千一百餘員名內除傷病老弱陸續遣過二百餘名外尙有二千八百九十餘人均即查照一體凱撤各歸本營其三省會哨事宜即遵照

奏定章程認真辦理惟查陝境沿邊一帶均係新設營制雖添新兵三千餘員名內有軍功鄉勇並投出賊夥者七百餘名近來始行撤出歸伍該新兵不諳營制驟難馴善恐營員不善駕馭因思楊遇春聲威素著兵勇素所悅服擬令仍在西鄉漢中等處暫駐一兩月就近查察新設營



制撫馭新兵以資彈壓但不酌留員弁官兵不足以示威  
重擬於應撤固原本標官兵內酌留一千名以資鎮撫嗣  
後即由楊遇春酌量情形徐為酌撤移咨方維甸辦理臣  
拜摺後即由綏定起程回省至臣仰蒙

皇上委任軍旅頻年以來勦賊制勝皆賴

皇上賞罰嚴明是以文武齊心奮績戡事當此全功告蒞所有出

力員弁臣不敢壅於上

聞亦不敢稍有言濫除臬司劉清總理糧餉一切久邀

聖明洞鑒外現擇其勞績最著者均於名下註明事實開列清單

恭呈

德壯果公年譜卷三十

六

御覽懋懇

鴻施量加鼓勵

諭曰此時三省邊界實已一律肅清與去秋額爾登保等奏留防  
兵之時情形又異且各處添設新兵足敷巡邏彈壓之用所有  
原設防兵自應全數凱撤德楞泰辦理甚是惟新兵未諳營制  
必須訓練德楞泰以楊遇春聲威素著又該兵勇向所悅服請  
仍令在西鄉漢中等處暫駐一兩月就近查察撫馭亦應如此  
辦理該新兵等甫經召募且多由鄉勇歸伍不皆馴善之徒必  
須嚴行管教加意訓練遇有驚驚滋事者即當嚴辦示懲不可  
姑息庶該新兵人知儆畏紀律嫻習方成勁旅至楊遇春既在

彼暫駐自應留兵一千名以資巡查將來可以撤回之時再行  
酌量奏撤至摺內稱巴山老林尚有搶掠賊匪數名該處既有  
賊匪即應緝捕不可疏縱況賊匪不過數人而楊遇春一路留  
駐官兵有一千名較賊匪幾多至百倍更不難設法兜擒按名  
弋獲永杜後患其營員會哨各事宜尤當責令將弁等認真嚴  
查按期巡閱切勿有名無實稍涉懈弛

又

諭曰德楞泰奏查明川陝文武勞員懇恩分別鼓勵此時大功久  
經告蒞該處文武各員於搜捕零匪廓清邊境各事宜均能實  
心經理不辭勞瘁現在地方俱經甯謐官兵亦全數凱撤所有

德壯果公年譜卷三十

九

出力員弁著照所請量加獎勵文員知府積朗阿武職參將  
祝廷彪以下俱各陞賞有差

四月十八日

公奏言竊臣於三月初十日自綏定府起程回省途次奉  
到二月初十日

廷寄

諭旨一道以臣前奏兩省山中躡探無賊自不值羈留多兵虛糜  
餉項飭令臣緩程回至成都暫署四川督篆以便勒保起  
程進京

陸見其

欽差關防即著勒保齎送回京呈繳等因跪誦之下感悚交深伏



念臣以蒙古世僕由行伍出身賦性庸愚毫無知識歷年從事戎行全賴

聖明指示得藏全功即本任成都將軍應辦事件向由省署包封遞送軍營覈辦尙能知其梗概而專閩重任已懼稱職維艱至總督有全省地方之責臣素未習諳迺荷

恩綸飭令暫時署篆任大責重又恐力不能勝聞命自

天益覺悚惶無地現在勒保勘辦本年秋錄未經竣事尙有數日

盤桓臣惟有將川省各屬情形及地方應辦各事與之逐細講求虛衷咨詢庶接印後得有端倪知所循率或可不

德世果公年譜卷三十

辛

致貽誤上負

恩慈至

欽差關防現已敬謹封貯一俟勒保起身即遵

旨交令齎帶呈繳

硃批實心勉力不可疏忽因循藩司甚屬明白曉事與之商酌辦理

二十六日

公借勒保奏言查三省一律肅清大兵凱撤一切未盡事宜臣等連日公同商酌開列各條伏候

聖裁一各廳州縣支贍軍米官及早設法籌變一各廳州縣存贍

軍火槍礮弓箭刀矛帳房等項宜就近撥歸營汛備用一馬步塘站宜查明一律裁撤一川東川北現存洞寨宜責成地方官經理稽查一民間自製鎗礮器械宜及時收繳一零星土匪宜責成地方官實力查拏一兵勇積欠糧餉宜及早清釐找領一新添太平等處協營兵丁米折銀兩應按年先行預支一各處應修城垣營堡工程宜分別急修緩修一各屬出力紳士宜量予獎勵奏入得

德世果公年譜卷三十

壬

旨軍機大臣會同額爾登保明亮議奏旋經慶桂等會議細覈德楞泰所奏各條內其找領兵勇積欠糧餉一條查事隔數年兵勇內傷亡物故者不少或并欠票遺失而從前經手之糧員又未必皆在本省從前承領之將備此時又多陞調傷亡設官兵有假冒捏認礙難辨別至鄉勇一項又已散盡該將軍等既不於兵勇撤遣之時及早查辦此時始為清釐找給勢有所難且從前遣散鄉勇時亦從未聞有持票索欠之事深恐不肖官吏有藉此冒混情事應仍交該將軍等復行查明究應如何分晰辦理方可無弊再行專摺奏明請

旨此時未便議准其餘各條均應如所奏辦理上從之

同日公又奏言竊臣到省後已將回任情形並感悚下忱



繕摺奏蒙

慈鑒在案連日以來與勒保聚晤先將善後案內未盡各事詳細會商現已另摺陳

表茲勒保因秋審各案均已勘辦完竣並將通省吏治民情

邊防夷務以及地方一切應辦事宜向臣詳細告知即於

二十九日委令督標中軍副將羅聲皋成都府知府趙秉

淵將四川總督關防並

王命旗牌書籍文卷等項齎送前來臣當即望

闕叩頭謝

恩祇領任事並遵

德壯果公年譜卷三十

主

旨將

欽差關防交與勒保齎京呈繳勒保即於是日自成都起程訖伏

念臣庸愚陋質由當兵出身疊荷

聖慈用至將軍重任自慚非分正慮報稱為難茲復仰奉

恩綸暫署督篆自前奉

諭旨之日倍覺悚懼惶恐莫知所措查總督有全省地方之責四

川為西南最要之地當此零匪甫就肅清尤宜體察民艱

培養殊批勉之元氣近與勒保悉心籌議並將封疆大吏分所應為

之事一一講求留心詢問勒保知無不言言無不盡似已

略知梗概而自問才識短淺深恐言之易而行之難因此

夙夜兢兢益增悚惕臣惟有恪遵

慈諭諸事悉照勒保辦定章程持循弗失並與各司道和衷商確

協力同心矢此血誠妥為經理以期仰報

聖主高厚鴻慈於萬一

殊批勉益加勉公清慎三字時刻莫忘

五月初七日

公奏言臣前在綏定將二起官兵照料起程即一面檄調

三次應撤之兵全行遣撤茲提督豐紳一路帶回省標及

松潘懋功等處官兵一千七百六十員名均已陸續到省

其川北川東各營官兵據總兵田朝貴雷仁稟報亦已各

德壯果公年譜卷三十

主

歸本營沿途行走俱極安靜該鎮等三省會哨於四月初

一日為始派本屬營汛弁兵前往各邊隘實力巡查臣又

嚴飭該鎮等就近認真督辦並通行府廳州縣一體留心

不可虛應故事現據雷仁稟報夔州兵役在黑樓門盤獲

逃匪覃陞一名供在賊營會充先鋒又都司史定川稟報

盤獲逸匪一名又奉節縣差役盤獲一名臣均飭就近解

交夔州府周景福訊辦其餘巫山大甯及川北各邊境據

報並無賊匪地方甯靜又接楊遇春來信前後盤獲及戕

斃者共有零匪三名均由府縣就近錄供稟明撫臣方維

甸核辦川省境內臣現專派妥弁前赴各段密察庶臣雖



已回省城而巡緝不致鬆懈

硃批仍應留心偵緝不可疎懈王姓二犯究竟有著落否

公又奏言竊照四川提督一員總兵四員均此次軍營內仰荷

聖慈簡放因連年軍務未竣不敢奏請

陛見茲全功已歲大兵凱旋該提鎮無不亟思來京及時展

覲惟甫經甯謐未便同時北上臣愚昧之見以為應請預定

先後以遂其葵向之忱查提督豐紳已自行具摺陳請是

否即令進京自邀

聖明指示至川北鎮總兵田朝貴重慶鎮總兵雷仁所轄地方較

德壯舉公年譜卷三十一

三十一

為緊要會哨巡查尚須督辦似宜緩至明春建昌鎮總兵

張志林熟悉夷情今歲冬間係值各土司年班擬即派令

護送照料來京可期妥協松潘鎮總兵馬國銳現已回任

該處素屬安靜刻又無緊要事件可否先行入

覲之處伏候

聖訓遵行

硃批所見甚是每年令一員來見不可俱離職守

公又奏言臣接印任事後查三月以來據各屬具報得雨

三四次及六七次不等甘澍應時入土深透堰塘積水又

極充盈足資農田灌溉現在麥豆成熟次第登場秧苗出

水數寸川東氣候較早有已經栽插者遠近米糧價值微

有增減並不加昂閭閻安堵民氣恬熙緣州縣親民之吏

見教匪滋事率指目於地方官之貪殘而潔已愛民者無

不以循良蒙

聖眷揚清激濁克樹風聲故吏惜廉隅人勤職守較從前之吏治

早覺煥然一新臣惟有循守舊章與民休息飭諭地方文

武嚴以查緝匪徒寬以培養元氣庶可盜息民安仰副我

皇上保赤誠求之至意

硃批欣慰覽之

是月因

德壯舉公年譜卷三十一

三十一

皇上連得阿哥公主之喜奉

旨著賞德楞泰如意一柄

六月初九日

公奏言臣回省後節次督飭沿邊文武認真巡查據副將

羅思舉等稟獲賊匪一名副將吳廷剛稟獲賊匪一名總

兵王兆夢稟獲賊匪一名現均審訊辦理又據探差稟報

太平之白果壩與陝境之黃安壩兩處尚有零匪十餘名

在彼出沒已經副將羅思舉前往搜緝又平利屬之化龍

山另有零匪十餘人竄入川界經會哨之都司謝成貴聞

信追擊該匪即竄入老山謝成貴亦入山搜捕又據宜昌



鎮總兵吉林泰稟報竹谿屬梨子坪一帶  
有賊八名由轉角樓竄入大甯之柳木池老林  
臣因聞該處本有土匪五人當飭大昌營守備蘇國棟馳往一併搜拏並轉飭川北鎮總兵田朝貴督率辦理無論零賊土匪均須一律殲除以期地方甯謐不敢諱飾

諭曰日本日德楞泰奏陝楚沿邊一帶查拏匪犯情形據稱太平之白果壩與陝境黃安壩兩處尚有零匪十餘名在彼出沒又平利屬之化龍山另有零匪十餘名竄入川界又竹谿屬之梨子坪一帶亦有賊八名竄入大甯境內老林內外尚有土賊四五人等語川楚邊界三處賊匪計有三十餘人自因德楞泰所派各

德壯果公年譜卷三十一

三

處巡哨之員不免鬆勁以致該匪等零星勾結著德楞泰即嚴飭總兵田朝貴副將羅思舉馬元及各該處備弁等上緊緝拏令其按名弋獲儻該鎮將等稍涉懈弛即據實參奏

十九日

公奏言竊臣前因邊界老林尚有零星逸匪且首逆未獲疊次嚴飭文武搜拏嗣據探報太平一路派出會哨官兵於十里坪地方擒賊二名殺斃二名有王世貴在內臣恐所報不實若將首級提至省城又恐日久不能辨認是以一面飭令田朝貴就近查驗訊供一面派委候補道方積帶同眼目馳赴綏定一帶迎提活賊並王世貴首級前來

切實查訊茲據田朝貴方積先後稟稱五月十九日副將羅思舉派出外委王明達帶領兵役六十餘名由黑天池一帶與同知恆敏派出之差役伍福等彼此會哨探得十里坪老林有賊十餘名藏匿在內該外委一面飛報都司謝成貴一面即往擒拏該匪等正在造飯一見官兵即持械抵死抗拒與我兵攪殺一處內有兩賊倍覺兇橫我兵奮勇迎敵謝成貴一路之兵亦已趕到該匪不能抵禦始行折竄深林當經入伍藍翎軍功包相卿等十餘人爭先趕上將兩賊立時殺斃又活擒偽總營蕭元明及被擄服役之王景祿二名餘皆棄械撲巖逃散訊之蕭元明等知

德壯果公年譜卷三十一

三

殺斃者係偽元帥王世貴偽總兵謝應洪當即割取首級連犯解赴田朝貴軍營經眼目指認僉稱的確無疑旋經方積親提查驗另撥眼目徐思盛辨認亦稱年輕者係王世貴首級左太陽有刀傷疤痕一道最易認識該道當提蕭元明王景祿訊問據蕭元明供先與張添倫閻正考合夥後入苟文潤營內封偽總兵又封偽總管自苟文潤被殺之後屢被官兵追勦與王世貴祇贖六人會合一處行走在黑天池仙女池一帶藏躲十九日甫至十里坪竊取包穀做飯見有官兵趕來王世貴與謝應洪商量祇好拏死抵敵不許一人退後詎料官兵一擁前來併力攪殺當



將王世貴等殺斃餘各奔逃我被拏獲等語所供歷年竄走道路與官兵打仗各日期無不昭合至王景祿供亦相同語以王作經下落則稱王作經雖係老教向在賊營並不管事自去年七月間在老鴉絆地方衝散後至今總未知其生死確信等語臣細加察覈其為王世貴被斃無疑查王世貴為著名首逆日久稽誅今潛匿老林猶敢抵死拒捕實屬罪大惡極茲立時殲斃洵足以快人心而彰國憲該逆係儀隴縣人已將首級懸示原籍地方以昭炯戒謝應洪首級即在綏定示眾其活賊蕭元明等臣即行提訊辦理至殺死王世貴等並活擒賊匪之出力官兵已飭

德壯果公年譜卷三十

美

該鎮道查明遵照賞格一面給予銀兩一面開單稟明另候分別獎拔受傷兵丁五名照例咨部辦理其逃散之賊已經外委王明達當時追蹤跟緝並有副將羅思舉督飭查拏自不難於全獲臣現飭鎮將等務將所有逸犯全數殲擒不留一孽以期永靖地方

公又奏言據田朝貴等稟稱搜山官兵日在老林巡緝既不能自裹口糧而老山內又難以買食即有買處價亦昂貴每日僅支銀三分實屬不敷口食查太平大甯各寨洞尚有存糧懇請每兵添給口糧米一分等語合無仰懇

聖慈自四月初一日為始准其每兵日支口糧米八合三勺其餘

搜山各兵亦請一體支給

諭曰德楞泰奏殲斃首逆王世貴驗訊屬實一摺所辦甚好王世貴為著名首逆日久稽誅潛匿老林猶敢抗拒官兵今經羅思舉派委弁兵探蹤會哨奮勇迎擊將該逆及偽總兵謝應洪一併殲斃業經提訊指認屬實可見鎮將等督率弁兵搜捕餘孽尚屬認真出力該官兵等業據該署督遵照賞格給予銀兩此內外委王明達著即以把總陞用其爭先趕上殺斃該逆之藍翎軍功包相卿著賞給五品頂戴並賞換花翎以示獎勵至德楞泰前奏太平之白果壩及化龍山梨子坪等處竄入川界零匪共有三十餘名此次殲擒者不及十人其餘二十餘零匪尚

德壯果公年譜卷三十

完

在潛竄安知王作經不即在其內德楞泰當飭令鎮將等奮勉協力搜緝務將此等餘匪按名殲盡以絕根株如果能將王作經就獲尚當沛以恩施也又據奏請添給兵丁口糧米一分已照所請降旨加恩矣

二十日

公奏言竊臣於五月二十日接到家信獲悉臣之子蘇崇阿奉

旨補授內閣學士兼禮部侍郎臣聞

命之下感激悚惶伏念臣以蒙古世僕由當兵出身仰沐

聖主生成兄弟父子均得渥荷



殊施不次擢用蘇崇冲自嘉慶七年特奉

恩旨賞給

乾清門頭等待衛已覺

榮寵非常乃不數年間

鴻慈稠疊遷擢頻仍臣方慮其年輕識淺不能循分當差有負

任使茲復上邀

天眷載轉文階猥以魯鈍之才得忝清要之任本非蘇崇阿意計

所能及亦非臣夢想所敢期惟有寄信令其益加兢惕矢

以小心得此非分之榮倍慄隕越之懼勤習差使上答

主知臣在外亦惟竭盡駑駘勉供職守以冀生生世世常殫犬馬

德壯果公年譜卷三十

三

報效之忱

殊批因汝建立大功安民甯國故施恩於汝之子汝應倍加小心

將來受朕厚恩不可限量若有不謹前功可惜之至朕亦不忍

言矣保全功臣朕之本念汝若能自保全勝朕多矣勉之勿忽

二十七日

公奏言臣欽奉五月初二日

上諭以王作經一犯係賊中老教師嚴緝務獲又御史韓鼎晉奏

稱西洋天主教流傳川省日久人多亦著臣飭知地方官

示諭嚴禁並查拏教師懲治以儆其餘伏念此次邪匪蕩

平王世貴近亦殲斃而王作經潛遁無蹤日久尙未弋獲

該逆雖不若樊人傑等之著名然屬襄陽老教師若漏網

偷生必致又滋勾結臣係始終其事之人責無旁貸屢飭

地方文武一體巡緝以期早絕根株昨探太平白果壩地

方有賊飭羅思舉往拏無蹤臣現又飛札田朝貴等敬述

諭旨必須緝獲此人永除後患儻稍有疎縱或至遺灰復然不特

該鎮等責有攸歸而臣亦難辭咎至西洋人傳教內地本

干例禁臣查川省於乾隆十九年前督臣黃廷桂任內會

拏獲西洋人費布仁發回原籍又四十九年署督臣保甯

任內亦拏獲西洋人馮若望等四名解京審辦可知流傳

日久人數益多臣愚昧之見以為習教固應嚴禁而目下

德壯果公年譜卷三十

三

查辦殊不宜持之過亟瘡痍乍復民以無事為安若地方

官奉行不善則弊竇叢生將不勝其擾累前次伏讀

御製邪教說一編誠為發聵振矇之玉律臣現已欽遵

聖訓剴切出示先為曉諭凡習教之人寬立限期以半年為率准

其改悔投首即屬良民儻逾限仍復執迷始予嚴辦其西

洋人蹤迹往來向多詭祕已面諭兩司密飭各州縣不動

聲色認真訪查如有潛藏境內者一經拏獲即准免其失

察處分或不實力查拏別經發覺立予嚴參仍不得假手

吏胥甚至挨戶稽查以滋擾累

諭曰西洋人私入內地傳習天主教該省於乾隆年間曾經兩次



孛獲伊等行蹤詭秘實難保無潛匿內地私行傳教之事該督當飭令地方官隨時查訪如有逗留煽誘即應拏獲嚴辦其內地人民果有開堂聚眾代為傳教情事亦應查拏示懲若鄉愚無知誤為所惑止於習教誦經者隨處皆有祇當出示剴切曉諭令其棄邪歸正自可漸知改悔現在京師即係如此辦理習教之人悔悟自新者頗多設過事搜查地方胥吏等藉端滋擾非將真正傳教之犯受賄賣放即向平民訛詐誣拏轉致閭閻受累殊有關係該督不可不善為經理也至王作經迄未就獲仍當遵照前旨嚴飭鎮將等留心緝捕務獲以淨根株

同日公又奏言竊臣 齋摺并回奉到

御賜各種藥錠前來臣 當即跪迎祇領又恭賀

皇上連得

阿哥

公主

鴻禧齋摺差回特蒙

頒賞如意一柄跪領之下益不禁感激悚惶莫知所措伏念臣 以庸愚陋質仰邀

聖主逾格成全頻加

任使此次暫署督篆無時不倍懷冰兢茲以節屆端陽既得上叨

恩賜而前此喜逢

國慶不獲與在

廷諸臣隨班叩賀下懷正深依款乃復祇承

榮寵載荷

殊施似此稠疊

鴻慈尤為臣下難以倖邀之

異數撫衷循省彌切慚惶臣 惟有竭此駑駘益加勉力恪遵公清

慎三字之

慈訓時刻勿忘凡遇地方公事均與藩司商酌辦理斷不敢疎忽

因循致負

聖主教訓於全

恩加無已之至意

殊批勉之又勉清操最要

閏六月十三日

公奏言查王世貴一犯前經官兵殲斃之後臣 仍督飭各

路文武將山內逸匪搜拏淨盡不許容留一人茲據方積

稟稱探報三溪子老林內有自縊者六人業經該道派撥

眼目徐思盛前往認識察看情形似係前此逃散之賊因

難以潛蹤故爾自縊身死此外有無遁匿之人臣 仍諄飭

田朝貴等務須督同兵將不遺餘力認真梭織查拏始終

勿稍鬆勁



諭曰德楞泰奏據道員方積探報三溪子老林內見有自縊者六人自係前此逃散之賊無可潛匿窮蹙自盡安知王作經一犯不在此內著德楞泰派撥眼目詳悉訊驗如驗明已有該犯在內卽一面據實奏聞一面出示曉諭俾共知積年巨愆不能倖逃法網庶人心益知儆畏而地方永臻鎮定但當查驗明確萬無疑義方可停緝不可稍存遷就俾要犯得以稽誅漏網此外潛匿匪黨仍當督飭將弁認真搜緝以淨根株

同日公又奏言竊臣據川北鎮總兵田朝貴稟稱巴州通江一帶與陝西接壤地方遼闊最易藏奸前於臣等會奏善後事宜案內曾在通江縣境新添竹峪關營安設官兵

德壯果公年譜卷三十

書

二百五十餘員名於沿邊分防已足以資捍衛惟該縣原有通巴一營駐劄毛峪鎮距縣城二十餘里嘉慶二年被賊焚燬在從前設營之時原以毛峪鎮當川陝之衝可爲縣城屏障今已添設竹峪關營則樊籬自固無須唇齒相依現在大功全竣該營衙署兵房亟須修建應請就近將通巴營移建通江城內使文武同城一切巡防事宜既得早晚會商而倉庫監獄亦足以資保護仍以原設通江縣汛外委一員兵三十名移駐毛峪鎮以符舊制再新添竹峪關營分駐鐵溪河一汛原議安設千總一員帶兵五十名在彼駐防但該處背山臨河地勢窄隘不能修造兵房

且離竹峪關甚近似可無須另設專汛查有濠壩地方距竹峪關二百餘里距通巴營三百餘里與陝界犬牙相錯人煙湊密實爲適中要地請將鐵溪河一營移駐於此並於兩河口空山壩等處添設六塘卽由該汛撥兵分駐以資聯絡等情前來查該處情形臣年來親歷其間素所熟悉今該鎮所請於臣添設營制之中參酌盡善洵屬因地制宜並據藩司董教增會同總局司道查議具詳請奏謹會同提督臣豐紳恭摺陳明伏候

聖裁

硃批著照所請行該部知道

德壯果公年譜卷三十一

書

七月初二日

公奏言查邊界零匪自十里坪殲斃首逆王世貴之後續據田朝貴稟報都司史定川一路盤獲零匪一名又外委王明達追捕十里坪逃散之賊在貝母池又趕上殺斃二名又據開縣知縣符永培稟報同都司胡超在茶園溪老林殲斃零賊一名活擒一名亦係在十里坪逃散之賊現在祇贖九名此次又殲斃二名其未獲者七名續據外委彭貴在放牛廠緝獲逸匪一名均經臣批飭審辦又據探報賊匪窮蹙自盡羊耳壩老林內縊死二人西流溪老林內縊死六人經方積派人前往同前日三溪子林內自縊



之六人一併詳悉查驗據報屍身實皆朽壞無從辨認惟  
割取髮辮呈驗臣查兩月以來殲擒及自縊者亦已不少  
所存不過十餘名現又嚴飭立定賞罰務於一月內全數  
掃除奏入報

二十三日

公奏言竊臣接據總兵田朝貴稟報都司余步雲查有零  
賊四名在寒溪溝地方潛匿當即帶兵密往緝捕適該匪  
等正與本地團勇抗拒官兵一擁上前殺賊二名生擒二  
名訊據苟子潤一名供稱係冉文儔股內偽總兵吳炳貴

德壯果公年譜卷二十

義

供係苟文明股內戰手並據供稱殺死之賊一係偽總管  
趙有俸一係戰手周三娃子此起祇贖四人全被殲獲又  
把總孔傳文在白巖灣遇賊三名見兵即竄其一人執矛  
抵拒被額外藍翎馬兵鐵貴等連戮五傷該匪跳巖被獲  
殊批或係王作經亦未可知  
祇供姓王其餘不發一語於當夜重傷身死又外委杜浩  
一路官兵在平壩場盤獲零匪一名又都司史定川一路  
官兵在沙沱寺盤獲零匪二名均供會充龍紹周股內矛  
手臣飭查明出力官兵優加給賞並令將現獲之苟子潤  
等五名就近解至綏定交與道員方積嚴訊錄供稟明辦  
理所有各處逃竄零匪實在淨盡奏入報

聞

二十八日

公奏言竊臣自三月二十九日接署督篆每維才識短淺  
諸未習諳深以不克勝任為懼幸得欽承

聖訓勉矢恪勤數月以來與藩司董教增及在省司道商榷辦理  
刻懷冰兢邊隘零匪飭令鎮將等搜除淨盡地方均臻甯  
謐夏間雨水充足田禾共慶豐收刻下早稻已經刈穫糧  
價益減民氣恬熙尙足仰紓

宸廑茲勒保自京回川已於閏六月二十七日行抵成都臣恭請

聖安後即委督標中軍副將羅聲皋署成都府知府積朗阿恭齋

德壯果公年譜卷二十

義

總督關防並

王命旗牌

上諭書籍文卷等件移交勒保接收任事所有臣任內應辦事宜  
均已依限題咨間有時臨交卸未經辦結亦皆移交勒保  
次第查辦此後本任事務更當勉竭愚忱認真經理庶獲  
滿營整飭邊境救甯稍紓

西顧於萬一

八月威勇公額爾登保卒於京

上召公回京供職奉

旨捕授正白旗領侍衛內大臣



十月

命充方略館總裁官

十一月奉

旨署理鑲藍旗滿洲都統

十二月次孫花沙納生

十一年丙寅

公六十二歲

三月

上以洋匪蔡牽犯臺灣甚猖

命公佩欽差大臣關防調四川兵三千赴剿將軍賽沖阿副之抵

德壯果公年譜卷三十

彙

浙江温州時蔡牽已為提督李長庚等敗走乃奉

上諭德楞泰仍遵前旨布置業有頭緒即可回京供職四月公自

温州起程回京惟賽沖阿獨行

五月初二日

諭曰德楞泰奏自温州起程回京於前月二十二日行抵金華府

六月間可以到京等語計日內行程已過杭州不日即可行抵

清江一帶本年清水較旺宣洩暢達前據戴等奏到清水計

高黃水一尺六寸足資刷淤敵黃現在重運漸次全渡俟渡竣

後擬堵築禦黃壩以防黃水倒灌事機極為順利德楞泰到彼

時漕船自已全渡或禦黃壩業已攔築俱未可知德楞泰可暫

住兩三日會晤戴鐵保徐詢悉情形並就近採訪輿論設

清水再有增長如何宣洩高堰堤工是否足資保護之處一一

詳詢確勘於回京時據實面奏以慰廬注

二十二日

公自清江浦啟程來京

六月奉

旨補授後扈大臣總理行營事務並管理兵部及健銳營事務

七月十八日

諭曰陝西現有查辦事件著派德楞泰同扎克塔爾馳驛前往其

隨帶司員侍衛章京及現在回任之陝西按察使敦柱西安府

德壯果公年譜卷三十

彙

知府盛惇崇著隨同一併馳驛

又

諭曰方維甸等奏甯陝新兵放火搶掠署總兵楊之震署遊擊羅

全亮力竭被賊都司黨連陞身受矛傷七處賊匪約有三四百

人由孫家梁竄向甘家碛等語該犯等竟係叛逆殊堪痛恨前

因方維甸奏報該犯等滋事情形不過二三百人爬牆搶掠旋

即竄出廳城並未殺人是以諭令派員曉諭如果縛獻首犯則

其餘附和之徒即可量從末減今既已放火戕官肆意搶掠裏

脅豈可復事姑息當悉力勦捕大示懲創且甘家碛距四畝

地華陽江口甚近該處各營汛均有新兵若該犯等竄往勾結



更為可慮此時方維甸等入山剿辦並令楊芳於原調兵二百名外再挑兵一千三百名游棟雲帶兵一千五百名總兵張鳳亦經調派預備所辦俱是但恐賊數增多不可無大員督勦現已降旨令德楞泰扎克塔爾並帶領侍衛章京數員馳往督辦甯陝一帶地勢情形德楞泰扎克塔爾二人最為熟悉辦理更易得手方維甸楊遇春惟當嚴密圍捕迅速殲除不可專候德楞泰到彼致有稽延方維甸俟德楞泰到後如無需伊在彼即回赴省城料理糧餉等事至被賊之楊之震羅全亮受傷之黨連陞著方維甸等查明此數員內如有剋扣等事業已被賊即毋庸置議儻平日居官尚好實因變生倉猝力竭被賊即當奏

德皇果六年譜卷三

明給予卹典仍遵照前旨究明該犯等起事根由據實具奏

案甯陝始為五郎廳形勢險塞據南山秦嶺之腹嘉慶五年就其地設總兵官統轄子午華陽黑河諸營漢漢北第一雄鎮教匪之變募鄉勇至四十餘萬人其不能散遣者戡定後令入伍充新兵藉營規鈴束而甯陝一鎮新兵不下五千名狼子野心終難馴制先是額爾登保於八年會奏南山內食糧較貴請例酌外月給米折銀五錢俟三年後減給四錢至是屆三年減給之期疆臣以未奉部覆並四錢停止又借包穀二千餘石折三月糧新兵大譁時副將楊之震護鎮望素輕不能制遇兵士訴者不曉諭輒答責於是左右營陳達順陳先倫等唱變糾黨二百餘焚掠新舊兩城劫獄戕官各營響應氣益熾提臣楊遇春入覲至西安聞變折回奏調省標兵二千餘剿之又檄固原河州兵二千名備調 詔公為 欽差大臣而借扎克塔爾帶侍衛章京等馳往督辦

二十八日

諭曰本日據方維甸楊遇春奏到山內新兵安撫甯帖並兼程勦辦緣由據稱揣度賊匪所竄方向恐由華陽留壩江口至漢中一帶滋擾勾結是賊蹤確竄何處該撫等尚未得有的信著德楞泰加緊進行馳晤方維甸等並留心偵訪確探擒勦將該匪等有無勾結裏脅之處查明具奏所有寄方維甸等諭旨及伊等原奏均著抄寄閱看

八月初八日

公奏言 臣於七月十九日恭請

聖訓後即於次日帶同扎克塔爾並率領司員侍衛章京等由驛起程八月初一日行抵山西靈石縣因河東道劉大觀前

德皇果六年譜卷三

來接見據稱探聞陝省甯陝叛兵逆首有苟文興孫貴陳才陳先龍王大才等現在奔竄洋縣華陽戕害文武官員慘殺兵民隨竄至留壩等處現有二千餘人騎馬者二百餘人並探得叛賊會發有傳帖至各新營勾結留壩營兵未經接收各等語 臣聞信之下不勝髮指現在 臣一面咨詢撫臣提臣等此時勦辦情形一面倍道馳赴西安籌辦進剿至目前賊勢既已聚集多人肆行竄擾必須先將各營未動新兵妥為撫輯以免勾結其叛賊滋擾地方交界之處亦須嚴行防堵除川省交界業經奉旨諭令勒保派兵前往廣元一帶防守外其留壩西北界連甘省



兩當徽縣等處其興安平利一帶又與湖北竹山鄖陽等處連界臣現已分咨倭什布全保各就要隘處派兵防守並就飭令鄖陽鎮總兵呢瑪善令其一面設防一面遴選勁兵以備調遣

諭曰德楞奏到行抵山西靈石縣沿途細詢甯陝新兵滋事竄擾情形尚屬隔省傳聞信息正在降旨飭諭間又遞到倭什布在秦州途次所發之摺據稱探知叛賊現在洋縣留壩一帶分股焚掠意欲勾結各營新兵竄入棧道因河水盛漲各處戒嚴未能偷渡尚在華陽及二郎壩等處滋擾倭什布現即取道鳳縣迎頭截堵等語雖所奏亦係偵探情形但秦州距鳳縣五百

德壯果公年譜卷三十一

聖

餘里去留壩一帶稍近或所聞較為真確至所稱叛賊曾發有傳帖至各新營勾結留壩營兵未經接收等語可見新兵不甘從逆者亦復不少德楞奏到陝後一面將新兵妥為撫輯仍查明各營內如留壩兵丁之未經接收叛賊傳帖者酌加獎勵其從逆者無論兵民惟當一律勦洗即有被賊情急不得已者亦不得稍從寬典總之叛者誅之不叛者獎之庶使衆心共知感畏又據稱賊匪現有二千餘人等語恐傳聞賊數亦未真確如果馬賊較多必須馬隊馳驟追擊現在吉林黑龍江兩處官兵隨從進哨者計有四十員名當諭令溫春富翰即由波羅河屯迅速分帶馳往應用

初九日

諭曰本日方維甸等奏賊匪於上月初七日夜間到四畝地營焚掠千總何斌伏受傷十二日至毛坪汛經制外委馬萬春被害是夜竄至華陽營參將何占鼐登堡城守禦被矛戳傷墮落堡外印信遺失現在賊匪竄至二郎壩地方所過營汛係勾結內應賊數有一千數百名昨德楞奏在山西途次所發奏報據稱陝省叛賊苟文興等現竄華陽等處戕害官民人數約有二千餘名騎馬者二百餘人與今日方維甸摺內所敘情形大略相同該逆竄到華陽各處恣意焚掠並處處勾結內應傷害官員是竟公然叛逆可恨已極看來各處汛守官兵俱未必有激變

德壯果公年譜卷三十一

聖

情事所有此次被害外委馬萬春即著咨部賜卹參將何占鼐千總何斌伏如被傷不能就痊亦著照例賜卹其前此方維甸奏到被戕之署總兵楊之震署遊擊羅全亮及被傷之都司黨連陞如不能平復此時亦不必再查賊匪起事根由俱著加恩分別賞卹此外查有被戕官兵亦著照此辦理所有節次被害之官員兵丁內如查有由鄉勇充當新兵在營拔用者尚當加一等賜卹並著德楞奏等通諭各處新兵以爾等同係入營充伍之人當明大義現在新兵內守汛陣亡之人為國捐軀俱蒙皇上天恩特行加等賞卹汝等若能認真出力踴躍戰守不為叛賊所惑將首逆各犯奮勇殲擒自當加倍陞賞不可不自知



願惜奮勉立功如此明白曉諭庶各處新兵心志堅定不致再被賊匪勾結至爲首逆犯前據方維甸奏稱陳達順陳先倫王倅三人王文龍蒲拜子田洪全陳才劉月盛康朝倅六人同謀而昨日德楞泰摺內則係苟文興爲首此外另有孫貴陳才王大才陳先龍等數人德楞泰發摺時尙在晉省已探明爲首之人方維甸在本省地方距賊甚近豈轉未詳探得實著再確查具奏並卽懸立賞格如有能擒獲首逆者卽照徐添德等逆之例兵丁賞銀一千兩擢予官職官員則加倍優擢此外伊等奏到各賊目如兵丁內有能拏獲者賞銀五百兩官員加恩陞擢俾閱營大小官兵共知鼓勵奮勉爭先將首夥各逆按名殲擒

德世果公年譜卷三十

四

庶易蕺事至現在賊匪因阻水在佛葉坪栗子壩一帶游奕該處距漢中甚近尤當防其奔突必須趁其阻水之際一鼓殲除不可不趕緊剿辦德楞泰接奉此旨卽著迅速行走馳抵該處率同楊遇春等設法剿除設尙覺兵力不敷德楞泰酌量應於何處酌調卽一面奏聞一面調撥不可遲緩方維甸俟德楞泰到營後著卽馳回省城將糧餉及地方事宜督同藩司朱勳妥爲經理

十一日

諭曰據方維甸等奏稱西江口新兵亦在江口營起事滋擾與賊匪響應已有數十人擾及八里關大道等語此數十人者係江

口營新兵另起滋事該營兵丁共有若干名滋事者是否祇此數十人未據敘明又據稱洋縣西城外有數十人執打官兵旗幟衣帽聲稱來縣協防卽放箭爬城而上該處爬城之數十人均屬官兵裝束又係何處賊匪是否卽係江口營之數十人並未詳細聲敘又據稱漢中新兵已經調出現在城守空虛飛飭遊擊馬德等帶軍標兵一千名馳赴漢中以防該匪竄出等語漢中係屬郡城前據探知賊匪等向彼奔竄自應將該營兵丁酌留守城何以全行調出以致城守空虛此時轉需另撥軍標兵丁前往防禦又據稱甯陝總兵楊芳本將先派固原兵二百名帶來途中聞該匪竄擾各營楊芳輕騎先由斜峪關入山一

德世果公年譜卷三十

四

路安撫新兵由平勸銀母寺前進等語楊芳係大員既經帶兵剿賊何以又忽經騎入山是否因所帶之兵落後未能趕上未免過形輕率看來方維甸等辦理竟無把握朕心深爲慮念著德楞泰接奉此旨加緊趨行赴彼督辦德楞泰到後如亟須馬隊卽速由五百里馳奏此外巴圖魯侍衛等向來帶兵出力者如果須用卽著指名奏請派往至陝省兵丁究恐不足深恃現已諭令勒保飭知豐紳帶兵數千名赴陝協剿不得僅於邊境堵禦本年春間因臺灣用兵曾令川省飭調屯練兵丁二千名今已諭知勒保仍令預爲遴派聽候應調如德楞泰處現調兵力不敷卽一面奏聞一面飛咨勒保將此項屯練調往可資得



力此外鄰近省分如尚有得用之兵可以調用者亦不妨一面奏聞一面咨調以期迅速肅事此次滋事匪徒必當痛加殲洗以靖地方德楞泰奮勇有素當倍加奮勉鼓勵官兵上緊督辦不可稍有稽延

十八日

公奏言查賊匪現有二千餘人驟馬二百餘匹此時洋縣失守漢中城固實爲可慮亟應迅速剿盡以免蔓延查陝省新兵八千餘名現經方維甸楊遇春酌挑帶往雖楊遇春素能駕馭該兵等心懷叵測不足深恃必須多調陳兵相間鎮懾方可絕其反側之心而賊勢如此亦必須厚集

德壯果公年譜卷三十

聖

兵力計出萬全若於初次見仗時痛加剿殺大挫賊鋒則勢如破竹易於集事若不俟兵齊即行接仗設或未能得手恐賊勢益張附和響應者多辦理棘手臣於西安滿營內挑派馬兵二百名軍標又挑帶二百名又於潼關協標內挑派二百名取道北棧前進約計所調河州兵一千五百名計日亦可到棧臣即順便帶往一面已知照撫臣提臣此次剿匪不可再募鄉勇復貽後患至叛賊強悍情形非綠營官兵所能制相應懇請

皇上酌派巴圖魯侍衛三十員即行前來以資派委至東三省勁旅如

回鑾時軍務尙未告蒞仰懇

聖恩即將東三省隨圍之墨爾根並學習之官兵約一百名

派令領隊大臣帶領來陝於剿捕實爲有益

諭曰陝省新兵居多不足深恃而現在初次接仗尤須大加剿殺使賊匪驚心喪膽方足以挫賊勢而壯軍威所論甚是與朕旨悉合又稱此次剿匪不可再募鄉勇尤爲至當不易之論如果地方百姓自行團練堡寨護衛身家此則聽其自便不必官爲經理至於用以剿賊則斷不可本日已簡派溫春榮吉斯塔爾薛大烈三人先將吉林學習行圍之官兵二十一名帶往令於明日迅即起程兼將上次派往臺灣頭起之巴圖魯侍衛官兵

德壯果公年譜卷三十

聖

內遴派三十人一併帶往俟出哨後再將盛京黑龍江墨爾根暨學圍官兵派交富翰等續帶赴陝以資剿捕此項勁兵陸續到陝兵威壯盛自可將叛逆一鼓殲擒佇望捷音仰慰塵注

二十四日

公奏言臣途次接據陝安道陳祁稟報本月初八日叛賊竄至石泉經總兵王兆夢擊退後至西關外山梁屯聚又據署甯陝同知李晶稟報叛賊等於十一十二等日折竄獅子壩逼近廳城署總兵胡定泰帶存營新兵在城防堵等語現聞賊匪攻擾石泉之後人數又增馬本有二百餘騎近亦增添非厚積兵力不足挫其兇鋒且現據設總兵



胡定泰具稟甯陝新營新兵前經撫提臣親為安撫已屬甯貼乃一聞叛賊有折回之信即有越城潛逃之人此外各營新兵內似此者尚多設以尋常之兵急於通勦恐萬一稍有挫失是以札致撫臣總宜稍候兵力不可急於輕試臣已飛飭勒保將前此預備派赴臺灣屯土官兵二千名迅速前來聽候調遣並調松潘營兵一千名建昌營兵一千名又新疆營兵一千名來陝會勦謹遵

諭旨將前在軍營歷經得力之侍衛章京等三十人開寫名單進呈伏候

賞給以資管帶臣現即兼程前進

德壯果公全譜卷三十一

聖

諭曰甯陝叛賊由洋縣竄抵石泉經總兵王兆夢帶兵勦逃之後復於十一十二等日北竄獅子壩逼近甯陝廳城現據署總兵胡定泰稟報甯陝存營新兵內一聞叛賊折回之信即有越城潛逃之人德楞泰以各處新兵似此者尚多恐不足恃必須調集多兵方可痛勦現已札致方維甸不可急於輕試所見甚是朕心亦以為然此時並不加之催迫但此時必須四面兜圍使之不能外軼則大兵齊集之後即可一舉殲擒儻防堵稍有不嚴賊復他竄則將來分投勦捕更為棘手德楞泰務須飭令各處加緊防堵勿令奔軼出山致有蔓延此為最要至此時陝省各營新兵較多自不可輕為嘗試但現在如川省田朝貴唐文

淑已帶川北重慶兵二千名由漢江南岸而來豐紳亦先經帶省標及松潘建昌兵三千名由七盤關一路赴陝楚省復有呢瑪善帶領鄖陽宜昌兵二千名由白土關進發甘省河州兵一千五百名亦經游棟雲帶領赴陝固原兵亦經方維甸早為調集數路官兵總共有八千餘名兵力已數倍於賊又非同省之人有何疑慮自應乘機即為勦辦若必俟派往之東三省及屯練到時方議進兵未免坐失機宜太遲緩矣德楞泰總當於持重之中仍加以奮迅若能於東三省及屯練之兵未到之前早為蕪績豈不更善兵貴神速想德楞泰亦能見及於此也再前此先派溫春桑吉斯塔爾薛大烈帶領巴圖魯侍衛官兵五十餘員名起程赴陝本日德楞泰所請派往之巴圖魯侍衛等各員名亦已准令派往尚有盛京黑龍江學圍官兵墨爾根等均於出哨後即交富翰百順分兩起帶領赴陝計前後共一百數十員名此項官兵必須馬力方維甸務當先期預備騰壯馬匹以利進行為要

德壯果公全譜卷三十一

聖

三十日

公奏言查總兵楊芳在甯陝數年整飭營伍是其專責乃所管兵丁竟至叛逆祇因該鎮署理提督遠在固原情稍可原是以督撫臣未經參奏迨甯陝鎮城被擾之後業經督撫臣奏明將該鎮調回本任該鎮即應先至甯陝將存



城各兵及一切撫馭防備事宜妥為安頓乃帶領固原兵二百名由棧道漢中一帶繞道行走嗣抵城固後提督楊遇春將調出甯陝各營新兵統交楊芳帶回以防叛賊折竄詎該鎮既未趕緊馳回迨行至石泉與賊相近又未能迎頭攔截竟視此起叛賊與彼無干以本鎮防堵安輯之事悉委之於初到護理之參將胡定泰似此避難就易之員若不據實參奏何以肅軍紀而示懲創相應據實參奏

請  
旨至此時賊匪於十六七等日攻打焦家堡後聞有奔向東南竄四畝地並鎮安之勢現在該匪等四路皆可奔竄

德壯果公年譜卷三十一

三十一

叛逆情形惟當專力用勦不必設防擬俟官兵齊集分為四隊視賊所向四面會合圍剿萬一打散即分投跟追無論竄川竄楚

總當緊躡督剿期掃除

諭曰賊匪此次攻擾焦家堡後有向東南奔竄之勢關係緊要該處東南即係鎮安商雒一帶路通豫省該匪等從前隨營充當鄉勇於官兵虛實及川楚陝道路情形均所熟悉此時官兵雲集其路通川楚地方接壤處所有各該省官兵防堵協剿該匪豈肯迎向有兵處所此次或由陝竄豫肆行搶掠俱未可知除諭知馬慧裕督飭兩鎮帶兵於各要隘嚴密防堵外德楞泰總當妥為布置願住東南將賊匪逼向西竄聚而殲洗為要又據

奏體察叛逆情形惟當專力用勦不必設防備賊竄川楚德楞泰總當緊躡督剿等語所見皆是賊匪本屬無多官兵但不予以暇隨處擊勦自不必多設防兵徒滋糜費至楊芳係甯陝總兵所管兵丁竟至叛逆本有應得之咎今帶兵回省又復繞道行走及至石泉與賊相近未能迎頭攔截實屬懈玩此時若遽將伊革職伊轉得置身事外楊芳著先革去翎頂暫留本任仍責令帶兵勦賊立功自贖以觀後效如仍前疏懈即著德楞泰嚴參治罪

九月初六日

公偕方維甸奏言

德壯果公年譜卷三十一

三十一

迎頭前來探知叛賊復回甯陝後又由買家營東竄在穆土坪一帶遊弈並未他竄又據甯陝應稟報該匪沿途攻撲永固寨經寨首賈懷邦等督同獵戶擊斃賊匪十人內有戴藍頂花翎賊目一名旗手一名經寨民割取首級連翎頂旗幟呈驗又青崖寨石灰寨亦各擊斃賊匪數名並查得叛賊十二日攻撲焦家堡時經署同知李晶督率寨上貢生焦世彥並焦姓族人焦世貴等協同官兵守禦於寨濠擊斃賊匪十人寨民高十五黃文學為賊匪戮斃前此自行投回絞犯王春隨同守禦亦受箭傷身死等情

臣德楞泰即飭將該寨民等賞給花紅銀牌銀兩優加



獎勵現據楊遇春呈報兵丁緝獲落後賊匪二名又據楊芳稟報拏獲從賊投回之甯陝兵丁田宗信嚴文禮岳興黃振江四名甯陝存營兵丁人人憤恨皆欲生食其肉均經立時查訊正法看此情形寨堡均能守禦賊新兵之未從賊者皆知恨賊自不至復有勾結情事臣德楞泰本擬即日馳往東路督剿惟所調川省各路官兵尚未到來現復飛檄頻催一俟到兵四五千名即當先行趕剿至現在剿賊之事由德楞泰統率辦理臣方維甸無庸辦軍務擬即遵

旨回省將糧餉及彈壓地方事宜督同藩司朱勳妥為經理至賊

德壯果公年譜卷三十一

聖

首姓名臣方維甸前經詢訪係陳遠順陳先倫王俸三人為首王文龍蒲拜子田洪全陳才劉月勝康朝俸亦係同謀又詢之不肯從賊半路投回密報賊信之馬兵李占榮亦相符合此外又查有索貴吳老五劉興宋發元董貴孫發王天才林大武並有與陳才同名一賊均係賊目其苟文興一犯與苟文明等弟兄行輩因搜捕時自行投出貨死入伍現亦隨同叛賊充當賊目尚非首逆以上各犯現經懸賞緝拏其李占榮本係藍翎把總緣事斥革復充馬兵此次被賊縛去不肯從逆脫身稟報賊情殊堪嘉獎其於賊營頭目均所認識現今跟隨大營遇有緝拏之賊即

可令其指認其前此洋縣肥城之數十人即係由甯陝大股分出賊匪緣聲敘未明以致上煩

聖明垂詢實深惶悚

諭曰德楞泰等奏行抵城固會商一切情形發摺時向未與賊接仗此時各路之兵計可陸續到營德楞泰當即日督率趕剿不可再有延緩至所奏叛賊滋事時寨民等能擊斃賊匪數人至十餘人不等此項寨民已據德楞泰等酌加獎賞此內有實在奮勉幫同出力者更當優加鼓勵或應賞給官職之處著德楞泰查明保奏至各營新兵不可置之不用前已屢次訓諭今據奏稱楊芳拏獲從賊投回之兵丁田宗信等該處存營兵丁同

德壯果公年譜卷三十一

聖

深憤恨皆欲生食其肉等語可見新兵能知大義者自復不少德楞泰當再行剴切曉諭以爾等不為所誘共矢同仇果能殺賊立功即可受賞得官勉圖上進似此開誠導諭新兵自能帖服遇有進剿接仗等事仍與陳兵撥勻派調密為控制庶使該兵等釋其疑懼非特目前可息事端即事定以後亦可照常歸伍免致另生枝節也又據奏苟文興一犯現亦隨同叛賊充當賊目尚非首逆該犯係苟文明等弟兄從前免其一死此次復敢從逆充當賊目必當臨陣拏獲凌遲處死此外為首各逆務須按名拏獲訊明屬實均應凌遲處死不可寬貸現已九月初旬此次叛賊無多德楞泰總須趁此秋高氣爽之時上緊剿辦



至辦理糧餉軍火及彈壓地方事宜均關緊要方維甸著卽回  
省委協料理不可稍有遲誤

十五日

公奏言據探報賊匪於八月二十三日竄至鎮安縣屬之  
沙溝口攻破佳祥寨寨民間被裹脅復竄至縣屬雲蓋寺  
攻撲仁邇寨未破被寨民擊斃賊匪七名該匪旋至縣城  
一帶窺探因見城中有備卽於二十五日由石砦子直逼  
孝義廳城乘夜於東北山梁瞰視放火吶喊城上守禦甚  
嚴連放鎗礮轟擊相持半夜賊卽拔營北竄該廳城外關  
廂居民先經同知徐雙桂都司梁元凱移避入城未被擾

德壯果公年譜卷三十

語

害等語又據在省司道稟報賊探於二十九日至板廟子  
三十日馬步賊匪數百人打旗二三十桿陸續竄出大峪  
口經副都統祥保督率滿營馬隊官兵迎敵擊斃在前賊  
匪二人該匪旋即退入峪口尚在窺探將軍扎勒杭阿又  
添派馬隊數百名前往堵截初一日大霧迷漫該匪復乘  
間竄出峪口沿山西奔由子午鎮竄至灃峪一帶滿營馬  
隊跟蹤追剿至省城內外扎勒杭阿督率司道將備早經  
防範附近峪口居民亦經搬移入城情形尙屬甯貼其前  
調甯夏官兵一千五百名據報九月初三四日可到西安  
並探聞總兵楊芳帶兵已由東江口前至峪外堵截等情

臣查陝省南山一帶峪口甚多處處可以出山該匪乘間

竄出自係試探官兵虛實現經祥保帶兵領滿營馬隊擊  
剿又有總兵楊芳並甯夏總兵汪啟均各帶兵接續趕到  
該匪諒不敢於平原滋擾惟賊匪有二千餘人總未有官  
兵擊剿任意裹脅賊數自必加增今竄出之賊祇數百人  
或竟係分股抑或前隊出山試探後隊尙在峪內賊情詭  
譎未得確信而竄出之賊勢已西趨棧道一帶亟須有兵  
截剿此時川兵尙未到齊卽就現有之兵令扎克塔爾  
楊遇春督同副都統蘇勒芳阿總兵田朝貴游棟雲侍衛  
特依順保彥不勒副參領吉勒彭阿副將祝廷彪遊擊永

德壯果公年譜卷三十

語

明國琦張起鼈劉元明等帶領川北河州固原並楊遇春  
原調漢中營兵共四千六百餘名取道洋縣進山探剿臣  
亦卽督同總兵唐文淑協領關喜副參領克什布委參領  
慶善副將李廷臣馬文斌參將劉廷斌遊擊楊登魁涂陞  
帶領重慶及潼關兵一千二百餘名由漢中折回褒城前  
探賊蹤進兵攔截適豐紳已帶兵一千五百名迎至漢中  
臣卽令隨同前進又四川將軍特清額聞賊匪滋事之信  
亦來營帶兵現亦會合一路數日建昌等營官兵陸續趕  
到臣等卽可一併帶往再臣自到漢南一帶大雨旬日溪  
河處處盛漲各路軍報多係於兩岸設立竿繩牽曳接遞



本日天氣稍霽而各處水尙未消當此軍行緊要之時進兵不容刻緩臣沿途察看情形或淌渡或紮筏趁賊匪未經遠竄之際趕緊逼剿以期迅速肅事

德壯果公年譜卷三十一

三十一

德壯果公年譜卷三十一

次孫花沙納恭纂

嘉慶十一年丙寅

九月十八日

公奏言臣於十一十二等日接據探報叛匪全隊二千餘人乘夜陸續俱出大峪因有滿營馬隊分布防堵仍沿山西竄子午峪又探知總兵楊芳之兵將出峪口該匪遂亦西竄跟上前隊賊蹤初六日由鄂縣之宋村杜家莊一帶直逼縣城南門攻撲該縣城內有臣先行派往防守之軍標一百名在彼當經知縣胡晉康會同軍標千總羅萬存及本城把總教職佐雜等督率兵丁民壯運用槍石擊打賊匪分投復至東西兩面攻撲城上用槍礮擊斃賊匪十數人民勇王祿用石打賊被賊礮轟死賊匪在近城及關廂一帶焚掠時近一晝夜未退初七日晚楊芳由子午鎮帶兵趕到該匪遂退至離城五里之白楊寨屯聚時已昏黑楊芳之兵亦卽在近賊之處屯紮該匪於半夜連撲營盤五次楊芳首先督率所帶新兵奮力擊打左膀被賊矛戳傷雖已穿透尙不甚重兵丁帶傷數名因見本官受傷抵拒益力將賊連次擊退初八日黎明時甯夏總兵汪啟挑帶甯夏騎馬備弁趕到副都統祥保挑帶馬隊數百名

德壯果公年譜卷三十一

三十一



超來接應將軍扎勒杭阿亦帶領馬步官兵馳往聲援賊始稍退楊芳官兵出營追賊生擒騎馬賊目王允吉一名散賊陳保泰李才二名割獲戴藍頂花翎賊匪首級一顆賊隨竄逸已離城三十餘里等情查前因新兵難信而楊芳平日尙能籠絡駕馭是以

奏明令其管帶一千數百名自爲一路勦賊不令搭配陳兵藉以覘其向背今楊芳能首先督率迎敵帶傷後並不退縮俾新兵等齊心用命尙知愧奮自贖而新兵竟能合力相持實已與賊勢不兩立不惟反側之意已消並可堅其殺賊之念似此情形賊匪斷難煽誘帶兵之員即可專力

德壯果公年譜卷三十一

任用卽使與陳兵合隊彼此亦不致猜嫌臣等於會兵合勦之時亦可免一切顧慮成功必速洵堪上慰

聖懷現據盤屋縣稟報該匪由該縣祖安鎮焦家鎮竄至接觀臺距縣城三四十里均在鄂縣之西楊芳躡蹤追勦總兵汪啟催調甯夏步隊一千名與楊芳合爲一路其已抵鄂縣之西安馬隊四百名卽暫留於該縣防守以爲楊芳汪啟等援應又節據各處拏獲賊探供稱該匪欲由郿縣斜峪關竄入棧道至甘省兩當徽縣繞出漢南與臣前在洋縣連次所得賊信相符是以臣卽帶重慶及潼關兵一千二百餘名於初六日折回以顧西路初七日行抵褒城因西

縣城守空虛當將所帶潼關兵二百名派令協守適豐紳帶領省標及松潘兵一千五百名迎來會合當帶領前進途次建昌新疆等營官兵二千名亦分三起先後趕來統計現兵有四千數百名刻卽督同特清額豐紳唐文淑等兼程探勦十三日已抵鳳縣隨探隨進賊若西來卽可迎頭痛勦並顧竄甘之路至扎克塔爾楊遇春等帶兵五千餘名現由洋縣華陽盤屋二郎廟探蹤進勦一得賊匪西竄之信卽躡蹤前來與臣兩面夾擊其呢瑪善所帶之兵已由郿西山陽一帶前來東路可資屏蔽總之東西南北四路俱已有兵隨賊竄向何處俱可痛加勦洗斷不致

德壯果公年譜卷三十一

任其遊奕肆竄所有擒獲賊目王允吉並夥賊陳保太李才三名已飭令訊明卽行正法現在臣營又拏獲賊探唐貴山一名訊係隨同西江口兵丁起事賊匪亦經正法示眾所有賊營起事首逆臣節經研訊賊探據供首逆係陳達順陳先倫王倖其一同起事著名逆犯係王文龍蒲拜子田洪全陳才劉月盛康朝倖索貴吳老五劉興宋發元董貴孫發王天才林大武並另有與陳才同名一賊近又添有楊昇楊倖劉標羅姓歸姓等爲先鋒六七人如王允吉等打旗賊目尙有十數人不能悉知姓名其苟文興在賊營近日亦稱先鋒常與陳達順蒲拜子等爲一路並稱



賊在大山谷時推蒲拜子即蒲大芳爲大元帥諸賊皆聽調遣等情統俟臨陣擒獲時訊明分別嚴辦再 臣適接扎勒杭阿來信並省城司道稟報扎勒杭阿於楊芳打仗後親至軍營看視見楊芳左膀所帶矛傷雖已穿透尙未傷筋著骨而胸前尙有劃傷三處幸不甚重尙可帶兵打仗等語

諭曰德楞泰軍營現在豐紳所帶松潘鎮安及建昌新疆等處官兵先後趕到統計已有兵四千數百名扎克塔爾楊遇春等亦帶兵五千餘名合計已有萬餘兵力不爲不厚據德楞泰稱東西南北四路俱已有兵隨賊竄向何處俱痛加勦洗等語賊

德杜果公年譜卷三十一 四

匪祇有一股不過二千餘人脅從居十分之六七兇悍者僅六七百人以如許兵力加以東三省勁旅有何難辦既稱官兵將賊匪四面圍住務卽乘此兵威勉力辦理一鼓殲除佇聽奏捷佳音切勿稍有延緩至此次賊匪由鄂縣之宋村杜家莊一帶直逼縣城南門攻撲經楊芳督率所帶新兵奮力擊勦斃賊數十人並生擒賊目王允吉一名及陳保太李才二名並割獲賊領頂賊匪首級一顆賊鋒已挫可見新兵現在出力打仗德楞泰應將新兵加倍獎勵明白曉諭不但潛消其反側更可令其鼓舞效命於勦捕更易蕙事楊芳前因該管營兵滋生事端繼而又不趕緊追賊經德楞泰參奏業經降旨革去翎頂此次督

兵攻賊受有矛傷尙屬奮勉出力楊芳著加恩先賞還頂戴令其勉力勦賊以觀後效所有此次起事各首逆及有名賊目務須一律擒獲按律嚴辦毋任一名漏網此爲最要

二十二日

諭曰前據德楞泰奏新兵擊勦叛賊已挫兇鋒並稱各路官兵四面圍布隨賊所向俱可痛加勦洗等語看來德楞泰辦理已有把握現在又閱數日計接仗一二次即可全數掃蕩德楞泰惟應鼓勵將士奮勉圖勦務於十月內賊功竣事愈速愈妙不可稍有延緩爲最要至此次叛賊滋擾非如從前致匪分股四竄人數眾多者可比一經辦竣卽無須復議留防致滋糜費若接

德杜果公年譜卷三十一 五

仗獲勝後賊勢已就殘敗爲數無幾無需多兵勦辦所有徵調未到之兵如川省屯練等項俱可飛咨停止其已到之兵並應酌量遠近陸續遣撤至兵丁食糧入伍遇有緩急方賴以資捍衛乃此次叛賊並非地方文武激變竟以停止米折爲詞脫官肆擾實爲從來罕有之事且此等叛賊多係從前習教之徒經朕格外施仁從寬准其入伍今竟不知安分守法殊堪痛恨必須大加懲創以昭炯戒德楞泰務須將叛逆各犯按名擒獲無使一名漏網除在該處軍營分別凌遲正法外酌留二三名起意爲首要犯解京卽令帶兵勇健之員如富翰等酌派一二員押解護送來京候朕廷訊盡法處治以彰憲典德楞泰惟當趕



緊勦辦擒獲巨夥殄除餘孽用副委任承受厚恩勉之又勉仍將現在勦辦情形迅速奏聞以慰廑注

恭錄

御製詩

盼信二十韻

教匪已淨掃搜捕誠無遺三省漸復業相安太平時方幸永甯  
謚耕鑿恢復基忽傳新兵譟揭竿亂又滋既戕所部長醜類咸  
奔馳攻城兼掠寨百姓遭屠夷此輩原鄉勇入伍恩澤施負德  
甘背叛勦滅義問宜平定三省邪匪大功告成各路搜捕淨盡  
前因陝省五郡屬爲南山扼要之區特設南陝鎮增置官兵彈  
壓並於隨征鄉勇中請穎人伍者一體招募作爲新兵俾得簡

德壯果公年譜卷三十一

藉資其生計且可藉以鈴束詎此輩桀驁難馴於本年七月初  
藉停止加增米折銀兩爲由糾聚煽亂滋擾甯陝廳新舊二城  
賊善護鎮參將楊之震都司羅全亮焚燒衙署肆行搶掠竄向  
華陽二郎廟一帶經方維甸楊遇春帶兵入山勦辦嗣據探報  
叛賊有由西江口攻擾漢中之信江口營新兵亦間有蠢動叛  
賊復分股擾至洋縣踰城而上縣令曾彰泗馬賊被賊糾結幾  
及二千人投至石泉被官兵擊退復折回甯陝鎮城東竄至鎮  
安孝義因該處均有戒備未被擾害復由大山岔秦嶺一帶竄  
出峪口希圖入棧滋擾此叛賊倡亂情形也逆匪等以入伍新  
兵膽敢負恩背叛實爲覆載所不容故不得不亟行殄滅矣  
陝兵不可恃決機奚可遲爰命舊大帥西指重建旗勁旅遊百  
騎起起皆虎鬣別選甘涼隊更調蜀郡師雄兵已雲集一股賊  
盡靡捷音久未至又吟盼信詩自慚乏德化盜賊接踵隨良民  
始息役罹患增焦思方維甸楊遇春勦賊月餘尙無捷報爰特  
命德標率同扎克塔爾等前往督辦以  
示威重伏省存營之兵新募者多難不盡被賊煽惑恐未足  
深恃因思東三省勁旅素稱穩健所向成功適當八月木蘭行

圍之期吉林黑龍江兩處官兵前來熱河隨從進哨者計有四  
十餘人盛京學圍官兵又得二十餘人即馳諭德標率如果需  
此項精兵即速行奏請派往適德標奏至與朕意相同即令  
溫春桑吉斯塔爾薛大烈等帶領巴圖魯侍衛官兵等三十餘  
名並吉林官兵先行馳往出哨後又命富翰百順等帶領盛京  
黑龍江兵繼往聲威壯盛並調集甘省河州固原等處官兵三  
四千名川省建昌重慶等處官兵四千名屯土兵二千名楚豫  
兩省亦各派兵數千名在邊境堵截似此各路大兵雲集諒不  
難一鼓集事惟三省良民甫經安堵今又有 封章何太緩西望  
徒嗟咨轉瞬息冰雪凝凍虞乏疲亟願殄餘孽肅靜終南陲人  
事盡心力虔俟

上帝慈 德標奏自到陝後雖頻有驛章奏報尙係佈置一切情形  
旅亦可全抵軍營兵力較之賊衆多至數倍且近據德標等  
奏稱新兵勦賊亦能奮勉出力可見叛賊勾結無多雖與行  
及二千而真賊不過數百祇須痛殲一二仗即可蕩平今  
冬之期已近所願速清公弊免致水消冰凍望 聖鑒

德壯果公年譜卷三十一

釋惟冀 吳慈默佑俾關  
西黎庶早獲安恬實深虔企

二十七日

公奏言查賊匪在整屋郿縣一帶沿山奔竄有由寶雞益  
門鎮西竄甘境之勢 帶兵趕至寶雞渭河南岸星夜取  
道兜勦適薛大烈溫春桑吉斯塔爾帶領巴圖魯侍衛勁  
兵趕到會合即由益門鎮一帶隨探隨進扼賊竄甘之路  
該匪偵知西路有兵即由郿縣斜峪關南竄桃川五里坡  
一帶 臣 因扎克塔爾等一路官兵距賊更近當經飛飭近  
頭截勦二十一日接據扎克塔爾楊遇春等稟報十八日  
探知賊匪在塘口子好古堆一帶竄擾隨公同籌商扎克



塔爾同總兵田朝貴遊擊張啟釐劉元明國琦等步隊官兵由盤汭河順梁前進楊遇春同總兵游棟雲副將祝廷彪遊擊永明等帶步隊官兵由小罐口沿山前進副都統蘇勒芳阿侍衛特依順保彥丕勒副參領吉勒彰阿佐領巴杭阿等帶領馬隊官兵由梅凹順溝前進分兵三路於四鼓發隊天明齊抵良玉地方遇馬步賊三千餘人蜂擁而來扎克塔爾等督率官兵奮力直撲槍箭齊發賊首偽元帥蒲拜子即蒲大芳率眾首先衝來我兵直前擡殺刀矛並舉戮傷蒲拜子胸腹數處滾跌下馬旋被眾賊拾回登時殲斃賊匪數十人賊始敗退馬步官兵乘勢追壓三

德世果公年譜卷三十一

八

十餘里直抵拐里該處地勢散漫該匪恃其人多又有後夥伏賊接應四面分頭圍繞意圖抄截毫無畏怯我兵與賊攪殺自辰至午衝壓數次又斃馬步賊匪五十餘人該匪始向後山敗竄我兵追至山根賊匪分屯四山猶復抵拒扎克塔爾楊遇春等遂於方柴關扼要暫紮視賊所向再為進剿此次打仗共計擊斃賊匪一百數十人帶傷之賊三四百名生擒賊探偽先鋒彭貴等十二名夥賊四十六名賊首蒲拜子偽先鋒任八後俱身受重傷偽總兵陶姓受傷身死官兵內西安佐領巴杭阿左膝受傷河州千總候補守備趙洪周腿被矛傷穿透又陣亡額外委石

從德一名此外間有傷亡者容查明分別咨部辦理訊據偽先鋒彭貴供稱係西江口營兵前由鄉勇食糧此次甯陝華陽鬧事之兵到西江口叫我們七八十人隨同前去我就當了探馬頭屬陶總兵管轄賊營共有馬步隊三千餘人蒲拜子一人總管大家俱聽他指揮前日原要走寶雞由甘省秦州兩當竄往四川因探大兵已來即從斜峪關入山十七日到塘口子探得又有兵來蒲拜子等計議要與官兵決一死戰好由棧道過四川去不料官兵利害將我們殺傷甚多蒲元帥任元帥帶傷甚重我被官兵活捉等情扎克塔爾等現將擊獲賊匪五十八名解至

德世果公年譜卷三十一

九

營俟 臣 訊明分別辦理後另行具

奏此番痛剿賊匪實已大挫兇鋒據扎克塔爾等來信該匪被剿時有首逆在陣前跪稱情願投降者 臣 逆料賊情詭譎見大兵齊集欲圖藉此緩我兵力以便奔逃其言未可深信况該匪等罪大惡極實為覆載所不容斷無寬恕之理自當乘此兵力將為首各逆及曾經攻城焚掠之眾悉數殲除以示懲創而杜後患現在賊匪屯紮之處可通進口關安河一帶 臣 已督同各路官兵就近馳至方柴關一帶與扎克塔爾楊遇春等會合籌商分途兜截楊芳汪啟之兵亦已飭令會合一處趕緊圍剿呢瑪善之兵日內行



抵陝境臣已令迅速馳來會合其川省屯土官兵已分起  
行過成都不日由甯羌入棧臣因桑吉斯塔爾帶慣土兵  
管束調遣較爲得力已令馳往鳳縣留壩一帶齊集管領  
將軍特清額現往倭什布一路會合自須添給兵力臣已  
酌撥川兵交令帶往鳳縣一帶協同倭什布探勦萬一賊  
匪由進口關等處西竄桑吉斯塔爾所帶土兵即可與倭  
什布等約會合力堵截此時生力之兵厚集隨地緊蹙窮  
追無論賊竄何處總不予以片刻之暇自卽立見窮蹙  
仰蒙

聖主畀以軍旅重任叛匪早一日完結卽可早一日上慰

德壯果公年譜卷三十一

十一

聖心臣亦可早一日回京斷不敢有意外耽延自甘嚴譴

諭曰此次賊匪由斜峪關南竄肆擾經扎克塔爾等一路官兵迎  
頭截殺殲斃賊匪一百數十人擒僞先鋒彭貴及夥賊五十  
八名並戮傷賊首蒲拜子及僞元帥任八後尚有僞總兵陶姓  
受傷身死其餘帶傷之賊尙有數百看此光景賊勢竟無能爲  
從前邪匪滋事時其兇悍首逆如高三馬五之類每與官兵接  
仗均係在後觀望不輕肯易上前得利則進否則乘機竄逸詐  
詭萬狀是以殲獲甚難今該首逆蒲拜子初次與官兵接仗卽  
首先衝突我兵因得認明指戳刀子並舉傷其胸腰數處滾跌  
下馬幾被擒獲其毫無伎倆可知設彼時有東三省官兵在陣

竟可將該逆殲斃今該逆雖幸獲延喘而氣已衰餒亦不難乘  
勢追擒德楞泰務當督飭各路將領視賊所向設法圍攻務期  
一鼓殲除不可懈緩試思此次接仗之時東三省官兵及川省  
屯練均尙未趕到而業已得有勝仗是緣營官兵亦能出力未  
始不可用以勦賊况現在東三省及川省屯練官兵又已次第  
齊集兵威愈壯勦此潰竄無能之賊又復何難德楞泰務須遵  
照昨旨趕緊辦理期於十月內一律肅事至此次官兵勦賊時  
據稱有首逆在陣前跪請乞降者德楞泰以其罪大惡極斷無  
寬恕之理所見甚是此次大兵專辦叛賊伊等身隸營伍敢於  
糾眾謀逆已犯不赦之條豈能再爲寬宥但賊營內現有三下  
餘人未必全係叛逆或亦有沿途裹脅爲炊爨服役不得已而  
從賊者此等爲從之犯若未經抗拒官兵則尙有一線可原當  
此大兵雲集若已畏懼潛逃竟可置之不問儻臨陣乞降或殺  
賊自贖均可量爲寬貸德楞泰並當廣爲曉諭多設間諜卽將  
如此分別辦理之法宣播賊營既使從賊之入早知去就且使  
真正賊匪聞之心生惶惑立時潰散庶蕪事更可迅速

恭錄

御製詩

陝信

背德甘爲亂潢池自合汗六師集秦嶺一戰刈衰蒲首逆應膏



賊脅從可緩誅速祈滌殘孽

吳澤小陽敷

據德楞額奏賊匪由柳縣斜峪關南竄桃川五里坡於九月十八日兵分三路齊抵良玉地方適馬步賊三千餘人蜂擁而至偽元帥蒲拜子首先衝來我兵直前攪殺傷該逆腰胸數處官兵乘勢追壓三十餘里復有後賊接應又經我兵衝壓數次該匪始向山後奔竄現在官兵扼要暫紮視賊所向再為進剿合計擊斃賊匪一百數十名帶傷之賊三四百名生擒賊探及夥賊五十餘名叛匪倡亂肆逆亟應迅速殄除今所請各兵初次接仗即將首逆蒲拜子殺傷並獲賊匪黨多名其勢已挫因念賊中脅從者眾特諭德楞額等凡係新兵作亂即窮蹙乞命亦在不赦若被裹民人為之炊爨服役者或臨陣乞降或殺賊自贖尚可量為寬貸並令德楞額等曉諭賊黨廣為宣布於勦捕機宜更為有益此時東三省官兵已陸續到彼川省屯土兵亦已調集聲威愈壯自當一鼓殲除剋期肅清現已屆立奏蕩平共沐陽春 吳恩敷佑印 仁澤也

十月初四日

德皇果公年譜卷三十一

三

公奏言 臣因賊匪敗竄之處可通安河進口關一帶入棧

之路甚多 臣督同薛大烈豐紳溫春等趕抵方柴關與扎

克塔爾楊遇春等會合即商令扎克塔爾楊遇春並楊芳

之兵共為一路由兩河緊躡窮追 臣同薛大烈等帶兵由

進口關過截緊顧西北竄甘之路一面知會倭什布特清

額派兵於鳳縣圭崖寺一帶設伏扼賊入棧之路屯土官

兵已接續行至襄城留壩一帶 臣即令桑吉斯塔爾馳往

管帶扼賊西竄黑河之路兵分四路基布星羅賊探四出

偵知處處有兵不能遠竄即在白蟒寺空觀子一帶屯聚

二十四日扎克塔爾楊遇春楊芳之兵趕到該匪尙欲拒

敵適 臣前敵薛大烈豐紳溫春等帶領巴圖魯勁兵並四

川松潘等營官兵趕到該匪震懾軍威首逆蒲大芳王文

龍等率領多人至陣前拋棄兵仗環跪痛哭乞命惟首逆

陳達順陳先倫尙在後隊督催戰手迎敵薛大烈扎克塔

爾楊遇春等當以該匪窮蹙求饒斷難寬恕且後隊賊匪

尙在吶喊迎拒可見降順並非本心隨令施放槍礮弓箭

蒲大芳等大哭聲求情願自將首逆縛獻祇求暫緩進攻

扎克塔爾楊遇春等將計就計暫止槍礮蒲大芳等遂奔

回賊營約半日許果將陳達順陳先倫並幫同陳達順齊

隊之江口營賊首向貴一併捆縛送至大營蒲大芳王偉

德皇果公年譜卷三十一

三

王文龍劉月盛苟文興等大小賊目二十餘人一併同至

大營哭求饒命並稱願將投順叛賊並隨同滋事游匪及

裹脅百姓共計四千餘人分為數處屯紮聽候查辦維時

臣後隊已到當經扎克塔爾薛大烈楊遇春面稟情形隨

訊據蒲大芳王文龍等供稱當日起事原係陳達順陳先

倫二人主謀殺護鎮楊之震遊擊羅全亮亦伊二人喝令

動手故不敢前來投降尙在齊隊抗拒我等當日祇係隨

聲附和等情質之陳達順陳先倫供認不諱詰以在洋縣

攻城殺官何人為首陳達順直認不辭其兇狠之狀實堪

切齒至向貴一犯訊明雖非兵丁實係江口游棍先糾約



叛匪羅玉等應賊自認攻城破寨抗拒官兵屢屢如繪此等起事首逆斷不可稍稽顯戮即將該犯等綁赴營門割處死並安設護總兵楊之震署遊擊羅全亮署洋縣知縣曾彰泗牌位委官致祭以彰

國憲而慰忠魂仍傳首滋事各地方營縣俾百姓共為洩忿快心各營汛新兵亦得聞所警戒正在分別查辦聞據楊芳馳來面稟有隨賊滋事遊匪並洋縣等處監犯及軍流等犯約計一千數百人於二十五日半夜投營逃赴留備江口一帶該鎮告請馳往截回賊首蒲大芳等跪求情願跟隨楊芳前去拏賊臣姑允所請為以誘攻誘之計二十

德壯果公年譜卷三十一

四

六日楊芳挑帶新舊官兵並同蒲大芳等大小頭目二十餘人緊躡兜截扎克塔爾楊遇春薛大烈豐紳溫春接續馳往趕至江口該匪正欲起隊南竄當經楊芳官兵截住扎克塔爾楊遇春薛大烈等亦接踵而至於賊隊中訊出起意逃竄匪徒朱有貴李得吳大才唐倬周得五名當經用矛攢截立斃夥匪等畏懼隨即停紮扎克塔爾楊遇春薛大烈楊芳等以叛賊游匪皆蒲大芳等所帶游匪既有反覆則叛賊之投降亦難憑信當向蒲大芳等嚴加詰問蒲大芳等情願派出數人即將叛賊遊匪及被裹難民分別造冊呈送核辦臣伏查賊首蒲大芳等因官兵四路圍

逼窮蹙乞降本當於陣前悉數勦洗但人數眾多恐玉石不分且該犯等既將起事首逆陳達順等獻出同楊芳將游匪等截回其情似尚可信此時叛賊及游匪等不下三千餘人既據聲稱願降自應仰體

皇上好生之德不便概予誅戮即蒲大芳等雖係首逆業已率眾乞降尚知悔罪亦似未便即予駢誅轉致人生疑懼祇可俟大局辦定再為請

旨分別懲創現在叛賊游匪等俱在江口一帶屯紮楊芳即於該處帶領官兵彈壓臣督同扎克塔爾薛大烈楊遇春豐紳蘇勒芳阿並各鎮將厚集兵力在西河口一帶駐紮匪賊

德壯果公年譜卷三十一

五

僅十餘里倭什布特清額帶官兵一千餘名移駐鳳縣三岔驛桑吉斯爾帶領土兵二千名駐紮留備皆與賊屯相近俟該匪呈送冊籍到營臣體察情形隨機辦理受降如受敵總當萬分慎重斷不敢將就了事再扎克塔爾楊遇春等前在良玉地方臨陣生擒賊匪彭貴等五十八名臣當即發交委員分別研訊內彭貴一名係西江口兵丁與先鋒羅玉一同起事充當探馬頭供認曾經攻城破寨即凌遲處死又徐升楊順等三十八名訊明或當矛手或作賊探或隨同在洋縣城內焚掠俱屬法無可貸當即正法其餘王興等十九名俱係百姓被賊裹脅當即就近發文



寶雞縣分別給予路票資送回籍又洋縣稟報擊獲賊探岳貴江口營參將張聯奎稟報擊獲賊匪唐升長安縣稟報擊獲賊匪張明得俱經批令確訊罪無可寬亦即正法

諭曰本日遞到德楞泰六百里奏報據稱官兵追剿賊匪於兩河進口關及襄城留壩等處分爲四路基布星羅該匪震懾軍威賊首蒲大芳卽蒲拜子王文龍等率領多人至陣前拋棄兵仗環跪痛哭乞命將陳達順陳先倫並幫陳達順齊隊之江口營賊首向貴一併捆縛送至大營當經德楞泰訊明懲辦處死蒲大芳等復將匪徒內起意逃竄之朱有貴李得吳大才唐作周得五名用矛戳斃夥匪等畏懼停紮現在德楞泰督同將領官

德楞泰奏卷三十一

表

兵就近駐劄隨機辦理等語陳達順身充甯陝新兵敢於糾約匪徒倡謀叛逆攻城擄掠戕害官員肆意竄擾實屬罪不容誅前因其裹脅漸多奔竄無定特派德楞泰統兵查辦德楞泰到彼率領扎克塔爾溫春薛大烈及楊遇春楊芳等嚴密布置分路進攻初次進仗卽大挫賊鋒茲復緊躡追剿該逆等畏懼軍威痛哭乞降並將首逆陳達順陳先倫向貴等捆縛送出當經臬割處死其在後拔營欲逃之一千餘人又經該犯等隨同楊芳官兵前往截回將起意匪徒朱有貴等五名一併用矛戳斃現在賊夥等四千餘人俱在江口一帶停紮聽候查核辦理實爲迅速德楞泰著交部議敘並賞給黃綬大荷包一對小荷包

四箇以示優獎其隨同帶兵之扎克塔爾溫春薛大烈楊遇春一併交部議敘並各賞給小荷包四箇至楊芳此次在前敵勦賊亦屬出力本應一體議敘但前此於該管新兵未能妥爲彈壓以致陳達順叛逆滋事其咎甚重是以將伊革去翎頂令其帶罪立功嗣因其殺賊受傷尙爲勇往業經賞還頂戴並著賞還花翎毋庸另給議敘

又

諭曰此時賊匪見大兵雲集四面環攻震懾軍威賊首蒲大芳王文龍等率領多人在陣前環跪哭痛乞命將首先謀逆之陳達順等三人捆縛送出其隨後逃赴留壩等處之賊匪一千餘名

德楞泰奏卷三十一

表

又經該逆隨同官兵截回將賊夥四千餘人在彼屯紮聽候核辦看此情形其畏懼乞降情節自屬可信此時自無概予誅之理但此內有係曾經入伍食糧隨同叛逆及係地方游匪隨賊抗拒官兵並各處軍流人犯乘間脫逃及地方民人被其裹脅者情罪本自不同自當分別核辦此時賊匪甫經乞降正在疑懼之際轉不妨明白曉諭以爾等曾隸營伍輒敢隨同叛賊往來肆擾本罪在不赦但此時悔罪乞降不敢抗拒並將首逆陳達順等捆縛獻出尙有一線可原現已奏明皇上格外施恩賞爾一死但國法具在亦不能不治爾等之罪惟當將叛賊游匪及乘間脫逃之軍流人犯等詳晰造冊分別送呈靜候核辦



德楞泰於該賊匪等造冊到時詳加酌定將應得罪名仍俱按律問擬卽至輕者亦當定以遣戍一面將各犯照例監禁勿令聚在一處此爲最要一面繕摺奏聞候旨辦理此三千餘名內若實係被裹民人止在賊營服役炊爨並未抗拒官兵者德楞泰查訊明確卽著先行釋放回籍至此時大局甫定賊眾尙聚而未散所謂受降如受敵不可不倍加慎重卽如各處所調之兵其現在途次尙未到陝者自當先行撤回其餘到陝各兵亦當酌量道途遠近陸續遣撤其巴圖魯侍衛官兵及東三省勁旅此時旣無勦辦之事卽可交原帶之溫春等分起帶回不獨節省糜費亦可令其早就宿居此時善後應辦之事尙復不少

德楞泰自當在彼多住時日乘此兵威大加整頓務期事事完善永臻甯謐方可回京若草率了結恐滋流弊不可不悉心妥辦庶可一勞永逸現在叛賊乞降尙加恩宥其守法之新兵斷無復行查辦之理但此項新兵聚集一處終非妥局從前原議與各營陳兵分四六酌搭該省竟未能照此辦理致有今日之事茲正當軍聲大振之時或一面將新兵等加以鼓勵一面設法將伊等分隸各營使之散而不聚並須令各營陳兵數倍於新兵方足以資鈐制或將來於新疆兵丁應行換班之時是否可以酌量調遣之處亦密爲妥議德楞泰惟當不動聲色相機妥辦統俟善後辦竣大兵方可全撤

恭錄

御製詩

領侍衛內大臣繼勇侯德楞泰奏報勦辦賊匪事竣詩誌

欣慰

用兵宜速守

先言已隸營屯敢負恩

三省平定後辦理善後事宜已將鄉勇一食餉乃此項新兵之隸甯陝鎮者忽於七月初收官滋擾負恩背叛該匪等性本桀驁糾結鴟張不得不厚集兵力大加懲創爰調派各路官兵及東三省勁旅共二萬有餘特命德楞泰率同扎克塔爾等前往督辦復命溫春桑吉斯塔爾薩大烈富倫百順等先後帶領巴圖魯侍衛官兵等馳赴會剿蓋兵貴神速昔年仰承 聖訓指授鎗鈴今茲決機制勝亦惟服膺弗失耳

二萬雄師方振旅三千小醜盡驚魂事成一鼓除元惡律按

餘氛翦蔓根不可勝誅投絕域止仁明罰治功原

德楞泰等帶次接仗時已大挫賊鋒連日盼望捷報甚切適於孟冬四日據德楞泰奏官兵追勦賊匪於兩河進口關及襄城留壩等處分爲四路基布星羅賊匪探知處處有兵不能遠竄卽在白蟒寺一帶屯聚九月二十四日扎克塔爾楊遇春楊芳帶兵趕到德楞泰前敵勦旅繼至逆匪震懾軍威賊首蒲大芳卽蒲拜子王文龍等率領多人至陣前拋棄兵仗環跪乞降其時首逆陳逆陳先倫尙在後隊抗拒官兵仍施放槍礮弓箭蒲大芳等遂請奔回賊營將陳達順陳先倫並江口營賊首向貴一併捆縛送至軍營蒲大芳王文龍王偉劉月盛苟文典及大小賊目二十餘人同至大營願將投順之叛賊游匪及裹脅百姓四千餘人分爲數處屯紮聽候查辦德楞泰當卽訊明起事主謀之首逆陳達順陳先倫並首逆游匪千餘人於半夜拔營遁經楊芳查辦間有先經從賊之游匪千餘人於半夜拔營遁經楊芳馳往截回蒲大芳等亦懇求隨往復將起意逆賊朱有貴李得吳大才唐倬周得五名用矛戳斃夥匪等畏懼停紮蒲大芳等現將叛賊游匪及被裹難民分別造冊呈送核辦德楞泰督同將領官兵就近駐營除業經釋放者計有三千餘人請旨遵辦此逆匪窮蹙乞命情形也逆匪等以入伍新兵膽敢糾眾倡



亂罪在不赦惟當大兵雲集蒲大芳等自知萬難逃竄願請貸命並將始禍兇渠擒縛就戮稍有一線可原因諭令德楞泰等於查辦時將被賊裹脅之良民先行省釋此內叛賊游匪曾經抗拒旋復歸順者仍按律分別定擬俟旨遵行朕仰體上天好生之仁固不忍概行誅殛然國典具在必當按其情罪量予發遣此實法外施仁之至意也

初八日

諭曰前據德楞泰奏報賊匪環詭請降窮蹙乞命當經降旨令於造冊呈到時詳加酌核分別定擬奏聞候旨辦理並令方維甸帶同臬司素納馳往軍營與德楞泰會晤商酌今方維甸奏稱慮及賊匪乞降後設仍令歸原伍聚處南山恐留後患等語焉有此辦理之法試思該逆等罪不容誅於萬無可貸之中竟其一線生路已屬法外施仁若令歸入原營將焚燬兵房重為修

德世果公年譜卷三十一

三

建不特糜費帑金且該逆等肆意劫掠之後仍得充補營兵無所懲誠必致日久復生反側成何事體方維甸所慮未免過當朕豈如此懦弱壞法養奸斷無此理斷無此事著傳旨申飭

十一日

公借倭什布奏言竊臣倭什布聞賊匪等窮蹙乞降之信隨即至德楞泰大營維時蒲大芳王文龍等隨同楊芳截回竄匪後復帶領大小賊目等前至臣德楞泰軍營環跪求饒繼以痛哭等詳悉嚴訊據供陳達順陳先倫當日起意主謀殺官破城情由眾口一詞與前奏供詞無異詰以蒲大芳既非主謀何以偽稱總元帥據王文龍等供稱

陳達順陳先倫性情暴戾武藝又好自起事以至洋縣破城石泉攻城皆伊二人主使王倖雖同他在一處因患病並未管事後來病好聽見老楊大人楊五大人俱帶兵來王倖王文龍蒲大芳就與陳達順陳先倫商量要想投出陳達順陳先倫不依我們見他行事太兇又不敢各自逃散就大家商議叫蒲大芳出來幫他做些主張以求生路蒲大芳就與陳達順等商量另立條規祇可掠食不可擅殺百姓擄掠婦女陳達順等也就依了到了孝義陳達順要由東川到商州河南去蒲大芳聽得德侯命兵在西路與我們背地商議若出峪口沿山西去可以就近投營

德世果公年譜卷三十一

三

明情節遂力勸陳達順等說峪口糧多可以掠食陳達順等拗不過眾人亦同行走到了鄂縣城下與官兵相近晚間陳先倫帶人撲營數次未能撲動到了天明蒲大芳等看見楊五大人遂哄陳先倫說後路又有大兵來了陳先倫率眾退走官兵追出傷了好些人後來到柴關遇見馬隊並四川官兵我們還抵拒了一回所以蒲大芳受傷旋見扎大人同老楊大人兵來並聽說德侯命大兵也到我就陣前丟了器械哭求饒命陳達順陳先倫向貴三人尙在後隊催戰蒲大芳王文龍王倖劉順張坤戴興隆陳才劉月盛索貴董貴宋發元林大貴卽林大武劉興等就跑



回後營將陳達順陳先倫向貴三人哄到棚內捆縛獻出的當日在甯陝時陳達順等原叫我們去算錢糧不料到了當場陳達順先就動手我們在一處勢成騎虎祇得受其脅制實不敢有意謀反若果有此意依著陳達順等由商州到河南地方富庶又無大兵豈有不去轉向德侯爺臨近的地方自尋死路麼祇求恩典等情至在江口截住之一千數百人當經楊遇春督同楊芳逐一查點訊以逃竄緣由據大眾僉稱我等俱係被脅百姓當日說大家投降我等人人喜歡原就停住聽信二十五日晚間頭日朱有貴李德吳大才唐倅周德五人到各棚傳令說他們雖然降了我們還是各尋頭路不受拘束又可混喫喝我們起初原不聽他他就將我們夥內一箇姓王的戳死我們畏懼隨行逃到江口幸大人們趕來將朱有貴等殺死我們就有命了祇求釋放等情楊遇春等因此起人數有一千四五百名之多內陝省民人居其大半當即逐名訊問籍貫住址分別酌給路費遣令回籍其餘被脅難民除先已遣回數百人外尙有一千六七百名連日亦俱次第遣散統計前後資遣共有三千八百餘名收繳長矛三千五百餘桿礮二位鳥槍三十餘桿其中雖不免有游手好閑之徒與難民間雜但人數甚眾均以棄械來降不能立辨

德壯果公年譜卷三十一

三

良莠臣德楞泰派令營中員弁隨路分投巡緝如有在途逗留滋事臣倭什布亦行知所在地方官嚴密稽查妥爲安插此等脅從之眾散則易辦聚則難誅臣等惟有督飭地方文武隨地隨時嚴密稽察以杜後患惟未經收集之時見有隨同叛賊之游匪難民及洋縣監犯各處軍流人犯二三百人拋棄軍械陸續逃散臣德楞泰現經飛飭地方官分別嚴行查緝監犯軍流等均有姓名可稽自不難於弋獲其隨同滋事兵丁原共有三百九十九名除被官兵陣前擊傷並沿途逃亡事故外尙存二百四十四名俱經前來大營匍匐乞命情形極爲畏懼臣德楞泰委員隔別研訊僉供當日總被陳達順陳先倫等哄誘被脅致罹重罪與蒲大芳等所供無異臣伏思兵丁叛逆爲我朝百數十年從來未有之事本當悉數殲除卽窮蹙求生亦不必避殺降之戒但人數多至四五千名臨陣誅鋤旣不免玉石不分多殘生命而一經勦敗該匪熟悉路徑勢必竄入老林苟延殘喘冬令沍寒之際似不值以如許之兵受其牽制糜餉勞師且賊目蒲大芳王文龍等十數人究曾擒獻首逆陳達順等三人又復將逃竄游匪朱有貴等五人立時殺斃使餘眾不致他竄尙知悔罪求生與始終怙惡者稍爲有間臣德楞泰並查得蒲大芳王文龍等於

德壯果公年譜卷三十一

三



嘉慶二三年間即在軍營隨同打仗亦曾著有微勞此時為陳達順等脅從聞臣兵到即十分畏懼率眾投誠擒渠自贖雖有從逆之迹尚無謀叛之心洵屬可信楊遇春楊芳平時深得兵心連日體察眾情亦力保其斷無反側之虞至所存兵丁二百二十四名內甯陝中營兵六十四名左營兵十六名城守營兵九名東江口營兵十四名四畝地營兵二十名華陽營兵四十七名留勘江口營兵五十四名臣現據遴選該兵等向來畏服將弁分投管帶暫歸原營約束操防該兵等人數無多分駐數處管帶將弁又能得力自可相安臣於善後案內仍當酌量情形妥為調劑以期永臻甯輯除即令扎克塔爾於本日馳驛回京詳

德世果公年譜卷三十一

請

細面陳一切情形外所有善後事宜臣等次第分別妥辦諭曰甯陝叛賊滋事一案朕以賊匪既經窮蹙請命人數眾多自斷無概予誅誅之理然其犯罪甚重亦豈能不分別懲辦因降旨德楞泰令其於賊營造冊到時除實係裹脅難民先行釋放外其餘從賊之犯仍當按律定擬分別監禁具奏請旨酌量核辦乃本日忽據德楞泰倭什布奏到除查係被裹難民次第資遣三千八百餘名之外有隨同叛賊之游匪難民及洋縣監犯各處軍流人等二三百名於未經收集之時先行拋棄軍械陸續逃散現已嚴行查緝至隨同滋事兵丁除被官兵擊傷並逃

亡事故外現存二百二十四名擬選將弁分投管帶暫歸原營約束操防等語所辦錯謬已極賊匪罪犯不赦即因其畏罪乞降亦不過賈其一死已屬法外施恩豈有竟仍令各歸原營充當兵丁之理該叛賊等本由鄉勇充當營兵自作不靖今因其悔罪歸誠毫無罪譴不但該匪等罔知做畏且與各營守分官兵無所區別何以靖人心而肅軍紀從前剿辦三省邪匪彼時賊匪數十萬人無不臨陣痛剿以軍威即有棄械投出之人經領兵大員等查訊實係被賊逼脅方免一死何嘗稍示姑息邪匪等懾威畏法方能辦理淨盡次第厥功彼時德楞泰身行間甯不知之若彼時亦照德楞泰此次辦法一味懦弱誤法

德世果公年譜卷三十一

請

養奸又安能令三省救甯乎德楞泰上次奏報到時朕所降諭旨甚明白當候旨遵辦今率將叛賊歸伍其膽大專擅尤出情理之外本當從重懲治姑念其前在川陝等省帶兵勦賊曾著微功是以不加嚴譴德楞泰著退去御前侍衛領侍衛內大臣管理兵部事務管圍大臣將上次所給議敘撤回傳旨嚴行申飭交部議處此不過稍示薄懲若伊非勦辦教匪有功之人竟當立予罷斥至倭什布係本省總督即伊自為本管地方起見亦當計及萬全免貽後患乃並不詳慎熟籌輒行附和入奏實屬糊塗冒昧著交部議處伊人本無能且年老難勝總督之任著來京聽候部議所有陝甘總督員缺著全保調補該督接奉



此旨不必來京請訓著卽馳驛前赴新任

又

諭曰本日已明降諭旨將德楞泰等示以薄懲矣該逆等滋事已兩月有餘所蹂躪地方百姓受其荼毒官兵被害者若干人德楞泰並未將應如何撫卹之處奏及直將叛賊等遣歸原營並稱其充當鄉勇時尙有微勞足錄試思辦理庶務要在功罪分明有功必賞有罪亦必示罰若有功之人獲罪亦可置不論豈議功有典卽罪犯不赦竟可曲從寬貸乎看來此事竟係德楞泰一人主見而倭什布從而附和日前方維甸奏稱賊匪乞降後設仍令歸伍恐復留後患等語朕卽以斷無此辦法降旨將

德壯果公年譜卷三十一

三十一

該撫申飭今德楞泰竟如此奏辦在方維甸必係聞知軍營有此議論或竟係德楞泰於調集大兵時先行招降不獨許以免死並許其回營而方維甸不以為然故密行具奏是方維甸日前所奏尙不為無見何德楞泰昏愾糊塗一至於此乎殊不可解大負朕恩大損國體覽奏憤懣之至此事著仍交德楞泰會同方維甸妥為辦理除褻脅民人及遊匪業經全數散遣外所有已回原營之叛賊二百二十四名應卽遵前旨傳到明告以恩免一死仍當分別擬罪候旨遵行若伊等不服拘喚卽當示以兵威立行誅戮若聞信潛逃亦當分兵搜捕拏獲時卽行正法現在各省官兵除停止撤回外其未撤之兵德楞泰務卽體

察情形暫行酌留俟遵旨將叛賊二百二十四名定罪發落其

問擬遣戍者械送出嘉峪關後再將兵丁全行撤回不可稍有疎玩彼時德楞泰方可起程回京至各營未動新兵前有旨令德楞泰等酌量移併此時且不必辦理惟當密飭該管鎮將嚴明約束免致驚疑俟地方甯謐徐為經理薛大烈現尙未起程回京著留在德楞泰處幫辦一切至此次遣散民人酌給路費回籍所辦亦屬錯謬此等資遣民人至三千八百餘名之多並非盡係被裹難民其中游匪亦屬不少甚至有洋縣監犯及各處軍流人犯在內卽眞係被脅民人其相距各原籍近或數十里遠亦不過數百里祇當令其各自回籍何必給以路費若游

德壯果公年譜卷三十一

三十一

匪本係無賴之徒不繩之以法已屬寬典豈可更給以費用乎此項資遣民人回籍費用過銀若干兩不准開銷公項著德楞泰倭什布二人賠出歸款

尋

命補西安將軍部議請照湖職例革職奉

旨著加恩改爲革職留任八年無過方准開復

十三日

諭曰昨因德楞泰辦理甯陝叛賊一案將乞降叛賊二百二十四名仍令歸原營充伍所辦錯謬之極已詳悉明示加以薄懲今再四思維德楞泰辦理此事種種失當不可枚舉殊增憤懣從



來受降二字祇可施之外域誠以該國民人未隸版圖或自作不靖命將征討懾於兵威請命乞降方可俯允所請若內地亂民畏罪投出已不可謂之乞降况曾經充伍食糧尤當按軍法以示鈐制豈有業經謀叛仍得晏然無事者乎且即以尋常刑律而論殺人者死即有自首明條亦祇緩其立決仍問以斬絞入於情實秋審時亦必予勾所以重人命也今叛賊棄械投出亦祇可比之自首其應得罪名較之殺人罪名輕重懸絕即以人命抵償相例彼一命一抵尚不輕赦况叛賊所殘害良民不知幾許並有該管官弁若干人即將該逆等全行誅戮不足以償無辜被害之人何德楞泰全未見及此不但不將叛賊問擬

德世果公全譜卷三十一

罪名轉令其歸伍食糧全無懲治此內有曾充鄉勇得有軍功頂戴者仍令其玷辱名器似此廢法不行國家綱紀安在予德楞泰辦理軍務有年初不料其糊塗舛謬一至於此昨有旨令德楞泰俟叛賊問遣械送出嘉峪關再行撤兵回京今思叛賊二百餘名固須按名問擬而現在業已遣散民人其中游匪不少亦須設法安輯彈壓設此輩稍有滋事或應示以軍威之處仍當令德楞泰一手經理是以將德楞泰補放西安將軍以資鎮撫該將軍務當詳悉籌辦期於地方永臻甯謐稍贖辦理叛賊錯謬之咎

二十一日

公奏言竊照陝省軍務完竣所有前調川楚陝甘官兵應即依次凱撤歸伍現均於初七八九初十一二等日分路各回原營至同倭什布楊遇春現在暫留官兵四千二百名內川省重慶建昌兵一千名甘肅督標營河州兵一千名固原兵一千名陝西軍標兵一千二百名俟善後營制事宜辦有頭緒再行分起凱撤理合奏

聞再 欽奉

諭旨令撫臣方維甸帶同臬司素納前來會辦善後事宜督臣倭什布侯方維甸趕到後即可回甘將督標河州兵一千名順帶歸伍

德世果公全譜卷三十一

諭曰所稱現在暫留官兵四千二百名較之叛賊數已十倍有餘德楞泰惟當會同方維甸遵照節降諭旨將叛賊二百二十四名分別定擬妥為辦理勿得再有疎玩至倭什布現已非陝甘總督無事可辦即前往科布多換班勿庸在陝逗留

二十七日

公奏言竊 督勦叛賊辦理錯謬仰蒙

嚴旨訓飭實覺無地自容惟此起賊匪聚眾已至數千前此扎克塔爾等帶兵至方柴關地方與賊接仗僅擊殺賊一百數十名官兵亦有傷亡迨後隊伏賊趕至官兵復與鏖戰因賊數眾多官兵四散扎克塔爾楊遇春帶領親隨數十人



拒敵賊眾將扎克塔爾等圍住正在危急之際適蒲大芳王文龍等率眾趕至楊遇春馬前棄矛跪哭乞降經楊遇春諭令如果誠心悔罪求生須將賊眾撤回並獻出首逆再行定議蒲大芳等立將陳達順等三人縛獻並撤退賊眾是以扎克塔爾等稟知臣德楞泰准令受降維時另有一股賊匪千數百名內朱有貴首先不願投降執旗向江口逃竄蒲大芳率眾跪求隨同楊芳截追將朱有貴等五人扎死匪眾始行停紮臣因當時若不准其投降恐該匪等分路逃竄以致冒昧辦理又此次四川川北之兵與甘肅河州之兵一經賊匪衝突當即四散倖大烈溫存帶領東三省馬隊在綠營官兵後行走距賊不遠一聞有伏賊綠營官兵輒行驚奔山梁並朱力戰綠營兵自軍營凱旋未久尙未息肩均藉詞本身有應扣之項不能度日是以與賊相遇俱不肯捨命向前卽有巴圖魯侍衛勁兵其勢亦單總之兵不得力賊匪並非窮蹙乞降臣前此奏懇聖恩網開一面並聲明俟大局辦定再爲請旨分別懲創臣冒昧之見暫將各匪等交楊芳等帶歸原營約束奏明於善後案內酌量辦理欲使該匪心無恐懼方可羈縻惟初五日摺內未經詳悉聲敘祇令扎克塔爾回京面奏實係臣昏愾糊塗惶恐敲斲之餘實覺無以自解茲奉

德壯果公年譜卷三十一

三

諭旨卽將該匪等傳到明白宣示分別酌定遣戍候

旨遵行但該匪等甫經分投歸伍行走安靜惟有長武營外委余

貴餘丁周四於難民遣散之時中途搶奪散布謠言一經

楊遇春拏獲稟報臣卽批令正法若將此外行走安靜之

人一併拏解設或乘間奔逃卽以未撤兵力整隊進山又

恐該匪等不服拘拏聞風竄擾臣再四籌酌並與薛大烈

楊遇春等密商惟求

皇上暫寬時日卽日方維甸到營容臣等妥商辦有頭緒另行奏

請

諭旨其餘遣散之人酌給路費一節計用過銀二千七百零二兩

奉

旨令臣與倭什布分賠除倭什布應賠銀兩已在甘省藩庫自行

呈繳外所有臣名下應賠銀一千三百五十一兩已寄信

臣之子蘇崇阿具呈本旗在於臣應得俸錢內扣繳歸款

諭曰本日遞到德楞泰覆奏接奉訓飭諭旨一摺據稱賊匪已至

數千方柴關一仗僅被官兵擊殺一百數十名賊匪實未窮蹙

等語賊匪聚眾滋事或因官兵勦急無路逃生投降乞命此則

情理所有今既稱實未十分窮蹙何以賊匪遽爾乞降顯係有

挾而求德楞泰並不妥爲籌酌分別核辦輒將賊夥三千餘人

資給遣散甚至將會充兵丁之賊匪二百數十名歸入原營壞

德壯果公年譜卷三十一

三



法養奸莫此為甚摺內稱將該匪等歸入原營約束奏明於善後案內酌量辦理等語似此二百二十餘名叛賊尚未令其入伍食糧若果如所奏則德楞泰之咎尚輕但據前摺內稱遴選將弁分投管帶暫歸原營約束操防夫操防乃營伍之事豈既令操防猶非入伍食糧乎所奏亦屬自相矛盾現在全保方維甸均可先後到彼德楞泰惟當會同遵照節降諭旨將此二百二十四名叛賊分別定擬罪名具奏仍一面明晰曉諭以該匪等聚眾滋事攻城戕官本皆罪應凌遲法所不宥今因爾等投出乞命並擒獻賊首賁爾極刑免爾一死已屬格外恩施但應得罪名總當問擬奏明候旨爾等如稍不安靜即當立賞典刑

德壯與公年譜卷三十一

三

使該逆等共知感畏若此內有聞風竄遁者即應嚴拏務獲立予正法其或稍形驚驚竟有蠢動情形德楞泰等現有留防兵四千餘名即當乘此兵力悉予殲除一名不留以示懲儆其餘散遣之三千餘賊夥並當飭知地方官隨時查察如再稍有滋事即應拏獲正法不可再加姑息此事並非朕辦理從嚴恭查乾隆五十九年

皇考高宗純皇帝實錄內載恭閱

聖祖仁皇帝實錄康熙年間有河南南陽鎮總兵高成標下兵丁因查拏賭博至知府署內爭鬧將知府沈淵臺至教場凌辱旋經將該兵丁等按律辦理之事因蒙

聖諭以各省營兵若該管官約束不嚴易於滋事通飭督撫提鎮等督飭營員隨時查察嚴行管束我

皇祖

皇考如此垂訓至朕何闕茸委靡至此朕實不甘試思兵丁爭鬧公署凌辱官長已屬罪在不赦今以曾隸營伍之人公然糾眾謀逆攻城戕官核其情罪輕重十倍貸其一死甯非逾格寬典何得竟置之不問耶著德楞泰全保方維甸悉心籌議妥議具奏毋得再有草率舛誤

又

諭日扎克塔爾受

德壯與公年譜卷三十一

三

皇考及朕厚恩在御前侍衛行走多年洵擢至護軍統領此次派勦甯陝叛賊事竣回京後詢及軍營受降情形扎克塔爾陳奏登覆之詞多有不實不盡本日德楞泰將方柴關受降緣由詳悉具奏復令軍機大臣將扎克塔爾傳至詢問陳出實情並據稱前次召見時未經奏及顯係聞有德楞泰奏報始行據實直陳其前次隱飾之咎實無可辭扎克塔爾著退出御前侍衛在乾清門侍衛上行走仍交部嚴加議處至伊等帶兵勦辦叛賊並未痛加殲戮僅以受降完結所有前次兵部議敘扎克塔爾溫春薛大烈楊遇春給與軍功加級紀錄之處俱著註銷

十一月初五日



公偕方維甸奏言竊<sub>臣</sub>方維甸於十月二十一日行抵漢中與<sub>臣</sub>德楞泰會晤敬釋節次

諭旨將現在降匪指示辦法

聖訓嚴明<sub>臣</sub>方維甸與<sub>臣</sub>德楞泰及薛大烈楊遇春再四商籌原擬拘喚前來審明分別定擬惟查前次打仗兵不得力未能痛剿賊匪投降時實緣自生悔心並非勢已窮蹙兵既不足以制賊<sub>臣</sub>德楞泰竊恐日久蔓延難以戢事是以不得已允其所請今若再按名拘喚又致驚懼不安或生反側據薛大烈楊遇春僉稱降賊尙在疑慮刻刻自防辦理稍急必致激成事端<sub>臣</sub>等再四熟籌日下惟有仰懇

德壯果公年譜卷三十一

五

皇上天恩緩以時日再行相機徐爲辦理將善後事宜另行籌商具奏方爲穩妥<sub>臣</sub>德楞泰現蒙

恩補授西安將軍<sub>臣</sub>方維甸係本省巡撫楊遇春係本省提督皆

有地方之責斷不敢稍存大意自貽後患再滿大芳等於回營途次前經捕獲降後滋事之兵丁余大貴文貴二名業經正法外近據華陽參將何占溢稟報有帶回原營之新兵等拏獲已散游匪在途中滋事之李相連張仕朝二名亦經批令訊明嚴辦似此皆其悔懼自贖之處<sub>臣</sub>等嗣後總當察看情形借事懲辦以次消除庶眾心不致疑懼諭曰據奏嗣後察看情形借事懲辦等語大不成話錯謬益甚試

思叛匪等既各懷疑慮此時若不卽辦理則受降已久卽應將

留存各兵全撤歸伍德楞泰方維甸係將軍巡撫亦各應回省

蒞任是已相安無事何能遲之又久忽復將此二百二十餘人

問擬罪名若德楞泰等仍駐該處留兵防守則該匪並形疑懼

尤難保其不別生事端德楞泰全保方維甸仍當遵照前旨會

同籌商將乞降之滿大芳王文龍等及其餘叛匪或調集到營

或帶兵分赴各營明白宣諭卽該匪等或有抗拒情事朕亦不

責以激變之罪至德楞泰辦理此事始則征調多兵繼又頓兵

不進乃前月兩次摺內猶稱該匪等震懾軍威窮蹙乞降竟全

係飾詞誑奏本卽應褫職治罪姑念前次勦辦教匪歷著勞績

德壯果公年譜卷三十一

五

特從寬宥卽楊遇春楊芳等縱賊招降亦有應得之咎今因帶兵乏人暫免究治若能及早妥辦立功自贖尙當酌量加恩

十四日

公偕方維甸奏言<sub>臣</sub>等前奉

諭旨從前甯陝各營陳兵與新兵分四六配搭該省竟未照辦致有今日之事茲當軍威大振之時當將新兵分隸各營令陳兵數倍於新兵以資鈐束或新疆兵丁應行換班之時是否可以酌量調遣密爲妥議又續奉

諭旨甯陝新兵竟敢相率謀叛不惟所遺名糧無庸添募並可將營汛酌行裁撤若仍須安設營汛或竟全數移駐陳兵以資防



守等因欽此仰見

聖訓精詳計深慮遠臣等實深欽服之至伏查甯陝鎮屬各標營

原設兵六千八十名多係鄉勇入伍及招募山內客民充補此次滋事者不過數百人餘皆安分守法且有隨同出征者若將此等新兵分隸各營另換陳兵入山不特區分形迹新兵或致驚疑抑且陳兵安土重遷勢難移撥惟有欽遵

諭旨裁減兵額併營汛密為規畫庶可以漸分其勢臣等與薛大烈楊遇春悉心熟籌擬於甯陝屬之中左右城守並東江口華陽斜峪關七營內裁減兵丁一千五百名先儘

德皇果公年譜卷三十一

三

現在缺額之數裁去此後馬步缺出應以守兵遞拔所遺守兵卽行停募逐漸裁減其甯陝西路之西江口營併入留壩營仍逐漸裁減兵四百名祇留六百名該處與提屬之漢中協漢鳳營相連應改歸固原提督管轄甯陝東路之孝義營兵四百八十名毋庸裁減該處與陝安鎮屬之鎮安營相連應歸陝安鎮管轄共計裁減兵額約二千名又改歸提督陝安鎮管轄一千八十名甯陝所存額兵不過三千餘名庶人數漸少易於約束稽查且將留壩孝義等營改歸他標使新陳相間藉資鈐制將來裁減至此大所定額數應否再行酌減之處屆期察看情形另行具

奏現在甯陝兵額既擬裁減所有分出營汛亦應酌量歸併

除夾嶺洵陽壩茅坪厚畛子方柴關大山岔等處分汛均係往來要路仍擬酌留外其餘分汛兵丁撤回本營各汛兵房卽可毋庸修理以節糜費又查漢中協新陳兵額除分出各汛外祇有存城兵五百四十名陝安鎮城新陳兵額除分出各汛外祇有存城兵一千三百名漢中與安兩府自連年用兵以來五方雜處人煙湊集不敷彈壓應將銅廠新兵原額內移歸漢中府城三百名曾家壩等分汛新兵移歸陝安鎮城三四百名祇移兵缺不移新兵嗣後遇有該營汛新兵缺出毋庸在原營募補另於漢中與安府城招募土著居民充伍如此辦理不惟新兵漸少且係土著居民在本處食糧城內兵房亦毋庸另行添建再新疆屯防兵丁五年一換例於陝甘各營官兵內派往陝安漢中陳兵卽有換防之例惟甯陝新營及陝安漢中新兵未經議及茲蒙

德皇果公年譜卷三十一

三

聖明指示具仰

睿照無遺自當遵

旨俟換防屆期卽勻出陝甘各營換防額數於甯陝各營及陝安漢中新兵內擇其無家室者派出前往新疆各城換班以分其勢每換一班往來約須五六年與陳兵駐防日久更



可使驚駭之氣漸馴其換防營兵數目以及一切章程容  
俟全保到時再會同詳酌分款開單續行陳

奏

諭曰甯陝鎮屬各營新兵從前盡係招募鄉勇客民以致此次有  
叛匪糾眾滋事之案現在地方甯謐自應酌量裁減今據奏將  
各營逐漸裁撤又改歸提督陝安鎮管轄兵一千八十名外甯  
陝額兵不過三千餘名易於約束稽查至新疆換防一節陝安  
漢中陳兵本有換防之例此次新兵自應一律派往但必須兼  
用陳兵使之形迹胥忘自可相安無事驚駭漸消德楞泰統俟  
全保到被會商妥辦然此皆係善後事宜而於降賊二百二十

德壯果公年譜卷三十一

奏

四名如何辦理並未提及此係目前最要之前因方維甸奏  
德楞泰近日痰多氣喘且覺言語精神關照不能周到朕慮德  
楞泰或因憂懼成疾殊深懸廑今摺內並未敘及患病一語看  
來德楞泰近日自漸向愈著仍遵照節次諭旨悉心會籌妥辦  
如果完善肅事尚可稍贖前愆也

案先是方維甸奉 諭令將公辦理降匪或有何人  
怨惡會否有阻止之人堅執不從嗣經屢次譴責有無怨  
望情事均密查據實具奏會覆稱方柴關交戰之時賊意  
謂官兵未勝方肯受降若再縛獻渠魁更可將功折罪是  
以勢未窮蹙憂愈堅而此次調來官兵性情驚駭不聽  
約束打仗各存觀望無人出力故扎克塔爾等九人商准  
投誠並欲將此二百二十四名全歸甯陝鎮城不行分散  
稟請代 奏經公駁飭始令各回原伍並非專擅自用  
亦並無先往招降預許歸伍情事且稱公屢奉飭責之  
旨惟深愧懼近日以來痰多氣喘時覺言語精神關

照不能周到接見文武各員祇云後悔無及  
未聞怨望之語故本日 諭旨及之

二十九日

公偕全保方維甸奏言竊 臣全保方維甸前擬將甯陝各  
營新兵降匪一體換防於中途鎖拏定擬一事奏明俟楊  
芳來到漢中商定辦理日內楊芳到來 臣德楞泰會同詳  
細詢問據稱各新兵多願換防現在歸伍降匪等聞在營  
之兵業已派出並無疑慮且有告請前往者 臣等以該匪  
既不生疑正可乘此卽行辦理是以楊遇春楊芳商定於  
甯陝中營左營華陽等三營各派兵八十名留壩江口營  
派兵一百名甯陝右營城守營東江口營留壩城守營四

德壯果公年譜卷三十一

奏

營各派兵四十名孝義斜峪關二營各派兵二十名以上  
甯陝十營共派屯防兵五百四十名所有歸伍降匪二百  
餘人俱在數內不願換防者不過數名其中亦有賊目但  
人數無多儘可設法辦理其新兵中平日驚駭者亦卽密  
行查出於此次派往楊芳卽日回鎮趕緊辦理至漢中沔  
縣鋼廠三營告請換防新兵內已派出一百二十名仍照  
漢中換防舊例由略陽白馬關一路行走並令留壩城守  
江口兩當及華陽營兵丁由鳳縣兩當一路行走令甯陝  
鎮標東江口孝義斜峪等營兵丁出山由西安乾州及汧  
隴大路行走於此三路內再分三四十名爲一起間日起



程各派換防弁員帶往另派參將張聯奎遊擊柯藩楊雲霄三員各赴一路彈壓仍令總兵楊芳在後統領管束俱送至嘉峪關外毋庸另行帶兵護送凡係降匪中著名頭目俱歸末起令楊芳親自管帶起程俟各起陸續起程全保臣方維甸即行趕赴前途會晤楊芳將該賊首賊目等按名鎖拏監禁臣德楞泰仍在漢中與楊遇春暫駐一面將不願換防之降匪賊目設法拏禁臣等即一併按例分別定擬具

奏恭候

諭旨遵行再應行發遣之犯現俱借換防為名令與實往換防兵

德莊果公年譜卷三十一

聖

丁一同行走所有定例應領行裝車價口糧等項不得不一體給予以免疑慮除實在換防新兵所領銀兩照例請銷外其給與匪犯各項銀兩自應臣等三人分賠歸款諭曰本日伊等摺內據稱擬將換防兵丁分三路行走全保等趕赴前途將賊首賊目等按名鎖拏監禁等語伊等撥摺時尙未接奉前旨故有此議辦理實屬未協不獨無以服降匪之心即同往新兵亦覺號令不足憑信此等智取術馭之為殊屬不值德楞泰等惟當遵照前降諭旨將此等降匪隨同各兵到配明宣諭旨並知會新疆大臣著令永作戍兵不准換回將來在該處亦不得再有陞擢以示懲創如稍不安分在彼滋事即當從

重辦理一切悉遵指示機宜不必再行權詐至摺內所稱甯陝十營共派防兵五百四十名其所有歸伍降匪二百餘人俱在數內不願換防者不過數名其中亦有賊目人數無多儘可設法辦理等語所奏又涉含混降匪內不願換防者究有幾名其所謂賊目者係何姓名是否即係蒲大芳王文龍抑此外另有何人何以摺內不詳細聲敘降匪本祇二百二十四名今情願換防者既有二百餘名則此外不願換防者至多僅不過十餘名人數有限伊等於派令換防之時不思踴躍前行輒敢聲稱不願即係違抗詔旨其罪無可再追此時即當按名嚴拏照例從重懲治何須另行設法豈此十數名降匪尙不能立置之於

德莊果公年譜卷三十一

聖

法乎此次賊匪不過二百二十四人為何畏之如虎太覺懦怯之極殊不可解又如摺內所稱除實在換防新兵所領銀兩照例請銷外其給與匪犯各項銀兩請分賠歸款等語殊不成事此時既將該降匪等作為換防兵丁其沿途應得口糧及到成後應得分例自均應一體賞給前降諭旨甚明又何必伊等賠出况全保甫在陝省尤可不必總之此事辦理錯謬於前此時不得已如此區區朕實為保護良民究非正辦今成事姑置勿論惟目前善後事宜關係更屬緊要本日薛大烈到京據稱現在營伍廢弛官兵不能用命如方柴關兵潰一事蘇勒芳阿游棟雲田朝貴所帶領陝西固原河州西安滿營以及四川川北



官兵均一見賊匪紛紛逃散無復紀律推原其故皆係新募之兵未經操練又該兵丁等自元年出兵以來均有節年借支各款每兵一名自一二十兩至數十兩不等凱撤之後按季分扣未免拮据遇有名糧缺出因扣項數多人皆不願入伍所募補者盡係無籍貧人希圖餬口平日均不能差操有名無實又兵丁所用器械不全多不如式馬乾銀數不敷兵丁不能喂養等語用兵全在紀律該將弁等平日不認真操練以致臨敵退逃緩急難恃武備如此可爲寒心所有方柴關各兵潰散一事斷不可不查辦示儆卽法不及衆亦當查出首先逃散之人按律處治如有官弁在內尤當嚴拏辦理不可再存姑息之見其領

德壯果公年譜卷三十一

十一

兵各員不能約束嚴明亦當據實參辦至兵丁等因扣項較多情形支絀其新募頂補者率皆無藉之徒毫無實際是募一兵不得一兵之效設有調遣又焉能克敵致果此事前亦據德楞泰等奏及曾經飭令詳查著卽迅速查明各該處兵丁現在應扣俸餉究有幾何是何款項所有例內借支及例外借支者一逐細聲明聽候核辦其中例應攤扣者朕當酌量施恩若本係例外借支不能開銷在於各兵名下攤扣是卽不應扣而扣或竟有糧員等私自花用在於兵丁名下扣還者此等款項皆當查明經手之員責令分賠歸款並著據實參奏又何得任意剋扣使兵丁人人苦累乎至於官兵所用器械因何短缺又不

合式亦著據實查明設法整頓其所云馬兵不能自行喂養以致賠累一節薛大烈請令官兵朋槽喂養是否可行均著德楞泰全保方維甸三人詳悉妥商歸於善後案內奏開辦理再甯陝設營一節茲據薛大烈奏稱山內兵丁素不能操練得用兼且不守營規往往騷擾客民不但無益而且有損等語甯陝增添新兵已經數年不能諸練營規任其縱恣如此實不成事聞楊芳平日疏於管束亦應參奏懲處至新營竟當裁撤爲是現在降匪二百二十四名自當開除糧缺不必募補卽此外換班新疆者將來班滿後亦儘可派歸別營至其餘未換班各兵應如何裁缺歸併之處務當詳悉辦理從前添設甯陝鎮一事原

德壯果公年譜卷三十一

十一

係額爾登保奏辦並非德楞泰主見此時伊亦無所迴護惟當與全保方維甸悉心籌辦期於地方永遠甯謐勉圖後效

十二月初三日

諭曰昨因方柴關兵丁潰逃一案大千軍紀降旨將提督楊遇春總兵楊芳游棟雲一併解任交德楞泰等查明參辦但就伊三人情罪比較亦有重輕當分別覈議楊芳本係甯陝鎮總兵平日沽名釣譽馭兵過寬以致養成鴛鴦糾衆倡亂其罪較重且署理固原提督所有固原河州潰散之兵皆其管轄不嚴選派不精所致此時自應嚴參治罪伊從前在軍營稍有微勞尙不致終於擯棄現在甯陝新兵前赴新疆換防或卽責令楊芳管



帶前往俟到彼謫戍數年效力贖罪如果自知愧奮再行酌量  
 施恩至楊遇春係固原提督兼轄甯陝自有應得之咎但伊自  
 補授固原提督之後常在軍營並未到任即回籍補行穿孝所  
 有甯陝叛案非伊任內之事即檄調固原征兵亦非該提督簡  
 派念其勤辦邪匪曾著勞績且於該處情形熟悉尚可量從寬  
 貸該提督現已解任將來仍可降補總兵留於陝甘兩省著德  
 楞泰等酌看情形如此時甯陝鎮總兵一缺未可遽行裁撤即  
 著將楊遇春補授資其撫馭如此時即應裁撤俟有他鎮總兵  
 再將該員補用至甯陝裁鎮一事必須慎重現在該處額兵尚  
 多若一時裁汰名糧恐該兵丁等失其職業又致滋生事端德  
 楞泰全保方維甸當悉心籌畫不動聲色逐漸辦理不可冒昧  
 輕率其河州鎮總兵游棟雲於管帶本鎮之兵不能約束致有  
 潰散並著德楞泰同解任副都統蘇勒芳阿一併參奏懲治以  
 示儆戒至薛大烈現已補授固原提督令其馳驛前往如伊到  
 陝後新疆換防一事尚未辦竣著德楞泰等會同薛大烈妥辦  
 如業已辦竣飭令前赴新任

初十日

公借全保方維甸奏言竊臣等前將漢中沔縣銅廠西江  
 口留壩兵丁分起分路情形具奏後連日鳳縣略陽兩縣  
 稟報各起兵丁分路行走中途甚為安靜陸續已出陝境

德莊果公年譜卷三十一

四

德莊果公年譜卷三十一

四

又據總兵楊芳報稱甯陝中左右城守四營東江口孝義  
 二營共挑派換防兵丁三百名降匪等踴躍告請前往者  
 甚力現分十二起頭起已於十二月初一日起程所有此  
 次派往換防兵丁均不令攜帶軍器俟至屯防處所即將  
 舊班兵丁軍械留用途中更易防範例需鍋帳於出口時  
 再由肅州配給其應給行裝分例銀兩業已按例支給沿  
 途車價口糧均已支領裹帶至蘭州省城再由該處照給  
 前進以省沿途供給之煩現在辦理情形甚為妥順山內  
 百姓等皆不知臣等密商辦法惟傳言降匪悉往新疆得  
 除後患俱各安心樂業昨臣全保方維甸又欽奉十一月  
 二十四日

恩諭仰見

皇上措正施行不欲與此等愚頑智取術馭權衡輕重

大公至正跪誦之下欽服難名臣等當於換防兵丁全數起程後

體察情形儻有有心抗違諭遣不行之人即行奏明遵

旨嚴辦臣等現將辦理情形隨時寄知勒保查照至遣散之難民

游匪三千八百餘名尚有先期逃散者該游匪等籍隸川

省者將及千名其餘寄居山內者最多臣德楞泰前於散

遣後分派妥幹員弁四路巡查兩月以來尚無聚集逗留

情事據四川總兵田朝貴副將羅思舉等稟報川省邊界



亦無游匪滋事臣全保方維甸到漢中復委合地方文武各於本境嚴查並無匪徒聚集搶掠情事惟華陽營參將何占鼇稟獲匪徒楊滿王才二名解送前來臣等訊明均曾從賊搶掠且於乞降時不候散遣先行逃散者卽子正法又有甯陝歸伍降匪雷貴於歸營後酗酒頂撞本營汛弁亦經楊芳稟明正法現在山內兵民均各相安匪徒欲敢地方邊界均甚甯謐又查洋縣等處安置流犯張大陳三二名先行投回應照例援減其餘流犯劉乾等三名直至賊匪投誠後始行投回與賊匪滋擾時先行投出者自開應毋庸援減至未回軍流徒各犯除洋縣軍犯項培徒犯馬志雲二名據報被賊匪戕害外未獲者祇有洋縣流犯曹起雷等三名並無多人現飭將該三犯與洋縣未回監犯孟大貴等八名及已回復逃之袁開鳳一名一併嚴飭通緝務獲究辦

諭曰德楞泰等奏甯陝換防兵丁分路行走甚為安靜陸續已出陝境等語現在辦理降匪換防一事甚為妥順但摺內所敘尚未明晰此次降匪二百二十四人除雷貴一犯以酗酒滋事正法外尚有二百二十三名如何分起行走是否人人願往換防前奏稱不願換防者實有幾人其中賊目係何姓名仍未詳晰聲明德楞泰等接奉此旨卽將降匪二百二十三名是否全數

德 壯 果 公 年 譜 卷 三 一

前赴換防其抗違不行者共若干人係何姓名並造具清冊詳載每起降匪計有若干人開具姓名及某起派赴何城換防一登記總須將降匪等按名指實確有著落由五百里具奏以便諭知新疆各該處大臣遵照不可稍涉含糊至辦理換防事宜已竣所有前在方柴關打仗臨陣逃散各兵務須體訪明確分別懲治以肅營制俟此事辦竣再將甯陝額兵如何歸併各營之處妥籌經理以期地方永臻甯靖

十七日

公偕全保方維甸奏言連日據報甯陝頭二三四起兵丁已接續聞日起程出山並據長安咸甯兩縣稟報頭起兵丁於初五日過省西去行走甚為安靜其陝安鎮換防新兵一百八十名頭二起已於初一初三等日過漢中取道略陽入甘俟陝安鎮兵丁過竣固原換防新兵一百二十名亦可接續起程約至本月二十日前後各營兵丁均可全數就道臣等前奏換防地方係回疆十城今查明回疆防兵多有未屆班滿者惟喀什噶爾烏什阿克蘇三處防兵係嘉慶十二年六七八等月班滿又塔爾巴哈臺防兵亦係十二年七月班滿共計班滿兵一千餘名卽將此次派出兵丁九百餘名分派該四處換防臣等統俟各營兵冊到齊時查照派赴各城細數開列名單恭呈

德 壯 果 公 年 譜 卷 三 一



御覽至刻下善後事宜惟裁減甯陝兵額一事最關緊要<sub>臣</sub>等連日悉心熟籌若將該鎮兵額一時全裁此等無業之人恐其無以資生流而為匪自應酌量歸併陸續裁減<sub>臣</sub>等現在將善後各條逐一議再行奏請

訓示

諭曰據稱甯陝各起換防兵丁行走甚為安靜計本月二十日前後均可全數就道等語看來降匪等尙屬安分守法至新疆防兵多有未屆班滿者惟喀什噶爾烏什阿克蘇塔爾巴哈台四處正屆班滿此次派出兵丁即分派該四處換防計降匪二百二十餘名每城祇分駐數十名尙易管束德楞額奏候各營兵冊

德壯果六年譜卷三十一

果

送齊時即遵照前旨詳細造冊速奏其裁減甯陝兵額一事據稱酌量歸併陸續裁減所見甚是至甯陝鎮總兵一缺尙未議裁楊遇春於南山情形素為熟習且得兵心雖曾任固原提督未經到任此次標兵潰散並非伊平素不能訓練所致現據奏稱方柴關打仗時楊遇春派出綠營馬隊親隨官兵十餘人在第四橫岡之北近山前進可見伊所帶弁兵猶能前進禦賊尙無不合惟於德楞額奏受降一節未經阻止又不據實具奏咎止於此楊遇春著補授甯陝鎮總兵並令即行接印任事毋庸再行詢問

二十日

公借全保方維甸奏言<sub>臣</sub>前經奏令楊芳護送換防各兵至嘉峪關外嗣因奉有楊芳解任之

旨又奏明令總兵吳廷剛等迎來接護以便換楊芳速回旋奉訓諭以新兵派赴新疆換防或令楊芳帶領前往效力贖罪

聖諭周詳實屬至當不易查方柴關打仗時楊芳未到無可質訊之事伊現在押送換防新兵降匪等應即令徑赴新疆查

楊芳平日馭兵過寬養難貽患且曾署理固原提督於固原河州兵丁管轄不嚴選派不精誠如

聖諭其罪較重相應據實參奏請

旨將楊芳革職發往新疆效力贖罪現將甯陝中營城守營兵丁

德壯果六年譜卷三十一

果

擬派至塔爾巴哈臺屯駐應即令楊芳在該處效力稍圖自贖至此時甯陝兵丁分起出山之後該處人心甫定極須加以鎮撫又從前散去之地方游棍等設有酗酒賭博滋事之案皆應隨時嚴懲日來有楊遇春在彼巡查諸臻安妥堪以仰慰

聖懷

諭曰楊芳關係營伍字識出身游膺恩擢即衝鋒打仗亦非所長乃身為專閫大員平日馭兵不能嚴明訓練一味姑息以博寬厚之名致令兵丁不知軍紀驚駭者糾眾倡亂怯懦者臨陣潰逃其咎實難寬宥德楞額等議將楊芳革職遣戍自應如此辦

一第丁丁冊 續修四庫全書第 2 反正句



理至派令帶領中營城守營兵丁前赴塔爾巴哈臺一節亦可不必兵丁等沿途行走本省原派員弁管帶無須楊芳管束况伊似此寬柔又焉能管束兵丁耶楊芳著革職發往伊犁交松筠派令效力贖罪至楊遇春戰功較著前已降旨將伊降補甯陝鎮總兵嗣後惟當責令妥為管轄務使營務日就整肅勿再懈弛干咎

同日公借全保方維甸又奏言竊<sub>臣</sub>等將甯陝營制事宜

御覽一甯陝鎮屬營分請歸提鎮分轄一甯陝鎮兵額請陸續裁減一南山內分汛請分別酌留移併一陝安鎮各營兵

德壯果公年譜卷三十一

三

請酌量移併一漢中協存城兵丁無多請裁去鋼廠新營兵數於府城添募一陽平關略陽二營請將現裁各營守備移駐經理糧餉一提屬漢中協及漢鳳陽平沔縣甯羌等營米折銀兩請照額爾登保原議均給四錢與兩鎮兵丁米折畫一支給一原議營地支糧章程請就現在兵數情形量為調劑一甯陝陝安漢中各營新置營地請一體招佃收租一衙署兵房堡城請量加添修毋庸全行建蓋一改移營員請換給印信一山內各營缺請酌量改為題補奏入得

旨軍機大臣會同兵部議奏尋覆議行

二十三日

公借全保方維甸奏言竊<sub>臣</sub>等欽奉

諭旨官兵所用器械因何短缺又不合式著據實查明整頓等因查綠營兵丁器械定制以鳥槍弓箭為主刀矛藤牌各項雜技不過十分之一平日操演專試槍箭並不練習長矛緣數年來征勦教匪遇山深箐密相近攪殺之時槍箭難施用矛較為便利積習相沿所用器械長矛轉多於槍箭實與舊制不合且因抵禦賊矛竟有長至二丈有餘以便在遠擊刺者<sub>臣</sub>等公同酌議應令陝甘各標營於弓箭兵內酌挑十分之二兼合習矛惟不可因操練矛法轉致生

德壯果公年譜卷三十一

三

疏弓箭

論曰營伍軍器以弓箭鳥槍為重必當操演精熟以昭武備至長矛一項祇係挑刀藤牌等雜技中之一前因河北鎮總兵蔡鼎奏請於弓馬兵丁內酌派十分之二兼習長矛曾諭令各省營制酌定額兵演習因思長矛究非營伍緊要技藝兵丁於習練弓箭鳥槍外兼習其技以資擊刺原無不可若因演習長矛於弓箭鳥槍轉致生疎殊屬輕重失宜非所以飭戎器而講武藝也且矛桿過長於運用不靈尤不足以資刺擊若云深林密箐用矛較為便利則無此理嗣後各省營制訓練卒伍總當以操練弓箭鳥槍為正技長矛祇可令其兼習並著於額兵內祇酌



定十分之一不許過額製造矛桿不得過一丈如有違式製用者經該管大員查出即嚴行懲治並將該將領一併參處

同日公偕全保方維甸又奏言竊<sub>臣</sub>等業將營制各款恭摺奏請

聖鑒所有應辦善後事宜亦經會同悉心籌議謹分列七條恭呈御覽一賭博匪徒應嚴懲辦一山內遊匪應行照保甲之法資令

清查一甯陝留壩二廳城垣坍塌殘毀應請勘明另建洋縣一城應就舊治重修此三廳縣土性不堅並請改建甄

城以重永久一漢中城固鎮安各城多有坍塌應行修葺一山內寨堡軍糧除借支外尚有未經動用者應查明被

德壯果公年譜卷三十一

三十一

賊蹂躪之甯陝等十三廳縣貧民酌加撫卹一南山山內

甯陝等四廳二縣請改照邊俸之例以專責成一陝安兵備道應請照例節制營員以符體制

諭曰本日德楞奏等奏籌議善後事宜一摺已交該部議奏矣朕

詳閱原奏內有請修建坍塌殘毀各城垣一條甯陝一廳因有鎮兵屯劄為南山扼要之區是以築城守禦現在賊匪滋事之

後方將鎮兵裁減此時存兵之數較少將來或全行裁撤亦未可定又何必將城垣另行興建即謂該處及留壩洋縣二城均

須衛護居民不能聽其坍塌則酌建土城已可何必改建甯城致滋糜費究竟是否必須甯城俟覆奏到日再行核奏

案吏部等部詳覆稱善後事宜七條除甯陝等處改建甯城現令覆查其餘六條均應如所請辦理

上從之 二十七日

公偕全保方維甸奏言現在各營新兵及甯陝降匪楊芳管押未起已於十二月二十日出山前往新疆先經<sub>臣</sub>等

飭令各營開具年貌籍貫稟報滋據陸續報齊<sub>臣</sub>等逐名查對歸伍降匪實係二百二十六名計比原數多二名此

內現在前赴新疆永遠遣戍者蒲大芳王文龍等一百九十五名其餘余大貴雷貴二名因酬酒滋事業經

奏明正法尚有不願換防意存觀望之賊目苟文興林大貴吳成友即吳老五董貴四名推病賊目羅玉一名現在楊

德壯果公年譜卷三十一

三十一

遇春鎖拏解送並有歸伍後脫逃之曹朝選一名亦經楊

遇春拏獲解送俟各犯到時即行審明按名正法其歸伍時旋即脫逃之吳連貴等六名又現在脫逃之聶富一名

通行飭緝獲日亦即正法又甯陝中營右營城守華陽西江口等五營有辭伍遞籍十六名項據各該營稟報係降

匪歸伍後散遣現未傳到<sub>臣</sub>等伏思此等降匪歸營後自應靜候查辦斷無擅准辭伍遞籍之理雖非著名頭目而

該管參將遊擊等並未具稟擅自開除名糧任其回籍甚屬不合<sub>臣</sub>等一面行查各原籍逐名傳到補行遣戍如敢

不服拘拏獲日亦即正法一面查明何員任內之事分



別參處以上遣戍一百九十五名已正法二名應正法六  
名脫逃七名辭伍遞籍十六名統計數目已足降匪二百  
二十六名之數現將遣戍降匪派往塔爾巴哈臺喀什噶  
爾烏什阿克蘇四處指定姓名地方與正法緝拏各降匪  
分別開具名單並將換防新兵數目一併開具恭呈  
御覽俟奉到

諭旨再將換防兵丁遣戍降匪年貌籍貫分造清冊飛咨新疆各  
該處遵照辦理

諭曰本日德楞泰全保方維甸奏防戍新兵降匪全數起程分別  
開單進呈甯陝降匪據德楞泰等查明共有二百二十六名計

德壯果公年譜卷三十一

比原數多二名此內除蒲大芳王文龍等一百九十五名俱押  
赴新疆永遠遣戍又余大貴等二名因酗酒滋事先已正法外  
其不願換防及推病脫逃之苟文興等六名德楞泰於楊過春  
拏獲到時卽行審明正法所辦甚是至此外歸伍脫逃之吳連  
貴等七名亦罪在不赦不可任令漏網該犯等或在本省潛匿  
或逃往鄰省均未可定除陝甘二省全保方維甸自己飭緝外  
其附近之四川湖北山西河南等省現已諭知該督撫等一體  
嚴拏期於必獲將來拏獲之後自當卽予正法至辭伍遞籍之  
周連貴等十六名當日歸伍之後營員等原不應准其辭伍但  
此十六名究係辭退遞籍與聞知換防輒行脫逃者其情罪尙

覺有間僮一經傳喚卽行投到尙可未減其罪發往黑龍江給  
兵丁爲奴如竟敢遠颺不遵傳喚則拏獲後亦當正法德楞泰  
等應將此十六名內傳喚不到之犯速行知照鄰省一體通緝  
所有降匪等派戍之塔爾巴哈臺等四處除已將各犯名單發  
交各該處辦事大臣令其分別管束外其年貌籍貫並著開造  
清冊卽行移咨爲要

德壯果公年譜卷三十一

此處文字模糊，難以辨識。



德壯果公年譜卷三十一

次孫花沙納恭纂

嘉慶十二年丁卯

公六十三歲

正月初十日

公借勒保全保方維甸薛大烈奏言竊<sub>臣</sub>勒保於十二月二十九日酉刻據四川太平協副將羅思舉署太平廳同知袁仕繡稟稱轉據東鄉縣馳報有達縣丁役杜朝翰奔至東鄉之大成寨口稱二十二日三更時綏定府城內新兵滋事焚燒衙署搶劫居民文武官員不知下落等情<sub>臣</sub>

德壯果公年譜卷三十一

等接閱之下不勝駭異查綏定營係川北鎮統轄添有鄉勇入伍新兵今敢乘夜搶掠焚燒衙署不法已極究有賊數若干如何起事官員是否被害未據明晰稟報惟恐游手匪徒聞風附和易於聚集目下川北鎮總兵田朝貴業已解任前來漢中附近綏定地方並無重兵必應趕緊徵調厚集兵力一鼓殲除庶不致蔓延勾結<sub>臣</sub>勒保前調防邊川兵因甯陝換防之兵均已安靜起程業經撤歸營伍現今田朝貴取道平溪壩一路就近回川先調川北兵一千名前赴綏定進剿尙恐兵力稍單並飛調松潘兵二千名甯甯等營兵一千名重慶兵一千名前來剿辦各處官

兵距綏定近者亦須正月二十四五日方能到齊<sub>臣</sub>勒保現已起程由廣元保甯行走一俟松潘兵到川北即帶領馳赴田朝貴一路督剿彼時如賊匪西竄即可迎截並可顧住賊竄嘉陵江之路其甯甯重慶官兵應由順慶行走已飛咨提督豐紳即帶此項兵丁前來會剿至陝南漢南一帶在在與川省連界而定遠西鄉與綏定所屬之太平廳尤為毗連萬一賊匪北竄即可入陝亦須預為布置<sub>臣</sub>德楞泰受

恩深重不敢稍分畛域現擬就近先派甯陝陝安漢中等營新兵二千名並尙未撤回之固原兵二百餘名交<sub>臣</sub>薛大烈並

德壯果公年譜卷三十一

楊遇春等赴邊界查探賊情如賊向東北奔竄距陝較近即行入川會剿<sub>臣</sub>德楞泰現調滿營馬隊二百名軍標兵五百名擬調固原兵一千五百名一俟到時即帶同解任之總兵游棟雲等馳至定遠一帶相機督辦如陝兵入川邊界尤須嚴密<sub>臣</sub>全保亦即帶吳廷剛並擬調河州兵一千五百名前赴西鄉防堵<sub>臣</sub>方維甸在漢中督辦後路彈壓地方並查在營新兵務期兵食充裕民心鎮定不敢稍有懈忽至方柴關潰兵一案<sub>臣</sub>等甫將蘇勒芳阿及解任之總兵田朝貴游棟雲調到訊明大概情形錄取供詞適稟到綏定兵丁滋事查方柴關打仗時前敵即有川北新



兵現正調該鎮兵勦賊未便紛紛提質致啟驚疑若川北兵丁未到仍恐陝甘各營將弁無從指實互相推諉相應請

旨暫緩提質俟川省事竣再行嚴究

十一日

公偕全保方維甸薛大烈奏言臣等奏報綏定府城新兵滋事一案茲於初四日酉刻續據署甯遠廳知府朱秉忠都司呂天俸稟稱探得四川副將桂涵等帶領前此派出巡緝兵勇於十二月二十七日行抵綏定府亭子鋪聞該逆等在麻柳場地方遊弈隨即率領兵勇追往勦殺大獲

德壯果公年譜卷三十一

十一

全勝已將爲首叛兵孔傳仕王得先並劉姓等三名擒獲其餘殺斃生擒者甚眾餘匪僅止二十餘名現在緊跟搜捕指日即可竣事等語旋據太平廳袁仕繼以勒保尙在漢中差役姜清何泗朝二名齎稟前來所稟亦屬相同並面詢該役等據稱綏定城文武並未受傷各等情查此起叛匪未及一旬卽經撲滅此皆仰賴

聖主洪福得以迅速殲洗實屬大快人心其所贖二十餘人月內自己悉數擒獲臣等前擬酌派甘省官兵尙未擬調其滿營軍標並陝省綠營官兵現已飛檄停止理合恭摺奏

聞上慰

聖懷至叛匪等起事緣由並糾集人數及在事出力將弁兵丁勦保自卽詳查具奏

諭曰初十日申刻據德楞額等奏到川省綏定府城新兵滋事一摺當卽指示一切令軍機大臣擬寫諭旨欲於次日發去十一日早間旋據德楞額等奏到接川省文武稟報滋事叛匪業經副將桂涵等帶兵於麻柳場地方勦殺全勝將首逆擒獲其餘殺斃生擒者甚眾餘匪僅止二十餘人等語綏定新兵敢於糾眾焚燒衙署搶劫居民不法已極實堪痛恨茲仰賴

德壯果公年譜卷三十一

十一

上天嘉佑得以迅速撲滅不致蔓延荼害生民實深欣慰德楞額等接到稟報已將前此調派之陝省滿營軍標並綠營官兵飛檄停止現在陝省邊界甯謐無事但飭知毗連川省文武官弁如綏定勦贖之餘匪二十餘人有潛行逃竄入界者卽率獲報明嚴辦其方柴關潰兵一案昨據已查明大概情形係屬先勝後敗尙非遇賊卽退此時勒保已回川省諭令查辦叛匪事竣後卽接查川北潰兵之事不必再來漢中所有西安滿營及陝甘綠營官兵丁前此潰逃情罪著德楞額全保方維甸薛大烈卽會同提質明確奏明懲辦

二十日

公偕全保方維甸薛大烈奏言臣等連日傳到甯陝案內辭伍遞籍之洪貴張學科伍正元羅洪陞屈辛成楊明周



貴陳國順八名到案查訊均係辭伍遞籍在先誠如

聖諭與聞知換防脫逃者情罪尚覺有間應即遵

旨將該八犯發往黑龍江給兵丁為奴又拏獲歸伍後脫逃叛匪

熊玉一名於訊明後即行正法其餘仍飭嚴行通緝分別

辦理至此項降匪該營員等並不先期報明率准辭伍遞

籍亦未稟報應即查明職名咨部議處至永遠防戍降匪

現在造具年貌清冊即分別飛咨新疆各該城辦事大臣

查照內有派赴烏什之甯陝城守營降匪張元友一名於

起程時潛逃現亦嚴緝於獲日即行正法應於冊內扣除

奏入報

德壯果公年譜卷三十一

五

聞

同日公偕全保方維甸又奏言 臣等前奉

諭旨將甯陝廳議建城垣一事覆查核辦查甯陝廳原名五即廳

撫民同知駐紮管轄山內民人與州縣無異從前捐修土

堡即係廳城其甯陝鎮城在廳城迤南十里有餘地名老

關口於添設甯陝鎮總兵時始建鎮城與甯陝廳並不同

城 臣等前此查辦營制原因甯陝鎮兵必須大加裁減祇

留參遊營分是以鎮城殘缺雖多祇須修葺未請改建惟

甯陝廳城係同知治所衙署兵房倉庫監獄及商賈民人

皆在其中現在全行殘毀必須改建應請將甯陝廳城擇

地移建修築土城仍用灰土包築無庸改建甯城惟留城

為南山要路該廳亦係撫民同知衙署兵房倉庫監獄均

須有城捍衛該處山高水急屢被衝刷今擬請另擇形勝

要地建築甯城較舊時堡城規模收小不致糜費

公偕全保方維甸又奏言 臣等欽奉

上諭薛大烈奏官兵棚槽喂養馬匹是否可行著德楞額奏全保方

維甸詳悉妥商奏聞辦理等因 臣等伏查各營官兵馬匹

例應自行喂養所領乾銀春冬每日四分夏秋每日三分

遇有草料昂貴之時即屬不敷雖馬兵祇養一匹而棚槽

鋤刀籠燈油各物皆不可缺需費較多不無賠墊且因

德壯果公年譜卷三十二

六

房屋窄小寄在他處喂養尤不能隨時照料馬匹難免疲

瘦致該兵轉以有馬為累殊於營伍無益若令棚槽喂養

則數匹可共一槽數十匹可共一棚鋤刀祇需一把燈油

等項皆可公用較之自行喂養所省不少若於秋收後草

料價賤之時成總預買存貯所省尤多專派弁兵經管喂

養隨時稽查馬匹亦易臙壯 臣等公同籌議事屬可行應

請將陝甘兩省將軍督撫提鎮各標協綠營馬匹均令棚

槽官為喂養似於兵丁馬匹均有裨益再西安滿營喂養

馬匹與綠營馬兵情形相同請一併官為喂養以昭體卹

而示畫一均奏入



上從之

二十三日

公偕全保方維甸薛大烈奏言正月十四日接據西鄉營遊擊張俊陞任知縣李樞煥稟報十二日瓦石坪新兵聚集三十餘人搶去矛桿旗幟銀兩裹脅百餘人竄至大池壩屯紮並未戕官殺人燒燬兵房等情查瓦石坪係西鄉營分汛在定遠廳接連川省因係巴山老林通川之地設有守備一員千總一員外委二員兵三百名大半皆係新兵因何滋事未據切實查明或係該匪等向未知綏定叛匪撲滅妄思響應亦未可定頃復據陝安道陳祁差探該

德壯果公年譜卷三十二

七

匪約有三百餘人由龍池場鍾家溝一路搶掠襲脅向細辛壩奔竄該處一帶地方與巴山老林相近北距漢中府一百七八十里南距四川亦祇一百數十里即應派兵勦捕俾免蔓延前此綏定叛匪滋事時調派各兵均已停止現在<sup>臣</sup>等會同商酌就近先調漢中各營及留防兵丁八百名<sup>臣</sup>薛大烈即日帶領起程並帶副將祝廷彪等先往勦辦仍檄總兵楊遇春挑帶甯陝兵一千名由捷徑趕往會剿惟該匪現竄之路處處接連川境恐賊匪聞知北面有兵又思南竄已飛咨勒保即令太平協副將羅思舉迎來截擊現在漢中城內官兵多已派出城守未免空虛<sup>臣</sup>

等札行漢南附近各營派兵七百名軍標兵五百名前來以資防禦並預備接濟策應之用儻或稍有蔓延再調前備之固原官兵相機進剿

諭曰德楞泰等奏接據西鄉縣文武稟報十二日二更時瓦石坪汛新兵聚集三十餘人搶去矛桿旗幟銀兩裹脅百餘人竄至大池壩屯紮並未戕官殺人亦未燒燬兵房復據陝安道陳祁探稟該匪約有三百餘人一路搶掠襲脅向細辛壩奔竄等語此項新兵因何起事摺內尚未據切實查明既云聚眾多人將矛桿旗幟銀兩大肆搶劫是業已糾眾倡亂何以稱並未戕官殺人該處所設守備一員千總一員外委二員彼時均在何處

德壯果公年譜卷三十二

八

該汛兵丁共有三百名除滋事三十餘人之外其餘二百六十餘人是否尚知守法何以該官兵等不行勦捕該匪沿途裹脅有三百餘人向細辛壩奔竄究欲竄往何處其為首者係屬何人前日甫有綏定新兵滋事之案辦理完竣而刻下又有此案看來各處新兵均未免因德楞泰辦理甯陝一案失之寬縱以致紛紛效尤不可不示懲創以昭炯戒現在該匪等所竄地方與巴山老林相近若不及早殲淨稍致蔓延辦理恐又費手摺內稱薛大烈楊遇春已先後帶兵一千八百名分投會剿猶恐兵力稍單辦理延緩德楞泰自當即行挑帶勁兵親往督辦此旨到後著全保方維甸仍駐漢中辦理地方事件及查辦方柴



關潰兵之案德楞泰迅即帶兵前往勿再遲逾伊於甯陝一案  
辦理失當惟當勉贖前愆此次帶兵到時不但不可存招撫謬  
見或賊匪畏懼乞降亦不可率子寬宥當將首夥各犯悉數殲  
擒大申國憲方不致再有蠢動尤不可任逃逸山內致稽時日  
至該處既接連川境賊匪等聞知北面有兵或思南竄是川境  
防堵事宜亦關緊要勒保現在綏定查辦該處叛案未能親至  
邊界著即迅派得力將領如桂涵羅思舉等挑帶官兵速赴川  
陝邊界地方迎頭會剿以期兩面合擊剋日辦淨不致逃竄漏  
網是為至要仍著德楞泰等先將滋事緣由查明速奏

二十六日

德楞泰奏年譜卷三十二

九

公偕全保方維甸奏言竊瓦石坪新兵滋事臣等商同派  
兵截剿去後茲於十九日未刻據副將祝廷彪稟報賊匪  
由油坊坪一帶奔竄祝廷彪帶領前隊兵丁覓路抄過賊  
前適太平協副將羅思舉都司謝成貴等聞賊竄近亦即  
不分畛域同時趕到十七日該協等合兵一處迎至大池  
壩地方賊匪蜂擁抗拒祝廷彪羅思舉親帶官兵從山梁  
併力壓下槍箭齊發攪殺甚久將首逆偽總元帥周士貴  
扎斃賊匪紛紛潰亂我兵爭先趕殺共殺賊一百六十餘  
名生擒八十四名並將首逆偽元帥趙文賢賊目謝文明  
張貴劉士貴等獲奪馬旗幟鳥槍刀矛甚多餘匪二

百餘名竄入巴山老林該處冰雪甚大現在跟蹤趕緊剿  
捕等情又接據總兵楊遇春稟報十八日至峽石地方擊  
獲打散偽先鋒雷陞附和遊匪滕魁侯貴訊問打仗情形  
與祝廷彪所稟無異並供稱周士貴是偽總元帥趙文賢  
是偽元帥屬實伏查殘匪竄入巴山均已膽落現在薛大  
烈楊遇春兩路官兵已可到彼合兵剿捕即可就地殲除  
此次臨陣生擒之賊除將首逆賊目並楊遇春所獲賊目  
一名提解前來訊究起事根由再行懲辦外其餘餘賊  
匪均即正法

公偕全保方維甸又奏言近又據華陽營參將何占維等

德楞泰奏年譜卷三十二

五

獲並未投誠先行逃散之甯陝叛匪閔元瑞梅紅二名又  
甯陝中營遊擊黃瑞等獲換防起程時脫逃之叛匪張元  
友一名解送前來臣等會同訊明即行正法又掣到離伍  
遞籍之蔣習元陳清二名即遵  
旨發遣黑龍江給兵丁為奴尚有未獲之脫逃叛匪六名離伍叛  
匪六名迅行嚴拏其已獲之犯即行停緝  
諭曰德楞泰等奏截剿瓦石坪叛匪殲擒首逆夥匪多名覽奏欣  
慰此次瓦石坪叛匪滋事稟脅匪眾五百餘名馬賊數十名往  
來搶掠甚為可恨經副將祝廷彪羅思舉帶兵同時趕到會合  
一處迎至大池壩地方奮力剿捕殲斃首逆偽總元帥周士貴



擒獲首逆偽元帥趙文賢賊目謝文明張貴劉士貴共計殺賊一百六十餘名生擒八十餘名奪獲騾馬器械甚多餘匪二百餘名均已膽落奔竄所辦甚屬可嘉祝廷彪羅思舉著加恩交部議敘此時薛大烈楊遇春兩路官兵已早趕到所賸敗竄餘匪不難一鼓殄除著卽責成薛大烈楊遇春羅思舉祝廷彪等四人上緊剿捕悉數殲除勿使一名漏網該匪等竄入巴山老林該處冰雪甚大薛大烈等祇須於巴山老林察探該匪出沒必由之路嚴密圍堵使其無路逃生自必束手就斃轉不必專事追捕墮其牽綴奸計致疲兵力也所獲賊首賊目著德楞泰等細心研鞫詳訊起事根由務得確情具奏其偽總元帥周士貴業被扎斃偽元帥趙文賢亦被擒縛現在餘匪二百餘名中是否尚有偽元帥偽先鋒在內所稱馬賊數十人該匪等所騎之馬何以多至數十是否搶掠本營馬匹抑係劫自民間並著訊問明確爲要

二月初一日

公偕全保方維甸薛大烈奏言官兵趕剿瓦石坪叛匪於十七日在大池壩大獲勝仗後該匪竄入巴山老林等處飛飭各路官兵分路入林搜捕不予以暇並飛飭瓦石坪守備張傑查明叛匪姓名數目以憑核對二十日薛大烈帶同副將祝廷彪已革副都統蘇勒芳阿等由倒洞壩

德壯果公年譜卷三十一

德壯果公年譜卷三十二

三

前進總兵楊遇春帶同遊擊張啟鼐等由高橋河前進副將羅思舉遊擊張俊都司呂天俸等由梨樹壩前進老林中道路險窄不能乘騎將領及漢滿各兵不避艱險悉皆步行攀陟探得賊匪由小漾壩蒿枝壩深入老林至燕子巖楊坪一帶潛匿薛大烈同蘇勒芳阿進兵梨子坪另派祝廷彪進至油盤壩楊遇春等進兵大坪羅思舉進兵涼橋另派張俊等進至鸚哥嶺數路圍截賊匪不能遠竄二十一日各路齊進遇有逃出之賊卽行殺戮隨物隨進賊黨紛紛潰敗賊首韓金堂等見大兵雲集逃竄路窮喊稱饒命棄械跪地薛大烈同楊遇春當將首逆偽總帥韓金堂偽元帥陳紹禮何魁賊目偽總兵李加貴楊興德五名細縛其首逆偽總帥周士貴一名緣十七日打仗時該匪前胸額顛受傷甚重倒地未死此次亦一併搜獲並獲偽先鋒黃占隴叛匪李洪玉等二十六名連十七日打仗羅思舉擒獲之偽元帥趙文賢叛匪謝貴等七名瓦石坪兵丁擒獲之偽先鋒楊桂等五名甯陝兵丁擒獲之偽先鋒雷陞卽雷洪陞一名殲斃三名共叛匪四十八名全數殲獲與張傑開報名數相符並無一名漏網其餘賊夥殲斃一百六十餘名羅思舉祝廷彪等獲七十七名薛大



烈等又截殺三十餘名拿獲一百九十六名除業經殲斃賊匪及此內被襲難民幼孩李應祥等訊明釋放不計外現將游匪一百十八名細縛解送臣等查此次瓦石坪叛匪膽敢謀逆滋事焚燒民房搶掠姦淫無惡不作實屬罪不容誅茲仰賴

聖主天威將士奮勇軍聲大振數日之內即得痛勦甫及旬月首夥全擒地方肅清居民安業並使新兵震懾反側潛消實深慶幸之至一俟各犯解到嚴訊起事確情即將首逆凌遲處死賊目叛匪及投往賊營游匪盡行正法服役匪徒發遣為奴以示懲儆除分別核辦續行開單具奏外現在

德世果公年譜卷三十二

派員確查難民妥為撫卹並查明出力人員另行核實保奏

諭曰德楞泰等奏官兵圍剿瓦石坪叛匪首夥全擒盡數撲滅緣由覽奏實深欣慰此次陝省瓦石坪叛匪滋事經官兵痛加殲戮餘匪二百餘人竄入巴山老林藏匿延喘薛大烈楊遇春廷彪羅思舉張俊蘇勒芳阿督兵一路進剿擒獲偽總帥偽元帥首夥多名計叛匪四十八人全數殲獲並無一名漏網所辦可嘉本日正值朕宮中祀神之期午間即據遞到德楞泰等六百里奏報吉事有祥以手加額特發去

神糕一盤賞給德楞泰全保方維甸薛大烈分賞用昭渥眷並賞給薛大烈白玉喜字搬指一箇黃辯大荷包小荷包二箇除副將祝廷彪羅思舉前已降旨加恩交部議敘外薛大烈楊遇春均著加恩交部議敘至遊擊張俊勦捕叛匪隨同出力自應一體仰邀甄敘但此次叛匪是否有張俊所管營兵在內有無激變情事著德楞泰等查核明確如該匪等起事實與該遊擊無涉亦並非伊所轄即應奏明候朕施恩儻有該管營兵在內則該遊擊此次奮勇出力功罪亦可相抵若竟係該遊擊激變不惟不應加之獎勵並當示以懲創德楞泰等惟當秉公查詢據實具奏以憑核辦至蘇勒芳阿雖亦隨同帶兵勦賊但伊從前

德世果公年譜卷三十二

西

方柴關潰兵一案尚未據德楞泰等查核明確應俟定擬具奏到日再降諭旨所有此次打仗官兵著德楞泰等查明實在奮勇出力者加恩賞給一月錢糧其餘隨同出力者賞給半月錢糧糧至前次川省勦捕綏定叛匪一案辦理亦甚迅速桂涵所帶兵丁五十名亦著加恩賞給一月錢糧其餘在事之團練鄉勇並著勒保查明實在出力者加恩賞給一月錢糧隨同出力者賞給半月錢糧以示鼓勵其陣亡四川新兵周全一名陝西新兵張榮馬有貴二名俱著加等照外委例賜卹至摺內稱賊首韓金堂等見大兵雲集逃竄路窮喊稱饒命棄械跪地等語與川省綏定叛匪所供設或官兵追剿緊急可冀投首免死之語



情詞如出一轍可見該匪等固孽由自作亦總因甯陝叛匪滋  
事德楞泰輕率受降並未懾以軍威遂爾心存玩視相率效尤  
現在所獲各犯據德楞泰等摺內稱擬將首逆凌遲賊目叛匪  
及投往賊營游匪盡行正法等語所見甚是自應如此辦理並  
著德楞泰勒保等曉諭川陝各營新兵嗣後務當安分守法若  
有倡亂滋事者國憲具在卽力竭投誠亦斷難幸免誅戮況新  
兵等既入伍食糧均當爲國家出力自非心懷反側皆得共享  
昇平朕一視同仁伊等更無容妄生疑慮近日如桂涵羅恩聚  
皆係由鄉勇出身因效力戎行屢著勞績不次擢用至專閫  
大員其次如羅貴亦係新兵因勦捕綏定叛匪出力破格殊施

德壯果公年譜卷三十一

錫子勇號仍加等擢用至如此次陣亡之川陝新兵亦俱加等  
賜卹若自作不靖卽分別凌遲正法不能稍爲寬貸蓋急公效  
命則仰沐恩施蒙旻奕世作奸犯科則身遭誅殛妻孥不保禍  
福惟其自取耳仍著德楞泰等嚴訊現獲各犯查明起事根由  
該匪等此次並未戕害地方官吏諒非激變究竟因何起衅務  
得確情據實具奏

恭錄

御製詩

新兵三十韻

教匪幸盡除營伍歸沃地鄉勇實繁多過半皆收類有家樂生

還無籍難安置羈縻暫分防從權非善議  
調官兵皆陸續凱旋撤歸伍至鄉勇一項有在本籍地方團集  
堡寨衛護田廬者大率皆身家贍足之人事定後各安生業共  
樂昇平其隨征鄉勇係軍營隨時雇募者此輩多係素無恆產  
營衛鋒陷銳出力爲多當大功告成之際預備各該督撫查明  
欲歸原籍者給賞遣送各還鄉土其無籍可歸者不得無理爲  
安置惟是經略額爾登保因議增設新兵卽以此項鄉勇充補  
俾得優項以資養贍兼其嫻習營規用示鈐束實一時權宜  
無弊之法也

試陝安率准降姑息網紀棄誅逃倣其餘投裔禦魑  
營新兵陳達順陳先倫向貴等糾眾倡亂襄陽多人拒捕將官  
待命德楞泰扎克塔爾溫存薛大烈等前往督同該省鎮將上  
緊勦辦調集陝甘川省官兵西安駐防滿兵並盛京吉林黑龍  
江墨爾根等處官兵先後馳往原望一鼓殲除中則盡典大示  
懲創德楞泰等到彼先後派官兵四路擊勦頗有斬獲及至力  
柴關與賊接仗後隊伏賊起至爲敗散多官兵被賊衝擊情形

德壯果公年譜卷三十一

退敗而賊黨蒲大芳王文龍等率眾起至軍前投裔禦魑  
乞降經楊遇春等諭令將賊眾撤退並獻出首逆再行定議捕  
大芳等立將陳達順等三人縛獻並應退賊眾擒斬不願投順  
者數人遂稟知德楞泰准令受降此大誤也十月初間德楞泰  
等報至朕卽諭令德楞泰等將該叛賊按律分別定罪原欲俟  
奏到時核其情節稍宥可原者貸以一死已屬格外施仁乃德  
楞泰尙未接奉諭旨輒將現存叛賊二百四十餘名仍歸原營  
入伍姑息養奸實從無此辦賊之法節經降旨嚴飭令其另  
行定議並將辦理錯誤諸大員分別懲辦嗣經調任總督全保  
巡撫方維甸等奏擬借新調防爲名將各該處未動新兵與  
降賊二百二十餘人分起調出一體搭配分派將弁管帶出關  
俟到彼後將降賊分給各回城回子伯克爲奴其著名之犯俟  
行至中途相機擊斃定擬斬絞並稱現在新兵及降賊均各情  
願換防等語在全保等之意係欲從權辦理但既以換防爲名  
分起調往新疆及到後又復傳旨分別發遣是仍設計誘往不  
足以申國法而示嚴懲爰特降旨令全保等將該犯等竟作  
爲換防兵丁配搭陳兵分起前往俟到後將此等降賊承勿  
合其換回以示屏諸遠方之意其著名各犯亦無庸再分等差  
此實因德楞泰等辦理降匪業已錯謬於前而朕保護良民之  
苦心不得已如此完結非正辦也



及降匪蒲大芳王文龍等俱已全數起程內有不願換防及推  
病脫逃之荷文興等於擊獲時即行正法其歸伍後脫逃者仍  
各該督撫嚴拿務獲勿令漏網至方崇關敗退之兵既飭勒保  
全保等查明嚴辦並將帶兵大員如田朝貴游棟雲蘇勒勒芳阿  
等核其情節分別 綏定亂既滋越城竄守備兵集團練迫一戰  
定擬用肅軍紀焉

檄槍墜罰罪賞有功免賦除民累 本年正月初十日據德勝  
滋事之信正在降旨飭諭於次日旋據奏到接據川省文武稟  
報綏定叛匪業經副將桂福等帶領兵勇於麻柳地方剿殺  
全勝將首逆孔傳仕王得先並劉姓等擒獲其餘殺斃生擒者  
甚眾文武官員俱未被害等語續又據勒保馳奏除首逆生擒  
外其餘旗手及附和匪徒亦全數殲獲並無一名倖免因降旨  
將奮勇出力之桂福加賞總兵銜仍交部從優議敘並賞給巴  
圖魯名號其道員嚴士鈺同知王世勳調撥團勇勉期制勝均  
著交部議敘至達縣知縣余承甯東鄉縣知縣楊世益新甯縣  
知縣劉毓均因練勇殺賊或賞戴花翎或給予陞銜補用卹  
後員末秩亦量予甄錄而在事兵弁等各量予陞補其尤爲  
出力之新兵羅貴卹以千總超補並賞給巴圖魯名號以示優  
獎至守備王國維先因扣留兵餉激生事端旋即越城遁匿卹

德皇果公年譜卷三十一

令於該處正法用昭炯戒所有綏定城內及麻柳場居民被賊  
焚燒者飭令該督查明將本年應徵錢糧悉予寬免並酌賞修  
理房屋之費給賑 川境甫收甯陝邊復恐肆搗竿瓦石坪嘯聚  
三月俾無失所

山林遂兩省師夾攻奮威固原帥首逆盡生擒殲淨妖崇川  
綏定之事甫竣又據德勝等奏陝省邊境瓦石坪地方復有  
新兵滋事旋據奏經副將祝廷彪會同川省副將羅思舉合兵  
剿殺已將首逆周士貴殲斃並擒獲賊目趙文典等共計殲擒  
賊匪二百餘名其餘匪二百餘人竄入巴山林當經降旨責  
成固原提督薛大烈甯陝總兵楊遇春督同祝廷彪羅思舉上  
緊圍捕務令就地殲擒二月初一日據德勝等奏薛大烈楊  
遇春等督兵五路進剿將首逆各犯盡數撲滅辦理實爲迅速  
除副將祝廷彪羅思舉先行交部議敘外薛大烈楊遇春二人  
亦一體加恩敘敘並著德勝等將打仗出力官兵分別賞給  
賞給錢糧有未可尙寬柔玩易如兒戲火烈孰敢攖水懦愚益  
差用示鼓勵

織眾正紀律嚴知方明大義半載三叛亡蕩平威

天賜守法道

考猷詳紀新兵事 國家設兵衛民可百年不用不可一日不備是  
敵致果所向無前大易所謂師出以律者此也我朝自  
國以來八旗勁旅英銳之風爲前代所未有 列聖相承皆  
以經武爲亟我 皇考神謨廣運睿略周詳會 頒發行  
軍紀律於有進無退之旨 訓諭諄諄誠以敵愾同仇義無  
返顧必軍令嚴明而後眾志成城如山岳之不可動斯戰勝攻  
取無遠撓之虞而保全者眾此 武功十全所由發燦隆茂  
卓越千古也子承 丕緒親政之初正值勦辦三省邪匪  
籌機決策亦惟申明賞罰不少寬假用能淨掃賊氛奠安黎庶  
此次新兵偶有蠢動德勝於甯陝叛賊旨味受降以致辦理  
未能妥協節經嚴切訓誡並於方崇關退敗一事嚴實查辦以  
飭戒行而綏定瓦石坪兩處新兵滋事遂相繼發平不致稍稽  
時日此實仰賴 天慈垂佑於半載之內俾三叛賊不旋踵  
而定而子之恪遵 考志以申  
破武備者實未敢少有懈弛云  
十六日

德皇果公年譜卷三十一

公備全保方維甸薛大烈奏言竊官兵在陽坪老林圍剿  
叛匪全數擒獲前經奏明俟解到時分別審辦查叛匪共  
四十八名除殲斃何貴等三名外茲解到陝省官兵擒獲  
叛匪周士貴等三十八名及遊匪覃貴等一百四十四名  
又乘機搶銀並被脅兵丁謝文明劉士貴二名川省解到  
所獲叛匪趙文賢等七名遊匪沈正興等六十七名共計  
解到賊匪二百五十八名 臣等連日悉心研審緣瓦石坪  
營汛係西鄉遊擊管轄額設兵丁二百九十一名皆由隨  
征鄉勇入伍除去冬新疆換防兵三十名又出差及塘汛  
兵三十一名外實存營兵二百三十名首逆周士貴充當



馬兵素性驚駭與馬兵韓金堂陳紹禮趙文賢何貴等屢次飲博同惡相濟均屬不安本分向來年底例借接濟銀兩馬兵每名應借銀四兩於次年每季放餉時扣銀一兩四季全歸原款嘉慶十年十二月二十四日支發接濟銀兩次年春季餉銀亦於是日支發守備張傑以同日支放卽行坐扣一兩實祇借給銀三兩於夏秋冬三季扣還報明有案十一年十二月二十一日經護理守備事千總蒲明支放接濟銀兩每馬兵一名借給四兩二十六日支放次年春餉卽照例扣還銀一兩周士貴以十年祇領接濟三兩恐係守備短發隨向蒲明稟問經該弁告以十年所

德壯果公年譜卷三十一

九

領接濟因與春餉同放是以坐扣一兩祇放三兩次年扣過三季亦祇扣還三兩並未多扣周士貴總以雖未短發但歲暮時多借一兩卽當得一兩之用今先坐扣心懷不服正月初八日該犯邀同韓金堂陳紹禮趙文賢何貴王三元等會合飲酒俱入醉鄉說及此事何貴聲稱當兵徒受拘束不如約人搶掠眾人隨口附和適有守備跟役胡三達路過窗外聽聞密向守備張傑告知張傑卽於正月初九日傳到韓金堂陳紹禮等查訊韓金堂等供明實係一時酒醉糊塗亂說並無謀反情事張傑大加呵斥聲言欲稟明西鄉遊擊查究其實藉以恐嚇並未具稟該匪卽

彼此竊議一經具稟必干重罪正月十一日張傑適差兵丁馬有貴赴西鄉公幹王三元探知以爲必係稟知此事向周士貴韓金堂等告知該犯等隨於是日二更邀約夥黨聲言本官業已差人稟報本營兵丁全行造反你們不反亦死不如大家及早逃生聽糾者共有四十餘名齊集街上其餘兵丁均不肯聽從入夥守備張傑及千總蒲明聞知親至街上曉諭隨有匪徒張貴勝魁等數十人附和開鬧喝止不住張傑當向叛匪面言不如先將我殺害再行造反該匪等聲稱祇圖逃命不敢殺官亦不敢在此殺人放火張傑蒲明卽與外委魏陞牛正爵等分投傳喚未

德壯果公年譜卷三十一

三

經從賊之兵查拏叛匪時已半夜不能一呼卽至而周士貴等已擁入營庫搶去軍械並搶去餉銀三百八十一兩零營馬七匹立時竄逸迨傳齊各兵已交四更千總蒲明外委魏陞卽欲督率趕拏張傑以夜間無處跟蹤至十二日天明後率同蒲明魏陞牛正爵將存營兵一百七十九名全行帶出追拏賊去已遠未經趕上該匪叛出後查點匪眾起首滋事並附和兵丁四十八名附和匪徒三十六名此外有兵丁劉士貴李陞二名原未附和周士貴逼脅同行又有謝文明一名原未入夥乘亂搶得餉銀二錠旋即逃出未經同行十二日賊匪竄至大池壩眾議周士



貴爲總元帥韓金堂爲副總元帥趙文賢陳紹禮何魁三人爲元帥楊興德李加貴爲總兵郝國清汪文禮蘇貴項正剛黃占隴符甯高張洪玉李清方正興李洪玉柳明春謝貴何貴張建雷洪陞十五名爲先鋒高文桂王三元古文學爲旗手三十四十五等日由龍池場鍾家溝維家壩細辛壩一帶奔竄焚掠裏脅破洞殺人搶奪騾馬姦淫婦女沿途有張有得覃貴帶領邊界游匪入夥復繞道山窩壩菩提河折竄東南並焚燒西大池壩塘房十間十六日繞回瓦石坪意欲勾結兵丁因官兵全已帶出無從與脅祇將民房焚燒延燒守備署堂三間隨至簡池壩邊境

德壯果公年譜卷三十二

三

探聞前有川兵不敢前進旋又折回十七日在大池壩地方經官兵勦殺後餘匪奔竄巴山老林二十二日在陽坪地方官兵四面截住賊匪無路逃生全數擒獲茲將前獲續獲賊匪一併解到嚴加刑訊據供前情不諱亦並無殺定匪徒前來勾結及營員等剋扣兵餉以致激變情事其餘入夥遊匪<sub>臣</sub>等一一提審令其與叛匪等當面質對供亦相同查此案除何貴胡昌祿張大鳴三名業經臨陣殲斃外現在獲解叛匪四十五名內周士貴僞稱總元帥韓金堂僞稱副總元帥趙文賢陳紹禮何魁僞稱元帥均係起意首逆應將該五犯一併凌遲處死傳首滋事地方梟

示仍查明家屬緣坐財產入官賊目楊興德李加貴等十六名僞稱先鋒旗手叛匪王三元等二十四名俱係兵丁聽糾滋擾至邊界附和游匪除臨陣殲斃一百九十餘名外現在獲解匪夥譚貴等一百六十六名訊係聞風投往各夥厥罪維均兵丁謝文明雖未入夥但乘機搶掠餉銀亦屬法無可貸俱應卽行正法梟示以申

國憲以上共計二百零七犯<sub>臣</sub>等於審明後卽飭委陝安道陳祁漢中協副將祝廷彪並派文武官弁押赴市曹分別凌遲處斬訖城廂內外萬眾環觀無不同聲稱快賀明頁等二十八名被脅同行僅止煮飯喂馬背負行李並未使

德壯果公年譜卷三十二

三

掠殺人但既爲匪徒服役卽非善類兵丁劉士貴係屬被逼同行於十七日逃出雖非甘心從賊但身充行伍究非民人可比未便竟置不議應與賀明頁等均發往黑龍江給披甲人爲奴卽行起解民人陳紀黨等十七名實係甫經被裏旋卽逃出各有親屬保認交地方官遞回省釋未獲之兵丁李陞通緝務獲究辦謹將拏獲數目各犯姓名籍貫分繕清單恭呈

御覽至守備張傑訊明並未苦累兵丁剋扣糧餉當叛匪滋事之初該員親身曉諭集營兵亦未畏葸逃匿惟平日不能約束新兵及兵丁聚飲妄言又不能立行拏究迨叛匪滋



事竄出後猶不即時趕捕待至天明始行往追實屬怠忽無能未便因其隨同剿賊稍從末減應請

旨將張傑革職發往伊犁充當苦差西鄉營遊擊張俊駐劄縣城距瓦石坪二百七十餘里並不同城此番事起倉猝亦非豫謀為逆該員一聞稟報即行帶兵趕拏打仗亦多殲獲惟瓦石坪係該遊擊所轄實非尋常失察可比應請

旨將張俊以都司降補千總蒲明外委魏陞亦有約束不嚴之咎但該弁等原欲帶兵連夜趕拏張傑不允尚非該弁等怠玩打仗時蒲明擒賊李開明等三名殺賊四名魏陞擒賊王觀國等三名功過尚可相抵應將蒲明責處拔去藍翎

德壯果公年譜卷三十二

三

仍行革職留任魏陞重責四十棍以觀後效額外外委牛正爵打仗並未獲賊應即斥革陝安鎮總兵王兆夢據稟報即日帶兵前來等恐賊匪竄渡江北札令沿江一帶堵截是以未至軍營該鎮係管轄總兵例有失察處分應請

旨將王兆夢交部議處全保薛大烈於上年十一月十二月先後到任即難辭咎請

旨一併交部議處

公偕全保方維甸薛大烈又奏言竊照瓦石坪叛匪滋事官兵分路剿捕西鄉營遊擊張俊漁渡營都司呂天俸留

壩營都司顧應全聞信俱即各帶兵立往趕剿副將祝廷彪奉派後即帶兵抄起賊前五石坪守備張傑亦帶本汛

兵趕上匪蹤適川省副將羅思舉都司謝成貴帶兵趕到合力剿殺殲獲甚多餘匪始窮蹙潛入老林薛大烈楊遇春復督率游棟雲蘇勒芳阿羅思舉祝廷彪遊擊張啟釐張俊都司謝成貴呂天俸朱福壽楊殿甲等各路官兵四面兜圍仍挑趨健官兵入林搜剿委前鋒校佛成前鋒緬僧額千總唐璉劉倬柱劉大詹玉彬外委王國輔鄒文泰馬兵白玉魁攀援險阻趕剿賊匪尤為出力得於數日之內全數殲擒並無漏網地方肅清各員弁實屬著有微

德壯果公年譜卷三十二

請

勞至在事地方文員辦運軍糧差探賊情團勇結寨均自上年七月甯陝叛匪滋事時即已調至軍營近復因綏定之事派往邊界本年正月勦辦瓦石坪叛匪亦曾派往各路軍營始終奮勉又德楞泰帶來陝之主事趙麟等辦理文案及善後各事宜均能實力實心不辭勞瘁又城固縣候選知縣樊玉軸上年因甯陝叛匪滋擾自雇壯丁守城並捐辦灰甎修補城垣向義急公嗣復隨德楞泰軍營差委實能奮勉等公同查核謹擇其最為出力者同兩次打仗奮勇各員弁開具清單進

呈恭懇



皇上施恩以示鼓勵其隨同羅思舉一路出力弁兵練勇應歸勒保就近查明分別奏請獎勵再詹玉彬係銅鼓營千總曾在軍營出力此次隨同臣薛大烈剿辦叛匪不辭勞瘁且於陝西南山邊界情形最為熟悉可否留於陝省以守備補用之處出自

皇上天恩

公偕全保方維甸薛大烈又奏言查陝甘各營每遇青黃不接米糧昂貴之時及歲底諸通盈集之際皆借餉銀接濟仍於次年分作四季扣還自乾隆十二年

奏准後歷經照辦並無拖欠陝中左城守西江口華陽五

德杜果公年譜卷三十二

三

營於嘉慶十年冬底經該營詳准前任總督倭什布借領一季餉銀九千二百五十二兩各營於歲暮先借給兵丁度歲銀五千六百零三兩中左二營尚存銀一千九百六十兩華陽營尚存銀一千二百六十九兩華陽分出之厚畛子汛尚存銀四百二十兩以備責黃不接隨時接濟之用叛匪滋事時將中左兩營華陽營貯庫銀兩搶掠無存惟厚畛子地方賊蹤未至未被搶掠茲據總兵楊遇春查明具報前來臣等查此項借給兵丁度歲銀兩內除司庫已於上年夏季扣過銀二千三百一十三兩外尚有未扣銀三千二百九十兩例應照數扣還惟是各營兵丁多換

防遣戍之人且現在裁汰兵額曠缺已多無從按名查扣卽存營各兵屢遭蹂躪情形尤為可憫相應據實奏明請旨至存庫被搶銀三千二百二十九兩兵丁本未借領經楊遇春查明實係被賊搶掠屬實但究係該營將領防範不嚴所致應請

旨於正署總兵參將遊擊名下追賠歸款再查十年秋舊賬濟案內有賸存包穀二千五百七十餘石於十一年七月

奏明借給甯陝各營兵丁添補食用又華陽營於十一年七月借給兵丁存貯營地稻穀二百三十五石五斗四升均應扣還現在兵多空缺亦難若追相應一併奏明請

德杜果公年譜卷三十二

三

公偕全保方維甸薛大烈又奏言竊照陝省山內遊散游匪恐有逗留生事以及賭博匪徒擾害居民均應查拏嚴辦臣等專派地方文武分投查緝茲據參將李英多拏獲叛匪張雲一名副將祝廷彪拏獲叛匪黃有寬一名又拏獲搶掠匪犯汪正海陳文潮張開貴賭犯馬思貴曹登楷袁天杰等六名華陽營參將何占鼇拏獲匪徒余相一名臣等逐一研訊張雲黃有寬二犯均係從賊搶掠殺人未候遣散先行逃走之犯應卽正法余相先充鄉勇現在寶雞山內開設飯店曾窩留已經正法之叛匪楊滿王才二



人認爲義子應照容留外省流棍勾引來歷不明之人例發近邊充軍至配所杖一百折責安置汪正海陳文潮張開貴三犯俱屢經搶奪過路人財物應照川省匪徒在野攔搶止二三人犯該徒罪以上不分首從例實發煙瘴充軍照例刺字至配所杖一百折責安置馬思貴在空廟聚賭抽頭曹登楷袁天杰前往賭博均屬不法馬思貴應照杖一百徒三年至配所折責安置曹登楷袁天杰均枷杖遞籍審明後均卽分別辦理再歸伍脫逃降匪內現又擊獲聶富一名臣等會同訊明實係聞知換防帆行脫逃當卽正法又傳到辭伍遞籍降匪孫仲盛寇得二名遵

德壯果公年譜卷三十一

三

旨發往黑龍江兵丁爲奴現在未獲之脫逃辭伍降匪共祇九名仍嚴行查緝務獲辦理

公偕全保方維甸薛大烈又奏言竊臣等欽奉

諭旨方柴關潰兵一案昨據德楞泰等已查明大概情形係屬先勝後敗尚非遇賊卽退著卽會同提質明確奏明懲辦等因茲臣等復向游棟雲蘇勒芳阿訊問與前奏情形無異並傳現在漢中之西安馬隊固原漢中河州兵丁隔別研訊該兵等供稱九月十八日前敵接仗實係陝甘四川各兵同在一處各兵同時退下滿營綠營馬隊官兵俱在山下亦卽退至小橋抵禦如果能指出先潰兵丁此案有人

當罪卽與我等無涉豈肯代人受過等語復向鳳安趙洪周訊以從前爾等俱稱川兵先退何以不能指實據鳳安稱是日山腿退回各兵內我因見有川北字樣旗幟是以指稱川北至其餘旗幟我實不能認識據趙洪周稱我因退回官兵內有四川把總高耀馬兵冉貴二人是向來認識所以指說川兵至其餘官兵我皆不熟彼時誰先誰後實不能指定等語臣等復派知州雒昂帶同滿漢官兵赴方柴關踏勘地勢據雒昂查稟與節次訊奏情形符合總由數隊兵丁乘勝追賊已屬攙雜不齊迨後賊匪悉數抗拒分作數路拚命攻撲各兵因傷亡人多同時退下被賊

德壯果公年譜卷三十一

六

截作數處各不相顧加以霧雨瀰漫辨視不清究竟何人先潰委不能指出姓名反覆究詰矢口不移臣等伏思兵丁打仗未能全勝相率退回卽係鎮將等訓練不精約束不嚴所致既不能查出首先退回之兵卽應罪坐將領除蘇勒芳阿已經奉

旨革職川北鎮總兵田朝貴由勒保審辦外所有解任之河州總兵游棟雲到任七月旋卽出師本派在後路接應當官兵被賊匪撲退該鎮尙能督兵趕緊擊營放槍轟擊但未能抵住賊匪自有應得之咎應請

旨將游棟雲革去總兵留於陝甘以副將降補漢中副將祝廷彪



到任甫及三日即出兵打仗彼時各兵退回係屬該協殿後抵禦且此次瓦石坪叛匪滋事該協會同羅思舉帶兵星夜趕至該處痛剿獲勝實屬超出力相應據實聲明

請

諭曰此次瓦石坪叛匪不守營規心疑該守備張傑短發接濟銀兩醉後出言無狀膽敢藉詞恐嚇戕兵糾約滋事焚搶抗拒實為罪大惡極除臨陣殲斃各犯外現獲之周士貴等二百七犯業經德楞泰等審明分別發遣處斬餘俱照議分別發落至守備張傑於支接濟銀兩時因次年春季餉銀同口支發坐扣

德莊果六年請卷三十二

九

兩係例應扣還之款並非私自短發剋扣迨首逆周士貴等會聚飲酒聲言不如約人搶掠該守備聞知傳到呵斥欲行申稟查究亦係伊職分所當管束且該犯等邀約開關時張傑當向面言不如先將我殺害該匪等猶稱不敢殺官可見該備平素自無斂怨激變情事惟據稱該匪等搶庫竄逸時已四更千總蒲明外委魏陞即欲督率趕拏張傑以夜間無處跟蹤俟天明始行追拏賊去已遠未經趕上其咎實在於此但該備續經隨同剿賊其並不即時躡捕之處予以褫職已足示懲張傑著革職免其發往伊犁充當苦差千總蒲明外委魏陞雖有約束不嚴之咎但均能打仗擒賊功過尚足相抵蒲明著拔去藍翎仍

帶革職留任免其責處魏陞亦免其重責總督統轄營伍咎有應得前次川省級定叛匪滋事勒保在陝聞信馳往調度有方迅速撲滅是以加恩免其議處全保於此次勦捕事宜祇係會同辦理所有自請交部議處之處著加恩改為察議薛大烈帶兵圍捕出力前已降旨議敘著免其議處總兵王兆夢著交部議處遊擊張俊著以都司降補

又

諭曰德楞泰等奏會同查明勦辦瓦石坪叛匪之出力文武員弁懇恩鼓勵陝省瓦石坪匪徒滋事德楞泰等調集各營官兵分派各員弁撲剿兜擒賊功迅速而在事各員辦運軍糧開勇結

德莊果六年請卷三十二

三

案亦俱不辭勞瘁奮勉急公宜加恩獎以示鼓勵除太平協副

口營都可謝成貴業經分別陞賞外其餘均各獎擬有差

又

諭曰甯陝中左城守西江口華陽五營借給兵丁度歲銀兩除扣過銀二千三百一十三兩外其未扣銀兩本應照例扣還但念各營兵丁多有換防遣戍之人且現在裁汰兵額曠缺已多即存營各兵屢遭蹂躪情尤可憫所有未扣銀三千二百九十兩著加恩免其扣還至中左兩營及華陽營存庫被搶銀三千二百二十九兩據該將軍等稱該管將領防範不嚴應請在正署總兵參將遊擊名下追賠歸款等語甯陝叛兵滋擾所有該管



將領業經查明分別功罪或量予恩施或加之懲處此時若再將被賊搶掠銀兩責令分賠恐該將領等籍口代賠又私向兵丁剋扣致滋流弊所有此項被搶銀兩亦著加恩免其賠繳其借給甯陝各營兵丁包穀二千五百七十餘石借給華陽營稍穀二百三十五石五斗四升並著加恩一併免其扣還以示體卹

又

諭曰德楞泰等奏查訊方柴關打仗退回兵丁將約束不嚴之鎮將參奏請旨懲辦此次官兵在方柴關勦賊實係先勝後敗並非遇賊卽潰但臨敵退後官兵均有應得之罪德楞泰等查訊

德壯果公年譜卷三二

三

情形與勒保前日所奏俱相符合此案川北兵丁昨因各營合隊不能確指先退之人已加恩免究其帶兵鎮將並各從寬議處所有陝省此次打仗退回兵丁亦著加恩免其查究至總兵游棟雲到任甫經七日卽帶兵勦賊當賊匪追撲官兵時該總兵趕緊拏營督率兵丁放槍轟擊尙無懼怯情事田朝貴任川北鎮較久平日疎於訓練前將伊革去提督銜巴圖魯名號留川北鎮總兵仍帶革職留任游棟雲與田朝貴過失相等在任日淺著加恩免其降調留河州鎮總兵仍帶革職留任以示懲副將祝廷彪到漢中協任甫經三日在方柴關打仗時殿後衝殺嗣勦除瓦石坪叛匪超眾出力現另旨加恩賞給巴圖魯

名號此案約束不嚴之咎竟予免議蘇勒芳阿係滿洲大員勦賊不能獲勝前已降旨革職念其打仗時曾受箭傷後隨同勦捕瓦石坪賊匪亦有微勞著加恩賞給藍翎侍衛作為領隊大臣前往和闐換班朕申明軍紀權衡功罪一秉至公各營員應知感知奮平時訓練有方臨事克敵致果用副朕整飭戎行至意

十九日

公偕全保方維甸薛大烈奏言

等欽奉諭旨飭令將兵丁等應扣款項共有若干迅速查明核辦等因伏查兵丁出征由營起程借領行裝銀一次到軍營後准其

德壯果公年譜卷三二

三

借支衣履銀二次是爲例內如有多借卽係例外前次勦捕教匪日在深山老林奔馳跋涉嚴寒盛暑衣履穿破必須隨時添補且追賊緊急日行一百數十里無暇停留亦須隨地買食山內百物昂貴鹽糧實屬不敷此等情形迥非他處軍營可比又軍興已閱九年亦與從前征兵一二年凱旋三五月撤回者不同借支次數較多卽爲例外借項並非於例外供支他物所有兵借之項俱係將領等稟明帶兵大員出具鈐印各領在糧臺支領仍報明軍需局查核報銷時軍需局行查各該營俟本營覆到借領銀數相符然後在應領月餉內分別扣還有印領可據名冊可



憑糧員無從影射所有例內例外借項實係兵丁所領委  
無絲毫浮冒去年六月內臣方維甸曾查明陝省兵丁借  
領銀數將例內者咨明戶部奏蒙

皇上恩免十分之三各營兵丁同深欽感其例外借支銀兩前准  
部議均令不分限期扣還並令自行清理不准咨部立案  
是以未將例外借項咨部茲奉

諭旨飭將例內例外借支一併查明核辦行據藩司常明查明細  
數開報前來臣等覆加查核謹將陝省西安滿營軍標三  
營撫標二營提標五營提屬之陝境各營延綏陝安甯陝  
三鎮標及所屬各營員兵丁節年借支例內例外銀數分

別已扣未扣截至上年十一月底止開列清單恭呈  
御覽伏候

皇上訓示至十一年勦辦甯陝叛匪官兵借支行裝銀兩係屬酌  
量減借俟行查各原營覆到方行起扣是以未經列入合  
併陳明

諭曰陝省官兵等從征有年借項累累上年方維甸查明例內應  
借各款咨部核辦時業經降旨免扣十分之三以示體卹此次  
該官兵等在甯陝及瓦石坪隨同勦捕叛匪迅速蒞功均屬出  
力所有陝省西安滿營軍標三營撫標二營提標五營提屬之  
陝境各營延綏陝安甯陝三鎮標及所屬各營歷年借支各款

無論例內例外著再加恩將兵丁借項寬免十分之三其官弁  
借項寬免十分之二俾伊等得項稍紓操防益加奮勉

同日公偕全保方維甸薛大烈又奏言竊查陝安鎮西鄉  
營係屬新添營分駐紫西鄉縣並分鍾家溝司工堰口等  
汛設有遊擊一員守備一員千總二員把總三員外委四  
員額外外委二員共馬步兵七百名因瓦石坪地方接

連巴山老林為山內通川要路與川省竹峪關相對竹峪  
關設有守備是以於西鄉營汛內分出守備一員千總一  
員經制外委一員額外外委一員馬步兵二百九十一名  
移駐瓦石坪仍歸西鄉營遊擊管轄該處距西鄉縣城較

遠距定遠廳城較近且定遠城內之漁渡營係屬舊時營  
制本伍之兵皆係陳兵莫若將瓦石坪分汛改歸漁渡營  
管轄使之新陳相間方可稽查鈐制其西鄉營汛現在額  
設遊擊一員千總一員把總三員經制外委三員額外外  
委一員馬步兵四百零九名其地尚在定遠之內似可無  
需多兵且該營新兵較多應撥把總一員兵一百名歸入

漁渡營祇移兵缺不移新兵遇有西鄉新兵出缺陸續於  
漁渡營陳兵子弟內挑補由地方官結報並將西鄉營遊  
擊改為漁渡營遊擊移駐定遠兼轄瓦石坪分汛其漁渡  
營都司即請改駐西鄉均照例換鑄關防以昭信守如此



一轉移間官員兵丁無庸增添衙署亦無庸另建而邊界要地陳兵較多新兵較少實於控制巡防均有裨益奏入上從之

二十二日

公偕全保方維甸薛大烈奏言現在南山漢南地方俱已甯謐所有調派各兵及留防固原征兵俱即撤回原營惟查漢中係扼要之地此時軍務已竣臣德楞泰即須赴川查閱營伍臣全保方維甸亦於拜摺後均須回省辦事臣薛大烈自應在漢中略駐月餘再行赴任漢中存城兵數較少且多新兵茲當叛匪屢次滋事人心甫定之後自應

德壯果公年譜卷三十一

三十一

加以鎮撫擬將征兵內漢鳳略陽甯羌陽平四營陳兵共六百名給予鹽糧暫留漢中以資彈壓俟過麥收之時撤回原營至山內地方到處皆有游匪必應認真查緝臣等曾於上年十二月內奏明派令山內營汛兵丁分撥查緝茲於甯陝陝安漢中協營挑兵一千五百名搜緝匪徒各兵應支分例未便仍給鹽糧應請照從前戶部議准本省會哨兵丁之例每兵每日給鹽菜銀三分本色口糧一分所有本營口糧卽於存貯軍糧內動支仍照向例每月以二十日爲率不得滿月支給一半年後再行停止再上年勦辦甯陝叛匪征兵借領行裝係照定例酌減應支鹽菜

係照勦兵分例支給在案嗣經定匪徒滋事臣等奏調滿營軍標官兵赴川勦賊當經查照定例在藩庫請領俸賞並借領行裝行至中途撤回其餘各營征兵尙未起程並未借領此次瓦石坪叛匪滋事臣等復奏派西安軍標官兵因甫借行裝卽未經再借其固原兵丁起程時有借銀

三兩亦有二兩者漢南甯陝鎮並留防官兵各借銀三兩較之例內應借行裝尙不及半此次賊事迅速軍標固原各兵均於中途撤回其趕到軍營者係西安滿營兵三十六名漢南各營兵七百名漢中協兵並漢中留防兵九百名西鄉漁渡營兵一百五十名甯陝鎮兵一千名並羅思

德壯果公年譜卷三十一

三十一

舉所帶川兵四百名均在老林趕勦賊匪奮勇出力所有該兵等此次陝省借銀九千二百七十餘兩川省借銀一千二百兩可否免扣之處出自

聖主逾格鴻慈其未到軍營之西安滿營軍標固原各兵所借行裝未便一律請免但各兵從前借項尙多應懇

皇上天恩俟該兵等舊項扣完之後再行起扣以紓兵力

諭曰陝省南山漢南地方現在俱已甯謐漢中係扼要之區當此叛匪甫定之後不可不留兵彈壓著照所請卽將征兵內漢鳳略陽甯羌陽平四營陳兵六百名給予鹽糧暫留漢中派薛大烈在彼駐劄統領俟過麥收之時察看情形再行酌撤至山內



游匪尙多德楞泰等請挑兵一千五百名分投搜緝自應如此辦理應支分例著准照本省會哨所有兵丁之例支給俟緝捕游匪事竣即可酌量停止

又

諭曰瓦石坪叛匪滋事經德楞泰等調派西安漢南漢中西鄉甯陝滿漢營兵並羅思舉帶領川兵會合剿捕迅速成功實屬奮勇出力所有該兵等陝省借領銀九千二百七十餘兩川省借領銀一千二百兩均著加恩免其坐扣其業經征調未到軍營之西安滿營軍標固原各兵所借行裝銀兩並著加恩俟該兵等舊項扣完之後再行起扣以紓兵力

德莊果公年譜卷三十二

三

五月十七日

公借勒保奏言 等欽奉

諭旨飭令將兵丁應扣款項共有若干迅速查核即開單覆奏等因茲 德楞泰因查閱行伍到川同 勒保悉心查核官兵等例內借支者有俸賞行裝及借支行裝並糧臺借支三款統計平苗及協勒湖北教匪並勦辦達州教匪三案除已扣外尙有借支未扣銀十七萬三千九百餘兩 勒保曾於上年正月內開單奏

聞在案此外尙有上年派赴臺灣甯陝等案內借支銀八萬七千五百餘兩又查出嘉慶七八九等年馬邊越嶺辦理夷務

案內借支銀二千六百餘兩二共借支未扣銀二十六萬四千一百餘兩除前奉

恩旨寬免三成及嘉慶十一年二月以後續扣續繳並例應請免者共銀十萬四百餘兩外現在通共尙有未扣銀十六萬三千七百餘兩其例外借支者除全不合例及重支借墊銀二萬四千餘兩應令按限照數扣還無庸開列外其置辦衣履器械等項通共借支銀八萬三百餘兩已扣過銀三千七百餘兩尙有未扣銀七萬六千五百餘兩亦應在各兵名下扣還因例不開銷是以 上年勒保未經列入單內惟查川省兵丁自奉派出師臺灣巴勒布廓爾喀苗

德莊果公年譜卷三十二

三

疆以至勦辦賊匪前後幾及二十年之久歷年復有馬邊越嶺臺灣甯陝節次調遣每奉征調一次即有一次借支前欠尙未扣清後欠又須起扣雖蒙

皇上恩施疊沛既寬其年限復減免三成已屬至優極渥無如各兵例餉無多扣項過重其苦累情形實屬不免相應繕寫清單奏呈

御覽伏候

訓示

諭曰川省官兵借支未扣銀兩著再加恩查照陝省之例無論例內例外官弁寬免十分之二兵丁寬免十分之三以示體卹



十二月軍政屆期

諭曰陝省地方現俱安輯德楞泰革職留任處分著即開復

十三年戊辰

公六十四歲

八月公奉

旨查閱四川營伍事竣回陝旋以病陳請暫緩年班

陛見

上允之

十四年己巳

公六十五歲

德壯果公年譜卷三十一

正月公舊病增劇

上命公子蘇崇阿偕御醫馳赴西安看視並

親解佩囊及

內府藥丸

賜之

初三日

諭曰德楞泰於賊匪肆擾之際帶領將士一鼓殲除生擒著名首

逆俾川西數十萬生靈免遭蹂躪厥功尤偉迨蒞事酬庸彼時

朕意即欲將伊與額爾登保加封公爵懋獎殊勳特以勦除內

地亂民究非平定外域掃穴犁庭可比是以晉封一等侯日前

因德楞泰體氣虛弱恐發舊疾曾諭令撫臣常往看視今聞其  
痰喘時作深為廬念著加恩晉封為三等繼勇公本身承襲准  
再襲二十四次

三月初九日卯時公壽終於西安將軍署中正寢陝西巡

撫方維甸馳奏十六日奉

上諭西安將軍三等公德楞泰秉志公忠素諳輜略宜勞闕外懋

著聲威前於平定苗疆以後續經派令勦辦三省邪匪身先士

卒所向有功百戰辛勤備嘗艱險而潼河之捷當賊匪肆擾之

際一鼓掃除保全川西數十萬生靈勳績尤偉前經賞封一等

侯爵晉加官保並賜雙眼花翎紫帽本年正月間據方維甸奏

德壯果公年譜卷三十一

到德楞泰患病情形朕眷念蓋臣篤施恩眷特晉封為三等繼

勇公派伊子乾清門侍衛蘇崇阿馳驛前赴西安看視在彼侍

奉親解佩囊以賜並頒賞內府丸藥冀伊欣奉恩綸早就痊可

兩月以來據奏調理較前稍愈乃本日據方維甸奏報德楞泰

氣血久虧交三月後病勢日見沉重竟於初九日溘逝現已妥

為照料令伊子蘇崇阿扶柩起程等語覽奏深為震悼著派乾

清門侍衛內閣學士玉福馳驛迎至途中奠醊仍著步軍統領

衙門探明德楞泰靈柩將至京師時先於過西頂一二里外搭

蓋棚座暫為安置屆時朕親臨賜奠後再令入城治喪並賞給

廣儲司庫銀五千兩俾伊家經理喪事伊子蘇崇阿本應襲封



公爵但從前額爾登保病故後伊子謨爾蘇額係襲封侯爵德楞額雖有軍功究在額爾登保之次蘇崇阿侯百日孝滿著襲封一等侯爵不必待至年終查辦所有德楞額應得三等公爵卹典著該部察例具奏其在內降革處分悉予開復以示朕軫念前勞恩施罔斁至意欽此

禮部議奏請諡

賜諡壯果

四月

諭曰從前川陝楚三省教匪滋事額爾登保與德楞額奉命出師其時額爾登保職司經略統攝全機屢著宏猷厥功甚偉是以

德世果公年譜卷三十一

聖

於京城建設專祠用昭崇祀德楞額奉身為參贊督勵戎行執誠擒渠戰功屢著而潼河一役於賊匪肆擾之際不避鋒鏑一鼓殲除生獲著名首惡保障川西數十萬生靈免遭蹂躪此其勳績之最著者至今川省士民猶為感頌德楞額雖功在額爾登保之次而蜀中賴其保全自當於該處省垣建立祠宇以妥忠魂著勒保相度地基鳩工營造俾百姓中知感者得慰其瞻慕之忱卽或有不肖之徒震懾威靈亦可望而斂戢

是月公柩至西頂

上親臨奠醊

命入祀昭忠祠并

御製詩悼之恭錄

御製詩

將星隕落報秦郵襄鄂繼亡挽不留日下共推雙俊傑川中益著大謨猷至今三省無遺孽憶昔八年未解憂賜奠靈前和淚滴入祠晉爵舊勳酬

恭錄

諭祭文

維嘉慶十四年歲次己巳 月朔越 日

皇帝遣官

諭祭於太子太保內大臣西安將軍三等繼勇公諡壯果德楞額

德世果公年譜卷三十一

聖

之靈曰功高敵愾實資貔虎之臣典渥衷忠不數麒麟之閣銘太常而紀錄威聲早肅於前茅緬上將之登壇勳望允伸於大樹忽傷凋謝彌惜愍遺誕賁恩綸用頒奠斝爾德楞額奮身什伍銳意鎗鈴始列校以掄才迭膺器使旋總戎之受命勉效馳驅當頑苗不靖之年隸麾下而先登有賞嗣邪匪肆行之日冠軍鋒而轉戰無前克勵精誠助成戡定維昔潼河之役尤嘉保障之功靜掃風塵合川陝楚而歡騰安堵飛馳露布超伯子男而寵錫信圭宮秩分榮禁廷宿衛戎部號中樞之地式贊謀謨文階列方略之編俾詳摩畫迨甯陝新兵之假擾實朝廷大夏所必施遽許投戈雖未宣威於柵鼓終令專閫猶將收效於桑



榆未疾俄嬰軫懷倍篤題封藥裏解賜荷囊命趨子職以承歡  
詔益公封而示眷倏披封事遽失勞臣當五夜之星沈感一軍  
而雨泣恩隆卹舊典茂飾終庀喪頒內府之金賜醴夙近郊之  
駕專祠特建懷底定於三巴秩祀常昭獎蓋誠於七字於戲聽  
鼓聲而思將帥抒忠既竭爾股肱盟帶礪以示子孫緇吉更潔  
茲芬苾靈如不昧庶克歆承

恭錄

諭碑文

朕惟龍韜展略湛恩用錫夫桓圭麟閣旌忠遺烈允垂於汗簡  
擬定著前茅之績褒崇懷大樹之勳載煥豐碑用光奕葉爾德

德壯果公年譜卷三十二

聖

楞泰系承閩閩才裕干城溯筮仕於

先朝早策名於分閩自頑苗豕突率什伍而奮勇先登洎邪匪鳴  
張言雪霜而勒殫搜捕參全軍之籌畫握勝算以馳驅終始一  
心崎嶇百戰稍遲露版馮異垂翅於回谿卒掃星槍諸葛擒渠  
於蠻洞威先壁壘氛息嚴疆首標益部之功尤偉潼河之捷作  
西南之保障活億萬之生靈凱奏歡騰合蜀秦楚而狼煙永靖  
侯封寵錫由伯子男而虎節重頒揚翠羽之峩冠控紫輻而照  
路遂分榮於宮秩旋宿衛於禁廷方略成書並藉籌邊之筆中  
樞贊政適當振旅之年迨夢絲偶起於新兵而重鎮仍資於宿  
將牙旗直指眾盡投戈玉帳崇開民皆安堵置勤劬之備至何

疾疢之俄嬰表殊眷而親解佩囊冀速痊而遞封藥裏承歡子

舍俾伸烏哺之私晉秩公銜益厚騰揚之報遠聞溢逝彌軫盡

誠頒內帑以治喪遣近臣而賜醇芬苾茂酬庸之典郊奠親臨

馨香揚戢暴之威蜀祠特建攷易名之故事獎敵愾之成勞撮

其生平諡曰壯果於戲傳分茅土守彝鼎而世荷龍光氣鎮河

山賁絲綸而永輝馬鬣欽茲休命勛爾後昆

十五年四月十八日午時葬於昌平州屬之白各莊

子蘇崇阿一品廢生

乾清門侍衛上駟院奉宸苑武備院卿

內閣學士兼禮部侍郎理藩院左右侍郎護軍統領副都統

德壯果公年譜卷三十二

聖

成都副都統

盛京副都統署黑龍江將軍卒於將軍任

道光九年十二月十七日

諭曰蘇崇阿病故將伊長子倭什訥仍承襲一等繼勇侯

孫倭什訥一品廢生散秩大臣兵部禮部侍郎

經筵講官後官至杭州將軍卒於任次孫花沙納道光壬辰

恩科進士翰林院編修現官

經筵講官吏部尚書鑲藍旗漢軍都統曾孫希元襲一等繼

勇侯次希賢監生均倭什訥出希凱二品廢生現官兵部

員外郎花沙納出元孫世芬希凱出



咸豐二年十二月十四日

諭曰倭什訥病故將伊長子希元仍承襲一等繼勇侯

德壯果年譜卷三十二

聖

軼事

朝廷書大家庭誌小遺舊所述足示方來因於

方略

史傳及夙存

奏藁家飛行狀外隨記積錄別著斯篇

乾隆五十三年臺灣客民林爽文等聚眾亂

上命將軍福康安參贊海蘭察往征之公時以健銳營藍翎長從

至海濱風逆不得渡已數月而

詔屢促行福公奏言不日即可抵臺灣實駐師於舟而未揚帆也

俄有春君報曰聞寇且降行越海來矣福公方進食推案

德壯果年譜卷三十二

吳

大怒曰吾奉

命討賊未進師而賊已降其虛與實將何以對

朝廷顧春君言此事必探明君其宜往春君知是役之多凶

少吉也因婉以公薦曰是誠勇而有謀勝此任無如德某

者將軍喜甚遂趣公行公時方病瘧寒熱日數作又值海

水盛漲風濤接天番船絕迹往來舟子漁人皆遠遁避兵

合軍盡為公危公乃奉令卽慷慨行曰大丈夫當立功異

域諸葛忠武五月渡瀘深入不毛馬伏波征五溪卽飛寫

亦跼跼墮水中此正吾效命之秋也海公壯之因命其義

勇之僕某從行比登舟榜人皆逃匿公乃搜瀕海老弱居

一第 丁下 冊 賣 參 四 庫 全 書 第 4 卷 三 十 一



民得二百以充榜人舟輕不得平實以火藥及解維泛泛若浮杯然而烈日燥空煙波無際遠近不見一帆檣影俄得風挂席瞬息風止黃雲又起島中作金沙色榜人驚曰颶風至矣可奈何急卸帆下三椗椗以鐵力木爲之大如屋梁巨艦有三欲泊則下之以注水底已而颶風果大作晦冥如瞽目不見掌駭浪驚潏搖撼如簸頃有商船二相附一舟跽請哀號慘無生理公與某僕在舟中掀動不得坐且值瘧病甫止暈而嘔吐水盡碧亦自念無生理與某僕強起易新棉服爲葬魚腹計替亂之中因極假寐未數刻醒覺舟不動驚詫瞻望開而篷窗之外已萬里一碧明

德壯果公年譜卷三二

三

月流天矣於是羣起相賀曰微大人福吾輩久已魚鼈蓋是時旁附二船已早不知存沒也起椗欲行見已爲風浪拔其二惟其一不動二百人羣力振之不起中有老者止之曰二椗已拔此一椗也勢愈單而仍不動者必有神物銜之以護福人耳不必一椗之愛遂舍之數日至臺灣詢問賊情並無欲降意而公竟以冒險徒行矣然公之忠勇亦由此見推上下遠近云

公在臺灣時將軍以次必異禮之所陳之謀亦無不聽一夕宿帳中兵備道某遣人餽酒二甕公辭之使者往來數四皆不得命次日見將軍語次忽問曰昨有人餽君物乎

曰有之收乎曰未收何卻也曰彼餽以酒吾不飲故卻之問見之乎曰吾不受何見之爲將軍笑曰非酒也命昇之來啟視之白鏃充然將軍歎曰君誠廉潔人也彼所餽者吾使以試之耳竟不受誠可嘉乃命左右出綵繪數事贈之以彰清白云

川賊冉添元奸黠趨健冠諸賊善用伏陷官軍曾敗經略兵於蒼溪號令羣賊橫行川東川北川西蹂躪數十州縣馬蹶岡之役賊眾紛互數山伏擒人於岡後我兵四路進攻賽沖阿等攻包家溝阿哈保等攻火石壩溫春等攻龍子觀公督大隊直趨馬蹶岡已過賊伏數重始覺伏伏起

德壯果公年譜卷三二

三

八路來迎棄馬步戰人持束竹溼絮以禦矢銃鏖戰三晝夜鼓聲震地煙塵漲天賊兵多更番休息我兵飢疲甚各路皆敗守備楊春和戰死公乃下馬率親兵數十據山嶺示必死冉添元督眾登山直取參贊銃子所至公帽沿前後洞四穴擊胡牀足錚錚有聲眾色如土公安坐不少動左右欲蔽公公叱去之已復上馬單騎大呼馳衝賊陣中堅將士益奮鼓譟從冉添元馬跌下澗蘇爾森射而擒之驗其右手果有箭傷至是賊瓦解我山後鄉勇亦至乘勝逐北二十里飲羽怒追獲偽總兵解其順職旗手唐士林探馬頭蘇如富劉文富等數百人初將戰添元謂其黨曰



官兵在川者惟德某可畏且日戰退一步者斬我不擒德某彼必擒我至是與官軍五日四戰誓致死無敢退賴公鼓勇血戰破之爲賊起以來戰功最

詔晉封三等子公居常每日主帥者三軍之主宰也譬如四支百體受命於心心動而身能受職者鮮矣是戰如此誠爲不負亦以轉敗爲勝萬死一生兼有天幸也故保全川西蜀人談之至今尙有生氣惜三省方略原疏中竟掩其前半陷伏危急之形與再添元鋒銳洶洶之勢但稱遇賊接戰擒獲渠魁其意蓋欲飾爲全勝不知盡失機宜反晦勞烈也當日司奏記者才識未至公後充

德壯果公年譜卷三十二

方略總裁官亦未便陳改故論者謂陳琳徐涓幕府中固不可少其人也

先是賊渡嘉陵江而未至馬蹶岡也裏脅日眾遂由劍州之元山場向彭明江油而竄接應甘肅之賊公由廣元疾馳出江油之重華堰箐林口據龍安要路賊黨攻破烏龍寨游擊馬元德阜和把總陳啟珠戰死民請救兵至卽敗之五路賊眾俱集白家壩屯連九山約十數萬公誓眾曰賊勢方盛不挫其鋒西川危矣期今日戰敢退者斬吾亦不復反顧及戰賊張甚公曰不足破也惟銃矢須持滿賊近乃發馳之眾共奮有蟒袍草帽戴花翎賊首二分頭督

戰我兵馬隊擊其一縛之一中箭退復有花翎賊目中銃落馬卽曳去乘勢轉戰至新店子賊伏起賽沖阿溫春等俱被圍公大呼直入所向無敵圍乃解蓋生擒者線號陳得俸中銃者添元之弟添恆號四元帥箭傷者卽添元俱渡江五路著名首逆也賊敗去棄大礮於池中民趙廷文稟報撈獲西川之無恙全賴此戰

德壯果公年譜卷三十二

公威名著三省賊目之曰德不怕所用皆黑旗賊見旗號卽披靡我兵反不得擊一日與同好明公亮互易旗以試賊賊見明公旗果輕之與戰大挫旣而明公亦假公旗賊卻走熟視部伍有不同遂反戈相向而明公方奔馳不暇

矣後總督勒公因安縣喬莊之潰令提督七十五率桂涌等擊賊於黑河亦用公旗賊一見驚爲馬蹶岡勝兵又至卽奔我兵力追擒斬過半餘賊向甘肅文縣而逸公家居不談戎馬休沐之暇輒聚家人講倫常究日用大旨不離乎道德者近是娓娓不倦旣暮命散去明日復然至今老婢舊僕猶能述之云

公征川楚時一日追寇遠芻糧有不繼士卒飢疲竟不能行搜行囊僅得乾麩一束左右以充公饑公歛歔不食黝然曰我兵飢吾安能獨食縱能具此食吾何能下咽乎竟不食其與士卒共甘苦如此宜其感泣奮興隨處效死弗



去也

飢人飽食每致傷生公深明其故當眾兵久飢極困時忽報糗糧至麪烙棋子公令人與一枚食之徧然後再與一枚全活無算飢困而不爲之亂其有所亂者鮮矣

公嘗患足疾不能行時軍事方嚴籌畫勞苦賊首不獲

朝廷時有

旨切責之公焦灼萬分偶熟睡見一白鬚老人謂之曰賊首已獲公胡高卧帳中也公曰吾足疾未能動履耳老人曰公疾即愈無過憂公醒始知爲夢翌然而起帳外亦報曰賊首獲矣公不覺出視諸將隨卽稱賀公接見如平時咸驚問

德壯果公年譜卷三二

三

公疾甚何以速瘳如此公以實告眾皆以爲忠義得神明之助後行山中過土地祠內有塑像白鬚飄然宛似夢中所見者

公凡勝賊臨陣所俘獲雖戰罷疲極必爲細心交訊未肯妄殺一人故每次率脫良民以千百數其有婦女被擄者則別爲一所起卧一夕女伴中有七人產兒眾惡之以爲軍家厭欲並殺公曰天地生人此祥也命老軍以銀米早爲護送使其一家完聚藉以撫育後數年凱旋過其地士民各具酒肉遮道迎有羣姬攜幼子數人泣拜馬前曰此子皆軍中所生公之賜也否則母子俱無矣公慰勞而遣

之

公至蜀中士民築高臺請公登而去其梯公問故曰萬民感戴欲圖公形以供奉恐公急去留之耳旋有畫工具紙墨丹青長跪摹寫畢乃設原梯請下其爲民仰慕敬重如此

馬蹶岡之捷餘賊散逃有零匪近千人竄入遂甯縣境縣令檄鄉團入衛城德盛寨首雷時行老儒也派勇五百名令武生某率其半先行而自領餘勇續進至沙溝先行者猝遇賊全軍覆沒武生罵賊不屈至剗其陰塞口以死時行後隊至所豎旗有德盛寨字且早色賊一見驚呼曰參

德壯果公年譜卷三二

三

贊大兵又至矣遂狂奔以是振旅入城不損一人旋寨時方以縣令所餉牛酒花紅示得意而死事之二百餘家父覓其子妻索其夫皆向時行哭且罵老儒情急不知所對但憤擲其旗曰此德公誤我也

公少年困阨二十餘尚爲前鋒不得官一日前鋒校入選擬正又失意自恨命中無祿欲自剗忽有道士從後批其頰曰汝欲何爲天下大事待汝者多矣何不自愛惜如此公乃驚悟然究不知道士爲何人也  
公撫士卒甚慈惠軍中有疾病痛楚者必嘗親視醫藥時訊問傷亡必痛哭流涕出於至誠曰吾之不善致陷汝等



於危地也故人以是感奮莫不用命

公天分過人幼時即多智略善言辭里中有詬誶或大不平諸事咸曰此非某來不能排難解紛也公至果不數言即各得而去

川中有公生祠六七處獨灌縣未另修祠聞當日士民因公軍行甚迫不及待遂就李二郎祠肖公像與神同龕亦佳話也其省城北門外之歡喜庵一祠壯麗崇闕為公歿後勒公保奉

勒所建先君官成都副都統時每歲時辰謁鄉民攜雞酒香火來祠供獻絡繹不絕庭前豐碑屹立其縱負幼孩而至者並

德壯具公年譜卷三十一

對碑焚獻令幼孩以首觸鼻願叩頭問之皆曰欲藉公威靈壓除關煞也其為民所敬重如此

附錄

謹案公英風偉烈載在

國史及

純

睿兩朝平定內外諸方略可謂帶礪銘勳旌常著績即詠歌所及華表為榮亦無出

御製煌煌各巨篇然業垂斯世直在人心五十年來或冠裳管接或戰地重經或誦讀典懷傾服感慕學士大夫有不禁淋漓濡筆者我

朝

德壯具公年譜卷三十一

稽古右文嘉道之交名世大家尤輩出乃就卓有才識不作酬獻

揄揚錄四章附於卷末亦以干城禦侮有南仲方叔而作詩雅者初不聞

上下遠近也四章蓋於阮文達公學經室陶文毅公印心石屋朱

伯韓侍御來鶴山房魏默深刺史古微堂諸專集各取一

首云

萬樹園

賜宴時蒙古王公及回部越南貢使皆列坐參贊侯德楞泰亦凱

旋紀

恩一首

儀役阮元



灤山秋霽

御筵開上將初銜飲至杯東走名駒大宛到北飛馴雉越裝來魚  
龍戲畢諸藩拜薇芑詩成二雅材何幸使臣歸述職得叨  
恩命共趨陪

梓潼過德將軍

楞泰

戰蹟碑作歌

有序安化陶

謝雲汀

嘉慶庚申春教匪再添元偷渡嘉陵江撥及劍州梓潼

一帶川西大震將軍輕騎追及擒斬略盡土人感之立  
是碑也

妖星夜向西川地長蛇吮人血流赭赫然一震迅雷電將  
軍旗鼓從天下憶昔么麼煽亂初祭酒鬼卒號烏鳥始由

德壯果公年譜卷三二

三

襄鄖及唐鄧遂渡漢沔穿夔巫數千里內肆蹂躪勢若火

燎秋原枯卓哉將軍好身手長嘯欲激龍泉吼健銳固是  
飲飛英叱咤曾令逆苗走有

詔將軍兵最精指揮更作巴西行西行幾載冒鋒鏑瀾緣崖事

搜剔霜刀不放鯨鯢逃晴空屢見鷹隼擊

將軍前後斬獲  
賊姚之富齊

遂得傳參襲令

將軍前後斬獲  
賊姚之富齊

人可耕移兵北向趨階成誰知晝伏夜復動窮穴突出颯

與鼙將軍聞之捲甲返疾馳颯若風雨聲是時羣賊正竄  
起我軍新敗鼓聲死

總兵朱射斗戰沒於蓬溪  
參將以下死者十餘員 欽鴉得意

毛羽張投鞭欲斷涪江水士女倉黃如亂麻衣旣足哭

不止將軍下令整且嚴持滿勿發視吾矢餓鴟忽叫箭滿

眼十萬賊人同草靡

賊合黃號徐萬富青號汪瀛綠號陳  
壯士持滿俟賊近乃發萬箭齊出遂擒

陳得俸殲再添恆再添元帶箭而逃窮追五日四接戰

手斬鴟狐戮封豕

賊自武連驛奔江油五日四戰射獲再  
添元及楊正明陳國祥鮮其順等再添

元善用埋伏為眾所推輕騎進解四寨閉歡聲上沸天雲

委

白號賊張子聰雷世旺等渡潼河焚太和場追躡大破  
為賊所攻哭聲震地大軍至賊驚

通圍解難民萬餘詣營叩頭而去潼河兩岸遂肅清

中大發殲溺殆盡自是賊不敢西渡望見將軍輜輶走避

廟祀之重脫刀兵事耘耔嗚呼此戰何可無稍緩須臾

德壯果公年譜卷三二

三

危矣祇今事隔十年來陰雨猶聞鬼夜哀山坡往往拾遺

鏃斑爛血色凝蒼苔豐碑屹岫當道路惜無文字鐫崔嵬  
碑上僅刻將軍官階

如公自是頗牧儔卻憶潢池誰召變

教匪初起建白旗幾  
以官逼民反為辭

人善學孫吳書不如且讀循良傳

新饒歌

四十九章錄一  
臨桂朱琦伯韓

靖川楚

曩歲賊起長陽逼襄鄖煽動巴東楚豫何紛紛其時分路  
進剿專責勒保惠齡暨宜縣先後調直省兵及禁旅索倫

糜帑三千餘萬曾未奏厥勳



睿皇帝四年始親政逮大學士坤責以欺罔專擅籍其門自今將

佐敢有玩兵養寇復通賄賂者其視坤二 迺詔百姓生

長太平豈知有兵半緣胥吏煎迫四散而忿爭朕日夜思

之恆痛心讞囚姑緩刑特獎良吏趙華與劉清三 新兵

毋再增客兵無輕調官兵屢決戰士兵為嚮導凡爾鄉勇

其有挺身殺賊及陷賊死者大吏悉以告四

皇帝曰功之不蒞由任將非人爾參贊德楞泰累戰常冠軍爾都

統明亮持重能拊循爾登保鏢亮忠勤為諸將先賊

憚其威其授為經略大臣五 於時麾下之士口羅四曰

楊春遇若龍之蹲若龍之翼幕府之傑曰景曰嚴如之佐

蜀帥一控峭函六 爰議川以東參贊扼之川以西將軍

遇之餘匪入老林卒禽獮而薙滅之七 七年十二月飛

章告捷

皇帝迺下明詔宣布中外頒爵元功暨諸將士以次各晉秩普免

天下租賦民大悅八

讀

國史列傳君不見十六章將臣六章相臣五章

督撫臣五章錄一 邵陽魏源跋深

威勇侯額爾登保繼勇侯德楞泰

君不見猊猱楚蜀妖氛惡節制如山額經略血戰西川斬

京觀望旗爭避德參贊百戰天生戡難材賊平身死屯雲  
雷東海長鯨作人立神弩射潮安在哉  
廟堂此日思鼙鼓時危慘澹天風來

德杜果公年譜卷三十一

哭



右年譜三十二卷皆集當日奏疏與所奉

綸言編次而成

公未弱冠起列校至封崇五等蓋終其身任在兵間某年日經某地歷某事具載

欽定各方略薈萃聯貫瞭於掌紋行述無其詳也故體例與古人年譜異歲丙辰

公孫松岑家宰延聖授兩姪讀芸窗畫靜館課多閒適出原纂商訂聖恭閱一過見本末完備敘次釐然惟採取書目至二千卷有奇雖歷鄂方諸君之助定而不能全載以往開有舛漏勢無從按籍稽因重為鱗比檢尋證以軍中自

跋

存奏藁旁及魏氏源聖武記阿文成公桂年譜諸書與冢宰往復討論又增六萬餘言複者刪之謬者正之殺青甫就隨付剞劂凡十五閱月而成編竊維

公天生偉人為

國戡亂其勳勞銘帶礪其德澤在人心冢宰讀名將鑿楹之書箕裘丕振是篇所著允足昭積慶而表先芬獨三省之亂逾十年

公一人實始終之而在蜀為最久功被生民亦於我蜀為最大幸藉翰墨微緣譜褒鄂事業焚膏繼晷矻矻窮年亦庶酬遺澤之萬一也方今粵匪跳梁軍興數載尙煩

德壯果公年譜跋

宵旰蓋鼓鼙思將帥每飯在鉅鹿矣讀是譜攬轡澄清亦有感發而興起者乎方有淋漓濡筆以待平淮之碑者不惟下士之傾慕已也

咸豐七年丁巳小陽月蜀東王正璽謹跋於懷芬館寓

跋